

L6n
2228



1999




ՔԱՌԱՍՆՈՐԴԱԿԱՆՔ

ԿԱՄ

ՀԱՏԸՆՏԻՐ ՔԱՐՈԶՔ





ՔԱՌԱՍՆՈՐԴԱԿԱՆՔ


ԿԱՄ

ՀԱՏԸՆՏԻՐ ՔԱՐՈԶՔ

ԹԱՐԳՄԱՆԱԲԱՐ ՅՕՐԻՆԵԱԼՔ

Ի Հ. ԵՂԻԱՅ ՎԱՐԴԱՊԵՏԷ ԹՈՄԱՃԱՆ

Ի ՄԻԹԱՐԵԱՆ ՈՒԽՏԷՆ



ՏՊԵԳՐԵԱԼ

Ի ՎԵՆԵՏԻԿ Ի ՎԱՆՍ Ս. ՎԱԶԱՐՈՒ

ՅԱՄԻ 1852 ՌՅԱ



ՅԻՇ, ԸՏԸԿ

ՄԸԳ, Ը Ք Ե ԸՆ

ՏՈՒՄԻՆ



4 2228-60

28 2232

ՅԵՌԵՂԵՐԵՆ

Օր 'ի բազում ժամանակաց բազում անդամ խնդրեցին մերազնեայք, գիրս իմն լիակատար քարոզից, ահաւասիկ ըստ յաջողել ժամանակիս ընծայեմք նոցա 'ի լրումն կարեւորագունին 'ի պարտա պաշտամանն Սէխտիս, 'ի մեծաշահ փարթամութիւնն հոգւոց հաւատացելոց, և 'ի զօրավիզն՝ փոքու երկասիրութեամբս՝ վարդապետութեան բեմբասաց քարոզչաց ազգիս, որ միանգամատուածայնովն վառեցցին նախանձու, զոգի քրիստոնէութեան և զիմաստութիւնն զաւետարանին արծարծել 'ի հովացեալ ժամանակիս :

Հովացեալ յորս ըստ հոգւոյն են բարեմասնութիւնք, վառեալ զօրով յայն ամենայն՝ 'ի կենցաղօգուտս և 'ի կարեւորս քաղաքի և ընկերութեան : Վանգի և դպրութիւնք լաւ են և գեղեցիկք և պիտանիք՝ դիմակ դիմակ գիտութեանց, արուեստից, բանասիրութեանց, լեզուագիտութեանց, յորս բորբոքեալ է դարս մեր յընդհանուրս, յորս և գամքան զգամ՝ մեծապէս մերով խնդութեամբ՝ բարդաւաճել և մերն նկրտի ազդ : Այլ

են, ասեմ, այգորիկ և պատուականք, սակայն եթէ նոքօք հանդերձ պաշտօն առաջին՝ ըստ իրաւանց անդլանկութեանն՝ հարցի տիրական մասին, այն է՝ փոյթ բարգաւաճութեան հոգւոյն։ Քանզի որպէս վեհադոյնն այն և պարագլուխն քարոզչաց՝ աստուածայինն Սկէքերան միշտ ազդողաբանէր առ ժողովուրդն, «Եւ մենայն պատուականքն յաշխարհի առ հոգեկանօքն երազք են, ասէ, և ստուերք։ Եւ պէտք են քրիստոնէին՝ թէպէտ և ընդ մարմին կապեալ իցէ, հոգի լինել բոլորովին, և յաւիտենականին՝ առաւել քան զամենայն՝ պատկառ կալ. զի չեն ՚ի խաղոյ իրքս մեր»,։ Եւսա թէ ոչ ըստ տէրունեան պատգամին, «(Թէպէտ և զաշխարհայինն զամենայն շահեսցի որ, եթէ զանձն իւր կորուցէ, զինչ օգտիցի», մանաւանդ եթէ քանի՞ն տուժեսցի։


Ասան որոյ և մեք ընու զայս իմաստ աստուածային բղձի մերազնեայց պարտ համարեցաք։ Սակայն ունիւք և մեք ՚ի մասին յայտմիկ զընդդիմադրացն բանս։ Եթէ զհամառօտն տեսանեն նոքա հիւսուած քարոզի, երկայնագունից փափաքեն բանից. ապա եթէ երկայնիցն հանդիպեսցին, նոքա զկարճն յարգեն և գովեն։ Իսկ ապա մեք զմիջինն այտոցիկ տեսութեանց ընտրեալ, ընծայեսցուք քարոզս՝ ոչինչ երկայնաձիգս քան զպահանջեալ նիւթ բանին, զի ձանձրալի է. դարձեալ և ոչ զեղչեալս՝ անտես զբոլորութեամբ նիւթոյն արարեալ, զի և այն անգոսնելի է։ Եւ այս կանոն իբրու արգարադատ ինձ թուի և ողջունիւ համբուրելի մերազնեայց. որոց միշտ փափաքելի եղև մատեան ունել մի անգամ զիսակատար քարոզից յամենայն իսկ ՚ի նիւթս բարոյականին. իսկ յետ այնորիկ ապա ՚ի կամս աղատութեան թողեալ լիցի բեմբասաց քարոզին, զիւր քարոզսն ըստ հանգամանաց ժամանակին և տեղոյն և անձանցն պատշաճել. առնուլ որչափ և կամեսցին ՚ի քարոզից աստի, զեղչել և կամ յաւելուլ որչափ ինչ ՚ի շնորհաց հոգւոյն ազդեսցի նոքա ՚ի խօսել։

Ըրդ թէպէտ և նիւթ քարոզին բանն Մատուծոյ՝ մի է, սակայն և տարազ քարոզութեան զանազանեալ է ըստ ազգաց ազգաց քրիստոնէիցն ախորժակաց. ուստի և մերն՝ ըստ մերոյն յերկրեցաւ : Ըստ սակայն աստուածայինն ախորժակ աւետարանական սղւոյն մի է, և մի պարտի լինել յամենայն քարոզիչս ամենայն ազգաց քրիստոնէից : Քարոզիչ՝ որ քան զբանն Մատուծոյ՝ զանձն իւր քարոզեսցէ, որպէս աստուածայինն զգուշացոյց Պաւղոս, և որ նախ անձին քարոզիչ լեալ ոչ իցէ, և զհոգին Քրիստոսի ոչ ունիցի, և որ անարատ քաղաքաւարութեամբն զօծութիւն հոգւոյն սրբոյ՝ ի քարոզս իւր չիցէ ընկալեալ, և որ միայն սիրով փրկութեան ընկերին ոչ վառեսցի, մի ակնկալցի՝ թէպէտ և շատ ինչ ճարտարաբանեսցէ՝ պողաբերել ինչ մի ի ժողովրդդդէան. քանզի բանք լսի առանց վերոյգրելոցդ ոչինչ աղդեսցեն՝ ի սիրտ. և ի վեր քան զամենայն քարոզին վարք առաւել քարոզեսցեն քան զլեզուն :

Իսկ ընտրութիւն առաջիկայ քարոզիցն՝ զոր ընծայեմք, քաջիկ պատրաստեցան մերովսանն՝ ի քարոզից աստուածամերձից արանց և առաքելաշնորհ քարոզաց, որք ըստ սրբութեան վարուցն և ըստ անարատ քաղաքաւարութեան անձանց՝ նաև զայլոյն գիտացին կշռել դատել և հրահանգել. և ըստ աստուածիմաստ գիտութեան ի գիրս սուրբս և ի մատեանս հարց՝ ընտրութիւն յաջողեցան առնել ի մէջ աստուածային հոգւոյն, յորում միայն հաստատեալ կայ ոգի քրիստոնէութեանն և իմաստութիւն աւետարանին, և ի մէջ մարդկային և աշխարհային հոգւոյն, որ աղբիւրն է ամենայն միութեանց և ախտից քրիստոնէից. միանգամայն պատկառ կացեալ առաքելական պատուիրանին, եթէ “Ի՞նչ ճարտարութեամբ բանից, զի մի ընդունայն լիցի խաչն Քրիստոսի, . . . այլ և քաջապէս խորագիտութեամբ ըստ պիտոյս ունկնդրաց ժամանակին իւրեանց՝ պարագլուխ անձանց առեալ զսքանչելի Ռեբանն ոսկի՝

առաջնորդ առ հասարակ ՚ի քարոզս իւրեանց , նմին իսկ
 ճարտարաբանութեան վայելչապէս նմանողք եղէն աս-
 տուածայնոյն Պաւղոսի : Այն որ նաև ՚ի քարոզու-
 թեան անդ աւետարանին , զոր յիմարութիւն հեթա-
 նոսաց կոչեաց , լի է և պատարուն և անզուգական յա-
 րուեստին յայնմիկ . որպէս զի և ՚ի նմին իսկ ՚ի հերքել
 իւրում զճարտասանութիւն մարդկեղէն՝ ինքն վեհա-
 գոյնս ճարտարասանէ , և ՚ի վանել անդ իւրում զիմաս-
 տութիւն աշխարհիս , ինքն գերագոյնս իմաստնաբանէ :

Օպսորինակ ասլա պատրաստեալ զՔարոզգիրս՝
 նիւթ և պատճառք ոչ միայն յաւիտենիցն երջանկու-
 թեան , այլ և սատար և առիթ ժամանակէիցս բարո-
 ւութեան և խաղաղութեան , որ ՚ի քաղաքս , որ ՚ի
 գերդաստանս , որ ՚ի տունս քրիստոնէից , իբրու չէ բա-
 րի քաղաքացի , որ ոչն է բարի քրիստոնէայ . շատ ինչ
 փոխարինեալ համարիմք զանձինս ՚ի դուզնաքեայ վաս-
 տակս , եթէ առ հասարակ ՚ի մեզ տէրունեանս պողաբեր-
 ցի երանութիւն ՚ի գրոց աստի եթէ “) , քանի այնոցիկ ,
 որ զբանն Աստուծոյ լսէն և առնեն , , :



ԲԱՐՈՋ Ե.

ԲԱՐՈՋՈՒԹԻՒՆ ԲԱՆԻՆ ԱՍՏՈՒԾՈՅ

“Որ սերմանե, և որդին մարդոյ”, և “Սերմն,
բանն Աստուծոյ է”:

Արդոյ և կարևոր քան զամենայն բեմասացու-
թիւնս թուի ինձ այն որ զքարոզութենէ բանին Աս-
տուծոյ ճառիցէ: Օ ի եթէ այս քարոզ ցանգ չկայցէ
յակաստանի հանդերձ պտղաբերութեամբն, ընդու-
նայն այնուհետեւ այլ ամենայն քարոզքն եղիցին: Այլ
արդեօք հնար էր ձեզ ակնկալել այսօր, սիրելիք, լսել
ինչ մի յանկարծեւեացն, զոր ոմն յարդեաց համբա-
ւալ մատենադրաց զրեաց այսպէս, եթէ՝ “Այլ ինչ
յաշխարհի այլ առաւել անպիտան՝ քան զքարոզս:
Աստիկ, ասէ, յԱստուծոյ մինչև ի Սուլսէս չարա-
կատեցին քարոզք բանին, և ի Սուլսիսէ մինչև ի
Քրիստոս և ի Քրիստոսէ մինչև առ մեզ ծովացաւ
աւաղիկ Ակեղեցի ի բեմասացութիւնս, և աշխարհ
միշտ նոյն է և անյեղի ի չարիս: Աստեան մի օրի-
նաց զրեալ հանձարով՝ լաւ ևս էր, քան զամենայն
քարոզս, և կենցաղօգուտ ևս լինէր քան զամենայն
բեմասացութիւնս՝ ի վերանորոգել զընթացս աշ-
խարհի”:

Այլ աղէ, այր դու, եթէ հանապազօր քարոզու-
թեամբ մարդիկ ի չարութեան կան մնան, ո՞րք երբեք

երաշխաւորէր քեզ՝ եթէ չարագոյն ևս չլինէին, եթէ երբէք ինչ մի չէր քարոզեալ նոցա : II° բաւական իցէ ժխտել՝ եթէ քարոզք պողաբեր լեալ իցեն յաշխարհի, փոփոխութիւնս մեծամեծս հրաշագործելով՝ ի զանազան ազգս և ի թագաւորութիւնս՝ նաև յընդհանուրս տիեզերաց : I, և ոչ արդեօք վկայութիւնք կան մեզ անսուտք՝ քարոզութիւնք առաքելոցն սրբոց, և որ ինչ միանգամ հրաշալուրք յառաջին ի դարս եկեղեցւոյ Վերիտոսի : I, և ոչ երբէք մարթասցի անդիտանալ եթէ և այսօր քանիս ոչ պողաբերեն քարոզք արդասիս մեծամեծս, սանձելով զմարդիկ մի՛ ի վատթարսն յօրանալ, և դաստիարակելով զայր այր դառնալ ի չարութենէ՝ և նորոգել ի վարս բարեպաշտութեան : I, անց քարոզից քանիք ոմանք անդէտք և անտեղեակք մնասցեն հաւատոցն և պարսուց իւրեանց, և քանիք դարձեալ և ոչ զմտաւ անգամ ածցեն փութալ ի կատարումն նոցին : I, և այնպէս անխիղճ կեցեալք մինչև ի կէտ վախճանին՝ մեռանիցին յուսահատք անապաշխարք : I, և ոչ արդեօք իցէ որ և ի ձէնջ վկայել ինձ այսօր անկեղծութեամբ, եթէ թէպէտ և ի լրոյ անտի քարոզիցն ել և ինքն արտաքս յեկեղեցւոյն բազում անգամ ոչ ինչ լաւացեալ ի վարս, սաւայն և ել արտաքս գողցես միշտ իղձ ի սրտի ունելով ուղղել զանձն : III° ապաքէն և այս՝ եթէ կանուխ եթէ անազան՝ ի բարեաց մնաին և յարգասեաց քարոզին համարեացի մեզ :

II° ժխտեսցէ, տեսրք, եթէ պողաբերութիւնս աստուածաբար բանից նուազեալ յոյժ է այսօր քան ըզչափ յաճախութեան քարոզից և քան զչափ բազմութեան ունկնդրացն և քան զչափ քրտանց և փութոյ քարոզաց բանին . այլ այսր ամենայնի պատճառք՝ ոչ ապաքէն թերութիւն քարոզչին է և թերութիւն ունկնդրացն : V, անդի զիարդ մարթ իցէ՝ օրհնութեանն I, ստուծոյ արգասաւոր գործել զբերան քարոզչին, եթէ երբէք քարոզեսցէ նա առ ի հաճոյ և եթէ լինել մարդկան և առ ի շահ միայն զաւաղանապտոյցն իւրոյ : I, և սակայն և զայն զիտել արժան է զի և օրհնութիւն I, ստուծոյ ոչ երբէք արդիւնաբեր լիցի ի սիրտ ունկնդրացն որ յայլ ինչ պատճառս քան թէ ի

շահ հողոց եկեալ նստիցին 'ի լուր քարոզին : Բան , չեն ինձ կամք և չէ ինձ անկ , ⁶⁴) Նեւ յերկինս զբերան իմ , և զլեզուս ածել զերկրաւ , և դատակնիք 'ի վերայ կապել քարոզչաց ժամանակիս . քանզի և քաջիկ յայն հաստատեալ եմ եթէ քան զիս չիք որ 'ի քարոզչաց առաւել նշաւակ դատակնիքոյ և անձնանախատ դարձանաց արժանաւոր : Սակայն ոչ զանձնէ ինչ խօսել առաջի կայ ինձ , այլ առ ձեզ և զձէնջ . հրահանգ ըստ պաշտամանս 'ի ներքս բերել ձեզ և ցուցանել . եթէ զիմորդ պարտ իցէ ձեզ շահել 'ի լրոյ քարոզից , զի մի անպաղաքեր կամ թէ փնտարէր ևս կարգեացի ձեզ անզուգականս այս միջնորդ և պարզե՝ զոր եթող Բատուած յեկեղեցւոյ իւրում 'ի սատար յաւիտենա կան փրկութեան մերոյ :

Եւ արդ ասեմ , եթէ առ 'ի շահաբեր գործել զքարոզս , Բաւջին՝ պարտ է լսել զքարոզն սրտիւ : Երկրորդ անգամ՝ պարտ է զքարոզն մերձեցուցանել 'ի սիրտ : Բայ է ծայրալիր կատար քրիստոնէական հրահանգաց , և այս է ողջոյն խնստ առեւնաբանութեանս ինց առ ձեզ :

ՄԱՍՆ Ա.

Օ քառեակ ազգ սրտից , որ ունին դնեն աստուածային բանիցն , 'ի դէմն ածէ մեզ ինքնին տէրն 'ի դեղեցիկ յառակին իւրում որ զքառից տարբերութեանց դեմնոյն , որ 'ի ձեռաց սերմանացանին ընկալան իւրաքանչիւր զսերմն ցորենոյն . այս է՝ Սիրտ կանուխ զրաւեալ . Սիրտ խստացեալ . Սիրտ բազմազբազ և Սիրտ բարի , հլու և լի հաւատով :

Օ սիրտն առաջին օրինակէ յերկիր՝ որ առ ճանապարհաւ կոխան լինի յոտից անցաւորաց , ուր և բաց յանպաղաքեր մնալոյ սերմանն , չիք նորա և ոչ տեղի և վայր բուսանելոյ և աճելոյ : Օ երկրորդ սիրտն օրինակէ յերկիր ապառաժ , ուր այն ինչ բուսեալ բարւոյ սերմանն՝ ինքնին ցամաքի . քանզի առ 'ի չգոյէ թանձրութեան հողոյն և հիւթոյն՝ չմարթի արմատս 'ի խորս

տալ և տարածել : Օ երրորդ սիրտն առակէ յանդաստան փշաբեր և մոլախոտեալ . ուստի և այն ինչ բուսեալ սերմանն՝ հեղձանի 'ի փշոցն , և պտուղ ոչ տայ : Իսկ ապա վերջինն է երկիրն այն բարի և պարարտ , որ տայ 'ի ժամու զպտուղն բազմապատիկ : Եւ է , ասէ , սերմն « Բանն աստուծոյ » . և այս քառեակ ազգք երկրի են այլ և այլ սիրտք մարդկան՝ որք ընդունին զնա :

Հասեալ գան աւադիկ առ մեզ աստ ոմանք 'ի լուսեղ զբարոցն . այլ կանուխ հաստատեալ ունին 'ի միտս եթէ չունին պէտս լսելոյ , և արդէն իսկ գիտեն նոքա քաջ զպարտս իւրեանց . և թէ՛ բաւական իսկ են նոքա անձանց իւրեանց լինել քարոզիչ , և արդէն իսկ գիտեն՝ զինչ ունիցին խօսել քարոզիչքն . ուստի և գան աստ յեկեղեցիս զբօսնուլ առ ժամն իբրու 'ի թատրոն կրօնի՝ ընուլ զսովորոյթ քաղաքին : Եւ գան աստ բազում անգամ՝ յորդորեալք 'ի սիրոյ նմանողութեան՝ յերեւան գալ աչաց իշխանաւորաց և մեծամեծաց , որոց ցանկան հաճոյ լինել առաւել քան Բստուծոյ . ուստի և գան սոքա 'ի քարոզս սիրտ ունելով յինքեանս զբաւեալ կանուխ 'ի կրից . վասն այնորիկ և անընդունակք են 'ի պտղաբերել : Եւս է սերմն անկեալ առ ճանապարհաւն և կոխան եղեալ 'ի մարդկանէ :

Գան և այլք առ մեզ 'ի լուր քարոզի , և հաստատեալ են 'ի միտս իւրեանց տեղի ամենեւին չտալ 'ի սրտի՝ ոչ 'ի զգլուծմն և ոչ 'ի դարձ ապաշաւանաց . և այնպէս վայրապար և յանդգունք ժտին սոքա լսել զբանն Բստուծոյ , ցուրտք և անոտք իբրեւ զսալ դարբնաց . լսել իբրեւ արդարեւ անպզայք ոմանք զահագին ճմարտութիւնսն՝ որք բաւական էին անհնարինս շարժել և ահաբեկել զնոսա . ճմարտութիւնք՝ որք և զօրացան երբեմն վանել և առնել զանդրդուելի պընդութիւն մտաց զխնաստնոց աշխարհի և զմեծաց ևս իմաստասիրաց , և յաղթանակ ևս 'ի վերայ կանգնել բռնութեան թաղաւորաց ահաւորաց :

Իսկ իմն այնպէս սոցա՝ եթէ չնորհս խնդրեսցեն 'ի նոցանէ քարոզիչք 'ի յորդորելն զնոսա գալ յուղղութիւն չնորհս՝ զոր նոքա 'ի միտս հաստատեալ են զլանալ նոցա : Իբրու եթէ յաջողութիւն յախտենական փրկութեան նոցա շահախնդրութիւն ինչ իցէ քարոզչին՝

որ խօսի, քան թէ մեղաւորին՝ որ լսէ : Սիրտ խառացեալ և խեղաթիւր է այսպիսեացն, և դառնան 'ի քարոզէն այնպէս՝ որպէս և եկին 'ի լսել : Եւս է սերմն անկեալ յապառաժին :

Իսկ և բազումք զան մերձեանս առ մեզ 'ի լսել, ընդ իւրեանս բարձեալ բերելով միանգամայն զամենայն հոգս իւրեանց և զգրօսանս աշխարհականս և ըզշահախնդրութիւնս և զամբոխմունս և զամենայն իսկ զխուժան կենցաղական ցանկութեանց . և է սիրտ սոցա բազմազբազ և շողեալ և լի փշովք ընչաքաղց մեծութեանց : Եւ այնուհետեւ զսերմանեալ բանն Եստուծոյ “ հոգք աշխարհիս, ասէ, և պատրանք մեծութեան և ցանկութիւնք հեղձուցանեն և անպտուղ լինին ” : Եւս է սերմն անկեալ 'ի մէջ փշոց :

Իսկ զան 'ի վերջէ առ մեզ և նուազունք ոմանք 'ի լուր քարոզի . և հաստատեալ են սորա 'ի միտս եթէ հիւանդք են և դարմանոյ կարօտք . և մեծապէս բլծան քաջողութեան հոգւոց : Գան սորա լրութեամբ սրտի ակն ածեալք երկնաւոր վարդապետութեանցն, գուն գործելով ուզղել զվարս և նորոգիլ 'ի հոգիս : Եւս սիրտ է երկիրն այն բարի և պարարտ, զոր առաց տէրն . յորում աստուածային բանն սերմանեալ՝ արմատս 'ի խոր արձակէ, և շառաւիղս 'ի վեր առնառնայ, և պտղաբերէ բազմապատիկ . “ Արոց բարւոք և զուարթագին սրտիւ ընկալեալ զբանն, և տան պտուղ համբերութեամբ ” : Սիրտ բարի և զուարթագին . այս է՝ սիրտ լի հաւատով, որ գիտէ մեկնել և որոշել զբանն Եստուծոյ 'ի բանէն մարդոյ . որ տայ լսել զառաջինն՝ փոյթ ինչ չտարեալ երկրորդին :

Եւ անշուշտ աւադիմի, սիրելիք, առ նուազութեան բարիոք և զուարթագին սրտիս այսորիկ՝ յումպէտս և յանշահս վատնին ամենայն քարոզութիւնք մեր և ամենայն քրտնավաստակ երկք մտաց և ձայնից մերոց : Գան յեկեղեցի՝ ոչ զաւետարանն լսել, այլ զաւետարանին . ոչ 'ի լուր կալ քարոզին, այլ 'ի զնին քարոզին . ոչ ընդունել զճմարտութիւնն՝ զոր խօսիմք, այլ 'ի հետազօտել զեղանակն՝ որով խօսիմք : Եւ եթէ ողջ կամիք գիտել, զան ոչ զբանն Եստուծոյ լսել, այլ զբան մարդոյ :

Լատիկ ձեզ ճշգրտիւ պատճառք , որ աղագաւ 'ի մէջ բաղմանայլ քարոզչաց և 'ի մէջ բաղմամբոյն ունկընդրաց , ոչ միայն 'ի լաւագոյնս չգառնամք , այլ և յոռեգոյնան ընկրկիմք :

Լսո՛ , անշուշտ գան նոքա 'ի լուր քարոզին՝ առ 'ի լըսել զբան մարդոյ . և վասն այնորիկ է տեսանել այսօր զդին զայն հետաքնին զվայրասարն և զաշխարհային . որ աղագաւ և անպաճոյճ՝ բացատրութիւն աւետարանին՝ ձանձրոյթ մեզ և տաղտուկ արկանեն :

Ինդրեն 'ի մէջ զբարոյականին զանօր և զնրբին հրահանգս , և զարտայայտութիւնս իմն իմաստասիրական զմարդկեղէն սրտի , 'ի ձեռս տալ ունկնդրացն հայելի իմն ջինջ՝ ոչ առ զանձինս զննելոյ , այլ առ 'ի կրկտել զախտս և զմոլութիւնս օտարին : Ոչ ասաքէն առ 'ի զբան մարդոյ լսել ժողովին նոքա այսր : Ետուած իմաստն այն յաճախեալ առած մարդարեւիցն , «¹» Կարձարուք , դարձարուք առ Ետուած ,» . այն նախաբարոզ բան Սկրտչին , «²» Կաշխարեցէք ,» . յորդորք բառնալոյ զխաչն , ուրանալոյ զանձն , մտանելոյ ընդ անձուկ դուռնն փրկութեան , բռնաբարելոյ զարքայութիւն , են իսկ այդորիկ առ նոսա իմաստք հինօրեայք . և եթէ ասել մարթիցէ , զառանցելոյ բանք և 'ի կարիշատ յեղյեղելոյն իբրու ձայնք անաղղակք : Եորութիւն խնդրեն նոքա զխորհրդոց մտաց , նրբութիւն իմաստից , ազնուականութիւն յարտայայտութիւնս , փափկութիւն ասացուածոց , արհեստ ճարտարախօսութեան :

Սակայն դուք աւագիկ 'ի տկարութենէս պահանջէք , Տեարք , հանձար և ուշիմութիւն՝ զոր եսս չունիմ . և եթէ այլք 'ի պաշտօնեւից բանին մեծապէս ճոխացեալ են յայդոսիկ , այլ ես ինքն անշուշտ թափուր եմ յայդցանէ և չիք յիս զօրութիւն 'ի հաճել զմիտս ձեր : Եւ աւագսդ և առ սոսկականսդ խօսիմ ես , սակայն և ոչ այլ ինչ գիտեմ ասել , բայց զսարսուց ձերոց բարբառել սարդ և մեկին ասացուածովք առանց ճախարակեալ ճոռումութեանց , որպէս և գտանեմ իսկ պատուիրեալ յատուածային մատեանս և յօրինակս աւանդից եկեղեցւոյ :

Բայց անէ ասացէք ինձ , իցէ՞ արդեօք կարենո՞ր՝ ճո-

խաբան ճարտարաբան լինել առ խմացուցանել ձեզ զպարտս ձեր : Իցէ՛ արդեօք կարևոր հանձար մեծ և ուշխմութիւն՝ առ ասել ձեզ յաւետարանէն , զի Եթէ ոչ ապաշխարիցէք , եթէ ոչ զվարսդ փոխիցէք , եթէ ոչ զկիրսդ մեռուցանիցէք , եթէ ոչ զհետս շաղաց զՔրիստոսին կոխիցէք , 'ի սուգ , յարտաաւուս , 'ի համբերութիւն , 'ի սէր եղբայրութեան , ամենեքին առ հասարակ կորնչիջիք : Եւ կամ թուեսցի ինչ ձեզ վայելուչ և 'ի դէպ՝ գունակ գունակ ծաղկօք առնուլ զարդարել զառածսդ զայդոսիկ՝ զերկնաւորսն և զգերաշխարհիկսն . առածք լուրջք և ծանուցք . առածք 'ի սուգ և 'ի թուխ համակեալք : Ի դէպ թուեսցի ձեզ յուզել ինդրել փայլս և ճաճանչս 'ի հող և 'ի մոխիր , և զարգս և պաճուճանս 'ի խարաղն և 'ի քուրձ : . . .

Օ ինչ . միթէ վարժոց և ձեմարան արտաբնոցն սնտուեաց իցէ եկեղեցիս այս , եթէ դպրոց ճմարտութեան : Եւ ինչ հասեալ զայք դուք այսր առ իս , զարհեստ ուսանել զճարտարասանութեան , եթէ զօրինակին ուսանել զբարիօք կենաց : Եւ միթէ պճնութիւն և սնոցոյր բանից , որ զմիտսն յափշտակէ , իցէ բաւական և 'ի շարժել և յամբել զսիրտ : Բարէ , լի եմք վիրօք և բժշկութիւն ոչ կամիմք և տակաւին զհետ սնտուեացն կրթիմք : Եւ սակայն և Եստուծոյ արդարութիւնն ցանգ արթուն կայ . և ո՞ զիտէ եթէ և մտաւրուտ առ դուքս հասեալ չիցէ մեզ , եղբարք , կէտ տպառուածոյ ողորմութեանն Եստուծոյ : Ինչդեռ ժամանակս 'ի ձեռս է , միայն աստուածային բանին լուր փրկաւէտ բաւական իցէ բուժել զմեզ և յարժանահաս պատուհասէն անքեցուցանել :

Եւ սակայն մեր անհոգացեալք 'ի մէջ արհաւիրաց վախճանին , ժողովիմք աստ և յաստուածային բանիցն ինդրեմք ոչ զճաճ հոգւոյն , քան թէ գեղս և հտալտանս մանկականս զնոտիապատուաստ ճարտարասանութեան : Եւ ուր զայսոսիկ զտանեմք , զովեմք զբարոգիւն , զրուստեմք զբարոցն . իսկ ճաճ և ոչ մի ինչ կթեմք 'ի փրկութիւն հոգւոց մերոց : Բանի ընդունայն և վայրապար խորհուրդքն . առ ինչ ուրեմն ժողովել մեր այսր :

Եւ աղէ ասացէք , մեզ քարոզչացս զոր օգուտ

պողաբերեցէ մեր ճարտար ասացուածն՝ 'ի հաճել զլելիս ձեր . յորժամ ոչ յաջողեցի մեզ մեծապէս խնդութեամբ դարձուցանել զսիրտ ձեր և զհոգիս առ լ'ստուած : Մշտապիկ վկայութիւն դնեմք յանդիման սեղանոյս սրբութեան , որ անմատոյցն է 'ի ստութեանէ .

Սէն մեզ պէտք հաճութեան լեւեաց 'ի սրբազան ճարտարախօսութեանս , յորժամ դուք ոչ ինչ նորոգեալք 'ի հոգիս՝ տակաւին 'ի յոռութեան կայք : Վանդի զինչ շահ կ'ութեցուք մեք 'ի ձերոց դուրութեանց , յորժամ դուք ոչ ինչ օգտիք 'ի մերոց հրահանգաց :

Կալարուք առ ձեզ զգուրութիւնսդ ձեր , չեն մեզ պէտք . գովեցէք զմեզ ձերովդ արտասուօք : “Տուք տեղի , աղաղակէր Վերանն ոսկի , տուք տեղի , դադարեցէք 'ի ծախահարութեանցդ ձերոց , և փոխանակ այնր՝ սկիզբն արարէք դուք լինել քրիստոնեայս : Վուրէք դուք զաստղն , խնդրեմ ես զանողն ,” :

Իսկ և կէսք , յորժամ ուրեք 'ի լուր քարոզին ոչ զնրբութիւն արհեստին գտցեն , ոչ զշնորհս ինչ զարտայայտութեանցն , դժգմնին և դժուարին , և ոգի իմն յայնժամ ընդմտանէ 'ի ներքս՝ ոգի չարութեան և բամբաստանաց . և սկսանին այնուհետեւ առաւել քան զամենայն մարդ համբաւել դուրութեամբ զմարդն՝ որ քաջազնին և խորամուխ 'ի դուրս բերեալ առակեցէ զձերութիւն և զարատ և զխամութիւն զքարոզչին և զքարոզին : (Ը) Եւ ի իմն՝ եթէ դան դոքս առ մեզ 'ի լեւ իբրու արդարեւ զլրտեսան Վզիստոսի՝ միայն առ 'ի զընտել զիտել զանպատարար կողմն զաշխարհին . “Ըրտեաք էք դուք , ասէր , և զիտել զէլ և զմուտ երկրիս եկեալ էք ,” :

Բաբէ , քրիստոնեայք , մինչև ցերբ այդօրինակ լեւութեամբ բանիցն լ'ստուծոյ ոչ միայն անպէտ և անարդատաւոր գործէք ձեզ զայն , այլ և զմեզ զսպասաւորս ինքնին զաւետարանին յահագինն արկանէք վտանգ՝ մասն լինել գեղեցիկ սպասաւորութեան մերոյ՝ առ 'ի հաճել զձեզ : Խնդրէք դուք ուրեմն զբան մարդոյ և ոչ զլ'ստուծոյ . և եթէ երբէք մեղկացուք մեք խօթամտութեամբ հաճել զձեզ , ահա և մեք և դուք միանգամայն 'ի կորուստ յուղարկեցաք : Մէկ խնայեցէք վայր մի ; ակն ածէք դուք մերոց տքնու-

[Թեանց, մերոց քրտանց և վաստակոց մտաց և լեզուի՝ որով ձգնիմք փրկել և ապրեցուցանել զձեզ։ Չեր հաւատքդ լցցեն զ[Թերին սպասաւորութեան մերոց, և 'ի սրտի ձերում՝ գտցէ Ճմարտութիւնն զկորով իւր և զգորութիւն, զոր կորուսեալ է 'ի լեզուի մերում։ Բայ մի եղբարք իմ, մի 'ի վտանգ արկանէք զմեզ՝ նշտակել զաւետարանն Քրիստոսի և ձերոց յետաւիտ խորհրդոց զնոյն արբանեկել։

Եւ արդ վայրիկ մի, սիրելիք, խեղամուտ լինել աղաչեմ անուտ Ճմարտութեանն, յորում հաստատեալ կայ բովանդակ շահ և պտուղ քարոզիցն։ Յորժամ 'ի բեմէ աստի աւետարան 'ի ձեռին խօսին առ ձեզ, ոչ ևս է այնուհետեւ մարդ որ խօսի ընդ ձեզ։ Խնքնին Բատուած զկամս իւր յայտ առնէ 'ի ձեռն պաշտօնիցս իւրոց։ Եղբարք եմք, անուրք եմք, և անշուք զարմիւ, և նրբին կենցաղի աշխարհայնոցն չեմք ինչ ներկուռք. սակայն եմք իսկ հրեշտակք և դեսպանք Յիսուսի Քրիստոսի. «Տէր տէր առաքեաց զիս և հոգի նորա», և «Ս ան Քրիստոսի, ասէ աստուածային Բաքեալն, վասն Քրիստոսի պատգամաւորիմք»։ Եթէ երբէք այր [Թաղաւոր սխաղամ առաքէ առ ձեզ, դուք ոչ 'ի վիճակ, ոչ 'ի հանդամանս ինչ, զակն յառէք պատգամաբերին, այլ 'ի գերաշուք դահ անդր առաքողին լինիք ակնկաւոց։ Ետայի իշխան [Թաղաւորացն էր յարբունիս։ Բնիս հովիւ էր խաչանց և [Թութ քաղէր։ Յովհաննէս քաղցր և համբոյր։ Պօղոս անաչառ և խորախորհուրդ։ Երեմիա մանուկ, այլ փայլատալուն արձակէր։ Սակայն յամենեւին առ հասարակ Բատուած խնքնին էր որ խօսէր. «Իւրան Տեառն, առնէ, խօսեցաւ զայս»։

Բաջ միտ զիւր, աղաչեմ. եթէ երբէք ելեալ էր իմ յայս բեմ՝ պարզապէս զիմ բանս առաջի առնել ձեզ, զիարդ երբէք մարթ էր ինձ քաջալերութիւն այնչափ զանձամբ առնուլ, և այսչափ տաստիազոյնս և բարձրագոյնս բարբառել յանդիման՝ որ աստ են 'ի ձեզ՝ աւագաց և մեծամեծաց և իշխանաց ազգին, ես՝ այր սոսկական և տրուպ, ես որ այլուր 'ի լինէն երբէք ընդ մեծամեծոց ընդ այդոսիկ՝ միշտ զանդիտեալ ելանեմ արտաքս յերեսաց դոցա, եթէ գուցէ ձանձրա-

ցուցաբ ինչ շատխօսութեամբ : Եւ զի է , զի միայն 'ի բեմէ աստի , միայն 'ի բեմէ աստի իջանեմ ես խիղճ 'ի մտի , եթէ թերեւս սակաւ խօսեցայ , թերեւս ոչ ազատօրէն ինչ խօսեցայ :

Օ խորդ երբէք մարթ իցէ ինձ քաջալերութիւն այնչափ զգենուլ , ինձ՝ որ չեմ որ 'ի մեծատանց կամ յիշխանաց , այլ անձն ապիկար , և այսպէս միայնակ և անզէն նաճատակեալ 'ի դիմի հարկանիմ մեհաւոր ընդդէմ բազմամբոխ հրապարակիս , խօսել և վանել բանիւ բերանոյ զսովորոյթս և զբարս անբարիս զարդոյ արանցն և զաւագաց և զիշխանաց , յանդիմանել տաստել՝ եթէ հարստահարութիւնք ինչ իցեն 'ի նոսա . խօսել և նշաւակել զմեծատանցն և զճոխիցն զփափկութիւնն , զընչաքաղցութիւնն , զդժպատեհ կիրան , զաղահութիւնն , և զանողորմութիւնն : Օ խորդ մարթ իցէ այսմ լինել , եթէ ոչ Բստուած ինքնին հովանացեալ կայցէ և քաջալերութիւն ինձ զգեցուցէ . “ Եւ եղէց , ասէ , բան 'ի բերանի բում ,” և “ Ո՛ր դուք էք որ խօսիցիքն , այլ հողին սուրբ ,” : Ուստի և արձակ արձակ և աներկիւղ խօսիմ . քանզի խօսիմ յանուն Բստուծոյ : “ Բերան Տեառն , ասէ , խօսեցաւ զայս ,” և Բյսպէս ասէ Տէր զօրութեանց ,” :

Սակայն և 'ի բարեպաշտութիւն նոցուն իսկ աւագացն և մեծամեծացն՝ որ ինձ ունին դնեն այսօր՝ մեծապէս վստահ եմ Տերամբ . զի այնպէս կամին՝ նաև հրամայեն ևս ասել ինձ ազատութեամբ զճմարտութիւնն , և ասել զայն յանուն Բստուծոյ : Եւ դուք եղբարք , գալով ձեր այսր 'ի լսել զբան մարդոյ , անշահ և անպտուղ յարդարէք ձեզ զբանն Բստուծոյ :

Զէ բան մարդոյ՝ որ շրջէ և դարձուցանէ զսիրտ . է նոյն ինքն բանն Բստուծոյ՝ եթէ լսիցէք երկիւղածութեամբ որպէս պարտն է : Բան մարդոյ պղինձ է՝ որ հնչէ , և իբրեւ զծնծկայ՝ որ զօղանջէ : Բանն Բստուծոյ սուր է երկսայրի . ընդմտանէ մինչև ցորոշումն ուղւոյ և շնոյ և ուղղոյ : Ուն անվանելի . վանէ փշրէ զխստութիւն սրտի . հրաբորբոր բոց է , այրէ ծախէ զամենայն զկիրս : Բանն Բստուծոյ էր և ոչ բան մարդոյ , որ վանեաց զիմաստութիւն : Յունաց , ընդոտնեաց զգոռոզացեալն հռոմ , իմաստնացոյց զխուժադուժ աղի

ներս. հեղացոյց զվայրենամիտան, կապեաց առ պատուան զանի խաչին զբռռնս սոսկալիս և զթաղաւորս ահաւորս, արկ տապալեաց զաղանդ իմաստասիրացն հեթանոսաց և յիմաստութիւն երկնաւոր զնոսա վերափոխեաց :

Իսկ եթէ այսօր այս բան Մատուծոյ ոչ ներգործէ յայնպիսեաց անտի, մեր են ողջոյն յանցանքն, զի լըսեմք զքարոզն իբրեւ զբան մարդոյ և ոչ իբրեւ զբան Մատուծոյ : Լասիկ ձեզ միակ միջնորդ և առիթ պրտղաբերել 'ի քարոզից : Օ երկնաւորին 'ի նոսա լուսութիւն զբան, և զպատգամն ընկալարութիւն նոքօք զաստուածային մերոյ օրէնադրին : Լուսութիւն զքարոզն իբրեւ զբան Մատուծոյ . այս է՝ զոր կանխեցաք ասացաք՝ լսել զքարոզն սրտիւ : Լա սակայն և այս չէ շատ, պարտ է և մերձեցուցանել զքարոզն 'ի սիրտ : Տուք վայր մի հանգստեան, և ունկն դիք լրջմտութեամբ :

ՄԱՍՆ Բ.

Մատուածային մատեանք 'ի կերակուր օրինակեն զբանն Մատուծոյ . և ըստ նմանէն՝ հարքն սուրբք գեղեցիկս վարդապետեցին, եթէ միանգամայն զամենայն քաջողջութեանն արգասիս զոր զգալի կերակուրս ազդէ 'ի մարմին, զնոյն պէտք են և բանին Մատուծոյ զիւրն ներգործել 'ի հոգիս մեր :

Լա արդ՝ ասեն՝ առ 'ի տնդարար կերակրոյն լինելոյ, չէ՞ բաւական իղձ ունել այնմ, չէ՞ բաւական և ուտելն իսկ, այլ պարտ է կերակրոյն հալիլ և լուծանել, և իւրաքանչիւր մասանց մարմնոյն երթալ բաշխել զկենարար հիւթոյն զօրութիւն, 'ի կազդուրել զտկարութիւն մարմնոյն և նորաստեղծուլ զանսուաղ և զնրբութեալ ոգիսն :

Օնոյն օրինակ ապա չէ բաւական քաղց ունել բանին Մատուծոյ, չէ բաւական և լսել սիրով և ընդունել մտադիւր . այլ պարտ է առնուլ և մինչև 'ի սիրտ անդր անցուցանել զնոյն . զի անդանօր իբրեւ 'ի գահու և 'ի սեպհական իւրում տաճարի մտեալ բնակեսցէ : Միա-

նիլ պարտ է երկնաւոր հացին ճշմարտութեան , և 'ի խորհուրդս մտաց զնոյն որոճալ և 'ի վեր քան զամենայն՝ ամենակատար հլութեամբ զանձն հարատակել պատուիրանաց նորա :

Բայ է զոր ասեմք՝ սնանիլ բանին Բստուծոյ : Այն սնանի մարդ՝ յորժամ 'ի խախացոցն միայն իջանէ կերակուրն . այլ յորժամ խառնի և հալի և գնացեալ ընդ մտանէ կենագործ հլութիւն ընդ ամենայն մատունս մարմնոյն : Երեսնաւոր և Բստուծոյ բանն յայնժամ դառնայ 'ի կերակուր և 'ի սնունդ հողոյն , յորժամ գնայ և խառնի ընդ ամենայն շարժմունս հողոյն , ընդ ամենայն գործս նորա , ընդ ամենայն խորհուրդս նորա . և դառնայ լինի առաջնորդ և լուսաւորիչ ամենայն խորհրդոց նորա , և կանոնադիր ամենայն գործոց նորա :

Բայ է զոր ասեմք՝ մերձեցուցանել զքարոզն 'ի սիրտ :

Բայ սակայն աղէտք անհնարինք այն են սիրելիք , յորժամ լսեմք զքարոզս , և ոչինչ ամենեւին մերձեցուցանեմք 'ի մեզ ինքեանս . լսեմք , և ինչ մի ոչ գրտանեմք 'ի քարոզսն վասն մեր : Այլ զվիճակ կենաց մերոց տեսանեմք 'ի նոսա . ոչ զքաղաքաւարութիւնս վարուց . ոչ զպէտս ինչ մեր զհողոյ , և ոչ ինչ մի 'ի թերութեանց և 'ի յանցաւորութեանց մերոց գտանեմք 'ի քարոզսն :

Երբեմն զի յանդիման Կաթի յանցուցելոյ՝ ազատախօսն այն՝ Կաթան մարգարէ արձանացեալ քարոզէր , և հանձարագիւտ առակաւն բռնաւորութեան առն ուրուք մեծատան և հարստահարութեան առն աղքատի՝ 'ի փողոտէլ երնջոյն նորա , յերեսս հարկանէր արքային զանհնարին զմեղսն՝ զանպարտ սպանութեան Սերիայ և զհնութեանն ընդ Երեսաբեայ : Որք միանգամ յաւաղանւոյն զառակն լուսն զԿաթանայ , քաջ իսկ ծանեանս առ հատարակ եթէ վասն Կաթի է յանդիմանութիւնն , մինչև հիացեալք ընդ ազատութիւն մարգարէին միանգամայն և զանդիտեալ կային ընդ ձախողակ ինչ պատահար սրբոյ քարոզին : Սիայն Կաթի զանդանօր , միայն նա լսէր և ոչ իմանայր . նա և 'ի սրտմտութիւն բարկութեան բրդեալ՝ վճիռ ևս զմահուն հատանէր ընդդէմ հարստահարող յանցաւորին : Սակայն յանցաւոր ոք այլ չէր ուրեք 'ի

միջի, բայց 'ի նմանէ : Ի վերջէ ապա ստիպեալ մարգարէին 'ի վեր զբողն առնուլ զառակաւոր, մեկին բարբառէր, թող անդր 'ի բաց, արքայ, զսրամառ թիւնդ ընդդէմ առնն, « Կու ես այրն այն » :

Օ խորդ 'ի դէպ է մեզ օրինակդ : Եւ քաբողեմք ընդդէմ ախտից, և անն ածեալ ախտակրելոյն՝ յականէ յանուանէ չասեմք ինչ զումեքէ. և այս ապա շատ է՝ զի և ոչ մի ոք յունկնդրաց մերոց առցէ զբարոյն մեր վասն իւր : Կա՛ իւրաքանչիւր ոք 'ի ձէնջ յայնժամ սրբեալ զանձն իւր՝ ասէ ընդ միտս. « Զեմ ես այրն այն՝ զորմէ խօսի քարոյն » :

Կա՛ն ակասնի այնուհետեւ զայլ ոք ընդ միտ ածել, և իբրու դեղեցիկ նախանձաւորութեամբ վառի յուղղութիւն միայն վարուց ընկերին. իսկ ուղղել զանձն՝ ոչ նկրտի ոք 'ի ձէնջ և ոչ խորհի ոք անդամ :

Ի՛՛ զի մեք բողոք հարեալ 'ի բեմէ աստի մեծապէս սրտցաւութեամբ ողբամք՝ զի անհոգացեալ են մարդիկ 'ի կատարումն պարտուց իւրաքանչիւր : Իսկ անդուստ լուեալ զայս անհոգացեալն այն այր և իսպառ յուրացեալն, չզգայ ինչ յանձին ամենեւին. կայ և լսէ զամենայն՝ իբրու զայլմէ բողոք հարեալ քարոզին :

Ի՛՛ զարձեալ զի մեք սաստկապէս 'ի քարոզս խօսիմք և վանեմք զմոլեգնութիւն փառամոլ ախտին, զամբարտաւանութիւն, զարհամարհութիւն այլոց, և անդուստ այրն այն գոռոզ, փառախնդիր, և արհամարհոտ լսէ, և չզգայ ինչ յանձին իւրում : Թէպէտ և կենդանատիպ ևս դունովք նկարագրեսցուք մեք զնա, նա յայլ ոք տարեալ հանէ զնկարագիրն : Սակայն թուի իմն այնպէս՝ եթէ առ հասարակ ժողովուրդք՝ որ լսեն՝ զնա ինքն մատնցոյց առնեն. և ժողին ևս ասել նմա զայն ինչ՝ զոր քարոզին ոչ կամի և ոչ մարթի և ոչ պարտի երբէք ասել. « Կու ես այրն այն » : Բայց նա միայն չունի աչս 'ի տեսանել զանձն, չունի սիրտ 'ի խոստովանել՝ եթէ վասն իւր են բանքն. և ցանդ խոյս տայ 'ի նկարագրէն ասելով, եթէ կուտակաբան է քարոզին, ուստի և չէ վասն իւր քարոզն. և թէ՛ այդ քարոզիչ կրթի առաւել յերկիւղ սնտոի զլել զսողս իւր, ուստի և չէ պարտ այնչափ ուշ ունել ձգձիւմ բանիցն :

Իսկ զինչ ապա . կուտակաբան իցէ քարոզիչն և 'ի խղճահարութիւն խնդրիցէ արկանել ճղճիմ լեզուաւն , Բաբէ , նա' մինչ յաւուր միում հասանիցէ թերեւս յահեղ դատաստանին պատուհատակոծ ևս լինել , զի այնպէս տարապայման ներողութեամբ թեթեւ և փոքրոգի երևեցուցաք մեք ձեզ զմեծ զարհաւիրսն զյաւիտենական ձեր դատաստանաց . և վեր 'ի վերոյ բանիւք անցաք զահագին տարաւայեօքն :

Բայլ արդ' եթէ շատ ինչ կուրացեալ է մեր' չառնուլ յանձինս մեր զճմարտութիւնն' զոր լեւմբ 'ի բեմէ աստի , սակայն և անշուշտ լի եմք լուսաւորութեամբ վասն ընկերին , և սրակնապոյնք եմք 'ի չարութեան , 'ի կծել , յերգիծանել և յառակ կարգել , յայլս ոմանս ձկտեցուցանելով զքարոզսն , զոր լեւմբ :

“Եկայք , ասէին որդիքն Եսրայելի առ Եղէկիկէլիւ մարգարէիւ , եկայք երթիցուք առ տեսանողն , 'ի լսել զբանս նորա ” : Եւ ունինթաց լինէր ժողովն , մի զմիով ելանէին , կային առ նմա , դէտակն կալեալ առնուին ժողովէին զամենայն զբանս մարգարէին . մինչդեռ նա անդուստ փայլատակունս ահագինս հատանէր յատուածարեալ բերանոյն : Բայլ զինչ ապա , սորջանային ինչ թերեւս յանձինս' 'ի զիղջ , և յապաշտ , և 'ի դարձ : Եւ բնաւ իսկ ոչ : Բայր այր 'ի լողացն զահագին պատգամն զոր պարտ էր յանձն իւր առնուլ և 'ի նոսին խելամտել , յանձն ընկերին արկեալ ծանրացուցանէր : Սուրբ և անպարտ կարծեցուցեալ իւրաքանչիւր զիւր անձն , այլակերպէին զլուեալսն , մեկնութիւնս և թարգմանութիւնս բանիցն 'ի ներքս բեռէին այնչափ , որչափ և ոչ վասն նոցուն պատգամացն աստուծոյ գործէր ինքնին մարգարէն : Եւ այնուհետեւ կայր մնայր անդ նոյնպէս Եղէկիկէլ իւրով քարոզիւն , և կայր մնայր և ողջ լսարանն նոյնպէս յիւր անուղղայ վարսն : “Որդի մարդոյ , ասէր Եստուած , որդի մարդոյ տեսանէս , լսեն դոքա զբանս քո և ոչ առնեն զնոսա ” :

Քանի հանգէտս ժամանակացն այնոցիկ' և այսօր աւսն առ մեօք բազումք , եկայք երթիցուք յայն ինչ եկեղեցի լսել զքարոզ : Եւ ահա խուռննթացք աստի և անտի , ողջ լի է եկեղեցիս . անշունջք կան , խոր է

լուծութիւնն , և իւրաքանչիւր դէտ ունին կալեալ 'ի լրսէլ : Բայլ քանիք ոմանք միտ դնեն քարողին՝ միայն առ 'ի դիտել զնմեկ զպատկեր կինդանի ախտից ինչ և ըզմոլութեանց , և ապա առ սրտաւանդանի պատկերին առեալ դրոշմեն զանուն սորա և նորա : Բաճէ , ասեն , բաճէ , զիարդ քաջիկ , զիարդ ճշգրիտն խօսեցաւ այսօր քարողին վասն այս անուն առն : Բայլ իբր չեին նա այսօր 'ի քարողն տեսանել զկենդանագիր իւր : Ամա թէ՛ և այն որ իցիւ թէ՛ այսօր եկեալ էր յեկեղեցիս , և լէր զքարողն , և անշուշտ յայլ մարդ փոխէր չիբացեալն :

Բայ իցէ մերձեցուցանել զքարողն 'ի սիրտն : Ո՞վ , քանիօն մեք ինքնին եմք չիբացեալք , մեք՝ որ բազմաչեայք իբրեւ զՎրդոս կարծեմք զանձինս 'ի տեսանել զայլս . իսկ զայն զմին չտեսանեմք և չիմանամք , եթէ յորժամ զմի որ մեք աչօք ակնարկի առնեմք , անդուստ թերեւս հարիւրք ոմանք մատնանիչ զմեզ ցուցանեն :

Սինչև ցերբ , մինչև ցերբ այս ոգի չարութեան զայլս դատակնքելոյ 'ի քարողից՝ տիրացի 'ի մեզ : Սիւ թէ զչարութիւն զայս միակ , այր դու , արժան իցէ քեզ պողաբերել 'ի քարողից : Բայ կամիցիս թերեւս զի միայն 'ի փրկութիւն հոգւոյ ընկերիդ տացին ամենայն քարոզք , և ոչ քոյդ : Այլ եղբայրսիրութեանն , այլ զիարդ եղբայրասէր իցէ , որ անձնամատն իցէ . և զինչ օգտիցի՝ եթէ զանձն տուժեցէ :

Բայլ աղէ , դու զձեռն քո արկ 'ի ծոց քո , զի վասն քո է քարողն : “Վրկ զձեռնդ , ասէր Եստուած ց(Վ)րկ սէս , արկ 'ի ծոց քո , և սրբեսցիս 'ի բորոտութենէդ , , : Թա՛ղ անդր 'ի բաց մատնցոյց առնել մերթ զայս որ և մերթ զայն որ . զաղարեան կարկեան , զինչ շահիցես՝ եթէ զանմահութեան քո կերակուր , զքարողն , թոյն մահացու գործեսցես անձինդ՝ ցանգ դատելով զեղբայրն 'ի քարողին : “Վու ես այրն , , . վասն քո է քարողն . դու արկ զձեռն 'ի ծոց քո , զի բժշկեսցիս : Եթանեան առակն վասն քո է , “Վու ես այրն , Վու ես այրն այն , , : Բայ եթէ յայս խելամոտեցիս՝ յայնժամ մերձեցուցես զքարողն 'ի սիրտ :

Բայլ են դարձեալ և սոցուն ներհակակիրք ոմանք , որք ուշով միտ դնեն քարողին , նաեւ յանձինս իւրեանց մերձեցուցանեն ողջոյն , այլ ոչ 'ի պողաբերել ինչ

յաստուածային բանէն, քան թէ՛ ի սրտմտութիւն դրբ
դէլ զանձինս ընդդէմ՝ քարոզչին և քարոզին : Վանգի
սրտմտին՝ կարծելով կշռակի և տիրապէս զինքեանս
նկարեալ և առակեալ ի բանից քարոզչին . ի դէպ ե-
կեալ փարիսեցւոյն սրտմտութեան ընդ առակաբանու-
թիւն տեսուն մերոյ . « Վիտացին՝ ասէ, զի վասն նոցա
ասաց զառակն » : Վիտացին, այլ ոչ միայն չպողարե-
րեցին, այլ և հնարեցան այնուհետեւ խաբառ կարճել
զքարոզն, կարճելով ի կենաց զքարոզիչն :

Վաճաղակ է, զճնդակ է, սիրելիք, բարբառել ի բեմէ
աստի : Եթէ ծածկեմք զձմարտութիւնն և լռեմք, ո՛հ,
յանցաւորք եմք առաջի ատենին Վրիստոսի, զի մասն
եղաք աւետարանին նորա : Բայ եթէ ազատութեամբ
խօսիմք, ասեն՝ եթէ կարի բացերեակի են խօսք մեր .
և իբրեւ անախճաւք բամբասիմք, իբրու ընդ անձին
ոռնկնդրին ընդ հարկանիլ մեզ և զախտակիրն նշաւա-
կել կենդանի նկարագրութեամբք մերովք, քան թէ
զախտն գլխովին : Ա՛յ, և զխորդ մարթ իցէ մեզ լի-
նել այնչափ ժպիւրհ և ամբարիշտ, մեզ սպասաւորաց
աւետարանին, զի և զեղծանել մեզ սուրբ և աստուա-
ծային սպասաւորութեամբն, և խնդրել բամբասել և
նշաւակել և թշնամանել զայս որ և զայն :

Կարճեալ և զխորդ մարթ իցէ այնչափ մտախաբս
լինել և յետսամիտս, զի և կարծել մեզ ընդ այս ճա-
նապարհ՝ թիւր և մոլոր՝ շահել զհոգիս և մերձեցու-
ցանել առ Բստուած : Եւ ոչ մանաւանդ այսօրինակ ըն-
թացիւք չար ևս յուսացուցուք մեք զնոսա . նաև թըշ-
նամիս ևս ի գոյ ածցուք մեք մեզէն, և ռիսերիմս յա-
ճախեցուք անձանց մերոյ . զինչ շահ կայցէ մեզ յայն
մանկ :

Խօսիմք մեք առհասարակ, և չխօսիմք երբէք առ
այս որ և առ այն . « Ի՞նչ անոր անցեալ եղեալ կայ
լոյսն, ասէր մեծն Բզոստինոս, եղեալ կայ ի լուսա-
ւորել և ի զուարթացուցանել զամենեւին . այլ թէ
իցէ որ որ սաստիկ խոցեալ ի լուսոյն՝ փնասեցի յաչս
իւր, ոչ լուսոյն է մեղն, այլ ցաւոտ և բժոտ աչայն են
յանցանք » : Լոյսպէս և մեք առաջի արկեալ տարա-
ծեմք զձմարտութիւնն, և առանց մերձեցուցանելոյ
յայս որ և յայն խրատեմք և յորդորեմք զամենեւին

առ հասարակ, զի առցեն 'ի նմանէ իւրաքանչիւր զիւր բաժին, որում կարօտին անհրաժեշտ, կամ որ գեղեցիկ 'ի ճահ պատահէ նոցա: Աւ եթէ երբէք զանձն քո նկարագրեալ գտանիցես դու 'ի քարոզիդ՝ զոր լըսես, ոչ քարոզիչն է՝ որ ասէ ցբեզ կամ զբէն, այլ խայթ խղճին քոյ՝ որ ներքին գիտակցութեամբն զամենայն լուեալն գտանէ և ճշգրտէ յանձն իւր:

Այլ քառասունային գիրսն, ճշգրտաբանէր Ասկերեան, մեք զառտուածային գիրսն պարզեմք առաջի 'ի շահ համօրէն եկեղեցւոյ. և չուզէմք մեք զմեր բանսն առանձին առ որ 'ի մարդկանէ. միայն ընդ ախտից և ընդ մոլութեանց առաջի կայ մեզ մարանչել: Աւ եթէ երբէք արեգակնս այս լուսաւորեսցէ զբեզ 'ի տեսանել և 'ի ճանաչել զանձն քո, մեծապէս է խնդութիւնս մեր: Այլ զի՞ քեզ, այր դու, զթշուառութիւն զանձինդ մերումն ընծայել չարութեան. իբրու եթէ նախատակ ըզբեզ առեալ բանից առակիցեմք:

Այն է մեղն, եթէ յանցաւոր իցես. մեր չիք ինչ յանցանք՝ եթէ տամք քեզ ճանաչել՝ որ ինչ ետդ. ուղղեալ զբեզ, և մեր քարոզն չեղիցի այնուհետեւ վասն քո: Այն մեղաց և ախտից են առ հասարակ բանքս. յականէ յանուանէ չկարդամք և ոչ զոր:

Այն դարձեալ և որք ամբաստանեն զմէնջ, իբրու զի մեծապէս ազատութեամբ քարոզեմք: Աւ կարի խակ քաջ: Օայն ոչ միայն աստուած հրամայէ մեզ, «Վա՛ն չեա զօրութեամբ և մի խնայեր, բարձրացո իբրեւ փողոյ զբարբառ քո», այլ և առաջնորդք եկեղեցւոյ, այլ և որ յաշխարհի իշխանք մեր և աւագք Ժողովրդեան բարեպաշտք և աստուածասէրք՝ պահանջեն 'ի մէնջ ազատութեամբ քարոզել:

Աւ զիմրդ ոչ. իցէ թէ մարդիկ իցեն ազատք և արձակերասանք 'ի մեղանչել, և պաշտօնեայք աւետարանին չունիցին ազատութիւն և ոչ քաջալերեսցին 'ի յանդիմանել զնոսա: Այլ իցեն նոքա և հրապարակաւ՝ և իբրու յաղթողք և մեծագործք ոմանք պարծեսցին, և մեզ պօքաք իցեն խօսել իբրեւ անաւագս, իբրեւ ապիկարս, իբրեւ վատասիրտս և աչառուս: Վաղարեցէք դուք 'ի մեղանչելոյ ազատութեամբ, և մեք դադարեսցուք 'ի յանդիմանել զձեզ ազատութեամբ:

Յորժամ մեք զարդիս աւետարանական աղատութեամբ քարոզեմք, և այսչափ սակաւ պտղաբերեմք, աղէ՛ ասա, զինչ կամ քանի՞օն էր պտղաբերութիւնն, եթէ իբրեւ բարեմարդիկ փաղաբուշք շողովէաք մեք զձեզ, և գգուանօք ձերոց կրիցդ արբանեկէաք :

Հապա վայրիկ մի, եղբարք, դադարեալ 'ի դժպտեհ և յուժնեւ խորհրդոց, և 'ի լուր աստուածային բանիցն անաչառ քննեսցուք զանձինս . զի արկեալ սերմն բանին Մատուծոյ պտղաբերեսցէ 'ի մեզ . քանզի և միջնորդք այսչափ մեծամեծք և առիթք զօրաւորք զօրհանապաղ կան մեզ 'ի միջի 'ի լինել բարեպարիշտս և առաքինիս : Վաղարեսցուք վայր մի 'ի զեղծանելոյ աստուածային բանիւքն, անշահ և անպտուղ յարդարելով մեզ զնա վայրապար լսելութեամբն : « Ասկերք ցամաքեալք, գոչէր Եգեկիէլ, ոսկերք ցամաքեալք լուարուք զպատգամս Տեառն » : Ետղովորդք որ միանգամ մեռեալքդ էք 'ի Հնորհացն Վրիստոսի, կմախք ցամաքեալք ծիւրեալք ծնգեալք, մերկք յառաքինութեանց աւետարանին Վրիստոսի, արկէ 'ի մեռելութենէն՝ լուարուք զբանն Մատուծոյ . Մատուծոյ՝ և ոչ զմարդոյ . լուարուք սրտիւ, մերձեցուցէք 'ի սիրտ : Միշտ միջնորդք զօրաւորք կրկին, որով միայն մարթաշիւք պտղաբերել 'ի քարոզից, որպէս լուայք ցայս վայր :

Եւ դուք առաջինք քան զամենեսեան, առ ձեզ այժմէն բանք իմ՝ առաջնորդք ժողովրդեան՝ որ յեկեղեցւոյ, և որ յաշխարհէ իշխանք և աւագք : Արչափ 'ի բարձու կացեալ էք՝ այնչափ և ամենեքին տեսանեն զձեզ . աչք ամենեցուն 'ի ձեզ հային, և զինի երթան հետոցդ ձերոց : Եթէ երբէք յուլաջիք դուք 'ի լուր բանիցն Մատուծոյ, և օրինակ բարեաց՝ մանաւանդ 'ի մասին յայսմիկ՝ չտայցէք ժողովրդեանն Վրիստոսի, լինել առաջինք գալ ժողովիլ յեկեղեցիս, և ոչ նոքա յորդորեսցին ջերմապէս յայս առաջին պատճառ փրկութեան . նա զի գիտէք իսկ քաջ, զի « Հաւատք 'ի լսելոյ էն, և լուր 'ի բանէն Վրիստոսի » :

Մի իմ բանք ցայսվայր զինչ զօրեսցեն երբէք, ով տէր, եթէ ոչ քոյ Հնորհքդ ձայնակից լիցին բանիցս : Ես ընդ ունկն, դու միայն բաւական ես խօսել 'ի սիրտ : Վու ինքնին խօսեաց միշտ, տէր, երկ

նաւոր վարդապետ, առ գինս պատուական արեանդ քոյ սրբոյ: Տպաւորեա 'ի միտս սոցա զահագինն զայն ճմարտութիւն, եթէ լսել ցանգ զքոյ բանդ և ոչ ինչ պտղաբերել, զահագինն սպառնայ զպատուհաս զքոյ լուծիւնդ:

Դաբէ, եղբարբ, սարսափելի լուծեանն Մտուծոյ, քանզի ծայր է սաստկապահանջ արդարութեանն. «Դաբեցից, ասէ, առ ձեզ ոչ սով հացի և ոչ ծարաւ ջրոյ, այլ սով լսելոյ զբանն Մտուծոյ»:

ԴՆԼ քաւ, մի լիցի տէր. «Եստեաց տէր, զի լուիլ են ծառայք քո»: Եստեաց ընդ մեզ և 'ի մեզ. և զօրասցուք մեք յայնժամ լսել զքոյ բանն սրտիւ, և մեր ձեցույցանել գնոյն 'ի սիրտս մեր:



ԲԱՐՈՑ, Ի

ԽՈԿՈՒՄՆ ՄԱՀՈՒ

ՅԱՌԱՋԻՆ ԱՒՈՒՐ ՄԵԾԻ ՊԱՀՈՑՆ

“Միևեկ դարձիս յերկիր, ուստի առար. զի հող էիր և
’ի հող դարձիս”, - Ծննդ. 3 :

Զայն իմն հնէր երբեմն յականջս մեծին Ասայեաց.
և անդէն ծանեաւ մարդարէն, զի ոչ ’ի մարդկայնոց ինչ
այլ աստուածային էր բարբառն : Պատուէր կարգայր՝
ոչ որպէս միշտն սովոր էր՝ խօսել, այլ գոչել : “Զայն՝
որ ասէ, գոչեալ”, : “Աեղեւեցաւ մարդարէն, զի ոչ ի
բրեւ զայլոց նուազաց էր պատուէրն, այլ կարի տարօրե-
նակ” : “Գոչեալ”, ասէ միայն : Օ ինչ, և կամ զո՞րն
’ի քոց պատգամնոց գոչեցից տէր : Այլթ, ասէ, առ
ժողովուրդն, և զամենայն պատգամատու թիւնս քո ըզ-
սովորականն ’ի բաց թողեալ այսօր՝ զայս միայն : “Գող-
ջիր” : ամենայն մարմին խոտ է, և ամենայն փառք
մարդոց իբրեւ զծաղիկ խոտոյ”, : Խոտ է մարմինդ այդ
զոր զրգէք, և այդ մեծութիւն և շուք՝ որ դիւթէ զձեզ՝
ծաղիկ է դաշտաց, որ ’ի տաւրոց արեւուն հարեալ խամ-
բեացի : “Յամաքեցաւ խոտն և թօթափեցաւ ծա-
ղիկն” : արդարեւ խոտ է ժողովուրդս այս”, : Այս եղիցի
քո, ով մարդարէ, այսօր դուռն տիեզերական բարո-
ղութեանդ, և այս մուտ աստուածահրաւէրն առաքե-
լութեան առ ժողովուրդդ : Շատ է, յայս միայն պատ-

դաստակացին նորա, թող յայս միայն զգնաացին և ըզ-
դաստակացին նորա ՚ի փրկութիւնս :

Իսկ զօրութեան քարոզութեանն : Եւ զիսորդ
զոր յայնժամ ազդեաց մարդարեւին, ոչ զնայն ազդեա-
ցեն այսօր որդւոց եկեղեցւոյ նախն զօրութեամբ քա-
րոզք աւետարանին :

Ինչին աւաղիկ աւուրք կենցաղական զբօսանաց,
տեղի ետուն ընկերչակութիւնք ակմբից, խնձոյք բա-
րեկենդանութեան սեղանոց, վայելք տիտիութեանց
խաղուց, (և երանի թէ ամենայնս սարկեշտութեամբ) :
Ինչին աւաղիկ, և ահա քարոզք բանին աստուծոյ ձայն
արձակեն ժողովել յեկեղեցի վարաւերոցն որդւոց :
Ձայն արձակեն. զհիշ : Օ դաստանալ յաղախարու-
թիւն, յեռանդն աստուածաշատութեան, յուշ միան-
գամ ամէլ զմահանացու զկեանս իւրեանց, յուշ
միանգամ ամէլ զանուտ վճիռն, « Ինչեւ դարձցին
յերկիր՝ ուստի առար. զի հող էիր և ՚ի հող դարձցին » :
Իսկ յուշ և այս խախտմն՝ սկիզբն և վախճան ամե-
նայն առաքելական քարոզութեան. և այս ձայն մա-
հու՝ աներկեանս դործօն և սաղբիչ յաւիտենական փրկ-
ութեան : « Ձայն՝ որ ասէ, զողջիր ամենայն մարմին
խոտ է, և ամենայն փառք մարդոց իբրեւ զծաղիկ խո-
տոյ » :

Օ ձայն զայս ազդոյ լուիցեն մանաւանդ երիտա-
տարդք կենցաղասէրք՝ հաճոյից անձին և վայելից աշ-
խարհի միշտ սպասարկուք : Թող առաքինութեամբ
այժմէն և վարձու ՚ի բաց կացցեն կամաւ ՚ի հեշտա-
լեացն, զոր դաստադարտութեամբ օր մի կամայ և ակա-
մայ սախակացին թողուլ լքանել : Օ ձայն զայս ազդոյ
լուիցէ սքանաւոր ազգն, և զաւուրս ծաղկրնակեց կենացն
մի ընդ վայր ծախեացէ ՚ի հապտանա և յունայնու-
թիւնս, յուշ ամեալ՝ զի խոտ է մարմինն զոր զրդէ,
և ամենայն վայելչութիւն նորա իբրեւ զծաղիկ խոտոյ :

Օ ձայն զայս ազդոյ լուիցեն աւաղք և իշխանք, և
զդուռղութիւնն ՚ի բաց դիցեն, զոր մեծութիւն և եր-
ջանկութիւն անցաւոր կենացն սաղբեացէ ՚ի նոսա :

Օ ձայն զայս ազդոյ լուիցեն ճոխք և մեծատունք՝ և
զայն գանձ իղձ լիցին ՚ի ժողովել՝ զոր ոչ զողք կապտեն
և ոչ ցեց և ուսիճ ապականեն : Օ ձայն զայս ազդոյ

լուիցեն և աղքատք , և 'ի վշտումբեր սիրտս իւրեանց մխիթարեսցին տառապեալքն 'ի յոյս երանութեան կենացն հանդերձելոց : Եւ առ հասարակ ամենեքին , որ 'ի հողոյ առեալք և 'ի նոյն լուծանիցին , լուիցեն զձայն զայս աստուծոյ . « Հող էիր , և 'ի հող դարձցիս » : Եւ ձայն ահաւոր , տակայն և ձայն փրկաւէտ յոյժ , սիրելիք :

Օ հէտ ապա կենաւէտ ձայնիս ընթացեալ այսօր՝ յաւետարանական բեմէս քարոզ զայս կարդասցուք յունկն բարեպաշտութեան ձերոյ , եթէ խոկումն մահու ճանապարհ միակ և միջնորդ միակ է փրկութեան մերոյ , և սա միայն տայ մեզ աստէն սրբութեամբ քաղաքաւարիլ , և անդ 'ի յաւիտեան երանութիւնսն յաւէժանալ :

Եւ այս իմաստ՝ երբակի զանհրաժեշտ մահուն զպատկեր նկատեսցուք . այս է՝ զհարկաւորութիւն նորա , զանստուգութիւն , և զմերձաւորութիւն : Եւ իսկ խոկումն մահու իբրեւ հարկաւոր և անխուսափելի՝ պատրաստէ զմեզ յապաշխարութիւն , մտադիւրագոյնս 'ի բաց քեցել մեզ 'ի զգալեաց կենցաղիս : Երկրորդ անգամ՝ եթէ խոկումն մահու իբրեւ անստոյգ եթէ երբ գայցէ , ուժգնակի դրդէ զմեզ յապաշխարութիւն , ցաւել մեզ ճշմարտապէս ընդ յանցաւոր կեանս մեր : Երրորդ անգամ՝ եթէ խոկումն մահու իբրեւ մօտալուտ առ դուրս , յաւերժացուցանէ յապաշխարութիւն , եռանդագինս պատկառ կալ դործոց առաքինութեան : Երբակի այս իմաստք , Պատրաստութիւն , Հոգի , և Պտուղ ապաշխարութեան , եղիցին մեզ բովանդակ սրբութիւն մեր և փրկութիւն սաղբեալ 'ի խոկմանէ մահու :

ՄԱՍՆ Ա .

Զիք ինչ որ այնպէս յապաշխարութենէ և յառաստուած մերձաւորութենէն 'ի բաց քեցեսցէ զմարդ , իբրեւ յարգ և վարկ և սէր երկրաւորացս՝ յորոց ըմբռնեալ գերիմբ : Իսկ զճշմարտութեանս այսօրիկ մեք

ինքնին առնումք 'ի մեզ զփորձ . վասն որոյ և դանդաշեմք 'ի փրկութեան մերում և յապաղեմք դառնալ առաստուած , և օր յօրէ ձգեմք զապաշխարութիւնն . քանզի ծանր է մեզ թողուլ զերկրաւորս և զկապ սիրոյն՝ որով կապեալ կամք ընդ սոսա , խզել և 'ի բաց զընկենուլ : Աւարդ ասեմ , եթէ միայն խոկումն մահու իբրու որ անխուսափելի իցէ , յիւրաքանչիւրոցս 'ի մէնջ , զամենայն կապ միանգամայն՝ որ ընդ աշխարհի՝ գիտէ քակել , և յապաշխարութիւն և 'ի դարձ ճշմարիտ առաստուած ածել զմեզ : Քանզի վայր մի խոկացեալ մեր զմահ , եթէ իբրեւ կատարած ժամանակի , և եթէ իբրեւ սկիզբն անժամանակ յախտենականութեան , երկորումք միանգամայն՝ նա բացերեակի նշաւակեալ առակէ զունայնութիւն կենցաղականացս : Աւ ոչ առակէ միայն , այլ և զօրութեամբ ճշմարտութեանն զեռադիմակ կուռն զայն՝ որ բնաւ իսկ սպասարկուս ինքեան զերեալ է զմարդիկ , զարծաթսիրութեանն ասեմ և զփառասիրութեան և զհեշտասիրութեան՝ ջախեալ մանր խորտակէ :

Աւ արդ՝ նկատեալ զմահն իբրու կատարած ժամանակի՝ իմաստութեամբ միտ դիք սիրելիք ճշմարտութեան ձերոց իսկ դատաստանացս , որպէս խրատէ աստուած իմաստն Ազոտինոս . 'Ախր , ասէ , այր դու , 'ի կշիռ զդատաստան քո զոր դատելոց ես դու 'ի մահուն քում վասն կենցաղականացս . դիր ասեմ 'ի կշիռ ընդ դատաստանին՝ զոր այժմ՝ դատիս վասն նոցա 'ի խոկալ քում զմահն : Արկղբն դատաստանքն , ասէ , ճշմարիտք են և ուղիղք . այլ առաջինն անշահ և անպտուղ . իսկ երկրորդն լի շայեկանութեամբ :

Յորժամ դու անկեալ կայցես 'ի մահձի մահուդ և 'ի դժարս ևս հասեալ՝ յուսահատ այնուհետեւ 'ի կենացդ իսկ լինիցիս , աղէ ասա , զինչ խորհուրդ իցէ քո (սակայն եթէ յաջողեսցի քեզ յերկիւղագին պահուն 'ի զգաստութեան զմիտսդ ունել) . առա զինչ խորհուրդ , որ կարծիք եղիցին քո վասն զգալեացս այսոցիկ , որոց այնչափ անձկանօք զհետ պնդեալ ես աշխարհասէրդ . եթէ հեշտութիւնք մարմնոյ , եթէ բազմահալուստ մեծութիւն , եթէ աւագութիւն բարձից , եթէ շուք պաշտամանց , եթէ գործառնութիւնք աշխարհա-

բարոյք, եթէ փառք և պերճութիւնք, եթէ համբաւք տիեզերալուրք . առա զինչ յայնժամ կարծեսցես զուղայդոսիկ 'ի վերջին պահուդ : Յայտ է, եթէ զոր ի մատուռն կանուխ ասաց անձամբ վայելեալ յամենայնին, եթէ « Անայնութիւն ունայնութեանց, ամենայն ինչ ընդունայն է » : Անց աւաղիկ ամենայն իբրև երազք զարթուցելոց, անց իբրև ստուեր, իբրու զհետոս նաւու սահելոյ ընդ ջուր, իբրու նետ թռուցիկ յաղէղանէ : Բարէ ունայնութեանն, բարէ ծաղկընկէց բարեացն :

Այս պատկերք են ճշգրիտք, եղբարք . այս կարծիք անպատիրք, այս դատաստան ուղիղ, զոր կալցուք մեք անշուշտ յաղազս զգալեացս 'ի մահճի մահուն : Վատաստանք որչափ ուղիղք, այնչափ և ահընկէցք յայնժամ 'ի հոգիս աշխարհասիրաց . քանզի զինչ շահ օգտի 'ի վայրապար զդաստութենէն . զի չիք այլ ժամանակ 'էանց ամենայն . ժամանակ չիք պողաբերութեան 'ի գեղեցիկ խորհրդոցն . հեծութիւնք միայն և սրտառու հառաչանք և յուսահատութեան կիրք . « Մորեցաք ուրեմն, ասացեն, մոլորեցաք 'ի ճմարտութեան ճանապարհէն » : Անղ, զի անապան յոյժ ծանեաք զճմարտութիւն . զիարդ՝ մինչև հասեալ յայս պահ սոսկալի, ոչ ինչ մտաբերեցաք մեք : Այս ճանաչումն ունայնութեանց 'ի ժամ մահուն :

Իսկ ապա խոկումն մահու մինչև հասեալ մահու, ներհակաբար ամենեւին, որպէս ասաց նոյն աստուած իմաստն վարդապետ՝ այնպիսի իմն ճանաչումն փրկուէտ յաղազս զգալեացս զործեսցէ 'ի մեզ, զի և կեցցուք յաշխարհի, այլ ոչ կապեալ ընդ աշխարհի . զի և 'ի դարձ վարեսցուք զկենցաղականքս, այլ իբրու սատարս՝ այլ իբրու գործիս յաւիտենից երջանիութեանն : Բանդի յորժամ հասեալ այժմէն խոկամ երբէք զմահն, ասեմ ցանձն իմ . « Վ անձն տես քաջ, ամենայն ցանկալիք մարդկան անցաւորք են, ծաղկընկէց են մեծութիւնք, ուխք են՝ որ յորդեալք և ցամաքեսցին . սակաւօրեայք են բերկրանքն, արաղալախձան են փառքն . ոչ կան և մնան, այլ անցանէն իբրու չեղեալք : Եթէ անցաւորք են, չեն ուրեմն այնչափ ցանկալիք . զի է քեզ անձն իմ այնչափ անդուլ քրտամբք,

այնչափ տառապանօք, այնչափ անհոգացեալ քո զհոգւոյն, զանանցականն, այնչափ տուժիւք յաւիտեանական փրկութեանդ զհետ մտանել անցաւորացն, ոչնչիցն և ունայն ստուերաց :

Եթէ անցաւոր են աստիքս, հայեաց ուրեմն դու 'ի դոստ' իբրու ոչ 'ի քոյս սեպհականս . լեր ուրեմն աստէն իբրեւ զպանդուխտ խմաստուն, որ դէմ 'ի հայրենիսն եղեալ, այնչափ ինչ թարթափի յուղեորութեանն, այնչափ ինչ համարի, այնչափ ինչ 'ի դործ վարէ, որչափ ինչ կարեւորք, որչափ ինչ պիտանիք իցեն նմա ողջ հասանել 'ի ցանկացեալ հայրենիսն : Եթէ անցաւորք են աստիքս, միտ դիր ուրեմն ճշմարտութեանցն, զոր 'ի ներքս բերէ աստուած իմաստ առաքեալն . “Քանզի անցեալ է, ասէ, վայելչութիւն աշխարհիս . ապա ուրեմն որք ունին կանայս, որպէս թէ չունիցին” . կանամբիքն ասէ 'ի միասին և ամուրիքն՝ յոչինչ այլ այնպէս զբաղեալ կայցեն, որպէս յաստուծոյ ծառայութիւնն և 'ի յաւիտեանական փրկութիւնն . “Եւ որք ինդանն ասէ, որպէս թէ ոչ ինդացեն . և որք լանն՝ որպէս թէ ոչ լացեն” : Կարձեսցեն, ասէ, երջանիկք աշխարհիս զսանձարձակ զբօսանսն . և սանձեսցեն տառապեալքն զարտասուս . զի երկոքեան ևս անցաւորք են : “Եւ որք ունիցին, ասէ, որպէս թէ չունիցին . և որք վարեն զաշխարհ, որպէս թէ ոչ վայելեսցեն” : Որք ինչս, ասէ, մթերեն և զտուն 'ի տուն յարեն, և զազարակ առ ազարակ մերձեցուցանեն, մի ինչ աւելի քան զանդոյաւորսն համարեսցին զանձինս . քանզի ունեւն ինչ և յամենայն վայրկենի սպասել անհրաժեշտ կորստեանն, զինչ ունել իցէ : Իսող վարեսցեն զոր ունինն . այլ որպէս վասն կարօտութեանն վարեսցին նոքօք, նոյնպէս և վասն անցաւորութեանն մի ընդ այնոսիկ զսիրտն կապեսցեն : Եւ իմաստ է և այս տրամախոհութիւն ճշգրիտ մեծի առաքելոյն վասն անցաւորութեան կենցաղականացս 'ի խոկման մահու :

Հակառ ուրեմն արծարծեցէք 'ի ձեզ, խրատ 'ի ներքս բերէ աստուածայինն Եւզոտինոս, արծարծեցէք

ի ձեզ , եղբարք , զխոկումն զայս զմահու զփրկաւէան ,
 զկենագործն . այս խոկումն իբրու որդն ծախիչ անկեալ
 ի տունի ծաղկաւէա՝ ուտէ և մաշէ ի ձեզ զամենայն
 իղձ զհեշտալեայն , և զերկրաքարչ ցանկութեանց զար-
 մատն չորացուցանէ , և զտենչ փախաքանացն յանան-
 ցական վայելչութիւնս բարձրացուցանէ : “ Օ արդիս
 ,, մինչ կեամքս՝ պտղաբերագոյնս ասասցուք , եթէ ան-
 ,, ցանէն ամենայնքն . զի մի յայնժամ ի մահուն յան-
 ,, պտուղս ասասցուք . բաժէ , զիմրդ անցին ամենայն-
 ,, քնն ” :

Եւ արդ՝ եթէ իբրեւ սպառուած ժամանակի նկա-
 տեալ մեր զմահ , այնչափ զօրութեամբն ածէ զմեզ
 յապաշխարութիւն , քանիպատիկ ևս կարծեսցես , յոր
 ժամ և իբրեւ սկիզբն յաւիտենականութեան զնոյն
 նկատեսցես : Եւ քարիշտք և անաստուածք՝ զորս ի
 մէջ առեալ նշանակէ իմաստունն , իբրեւ ստուեր զհան-
 դերձեալն կարծելով յաւիտենականութիւն , ի խոկ-
 մանէ մահուն բնաւ իսկ զգայաղիրկբ լեալք , այր այր ըն-
 կերի իւրում հրապոյր կարդայ . “ Երիցուք արբցուք ,
 էր վասն . “ քանզի վաղիւ մեռանիմք ” . զի իբրեւ ստուեր
 են կեանք մեր , և անունս մեր մոռացի ժամանակաւ .
 եկայք վայելեսցուք ի բարութիւնս՝ որ կան . բոլորիւք
 վարդիւք պսակեսցուք , մինչ չե թառամեալ իցեն .
 կեանք մեր իբրեւ շունչ է յոնգունս մեր , մոխիր լիցի
 մարմինն , և հոգին ցնդեսցի իբրեւ զօղ թոյլ : “ Եւ-
 կայք , կերիցուք արբցուք , քանզի վաղիւ մեռանիմք ” :
 Օ այս ի ներքս բերեն ի խոկմանէ մահու ամբարիշտք
 և անաստուածք . քանզի նկատեն զմահն ոչ միայն իբրեւ
 սպառուած ժամանակի , այլ և սպառուած բոլոր մար-
 դոյն և սպառուած հոգւոյն :

Իսկ ճմարտութեանն աշակերտք , ասէր աստուա-
 ծայինն Եւդոստինոս , ընդ հակառակս մարմնամոլիցն
 զայս ինչ իմաստասիրեն ի խոկմանէ մահուն . “ Եւկայք
 պահեսցուք , ձգնեսցուք , աղօթեսցուք . էր վասն . քան-
 զի վաղիւ մեռանիմք : II° զիտասցէ զվաղութեանն
 կեանս : Սանձահարեսցուք ուրեմն այսօր զաչս , սանձա-
 հարեսցուք զլեզուս , սանձահարեսցուք զմարմին . մահս
 մեր ոչ եզր է միայն ժամանակին , այլ և սկիզբն յա-
 խտենականութեան , կամ երջանկութեանն կամ թը-

շուառութեանն , ։ Օ այս իմաստասիրեն նորա , և անարատ քաղաքավարութեամբ պատրաստին 'ի մահ : Չիք զէն զօրաւոր 'ի վանել զթշնամին փրկութեան՝ զեռազխեանն զայն վիշապ աշխարհակուլ՝ քան զխուռմն մահու իբրեւ սկիզբն յաւիտենականութեան : Կամ արծաթն վանէ զմեղ , սիրելիք . կամ , փառք , կամ մարմին : Եւ արդ միտ դիք աղաչեմ իմաստութեամբ :

Վիցուք եթէ 'ի կրից արծաթսիրութեան գերեալ է քո այր դու , զոր արմատ ամենայն չարեաց ասաց առաքեալն : Օ էն զօրաւոր՝ զոր այլ առցես 'ի ձեռն փրկել զհոգիդ 'ի գերութենէն : Սայր մի խոկաս դու զմահն զանխուսափելին , և ասես ցանձն քո . հայեաց դու միանգամ իմաստութեամբ ուլ անձն իմ . յի՛նչ վատտակեալ է քո , և վասն ոյր : Ե՛հա աւուրք քո , որպէս համբերատարն ասէր Յովբ , ահա աւուրք քո համառօտեսցին , և գերեզման միայն մնացէ քեզ , արդեօք այսօր , արդեօք վաղիւ , ո՞ պատմեսցէ քեզ : Եւ արդ յայնչափ մթերիցդ զի՛նչ մնացէ քեզ . բայց գերեզման քո : Եւս եթէ և անօրէնութեամբ և հարրստահարութեամբ և խաբէութեամբ մթերեցան զանձքն , զի՛նչ հանդիպեսցի քեզ յարդար դատաւորէն . զի մահ մեղաւորին չար է , ասէ . և սկիզբն է յաւիտենականութեան չարեաց : Եւ անդ յաւիտենական 'ի տանջանադ քեզ զի՛նչ դիւր իցէ , զի բազմահարուստ թողեր զհետ քո զժառանգ քո : Օ այս խօսիս դու ընդ անձինդ , և 'ի զգաստութիւն մտաբերես 'ի խոկմանէ մահուն :

Եւս դիցուք եթէ ոչ արծաթսիրութիւն գերեաց քեզ , քան թէ փառասիրութեան կիրք և պատուոյն և համբաւոյն : Եւս կիրք զխաղաղաւետ կեանս քո վեր 'ի վայր գործէ , նախաթող ինդրես բազմել ամենեցուն . նախանձու տուայտիս ընդ փառաւորսն , հետամուտ ես ճանապարհին՝ եթէ բարի եթէ անբարի՝ առ որսալոյ զփառս . մոռացեալ է քո զամենայնն , մոռացեալ զհոգիդ , մոռացեալ զԵստուած , միայն փառքն են քո ուշ նպատակի : Եւ արդ զէն զօրաւոր՝ յաղթական անհնաւին կրիցն՝ զոր այլ առցես դու 'ի ձեռն . բայց յուշ միանգամ ածեալ իմաստութեամբ , հայեաց դու ասես ,

անձն իմ . և զինչ ասրա իցեն ամենայն փառք աշխարհի , և 'ի վերջէ յինչ յանդիցին նոքա . « Բնա աւուրք իմ համառօտեցին , և գերեզման միայն կացցէ ինձ » : Իսկ 'ի գերեզման իջեալ քո , ու անձն իմ , և իցէ արդեօք անդանօր խտիր և անջրպետ ընդ անաւաղն և ընդ փառաւոր , ընդ սոսկականն և ընդ աղնուական , ընդ տիեզերական և ընդ տառապեալ գերին . ոչ նոյն հող հաւասարեցէ զնոսա . ոչ առաքինութիւն միայն և կամ մօլութիւն խորեցէ առ աստուծոյ ընդ մարդ և ընդ մարդ . Թերեւ անարդ քո ծառայ կամ մուրիկ զրդեակ զանձամբ՝ գնացեալ Թագ կապեցէ յերկինս , և դու շղթայակապ գերի 'ի գեհէնի : Օ այս խօսիս դու ընդ անձինդ , և 'ի զգաստութիւն մտաբերես 'ի խօսմանէ մահու :

Եւ արդեօք ոչ արծաթսիրութիւն գերեաց զքեզ և ոչ փառասիրութիւն . այլ որ 'ի քեզ Թնամին տընկակից , մարմին եղծանելի . մարմին հրապուրիչ մոգեալ է զքեզ և դիւթեալ զհոգիդ . փափկացեալ միայն՝ յանձնդիրութիւն զխտլին հատեալ է քո . զրդիս , հեշտանաս հանապազ , որ 'ի խորհուրդս , որ 'ի բանս , որ 'ի գործս . միայն 'ի մարմնաւորսն բերանաբացեալ է քո . զհոգւոյն ոչ մոռացեալ միայն , այլ և 'ի գարշելիս համարեալ :

Եւ արդ զիարդ յաջողեցի քեզ վանել զանստան , զբռնաւորն : Օ խաբդ , բայց եթէ երթեալ ասրաւինեալ քո վայր մի 'ի խոկումն մահացու մարմնոյն : Հայեաց , ասես , ու անձն իմ , միանգամ 'ի վախճան մարմնոյդ . « Բնա աւուրք իմ կարճեցին , և մնացէ ինձ ոչ այլ բայց գերեզման » : Եւ անօր իմ գեղեցիկ շինուածն քակեցի , մարմին իմ տակաւ տրորեցի , և որդունք եռացին 'ի նմա . իսկ որ յետ այնորիկ մնացեն քեզ 'ի յաւիտեականն , կամ 'ի վարձ կամ 'ի դատօհաս , կիրք մարմնոյդ հեշտացեալք կամ կիրք տանձահարեալք : Եւ զուցէ՛ ինչ զուգակշուութիւն ընդ վաղանցուկ հեշտութիւնն և ընդ անսպառ հուրն : Օ այս խօսիս ընդ անձինդ , և սիրտ քո յայնժամ հարեալ խոցեցի յերկիւղ սուրբ . խոնարհեցի Թախճեցի հոգին , և փափաք երկրաբար ջանկութեանցն շիջի :

Բնաւասիկ ձեզ , սիրելիք իմ , զոր խոկումն մահու

գործեսցէ, 'ի մեզ . մահ՝ անխուսափելի, մահ՝ եզր ժամանակի, մահ՝ սկիզբն յաւիտենականութեան :

Բարեւ պտղաւետ քարոզութեան մահուն : Եւ տայր իմ առաքելութեանս՝ ըստ երեմեան եռանդանն՝ յառնել առ հասարակ գնալ ընդ փողոցս ամենայն, մտանել 'ի յտունս ամենայն, միսիլ 'ի պալատս, միսիլ ամենայն ուրեք, 'ի խանութս, 'ի գործատունս . ձայն կարդալ առ հասարակ . « Երկիր, երկիր, երկիր, ընդ զպատգամ տեառն », « Վարձցիս յերկիր՝ ուստի առար . զի հող էիր և 'ի հող զարձցիս » :

Եւ տայր ինձ, զպատգամ զայս փրկաւետ իբրեւ կնիք անջինջ տալաւորել 'ի միտս ձեր . զխոկումն զայս իբրեւ նետ սուր թափ անցուցանել 'ի սիրտս ձեր . զի այնպէս փարսեալ անգերծանելի՝ միշտ ընդ ձեզ կացցէ մնասցէ, ուր և նստիցիք, ուր և գնայցէք, ուր և գործիցէք, ուր և խօսիցիք : Պատկեր մահուն ճշգրտիւ երեւութասցի ձեզ, յորժամ երբեք աշխարհ ամբարտաւանութեամբն շրջուցցէ զձեզ, յորժամ երբեք մարմին հեշտալեօքն զրգռեսցէ զձեզ . յորժամ երբեք սատանայ խաբէութեամբն հրապուրեսցէ զձեզ : Պատկեր մահուն ճշգրտիւ երեւութասցի ձեզ, յարթութեան ձերում, 'ի հանգստեան ձերում, 'ի քաջողջութեան ձերում, 'ի հիւանդութեան ձերում : Պատկեր մահուն ճշգրտիւ երեւութասցի ձեզ 'ի տան և արտաքոյ, առանձինն և յակումբս, յորժամ 'ի կենակցութիւնս փարելիս բերկրեալ իցէք, յորժամ զբօսանաց և սիրտութեանց զհետ ելեալ իցէք, յորժամ սեղանոց և խնձոյից պարտաւալ իցէք : Եւ ամենայն ուրեք և յամենայնի այս պատկեր մահուն երեւութասցի ձեզ . պատկեր ազդոյ, պատկեր հարազատ հողածին բնութեանս . որ զամենայն իղձ տարապայման առ զգալիսս մաքրեսցէ, ուղղեսցէ, և 'ի չափու կացուցէ . և յապաշխարութիւն ճշմարիտ հանդերձեսցէ զձեզ :

Եւ արդ՝ որչափ ինչ 'ի ստուգութենէ մահուն, այնչափ և առաւել յանստուգութենէ ժամանակի մահուն պտղաբերեսցուք մեք :

Ինստուգութիւն կրկին նկատեմք 'ի մահուն . մի' անստուգութիւն ժամանակին եթէ երբ գայցէ . միւս ևս՝ անստուգութիւն վիճակի կենացն՝ յորում գտցէ զմեզ մահ : Ո՛վ անստուգութիւնք ահաւորք : Ի՞նչ անստուգութիւն յորդորէ զմեզ յապաշխարութիւն արագ և անդանդաղ . երկրորդն յապաշխարութիւն հաստատուն :

Ի՞նչ ոչ միայն օր մահուն անստոյգ է , եղբարք , այլ և ժամն : Ինստուծոյ բերանն կնքեաց . “ Ոչ գիտէք զօրն և ոչ զժամն ” , : Կէսք 'ի հասակէ 'ի հասակ 'ի վեր ելեալք՝ լի աւուրք մեռանին 'ի ծերութեան պարտութեան . կէսք 'ի ծաղկաւէտ հասակին ապաժամանք լիութեան աւուրց՝ առաջի իւրեանց տեսանէն բացեալ զխաւարային գուք գերեզմանին : Ի՞նչ կէսք դարձեալ՝ յայգուէ մինչև ցերեկոյ՝ իբրև ծաղիկք դաշտաց չե՛ փթթեալք՝ անդէն թառամին :

Իսկ ապա զբոյգ զօրն կամ զժամն ո՞ պատմեսցէ բեզ : Ո՛չ հասակն զբեզ աներկեան գործէ . ոչ կորովութիւնդ վստահացուցանէ . ոչ զգուշութիւնն երաշխաւորէ . ոչ այլ ինչ 'ի մարդկայնոց աստի խնամոց՝ զբեզ ոչ ազատեցուցէ 'ի մահահրաւերն անստուգութենէ : Ի՞նչ անշուշտ է , եթէ հասցէ 'ի վերայ քո մահն , “ Հաւուր յորում ոչ ակն ունիցիս , և 'ի ժամն յորում ոչ գիտիցես ” : Իբրև ձկունք ապուշք ըստ աստուածային գրոյն՝ 'ի կռածագ կարծին ըմբռնեալք , յորժամ յապահովի գիմեսցեն նորա 'ի պատրաստեալն իւրեանց ախորժելին խայծ . և իբրու թռչունք անհանդարտք յաներևոյթ վարմէն ցանցեալք , յորժամ յանդորրու 'ի հեշտային իւրեանց յանտառին՝ ոստոց յոստըս կայթեցեն , այնպէս մարդիկ յանակնկալ մահունէն ըմբռնեսցին ” . “ Որպէս ձկունք , ասէ , որսա-

յեալք 'ի կարթ, և որպէս թռչունք ըմբռնեալք 'ի վարմ, այսպէս յեղակարծումն ըմբռնին մարդիկ, ։

Ան ինչ պէտք, եթէ յանկարծ հրացան բարկու թիւն շանթեալ յաճին դարձուցէ, կամ ծով և երկիր պատառեալ սուղեսցէ, կամ թշնամի դարանակալ յանակնկալս հարցէ. կամ անդամալուծութիւն անդէն զողին քաղեսցէ. չեն ինչ պէտք այսոցիկ. նոքին իսկ մահունք՝ զոր բնաւորականս կոչեմք և նախատեսեալք իսկ են՝ անկարծելիք հանդիպեսցին. քանզի 'ի հիւանդութիւն դժուարին անկեալ քո և տակաւ ապաքինեալ՝ մինչդեռ ամենայն յուսով ինդասցես, յանակնկալ ժամուն մեռանիցիս. զի զանսուտն լցցես զպատգամ, եթէ « Ի ժամու յորում ոչ դիտիցէ, ընդ մէջ կտրեսցէ զնա », ։

Այս պատկեր ահաւոր անստուգութեան երևութացեալ մեզ մահն՝ տայ մեզ անդանդաղ զործել զանձին փրկութիւն, դառնալ առ աստուած ճմարիտ սրտիւ։ Բաբէ քանի՞ն իցէ զօրութիւն անստուգութեանն. և քանիք 'ի սանձարձակ և յանապաշաւ մեղաւորաց՝ յանստուգութենէ, աստի յողի հարեալ խոցեցան և դարձան առ աստուած։ Բանդի և անշուշտ՝ այր մեղաւոր միանգամ խելամուտ եղեալ ճմարտութեանս՝ անշուշտ զայս խօսեսցի ընդ անձին իւրում. Ոչ և քոյինդ դիտակցութիւն մտաց վկայէ ճմարտութեանս, ու անձն իմ. ոչ նա զօրհանապաղ դատապարտէ զքեզ 'ի մեղս քո, և ոչ նա անդուլ բողոք բառնայ յապահովել զփրկութիւնդ։ Բնա դու ինքնին դիտես իսկ զտեղին՝ ուր մեղար, զժամանակն՝ յորում մեղար, զզործակիցսն՝ ընդ որոց մեղար. եթէ յանկարծ այսօր կամ 'ի ժամուս յայսմիկ ըմբռնեսցէ զքեզ մահն, ուրանօր դտանիցես դու զքեզ. և թերես չիցէ մարթ պատահել՝ յորմէ խիթասդ։ Իցէ քո թերես մասնաւոր յայտնութիւն վստահութեան առ յաստուծոյ. նա՛ ինքնին աստուած նախաձայնեաց զանստուգութիւնն, եթէ յորում ժամու ոչ ակն ունիցիս։ Օ ի է քեզ ուրեմն դանդաղել. թերես քան զփրկութիւնդ առաւել կամիցին զդատապարտութիւնդ։ Իսկ արդ՝ եթէ յանկարծ քո յանպէտս դեղ մահու արբեալ էր, թերես դանդաղելիք վայրկեան մի առնուլ զանդեղեայն. կամ թէ եր

քէք քո ձախողակի ծովէալ և յանկարծ նաւակոծեալ՝
ծփայլիր յանդունդս , ոչ դու զամենայն ճիգն [Թափէիր
ունել ըմբռնել զառաջին տախտակն ըստ դէղեցիկ բախ
տիդ հանդիպեալ քեզ 'ի ծովուն . և զինչ , [Թերևս
մահ մարմնոյդ գծնդակադոյն ևս իցէ քեզ քան զյա
ւիտենական դատապարտութիւն հոգւոյն և մարմնոյն :
Օ ի է քեզ ուրեմն յանստոյգն ձգել ժամանակ , մինչ
դեռ սերկեան ժամդ ստուգապէս 'ի ձեռին կայ : Բն
նայն վայրկեան ներկայ՝ անպին է մարդոյ , որ զյետա
գայն չմարթի խոստանալ անձին :

Օ այս այսպէս անշուշտ խօսեսցի ընդ անձին այր
մեղաւոր , այր իմաստնախորհ՝ խեղամուտ ճշմարտու
թեան անստուգութեանն՝ յորժամ և հանապազօրեայ
փորձառութեամբն յայլ տեսցէ և կամ լուիցէ արդիւ
նացեալ զճշմարտութիւնն : Օ այս և 'ի մէնջ , սիրե
լիք , այր այր զօրհանապաղ ընդ անձին իւրում իմաստ
նաբանեսցէ . մաղթեսցէ զայս շնորհացն , խոնարհեսցի
առաջի հօր խոստովանութեան իւրոյ . ասացէ ընդ ե
րանելոյն Վաւթի . « Բացի՝ խոստովան եղէց ես
ինձէն զանօրէնութիւնս իմ տեառն » : Եւ այնպէս
սրբեալ ապաշխարութեամբ , արթնութեամբ այնու
հետեւ դէտակն կայցի անստուգութեան ժամանակին .
« Բթուն կացէք , զի ոչ գիտէք , ոչ զօրն և ոչ ըզ
ժամն » :

Իսկ արդ եթէ յանստուգութենէ ժամանակին այս
լախ , քանիօն կարծեսցես՝ եթէ պողարբերեսցուք մեք
յանստուգութենէ վիճակին՝ յորում ըմբռնեսցէ զմեզ
մահն : Բաբէ , մեռայց ես արդեօք 'ի բարեբախտ ժա
մուն , եթէ 'ի տարաբախտիկ . արդեօք յաստուծոյ 'ի
ձեռս , եթէ սատանային , աւանդեցից զհոգիս : Ո՛վ
խորք ծածկութեան խորհրդոյն Բստուծոյ . ո՛վ ան
դունդք ահաւոր անստուգութեանս : Բյլ քաջալերե
ցարուք , եղբարք . նախախնամութիւն աստուծոյ է
փրկաւետ անստուգութիւնս . քանզի կամի աստուած
դործել մեզ զփրկութիւն 'ի մէջ յուսոյ և երկիրդի .
« Բհիւ և դողութեամբ զանձանց փրկութիւն դործե
ցէք » : Բստուգութիւնս այս հաստատեալ է 'ի մե

ծուծեանն Մատուծոյ, և 'ի փոքրիկութեան մարդոյ .
զի որչափ և բարի իցես այժմ, ով մարդ, որչափ և
արդար, որչափ և սուրբ, ջանքով իցիս երբեք խոտա-
նալ քեզ զանիտիոսութիւնն, և զցանկորդութիւնդ 'ի
բարին . երթեալ ուրեմն ապաւինիս դու յայնժամ
միայն 'ի մեծութիւն շնորհացն, 'ի մեծութիւն ողոր-
մութեանն Մատուծոյ, և գործես այնուհետեւ զփրկու-
թիւն անձինդ . այս է տեսցեալն . “ Օ անձանց փրկու-
թիւն գործեցէք, սակայն ահիւ և դողութեամբ ,,
Յոյս մարդոյ և բարութիւն նորա . ոչ յոյս միայնակ
փրկեսցէ, և ոչ բարութիւն միայն զօրեսցէ . այլ թէ՛
“ Յուսա 'ի տէր, և արա զբարի, և հովուեսցիս 'ի
մեծութեան նորա ,,
որպէս հրահանգեաց մարգարէն .

— Այ գիտեմ, մեռայց ես 'ի շնորհս, եթէ 'ի մեղս :
— Ինչուչա 'ի մեղս, եթէ անյոյս 'ի տեսանէ, և չա-
րասցես զբարի : Ինչուչա 'ի շնորհս, եթէ յուսացեալ
յ'ստուած, և արասցես զբարի . եթէ մարմնոյդ ընդ-
դէմ կբրեսցիս, եթէ զտկարութիւն կամացդ զօրա-
ցուցես, եթէ զհնացեալ սովորութիւնդ զանբարին
հատցես :

— Այ գիտեմ, մեռայց 'ի շնորհս, եթէ 'ի մեղս :
— Ինչուչա 'ի շնորհս, եթէ միանգամ կանգնեալ ա-
պախարութեամբ, զգոյշ և արթուն լիցիս միշտ
նալ 'ի փախածն, մի արհամարհել զներելովն Մատուծոյ,
զբաղցրութեամբն, զերկայնմութեամբն . զանստան
յուշ արարեալ պատգամ, եթէ “ Ի վերայ երկուց և
երկից ամբարշտութեանցն լռեցից, ասէ Մատուած, խնդ
'ի չորրորդունն ոչ ,,
ի

Իսկ սակայն մեծ և յոյժ մեծ է պարգև հանապա-
զորդութեանն 'ի շնորհս յորմէ փրկութիւն . և արժա-
նի անշուշտ լինիցիս այնմ, եթէ ստեպ եռանդեամբ
խնդրեսցես զնոյն Մատուծոյ . մեծապէս խոնարհու-
թեան սրտի անհրաժեշտ պէտք են քեզ առ 'ի ընդու-
նել զսարգև զայս Մատուծոյ . խոնարհութեամբն
միայն՝ զյարատեութիւն, և յարատեութեամբն միայն՝
զփրկութիւն : Իհաւաստի մեզ տոհմականօք պտղաբե-
րութիւնք 'ի խոկմանէ անստուգութեան վիճակին՝ յո-
րում մեռանիցիմք :

Իսկ եթէ երրորդ անգամ և զմտալուս մերձաւո-

բութիւն մահուն խոկասցութեք մեք, քանի՞օն շահեցութեք, արբել անդէն զհոգիս մեր ահիւն Ղստուծոյ, զհետ լի նել եռանդեամբ զործոց բարութեան՝ յուշ արարեալ զսակաւորեայ պանդխտութիւնս . յորում որչափ յամեմք, այնչափ և օտարանամք ՚ի տեառնէ և ՚ի մերոց հայրենեաց : Եւմ ես տեսանող՝ չեմ մարգարէ, ասել ձեզ մեռանել այսօր կամ վաղիւ կամ ՚ի ժամուս . սա կայն զառաքելականն համարձակաձայն կարող եմ բարբառել եթէ “ Կարձեալ է այսուհետեւ ժամանակս ” :

Ըսողէք անդր ՚ի բաց վայր մի զպատահարս պէսպէս, զարկածս ձախողակս անկարծելիս, որ մահառիթմի իցեն մեզ կամ այսօր կամ վաղիւ կամ ՚ի պահուս գլխովին : Ի՞նչ դուք ՚ի կշիռ զամս պարարտութեան զհինգութեայ ծերունեացն հանդէպ հանդերձեալ ամաց յաւիտենականութեան, ոչ օր մի կամ ժամ մի և վայրկեան մի համարեսցին նորա . նա անհամեմատք իսկ զլիսովին առաջինքն առ վերջնովքդ, Կամ թէ քո տասն ամբ և քսան և երեսունն և յիսուն զոր կեցեալ է քո, ոչ իբրեւ օր մի երեսեսցին քեզ այժմ . իսկ և ՚ի վերջին շունչ հասեալ քո, իբրեւ փայլակն մի անցաւոր թուիցին քեզ ամենայն կեանք քո . “ Բուրբ իմ որպէս հովանի անցին, ասասցես, և ես որպէս խոտ ցամաքեցայ ” : Իւ համարեսցիս դու զքեզ ինքնին ընդ երանելոյն : Յովբայ, իբրեւ այն ինչ ծնեալ մանուկ՝ որ յարգանդէ մօրն ՚ի գերեզման անդր յուղարկեսցի : Բահաւի ձեզ ՚ի սկզբունս ճշմարտութեանս մերոյ, ընդ կարճութեան կենացս և մօտալուտ մերձաւորութիւնս մահու : Ազգրտագոյնս ուրեմն ասաց աստուածային առաքեալն, եթէ “ Եւսմանակս կարձեալ է այսուհետեւ ” :

Իսկ զինչ ապա ՚ի ճշմարտութենէ աստի, սիրելիք . լուարութ, զոր ինքնին տէրն բաղմադիմակս պարզեաց եղ առաջի յիւրում աւետարանին : Ի՞նչ զի Կարապետին իւրոյ ձայնիւն զտապարն առ արմին ծառոց դնէ ՚ի հատանել զբուն մահկանացու կենաց ձերոց : Հապարուրեմն արարէք այսուհետեւ պտուղ արժանի ապաշխարութեան : Ի՞նչ զի տայ ձեզ իւրաքանչիւր ՚ի ձեռս ըզ-

քանքար ժամանակին՝ ՚ի յարդել և ՚ի շահեցուցանել, և ինքն զնայ . յարդեցէք ասէ զայդ, մինչև եկից ես միւսանգամ . այլ թէ երբ, ոչ գիտես :] Ի՛ զի նմանութեամբ փեսային և հարսանեաց ժիրս և պատրաստս գործէ զմեզ . ահա փեսայ դայ, արիք ընդ առաջ նորա : Հասկա ընդ իմաստուն կուսանացն պատրաստադոյն ձիւ թուին այժմէն վառեսցին լապտերք հողւոց՝ գործովք բարութեան ընդունել զնա :] Ի՛ դարձեալ զի ՚ի տիւ աւրագաւախձան և ՚ի լոյս անցաւոր նմանաբերեալ զկեանս մեր , “ Վնացէք , ասէ , մինչդեռ զլոյսն ընդ ձեզ ունիք , զի մի խաւար մահուն յանկարծ ձեզ հասցէ . զի որ զնայ ՚ի տունջեան , ոչ դայթաղղի , զի զլոյս աշխարհիս տեսանէ , ” :] Եւ է դարձեալ զի յանկարծակի անկմամբ աշտարակին Սելուկայ ՚ի վերայ ութուսասանիցն , զմտալուտ և զանակնունելի զմահն նշանակէ , և ՚ի զգաստութիւն պատրաստադոյնս յարդարէ . “] Թէ ոչ ասալիսարիցէք , ասէ , ամենեքին նոյնպէս կորնչիլիք ” :

] Եւ այսպէս ապա յամենայնի զմերձաւորութիւն մահուն տայ մեզ տէրն զօրհանապաղ յուշի ունել . և միշտ արթունք՝ ժամանակեայ կենօքս զանժամանակն զբռամբ ածել : Քանզի մարդ որ հաւատայ եթէ յաւիտենականութիւն անվախձան նմա օպասեալ մնայ , կամ երանաւէտն , կամ որ լին է թշուառութեամբ , զիարդ այնպիսին ՚ի վերջին անմտաց ոչ իցէ , եթէ ըզտակաւօրեայ կեանսն ՚ի տուրեւտիկ վաճառ չհանցէ ՚ի զնել կեանս իմն անանց և մշտնջենաւոր :

] Եւ արդ ՚ի մէնջ ո՞ իցէ , եղբարք , որ զճմարտութիւն արդեամբք յանձն իւր յանդուցեալ , ընդ աստուածայնոյն Պաղոսի խնդագինս համարձակեսցի զուգաձայնել , եթէ “] Ես այսուհետեւ նուիրեալ եմ , և ժամանակ դարձի իմոյ հասեալ է . զբարւոյք պատերազմն պատարագմեցայ , զընթացն կատարեցի , զհաւատսն պահեցի . այսուհետեւ կայ և մնայ ինձ արդարութեան սրակն , զոր հատուցէ ինձ տէր արդարն դատաւոր ” : Ո՞ , ասեմ , ՚ի մէնջ համարձակեսցի : Սակայն և մեք ինքնին անշուշտ համարձակեսցուք , սիրելիք , զնոյն բարբառել ընդ Պաղոսի , եթէ որպէս նա Քրիստոսի , նոյնպէս և մեք նմանողք եղիցուք

Պաւղոսի . ըստ որում զանձն 'ի ներքս բերեալ խրա-
խուսէ զմեզ :

Եւ թէ ըստ նորա խրատուն , “ մինչդեռ ժամանա-
կըս 'ի ձեռս է , գործեսցուք զբարիս ” . Սինչդեռ կեամ-
քըս , մեռցուք աշխարհի , մեռցուք ամբարտաւանու-
թեան նորա , մեռցուք ցանկութեանց մարմնոյ . ընդ
Պաւղոսի “ Յամենայն ժամ զմահն Յիսուսի 'ի մար-
մինս մեր կրելով , : Սինչդեռ կեամքս , մի ապախտ
զյարդ ժամանակի կենացս այսորիկ արասցուք , այլ յան-
ցաւորաց աստի զանանցականսն պաղաբերեսցուք : Եւ
տուածային հոգւոյն Պաւղոսի լուիցուք խրատուցն .
“ Ի փոյթ , ասէ , մի վեհերոտք , ” . 'ի սէրն Եստուծոյ ,
ասէ , 'ի սէրն ընկերին , յողորմութիւնս աղքատաց , 'ի
լրումն պարտուց իւրաքանչիւր առանձին , ժիրք և դո-
տէպինդք 'ի փոյթն մի վեհերոտք : “ Հոգւով եռա-
ցէք , ասէ , տեառն ծառայեցէք , ” . յամենայն դնացս
ձեր , ասէ , ցուցէք եթէ զմեծութիւն ճանաչէք զտեառն
որում ծառայէք , գործք ձեր բարիք ' թէպէտ և դուզ-
նաքեայք ևս ' եռանդեամբ փառացն նորա մեծասցին .
և 'ի նուէր սիրոյ սրտից ձերոց հոտոտեսցի Եստուած 'ի
հոտ անուշից : “ Յուսով , ասէ , խնդացէք . նեղու-
թեան համբերեցէք , ” . մի ընկալջիք , ասէ , երբէք
յանձինս ձեր միսիթարութիւն , որ ոչ ծնունդն իցէ
քրիստոնէական յուսոյն ձերոյ . և ժամանակեայ վըշ-
տացդ քաջաբար համբերեցէք վասն յուսոյն այնորիկ .
և զգեղեցիկ զայն մեծանձնութիւն ' որ 'ի հաւատոց
հանդերձելոյ յաւիտենականութեանն , յայտ յանդի-
մանութեամբ ցուցէք թուրահաւատ և անհաւատ մարդ-
կանն : “ Եղօթից , ասէ , ստէպ կացէք . 'ի պէտս սրբոց
հաղորդեցարուք , ” . Գերմեռանդն աղօթք և աս-
տուածային հոգեշահ մտածութիւնք , ասէ , յաւուրն
մի վրիպեսցին 'ի ձէնջ . սակայն և մի այրոքիկ խոչ ընդ
ոտն ինչ լինիցին 'ի պէտս կարեաց քրիստոնէական սի-
րոյն . այլ ընկերին պէտք և կարօտութիւնք իբրեւ ըզ-
ձերն համարեսցին ձեզ :

“ Օ բարիս գործեցէք , ասէ , մի միայն առաջի Ես-
տուծոյ , այլ և առաջի ամենայն մարդկան , ” : Օ ամե-
նայն պաշտամունս , ասէ , և զամենայն գործս զսակա-
ւորեայ պանդխտութեան ձերոյ աստէն այնպէս իմն

յարդարեցէք, զի հաճոյք իցեն Մատուցոյ, և հաճոյք
մարդկան ՚ի շինութիւն. զի ձեզ աճեցունս և զեղունս
գործեցեն աստէն զգանձս արդեանց, և անդէն զվար-
ձուցն հատուցումն ։



ԳԼԽՈՎ Գ.

ՓԱԽՈՒՍՏ ՅԱՌԹԻՑ ՄԵՂԱՑ

“ Յայնժամ փարեցաւ Յիստու յանապատ 'ի հոգոյն փորձիլ
'ի տառանայե ” . Մտր . Կ .

Բաբէ նորասբանչ օրինակին պատերազմի . յաղ-
թել՝ փախչելով, և յաղթիլ՝ դիմադրաւ լինելով :
Սարտ հանապազօրեայ է կեանքս մեր , գիտեմք ան-
շուշտ . “ Ոչ ապաքէն պատերազմ է կեանք մարդոյ 'ի
վերայ երկրի ” : Գիտեմք և զայն , եթէ զինուորա-
գրութիւն ընդ դրօշակաւ խաչելոյն , է դիմադրաւու-
թիւն 'ի վտանգ ընդ բազմահոյս թշնամեաց : Սակայն
զինուորութեան արհեստ քրիստոսեան՝ քանի՞օն ընդ-
հատ իցէ 'ի զինուորականէն աշխարհի : Սորա չիք այլ
առաւել նշաւակ կիրք և գործ , քան զթիկնադարձոյցն
փախուստ . վասն սորա կապտին զինուորական կամարք
փառաց , և զինուորաց փախստէից խարանք հարկանին
դրօշմաւորք անջնջելի վատահամբաւութեամբ : Բայ-
ով զարմանացն , չիք այլ փառաւորագոյն հանդէս քրիս-
տոսեան զինուորութեան քան զփախուստն գլխովին .
վասն սորա 'ի նուագս հրաշալիս առնուն յաղթա-
նակք նահատակաց եկեղեցւոյ . վասն սորա և մրցանակ
և բրաբիօն շնորհին նոցա 'ի զարդ : Եւ զի մի ոք երբեք
ամօթ համարեսցի զփախուստս զայս , ինքնին զօրա-
զլուին հաւատոյ մերոյ տայ մեղ 'ի բնաբանիս զաս-

տուածայինն օրինակ՝ լի խորհրդով։ Յորժամ հանդերձեալ էր մարտ ընդ թշնամոյն դնել, խնդրէ զինչ տեղի անապատ . և իբրու վարեալ վտարեալ խոյս տայ յամայիս . “ Ս արեցաւ , ասէ , Յիսուս՝ ի հողոյն յանապատ , , : Զկամի ընդ հոյս բազմաց խառնամուխ ՚ի մարտն լինել , այլ ընդ միում միայնոյ . “ Ս արեցաւ , ասէ , փորձիլ ՚ի սատանայէ , , : Իսկ արդ զիարդ ոչ յապուշ կրթեսցին միտք , յորժամ տէրն անձառելին քաջազէն զօրութեամբն ամուր ապաւինի իւր խնդրէ զանապատ ՚ի փորձութեանն և միայնակ ՚ի դիմի հարկանի թշնամոյն . իսկ մարդ ապիկար բնութեամբ վայրապար զինու ժառի կուտել , ուր . ՚ի տունս բազմամբոյս , ՚ի համախմբութիւնս կենակից որերոյն , ՚ի ցայգանուագ ակումբս զիշերականս , ՚ի պարս կայթից կաքաւաց . և անդանօր ձայն կարդայ ասպարիսի ոչ միոյ , այլ բազմահոյլ առթից պատերազմաց՝ ի կուիւ : Վանիօն իցէ յանդգնութիւնն :

Եւ բացէք միանգամ զաչա՝ որ կամաւոր կուրացեալդ էք . և զգերադոյն զայն առած զփրկութեան ուսարուք ինքնին յօրինակէ փրկչին : Օ ինչ իցէ առաճն . այն “ Եթէ ՚ի հողւոր պատերազմին՝ որ առաւել բացադոյնս փախչի , առաւել ՚ի յաղթանակն մերձի . և որ առաւել միայնութիւն խնդրէ , առաւել սուրբ է , , : Ոչ ահա դուք ինքնին զօրհանապաղ տրտունջ ՚ի բերանս քանքարտայք յաղաղս բազմահոյլ փորձութեանց և առթից . զի և վայրիկ մի մեզ , ասէք , ոգի առնուլ չիք հնար : — Ս աչ , և ընդէր ապա դուք անձամբք զանձինս փորձէք . և զօր ամենայն անձնազրաւ այնչափ առթից մեղաց ընծայէք : Ոչ դուք ինքնին հնարիք տածէք ձեզ անդուլ զովորս , ընկերչակութիւնս , բարեկամութիւնս , սիրելութիւնս , տուրեւառս թղթոց անչափս , զբօսանս խաղաղկաց , ակումբս խեղկատակաց , աղակատանս և ժողովս զինեբբուաց : Եւ զիարդ երբէք , ասացէք ինձ , զիարդ հնար իցէ ՚ի մշտ այնչափ վտանգաց հաստատուն զոտս ունել . և իբր արդեօք յայնչափ գայթակղութեանց միջի կայցէ ինչ երբէք աներկեւանութիւն :

Ունին դիք ինձ , աղաչեմ , վայրիկ մի . և ես առ ՚ի սանձ փրկաւէտ արձակերասան ազատութեանն և ՚ի

լուսաւորութիւն կամաւոր կուրութեան, յայտ յան-
դիմանութեամբ ցուցից ձեզ, եթէ Վճնդակագոյնն
'ի վտանգս փորձութեանց է դիմադրաւիլն առթից,
Եւ եղիցի մեզ առաջին գլուխ քարոզին: Եւ եթէ
Օրաւորագոյն դարման ընդդէմ փորձութեանց է
փախուստն 'ի յառթից. և այս եղիցի երկրորդն:
Վանդի անշուշտ, որ ոչն փախչի, յաղթի. և որ փախ-
չի՝ յաղթէ:

ՄԱՄՆ Ա.

Եւ զայն անուտ է վարդապետացն աստուածաբանից
առ հասարակ, եթէ առ յաղթական հանդիսանալ 'ի փոր-
ձութիւնս մեծամեծս՝ պէտք անհրաժեշտ են առանձին
օգնականութեան շնորհացն Եւտուծոյ: « Եւ զնիշխան
ազատութիւնն, ասէն, մերկ յառանձին շնորհացն զօ-
րութենէ, անշուշտ 'ի փորձութիւնս ծանունս նկուն
եղեալ պարտեսցի: Եւ է մեզ զայս ճշգրտել հաւատ-
տի նաև 'ի բարոյական իմաստասիրացն վարժից, որ
ասէն՝ Եթէ ամենայն առարկայ յորժամ դէմ յանդի-
ման տեսանի, մեծապէս է զօրութիւն նորա 'ի շարժել
ղկամն, քան յորժամ բացական իցէ: Եւ առել շարժի
կենդանագիր պատկերան, զոր նաքա « Տիպ սեպհա-
կան, կոչեն, քան եկամուտ գունդին՝ զոր « Տիպ ա-
ծանցական, անուանեն: Եւ ինքնին և սատանայ 'ի
շարժել փորձութեամբ զտէրն, ոչ եթէ յաշխարհա-
գրական ինչ պիտակի գծագրեալ զաշխարհ ցուցանէր,
այլ 'ի բարձուէ լերինն հանդէպ աչացն զնոյն յերևան
ածէր: « Եւ ցոյց նմա, ասէ, զամենայն թագաւորու-
թիւնս աշխարհի 'ի վայրկեան ժամանակի: »

Եւ զինչ այլ բազմաց ցուցակութեանց պէտք իցեն
սիրելիք. այր այր 'ի ձէնջ անձամբ անձին զփորձն առ-
նու՝ յորժամ ինքն 'ի ծարաւոյն պապակէ և կամ սո-
վատանջ քաղցնու, առաւել վառի փափաք ծարաւոյն
և առաւել զրգուի անորժակ օտելոյն՝ 'ի տեսանել աղ-
բիւր կենդանի ջրոյ և կամ սեղան զարդարեալ փափուկ
կերակրուիք՝ այն ինչ ջերաջերմ շոգիքն անոյշք արձա-

կեսցին 'ի համադամոցն , քան եթէ յորժամ զայնոսիկ յակն արկանիցէ նկարակերտեալ գունով 'ի քարտի կամ 'ի կտաւի : Վնագի հանդիպակաց առարկային սեպհական է յափշտակել զգգայութիւնն , կախարդել զմիտս , և 'ի քարշ ձգել զկամս :

Եւ արդ 'ի վերայ կրկին հիմնոցս , աստուածաբանութեան ասեմ և իմաստասիրութեան , 'ի քնին առցուք զճառս հանձարով բանին : Եթէ հոգիս մեր այս այնչափ 'ի տկարութեան կայ , զի յընդառաջել ծանուինչ փորձութեան՝ չունելով զառանձին օգնականութիւնն Բառածոյ , անկանի անշուշտ՝ քանզի վատեալ է , քանզի հիւանդ է . քաջ միտ զիր աղաչեմ . հիւանդ է՝ խոցեալ անդատին 'ի սկզբնական մեղացն , որ զլոյս բանին մթացոյց , որ 'ի խնամն չարին զկամսն յանկոյց և զկիրս մարդոյն այնչափ իմն յաղտամբութիւն դրողուցոյց , մինչ զի յընդառաջել մեծի փորձութեան նաև առանց հանդիպակաց պատկերին նաև առանց ինչ առթի՝ նա յերերի կայ . « Տեսանես աւաղիկ , տեսանես , ասէր մեծն Բագոստինոս , զինչ 'ի ներքս անդ մաքառի 'ի բեզ , գբէն , և ընդդէմ քո » :

Եւ արդ եթէ 'ի ներքս անդ 'ի մեզ ունիմք՝ որ ընդ մեզ մարտ եղեալ կուռի , թէպէտ և որ յանապատ յամայի զնացեալ մենացեալ կայցէ , չէ անվտանգ 'ի փորձութեանց և չկայ յապահովի . զինչ ապա ասել պարտ իցէ զմարդոյ՝ որ այնպէս ապիկար և հիւանդ և որ արդէն բեռինս ծանունս զանցելոց մեղացն զիւրե բարձեալ կրիցէ և զայթ 'ի զայթն յոտին կայցէ , աստի վատութիւն ուժոյ և անստատ բռնութիւն կրից . 'ի վերայ այսր ամենայնի նաև յառիթս անդր զիմազրաւեսցէ զանձն , զինչ պարտ իցէ , աղէ ասա , զինչ պարտ իցէ ասել վասն մարդոյն այնորիկ : Ոչ ահա դահալէժ խարդաւանել ակներև կայ առաջի : Եւ արդ տեսէք , տեսարք իմ , եթէ ճշմարիտ իցէ զոր ունիմն ցուցանել ձեզ այսօր , եթէ դժնդակագոյնն 'ի վտանգս փորձութեանց , նա մասն լինէն յամենայն իսկ 'ի փորձութիւնս , է զիմագրաւէն առթից . մինչ զի որ ոչն փախչի , անշուշտ անկանի :

Եւ ևս նախ առաջին կամէի զիտել , յինչ արդեօք ապատտան զիմագրաւէն անհանձարաբար զանձինս առ

Թից մեղաց, և 'ի մօտի դնեն ոչ մեղանչել . զի գիտասցուք միանգամ, եթէ արդեօք հաստատուն ինչ իցէ ապաստանդ , եթէ գլխովին յանձնապատանու թիւն յանդուգն իցէ բանդ :

Ինչ թուի, եթէ յերիս յայտոսիկ ապաստանեալ կան , այլ երեքին միանգամայն սուտք և խաբուսիկք : Համարին նախ եթէ ոյժ այնչափ չունիցի առիթն առ 'ի խորդաւանել զնոսա : Երկրորդ անգամ, եթէ արու թիւն բաւական ունիցին նոքա առ 'ի դիմի հարկանիլ : Եւ երրորդ եթէ Մստուած ինքնին հովանի լիցի նոցա շնորհօք իւրովք : Բա՛բէ , տարապայման վստահին յառիթն . տարապայման վստահին յանձինս . տարապայման վստահին յՄստուած :

Եթէ զառթէն ասիցես , ո՞ ոչ գիտէ եթէ սա ինքն է ժայռն ահեղ և անպարտելի , ուր բազմաթիւք յաբանց քաջաց և 'ի սրբոց ընդհարեալք նաւակոծեցան . յախտենից արք անուանիք՝ նմանեալք հաստահարուստ մայրից Լիբանանու , որք և ընդդէմ ահագին մրրկաց դիւաշունչ փորձութեանց բնաւորեալքն իսկ էին մարտ դնել կռուել, և դիմադրաւեալք միանգամ յառիթս տապաստ անկան :

Քանիս ոմանս , որբայր երբեմն մեծն Մզոստինոս , քանիս ոմանս իմովք իսկ աչօք տեսի , որ կործան անկան յառթից անտի , այն՝ որք հովիւք քաջք էին ժողովրդոց , որ վարժապետք էին աշխարհի , որ նախատիպ օրինակք էին սրբութեան . զորոց անկմանէն երբէք ոչինչ առաւել կասկածէի , քան զՄերոսիոսին կամ զՀերոնիմոսին . և սակայն անկան հիբաբար , :

Քանզի առիթք կիրս իմն հեշտականս յանդիման առնեն մարդոյն , և այնպէս իմն կախարդեն զզգայութիւնս , զի և զբանականութիւնն ինքնին զառաժանեալ , զիւրեաւ այնուհետեւ գերեն զկամն և խարդաւանեն 'ի չարիս : Մհաւասիկ քեզ խաբկանքն՝ որոց միանգամ համարին յանձինս , եթէ մարթիցէ 'ի հեշտական կրից անտի առթիցն պտուղ միայն քաղել զանմեղանչական իմն բարեկրութեան առանց հակամիտելոյ 'ի չարն :

Եթեայց , ասէ մի ոմն 'ի ձէնջ , յարուցեալ երթայց 'ի տեաքանն յայն թատերաց՝ թէպէտ և ոչ բարեհամ :

բաւեալ . քան ոչ վասն չարի, այլ 'ի միտ առնուլ զգիւտ հանձարոյ քերթուածոյն, զճարտար շարժուածս զկենդանատիպ դերասանիցն, զքաղցրութիւնս պարանոցիկ երգոցն : Ահից ընթերցայց, ասէ մի ոմն 'ի ձէնջ, զայն ինչ գիրս՝ թէպէտ և ոչ ողջամիտ, սակայն զհամբաւեալ քաղաքագիտի առն . զայն ինչ մատեան՝ թէպէտ և զժամոտ չարախառի և զանկրօնի, այլ զգիտնականի առն . և զի է ինձ չառնուլ չընթեռնուլ և զվէսքս զառասպելարկութիւնս այնորիկ : Այլ զայս ամենայն, քան ոչ վասն չարի, այլ 'ի վարժել և ներկուռ լինել ազնուութեան իմաստից մատենադրին, վսեմութեան խորհրդոցն, ճարտարախօսութեան բարբառոյն և մաքրութեան ոճոյն և յստակութեան լեզուին : Հարուցեալ և այլ ոք 'ի ձէնջ, երթայց, ասէ, յակումբ անդր կենալից կենցաղասէր մարդկանն, իբրև բարեմարդիկ քաղաքավարեցայց անդանօր ազատօրէն անխտիր . քան ոչ վասն չարի . այլ զերեկորին զժամ անցուցանել 'ի սիրփութիւնս անմեղանչականս և 'ի սիրելութիւնս պղատոնականս :

Կարճեցէք զլեզուս, աղաչեմ, կարճեցէք միանգամ . քանզի ոչ իմաստնաբանել ինչ է ձերդ, այլ բանդադուշել . է՛ վստահութիւնս բանդ, այլ յանձնապատասխանութիւնս յանդուգն . վասն որոյ և խարդաւանեմքի 'ի չարն զոր ժխտէք՝ կամաւ խաբեալք զանձինս, խարդաւանեմքի անշուշտ . որովհետև զժուարիսս յոյժ խնդրէք յանձնապատասխանութեան ձերում, այս է՝ անջատել զմեղս 'ի կամաւոր առթէ մեղացն : Վանդի խնդրէք դեգերիլ բերկրիլ ազատօրէն անխտիր կամ տեսութեամբ կամ զրուցատրութեամբք կամ ընթերցանութեամբ :

Այլ անտա, հայր, վայրիկ մի . ընթերցանութեան դրոցն այնմիկ միտ դնեմ և տեսարանին կամ 'ի զնին՝ ոչ յայլ ինչ պատճառս, այլ զի միայն ճարակ մի տաց մտացս, ճարակ մի և աչացս տեսութեան : — Վաջ է . սակայն և ոչ նախազգաց լինիս դու 'ի բանիդ շղթայ շար կարգի կործանմանդ, ուր առեալ ձգէ զքեզ ընթերցանութիւնդ և կամ տեսութիւնդ այդ . քանզի դոցա, քաջ միտ գիր, սովորաբար յաջորդէ խորհուրդ մտացն, խորհրդոցն՝ բերկրութիւն . բերկրութեանն՝

Հաւանութիւն . Հաւանութեանն՝ զործադրութիւն ,
 զործադրութեանն՝ սովորութիւն . սովորութեանն՝
 հարկ բարոյական . բարոյական հարկին՝ անկարութիւն ,
 անկարութեանն՝ յանցանք , յուսահատութիւն և դա-
 տապարտութիւն :

Եւ աւագիկ որ 'ի կենցաղատէր որերոյն անշուշտ
 ընդ միտս իւր ընդդէմ մեր բան տացէ . — Օ ինչ այն
 իցէ , ասացէ , սերկեանդ քարոզ , որ ողջոյն զմեզ խռո-
 վեալ ամբօխէ , և զմիտս մեր վայրապար խղճահարու-
 թեամբք ընու : Օ ինչ երկիւղ իցէ , առիմէ՞ այդչափ
 արհաւիրքդ : Պարտ ուրեմն իցէ մեզ ամենեցուն՝ կամ
 երթալ փակիլ ուրեք 'ի մենատանի և անապատատուն
 վարել կեանս , կամ թէ բնաւ իսկ 'ի սպառ ողջոյն հրա-
 ժարական տալ արքայութեան երկնից : Վանգի եթէ
 այնչափ իցէ չարութիւն առթիցն՝ յուսահատութիւն
 ուրեմն տիրեաց աւագիկ՝ որոց կեամբս յաշխարհի . և
 որ առաքինիս և զգուշաւորս խնդրէիր զմեզ , յուսա-
 բեկս զործեցեր : Եւ ճմարիտ , եթէ այնչափ չար
 բռնեալ կայցէ յառիթս , որչափ և ասեն : Եւ ատէ
 դիմադրաւել առթից առողջ խորհրդով՝ տեղի չտալ
 հրապուրից նոցա . քանզի և ոյժ և զօրութիւն բաւա-
 կան չարկասի մեզ ընդոտնել զայնոսիկ . ուստի և ձա-
 խողակի անուամբ յանձնապատասանութիւն կոչեն քա-
 ռողիք զայն ինչ , որ արիական քաջութիւն է ոգւոյն :

Եւ ասիկ մեզ զրութիւնդ երկրորդ ոչ ինչ նուաղ սուտ
 բան զառաջինն : Եւ իցէ ճմարիտ , եթէ այնչափ
 չար բռնեալ կայցէ յառիթս , որչափ և ասեն : Իսկ
 դուք որով հաստատութեամբ 'ի մեջ բերէք զառաջար-
 կութիւնդ զայդ : Եւ զինչ ապա . զօրութիւն բաւա-
 կան համարիցիք ունել ձեզ 'ի դիմի հարկանելոյ . ոչ
 այդ իցէ սպառտանն ձեր : Եւ ինչ վայր մի ասացէք
 աղաչեմ . իցեն ձեր կիրքդ այնչափ տանձակոծեալք և
 նկունք , որպէս յոգնաթիւ արանց քաջաց սրբոց . և սա-
 կայն յահի մեծի կեցին նոքա հանապազ . և սակայն
 թողեալ զապասն՝ յանապատ յամայի դնացեալ մեկ-
 նեցան , 'ի գերծ վայրս և յանմարդիս և 'ի գերեզմանս .
 նաև զայն շատ համարեալ յապահովի կալ , կեանս
 վարեցին անկենդանս , արտամոզեացք զօրհանապազ ,
 մտախորհք 'ի խորմունս , կամաւորապէս վարեալք ի-

բրեւ արք անկածք , զրդլեակք զանձամբ , խոշորակերք , վշտամբերք 'ի տքնութիւնս և 'ի չարչարանս :

Հիացեալ իմն եմ , քանիցս անդամ յուշ ածեմ ևս զսրատասխանին՝ զոր մեծն Հերոնիմոս ետ Ս իկիլանտիոսի , որ հարցանէր . Ս ի է քեզ , մեծդ , երկիւղդ այդ և ուստի . և առիմէ՞ դու ոչ 'ի քաղաքս , այլ յանասրատ յամայի գնացեալ նստիս : Ատ սրատասխանի երանելին . Ս իտիցես ուստի իցէ երկիւղն . երկնչիմ 'ի բազում վտանգացդ՝ յորոց միջի թարթափեալ է քո . երկնչիմ 'ի ցատկոտ բանակուում թէցդ , երկնչիմ 'ի զօշոտ և յայրատ հայեցուածոցն : Աւ իբրու թէ ոչ շատ ինչ տակաւին ստաց և զկիրան առակեաց , ոչ ամօթ համարեցաւ յաւ լելու 'ի վերայ յայտնաբարբառ և զայն ինչ , որ եթէ չէր 'ի բերանոյ ելեալ երանելոցն , և ես ոչինչ ժտէի յառաջ բերել . Արկնչիմ , ասէ , եթէ ընդառաջ ինձ հրապարակագոյժք ելցեն կանայք , հրապարակագոյժ չունք . « Արկնչիմ , մի յափշտակեսցի , զիս անն կնոջ սյունիկի » :

Իբրեւ անդուստ Ս իկիլանտիոս զիւր բանն սնդէր , եթէ թիկնադարձոյց փախուստ է այդ վատի առն , և ոչ յաղթութիւն գիմնագրաւ նահատակի . կրկնեաց երանելին . « Աւ զինչ ապա . թող այգալէս եղիցի . ինձ զիմոյ անձին զանկակից վատութիւն արժան է դաւանել . չիք իմ վտահալութիւն յառնել զօտէկուիւ ընդ յաղթահարուստ թշնամեաց , և այնչափ կրկնն զգէմ ունելոյ չիք իմ զօրութիւն » :

Աւ արդ դուք զինչ ասէք . իցեն այդորիկ խղճահարութիւնք վայրապարք , եթէ ճմարտութիւնք անխաբք : Ս եծն այն Հերոնիմոս , խաչակիր անձն , զոր ամենայն մաշեալն մարմին 'ի խոտամբերութեանց , 'ի վերայ այսր՝ խոտովան լինի եթէ չիք նորա զօրութիւն զգէմ ունելոյ նաև յեղակարծ իմն և ակամայացեալ ընդառաջութեան վտանգի : Իսկ դուք կիրս ունելով 'ի ձեզ այնչափ կենդանիս , դուք զգայարանս այնչափ արձակերատանս , դուք մարմին այնչափ փափկակեաց , և հոգի քնքուշ և մեղկաղէտ , և ինդրէք ինձ հաւատարմացուցանել , եթէ զգայականդ ձեր այնչափ իմն նուաճեալ 'ի ներքոյ կայցէ բանականին , զի և մարթիցէ ձեզ ամենայն ազատութեամբ յառիլ դիտել յա-

ուարկայսդ յայդոսիկ՝ առանց վառելոյ 'ի ցանկութիւնս .
 ըսել զպազշտութեան խօսան , առանց զգալոյ զխայթ-
 արն . Թարթափիլ ընդ այնմ՝ և 'ի սէրն հարկանիլ՝ ա-
 ռանց մուտս ինչ տալոյ 'ի ձեզ վատթար խորհրդոց .
 յաճախել ստէպ ընտանութեամբ 'ի տունն յայն՝ ա-
 ռանց անցանելոյ ըստ սահման բարեկամութեան . զայն
 ինչ գիրս առնուլ վերծանել հետաքննաբար զթուլա-
 հաւատ քրիստոնէի , զանկրօնիցն , զմարմնադաշտիցն ,
 զարարիառացն , և ինչ մի չառնուլ 'ի ձեզ 'ի սերմանցն
 ժանտութեան , և բնաւ իսկ անարատ ունել զկամեն և
 ողջախորհուրդ զմիտան : Դարձեալ՝ ունել միշտ 'ի տան
 հանդէպ աչաց ձերոց նկարս պատկերաց պազշտս և
 լիտիս , և իբրու թէ անատունք իցէք դուք անզգայք
 'ի տեսութենէն՝ ոչինչ ամենեկին զգածիլ :

Քանի՞ իցէ խօլութիւնն . քանի՞ կուրութիւն
 յանձնադատտանութեանն : Դարձէ նորաքանչ բանին ,
 դուէր աստուածայինն Սկեբերան , բան , որ ամենայն
 սաղութեան արժանի է : Օ ինչ ընդ հատ իցէ ասելն .
 ընթացայց 'ի վերայ ջրոցդ և ոչ ընկղայց . մօտ կացից
 առ հրովն , և ոչ ջեռայց . քայլեցից 'ի վերայ կայծա-
 կանց բորբոքերոց և ոչ այրեցայց . « Միթէ ծրարիցե՞
 որ հուր 'ի զոդ իւր , և զհանդերձսն ոչ այրիցէ » :
 « Տեսի , ասէ իմաստունն , զյանդգնութիւն սրտից նո-
 ցա . տեսի զի չար է . և ահա դիտացի զկործանումն
 նոցա » :

— Սակայն անտա , ո՞ հայր . չեն այնպէս իւրդ , չեն
 այնպէս և առ մեզ . ձեզ ինքնին վարդապետացդ՝ որ ա-
 ռաւել մենացեալդ էք յաշխարհէ , իցեն ևս բազումք՝
 որ յարաժամ փակեալք իցեն 'ի մենաստանս , անտեսք
 և անլուրք յամենայնէն , ձեզ այնուհետեւ ամենայն
 տեսիլ որ երևութանայ՝ տատկապէս տարանայ , և ամե-
 նայն ստուեր անկայուն՝ մարմին ձեանայ . և ամենայն
 խայթ փոքրիկ՝ վէրս գործէ . իսկ առ մեզ՝ որ զօր ամե-
 նայն Թարթափիմք յաշխարհի և ըսեմք և տեսանեմք ,
 կոշտացեալ բրտացեալ է ամենայնն . և ոչ խուս մի ,
 հաւատա հայր , չգտմք մեք :

Ինդակից ուրեմն եմ ձեզ մեծապէս Դու
 թերևս իցէ արդեօք նաեւ վստան ձեր հրեշտակ ամն
 իջեալ յերկնից 'ի յերկիր , և զմէջս ձեր սնդեալ իցէ

և զմէջս ձեր շուրջ պատեալ իցէ ձիւնափայլ կամարաւն անմեղութեան, իբրու զմարմնաւոր հրեշտակին Վառի-նացոյ : Ասմ թէ իցէ ձեր երբէք սայրասուր փշովք զցանկականդ խոցոտեալ, որպէս արարին ծառայքն Վստուծոյ : Ասմ թէ զտապն նորա և զհրատն 'ի մէջ ձիւնախաղաղ տառնամանեացն շիջուցեալ, ըստ որում և այլք 'ի սրբոց : Աւսակայն նոքա յարաժամ յահի կապին և յերկիւղի . իսկ դուք չերկնջիք ինչ :

— Վսո, մեք ոչ այնչափ ինչ երկնջիմք . զի և ոչ ընդ այնչափ խիստ ճանապարհ է ուղին մեր . և ոչ այնչափ ինչ չարակրութեամբ կամիմք զնալ ընդ անձինս մեր . քանզի և բազում անգամ տարապայման ըմբռնումն է մտաց, որ երեւցուցանէ զչարն անդ՝ ուր չիք ինչ չար : « Վնդ երկիցեն երկիւղ, ուր չիք երկիւղ » : — Վաջ է . մի այդչափ ուրեմն չարակրութեամբ վարեալիք ընդ անձինս ձեր : Վսլ զիմորդ հնար իցէ, ասացէք ինձ վայր մի, այդչափ բարեկեցիկս գնալ ընդ մարմնոյ ձերում, ուտել միշտ կշտապինդ, ըմպել միշտ ցյազ և առաւել քան զպէտս, 'ի մահիճս ընկողմանիլ 'ի փափուկս և յակումբս փետրալիցս . և ապա առանց դնելոյ ոչ տանձս լեզուի, ոչ արդեւանս յաջս, ոչ շարաւանդս յոտս՝ գնալ, խօսել, տեսանել, լսել անխափր և վարել ամենայն ազատութեամբ : Աւ 'ի վերայ այսր ամենայնի միշտ առոյգամարմինք, քաջադարմանք, բարեհանգերձք, երթալ զիմադրաւիլ յառիժս մեղաց, յաճախել յաշխարհաւանդ կապերանոցս, զծաղու դալ, 'ի սէրն հարկանիլ, զբօսնուլ՝ որ 'ի նմայն հանգուցեալ է՝ ընդ տառանայի, այլովքն հանդերձ : Օ իմորդ հնար իցէ, ասեմ, զայս ամենայն առնել և միանդամայն լնուլ՝ չառեմ զկատարելութիւն սրբոյն՝ այլ լնուլ զբրիտանիւթեան զսարսոն և 'ի մէջ առթիցն անկործան մնալ :

Աթէ միով միայն ակնարկութեամբն մեծն այն սուրբ անկառ Վառիժ, եթէ անդգուշութեամբն յառթից՝ մեծն այն խնատուն անկառ Սողոմոն, եթէ պեան այն առաքելոց անկառ Պետրոս . որ խոչընդոտն այլ չունէր՝ բայց զվայրասարն զայն ակնածութիւն մարդկային : Աւ զիմորդ մեք չերկնջուք, տկարքս, ապիկարքս, հիւանդքս : Սկնչե ցերբ իցէ բանդադուշելի իբրեւ զանխորհուրդս . և հաւատարմացուցանել ևս կամիք զմեզ,

և ասէք եթէ բարիորդ կամք և չգգամք ինչ : Զգգայք ինչ արդեօք, եթէ չճանաչէք զչարն, և տապաքեալ դնիք ծածուկ ջերմամբն : Զորչափ 'ի տնկակից հիւանդութենէս, ասէր զանկարծելին բան ոմն 'ի սրբոց, ցորչափ տուայտեալ է բնութիւնս, և ցորչափ այսպէս վատեալ է մեր յուժոյ, «Քան զմեռեալս յարուցանելոյ մեծագոյն ևս հրաշագործութեան պէտք են, երթալ միտի 'ի մէջ բուռն առթից և անկործան մնալ» : Ս'ի թէ մեռեալ իցէ մարմինն. մի թէ աշխարհ չիցէ 'ի միջի, մի թէ 'ի քուն կայցէ սատանայ :

Եւ զիմորդ իցէ ձեզ զիտել, որպէս ասէք, և ճանաչել զչարի և զժամանակ վտանգին ձերոյ յառիժս, և թէ՛ ձեզ զօրութիւն չարականի առ 'ի զդէմ ունելոյ : Զիք ձեզ 'ի չքմեղս լինել և գունազեղել զանհանձար խորհուրդդ. քանզի յորժամ զիմազբաւ ընծայէք ըզձեզ առթին, կամ նախատես էք վտանգին մեղանչելոյ, կամ ոչ : Եթէ նախատես չէք, ձեր է անխորհումութիւնն, և անկանիք մտախաբութեամբ : Եթէ նախատես էք, ձեր է յանձնապատաստանութիւնն, և անկանիք յանդգնութեամբ : Եւ եթէ այսպէս և եթէ այնպէս, արժանի էք պատուհասին. և ոչ ինքնին Մտուած հովանի կացցէ ձեզ շնորհօքն իւրովք : Եւ է այս աւատիկ վերջին ենթադրութիւնդ ձեր և վերջին ապաւէն :

Երդ ուրեմն եկեալ ժամանեցաք յանձուկան : — Ես ասէք դուք ինձ. () զնականութիւնք շնորհացն կամ դոն և կամ ոչ : Եթէ դոն, զի ուրեմն այդչափ երկրն չել և այդչափ ընդ վայր իմաստասիրել. քանզի ուր մերն պակասին զօրութիւնք, լցցեն զթերին շնորհքն Մտուծոյ : — Այ՛ն . . . այլ շնորհեմ ես ձեզ, եթէ գուցեն օգնականութիւնք առ Մտուծոյ : Եւ զիմորդ թուի ձեզ. արժան իցէ մարդոյ վստահել ունել զՄտուծոյ օգնականութիւնն՝ զմեծն և զառատագոյն, յորժամ ինքն ընդդէմ կամացն Մտուծոյ յանդգնեալ զիմազբաւեսցի առթին առ 'ի մեղանչել. և ինամ մեծապէս կալցի Մտուած մարդոյն, որ ինքն անձամբ զանձն անխնամ թողուցու. և սխալիցի Մտուած մեծաւ շնորհի հովանի կալ մարդոյն, որ զօր ամենայն 'ի վրտանդ եղեալ կորուսանելոյ զշնորհսն, յայտ առնէ եթէ

առ ոչինչ ուրեմն համարի զչնորհան Մատուծոյ : Բարե , պահանջէք դուք ուրեմն յՄատուծոյ հրաշս ներդործել և պահել զձեզ անարատս 'ի մէջ առթիցն այնոցիկ , յորս բիւրք բիւրուց յարանց և 'ի կանանց նաւակոծեցան . իցեն ևս և 'ի սրբոց արանց և 'ի հրաշագործից . և ոչ անհնարին ժպրհութիւն իցէ բանդ . “ Սատկապէս գահալիփէ , որ ժաի անցանել , ուր գիտաց խարդաւանեալ զբազումս . ” . ասէր երանելին Ախարիանոս :

Եւ արդ դուք յինչ հաստատեալ էք զզրութիւնդ զայդ . եթէ Մատուծ ինքնին հովանի կայցէ ձեզ յառիժս շնորհօք իւրովք , ասացէք մեզ : Ի գիրս սուրբս . և ոչ բնաւ երբէք . նա գտանիցէք 'ի նմա բիւրս իմն յօրինակաց . զի ուր հասարակ կարգաւ յաջողեսցին իրք , անդ երբէք չսովորեցաւ հրաշագործել Մատուծ : Զարոյց ձայնիւ զտրեքօրեաց զմեռեալն , և բնաւ իսկ մարթէր բանիւ լոկով զահագին զվէմն գամբանին թռուցանել ընդ օդս , այլ 'ի բազուկս որերոյն ապրապարեաց զայն . “ Ի բաց առէք զվէմդ . ” . քանզի առանց հրաշից մարթ էր յաջողել գործոյն : Այլեաց հրեշտակն զղթայսն Պետրոսի , խզեաց և զաղխս դռնափակաց բանտին . և այլ ինչ ոչ : Օպէկոծեալ զնաւն Պաւլոսի փրկէ հրեշտակ Մատուծոյ և շնորհէ նմա զնաւորդսն , այլ չօգնէ ելանել ունել զցամաքն : Ուր հնարք են՝ չեն պէտք հրաշից : Եւ արդ դուք որ քաջ իսկ մարթիք ինքնին անձնապահ լինել 'ի փորձութեանց , տեղի տալ մի յաճախել 'ի տունն յայն , չառնուլ չընթեռնուլ զգիրսն զայն , թողուլ լքանել զընկերչակութիւնն զայն , չերթալ չգեղերիլ յախարհաւանդսն . և առ իմէ՞ ապա պահանջէք յՄատուծոյ հրաշագործել՝ անարատ պահել զձեզ 'ի մէջ հրապուրիցն այնոցիկ , յորս կամաւոր միջամուխ լինիք :

Ո՞ր անձամբ անձին ընդ առաջ գնացէ վտանգին , և յուսացի հովանաւորութիւն գտանել յՄատուծոյ . գիտիցէք ո՞ր : Եւ միայն որ 'ի պարտուց պաշտամանն , որ 'ի հրամանէ առաջնորդին , որ յօրինաց սիրոյն դիմագրաւեսցի յառիժս . “ Հրեշտակաց իւրոց , ասէ , պատուիրեալ է վասն քո՝ի պահել զքեզ յամենայն ճանապարհս քո . ” : Ի ունյք , ուր գտանիցէք զպահաւորութիւն հրեշտակացն , ուր զհովանին Մատուծոյ . ոչ

ի վախս, այլ ի Խանապարհս, ասէ. և Խանապարհ՝ որ քեզն անկ իցէ. « Զամենայն Խանապարհս քո ։ Եւ պա եթէ դուք զարտուղեալք կամաւ ընթանայք ի մէջ դահաւանդից, ի մէջ առապարաց և ախախայից, հրեշտակք ընդէր պահեսցեն զձեզ ։ « Եւ յոյս նորա նանրացի, ահագինս ձայնէն զիրք, ահա յոյս նորա նանրացի, և տեսցեն ամենեքին զկործանումն նորա՝ ։ »

— Եւ որ հաւատիք իցեն բանիդ ։ — Այլ ի բանից, այլ յարդեանց. լուեալ իսկ է և ձեր զգեբահամբաւեալն զայն ճգնաւոր Զակոր, զանձաւամուտն, զբոկոտն, զխռուացեալ զարևորն խոտամբերութեամբ, զհրաշագործ խարաղնազգեացն, զայսահալածն բանիւ լոկալ ։ Եւ ապա զինչ. անզգուշացեալ ի մերձաւոր յառթին՝ ունել յանձաւին իւրում առ ժամանակ մի՝ ըստ աղաչանաց ծնողին՝ զդուստրն զլիկեալն ի դիւէն և զբժշկեալն ի ճգնաւորէն, և ապաւինեալ ի զօրութիւն շնորհացն՝ զի թէպէտ և առ հրովն նստիցի ոչ Զեռնուցու, դեն ելեալ յաղջկանէն եմուտ ի միտս ճգնաւորին ։ Եւ զի ևս յերկարել. արևորն, անապատաւանն, սքանչելագործն, այսահալածն, նախ զպատիւն եբարձ յաղջկանէն և ապա զկեանսն ։ Բանի ահագին անկարծելի իցեն դէպքն. այլ բանի և ճշմարիտ ուրեմն իցէ բանն, եթէ որ փախչի յառթէն՝ յաղթէ. և որ դիմադրաւ յաղթի ։ Եւ զիսորդ ոչ պահեաց Եստուած զճգնաւորն ։ Եւ հաւատայք տակաւին, մինչև զփորձն առնուցուք (եթէ չիցէք ևս առեալ). այլ բաւ մի երբէք առնուցուք ։ Վտեսցիք դարձեալ ասել եթէ զինչ այդչափ երկիւղ, այդչափ զարհուրել յառիթս. լցցէ Եստուած զթերին շնորհքն իւրովք ։

— Եթէ քաջակորուքն հոգւով սուրբք և անապատաւանք անկան յառիթս, ձեզ զինչ լինիցի ։ — Եւ դհաւաւն է, հայր, զլիսովին ամենայնն, ընդ հակառակն, ասացէ որ ի ձէնջ ։ Օ ի և անշուշտ վասն այնորիկ անկանին քաջակորուքդ այդքիկ, քանզի տարապայման է երկիւղ դոյա, և սակաւ է փորձառութիւն դոյա ։ Պատահէ նոցա այն ինչ, որ ինչ մարդոյ՝ որ անցանելն կամիցի ընդ անձկագոյն փայտ եղեալ ի հուն մի

յորդահոան ուղիւից : Որ որ սովորեալն է յանցանել՝
ընթանայ անալէհեր և անցանէ անախանդ . իսկ որ սո-
վորեալն չէ , գնայ երկիւղիւ , դողդոջայ , դեղևի դուինս
և կործան անկանի : Եւ զինչ զարմանք իցեն , թէ այր
անապատական սովորեալն 'ի կենսակցութիւն միայն կո-
ճեղաց անտառացն , 'ի սրատահել առթին անկանիցի :
Եւ չեն իրբդ այնպէս և ընդ մարդոյ արիւնիւնի և ընդ
փորձառու առն . որ յայնչափ առիթս անկործան մնա-
ցեալ , մարթի յուսալ յօգնութիւնն Եստուծոյ՝ եթէ
և առ յապայն չանկանիցի . . . :

— Իսկ արդ՝ և ոչ արդեօք յանձնադատտանութիւն
անխորհուրդ թուիցի բանդ : Ոչ սա այս կորոյս զՍամ-
փոն , և սա այս կորուսանէ արդ և զամբաւս 'ի քրիս-
տոնէից : Վիտէք իսկ դուք , քանիցս անգամ յաղթա-
կան մրցեցաւ Սամփոն , ուստի և 'ի վեր վաղեալ ընդ
միտս իւր ասէր՝ փրկեցից դարձեալ զանձն իմ , յոր-
ժամ զնա Վալիլա 'ի ծոցոյն իւրմէ վարեալ 'ի ձեռս
տայ Փղշտացոցն . “ Եւ ից , ասէ , որպէս արարի միան-
գամ և միւսանգամ , և թափեցից զանձն իմ , ” : Ոչ
ծնօտք իշոյն 'ի ձեռս իմ շանթէն , և դռնափակք դը-
րանց քաղաքին 'ի վերայ ուսոց իմոց՝ յարդք , և կարք
ամրապինդք 'ի բազուկս իմ՝ սատարաց ոստայնք : Ո՞ր է
որ ընդ իս մրցեսցի . “ Եւ ից արարից որպէս միանգամն
և միւսանգամն , ” : Եւ արդեօք ե՞լ . բմբռնեցաւ կապե-
ցաւ , և 'ի տան բանտին յաղօրիս զանարդ գրաստուն
հարկանէր դադաշտն :

Ո՞վ , քանիօն Սամփոնք յանձնադատտանք 'ի միան-
գամ յաղթութեանն և 'ի միւսանգամն՝ անխորհուրդք
'ի գիրկս անկան Վալիլայց . գեղեցիկ անուամբք՝ ի-
բրու քծնութիւն անմեղ , իբրու քաղաքավար բարեմար-
դութիւն , իբրու նորանուտ սովորութիւն , յորջորջելով
զվախսն և զվտանգսն . որք և 'ի վերջէ առեալ թաղե-
ցին զնոսա ընդ փրաճոյիւն , քանի դժնդակագոյն քան
զՍամփոնին :

Եւ արդ դուք , զինչ և կամիք , ասացէք ինձ : — Ե-
սէք , եթէ փորձառութիւնն 'ի հակառակն է , եթէ
կամիցիս հաւատալ , հայր , և եթէ ոչ , այս այսպէս է ,
և այսպէս առնումք մեք զփորձ իրայն : — Իմալ , այդ-
պէս լիցի : Եւ զի արասցուք մեք սպա , կամ ո՞ր թող-

ցուք զՆստուծոյ պատգամն, որ ասէ. « Որ սիրէ զվրտանդ, 'ի նմին և կորիցէ », — Օ բան զբոցն ձեզ ինքնին վարդապետացդ անկանի խորհել և մեկնել. մեք 'ի հակառակն ունիմք զփորձառութիւնն: — Եղէ ուրեմն փորձառութեանդ ձերում և մեք այլով փորձառութեամբ արասցուք պատասխանի:

Հապա, արդ ասացէք ինձ եթէ ողջոյն ընդ Թաղս քաղաքիդ չպատահեցէ երբէք աղջիկ որ շփասցի և գաղտ զօրն ողջոյն աչակաքաւ աստ և անդ մերթ ցուցցէ զանձն և մերթ ծածկեցցէ՝ մերթ ընդ դուրս տանն և մերթ ընդ պատուհանն. դարձեալ և պատանի որ անդ ընդ նոյն Թաղ 'ի վեր և 'ի վայր դեգերեալ և պատահեալ. « Օ մտաւ զգործսն ածցէ խաւարին », — Այ փորձառութիւնդ երբէք պատահեալ իցէ:

Դարձեալ և յաշխարհաւանդ կապելայս, 'ի գինեւր բուս անառակս, 'ի զբօսանս լկտի խաղաղկաց, 'ի պարս անպարկեշտ կայթից, 'ի լուրս վայրախօսից երկայնաձիգ անբարի բանահիւսութեանցն, և որ այլ ևս. զոր չէր արժան ոչ տեսանել և ոչ լսել, և զոր չէ մարթ աստանոր հրապարակագոյթ առնել, չիցէն երբէք անդանօր փորձառութիւնք լի վտանգօք: Ապառեալ մնացէք առ վայր մի առ դուրս վայրացն՝ ուր փորձառութիւնքդ այդ պատահեն. զննեցէք զելեալսն և տեսանիցէք ողջոյն փոփոխեալ զմտեալսն:

Իսկ ապա և պատանիդ այդ 'ի ձեռս առեալ զառասպելայօդ զգիրսն զայն, կամ զհրապուրիչ զքերթածն զայն, նախ առ հետաքրքրութեանն միայն առնու ընթեւնու, ապա ախորժէ, ապա իբրեւ զկարեւոր ինչ գիրս առ իւր խնամով պահէ. չխորհի ինչ անբարի, միայն սկիզբն առնէ այցելութեանց 'ի տունս և ընտանութեանց, գնայ առ որ ճարտար հարկանէ և քաղցր նուազէ, կայ 'ի լուրն և դեգերի և ջերանի: — Եւտղ 'ի բաց, վարդապետդ, և դու միշտ խնդրես կծանել. մեք գիտեմք և ճանաչեմք զի պատանիդ այդ բարի՝ անտխեղձ կայ և անարատ է իբրեւ զուշան: — Եղիցի այդպէս. այլ յետ աւուրց ինչ ոչ բազմաց լուր հնչի, եթէ անբարի գնացից զհետ ընթացեալ է պատանիդ, անկուշէ ընդդէմ հօրն և մօր, վեր 'ի վայր զընտանիսն գործէ, . . . զինչ ասէք: — Ահ. անշուշտ ուրեմն թո

վեաց դիւթեաց որ զպատանիդ բարի: — Եւ կարի իսկ
քաջ . դիւթեցաւ թովեցաւ պատանիդ . այլ ուստի . 'ի
հրապուրից անտի անառակ քերթածոյն , 'ի յաճախ
վերծանութէնէ, անբարի առասպելեացն , յանդգոյշ ըն-
տանութեանց անտի և յանխորհուրդ այցելութեանցն :
Եւ ոչ փորձառութիւնքդ այդոքիկ պատահէն երբէք :

— Բա՛ջ իսկ ողջոյն իրաւունքն'ի քո կողմն յանկէին ,
 Հայր . մի՛ դադարեսցիս խրատել յանդիմանել զարտա-
 նիսդ զայդոսիկ զՀամարձակս և յանճնապատանս , ո-
 րոց երակունք լի են ծծմբով և խնդրեն խաղալ առ
 Հրովս . զինչ զարմանք իցեն եթէ բոցակիզեսցին : Իսկ
 ես աւադիկ՝ զոր տեսանեսդ , Հայր , 'ի ծերութիւն յե-
 ցեալ և ձիւնաբատակ 'ի գլուխս , չեմ ես այլ բաւական
 հուր 'ի ներքս իմ բուծանել . և թէ երբէք 'ի խնդիր
 ելանեմ տիտիութեանց ինչ , կարծեմ ոչ ինչ յանճնա-
 պատանութիւն զրեսցի ինձ այդ :

— Ի ծերութիւն յեցեալ է քո, տեսանեմ աւա-
դիկ, ալեորդ: Բայց ուր ուսեալ է քո, եթէ ալեորն
լինել՝ իցէ անմեղանչական լինել: Բայց զքեզ այսու-
հետեւ անբաւական՝ ի հուր. և ո՞ր հուր առաւել ումայէտ,
ապիկար և [Թոյլ քան զ]՝ ակաբեան անջուր ջրհորոյն
հուր՝ թաղեալն ի քահանայից “ Ի խորշս կողմանցն
անջուր ջրհորոցն ”: Եւ քան ի յամայր սրանդիտութե-
նէն դարձ արարեալ՝ ոչ ևս գտանելին անդ հուր, ալ
աղախուր ջրոյ սկախառն, “ Բայ, հուր ինչ անդր, ասէ-
ոչ գտին. բայց գտին անդ ջուր դանդաղամած թան-
ձրացեալ ”: Եւ սակայն այն ինչ ճառաղայթից արեւուն
յանդիմանեալ նոյն ջուր՝ ի դանդաղ մածուածոյն սար-
ղեալ՝ ի հուր դառնայր և վայլակէր, և նշոյլ արձակէր և
բոց և հուր ոչ վայրասար, ալ հրատ մեծ. “ Փոքր մի
“ Ժամանակ, ասէ, անց ի վերայ, և արեգակն շող առ-
“ սագոյն ի վերայ ծագեաց, բորբոքեցաւ բոց հրոյն.
“ և իբրեւ բոցոյն նշոյլք եղեն՝ դարձեալ միւսանդամ
“ վառեցաւ բորբոքեցաւ ”:

Ի ծերութիւն յեցեալ է քո և 'ի ներքս 'ի քեզ չիբ
այլ հուր, շնորհեսցուք քեզ, այլ ջուր միայն դանդա
ղամած: Սակայն լուր և յաստուածիմաստ մեկնչացն.
“Ս'ի, ասեն, վատահիր 'ի ջուրդ յայդ, մի վատահիր.
սերմն հրոյ է ջուրդ այդ” : Եւ այլ մի արեգակնն ցոյց

դու նմա . ով , քանի՞օն իցէ բոցն և քանի՞ տապն : Այլ
ծերունիդ դու , չգիտեմ եթէ զայս ասելով իցեմ ես
դուշակ զխոռ զպատահելոյն կրից . չգիտեմ ես . գի-
տես դու ինքնին :

Իսկ զոր գիտեմն , ասեմ ձեզ առ հասարակ : Փորձ-
առութիւն է անսուտ , զոր չկարէք ժխտել . և է այս :
Արկին ինչ իրք պատահեն 'ի բանիս . առաջինն է զգու-
շանալ 'ի մեղանչելոյ յետ գիմադրաւելոյ առթին , եր-
կրորդն է զգուշանալ 'ի գիմադրաւելոյ առթին : Իսկ
յերկուց աստի ո՞րն իցէ դժուարին . յայտ է թէ առա-
ջինն . իսկ երկրորդն է առաւել դիւրին : Երդ եթէ
զառաւել հէշտինն չառնես դու , թէպէտ և շատ ինչ
խոստացար հօր խոստովանութեան քո , օրինակ իմն՝
ոչ ևս զնալ 'ի տունն յայն , մի ևս ընտանեանալ ընդ
մարդոյն ընդ այնմիկ , ոչ ևս երեւիլ յայն ակումբ որե-
ւոյն կենակցութեան , և տակաւին առաջադրութիւնդ
չել 'ի դուիս . և արդէն իսկ զատիկք բազումք անցին 'ի
վերայ , և զնոյն խոստանաս հանապաղ և կատարես ոչ .
և զիսորդ կամիցիս հաւատարմացուցանել ինձ , եթէ
զառաւել դժուարինն յաջողեսցիս գործել , այս է՝ ոչ
մեղանչել յետ գիմադրաւելոյ առթին : Եւորդ անդր 'ի
բաց զվայրապար բանդ . թէպէտ և երդնուցուս ևս , ոչ
կարացից հաւատալ . « Որ 'ի նուազն տկարացար , ասեր
Բերանն ոսկի , յառաւելն զիսորդ հաւատացից քեզ » :
Երդ այս ամենայն , աղէ ասա , չիցեն փորձառութիւնք
առաւել յաճախք , առաւել հիմնացեալք , առաւել
ստուգագոյնք քան զձերսդ . . . :

Եւ մինչև և կնքեալ զայս մասն բանի , շնորհեցից
ձեզ՝ եթէ 'ի ժամանակի անդ գիմադրաւելոյ առթից
մեղացն՝ ոչ մեղանչիցէք . այլ յետ դադարելոյ նոցուն՝
զի՞ արաւջիք դուք զներգործութիւն առթիցն՝ յորս
կամաւոր մտեցայք : Եւ եթէ ընդ անդունդս ծովուն
անցէք անվտանգ իբրու զՎաղան և զՎքիրոն , միթէ
և 'ի ցամաքի չիցէ նաւակածութիւն : Վեղեցիկս արձա-
նացոյց Եւորդորեառս 'ի բերան վհին նոցա զայս տապա-
նագիր . « Որք ընդ խորս ամեհի ծովուն ընթացան և
ելին , նոքա 'ի ցամաքի անդնդասոյդ եղեն » : Եւ դուք
յանդորրու անցեալք ընդ անդունդս առթիցն , և ապա
'ի մենանալ ձերում և 'ի հանդարտել 'ի տան՝ յոյգք

խորհրդոց և երևցածք և պատկերք որոց տեսիլքդ և որոց լուայքդ, որպէս ասէր Ռաբանն ոսկի, անջինջ տալու տրեալք 'ի ներքս 'ի միտս, և այդ առանձինն մարմնաջր, ոչ արդեօք մրրկեալք փրկւոյցէն զծով խորհրդոց ձերոց, ոչ և նաւաբեկութիւն ողբալի գործեսցեն ձեզ 'ի ցամաքի :

Եւ եթէ ոչ յետ առթին անցանելոյ նաւակոծեսցիլք ինչ ցորձափ կեայք, շնորհեցից ձեզ և զայս : Բայց աղէ, խեղամուտ լիցուք, աղաչեմ, (զի չեմք խիստ անտեղեակք խորհրդոց սատանայի), որ իցեն դաղանորդ գայթ դարանքն լարեալք մեզ 'ի նմանէ 'ի դժուարին յայն և յահաղին անցան 'ի վայրկենի մահուն : Բայց առթիւքդ մեզայ բաղմադիմիք՝ որոց 'ի խնդիր խնամով ելեալ է ձեր, այդ իղձք անբարիք և տարփանք՝ զոր տածեալ սնուցեալ է ձեր ընդ ամս յոլով՝ բաղմադատիկ այցելութեամբքդ, յիշատակօքն, ողջունիւքն, զրուցատրութեամբքն, նամակադրութեամբքն, դեսպանութեամբքն, որք զարդիս մինչդեռ տակաւին կենդանի էք, լուռք կան, և ոչինչ ներգործեն 'ի ձեզ՝ որպէս ասէքդ, յայնմ սոսկալի պահու՝ յորում անաչառ և արդար, և հանձարով կշռէ մարդ զամենայն՝ զլուխամբարձցեն, ձայն արձակեսցեն առ հասարակ : Ենդուստ և ոստին հողւոց մերոց 'ի վերջին յայնմ պահու զվերջին ճիգն թափեալ հզօրագոյնս կռուեսցի. բաբէ, քանի՞ն անձկութիւնք 'ի պահուն յայնմիկ պաշարեսցեն զհիքացեալ հողին : Եւ յայնժամ՝ իբրու շօշափեսջիք դուք ձեռամբք, և յայնժամ ճգրտիւ խոստովան լինիլիք, եթէ դժնդակագոյնն 'ի վտանգս փորձութեանց, նա անշուշտ կործանումն հողւոյն է զիմադրաւէն առթին : Եւ ուրեմն, աղաչեմ սիրելիք, մի այժմէն, քանզի յայնժամ անադան է դարմանն, մի մոռացօնք լիցին ձեզ բանքս, եթէ որ ոչն փախչի, յաղթի : Քորք մի արդ քննեցէք զանձինս՝ եթէ արդեօք արդեամբք ստուգեցան երբէք 'ի ձեզ առաջն, մինչև վայր մի և մեք հանդիցուք :

ՄԱՍՆ Բ.

Եթէ արդարեւ այդ այդպէս իցէ, 'ի յուսահատութիւն ուրեմն կըթեցան իբրքս: Վրանդի 'ի դիմադրաւելաութիւն՝ մեղանչելոյ, չօգնէ ինչ 'ի փորձութեանն ոչ վստահութիւն յանձն, և ոչ վստահութիւնն յ'ստուած ինքնին: Օ ինչ ուրեմն առնել պարտ իցէ, և դարման դեղոյն որ իցէ:—Մշաւատիկ, «Փախիւր 'ի յաութէն», Սիբ այլ դարման: Ս 'ի դիմադրաւեր ասութիւն զանձն քո: Օ որ 'ի ժամանակի ժանտախտին առ հասարակ սրածութեանն առնեն, զնոյն զործել արժան է. փախուստ, հուր, և սուր: «Եթէ ճշմարիտ է ապաշխարութիւնդ, ազդէր ոմն 'ի սրբոց, եթէ ճշմարիտ են արտասուքդ, արի ել արտաքս»: Ել արտաքս և 'ի տանէն յայնմանէ, փախիւր յաութէդ, ել արտաքս 'ի կենակցութենէդ յայդմանէ: Մշուական օրինակին նմանօղ եղերութք զոր ողջախոհն եցոյց Յովսէփ. նա զպատմութեանն գլխովին թողեալ անդ 'ի ձեռս պաղշտին, վաղվաղեաց փախեալ ել արտաքս: Ոչ ինչ այլ զմտաւ ած, ոչ ժամ ետ լինելոյ կնոջն, միայն արագ արագ վազէ արտաքս իբրու որ հրդեհ հարեալ պատեալ իցէ զտունն՝ այնպէս 'ի շտապ տազնապի ճողովրէր զանձն. «Թող, ասէ, զհանդերձն 'ի ձեռս կնոջն, փախեալ և ել արտաքս 'ի տանէն»: Եւս է միակ դեղ դարմանոյն, փախուստ:

Եւ զխորդ. ոչ խիստ իցէ բանդ. «Ստուութիւն ուրեմն, որպէս ասաց մարգարէն, պատմեցաւ մեզ»: Ոլուիցէ, և կամ ո՞ հանդարտեսցէ քարոզութեանդ այդմիկ: Յառաջ ուրեմն անցցէ աւետարանն Վրիստոսի: Ոչ նա ինքնին զնոյն ազդեաց յաստուածային բերանոյն. «Եթէ ակն քո աջ, ասէ, զայլ թակղեցուցանէ զքեզ, հան զնա և խլեա 'ի քէն: Եւ եթէ ձեռն քո աջ զայլ թակղեցուցանէ զքեզ, հատ զնա և բնկեա 'ի քէն»: Եւ ահա սուր: Վրանի կորովութիւն է պատգամին, և քանի արիութեան պէտք իցեն 'ի կատարել: Խիստ ասէք զբանն, այլ յանհնարիցն չէ: Վրանիք ար-

դեամբք ցուցին զսպառուիրանն . զսիրելիսն իբրև զակն աջոյ , զգործմանն և զնպաստամատոյցսն իբրև զձեռն աջոյ , տեսեալ անձանց իւրեանց 'ի զայթակղութիւն և 'ի հրապոյր մեղաց , հանին խլեցին , հատին և ընկեցին , այս է հրաժեշտ ետուն , 'ի բաց մեկնեցան և փախեան յառթէն :

Ձեզ աւատիկ , ո՛ հաւատացեալք , զսպառուէր զայս ինքնին Փրկիչն բարբառի 'ի խաչէս , “ Հան , խլեա , հատ և ընկեա ” : Ետուածային է հրաման , չէ խորհուրդ . հրաման է . հատ և ընկեա 'ի քէն : Սակայն մի ինձ դու դեզերեսցիս ասել եթէ ոչ ևս ես զնոյն օրինակ իբրու զառաջինն՝ վարեցայց ընդ նմա . զգուշաւորս և սլարկեշտագոյնս զնացից ընդ նմա : — Ոչ , մի բնաւ : Եւ հան ասէ , և հատ . կամ հան զնա կամ դու ել արտաքս . խլեա և ընկեա : Եւ պիտակքդ տենչալիք՝ զոր ունիս և ինամով պահես առ քեզ . 'ի հուր : Եւ նարօտք և զարդք անսլարկեշտք և հիւսք ցանկալիք՝ քեզ 'ի զայթակղութիւն և այլոց , և այդ կենդանագիր , 'ի հուր : Եւ զրեան անկրօն՝ որ առ քեզ , և այդ վեպք հրապուրիչք , ասականագործք , 'ի հուր 'ի հուր : Եւ նշկարք անարժանք , և այդ պատկերք լիտիք , վայրիկ մի դու ել և խուզեա եթէ իցեն ուրեք 'ի տան քում կախեալք , կորզեա 'ի բաց , արկ 'ի հուր և առա . “ Եւ րեմ զձեզ , զի մի այրեցայց 'ի ձէնջ ” :

Եւ եթէ յառթէն փախչել ողորտ իցէ , զինչ ասա 'ի մերձաւոր առթէն : Ո՛վ , քանի՞ն յայնժամ առ դուքս կայցէ նաւաբեկութիւն : Ոչ ինչ օգնեսցեն քեզ յայնժամ , ոչ եկեղեցի , ոչ աղօթք , ոչ խորհուրդք եկեղեցւոյ , մինչև ոչ հրաժեշտ տացես 'ի մերձաւոր առթէն :

Եւ արդ , սիրելիք իմ , որ պտուղ ասլա քաղեսցի այսուհետև 'ի քարոզէս յայսմանէ , որ արդեօք : Ո՛վ , զի՞նչ ձայն հնչէ 'ի լսելիս իմ . Վարդ , ասէ , որ քան զամենայն քարոզ առաւել կարեւոր առն քրիստոնէի յամենայն 'ի կեանս իւր , նուազ շահաբեր եղիցի քան զամենայն . և յորոց միանգամ քարոզեցաւ , զոգցես ոչ ինչ կատարեսցի արդեամբք : Ոչ ինչ . . . և զիսրդ այս . . . :

Ոչ ինչ դադարեսցի անարժան ընտանութիւնդ այդ 'ի մէջ երկոցունց սեռիցդ . ոչ ինչ : Ոչ ինչ կարճեսցին

յայնչափ յայրատու թէնէ աչացն և ակնարկու թէանցն . ոչ ինչ : Այնչ լեւսցեն այնչափ հրապոյրք և խեղդք շքր թանցն , որովք գերեցան այնչափ հողիք . ոչ ինչ : Աս խեցին ուրեմն տակաւին լիտու թէան նկարդդ 'ի տու նրա . կախեցին : Ին թերցցին դարձեալ անյադարար զնոյն տարականագործ գրեանն . ըն թերցցին : Արդեւսցեն դարձեալ համարձակ զնուազսն զայն անմարբարս . երգեսցեն : Յաճախեցեն դարձեալ 'ի նոյն կենակցութիւն լինեցցն և շիացեցցն . յաճախեցեն : Իսկ և դարձեալ նոյն մեղկութիւնք և տարփանք և նոյն կա պելայք , և նոյն գինեբբութ . նոյնք դարձեալ . . . :


Բարէ ուրեմն , Փրկիչ , վերստին և բազում անգամ 'ի խաչ հանեալ . և առ իմէ ասլա այնչափ քիրան քոյին պաշտօնէիցս հիքացելոց . յինչ պիտանացու այնչափ քարոզք , և հրահանգք պէսպէս . առ իմէ , տէր , առ իմէ . . . : Այլ մի , տէր , մի 'ի բացեայ առներ զշնորհ սրդ . մի թողուր սնալատասկ զբոյ պաշտօնէայս , և մի անպտղաբեր զբոյ հաւատացեալսդ . հեղ զշնորհսդ , լից զթերութիւն լեւեացն , լից զթերութիւն ասեւեացն . . . : Եւ շնորհք 'ի խաչելոյն , եղբարք , գոչեմ ընդ առաքելոյն . “ Կործակից լերութ , աղաչեմ , գործակից շնորհացն Բստուծոյ ” : Սակաւ մի արտօսար առ ոտս խաչելոյս վասն անցելոյն թերութեանց : Յաւեսցի ձեզ ճանարտապէս , զի քան զԲստուած առաւել սիրեցէք դուք զառիժն մեղաց : Այլ շնորհօք խաչելոյն զօրացեալք այսուհետեւ հաստատուն բիցի առաջադրութիւն կամեսցն 'ի զգուշաւոր պահպանութիւն յառաջակայիցն առ թից , մի միւսանդամ 'ի խաչ հանել անձանց զորդին Բստուծոյ :

Այրիկ մի , աղաչեմ , խուզել զխորշս սրտից . “ Աստիցէ այր 'ի խորութիւն սրտի իւրոյ , և բարձր եղիցի Բստուած ” . խուզել , որ այն առիժն իցէ , որ զձեզն կաշկանդեալ ունի գերի առնել սատանայի . որ այն իցէ . գտեր դու զայն , հապա խղեա զկապանսն , խորտակեա զլուծն . հան և խլեա , հատ և ընկեա 'ի քէն , որպէս պատուիրեաց տէրն : Օհնչ ձեզ արժեացէ , աղէ ասացէք . ոչ կամք միայն , և շատ է : Վնդեցէք զանձինս . տուք զերասանն զգայութեանց ձերոց 'ի ձեռս տիրական մախնդ . ձայն տացէ առաքինութիւն

արիութեանն . “ Ս’ի ևս ես ընդ մարդոյն ընդ այնմիկ .
մի ևս ես ընդ պէրողին ընդ այնմիկ . մի ևս ես ընդ մա-
տենադրին ընդ այնմիկ . մի ևս . . :

Բարէ գեղեցիկ յաղթութեանն , բարէ ցանկացեալ
պտղոյն . քանիօն իցէ ակոյեանն , քանիօն բրաբիոնն :
Եւրա թէ ոչ , առ ինչ պիտանացու իցէ այնուհետեւ մեր
քիւրան և ձեր աշխատութիւնն դալ խոնել ձեզ հա-
նապաղ ’ի սուրբ եկեղեցիս . եթէ հանապաղ ’ի նոյն
ժամանակ իբրու ’ի վեզ զմիմեամբք երանիցեն ’ի ձեզ
միանգամայն՝ աստ լուր քարոզից բանիցն Եստուծոյ , և
անդ ունկնդրութիւնք հրապուրից առասպելարկուացն .
միանգամայն և աստ աղօթարանք , և անդ ժողովարանք
կենակցութեան շամբշեւոյն . միանգամայն , աստ խոս-
տովանութիւնք մեղաց , և անդ առիթք մեղանչելոյ :
Ս’ի , եղբարք իմ , մի . այլ առ հասարակ նուիրեցէք
զանձինս ’ի բարձունս ամենայն առթից մեղաց ’ի ձեզ :

Իսկ առ ’ի հեշտագոյնս նահատակել ’ի նոյն քաջու-
թիւն՝ յուշ միւսանգամ՝ ածէք զոր բազում անդամ
լուայք , եթէ վտանդ մեծ , նա անշուշտ կործանումն
հոգւոյն՝ է գիմադրաւել առթին . և միակ դարման՝ փա-
խուսան է յառթէն : Եւ յորժամ աստի ’ի տունս ձեր
դարձիք , զնոյն բան կրկնեցէք և երեքկնեցէք , եթէ
Որ ոչն փախչի , յաղթի . և որ փախչի յաղթէ :



ՔԱՐՈՉ Գ.

ԲԱՄԲԱՍԱՆՔ

“ Ոչ է այրն այն յԱստուծոյ , զի զշարսքս ոչ պահե ” . Յովն . 9 .

Եթէ զգործս հանձարեղ բնութեանն զննեալ , ի մաստասիրել ինչ վայելչապէս արժան իցէ , հայեաց ինձ միանգամ , քանի իմաստութեամբ նախատես եղեալ բնութիւնն մեծի կոտորածին զոր լեզու չարախօս բառական է , հասուցանել աշխարհի , առեալ փակեաց զնա զգուշութեամբ իբրեւ զգազան 'ի դառազղի կրկին կապանօք . զի 'ի շղթայաշար ատամանցն արդելեալ և 'ի փակարանէ շրթանցն բանտեալ , ոչ ինչ այնպէս հեշտեսու ելցէ արտաքս՝ խզեալ զկապանսն :

Եւ աղէ առ ինչ օժանդակեաց ամբաստինդ պահպանութիւնն . թուի իմն այնպէս , եթէ առ 'ի կապակոտոր առաւել գործել զնա , առաւել աստիքատան , առաւել աննկուն : Ոչ զոր ամենայն պատահեմք լեզուաց , լեզուք անսանձք , յանդգունք . որ ոչ երկնի և ոչ երկրի ակն ածեալ՝ ձգին անդր և մինչև յաստեղս մեծաձանձա , և շունչս իմն մահահոտս փչեն 'ի նոսա՝ զի աղօտացուցանել մարթասցին զլոյսն նոցա : Եւ ոչ զնոյն ակներեւ տեսեք դուք այսօր , սիրելիք , և 'ի սերկեան բնաբանիս . “ Ոչ է այրն այն յԱստուծոյ , զի զշարսքս ոչ պահե ” :

Օ ցանկացեալն տեսութիւն 'ի ծնէ կուրին պարգևէ տէրն , և առ 'ի հրաշագոյն ևս յարդարել զբժշկութիւնն , զհող դուղնաբեայ աստուածային մատամբքն

լմեալ՝ կաւ գործէ . և նորին աղաղաւ զթունալից լե-
զուան յինքն ձգեալ , ահա բամբասեն զնա իբրեւ լուծիչ
շաբաթուն , իբրեւ աղարախչ սրբութեան օրինացն , ի-
բրեւ թշնամի Մատուծոյ . « Ոչ է այրն այն յՄատուծոյ ,
զի զշաբաթս ոչ պահէ » : Մշուշտ ուրեմն լեզու չա-
րախօս նաեւ 'ի կենսաւէտ ծաղկանցն թոյնս դառնու-
թեան գիտէ հաւաքել : Մի ժանտք , և առաւել
ժանտք , դասք դպրաց և փարիսեցւոց , պակասեցան
թերեւս գայթակղութիւնք յԱրուստղէմ . զի դուք ըզ-
ժահր լեզուիդ չթափէք 'ի նոսա : Օր է ձեզ այնչափ
սրել զատամունս ընդդէմ սրբոյն սրբոց , զի և զամե-
նայն գործ նորա սբանչելի գծէլ , և զամենայն բան նո-
րա խմաստուն եպերել , և զամենայն զմարդասէր գնացս
նորա թիւրել և կամակորել : Այա , ո՛վ քանխօն է լե-
զու , նա և զհրաշն ինքնին գլխովին գործի թշնամա-
նաց առնուլ հրաշագործին . « Ոչ է այրն այն յՄատու-
ծոյ , զի զշաբաթս ոչ պահէ » : Մյսչափ թոյն 'ի լե-
զուն , այսչափ ժարհութիւն , այսչափ սրածութիւն լե-
զուագարութեանն . մինչև 'ի հրաշագործութիւնն
բամբասանք , և մինչև 'ի մարդասիրութիւնն գծանք :
Եւ այս յայնժամ :

Իսկ և այսօր որ այն հրապարակ իցէ , որ այն փողոց ,
որ այն ակումբ ազատաց , որ ժողովարան պարապորդ
մարդկանն , որ սենեակ , որ գործատուն . (մի արացէ
Մատուած) , որ մենաստան կամ որ ձգնարան , յորս որք
'ի նոսա լեզուք բամբասողք՝ ոչ իբրեւ կեղծաւորութիւն
համբաւեսցեն զբարեպաշտութիւն , իբրեւ սնոտի երկ-
չոտութիւն՝ զխոնարհութիւն , իբրեւ ապշութիւն՝ զա-
մօթխածութիւն . նա՛ է զի և զհրաշն գլխովին՝ զգիւց-
ագնական զառաքինութիւնն ասեմ զծառայիցն Մա-
տուծոյ՝ նիւթ 'ի ձեռս առնուցուն ծաղու առ 'ի զզուել
զառաքինիսն :

Ո՛վ նզովից լեզուացն բորբոքելոց , որ թէ չայրէ ,
սակայն և խանձէ , որ ինչ պատուականագոյն ևս է 'ի
կեանս մարդկան և 'ի կարգի բնութեանս մերոյ առա-
ւել սիրելի քան զամենայն . և որ այն իցէ . անուն բա-
րի , համբաւ գեղեցիկ , յարգ գերդաստանին , պատիւ
անձին իւրաքանչիւր , վարկ համեստութեան , կարծիք
բարութեան . զորս միանգամայն խանձէ և աղարտէ

բամբասող լեզու, և առ հասարակ մարդկութեանս զեան մեծապէս գործէ :

Եւ արդ ժուռկալել աղաչեմ, եթէ վայր մի առաւել սաստիկ հանդիտացեալ այսօր՝ ճիգն վերջին զիրաւացի սրտնութեան՝ ողջոյն թափեցից ընդդէմ բամբասող լեզուի . և առ ՚ի արմատաքի խել զախտ աշխարհակուլ բամբասանացն, խելամուտ արարից զձեզ խնովանն, եթէ յամենայն չարիս զոր միանգամ ձեռն հաս է մարդ ՚ի գործել, բամբասանքն է դիւրագոյնն ՚ի գործել . և եղիցի այս առաջին գլուխ քարոզիս : Բամբասանքն է չար դժուարագոյնն ՚ի դարմանել . և այս է երկրորդն : Բամբասանքն է չար առաւել արժանին ՚ի պատուհասել . և այս եղիցի երրորդն : Որպէս զի ՚ի բամբասանացն ախտէ՝ յոր այնչափ հեշտեաւ ըմբռնի մարդ, և այնչափ դժուարաւ դարմանի, և այնչափ արժանա հաս պատուհասին անլրէպ ներքոյ անկանի, մեծապէս գարշեսցին առ հասարակ և նզովս բերանալիր զհետ արձակեսցեն :

Եւ զիտեմ քաջ, զի ՚ի հարուած սաստիկ դանիցն ընդդէմ ինձ բամբասողք զլեզուսն սրեսցեն . չէ ինձ ինչ փոյթ, թող թափեսցեն զթոյնն ընդդէմ մարդոյ, որ արժանին է ամենայն թշնամանաց . շատ է ինձ զի ուղղեսցին նոքա, և կալ և կապ դիցեն միանգամ բերանոյն, բերանք ապականագործք հողոց իւրեանց, ապականագործք ընկերացն, ապականագործք պատուոյն Եստուծոյ : Եւրդ սկիզբն արասցուք բանիս :

ՄԱՍՆ Ա.

Օ որ ամենայն քանքարտան մարդիկ ընդ մահկանացու բնութիւն իւրեանց, քանքարտան ՚ի նոյն և ընդ յաճախութիւն գործիական զինուոյն, որ երազեն զմահն իւրեանց : Բանի՞ն իցեն ասէն հանապազօրեայ գիտք հնարից ՚ի զրգել զմահ ընդդէմ մեր . քանի կապալաց կոյտք ձուլալք ՚ի հալոցս, և քանի երկաթք յետանեալ սրին, քանի սրողստաք տայրասուր կազմին ՚ի նրանս, ՚ի տէգս, ՚ի նետս, ՚ի յաշտես, ՚ի

առաւել, 'ի դաշոյնս . խոցել 'ի մօտոյ, հարկանել 'ի բացուստ, վիրաւորել սայրացի, մահ ածել կռակի : Իսկ և մահաշուկ հրապինուցն մենքնայից պէսպիսութիւնք յոր խժգժական կատարելութիւն ելեալ ամբարձան յառուս մեր : Ար բոցաշնչութիւնք արձակին 'ի թնդանօթից, որ դժսկը զգայուեալք 'ի դուրս դան 'ի հրալից ուժաց : Առաջեցան արդեօք շանթք հրացան բարկութեան 'ի զինարանս երկնից, ուստի և խրժգժութիւն մարդկան հնարեցաւ շանթել նաև ընդ սրարդ երկնաւ : Առ 'ի մէջ այնչափ ճարտարութիւնք, բանբարտան մարդիկ, առ 'ի հեշտին գործել մեզ մահ հանապուայս զմուտս մահուն :

Եւ առ է, շատ է արդ, դադարեցէք աղաչեմ. և և թէ ձեզ կամք իցեն առաւելագոյն ևս իրաւամբք դանդատել, վայրիկ մի հայեցարուք ընդ միւս այլ զուգաւորութիւն երկուց հակառակացն՝ ոչ ինչ նուազ զարմանալի և նոր և օտար : Վանիօն իցէ աչալուրջ զգուշաւորութիւն 'ի մարդիկ առ 'ի պահպանել զբաղաբական կեանս իւրեանց . զգեղեցիկ համբաւն ասեմ, զվարկ զարմին, զբարի անուան, զառ ամենեւին զյարգն, ըզսրարտուպատշաճ պատիւ անձինն, զանխարդախութեն, զհաւատարմութեան զկարծիան յընկերշակութիւնս, 'ի շահալիաճառութիւնս, 'ի դաշնագրութիւնս . և ընդ այսոսիկ դարձեալ, գիրք 'ի միւս կողմն, տեսէք զզուգաւորութիւն բիւրապատիկ հնարից և յեղանակաց, զորս զէն 'ի ձեռին աւանուն բաժնասողք, տապալել աղարտել զայնոսիկ, և ողորմելի ևս մահ ածել մեզ 'ի քաղաքական կեանս մեր :

Բարէ, զիարդ լեզու մի չարախօս ողջ զզինարանս յինքն բարձեալ բերիցէ զամենայն հրապինուցն դառնութեան՝ մարտ դնել իբրև ճակատամարտ մեծի բանակի և կռուել ընդ մեզ : Օննեցէք աղաչեմ և տեսանիցէք 'ի մի միայն լեզու աղեղունս՝ հարկանել 'ի հեռատանէ, դաշոյնս՝ 'ի խոցել 'ի մօտոյ, տեգս՝ 'ի վանել, վերնս՝ թափ յայնկոյս անյուշանել, սուսերս՝ 'ի վիրաւորել, ճայթիւնս հրացանից, որոտս թնդանօթից, շանթս ուժաձիգս արկածից, որովք միանդամայն սպառապինեալ է լեզու մի չարախօս : Ար երբէք հաւատարմորցս, և թէ և անառտ վկայութիւն չէր 'ի միջի բանին

Բառուճոյ . « Լ արեցին , ասէ , զլեզուս իւրեանց իբրեւ զաղեղունս . ատամունք նոցա զէնք , ատամունք նոցա նետք . և լեզուք նոցա սուր սրեալ » : Եւ զինչ զարմանք այնուհետեւ , սիրելիք , եթէ այնչափ դիւրեալ լինիցի բամբասել . նա այնչափ դիւրին է , որչափ դիւրին է խօսել . և այնչափ առաւել , զի և բոյս բարուց բամբասողին չէ 'ի վար առնուլ զզէնսն ճակատ առ ճակատ , այլ 'ի թիկանց մարտ եղեալ կռուի , արդարեւ որպէս և է իսկ իբրեւ մասնիչ անարգ : Եւստի և արժանապէս կոչեցաւ բամբասանք՝ ակտա ծառայական , խայթ օձական . քանզի զոր օրինակ ծառայ ոչ ժափ չարախօսել զտեառնէն յանդիման նորա և օձ նենգաւոր խածանէ լռիկ , այսպէս և բամբասողն վէրս դնէ 'ի ծածուկ և 'ի բացականսն թափէ զթոյնն :

Եւ մի ինձ դու , բամբասող լեզու , ասասցես երբէք , եթէ բամբասեմ 'ի շինութիւն , 'ի գեղեցիկ նախանձաւորութենէ բերեալ : — Եր նախանձաւորութիւն , աղէ ասա , որ նախանձաւորութիւն իցէ : Եթէ նախանձաւորութիւն է , եթէ սէր է , եթէ խօսեաց ընդ յանցաւորին զոր կարծես՝ երես առ երես . լեր անվնէր ազատադէմ ընդ աստուածային մարդարէին , և ասա . « Յանդիմանեցից զբեզ , կշտամբեցից կացեալ քո դէմ յանդիման » :

Եւրա , զոր հաւքաւեալն այն արար հէնն ծովու Վոնիդէս անուն : Յորժամ սա շղթայակապ առաջի Վեքսանդրի մակեդոնացւոյ՝ մեծասաստ առեալ զսպառնալիսն զի հինաբար նաւարկէր ընդ ծով՝ աւազակեալ զանցաւորս , քաջասիրտս 'ի շղթայից անտի իւրոց փաստաբանեալ բարբառեցաւ , և յետս զկշտամբանսն անդրէն առ թաղաւորն դարձուցանէր . « Լ ուր , արքայ , ասէ . աղքատութիւնն աւազակ ծովու փոքր և նկուն » , եղ զիս . այլ քո փառախնդրութիւնդ աւազակ տիե . զերաց դործեաց զբեզ : Հէն կոչիմ ես , քանզի սա . կառուք նաւարկեմ լաստիւք . եթէ և ընդ իմ ձեռամբ էին նաւատորմիդք , ոչ ևս հէն՝ այլ իբրեւ զբեզ տիե . զերակալ կոչի » : Եւ յայդէս խօսի , որոյ սիրտ չէ նուազեալ քան զլեզու . այլ բամբասողք՝ որոց առաւել է լեզուն քան զսիրտ , այնչափ իմն խուսեն 'ի դէմ յանդիման լինելոյն , զի և զգուել անգամ կեղծաւորին

զ յանցաւորն յանդիման նորա և զովել, զի ապա առաւել ևս ձեռնարձակ նետեալ 'ի նա՝ լեզուաւ իւրեանց խոցեացեն զբացականն : Եւ ո՞րք ոչ ատեսցէ սաստկապէս զանարգ մատնտուսդ : Զեն , չեն թիկունք ձեր աներկեանք 'ի դոցանէ , և զնոյն արասցեն ընդ ձեզ , զոր ընդ երանելին ընդ Յոր . « Յորժամ 'ի բացեայ , ասէ , 'ի նոցանէն լինէի , բամբասէին զիս » :

Եւրդ խելամուտ բուսոց բարուց եղեալ բամբաստդացն , զի 'ի թիկանց և 'ի ծածուկ և 'ի բացուստ են նետաձգութիւնք դոցա , վայր մի և զայն 'ի քնին առցուք , քանի՜ հեշտեաւ կռեսցեն դոքա զհարուածն : Եւ շուշտ 'ի հրէշ անդր ահագին օրինակեցան բամբաստդք , զոր մարդարէն ետես Վանիէլ՝ գաղան ահեղ և երկելի եռակարգեան զինուորեալ ժանեօք , քանզի աւմենայն բամբաստդ ոչ ժանիս միայն ունի սայրասուրս , զոր սուսերս կոչեն զիրք . « Կանունդ չար , ասէ , իբրեւ զսուսեր ունի զատամուսս իւր , և զժանիս իւր իբրեւ զկտրոցս » , այլ և եռակարգեանս ունի ժանիս առ 'ի հեշտեաւ հարկանել , և 'ի մի հարուած կոտորած բազում գործել : Եւ զինչ ասեմ եռակարգեան . աղէ դուք 'ի գլխոյն մինչև ցոտն յակն միանգամ արկէք զբամբաստդն , և քաջ խակ տեսանէք , զի և յամենայն անդամն ունի նա ժանիս , վերս դնել նոքօք և ապահանել զհամբաւ ընկերին : Եւ եթէ ըստ օրինաց դատաստանին կամիջիք քաջ 'ի վերայ կալ իրացն , արիք դուք և 'ի կտտանս խոստովանութեան արկէք միանգամ զմի որ 'ի բամբաստդացն . և ահա մի ըստ միով ամենայն անդամք նորա խոստովան լինիցին , հարուածս քանի՜ գործեցին նոքա բազմադիմակ տարազու :

Հապա դու առաջին մատիր , լեզու , լեր խոստովան քանիցս անգամ աղարտեցեր զանուն բարի եղբօր քո : — Եւ յայնչափ արկի ես , պատասխանէ լեզուն , 'ի բարեհամբաւութիւն ընկերին , որչափ միանգամ յանցանս սուտ իբրեւ ճշմարիտ պատմեցի զնմանէ . առակեցի զնորա թէպէտ և զճշմարիտն , այլ զծածուկն . կամ թէ զհրապարակեալ զյանցանսն քան զարժանն աճեցուցի զնորա : Խոստովան լինիմ եթէ զժանիս իմ

արկի 'ի բազումս, զուն գործեալ ստուերածս ածել առաքինի գործոց քաջնափայլ արանց, կամ ժխտելով զայնս կամ լռելով, և կամ ձախողակի մեկնաբանելով, կամ զառաքինութիւնսն պիտոյին իբրու յանցաւորութիւն երեւցուցանելով, խոստովան լինիմ եթէ առ 'ի ճարտար ևս զվերն դնել, ստէպ էս զձեռն հռետորականին 'ի գործ առի. ըստ որում յեռանդն պատահեցաւ ինձ յակմբի պարապորդ մարդկանն. մինչդեռ անդ խօսք 'ի մէջ անկան վասն առն միոյ իշխանի և վասն մեծահամբաւ ուրուք վարդապետի, զձեռն բանին՝ զոր բացագանչութիւն կոչեն, վարեցի էս, քանզի գովեստ դուզնաքեայ յառաջաբանեալ վասն իշխանին. իբրու որ կենցաղագէտ այր և յամենայնի վայելուչ կայ 'ի վիճակի իւրում, այլ աւանդ, զի այդպիսի քաջնափայլ իշխան՝ տարփաւոր գտաւ. աւանդ, զի հազիւ երբէք տեսանես զդա յեկեղեցւոյ, և ահա ամբ 'ի վերայ բարդեցան ամաց՝ և նա չմերձենայ 'ի խորհուրդս. խոյնակէս և վասն առն վարդապետի նախ բարեբանեալ, եթէ. «Օ խորդ բազմագէտ այր և այնչափ քաջուսումն, և այնչափ համբաւեալն յամենայնի, աւանդ, զի այնպէս յամառ է նա և կամակոր, աւանդ, զի այնչափ անհանդարտ է նա 'ի բարսն, զի և չիք նմա ժողովուրդ գտանել՝ որ զառաջնորդութիւն նորա կամեսցի. » Եւ են ինձ 'ի խօսս և այլ ձեռք հռետորականին 'ի վարեւ. և եթէ զամենայն զիմ զխորագէտ ճարտարութիւն կամիցիս զիտել, որովք վարիմ էս 'ի բամբասել, 'ի դատաբանել, 'ի գձձել, հարց միանգամ և զայլ անդամն. դոքա առ հասարակ են իմ հաւատարիմ պաշտօնեայք 'ի գործս յայս :

Հասաւ ուրեմն և դուք, աչք, 'ի խոշտանդանս : Իստայեք մեզ. — 'Կաւ մեք ինքնին, խոստովան լինին աչք, եղծաք ապականեցաք զհամբաւ ընկերին. և դէպք քաջադէպք ետուն ուրեք 'ի կրպակի. ուր 'ի զրուցել անդ վասն գեղեցիկ համեստութեան արգոյ ուրումն տիկնոջ, հայեցեալ ընդ այլս 'ի ծածուկ նշանացի արարի աչօքս՝ իբրու անհաւան ընդ գովութիւնն :

Իսկ և դուք, անդամք ոտից, զինչ ասէք. — 'Կաւ մեր ինքնին են ժանիք 'ի խածանել զընկերն. և քաջ իսկ ցուցաք մեք զնոյն յաւուր միում 'ի կենակցութեան,

յորժամ գովութիւնք 'ի մէջ ընծայեցան վասն ականաւորի ուրումն ան՝ յուշ բերեալ զուղղութիւն նորա յամենայն 'ի գործս, զարդարակորովութիւնն 'ի դատի, զանշահասէր բարսն 'ի պաշտամանն. լուեալ զայսոսիկ ճմլեցի զոտն որ կայր ինձ առննթեր, իբրու անարժան լսելեաց իցեն գովութիւնքդ այդորիկ :

Եւ 'ի պրկոցս և դուք, բազուկք. զինչ ունիք ասել և դուք : — Եւ ոչ մեք ինքնին, ասեն, անմեղանշականք եմք, և քաջիկ յայտ արարաք մեք զնոյն յերեկոյի միում 'ի զրուցատրութեան, յորժամ բանք լինէին մեծաց գովութեանց յաղաղս ջերմեռանդն մենակեցութեան աստուածահաճոյ քահանային այնորիկ, և ես խթեցի ընդ արմունկն որ կայր ինձ առննթեր, յայտ առնել 'եթէ գովութիւնքդ այդորիկ անհաւատալիք են :

Ետանօր ապա զկայ առցէ ատենական քննութիւնն. ապա թէ ոչ, յաղաղս բամբասանացն անվախ ճան է փուրջիչն ամբաստանութեան. և ընդ իմաստնոյն կնքել պարտ է, եթէ չիք ինչ առաւել հեշտին՝ քան կապտել գողանալ զպատիւ ընկերին. զի ահաւասիկ՝ որ բամբաստէն կամի՝ բամբասէ աչօք, բամբասէ ոտամբք, բամբասէ ձեռօք, բամբասէ միանգամայն ամենայն անդամօք մարմնոյն. « Ենարկէ աչօք, և դոփէ ոտիւք, և խօսի նշանացի մատամբ, և թիւրեալ սրտիւ հնարի զչարիս » :

Բաջ է, խելամուտ ամենայնին, ասացէ որ 'ի ձէնջ, առ 'ի անճնապահ ուրեմն լինել ինձ 'ի վտանգէ բամբասելոյն շարժութեամբք անդամոցս, ևս առաւել սանձարձակութեամբ լեզուին. խորհուրդ քաջ և ամենաքաջ եղիցի ինձ միակ՝ լուէն ողջոյն : — Ետա վայր մի, չե է քո ելեալ յանդորր լուութեամբդ այդուիկ : Բաբէ, նաև լուութեանն ինքնին քանի՞օն իցեն ժանիք. և է երբեմն՝ զի լուէն քան զխօսէն առաւել ևս զղեղեցիկ համբաւն եղծանէ : Եւ դու խօսեաց միանգամ առաջի բամբասասէր լեզուաց վասն մարդոյ՝ զորմէ՛ նոքա 'ի ձախողակ կարծիս իցեն. ասա նոցա, արժանի է այրդ առ 'ի ձէնջ մեծապէս սիրոյ և յարգանաց, զովեւ գիմաստութիւն զառնն, զանարատութիւն վարուցն, զյաջողակութիւն 'ի ձեռնարկս և զայն ևս :

նորա անսպասարկանիք՝ ինչ մի չժտեսցին ասել քեզ ընդդիմամարտ, զի մի իբրև չարախօսք երևեսցին առաջի ատենին . այնպէս անձայնք պատասխանի արասցեն քեզ լուծեամբ միայն քամահանաց՝ շարժելով զգլուխս, իբրու զդրեալն, եթէ « Որք անցանէինն՝ հայհոյէին շարժելով զգլուխս իւրեանց » :

Եւ ի խօսել բում զառնէն զայնմանէ, նորա սկըսանիցին պշնուլ հայել ի վեր ընդ գեղայօրէն առաստաղն, դիտել զարշակսն և զգարդան . դարձեալ և վայրարկեալ զարտեանունսն զննեսցեն զծաղկազարդ գորդսն և զանկուածոյ պատառակալսն : Եւ խօսիս, և նորա ի խոնարհ կալցեն զայս, պնդեսցեն զըթունս, զսպեսցին ի յուսս . և խորհրդաւոր իմն լուծեամբն աղարտեսցեն զհամբաւ առնն՝ զոր ինքեանք չիրեցին, առաւել լուծեամբն այնուիկ՝ քան խօսելովն : Եւ դէպ եկեալ համբանալոյն Օլաբարիայ, ըստ որում ճշգրիտ խորհրդածեալ Ոսկիաբանն, բացագանչեաց . « Ո՛վ, բանիօն ձայն ի լուծենէն արձակէր » . համբացեալն Օլաբարիա առաւել բարձրագոյ խօսեցաւ ոչ խօսելովն, և ժողովրդեան ազդ առնէր՝ եթէ ընդ բողով համրութեանն խորհուրդք խորինք ծածկեալ կան : Եւ այդ բամբասող համերք՝ լուծեամբն զառնէն զայնմանէ խօսեսցին չար առաւել քան զամենայն բարի զգովչացն նորա : Եւ այր յատենի ի մերձաւորացն հիասցի ընդ դժպատեհ լուծիւնն . այր այր առասցէ ընդ միտս, առ ինչ լեւալ կայ դաւայժմ, որ յառաջն խօսէր . զինչ խորհուրդ խոր կացցէ ի բանիդ վասն առնն՝ զոր առ հասարակ գովէ բաղաքն . զինչ իցէ խորհուրդն, զինչ . « Ո՛վ, բանիօն ձայն ի լուծենէն արձակի » : Եւ արդ դու զլուռ բամբասողսդ մի կոչեսցես վաղերս կամ առիւծունս կեղեքիչս, այլ իբրև շունս համբացեալս՝ որ չհաչեն և անմուռնչք խածանեն . նաև ընդ խնամանոյն կոչեա զնոսա օձս դարանակալս, որ խայթեն և ոչ չեն :

Եւ ես դոհանամ զՍտուծոյ, ասացի որք, զի չեմ յայտարարեաց աստի . գովեմ՝ զոր գովեն . և թէպէտ ցուրտ և անոձս, տակայն և գովեմ : — Եւ ես ասեմ՝ քեզ, եթէ և այդօրինակ գովութեդ են ժանիք յեղծանել զհամբաւ ընկերին . զի որ լի՛ իսկամուտ է քաջ,

էթէ գովէս այդչափ ցուրտ, զի մի ամենեւին լուռ կալովդ երևեացիս իբրեւ արհամարհոտ. և նոյն է ասել ոչ կամիս յայտնի անգոմներ, և անգոմներս այդօրինակ գովութեամբդ. և ահա վերք թշնամոյն լաւ իցեն, ըստ իմաստոյն, քան զկտանկոր համբոյրդ բարեկամիդ : Եւ կարծեսցեն թերեւս չիմանալ այլոց զծածկաբանութիւնն զայն զհամբաւեան՝ զոր իմաստասէրն արտայայտեաց Փանոսինոս . « Գովութիւն առնուլ, ասէ, դուք նաքեայ վեր ՚ի վերոյ և ցուրտ, վատթար ևս է քան զսաստիկ և զթշնամանալից նախատինս » : Եւ արդ տեսէք քանի հեշտին իցէ եղծանել զանուն բարի և մահ ածել ընկերին ՚ի բարեհամբաւութեան նորա, յորժամ բամբաստասէրն նաեւ ըստ օրինակի օձից ունանց առանց խածուածոյ ժանեաց՝ զրդաբար ՚ի փրփուր միայն բերանոյն և ՚ի թուքն՝ թափէ ՚ի գովութեան անդ զթոյնն իւր :

Եւ կարի քաջ իրաւացի են ամենայն բանք վարդապետիդ, ասասցէ ոք, և արդար կշտամբեսցես զմատնառուդ զայգոսիկ, ճշգրտիւ նմանեալք կարճաց, որ իբրեւ գիրկս ածեալ ճիրանօքն՝ ՚ի նմին զրկախառնութեանն մահ առնէն : Եւ ես ոչ այնպէս եմ հայր. գովեմ որ միանգամ արժանի է գովութեան. և գովեմ շատ, և գովեմ ջերմապէս և ոչ ցուրտս, բայց և . . . : — Եւ ասէ, ՚ի միտ առի զբանն. իցես դու ուրեմն իբրեւ զվհուկս ապականագործս, որ զգուելով և զրգելով զտղայս՝ ՚ի նոյն և զիւթեալ կախարդեն զնոսա : Եւ այդ իսկ է բամբաստողայն արուեստ նուրբ և անօտ : Եւ նորեն զոգանալ զհամբաւ բարի զեղբօրն, զինչ գործեն. սկիզբն առնեն մահացու լեզուին՝ նախ ընծայելով եղբօրն գովութիւնս և ներբողս. ապա ըստ նմանէ ՚ի վերայ բերեալ զբայցն, աղարտեն զամենայն : Այլ, զիմորդ քաջ և պատուական է, ասէ, պատանիդ այդ, քանի մտաւարժ և ակնածու, քանի ուշիմ և բարեհամբոյր, բայց . . . : Եւ « բայցդ », այդ տապալիչ ամենայնի : Աւշիմ է, ասէն, բայց այդ յաճախել դորա ՚ի կապելս և յակումբս խաղաղաց առաւել քան ՚ի խորհուրդս եկեղեցւոյ . . . : Եւ այդ տիկինդ, ասէ, արդարեւ արդոյ է յոյժ և պարկեշտ, քանի տնախալուչ է, քանի որդեսէր, բայց . . . : Իսկ և ծերունիդ այդ պատուա-

կան ժամատէր է յոյժ, կանխայարաց է և աղօթասէր, բայց : Ո՛վ նղովեալ երկմտութեանցն . առաւել յոյժ բարդէք կուտէք դուք 'ի վերայ եղբօրն չարիս' քան զամենայն ճարտարաբանութիւն առակիչ յանցաւորութեանց ընկերին : Ո՛վ լեզու, լեզու նենգաւոր, լեզու բանասարկու . քո քանի՞օն են արուեստք չարաբանելոյ . լաւ էր քեզ յայտնաբարբառ բամբասել, քան զբայցն 'ի վերայ բերելով և լռելով' 'ի ծուխս անհնարինս և 'ի կարծիս մեծեղեւն յանցանաց յածեցուցանել զմիտս լսելեացն 'ի վերայ եղբօրն :

Հապա դուք այսուհետեւ, քրիստոնեայք, արիք 'ի խնդիր . եթէ գտանիցէք ախտ մի՝ յոր առաւել ևս հեշտեալ անկանիցի մարդ, որպէս 'ի բամբասանս : Վանդի և բիւրապատիկք են տարազքն . բամբասեն ճշմարտութեամբ, բամբասեն ստութեամբ, բամբասեն խօսելով, բամբասեն լռելով, բամբասեն գովութեամբ, բամբասեն նախատանօք, բամբասեն առ հպարտութեան, առ նախանձու, առ բարկութեան . զի՞նչ ևս . բամբասեն նաև 'ի սիրոյ և 'ի բարեպաշտութենէ :

Ո՛ւր ինձ գտանիցես դու վայր, յորում չգուցեն բամբասանք : Իսկ որ առաւել ևս, 'ի կոչունս սեղանոց հրաւիրեալ բամբասողք, “ Ուտեն զժողովուրդն իբրև կերակուր հացի . ” Օ՛յ թէպէտ և կարգ իցէ կերակրոցն 'ի սեղանի, իբրու որ առաջին նախաձաշն իցէ երկրորդ՝ ձաշերորդ՝ յետաձաշ . այլ հացն 'ի սկզբանէ անտի մինչև ցվերջ հանապազ կայ անդանօր . քանզի և 'ի սկզբանէ մինչև ցվերջ ցանգ են բամբասանք, “ Ոյք ուտին զժողովուրդ իմ որպէս կերակուր հացի . ” Վեղեցիկս զայս խորհրդածեաց աստուածայինն Մարտիրոս . Ի սեղանի, ասէ, բամբասողաց “ Եւ իսկ համադամբ զանազանեալք՝ մերթ այս և մերթ այն, այլ նոյն հաց հանապազ կայ անդանօր . ” հանապազ հաց ուտեն, զի հանապազ բամբասեն :

Ո՛ր բամբասողք զժողովուրդայնք . այսպէս ուրեմն ուտէք դուք հեշտեալ զպատիւ համբաւոյ զեղբօրն իբրև կերակուր հացի : Բարէ, զպատիւն ասեմ համբաւոյն յոր աղաղաւ բանասէրք և մատենագիրք մեծամեծք այնչափ քիրտն թափեն, զպատիւն՝ յոր աղաղաւ այն

չափ աղատանձնեայք և արդոյք արեամբ չափ նահատա-
կին, զպատիւ համբաւոյն՝ յոր աղաղաւ այնչափ ծնդա-
սէրք առաւել ընտրեն սորամուտք սենեկամուտք լինել,
առաւել սիրեն զանշքութիւն, առաւել խնդրեն կրծել
պատառս մուրացածոյս, ասելով ընդ խնաստնոյն, «Աս-
է անուն բարի քան զմեծութիւն բազում», իսկ զուր
այնչափ հեշտեալ ուտէք և ծախէք զայն իբրև զհաց.
«Ոյք ուտէին զժողովուրդ իմ որպէս կերակուր հա-
ցի», և «Բամբասողացն անագորոյն կիրք»:

Եւ մի, մի միայն բամբասողացն, այլ և որոց խիղճ
և ոչ մի դնեն ՚ի միտս կալ և ունկնդիր բամբասողացն
լինել: Ո՞րք էրբէք, աղէ ասացէք, ժտէր ՚ի բամբա-
սել, եթէ առ հասարակ միաբան խորհրդով ՚ի բանալ
բամբասողին զբերան՝ իբրև ՚ի հրապարակագոյժ նշո-
վելոյ ՚ի բաց դարչէին, ոչ ունին մատուցեալ և ոչ բան
մի պատասխանի տուեալ: Հոգւոց հաներ երբեմն երա-
նելին Պաւղինոս. «Օ՞ր է զի այս ախտ, ասէ, յե-
ռանդն տաստիկ հարեալ է ՚ի հոգիս բազմաց. առիմէ
արդեօք. քանզի գոգցես առ հասարակ, ասէ, մտա-
դիւրագոյնս և հեշտաբար լին բամբասանք», և այն-
պէս ապա իբրև ՚ի կրկին փքոց փչմանէն զայրացեալ է
բորբոքումն ախտին: Բամբասողն բերկրի ՚ի բամբա-
սելն և ՚ի կրիտիսելն, զի իբրև աչալուրջ այր և արթ-
նամիտ և նրբազնին ընդմտող մինչև ՚ի մանրաթելս
ուղղոյ և շնչոյ և գործոց մարդկան պանծացուցանէ
զանձն: Բերկրի անդուստ և ունկնդիրն բամբասանաց՝
իբրև իմաստակեալ զրուցաց և աղատաբերան լեզուաց
սիրող և հետախնդիր:

Եւսմ առաքինիք են լսողք բամբասանաց, կամ մոլիք:
Եթէ մոլիք, և ախտակիրք, կամակար լսեն զայլոց ըզ-
չարիս, ախտեալք յանձինս՝ զի չեն միայն: Եթէ ա-
ռաքինիք, մտադիւրս լսեն և նորա. էր աղաղաւ. զի
որպէս ստուերն ՚ի նկարուն յերեւան առաւել բերէ
զգեղափայլ դոյնն, այսպէս և թերութիւնք ընկերին
առաւել ցայտեցուցանեն զփայլ առաքինութեանն. ըստ
որում առ Եսայիիկս նաև խուն մի սպիտակութիւն ի-
բրև զձիւն համարեալ է:

Օ՞րնչ այսուհետև զարմանք, բրիստոնեայք, եթէ
բամբասանք ընթացեալք հեղեղեցին զաշխարհ, և յընդ-

Հանուրս առ Հասարակ ածին զգատապարտութիւնս, յիշ
զհարդ. ճշգրիտ վարդապետեաց երանելին մեր Սանդա
կունի Հայրապետն. «Վաստ չար, ասէ, և ահազ ա
նօրէնութիւն մտեալ յեկեղեցիս առ Հասարակ զամե
նեսեան կորուսանէ. զի մինն չնայ և մինն բամբասէ,
և երկոքեան հաւասար անօրինին. մինն գողանայ և
միւսն բամբասէ, և միապէս պատուհասին. մինն ար
բենայ և միւսն զարբեցողն բամբասէ, և համանման
դատապարտին: Այլ ամենայն իսկ զամենայն բնու
թիւն մեղացն մինն գործէ, և միւսն բամբասէ, և
միահաւասար դատին և տանջին. քանզի... ոչ գողը
և ոչ պոռնիկը և ոչ արբեցողը և ոչ բամբասողը
զարքայութիւնն Ստուծոյ ոչ ժառանգեն»: «Նստու
է վճիռ առաքելոյն. «Բամբասողը զարքայութիւնն
Ստուծոյ ոչ ժառանգեն»:

Իսկ ապա մեք ուրանօր գտցուք ուղիսից բամբասա
նացն թումբս ընթաղրել և փակարանս, ուրանօր ար
դեօք: Այլ քեզ միայն, ո՛վ սէր սուրբ, առ քեզ միայն
կան դարանք փրկաւէտ դեղոց դարմանոց դժուարաբու
ժելի ախտին: Վայ ամենազօր հրոյդ է ծախել վատ
նել զաշխարհակուլ ուղիս բամբասանացն: Այլ ծածկէ
զբազմութիւն մեղաց և ընդ քօղով արկանէ. իսկ բամ
բասողն զամենայն զար զեղբօրն յերևանի առակէ:
()տարացեալքդ ուրեմն ՚ի մեծ պատուիրանէն սիրոյ,
բամբասողք առ Հասարակ և ունկնդիրք բամբասանացն,
զահ բարկութեանն Ստուծոյ՝ որ աղբիւրն է սիրոյ,
զիք միանգամ ՚ի սրտի:

Այլ էս, ո՛վ Հայր, ազատ զանձն կարծեմ յաս
տուածաստատ սպառնալեացն. ոչ աղարտեմ էս զհամ
բաւ ընկերին, այլ զարդէն զառակեալն յայլոց՝ յայտ
նեմ միայն. չլրդուեմ ՚ի բամբասել, միայն պատմեմ
զլուեալն յայլոց, և պատմեմ խորհրդապահ մարդոյ,
թողեալ զճշմարտութիւնն՝ յազատութեան իւրում:

Օ ինչ ասես, այլ դու. յայտնէս զարդէն զառա
կեալն յայլոց. զործակից ուրեմն էս յանցաւորու
թեանն: Ստ ամենայն իրաւանց արդարութեան և սի
րոյ պատուիրանին՝ պարտ էր քեզ զայն ՚ի ծածուկ պա
հել: Օ Ստուծոյ պատգամն ոչ լուար. «Բան մի,
ասէ, ընդդէմ ընկերին քո լուար, մեռցի ՚ի քեզ»:

Ս'ի պատմեր և ոչ խորհրդապահին քում. չիք ծածկուածիւն զգուշացոյն՝ քան զհասնելն միանգամ բոտ շրթունան :

Բայա ուրեմն մեք, հայր, երկիւղիւն Բոտուծոյ ըզգուշացեալք սանձահարեցուք այսուհետեւ զլեզուս, ոչ ևս յապայս զեան հատուցանել և մահ ընկերին՝ 'ի պատիւ համբաւոյն նորա : — Բաջ է և ամենաքաջ, այլ չէ շատ . իսկ արդ երբ հատուցուք մեք գողութեանցն գործեցելոց . երբ զտուեալ զեանն տուժեացուք . երբ զմահունս անցեալս զբարի անուան եղբարցրն, երբ և կամ զխաբդ 'ի կենդանութիւն փոխեցուք : Բզաղակէ արդարութիւն, բողոքէ ստեանն, պահանջէ Բոտուած . հատո զոր պարտիս . ոչ ջնջին մեղք, մինչև ոչ տացես զառեալն :

ՄԱՍՆ Բ .

Բաբէ, հասաք աւագիկ յանձուկս անհնարինս . կիրճ՝ նեղ, անանց և դժոխըմբեր . զխաբդ անցանել, զխաբդ ելանել մեզ յանդորր : Բրդ աւասիկ, եղբարք, տեսանէք յստակ, շօշափէք ձեռամբ զոր ասացիս, քանի հեշտին է բամբասելն, և քանի դժուարին դարմանելն : Բհա անձկութիւնք արտաքինք, անձկութիւնք ներքինք, մարտք 'ի ներքոյ և արհաւիրք արտաքոյ : — Բիւրիցս անշուշտ երջանիկ էի ես, գոչեսցէ բամբասողն, թէ չէր իմ երբէք սրեալ զլեզուս 'ի պատիւ, 'ի վարկ, 'ի բարի համբաւ ընկերին :

Բնձկութիւնք ներքինք, քանզի անշուշտ՝ են իսկ բամբասանք գողութիւն մեծագին զանձու անուան և համբաւոյ եղբօրն . ոչ քաւեսցի առանց արժանահաս հատուցման : Բամ բամբասեալ առակեցեր զձմարիտն՝ այլ զծածուկն, և կամ զսուտն : Բթէ զսուտ, պարտք են քո ահա անհրաժեշտ յետս կոչել զբանդ, և զքեզ ինքն առակել իբրեւ ստախօս, իբրեւ չարարուեստ, իբրեւ նախանձոտ . կամ գէթ դաւանել զքեզ իբրեւ անխոհեմ, իբրեւ անխորհուրդ, անզգոյ՝ 'ի բանսդ :

Բպա եթէ զձմարիտն առակեցեր այլ զծածուկն,

քեզ ահա անձկութիւնք նորք . զիարդ կարկատել նորոգել միւսանգամ զհամբաւն առանց ստախոսութեան , Քիրան քանիօն թափեսցեն աստանօր քո հարք խոստովանութեան , հնարել գտանել քեզ իմաստութեամբ ո՞՞ք բանի և հնար . զի մարթասցիս միւսանգամ բարեհամբաւել զընկերն առանց ստութեան : Իսկ առ այս քեզ աստուածաբանիցն բարոյականաց հրահանդ այս եղիցի արդեօք . զի յայլ ինչ նիւթ բանի և յայլ ինչ դէպս գովեսցես դու զընկերն և բարեբանեսցես , զի այսօրինակ պայծառութեամբ նորա՝ փարատեսցին ստուերք վատահամբաւութեան նորա — Քաջ է հրահանգն և ճմարիտ . այլ սակայն դուն ուրեք պատահեսցէ , եթէ վերք համբաւոյն ՚ի սպառ բուժեսցի . ՚ի դէպ եկեալ աստանօր Պլուտարբեայ առածին .

« Ի՞նչպէս և վերն , սակ , ապաքինեսցի , սպին մնասցէ » : Բայց զիարդ և կամեսցիս , կամ այսպէս կամ այնպէս , պարտ է քեզ նահանջել զբանսդ :

Ի՞նչ նահանջել զիմ բանն . և ո՞րք ասէ ինձ զայդ : Բ՛ար հասարակ ամենեքեան . և աւասիկ որք միանգամ եթէ աստուածաբանք , եթէ վարդապետք , եթէ հարք սուրբք , որչափ ինչ և քանիցս անգամ զրեցին վասն բանիս այսօրիկ , ոչ որ ՚ի նոցանէն , ոչ որ ազատ զքեզ կացուցէ ՚ի պարտուց այտի : — Բ՛այլ ո՞վ զպարտդ զայդ պատուիրանաւ հրամայէ ինձ : — Ինքնին պատիւ ընկերիդ՝ զոր վատահամբաւեցեր . ինքնին իրաւունք դերդաստանին այնօրիկ , որ ՚ի քէն արատեցաւ , և կայ դեռ այնպէս . ինքնին Բ՛աստուած հրամայէ քեզ զայդ . ինքնին բնութիւնն գլխովին , և ինքնին ամենայն օրինաց մատենաբ ազգաց և ազանց դատակնիք տան .

« Այլ քաւին մեղք , եթէ ոչ հատուցես զոր բարձերն » :

Չիք միջնաշաւիդ աստանօր , ո՞րք քրիստոնեայ . կամ նահանջել զասացեալդ կամ դատապարտիլ , կամ վայր մի աստէն առակել զքեզ կամ անդէն հիքանալ ՚ի յաւիտեան : — Իսկ զինչ ապա պատիւ անձինս — Իսկ զինչ ապա և պատիւ ընկերիդ . իսկ զինչ ապա և անմահ հողիդ Չիք մէջ աստանօր . անդարձ է վճիռն . կամ նահանջել զասացեալդ , կամ դատապարտութիւն : Ա՛յլ բանի իցեն անձկութիւնքն . բարէ . . .

Ընդհանուր հայրենասիրական շարժումները — Ընդհանուր հայրենասիրական շարժումները, գիտեմք, Ընդհանուր հայրենասիրական շարժումները իրենց վերստին հաստատելիս բարի համբաւն զոր կապտեցեր յեղբորէդ բամբասանօրդ . բանի դրժոխքները առնուլ ժողովել միանգամայն ի մի կուրծ զամենայն չարախօսութիւնսդ, զոր աստ և անդ սիրեցեր որոմնացանութեամբդ : Վառ բամբասեցեր, և այն որ լուսաւ . այլ ոչ զկայ առին իրքդ . ի միոյն յայլ և ի սմանէն ի միւսն անցին կարգառութեամբ բամբասանքն և սիրեցան . աղէ՛ դու ժողովեա միանգամ զնոսա, եթէ կարես :

Վար մի արկեալ քո ի լիճջրոյն և ծփեալ զջուրն, ոչ նախ բողբոջի՞ծ մի փոքրիկ գործեսցէ, յետ այնորիկ զմեծն, ապա զմեծագոյնն . մինչև ապա մի զհետ միոյ լայնածիր ևս բողբոջէն գնացեալ պարագրեսցեն ողջոյն զլիճն : Սապէս և դու նստեալ ուրեք յակմբի, զուարճաբանեալ և կամ ծաղրեալ՝ բան մի պարտաքարես՝ որ գնացեալ ընդհարցի ի պատիւ ընկերին . և ապա նոյն բան սկսանիցի գործել զըջանակս իւր, և կուռ միմեանց զկնի շրջանակք բանին մեծամեծք, աճեցունք, և լայնածաւալք տարածեսցեն առ հասարակ զանուանարկութիւն զեղբօրն սուսն ի տանէ ընդ թաղս, ընդ քաղաքն, ապա և ընդ դաւառն ողջոյն : Ընդ դարձիր դու եթէ ձեռնհաս ինչ իցես՝ առ քեզ յետս առնուլ զպարտաքարն, և զըջանակսն զամենայն եղծուլ ջնջել՝ յորս ընթացեալ ծաւալեցաւ անարգութիւն եղբօրն : Վանի՞ծն իցէ դժուարութիւնն :

Վառ եթէ բամբասանքն, որ մեծաքայլք ևս բնաւորեցան և երկայնասրունք, և ճանապահ արարեալ ընդ օթեանս օթեանս սուրհանդակաց՝ միջնորդաւ նամակաց տարածեալ քարոզեալ իցեն ի հեռաւոր աշխարհս, զիմրդ յայնժամ դարմանել մարթ իցէ : «Վհա լեզու, սակաւ մի հուր զորպիսի անտառս հրդեհեսցէ .» :

Վսեռ դու ինձ, եթէ նահանջես զբանդ և ընուս ըզսրարտս և ի գործ ևս վարես զամենայն խնամսն, զի տուեալ վերքն ապաքինեալ կցեսցին . այնուհետև այլ ինչ պարտք չմնան քեզ : — Վաջ է . սակայն և անձ կութիւն այլ ի կեանսդ, և առաւել ևս ի ժամուանդ մահուան քո . ո՛վ ժամ սոսկալի մահուն՝ յորում

յստակ և անաղօտ տեսցես զամենայն իսկ զվարս և զգործս քո, և թէ արդեօք ճանարտութեամբ 'ի գործ վարեցեր զամենայն զինաման հատուցանելոյ զարարտսրդ վատահամբաւութեան ընկերիդ :

Եւ ես տակաւին ողջոյն չատացի քեզ . զիսրդ դարմանել և զամենայն զփնասն՝ որ զհետ գայցեն բամբասանաց . քանզի բամբասանք ոչ զհամբաւն բարի միայն գողանայ՝ որ գանձ մեծ է քան զմեծութիւնս , «] » տէ անուն բարի քան զմեծութիւնս բազումս . » այլ և որ շահավաճաւն է և առիթ 'ի ստացումն մեծութեանց : Օ՛ր այր բարեհամբաւ 'ի բազմաց յայլոց յանձնարարութեանց 'ի վաճառս պտղաբերեալ , նաև ժամանակէիցս հարստութեամբ ընու . արդ եթէ դու բանասրկու լեզուաւ վատահամբաւեցեր զայրն , ոչ ահա զեան մեծապէս հասուցեր ոչ համբաւոյն միայն , այլ և քսակի հիբացելոյն :

Դարձեալ՝ օրիորդդ այդ աւաղիկ պատրաստեալ կազմ կայ 'ի հարսնանալ մեծապատիւ իշխանին այն միկ : Հաւատիս խնդրեն զազգատոհմէն , զօժտէն և զվարուց կենացն և զբարուց , և դու բանասրկուդ զնացեալ և հծծես ընդ ականջս՝ պարզ և առեալ 'ի միւս այլ ազգատոհմէ : Եւ այնուհետեւ Եստուծոյ է գիտելի , արդեօք ընդ համեստահիս համարեսցի աղջիկն : Եւ ապա լուր հնչի ընդ քաղաքն՝ եթէ քակեցան դաշինքն . և հիբացեալ օրիորդն անտեսեալ այնուհետեւ զեանաբարչ կայ իբրեւ ուռ որթոյ աննեցուկ անպատրաստար : Եւրդ՝ հաշուեա զամենայն զգեանն՝ զոր հասուցեր բանսարկութեամբդ գերդաստանին այնմիկ :

Իսկ և վարդապետդ այդ առաքելաշնորհ հայր հովեոր ժողովրդոց , ապաւէն մեղաւորաց , դարձուցիչ է միօրեւոց աստուածխնատ քարոզութեամբն , զի և մեծամեծս բարեբանեն զնա առ հասարակ : Իսկ դու բամբաստեր լեզու , կամ 'ի նախանձուէդ դրդեալ և կամ որ զինչ և իցէ , զնա եղծանես ողջոյն զհաւատարակչութիւնն . ասես՝ « գիտէ . եթէ 'ի հոգեւորաց կեղծաւորաց ոչ իցէ վարդապետդ այդ , պարզամտաց միօրեցուցիչ , խաբող տիեզերաց : Եւնչաւի իմն ասես և բարբանջես , զի և կարօտեալ հոգիքն և մեղաւորք ուծանան 'ի քաջ հովուէն և դադարեցուցանես զնա

յատուածային գործոյն : Արդ վայր մի զմտաւ ած , քանի՞ն իցեն զոր ածէր փնաքն , ոչ միոյ՝ այլ հողւոյ բազմաց : Այս դու երբ և կամ զխորդ դարմանեսցես : Երկնք բարձունք են դժուարութեանցն և խորք անհնարինք դարմանոցն . և սակայն հարկ է հատուցանել՝ առ ՚ի փրկիլ . ինքնին տէրն եհատ զվճիռն . « Այ երանիցես , մինչև հատուցանիցես զյետին նաքարակիտն » :

Այս զի անշուշտ այս պոսակն , ՚ի գութ մեծապէս սիրոյն՝ զոր սրարտիմ յաւիտենական փրկութեան ձերոյ՝ աղաչեմ եղբարք , մի մինչև ցժամ մահուն պարտապան մնասցիք փնասու օտարին : Այս եղբարք իմ , մի մինչև ցժամանակ մահուն . զի եթէ արդ ՚ի կեանս՝ որ ձեռնհասդ էք , այնչափ դժուարին է հատուցումն պարտուցդ այդոցիկ , ՚ի մահուն զինչ լինիցի :

Այս եթէ յետ այսր ամենայնի շահեցայց ես և ոչ ինչ , ունին զիք ինձ աղաչեմ և գիտացէք , զի եթէ հեշտին յոյժ եղև ձեզ բամբասելն , և դժուարին յոյժ դարմանն , գիտացէք ճշգրիտ զի ստուգապէս և արագ արժանահասն ՚ի վերայ հասցէ պատուհաս : — Այլ հանգիցուք վայր մի :

ՄԱՍՆ Գ .

— Այլ բոց անհնարին . բայ՛ք , քանի՞ն է տապն . . . Օ ինչ տանջանք իցեն . . . Անձ , եղևի եմ ես : — Այլ իցէ որ ողբայն . զինչ ձայն իցէ՝ որ դուժայ : — Չայն գութի է և արտասուաց դատապարտելոյ ուրումն : — Հարցէք , ո՞ իցէ : — Խորտկաճաշն եմ մեծատունն : — Այս զինչ կամիս , զինչ է խնդիրդ : — Խնդրեմ զ՛) ազարոս . « Օ ի թացցէ զճաղ մատին իւրոյ ՚ի ջուր և զովացուցէ զլեզու իմ , զի պապակիմ ՚ի տապոյ աստի » : — Այն , եթէ խորտկաճաշ շուայտութե՛ք բաղցրն է պատուհասն , և զի դու բնակելի խնդրես ՚ի զովացումն : — Պաղատիմ զջրոյ՝ քանզի տանջանքս են ՚ի հրոյ . « Ի ջուր ՚ի ջուր , աղաչեմ , թացցէ և զովացուցէ » : — Այլ ասա ինձ հիբացեալդ դու , զի է զի հուրդ

զլեզուդ միայն բոցակիզէ . և որ գբեզն ունին 'ի վեր
հաստարանք ոտիցդ՝ չիցէն խանձողք 'ի հրոյ . և որք
զմկանունսդ զանալից գործեն չիցէն խարազանք հրե-
ղէնք . և որք 'ի լանջսդ թափ վարսեալ կան՝ չիցէն աշ-
տէք հրաշէկք . և որք զսիրտ քո ուտեն և կրծէն՝ չի-
ցէն որդունք և ճիւղաղք հրաբունք : Եւ առ իմէ՝ ապա
լեզուին միայնոյ խնդրեսցես զզուլացումն : — Եւ
քանզի լեզուի միայնոյ են ամենայն յանցանքն . ուստի
և զամենայն զտապ բոցոյն լեզուն միայն յինքն տանի .
լեզու միայն՝ ամենակատար գործարան ամենայն անօ-
րէնութեանց . “ Լեզու հուր զարդ անիրաւութեան ,
լեզու որ զամենայն մարմինն ապականէ և վառէ
հրով զանիւ ծննդեանն , և բորբոքեալ տոչորի 'ի դե-
հէնի ” : Եւ ահա լեզուի միայնոյ ընդդէմ զինին զայ-
լացեալ դժոխք և դեհեան ամենայն տանջանարանօքն .
“ Օ ի զուլացուցէ , աղաչեմ , զլեզու իմ ” :

Եւ շուտ ուրեմն , որպէս իմաստութեամբ խորհրդա-
ծեաց Սեկիաբանն , առաւել չարատանջեալն 'ի լեզուին
բողբարկու խորտկաճաշն և պապակեալն , անշուշտ ու-
րեմն 'ի կեանս իւր մեծապէս յանցեալ էր լեզուաւ ի-
բրեւ զմի 'ի չարաթոյն բամբասողացն . “ Իբրու այն
թէ , ողջոյն մարմինն , ասէ , աղատացեալ 'ի հրակիզ-
մանէն իցէ . նա զհրդեհէլ լեզուին միայն աղաղակէ ,
քանզի լեզուան չարախօսեաց ” : Եւ անի ուրեմն
բոցք մեծաբորբոք , ո՛ր բամբասողք , հրով զանձեալ պա-
հին վասն ձեր խանձել մաքրել անշիջանելի դժահր
լեզուին , որով վարակեցէք զաշխարհ : Եւ թէ չդադա-
րիք թափել զթոյն լեզուին , ահա արագ արագ ձեզ
առ դուրս արժանահասն հասեալ կայ պատուհաս ,
“ Օ ի տացի քեզ , ասէ , կամ զի յաւելցի քեզ , լե-
զու նենգաւոր . ահա սիրեցեր զբանս չարութեան , լե-
զու նենգաւոր . վասն այնորիկ Եստուած եղծցէ գբեզ
'ի կատարածի ” : — Եւ , 'ի կատարածի կենաց քոց ,
անդ աստուածայինն քեզ սպասեալ մնայ արդարու-
թիւն , անդ 'ի մահճի մահուն քո տացէ քեզ Եստուած
կանուխ ճաշակել զգառնութիւն դժոխոցն , յորժամ
յուսահատ 'ի սոսկալի պահուն զուրկ 'ի խորհրդոց՝ ար-
ձակեսցես զոգիդ յաշխարհն իսաւարին : Եւ քառ մի ,
մի լիցի ո՛վ տէր :

Սակայն զահի հարեալ եմ և դողամ սիրելիք, մի արդեօք պատուհաս մեծ՝ իբրու մահ իմն յանկարծա-
մահ՝ ի մի հարուած առցէ տարցի զբամբասողն . պա-
տուհաս՝ զոր սովորեցաւ Մտուած շանթել ի նոսա :
Սարսափիմ յատուածային պատգամէն . « Երկիր ,
« ասէ , ի տեառնէ որդեակ իմ , և ընդ բամբասողս մի
« հաղորդիր . քանզի յանկարծակի , ասէ , հասցէ սա-
« տակումն նոցա » : Մ. յո , յանկարծակի յեղակար-
ծումն ժամու , յորում ոչ կարծիցեն , անկցին շնչա-
սպառ բամբասողք : Ս՛վ չարեացն : Իսկ արդեօք արժա-
նահաս իցէ պատուհասն : Եւ կարի քաջ իրաւամբք . զի
որպէս մատնիչք անարգք եղեն բամբասողք ի թիկանց
հարկանելով զեղբայրն , այնպէս և արդարութիւնն պա-
հանջէ , զի մատնտու դարանակալութեամբ տարցի զնո-
սա մահ յանկարծ . մահ՝ որ միայն է բաւական կարճել
զչարածոյն լեզու :

Մ. յլ բաբէ , սիրելիք . զինչ պատճառք սոսկալի ճե-
պոյն . առիմէ ընդդէմ բամբասողացն այդչափ խստու-
թիւն արդարութեանն Մտուծոյ : Ս՛վ արդարութիւն
անվանելի : Մ. իմէ . քանզի են իսկ բամբասողք խոչը
սաստիկ ընդհարեալք ընդ բից ականն Մտուծոյ . չիք
ինչ զոր ատեայ Մտուած առաւել քան զբամբասողն .
ընդէք . զի սիրտ է նորա բնաւին ներհակակիր սրտին
Մտուծոյ : Մտուած սէր է բոլորովին , աղաղակեն
գիրք . բամբասողն չար է ողջոյն , թոյն համբուն : Մ-
տուած բնաւին քաղցր և բարի՝ անտես առնէ , քոչ
մերոցս ինդրէ արկանել յանցանաց ցորչափ կեամբ .
բամբասողն նմին գիմամբարտ ճկնի ողջոյն լրտեսել և
զծածուկ թերութիւնս եղբորն առակել : Մտուած
բոլորովին գթած և ամենողորմ . բամբասողն սիրտ ան-
գութ , անաղորոյն , չինայէ , և ոչ խուն մի թերու-
թեան եղբորն կարեկցեալ ողորմի :

Ս՛հ , աստանօր յանհնարին մորմոքել սրտին , և աչք
ինդրեն արտասուս : Օ իմրդ դու , աղէ ասա , դու
բամբասող , պղնծի աղիք , զիմրդ դու հիբացեալդ ,
յանձկութեան մահուն որով գիմօք կամ յինչ ապաս-
տան ի խշտին դառնութեան ինդրեսցես զողորմու-
թիւն Մտուծոյ , որ և ոչ խուն մի ի կեանս քո ողոր-
մեցար տկար եղբօրն . քոզ զսիրոյդ երբէք չարկեր նմա .

առակեցեր զծածուկս նորա, մահացուցեր զնա 'ի համբան, 'ի պատին, 'ի վարկն. և զհարդ ժտեսցես օգնութիւն յԱստուծոյ կարօտեալդ 'ի վերջին պահուն:

|| վ, միտանգամ զահի հարեալ եմ և դողամ, եղբարք, եթէ անշուշտ ուրեմն՝ [եթէպէտ և յանկարծա մահք ևս չլինիցին բամբասողք, սակայն և յուսահատք մեռցին. քանզի և այլ պատգամ աստուածային եհատ զվճիռն. «Աստուծոյ դատաստան լինիցի այնոցիկ, որ ոչն առնիցեն զողորմութիւնն», քանզի և զամենայն սրտմտութիւն իւր [թափեսցէ 'ի նոսա Աստուած, և յիւրմէն 'ի սպառ հալածեսցէ, որպէս ինքնին վկայեաց անսուտն. «|| ր չնջէր, ասէ, դաղտ զընկերէն իւրմէ,

զնա բացէ 'ի բաց հալածէի», և լու զսոյն ահա քաջայայտ եցոյց աշխարհի անուանին այն և համբաւեալն բամբասող, որ 'ի վերջինս հասեալ կենացն 'ի հոգեւ վարսն, և յորդորակս բազումս գեղեցիկս առեալ 'ի խոստովանել և խնդրել զողորմութիւնն Աստուծոյ, ետ պատասխանի. «Օ ինչ ողորմութիւն, որ իցէ ողորմութիւնն Աստուծոյ. կամիք [թերեւ եթէ ինքնին Աստուած ծածկեսցէ, զբազմութիւն մեղաց խնց, և քօղ զքթութեանն իւրոյ արկցէ 'ի վերայ անօրէնութեանց խնց, որ իմ արուեստ 'ի կեանս՝ այն եղև ողջոյն ջներել չողորմիլ գթելոյն՝ այլ առակել միայն զյանցանս, իբրու զանիծեալն յԱստուծոյ և 'ի հօրէն զՔամ»,

Օ այս ասաց, և վայր մի 'ի դուրս զլեզուն հանեալ և մատնցոյց զնա արարեալ իբրու պատճառք յաւիտենական կորստեանն, ասէ. «Այս ահա իմ լեզու չարալեզու դատապարտեաց զիս 'ի դժոխս», Օ այս ինչ ասաց, և իբրու գիւաբախ խածատելով զլեզուն՝ չարամահ արձակեաց զանիծակուռ հոգին 'ի վայրն անիծից: Վանզի անսուտ է վճիռն եթէ «Բամբասողք զարքայութիւն Աստուծոյ ոչ ժառանգեն»,

Եւ զհարդ ոչ, սիրելիք. յորժամ «Ահ լեզուի, որպէս վկայեաց ճշմարտութիւնն, մահ լեզուի՝ մահ դատութեան. և լու են դժսիք քան զնա», Զայրեն դժոխք, բայց զյանցաւորն. լեզու չար և զանցանցն այրէ: Զայրեն դժոխք, բայց զՔրիստոսի [ծնամիսն. լեզու չար զնոյն ինքն 'ի խաչ հանն, զՔրիստոս, որպէս ճշգրտաբանեաց Վերստինոս: Եւ են դժսիք քան

զնա . քանզի հանդէս արդարութեան ըստուծոյ են դը
ժոխք , լեզու բամբասող՝ հանդէս չարութեան մարդոյ՝
բնաւին իսկ անիրաւ : Տեսեալ զոր 'ի բարեպաշտից ,
գնացեալ համբաւէ իբրեւ կեղծաւոր . գտեալ զոր յող-
ջախոհից , ծաղրէ իբրեւ զանզղայ . տեսեալ զոր հեղա-
համբոյր , բնդ վայր հարկանէ իբրեւ վատասիրտ . զայր
առատաձեռն՝ իբրեւ շույլ . զայր արդարաւորով՝ իբրեւ
զմի յանագորոյն բռնաւորաց : Այլ լեզու , լեզու , ոչ
դժոխք լաւ ևս իցեն քան զբեզ : Եւ այնուհետեւ ոչ լաւ
ևս էր բամբասողին , եթէ և բնաւ իսկ ծնեալ չէր կամ
թէ ծնեալ անլեզու :

Այլ զինչ պէտք իցեն բռնադատութեան բանակա-
նին . զառաքինութիւնն կամաւոր արասցուք , սիրելիք .
որ փնաս իցէ լեզուին , բնաւ իսկ մեր է փնասն . նա ոչ
չարժի , եթէ չարժեմք . և եթէ բազումք իցեն ան-
կեալքն 'ի լեզուէ քան 'ի սրոյ , սակայն և 'ի լեզուէն
բիւրապատիկ են բարիքն . "Ահ և կեանք 'ի ձեռս լե-
զուի" . կործանէ զաշխարհ և շինէ զաշխարհ , եթէ
միայն կամեսցուք . թէպէտ և անդամ ևս իցէ դարձա-
դարձ և արագահոլով և բուռն և սանձակոտոր , սակայն
և երասանն 'ի ձեռս կայ բանին . սանձահարեսցուք ըզ-
բանն , և մեք մեղէն տացուք անձանց կանոն խտու-
թեան սաստիկ պատուիրանաւ , եթէ "Եսացի պահել
զօրէնս քո , զի մի մեղայց լեզուաւ իմով : Այլ , մի խո-
սեսցի բերան իմ զգործս որդւոյ մարդկան" : Օ ինչ
խաբանք իցեն , որ կուրութիւն , սիրելիք . առիմէ զմեր
գործոց բիւրապատիկ մեք չխօսիմք , չքննեմք , չդա-
տիմք . և քանի՞ն իցէ շահն 'ի խօսելոյ զմերն , և քա-
նի՞ն իցեն տուգանքն 'ի խօսելոյ զօտարին :

Այլ զհարգ այս . եռայ արիւնն , ասէ , պայծի սիր-
տըն , խլրտի լեզուն , խնդրէ թափել զթոյնն : — Այլ
ուրեմն զգորաւորն առցուք մեզ զդարման . և որ այն
իցէ : Եւ քանզի օձ խարամանոյ է հրակէզ այրիչ՝ լե-
զու չար , կոտորիչ ժողովրդոց , որպէս անդ երբեմն Իս-
րայելի , չիք հնար ապրանաց յօձէ աստի , բայց անկա-
ռոյց 'ի հրաշագործն յայն լինելով յօձն պղնձի :


Նաւասիկ ձեզ , եղբարք , բարձրացեալն 'ի ձող խա-
չի . ծն արիք աստ՝ եթէ արդեօք իցեն 'ի ձեզ բամբա-
սողք , ամբարձէք միանգամ զաչս . և եթէ կամիք զի

Թալաացի օձի հրակէզ և Թոյնն հեղեալ շճեսցի, տե-
սէք՝ զինչ ձեզ աստուածայինն ազդէ կերպարանն՝ ի խա-
չափայտին։ Օ ինչ աստուածային այս աչք աննշոյլ փա-
կեալք ի սէր քո, բայց զի կախուսցես դու զքոյ աչա ի
յանցաւորութիւնս եղբոր քոյ։ Օ ինչ այդ վիրալից
խոցուած կենարար կողին՝ գեղարդեամբն բացեալ ի
սէր քո, բայց զի դու ընդարձակեսցես զսիրտ քո, և
ներողամիտ գտեալ հանգուցես ի ներքս սիրով զեղ-
բայր քո։ Եւ զինչ քեզ սպա ազդեսցեն շրթունք
ճարտարաբանք բանին Մտուծոյ՝ համրացեալք ի լու-
թեան մահուն վասն քո, բայց զի դու ի լութեան
եղբայրական սիրոյն՝ կարճեսցես զչարախօս լեզուն։
Վանգի և անշուշտ լեզու ինքնին եղև անգութ գործա-
րան չարչարանաց տէրունւոյն՝ առաւել քան զամենայն
տանջանարանս և զձեռս։ «Աւ չարաշուք զինուորացն
ձեռք, աղաղակէր Մզոստինոս, ոչ, այլ հրէից լեզուն
սպան զտէրն»։ Ո՞ր զսայրասուր փուշն վարսեաց։ Ո՞ր
զլեղին դառնութեան արբոյց։ Ո՞ր զգժնդակ բևեռն մը-
խեաց։ և Ո՞ր յոտից մինչև ցզլուխ գանակոծ վիրալից
զտէրունի մարմինն մաշեաց։ Հեռ, նախանձ, զրպար-
տութիւն, լեզու չարաթոյն բամբասող ազգին։

Արդ եթէ յառաջն ի չարն վարեցեր զլեզուդ ո՞ր բամ-
բասող, յանուանարկութիւն ընկերին և յանարգու-
թիւն Մտուծոյ, աղէ դու այսօր շարժեա զայդ լեզու
ի ինդրել Թողութիւն Մտուծոյ, Թողութիւն յեղ-
բօրէն։ Այլ շատ, հատո զպարտս, տուր ընկերին ըզ-
համբան զոր աղարտեցեր։ դարձո զպատիւն զոր բար-
ձեր, զվարկն զոր գողացար։ Եթէ ստութեամբ բամ-
բասեցեր, յետս ան զասացեալն։ Եթէ ճշմարտութե-
ղծածուն առակեցեր, յայլ ինչ դէպս իմաստնաբար
գովութեամբ եղբօրն լից զլեզուն։ Եւ այսօր անսուտ
առաջադրութեամբ առ ոտս խաչելոյս՝ զգեղեցիկ խոս-
տումն կռեա։ «Ա՛յ խօսեսցի բերան իմ զգործս որ-
դուց մարդկան»։ սակայն դու տէր, «Ա՛յր պահապան
բերանոյ իմոյ և դուռն ամուր շրթանց իմոց, զի մի
խոտորեսցի սիրտ իմ բանիւ չարութեան»։

Արդ եթէ անդորրաւետ վիճակի խղճի մտաց փափա-
քէք, եղբարք, ի կեանս ձեր ողջոյն և առաւել ևս ի
մահու, արգոյ և պատուական խրատու հարցն գհետ

եկայք. “(Օտարին չարեաց դու մի երբէք խօսեցիս, ոչ շատ և ոչ սակաւ ”: Այս ձեզ, սիրելիք, շահաւաճառ մեծ ’ի կեանս, շահաւաճառ ’ի մահուն, շահաւաճառ մեծ ընդ ամենայն յաւիտեանս. “(Օտարին չարեաց դու մի խօսեցիս բնաւ, մի խուն մի և մի կարի ”: Վանդի և անշուշտ անպատիւ է առածն. ելձէ “Եւ միայն ’ի խաղաղութեան վայելէ, որ լսէ, տեսանէ, և լռէ ”:



ԲԱՐՈՋ Ե

ԳԱՅԹԱԿՂՈՒԹԻՒՆ

“Վայ աշխարհի՛ ի գայրակորսեանց . նարկ է զայ գայրակ-
դարեան , յայց վայ մարդոյն , յոյր ձեռն գայցե գայրակ-
դարին . իսկ եր ինչ իսկ ծնեալ մարդն այն , : Մտր . ժր :

Յորժամ երկինք մթացեալք ձայն տան որոտմանց՝
արհաւրօք լի է երկիր , զուցէ յանկարծ կամ դիւաշունչ
միրիկ առցէ զաշխարհ , կամ կարկուտ ապականադործ ,
կամ սահանք երկնից ողողիչք , կամ հրացան բարկու-
թիւնք փայլատականց : Այլ քան զօրինակսդ ահագին
ևս է , սիրելիք , կերպարան որոտալոյ բանից տէրունայն
և լի մեծամեծ ևս սարսաղալեօք : Անդի վայք երկուք
յատուածային ելեալք բերանոյն՝ ոչ շանթս իմն մե-
ռուցիչս մարմնոյ կամ այլ ինչ յայտախեաց աստի սարա-
նայ , քան թէ վայս անանցական աղէտիցն , նաև յա-
նեւթիւն գլխովին դարձուցանել զգայթակղեցուցիչ
զարտածն . “ Աս էր թէ չէր իսկ ծնեալ մարդն
այն , : Յորժամ՝ զահագինս զայստիկ բարբառեացի
մարդ վասն մարդոյ , արհաւրօք լի են բանքն . իսկ զինչ
ապա յորժամ Մտուած վասն մարդոյ : Չիք օրինակ ,
սիրելիք , զահագնութիւնն ի դէմն բերել : Յորժամ
Մտուած բարբառի , լեզուք ամենայն լռեացեն : Իսկ
արդ որչափ ուրեմն ահագին իցեն մեղք գայթակղու-
թեան , ոյր աղաղաւ այնչափ սրտամտութիւն և այնչափ
վայք , միանգամայն և այնչափ սրտառուչ դութ արար-
չական սիրոյն յուղեացի՝ ի վերայ կորստեան գայթակ-

դէցուցիչ արարածոյն . “ Այն , իցին թէ կայեալ մնացեալ էր նա յանդոյութեան խրում” ,

Վժռութիւնք արդեօք էր տեսարան , որ ՚ի նախնութեան առ վայրենամիտ հեթանոսս սուսերամարտիցն հանդէս : Օրինչ շնորհք իցեն կերպարանին , զինչ վայելչութիւն զնութեան աչաց՝ խոցել և հարուածս ածել բնութեանակից մարդկանն , կալ և սարծիլ , և խնդալ և ծիծաղիլ ևս եթէ և զմահաբերն կռեաց հարուած : Վանխօն էր վայրենութիւնն , քանխօն և աղէտք տեսանելեաց խմատուն մարդկանն առ հեթանոսս : Բլ տեսարան վայրենեացն այնոցիկ սուսերամարտից , թող դռնեցէ աստուածայինն Ոսկերերան , աւաղ , ոչ բարձաւ , քան թէ փոխեցաւ : Վոր տեսարան , առաւել սրանութեան և արտասուաց արժանի . ոչ մարդ զմարդ հարկանէ և սպանանէ ՚ի մարմնի , այլ բրիստոնեայ ըզբրիստոնեայ՝ զէն և սուսեր ՚ի ձեռնն առեալ զմահառիթ կեանս իւր զանբարիս դիակնացուցանէ ՚ի հոգի : Վանգի “ () ըրնակ չար բրիստոնէի , զայս աւաղեցին միշտ հարբն սուրբք , օրինակ չար բրիստոնէին մեռուցանէ զբրիստոնեայն” ,

Բլ զինչ այլ պէտք իցեն այնուհետեւ դիւաց շրջել ՚ի վերայ երկրի և խոտորեցուցանել զմարդիկ : Բն իսկ նոցա արբանեակք գործօնք ՚ի վերայ երկրի բաւականք՝ յամենայն ՚ի ժամանակս և ՚ի դարս , պաշտօնեայք ժիրք կամակատարք նոցա , միանգամայն իսկ յամենայն դատուց և ՚ի կարգաց զայլթակղեցուցիչք , արք և կանայք , եկեղեցականք և աշխարհականք , ազնուականք և ռամիկք , մեծամեծք և փոքունք :

Այլ զայլթակղութիւն , մեծապէս անարդութիւն կրօնի . ո՞վ զայլթաղութիւն , խաղաղութեան եկեղեցւոյ դառնացուցիչ , հակառակորդ հանդիսացեալ արեանն Վրիստոսի . ախա՛ որ իբրեւ զբաղցիկեղ ճարակ դտանէ , սրածութիւն համաշխարհական , անդուլ , անվանելի : Ո՞ր բան բաւական իցէ , սիրելիք , զանհնարին աղէտսն որ ՚ի նմանէն ներգործեալ յեկեղեցի՝ ՚ի գէմս բերել : Բնչափ սովորեցաւ բնութիւնս ՚ի գործել , աչք ՚ի տեսանել , ականջք ՚ի լսել , զի և զօր ամենայն տեսանեմք և չղզամք . զօր ամենայն լսեմք , և չլսելոյն առնեմք . զօր ամենայն գործեմք՝ և չհամարիմք ինչ :

Բայն զի կրկին կնիքք յոյժ ահագինք յաստուածային բերանոյն տալաւորեցան 'ի մեղս յայս . հարկ, և Լինէ՞ք . “ հարկ է զալ զայթագղութեան ,” և “ Սայ մարդոյն յոր ձեռն զայցէ զայթակղութիւն ,” : Լկա յերկուց աստի աստուածային ճմարտութեանց նիւթ առցէ այսօր բան քարոզիս : Ի հարկէն՝ իմաստասիրեսցուք եթէ հեշտին յոյժ է ուրեմն մեղք զայթագղութեան , որչափ ինչ չխորհին մարդիկ . այս է առաջին գլուխ քարոզիս : Իսկ յանիծիցն՝ իմաստասիրեսցուք եթէ մեծ է յոյժ ուրեմն չարութիւն զայթագղութեանն , այնչափ՝ որչափ ինչ չկարծեն մարդիկ . այս է երկրորդն :

ԲԱԼ զու , ո՛վ տէր , սիրող հոգեոց , դու խօսեաց 'ի հոգիս ունկնդրացս , պտղաբեր առնելով զբան քոց պաշտօնէից : Կանխեա , աղաչեմ , ողորմութեամբ զայն ինչ , զոր սպառնացար արդարութեամբ . առաքել զհրեշտակս քո և ժողովել յարքայութենէ քումմէ զամենայն զայթագղութիւնս և արկանել 'ի հնոց անշէջ հրոյն . զի մինչև արկեալ 'ի հնոց այն , մեք չնորհօք ողորմութեան քո բարձցուք զզայթագղութիւնսն , կամ գէթ նուազ արասցուք , կանուխ արկեալ 'ի հնոց հրոյն ապաշխարութեան մերոյ . զի մերովսանն այժմէն մաքրեսցի արքայութիւն քո՝ եկեղեցի սուրբ :

ՄԱՍՆ Ա .

Օ արմանալի է , սիրելիք , զի յորժամ զզայթագղութենէն լսեմք , անդէն մեք 'ի միտս մեր չափ մի և սահման մի վայրափակ կարգեմք մեղացս այսօրիկ : Սակայն վայրապար գործեմք զայն . քանզի զայթագղեցուցիչս համարիմք մեք հասարակ կարգաւ՝ զանհարկին զեղեռնագործսն 'ի մարդկանէ , օրինակ իմն որք ամբարիշտ սեղանակապուտքն իցեն , որ սոսկալի յիշոցնատուքն իցեն , որ անլուր հայհոյիչքն ամենասուրբ անուանն Բստուծոյ , որ յայտնի վարժապետք անաստուածութեանն իցեն , որ ողջոյն 'ի մարմին թաղեալք , և որք բռնաբարիք յայտնիք պարկեշտութեան , և որ այլ ևս

Տրէշք ստակալիք անբանականք, ոչ միայն 'ի հաւատոյն անբանք, այլ և 'ի պատուոյն և 'ի համբաւոյն և 'ի խելաց միանգամայն :

Եւ արդ եթէ այսոքիկ միայն իցեն գայթաղութիւնքն, և չիցեն 'ի միջի և այլ ևս գայթաղութիւնք յարքայութեանն Մատուծոյ, զի ևս մեզ այնուհետեւ պէտք ինչ էին ելանել յայս բեմ, և 'ի բարձուէ աստի բողոք բառնալ ընդդէմ գայթաղութեան, և վասն կարեւորագունի խնդրոյս 'ի հրահանգս քրիստոնէութեան քարոզ մասնաւոր կարգել : Վնագի 'ի վերոյգրելոցդ այտի ամբարիշտ եղեւնագործացդ գտանիցի արդեօք և ոչ որ յունկնդրաց աստի խնոց : Եւ ոչ դարձեալ ումեք 'ի քրիստոնէից բարեաց այնչափ ինչ փնասաբերք իցեն ամբարշտութեան հրէշքդ այդոքիկ . քան զի մոլութիւն որ առաւելազանց է և սանձակոտոր ամեհի և հրապարակագոյժ, նողակալի է և առելի, և չգրտանէ իւր այնչափ սիրողս և հետեւողս :

Բայց են են սիրելիք և գայթաղութիւնք այլք առաւել ճարակեալք և սովորականք և քօղարկեալք, նուազ դժնդակք քան զվերոյգրեալսդ, ուստի և առաւել հեշտինք 'ի գործել, որչափ ինչ չսորհին մարդիկ : Հասկա, դուք սիրելիք 'ի կատարեալ հրահանգութիւն ձեր 'ի մասին յայսմիկ, ունին դիք և խելամուտ լերուք՝ որ այն իցէ զոր մեղք գայթաղութեան կոչեմք յընդհանուրս :

Որդապետութիւն անսուտ է հարց սրբոց առ հասարակ և ամենայն աստուածաբանից, եթէ այն ամենայն որ զեան ինչ հոգեւոր առթէ ընկերին, կամ 'ի բաց 'ի բարւոյն բեցելով զնա, կամ 'ի չար անդր դրդելով զնա, թէպէտ և խօսք մի միայն իցէ, թէպէտ և շարժումն, թէպէտ և գործ մի միայն, թէպէտ թոյլ տուութիւն մի անարժան և զանցառութիւն մի կարգաց և կանոնաց ընկերութեանն, ծիծաղ մի ևս անպարկեշտ, և թէպէտ և որ այլ զինչ և իցէ հանդէս և ցոյց աշխարհայնոյն ազատութեան՝ հակառակ հոգւոյ աւետարանին և քրիստոնէական զգոնութեան, յորմէ մարթիցէ ընկերին փնասիլ ինչ մի 'ի հոգին, այն ամենայն է գայթաղութիւն, յոր աստուածայինն բերան կուտեաց զահագին անէծան և զվայս : Եւ կատարի գայ-

Թագդուծիւնն կրկին ճանապարհաւ՝ մի բան զմի չար և Թիւր : Կամ ուղղակի դիտմամբ տալով զԹել և անկաւ նել ընկերին , կամ անուղղակի դիտմամբ , յորժամ 'ի գործոց ինչ և 'ի բանէ առթեցի կործանումն ընկերին :

Ինդ առաջինն՝ հարկ իցէ մեզ սիրելիք այսօր զողբն նորոգել զԱրեմիային , որ ցաւազին հեծէր՝ ամբարիշտս կոչելով զայնալիսի գայթաղեցուցիլն , որք իբրև որ տորդք նենգաւորք խաբուսիկք՝ բազմադէմ հնարիմացութեամբք շողեն զանմեղս 'ի վարմին . « Կտան , աւսէ , 'ի մէջ ժողովրդեան խնյ ամբարիշտք . և որոգայթս իբրև զվարմն հաւորաց կանգնեցին ապականել զմարդիկ . և ըմբռնէին իբրև զորոգայթս անկեալս լի Թռչնովք . և այնպէս լի են տունք նոցա նենգութեամբք » :

Իսկ ուղղակի գայթակղութեանն՝ հանդէսս քառեակ առաջի առնէ մեզ աշխարհս հրապուրիչ : Դաւթինն է խորհուրդ , երկրորդն հրաման , երրորդն վարժութիւն , չորրորդն փորձութիւն : () Երկնակօք 'ի դէմն ածցուք զվարդապետութիւնս :

Կախ՝ գայթաղութիւն տայք խորհրդով դուք , ո'արք չարանիւծք և հետաքրքիրք . յորժամ ցնայք մօտիք առ իշխանս աշխարհի , կամ առ առաջնորդս եկեղեցւոյ , և բիւրուք ոմամբք հնարիմացութեամբք և շողմութեամբք վստահացուցանէք առ նոսա զանձինս ձեր իբրև անխարդախս ամենեւին . և այնպէս շնորհս գտեալ առաջի նոցա , յետ այնորիկ և զիշխանութիւն նոցա շրջէք դարձուցանէք՝ յոր կողմն և կամիր . և ըստ անիրաւ խորհրդոց ձերոց Թելադիր լինիք առաջնորդացն , և տայք նոցա գործել զոր և կամիր , քօղ գեղեցիկ 'ի վերայ արկեալ չարութեան մտաց ձերոց :

Կարձեալ գայթաղութիւն տայք խորհրդով դուք , ո'քրիստոնեայք Թուրհաւատք և խառնակրօնք և բարիատեացք , յորժամ՝ կամ անկրօն կատակաբանութեամբք զբարեպաշտութիւնն գձձէք և ընդ վայր հարկանէք , կամ ապականագործ սկզբամբք նուազեցուցանէք զարհաւիրս և զգարշտութիւն մեղացն . և այնպէս

դուն գործեալ խոտորեցուցանէք զոգիս և ապականէք զսիրտս անմեղաց :

Վարձեալ գայթաղղութիւն տայք խորհրդով դուք հոգիք վատք և անաւաղք , յորժամ զձեր մտերխմն , զբարեկամն և զընկերն՝ բաղմադէմն հրապուրէք գործակից , կամակից և խորհրդակից ձեզ լինել 'ի շահախնդրութիւնս ձեր՝ և 'ի կիրս թէպէտ և անբարիս և հակառակս խղճի մտաց և լուսոյ բանին :

Եւս են ահա ապականագործ գայթաղղութիւնք՝ որ խորհրդով : Եւսր այր 'ի ձէնջ սիրելիք յուշ անձին աւատցէ , եթէ երբէք յանցաւոր լեալ իցէ 'ի մասին յայսմիկ , և ուղղեսցէ զանձն և զգայթաղղեցուցեալն կանգնեսցէ :

Իսկ ապա երկրորդ՝ որ հրամանաւն է գայթաղղութիւն , այն է՝ զոր դուք տայք ո՛ տանուտեարք և տանտիկնայք . յորժամ զտանուտերական զիշխանութիւն ձեր և զգորութիւն , զոր ետ ձեզ Մտուած 'ի պահպանել և 'ի փրկել զոգիս ծառայից ձերոց և զաղախնեաց և զընտանեաց , առեալ 'ի վար արկանէք մանաւանդ 'ի կործանել և յապականել զնոսա . զէն և գործի 'ի ձեռս ձեր առեալ եթէ զահ և զերկիւղ նոցա , և եթէ զյոյս անկալութեան նոցա , առ 'ի աջակիցս և գործօնս և սատարս յարդարել զնոսա ինչ ինչ զաղտնածածուկ անիրաւութեան գործոց ձերոց : Եւ այնպէս հիւրացեալ ծառայքն , աւանդ , 'ի նմին իսկ 'ի ծառայութեան իւրեանց մեղօք վարակին՝ գայթաղղեալք 'ի տէրանց , և կորուսանեն զոգիս : Եւրէ անդթութեանն 'ի ծառայս՝ յայնպիսի ապառուժ տէրանց և տիկնայց . որ քան 'ի պէտս անձանց՝ 'ի մեղս իւրեանց ծառայեցուցեն զնոսա :

Իսկ երրորդ՝ որ 'ի վարժութենէն է գայթաղղութիւն , զայն դուք տայք ո՛ հարք և մարք և վարժապետք և դաստիարակք . յորժամ առ 'ի յարդարել զուստերս ձեր և զգտտերս և զաշակերտս և զսանս ձեր ըստ ախորժակի և ըստ քմաց և ըստ սովորութեց շնչաւոր իմաստից աշխարհիս , ինքնին դուք ազդէք և շնչէք 'ի նոսա վարժս իմն և սկզբունս կորստականս զապակահոտութեան կենցաղոյս : Եւ զգուշնայք , և առեալ տանիք զնոսա 'ի ժողովս և 'ի կենակցութիւնս դժպատեհս և անձահս տակաւին հասակի նոցա՝ յեղծումն անկա-

տար տիոցն և յեռանդն դժպատե՛հ կրիցն : Այլ զգուշանայք , և տայք նոցա 'ի ձեռս անընտրողաբար զիրս իմն փաստակարս՝ ո՞նեւլ առ իւրեանս և ընթեռնուլ անխտիր , ոչ 'ի հրահանգ քան թէ յապականութիւն վարուց նոցա : Այլ զգուշանայք , ո՛ մարք , ծնգասէր պարկեշտութեան դատերացն , և ոչ տքնիք 'ի վերայ պարտապատշաճ ամօթիւածութեան նոցա : Բայց յորիկ աւմենեքեան , և որ ինչ այսպիսիք , գայթաղղութիւն զնէք ոտից անմեղացն , և կորուսանէք զողիս որդւոց :

Իսկ որ վերջին գայթաղղութիւն է 'ի փորձութենէն , գայթաղղութիւն զայս յանցանէք և տայք՝ ո՛ դուք միանգամայն յերկոցուն սեռիցն հրապուրիչք և բնաւ իսկ աշխարհասէրք , խեղդս իմն շրթանց բազմահնար կցկցելով , և հրապոյրս պղտորս արբուցանելով անմեղաց և լաւաց յապականութիւն և 'ի գայթաղղութիւն . 'ի կերպարանս կերպարանս , եթէ երևելի հանդերձիւք իցէ , եթէ հտպտանաց պճնութեամբք , շնորհալուք պլրանօքն , նազելի ձեմիւքն , եթէ պարզեօք ընծայիցն , եթէ հնարագէտ զրուցիւք տոմսակացն , եթէ նշանացի ժպտելովն , ակնարկի յօնիւքն , խորհրդաւոր շարժմամբն , և որ ինչ այլ յայսպիսեաց աստի . որովք առաքելոյն սրբոյ կատարումն միանգամայն առնու բանն , եթէ . “ Ար ինչ յաշխարհի է , ցանկութիւն է մարմնոյ , ցանկութիւն է աչաց , և ամբարտաւանութիւն աստի կենաց ” :

Այլ աշխարհ խոտորնակ և խոտորեցուցիչ . բարէ , բո քանի՞օն են հնարք և արուեստք 'ի պատրել և 'ի կորուսանել զհոգիս . այնչափ են արուեստքն , որչափ ինչ արդեօք չմարթացան հնարագիւտ լինել նաև ջերմագոյնքն յառաքելոց և 'ի քարոզչաց 'ի փրկել զհոգիս : Ա՞ զաչ իմ , սրտառուչ յողոց հանէր Երեմիաս , ո՞ զաչ իմ գնացուցանէր 'ի կրկին աղբերակս արտասուաց , լալ միշտ զհարուածեալն , զխոցեալն , զսպանեալն ժողովրդեան իմոյ . “ Ա՞ տայր զգլուխս իմ 'ի ջուր , և զաչ իմ յաղբիւրս արտասուաց . և լայի զժողովուրդս զայս զտիւ և զգիշեր , և զվիրաւորեալս դատեր ժողովրդեան իմոյ ” : Բայց ոչ զմարմնոց ինչ , ասէ , զիտապատանկելոցն ողբամ , կամ զուրոյն թշնամեաց . այլ վասն քաղաքին ուխտադրժութեանն և վասն կործանմանն

Հոգւոցն հառաչեմ և հեծեմ. “Օ ի ամենեքեան, ասէ, առ հասարակ ժողովուրդք արհամարհողաց. ստուծիւն և ոչ հաւատք զօրացան ի վերայ երկրի. ի չարեաց ի չարիս, ասէ, ելին: Լւրաքանչիւր յընկերէ իւրմէ զգոյշ լերուք. զի ամենայն եղբայր խաբելով խաբէ, և ամենայն բարեկամ նենգութեամբ գնայ”:

Եւս ահա մեղք գայթաղութեանն, եղբարք. “Եւ չարեաց, ասէ, ի չարիս”։ Գայթաղութիւն ոչ կայ մնայ ի միում. ի միոյն անցանէ ի միւսն, և ի նմանէն յայլ. և այնպէս անսպառ տողի և անսահման աճէ. քանզի և բարեկամ բարեկամի և եղբայր եղբօր դարանակալ է, ասէ, և մատնատու և կործանիչ. վասն որոյ և ցանկայ թողուլ զբաղաք, թողուլ զժողովուրդն. “Ո՞տայր ինձ, գոչէ ցաւագին, ո՞տայր ինձ յանապատի դոյզն օթեւմանս, և թողուի զժողովուրդն իմ և գնայի ի դոցանէ. զի ի չարեաց ի չարիս ելին”։ Օ այս ողբայր յայնժամ Լլրեմիաս, և ի շուրջ պատեալ գայթաղութեանց ժողովրդեանն՝ միայնութեան անապատին իղձ լինէր։ Եթէ համամիտք ինձ խորհիք տեարք իմ ի բանիս յայսմիկ, քաջ իսկ իրաւացուցանէք դուք զցաւալից զորք և զարդար գանգատ զմարգարէին. դուք ինքնին՝ որ գիտութիւն ունիք զաշխարհի առաւել բացարձակ և առաւել փորձառական քան զմեզ։

Բանդի եթէ քառեակք են ճանապարհք մեղաց գայթաղութեանն՝ որ ուղղակի կործանեն զհոգիս, բիւրք են, սիրելիք, սատարք և ճանապարհք և ծնողք այնմ՝ զոր անուղղակի գայթաղութիւնս կոչեմք. իբրու այն՝ որ թէպէտ և կշռակի ուչ նպատակի չունի զհոգեւորական կործանումն ընկերին, տակայն և կործանէ։ Եւս գայթակղութիւն է իբրեւ արմատ մի, այլ յոգնաբազուկ, հաստամուր, աճեցուն ի խորս. և իբրեւ ծառ մի, այլ բազմոստեան, աճունաճիւղ տարածեալ յանբաւս. այն է բազմազխեանն գայթաղութիւն չար օրինակին։ Օ այս գայթաղութիւն ի չար օրինակէ՝ կէսք առնուն և կործանին ի պատճառս տգիտութեան, և կէսք դարձեալ ի պատճառս տկարութեան։ Սակայն և յերկուսին դիպուածսն միանգամայն յանցաւորք են և ապականագործք՝ որ միանգամ զայն գայթաղութիւն տան եղբօրն։

Եւ որ առաջին խօսելով վասն այնոցիկ՝ որ տգիտութեամբ զայլթաղղին և կործանին, ոչ դուք ինքնին որ հարբդ էք և մարք, և մանկածուք և վարժապետք և դաստիարակք, բազում անգամ ողբայք և դանդաւտէք, զի հազիւ երբէք դուք այժմ առ ձեօք գտանէք հետս իմն երևելիս զոսկեղէն զայն զբարուցն և զվարուց և զանարատութեան գնացիցն և զանմեղ սարգութեան սրտին, որ առ ժամանակօք հարց մերոց առաջնոց, ասէք, էին իսկ այնոցիկ կնիք գեղեցիկ նորաճաղիկ պատանեաց ժամանակին, բազում անգամ նաև մինչև յարբունս լիութեան հասակին նոցա: Եւ արդ ոչ անշուշտ ցաւոց և արտասուաց արժանի իցէ, ասէք, յորժամ տեսանեմք՝ զի զարդիս նենգաւորութիւն մտաց և անօր չարութիւն կամաց կանուխ ՚ի ծաղկին խտրեն և ապականեն զնորաբողբոջ հասական: Եւ այժմ մանկունք և աղջկունք այն ինչ ելեալք ըստ տիա մանկութեանն, այն ինչ վայր մի յարբունս վայելեալք ըստ բանին, բիւրուք ոմամք ցուցակութեամբք՝ արդէն իսկ իբրու վատթարեալս և ապականեալս առական զանձնատ:

Եւ աղէ, առ ինչ է հիացումնդ, մանաւանդ եթէ սրտցաւութիւնդ ձեր: Եւ յորժամ այնչափ ազատութիւն խօսելոյ գրաւեաց այժմ զաշխարհ, և այնչափ համարձակութիւն ՚ի կենակցութիւնս՝ անխորհուրդ և անընտրողաբար՝ անխտիր առաջի ամենայն հասակաց եթէ խօսք զազիրք, կամ բան յիմարութեան կամ զրոյց տգեղ կամ քրքիջ բերանալիր, կամ անհամութիւն ատուցուածոյ կամ խեղկատակութիւն, ամենայն անվայել և անձահարգոյ և սպառնալի քրիստոնէական անուանն, յորոց աստուածայինն զգուշացուցանէ առաքեալ ըզքրիստոնէայս. յորժամ, ասեմ, այս ամենայն զօրացաւ ՚ի մեզ այսօր, զինչ զարմանք իցեն այնուհետև: Եւ արձեալ զինչ զարմանք իցեն կանուխ յոռանալոյ մատաղերամ բազմութեանն յայնչափ օրինական զայլթաղղութեան. յորժամ ծառայք բերանալոյձք են առ նոքօք և ցոխաբանք, յորժամ և ընտանիք անդգուշացեալք, յորժամ և կատարելահասակքն սրձակերասանք: () Ի ևս յաւելու ՚ի չարն. յորժամ նոքին իսկ ծնողք հարբ և մարք և դաստիարակք և վարժապետք, զողջես ՚ի մոռացմոս դարձուցեալ են այսօր զգեղեցիկ

զգուշութիւնսն զբարեպաշտութեան կրօնիցն , զոր պարտական են նոքա ցուցանել առաջի անկատար և ակն ածելի հասակի պատանեկացն : Սոր տեսանեն , զնոյն առնեն և նոքա . զոր լսեն՝ զնոյն ասեն և նոքա . և լսեն զայնպիսի բանսն , որ 'ի փակ և 'ի թերակատար միտս պատանեկացն առնուն մուծանեն յառաջ քան զժամանակն՝ զգիտութիւն չարի : Վիտութիւն՝ որ յստակ պարզութեան տղայական խելացն՝ մթարս 'ի վերայ ածէ : Վիտութիւն՝ որ յառաջ քան զժամանակն զարթուցանէ զբնաւորեալն 'ի նոսա զիղձ և զկիրս դժպատեհս : Վիտութիւն՝ որ ողւոյ բարեաց և ընտրելոց՝ խեղդս իմն և վարմն պատրաստէ շաղիլ 'ի զգայութիւն . և 'ի տիս հասակին այնորիկ՝ յորում պարտ էր յապահովի առնուլ նստուցանել զնոսա ընդ պահպանութեամբ անմեղութեանն , յայնժամ 'ի մեղս ընտելացուցանէ զնոսա :

Եւ զուրբ , ո՛վ հարբ և մարբ , և առ հասարակ զուրբ մանկածուք և վարժապետք և դաստիարակք , որ ունին դնէք ինձ այսօր , խելամուտ լերուք միանգամ՝ քանի՞ն մեծի զգուշաւոր ակնածութեան ձեզ պէտք իցեն 'ի վարել ձեր ընդ թերակատար հասակին՝ զոր տակաւին ոչ զբաւեաց չարութիւնն : Խելամուտ լերուք , զի զործ մի և զբուցատրութիւն մի , բան մի երկդիմի և բազմանշան , շարժումն և խօսք մի միայն , որ 'ի լուր ականջաց հաստատելոցն 'ի բարիս կամ՝ ծրդելոցն 'ի չարիս՝ չազդէ ինչ ամենեւին , այն դուզնաբեաց բան և իր՝ մահառիթ խոչ ընդ ոտն է դեռահասակ պատանեկացն : Եւ պատանեակք անդատին իսկ 'ի խայթէ հետաքրքրութեանն և յեռանդուն խանդից նմանողութեանն վաղվաղակի վառին և զարթնուն , կամ 'ի հետախուզել իմանալ զայն՝ զոր չիմացան , կամ 'ի գործել զայն զորոյ զօրինակն դիտեցին յերկրագոյնս իւրեանց : Եւ այնպէս անմեղքն դայթազդեալք կործանեսցին :

Եւ թէ աստուածային առաքեալն յառաջին բրիստոնէից անտի պահանջէր պահել և զգուշանալ յիրաց՝ որ պարզապէս անմեղանչականք էին , յորժամ երբէք անդուստ դայթազդութիւն ծնաներ 'ի տգէտս յեղբարց , նաև 'ի կերակրոց՝ որ արգելեալք չէին , և յայտ յանդիմանութեամբ վկայութիւն դնէր՝ եթէ չէ մարթո

տեղ յանդիման այնոցիկ՝ որ մոլորութեամբ մտայ կարծէին արգելեալս զնոսա . « Եւ է , առէ , ոչ ուտել միս և ոչ ընկել զինի , և ոչ որով եղբայրն դայթազդի կամ գէշ կամ տկարանայ , » . դարձեալ « Այ յամենեւին , առէ , գիտութիւն է . մի վասն կերակրոյ քաղեր զգործ Մատուծոյ . մի կերակրովն քով զնա կորուսաներ , վասն որոյ Քրիստոսն մեռաւ . վասն որոյ ոչ կերայց միս յաւիտեան , զի մի զեղբայրն իմ դայթազդեցուցից , » :

Երգ եթէ վասն մտոյ և գիւտոյ զայստիկ ազդէ աստուածային առաքեալն , ձեզ քանի՞ն առաւել իրաւամբք պարտ իցէ խնայել և ակն ածել տգիտութեան և պարզմտութեան պատանեկացն՝ որ ընդ ձեռամբք ձերովք են , և պահել և զգուշանալ յիրաց՝ որ շէնն բարիք , այլ աշխարհայինք , վասնդարերք և չարք . ուստի և անխուսափելի առիթք կործանման , որոց միանգամ լիցեն զայն կամ տեսանիցեն՝ ի ձեզ : Եղէ դուք , զգուշացարուք անմեղացն լաւութեան , զհոգին սուրբ մի շիջուցանէք , որ բնակէ ի նոսա և հանդիս սիրով . զհրէշտակս սուրբս մի տրամեցուցանէք՝ որ անբուն խնա մակաղութեամբ պահապանք են փոքրկանցն այնոցիկ . յանմեղութեան քնոյն քաղցրութենէ՝ մի ընդոտուցանէք զնոսա ի չարութիւն . մի պատճառս տայցէք անմեղացն այնոցիկ առ ի լալ յաւուր միում զանբարի կենակցութիւնսդ ձեր ընդ նոսա : Ի վերայ այսր և խնամով արթուն կացէք , զգուշացուցէք զնոսա ի ծառայիցն կենակցութենէ՝ իբրու ի փաստակարաց անմեղութեան ոգւոց նոցա , զի մի թերեւ անուղղայս ինչ ձգեսցեն նոքա ի դաղանիս այնոցիկ՝ որք ուղիղ են սրբութիւնք :

Եւ աստանօր բանս ինձ ընդդէմ , զիտեմ քաջ , զի ունիջիք ասել , — Եւք դուք ինձ յընդհանուրս , եթէ քանզի լուսաւորեալ է այսօր դարս , և դադցես ի ծայրն հասեալ գիտութեան , ուղտի և ոչ հեշտեաւ ինչ որ առցէ դայթազդութիւնս առ տգիտութեան : Եւք դարձեալ , եթէ զսովորոյթ ձեր զայդ՝ զաղաւսն և զհամարձակն ի բանս , ի կենակցութիւնս , ի գործս , ոչ անխտիր առ ամենայնսն ի վար արկանէք դուք , այլ ընտրողաբար առ քաղաքացէսս ի մարդկանէ , առ փորձս ,

առ ամուսնացեալս . որոյ ոչ ինչ նոր արդեօք հանդիպեալի առ նոսա 'ի ձեր խօսելն կամ 'ի գործելն . իբրու զի արդէն իսկ զիտեն նորա զամենայնն :

Այլ ես զընդդէմն ասեմ, եթէ և համայն՝ անշուշտ մեղանչէք դուք միշտ մեղօք զայլմագղութեան . քան զի եթէ եղբայր ձեր օրինակսն զոր տայք նմա, ոչ զթէ առ տգիտութեան, սակայն հեշտեալ զթեցել նա և անկցի առ տկարութեանն : Ասացէք ինձ անաշուշտ, եթէ որ տխար մի կամ պատկեր մի լի ամենայն յայրատութեամբ և անառակութեամբ նկարեալ յանդիման արասցէ ձեզ 'ի տեսանել, ասիցէք թերեւ անմեղ զմարդն . իբրու զի ոչ նոր ինչ տեսանելեացդ ձերոց պատկերն այն իցէ և հրապուրիչ 'ի մեղս :

Վիտեմ զի իմաստունքն 'ի ձէնջ ատասցեն, եթէ յանդիմանել տեսանելեացդ զգարչութիւնդ զայդ՝ անշուշտ 'ի մեղս զայլմագղութեան համարեցի : Քան զի որք միանգամ յայս դիւրագայթ մարմին յանցաւոր շողեալ կան, 'ի չար անգր հակամիտեալք են առ սկզբնական տկարութեան . « Ս'իտք մարդոյ, ասէ, 'ի ինտան չարին հաստատեալ են 'ի մանկութենէ իւրմէ » . և տեսիլ հրապուրիչ պատկերիդ զղրդէ զմարդ և չարժէ զմարմինն, և գողցես բռնի ձգէ 'ի մեղանչել :

Արդ նմանատիպ օրինակիդ ասեմ և զվարել ձեր և զխօսել և զգործել : Վիտունք են մարդիկ ժամանակիս, լիցի այնպէս . փորձք են՝ ընդ որոց վարէքդ, քաղաքագէտք են, ամուսնացեալք են . սակայն ամենեքեան մարդիկ են : Աոցա զինչ օգուտ իցէ յայնցանէ, յորժամ դուք բանիւք ձերովք, կամ թէ գնացիւք, կամ թէ հրապուրից ինչ օրինակաւ կերպարանս իմն անբարիս արկանէք 'ի միտս նոցա . յորժամ զարթուցանէք 'ի սիրտս նոցա իղձս անարժանա, յորժամ շրջէք զկամեն հաւանել 'ի չարիս, յորժամ 'ի մտերմութիւնս մեղանչարանս և յընտանութիւնս անձահս ամոքէք զնոսա : Այո, ոչ մեղանչեն նորա առ տգիտութեանն, սակայն մեղանչեն առ տկարութեանն . և զինչ օգուտ յայնմանէ, յորժամ արդարեւ մեղանչեն իսկ . և դուք էք որ 'ի մեղանչել զնէք նոցա քար ընդ ոտն՝ զոր չունէին նորա :

Վարձեալ, զինչ . համարիցիք թերեւ եթէ ոչ ինչ ներգործեալիք 'ի փորձ մարդիկդ և յամուսնացեալդ :

Բայց ինչ էլ լինի, զիտորձն առեալ յիցէ ձեր հակառակ ձե-
րոցդ բանից : Ս'եք գիտեմք քաջ, զի կարգ ամուսնա-
կան 'ի քաղաքական դաշնաւորութենէ 'ի խորհուրդ
սուրբ եկեղեցւոյ վերառեալ 'ի Վրիստոսէ, այնուհետեւ
որ միանգամ հոգւով սրբութեան կապին յայն խոր-
հուրդ, շնորհս իմն մասնաւոր առնուն ամուսնիքն 'ի
սէր սուրբ անքակ միաբանութեան, և ողջախոհ հա-
ւատարմութեան ընդ միմեանս : Բայց ո՞ր գրեալ կայ,
կամ երբ լուա ոք ասել, եթէ շնորհք խորհրդոյս այսու-
րիկ զքնաւորական կիրան բառնան 'ի մարդկանէ, և
անմեղանշականս գործեալ զնոսա՝ չտան երբեք զթել-
նոցս յիղծս անարժանս և արգելեալս :

Բայց ինչ էլ լինի շատ ինչ առաջեալս յաղաղս առա-
ջին մասին գայթաղութեան . անցյուր յերկրորդն,
վայրիկ մի հանգիստ առեալ :

ՄԱՍՆ Բ.

Արդի հեշտին իցէ գայթաղութիւնն 'ի գործել,
որպէս լուայք ցայս վայր, այնչափ մեծ է և չարութիւն
նորա՝ զոր չկարծեն մարդիկ :

Պատճառս կրկին մարթ է ինչ յառաջ բերել ձեզ,
սիրելիք, վասն առաջարկութեան բանիս : Վանդի ա-
ռաջին՝ մեզք գայթաղութեանն գերազանցէ չարու-
թեամբ և քան զմեզս մեծամեծս և զանհնարինս՝ որ
գործին ընդդէմ ընկերին : Եւ երկրորդ՝ բանդի պա-
րագրէ յինքեան նաև զչարութիւն ամենայն մեղաց
զորս միանգամ գործէ ընկերն գայթաղեալ 'ի մերոց
պատճառաց :

Եւ արդ քաջ միտ դիք, աղաչեմ. մեծ են անշուշտ
մեզք առն գոյց և աւազակի, որ բռնաբար մերկացու-
ցանէ զմարդ 'ի դոյլիցն զոր ժառանգէ : Ս'եծ ևս են մեզք
առն չարի, որ թշնամանադիր բամբասանօքն և կամ
նիւթեալ զրոյարտութեամբն կողոպտէ զմարդ 'ի պա-
սույն և 'ի համբաւոյն, և առակ նշաւակի կացուցանէ
աշխարհի : Իսկ առաւել ևս մեծ և անհնարինք են
մեզք առն մարդասպանի, որ չարալլուկ տանջեալ

զմարդ, նաև յարեւէ ևս հատանէ զնա, իրաւունս և ոչ մի ունելով 'ի վերայ նորա զգատաւորի և զիշխանի:

Սակայն զեան փնասուն որ յաւազակէն և որ 'ի բառ բատողէն և որ 'ի մարդասպանէն, ոչ փակէ առաջի մարդոյ զգուռն երջանկութեան: Այն ինքն վկայութիւն անարատ խղճի մտայն շատ ինչ սխտիանք են մարդոյ յամենայն թշուառութիւնս կենցաղոյս և 'ի կորստեան ժամանակէիցս. և քաջ իսկ 'ի ձեռս է մարդոյ ճշմարիտ և միակ երջանկութիւնն՝ որ հաստատեալն է 'ի կեանս հոգւոյն և 'ի փրկութեան նորա: Աւտի և Տէրն ինքնին զահ և զերկիւղ աշակերտայն փարատէր, «Ս'ի երկնէիք յայնցանէ՝ որ սպանանեն զմարմին, և յետ այնորիկ աւելի ինչ ոչ ունիցին առնել», և Վարդեն յընչից, կապտեն 'ի սրատուոյն, կապտեն 'ի կենաց մարմնոյն. այլ հոգին անդրժեշի կայ 'ի նոցանէ:

Մշաւասիկ ձեզ սիրելիք անհնարին չարութիւն զայլ թաղղութեան. այս ձեռնարկ նորա, այս ուշ նպատակի նորա, զգեան փնասուն հասուցանել մինչ 'ի հոգին. հոգւոյն զրժեւ, զհոգին վիրաւորել, զհոգին սպանանել. յորդիութենէն Մտուծոյ կապտել. զրկել զի մի այլ ևս կեցցէ հոգին 'ի կեանս չնորհաց: Անու զգինս արեանն Վրիտաոսի և գերէ 'ի ծառայութիւն սատանայի. ճիգն թափէ զի կացցէ մնացէ նա այնպէս ցանդ յանդերժ թշուառութեան, և 'ի վերջէ առեալ յանգիւտ կորուստն յուղարկէ 'ի գեհէն. «Անի, առէ, իշխանութիւն արկանել 'ի գեհէն», Վանիօն իցեն աղէտքն. բաժէ անհնարին չարութեանն. զինչ կոչել սրբա իցէ զգայթաղղեցուցին. զինչ այլ բայց զվերջինն. ողի բելիարայ, շունչ սատանայի՝ առաջին մարդասպանին: Մ. յսպիտի ինչ է զայլ թաղղութիւն. և զիմրդ այնուհետև ոչ սատարի վարեալ ընդդէմ սորա բողոք հարցէ սատուածայինն Սկեբերան. Այ մի է, առէ, չարութիւնն, այլ բառեակք են չարութիւնք անհնարին մեղայն զայլ թաղղութեան: Վանդի 'ի քնին առեալ Սկեբերան զՊաւղոսին, եթէ «Ս' ամն կերակրոյ կորնչիցի տկար եղբայրն 'ի բում գիտութեան, վասն որոյ Վրիտաոսն մեռաւ», 'ի քառից սատիճանաց չարութեանն ժանտացուցանէ զախան. «Յանցանք, առէ, բառեակք և յանցանք յոյժ մեծամեծք դատակնքեցան

,, 'ի գայթաղազութին : Առաջին զի եղբայր , երկրորդ զի
 ,, տկար , երրորդ զի այնչափ սիրեաց զնա Վրիստոս ,
 ,, մինչև զմահ ճաշակել . և չորրորդ յետ այսր ամենայն
 ,, նի՝ զի կորնչի այն եղբայրն վասն կերակրոյ ,, : Այս արդ
 զուսմի մարդ , սպանանես քոյ գայթաղազութեամբ ոչ
 զայլ ինչ , բայց զՏոգի . զոյր , զՏոգի եղբօրն , զՏոգի
 տկարին , զՏոգի փրկելոյն . և 'ի վերջէ՝ սպանանես զնա
 զխորդ . իբրու վայրասար , իբրու 'ի խաղոյ , վասն դուզ-
 նաքեայ կերակրոյ : Տոգի եղբօր է զոր սպանանես .
 եղբայր քո է , զի հասարակ ունի ընդ քեզ զբնու-
 թիւնդ , զհաւատաղ , զհայրենիսն , բազում անգամ
 և զզարմն և զարիւնդ . և դու զեղբայրութեան սէրն՝
 զէն 'ի ձեռն առնուս յոգի հարկանել զնա իբրու զմի
 ոք 'ի խեղժից :

Տոգի տկարի է այն և քեզ զինչ շահ օգտի կայցէ 'ի
 կործանելն և 'ի սպանանելն զտկարն : Ահա տկարու-
 թիւն նորա , ահա տգիտութիւն նորա , ահա սարդ-
 մտութիւնն . և դու այդոքիւք զեղծանիս 'ի կործանել
 զնա . զի եթէ գիտուն լեալ էր նա և հզօր , արդեօք
 չէր ինչ նա չարակրեալ 'ի քոց հնարիցդ : Այս ոյր ա-
 զազաւ առաւել սարտ էր քեզ կարեկից լինել նմա և
 ակն ածել և ողորմել . դու վասն այնորիկ առաւել մո-
 լեզին չարութեանդ նարստակ առնուս զնա :

Այս տակայն 'ի փրկել զքոյ զայն եղբայր , ահաւասիկ
 քեզ երկրորդն չարութիւն . 'ի փրկել զնա տէրն փա-
 ռաց յերկնից յերկիր խոնարհեալ մարդ եղև , և խա-
 տամբեր վարեալ կեանս՝ 'ի վերջէ մահ դժնդակ զխաչի
 անարգաբար կրեաց լի ցաւովք և դառնութեամբք . իսկ
 դու , անագորոյն անձն , կամիցին զի անշահ և ընդ վայր
 լինիցին այնչափ դուք սիրոյն Վրիստոսի , և 'ի նանիր
 այնչափ վաստակք և քիրան և արիւն նորա , և անսահ-
 ման արգասիք մահուն 'ի դերեւ ելցեն :

Իսկ սպա այդչափ սարառում սիրտ վասն էր արդեօք .
 ահա քեզ վերջինն 'ի չարութեանց , վասն չնչեւոյն ,
 առէ , վասն ումպետ բանին , ,, Այսն կերակրոյ ,, : Հայս
 վայր Վերանն ոսկի :

Բայց դու , բրիտանեայ , յորժամ վասն ումպետ կե-
 րակրոյ լես գայթաղազեալ զեղբայրն և 'ի կորուստ
 մտնեալ , մի միայն անդ կայցես , խնայտափրկեցես

դու և վասն այլոցն չնչենոց որպէս կարծես . վասն առնելոյ քո և սրահելոյ առ քեզ 'ի տան զնկարդ զայդ անառակութեան հրապուրիչ , որով գայթաղի եղբայրն . վասն չկամելոյ քո 'ի բաց հանել 'ի տանեդ զվատանունդ զայդ , զխայտառակն զայն , ոյր աղաղաւ գայթաղի եղբայրն . վասն ցանկորդելոյ քո յիղձդ յայդ անարժան յորմէ գայթաղեալ է եղբայրն . վասն չբաղարեւելոյ քո յանձնացոյց կրից այտի , յորով գժդմնի և գայթաղի եղբայրն . վասն կուտակից կողմնակից զգածելոյ քոյ յայս ոք և յայն ոք միայն՝ զանց զայլովքն արարեալ ընկերօք և արհամարհեալ , որով տրամի և գայթաղի եղբայրն . վասն սովորական քո հնարագէտ երգիծաբանութեանցդ այդոցիկ , յորոց սրտնի և գայթաղի եղբայրն . վասն չսրահելոյ քո՝ որ յառաջնորդութեան կայեալդ էս , զարդար չափն հաւատար առ ամենայնան և զխոհականն՝ եթէ 'ի բանս , եթէ 'ի ցնացս , այլովք բազմօք հանդերձ , յորոց յամենայնէն գայթաղեցաւ եղբայրն :

Վասն այսոցիկ չնչենոց զոր կարծես՝ ընտրես դու գայթաղեցուցանել և 'ի կորուստ մատնել զեղբայրն , զտկարն , զգին արեանն՝ Քրիստոսի . և զիմրդ ապա ոչ կուտեսցին 'ի քո դուռն վայք և անէծք յաստուածային բերանոյն . " Վայ մարդոյն յոյր ձեռն գայցէ գայթաղութիւն . լաւ էր թէ չէր իսկ ծնեալ մարդն այն . լաւ էր երկանաքարաւ իւր ընկղմել նմա 'ի խորս ծովու " : Վերջին է սրտուհասն , սիրելիք , վերջին ուրեմն է և չարութիւնն . զի ոչ միայն չար առանձին գործէ գայթաղեցուցիչն , այլ և ամենայն իսկ չարութեանց՝ յորս խարդաւանէ զեղբայրն գայթաղութեամբն՝ ինքն լինի այնուհետեւ պարտական ամենայնին . որպէս տես ջիր վաղվաղակի :

Մտուածային է սպտղամն , եթէ մեղանել գայթաղութեամբ է սերմանացան լինել անզգամութե . իսկ սերմանողին մնայ ժողովել և զարդիւնան . " Որ սերմանէ , ասէ , զանզգամութիւն , հնձեսցէ զչարիս " : Եւ արդ ընդ ահագին դատակնքոյն խելամուտ լերուք չարութեան գայթաղութեանն 'ի նմին՝ իսկ 'ի բեղմնաւորութենէ արդեանցն : Թերեւս դուք , ո՞ք քրիստոնեայք , համարեսջիր ձեզ 'ի մեղս ոչ զայլ ինչ՝ բայց միայն

զգործս զձեր զանբարիս՝ որք պատճառք և խոչընդոտն եղեն կործանման ընկերին : Վաս չէ այդպէս . քանզի գործք ձեր այդքիկ նմանութիւն զգեցան զսերման , զոր արկէք դուք և թաղեցէք ՚ի միտս և ՚ի սիրտ տկար եղբօրն . և բուսաւ ապա սերմն , և աճեաց ապա ՚ի հունձս բարդ ՚ի բարդ : Եւ արդ ոյր են հունձքն . իրաւունքն պահանջեն և բանն ցուցանէ՝ եթէ ձեր են ամենայն պտուղք արդեանցն , և դուք ինքնին էք տեարք հնձոցն , զի դուք սերմանեցէք : Եւրդ սերմանք անզգամութեան եղեն , որպէս լուայք յառաջ , ձեր հրամանքդ , ձեր վարժութիւնքն , ձեր խորհուրդքդ թիւք և խտտորեցուցիւք , ձեր բազմադէմ՝ փորձութիւնքդ հրապուրիչք : Եւրդ ձեր ուրեմն եղիցին և ամենայն արդիւնք և ամենայն հունձք գործոց չարեաց և անիրաւութեանց , որ ՚ի սերմանց անտի ձերոց արդիւնաւորեցան : Աւերմանք անզգամութեան եղեն ձեր այդ զրոյցքդ և խօսք , այդ ձեր օրինակքդ դիմակ դիմակ , ձեր սկզբունքդ այդքիկ և առածք թիւք և մոլորեցուցիւք , և արդ ձեր ապա եղիցին և ամենայն հունձք բիւրուց ասրականութեց սրտից և անառակութեանց վարուց՝ որովք վարակեցան այլք :

Ո՛վ հունձք դառնութեան , ո՛վ հունձք անսպառելիք . արտասուօք հնձեւջիւք , զոր խնձղանօք սերմանեցէք : Եւ հնձեւջիւք միանգամայն զամենայնն և ժողովեւջիւք զամենայնն . երբ , ՚ի նմին իսկ ՚ի վայրկենէն , յորում սերմանեցիւք : Վաջ միտ դիք աղաչեմ , քանզի թէպէտեւ վայր մի ժամանակ թերեւս անաղանեսցի ընկերն տալ զպտուղն անիրաւութեան , սակայն դուք եղէք իսկ արդէն յանցաւորք և պարտաւանք բանին վասն առաջիկայ պատճառին՝ զոր ետուք նմա :

Եւ այս մեծապէս իրաւամբք և փաստիւ . քանզի լիցէք յարդար դատաւորէն զայն ինչ՝ որով զամենայն չքմեղութիւն բարձցէ ՚ի ձէնջ և զիւր դատաստանն իրաւացուցէ ՚ի ձեզ : Վանզի սաստցէ ձեզ Եստուած . նախատես արդեօք եղէք դուք , զի ձեր այդ անբարի գնացքդ , այդ յիշցքդ և հայհոյութիւնքդ , այդ երդմնահարութիւնքդ և բամբասանքդ , այդ անժառկալ կիրքդ և անխիղճ աղատութիւնքդ ձեր , այլովքն հանդերձ , հրապարակագոյժք և սուսկեալք , մարթիւն արդեօք ճարակ մահառիթ գտանել յօրինակէն ձերմէ :

Եւ եթէ տգիտութիւն մի եւս աննկերելի և յանցաւոր՝ երարձ 'ի ձէնջ զնախատեսութիւնդ զայդ, սակայն և զանգիտել և խիթալ պարտ էր ձեզ, եթէ թերեւս պատահեցէ այլում 'ի տուեալ գայթակղութեանցդ այն ինչ՝ զոր փորձիւ անձանց ձերոց զխտացէք պատահեալ ձեզ ինքնին 'ի գայթակղութենէն զոր առէք դուք յայլոց : Յանցաւորք ուրեմն էք և պարտականք հաւատարապէս միանգամայն ձեր մեղացդ և օտարին :

Սեղիցէ անշուշտ և կորնչիցի եղբայրն ձեր, տկարն, հիբացեալն՝ զոր զթեցուցէք . մեղիցէ անշուշտ . քանզի թէպէտ և արդարեւ գայթակղութիւնքն զոր ընկալաւ՝ զրդեցին զնա անկանել, սակայն և զէն զօրաւոր յօրինաց իմաց և 'ի պատուիրանաց կայր 'ի ձեռս նորա 'ի պատերազմել, նաև հանձար բնատուր էր նորա 'ի խուսափել, նաև զօրութիւն 'ի յաղթանակել . ուստի և կամաց նորա և չարութեանն համարեցին յանցանքն : Եւ, « Ինքն անօրէնն յանօրէնութեան իւրում մեռցի », սակայն 'ի քէն, ո՞ ապառու՞մ անձն և մնորեցուցիչ, 'ի քէն սրահանջեմ համարս զնորայն մեղացն և զկործանմանն . քանզի դու ինքն եղեր ամենայնին պատճառ : Եւ, « Ինօրէնն յանօրէնութեան իւրում մեռցի », այլ զարիւն նորա 'ի ձեռաց քոց խնդրեցից :

Սիւ իրաւ դատաստանին, ո՞վ արդար պատուհասին . « Օ արիւն նորա 'ի ձեռաց քոց խնդրեցից » : Բանք բրիտանեայք, և զիարդ ապա ճողոպրիլ յահագին դատակնքոյն . զիարդ, բայց թէ կանուխ դառաջս առնելով պատուհասին . և իւ իւր . ոչինչ այլ, բայց ճմարիտ ապախտարութեամբ 'ի շինութիւն գայթակղելոցն և յօրինակ բարեաց : Բազում և մեծամեծ մեղաց անշուշտ պարտապանք եմք եղբարք . և ինքնին Եստուած միայն զիտէ՝ հոգիք քանի՞օն արդեօք 'ի մերոց գայթակղութեանց զթեալք և անկեալք, թերեւս և դատապարտեալք՝ այժմ 'ի դժոխոց անտի բողոք հարեալ առ Եստուած ժտեցին և թախանձեցեն, « Սինչև յերբ տէր, սուրբ և ճմարիտ, մինչև յերբ ոչ դատիս և խնդրես զվրէժ արեան մերոյ » : Եւ արդար է վրէժ խնդրութիւնն

և ահագին . սակայն և մեք , որպէս ասացի , զառաջն
առցուք զվրիժուն ճշմարիտ աղայխարութեամբ : Օ ի
թէպէտ և արիւնքն զարին խնդրեն , սակայն և աս-
տանօր , ո՛վ անձառ զթուլթեանն , ո՞ր բան բաւական
իցէ յայտնել աստանօր և այլ արին սրատուական , կե-
նադործ և աստուածային տեառն : Յիսուսի որ ընդ հա-
կառակն գոչէ , և առաւել ևս խօսի քան զհարելին ,
այս է՝ ոչ վրէժխնդրութիւն խնդրէ և ոչ մահ , այլ նե-
րումն և թողութիւն և փրկութիւն : Եւ անշուշտ լսե-
լի լիցի առ լաւութեանն ՚ի յաւիտենական հօրէն , ե-
թէ և մեք ճշմարտապէս գործակից լիցուք ճորհացն
Բստուծոյ . զի մի թերևս մեզ ընդունայն լիցի խան-
՝ Բրիտոսի :

Ասան որոյ և մեզ ՚ի ժամուս պարտ է և հարկ է
յուշ ածել ձեզ , եղբարք , յետ տուելոցն զայթազղու-
թեանց , և զպարտան որ յարակիցք են ճշմարիտ ա-
ղայխարութեան ձերոյ : Եւ են իսկ այսօրիկ սրառք
անհրաժեշտք կրկին . Բաւին բառնալ ՚ի միջոյ զգայ-
թազղութիւնսն՝ որ տակաւին զօրացեալք իցեն ՚ի մեզ :
Երկրորդ դարման տանել և ընդգէմ զայթազղու-
թեանցն՝ որ ՚ի մեր սրատառս տակաւին զօրացեալք
իցեն յայլ : Եւ արդ յետ ճշմարիտ և ջերմեռանդն
խոստովանութեամբ քաւելոյ զմեզս և վերստին նորո-
գելոյ ՚ի սրբութեան սրտի և յերջանիկ անդորրութեան
խղճի մտացն , պարտ է ձեզ առաջին փոյթ ունել բառ-
նալ ՚ի միջոյ զգայթազղութիւնսն :

() Երկրակ սքանչելի ՚ի սքանչելին : Յուսիս՝ ետուն
մեզ աստուածային մատենաքն , որք և ՚ի խրատ մեզ
գրեցան յամենայնի : Օ ի է , զի այնչափ գովութիւն ան-
ղուդականս տողեաց նմա աստուածային գիրն . “ Եւ ման
,, նմա , ասէ , ոչ եղև յառաջ քան զնա թագաւոր , որ
,, դարձաւ առ տէր յամենայն սրտէ իւրմէ և յամենայն
,, յանձնէ իւրմէ և յամենայն զօրութենէ իւրմէ . և
,, յետ նորա ոչ եկաց նման նմա ” : Օ ինչ ևս այլ գո-
վութիւն առաւել քան զայն . և էր վասն . քանզի յետ
միանգամ ուխտս զնելոյ հանդերձ ժողովրդեամբն ան-
վթար պահպանութեան օրինացն Բստուծոյ , նա ձեռն
՚ի գործ այնուհետև սկսաւ սրբել զհրէաստան յամե-
նայն զայթազղութեանց . երարձ զբուրման , խորտա-

կեաց զգրօշեալն , յատակեաց զսեղանսն , եհատ զանտառն , փշրեաց զպատկերսն , զվհուկսն զգուեաց , ըզգէտն նշաւակեաց , զթերախիմսն պղծեաց , զկուռնս խայտառակեաց , և զամենայն գարշելիսն , ասէ , միանգամայն երարձ :

Օ ինչ ևս այլ ճգրտագոյն օրինակ դարձի առ Մստուած յանկեղծաւոր սրտէ . և զինչ այլ ապացոյց ճգրիտ առն գայթաղղեցուցչի , եթէ 'ի բոլոր սրտէ ապաշաւեալ իցէ 'ի հաշտ առնել զՄստուած և քաւել զգայթաղղութիւնսն : Եթէ Յովսիա 'ի ստուերին այն չափ առաքինացաւ , ձեզ սիրելիք 'ի լոյս աւետարանին քանխաւարիկ ևս առաւել ըստ նորա առաքինութեանն պէտք իցեն նահատակել : Եթէ արդարեւ ճմարիտ իցէ ապաշխարութիւնդ ձեր , անհետ ուրեմն առնել պարտ է զամենայն գայթաղղութիւնսն՝ որ տակաւին կայցեն 'ի ձեզ , որ 'ի բանիցն , որ 'ի գործոցն , որ 'ի գնացիցն , որ 'ի լկտի նկարուցն , որ 'ի չար և յապականագործ գրոցն ընթերցանուի , այլովքն հանդերձ : Մյսոքիկ են գարշելիքն , այսոքիկ դրօշաւքն , այսոքիկ թերախիմքն առ ձեզ : Են են և կուռք , որ յանժուժկալ կրիցն իցեն գայթաղղութիւնք և յանարժան բարեկամութեանցն . զորս միանգամայն բառնալ պարտ է . թէպէտ և ահն աջոյ իցէ , ըւր Քրիստոսի , հան և խլեա 'ի քէն . թէպէտ և ձեռն աջոյ , հատ ընկեա 'ի քէն : Մյս է ստացոյց ճմարիտ ապաշխարութեանդ 'ի վերայ մեղացն գայթաղղութեան , եթէ 'ի դեհենէն ապրել կամիցիս .

« Եւ է քեզ , ասէ , միականի և միաձեռանի մտանել 'ի կեանս , քան երկաշեաց և երկձեռն անկանել 'ի դեհեն » :

Իսկ ապա երկրորդ պարտք անհրաժեշտ , զոր ինքնին մեղքն գործեալք դնեն 'ի վերայ ապաշխարութեանդ , է դարման տանել ընդդէմ գայթաղղութեանց , որ 'ի ձեր պատճառս զօրացեալ են տակաւին յայլ : Մտանոր մեղ արտասուաց պէտք են սիրելիք , քան բանից . բաբէ , զիմրդ այնպէս ցրտացաւ այսօր եռանդն այն գերաշխարհիկ և աստուածային՝ երջանիկ դարուցն առաջնոց . յորժամ հրապարակագոյժ մեղաւորք զանձամբ առնուին զհրապարակաւ զապաշխարութիւնսն . նաեւ ինքնին աշխարհակալք անգամ և կայսերք և թագաւորք

քրճաղգեացք և խարաղնաղգեացք և մոխիր ապաշխարութեան զգլխովք ցանեալք՝ այնպէս յայնժամ առ դուռն եկեղեցւոյն արգելեալք կային առ 'ի շինութիւն գայթաղութեանցն զոր ետուն . և 'ի ներքս երբեք ընկալեալք չլինէին նոքա 'ի հաղորդութիւն խորհրդոյն սրբութեան , մինչև կատարեալ և անցեալ ընդ ամենայն աստիճանս հրապարակատես ապաշխարութեան :

Եւ թէպէտ և այսօր եկեղեցի Մատուծոյ 'ի մեծամեծ պատճառաց բերեալ ներողութեամբ թոյլ արար 'ի մասին յայսմիկ խստութեան իւրոց օրինացն , սակայն և հոգի նորանոցն է տակաւին . հոգի արդարութեան , հոգի շինութեան , հոգի՝ որով պարտի մարդ փոխարինել ըստ կարի փնասուն զոր ետ այլում :

Եւ արդ աղէ ասացէք ինձ . եթէ պարտք անհրաժեշտք են հատուցանել տեսուն զգոյսն , եթէ պարտք անհրաժեշտք են դարձուցանել յեղբայրն զպատիւն և զհամբաւն . եթէ պարտք անհրաժեշտք են փոխարինել որ զինչ և իցէ փնասուն՝ զոր հասոյց որ ընկերին , չիցեն արդեօք պարտք անհրաժեշտք դարման տանել և չարին , զոր հասոյց որ հոգւոյ ընկերին . չար՝ որ քան զամենայն չար առաւել է և դժնդակ :

Եւ զիսրդ նորա դարմանեսցուք չարիս այսմիկ . զինչ առնել պարտ իցէ : Եւ յի , չկարեմք զկորուսեալ անմեղութիւնն դարձուցանել յեղբայրն՝ զոր կործանեցաք և յանցուցաք . սակայն կարօղ եմք մեծապէս ջանիւ փոյթ ունել դարձուցանել զնա 'ի շնորհս , և 'ի ճանապարհն փրկութեան վերածել զնա :

Չիք այլ հնար սիրելիք 'ի բանիս յայսմիկ առ 'ի խաղաղել զխիղճ՝ մտաց և անդորրանալ 'ի հոգի , բայց եթէ նորոգատուր վարելով մեր կեանս , վարս ընծայելով առաքինիս զՅերմեոանոյն աստուածաբաշտութեան , զգուշացեալք յամենայնի երկիրդիւն Մատուծոյ , 'ի շինութիւն և յօրինակ բարի՝ տեսանելեացն և լսելեաց՝ որպէս զի որոց միանգամ զեան հոգևորապէս հասուցաք չար օրինական , նոցուն պիտանիք և օգտակարք եղիցուք բարեան . և զոր քակեցաքն զնոյն մեք միւսանգամ շինեսցուք . և որք միանգամ սատանային առաքեալք , դարձցուք լինել առաքեալք Քրիստոսի , աստուածայնոյն նմանեալք Պաղոսի :

Ո՛վ քանի՞օն էր զիղջն երանելոյն, յորժամ յուշ միանգամ ածէր, զի էր երբեմն ինքն հայհոյիչ և թշնամանիչ և հալածիչ եկեղեցւոյն Մատուոյ, և աւար հարկանէր զհաւատացեալս Վրիստոսի: Իսկ ապա զինչ. 'ի քիրան, ասէ, և 'ի հսկմունս, 'ի պահս, 'ի գանս, 'ի բանտս, 'ի հալածանս, 'ի նեղութիւնս, վիշտք 'ի յամաքի, վիշտք 'ի ծովու, վիշտք յաւաղակաց, վիշտք 'ի սուտ եղբարց, յարտասուս զցայգ և զցերեկ: Ո՞ հիւանդանայ, ասէ, և ես ոչ հիւանդանամ. ո՞ գայթաղ զի, և ես ոչ տապանամ: Եւ առաւել քան զամենեսեան, ասէ, վաստակեցի. որպէս ինձ յարուսողեմէ և շուրջ մինչև 'ի կողմանս | Խրիկացւոց ընդ զաւետարանն Վրիստոսի:

Իհաւաստիկ մեզ եղբարք աստուածայնոյն օրինակ Պաւղոսի, որով միայն մարթիմբ յանդորրու և յապահովի կացուցանել զմեզ 'ի վերայ ճշմարիտ և անկեղծաւոր դարձին մերոյ առ Մատուած. այս է՝ Վախանձ հոգւոյն փրկութեան. Վախանձ աստուածային՝ որպիսի ինչ վայելուչ պատահեացէ առն առն 'ի ձէնջ ըստ իւրաքանչիւր վիճակի. Վախանձ աղօթասիրութեան. Վախանձ բրիստոնէական կատարելութեանց. Վախանձ ողորմածութեան. Վախանձ առաքինի խորհրդատուութեան. Վախանձ անստերիւր առաջնորդութեան: Եւ առ հասարակ յամենայնի՝ Վախանձ փութոյ պնդութեան 'ի շինութիւն և յօրինակ բարի ամենեցուն:

ՔԱՆՈՑ, Ք.

Չ Բ Օ Ս Ա Ն Ք Ե Ի Խ Ա Ղ Ք

“ Երբ ոտիցէք, երբ ըմպիցէք, երբ զինչ և ատնիցէք,
զատենայն յանուն Յիսուսի արասցիք ” :

Աստուակելոյ անձին քաղցր է հանգիստն, և տկարացեալ բնութեան պէտք են նորոգատուր զօրութեանս։ Այլ քանզի երբէք երբէք սիրտիութիւն հարկ է ունել մարդոյ, և ՚ի հանապազօրդեան աշխատութեցն անդորրանալ՝ որ ՚ի կենցաղումն ըստ վիճակի անձին և ըստ պարտուց իւրաքանչիւր անանջատելիք են ՚ի նմանէ, յոյժ ցանկալի էր զի սիրտիութիւն ճշմարիտ և զբօսանս զեղեցիկս համարեսցի մարդ անձին իւրում զնոյն ինքն ըզկատարումն գործոց բարեւառութեանն՝ որ ըստ պարտուցն իցեն, և որ ըստ պատշաճի բնութեանս, և որ ըստ սրբութեան կրօնիցս մերոց։

Այլ արդեօք, սիրելիք, մարդոյ սոսկականի նաև իշխանի առն ո՞ր զբօսանք և զուարճութիւն կայցէ երբէք գերադոյն, քան յորժամ մեծապէս օգտիւ նահատակեսցի նա բարի առնել ամենեցուն, ձեռն տալ աղքատաց, պատսպարան լինել տկարաց, մխիթար վշտացելոց. և թէ երբէք արդեամբք գործոյն ոչ յաջողեսցի, գոնեա զքաղցրութիւն բանից բերանոյն ՚ի գործ առեալ զուարթացուցէ զտառապեալսն։ Այլ ուրեք՝ հաշտարար խաղաղարար ՚ի մէջ մտանել, սանձ արկեալ բռնաւորութեան զօրաւորագունին ՚ի վերայ անաւագին, և է ու-

րէք՝ իրաւացուցանել զանմեղն , և յարդել զարժանաւորն . մերթ քաղցրացուցանել զգառնութիւն նախանձուն և մերթ ամբել զգառնութիւն զատելութեն . մերթ չափ տալ բամբասող բերանոյն և մերթ կարճել զլեզու յիշոցնատուին : Այսպէս առաքինացեալ նա յայտարարի ի տունջեան , զառնալ սպա ընդ երեկս ի տուն իւր լի արդեամբք . քանի՞ն իցէ յայնժամ միութարութիւն սրտի նորա . քան զոր սիրտութիւն , քան զոր զբօսանա քաղցրագոյն չիցէ այն նմա , զի զօրն և զժամն աւուրն ոչ ընդ վայր ծախեաց . կեանս եկեաց զմարդոյ , և զործ գործեաց զբրիտօնէի :

Այտքիկ, սիրելիք իմ, պարտ էին լինել զբօսանք մարդոյ բանաւորի . այտքիկ սիրտութիւնք և անդորրութիւնք աւետարանին դաւանողի : Այլ վա՛շ, զի եթէ ի սրտաճառաց ախտակրեալ բնութեանս մերոյ , և եթէ յանբարի դատարարակութենէ անդատին յառաջին հասակէն , իբրու բեռինք ծանրաբեռինք համարեալ են պարտք պաշտաման իւրաքանչիւր : Այլ յետ ի զլուխ հանելոյ զայնտիկ՝ բազում անգամ այնպէս հարեանցի և վեր ի վերոյ , խոնջս և վատտակաբեկս դտանեմք զմեզ . ուստի և իբրև կարօտեալք ի ինդիր ելանեմք զբօսանաց և անդորրութեան : Այլ կարի իսկ քաջ, պարտ է մեզ և երբեմն զբօսնուլ և սիրտիլ . զնոյն և տկարութիւն բնութեանս մերոյ պահանջէ :

Հապա զբօսցուք մեք ի ժամուն . չեմ ես այնչափ դժխեմ և խտտամբեր . չեմ այնչափ յետամուտ՝ դատաւ պարտ առնել և արդելուլ միանգամայն զամենայն սիրտութիւն ընկերութեան և զգրօսանս : Այլ ոչ դարձեալ, զի եկեղեցւոյ կարգին վիճակեալ իցեմ, և վարդապետական ծանրութեան պարտք ի վերայ կայցեն , համարիցիք դուք զիս իբրև զթշնամի զբօսանացդ ձերոց սարկեշտից և կարևորաց : Այա մանաւանդ ի համբոյր բարոյից բնաւորեալ բերիմ՝ ոչ միայն ձեռն տալ հաւանութեան ամենայն բանաւոր և համեստ սիրտութեանց ձերոց , այլ և մտադիւրագոյնս ձեզ պաշտպան կացեալ եմ :

Միայն ի սպայման մի՝ անհրաժեշտ իրաւամբք հրապրեմ միանգամայն և զբարեպաշտութիւն կրօնիցդ ձերոց , և զլոյս բանին ձերոյ . զի յամենայն զբօսանս ձեր

և 'ի տիտիութիւնս առ ընթեր կացցէ անմեղութիւն ,
առննթեր կացցէ չտիաւորութիւն : Անմեղութիւնն՝
անդատադարտ գործեսցէ զնոսա : չտիաւորութիւնն՝ 'ի
կարգի պահեսցէ զնոսա : Այսպէս 'ի քարոզէ աստի
առջիւր դուք զեղանակ զբօսանացդ ձերոց : Ասի՝ ողջիկ
պահէլով զպարտս զխղճի մտացդ . երկրորդ անգամ՝
ողջիկ և զիրաւունս բանականութեան ձերոց :

ՄԱՍՆ Ա .

Այնպէս կրկին միմեանց զխմանարտք այլազգաբար
կալան կարծիս յաղագս զբօսանաց մարդկային կենաց ,
Ստոյիկեանք և Ապիկուրեանք : Այբարեալք պնդէին
առաջինքն , եթէ չար են միանդամայն ամենայն զբօսանք
և տիտիութիւնք . նոցա ընդդէմ Ապիկուրեանք՝ եթէ
անխտրաբար ամենայն տիտիութիւնք միանդամայն բա-
րիք են : Այս երկօրին նոքա ծայրայեղք՝ համանդամայն
վրիպեցան 'ի ճշմարտութենէ : Քանզի որպէս 'ի բնու-
թեան իրաց զոյ հանգիստ իմն բնական , որ բարի է ,
քանզի բնութեանն 'ի ճահ է . դարձեալ և հանգիստ
անբնական՝ որ չար է , քանզի զխմանարտի բնութեան .
սապէս և 'ի բարոյականս զոյ մեղ անդորրութիւն և
տիտիութիւն՝ որ բարի է , յորժամ իղձ մարդոյն յանկէի
յառարկայն՝ որ լուսոյ բանին վայելուչ իցէ . զոյ և տի-
տիութիւն անբարի , յորժամ ըղձացեալ առարկայն հա-
կառակ է բանին և աստուածային օրինաց : Արդ ասել
եթէ երբէք չիցէ մեղ տիտիլ առանց յանցանելոյ ,
այդ խորհուրդ է յաչադկոտ և մոլեգին և դառն դա-
տաւորաց մարդկային բնութեանս : Արարեալ և ասել՝
եթէ 'ի տիտիութիւնս անբարիս և մեղանշահանս՝ ան-
յանցք իցեմք , այդ թուլամտաց անբանից և մոլորելոյ
են կարծիք , որ 'ի բանաւոր մարդկանէ խնդրիցեն ջսկս
իմն տաւաղել զպաճարաց անասնոց՝ քան եթէ ընկե-
րութիւն բարեկիրթ և պարկեշտ օրերոյ :

Անիմք մեք աւետարան քաջտալայելուչ յարմարեալ
միանդամայն և լուսոյ բանին և տկարութեան մարդոյն .
արգելու մեղ տիտիութիւնս անարժանս , և մտադիւր

չարհէ մեզ զօրինաւորան : Սի ուրեմն լինիցին մեզ զբոսանքս վայրատարք և անտիախմբ . այսինքն՝ իբրու որ անձահք իցեն հասակին , անձահք վիճակի կենացն , անձահք և կարգի աստիճանին :

Վարձեալ մի և անբանաւորք , իբրու որ փոխանակ տխրելոյ և յանդորր հանելոյ՝ խանջս և վատտակս գործեցեն : Սի և անիրաւք , իբրու որ հանդերձ վատտ և անարդու թեամբ կամ վատահամբաւութեամբ ընկերին զբօսեցուցեն զմեզ : Իցեն միշտ ըստ թերս զրութեան լուսոյ բանին և ըստ ընտրութեան խղճի մը տացն : Եւ ոչ արդեօք այս սրայմանքս և այս խնդիրք ի լուսայիք գլխովին թուեցին մարդոյ բանաւորի և առն բրիտաննէի :

Եւ ես ՚ի քնին առեալ զիրտդ , ասեմ . եթէ նուազունք են ՚ի տխրութեանց և ՚ի զբօսանաց , որ ըստ բնութեան իւրեանց և սարղապէս իցեն չարք՝ շատք ՚ի նոցանէն մեղանշականք են ոչ ըստ բնութեան իւրեանց , այլ ըստ սարսաղայիցն , ըստ եղանակին , ըստ առանձին տխրութեանց առն առն իւրաքանչիւր : Եւ նորին աղաղաւ սարս և մեզ յընտրութեան անդ զբօսանացս մերոց նախ քաջիկ ՚ի քնին առնուլ անձամբ զանձինս , զննել խուզել զմեր կիրս , յինչ վախճանաց արդեօք բերիցինք ՚ի նոյն , իցե՞ արդեօք բանաւորութիւն ինչ առ ՚ի նոյն հակամիտութիւն . բննել զտեղիսն , զժամանակն , զպարագայսն , զբոյս բարուց անձանցն ընդ որս զբօսնուլն կամիցինք :

Նուազունք խորհրդածեն յայտարիկ . նուազունք այսօր գիտեն կեալ՝ առանց գիտելոյ զբօսնուլ . և սակայն նուազունք բերին տխրութանօք ՚ի տխրութիւնսն՝ ուր միանգամ ոչն իցեն յանցաւորութիւնք : Բաբէ , ճշմարիտ արդեօք իցեն բանքն . ժուժկայել աղաչեմ վայր մի և դատել անաչառ : Վենակցութիւնք պարկեշտք ոչ արդեօք տխրութիւն տխրութիւնք են առն բանաւորի , և կարի իսկ քաջ : Բայց աղէ ճշգրիտ խուզեալ՝ բազում անգամ ո՞ր կենակցութիւնք իցեն առաւել տխրելիք . ոչ ահա այնորիկ ուր հանձարագլուտ իմն ծաղրածութիւնք արհամարհութեան անաւագին ընդ մէջ մը տանիցեն , և առակաբանութիւնք իմն երգիծականք ՚ի վտառ և ՚ի նշաւակութիւն ընկերին : Ուր համբաւ բա

րի եղբորն բամբասանօք 'ի չարաթոյն լեզուացն եղծա-
նիցի : Աւր դռողութիւն , փառախնդրութիւն , և սեր
անմարութ , նախաթու բազմեացին : Այլ ոչ ահա իբրու
անհոգի է կենակցութիւնն , յորժամ առննթեր չկայ-
ցեն կուսքն սրաշտեցեալք 'ի սրտէն : Շեմք և շրջա-
դայութիւնք չեն ինչ ախորժելիք առանց ընթացակցու-
թեան նորա : Այլ ոչ արդեօք ժամք մենակեաց հան-
դարտութեանն՝ երկայնք թուեսցին և տաղտկալիք , ե-
թէ նա մերձ ոչ իցէ : Այլ յետ այսոցիկ ապա ժողիցիք
ևս ասել՝ եթէ անմեղք իցեն կենակցութիւնք այդ-
պիսիք . և թէ զբան ձեր նա միայն ժխտեսցէ՝ որ ընդ
փորձ աշխարհիս անցեալ ոչ իցէ :

Այլ էս , եղբարք , չեմ պարտական ունել զփորձառու-
թիւնդ զայդ աշխարհի . ուստի և յերկուացեալ յոյժ-
եմ ընդ անմեղութիւն այնպիսի կենակցութեանց ձե-
րոց . զձեզ ինքնին , զձեզ դատաւորս կարդամ ձերոց
անձանց և ձերումդ գիտակցութեան մտաց : Այդ 'ի
ժամու այդչափ սիրատարփի կենակից խօսակցութեանց
ձերոց , աղէ ասացէք , որպիսի ինչ արդեօք խորհուրդք
յուզիցին 'ի միտս ձեր . որ այն իղձք բորբոքեսցեն ըզ-
սիրտս ձեր . և զինչպիսի բարբառք ելանիցեն 'ի բերա-
նոց ձերոց : Այթէ այդ ամենայն անմեղք իցեն , երջա-
նիկք ուրեմն դուք 'ի կեանս ձեր , և երջանիկք 'ի մա-
հուան ձերում :

Ինթերցումն ողջամիտ և պիտանի գրոցն՝ ոչ ապա-
քէն հանգերձ սփոփութեամբ մարդոյ , օգուտ ևս մե-
ծաշահ իցէ 'ի կրթութիւն անձին և 'ի հրահանգ բա-
րեկարգութեան վարուց և 'ի շինութիւն ընկերու-
թեան : Այլ վա՛շ , գիրք ողջամիտք առ բազումս այսօր
չեն ինչ այնչափ ընդունելիք 'ի սփոփութիւնս . խնդրեն
'ի զբօսանս գիրս ընդ վայրախօսս առաւել , առասպե-
լահաւս սիրատարփս , անշահս 'ի բարեկրթութիւն
այլովքն հանդերձ :

Օբօսանք վայելուչք մարդկան են և խաղք աղղի
աղղիք և նարաք և տապելայք . այլ քանիք ոմանք
նստիցին 'ի խաղալ , ոչ 'ի պատճառս ինչ զբօսելոյ , այլ
տակս նկուն զոտին առնելոյ և կապուտ կողոպուտ զնա
'ի քսակէն թողլոյ , 'ի վտանգ ևս արկեալ և զանձինս
բազում անգամ մերկազոյն ևս քան զսանդիտուն դտա-

նելոյ 'ի վախճան խաղուն : Իսկ ապա յետ այնորիկ քանիօն իցեն աղէտքն , դուք ինքնին քաջ խիզիտէք քան զմեզ . հիւժեալք մաշեալ կան աւաղիկ գերդաստանք 'ի անանկութեան , կարօտեալք , աղքատք , տանջին յանսուտութենէն . սարսք 'ի սարսուց վերայ աճեցեալ բարդին , և յուսահատք են 'ի հատուցանելոյ : Խանակացեալ կան վաճառականք , և թարթաբուր շրջին . և ծառայք հիբացեալք անխարձք ստիպին թողուլ զտունն 'ի սրտձառս յանցաւոր զբօսանացդ այդոցիկ : Հայրենի ժառանգութիւն վատնեալ և սպառեալ , և տեսանեմք ողորմելի զգաւական դրանէ 'ի դուն 'ի մայր անկեալ գտանել զկեանս իւրեանց յօրատահիկն . և ընդէր արդեօք . քանզի հայր նոցա ցանկ թարթափեալ զբօսնոյր 'ի խաղս :

Իցեն այդոցիկ , աղէ տաացէք , իցեն այդոցիկ սիւփութիւնք և զբօսանք . և ոչ առաւել ողբք և արտասուք : Իւ ապա յետ դժպատեհ և անարժան գործոյն , ժախն ևս ասել եթէ վաճ , զի զբօսեցաք մեք աւաղիկ , ոգի առեալ սփոխեցաք վայր մի 'ի հողոց և յաշխատութեանց :

Դու զբեզ ինքնին խաբես , ով մարդ , աղաղակէ Բերանն ոսկի , դու ես քո դաւաճանն . չեն դոքա սիւփութիւնք , չեն զբօսանք այլ յանցաւորութիւնք : Ը՞ որ երբէք արժան համարեցաւ զբօսնուլ հանդերձ անիրաւութեամբ : Ը՞ որ երբէք անուն խաղուց կարդաց սեղանակապտութեանցն : Ը՞ որ երբէք զմեծեղեռն զանօրէնութիւնս գունազեղեաց ընդ հովանեաւ հեշտութեան ծաղու : Ի՞նչ անշահ գլխովին և վայրապար համարիցիմք զուրախութիւնն վայելուչ տուեալ բնութեանս . և չիցէ հնար երբէք խնդալ և տխուրիլ և զուարճանալ առանց մեղաց : Օ այստիկ Բերանն ոսկի :

Եւ ես , սիրելիք , չգիտեմ ասել եթէ արդեօք դար ժամանակիս մերոյ իցէ առաւել գովելի 'ի պատճառս բարգաւաճելոյ գիտութեանց և արուեստից , եթէ առաւել սպասաւելի 'ի պատճառս յօրանալոյ 'ի փափկութեան , և հանապազորդելոյ յանտեղի և յանարժան զբօսանս :

Ի դարսն յայնստիկ՝ զոր մեք բարբարոսականս սովորիմք կոչել դարս , էին խի սփոփութիւնք և զբօսանք՝

Թէպէտ և լի քրտամբք և վտտակօք, սակայն էին բանաւորք առաւել և անմեղք առաւել քան զմերսն : Արքա առաւել պարկեշտացեալ էին 'ի կենակցութիւնս, 'ի ժողովս և 'ի համախմբութիւնս իւրեանց, որպէս ընթեռնումք 'ի հնոց պատմութիւնս : Արքա ըլլաւ մեծ մասն գիշերոյն, կամ թէ երբէք զողջոյն, ոչ ծախէին 'ի տապելայս խաղուց : Արքա սփոխութիւնք և զբօսանք էին առաւել մարմնոց կրթութիւնք, տէգըն կէցք, ձիւրնթացք, արդնրնկէցք, դօտեմարտք, մականք, այլովքն հանդերձ, առ 'ի կորովիս առաւել յարդարել զմարդիկ և արիացուցանել առաւել զբաղաբացիս, և որք միանգամ քաջանային յայտոսիկ, առնուն զմրցանակն, 'ի նախանձ բարեխառութեան վառել զայլս և նա հատակել 'ի պաշտարանութիւն քաղաքին :

Սակայն 'ի մեծամեծ հոլովմունս ժամանակաց է տեսանել և փոփոխութիւնս մեծամեծս և նորութիւնս, այլ իցէ թէ լաւագոյնս քան զհնոցն : Առ եթէ մեք 'ի հարցն մերոց 'ի պիտեան սովորութեանցն յուացաք, մեր յետինքն զմեօք անցանիցեն :

Այլ կամիք աստանօր քաջախոհութեամբ խորհուրդ հարցանել մեզ 'ի լուսոյ բանին՝ միանգամայն և 'ի կրօնիցս մերոց : Ո՞րք 'ի մարդկանէ առաւել ապերջանիկ իցէ քան զայն, որ յետամիտ խորհրդով և անխտրաբար անձնագրաւ լինիցի 'ի սփոխութիւնս ախտակիրս : Վանգի բերկրութիւնն որ 'ի նոցանէ՝ տարապայման դեղերմամբն ինքնին ջքանայ և 'ի հեշտութեանն անկանի. տակայն և զցանկութիւն նորոգապէս միշտ 'ի նոսին դեղերելոյ՝ ոչ երբէք կորուսանէ : Աւտի և է իսկ տեսանել զի այնպիսին չէ յանդորրու և ոչ վայրկեանս մի ժամանակի. քանզի այն ինչ մեկնեալ 'ի պատկերէ յանցաւոր սխալութեանն այնորիկ, կիրս իմն յայնժամ կրէ նա դժոխքմբերս, իբրու պատուհաս կամաւոր զանձամբ առեալ զեղենագործ դատապարտելոյն : Վնացեալ մենանայ ընդ երեկս 'ի տուն իւր, այլ դառնացեալ սրտիւ՝ զի այնպէս չարաչար ծախեաց զերկայնութիւնս աւուրն : Օտրթնու ընդ առաւօտն դառնութեամբ, ոչինչ ամենակն ճաշակ առեալ զբաղցրութեան գիշերոյն յանդորրամիտ ննջելոյն : Ատիր դու յայնժամ առ նա, և խօսեաց ինչ մի, կամ խորհուրդ

մի առնուլ եթէ վասն քո, կամ մաղթել ինչ 'ի նմանէ վասն պիտոյիցդ, և դտանիցես դու զնա իբրև անդգայացեալ ոմն և տարտամ: Երբ որդջոյն միտք և խորհուրդք այլուր են, յածին անձնամատն 'ի յոյզս յետսամիտ սիրտիութեանց իւրոց և խաղուց:

Իսկ արդ զինչ ապա պտղաբերեսցէ նա յանձին իւրում յայնցանէ. ոչ ինչ այլ, բայց խայթ խղճի, և դառնութիւն սրտի, և տրտմութիւն ողւոյ և ապաշաւ մտաց: Եւ իցեն այսոքիկ որդջոյն նշաւակութիւնք և առակումն հասակի պատանեկութե նորա, և յաւուր միում եղիցին և անարգութիւն ծերութեան նորա:

Իսկ որ չար ևս է, այր այդպիսի թշնամացեալ է ընդ Բստուծոյ, և նշաւակ է ահագին արդարութեան նորա: «Ս' այ ձեզ, ասէ Բստուած, որ զաւուրս ձեր 'ի սիրտիութիւնս անցուցանէք և 'ի փափկութիւնս, և զանցանէք անարգութեամբ զուխտիւ իմով»: Զանցաւրութեան փափկութեանցդ մահն միայն արասցէ կատարած, և սկիզբն յայնժամ եղիցի անանցական տուժիցն: Որչափ միանգամ փափկացայք յամբարշտութեան, նովին չափով կայ մնայ և պատուհաս և դառնութիւն անվախճան. «Հատուցէք դմա, ասէ, երկպատիկ ըստ գործոց նորա. որչափ փառաւորեաց զինքն և խայտաց, այնչափ հատուցէք դմա սուգ»: «Եւ ըզբաժակն զոր խառնեաց, խառնեցէք դմա կրկին»: Բարէ, և զխորդ երբէք հնար իցէ քրիստոնէի սիրտիկ և բերկրիկ 'ի թշնամութեանն ընդ Բստուծոյ և 'ի տուժի հոգւոյն: Ո՛վ որ այնպէս խօթամիտ, որ զբաժակն զմայլման արբցէ բերկրանօք, յորում դեղ մահու խառնեալ իցէ: Եւ չիցէ մեղ մարթ երբէք քաղցրանալ 'ի սիրտիութիւնս առանց դառնացուցանելոյ զԲստուած, որպէս ասաց Բերանն ոսկի:

Հապա ուրեմն, քրիստոնեայք, զբօսեցարուք քաջ իսկ, սակայն ազատ 'ի մեղաց: Ինմեղութիւնն ինքնին անդատապարտ գործեսցէ զգբօսանսն, որպէս ասացի. սակայն չէ շատ. պէտք են և չափաւորութեան 'ի կարգի դնել զայնոսիկ, որպէս տեսցիք վաղվաղակի:

ՄԱՍՆ Բ .

Ստորագրողներս կրկին ներհակակիրս ակնարկեն վարդապետը 'ի սփոփութիւնս զբօսանաց, Խոտութիւն և Նշափութիւն: Խոտութիւնն չտայ թոյլ ճաշակ ինչ առնուլ նաև զօրինաւոր զբօսանաց. անշափութիւնն եղծանէ ողջոյն զսահման նոցա: Ղաթինն էր Վիւնիկեան անուանեալ մարդատեցիցն վայրենեաց՝ թշնամեաց ընկերութեան. սոքա միշտ բնաւորեալք 'ի յողբ և 'ի լալ՝ կամ 'ի սրտաւրտ կարի ծերացեալ հասակի կամ թէ 'ի մեղամաղձային խառնուածոյն, չկամէին տեսանել յայլս՝ բայց կերպարանս իմն լուրջս, անժպիտոս, սեղամաղձայինս և սգաւորս: Իսկ երկրորդ մնլութիւն հաստատեալ է 'ի տարապայման սփոփութիւնսն՝ թէպէտ և օրինաւորք ևս իցեն:

Երկրեանն ևս են յանցաւորութիւնք. առաջինն՝ իբրև դիմամարտեալ կանոնաց լուսոյ բանին, երկրորդն՝ իբրև զանցեալ զկանոնօք բանին: Քանզի անընդել և վայրագ դժնէութեամբ ծանրանալ 'ի վերայ այլոց, արդելով նաև զբանաւոր զբօսանսն, ընդդէմ է կանոնաց բանին: Իսկ և սոստիկ ըղձմամբ անձնագրաւ զաւատիլ 'ի զբօսանս, չէ առն բանաւորի, ևս առաւել առն բրիստոնէի:

Եւ արդ աղէ, ոչ իբրև դեղք են սփոփութիւնք բնութեանս դարմանիչք, և իբրև արդարև կերակուր՝ զօրութեանն կազդուրիչ. և ոչ զիտէ եթէ տարապայման դեղըմպութիւն յաճախեն հիւանդութիւնս, և շուայտութիւն կերակրոյ սրտաւորք են ախտից բաղմաց: Եւս պարտ է մեզ զզբօսանսն և զխաղսն 'ի վար առնուլ իբրև հանգիստ իմն զքնոյ և զայլոց ևս անդորրութեանց, Եւս պարտ է 'ի նոսա միջոց ժամանակի թողուլ կենսական ոգւոյն, ոչ զի զլիսովին լուծցի և թօշնեսցի, այլ զի կորովասցի և զմեզ 'ի գործս մեր ժրացուցի:

Ուստի և յոյժ փափաքելի էր օրէնս մի հաստատել ընկերութեան մարդկան, զի արք սարսաղորդք և դա-

տարկակեացք մի երբէք վայելեացեն 'ի սիրտութիւնս
և 'ի զբօսանս , որք գործել ինչ մի ոչ կամին ոչ վասն
անձանց և ոչ վասն այլոց : Բայց մեք և ընդ այլոց ևս
բազում անտեղութեանց 'ի մարդիկ , նաև դժպատեհ
կրիցս պարտիմք տանել լուութեամբ . տեսեալ զի ա-
ռաւել պարապորդ և դատարկապորտ որեարն՝ առաւել
անճնամատն է 'ի զբօսանս . հանգստեան չեն նորա ա-
մենեկն արժանի , զի չունին աշխատութիւն 'ի քաղաքի :

Իսկ որ առաւել սրտնութեան արժանի է , նոյն ինքն
դատարկասուն պարապորդութիւն նոցա որ պատժոց
պատուհասից արժանի էր , է առ նոսա իբրև իրա-
ւունք համարեալ վայելելոյ 'ի սիրտութիւնս և 'ի բեր-
կրութիւնս և 'ի խաղս՝ և նորա են որք և հանապաղ
քանքարտան ընդ նուազութիւն զբօսանաց ժամանա-
կիս : Իսկ իմն այնպէս եթէ չեն նորա եկեալ յաշ-
խարհ՝ բայց 'ի զբօսնուլ , բերկրիլ և զուարճանալ . և
իբրու ամենայն ազնուականութիւն ոգւոյ և քաջու-
թիւն նոցա իցէ ծախել զօրն ողջոյն 'ի դատարկութիւնս
զբօսանաց և խաղուց : Հաշուեն զաւուրս եօթնեկին ,
որ աւուրք իցեն 'ի նոսա խաղուց և սիրտութեանց հա-
սարակաց 'ի քաղաքին . և ամենայն հանդէսք տօնախում-
բութեանց նոցա են տօնք աշխարհականք : Եւսօր 'ի
տան միոյն դեգերեալք 'ի դատարկել զբոսիս իւրեանց՝
թէ ունին , վաղիւն 'ի տան միւսոյն՝ 'ի կորուսանել
զժամանակս իւրեանց , բազում անգամ ևս՝ զուրք և
զյարգ անձանց եթէ կայցէ ինչ նոցա տակաւին : Եթէ
օր մի ոչ զբօսնուցուն , համարին եթէ և օր մի ոչ կե-
ցին : Սակայն և մի երբէք անդորրացեալս և միսթա-
րեալս համարեսցիս զնոսա : Այն իսկ տարապայման
սիրտութիւն նոցա է պատուհաս տանջանաց վասն նո-
ցա . և 'ի մէջ այնչափ վայելչութեանց , և ոչ զմիոյն
ճաշակ առնուն նորա ճշգրիտ : Բանգի սիրտութիւնք
ստեպ յաճախեալք՝ չեն այնուհետև սիրտութիւն . և
փոխանակ բերկրեցուցանելոյ՝ տաղտուկս ածեն և նող-
կանս : Որ այն իցէ համեմիչ սեղանոյն , ոչ ապարէն
քաղցն . և իցէ երբէք ըմպելի այնչափ ազնիւ , այնչափ
զմայլեցուցիչ , որպէս յորժամ ծարաւեալ իցեն քիմք :
Եւ իցէ յաշխարհի հանգիստ և անդորրութիւն առա-
ւել քաղցր , քան յորժամ զգաստութեամբ և չափա-

ւորութեամբ առնուցումք մեք զայն յետ երկար և բազմարդիւն վաստակոց , և յետ անվթար կատարման պարտուց իւրաքանչիւր : Այլ թող 'ի տաղտուկս յախրացեալք ընկլցին նոքա . որովհետև և ամենայն իղձ անկանոն և անբնաւոր միշտ պատիժ պատուհասի է անձին իւրում :

Եւ արդ վայր մի խելամուտ լերուք սիրելիք . իցեն երբեք իղձք դժպատեհք , անբնաւորք և անչափք , արժանիք վսեմութեան բանական բնութեանս : Օ ինչ քան զայն առաւել ընդդիմամարտ և խրթնացուցիչ մարդոյ՝ մեծի այն պատկերի և նմանութեանն ըստուծոյ . և զինչ առաւել ընդդիմակ կամաց ամենի մաստ սկզբնատպին : Ի դէպ ինչ իցէ , եթէ հոգի անմահ տուեալ մեզ ըստուծոյ , և միտք և հանձար , և ազատութիւն անձնիշխան՝ նմանութիւն աստուածեղէն , թարթափեսցին անդու ոչ յայլ ինչ՝ բայց 'ի զբօսանս երկրաքարչս և 'ի բարեկրութիւնս աղցաւորս : Անաւանդ եթէ զիմրդ 'ի ճահ պատահեսցեն այնչափ ստորնաքարչ կիրք՝ աստուածային կրօնիցս սրբութեան :

Ով , քանի՞ն միմեանց ներհակակիրք իցեն հոգի աւետարանին , և հոգի բերկրութեան՝ որ տիրացեալ է յաշխարհի : Օ ինչ ասէ աւետարանն . ապաշխարել , ողբալ զմեղս , բառնալ զխաչ , արթուն կալ , յաղօթից չճանձրանալ , կեանս վարել աշխատութեամբ ժուժկալութեամբ , ջանալ մտանել ընդ դուռն նեղ , զնալ ընդ անձուկ ճանապարհն՝ որ տանի 'ի կեանս , այս է աւետարան : Եւ արդ բեր 'ի կշիռ արկ ընդ աւետարանիս ընդ այսմիկ և զկեանս իմն և քաղաքավարութիւն՝ որ լի իցէ դատարկութեամբ , լի և սիրտանօք և հաւնապաղօրեայ բերկրութեամբք : Վրանի՞ն իցէ անջրբպետն , և քանի՞ այլակերպութիւնն :

Սակայն մեք 'ի խաբանս եմք սիրելիք . և ահա ակն երև կան խաբանքն : Վրանգի կարգս երիս մարդկան և վիճակս երիս հնարեալ մուծաք մեք յեկեղեցի : Ա'ի զսրբոցն , որ 'ի սիրտութեանց զբօսանաց աշխարհի ողջոյն 'ի բաց կան , որպիսի ինչ և իցեն բերկրութիւնքն : Երկրորդ զամբարիշտ մարդկանն , որ զհետ ընթանան մեղանչականացն : Եւ երրորդ՝ զմիջասահման քրիստոնէի . որ 'ի մեղանչականացն հրաժեշտ տայ , սակայն

և միշտ հետամուտ է սփոփութեանց ըստ կարի: Մեղ սուրբան հիանամք՝ որք ոչն երբէք խնդրեն զբօսանիլ . զամբարշտացն ատեամք՝ որք 'ի չարիս զբօսնուն . զմիջասահման բրիստոնէին ընդգրկեմք մեք զկեանս , և յանդորրու և յապահովի կարծեմք զմեզ :

Եւ ես և կարի իսկ քաջ համարձակեցայց ասել ձեզ , եթէ այդ միջասահմանութիւն բրիստոնէական առ աջօք է և անգոյ , չէ ճշմարտութիւն : Վանդի ճանապարհս երկուս միայն գտանեմ ես 'ի սուրբ աւետարանին . ճանապարհ նեղ և անձուկ՝ որ տանի 'ի կեանս , և ճանապարհ լայն և ընդարձակ՝ որ տանի 'ի կորուստ . իսկ այդ ճանապարհ միջասահման՝ գիւտ է թուլութեան և փափկութեան մերոյ :

Եւ արդ եթէ կեանս վարեցես դու՝ մեծապէս անձ կանօք այնպէս միշտ 'ի խնդիր ելեալ բերկրութեանց և զբօսանաց և խաղուց , զիմրդ մարթիցիս դու ասել ինձ եթէ իցես 'ի նեղ և յանձուկ ճանապարհին որ տանի 'ի կեանս . ընդարձակին ուրեմն զհետ ելեալ է քո՝ որ տանի 'ի կորուստ :

Եւ զիմրդ . եթէ այդ այդպէս իցէ , ուրեմն և սփոփութիւնք մեր և զբօսանք և խաղք օրինաւորք և բանաւորք մեղք իցեն : — Վաւ , ես ոչ ասեմ զայդ , և ոչ զօրինաւորսն երբէք դատապարտ առնեմ : Օնչափութիւնն միայն նաև յօրինաւոր և 'ի բանաւոր զբօսանսն դատապարտեմ . բայց յառաջ քան զիս՝ տէրն ինքնին զայն դատապարտ արար : Վանդի անչափութիւնդ այդ , գէթ 'ի հետևանս իւր , զերծ 'ի մեղաց երբէք լինել ոչ ունի :

Վանդի եթէ այդչափ զակատել 'ի բերկրութիւնս զբօսանացն , թէպէտ և օրինաւորաց , տկարագոյնս յարդարէ զմեզ ընդդէմ ոսոխին մերոյ , և դիւրագայթս յառիթս փորձութեանց , և անհոգացեալս 'ի կատարումն սարսուռց պաշտամանց իւրաքանչիւր , նաև դիւրապատրաստս 'ի թողուլ 'ի բաց զնոսա , զիմրդ ապա այնուհետև ժտեցիս դու անմեղանչական ասել զանչափութիւնդ զայդ :

Եւ քեցոյք ապա , սիրելիք , զբանս . չարգելումք մեք զամենայն ազգ սփոփութեանց և զբօսանաց , այլ ընտրութիւն առնեմք բարեացն . և զի իցեն բարի՝ ա-

սեմք եթէ պէտք էն անմեղութեան, որ անդատաւարտ գործեսցէ զնոսա. պէտք էն և զգատաւութեան և ժուժկալութեան և չափաւորութեան, որ 'ի կարգի պահեսցէ զնոսա. Այս առաջնորդն հաւատոց մերոց և զօրազլութիւն՝ որ զամենայն աւուրս 'ի վիշտս եկաց յաշխարհի և 'ի խաչակրութեան՝ մեծ ինչ արդեօք պահանջեսցէ 'ի հետեւողաց իւրոց, խնդրելով 'ի սփախութիւնս տկարութեան մերոց զանմեղութիւն և զչափաւորութիւն. Այս որոյ ողջոյն զբօսանք և բերկրութիւնք իւր՝ ցորչափ եկեաց յաշխարհի, էր ձեռն տալ կարօտելոց, միտիժարել զվշտացեալս, խրախուսել յառաքինութիւնս, բարի առնել ամենեցուն, մարթապի նա երբեք նուազ ինչ քան զայս խնդրել առ 'ի մէնջ.



ԲԱՐՈՋ Է

Ս. Ն. Ժ. Ո. Ի. Ժ. Կ. Ս. Լ. Ո. Ի. Թ. Ի. Ի. Ն.

“ Բարձրագոյն աշխարհի ստեղծողն էրաւնէ՛ ի մարդոյն , խնդրէ հանգիստ և ոյ
գտանէ . . . յայնժամ երբայ և աստու ընդ իւր եօթն այր
այսու չարագոյնս բան զինքն , և մտնայ ընտելե անդ , և յինի
յետինն մարդոյն այնորիկ չար բան զատայինն , . Մար . 12 :

Եւ թէ ճշգրտիւ որ ի բնին առցէ զախտիցն զհոյս ,
կնքեացէ անվեհեր՝ եւ թէ չիք ինչ ի չարեաց զոր ոչ ի
նէրքս ածցէ ի բնութիւնս մեր ախտ անժուժկալութեն ,
և չիք ինչ ի բարեաց՝ յորմէ վրէպ չկացուցէ նա զբնու
թիւնս : Վասնի նրբագոյնս նկարագրեաց զախտն՝ լու
տաւորեալն յԵստուծոյ սատուած խնայտ մերն | Եւստու
րիչ ի վարդապետութեան իւրում . “ Եւտեցուք , առէ ,
զանառակութիւնս , որ զբնութիւնն շարժէ և սղտո
րէ , և յանժուժկալութիւն հակամխտէ : Օ ի ան
ժուժկալութիւն ստերիւրէ ի սէսպէս անարժան
հրապոյրս փնասուց , և վրիպեցուցանէ ի հաւատոյ
և ի սուրբ վարուց . . . : Օ բազումս կորոյս ջրով և
հրով և այլ և այլ ազգ սխառու հասիւք . զկոյսս ապա
կանէ և զամուսնութիւնս քակէ և ընդ բազում չա
րեօք առնէ : | Եւ անժուժկալութեան զկախարդս
յօգնութիւն սղծութեան ըստ հրապուրանաց սատա
նայի առնուն կաշառօք : | Եւ անժուժկալութեան
ոխտութիւնք և այլանդակութիւնք ի կորուստ արանց
և կանաց լինին : | Եւ անժուժկալութեան դժպհու
թիւնք և երդմնահարութիւնք և ստութիւնք և զո

„ զուժիւնք : Ս ան անժուժկալու թեան հեղգու թիւն
 „ աղօթից և պահոց և պղերգու թիւն առ 'ի գործ :
 „ Ս ան անժուժկալու թեան բազմաշնասնենգու թիւնք
 „ նիւ թին , և քէնք առ օտարս և ընտանիս : Ս ան
 „ անժուժկալու թեան խորամանկու թիւնք և պէսպէս
 „ մահճն յայտնիք և գաղտնիք „ : Եւ իբրեւ թէ ոչ
 շատ ինչ ասաց սուրբ Լուսաւորին , յաւելու . “ Բմե-
 „ նայն չարեաց պատճառ անժուժկալու թիւն է և մայր
 „ մեղաց և դուռն ամենայն չարեաց նստելոց 'ի մեղս :
 „ Օ ի վասն այսորիկ գայ բարկու թիւն Բստուծոյ 'ի վե-
 „ րայ երկրի , սոլոյ և սրոյ և գերու թեանց և պէսպէս
 „ ախտից , խռովու թեանց՝ ընտանեաց և օտարաց , ծնո-
 „ ղաց և ծննդոց , ծառայից և տերանց . յորս կազք և
 „ կռիւք և մահք „ : Յայս վայր սուրբ հայրն մեր :

Եւ աւասիկ , սիրելիք , այսն պիղծ զոր տէրն ասաց
 բնակեալ 'ի մարդն՝ հանդերձ եօթն այսինքն բազում
 այլ այսովք չարագունիւք : Բյնչափ իմն բուռն են ան-
 կարգու թիւնքն , որովք անդուլ այս մեր դրացի դե վա-
 րակէ զաշխարհ , և վեր 'ի վայր առ հասարակ զամենայն
 օրէնս առաթուր հարեալ , նաև զամուսնու թեան զհա-
 ւատն մատնէ , և իրաւանց արեանառու թեանն դրժէ ,
 և զսրբու թիւն քրիստոնէութեանն աղարտէ . և բողոք
 ևս բառնայ ոչ գտանել անձին իւր հանգիստ , մինչև
 ոչ զմահաթոյնն փչեալ առ հասարակ և 'ի ցանց հրա-
 պուրիցն շաղկեցէ զամենայնն , “ Ինդրէ հանգիստ , և
 ոչ գտանէ „ : Եւ զի մեծ է տնկակից չարութիւնն ,
 չստէ շատ , նաև 'ի զօրավիզն իւր կարդայ և այլ ևս
 եօթն այս չարագոյնս , այսինքն՝ զամենայն մեղաց ըղ-
 հայրն , զոր Լուսաւորին ասաց :

Բաճէ , քանիօն իցէ ասրականութիւնն զոր ասրակա-
 նեաց և ասրականէ միշտ առ հասարակ զազգ մարդկան
 այս Բզմոդեան անսարբութեան : Ս նա՞ց արդեօք մասն
 առողջ ընդ տիեզերս , և իցէ՞ քայլ ոտին՝ յորում ընդ
 առաջ չելցեն հոտեալ մօքք գայոից և ժախից . քանզի
 առ հասարակ ամենայն ուրեք արձակ արձակ գտցես ըն-
 թացեալ խնձղադին իբրեւ զաստուածապարարկս Գիո-
 նիսեայ զայս դե հանդերձ եօթն այլ այսովք սղծու-
 թեան՝ վարակել , դեղել առ հասարակ :

Իսկ որ չար ևս , կիրք անհանդուրժելիք : Եւսե մակ-

դիր զեղեցիկ առնուն նորա յանմիտ մարմնասիրացն , մակդիր՝ իբրեւ սրտեռանդն աշխուժից ողւոյ . և թէ պէտ և յայրատու թիւնքն անհոարկնք ևս իցեն , իբրեւ եռանդուն կենդանութիւն շարժմանց սրտի համարեացին 'ի նոցանէ : Վանիօն իցէ կուրութիւնն , և բանի բռնակալութիւն ախտին . և ո՞ր հանդուրժել բաւական իցէ 'ի քարոզչաց բանին , որում փողն աւետարանական յանձն եղեալ իցէ . « Այլ վայ իցէ նմա , եթէ ոչ աւետարանեցէ » . և թէ երբէք « Համբերեսցէ , դժոխք է տուն նորա » : Այս մանաւանդ եթէ առաւելագոյն ևս տաստութեան ողւոյ պէտք իցեն 'ի խօսել և 'ի վանել զախտ մի , ահա ախտ որ այրեացաւեր գործեաց զաշխարհ և գործէ : Վանդի և մեծագէտ յոյժ է կարեկցութիւնն և սրտատուչ առաւել ընդ շլացութեամբ հարեալն 'ի կրից աստի , որ դարչ կոոցն անժուժկալութեան պաշտօն հարեալ , և ճակաճան ախտին գունազեղեալ անուն կարդան 'ի չքմեղս՝ իբրու որ թեթեւութիւն ողւոյ իցէ և եռանդանն , և տկարութիւն մարմնոյ իցէ , և երիտասարդութեան զեղումն :

Վու , հոգի սուրբ Աստուած , դու ամենամարտւր սրբութիւն , եութեամբ ինքնութեամբ ներհակակիր այսոյս այսորիկ , աղէ դու տէր , բաց զաչս մտաց՝ որ միանգամ ինձ ունին դնէ . և դու ինքնին խելամուտ աբա որ միայն կարողդ ես , եթէ չարն որ յանժուժկալութենէն՝ չէ ինչ չար վայրագար և թեթեւ , այլ ծանր յոյժ ամենայն մատամբ . և իցէ այս առաջին գլուխ քարոզիս : Այլ դի չար է , միանգամայն ամենայն բարեաց աղարտիչ . և իցէ այս երկրորդն : Այլ դի չար է անբուժելի՝ ապստամբ գողցես 'ի հնարից դեղոց . և իցէ այս երրորդ մասն քարոզիս : Այլ տացուք սկիզբն բանիս :

Մ Ա Մ Ն Ա .

Ըրտասուեաց պէտք են առաւել քան բանից այսօր , սիրելիք , զկուրուծիւն օղբալ զմարմնասիրացն , որ ի բրու բարեմարդկուծիւն իբրու քաջալայելչութի իմն բարուց , կամ թէ իբրու հարկ բնութեան համարեացին զայն մեղս , որում ընդդէմ զինեցան ամենայն ուրեք յամենայն իսկ ժամանակս ամենայն հարք և աստուածաբանք և վարդապետք եկեղեցւոյ . ընդդէմ զինեցան և զինին իբրու ընդդէմ հիդրեան վիշապին դժոխայնոյ , հրէշ մահաթոյն բազմազխեան ապականիչ աշխարհի : Ընդդէմ զինեցան , նոյն և առ յերեւանի ածել զդժնդահուծիւն ախտին , անուն զամենայն անարդուծեանց լիաբերան կարդացին նմա : Արածութիւն մահաշշուկ , արբեցութիւն դարչ և զազիր կոչեաց զնա մեծն Ռասիլիոս . իսկ և այլք ՚ի սրբոյ , ժահր և ժախ աշխարհի , և մօրատ զայոից , օգք մահաշունչք , և անարդութիւն բանականին , անդամալուծութիւն հողւոյ . և բնաւ իսկ « ամենայն չար » , կոչեաց զնա Սողոմոն . իբրու որ չէ միայնակ իբրեւ զայս յախտից , այլ իշխանացեալ ինքնին՝ զուգահէտս և ընթացակիցս և յուղարկաւորս յառաջոյ և զկնի ունի նա զողջես զամենայն չարիս , որպէս ճշդրտեաց սուրբ Առաւորին :

Եւ արդ աղէ դու վայր մի անց ընդ դիրս , և սկիզբն ՚ի Սողոմոնէն արասջիր : Յորժամ նա յաւանեալ այն չափ անարգեաց զԸրտուած ՚ի տաճարին . և յորժամ զինկանոցսն սրբութեանց առեալ պղծեաց յերկրպագութեան պատկերացն դարչելեաց , և նշաւակութիւն այնչափ հասոյց աստուածային մեծվայելչութեան , զինչ էին պատճառքն : Պատճառքն՝ իզասէր անժուժկալութիւնն , որով անկղիտացաւ յանհնարին չարիսն :

Իսկ և յորժամ անպատկառ վկայք ստութեան ամբարձան կացին ընդդէմ անմեղութեան օղջախոհիցն ամուսնաց , ո՞րքեցաւ յայնժամ առ աթուր զարդարութիւնն հարկանել : Ընժուժկալ պաղշոտութիւն ծերոցն ընդ պարկեշտն Շուշան :

Եւ յորժամ Ուրիա 'ի մահ վարեցաւ անմեղն և հաւատարիմ, և 'ի վարձ լաւութեանն զգառն զայն բաժակ ընդունէր անպարտակիր անձն, ո՞րք աղէ ասա, զանհնարին զայն անօրէնութիւնն հասոյց արդարութեան, Լնժութեալութիւնն Վաւթի 'ի Վերսարէն:

Իսկ և նշաւակութիւնն չէր արդեօք աշխարհագոյժ, յորժամ գերեալն յախտէն հիբացեալն Սաղաղենացի ոչ յառանձին կրիցն անուանակոչէր, այլ պարզապէս 'ի մեղաւոր անուանէն. « Այն մի էր, ասէ, 'ի քաղաքին մեղաւոր, » իբրու որ զամենայն մեղս միանգամայն յինքն բարձեալ բերիցէ յանժութեալութեանէն գերեալն, որպէս ասաց Սուսաւորին: Ուստի և տէրն ոչ միայն զախտն զայն փարատէր 'ի նմանէն, այլ և զամենայն իսկ զմեղան՝ որք յեօթն դէսն օրինակեցան. « Զորմէ, ասէ, եօթն դէսն ելեալ էր, » քանզի եօթամբն բնաւորեցան զիրք զբազմութիւնն նշանակել: Բարէ դժնդակութեան մից ախտին, որ զամենայն յինքն պարագրեալ ունիցի: Չէք, չէք հնար, սիրելիք, եթէ միանգամ գերեալն 'ի մարմնոյն, զհոգւոյն ինչ երբէք մարթացի եթէ խորհել և եթէ ունել:

« Բարինութիւն և ոչ մի, աղաղակէր մեծն Բագոս, » տինոս, հարցն սրբոց առհասարակ ձայնակից, առաքինութիւն և ոչ մի բարութիւն և ոչ մի, խմաստութիւն և ոչ մի, անհնար է՝ եթէ կայցէ 'ի միասին ընդ ախտին անժութեալութեան: Բայլ 'ի սմա միայնում ախտացեալ թաղաւորեն միանգամայն ամենայն ախտք, »:

Եւ արդ՝ որք զակատեալքն իցեն զհետ ախտին, և անտախտապատուաստ անուանակոչութեամբք քօղ արկցեն նշաւակութեան կրիցն, աղէ ասացեն մեզ՝ որ այն մոլութիւն իցէ՝ որ ամենայն առաքինութեանցն թշնամի ընդդէմ կրեցցի իբրու զանժութեալութիւնն. « Բարինութիւն, ասէ, և ոչ մի, »:

Ո՞ր այն քարութիւնն իցէ՝ որ զամենայն բարութիւն միանգամայն 'ի միջոյ բարձցէ իբրու զանժութեալութիւնն. « Բարութիւն, ասէ, և ոչ մի, »: — Ո՞ր այն տգիտութիւն իցէ, որ զամենայն խմաստութիւն առհասարակ աղարատեցէ իբրու զանժութեալութիւն. « Իմաստութիւն, ասէ, և ոչ մի, » Իսկ ապա համբուն՝ որ

այն ախտ որ զինչ և իցէ , որ այնպէս իմն ողջոյն ապա-
կանեսցէ զհոգին . “ { } անժուժկալութեան , ասէ , մի-
այնում տիրացեալ թագաւորեն ամենայն ախտք , , :

|| վ չարեացն : | ցէ որ անժուժկալ , իցէ նա ուրեմն
և յախտ վարակեալ հպարտութեան կրիցն , նախան-
ձուն , բարկութեան , ռիսակալութեան , անխրաւու-
թեան , չարարուեստութեան . և զինչ ևս . մարդասպա-
նութեանն գլխովին . իցէ և ինքնին ողջոյն սատանայ ,
ըստ որում զբէր մեծն Մբրոսիոս առ նուիրական ոմն
անձն՝ գերեալ 'ի յախտէն . “ | Բաճէ , որ երբեմն հո-
գիդ տաճար կենդանի նուիրեալ հոգւոյն սրբոյ , արդ
զոհարան դիւաց և դարան գտաւ սատանայի , , :

Բ. Եւ զինչ ասեմք զհոգւոյն , նաև զմարմինն գլխովին
ապականեալ եղծանէ ախտն . “ { } ապականել գեղեցիկ
ողջախոհութեանն , քանի՜ իցէ դարշութիւնն , , : | Եւ
զիսորդ որ հանդուրժեսցէ տեսանել զհնացեալն յան-
ժուժկալութեան . գտանել զնա այնչափ անմաքուր 'ի
խորհուրդս , տեսանել զնա այնչափ անամօթ և յայրատ
'ի հայեցուածս , այնչափ անմաքուր 'ի խօսս , այնչափ
ցոփացեալ 'ի վարս , այնչափ անհամացեալ 'ի գործս :
Օ ի և չէ իսկ նոյն անժուժկալն . “ | Երտաքս յիւրմէն
է ելեալ , ոսկիաբանէր երանելին Պետրոս , և 'ի մարդ
գոյնն ողջոյն փոխակերպեալ յանասուն , , :

Բ. Եւ իցէ թէ շատանայր զմարդ մի յանասուն փո-
խակերպել , և ոչ հարուած առ հասարակ ածել 'ի մար-
դիկ : | Բանիօն իցեն աղէտքն . || Եւ յախտէս յայսմա-
նէ , քարոզ կարդայր աստուածային Բերանն ոսկի , ոչ
'ի ամանէ՝ յառաջ եկին և զան այնչափ հեռք և կազբ ,
այնչափ ատելութիւնք , այնչափ 'ի վէգ գալ և ձայն
միմեանց տալ , այնչափ մասնութիւնք , այնչափ նախանձ
ընդդէմ և ոգետանջ կիրք , այնչափ յուսահատութիւնք ,
այնչափ հրատապ բանակաւութիւնք . մնաց ինչ ասել ,
այնչափ և արիւնք և սպանութիւնք . “ | Բանգի մար-
մնապաշտութիւնն , ասէ , չկայ 'ի սահմանին , մարմնա-
պաշտութիւնն նաև մարմնասպանս գործէ , , :

Տեսէք ինձ միանգամ , զէն 'ի գործ վարեալ զախար-
կութիւնն , զպարանոն , զհտպտանոն , իբրու նետս իմն
և փքինս մահահոտս , գտանէ զ|| ամփոսն զայր հոժկու-
և կորովի , և զնա խոնջ և թօշնեալ ընդարմացուցանէ :

Վատանէ զՎաւիթ զայր հեզ և համբոյր , և զնա այր անագորոյն գործէ և արեանաբու : Վատանէ զՍողոմոն զայր իմաստուն և լիահանձար , և զնա զլխովին 'ի խելացն թափէ : Բաբէ , յամենայն իսկ 'ի սերս , յամենայն 'ի տիս , յամենայն իսկ 'ի վիճակ կենաց հեղու զթոյնն , և զի և ակն չածէ ոչ մենաստանաց , ոչ վայրաց սրբութեան , ոչ ուխտից հաստատութեան . առ հասարակ այրէ , առ հասարակ ծախէ . և իբրև այնպէս 'ի տարտարոս յանցանաց փոխակերպէ զտիեղերս , ոչ սսէ շատ , մինչև ոչ և 'ի տարտարոս պատուհասին սուղեսցէ զտիեղերս :

“ Ո՛վ անժուժկալութիւն տարտարոսական , գոչեր երանելին Բագատինոս , ո՛վ ցանկութիւն դժոխական . քե , գողցես ամենայն չարիք , քե գործեցան . Եւ զիարդ ապա , սիրելիք , որ զամենայն չարիս գործէ , ներողամտութիւն երբէք գտցէ քօղ 'ի չքմեղս արկանելով ախտին՝ իբրև տկար և դիւրաբեկ մարմնոյ վիճակեալք : Օ՛ ինչ ասես , տկար և դիւրաբեկ . ” Եւ զինչ այլ կորովի , ասէր , մեծն Տերտուղիանոս , զինչ այլ կորովի քան զմարմին , որ և ընդդէմ զինեալ վանէ զհոգին . ” Ո՛ր լեզու բաւական իցէ ուրեմն՝ ընդ թիւ արկանել զչարիս ախտին , որ զամենայն չարիսն գործիցէ :

Իսկ արդ եթէ լեզուք մարդկան անբաւականք իցեն , թող յառաջ անցցեն լեզուք Բստուծոյ . խօսեսցին որոտընդոստ ամբահարութիւնք , հրացան բարկութիւք , աշխարհակուլ ջուրք , երկնասաստ տեղ ծծմբոյն , և հեղեղք բոցոյն : Ո՛ զհինգ քաղաքսն յաճիւն փոխարկեաց նորօրինակ անձրևոյն . և որ ահաւոր ևս՝ ո՞ զտիեղերս ողջոյն համայնաջինջ 'ի ջուր ողողեաց . ո՞ զերկնից սահանան եբաց , և ո՞ զխորս անդնդոց պատառեաց : Սիկի մեղք այլք և անօրէնութիւնք պակասեցան յաշխարհի առ ջրհեղեղաւն . նա բաց 'ի կռապաշտութենէն , որպէս ասեն վարդապետք , այլ ամենայն ախտք հեղեղեալ իսկ եին զաշխարհ : Եւ ախտ անժուժկալութեան ած զջրհեղեղն . և նոյն ահագինս պատուհասեաց զաշխարհ . ” Սի մնացէ , ասէ , հոգի իմ 'ի մարդիկդ յայդ , վասն լինելոյ դոցա մարմին . ”

Եւրդ զկշիռ ուղղութեան 'ի ձեռս առեալ , սիրելիք , զմեծութիւն ախտին ծաներուք . ” Բստ չափու մեղացն

լինիցի և չափ պատուհասին , , օրինադրեն գիրք : Աւարդ գտէք ինձ դուք մեղս իմն այնչափ ահագինս և համախարհականս պատուհասեալ յԱստուծոյ իբրու զմարմնականն : Բացէք ինձ , երբ այնչափ սրտնեցաւ աստուածային հոգին , երբ զղջացաւ անզղջական բնութիւնն զի արար զմարդն . բայց յորժամ տիրեաց մարմինն , և զպատկերն Բստուծոյ եղծ և անբանից նմանեցոյց . “ Աւարդ 'ի պատուի էր և ոչ իմացաւ , հաւատարեցաւ անասնոց անմտից և նմանեաց նոցա , , Բայնչափ են աղէտք ախտին , մինչ զի որպէս հպարտութիւնն ելից այսովք զանդունդս , նոյնպէս մարմնապաշտութիւնն լցցէ մարդկամբ զգոխս :

ՄԱՍՆ Բ .

Իսկ ըստ մեծութեան ախտին՝ մեծապէս յոյժ է և զեանն զոր հասուցանէ նա զակատելոցն իւրոց : Ապա տէ 'ի գոյիցն , կապտէ 'ի քաջողջութենէն , կապտէ 'ի պատուոյն , և յամենայն բարեաց միանգամայն կապուտ կողոպուտ թողու զմարդ 'ի ժամանակելիցս և 'ի յաւիտենականացն :

Ատիցուք 'ի փորձն : Պատանիդ այդ ժառանգ թողաւ բազմահարուստ գոյից և ստացուածոց . և ահա յետ ամաց ոչ բազմաց լուր հնչի , եթէ 'ի վաճառ հանան պատուականագոյնքն 'ի գոյից նորա . 'ի գրաւի եղան ծանրագինքն 'ի կահուց կարասեացն , և մեծապէս թշուառացաւ տունն : Աւ ապա տեսանէս դու յետ այնորիկ զպատանիդ զայդ , զի անկած և անպաճոյճ , երիթացեալ թաքթաքուր դեղերի 'ի փողոցս : Ուր իցեն նորա պայծառ պատմուճանք . ուր նորա յերևանի սիւզաճեմ գնացքն : Բնդուստ 'ի բարեկամացն որ աւաղէ , վահ զի այն դատ կործանեաց զպատուական պատանիդ : — Ուր այն դատն իցէ , աղէ աստ : Ոչ դատն , այլ կապելայն այն կործանեաց զպատանիդ : Իսկ և այլ որ աւաղէ զնա . վահ , զի նուազութիւն վաճառացն 'ի քաղաքիս կործանեաց զնա : — Ոչ . այլ անարժան նորա և

անառակ սիրտու թիւնք հանապազօրեայք՝ կործանեցին զնա :

Իսկ և այլ ոմն անդուտ աւանդ, ասէ, զի հրկիզու թիւնն այն տնանկացոյց զպատանիդ զայդ : — Այլ հրկիզու թիւնն միոյ մասին ՚ի գոյից նորա, այլ ընդ ճանապարհս թիւրս և անբարիս զնալն նորա, այլ անժուժկալ կիրք նորա, այլ յաճախ այն թարթափել նորա ՚ի տունն յայն՝ թշուառացոյց զնա : Այլ և աստուածային հոգին կնքեաց զճմարտութիւնն, յասելն . “ Որ արածէ զշունս, ցրուեսցէ զմեծութիւնս ” : Ի՞նչպիսին և ՚ի գեղեցիկ համբաւոյն գլխովին մերկացեալ ընդ անմարդիս համարեսցի, և առ ամենայն գործ քաղաքին անբաւական, և առ շինութիւն հասարակութեան անպիտան յանկեան ուրեք լքեալ թողցի :

Իսկ եթէ և առաքելականն կատարեսցի պատուիրանն, քանի՞ն է յայնժամ նշաւակութիւնն, յորժամ իբրեւ ՚ի հրապարակագոյժ նշովելոյ ՚ի նմանէ ՚ի բաց սարտնու պարտ իցէ և ՚ի սեղանակցութեանն անգամ, թէպէտ և ՚ի կարեւոր ազգականաց որ իցէ . “ Եթէ եղբայր որ, ասէ, անուանեալ և պոռնիկ իցէ, ընդ այնպիսումն և հաց մի ուտել ” : Ի՞նչպիսին իցէ և ամթն, յորժամ ըստ սրբոց կանոնաց եկեղեցւոյ՝ նաեւ իբրեւ անարժան ժողովոյն հաւատացելոց և աստուածային սեղանոյն՝ յեկեղեցւոյն արտաքս վարեսցի ՚ի բարձրագոյն քարոզել անդ սարկաւազին, եթէ “ Ի՞նչ որ յերկայից, և յապաշխարոյց, և մի որ յանմարտից մերձեսցի յաստուածային խորհուրդս ” :

Իսկպտեաց աւաղիկ անժուժկալութիւն զմարդ ՚ի գոյից, կապտեաց ՚ի պատուոյն և ՚ի համբաւոյն . կապտէ և ՚ի քաջողջութենէն : Եւ մնայ ինչ այլ ևս, կապտէ գլխովին և ՚ի տիրական մասնէն . զի ուր անժուժկալութիւն է, անդանօր լռեալ է բանն, չիք հոգի, ամենայնն է մարմին . զուշ և զուրուշ մոգէ, բութ և գուլ գործէ զմիտս, և ստրուկ և գերի զկառն :

Եւդ եթէ մարդ բանիւ է մարդ, և բանիւն առաջնորդ է ամենայնին, որ ապա այլ չար՝ չարագոյն ևս կայցէ քան զայս, որ զառաջնորդական զբանն իբրեւ տուաւմբ զհետ իւր քարշեալ, և ինքն առաջնորդ մտեալ՝ առեալ տարցի զմարդ : Իսկ ուր արդեօք տարցի, աւանդ

միշտ տարադէմ յարարէին զարարածն, և 'ի սպառ 'ի մոռացոնս Մտուծոյ դարձուցեալ զանժուժկայն : Վանդի որչափ ահագին, այնչափ և անսուտ է պատգամ մարգարէին վասն զակատելոցն ախտիւս . “ Ոչ տացեն, ասէ Սվէէ, զխորհուրդս իւրեանց, ոչ տացեն դառնալ առ Մտուած իւրեանց ” . և ընդէր այս կիրք զժընդակը ուլ աստուածայինդ մարգարէ . զինչ քաղցրագոյն մարդոյ քան զդառնալ առ Մտուած իւր . “ Ոչ տացեն, ասէ, ոչ . քանզի ոգի պոռնկութեան է, ասէ, 'ի մէջ նոցա ” : Մէջ կրիցն . չիք նոցա ուրեմն խորհուրդ մը տաց երբեք ոչ վասն Մտուծոյ, ոչ վասն սրբոց, ոչ վասն յաւիտեանականութեան . միշտ շաղեալ 'ի մարմին . որ եթէ ուտեն և եթէ ըմպեն և եթէ գործեն և եթէ զբօսնուն, միշտ ուշալ յառեալ կան՝ ոչ յայլ քայց 'ի միտս պագշտեալս և 'ի խորհուրդս անժուժկայս : Եթէ հային՝ վասն կրիցն այնորիկ միայն են նոցա բիրք աչաց . “ Մէջ ունին հանգոյնս պոռնկաց, անդադարս 'ի մեղաց ” : Եթէ խօսին, վասն նորա միայն են նոցա խօսք զրուցաց : Եթէ ննջեն, յայն միայն յանկէին նոցա խաւարային անուրջք և երազք : Մտուածայինքն և հոգեւորքն գլխովին շիջեալ են 'ի նոսա, և փոխանակ՝ այս մոլորութեան մտեալ 'ի նոսա . զի “ Ոգի պոռնկութեան, ասէ, է 'ի մէջ նոցա ” : Վաճէ, թուի իմն այնպէս, եթէ և բնաւին հոգի նոցա՝ ախտն է, և այն է փոխանակ հոգւոյն կենսաւորիչ նոցա . իբրեւ ուշ նպատակի ամենայն խորհրդոց նոցա . իբրու կենդրոն ամենայն գնացից նոցա, և իբրու սիրտ ամենայն ըզձից նոցա . զի “ Ոգի պոռնկութեան է, ասէ, 'ի մէջ նոցա ” :

Իսկ արդեօք յետ այդչափ արտայայտութեան զժընդակութեան ախտիս, ժուժկայել զիսորդ հնար իցէ և ոչ սրտառուչ յողի հարեալ դառնապէս գոչել . “ Ո' անմիտք անժուժկայք, ո' նախանձ արար զձեզ, ո' դիւթեաց ո' թուլեաց զձեզ ոչ հաւատալ ճմարտութեան . ” Եթէ ոչ վատնել ընչիցն, և ոչ վատել քաջողութեանն շարժեցեն ինչ զձեզ, ոչ կորնչել պատուոյն և ոչ խաթարել զգայութեան բանին, շարժեցեն զձեզ դոնեա որ 'ի ծածուկ վէրք հարեալք 'ի խորս սրտի և անդադարելի ահագին խայթ խղճի, երկմտութիւնն

ձեր առ Րատուած, օտարութիւն ձեր յՐատուծոյ, յաւաստութիւն փրկութեան, և անդարմանելի հեռեանք յանկարծամահ վախճանին: Հնարաւոր ինչ իցէ այդչափ խոտարտութիւն, և իցէ երբէք գտանել այդչափ կուրութիւն:

— Եւ ներել վայր մի, աղաչեմ զվարդապետդ: Պատանի եմ, երիտասարդ եմ. առոյգ եմ տիքն, աշխոյժ է հասակն. թող յառաջ անցցեն վայր մի բերկրեցուցիչ հասակին. ապա 'ի նուազել աշխուժից տիոցն, հեշտին է ապաշխարութիւնն: Եւ եթէ անժուժկա լութիւնն եբարձ յինէն զգոյս, եբարձ զբաջողջութիւն, կապտեաց 'ի պատուոյն, բթացոյց զբանն, բարձ յինէն զանդորրութիւն սրտի, սակայն ոչ բառնայ երբէք յինէն զանձնիշխանութիւն կտանցս. և միթէ յապաշխարութիւն սրտաւեցի ժամանակ:

Սա՛, պատանիդ խորհրդակորոյս. չեբարձ 'ի քէն զանձնիշխանութիւն, արդար է. այլ այնպէս իմն կապեալ կաշկանդեաց և շաղեաց 'ի վարմին և գերեաց բնաւին, զի և զախտն զայն ոչ ծանրագոյն միայն յարդարեաց և փնասաբեր յոյժ՝ որպէս և լուար, այլ և զողգես ապստամբ 'ի հնարից գեղաց: Սայր մի ինձ թոյլ տուր հանգչել, և տեսցես ակներե:

ՄԱՍՆ Գ.

Ի հուր, 'ի հուր, սիրելիք իմ, առ հասարակ արձանադրութիւնք՝ զոր միանգամ գրեցին և քարոզեցին հայհոյութեամբ հերեսիովաք, և 'ի վերջնումն առաւել ժանտքն և առաւել ժանտքն Լութեր և Վալվին գրեցին և քարոզեցին եթէ յանձնիշխան ազատութենէն կապտեն մեղք զմարդն: Օայնոսիկ 'ի հուր արկեալ, և դուք ճշմարիտ դաւանութեամբ հպատակ կացէք վարդապետութեան կաթողիկէ եկեղեցւոյ, որ զմարդ՝ եթէսկտ և անհնարին մեղաւոր՝ միշտ անվթար պահէ յանձնիշխանութեան իւրում:

Սակայն և քաջ միտ դիբ աղաչեմ, զոր աստուածայինն քարոզէր Ռերանն ոսկի, եթէ հեշտախտութիւնն եթէ

պէտ և զազատութիւն չբառնայ զկամանցն հետեւել ախտին . սակայն զորս միանգամ որսայ 'ի վարմին , այն պէս իմն շաղէ և կաշկանդէ , զի և դժուարին յոյժ իցէ զերծանելն : Սեղաւոր անժուժկալ նախ ազատութեամբն սկսանի մեղանչել , ապա սովորութեամբն ցանկորդէ 'ի մեղանչել , և ապա իբրու բարոյական իմն հարկաւորութեամբ անկարանայ 'ի չմեղանչել :

Օ խորդ . ճգրտագոյնս յաստուածիմաստ առակին յանդիման եցոյց ինքնին տէրն : Բարբէ տանուտէրն զծառայս կոչել զհրաւիրեալսն 'ի մեծահաց հարսանիսն , և սկսան մի ըստ միովէ ամենեքեան հրաժարել : Պատճառէր առաջինն , եթէ « Բարակ գնեցի , և հարկ է ելանել և տեսանել զնա » , — Բ.յլ աղէ ասա , և բնաւ իսկ չկարէս գալ . — Սարթ է . այլ աղաչեմ զքեզ , կալ զիս հրաժարեալ : Երկրորդն՝ եթէ լուծս հինգ եղանց գնեցի , և երթամ փորձել զնոսա : — Բ.յլ չիցէ ինչ հնար թողուլ այսօր զփորձդ և գալ 'ի հրաւերն : — Բ.յն , չէ անհնար . այլ աղաչեմ զքեզ կալ զիս այսօր հրաժարեալ : Իսկ ապա երրորդն այլօրինակ իմն տայր պատասխանի . քանզի առանց ինչ քաղաքավորութիւն հրաժեշտ խնդրելոյ իբրու զառաջինսն , անդէն կնքէ և պարզապէս զանկարութիւնն առաջի դնէ . « Աին , ասէ , ածի . և վասն այնորիկ ոչ կարեմ գալ » , ոչ կարեմ , ոչ . Բ.ւղ . քանզի պարապէն 'ի հեշտալիս , որպէս ասաց իմն 'ի սրբոց , ոչ եթէ զտարտամութիւնն ծնանի և զանհոգութիւնն , յառնել զնալ 'ի հարսանիսն , իբրու զազարալն և իբրու զլուծ զեղանցն , այլ զանկարութիւնն ծնանի : « Աին ածի , և վասն այնորիկ ոչ կարեմ գալ » :

Եւ արդ քանկցս անգամ կոչեաց և զքեզ Բ.ստուած , ո՛ր անժուժկալ անձն , է՛ զի ներքին ազդեցութեամբք շնորհացն , է՛ զի թելադրութեամբ խղճի մտացն , է՛ զի 'ի ձեռն քարոզաց բանին : Իսկ քո ո՞ր եղև պատասխանին . — Բ.յն , կամէի իսկ քաջ , և պարտ իսկ էր երթալ զհետ կոչողին . բայց . . . բայց . . . :

Բնցանեն աւուրք , հողովին ամիսք , յառաջ զան աւուրք սրբութեան , մեծահանդէս տօնախմբութիւնք սրբազանք , բարեկամք առ հասարակ և ընտանիք և ծանօթք դաս դաս ընթացեալք խոնին յեկեղեցիս , և խոստովան լինին զմեզս և քաւեալք հաղորդին աս-

տուածային սեղանոյն : — Ղիտեմ՝ և ես, և տեսանեմ՝
ևս աւաղիկ . կամէի, և պարտ իսկ էր և ինձ զգեղեցիկ
օրինակն առնուլ և տալ ևս . այլ աւաղ, ոչ կարեմ,
ոչ : (Ժ)էպէտ և՛ ի զատկին սրբութեան՝ զիտեմ զպարտս
բրիստոնէութեանս, զոր ըսուն այլք և բարւոք առնեն .
կամէի և ես ինքնին, և պարտ էր . այլ զի՛ գործեցից .
զիա՛րդ ժուժկալել, զիա՛րդ անջատել ՚ի բաց . զիա՛րդ
ողջոյն հրաժարական տալ իսպառ . . . : Ո՛հ, ոչ կա-
րեմ, ոչ :

Օ ինչ ասես, ո՛հ հիքացեալ անձն : Նանեա՛ր ու-
րեմն, տեսե՛ր ակներև զախտն . քանի՛օն իցեն կապանքն .
զիա՛րդ անբուժելի մնաց ախտն և ապստամբ ՚ի հնարից
դեղոյն :

Լ՛յլ ընդէր այս, սերելիք . վայր մի աղաչեմ զխորս
յուզել զճշմարտութեանն . ընդէր իցէ անդարմանելի :
Լ՛հաւասիկ աստուածային առաքեալն, որ ՚ի յուսահա-
տութեան կիրս, աւաղ, ըմբռնեալ առակէ զանժուժ-
կալն . “ Հատին, ասէ, զյոյս յանձանց փրկութեան
և մատնեցին զանձինս զիճութեան ” : Լ՛հաւասիկ քեզ
անժուժկալութեանն չար, որ բնաւին իսկ զիտաց տա-
պալել զչինուած արդարութեան մարդոյն և զփրկու-
թեան հոգւոյն : Յուսահատութիւնն :

Բայց աղէ, յումմէ յուսահատ լինի հիքացեալն,
հարցանէ Ոսկեբերան . Յուսահատ է, ասէ, ՚ի դար-
ձէն իւրմէ . յուսահատ է և թէ հանապազորդեսցի՞
արդեօք յուզողութեանն . յուսահատ է և ՚ի թողու-
թենէն մեղացն, յուսահատ է յիւրոց կամացն, յու-
սահատ է յԱստուծոյ, յուսահատ է յանձնէն զլիսովին :

Բա՛բէ, թուի իմն ձայն լսել զանժուժկալ մեղաւո-
րին ընդ անձին ոգորելոյ և յոգւոց հանելոյ . — Ո՛վ,
զիա՛րդ երբէք կարացից խղել զզլթայսն, զիա՛րդ ելս
գտանել ՚ի հեշտալի բաւղէն յոր անկայ միանգամ,
զիա՛րդ զերծանել ՚ի հաղբիցն յոր շաղեցայ . զիա՛րդ,
զիա՛րդ արդեօք . . . : Եղուի եմ ես, և թէպէտ և մի
անգամ ՚ի զգաստութիւն դարձեալ, մա՛րթ իցէ ինձ ար-
դեօք հանապազորդել ՚ի զգաստութեանն : Ո՛չ ահա
բաղում անգամ ուխտ եղի ընդ անձին իմոյ ՚ի զգոնա-
նալ, և դարձեալ բաղում անգամ պակասեցայ ՚ի հա-
ւաստոյն, և չար ևս շաղախեցի զանձն իմ . և զիա՛րդ

Թողցէ ինձ Մատուած . չիք Թողութիւն , չիք . քանզի չիք և զգաստութիւն : Մասպէս ընդ անձին ոգորի հիւքացեալն , և ապա յուսակտուր անճնադրաւ լինի 'ի մեղս . “ Հատին զյոյս յանձանց և մատնեցին զանձինս գիջութեան ” :

Ուստի և է իսկ տեսանել 'ի քրիստոնեայս՝ մահունս բազումս զյուսահատելոց անձանց , տեսարանս ահազինս և օրինակս արտասուելիս : Մտ որում և զմեծի զայն մեղաւորին՝ որ 'ի վախճան մահուն հասեալ , և անդ յորդորակս բազումս գեղեցիկս 'ի բարեկամացն լուեալ՝ բառնալ զգայթակղութիւն ախտին , նա և 'ի սուկալի անդ պահուն 'ի ցասումն բրդեալ տայր պատասխանի . — Ոչ կարեմ : — Մ.Յ. զոնեա , բարեկամ , 'ի սէրն Մատուծոյ՝ վայրիկ մի բուռն արա անձինդ 'ի կարեւոր ժամուս : — Ոչ կարեմ : — Մ.Յ. ահա հատանի Թել կենացդ այր դու , և դատապարտութիւն ուրեմն խընդրես հոգւոյդ և ոչ փրկութիւն : — Ոչ կարեմ , ոչ : Եւ այն ինչ յուսահատութեան վերջին բանն 'ի բերանին , և փշեր զողին :

Մ.Յ. մի ինչ զարմանալ , եղբարք . քանզի կրկնակի անդարմանելի է ախտն . մի 'ի մեղաւորին կողմանէ , որ յուսահատ է 'ի յաւիտենական փրկութենէն . և միւս ևս յաստուածակողմանէն որ զերեսս դարձուցեալ է 'ի նմանէ : “ Որպէս վիրաւորք որ ննջեն 'ի գերեզմանս՝ են անժուժկալք , ասէ մարգարէն . զորս դու Մատուած ոչ յիշեցեր , նոքա 'ի ձեռանէ քումմէ մերժեցան ” : Ի մոռացոնս դարձուցեալ է զնոսա Մատուած , որպէս և նոքա մոռացան զՄատուած . ոչ յիշեցին նոքա զՄատուած 'ի կեանս իւրեանց , և ոչ Մատուած յիշեսցէ զնոսա 'ի մահուն իւրեանց : Զիք նոցա լոյս , չիք նոցա յոյս , չիք նոցա և ոչ ուշ մտաց : Փորձ փորձեալ դու միանգամ , խօսեսց ինչ մի ընդ անժուժկալ զակատելոյն՝ վասն յաւիտենականութեան , չիք նորա յոյս . նա ծիծաղի՝ զոր ասես : Բաց առաջի նորա զգժոխս , չիք նորա լոյս , առասպել համարի զոր ասես : Բժառ նա վարդապետ և հայր խոստովանութեան , Թող լուիցէ ինչ մի խրատ յաստուածայնոցն , չիք նորա ուշ մտաց . անդէն փոխէ նա զգրոյցն : Եւեալ է խիղճ մտացն . չիք ինչ նորա 'ի հոգւոյն . վիճակ նորա

այնպիսի՝ զոր առաւել արտասուեցին հարքն սուրբք քան եթէ գրեցին . խառութիւն սրտի , ամբողջութիւն ոգւոյ , անզգայութիւն կորստեանն : Եւ զվերջինն աւել . կորուսեալ է զհաւատն . որպէս կանխեաց ասաց սուրբ Լուսաւորիչն , և ուրացեալ յԱստուծոյ :

— Իսկ արդ եթէ այնչափ չար է ախտն , որպէս լրւաբ , և այնչափ վնասաբեր որպէս ծանեաբ , և անդարմանելի՝ որպէս ասեսդ . զինչ ապա գործել պարտ իցէ : — Ընդարմանելի չէ , եթէ կամեսցիս . բռնն է ախտն և առաւել բռնն . ճշմարիտ է . այլ սակայն ոչ բառնայ զանձնիշխանութիւն կամացն : Եւ քանզի « Ը երջին չարեացն , վերջին են դարմանք » , պէտք են , սիրելիք , ընդդէմ բռնութեանն մեծապէս արիութեամբ անձնիշխան կամացն , նախ բոլորովին ապաւինել յԱստուած , և ապա զօրանալ 'ի շնորհացն Աստուծոյ : Այս է միակ դարմանն : Եթէ գերեցար յախտէն , մի կամիր 'ի նոյն յարանալ . արի զօրութեամբ , թօթափեալ ըլլածն . « Իզեցուք զկապանս նորա և ընկեցուք 'ի մէջ զլուծ նորա » : Այլապէս զԱստուած , խնդրեալ զօրութիւն . վասն անցելոցն հայցեալ 'ի նմանէ թողութիւն առ ոտս հօր խոստովանութեան քո . գարշիք յախտէն , լուա , ջնջեալ արտասուօք զաղտ հոգւոյն . փախիր յառթիցն , անձամբ անձին զփորձն առեալ միանգամ զբռնութեան և զհրապուրանաց ախտին յայն ինչ առիթս , յայն ինչ հայեցուածս , յայն ինչ կենակցութիւնս , յայն ինչ ընթերցուածս ապականալ գործ դրոցն , զի և յառաջակայիցն զգուշացիս իմաստութեամբ և ժուժկալեսցես :

Այլ քանզի յոյժ մերձաւոր է ախտն , և անկակից մեղ , և փաղաքուշ է դաւաճանն , քեւ երբէք չմարթացիս ոյլ մարդ ապրել 'ի հաղթիցն : Այլ սակայն և միշտ յանդորրու կացցես , եթէ միշտ ապաւինեալ յԱստուած՝ խոնարհութեամբ ստէպ խոստովան լիցիս 'ի բոլոր սրտէ և կրկնեսցես և երեքինեսցես 'ի փորձութիւնն զհոգեշունչ իղձն , եթէ « Ը կարեմ այլազգ ժուժկալ լինել , բայց եթէ Աստուած տացէ » : Եւ արդեօք անշուշտ Աստուծով միայն վանեսցես զախտն , և ոչ այլ իւրք և այնպէս ապա Աստուծով ժուժկալ լիցիս , և դարմանելի լինիցի քեզ ախտն :

ՔԱՆՈՋ Ը.

ԳԻՐՔ ԱՆԲԱՐԻՔ ԵՒ ՎՆԱՍԱԿԱՐՔ

“ Եւ բողոքի ի կախարդաստրացն բերեին զգիրսն ,
և այրեին առաջի ամենեցուն , : Գործք . ԺԹ . 19 :

Եթէ մեծամարմին այս աշխարհ , որպէս ասաց ոմն
'ի նախնուն , պատկեր է խորհրդոց մտացն Լստու-
ծոյ , իցեն ուրեմն և մատենագրութիւնք՝ տիպք խոր-
հրդոց մտաց մարդոյն : Վանգի յարարչագործութեան
էնչոյ երևեցոյց զինքն արարիչն , “ Օ ի աներեւոյթն
Լստուծոյ , ասէ , արարածովքս իմացեալ տեսանին , ” .
Իսկ մարդ դրոշմամբ դրոցն նկարեալ առակէ զիմաստս
մտացն և զշարժմունս սրտին , և զլիսովին իսկ զանձն
իւր , յաւերժացուցեալ զնոյն գեղեցիկ արուեստին
տպագրութեան . զի և ՚ի մեռանել իւրում և ՚ի հո-
ղանալ , կեանք նորա յազգաց յաղգս՝ իցեն մատենա-
նորա , և լեզու նորա՝ վերժանութիւն գրոց նորա : Եւ
են իսկ արդարեւ զիրք՝ իբրեւ մարդասիրութեան կտակք
և հրիտակք յարանց քաջաց և յիմաստնոց թողեալք
ազգի մարդկութեանս , որ ՚ի հազար աղգս գտանեն իւ-
րեանց ժառանգս :

Վկարք և արձանագրութիւնք և զքօշուածք սրտակե-
րաց բազմադէմք երևեցան յաշխարհի , սակայն և հեշ-
տեաւ բազումք ՚ի նոցանէ բարձան ՚ի միջոյ . զգիրտ
գրութեան և զտպագրութեանն քան զամենայն ա-
րուեստից զիւտս նախապատիւ ասեմք և առաւել սի-

տեան, որ ամբաւս իմն 'ի նախադիմ մատենիցն օրի-
նակս յառաջ ածէ, և գողցես միանգամայն անմահս
զմատենադիրն գործէ և զմատենան, և արգիւնարար
և շահաբեր զինի եկեղցն 'ի գեղեցիկ գրեալն դարուց
'ի դարս: Օ ինչ քան զայս սրտառական կայցէ:

Եւ բաժնէ, սիրելիք, և որ այն իցէ 'ի բնութեանս
առաւել պիտեան, և որ այն առաւել արդոյ և սր-
տառական, որով ոչ զեղծանիցի ոգի մարդկային. և 'ի
գործ չարաչար վարեալ ոչ յեղծումն և յապականութեան
անձին իւրոյ և այլոց դարձուցէ զնոյն: Այն
ինքն կենցաղօգուտ արուեստ գրութեան և տաղադրու-
թեան, որ գունակ գունակ կերպարանս սիրունա զառա-
քինութեան և զխնատութեան մեղ 'ի ներքս բերէ,
նոյն ինքն միանգամայն և թոյն մահառիթ զմոլորու-
թեան և զմոլութեան ախտից մեղ ջամբէ:

Եւ եւն մատենագիրք բազումք՝ իմաստունք և առա-
քինիք. եւ և ամբարիշտք և մոլիք, որք և արդարեւ ի-
բրեւ ժանտախտք համարեցին ընկերութեան և թրշ-
նամիք ռիսերիմք ազգի մարդկութեան: Եւ է իսկ ասել
զգրոց նոցա, զոր ինչ և յաղագս հիքացելոցն մեռելոց
'ի տարախոխիկ ախտէ, որ հոտ դառնութեան զհետ
իւրեանց թողուցուն և ժահր ապականագործ:

Սովաղեալ եւն աւագիկ այնպիսի գրեան յայլ ազգս
և 'ի բարբառս: Սակայն առ նոքօք սուրբ և անարատ և
երջանիկ 'ի մասինս յայտնիկ ասեմ՝ զմերն հայ բար-
բառ: Ուստի և առաջարկութիւն քարոզիս թէպէտ և
տիրապէս առաջնոցն 'ի ճահ պատահեալ, սակայն և մե-
րոցն այսօր 'ի կարեւորագունից մասին է: Վանգի և 'ի
մերազնեայց յողովք 'ի զարուս՝ արդարեւ իբրեւ կարեւոր
և կենցաղաշահ վարժից՝ լեզուագիտութեան փոյթ
կալեալ կրթին 'ի զանազան բարբառս ազգաց, և թե-
րեւս՝ առաւել քան 'ի բնիկ բարբառն: Ուստի և որչափ
ինչ 'ի բարեաց մասին քաղեսցեն նոքա 'ի գրոց օտարաց՝
նոյնչափ և 'ի չարեաց, եթէ ոչ զգոնացին յընտրել
զգիրս բարիս և զանբարիս, և զգուշացին յընթերցմա-
նէ չարաթունիցն:

Վանգի և անշուշտ իբրեւ թունիւք լի եւն գրեանն
զեղծագործ մատենագրացն, եթէ ըստ սուտանուն գի-
տութեան, եթէ՝ ըստ հաւատոցն թուլութեան, և ե-

Թէ ըստ վարուցն ապականութեան , մանաւանդ եթէ գլխովին ըստ ամբարիշտ անկրօնութեան : Եւ այնչափ իմն ծայրայեղք 'ի չարութեան են գրեանն , մինչև աւետ' եթէ ոչ մարդ , այլ բելիար զսոսին շարագրեաց : Ուստի և հարկ է զմեծապէս զեանն՝ որով մեծապէս թշուառացաւ Եւրոպէ յընթերցմանէ ամբարիշտ գրեւոյն 'ի դէմն ածել այսօր և ձեզ մերազնեայ սիրելեացդ՝ իբրև նախապահեստ դարման պատուական ազգիս , զի յօտարին փնասուց ինքնին դուք զգօնացեալք զբարիս պողաբերեսցիք անձանց :

() Ի եթէ էր ժամանակ յոր առաւելապէս վարակեաց ամբարշտութիւնն զտահմանս Եւրոպայ , ահաւասիկ ժամանակ անցելոյ դարուն , յորում 'ի գիտնական և յուսումնական ազինս՝ անխտրաբար ազատութեամբ և խորհեցան և խօսեցան և գրեցին և տպագրեցին և առ հասարակ 'ի վերծանութիւն առին : Եւ եկաց այգօրինակ գրութիւն և տիպ և ընթերցումն , աւաղ , արձանագրութիւն և պատմութիւն ամօթոյ մարդկութեանս՝ լի խելայեղ բանդազուշանօք անկրօնութեան և արձակերասան կենաց ազատութեան :

Ո՛ր ան որոյ և պարտ անհրաժեշտ համարիմ առաքելական պաշտամանս բողոք ընդդէմ բառնալ այսօր , վերծանութեան ամբարիշտ գրեւոյն , և առաջի ատենի աշխարհի և առաջի ատենի ողջախոհ ձերում գիտակցութեան մտաց կնքել , եթէ են իսկ այդ գրեանդ արժանի ձերոյ ատելութեանդ : Եւ իսկ զի գրեանդ այդոքիկ մահաբերք են կրօնից աստուածապաշտութեան : Եւ երկրորդ անգամ՝ զի են ապականագործք նա և քաղաքաց և կարգի ընկերութեան մարդկան : Եւ արբառիմ առ քրիստոնեայս , բարբառիմ առ քաղաքացիս : Եւ արասցուք սկիզբն քարոզիս :

Մ Ա Մ Ն Ա .

Եթէ սիրեմք զաւետարանն , որպէս և սիրեմք իսկ , դարչեսցուք յայնցանէ՝ որ մարտ եղեալ կռուին ընդ աւետարանին : Եթէ սիրեմք զգեղեցիկ կարգ ընկերութեան և զխաղաղութիւն անձանց և զքաղաքի , ի բաց ընկեսցուք զգիրսն անբարիս՝ որ տապալեն զայնոսիկ :

Եւ արդ , աղէ սիրելիք , ի բարեացն սկիզբն առեալ , վայր մի քննեցէք , և տեսանէք քաջիկ քանիօն բարիք և դարձք սքանչելիք ի շնորհացն Բնութոյ գործեցան յաշխարհի յետ ի լոյս ընծայելոյ կրօնիս քրիստոնէութեան՝ ի լոյս կամ ի վերծանութենէ զրոյց բարեաց :

Եթէ Բնութիւնս մեծն բազմամարդացոյց զանշէնն , և յարկս սրբութեան և առաքինութեան յարդարեաց զամայութիւն վայրաց անապատին , և եթէ իմաստասէրք աշխարհի գերահամբաւք յանկարծակի իմն ի խաւարէն ի լոյս դարձան աւետարանին ճշմարտութեան , և եթէ աշխարհիք բազումք ի կարգաց կարգաց երկրի փոխեցան եղեն երկնաբաղաքացիք և սրբութեամբ հանդիսացան իբրև խնկելիք և տօնելիք յեկեղեցւոյ Բնութոյ , և զինչ ևս ասել զբիւրս ի բարեաց , առ հասարակ ամենեքեան նորա պարտապան զանձինս դաւանեցին զրոյց սրբոց և բարեաց . քանզի կամ լուան ի նոցանէ և կամ ընթերցան :

Իսկ մնտնաւոր՝ զինչ ապա ասել պարտ իցէ վասն գերահռչակեալ առն այնորիկ , որ յաշխարհայինս և ի մարմին թաթաւեալ ողջոյն , և ապա առաւել սուրբ քան զբազումս ի սրբոց , և վարդապետ ճշմարտութեան համբաւատենչ քան զյորովս , զմեծին ասեմ զԲնութիւնս :

Չայն աստուածային յաւուր միում հնչէ յանկարծակի յականջս նորա կրկին և երեքկին . « Բնութիւնէ , առ և ընթերցիր » : Օայս լուաւ , և գտանէր առաջի իւր գիրս իմն բարեպաշտութեան կրօնից զբրեալ լի աստուածային հոգւով : Բ և ընթերցաւ ուշով . և աշխարհագոյժ մեղաւորն երևեցաւ սուրբ աշ-

խորհարարող, և վարդապետն մոլութեան՝ հայելի սրբութեան :

Բարէ , քանի՞օն իցէ ազգեցութիւն զօրութեան գրոց բարեաց ՚ի միտս մարդոյ և ՚ի սիրտ նորա . զառաջինն խելամոեցուցանէ ՚ի ծանօթութիւն ճմարտութեան , և ապա շարժէ ՚ի սէր առաքինութեան : Բայտե՛ծ է ընթերցումն այդպիսի գրեւոյն օժանդակեցի և ՚ի վերուստ յաստուածային շնորհացն , զոր և է իսկ տեսանել հասարակ կարգաւ , չիք այնուհետեւ որ թուլահատ . չիք և անկրօն , չիք և մեղաւոր մեծ՝ թէպէտ և յամառ յոյժ , թէպէտ և ողջոյն փոխեալ ՚ի մարմին , որ ոչ հաստատեցի ՚ի հաւատս , և ոչ զգաստացեալ պարկեշտացի ՚ի վարս :

Եւ արդ զոր օրինակ ընթերցումն գրոց բարեաց մայրեղև զգաստութեան և աղբիւր մեծամեծ ուղղութեց , նոյնպէս և ընթերցումն գրոց չարաց միշտ խոչընդոտն եկաց քրիստոնէից և հրապոյրք պղտորք մոլութեանց և մոլորութեանց : Եւ ինձ բաւական ժամանակս , տեսար իմ , պատմելոյ ձեզ զպատմութեան անցս զհնոց դարուց , և ակներև ձեզ ՚ի դէմն ածելոյ զամբաւս ոմանս ՚ի քրիստոնէից , որ հրապուրեալք յանբարի գրոց ընթերցմանէ զահալէժ անկան ՚ի մոլորութիւն՝ միանգամայն և յամբարշտութիւն : Եւ զինչ պէտք իցեն ՚ի պատմութիւնս հնոցն դիմել , ոչ ահա մեզ ժամանակ մերձաւոր դարուց պատմութիւն է կենդանի և խօստուն առաջարկութեան բանիցս՝ զոր ասեմ : Եւ իցէ որ , իցէ որ արդեօք յունկնդրաց աստի իմոց , որ կամ յայլս զփորձ իրացն տեսեալ , և որ կամ յանձին իսկ իւրում զփորձ առեալ , վկայութիւն անվեհեր ոչ ընծայեսցէ ճմարտութեան զոր քարոզեմ այսօր :

Ո՛հ . Հանդուրժեմ ես սիրելիք , առնուլ կրկնել զնոյն առանց արտասուեաց և առանց զարհուրանաց : Բանիք ոմանք ՚ի պատանեաց՝ զորոց լուաք և ընթերցաք , և զորս մեք ինքնին տեսաք , որ անդատին ՚ի մատաղ տիոցն դաստիարակեցան ՚ի հաւատս և ՚ի բարեպաշտութեան , որ լի էին երկիւղիւն Բստուծոյ , հաւապազորդեալք ՚ի կրթութիւնս , հպատակեալք առաջնորդաց , պարկեշտացեալք ՚ի գնացս , անարատք ՚ի վարս , անվարք ՚ի սարսու պաշտամանն , որ օրինակք

բարեաց էին համատիոցն , յոյս բարի զարմին իւրեանց ,
 և պարծանք առաքինութեան : Եւ աւաղ բախտին .
 գիրք իմն անբարի 'ի ձեռս անկաւ նոցա . առին ընթեր-
 ցան . քստմնեցան իմն զառաջինն , այլ անդէն փոյթ ընդ
 փոյթ թօթափեցին զամենայն խէթ և զերկիւղ . յա-
 ռաջեցին յընթերցումն , արբին զմահացու թոյնն .
 զիարդ այնպէս փոխեցան վազվազակի յիմաստից մը-
 տաց իւրեանց . քանիօն և փոփոխութիւն տեսաւ յան-
 կարծակի 'ի բարոյական գնացս նոցա : Արթասցին
 դու այնուհետեւ գիտել և առել ինձ , զինչ արդեօք
 հաւատան նոքա կամ ո՞րպէս . և սակայն գիտես քաջ և
 տեսանես ևս ակներեւ , զի վարք դոցա յետ այնորիկ
 վարք են արձակերասան մարդոց : Օգր այնուհետեւ 'ի
 գործոց բարեպաշտութեան կրօնից ցուցեն նոքա յան-
 ձինս իւրեանց , բայց եթէ զայն միայն՝ զոր չմարթիցին
 նոքա զանց առնել առանց իբրեւ հրապարակագոյժ ան-
 կրօն առակելոյ զանձինս իւրեանց : Եւ պրհութիւն
 զրուցաց նոցա և ամբարտաւանութիւն նոցա՝ քաջիկ յե-
 րեանի կացուցեն զմոլորութիւնս զմտաց նոցա և զա-
 պականութիւն սրտից նոցա : Աիրողք հեշտալեաց և
 դատարկութեան , թշնամիք առաքինութեան և աշ-
 խատութեան . անհնազանդք առաջնորդաց , անակնա-
 ծուք աւագաց , անձնմատն յազատութիւն , սոնքա-
 ցեալք յանձինս , անարդուք զգաստից , ունչս առնողք
 առաքինեաց , արհամարհողք իշխանութեանց , զայ-
 թակղութիւն հասակակցաց , կործանումն զարմին ,
 ժանտախտք քաղաքին , անարգութիւն եկեղեցւոյ :
 Եւ յաչափ է , սիրելիք , պտուղ չարեաց յընթերցմանէ
 չար գրենոյն . և իցէ՞ թէ , մինչդեռ խօսիմն , չիցէ որ 'ի
 ձէնջ որ մատնցոյց ևս արասցէ մեզ յայնպիսեաց ան-
 տի :

Եւ թողեալ զմասնաւորացն կիրոս , զհասարակայն
 'ի քնին առցուք : Եւ ասցէք ինձ աղաչեմ անկեղծու-
 թեամբ որ միանգամ գիտէքդ . Ո՞ր այն եկաց թուականն
 թուրահաւատութեան , կամ բնաւ իսկ անհաւատութե-
 ւ անկրօնութեան որ այնչափ իմն մանաւանդ յանցեալ
 դարուն ճարակեցաւ 'ի քրիստոնեայս . գիտիցէք , ո՞ր
 նոյն ինքն թուականն ամբարիշտ գրենոյն որ 'ի լոյս ըն-
 ծայեցան : Իսկ և երբ արդեօք յալին գիտութեանց

յալքերովէ, 'ի համալսարանս արանց քաջաց և ուսումնականաց, 'նաև 'ի համախորութիւնս ուսմիկ որերոյն, երբ արդեօք սկսան լսելի լինել առաջարկութիւնք ոմանք և նախադասութիւնք կշռակի ընդդիմամարտք վարդապետութեանց հաւատոյ և ստտուածային աւանդից, և վարուց քրիստոնէութեան : Վիտիցէք, երբ . յորժամ սկսան 'ի ձեռս յածել քրիստոնէից Առասօժն և Սօղէնք, և այլ ևս ամբարշտութեան և ապականութեան գրեանն, որ 'ի վերին երեսս շնորհս իմն ունելով և հտպտանս ճարտարասանութեան, ներքոյ ըզմահացու թոյնն ծաւալեցին 'ի հոգիս բազմաց :

Եւ յայնժամ, աւանդ արտասուաց պատմութեանն, և յայնժամ սկսան բազմութիւք ոմանք յերկբայս լինել և թերահաւատել յաղագս աստուածային յայտնութեանն, յաղագս ճմարտութեան գրոց սրբոց . զինչ ևս ասել, նա յաղագս գոյութեան կենացն հանդերձելոց : Եւ յայնժամ ճմարտան աստուածապաշտութիւն համարեցաւ իբրև տկարութիւն ոգւոյ : Այլ ևս այլ երես առնէին յայնժամ օրինաւոր հեղինակութեան եկեղեցւոյ . գոռոզութեամբ և ազատութեամբ առ ոտն հարեալ զպատուիրանս նորա, 'ի ծաղր ևս հատանէին ընդ մեծ վայելչութիւնս նուիրական արարողութեանց նորա, և առ անարգս ունէին զպաշտօնեայս նորա : Եւ յայնժամ և բազումք խորհեցան և խօսեցան և գրեցին վասն կրօնիցս սրբութեան հաւատոյն, իբրոր որ ոչ այլ ինչ իցէ՝ քան թէ առասպել անգոյ, կամ գլխովին մտացածին գիւտ մարդկան :

Եւ քանզի կրօնն ցանդ անբաժին միասնական է ընդ բարոյականին, ասացէք ինձ պարզ, տեարբ, եթէ եղև երբէք ժամանակ այլ, յորում առաւել ապականեալ տեսան վարք քրիստոնէից . յորում այնչափ յերևանի և անպատրուակ եկաց ամբարշտութիւնն, և յորում առաւել իմն նազելի կերպարանաւ փերեւերտեալ ընծայեցաւ յանցաւորութիւնն ինքնին դիտովին : Այս ասացէք ինձ, եկաց երբէք ժամանակ այլ, յորում անառակութեան քերթուածք և բանահիւսութիւնք պատմութեանց լկտիք կամ վտանգաւորք, և արձակերասան սկզբունք ազատութեան խղճի, ազատութեան խորհելոյ, ազատութեան խօսելոյ, ազատութեան գրելոյ

այնչափ հեղեղեցին, կամ թէ այնչափ անյազութեամբ յընթերցումն առան այդորիկ :

II^o որ յերկուսացի երբէք, եթէ ոչ և յամենայն իսկ 'ի դարս ժամանակաց զօրացաւ յանցաւորութիւն . և ցորչափ կեան մարդիկ, մեղք են յաշխարհի : Այլ սակայն յորժամ որ հաւատայ և մեղանչէ, զոնեա հանդերձ քսամունելովն մեղանչէ, ճանաչէ՝ եթէ մեղանչէ, և խիղճ մտացն տանջէ, և հեշտին այնուհետեւ առաւել յապաշխարութիւն ճանապարհ հորդէ : Իսկ 'ի դատարարութեան յընթերցմունս ամբարիշտ դրոցն, մեղանչեն՝ իբրեւ եթէ ոչ մեղիցեն . անխիղճ են միտքն, լռեալ է ամօթն . " II^o է երկիւղ Աստուծոյ առաջի աչաց նոցա . : Ինդէր . քանզի այն զիլք փաստս իմն և ջատագովութիւնս ևս 'ի վերին երեսս տան ընթերցողայն՝ 'ի չքմեղս հանելով զազգ ամենայն ամբարըտութեան . նաև զանհարին պաղշտութեան և զանժուժկալութեան կիրս և զգործս իբրեւ տկարութիւնս իմն ներելիս կոչեն նորա, լռեցուցանեն զխայթ խղճին, և յանապաշխարութիւն զլիսովին կրթեն զհոգին :

Քանզի մանր 'ի քնին առեալ վայրիկ մի զիրսդ, զինչ այլ ապա պտուղ երբէք բաղել մարթ իցէ յայդպիսեաց մատենից, եթէ միանգամ զմտաւ ածցես դու զտգիտութիւն և զմեծ տկարութիւն ընթերցողացդ :

III^o վ ինձ բաւական իցէ խոտանալ, եթէ պատանիք կենցաղասէք զակատեալք յընթերցումնդ յայդ՝ ունիցին մտածութիւնս ողջախոհս և դատումն բաւական առ 'ի զդէմ ունել չարահար մենքենայիցն և պղտոր հրապուրիցն, զոր սատանայամիտ գրեանդ այդորիկ արբուցանեն պատանեացն 'ի հասակի անդ, յորում կիրք բռնացեալ են յերասանակն բանին . 'ի հասակի՝ յորում ինդրեն պատանիք տնկակից թեթեամտութիւն միշտ բարեմարդիկն լինել առ ամենեսեան և նազելի . 'ի հասակի՝ յորում հողմակոծեալ են միտք պատանեաց, 'ի հասակի յորում ամենայն որ փայլէ, ոսկի համարի :

Իսկ և որ առաւել անյազ ընթերցողքն են 'ի նոսա այդ գրեւոյդ, նորա են որ և պանծանօք պարծին յանձինս՝ զի չեն աստուածաբանք . կամին ասել՝ եթէ վասն կրօնից հաւատոյն չունին այլ ծանօթութիւն՝ բայց զոր ուսանն նորա 'ի մատաղ տիսն 'ի քրիստոնէա-

կան վարդապետութենէն , և զոր թերևս գլխովին մոռացեալ իսկ իցեն : Աւարդ եթէ չգիտեն ինչ զկրօնից հաւատոյն , զիմորդ ապա բաւական իցեն նոքա ըզդէմ ունել այնչափ անօտր և ճարտար խնայտակութեց և խաբութիկ ցուցակութեանց՝ որովք զինուորին նոքա ընդդէմ հաւատոյն : Ասացեն թերևս , եթէ արմատացեալն 'ի նոսա սէրն ընդաբոյս առ կրօնն՝ յորում ծնան , անասանելիս պահեսցէ զնոսա : Այլ բարէ , եթէ արդարեւ սիրեն զկրօնն՝ յորում ծնան , և առ ինչ ապա ընթեռնուն նոքա զգիրսն զայն՝ որ անարդանօք ընդ վայր հարկանէ զկրօնն : Ար որդի երբէք յանձին կալցի ընթեռնուլ ատորժանօք յերգիծական ինչ քերթուածի զարհամարհութիւն զիւրոյ մօրն , թէպէտ և ճարտարահիւս առաւել և վսեմ ոճով գրեալ իցէ քերթուածն :

Իսկ և զինչ ապա ասել պարտ իցէ , տեարք իմ , եթէ միանգամ զննեսցուք և զգաւաճանութիւն խաբանացն՝ որ զօղեալ կան 'ի գիրսդ յայդոսիկ , զոր և հազիւ երբէք արբ բազմիմաստք և ուշիմք և նրբամիտք բաւական իցեն յերևան հանել և խայտառակել : Յանդ յաղագս պարկեշտութեան խօսին գրեանդ այդոսիկ , յաղագս նախախնամութեան , յաղագս մեծապէս յարգի և սրբութեան աւետարանին՝ Քրիստոսի , յաղագս փութաջան սիրոյ առ բարոյականն : Այլ ապա տակաւ տակաւ ընդ շաւիղս մոլորաշաւիղս , մութս և խոտորնախս , տապալէն զամենայն պարկեշտութիւն , զամենայն նախախնամութիւն , զյարգ աւետարանին , և համանգամայն քանդեն զհիմունս բարոյականին : Աւ 'ի վերջէ ուրեմն հիքացեալ ընթերցողն առանց զգալոյ յանձին գտանէ զինքն շաղեալ 'ի վարմին . և դառնայ հայի յանձն և ինքնին ևս զարմանայ եթէ զիմորդ այնպէս կապտեցաւ ինքն 'ի հաւատոյն , զիմորդ և երբ այնպէս յանկարծ եղև ինքն անկրօն : Աւ գտանէ իւր առաջի այնուհետև ճանապարհ բաց և արձակ՝ կեանս վարել ապերասան և անխիղճ՝ իբրու գլխովին առն անառակի :

Այլ նզովիցն ազատութեանն այնորիկ . այս ազատութիւն է սիրելիք , այս ազատութիւն՝ գիւտ և արուեստ մեծ և ճարտարահար ամբարշտացն այնոցիկ մատենագրաց՝ իբրու անոյշ խայծիւ թափել զազգ ամենայն

զ[թունից 'ի սիրտ մարդոյ . քանզի և անշուշտ որ հեշտականաւն հրապուրէ՝ դիւրեաւ համոզէ , և մոլորութիւնն ջատագով կրից առաւել յանկուցանէ՝ քան զճշմարտութիւնն սանձահար ախտից :

Այլ մի որ ընդդէմ բանս դիցէ , ե[թէ փաստաբան և կուսակից հանդիսացեալ է իմ՝ այսօր քարոզիւս՝ տըզիտութեան և անուսումնութեան . որովհետեւ 'ի բազմահայլ մատենից զրոյդ այդոցիկ , է իսկ արդարեւ ուսանել բազում ինչ : — Բաւ յինէն ջատագով լինել տգիտութե , սիրեմ զուսումն , սիրեմ զգիտութի . բարեկամ եմ հմտութե և կենցաղօգուտ արուեստից և գիտից : Բայց թող գրեանդ այդոցիկ ամենայն ազատութի 'ի ձեռս տացին մարդոց որ իմաստունքն իցեն՝ և գիտնականք և փորձք , որք և բաւական իցեն յերեւան հանել և առակել զխաբանսն և զմոլորութիւնս՝ որ 'ի նոսա , և յաղթահարեցեն զամբարշտութիւնսն : Այլ անխտրաբար 'ի ձեռս ամենեցուն և 'ի դատաւաստանս ամենեցուն ապսպարել զայդոսիկ , այդ անշուշտ մահաբեր է կրօնիցն հաւատոյ , մահաբեր է և բարոյականին :

Բայց աղէ և ճշգրիտ խուզեալ , իցե՞ արդեօք բազում ինչ ուսանել յայդպիսի գրեանոց . և զոր , ասա ինձ , զոր ուսումն դաս տացեն դոքա : Օ ինչպիսի գիտութիւն կոչել պարտ իցէ զգիտութիւն՝ որ ուսուցանէ չունել մեզ ինչ մի հաստատուն գիտութիւն , այլ յերկբայս կալ ընդ ամենայն . որ ուսուցանէ համարել զտեղծութե մարդոյս իբրեւ լոկ մեքենայ շարժուն . որ ուսուցանէ շփութել զխտն ընդ մոլութեան . որ ուսուցանէ յընչաց քերել զվարձ զառաքինեացն և զպատիժ զամբարշտացն 'ի հանդերձեալ կեանս , այլովք բազմօք հանդերձ : Եւ ոչ արդեօք չար ևս իցէ այդպիսի գիտութիւն քան զամենայն տգիտութիւն : Եւ սակայն այդոցիկ են ամբարշտեալքն յանբարի գրեանդ , որ զարդք են դարանաց զրոց և թանգարանոց թուրահաւատ մարդկան :

Եւ եթէ ոչ սանձ միանգամ , առ ձեզ է այսուհետեւ դարձ բանիս , իշխանք ժողովրդոց և առաջնորդք եկեղեցոյ , եթէ ոչ սանձ միանգամ արկանիցէք իշխանութեամբ ձերով չարիս այսմիկ՝ որ դիւրեաւ իբրեւ ըզքաղցիկեղ գիտէ ճարակել , յետ սակաւուց զինչպիսի արդեօք տեսանիցէք զվիճակ կենաց զառն առն և զազ-

զին ողջոյն, զինչպիսի և զգօրութիւն իշխանութեան
ձերոյ : Վանգի զիրք անբարիք և անսուրբք ոչ կրօնի
միայն են մահառիծք՝ որպէս լուայք, այլ և քաղաքին
ընկերութեան քակտիչք են և ապականագործք, որպէս
տեսցիք ՚ի մօտոյ :

ՄԱՍՆ Բ •

Եթէ արժան իցէ առ ՚ի շահ օգտի զազնուական մեր
դար զբրիստոնէութեանս առնուլ խառնել ընդ սկըզ-
բունս վարդապետութեան և ընդ օրինակս դարուց հե-
թանոսացն և նոցուն օրէնսդրացն, աղէ ինձ վայր մի
ասացէք, որ միանգամ գիտակից էք պատմութեանց
ազգաց : Ո՞ր հասարակապետութիւն բարեկարգ, որ
կառավարութիւն ազգի և քաղաքի քաջախորհուրդ
երբէք եկաց յաշխարհի, որ ոչ ՚ի բաց մերժեաց և ար-
դել կարձեաց ամենայն զօրութեամբ զգիրս և զմա-
տեանս հակառակամարտս և քակտիչս կրօնից և ապա-
կանիչս բարեկարգութեան ժողովրդեան ՚ի քաղաքա-
կան կարգի :

Ո՞չ ահա Լ.Թենացւոց իմաստուն ժողովրդապետք
հանդերձ մեծասաստ պատուհասիւք վտարեցին ՚ի քա-
ղաքէն զգիրսն Պրոտադորայ : Ո՞չ և Ս. աստենացիք առ
հասարակ, ո՞չ և արդոյ հռովմայեցիք զգուեցին և ՚ի
բաց վարեցին ՚ի միջոյ իւրեանց զգիրս և զվարդապե-
տութիւնս զյայիկուրօսի :

Ո՞չ և հանձարեղին այնմիկ և մեծին Վատոջնի հը-
ռովմայեցւոյ այս էր հիմն վարդապետութեանն, ո-
րով ստեպ աստենաբանէր նա ՚ի համախումբ ծերակու-
տին, և մրցանակ ևս զբաջութեան փաստաբանութեն
ընդունէր մեծապէս փառօք . “ Լ.յդ գրեան, ասէր նա
” բողոք մեծագոյ բարձեալ յատենի, այդ գրեան՝ որ
” քակտիչք են ամենայն կրօնից, այդ գրեան՝ որ կրօնս
” իմն օտարօտիս մուծանեն ՚ի մեզ, այդ գրեան՝ որ
” մարտ եղեալ ինզրեն տապալել զպարկէշտութիւն
” վարուց ժողովրդեան, են են իսկ միանգամայն քակ-

տիւք, և ընկերութեան քաղաքին և հիմն 'ի վեր
տապալիք հասարակապետութեան մերոյ ։

Նովին ղինու վարդապետութեան նահատակեալ և
մեծն Սիկերոն քաղաքագէտ աննման 'ի դիմի հար-
կանէր յատենի բաղմամբոյս ժողովրդոց ընդդէմ ապա-
կանադործ գրոցն վարդապետութեան, որ սրայքարեալ
ժխտէին զանմահութիւն հոգւոյն, որ յուրաստ լինէին
զվարձուց հատուցումն և զպատիժ պատուհասին 'ի հան-
դերձեալ կեանս ։ Սայս իմաստուն իբրև արդարև հայր
հայրենեացն և սիրող ճշմարիտ բարւոյն հասարակաց
ձայն բարձեալ գոչէր այսպէս ։ « Վէ դուք թոյլ միան-
գամ արարէք, ո՛ր հռոմայեցիք ։ տուք տեղի առ վայր
մի՛ զի անպատուհաս և արձակաքայլ ընթացին զը-
րեանդ այդ ամբարշտութեան 'ի քաղաքիս մերում և
'ի գաւառս մեր, և արագ արագ տեսանիցէք դուք այ-
նուհետև զհիւպատոսդ ձեր՝ մերկացեալս ողջոյն
յիշխանութենէ ։ տեսանիցէք զծերակոյտդ ձեր ան-
կեալ վատեալ ողջոյն 'ի զօրութենէ ։ տեսանիցէք
զօրէնս ձեր՝ զի կան, այլ հպատակող չիք 'ի միջի ։
տեսանիցէք լուծեալ խզեալ և զամենայն կապ ընկե-
րութեան ձերոյ ։ համաշխարհականդ այդ տէրու-
թիւն ձեր տապալեացի, և տիեզերաց արքայս հը-
ռովմ՝ հիմնայատակ քանդեսցի ։ »

Սայս օրինակ խորհէին և զայս օրինակ խօսէին քա-
ջախորհուրդ հեթանոսքդ յաղազս ամբարշտութեան
գրենոյն ։ Իսկ ապա մեք դաստիարակեալքս 'ի կրօնս
անարատութեան և ճշմարտութեան, մեք սնեալքս
երկնաւոր վարդապետութեամբք և առաջնորդեալքս
յաստուածային յայտնութեանց՝ զիմրդ խորհեսցուք
վասն այգոցիկ, զինչ խօսեսցուք ։

Ինչուչտ են բանքս, սիրելիք, եթէ տնկակից և ան-
մեկնելի է զուգաւորութիւնն՝ որ ընդ կրօնն և ընդ ըն-
կերութիւն քաղաքին, որ ընդ բարեզգեաց վարսն և
ընդ երջանկաւէտ իսաղաղութիւն տէրութեանց ։ և ա-
ռանց եղծանելոյ զմին և զմիւսն՝ չիք հնար անջատել
'ի միմեանց զտիրական նոցա զարդիւնս բարեաց ։ Ինդ
մարդկային երջանկութեան՝ միասնական են փառքն
Եստուծոյ ։ մարդիկ ցայնալայր են երջանիկ, չորվայր ձա-
նաչեն զԵստուած, սիրեն զԵստուած և երկնչին յԵստու-

ծոյ, ուստի և յորդորեալք զործեն զբարիս : Եւ մենայն ընկերութիւն անբաժ 'ի գեղեցիկ սկզբանց աստի, մահ կրէ 'ի ծոցի իւրում. մարթ է նմա փայլիկ վայր մի 'ի վերին երեսս, այլ յերկարաձգել չիք հնար :

Եւ իրօնութեանն լրբութեան որ 'ի չար գրեհայն, զհետ ընթանայ և վարուցն լրբութիւն. սա ապակա նէ զանդամս քաղաքին, և զիարդ այնուհետեւ դու զողջոյն մարմինն տեսցես յոտին կացեալ : Եւ քայլութիւն և խաղաղութիւն ամբարշտաց մի կացցէ, ասէ Եւ տուած : Եւ իւրեւել 'ի նմին իսկ յամբարշտութենէն՝ անկանգնելի կործանեսցի. Եւ անբաժնի, ասէ, 'ի վերայ նորա անիրաւութիւն նորա, և զնա անդէն ճիւղսցէ :

Եւ անց կրօնի զօրութիւն և ոչ մի ունին օրէնք քաղաքին 'ի վերայ քաղաքացւոյն 'ի յարդարել զվարս նորա. քանզի շատ է յայնժամ մեղանչել անխիղճ. միայն եթէ հրապարակագոյժ մի լիցի : Եւ անխիղճ իցեն զարհուրանք ողջամիտ քաղաքացւոյն 'ի գտանել զմահաբեր զայս վարդապետութիւն, և որ ինչ նման նորին, 'ի գրեհայն յայն զորոց բողոք հարեալս եմ այսօր : Իսկ ապա 'ի մէջ այնչափ ապականութեան վարուց քաղաքացեացն զակատելոց յուսումն ամբարիշտ սկզբանց մատենիցն այնոցիկ, որ անփոյթ ապահովութիւն կայցէ երբէք նաեւ աթոռոց առաջնորդաց և իշխանաց քաղաքին յամենայն կարգի :

Իսկ զիարդ, միթէ ընդ օդս ինչ խօսիցիմք սիրելիք. միթէ և ոչ աչք մեր ինքնին տեսն զաղէտսն. և ոչ առ մեօք դարձեալ կան առաջի բողոքարկութեամբ սրտառուք՝ վասն որոց խօսիմքս և ազդեմք և աւաղեմք. Եւ Իսկ ցոր
 ,, վայր հասեալ ժամանեցաք մեք, (գրէր և բողոքէր
 ,, յաւուրս մեր 'ի Հովուականին իւրում Եւ զմոնդոս
 ,, Նիսիւն երեւելին եպիսկոպոս Եւ զմոնի), ցոր վայր
 ,, ասէ հասեալ ժամանեցաք մեք, եղբարք իմ, 'ի պատ
 ,, ճառս ապերասան ազատութեան խորհելոյ, և ա
 ,, զատութեան գրելոյ, և ազատութեան 'ի տիպ դրոշ
 ,, մելոյ, և ազատութեան վերծանելոյ : Օ ինչ գիրք
 ,, իցեն այդոքիկ անբարիք, խայտառակք և պիղծք,
 ,, որոց և անունն միայն արհաւիրս ածէ և սոսկումն :
 ,, Եւ անխիղճ որդայթք լարեալ կան 'ի դոս ընդդէմ ան

,, մեղուծեան , քանի հայհոյութիւնք ընդդէմ աւ-
 ,, տուածութեան . և քանիօն ծաղր և խաղ գտանեմք
 ,, մեք 'ի զոսա սփռեալ նաև ընդդէմ աստուածային
 ,, յայտնութեան : Բայց մեք 'ի Ժամուս քօղ 'ի վերայ
 ,, արկցուք ապականութեանցն այնոցիկ՝ որք առթեցան
 ,, 'ի զրոց այտի : Եւ իմն այնպէս , եթէ մեծ և բազ-
 ,, մաժողով այս մեր բաղաք Լոնդոն գերազանցեալ
 ,, դատաւ քան զայլ բաղաքս յանբարի յառուտուրս
 ,, վաճառաց զրենոյդ այդոցիկ . և իբրև շահաստան
 ,, հասարակաց անկրօնութեան եղև մեզ բաղաքս , ուր
 ,, բազում ոսկւոյ և արծաթոյ գնեն զնոյւէլին արուեստ
 ,, ապականելոյ զբարեգգեաց վարս առն բաղաքացւոյ .
 ,, աւաղ , զի աւաղիկ և մեծապէս աջողութեամբ յա-
 ,, ջողեցաք մեք 'ի նոյն : Եւ ահ , տեսանեմք իսկ քաջիկ
 ,, փորձառութեամբ , զի կորեաւ աւաղիկ ամենայն ակն-
 ,, ածութիւն առ մարդիկ . և զիմորդ ոչ , յորժամ յայն
 ,, սահման հասեալ ժամանեցաք մեք , զի չիք այլ ակն-
 ,, ածութիւն և առ Բոստոն : Եւ շատ մարդոյ այսօր
 ,, ապականել զանձն իւր . ճգնի նա եղծանել խանդա-
 ,, ըել և զայլս . յերևանի առնուլ հանել և զյոյժ ան-
 ,, գոնելի տեսարանս զանժուժկալութեան , քանդել
 ,, տապալել զթումբս զամօթխածութեան , եպերել
 ,, անդոսնել գողոցութեամբ զօրէնս և զսահմանադրու-
 ,, թիւնս տերութեան : Բաղիկ ձեզ պտուղք մահա-
 ,, ռիթք բազմահոյլ զրենոյդ այդոցիկ , որ տպագրին և
 ,, վաճառին և ընթերցեալ լինին անխտիր : Բաղիկ և
 ,, վիճակ և սահման , յորում գտանեմք մեք այսօր ըզ-
 ,, տարաբախտիկ զայս կղզի 'ի պատճառս զրոցդ այ-
 ,, դոցիկ ,, : Յայս վայր այս եպիսկոպոս Լոնդոնի :

Եւ արդեօք քաջադէպ թուեսցի , սիրելիք , և շա-
 հաբեր զվկայութիւն 'ի մէջ առնուլ 'ի բանիս զառն
 զայլակրօնի . զի ուսցուք մեք 'ի չարեաց օտարին զա-
 ոաջս առնուլ զմերոց վտանգաց : Եւ եթէ այդչափ իմն
 յողբ սրտառուչ և 'ի բողոք հատեալ է այդ եպիսկո-
 պոս այլախառ , քանիօն ապա պարտիցին հեծել և հա-
 ոաշել և բողոք յերկինս բառնալ հովիւք իմաստունք
 և աստուածասէրք կաթողիկէ եկեղեցւոյ : Իսկ զօր
 ճարտարութիւն , զօր ճիգն , զօր խնամակալութիւն եր-
 բէք բաւական առիցես զու 'ի ջնջել և 'ի միջոյ 'ի բաց

բառնալ զայդ զրեանդ , որ ապականիւքն են ամենայն բարոյ :

Եւ սակայն չէ և շատ քաջ հովուացն հսկել 'ի վրայ հօտին , պէտք են և հլուծեան ոչխարացն : Եւ զէլք բազմապատիկք և սատք՝ են իսկ օրինադրեալք 'ի ճշմարտախնդիր և յաստուածխմաստ առաջնորդաց եկեղեցւոյ , մի առնուլ , մի ընթեռնուլ , մի պահել առ իւրեանս զամբարշտութեան գրեանդ , որ ծովացան յազգս քրիստոնէից . զինչ օգուտ 'ի հրամայելոյն , եթէ և հպատակելն մերձ ոչ իցէ :

Ով գեղեցիկ և նախանձելի ժամանակին առաջին քրիստոնէիցն , զորոց Պրակքն առաքելոց ունին զմեծապէս գովութիւնն . որք զամենայն գիրս ամբարիշտս առնուին բերէին առ ոտս առաքելոցն և 'ի հուր դատէին հրապարակաւ : Ոչխարք երջանիկ ժամանակին լսէին ձայնի հովուաց իւրեանց , և հպատակեալք արածէին յարօտս քաջառողջս , և ըստ նոցուն ակնարկութեանն փախչէին 'ի մահաթոյն ճարակացն : Եւ աւանդ , ոչ խարք ժամանակիս ձայն ևս բառնան ընդդէմ հովուաց . կամին անձամբ զանձինս արածել . իցիւ թէ դոքա ոչ ժտեսցին ևս օր մի կամել արածել և զհովիւսն :

Եւ աղէ , թէպէտ և ոչ սահմանադրութիւնք առաջնորդաց եկեղեցւոյ էին 'ի միջի ընդդէմ ամբարշտութեան մատենիցդ , ոչ իսկ պարտ և արժան էր 'ի բաց փախչել 'ի նոցանէ ըստ թելադրութեան օրինաց բնութեանն : Ո՞րք զմահաթոյնն անձին ջամբեսցէ . և ոչ որք ըստ պատուիրանաց բնութեանն :

Եւ ոչ արդեօք այր իւրաքանչիւր 'ի ձէնջ , սիրելիք , 'ի փորձոյ իսկ անձինն վկայութիւն դիցէ , եթէ երբէք յայդպիսի գրեհոյդ ընթերցեալ՝ քանի՞օն զխիղճ մտացն արատեալ իցէ , և որչափ ինչ զապականութեան 'ի գրնացս իւր և 'ի վարս ինքնին զդժպատեհ փորձն առեալ իցէ : Եւ ատ իցէ արդեօք 'ի զգաստութիւն վկայութիւնն անխաբ՝ որ 'ի փորձառութենէ իրացն , որ և առաւել ևս ազդեսցէ քան զամենայն բարոյս :

Եւ սակայն ոչ այս և ոչ այն շատ իցէ 'ի լուսաւորութիւն հոգւոց մերոց , ով անմահ Եստուած , եթէ ոչ դու ինքնին՝ որ Վերդ ես կենաց և Երաւեան ճիշմարտութեան՝ խօսեսցիս 'ի սիրտ քոյ՝ հաւատացելոց ,

որ ունկնդիրքն էն ինձ աստանօր, զհետ քո ընթանալ
անխոտոր աստուածային վարդապետութեանդ, 'ի բաց
փախչելով 'ի սուտանուն վարդապետութեանց, որ մի-
անգամ ապականիչք էն պտղոյ արդեանց ամենասուրբ
արեանդ և կենազործ մահուան :



ԲԱՐՈՋ Թ.

Ա. Ի. Ե. Տ. Ս. Ր. Ա. Ն. Ե. Ի. Ք. Ր. Ի. Ս. Տ. Ո. Ն. Ե. Ա. Յ.

“ Որ զանգին քրիստոսի ոչ ունի , առ չէ նորս ” :

Ոչ ինչ զարմանք էն զի խմատու թիւնն զոր երկրաւոր և շնչաւոր կոչեաց աստուածային առաքեալն , ցանկ երկնաւորին հակառակ ամբարձցի խմատու թեանս : Օ ի եթէ վարժք և խմատք՝ որ առ մեզ յաստուածային յայտնութեանց՝ յամենայնի ձայնակից և համախոհ հանդիպեցին որ ՚ի մեզ կրիցս շարժմանց , անշուշտ նուազունք կամ թէ և ոչ մի որ այնուհետև յերկրայս լիցի ընդ ճմարտութիւնս աւետարանին և ընդ աստուածայնութիւն քրիստոսական կրօնիցս :

Սակայն յաւերժականն այն մարտ հակառակութեապէրասան մերոցս բղձից ընդ պատուիրանս Մատթոյ , այս է՝ որ զբազմահոյ ջոկ զանհաւատ մարդկանն ՚ի վեր բուսուցանէ , և ՚ի մէջ քրիստոնէից խումբ յողնաթիւ զարձակերասան և զխառնակեցիկ որերոյն մեզ երեւեցուցանէ : Արմէին թերեւս սոքա կեանս վարել առանց օրինաց , զի մեղանչել մարթասցին առանց խղճի : Բայտակայն աւետարանին հրահանգք և պատուիրանք այնչափ մեկինք էն և լուսաւորացոյնք , զի և խիղճ՝ մտայն՝ եթէ որ միանգամ զանց զնորինք արասցէ , ցանկ բողորբ բառնայ և անդուլ խայթիւն տանջէ զմարդ :

Իսկ ապա ՚ի տաղնապետ յայսմիկ զոր հնարս ելիցն զտանիցեն ամբարիշտք . զոր այլ, բայց թէ միանգամայն զամենայն լուծ զկրօնիցն նորա ՚ի բաց սասանեցուցանեն յանձանց և զամենայն կապ խզեն , և իբրև ընդ խազոյ իրա ծաղր ածեն ընդ ահագին ճշմարտութիւնն . կեան այնուհետև և գործեն զամենայն առանց Մտուծոյ : Իսկ որ առաւել նրբամիտքն են յանկրօնադ յայդոսիկ և արտաքնայարդարք ոմանք , նազաբանեն եթէ միայն ուսումն փիլիսոփայութեան իւրեանց պտուղ է անհաւատութեան իւրեանց : Ա՛նչ , նա պարտէին մանաւանդ . ճշգրիտ իմաստնաբանել՝ յուզելով անաչառ զխորս սրտիցն , եթէ վասն այնորիկ անկրօնք ոմանք և անհաւատք եղեն նորա , քանզի յառաջն խառնակեցիկք էին և արձակերատանք :

Ինչուտ է արդարև ճշմարտութիւնս այս և ընդ ակն զանկրօնից հոյսն խոցէ , և յառակ նշաւակի զնոսա կացուցանէ : Վ՛անզի , աղէ , ասացեն մեզ , զի է զի և ոչ որ ՚ի բարեաց քրիստոնէից երբէք լինի անկրօն՝ մինչ չև իցէ նորա առ ոման հարեալ զանուտ իմաստս բարոյականին : Ինչաւատութիւնն՝ հատարակ կարգաւ նախ սկիզբն առնու ՚ի սրտի . և եթէ սիրան ոչ ուղղի և մաքրի , անպարտելի է այնուհետև անհաւատութիւնն : Ի՞՞ճ բեր դու նոցա ՚ի ներքս ցոյցս անխանելիս ՚ի յայտ յանդիմանութիւն կրօնիցս սրբութեան որչափ և մարթիս , խօսեաց և դարձեալ խօսեաց , բայց յանհնարիցն է՝ չիք հնար ամոքել զնոսա , եթէ ոչ նախ ուղի հեշտին հորդեացես առաջի նոցա ակն ածել առաքինութեան և հրահանգաց միտ դնել բարոյականին :

Եւ արդ զամբարիշտ զանհաւատիցդ ջուկ ՚ի բաց տարեալ՝ յորոց և ոչ զմի որ յունկնդրաց աստի իմաց զիտեմ երբէք , առ ձեզ , սիրելիք , որ քրիստոնէի կենսաւտ անուամբն պարծիք , և պարծանօք ամենայաղթ նշանաւն աւետարանին զձախատ կնքէք հաւատով , կամ միմ բարբառել զայս ինչ , եթէ մեք ցայն վայր եմք քրիստոնէայք , ցորչափ կեամք իբրև քրիստոնէայս : Հանա վայր մի անաչառ ՚ի քնին առցուք զհաւատս մեր և զգործս միանգամայն . քանզի ՚ի քրիստոնէութիւն և ՚ի փրկութիւն չեն բաւական հաւատք միայն ՚ի Վ՛րիստոս , պէտք են և պահպանութեան պատուիրանայն Վ՛րիս-

տոսի : Եւ յայս առաջարկութիւն տալս վախճան կրկին հանդերձիմ առաջի առնել ձեզ : Բաղին՝ զի զիբը կաւէտն ամօթ զարթուցուք 'ի մեզ ինքեանս , եթէ երբէք գտցուք զմեր վարս կշռակի հակառակս հաւատոյն մերոյ : Երկրորդ անգամ՝ զի զառաջինն զայն արմատ զանհաւատութեանն , զապերաւանութիւն ասեմ կրից , խլէսցուք 'ի սրտից մերոց :

ՄԱՍՆ Ա.

Բող ահաւասիկ խաչն Վրիստոսի , ահաւասիկ աւետարանն նորա : Հաւատաւք մեք 'ի խաչն , հաւատաւք յաւետարանն . քաջ է : Բայլ սակայն բառնամք զխաչն . հնազանդիմք աւետարանին Հապա առցուք զայն 'ի քնին :

Եւ որ արդեօք որ համարեսցի 'ի միտս , եթէ զկրօնն պարզեւեաց մեզ Բստուած միայն 'ի հրահանգել զմեր միտս 'ի հաւատս անձառելեացն խորհրդոց , առանց մշակելոյ և զմեր սիրտս 'ի կրթութեան առաքինութեանց : Եթէ իցէ որ այնպիսի , մեծապէս է մոլորութիւնն , այլ և մահաբեր յոյժ : Արօնք պարզեւեցան մեզ վասն բարոյականի . և առանց բարոյականին խաբխուլ և անկայուն են կրօնքն :

Բայլ սակայն բազմազոյնք 'ի քրիստոնէից ստերիւրեալք են յուղղութենէ 'ի մաւինս յայսմիկ . քանզի զհետ են ամենայն փութոյ պնդութեամբ հաւատալ սերտիւ և աներկմիտ խորհրդով , որչափ ինչ 'ի բարձրագունիցն առաջի արկանէ նոցա աւետարանն . իսկ ապա փոյթ և ոչ մի ինչ տանին նորա՝ բան 'ի գործ առնել , որչափ ինչ հրամայէ աւետարանն :

Եւ քանզի ճշմարտութիւնս կրկնակի դտանեմք մեք յատուածային մատենիս յայսմիկ , կէսք 'ի նոցանէ առաջի ընծային մտաց , և կէսք դարձեալ ընծային սրտի : Արչափ նախանձաւորք են նորա յառաջինսն , այնչափ և դիւրապատրաստք են ակն չածել յերկրորդսն : Ստորաստք են ամենայն կամակարութեամբ մինչև 'ի մահ մատնել զանձինս մանաւանդ՝ քան թէ յերկմիտս լի

նեւ ընդ մի ինչ 'ի խորհրդոյն հաւատոյ . սակայն և պատրաստք են 'ի պատճառս դուզնաբեայ ինչ հաճոյից կամաց զանց զտասնաբանէիւն առնել :

Հարց դու ցնոսա , եթէ հաւատան յԱրքորդութիւնն սուրբ , 'ի հաղորդութիւն սեղանոյն , 'ի մարդեղութիւն բանին . նորա անդեղեք ամենեւին՝ անդէն և անդ դաւանութի տացեն քեզ զկատարեալ հաւատոյն իւրեանց : Հարց միւտանդամ . իսկ նոյնպէս հաւատայք դուք եթէ առ փրկութե հասանել պարտ է ապաշխարել , պարտ է սիրել զթշնամիս , մեռուցանել զկիրս , պարտ է բառնալ զխաչն , հեզ ըստ օրինակին Քրիստոսի լինել և խոնարհ սրտիւ , պարտ է ողորմել աղքատաց , բարեգործել առ կարօտեալս : Լա՛ւք , դեղեկն յայնժամ , և կան անմուռնք իբրու յերկուացեալք . ա՛հ , մի դուցէ զի և ապականեալք ոմանք իցեն 'ի սպառ : Օ ի եղև քեզ այր դու . ո՛չ դու անսասանելի մնացեր 'ի հաւատս աւետարանին , և պատուիրանաց իորատուցն նորա դեղև իցին . բայց դու յետ այնորիկ դէտ կաց և զննեա՛ զխմաստան զայնոսիկ , զորս 'ի կանոնս առեալ են նորա վարուց իւրեանց , և հակառակամարտս դտցես սկզբանց աւետարանին հրահանգաց : Լա՛ւ որ այն իցեն սկզբունքն դոցա . այն եթէ քաղցր են օրէնքն Եստուծոյ , սակայն ոչ 'ի պատճառս չնորհայն՝ որ առնութեք ընկերեն նոցա , այլ 'ի պատճառս հաճոյից կրիցն՝ եթէ երբեք թոյլ լիցի 'ի զլուխ հանել զկամս իւրեանց : Լա՛ւ թէ մարթ է լինել բարի բրիստոնեայ , և միանդամայն սպաս երբեմն հարկանել զգայութեանն , որ թախանձէ և խընդրէ միշտ բերկրութիւնս նորանորս : Եւ ան որոյ և ան չքութիւն անձին և նկուն մտաց գործ համարին դոքա զներեւն և զբարեգործեւն առ թշնամիս . և իբրև բան դադուշեալս ոմանս և մտախաբս համարին զայնոսիկ՝ որք ճշմարիտ նախանձախնդիրքն իցեն փառացն Եստուծոյ : Օ առաքինութիւն խոնարհութեան սրտի զաւետարանականն՝ առանց որոյ չիք փրկութիւն , նորա անաւագութիւն սրտի և գձձութիւն կոչեն և խօթամոռութիւն : Օ պահս և զծումնաջանութիւն յուսմելտոս դասեն՝ իբրև աւելապաշտութիւնս : Եւ պարէն և ես ինքն քաջ 'ի վերայ հասեալ զխտեմ զի 'ի մեռելութիւնս յայտոսիկ պահոց , և որ ինչ այնպիսի , չէ հաւ-

տատեալ ուղեղն և բունն կրօնից մերոց . սակայն և որ դատասարտ զհրահանգսդ զայդոսիկ աւնիցէ զկաթուղիկէ եկեղեցւոյն , ոչ զուղեղն ունի այնպիսին զկրօնից և ոչ զկեղեղն : Վարձեալ յաւելուն 'ի բանս իւրեանց և ասեն , եթէ քանզի մարդիկ եմք մեք , եթէ առաւել սուրբս զմեզ կամէր Մատուած , սարտէր ինչ ինչ իմաստս ազատութեան խղճի շնորհել մեզ , և նուազ աւնել զդժուարին պատուիրանսն . քանզի աստուածային պատուիրանքն 'ի վեր են քան զտկար և զգիւրազայթ բնութիւնս մեր , և լուծք են այնորիկ ծանրացուցիչք :

Արդ այս ամենայն իմաստք զինչ իցեն , աղէ ասա . ոչ ապաքէն ցուցակութիւնք քաջայայտք , եթէ մարտեղեալ կռուին նոքա ընդ սկզբունս վարուց՝ զոր ուսուցանէ աւետարանն : Այլ ես հարցանեմ . ասացէք ինձ վայր մի , եթէ նոյն Մատուած իցէ՝ որ զխորհուրդսն հաւատոյ յայտնեաց մեզ , և նոյն որ զսկզբունս վարուց : Այն Մատուած իցէ , որ ուսոյց հաւատալ Արրորդութիւնն , և նոյն դարձեալ որ ուսոյց հաւատալ եթէ առ փրկութիւն պէտք են ապաշխարութեան : Այն Մատուած որ յայտնեաց զանձառելի խորհուրդ սեղանոյն , և նոյն դարձեալ որ յայտնեաց եթէ պարտ է սիրել զԹշնամին : Իսկ արդ եթէ զխորհուրդսն և եթէ զհրահանգս վարուց՝ նոյն ճմարտութիւնն քարոզէ , նոյն յայտնութիւնն ուսուցանէ , նոյն պատգամախօսքն հաստատեն , և ընդէր ասա այնչափ նախանձու և այնչափ ջերմեռանդն հաւատալ 'ի խորհուրդսն , և ասա այնչափ ջանիւ պայքարել ընդ իմաստից աւետարանին : Վիտիցէք , ընդէր . քանզի հաւատալն 'ի խորհուրդս չառնէ ինչ անհանգիստ զմեր կիրան և աշխատութիւն մեզ չհասուցանէ . իսկ հաւատալ սկզբանցն վարուց՝ ճիշտէ զմեր կողմն , ճիշտէ զկիրան , մարտ դնէ և սանձ արկանէ նոցա : Մհաւասիկ արմատ ապստամբութեանն մարդոյ . սիրտ աւերեալ և ապականեալ՝ որ սիրէ կեալ յանկարգութեան իւրում : Համառօտ ասել . կամին դոքա հաւատալ աւետարանին , և ոչ կամին հնազանդել աւետարանին :

Այս սակայն առանց հնազանդութեանս այսորիկ զինչ օգտեսցեն հաւատք միայն 'ի յաւիտեանական փրկու-

Թիւն . “ Օ ինչ օգուտ իցէ , եղբարք իմ , հարցարանէ առաքեալն սուրբ Յակոբոս , եթէ ասիցէք հաւատս ունել զաւետարանին , և դործս ոչ ունել ըստ աւետարանին . միթէ հաւատք միայն կարիցէն փրկել , զի հաւատք առանց դործոց մեռեալ են . քանզի և զեք հաւատան և սարսին . , այլ զինչ շահ յայնպիսի հաւատոցն , զի զդործս բարիս ոչ ունին , քանզի ՚ի դործոց բարեաց՝ միացեալ ընդ հաւատոցն՝ արդարանայ ամբարիշտն : Դարձեալ և ատուածայինն Պաղոս անդադար էր ՚ի զրեւ առ քրիստոնեայս , “ Սի մոռանալ զդործս հաւատոցն իւրեանց , զի մի թերեւ ՚ի զուր ինչ հաւատասջիք , , ասէ : Եւս ուրեմն մասն է հաւատոյ , եթէ և հնազանդել պարտ է աւետարանին , և թէ առանց հնազանդութեանս ոչ ինչ օգտեսցեն լոկ հաւատք : Ինծայիցեմք մեք հաւատս այսոցիկ : Եւս և կարի իսկ քաջ : Իսկ հնազանդիցիմք ևս աւետարանին : Հայս ածցուք և զայն ՚ի քնին :

Հրամայէ մեզ աւետարանն զհոգին ունել Վրիստոսի . և թէ՛ որ զայն չունի , Վրիստոսի նա ոչ է , չէ քրիստոնեայ , չունի հաւատս սրով փրկութեան ժաման լինել կայր նմա առաջի :

“ Ար զհոգին Վրիստոսի ոչ ունի , ասէ , սա չէ նորա , , : Եւ արդ ունիցիմք մեք զհոգին Վրիստոսի . օն առեալ և զայն արկանիցեմք ՚ի հարց և ՚ի փորձ : Հոգի Վրիստոսի է հոգի խոնարհութեան , հոգի հեղութեան , հոգի սիրոյ , հոգի անոխակալութեան : Եւս հոգի վարժէ և ուսուցանէ զմեզ ներել թշնամոցն , բառնալ զխաչն , ընդդէմ մարտ դնել կրից : Իսկ հոգին՝ որ թագաւորէ ՚ի սրտի մերում , ունիցի արդեօք զկերպարանս նմանութեան հոգւոյն Վրիստոսի : Օ ինչ հոգին այն իցէ հպարտութեան , որով արհամարհեմք զփոքունսն . որով զփառաց և զգովութեանց թեկն ածեմք : Օ ինչ հոգին այն վրէժխնդրութեան , որ թոյլ չտայ մեզ ներել անիրաւութեանց ՚ի սէրն Եստուծոյ՝ որ այնչափ մարդասիրէն առ մեզ : Օ ինչ հոգին այն իրակալութեան և ատելութեան առ եղբարս , որով եթէ չար չհասուցանեմք մարմնոյ նորա , մեծ ևս չար հասուցանեմք սրտին նորա՝ բամբասելով և անուանարկ առնելով զնա : Օ ինչ հոգին այն փափկութեան , ու

րով ցանց 'ի խնդիր եմք սիրտութեանց՝ որ առաւել
բերկրարարքն իցեն , թէպէտ և արգելեալք : Օ այս
ուսուցանիցէ հոգին Վրիստոսի . այս իցէ քրիստո-
նէութիւնն : Իսկ ատելութիւն աշխարհի , սէր խաչի ,
բռնութիւն ընդդէմ կրից , զի՛նչ իցեն առ մեզ . ա-
նուանք ոմանք սինք և օտարախորթք , և բանք և ձայնք
դժոխալուրք : Ոչ ահա հոգի աշխարհի է որ տիրա-
ցեալ է սրտից մերոց . և ոչ հոգւովս այսուիկ՝ որ յիսե-
րիմ թշնամի է Վրիստոսի , համարիմք մեք յանձինս՝
եթէ հնազանդք եմք աւետարանին , եթէ աշակերտք
եմք Վրիստոսի , եթէ ունիմք մեք հաւատս ճշմարիտ
'ի փրկութիւն : Բա՛բէ , քանի՞օն իցեն խաբանքն , և
քանի՞ հեռի կամք 'ի ճշմարտութենէ . “ Որ զհոգին
Վրիստոսի չունի , ասէ , սա չէ նորա , , :

Բնաւ իսկ ամենեւին խելամտել ոչ կարեմ , սիրելիք ,
և զանբաւականութիւն անձինս խոստովան լինիմ 'ի
գիտել : Օ խա՛րդ որ մարթասցի ասել հաւատալ , և
ապա չհնազանդել աւետարանին : Ոչ նրբաբանեմ
ինչ առ ձեզ , ոչ առեղծուածս ինչ առաջի արկանեմ ձեզ .
պատասխանի մի լոկ պարզապէս խնդրեմ առ 'ի ձէնջ ,
յորում հռետորականն չունի արհեստ զտեղի . և է իսկ
նոյն այն պատասխանի , զոր տէրն ինքնին Վրիստոս խըն-
դրեաց 'ի չրէիցն 'ի քարոզել իւրում : Եւսացէք ինձ աղա-
չեմ . կամ ճշմարիտ ասէ աւետարանն , կամ սուտ : Եթէ
սուտ . ընդէր է ձեզ կնքել զձակատ յանուն Վրիս-
տոսի՝ որ զաւետարանն քարոզեաց . ընդէր է ձեզ
զալ ժողովել յեկեղեցիս , և լսել զաւետարանն . ընդ-
էր և յընթեռնուլ դորա՝ դուք պատկառ կացեալ յո-
տին կանգնիք , իբրու կազմք և պատրաստք ախոյեան
կալ նմա . ընդէր է և երդնուն ձեր 'ի վերայ աւետա-
րանին : Եւ ապա ցուցէք դուք ինձ , եթէ սուտ ասէ .
ցուցէք ինձ՝ եթէ պատուիրանք նորա չեն ձայնակիցք և
զուգահեռք ընդ լուսոյ բանին . չեն պատճառք բարեաց
ընկերութեան մարդկան . չեն և բնաւ իսկ շահաբերք
և փրկուէտք մարդոյ : Եւսա ուրեմն ճշմարիտ ասէ :
Եւրդ եթէ ճշմարիտ ասէ , ընդէր իցէ ապա ոչ հաւա-
տալ ճշմարտին . “ Եթէ զճշմարտութիւն ասեմ ձեզ ,
հարցանէր ինքնին տէրն ցհրեայս , եթէ զճշմարտու-
թիւն ասեմ , ընդէր ոչ հաւատայք ինձ , , : Սակայն մեք ,

ասէք դուք, խոստովանիմք և հաւատամք : Ա՛յն, ընդ խաղոյ են բանքդ : Վուք զեղեցիկս ասէք, [Թէ հաւատայք, այլ ես ձերոց բանիցդ, ներեցէք ինձ զայս մի նուագ, չեմ պարտապան ընծայել հաւատս . չտեսանեմ ես զսիրան ձեր : Բայց գործք միայն բարիք և հնազանդութիւն աւետարանին՝ մար[թին ինձ վկայութիւն տալ զհաւատոցն ձերոց :

Ըրդ ո՛ւր իցեն գործքդ, ո՛ւր իցէ հնազանդութիւնդ : Եւ զիմորդ ապա կամիցիս դու հաւատարմացուցանել ինձ ե[թէ հաւատաս աւետարանին . Յոյց ինձ զհաւատս քո առանց գործոց . Ճգնէ՛ զքո կողմն, տալնապէ՛ զքեզ առաքեալն : Վաւ, դու երբէք չկարացես ցուցանել, յորժամ գործք մերձ ոչ իցեն :

Այր մի մատերուք, սիրելիք, ՚ի խորութիւն սրտից ձերոց, և բարձր եղիցի Մտուած : Օ խաբդ երբէք հնար իցէ հաւատալ ճմարտիւ, և ապա առնել և ոչ ինչ՝ յորոց հաւատայն, և կեանս վարել այնպէս պարագորդ և բնաւ իսկ ամուլ ՚ի գործոց բարեաց : Հաւատալ՝ ե[թէ անձուկ է դուռն և նեղ ճանապարհն արքայութեան, և ընդարձակ է դուռն և լայն ճանապարհ կորստեան . և ապա ըն[թանալ գնալ ընդ վերջինն, խոյս տուեալ և հեռացեալ յառաջնոցն : Հաւատալ ե[թէ առ ՚ի զբռամբ զերկինս ածել, գօտեպնդութեան հողոցն պէտք են, մարտ զնել կռուել և յաղ[թական ելանել, լուեալ ե[թէ “Մքայութիւն երկնից բռնաբարի, և բռունք յախշտակեն զնա .” և հաւատալ զայս ամենայն, և ապա կալ մնալ ձեռն զձեռամբ՝ իբրու տպասեալ, ե[թէ ինքնին Մտուած առեալ ամբարձցէ զքեզ ՚ի վեր ՚ի բարձունս, որպէս երբեմն հրեշտակն զմարգարէն : Հաւատալ ե[թէ չէ բաւական կոչել զանուն տեառն և ասել տէր տէր և մտանել յարքայութիւն երկնից . հաւատալ ե[թէ պարտ է և նմանող լինել նմա . և ապա կալ անջան և անգործ զամենայն աւուրս, և ոչ խորհել ինչ, ոչ գործել, ոչ զհոգւոյն, ոչ զՄտուածոյ, ոչ զանանց հանդերձելոցն, և ոչ քայլ մի շարժել զօտին առ ՚ի կոխել զհետս խաչելոյն : Օ ինչ իցէ անուր պատահումն, որ միաբանութիւն կայցէ յայտոսիկ :

Բարէ, և ո՛ւր իցեն երջանկաւետ աւուրք ժամանա-

կայն և ամբն բարօրութեան եկեղեցւոյ, յորս կենդանի և գործօն հաւատք՝ այնչափ նախանձաւորս և նմանողս Քրիստոսի՝ ի վեր ընծայեցին, որչափ և ըսողս աւետարանին. յամենայն իսկ հասակէ, յամենայն վիճակէ, յամենայն սեռէ, ի քաղաքայնոց, յաջնուականաց, յարուեստագիտաց, յատենակալաց և ի կանանց, ի տիկնայց, և յաբբայից ի կայսերաց և ի դշխոյից։ Յուշ ինձ դան եղբարք իմ, յուշ դան երջանիկ այն դարբն, և աւագս ինձ ձայնից յորդէն անդադար։

Եւ զիմորդ արդեօք. ոչ նոյն աւետարան իցէ և մերն, ոչ նոյն և հաւատ որ նոցայն, ոչ նոյն բարոյական, որով և վարժեցան նորա։ Եւ զի է, զի այն աւետարան որ հրաշս ներգործեաց ի նոսա զդէրակատար հնազանդութեան, ջմարթիցի այժմ՝ գործել ի մեզ ինչ մի ի բարեաց մատին։ Վիտէք իսկ զուք և լուեալ է ձեր, զի առ սէր աւետարանիս այսօրիկ ոչ սոսկականք միայն, այլ և թագաւորք ինքնին գլխովին ի բաց առ ժամն զպսակսն եղեալ և զծիրանիսն, խոնարհեալ առ առքատս և առ հիւանդս՝ սպաս հարկանէին. պահօ կամուորս ստէպ յանձն առնուին, և գեանախշտիք զցայգն ննջէին. նաև ընդ արքունի պատմութեանաբարձ և խարաղն զգենուին։ Եւ նոյն այս աւետարան՝ զիմորդ ոչ զօրանայ ի մեզ այս օր, ոչ հրահանգէ, ոչ հաւանեցուցանէ պարէն մի դուքնաբեայ ջամբել առքատին, հրաման մի յանձն առնուլ զպահոց, վայրիկ մի կարճել զլեզու ի բամբասանաց, ի թշնամանաց, ի զրպարտութեանց, ի ստութեանց, սանձ մի արկանել անժուժկալ կրիցն, վայր մի խոյս տալ ի մեղանչական հրապուրանացն։ Աորոյս ինչ արդեօք աւետարանն ի շնորհացն, վատեցաւ այժմ՝ ի վաղէմի ուժոյն. կամ թէ այնչափ հինօրեայ վաղնջուց գորով ինքն, զարդիս ոչ յօժարեցին ընդ նա աւուրք մեր վերջնոցս և յետնելոցս։ Օ ինչ ասէք, զիմորդ թուեսցին ձեզ իրբդ....

Քաւ, ոչ ինչ զրդուեցան հրահանգք աւետարանին։ Եւ քանզի յառաջինսն յայնտիկ և ի սուրբան կենդանի էին հաւատք, և ըստ նմանէն կենդանի և ճշգրիտ էր հնազանդութիւն աւետարանին, իսկ այսօր ի մեզ իբրեւ զի անկենդան մեռեալ են հաւատք։ Օ ինչ

առ այս ունիցիք պատասխանի առնել : Ո՛հ, սուրբ է ,
ասէք , աւետարանն և խրատը նորա և վարդապետութիւնը
ամենատուրբ . այլ կենդանի են կիրք . տկար է բնութիւնն ,
դժուարինք են պատուիրանքն . վասն այնորիկ
և դժուարին իմն թուի մեզ հնազանդել աւետարանին :
Եղա ուրեմն հնազանդութիւնն զոր հրամայէ աւե-
տարանն , և կարգեալ պատուիրանք նորա իցեն դժուար-
ինք . ո՞չ զայդ ասիցէք : Այլ զի է , զի ոչ և զհնոր-
հացն ինչ երբէք առնէք յիշատակ . ո՞չ լուսյք զմեծ
ձայնն . « Ետ են քեզ շնորհք իմ , զի զօրութիւն
իմ 'ի տկարութեան կատարի » : Այս շնորհ է հաւա-
տոցն . այս շնորհ ամենայն ուրեք յաղթանակ կանգ-
նեաց , այս շնորհ և մեզ ինքնին առնթեր կայ եղբարք ,
այս շնորհք զիշխան աշխարհիս ընդոտնեաց , այս շնորհք
զմարմինն՝ անմարմին գործեաց :

Երբեմն , զի այս աւետարան դժուարինս յոյժ
առաւել հրամայէր . ո՞յց արդեօք . փափկասուն օրիորդ-
դաց , նորածագիկ պատանեաց , զիրդ տիկնայց : Իսկ
զինչ արդեօք հրամայէր . կամ դաւանել զաւետարանն
'ի մէջ դառն տանջանաց , կամ դատապարտ լինել :
Այլ սակայն նորա աւետարան 'ի ձեռս և շնորհք 'ի սրբ-
տի , քաջութեամբ և խնդութեամբ տարան ամենայն
դժնդակաց , նաև փափուկքն յօրիորդաց , նաև զրդա-
սունքն յերիտաաարդաց : Ահաք ծաղու և նախատանաց ,
կէսք զտանջանաց զփորձ առին , զկապանաց և զբան-
սից , քարկոծեցան , փորձեցան , անդամ անդամ յօշե-
ցան , սպանմամբ սրոյ մեռան , արտատահմանք և թա-
փառականք , յամայութեան շրջեցան , 'ի ծերսս ծած-
կեցան և յայրս և 'ի փապարս . և առ հասարակ վկայե-
ցան 'ի հաւատոցն :

Իսկ այսօր ինչ մի յայնպիսեաց անտի ոչ հրամայէ
մեզ աւետարանն . համայն և այնպէս դժուարին թու-
եսցի մեզ հնազանդել աւետարանին : Այլ աղէ եղ-
բարք , անաչառ քննեցէք . թուեսցի ձեզ դժուարին՝
յորժամ վասն այլոց իցեն բանքն : Ո՞վ որ 'ի մէնջ պա-
տրաստապոյն ոչ իցէ 'ի դատել և 'ի յանդիմանել զայլոյ
զյանջանս . ո՞ր 'ի ձէնջ 'ի հարց և 'ի մարց երբէք
դժուարին ասացէ զհնազանդութիւն օրդոց իւրոց .
և ո՞ր արդեօք 'ի ձէնջ 'ի տանուտեարց և 'ի տանտի-

կնայց դժուարին երբէք համարեսցի զսարսու հաւատարմութեան և զժիր սպասարկութեան զծառայից իւրոց և զնաժշտաց : Ոչ մեք ինքնին զօր ամենայն յեղ յեղեմք 'ի բերանի զօսկեղէնն զայն սուած , եթէ “ Ուր բանքն են զպարտուց , ոչ ինչ անդանօր պարտի մեզ երևել զժուարին , : Ս'իայն յորժամ վասն մեր են բանքն , միայն յորժամ վասն հնազանդութեան աւետարանին են ճառքն , զժուարին են յայնժամ պատուիրանքն , անհնարին և հնազանդութիւնն :

Ս'ինչև ցերբ կայցեն իսբանքն , մինչև ցերբ սրտա կտուր միջաբեկք իցեմք : Ոչ ապաքէն , եթէ 'ի վեր քան զքնութիւնս դժուարին իցէ հնազանդութիւն աւետարանին՝ որպէս ասէք , 'ի վեր քան զքնութիւնս իցեն արդեամբք և անտես ական և անլուր ունկան և անքնին սրտի՝ նաև խոստմունք աւետեացն , զոր պատրաստեաց ըստուած հնազանդեւոյն աւետարանին : Այնպէս և ահագին և սարսափելի 'ի վեր քան զօրի նակ՝ իցեն նաև սպառնալիք տանջանայ՝ անաստեւոյն աւետարանին :

Վանգի ամենայնն գեղապատշաճ՝ համեմատեալ է եղբարք 'ի մատենին յայնմիկ . սրատուիրանք դժուարինք , ճանապարհ նեղ և անձուկ . սակայն և շնորհք աւրնութեր միշտ զօրալիւցն , և աւետիք բարեաց անձառելիք և յաւերժականք , և չարիքն անլախձան : Ասակայն 'ի լուր անձառ խոստմանց որոց յուսով ակնունիմք , և 'ի ճառ ահագին սպառնալեացն՝ յորոց զարհուրիմք , զոր հնազանդութիւն երբէք երևեցուցանեմք մեք աւետարանին : Հապա և զայն մատուցուք 'ի քնին :

ՄԵՄԵ Բ .

Այլ զինչ ասեմ , հնազանդութիւն : Օր անհնազանդութիւն ոչ երևեցուցանեմք մեք . յորժամ և հրապարակազոյժ և սանձակոտորն անհնազանդութիւն՝ թուի թէ այսօր կնիք զըռմաւոր իցէ բազմաց 'ի բրիտանից . . . Ս'վտէր , բանի զարհուրանք իցեն ընդդիմա

ճարտութեանս . զինչ հրէշք իցեն . զինչ այս ահա
զին խառնումն մեղաց և կրօնից , ամբարշտութեան
և օրինապահութեան , չնչաւոր խնատութեանն և ու
գւոյ աւետարանին :

Պատուեա և սիրեա զՄատուած քո , այս է աւետա-
րանն : Ինչ վայր առնուլ զամենասուրբ անունն , ունչ
առնել խորհրդոցն սրբութեան , ձաղաժանակ զպաշտ-
նեայսն առնել սրբութեան , այս է սովորութիւնն :
Սիրեա զեղբայր քո , այս է յայտնապէս աւետարանն .
այս է կնիք բրիստոնէի , « Մյս է պատուէր իմ զի սիրես
ջիք զմիմեանս » : Իսկ դատել և բամբասել զեղբայրն և
ոխակալել , այս է սովորութիւնն : Սի կալցիս առ քեզ
զգոյս օտարին , այս է աւետարան : Պարտս ՚ի վերայ
բարգել պարտուց , և ապա զլանալ զպարտան , նա և
հնարս նիւթել ՚ի պատրել զանգէտս . այս հնարիմա-
ցութիւնք են և պարծանք մերոցս : Օգոյշ կալ և յա-
րատ հայեցումածոյ . այս է յայտնապէս աւետարանն :
Տեղի տալ հրապուրիցն , թուլացուցանել զսանձ ան-
ժութեալ կրիցն , անհոգանալ յառիթոն . այս է ար-
դեան սովորոյթ : Եւ ապա զայս օրինակ վարելով քո
կեանս , զիմորդ մարթիցիս ասել եթէ հաւատացեալ
եմ , և պատրել զանձն քո՝ եթէ բրիստոնէայ եմ :
« Սի լիցի . չես բրիստոնէայ , բողոք հարկանէր երա-
նելին » : Նուստինոս , չես բրիստոնէայ , որ այդպէս ան-
կարգ քաղաքավարիս » :

Սւր մեր օրէնք հաւատոցն , սիրելիք , զոր ասեմք
դաւանել . ուր պատուիրանք և հրահանգք աստուած-
պաշտութեան յոր վարժեցաք ՚ի մանկութենէ : Ին-
թեանուլ զաւետարանն , և կեանս վարել զսանձարձակ
հեթանոսի . լսել զառաքեալն զօրհանապազ , և առա-
քինութեանց ինչ երբէք հոգ չածել . ասել հետեւիլ
Վրիստոսի , և զձանապարհ նորա անդունել . օրինօք
սրբոցն՝ կեանս վարել զամբարշտի . և ապա ստրծել
ևս ՚ի կրօնս սրբութեան , և ասել չեմ ես յանկրօնիցն ,
այլ զսրբազանն դաւանիմ զկրօնս բրիստոնէից : Ո՞ր այն
կրօնք իցեն քո , աղէ ասա : Երօնք անմասն ՚ի բարոյա-
կանէն . և զինչ այն իցէ , բայց կրօնք բնաւ իսկ ամե-
նեին ընդունայն , և առ յաւիտեանականն փրկութիւն
անպիտան :

Եւ ապա յետ այսր ամենայնի ոչ երկնէլ ինչ պարտ իցէ, սիրելիք, յարդարադատ կշռողէն : Այն ահա անշուշտ իցեն սպառնալիքն . « Եւ երբ բարձէք ՚ի յոյլ և յանհաւատ ծառայէդ զքանքարն ,, . և մեկնեցէք որոշեցէք զխաշնն զախտակրեալն, զմահահոտն ՚ի սուրբ փարախէն . և առէք բարձէք զաւետարանն ՚ի մարդոյ, որ ոչն հնազանդեցաւ աւետարանին՝ որում աշակերտեցաւ :

Վիտէք իսկ զուք, սիրելիք, զի աւետարանական կրօնիցն բարբառ ընդ ամենայն երկիր ել, և մինչև ՚ի ծագս աշխարհի սփռեցաւ : Եւ ընդէր արդեօք : Ի պատճառս անարատ մաքրութեան և անսկանդ զօրութեան բարոյականին նորա : Իսկ սրահպանութիւն անվրթար բարոյականիս այսորիկ՝ նշան յաղթութեան կանգնեաց աւետարանին, և ընդ իւրեւ առեալ զրաւեաց ողջոյն զիմաստունն զԱլլադա, զմեծապանծ դահն շոռումոց, զարքայից հզօրաց արեւելեայց, նա և զտէրութիւն զողջոյն իսկ տիեզերաց :

Բայց աղէ, հաւատացէք ինձ եղբարք, զի ոչ ընդ ժամանակս յոռվս յերկարաձգեցի միանգամայն և հաւատալն բարւոք և կեալն չարեօք : Վանդի այր սանձարձակ ՚ի վարս՝ կամ յանհաւատութիւն և յանկրօնութիւն զահալիժէ, կամ ՚ի նորակրօնութիւն խարդաւանի : Վանդի միանգամ թողացուցեալ զերասանակն կրից, դիւրեաւ այնուհետեւ յանդգնի այնպիսին նսեւ զամենայն սամեւտէս միանգամայն խզել զկրօնին, և յաւակնեալ ճակատ ևս ամբառնայ ընդդէմ՝ հաստչին, իբրեւ յանկութիւն կամելով արկանել զոր էնն . այդ է աւագիկ զոր անաստուածութիւն անուանեալ կոչեմք : Իսկ եթէ ոչ յայդ լրբութիւն ժամանիցէ, գէթ ջանահնար լինի զուգել ՚ի միասին զբարեպաշտութիւն ընդ սանձարձակ կեանսն, զաւետարանն ընդ կրից, զՎրիստոս ընդ Վելիխարայ . այն ինքն է՝ նորակրօնութիւն նորա . որոյ բազումք են պրտողք դառնարմատք և առաւել վնասաբերք քաղաքաթողով ընկերութե մարդկան : Եւ ՚ի հաւատարմութեան իմոց քանիս ոմանս մարթ էր ինձ առակել ձեզ այսօր, որոց կամելով լինել սանձակոտորք և անառակք ՚ի վարս, կամ կեցին անհաւատք, կամ մեռան սնապաշտք : Եւ զինչ այլ իցէ այս, սիրելիք, բայց ահագին իրաւունք

արդարադատն Մատուցոյ, որ առնու բառնայ՝ որպէս ասացի՝ զաւետարանն ի մարդոյ, որ ոչն հնազանդեցաւ աւետարանին, որում նուիրեցաւ անդատին յան տիական հասակէն :

Բայց շնորհեսցուք ձեզ, եթէ որ առ այս արդարադատն գտաւ Մատուած, ի մեզ խնայեսցէ մարդասիրութեամբն զաւուրս կենաց մերոց : Իսկ զայն զի արացուք, յորժամ այս աւետարան, եկեսցէ օր, յորում դարձցի եղիցի նա մատեան մեծ ամբաստանութեան մերոյ, և ինքնին դատախազ և դատակնքող յաւիտենական կորստեան մերոյ . “ Բանն զոր խօսեցայ, նա դատի զնա յաւուրն յետնում . և “ Որ ոչն հաւատայ արդէն իսկ դատապարտեալ է . ” իսկ որ հաւատայն և չգործէ ըստ հաւատոցն, յաստուածային մատենիս յայսմիկ գտցէ և նա զվճիռ դատաստանին իւրոյ : Բանզի մեծապէս է անբանութիւնն, հաւատալ եթէ սուրբ են կրօնք, սուրբ են օրէնքն, և աստուածատուր լուսոյ ևս բանին վայելուչք . և ապա ոչ ինչ հնազանդօրէն ընծայել զանձն առաքինի կարգացն՝ զոր ուսուցանէ : Գուղնաբեայ է պատուհասն որ անգիտութեամբ ոչ պատրաստեսցի ըստ կամաց տեառն իւրոյ . “ Իսկ որ գիտիցէ և ոչ արասցէ, արբցէ քան բազում . ” Եւր է գիտութիւնն, եղբարք իմ, երկնցիմ եթէ մեր եղիցի և քանն բազում :

ՔԱՐՈՂ Ժ.

ՃՇՄԱՐՏՈՒԹԻՒՆ ԿԲԾՆԻ

“ Ամեն ասեմ ձեզ , զի և ոչ յխրայելի այսչափ հաւատու գտի . ” :

Եւ ուստ ուստեք ապա այս անհաւատութիւն , զոր Խորայելի յերեսս հարկանէ տէրն այսօր : Եւ որ պատ-
ճառք էին նոցա յերկբայս տակաւին լինելոյ վասն
սրբութեան վարդապետութեան նորա և վասն աս-
տուածային առաքելութեան նորա : Հրաշս խնդրէին ,
և հրաշագործեաց ակներև նոցա , այնչափ ճշգրիտ , որ
չափ ոչ որ նմանօրինակ յառաջ քան զնա : Ամէին զի
վկայութեամբ հաստատեցի առաքելութիւն նորա .
զնոյն վկայութիւն ընձեռեցին նմա Սովսէս և մարգա-
րէքն : Իսկ և կարապետն Յովհաննէս բարձրագոյնս
քարոզեաց , “ Բնաւասիկ Վերստոս գառն Բստուծոյ ,
որ բառնայ զմեզս աշխարհի ” : Բնաւասիկ և ՚ի հե-
թանոսաց այսօր ոմն փառս ընծայէ ամենակալ աջոյն
նորա . “ Բնա բանիւ , և բժշկեսցի մանուկն իմ ” : Բ-
նաւասիկ և Հայր ՚ի վերուստ սիրելի որդի իւր դաւա-
նէ զնա : Եւ ՚ի վերջէ ուրեմն և դեք ինքնին զարհու-
րեալք ՚ի սրբութենէն ելանէին ՚ի մարմնոց , խոստովա-
նելով զնա սուրբ և որդի Բստուծոյ կենդանւոյ : Եւ
զիմարդ ապա անհաւատութիւնն Խորայելի ուժէր այնու-
հետեւ ընդդէմ կբրել այնչափ հաւաստեաց և այնչափ
հրաշիցն :

Հարցումն մի այսպիսի անհաւասիկ , եղբարք , առաւե-
լագոյն ևս հիացմամբ մարթ էր հարցանել նաև յա-

ուր յայսմիկ առ թերահաւատ մարդիկն : Որք յետ 'ի գլուխ ելանելոյ ամենայն նախագուշակութեանցն , յետ կատարելոյ խորհրդոցն Վրիստոսի Մտուծոյ , յետ յընդհանուրս հռչակելոյ անուան նորա , յետ յերեւան գալոյ պարգեւացն նորա , յետ կոչմանն հեթանոսաց և կռոցն կործանելոյ , յետ 'ի Վրիստոս դարձին կայսերաց և արքայից , տակաւին երկմտեալ թերահաւատից , յաւակնեալք ճգնին տապալել՝ որչափ ինչ վաստակ և քիրտն առաքելաշնորհ մարդկանն , և արիւն բազմահոյլ մարտիրոսացն , որչափ ինչ հրաշից ներգործութիւնք ծառայիցն Վրիստոսի , և արձանագրութիւնք բանից հանձարեղ և համբաւատենչ վարդապետաց , և խստամբերութիւնք այնչափ անապատաւորացն , և կրօն հաւատոյս դարուց ինունց և տասանց , այնչափ յընդհանուրս և այնչափ աստուածայնագոյնս հաստատեցին պնդեցին 'ի միտս և 'ի սիրտս այնչափ ժողովրդոց :

Վանդի և անշուշտ սիրելիք , և այսօր 'ի մէջ մեծապանծ յաղթանակաց հաւատոյս տակաւին գլուխ ամբառնան 'ի մեզ գաղտաբար որդիք թերահաւատք սրտիւ . Լքեալք Մտուծոյ յունայնութեան մտաց իւրեանց , “ Որք զոր ինչ ոչն իմանան , հայհոյեն . ամբարիշտք , որպէս ասաց առաքեալն , որք զՄտուծոյ մերոյ զշնորհսն դարձուցին յանկարգութիւնս , աներկիւղ զանձինս ճարակեն և բերանք նոցա զամբարտաւանս բարբառին ” :

Եւ արդ եթէ 'ի մէջ բազմահոյլ հաւատացելոցդ , զորս յայս վայր ժողովեաց կրօնս ճմարտութեան , եթէ որք անձն այնպիսի թերահաւատ գտանիցի , թոյլ տուք ինձ դուք հաւատացեալ եղբարք իմ , որք զաւանդ վարդապետութեան զնախնեացն ձերոց և զհարց սրահէք անսասանելի հաւատով , թոյլ տուք ինձ՝ ես այսօր ձեռն 'ի գործ կամ 'ի խաբանացն զերծուցից զնոսա , կամ թէ նշաւակեալ պարտեցից , ջատագով մտեալ քրիստոսական կրօնին ընդդէմ թերահաւատութեանն : Եւ իցէ այս մեծապէս մխիթարութիւն ճշմարիտ հաւատացելոցդ գիտել քաջիկ , քանի բանաւոր և արդար իցէ ձերդ հնազանդութիւն առ հաւատս . գիտել քաջիկ՝ զիմրդ նոյն ինքն հաւատք՝ որ ժայռ իմն թուի խոչընդոտն լուսոյ բանին՝ նոյն ինքն մանաւանդ

միակ քաջալերութիւն է նորա, միակ առաջնորդ, միակ աղբիւր և ծագումն :

Ազգիկ ձեզ ողջոյն առաջարկութիւն քարոզիս : Հրաժարէ թերահաւատն հնազանդել որպէս արժանն է՝ ճմարտութեանցն յայտնելոց, կամ վայրապար իմն փաստաբանութեամբ, կամ պատիր խորհրդով ամբարտաւանութեան, կամ դժպատեհ իմն սիրով անկախութեան : Արդ կամիմ ցուցանել այսօր, Առաջին՝ եթէ անհնազանդութիւնն այն՝ վայրապար փաստաբանութեամբն, է նոյն ինքն անհանձար կիրառութիւն լուսոյ բանին : Երկրորդ անգամ՝ եթէ հնազանդութիւնն՝ յորմէ թերահաւատն հրաժարէ ամբարտաւանութեմ, է նոյն ինքն հանդէս մարդոյ յոյժ փառաւոր : Երրորդ անգամ՝ եթէ հնազանդութիւնն զոր ժխտէ նա դրժպատեհ սիրովն անկախութեան, է նոյն ինքն նուէրն անհրաժեշտ հարկի : Առ ահաւասիկ ձեզ երբակի կընիք դրոշմաւորք կրօնին . Քանաւոր է կրօնն, Փառաւոր է կրօնն, Հարկաւոր է կրօնն :

Այլ դու Աստուած իմ և փրկիչ իմ, զօրագլուխդ և կատարիչ հաւատոյս մերոյ . դու ինքնին հովանի կացցես քոյին վարդապետութեանդ : Այլ թոյլ տացես, եթէ խաչ քո որ զտիեզերս ենթադրեաց, յիմարութիւն լիցի և գայթակղութիւն ոգւոց ամբարտաւանից : Աշան յաղթութեան կանգնեա և այսօր ծածուկ սքանչելեօք քոց շնորհաց ՚ի վերայ ոգւոցն թերահաւատութեան . հար ցրուեա՝ ազդողազոյն ևս քան զամենայն փաստաբանութիւն մարդկային՝ միանգամայն զամենայն բարձրութիւն հպարտացեալ և այսօր ՚ի վերայ գիտութեան խորհրդոց քոց :

ՄԱՍՆ Ա .

Առ արդ յառաջ քան զամենայն, խոստովանիմ և ես եղբարք իմ, եթէ մեք ոչ բանիւ, այլ հաւատովք եմք քրիստոնեայք : Առ առաջին հանդէս՝ զոր խնդրեն հաւաք յաշակերտէն Քրիստոսի, է գերել զմիտս իւր, և հաւատալ յայն ինչ՝ զոր չմարթի ըմբռնել :

Համայն և այնպէս ստեմ, եթէ և ինքնին բանն ածէ առաջնորդէ մեզ յայս դերութիւն Հնազանդութեան. և թէ, որչափ առաւել թափանցիկ իցեն մեր միտք, այնչափ առաւել ցուցանեն մեզ զանհրաժեշտ զայս հարկ Հնազանդութեան հաւատոյ. ուստի և հանդէս թերահաւատութեան՝ ոչ միայն խորիմաց մտաց և նրբութեան հանձարոյ հանդէս չէ, այլ և ցոյց է մղորութեան, միանգամայն և խօթամտութեան հաւաստիք:

Ըրդ մարդկային բանն՝ թէպէտ և կրթի հրահանգի 'ի հաւատս, սակայն և միանգամայն կայ 'ի սահմանին իւրում. և զոր օրինակ օրէնքն բարի և սուրբ և արդար ըստ ինքեան՝ նպաստամատոյցք եղեն առաջնորդել մարդկան առ Վրիստոս և 'ի նմա դադարեցան իբրև յիւրեանց վախճանի, ստպէս և մարդկային բանն արդար և սուրբ ըստ ինքեան՝ որովհետև պարզ և ըստոծոյ և հաղորդութիւն աստուածեղէն բանին, չպարտի յայլ ինչ նպաստել. և յայս պէտս միայն պարզեցաւ մեզ առ 'ի հորդել մեզ ճանապահ 'ի հաւատս առ Վրիստոս: Եւ թէ երբէք անցցէ նա ըստ նուիրական սահմանն, վաղվաղակի 'ի Ժպրհութիւն հատանի և խոտորի 'ի շաւղաց բուն և տիրական սահմանադրութեան իւրոյ:

Ըրդ եղեալ զայսոսիկ, տեսցուք այժմ թէ ո՞ր յերկուցունց՝ առաւել մտացի իցէ 'ի կիրառութեան լուսոյ բանին. արդեօք մարդ որ հաւատայ, եթէ որ թերահաւատ է:

Հնազանդութիւն յինչ ինչ իրս հաւատալեաց, մարթի լինել խիթալի իբրու դիւրահաւատութիւն. կամ 'ի կողմանէ այնր որ զայն հրամայէ, եթէ թեթեւ է հրամանատուութիւնն, հաւատալ նմա՝ տկարութիւն է. կամ 'ի կողմանէ իրացն՝ զոր հրամայէ, եթէ իրքդ այդ դիմամարտք են սկզբանց արդարութեան, համեստութեան, ընկերութեան, խղճի մտացն, ընդունել զայնոսիկ իբրև ճմարիտս, տգիտութիւն է: Եւ կամ 'ի կողմանէ շարժիչ առթիցն՝ յոյց պատճառս հրամային. եթէ սնուիք են առիթքն և անբաւականք 'ի համոզել զիմաստուն միտս, հաւանել այնոցիկ՝ անխոհեմութիւն է:

Եւ արդ զործ մի հեշտին է ասարցուցանել, եթէ հրամանատուուն որ պահանջէ զհնազանդութիւն հաւատացելոյն, է բնաւից գերադոյն, արդոյն առաւել, հաստահիմն առաւել, որչափ ինչ գուցէ յաշխարհի։ Եւ եթէ ճշմարտութիւնքն զոր ի ներքս մատուցանէ մեզ, են բնաւ իսկ համաբունք ընդ սկզբանց արդարութեան, համեստութեան, ընկերութեան, խղճի մտաց։ Եւ եթէ շարժիչ առիթքն՝ ոյց աղապաւ հրամային, են առաւել տիրականք, առաւել յաղթականք, առնել ազդոյք, ի հպատակել զանհաւան զմիտս։

Եւ ես աստանօր յորժամ հրամանատուութիւն աւսեմ՝ քրիստոսական կրօնիս, չիմանամ միայն զսրբոց սիւնհոգոտացն, յորս եկեղեցի կաթողիկէ ի ձեռն հովուաց սահմանէ հաւատացելոց զանխաբ կանոնան զատուածային պաշտամանն և զվարդապետութեան։

Վանդի որովհետեւ ի քարոզիս չէ մեզ նպատակ հերետիկոսութիւնն, այլ երահաւատութիւնն. ուստի և կրօն ասելով չիմանամ միայն զճշմարիտն զայն՝ զդիմամարտեալն կրօնից հերետիկոսաց, որ մոլորութեամբք իւրեանց հերձեալ են ի միութենէ կաթողիկէ եկեղեցւոյ, այլ մանաւանդ որ անդատին ի ստեղծմանէ աշխարհի զկրօն աստուածապաշտ մարդկանն՝ որ միշտ կացին աւանդապահք աստուածածանօթութեանն և աւետեաց խոստման միջնորդի միոյ. զկրօնն զայն՝ որ միշտ հակառակ եկաց ամենայն կրօնից, որ յետ այնուրիկ ի վեր ելին յաշխարհի. և որ միշտ հակառակութիւնս կրեաց, սակայն և միշտ նոյն եկաց մնաց։ Եւ ասեմ՝ եթէ հեղինակութիւն նորա այնպիսի իմն կնիքս անջնջելիս լուստիայս զճշմարտութենէ յինքն բարձեալ բերէ, զի և անմարթ է առանց խելայեղութեան տեղի տալ ի հպատակութենէն նորա։

Եւ նախ առաջին, հնութիւն ի բան կրօնի կնիք է այնպիսի՝ որում յարգ մեծապէս ընծայէ ինքնին բանն։ Եւ անշուշտ հաւատք մի՝ պաշտեցեալ ի կրօնէ նախաստեղծ մարդոյն և վաղնջուց մարդկանն, և դաւանեալ յաննենգ պարզութենէ առաջին ժամանակացն, հաւանութիւն տայ մտաց անվանելի։

Այլ եթէ և ստութիւնն չունիցի հնութիւն, և չիցեն ևս ի մարդիկ մոլորութիւնք հինք. այլ զի որ միան

գամ կամիցի հետախուզել զպատմութիւն նոցա, հետեաւ գտցէ յայն ինչ ժամանակ պատահեալ զծագումն նոցա, և այնպէս առ նախասկիզբն հրութեամբ առաջնոյն, նորք համարեցին յետինքն: Իսկ նորութիւնն միշտ կնիք անանջատ է 'ի մոլորութենէն: Իւ առ ամենայն նորութիւնս մարթ է զկշտամբանսն յարել զմարդարէին, եթէ “Նորք և առժամայնք եկեալք, զորս ոչ գիտէին հարքն ձեր”:

Իւ արդարեւ եթէ իցեն յաշխարհի կրօնք ճմարիտ, պարտ է այնմ հնազոյն լինել քան զամենայն. քանզի եթէ կրօնք ճմարիտ են, պարտի լինել և առաջին և տիրազոյն պարտք մարդոյ առ Մատուած, որ խնդրէ պաշտօն և երկրպագութիւն առ 'ի մարդոյ:

Պարտ է ուրեմն պարտուցս այսոցիկ լինել այնչափ հին, որչափ հին է մարդ. և քանզի պարտքս այս է զուգակից ընդ բնութեան նորա, պարտի ուրեմն, զի այսպէս ասացից, և ծննդակից լինել ընդ նմա: Իւ աւասիկ առաջին կնիք, որով նախ քրիստոսական կրօնն զանազանի 'ի նորակրօն հեթանոսութենէն և յաղանդաւորաց հերձուածոցն: Օ ի այս է կրօնն հնազոյն՝ որ իցէ յաշխարհի:

Իւ առաջին մարդիկն, մինչ չև մուտ գտեալ ամբարիշտ պաշտամանն հեթանոսաց 'ի փայտից և 'ի քարանց քանդակելոց աստուածս, երկրպագութեամբ պաշտէին զնոյն ինքն զՄատուած, զոր մեքս պաշտեմք. նմա կանգնեցին սեղանս, նմա մատուցին զոհս, 'ի նորա բնութենէն ակն ունէին վարձուց հատուցման վասն առաքինութեան, և 'ի նորուն արդարութենէն՝ պատուհասին վասն անհնազանդութեան:

Պատմութիւն ծագման կրօնիս այսորիկ է նոյն ինքն պատմութիւն ծագման աշխարհիս: Իիրք աստուածաշունչ՝ որ զայն ողջիկ մեզ պահեցին, և մինչև ցաւուրս մեր փոխանցեալ աւանդեցին, ունին զվաղնջուց յիշատակարանսն զծագման իրացն: Իւ են այն զիրք հնազոյնք քան զամենայն առասպելեաց քերթուածսն մարդկային մտաց, որք հեքաբար առեալ զբաղեցուցին ապա զգիւրհաճաւատ ժամանակն զկնի եկելոց դարուցն:

Իւ քանզի մոլորութիւնն միշտ ծագումն ունի 'ի ճրչմարտութենէ իմեմնէ, և է իսկ նա թերակատար իմն և

խաթարեալ նմանողութիւն ճշմարտութեւն, վասն այսորիկ զամենայն առասպելս հեթանոսութեան զտանեմք մեք հիմնեալ յանցս ինչ և 'ի դէպս աստուածաշունչ սրատմութեանն: Ս'ինչ զի և մարթ է ասել, եթէ և նոյն ինքն մոլորութիւնն պաշտօնատար երախտապարտ է հնութեւն և ստուգութեւն աստուածաշունչ մատենիցն մերոց:

Եւ արդ ոչ արդոյ ձեզ թուեսցի այս միայն կնիք: Վրանգի և որ այլք 'ի կրօնից պարծին հնազոյն ևս լինել, ոչ այլ ինչ հաւաստիս տան մեզ զիւրեանց հնութեանն, բայց զհիւսուած պատմութեանն՝ որ անձամբ անձին մատն լինի: Վրանգի անձոռնի իմն և անոճ՝ յետ բազմահարուստ դարուց առաջի արարին զվէպս աշխարհիս կցկցելով ըստ մտի վիհ իմն ահագին խառնալինդութեալ՝ զմտացածին և զանթուելեաց դարուց և ժամանակաց: Ար և բնաւ իսկ անծանօթք պատմութեան ծագման աշխարհի, քննադարդ բանիւքն ոչ կարացին երբեք հաստատել զիւրեանցն: Վրանգի ստեղծուածք բանաստեղծութեան նոցա՝ հիմունք կային կրօնից նոցա: Եւ վասն մերոցս ունիմք մեք շարայարութիւն անցից և գործոց, բանաւոր, բնական, համակցորդ միութեամբ: Եւս է պատմութիւն ազգատոհմի միոյ՝ ցանկորդեալ անդստին յառաջին արմատոյ զարմին մինչև յայրն որ գրեաց զայն, ունելի յամենայն 'ի դէպսն: Եւս է ազգաբանութիւն՝ յորում իւրաքանչիւր նահապետ զարմին որոշեալ է առանձին սեպհական կրնքով 'ի դիպաց ինչ և յանցից, և 'ի յիշատակարանաց՝ որ կային տակաւին յայն վայրսն՝ յորս բնակեցան նոքա: Եւս է կենդանի իմն աւանդութիւն հաւաստագոյն բան որչափ ինչ յայն ժամանակս կային յաշխարհի. քանզի և Ս'ուխէս հայր պատմագրաց գրեաց զոր միանգամ լուեալ իսկ էր 'ի պատմելոյ որդւոց նահապետացն. և որդիք նահապետացն պատմէին զտեսեալն յիւրեանցն հարանց: Վործ զգործ, և անցք զանցս հաստատեն:

Յառաջ քան զՍ'ուխէս ժողովուրդն Բստուծոյ չունէր ինչ մի գրաւոր. նա եթող զկնի եկելոցն՝ զոր միանգամ ինքն ժողովեաց կենդանի ձայնիւ իւրոց նախնեաց, այս է՝ ողջոյն զաւանդութիւն զմարդկային ազգի, և արձանագրեաց 'ի մի մարմին զպատմութիւն զքանչեւեացն:

Եստուծոյ, զյայտնութեանց նորա առ մարդիկ, որոց և ճշմարտութիւնն եկաց միշտ. զի ՚ի նմա բովանդակէին և կրօնք և գիտութիւն, և մտիթարութիւն ազգատոհմին Բրահման: Իսկ անկեղծութիւն մատենագրութեանն այնորիկ քաջ իսկ երևի ՚ի սքանչելի պարզութենէ պատմութեանն:

Նշաւատիկ եղբարք, եթէ զիսրդ կրօնք քրիստոսեանք հաւատարիմ ընծային ՚ի միտս մարդկան: Երբ դուք դարձուցէք զայս վայր մի ուր և կամիք. ընթերցարուք զպատմութիւնս ժողովրդոց և զազգաց. ոչ գտնիք պատմութիւն յաշխարհի հաստահիմն քան զայս: Թողում ասել, եթէ չգտանիցէք և ոչ մի զոր արժանի իւրում խորհրդածութեան համարիցի այր որ մտաւոր: Եթէ դոյ էակ գերադոյն անսկիզբն, որ ճշմարտութիւնն յայտնեալ իցէ մարդկան անշուշտ, այս միակ է արժանաւորն Եստուծոյ, արժանաւորն մարդկան: Յայլս առ հասարակ սկիզբն առասպելահիւս է. աստանօր այնչափ հաւատարի է սկիզբն, որպէս և զկնի պատահեալքն. և տարեգիրք վերջին դարուց, ցուցակութիւնք են ստուգութեան առաջնոցն: Եւս ուրեմն եթէ դոյ յաշխարհի ստուգութիւն որում հպատակել պարտ իցէ բանին, այն է ստուգութիւն քրիստոսական կրօնիցս: Եւ յայտնի ինչ է հնութիւն նորա:

Եւս եթէ ՚ի պատկառելին յայն երիցութիւն՝ յարեսցուք մեք և զմտատե շարայարութիւն նորա, զինչ յայնժամ: Եւս միանգամ լիցին ձեզ եթէ սրչափ ինչ կրօնք և աղանդք, զմիմեանց կնի ելեալ տիրացան յաշխարհի: Բնեցէք զպատմութիւն նորակրօն պաշտամանց ազգաց և ժողովրդոց, և տեսանիցէք զի առհասարակ ձգեցան նոքա ընդ բոլորմունս ինչ ամաց կամ դարուց, և շիջան ապա ընդ շիջանել զօրութեան աղանդապետաց իւրեանց: Ուր իցեն այժմ, որպէս ասաց, ուր աստուածքն Եմաթայ, և աստուածքն Եւտարտայ, և աստուածքն Սեփարուիմայ: Եւ իցեցէք և զպատմութիւն զառաջին աշխարհակալացն. նոքա յաղթանակ կանգնեալ ՚ի վերայ ազգաց և աղանց՝ ՚ի պարտութիւն վատթարիին միանգամայն և զաստուածս նոցա. և ՚ի քակել անդ զտէրութիւն նոցա՝ ՚ի միջոյ բառնային և զպաշտամունս նոցա:

Վանիօն իցեն սիփփանքն , տեսեալ զի միայն մերոց
հարց կրօնք անդրժեւի մնացին անդատին 'ի սկզբանէ .
քակեցան այլք , ինքն եկաց միշտ յակաստանի : Եւ
Թէպէտ բազմապատիկս կրեցին աւանդապահք նորա ,
'ի վերայ այսր միշտ 'ի հարց առ որդիս անցանէր անդու-
լութեամբ , և երբէք ոչ ջնջեցաւ 'ի սրտէ մարդկան :
Ըրդեօք բազում մարմնեղէն պաշտպանեաց նմա . այլ
զիսրդ այս . յորժամ միշտ ապիկար գտաւ ժողովուրդ
հաւատացեւոց , միշտ նկուն և հարստահարեալ , միշտ
հալածեալ . « Այ Թէ հարքն մեր , ասէր աստուածային
մարդարէն , սրով իւրեանց ժառանգեցին զերկիր , և ոչ
բազուկ նոցա Թէ փրկեաց զնոսա . այլ աջ քո և բա-
զուկ քո և լոյս երեսաց քոց » : Ա'երթ 'ի գերութիւն
վարեալք , մերթ վտարանդիք փախստեայք , մերթ հար-
կատուք աղգաց : Տեսին նոքա՝ ոչ միանգամ զՎաղ-
դէացւոց տէրութիւնն , զԱսորւոյն , զՎաբեւազւոյն ,
տէրութիւնք ասէրք , ընդդիմամարտս դաշնակիցս 'ի վա-
նել զնոսա , և համայնաջինջ առնել զկրօնս պաշտաման
նոցա . այլ այն ժողովուրդ անաւագեալ , հարստահա-
րեալ Ապիպտոս , աստանդական յանապատին , և ապա
'ի գերութիւն վարեալ յերկիր յօտար , չբարձաւ 'ի
միջոյ , և պաշտօն կրօնին նորա միշտ մնաց ընդ նմա :

Ըրդ որ պատճառք իցեն , զի կրօնս մեր , այնչափ
հակառակութիւն կրեալ 'ի Թճնամեաց , այնչափ խըս-
տամբեր 'ի պահպանութիւնն , այնչափ անաչառ 'ի
պատուհաս յանցաւորաց , և զինչ ևս ասել , նաեւ այն
չափ գայթ 'ի գայթի և հեշտընկալ եթէ 'ի հաստա-
տել և եթէ 'ի կործան անկանել 'ի պատճառս յեղա-
մտութե և բրտուե և տղիտուե ժողովրդեանն , որ նախ
առաջին եկաց այնմ աւանդապահ : Ա'ր իցեն պատճառ-
քն , աղէ ասա . զի այն միայն յաւերժացաւ յաշխար-
հի 'ի մէջ այնչափ բազմալորդով սասանութեանց . իսկ
այն նորակրօն պաշտամունք՝ որոց զօրավիդն էին ինքնա-
կալութիւնք բռնաւորաց և թագք արքայից ասաւորաց՝
դարձեալ միւսանգամ անկան 'ի չբութիւն անդր իւ-
րեանց , յորմէ 'ի վեր ելեալն էին :

Բաբէ , Աստուած ինքնին է ուրեմն և ոչ մարդ որ
գործեաց զայն ամենայն , և աջ և բազուկ ամենակալին
պահեաց զգործն իւր : Եւ քանզի ամենայն արուեստք

և հնարագիտութիւնք մարդկան ոչ զօրեցին ընդդէմ նորա , գործ ուրեմն միայն աստուածային իմաստութեկաց այս կրօն , զի այնպէս անջնջելի մնաց յաշխարհի :

Եւ արդ՝ եթէ և 'ի մշտատե կարգառութիւնն սորա յաւելցուք և զանփոփոխ նորա գոյութիւնն , զինչ այլ պատրուակ մնացէ լուսոյ բանին 'ի պաշտպանութիւն անհնազանդութեանն : Եւ մենայնս փոփոխութեան ներքոյ անկեալ է յաշխարհի . բանզի և ամենայն զհետ երթայ փոփոխականութեան իւրոյ սկըբանն : Եւսպք և առիթք , տարբերութիւնք դարուց , բարեխառնութիւն զանազան կլիմայից , հարկ ժամանակաց , բիւրս իմն այլայլութիւնս առին մոծին միանգամայն յամենայն օրէնս մարդկայինս : Եւ 'իայն հաւատք անդրժեւի յայնմ ամենայնէ միշտ մնաց անայլայլելի . որպիսի ինչ երբեմն մեր նախնիք ընկալան զնա , այնպիսի ունիմք և մեք զարդիս , այնպիսի և մեր զկնի եկեալքն ընկալցին յաւուր միում :

Յայսց ապա երբակի հաստատուն կնքոց կրօնիցս , հնութեանն ասեմ և մշտատե կարգառութեանն և անայլայլակ գոյութեանն , անվէհեր զհետ բերցես , եթէ միայն հեղինակութիւն նորս ուրեմն յաշխարհի բաւական է 'ի խոնարհել յանկուցանել զայր մտաւոր :

Եւ արդ եթէ հնազանդութիւն հաւատացելոցն է բանաւոր առ 'ի մասնէ հեղինակութեանն՝ որ զայն պահանջէ , չէ ինչ նուազ և 'ի կողմանէ նոցուն իսկ իրացն , զոր ընծայէ նմա 'ի հաւատալ :

Եւ ահա աստանօր սիրելիք մխիմք մեք 'ի խորս անդրիստոսական պաշտամանս : Եւ այս պաշտօն միայն , թէպէտ և միջամուխ որ զննեսցէ ճշգրիտ զխորս նորա , ոչինչ զանգիտէ որպէս 'ի ծածուկս գաղտնեաց գարշելիս հեթանոսական պաշտամանցն , որոց քօղ խաւարին 'ի վերայ արկեալ կայ 'ի ծածկել զառականս մոլորութե նոցա : Եւրօն՝ որ յանձն առնու զհետաքննութիւն զիւրոց խորոցն , չէ անկասկածելի . “ Կասկածելի էն օրէնք , կնքեաց մեծն Տերտուղիանոս , որ ոչն կամի մատչիլ 'ի փորձ քննութեան ” : Եւ այսպէս էն պաշտամունք բրիստոնէից . որչափ առաւել 'ի խորս միւսեցիս նորա , միշտ գեղեցկութիւնս նոր և չքնաղ , միշտ սքանչելիս նորոգածինս ծածկեալս յերևան բերցես զնորա :

Հեթանոսականն պաշտօն իմաստս անիմաստ ազդէր վասն առտուածութեան . իմաստասիրութիւնն իմաստս անբանաւորս վասն անձին . ցանկութիւնն իմաստս անիրաւ առ այլս 'ի մարդկանէ : Առ արդ հայեաց ինձ և զարմացիր դու ընդ իմաստութիւն կրօնիս , որ տպեղանիս դարմանոյ մատուցանէ երրակի վիրացս այսոցիկ . զոր լոյս բանին յամենայն իսկ 'ի դարս ոչ ինչ կարաց տպաբխել , նա և ոչ ճանաչել անգամ :

Առ առաջին՝ ո՞ր այլ որ յօրէնադրաց երբէք խօսեցաւ այնպէս յաղագս աստուածութեանն , որպէս օրէնս դիրն քրիստոնէից : Այլ դու գիտ ինձ , եթէ կարես , յայլում պաշտաման իմաստս և տիպս զկարողութեանն Աստուծոյ , զիմաստութեանն , զանչափութեանն , զբարութեանն , զարդարութեանն , իմաստս բարձրագոյնս առաւել քան զմերոց գրոցն :

Այլ եթէ 'ի վերոյ քան զմեզ գոյ էակ գերադոյն և յաւիտենական , յորում կեան ամենայն գոյքս , պարտ է զի այնպիսի իցէ նա , որպիսի մեզ առաջի ընծայէն քրիստոսական կրօնք : Այլ եթէ միայն՝ որ ոչ նմանատիպ մարդոյ ընծայեցուցանեմք զնա . մեք միայն երկիրպագանեմք հանգուցելոյն 'ի բերովբէս , իբրու այն՝ որ լուզամենայն՝ զերկին և զերկիր անչափութեամբ իւրով . իբրու այն՝ որ զամենայն վարէ տեսչութեամբ՝ անսահման իմաստութեամբ իւրով . հաստիչ լուսոյ և խաւարի , պատճառք բարեաց , արդար վրէժխնդիր չարեաց : Այլ եթէ միայն՝ որ պատուեմք զնա ըստ օրինակին զոր ինքն կամի . այս է՝ ոչ համարիմք արժանի նմին պաշտօն զբազմահոյս սարանդից և զոհից , կամ 'ի հանդերձանս արտաքնայարդարս մերոյ հպատակութեանս . այլ յերկրպագութեան ճշմարտութեան , 'ի սէր անկեղծական , 'ի գովութեան փառաբանութեան , 'ի գոհութեան շնորհակալութեան : Այն 'ի սրտէ վերընծայեմք մեք զամենայն բարի՝ զոր ունիմք՝ իբրու սկզբնառիկ պատճառի նոցա . և մեզ ինքնին վերագրեմք զմոլութիւն , որ ծագումն ունի յապականութեան մերում : Այնմանէ յուսամք ընդունել ըզփոխարէնն հաւատարիմ ծառայութեանս , որ պարգև իսկ է նորայն շնորհաց . 'ի նմանէ մնամք պատուհասի յանցանացս , արգասիք չարք չարաչար կիրաւութեան :

աղատութեանս մերոյ : Եւ արդ զոր այլ իմաստս բաւական իցէ որ զմտաւ ածել առաւել քան զայդոսիկ արժանիս գերազոյ էակի :

Իսկ երկրորդ անգամ, մտախաբատուատ իմաստաւ սիրութիւն՝ կամ գծծեաց զբանաւորն և զմարդն նկուն հաւատարեաց ՚ի վիճակ անասնոց անբանից, և դրդեաց զնա խնդրել զերջանկութիւն իւր ՚ի հեշտալիս զգայութեանց, կամ թէ անմտութեամբ ետ նմա ամբարտաւանել մինչև ՚ի նմանութիւն Բոտոծոյ . և ուսոյց նմա եթէ բաւական է ինքն յիմաստութեան իւրում գտանել զիւրն երջանկութիւն :

Իայց քրիստոնէիցն բարոյական յերկուց աստի ծայրայեղ անչափութեանց տեղի տուեալ, ՚ի բաց տանի զմարդ բանաւոր ՚ի մարմնաւոր հեշտութեանցն, զբնութեանն զազնուականութիւն ցուցանելով նմա, և զսրբութիւն նախասահման վախճանի նորա : Խրատէ ընդոտնել զամբարտաւանութիւն, և յանդիման աչաց նորա առակէ զհիբութիւն և զանարգութիւն անձին :

Յանկութիւնն ապա երրորդ անգամ տայր մարդոց անիրաւել առ այլս ՚ի մարդկանէ : Իսկ որ այլ վարդապետութիւն երբէք լաւ ևս վարժեաց զմեզ ՚ի լրումն պարտուց մերոց առ այլս, իբրու զքրիստոնէից :

Սա այս վարդապետութիւն ուսուցանէ մեզ հպատակ կալ իշխանութեանց՝ որ յաշխարհի, իբրու որ յԲոտոծոյ ինքնին կարգեալ իցեն . և զայն՝ ոչ առահի իշխանութեան, այլ վասն մտացն խղճի . վարժէ շուք ընծայել աւագաց, համբերել հաւատարից, քաղցրանալ կրտերաց, սիրել զամենայն մարդ իբրև զանձն : Սա միայն գիտէ կրթութեամբ ՚ի վեր հանել քաղաքացիս բարիս, հպատակս հաւատարիմս, ծառայս համբերատարս, տեարս խոնարհս, ատենակալս անկաշառս, թագաւորս զթաճս, բարեկամս ճշմարիտս : Սա միայն անդրժեիկ սրահէ զհաւատարմութիւն ամուսնացն, ապահովէ զխաղաղութիւն գերդաստանաց, սրահպանէ զանդորրութիւն տէրութեանց : Այս միայն սանձակոծէ զդաւաճանութիւն, զյափշտակութիւն, այլ և արգելու զցանկալն ընչից օտարին . ոչ միայն ոչ կամի չարակնութեամբ հայել ՚ի յաջողութիւն ընկերին, այլ և սրտուիրէ սեպհական գոյից բաժանակից առնել զնա ՚ի

պիտոյս նորա . ոչ միայն կարձէ՛ զձեռս կենսախոյզ լինել
այլոց , այլ և պահանջէ՛ բարի առնել չարարարաց , օրհ-
նել զանիծիչս . և զի ամենեցուն մեր մի միայն սիրտ իցէ
և մի միայն հոգի :

Տուք ինձ , ասէր աստուածայինն Մարգարիտս և
Թախանձէր զՏեթանոս ժամանակին , տուք ինձ 'ի
ձեռս Թաղաւորութիւն մի պատրաստեալ կազմեալ
յայսօրինակ քաղաքացեաց : Բարէ . որ խաղաղաւէտ
անդորրութիւն , բանի երջանկութիւն , որ պատկեր
Ճշգրիտ երկնի 'ի վերայ երկրի :

Իսկ արդ մարդկայինս խմատասիրութիւն այնչափ
իմն ունելով յինքեան խմատս և խորհուրդս բարձունս ,
զիարդ ոչ մարթացաւ երբէք կարգ մի այսպիսի գերկ-
նաւոր հասարակադէտութեան երևեցուցանել յաշ-
խարհի : Եւ ոչ արդեօք , եթէ Մատուած խօսեցաւ եր-
բէք ընդ մարդկանց ցուցանել նոցա զճանապարհն փրկ-
կութեան , անշուշտ 'ի սոյն յայս լեզու միայն խօսեցաւ
ընդ նոսա :

Եւ Թէպէտ և ընդ արդար և հանճարխմատս առածս
արժանրնկալ լուսոյ բանին , յաւել մեզ կրօնս բրիստո
ստիանն նաև խորհուրդս իմն անձառս գերազանցեալս
քան զմեր միտս , այլ սակայն Թող զայն զի այր օք այր
ողջամիտ յանձին կալցի մտադիւր հարստակ կալ յամե-
նայնի կրօնից , որ այնչափ արդոյ և սրատկաւելի է վասն
հնութեանն , այնչափ աստուածային վասն բարոյակա-
նին իւրոյ , այնչափ գերազայն քան զայլ պաշտամունան
'ի պատճառս հեղինակութեան , ուստի և միայն ար-
ժանի հաւատս ընծայել նմա , Թող ստեմ՝ զայս , նորին
աւագիկ շարժիչ առիթքն՝ զոր գէն 'ի ձեռին առնու
կրօնն հաւատարմացուցանել զմեզ՝ հարուած զվերջինն
ածէ 'ի վերայ Թերահաւատութեանն :

Եւ առաջին՝ այս խորհուրդք բարձրագոյնք կրօնի նա-
խադատութիւն եղին բաղում դարուք յառաջ քան զկրօնն
նոցա , և նախաձայնեալք ամենայն հանգամանօք ժամա-
նակաց և տեղեաց և մանրակտիտ մատանց : Եւ լին
այս նախաձայնութիւն իբրու զմարդարեութիւնն զայ-
նտիկ , որ բնաւորեցան հոչակ հարկանել զաղտաբար
'ի խոժանին և հրապարակիլ յանկեան ուրեք երկրի .
այլ մարդարեութիւնք կացին սորա վաղնջուցք , որ ան-

դիտարին 'ի սկզբանէ՛ աշխարհի կրօն եկաց համադումար ազգի , զոր հարք աւանդէին որդւոց իբրու ժառանգութիւն պատուական , որոց պահարան էր ինքնին տաճարն սրբութեան իբրու սրբադնասութբ առհաստաշէից աստուածային աւետեացն . և զորոց ինքնին ազգն ոխերիմ՝ Զիտուսի Վրիտասի՝ առաջին աւանդապահն այնոցիկ՝ նաև յառուր յայտնիկ զճշմարտութիւնն վկայէ յանդիման աշխարհի :

Այ և բողածածուկ ինչ էին այսոցիկ 'ի համարոր ժողովրդենէն խորհրդաբար , իբրու գիտաբուսիկ սրատգտնն հէթանոսաց՝ զոր տքնաբար խնամով պահէին բուրմբ 'ի ծածուկ խորշս մեհէնաց , 'ի ճարակ գոռզութեան կամաց արքայից , յայտնիք միայն քրեհալետացն , և երբէք երբէք ըստ ժամուն պիտոցից սրատառ մի յայնց պատգամաց 'ի դուրս ելանէր առ 'ի գրաւահանել զսիրտ ժողովրդեան կամ 'ի ձեռնարկ ինչ վտանգաւոր կամ 'ի սրատերաղմ ինչ անիրաւ :

Իսկ առ մերովքս , մարդարեւական մատենանքն էին ընթերցուած հանապազօրեաց համադումար ազգին : Արիտասարգբ և ծերբ , կանայք և մանկունք , բահանայք և աշխարհիկբ , թաղաւորք և հպատակք պարտէին անդուլութեամբ ունել զայնտիկ 'ի ձեռին : Այլ այր իշխան էր ուսանել վարժել նորօք 'ի պարտս անձին առանձին , և զյոյս ակնկալութեան իւրոց գտանել 'ի նոսա : Այս մատենանք ոչ եթէ փաղաքուչբ գրդէին զփառասիրութիւն ընթերցանելեացն և զանձնասիրութիւն , նա մանաւանդ համարձակ բարբառէին նոցա յաղազս ապաշնորհութեան ապառուժ սրտից հարց իւրեանց . զոգցես յամենայն թերթս մատենին նախաքարոզ դուժէին զաղէտս նոցա իբրև արդար պատահաս յանցանաց նոցա : Օ թաղաւորացն կշտամբէին զփափկութիւնն , զբահանայապետաց նոցա զանիրաւութիւնն , զմեծամեծաց նոցա զգեղիտութիւնն , զժողովրդոցն ըզյեղյեղուկ միտան և զանհաւատութիւնն :

Այ 'ի վերայ այսր՝ սիրունք և փարելիք էին մատենանքս այս սրբութեան . և 'ի նոցուն իսկ պատգամացն , զորոց կուռ զհետ միմեանց տեսանէին զկատարումն , աներկ միտք էին 'ի տեսանել յաղայս և զայլոցն լլուժն . որոց և այսօր վկայք են անսուտ տիեզերք ամենայն :

Եւ արդ անշուշտ գիտութիւն ապագայիցն՝ կնիք անկասկածելի է աստուածութեան : Երկրորդ՝ զի և ոչ գործք դուքնաբեայք հաստահիմն գործեցին զխորհուրդան զայնոսիկ զբարձրագոյնսն , այլ նշանք սքանչելագործք , այնչափ իմն հանդիսացեալք և հրապարակեալք ընդ ամենայն հրէաստան , այնչափ իմն անժրխտելիք անդատին 'ի ժամանակէ դիպացն , նաև առ նոսա՝ որոց մեծապէս էր շահն 'ի ժխտելն զնոսա , այնչափ իմն մանրամասն հանդամանօք ներգործեալք , որոց բովանդակ ազգն ձեռն տայր հաւանութեան , այնչափ իմն կրկնեալք և երեքկնեալք 'ի քաղաքս , 'ի շէնս , արտաքոյ շինին , 'ի տաճարին , 'ի հասարակաց հրապարակս , մինչ զի յերկբայս ինչ լինել զնոցանէն՝ էր քաջ քաջ ուրանալ զարեգակն հանդէպ նշուլից նորա :

Եւ արեալք ինքնին քարոզեցին զնոսա , 'ի գիր ևս արձանացուցին զնոսա 'ի հրէաստանի յետ սակաւուց ժամանակաց , այս է՝ առ կենդանութեամբ նոցուն իսկ քահանայապետացն՝ որ դատապարտ արարին զտէր Քրիստոս . և մարթ իսկ էր նոցա առակել նշաւակել զբարոգիան , և բողոք ընդդէմ բառնալ պատիր խաբէութեանն , եթէ երբէք ժտեալ ինչ էր նոցա՝ հրամանատար կալ ողջոյն ազգի մարդկան :

Իսկ տէրն մեր ըստ անսուտ խոստմանն յարուցեալ ապա 'ի մեռելոց , հաստահիմն գործեաց զամենայն վարդապետութիւնն : Եւ իցէ արդեօք տեղի յերկուանաց , եթէ խաբեցան ինչ թերևս առաքեալք 'ի գործ մի այնչափ սահմանական և այնչափ տիրական վասն նոցա . 'ի գործ մի այնչափ անդամ նախաձայնեալ նոցա , որում և ակնկալեալ մնային իբրու տիրական մասին և ողջոյն հաւատոյն հիման . գործ որ այնչափ անկասկածելի հիմնեցաւ բազմահոյլ վկայիւք :

Եւ իցէ զարձեալ տեղի յերկուանաց , եթէ զմեզ թերևս խաբել կամեցան առաքեալք , զնալով յընդհանուրս քարոզել ստութիւն մի , ինքնազրաւք 'ի տոյժ անձանց , 'ի տոյժ հանգստեան իւրեանց , 'ի տոյժ ոլատոյն իւրեանց , և 'ի տոյժ կենաց իւրեանց : Վասնզի և որոց իմիք վարձուց հատուցման էր նոցա ակն ունել յայնպիսի աշխարհագոյժ խաբէութենէ : Եւ արդեօք այն որեւոր որ այնչափ վարժս , հրահանգս թողին մեզ

լի սրբութեամբ և բարեպաշտութեամբ, մարթ ինչ էր զօրինակն զայն զչար յոյժ և զանլուր տալ աշխարհի առ հասարակ: Այնպիսի որեալ ոչ խմիք ուշ եղեալ ՚ի վայելչականաց կենցաղոյս, ոչ ՚ի շահ անձին, ոչ ՚ի լոյս բանին, այնպէս ապուշք, անզգայք, անպատճառք, մատնելին արդեօք զանձինս այնչափ չարաչար և դառն տանջանաց, անձնանուէրք ՚ի մահ դժնդակ և տարեալք այնչափ դիւցազնական արիութեամբ, միայն ՚ի պատճառս հաստահիմն առնելոյ զգործ մի, զորոյ և ինքեանք իսկ զիտէին զստութիւնն: Ահա՛ն ուրեմն այն մարդիկն ՚ի վերայ միոյ մարդոյ՝ որ խաբեացն զնոսա, և ոչ յարուցեալ ՚ի մեռելոց ըստ բաղում անգամ խոստմանն՝ իբրեւ ընդ խօթամիտս խաղաց ընդ նոսա:

Այլ ևս այլ թերահաւատ որ կամ ամբարիշտ որ յանդիմանեացէ զմեզ իբրեւ դիւրահաւատ պարզամիտս՝ զի հաւատամբ խորհրդոցս այսոցիկ: Այս մանաւանդ մեք ասացուք զնա կարի դիւրահաւատ և խօթամիտ, եթէ երբէք յանկէիցին միտք նորա ՚ի դրութիւն մի այնչափ անհաւատալի:

Իսկ ապա երրորդ՝ ՚ի հաւատս խորհրդոցս այսոցիկ բարձրագունից խոնարհեցան զիջան տիեզերք ամենայն: Այսերք և արքայք ինքնակալք, թէպէտ և ՚ի տիեզերական պատուոյն իւրեանց և ՚ի կարգէն կապտէր զնոսա այս հաւատ: Իմաստասերք խորամուխք, բարձրամիտք. թէպէտ և իբրեւ տգէտս և իբրեւ սոնքացեալս նշաւակէր զնոսա այս հաւատ: Յանկասերք, մարմնապաշտք. թէպէտ և խաչս և չարչարանս քարոզէր նոցա այս հաւատ: Ազգամահարուստ մեծատունք. թէպէտ և յաղքատութիւն և յընչատեցութիւն կրթէր զնոսա այս հաւատ: Բըքատք և տառապեալք. թէպէտ և սիրել զնուաստութիւն և զկարօտութիւն պատուիրէր նոցա այս հաւատ: Այլ միանգամայն ամենայն մարդ. թէպէտ և մարտ եղեալ կռուէր ընդ ամենայն կիրս նոցա այս հաւատ:

Այս հաւատ՝ զոր երկոտասանքն քարոզեցին, աղքատք, անուք, առանց դարութեան, առանց հանձնոյ, առանց զօրաւիզն պաշտպանութեան, ընթադրեալ նկուն արար միանգամայն զբռնակալս, զգիտունս, զտղքէտս, զբաղաքս, զտէրութիւնս, զարքայութիւնս:

Եւս խորհուրդք 'ի վերին երեսս զվստվին յիմարականք, տապալեցին միանգամայն զամենայն աղանդս, զամենայն վարժարանս, զամենայն յիշատակարանս զգոռոզամիտ հանճարոյ քանին. և յիմարութիւն խաչին գտաւ առաւել իմաստուն քան զամենայն իմաստութիւն աշխարհի:

Օ՛րինչ ևս : Ի՛նչ ամենայն տիեզերք դաշնակիցք եր
դուան ընդդիմամարտք սմա, և սակայն ճիգն՝ զոր թա-
փեցին թշնամիքն նորա՝ սաստիկ ևս հաստահիմն զոր-
ծեաց ցնա :

Ի ինեւ հաւատացեալ և լինել դատաւնքեալ 'ի մահ, անանջատք էին 'ի միմեանց . և սակայն նոյն ինքն վըտանդն յանկուցանէր 'ի նոյն հաւատ . որչափ առաւել բռն էին հալածանք, այնչափ առաւել մեծ էր աճելութիւն հաւատոյն . և ինքնին արիւն մարտիրոսաց՝ արմն էր քրիստոնէից :

Իսկ և իստուած, և ո՞ ոչ նկատիցէ աստանօր զմատն
քո . ո՞ ոչ ծանիցէ ՚ի հանդէս գործոյս տպաւորեալ զկը-
նիք աջոյ ձեռին քո : Եւ որ այն միտք դուռդ և բար-
ձրայօն չիմասցի տակաւին զնանրութիւն տարակուսի
թերեհաւատութեան իւրոյ, ՚ի նոյն և զշառագնութիւն
իւր՝ եթէ երբէք ամօթ համարեսցի հնազանդել վար-
դապետութեանն՝ որում հնազանդեցան ամենայն տիե-
զերք :

Եւ յի հնազանդութիւն մեր այս՝ որպէս կանխեցի ա-
սացի՝ ոչ միայն է բանաստոր, այլ և փառաստոր: Եւ ի-
ցէս վաղվադակի:

ሆኒሆኒ ቱ .

Լ՛իբարտաւանութիւնն է աղբիւր գաղտնի թերահաւատութեան : Յանձնացոյց պարծանս հանձարոյ բանին, որ զրդէ զթերեհաւատն արհամարհել զհասարակաց հաւատն, հաստատեալ կայ հրապուրիչն այն եղականութիւն՝ որ թակարթէ զմարդ, և կարծեցուցանէ զթերահաւատն իբրև խորամիտ և հանձարեղ առաւել քան զամենայն մարդ, իբրու այն թէ այնպէս արիադաւ

Թօթափել զլուծն, լուծ՝ որ նկուն արար զամենեսին :
Լու սկսանի յաւակնագոյնս ընդդէմ՝ բարբառել խոր-
հրդոցն, որոյ որ յառաջ քան զինքն մարդիկ՝ խոնար-
հեցան յերկրպագութիւն :

Իսկ արդ առ ՚ի կապտել զամբարիշտ զայս միսիթա-
րութիւն ՚ի Թերահաւատէն, իմ իմիք պէտք իցեն :
Շատ է յայտ յանդիմանութեամբ ցուցանել նմա, ե-
թէ չիք այլ հանդէս փառաւոր լուսոյ բանին առաւել
քան զհաւատն : Փառաւոր՝ ըստ անպատում խոստմանց
հանդերձելոցն . փառաւոր՝ ըստ առաջիկայ վիճակի հա-
ւատացելոյ առն . փառաւոր դարձեալ՝ յօրինակէ հոյա-
կապիցն արանց, որոց նմանող է հաւատացեալն :

Փառաւոր է, ասեմ, ըստ անպատում խոստմանց հա-
ւատոցն : Լու որ իցեն այդքիկ : Որդեգրութիւն Մ-
տուծոյ, կենակցութիւն անմահական ընդ Մտուծոյ,
գերակատարն վիճակ մարմնոց մերոց, յաւերժականն
երջանիկութիւն հոգւոց մերոց, ազատութիւն ՚ի կրից և
յաղցից, անդորրութիւն սրտից մերոց ՚ի ժառանգել
զձմարիտ բարի, լուսաւորութիւն մտաց մերոց յանձա-
ռելի նշուլից գերագոյն բանին, երանութիւն նորա յան-
աղօտ տեսութենէ անտի ճշմարտութեան : Մյս ա-
մենայն են անպատում աւետիք խոստմանց հաւատոցն .
սա ուսուցանէ եթէ աստուածային է մեր ծագումն, և
աստուածանմանութիւն է մեր յաւիտենական յոյսն :

Լու արդ հարցանեմ : Իցէ՞ Թերեսս ամօթալի ինչ
լուսոյ բանին՝ հաւատալ ճշմարտութեանց՝ որ այնչափ
շուք յաւելուն անմահական բնութեան նորա : Լու
զիսորդ : Իցէ՞ Թերեսս շուք և փառք մարդոյ, կարծել
զինքն իբրեւ համաբուն անասնոց անբանից, և ՚ի վախ-
ճանին վիճակակից ընդ նոսա . անբաժ ամենեւին յակրն
կալութենէ իմեքէ երջանիկութեան ՚ի հանդերձեալ
կեանսն : Մյս իցէ ուրեմն արտասուելին վախճան տես-
լութեանն, որ այնչափ փաղաքուշ յանկուցանէ զամ-
բարտաւանութիւն Թերահաւատին :

Վանի իմաստութիւն ՚ի դէմն ածէր Թերահաւատից
ժամանակին աստուածայինն Միբրոսիոս . “Փառս մե-
ծապէս, ասէ, գրեմ ես անձին իմում՝ հաւատալ ճշ-
մարտութեանցն, որ այնչափ շուք դնեն բնութեան
մարդոյ . և յուսամ ակն ունիմ գեղեցիկ աւետեացն :

„Եթէ չհաւատամ, այն զինչ մխիթարութիւն իցէ
 „ինձ. իսկ եթէ սխալեմ՝ ի խորհրդեան իմում յայսմիկ,
 „իբրեւ զի առաւել կամիցիմ դասակից հրեշտակաց լի-
 „նել ինձ յետ մահուս, քան անասնոցն անբանից, մտա-
 „դիւրագոյնս սխալեմ ես յայսմիկ. և չառնում երբէք
 „յանձն՝ ցորչաւի կեամս՝ ի բաց կալ ի կարծեաց ա-
 „տի „:

Եւրդ եթէ փառաւոր են հաւատք ըստ անպատում
 խոստմանցն ի հանդերձեալն, ոչինչ նուազ փառաւոր
 է և ըստ առաջիկայ կենաց հաւատացելոյ առն :

Հապա դուք սիրելիք, յառաջ ածէք մեզ զայր մի
 ճշմարիտ և արդար՝ որ կեայ հաւատով. և խելամուտ
 լինիլիք, եթէ չիք ինչ յաշխարհի մեծ առաւել քան
 զնա : Տէր և իշխան ի վերայ ցանկութեանց իւրոց, և
 ամենայն շարժմանց սրտի իւրոյ, հրամանատար փառաւոր
 ի վերայ անձին իւրոյ, զհոգին իւր պահէ միշտ յան-
 դորութեան, ի համբերութեան, յերկայնմտութեան.
 ուղղէ վարէ զամենայն զկիրականձին ժուժկալութեան.
 խոնարհ ի յաջողակսն, արի ի ձախողակսն, ուրախ ի
 չարչարանսն. խաղաղարար՝ որոց ատեան զխաղաղու-
 թիւն. անախտակիր, անցաւ յանիրաւութիւնս ի
 թշնամանս, կարեկից հարստահարողացն, հաւատա-
 րիմ ի խոստմունս, երկիւղած ուխտապահ ի բարեկա-
 մութիւնս, անվրէպ ի պարտս, ոչ ինչ անձնագրաւ ի
 հարստութիւնս, անպերճ ի շուք փառացն, մեծ առա-
 ւել քան զաշխարհ ամենայն. քանզի կոյտ փոշոյ և
 կարկառ հողոյ համարի զնա : Բաբէ, քանի՞ն է վսե-
 մութիւնն :

Իսկ անդուստ իմաստասիրութիւն ի պայքար մտեալ՝
 տապալէ մոլութեամբ զմոլութիւնսն : Արժէ հրա-
 հանգէ դուռդութեամբ առ ոտն կոխել զաշխարհ, զի
 գովութիւն և ծափահարս առցէ յաշխարհէ. և ի
 խնդիր ելեալ է մանաւանդ փառաց իմաստութեան,
 քան եթէ իմաստութեանն ինքնին գլխովին : Եւ յոր-
 ժամ զայլն ի կրից վանեալ ընդոտնէ, ի վերայ աւե-
 րակաց նոցուն կանգնէ հանստապազ կիրս իմն այլ անհա-
 րինս՝ ամենայն վտանգօք լի, զամբարտաւանութիւնն
 ասեմ : Ի դէպ ճշգրիտ եկեալ օրինակի բռնաւորին
 բաբելացոց, որ քակեաց զսեղանս զաստուածոց ազ-

գայ, զի յաւերական նոցա կանգնեսցէ զամբարշտութիւն իւրոյ զպատկերն, և զայլանդակն զայն կոթող զամբար տաւանութեանն տացէ յերկրպագութիւն ամենայն երկրի :

Բայց հաւատք բարձրացուցանեն զարդարն 'ի վերոյ քան զառաքինութիւն իւր գլխովին, և մեծ ևս գործեն զնա 'ի զազանիս սրտի իւրոյ և յաջ Բստուծոյ, քան յանդիման մարդկան : Եւ ներումն տայ առանց գողութեան, անշահախնդիր է առանց փառասիրութեան, կրէ չարչարի՝ բայց ոչ 'ի ցոյցս անձնասիրութեան իբրու ճանաչիլ յաշխարհէ որպէս վշտմբեր . սահման կարգէ կրիցն՝ այլ 'ի ծածուկ . անգիտանայ միայն զանձին իւրոյ փառս և զարդիւնն, ոչ միայն անձնահաճ՝ չէ և ծափահարութիւնս չինդրէ, այլ և քօղ արկանէ լուսոյ փառացն : Այլ միայն պարտուցն է՝ հոգի առաքինութեան նորա . գործէ միշտ և միայն 'ի փառս Բստուծոյ, իբրու եթէ չիցեն մարդիկ յաշխարհի :

Արջաւի ինչ իցէ բարձրութիւն նորա : Եւ չէք դուք 'ի խնդիր, եթէ գտանիցէք ինձ ընդ տիեզերս ինչ մի առաւել հոյակապ, առաւել վսեմական : Դիւք 'ի կշիռ զամենայն ազգ փառաց և պատուոյ, որով աշխարհ չուք դնէ ունայնութեան մարդկան, եթէ հաւասարեսցի մեծութեանն, յորում զայր բարի առեալ բարձրացուցանեն հաւատք :

Եւ ապա ասացէք ինձ, որ այլ վիճակ կենաց չուք առաւել յաւելցէ մտաց առաւել քան զայս : Առեալ թերեւս առաւել արդոյ, յորժամ զհետ անբանական շարժութեանցն գնացեալ բանաւոր արարածն՝ դարձցի և ինքն իբրեւ զմի յերկրաբարչիցն . յորժամ նշաւակ գերի վարեսցի մարդ գազանական կրիցն, ատել լութեանն, վրէժխնդրութեանն, բարկութեանն, նախանձուն, և այլ ամենայն բազմահոյլ հրէշիցն, որ կուռ զմիմեանց կնի մտեալ թագաւորեսցեն 'ի սրտի նորա :

Բանդի և որք պարծանս համարին անձանց չհաւատալ ինչ մի, բաժնէ, գիտիցեն արդեօք զինչ այն իցէ զոր ասեն՝ անձն որ անհաւատ կամ թերահաւատ : Արդ է նա անկենցաղ 'ի կեանս, մարդ անբաժ 'ի բարութենէ, անբաժ 'ի հաւատարմութենէ, մարդ յեղշիւրակ . չունի այլ կանոն՝ բայց զկրիցն, ոչ այլ օրէնս՝

քան զանիրաւ խորհուրդս մտացն . չափ և կարգ չիք նորա , բայց ցանկութիւնք իւր . չիք նորա սանձ այլ՝ քան զահ երկիւղի իշխանաց աշխարհի , և ոչ այլ Մատուած է նորա՝ բաց յիւրմէն : Որդի օտարախորթ բնութեան , քանզի և ոչ որպէս արժանն է ճանաչէ զարարին . բարեկամ անհաւատարիմ՝ քանզի և իբրեւ զանձն ճանաչէ զայլս , տանուտէր անգութ անագորոյն , քանզի և օրինադրութիւն՝ միշտ զբռնութիւնն համարի :

Եւ արդ աղէ ո՞րք երբէք մարթասցի վստահ լինել 'ի նա : Զերկնչի ինչ յՄատուծոյ , չարդէ ինչ զմարդիկ , դեղեւեալ է 'ի յոյս ակնկալութեան յետ աստի կենաց . առաքինութիւն և մոլութիւն թուի նմա իբրեւ կանխակալ խէթ մտաց անդատին 'ի մանկութենէ , և ծնունդ խակամիտ դիւրահաւատութեան ժողովրդոց :

Բայց արդ իրաւապէս որք 'ի դէմս հարցէ թերահաւատ փբացելոյն՝ այսպէս . Ոչ դու ինքնին , այր դու , զթերահաւատութիւն քո զայդ 'ի բան կրօնի՝ արդասիս ասես քաջուշիմութեան մտաց քոց . բայց դու արի մինչև յալն աղբերդ և զննեա վայր մի , ո՞վ գբեզ ած ձրգեաց 'ի թերահաւատութիւնդ յայդ : Ոչ ահա ապականութիւն սրտիդ : Հաստատեալ ինչ էր քո արդեօք 'ի միտս լինել ամբարիշտ , եթէ արդեօք յաջողեալ էր քեզ առնուլ զկրօնն զուգորդել 'ի մի ընդ սանձարձակ կենացդ : Սկսար դու առաջին երկմտիլ ընդ վարդապետութիւն մի հաւատոյ , քանզի բուն առնէր կրիցդ . և ապա 'ի սպառ ժխտեցեր զայն իբրեւ սուտ , քանզի անհնարին տանջէր զքեզ : Մպա 'ի խնդիր ելեր հաւատարմացուցանել քեզ զայն ինչ , որոյ ճշմարտութիւնն շահ էր քեզ մեծապէս . այս է՝ անստուգութի հանդերձելոցն , և թէ հակամիտութիւնք որ մեզ համածինք են՝ մեղանչական լինել ոչ ունին : Մպքէն հեշտեալ իսկ հաւատս ընծայեցէ որ այնմ՝ որում ցանկայ . Ողորմոն ինքնին երկրպագութիւն մատուցանէր աստուածոց կանանցն . առ ինչ . 'ի յազուրդ անժուժկալութեանն : Եւ արդ աղէ ասա , եթէ զլիսովին անբաժ 'ի կրից լեալ էր մարդկան , կամ թէ կրօնն ինքնին ձեռն հաւանութեան տայր կրիցն , երբէք յաշխարհի երեւէին արդեօք թերահաւատք :

Արդ եթէ փառաւոր է հաւատն ըստ խոստմանցն

հանդերձերոց, և ըստ աստի կենացս միանգամայն, փառաւոր է երրորդ անգամ, որպէս ասացի, և յօրինակէ անտի հոյակապիցն արանց, որոց զնմանողութիւնն առաջի առնեն հաւատք: Յիշեցէք, ասէին երբեմն խորայեցիք որդւոց իւրեանց, յիշեցէք զԼբրահամ, և զԻսահակ, և զՀակոբ: Եւ զուր յուշ միանգամ ածէք, զրէր և աստուածայինն Պաւղոս առ հաւատացեալս, յուշ ածէք զարս սուրբս հոյակապս՝ որ յառաջ եղեն քան զձեզ, և որք փորձեցան և ընտիրք գտան վկայութեամբ հաւատոցն. զրէր և ՚ի թիւ ևս արկանէր ՚ի դարուց ՚ի դարս ՚ի նշանաւոր յայն գլուխ առ Լբրայեցիս թղթոյն, զրէր և կնքէր զանուանս իւրաքանչիւր նոցա, և զնահատակութիւն հաւատոցն, և զարգասիս հրաշապայծառ գործոց պատմութեաննոցա:

Իսկ ահաւասիկ ձեզ, սիրելիք, մեծապանծ ևս առաւելութի դարուց քրիստոսական հաւատոցն, եթէ յուշ միանգամ ածցին ձեզ առ հասարակ արք անուանիք և սքանչելիք, որ ՚ի դարս իւրաքանչիւր ընդ լծով խոնարհեցան աւետարանին. թագաւորք մեծանձնիք, աշխարհակալք բարեկրօնք, հովիւք և հովուապետք ազգաց պատկառելիք, իմաստասէրք քաջուշիմք և բազմադէտք, իմաստունք համբաւատենք, արք աւագ առ իւրեանց ժամանակօքն գերահռչակք, մարտիրոսք արիք և անվանելիք, կուսանք մաքրակրօնք գերաշխարհիկք, անապատաւորք ձգնասունք անմարմնացեալք ՚ի մարմնի. առաքինեաց բազմահոյք յամենայն ազգ կրօնից և կարգաց առաքինութեան:

Եւ ևս իմաստասիրութիւնն ինքնին քարոզէր չքով զիմաստութիւն իմն բազմահանգէս, այլ իմաստունն նորա չերեւէր ուրեք ՚ի միջի: Իսկ աստանսօր քանիօն իցեն իմաստնոցն Եստուծոյ հոյք, որպիսի աւանդութիւն հաստահիմն յաւերժացեալ անգստին յարենէն Լքելի մինչև առ մեզ:

Եւ արդ հարցանեմ, ո՞ր ամօթ իցէ կոխել զհետաշաղկաց այնչափ իմն ճաշխարհիկ որերոյն: Վիր դու ՚ի մի նժար զամենայն զհոյակապսն յաշխարհի երեւեալս ՚ի կրօնէ ՚ի դարս իւրաքանչիւր. և ՚ի միս նժար որչափ ինչ ՚ի սանձարձակ և ՚ի թերահաւատ կարգաց ՚ի վեր երեւեցան յաշխարհի անձնք տարտամեալք և յու

սահաւոր : Թուեսցի ինչ քեզ առաւել փառաւոր դասել զքեզ 'ի կարգի վերջնոցդ : Բաջնորդ քեզ արդեօք ունել զջոկ մի մարդկան , զոյց և զանուանան չմարթիւք յիշել առանց արհաւրաց . եթէ արդեօք զհրաշալիան , զաբրահամեանն , զյովսեփեանն , ըլնովսիսեանն , զդաւթեանն , զառաքելական զաւագորեան , առ հասարակ զարդարոց զգաստ : Բլէ դու համարձակեաց 'ի զուգակշռութիւնդ : Բաբէ , զոչեր երբեմն յայլ ինչ գէպս աստուածայինն հերոնիմոս . “ Եթէ արդարեւ սխալեալ համարին զիս , թոյլ տուք ինձ աղաչեմ , թոյլ տուք սխալել ինձ ընդ այսպիսեաց աւագորերոյ ” :

Եւ արդ եթէ բանաւոր են հաւատք , փառաւոր են հաւատք , միթէ իցեն և հարկաւոր . ժողովալել աղաչեմ և 'ի սոյն դարձեալ առ վայր մի ունկնդրութիւն ուշով շնորհել ինձ :

ՄԱՍՆ Գ .

Ի կնիքս հաստատութեան հաւատոյն , կնիք հարկաւորութեան նորա գլխովին ափ 'ի բերան առնէ զթերահաւատոն և զսանձարձակսն : Բանդի այլք 'ի պատճառաց և 'ի հաւատտեաց ճմարտութեան հաւատոյն , զի այսպէս ասացից , իբրու օտարք և արտաքինք են մարդոյ . իսկ այս կնիք անդատին 'ի բնէն անջնջելի տը պաւորեալ է 'ի լոյս բանին նորա :

Եւ արդ ասեմ , եթէ անհրաժեշտ հարկաւոր են մարդոյ հաւատք 'ի խաւարային ճանապարհի աստի կենաց : Բանդի առաջին՝ տկար է մարդկային բանս , պարտ է ուրեմն զօրավիզն տալ նմա : Երկրորդ՝ քանզի ապականեալ ևս է մարդկային բանս , պարտ է ասպաքի նել զնա : Երրորդ՝ քանզի յեղյեղուկ է մարդկային բանն , պարտ է ուրեմն հաստահիմն դործել զնա : Բլդ են հաւատք միակ զօրավիզն , միակ դեղ դարմանոյ , միակ սանձ անստանելի : Բաջին՝ տկար ասեմ զբանն և օգնականութեան կարօտ : Եւ զիմորդ ոչ , սիրելիք .

բանդի բարէ , ոչ և զմեզ ինքեանս անգամ ճանաչեմք .
 իբր և որ ինչ արտաբոյ մեր : Ազիտեմք զիւրդ բնաւ
 հաստեալ կերպացաք , զիւրդ և հետ զհետէ այնպէս
 բարդաւաճեալ մարմինս կազմ գտաւ և կենսունակ . ոչք
 իցեն անհամար դործարանք նորա , որ այն իցէ աստուա-
 ծայինն արուեստ իմաստութեան , որ 'ի շարժումն ա-
 ծեալ պահէ ողջոյն զմեքենայն : Այլ գիտեմ , ասէր եր-
 բեմն զիւցազնուհին այն մայր մակաբեանցն առ ման-
 կունսն , զինչ օրինակ եկաց ծննդեան ձերոյ յիս . շունչ
 և հոգի երբ ետու ես ձեզ , և զանդամոց ձերոց կազմած
 սքանչելի որ ձեռն աներևոյթ եղայնպէս յիւրաքանչիւր
 պատշաճեալ կարգի . « Ազիտեմ որպէս բնաւ դուք
 յարգանդի երևեցարուք . և ոչ ես ինչ զոգիսդ կամ
 զկեանսդ ձեր շնորհեցի , և ոչ զկերպարանսդ ձեր զիւ-
 րաքանչիւր ես նկարեցի , և ոչ զհասակսդ ձեր ծնեալ
 և սնուցեալ . այսուհետեւ ես իմ ինչ ոչ համարեցայց ,
 այլ որ աշխարհի արարիչն է , որ ստեղծ զծնունդս մարդ-
 կան » : Այնպէս մեր մարմին խորհուրդ անհաս է մեզ
 սիրելիք . յորում մարդկային բանն տաղնապի 'ի խորան
 և ելի աղաղս երբէք չգտանէ 'ի խորամուխ լինել յամե-
 նայն գաղտնիս նորա . միայն որ հաստեացն , նա միայն
 գիտէ զբունն :

Եւ այն շունչ աստուածութեանն որ կենագործէ
 զմեզ , այն մասն զօրութեանն որ 'ի մեզ բաւականս գոր-
 ծէ զմեզ 'ի ճանաչել և 'ի սիրել չէ ինչ նուազ ան-
 ծանօթ առ 'ի մէջ : Ազիտեմք բնաւ զիւրդ 'ի վեր ե-
 րեին ցանկութիւնք նորա , երկիւղ նորա , յոյս նորա .
 զիւրդ ծնանի զգաղափարս իւր , զիւրդ և զերեւակայու-
 թիւնս իւր : Աերեւցաւ որ ցայս վայր քաջիկ խելա-
 մուտ պատմել մեզ ճգրիտ , զիւրդ այս որ 'ի մեզ էակ
 հոգեղէն՝ այնչափ այլաբուն 'ի նիւթոյ՝ մարթացաւ այն-
 պէս իմն միաւորել 'ի մեզ ընդ նիւթոյ մարմնոյս այն-
 չափ անլոյծ կապանօք , զի և երկոցուն նոցա կազմել մի
 միայն բոլոր , և չարեաց և բարեաց նոցա իւրաքանչիւր
 միասնական լինել միմեանց :

Այլ ինքնին մեք ուրեմն եմք խորհուրդ անհաս ,
 որպէս գեղեցիկս ասէր աստուածայինն Մարտիրոս :
 Եւ զայն մեր զվայրապար հետաքրքրութիւն՝ որ խըն-
 դրէ գիտել զամենայն , բարէ և ոչ խակ զայս գիտեմք

ինչ ասել, զինչ այն իցէ, և զիւրդ 'ի մեզ ծնանիցի այն և կերպացի :

Իսկ ապա արտաքոյ մեր չգտանեմք մեք այլ ինչ, բայց առեղծուածս իմն անխմանալիս : Աեամք 'ի վերայ երկրի իբրև օտարականք ոմանք, դեղերեալք 'ի զգալիս՝ որ և բնաւ իսկ անծանօթք են առ 'ի մէնջ : Ստեան իմն փակեալ առաջի կայ մարդոյ բնութիւնս համօրէն . և արարչադործն ինքնին առ 'ի նշաւակել զմարդկան հպարտութիւն՝ հաճեցաւ խաւարաւ թանձու քօղածիդ լինել 'ի վերայ անդնդոցս այսոցիկ :

Այլ դու ո՞վ մարդ ամբարձ զաչս քո 'ի վեր . հայեաց 'ի մեծամեծ մարմինս լուսաւորս, որ կախեալ կան 'ի վերոյ գլխոյդ, և գնան 'ի լիւզ՝ զի այսպէս ատացից՝ յանսահման վայրսն, վայրք անբաւք՝ որ իւրեաց ծփումն առնեն : Սկերպացոյց զան զայն արևուն զսքանչելին, և ո՞ զանբաւութիւն բուլից աստեղացն, որպէս հրաշարանեցաւ առ Յովք . ո՞ յանուանէ կոչէ զնոսա : Աելամուտ լեր, թէ կարես, բնութեան դոցա, պիտոյից դոցա, հանդերձանացն, կայանիցն, տարադիմութեանն, երևմանցն, հաւասարութեանն, անհաւասարութեան, շարժմանցն :

Ապաքէն պանծալի է մեր դարս, որ իւրեամտութիւնս գեղեցիկս 'ի վեր եհան վասն նոցա և երևոյթս . այլ զինչ, լաւագոյնս արդեօք քան զանցելոց դարուցն ինչ ինչ գուշակեաց զնոցանէ . սակայն և զոր զարդիս գիտեմք զնոցանէ, քանի՞ն արդեօք իցեն առ համեմատութեամբ բազմագունիցն, որ տակաւին ծածկեալ կան առ 'ի մէնջ :

Եւ ապա յերկնից 'ի յերկիր էջ դու միանգամ, և ասա ինձ՝ եթէ գիտիցես՝ ո՞ զհոգմունսն ամփոփեալ ունիցի 'ի շտեմարանսն ուր զանձեալ կան նոքա, ո՞ զերասանս 'ի ձեռին կալցի զշանթից փայլատականց և զամպրոպաց և զմրրկաց . ո՞ եդ օրէնս ամեհի ծովուն, ո՞ կարգեաց սահման ալեծուփ կոհակաց . և ուստի իցէ այնչափ սքանչելի կարգառութիւն շարժմանց ծովուն :

Ղառեա ինձ զարգասիս հրաշալիս զտնկոցն, զհանքացն, զտարբերացն : Սատիր 'ի քննութիւն, զիւրդ կղկղեալ զտեսցի ոսկի յարգանդս հողոյ . որ իցէ արուեստ դիմակ դիմակ հրաշից կերպաւորութեան զեռ-

նոյն անբաւից , սողնոցն , ակատիցն , միջատացն , ժրժմակայն . սուր ինձ համար զբազմադունակ զաղդեցութեանց բնութեան բազմահոյլ կենդանեացն . հայեաց ընդ բնութիւնս ամենայն , առ հասարակ յամենայն 'ի վայրս , զիմորդ յանդիման քեզ ընծայէ բնութիւնն ոչ այլ , բայց քննութիւնս անքնինս , առեղծուածս անթարգմանելիս :

Զգիտես ինչ դու ճշգրիտ ո՛վ մարդ 'ի զգալեաց աստի , զոր տեսանես և յորոց շուրջ պատեալ կաս , և կամիցիս ապա յառիլ յստակ ականել զխորհուրդս խորինս , զանտեսս , զյաւիտենականս , զհաւատոցն քոց : Ինքնին բնութիւնն քաջ իսկ խորհուրդ խորին է վստահութիւն , և կամիցիս դու թերեւս կրօն մի , որ անբաւ իցէ 'ի խորհրդոց : Ար անբաւականդ ես 'ի գիտել զգաղտնիս մարդոյ , և ձգնիցիս ճանաչել զպաղանիս Մտուծոյ : Իսկ ինքնին քեզ չես խելամուտ , և կամիցիս խորամուխ ըմբռնել զգեր 'ի վերոյն քան զքեզ : Տիեզերք ամենայն որ թողան քեզ յՄտուծոյ 'ի խոյզ 'ի խնդիր և 'ի ճարակ հետաքրքրութեան քո , են իսկ անդունդք անյատակք վասն քո . և կամիցիս դու զի խորհուրդք հաւատոցդ , զոր քեզն ընծայէ 'ի հանդէս հլուութեան և մեծարանաց քոց , չունիցին ինչ գեր 'ի վերոյ քան զհասումն մտաց քոց : Ինչեւ խելաբախ ցնորիցդ :

Եթէ արդեօք 'ի միջոյ բարձեալ գհաւատս , յստակ տեսանէիր դու զամենայնն , մարթէիր թերեւս արտաքնայարդար իմն փաստաբանութեամբ՝ յերկբայս զրել զխորս նորա զանյայտս . բայց քանզի և արտաքոյ կրօնի՝ ամենայնն աղօտացեալ է քեզ և 'ի խաւարի կայ . “ Մտուծոյ գաղտնիքն պարտին ուրեմն , որպէս կնքեաց աստուած իմաստն Մզոտտինոս , քան հակառակամարտո և անհաւանս , պարտին առաւել հլու և մտադիրս և ակնածուս գործել զմարդիկ ” : Եւ յսչափ է տկարութիւն մարդկային բանի :

Եւ արդ՝ երկրորդ անգամ՝ որչափ ինչ տկարութիւնս այս , այնչափ և ապականութիւն մարդկային բնութեան զանխուսափելին հարկաւորութիւն հաւատոյ 'ի ներքս ընծայէ մարդոյ :

Սխտ զիք աղաչեմ , որ այլ ինչ կայցէ յէիցս այնչափ համաբանական մարդոյ , որպէս ճանաչել զՄտուած

իբրև արարիչ գոյութեան իւրոյ, իբրև պատճառ եր-
ջանկութեան իւրոյ, և իբրու վախճան իւր և սկիզբն
յամենայնիւ Ղանաչել դաւանել զկարողութիւն նորա,
զիմաստութիւնն, զբարութիւնն, և միանգամայն զա-
մենայն հանդէս զաստուածութեան, զորոյ զտիպս կեն-
դանատիպս նկարեաց 'ի գործս ձեռակերտաց իւրոց :

Ըրդ այս իմաստը ոչ ահա համաճանաչք և տնկա-
կիցք էին բնութեանս մերոյ, և սակայն յաճեաց դու
միանգամ մտօք քուք ընդ դարս խաւարինս աշխարհա-
մած անգիտութեան նորակրօն պաշտամանցն՝ յառաջ
քան զաւետարանին քարոզել, և տեսցես և յապուշ-
կրթեացիս, եթէ յոր սահմանն նուաստութեան առեալ
խոնարհեցոյց մարդ զարարիչ իւր, և ում նմանեցոյց
զնա . . . Ում նմանեցուցէք զիս մոլորեալքդ . . . Չեկաց
ինչ յաշխարհի այնչափ ումպէտ և անարդ յէիցս, ո-
րում իբրև Բստուծոյ իւրոյ պաշտօն չտարաւ ամբա-
րըշտութիւն և անգիտութիւն մարդոյ . նաև մարդն ին-
քնին եկաց աստուածութիւն առաւել աղնուական՝ յեր-
կրոպագութիւն մարդոյ :

Իւ եթէ յայսպիսի յանաստուած աստուածածանօ-
թութենէն անցցես դու 'ի բարոյական անդր մարդոյ,
բա՛րէ բնաւ իսկ եղծեալս և ապականեալս գտցես միան-
գամայն զամենայն սկզբունս և զիմաստս զբնական իրա-
ւանցն և զարդարութեան : Վանգի մարդ ոչ ևս այնու-
հետեւ բարձեալ բերէր գրեալ 'ի միտս իւր և 'ի սրտի
զարձանագրութիւն զօրինացն՝ զոր ինքնին բնութիւնն
տպաւորեալ էր 'ի մեզ :

Իւ եթէ որ առաւել հանճարեղք համարեալ էին
յիմաստասէրս հեթանոսաց, նոքա այնչափ ինչ յետ-
նեցան և եղճան 'ի բարոյականին իւրեանց, զոր ապա-
կանութիւն կարծիցես դու ունել յայնժամ խուժա-
նին նոցա 'ի վարս իւրեանց : Վանգի և կէսք 'ի նոցանէ
բնաւ իսկ յետսամիտք՝ իբրև գերագոյն բարի մարդոյ
բանաւորի ուսուցին զհեշտութիւնն ինքնին գլխովին :
Բայց և որ զինչ և իցէ կարծիք աղանդապետին ուս-
մանս այսորիկ, սակայն և աշակերտք նորա զհեշտախ-
տութիւնն միայն կալան իւրեանց յերջանկութիւն
զեանաբարքք իբրու զանասուն կենդանիս :

Օ, ինչ ևս . հոովմ ինքնին և Վթէնք իմաստու-

Թեան դայեակ անուանեալ, և Կորնթոս նոցուն նա խանձաւոր, անհնարին ապականուածեանոյն վկայք են. յորս պարտ էր այնուհետեւ 'ի նմին իսկ 'ի մարդումն խնդրել զմարդ: Վանգի նորին իսկ պիղծք և առաւել պիղծք 'ի մոլութիւնս արտից անդանօր սրբազնացան. մեհեանք և բազինք կանգնեցան մոլութեանց, պաղշտութեան, աղգապղծութեան, անազորունութեան, ուխտադրութեան. և այլ ևս անհնարին յանցանք 'ի շուք ամբարձան աստուածութեան. նա ինքն պաշտօն կրօնին դարձաւ եղև յապականութիւն հասարակաց և յեղծումն, և աստուածութիւնքն այն պիղծք պաշտօն ընկալան պղծադոյն ևս անիրաւութեամբք:

Եւ զոր աստուածայինն ճառեաց առաքեալ զանլուրսն զնոցանէ, ոչ զխուժանէն միայն նոցա աղգէ, այլ և զիմաստնոց նոցա և զիմաստասիրացն. «Արք ծանեան զ՚ստուած, և ոչ իբրև զ՚ստուած փառաւորեցին. այլ նանրացան 'ի խորհուրդս իւրեանց և խաւարեցան անմտութիւն սիրտք նոցա. վասն այսորիկ մատնեաց զնոսա ՚ստուած 'ի ցանկութիւն սրտից նոցա 'ի պղծութիւն, և մատնեաց զնոսա 'ի կարիս անարդութեան դործել զանարժանս՝ զլցեալսն ամենայն անիրաւութեամբ, պոռնկութեամբ», այլովքն հանդերձ:

Եւ կարի իսկ քաջ, ո՛վ տէր. քանզի զմարդկայինն հրահանդեցեր սովաւ զիմաստութիւն, մանաւանդ եթէ զամբարտաւանութիւն, եթէ 'ի քոյ ձեռաց լքեալ մարդ 'ի խաւար մտաց իւրոց՝ առանց քո լուսոյդ ինքնին վհաց 'ի վիհս խարդաւանեսցի ամենայն անիրաւութեանց:

Եւ արդ այսչափ ապականութեան մարդոյ քանի բժշկութեան հաւատոյ պէտք իցեն անհրաժեշտ հարկաւ: Վրա եթէ երկրորդ անգամ և զյեղ յեղուկ փոփոխութի մարդկային քանի վայր մի ընդ միտ ածես, քանի՞ն հաստատութեան անվանելի հաւատոյն նմա պէտք իցեն նովին հարկաւ:

Եւ զի 'ի համառօտն զբոլորն բովանդակեցից, հայեաց դու ինձ միանգամ, քանի խնդիրք և պայքարք անսպառելիք անդստին 'ի սկզբանէ, քանի իմաստք և կարծիք այլադիմակք ոչ պառակտեցին երբեմն զլարժարանս կրթանաց իմաստասիրութեանն: Եւ մի ում

պէտք ինչ և դուրնաքեայս կարծիցէս զպայքարսն զայն :
 Խնդիրք էին այնորիկ մեծամեծք յոյժ և պայքարք կա-
 րեորք յառաջին կարգի . այս է՝ յաղազս բնութեանն
 Բստուծոյ , յաղազս գոյութեանն Բստուծոյ , յաղազս
 անմահութեան հոգւոյն , և թէ որ իցէ ճշմարիտն և
 յաւիտենականն երջանկութիւն :

Կէսք յերկրայս եղէն զամենայնէն , կէսք համարեցան
 դիտել զամենայն . կէսք անդոյ ասացին զԲստուած , և
 կէսք դարձեալ ըստ քմաց իւրեանց եղին զօմն Բս-
 տուած , այս է՝ անգործ , դատարկ , անխնամակալու-
 էիցս . կամ թէ՛ ինքն ևս ճակատագրին ներքեւեալ և
 նախասահմանութեան ինչ օրինաց . իսկ և կէսք հոգի
 մեծամարմին աշխարհիս այսորիկ ասացին զԲստուած :
 Եւ զինչ էս . թողցուք անդր 'ի բաց զյիմարութեան
 բարբանջմունս . որչափ վարժարանք կացին , այնչափ և
 կարծիք յաղազս մեծի և տիրական խնդրոյս :

Իսկ և յաղազս անմահութեան հոգւոյն , և բնու-
 թեան նորա որչափ դարք հօլովեցան՝ այնչափ և խեղա-
 թիւր իմաստք բանդադուշեցան : Կէսք 'ի հիւլէից բաղ-
 կացեալ ասացին զնա , կէսք նուրբ և անօտր հուր եղին
 զնա . կէսք օդ իմն լոյծ , իսկ և կէսք 'ի վարժարանաց
 մասն և նշխար աստուածութեանն ասացին զնա . կէսք
 չհամարեցան մահկանացու ընդ մարմնոյ լինել նա , և
 կէսք կեալ նա քարոզէին յառաջ քան զմարմինն , և
 կէսք դարձեալ հոգեփոխութիւն դնէին 'ի մարմնոյ 'ի
 մարմին , 'ի մարդոյ 'ի ձի , այլովքն հանդերձ :

Իսկ զճշմարիտ երջանկութիւն զմարդոյ կէսք հաս-
 տատեցին 'ի զգայութեան , և բազմագոյնք՝ յիմաստու-
 թեան . այլք 'ի փառս և 'ի վարին , բազումք 'ի սպա-
 րապորդութեան և յանցաւութեան :

Բայց որ առաւել դժոխքներելի էր 'ի կիրս , զի այս
 խնդիրք գոյութեանն Բստուծոյ և բնութեանն Բս-
 տուծոյ և անմահութեան հոգւոյն , և վախճանի և եր-
 ջանկութեան մարդոյ , խնդիրք առաջինք և տիրականք
 ըստ յաւիտենական վիճակին մարդոյ՝ կամ 'ի թշուա-
 ռութիւն անսպառ կամ յերանութիւն անսպառ , էին
 առ նոսա իմաստք անքնինք և առեղծուածք իմն ան-
 թարգմանելիք , ոչ յայլ ինչ պէտք յուղեալք յերկո-
 ցուն կողմանց , բայց 'ի ճարակ սարասորդութեան վար-

ժարանացն , և փառասիրութեան խնայողացն՝ թանձրամորուացն յորացելոց և պատմութեանքն սարծելոց : Բայ պատկեր է յեղեղուկ և բազմայեղանակ մտաց նախ քան զլոյս աւետարանին :

Բայ եթէ անցեալ զնորք՝ մնացուք մեք յառաջին դարս բրիտանից , ո՞ր բաւական իցէ պատմութեամբ ի ներքս բերել զանբանութիւն աղանդոցն . զգարչեւեացն Վնոստիկեանց , զխելացեղիցն Սաղենտինեանց , զբանդագուշեցոցն Սոնտանեանց , զՏակասաբանիցն Սանիբեցոց : Եւ յետ այնորիկ ապա դարուց ի դարս յաժեաց դու մինչև ի մեր մօտաւոր դարս բիւրաղանդ նորաղանդիցն . ո՞վ , քանի՞օն իցեն որոմունքն , քանի՞ ընկերչակութիւնք առանձինն , և քանի՞ ղիմակք զանազանեալք ի նոսա այսօր ի նիւթ հաւատոյ : Բայ այր իւրաքանչիւր ի նոսա է անձին իւրոյ դատաւոր , անձին իւրոյ օրէնք . իսկ կրօնք պետական ի նոսա , զի այսպէս ասացից , է դաւանել և ոչ մի ինչ կրօն :

Բայքէ հաւատք , բայքէ պարզեւ Բնութոյ , ո՞վ բոց աստուածային՝ քանի՞ հարկ և պէտք իցեն մարդոյ քոյին լուսաւորութեանդ : Ս՛վ կանոն անտերիւր ի յերկնից իջեալ յաւանդ եկեղեցոյ Վրիտանի . միշտնոյն և մի յամենայն ի դարս , անփոփոխելի ի տեղեաց , անստնանելի ի ժամանակաց , անշնասելի յաղգաց , անդրժեղի ի շահախնդրութեանց . որչափ ուրեմն իցէ կարեւորութիւն քո ի սանձ յարափոփոխ յեղեղուկ շարժմանց մարդկային ոգւոյ : Ս՛վ սիւն հրեղէն , անհրաժեշտ առաջնորդ բանակին Բնութոյ ընդ վտանգաւոր անապատն , ընդ ժայռն , ընդ փորձութիւնսն , ընդ խաւարին և անծանօթ ճանապարհս կենացս այսորիկ :

Իսկ արդ ի վերջէ , եղբարք իմ , որ հրահանգք և զինչ արգասիք իցեն մեզ քաղել ի քարոզէս :

Եւք դուք ինձ զօրհանապազ , եթէ ունիք հաւատոյցուցէք ինձ ուրեմն՝ որպէս ասաց առաքեալն , ցուցէք ինձ զձեր հաւատս ի գործոց ձերոց : Վանդի զինչ շահ իցէ ի հաւատալոյն , եթէ գնացք ձեր և քաղաքաւարութիւն վարուց՝ յանդիմանեացեն զստութիւն հաւատոյն ձերոյ :

Եւետարանն ինքնին ոչ այնչափ է կրօն մտաց , որչափ սրտի , և ինքնին հաւատք՝ որ բրիտանեայս գործէ ,

է լոկ հպատակութիւն լուսոյ բանին , քաջ իսկ է նա բարեպաշտօն իմն և ջերմեռանդն հլութիւն կամաց հոգւոյն , և հանապազօրեայ իղձ նմանողութեան Յիսուսի Վրիստոսի տեսաւն մերոյ , և ժիրաժիր և անխոնջ պարսպումն յեղծանել տապալել զամենայն ընդդիմանարտս կենաց հաւատոյն :

Գոյ անհաւատութիւն մի սրտի՝ ոչ ինչ նուազ վտանգաւոր 'ի փրկութիւն քան զանհաւատութիւն մտաց : Սարդ որ յամառեալ կամակորի ոչ հաւատալ կրօնին յետ ամենայն հաւատեացն և փաստից , հրէշ սոսկալի է նա . այլ քրիստոնեայ որ հաւատայ և յետ այնորիկ կեայ իբրեւ անհաւատ , յետինն է 'ի մորոսաց և անմտութեան նորա չիք սահման : Սին դատապարտի իբրեւ զյուսահատ , միւսն կորնչի իբրեւ յոյլ և սանձարձակ , որ այնպէս թոյլ տայ անձին առնուլ տատանիլ 'ի ծովածուի ալեացն , ոչինչ հոգացեալ զնաւահանգստէ փրկութեանն :

Հապա սիրելիք , զձեր հաւատս ստուգեցէք 'ի գործոց բարեաց . և եթէ ընդ լոկ յիշատակ սոբարիշտ և անհաւատ ոգւոյն քստմնիք մեծապէս , զնոյն սոսկումն սոսկացէք դուք և վասն անձանց ձերոց : Վանդի հաւատք ինքնին զնոյն ուսուցանեն , եթէ բաժին չարի քրիստոնէի հաւատացելոյ՝ չէ ինչ ընդհատ առ 'ի նորայոյն . զի և ինքն դատեսցի հաւասար անհաւատին : Սվքանի ահագին է վճիռն . “Եւ կտրեսցէ , ասէ , ընդ մէջ , և զմասն նորա ընդ անհաւատս դիցէ” :

Եւ արդ կեցէք եղբարք պատկերակից 'ի գործս ձերոցն հաւատոց , զի այն իսկ են հաւատք արդարոց . և յաւիտենական աւետիքն խոստացեալ են միայն այնպիսի հաւատոց :

ՔԱՐՈՉ ԺԵ

Հ Ա Ի Ա Տ Ք Մ Ե Ռ Ե Ա Լ

“ Հաւատք առանց գործոց մեռեալ են ,” Բաւ . ք . 26 :

Վախաձայնութիւն ահադին էր երբեմն զի որոտաց տէրն մեծասաստ տպառնալեօք . “ Բ՛նէն ասեմ՝ ձեզ , զի բարձցի 'ի ձէնջ արքայութիւնն Բստուծոյ , և տացի ազգի որ առնիցէ զպտուղս նորա ,” : Վախաձայնութիւն բերկրական , միանգամայն և լի տրտմականօք . քանզի զանարգութիւնն ազդէր զԽրայէլին , և զկոչումն հեթանոսաց ազգին . յորում և սքանչելապէս փայլէ և արդարութիւնն Բստուծոյ վրէժինդիր , և ողորմութիւնն աստուածային վերանորոգիչ : “ Ժողովուրդ ընտրեալ , ասէր մեծն Ոսկեբերան , Ժողովուրդ ընտրեալ և Բստուծոյ փարելի , 'ի նմին իսկ Եստուծոյ անարգեալ մերժի . այս արդարութիւնն է անաչառ . իսկ լոյս մեծապքանչ աւետարանին փայլատակէ՝ որոց նստէին 'ի ստուերս մահու . այս ողորմութիւնն է մեծ ,” :

Եւ եթէ չիք իրաւամբք պարծիլ հեթանոսաց 'ի կոչումն իւրեանց , չիք և վայրիկ մի իրաւացի գանգատել հրէից յանարգութեան իւրեանց : Քանզի առաջնոյն տուան հաւատք , մինչ չե նոցա գործ ինչ ցուցեալ արժանի հաւատոյ . և չբարձան 'ի վերջնոյն հաւատք , մինչ չե նոցա երևեալ անարժանք հաւատոյ : Ս՛անաւանդ եթէ պարգևեցան առաջնոյն հաւատք , զի գործս ցուցցեն զսրբութեան և զփրկութեան . և 'ի վերջնոյն

վերացան հաւատք , զի գործս գործէին զկորստեան և զմեղաց :

Եւ տեսչութիւն Բստուծոյ յայտնեցաւ անդատին և յառաջին հաստատութենէ քրիստոսական կրօնիցս , և ապա սովիմք վարեցաւ կարգառութեամբ յընթացս նորա : Վանդի յառաքելական դարէ անտի առեալ սկիզբն , և դարուց 'ի դարս իջանելով մինչև յաւուրս մեր , դէպս բազմապատիկս տարբերեալս տեսանեմք զհաւատոյն : Սի բարձան հաւատք 'ի ժողովրդոց , որ յառաջն էին հաւատացեալք . և ծաւալեցաւ յայլս , որ յառաջն էին անհաւատք :

Եւ յայտն ամենայնի անյեղլի հաստատութեամբ զայն ինչ գտանեմք , եղբարք , զի անդուստ փախեան սրացան հաւատք , ուստի 'ի բաց մերժեաց զնա ամբարշտութիւնն . և անդուստ միայն մեկնէր հեռանայր ամբարշտութիւնն , ուր 'ի ներքս եկեալ մտանէին հաւատքն :

Վաղաքք բազումք և գաւառք և արքայութիւնք յարեւել և յարեւմուտս , որ յառաջն էին անհաւատք , դարձան եղեն ապա հաւատացեալք ուղղադաւանք : Դարձեալ և քաղաքք բազումք և գաւառք և արքայութիւնք յարեւմուտս՝ երբեմն հաւատացեալք ուղղադաւանք , դարձան եղեն 'ի վերջինսն չարափառք և թուլահաւատք : Սի երջինքդ՝ եղեն անհաւատք և չարափառք , քանզի էին իսկ ամբարիշտք . առաջինքդ՝ դաւարեցան 'ի լինելոյ ամբարիշտք , յորժամ եղեն հաւատացեալք :

Եւ արդ որ ընդ համաշխարհս դէպք ժողովրդոց , նոյն պատահէ և առանձին մարդոյ իւրաքանչիւր : Սի զորօրինակ հաւատք կենդանի մինչև 'ի ծայր սրբութեառեալ վերացուցին զբազումսն , սապէս և սանձարձակ վարք զբազումսն գահալէժ արկին մինչև 'ի խորս անհաւատութեան : Յորում կենդանի են հաւատք , հարկ է զի թաղաւորեցէ անդ սրբութիւն , յորում թաղաւորեն սանձարձակ կեանք , հարկ է զի անդ մեռցին հաւատք . որպէս ասաց , « հաւատք առանց գործոց մեռեալ են » :

Եւ իրկնակի ճմարտութիւն մեծ , զոր նիւթ իմոյ քարոզիս սահմանեցի այսօր , թերեւ չիցէ ինչ անձահ

ի լուսաբանել, նա մանաւանդ քաջադէպ որպէս կարծեմ, տեարք, հովացեալ ժամանակիս՝ յորում կեամք. և որում ի ճահ յոյժ պատահեցէ արդեօք զոր ինչ երբեմն մեծն Տերտուղիանոս ասէր վասն իւրոյ ժամանակին. «Վէպք և հանգամանք ժամանակացս, ասէ, արդէն խրատեն զմեզ, զի սկսցուք մեք քարոզել զհաւատս. ոյց. նոցուն իսկ հաւատացելոց»:

Ըրդ տեսէք ինձ միանգամ, զիսորդ տակաւ և անսիւս կարգառութեամբ կրկին այս ճմարտութիւնք յերևան դան օրինակ զայս: Ըռաջին՝ ի սանձարձակ վարուցն հաւատք սկսանին տկարանալ, իսկ ի տկարանալ հաւատոյն՝ ուժ առեալ աճէ սանձարձակութիւն վարուց: Երկրորդ անգամ՝ յաճել սանձարձակութեանն, հաւատքն արդէն տկարացեալ ի սպառ այնուհետեւ կորնչի. այս են հաւատք մեռեալ:

Ո՛վ քանի կարեւոր, նաև փրկաւէտ յոյժ իցեն խորհրդածութիւնքս: Ունկնդրութիւն ուշադիր՝ ձերում իմաստութեան արժանի և բարեպաշտութեան՝ խնդրեմ ես ի ձէնջ այսօր, տեարք իմ, պողաբեր լինել յաւիտենիցն կենաց միջնորդաւ հաւատոյն, առանց որոյ չիք հասանել այնմ:

ՄԱՍԻ Ա.

Իւր արդ ասեմ եթէ ի սանձարձակութենէ վարուց սկսանին տկարանալ հաւատք: Իսկ որ այն իցեն սանձարձակ վարք: Ետանօր ես ներողագոյնս և չափաւորս առնում սահմանել զնա, թէպէտ և խտտագունի ևս արժանի իցէ սահմանի:

Սանձարձակ վարք, յորում այնչափ զյողունս գտանեմք վարակեալս, իցէ գաղջութիւնն այն և հովութիւն կամաց՝ յայն ամենայն գործս որ միանգամ պատկանազրեցին ի յաւիտենական փրկութիւն հոգւոյն:

Որ այսպէս գաղջք և հովացեալքն իցեն, թէ և չիցեն նոքա արք անզգամք, անօրէնք, ոչ գողք, ոչ պոռնիկք, ոչ հեշտասէրք, սակայն և իցեն զբօսասէրք, աշխարհասէրք, որք և դուն ուրեք զսեամս կոխեսցեն զտաճա-

րացն Նստուծոյ, ոչ յաճախեսցեն 'ի խորհուրդս սուրբս եկեղեցւոյ, յուլացեալք 'ի գործս սիրոյ, չիցեն և աղքատասէրք, 'ի կրթութիւնս քրիստոնէական եռանդան աստուածաբաշտութեան անհոգացեալք: Այս համբուն՝ այնպիսիք ոմանք, որ թէպէտ և խղճեսցեն յանձինս՝ մատն լինել գեղեցիկ թելադրութեանց հաւատոյն իւրեանց՝ անիրաւութեամբ վարելով, սակայն և ոչ փոյթինչ իցէ նոցա զօրավիզն տալ հաւատոյն առաքինաբար վարուք:

Երբ յայսմանէ, ասեմ, աղօտանայ 'ի մեզ լոյսն երկնաւոր, և հաւատք ինքնին ծիւրին և ծնդին: Օր և ճգրիտ վարդապետութեամբ 'ի ներքս բերից ձեզ, սիրելիք, միանգամայն և զպատճառսն և զեղանակն. դուք քաջ միտ դիք աղաչեմ՝ զիարդ աստուածայինն արդարութիւն վարեսցի 'ի բանիս յայսմիկ. թէպէտ և որք ընդ նովին դատաստանաւ իցեն, յոյժ սակաւ խելամոհիցեն:

Վերիտոսականս կրօնք՝ որպէս խորհուրդս ունի անձառելիս 'ի հաւատալ, դարձեալ և հրահանգս և սկզբունս անստերիւրս վարուց 'ի գործել, սապէս և առաքինութիւն մի ունի զհաւատոյն, որ զմեզ կրօնիցն այն միկ սեպհականէ և յօդակապէ. տայ մեզ հաւատալ ճշմարտութեան խորհրդոյն հաստատութեամբ՝ միանգամայն և զհրահանգս վարուց 'ի գործ վարել հաւատարմութեամբ: Իսկ այս առաքինութիւն հաւատոյ հեղեալ 'ի մեզ յՆստուծոյ յառաջնում անդ սրբութեան յաւազանէն, ածէ մեզ և իրաւունս առ երկնաւոր օժանդակութիւն շնորհաց՝ 'ի լուսաւորութիւն մտաց և 'ի քաջամիտութիւն կամաց, 'ի լուր զպարտս քրիստոսականս կոչման:

Այս ահա յերկնաւոր յայս օժանդակութիւն շնորհաց հաստատեալ և հանգուցեալ կայ ոչ էութիւնն միայն և կեանք հաւատոց, այլ և սնդութիւնն և ոյժ և եռանդն և առուգութիւն նորա. նմանեալք ճգրիտ գեղափայլ յանկարծասիւն իմն նշուլից՝ որ զտնկակից իսաւար գիշերոյն իբրեւ 'ի լոյս զուարթ տունջեան դարձուցանեն նմա: Այսմ զոր օրինակ ողիք կենդանականք ներգործեն 'ի թանձր մարմինն, թեթեւաշարժ առաջրելով զնա, և կորովի և առոյգ և շոյտ 'ի գործել:

Ըրդ ըստ անպատիր վարդապետութեան հարց սրբոց և առ հասարակ աստուածաբանից, զերկնաւոր զայս օժանդակութիւն պարգևէ Բստուած իրաւացի բաշխումբ. ումեմն շատ՝ որ յարդէ զնոյն, ումեմն սակաւ, կամ թէ ողջոյն զլանայ այնոցիկ որ ոչն յարգեն: Եւ տեսանես զու այնուհետեւ զօր ամենայն զգարմանալին զայն աննմանութիւն ընդ մարդ և ընդ մարդ. թէպէտ և երկոքին ՚ի նոյն և ՚ի մի հաւատոյն կենաւ գործեալք իցեն: Օյն է զի կէսք այնչափ իմն զգածեալք են և սաստկազոյնս խոցեալք ՚ի սիրտս ՚ի ճշմարտութեանց աւետարանին. և կէսք դարձեալ որ զնոյն դաւանին և խոստովանին, թեթեւակի իմն և ՚ի վերին երեսս զգածեալ են ՚ի նոսա:

Կամիս գիտել և ՚ի ճգրիտ նմանութենէն. քանզի կիսոցն հաւատք նմանեալ է գիշերոյ ՚ի պարզի, յորում վառ ՚ի վառ լուսարձակ բիւրուց աստեղաց պարք զուարթ գործեն զնա և պայծառ և ջինջ, և առ ՚ի գործել պատկանաւոր: Իսկ կիսոցն հաւատք նմանեալ ծնդին բալաձիգ գիշերոյ, յորում օդք աննշոյլք միդամածք հրաւեր կարդան ոչ յայլ ինչ, բայց յանգործութիւն և ՚ի նիրհ և ՚ի քուն:

Սակայն ոչ վայրապար թշուառանսն նոքա այնպէս անբաժք ՚ի լուսալիր պարգևացն Բստուծոյ. այլ իւրեանց յանցաւորութեան սակս: Վանդի չեն նոքա անձկանօք հետամուտք սրբութեան վիճակին՝ յոր կու չեցան Բստուծոյ. քանզի յուլանան գործել գործս արժանի դաւանութեան հաւատոյն իւրեանց. քանզի ՚ի վարս և ՚ի գնացս նոցա շիջեալ է եռանդն քրիստոսական, և բնաւ իսկ անձնատուր են ՚ի թոյլ և ՚ի բերկրական կեանս:

Եւ արդ ՚ի վերայ այս հիման հաստատուն վարդապետութեան հարցն սրբոց, ՚ի խորութիւն սրտից մերոց վայր մի աղաչեմ մատիցուք սիրելիք, զննել զիմարդ ՚ի նուազել ՚ի մեղ եռանդան գործոց առաքինութեան, յանհոգանալ մեր և ՚ի դաղջանալ, աղօտանայ ՚ի մեղ երկնաւոր լոյսն, և հաւատք ծնգին և հիւժին:

Վանդի այս աստուածային երկնաւոր պարգև, որ ՚ի խաւարէ անհաւատութեանն վերածեաց զմեզ, հրաւեր կարդայ միանգամայն և ՚ի կատարելութիւն մեծ:

պատուիրէ ոչ միայն զհետ չերթալ գործոց խաւարին, այլ և միշտ նորոգիլ զօրութեամբ, և յեռանդն հատանիլ սրբութեան կենաց. ոչ զկնիքս միայն զփառաւորս զընտրելոց իւրոց որդւոց հաճեցաւ տալ մեզ և պատուել, այլ և խնդրէ զպատիւն զայն ցուցանել 'ի մեզ արդեամբք՝ 'ի պատուիրանապահութեան մերում:

Եւ թէ զինչ դէպք ներհակակիրք յուզիցին 'ի մեզ, քրիստոնեայք, դուք ինքնին 'ի ձեր իսկ փորձոյ պատմեցիք մեզ: Եւ զուշ և զուրուշ մեր մոգէն դիւթեն կենցաղականս հրապոյրք. դեղէն զմեզ առարկայիցն խօլական ցնորք. թափ անբանական կրից ցանկութեանց տակաւ սարդեալ 'ի մեզ տիրանան և թաղաւորեն. և իբրու թմբիր մահապարծ ածեալ զմեօք, մինչդեռ չզգամք՝ հեշտեալ կախարդէն զմեզ, իբրու մտախաբք՝ միշտ կամել մեզ անձնատուր 'ի հաւատս լինել, սակայն և միշտ անդիմամարտ վարել կեանս 'ի յօժարութիւնս անձահս, 'ի հակամիտութիւնս յանցաւորս, յիղձս անտպաւորս բնութեան մերոյ:

Եւ ապա ուշ դիք, զիմարդ առ 'ի նոցանէ հրապուրեալքն՝ նօսր քննութեամբ զանազանէն մեզ զօրէնս և զկատարելութիւն հաւատոյն. զխտութիւն պատուիրանի աւետարանին, զքաղցրութիւն խորհրդոցն նորա, զձանապարհս փրկութեան և զշաւիղս սրբութեան:

Եւ անարհուլութիւն սրտի, ասեն, և մեռելութիւն անձին, և ապաշխարութեան կրթանք են իսկ այդոքիկ առաքինութիւնք պատշաճեալք միանձնական կարգին և վանական կենաց. և չէ պարտ, ասեն, շփոթել զայդոսիկ ընդ պարտուց վիճակի աշխարհիկ անձանց: Եւ յառաջ ևս խաղան: — Չսիրել, ասեն, զոսկի և զարծաթ, չկապիլ ընդ մեծութիւնս, ջերմեռանդն հպատակել յաղօթս, կրթութիւնք հրահանգաց բարեպաշտութեան. այս ամենայն, ասեն, թէպէտ և աղդեալք և խրատեալք, այլ ոչ և պատուիրեալք:

Բեզ ահա այնուհետեւ հոգի քրիստոնէի գերբնալանն՝ դարձաւ եղև հոգի բնաւորական իմն համեստուն, կամ թէ ասել՝ բնաւ իսկ քաղաքական բարեմարդութիւն: Եւ հաւաստիք բեզ մարդ քրիստոնեայ. այն ոչ բառնայ նա զօտարինն, սակայն պնդապէս անքակ կապեալ է ընդ իւրումն: Եւ արդ քրիստոնեայ, որ անիրա-

ութիւնս չգործէ . սակայն և դու ինչ և չողորմի : Սարգ քրիստոնեայ , որ տարապայման չուայտի . սակայն և միշտ փափկացեալ գրգէ զանձն : Սարգ քրիստոնեայ , որ թէպէտ և հրաժեշտ տայ 'ի հեշտութեանց՝ զոր արգել Մտուած . սակայն և ոչ վայրիկ մի մեռելութիւն յանձն առեալ՝ երբէք տեղի տացէ 'ի թոյլ տուելոյն : Եւ համբուն ահա քեզ այր քրիստոնեայ , որ չգործէ այո պատուոյ հաւատոյն իւրոյ անդգամութեամբք և անօրէնութեան շաւղօք , սակայն և ոչ դուզնաբեայ ինչ շուք յաւելու հաւատոյն առաքինի գործովք , և որ ինչ ճահաւոր իցէ սրբութեան և վսեմութեան վիճակի կոչմանն : Իբրեւ չէ շատ խոտորիլն 'ի չարէ . այլ " Խոտորեա , ասէ , 'ի չարէ , և արա զբարի " :

Եւ այսպէս ապա ըստ իրաւացի դատաստանին Մտուածոյ աղօտանայ 'ի մեզ լոյս հաւատոյն , և զօրութիւնն թուրանայ : Վանգի և Մտուած ինքնին զնոյն օրինակ վարի ընդ մեզ , որպէս և մեք ընդ նմա : Տայ պարգեւէ զչնորհան՝ որ ըստ հասարակ կարգի տեսչութեանն կարեւորքն են մեզ 'ի փրկութիւն . այլ ոչ և զայնչափ լոյսն և զյորդն , որ վառ և բորբոք ներգործեսցեն 'ի մեզ զճմարտութիւնս քրիստոսեան կրօնիցս : Տպացեալ կան այո այդոքիկ 'ի միտս անդ , այլ որպէս նկարք գեղեցիկք 'ի կտաւի կամ 'ի պիտակի , որ 'ի դալ գիշերոյն խաւարազգեացք են , անբաժ 'ի շնորհաց զիմակ զիմակ գունոցն , անբաժք 'ի գեղոյ և յամենայն ճարտարութենէ 'ի վայելչ տեսութեանն : Մյսպէս և ճմարտութիւնք անսուտք և հրահանգք զօրաւորք կրօնին 'ի միտս և 'ի սիրտս՝ իբրու անազգակք ումանք և աննշոյլք և վայրապարք :

Մյս է արտասուելին վիճակ տկարացեալ հաւատոյն 'ի մեզ , չասացից եթէ և մեռելոյ . որում մեք ինքնին զօրհասականն տամք զվերս :

Մյլ սակայն և զայն ևս հարկ է առակել , եթէ այս է հաւատն զոր և յաճախ գտանեմք մեք նաեւ առ այնոսիկ , որ իբրեւ երկիւղածս համարեալ են 'ի մեզ և առ բարեպաշտս գրեալք : Հաւատ մեղի , հաւատ առ կայծեալ և կիսակենդան :

Իսկ 'ի հաւատտիս ճմարտութեանս՝ զոր ասեմ զօրացեալ 'ի մեզ , դուք ինքնին աղէ ասացէք մեզ :

Օ՜հնչ այն իցէ յարգն և վարկն՝ զոր վարկանիցիմք մեք զկրօնն . որ այն իցէ մերն զաղափար 'ի միտս յազազս սրբութեան . որ այն հոգն մեր յազազս հոգւոյն . որպիսի մեր ահ երկիրդին 'ի գեհենոյն , և զինչ յոյս կոչման մերոյ՝ զոր ասաց առաքեալն , և որ ակնկալութիւն մեր յազազս արքայութեան :

Վտանիցին թերեւ բազումք ոմանք , որ յաղքատս և 'ի մուրիկս զնոյն ինքն ակնարկեացեն զՔրիստոս . որ զնորուն Քրիստոսի զմեծ վայելչութիւնն պատուեացեն յանձինս քահանայից երեսփոխանիցն նորա . որ 'ի սեղան սրբութեան խորհրդոյն պինդ հաւատովն խտրութիւն արասցեն արժանի՝ ընդ մէջ հացի և հացի :

Աւրանօր իցեն այսօր հետք շաղապ անարատութեան հաւատոյն՝ զոր մերն հարք կոխեցին յառաջ քան ըզմեզ : Ո՛ւր այսօր արհամարհութիւն պատուոյ : Ո՛ւր այսօր սէր և վարկ չարչարանաց : Ո՛ւր այսօր վեհանաճականն այն նուիրումն գոյից և ընչից և քաջողջութեան և կենաց զխտովին :

Ո՛վ այն իցէ որ իբրեւ նշդեհ և պանդուխտ համարեցի զանձն ընդ անցաւոր կեանս աշխարհիս : Ո՛վ այն իցէ , որ իբրեւ յինչ մի գերագոյն քան զամենայն գործ և քան զամենայն զբաղանս՝ այնպէս ուշ ունիցի 'ի գործ փրկութեան հոգւոյն : Եւ ո՛ւր գտանիցեմք մարդ , որ խորամուխ 'ի քննութիւն առցէ զբարձրութիւն և զխտրութիւն զատուածայնոյն : Տուք ինձ պատասխանի ձերովք անպատիր գիտութեամբ զոր ունիք զաշխարհի՝ ճշգրիտս և ընդարձակագոյնս քան զմերն :

Եւ մանաւանդ , չիցէ թերեւ , զինչ ասեք , չիցէ յընդհանուրս յամենայն տիւս հասակի , յամենայն աստիճան աւագութեան , յամենայն վիճակի կենաց մահահամբոյր իմն թմբբութիւն , անդորրամիտ իմն անխտրութիւն , և բնաւ իսկ անզգայացեալ իմն վարուց քաղաքավարութիւն յայն ամենայն՝ որ միանգամ գործ կրօնի իցէ , որ միանգամ գործ փրկութեան հոգւոյ իցէ :

Եւ ո՛ւր ապա մնայ հաւատք մեր : Քանի տգիտութիւն ամօթալի քրիստոնէական վարժից և հրահանգաց ոչ արմատացաւ այսօր և աճէ յընդհանուրս : Արթանք և ճգունք ապախարութեան և մեռելութեան մարմնոյ իցեն ինչ արդոյք , և ո՞չ առաւել քստմնելիք և դժոխ

ըմբերք փափկութեան մերոյ : Վրանի անախորժ պարարմամբ և քանի նուազութեամբ պաշտեն կատարեն այսօր բազումք զփրկաւետ խորհուրդան և զկենսագործիւն :

Եւ ապա ընդ հակառակս չիցն տիրացեալ այսօր, տեարք իմ, առ բազումս վարկ իմն բարձրագոյն կենցաղականացս առօրէից, և տենչ տարապայման, և փոյթ ժրաջան 'ի խնդիր բերկրանաց, 'ի խնդիր մթերից զոյից, 'ի խնդիր պատուոյ և փառաց, և որ այլ ևս՝ որ կամ վտանգաբեր և կամ վայրապար և ծաղկընկէց. զոր մերն հաւատք կամ հոգան ինչ կամ յընչաց քերեն կամ արգելուն կամ դատապարտեն :

Եւս անշուշտ, այս աւագիկ պատկեր սերկեան քրիստոնէութեանս, և այս հաւատ որ կեայ 'ի նմա. հաւատք՝ յորում չիք եռանդն, հաւատք՝ բնաւ իսկ վատեալ յուժոյ. չիք 'ի նմա ոչ ձեռն, ոչ բազուկ, ոչ շարժումն. և համբուն այնպիսի՝ որ փոքր միւս ևս տալէ ցոյցս առ արտաքս ոչ ինչ ընդհատ յայնցանէ՝ որ ոչն ունիցին ինչ հաւատս :

ՄԱՍՆ Բ.

Եւ արդ զոր օրինակ 'ի սանձարձակութենէ վարուց տկարացան հաւատք, որպէս և տեսէք, սապէս և 'ի տկարութենէ հաւատոյն առանել ևս զայրանայ և աճէ սանձարձակութիւն վարուց. և յայնչափ սանձարձակութենէն 'ի սպառ ապա ծնողին հաւատք և վատին և չքանան : Սղաղունիւք և զայս պարզեսցուք սիրելեացդ, և խելամուտ աղաչեմ լինել ճշմարտութեն, 'ի ճշգրիտ յօրինակէ անտի բանիցն, զոր կարգեաց աստուածային մարդարէն : Եւրարեր, ասէ, խաւար, և եղև գիշեր 'ի նմա գնան ամենայն դազանք անտառի. : Ս'իտ դիք, ասէ, կարգի բնութեա. յորժամ 'ի մայրն իւր գիմէ դառնալ տիեզերաափիւ ակն արևու, անդէն և տունջենայինքն զիայ առնուն զործք և արարք, և 'ի հանգիստ իւրեանց 'ի քաղցր՝ դառնան կենդանիքն ընդելք. որք

կամ 'ի մեր զբօսանա կամ 'ի հարկ կամ 'ի պէտս ինչ մարդկան վաւտակէն զտիւն ողջոյն . եթէ գրաստք խոնջք բեռնակիրք , եթէ հարկիք եղանց արօրադիր , եթէ երկաւք ընդ քիրան մտեալք , և խաշն և արջառ յիւրեանց արօտից , և դառնան առ հասարակ հանգչել իւրաքանչիւր 'ի դադարս : } Երկնք և բլուրք և դաշտք և արօտք՝ որ 'ի լոյս արեւուն հնչէին զուարթացեալք 'ի վաստակս ձեռաց մարդկան , 'ի հասանել գիշերոյն՝ անչլ շունչ 'ի լուծեան դադարէ ամենայն . և յանդորրու ամենայն կենդանի առնու զհանդիստ :

Եւ ոչ զնոյնօրինակ և յանտառս խորս և 'ի թաւս անմատոյցս . անդ 'ի տունջեան լուծիւն թագաւորէ . քանզի գազանք խաւարասէրք զանգիտեալք՝ ատեան զլոյս , և դադարեն որջացեալք իւրաքանչիւր 'ի մօրիս , ակնկալեալք խաւարի : — Եւ ապա այն ինչ մութ գիշերոյն պատէ , և անդէն անտառն առ հասարակ 'ի շշուկ հատեալ խռովի : Շարժին գան 'ի դուրս 'ի կաղաղացն . սողացեալ շանթեն վիշապք մահաշունչք , գոչէ յերևան գայ առիւծ ամեհի , ոռնայ կաղկանձէ գայլ արենարբու . և գազանք այլք ազգի ազգիք ահագինք գան , գնան և շրջին . և 'ի վեր և 'ի վայր հնչէ անտառն . մոլեգինք յարձակին , ապաստան իւրեանց զիտաւարն ոռնելով . քանզի՝ Եղև գիշեր . և 'ի նմա գնան ամենայն գազանք անտառի :

Երգ դու յօրինակէն իմաստասիրեա ինձ զճշմարտութիւնն : Եւ քանզի վատել հաւատոյն է 'ի նուազելոյ անտի երկնաւոր լուսաւորութեանն՝ զոր ասացաք , ապա ուրեմն՝ ոյր ախտակրեալ են հաւատք , հարկ է եթէ 'ի խաւարի բնակեացէ հոգին . խաւար՝ զոր նշոյլ իմն աղօտ աստուածային լուսոյն թէպէտ և հարկանէ , այլ ոչ և վարատեալ փարատէ :

Եւ թէ զինչ դէպք աղէտից տացեն յայնժամ 'ի խաւարին յայնմիկ , դուք ինքնին խելամուտ լերուք , բրիստոնեայք . և զոր ես ասեմ՝ դուք ձերովդ փորձի 'ի քնին առեալ ճգրտեցէք :

Երբ և այս մութ իմանալի խաւարին հասանէ հոգւոյն , յայնժամ յօժարութիւնք նորա հոգեւորք երկարժամանակեայք , և առաքինութիւնք երկնաւորք հեղեալք , միանդամայն և լոյս բանին , և ողջամիտ

խորհուրդք, այս ամենայն՝ որ երբեմն 'ի լոյս պայծառութեան երկնաւոր նշուլիցն տքնաբար վաստակէին և գործս գործէին զփրկութեան, այնուհետեւ ընդարմացեալ կան անգործք և պարապորդք, և իբրեւ խոր 'ի քուն թմբբութեան անկեալ կան: Իսկ անդուստ յայնժամ իղձք և ցանկութիւնք զժպատեհք և պիղծք, և կիրք անբանականք, որ 'ի փայլատակել երբեմն աստուածային լուսոյն 'ի հոգին, իբրու հոյլք գազանաց յորջա և 'ի կաղաղս այնպէս զօղեալք անշունչք կային՝ պահ կալեալ անձանց, խուժեն դան 'ի դուրս համարձակ, և աստատան զաննշոյն իւրեանց ունելով զգիշեր, 'ի գործս խաւարին թարթափեն:

Ինդուստ թունալից մահահոտ գազանն շնչէ, և ընդ քնթանոցն իբրեւ ընդ բազմապտոյտ շաւիղս խոտորնակս սողոսկեալ չրջի նենգաւոր օձն անձնատիրութեան և շահախնդրութեան: Ի գայուալից մօրիցն 'ի դուրս գայ, և ընդ ամենայն մարդս քայլ առեալ գնայ անպատկան հեշտութեանցն՝ պիղծ գազանն անժուժ կալութեան: Երկրիս և ամեհի շարժէ թօթափէ զբաշն, և ահեղասաստ գոյէ աննկունն առիւծ՝ փքուռոյց գազանն ամբարտաւանութեան: Եւ այլ ևս ըստ նոցանէն՝ որ առաւել և որ նուազ, բնաւ իսկ ամենայն գազանք կրիցն բորբոքելոց վեր 'ի վայր գղրդեն զկենդանութիւն մարդոյն. քանզի "Եղև գիշեր. 'ի նմա գնան ամենայն գազանք անտառի":

Եւ ապա յայս վիճակ ձախողակ՝ անդէն զլուխ ամբարձեալ տիրանայ առ հասարակ 'ի վերայ ամենայնին ցանկութիւն մարմնոյ. և սանձարձակութիւն վարուցն լինի այնուհետեւ սանձակոտոր. աճէ ապականութիւնն՝ որ ինքնին հակամէտ է 'ի չարն, և 'ի դժպէի ցանկութենէն գնալով գնայ և վատթարի: Եւ այսօրիւք և խակախորհուրդ տեսութիւնք զգայարանացն՝ որ զօշատեն, և համբաւ և շուռ աշխարհի՝ որ իրացուցանեն, և սկզբունք թիւրք՝ որ մարտեցուցանեն, և խմաստք ձախողակք՝ որ դաւեն, և օրինակք չարաց՝ որ հրապուրեն, և 'ի վեր քան զամենայն՝ կեանք պարապորդ և հեշտին՝ որ վարմեն և յանկուցանեն: Եւ ամենայն յընթացս մոլութեանց և ախտից առեալ քայլ առ քայլ յառաջագոյն՝ բարշէ ձգէ զմարդ, և ապա արապ 'ի

վերջէ՛ ի վի՛հ անդր խարդաւանէ՛ ամբարշտութեան և անհաւատութեան :

Սեղանէն նախ , ապա դիւրբնտէլք բնաւորին ՚ի մեղանչել , ապա և մեղանչեն անխիղճ . Սէ շատ . մեղանչեն և անսպասկատ , և ապա հուսկ ուրեմն՝ մեղանչեն և պարծին ևս , և ջատագով ևս մտանեն և գովեն զմեղսն՝ զոր գործեցին :

Օ այսօրինակ աւաղիկ կորուլացեալ հսկայանայ խօն այն ամեհամուղ՝ սանձարձակութիւնն ասեմ , որ է ինքն ճգրիտ կնիքն դրոշմաւոր աշխարհի , երկրաւոր , շնչաւոր և դիւական , զոր աւետարանն սուրբ մերժեաց և դատապարտ արար : Սանձարձակութիւն և աներասան կեանք , որ որպէս տեսէք՝ ՚ի թուլացեալ հաւատոյն իբրու յառաջին պատճառէ առեալ ծագումն , նոյնպէս և պատճառք առաջին ինքն լինի նաև ՚ի սպառ ծնգելոյ և մեռանելոյ հաւատոյն :

Օ ունկնդրութի՛ զիմաստութեան ձերոյ նորոգեցէք ինձ՝ աղաչեմ և ՚ի ճշմարտութեանս յայսմիկ . ճշմարտութիւն՝ թերևս այսօր առաւել ընտել , իբրու առաւել ՚ի գործ առեալ . ուստի և ՚ի լուսաբանել առաւել կարեւոր և առաւել պողաբեր :

Օ սանձարձակութիւն զայս գբրիստոնէից նաև յամենայն ժամանակս գոգցես արտասուեցին հարբն սուրբք : Ի բրիստոնէից , ասեն , յոգունք ՚ի ծոցի կեան եկեղեցւոյ և ՚ի հաղորդութեան խորհրդոյ կրօնիցս սրբութեան . ՚ի վերայ այսր՝ և ՚ի թանձր խաւարի խարխափեն անհաւատութեան : Օ անուն կրեն գբրիստոնէի , սրարձանս ունին զհաւատոյն , մերթ ընդ մերթ երևին յեկեղեցւոյ , և յամենայն տեսողացն հաւատացեալս կարծին :

Իւ են իսկ նոքա այնպիսիք յանուանէ քրիստոնեայք , իսկ արդեամբք և ճշմարտութի՛ ամենեկին իսկ օտարք ՚ի հաւատոյ : Սերսպարանաւ ՚ի ներքս կան յեկեղեցւոյ , քաղաքավարութեամբն արտաքոյ են եկեղեցւոյ : Օ այս առաջին հարբն . ոչ վայրասպար իմացուածով առեալ զբանս , իբրև որք բերանով չափ դաւանեն զհաւատս , և զանհաւատից վարելով կեանս՝ ժխտեն գործովք . այլ տիրապէս և սահմանաբար , իբրև որք ՚ի տնանկութեան երկնաւոր սրբգեացն՝ նաև զհաւատս ինքնին

որ իբրեւ տախտակ ապրեցուցիչ 'ի նաւաբեկութեան
[թողաւ նոցա, նոքա և զնոյն 'ի բաց ընկենուն յանձանց՝
մերկք յամենայնէն : Վանգի չարաչար վարուքն կորու-
տանէն և զայն՝ զոր բարիորդ դաւանին, նաւակոծեալք 'ի
բարձրագոյն յայն պարգեւ և յերկնաւորն աւանդ :

Իսկ առ ողբալին այն վիճակ անհաւատութեան կամ
ուրացութեան, չեն պէտք այնպիսեացն՝ մերկածուփ
ամալրոպաց հալածանացն կամ բռնաւորացն վերադարձի
դարուցն առաջնոց, ոչ յանդիման լինելոյ մոլեգին դա-
տաւորացն, ոչ չարաշուք դահճացն սակրաց և վաղերց և
ձիւծեւ տանջանարանաց և խարուկաց և խաչից . այլ
նաեւ յորժամ հալածող և ոչ ոք է 'ի միջի, նոքա ինքնին
ուխտանենդք, մատն լինին հաւատոյն . [Եպէտ և 'ի
խոր խաղաղութեան եկեղեցւոյ և յանալեկոծ կեանս իւ-
րաքանչիւր, [Եպէտ և 'ի նմին իսկ 'ի նաւահանգստի,
յորժամ սպառնայ և ոչ ոք, յորժամ արհաւիրս չածէ
և ոչ ինչ :

Վանգի որպէս գեղեցիկս յոյժ ասացին հարքն, ոչ
ցաւ տանջանացն միայն յուրացութիւն դրդէ, այլ առա-
ւել յոյժ քան զչարարանսն՝ բերկրալեացն հեշտութիւն
և սրտի ապականութիւն, և խոտորումն վարուց և 'ի
մեղս բնաւորութիւն՝ ուրացողս գործէ . քանզի յուշիկ
խօլացուցեալ զմարդ՝ 'ի սպառ 'ի հաւատոցն մերկացու-
ցանէ :

Իւրեւ, այս է նոցա փոխան դահճի, այս փոխան ա-
մենայն տանջանարանացն դառնութեան յուրացութիւն
անդր : Ս'ի միայն է անմանութիւնն, որում խեղամուտ
լինել աղաչեմ. նախնի ուրացողքն դատալիք բրիստոսա-
կան զինուորութեանն՝ կապուտ կողոպուտ 'ի հաւատոյն
լինէին, առ աւանէ միայն ժխտելով զայն ինչ՝ զոր 'ի
նեւրբս դաւանէին՝ միայն առ ահի տանջանացն որ բուռն
առնէր նոցա : Ս'երջինքդ՝ զիրկք և մերկք 'ի հաւատոյն՝
ժխտելով 'ի նեւրբս զայն ինչ՝ զոր առ արտաքս դաւանէն,
առ սէր միայն ցանկութեան հեշտալեացն որ խօլացու-
ցանէն զմիտս :

Իւր այսպէս անհաւատութիւնն՝ [Եպէտ և 'ի միտս
է, սակայն 'ի կամացն և 'ի սրտին ապականութենէ
առնու սկիզբն : Վանգի կամք խոտորեալ իբրեւ տեսա-
նէ զի հաւատք խուլկեն և անհանգստեն զնա 'ի կա-

տարուին ցանկութեանցն , ճգնի յինքն զմիտան որսալ .
 և տակաւ ամբէ զնա ժխտել զճնարտութիւնն , այսինքն
 զայն ինչ որ տանջէ զնա : Եւ ապա լոյս բանին մթազ-
 նեալ 'ի բազմադէմ կրիցն , և շուրջ պատեալ և մատ-
 նեալ 'ի խեղաթիւր կամաց անտի , նախ սկսանի յեր-
 կուանալ ընդ ճնարտութիւնն , և ապա բերի և 'ի ժրիւ
 տել . և այնպէս մարդ ախտաւոր՝ յախտաւորութենէն
 դառնայ յանկարծակի և գտանի միանգամայն և ախ-
 տաւոր և անհաւատ :

Եւ չեն ինձ կամք աստանօր պայքարաւ մանրազնին
 սահմանել , եթէ յանաստուածութիւն գլխովին , կամ 'ի
 նիւթապաշտութի , կամ յաղանդ մի , և որ այլ այսպիսի
 զլորեալ անկանիցի հաւատացեալ ախտաւորն : Եւսմ
 պարզ , եթէ անշուշտ 'ի հաւատոցն անկանին բազումք
 մեծամեծ մեղօք ցանկորդեալքն յապականութեան
 սրտի և վարուց . և անժխտելի է բանս 'ի փորձոյ անտի
 կենակից քաղաքավարութեան ընդ աշխարհի , յորում
 լսեմք բազում անգամ և տեսանեմք իրս իմն , որ զախ-
 տաւոր հոգւոյն և զխոտորնակ մտաց տան ցուցակու-
 թիւնս քաջայայտս :

Իտ դիք աղաչեմ : Օ իմրդ նշանս անհաւատու-
 թեան չկուել մեզ զսկզբունս զայն զվարուց զսանձարձակ
 որերոյն , զոր վարեն անդուն բերանով ստէպ 'ի կենա-
 կից ակումբս , և ասէն եթէ պատիւ անձին կորու-
 սեալ վերանորոգի որով և իցէ ճանապարհաւ . և տանել
 նախատանացն և ներել անիրաւութե՝ գձձութի է և վա-
 տուի ողւոյն : Եւ թէ՛ են մեղք որոց համար չպահանջի .
 քանզի ճանաչէ Եստուած զտկարութի և զթշուառութի
 հաստուածոյն մերոյ , զի 'ի կաւոյ հաստատեալ եմք առ
 հասարակ : Եւ թէ այնչափ է որ երջանիկ , որչափ յօ-
 րացեալ է 'ի յարգն և 'ի պատիւ և 'ի մթերս գոյից . և
 թէ տեսչութիւն նախախնամութեան տիեզերաց՝ որ
 յընդհանուրս և որ առ իւրաքանչիւր մարդ , է նոյն իսկ
 յաջողածեռնութիւն առն իւրաքանչիւր , և կար զօրու-
 թեան նորա և իմաստութիւն հանձարոյ նորա . և
 թէ ժուժկալութիւն աւետարանին և կուսակրօն կեանք
 և աղքատութիւն կամաւոր՝ են միայն յանձնառութիւնք
 ապիկար և գձոճ ողւոյ , որ թողուն զաշխարհ և ար-
 համարհեն , քանզի չեն ձեռնհաս յաջողիլ 'ի նմա :

Բայ սկզբունք մուղը, սկզբունք գայթակղականք, սկզբունք դէմ ընդդէմ ներհակակիրք անսուտ և ամենասուրբ հրահանգաց բարոյականին՝ Քրիստոսի, և չգիտեմ և զահի հարեալ եմ զխմրդ գիրկս այդոցիկ արկանիցեն սկզբանց առանց մեղանշելոյ անհաւատութեամբ և առանց ուրանալոյ զաւետարանն :

Բայց յառաջ ևս խաղացեալ ՚ի խնդիրն, զմերն համեմատեսցուք հաւատ ընդ առաքելական աւանդիցն և հրահանգին : Օ խմրդ ոչ նշանս կոչել անհաւատութեան զանխոյթութիւնն մանաւանդ եթէ զանպատուութիւնն և զանարգութիւն զոր վարեն բազումք յիրս արդոյս և յաստուածայինս : Քանզի ասացէք ինձ, քանի նշաւակութիւնք և անսրբութիւնք ոչ կատարին ՚ի տեղում սրբութեան, և յանդիման տեառն փառաց որ անդ բազմեալ կայ : Օ ո՞ր յարդ, զոր շուք ածեն այսօր աշխարհիկ բարձրագոյն աշտիճանի սրբոյ քահանայութեանն : յ՞որ չափ գձձութեան և ծաղուչնուաստացան առ բազումս բազում անդամ՝ արք երկիւղածք և բարեպաշտիկք և ճշմարիտ հաւատացեալք :

Եւ զի՞նչ ասեմ զբարեպաշտիցն . ոչ ահա և նոքին իսկ արդիւնք և կրթանք ամենասուրբ հաւատոցն՝ և առանձին բարեպաշտութեանց հրահանգ յեկեղեցւոյ հաւատացելոյ, և խորհրդոց սրբոց և սրբազնագործութեանց յաճախութիւն՝ առ բազումս իբրեւ նիւթ զօրացան և նպատակք ծաղուց և կատականաց՝ իբրու արդարեւ առ անկրօնս :

Եւ ողում ասել զյանդգնութիւն և զյանձնապատան միտան, որ իբրու յընչաց քերել՝ զիմաստ ծանունս զկրօնից և զգրոց սրբոց և զհարց սրբոց՝ վճիռ համարձակ ՚ի վերայ ածեն զիւրեանց դատաստանին, իբրու այն եթէ աշխարհական պատմութեանց վէպք իցեն :

Եւ ողում ասել զխորին խորհրդոց դաւանութեանս, որք խորհուրդք են անթարգմանելիք նաեւ կարի խորիմաստ վարդապետաց . և ռակայն վայրադար զրուցաբանութեամբ յակումբս կենակցութեան ՚ի մէջ բերին իբրեւ նիւթ ժամովաճառութեան :

Եւ ողում ասել և զմահութոյն և զանկրօն զրոցն և զգրողացն զանդատապարտ արձակումս և զգովութիւնն՝ ՚ի նոյն ակումբս շփացելոցն :

Եւ զիարդ 'ի վերջէ՝ ոչ նշան անհաւատութեան կոչել մեզ զողին զայն շնաւոր և զքաղաքական, որ զբերիստոսական հաւատոցն զանսուտ ճշմարտութիւնն՝ իբրու կարծիս համարեսցի հաւանական զաստուածաբանից. զկրօնն ինքնին գրեսցէ իբրու կառավարութիւն քաղաքի՝ կարգեալ 'ի վայելչութիւն և 'ի հանդարտութիւն աշխարհի. և զեկեղեցական սահմանադրութիւնսն և զաստուածայինսն կարծեսցէ իբրև օրէնս կանոնադիրս քաղաքականս՝ սանձել նուաձել զխուժանն, և հոգ տանել հասարակաց անդորրութեան:

Եւ զգեօք կուտակաբան քան զչափն անցի ինչ յարտասուելի նկարուս. եթէ մանաւանդ անտպաւոր և անարժարժ գունով, և անկենդան երանգօք մեռելատիպ նկարեցան ճշմարիտքն, դուք ինքնին ո՞ք բրիստոնեայք, որ միշտ յաշխարհի էք և ընդ աշխարհի թարթափիք, դուք ինքնին տուք զդատաստան. զի էս մանաւանդ յանբարբառ գրոցն քաղեալ՝ 'ի ներքս բերի զնկարն, քան եթէ 'ի խօսուն յաշխարհէ:

Կամէի ամենայն ըզձիւ, և կամէի մանաւանդ լինել յայդոսիկ իբրև նախանձայոյզ ոմն ծայրայեղ և իբրև խրթնի վարուք խտամբեր, քան եթէ պատմիչ ճգրտաբան: Սակայն և զայն աւասիկ միտանգամ, սիրելիք, հաստատեմ աներկեւան կրկին և երեքկին, եթէ նուազունք իցեն և կամ բազումք յայնպիսեաց հաւատացելոց՝ վասն այնորիկ դառնան լինին անհաւատք, բանդի են սանձարձակք վարուք և խառնակեցիկք:

Քանզի անսուտ է ճշմարտութիւնն, զոր Եստուած ինքնին վկայեաց. “Եւս ազգ, ասէ, որ ոչ ընկալան զխրատ, պակասեցին հաւատք և բարձաւ ճշմարտութիւն 'ի բերանոց նոցա.”: Եւ քանզի անխրատք, ասէ, և անսաստք եղեն օրինացն՝ զոր առին յԵստուծոյ, և ըստ կամս անձանց գնացին, վասն այնորիկ զվերջինն առին պատուհաս. “Պակասեցին, ասէ, հաւատք և բարձաւ 'ի նոցանէ ճշմարտութիւն.”:

Եւ ահ զգնդակ բախտին. յորժամ կամք ապակահեալ, և ըստ նմանէն միտք իցեն մոլորեալք, որ այն իցէ դեղ դարմանոյ վերջին ախտակրութեանն. բայց թէ այր իւրաքանչիւր սանձ գեղեցիկ և բանաւոր գիցէ ապերասան վարուցն, և այնպէս 'ի դիւտն ցնծացէ

կորուսեալ հաւատոյն : Հայրս վերանորոգեսցին վարք,
և անդէն նորաստեղծցին հաւատք :

Օ առաքելականն այր այր 'ի միտ ամցէ զկենսաբեր
խրատն . “ Յիշեա ուստի անկարն և ապաշուեա , և
գործեա զգործ քո զառաջին ,” : Յիշեա յոր աստիճանէ
անկար բարձրութեան , յոր երջանիկ բերկրաւէտ վի-
ճակէ : Յիշեա զանդորրաւէտ խաղաղութիւն զմտացն ,
զանսպառելի հրձուսանն , զսրտին քաղցրութեան զիղձ-
սըն յաներկեանութեան կեանս , յորժամ 'ի լոյս և
'ի շնորհս վայելէիր անարատութեան հաւատոյ :

Երբ և զգաղջութիւն հոգւոյն , նա զբնաւ իսկ զցր-
տութիւնն վառ և բորբոք արծարծեսցես 'ի նիւթ խմա-
նալի հրոյն 'ի գործս թեւակոխելով աստուածսպաշտու-
թեան և 'ի կրթանս քրիստոնէական հրահանգաց :
Յիշեա ուստի անկարն , և գործեա զգործս քո զառա-
ջինս զոր գործէիր : Եւ յառաջ քան զամենայն՝ յե-
ռանդն աղօթից քոց մաղթելով 'ի տեառնէ “ Յաւել
մեզ հաւատս ,” և ապա 'ի գութ սիրոյ առ աղքատս
վառեսցես զբեզ . և երկոքումք այսոքիւք հորդեսցես
բեզ ճանապարհ առ ամենայն առաքինութիւնս : Օ ի
այնպէս ապա ընդ Վուռնէլեայ բարեպաշտի և ողորմածի
զաւետաբեր հրեշտակին լուիցես զբարբառ . “ Եղօթք
քո և ողորմութիւնք քո ելին յիշատակաւ առաջի Եւ-
տուծոյ ,” : Եւ յաղօթից քոց և յողորմութեանցդ
հաստատեսցիս դու իբրեւ զնա 'ի հաւատս ճշմարտու-
թեան . քանզի անհնար է , եթէ յորժամ առաքի-
նասցիս դու 'ի վարս , չեղիցիս հաստարմատ և 'ի հա-
ւատս :

Իսկ թէ հաստատութիւն հաւատոյն իցէ միակ և
առաջին աղբիւր ամենայն առաքինութեանց և սրբու-
թեան վարուց , զայն մեք՝ (քանզի յոյժ կարեւոր և լի
տոհմականօք է նիւթն) , յառանձին քարոզի սեղանա-
ւորեսցուք սիրելեացդ :

ՔԱՐՈՉ, ԵՒ.

ՀԱՒԱՏՔ ԿԵՆԳԱՆԻ

“Սաակն հաւատոց տննար է հաճոյ լինել Աստուծոյ...”

“Այս է յաղրութիւն, հաւատք մեր որ յաղրէ աշխարհի...”

X
Երկինք աստեղազարդ, վայելուչ ասաց ոմն 'ի սրբոց, է եկեղեցի Մատուծոյ. որչափ բազմահոյլ պարուք աստեղացն զարդարեալ է, այնչափ և բազմագունակ լուսոյն զանազանութեամբ պայծառացեալ. թէպէտ և առ հասարակ աստեղք, այլ որպէս առաքեալ ասաց, “Մտղ քան զաստղ առաւել է փառօք...” : Եւ որչափ նմանութիւն հրաշալի դիտեաց աստուածային առաքեալն յաստեղափայլ յորդիս եկեղեցւոյ, այնչափ է և աննմանութիւն սքանչելի :

Մննմանութիւն 'ի դիմակ դիմակ կրօնից առաքելնութեան առն իւրաքանչիւր, 'ի պաշտամանցն, 'ի վիճակէն, 'ի գործոցն և որ այլ ևս, յորս լուսափայլէն վարք և քաղաքավարութիւնք ընտրելոցն : Իսկ ապա և նմանութիւնն. զի նոյն և մի հոգի է աստուածեղէն, որ շարժէ և վառէ և սաղրէ 'ի նոսա զանազանեալ գէմն և օրի նախ և տիպս. ըստ որում է տեսանել 'ի բազմահոյլ սրբոց՝ որ կեցին և որ կեցցեն մինչև 'ի կատարած աշխարհի, զի “Եթէ բաժինք շնորհաց են, ասէ, այլ հոգի նոյն է...” :

Մշակել յեկեղեցւոյ, ամուրիք՝ անձնապահ զգուշացեալք, ամուսինք՝ հաւատարիմք պարկեշտացեալք,

միանձունք՝ աստուածամերձք խորհրդածուք, կենա-
կիցք՝ համամիտք խաղաղասէրք, անապատատունք՝ աշ-
խարհատեացք խստամբերք, քարոզիչք՝ հոգեսէրք ժը-
րայեալք, աղքատք՝ համբերատարք, մեծատունք՝ ողոր-
մածք, կուտանք՝ անարատք, այրիք՝ մենայեալք, վար-
դապետք՝ աստուածխմաստք, մարդարէք՝ լուսաւորեալք,
մարտիրոսք՝ արիականք :

Դասք են այսորիկ զարմանազանք ընտրելոցն, և այս
նշանազգեստք և տիպարք բողմադիմանկ, յորս ցուցին
և պահեցին զբաղադրաւարութիւն իւրեանց ՚ի մահկա-
նացու կեանս . եթէ բաժինք իցեն շնորհաց, եթէ բա-
ժինք պաշտամանց, եթէ բաժինք յաջողութեանց և
դործոց, զոր ասաց առաքեալն . **Դ** յս է աննմանութիւն
սրբոցն ՚ի սուրբս . և եթէ ասել արժան իցէ՝ աննմա-
նութիւն ՚ի նմանիսն . քանզի անդամք են զանազանեալք,
սակայն մի և նոյն մարմնոյ կաթողիկէ եկեղեցւոյ . յօ-
գեալ և պատշաճեալ ընդ միով գլխով, յորմէ աղբե-
րանայ սրբութիւն և կենդանութիւն հաւատոյն :

Երբեք ուրեմն, միութիւն եկեղեցւոյ, միու-
թիւն գլխոյ, միութիւն մկրտութեան, միութիւն հա-
ւատոյն . և համբուն ասել նոյն հոգի և նոյն կենդա-
նութիւն հաւատոյն, որ գործէ և կենագործէ զբաղ-
մազան օրինակս սրբութեան . **Օ** ի հոգի նոյն է, և
տէր նոյն է, և աստուած նոյն է, որ յաջողէ զամենայն
յամենայնի :

Դ նորասրբան, զայս տիպար վարչութեան հաւատոյն՝
որ սուրբս յամենայնի գործէ զմեզ նմանեալս և ան-
նմանս, նիւթ առցուք այսօր մեծի առաջարկութեանս :

Քանզի զոր օրինակ յայտնաբանեցի սիրելեացդ, ե-
թէ առաքինութիւն հաւատոյն՝ յախտաւոր վարուցն
շիջանի ՚ի մեզ, սապէս այսօր ճառ արկից՝ եթէ զսրբու-
թիւն քրիստոնէի ծնանի և գործէ առաքինութիւն կեն-
դանի հաւատոյն :

Սակայն կարգ գեղեցիկ տալով լայնածաւալ առա-
ջարկութեանս, ՚ի նոյն մասունս՝ որպէս և հարքն
սուրբք՝ բաշխեցից և ես . եթէ առաջինն կենդանի
հաւատք պատճառք է սրբութեան . քանզի ՚ի հաւա-
տոյն միայն առնու սա սկիզբն : Երկրորդ անգամ՝ հիմն
է սրբութեան . քանզի ՚ի վերայ կենդանի հաւատոյն

միայն հաստատեալ կայ : Արրորդ անգամ՝ արմատ է սրբութեան . քանզի միայն 'ի ձեռն կենդանի հաւատոյն պողաբերէ սրբութիւնն :

Ունին դիւր աղաչեմ կարեորագունի ճառիս քաջիկ խելամուտութեամբ , զոր սեպհական գիտեմ ձերոյ փութոյն և բարեպաշտութեան :

ՄԱՍՆ Ա .

Սկիզբն և աղբիւր սրբութեան ասեմք աներկեան զհաւատն . իբրու որ պայման անհրաժեշտ աստուածատուր՝ եղան հաւատք հաճոյից և սիրելութեանն ըստուծոյ : Առաքելական է սրայմանն և առ հասարակ 'ի հարցն սրբոց և 'ի կաթողիկէ եկեղեցւոյ կնքեալ , եթէ՝ « Առնց հաւատոց անհնար է հաճոյ լինել ըստուծոյ » : Պէտք հարկաւոր են հաւատոյն՝ առ 'ի սիրելի լինել ըստուծոյ . քանզի սա ինքն է մարդոյ՝ միակ միջնորդ բարեկամութեանն ըստուծոյ և շնորհաց հոգւոյն :

Ս ասն որոյ թէպէտ և մեծամեծք յոյժ իցեն գործք նահատակութեանց՝ որ ըստ աշխարհի , բարերարութեանց ասեմ , և մարդկային առաքինութեանց , և խստամբեր ևս մարմնոյ ձգնութեանց , և որ այլ ևս բարեմասնութիւն քաղաքականք , որպիսիք առ հեթանոսս , առ աչս աշխարհի արդոյք և հոյակապք , յոչինչ համարեալ են առ ըստուած և անարժանք փառաց երջանկութեան հոգւոյն և հաւատոց , զոր ինքնին ասկէնիազն ըստուած ձրի առանց առ 'ի մէջն արդեանցն պարզեւեաց բրիստոնէից :

Վանզի այն ինչ առաջին 'ի լոյս ընծայեալք յարգանդէ մօրն , անդէն այլ մայր գերապանծ 'ի հաւատս և 'ի շնորհս առեալ զմեզ ծնանի : Անմոռաց յուշի կապել աղաչեմ , եղբարք , զնախամեծար զայս սիրելութիւն տեառն՝ զոր սիրեաց զմեզ . 'ի բիւրուց անտի անհաւատից որոշեալ զմեզ՝ վիճակակից լինել սրբոցն և սուրբս՝ բրիստոսական կոյմամբն . ծնեալք 'ի ծոց եկեղեցւոյ սրբոյ և 'ի ծնողաց հաւատացելոց : Վանզի յառատ

պարգևացն Քրիստոսի ածեալ մեք երախայք յաւազանն մկրտութեան, անդանօր 'ի վերայ կենադործ աւազանին տեսանեմք հանգուցեալ զկրօնն: Եւ թէպէտ և մեք ծնունդք օտարախորթք յԱստուծոյ 'ի սկըզբնական 'ի մեղան, սակայն նա դու թ ածեալ մայրաբար 'ի զիրկս իւր ժողովէ զմեզ. և ապա 'ի շունչ կենդանարար աստուածային բանիցն 'ի խորհրդական լուացմանէն վերածնեալ զմեզ՝ զերկնից դուռն մեզ բանայ, և զաստուածածիր հաւատն և զերկնաւոր զսէրն շնորհաբաշխէ 'ի հոգիս մեր:

Եւ յապէս մեք 'ի մի մարմին եկեղեցւոյ և հաշտք և բարեկամք ընդ աստուածութեան՝ սուրբք և ժառանգորդք լինիմք անեղբրական կենացն, մինչ չե մեր եղեալ բանաւորք: Քանի՞ն իցէ շնորհն, քանի՞ անգուցական պարգևն. «Այսպէս արար ամենայն ազգաց տէր», «որ հաստուցումն կայցէ անպատում պարգևացն:

Եւ սակայն ունին դիք. զնոյն բարեկամութիւն և զնոյն որդեգրութիւն աստուածային զարբոյ մկրտութեանն, յոգնաթիւք աւաղիկ 'ի հաւատացելոց՝ յարբունս հասեալք, որք կանուխ և որք անագան՝ 'ի բաց մերկանան մեղօք:

Եւ դու հայեաց ինձ ընդ սքանչելի արգասիս հաւատոցն. զի ոչ սկիզբն միայն է նա սրբութեան վասն երախայից վարակելոցն մեղօք, այլ և յարբունան հասելոցն և մեղօք մեռելոցն՝ սրբիչ է և կենդանարար: Քանզի 'ի ձեռն հաւատոցն այնոցիկ միւսանգամ վերապանդնեալք՝ առնեն պտուղ արժանի ապաշխարութեան: Եւ յսչափ է զօրութիւն հաւատոցն:

Սակայն և խելամուտ վայր մի աղաչեմ լինել հրաշալի պատմութեան հաւատոյս 'ի սկզբանն: Յաշխարհամած աւաղիկ խաւար անգիտութիւն խարխալիէին տիեզերք՝ ամենատեսակ ախտիւք վարակեալք, և լոյս ծագել զգանձուն շնորհաց հաճեցաւ Աստուած: Իսկ յայս գործ մեծահրաշ առան ընտրեցան. ոյք արդեօք: Այս արդոյք և իմաստունք...: Չկնորսք երկոտասան կարգեցան երթալ հաւատս իմն քարոզել անթարգմանելի խորհրդովք, և վարս իմն օրինադրել խստամբեր կրօնիւք: Սիովն աւասիկ տարածին, բաշխեն յիւրեանս

զտիւղերս . քաղաքք և արքունիք հոյակապք , և սահմանք խուժաղութք . հնչեցին 'ի բարբառ նոցա . հրաշից սքանչելագործութիւնք լսելի եղէն առ հաաւրակ . անդէն հաւատացին մեծամեծք և փոքունք , առաքորեարն և սինքոր , տղէտն և գիտնաւոր :

Եւ աւարիկ քեզ ըստ տգաւորութեանց նորոգատուր հաւատոցն՝ այլայլութիւնք մեծահրաշք . վարք փոփոխին ազանց , և դէմք այլակերպին տիւղերաց : Պերձութիւն տեղի տայ ցածութեանն , հանձարն յի մարութեան , փափկութիւնն տեղի տայ խստամբերութեան , մնապաշտութիւն՝ հաւատոյ խաչին : Խոնարհութիւն սրտի , ուրացութիւն զգայարանայն , մեռելութիւն մարմնոյ , ատելութիւն անձին , 'ի ներքս մը տեալ զտեղին փոխանորդէն զամբարտաւանութեանն , զսանձարձակութեանն , զանխառնութեանն , զհեշտախտութեանն , զանճնասիրութեան : Եւ համբուն՝ աշխարհ անհաւատ և ախտաւոր՝ դառնայ լինի միանգամայն և հաւատացեալ և արգար և բարեկիրթ և կատարեալ : Եւ յաշտի է սքանչելագործութիւն հաւատոյն . և այնչափ յաղթեաց աշխարհի , որչափ և դարձոյց : Եւ յաշտ է յաղթութիւն , որպէս ասաց առաքեալն , այս է յաղթութիւն , որ յաղթէ աշխարհի . հաւատքն մեր :

Եւ արդ նոյն հրաշագործութիւն հաւատոյն՝ որ ընդ տիւղերս յանհաւատս յայնժամ , նաև զոր ամենայն վերանորոգի այժմ՝ 'ի քրիստոնեայ մեղաւորս : Քանզի ասացէք ինձ վայր մի . ո՞ր , երբ և զիարդ 'ի գործ եղանէն զգաստութիւնք վարուցն՝ հաստատունք , գեղեցիկք և կատարեալք : Հոգի ապաշխարութեան , հոգի աստուածային օրինապահութեանց ոչ ահա ծնանի և բուծանի , և պտղաբերէ 'ի սկզբանց անտի և 'ի հրաշանգաց հաւատոյն , զոր 'ի մոռացոնս արկեալ մեղաւորաց՝ այնպէս 'ի զգայարանայն դաւեցան :

Ինձերցանութիւն մատենից սրբոց , լուր ջերմեռանդն բանիցն Եստուծոյ 'ի քարոզս եկեղեցւոյ , անձնապահ զգուշաւորութիւնն 'ի կենսակցութիւնս , երբէք երբէք միայնութիւնն՝ յորում ընդ միտս և ընդ Եստուծոյ խօսեսցիս՝ ըստ առաքելոյն , և այլ երբէք անուշառ մտածութիւն ուղղութեան անձին , Եւ ամենայն

փութք իմն էն զօրաւորք՝ որ յերկնաւոր շնորհացն փր-
չեալք զԹմբրեալն սթափեցուցանէն հաւատք . և ար-
ծարծեն բորբոքեն , մինչև սքանչելի օրինակաւ 'ի նո-
րոգածին կեանս պատրաստեցի մեռեալ հոգին :

Բստի տպաւորութիւն ճշմարիտ տեսութեանց՝ յան-
դորրութիւն ամբոխելոյ երեւալութեանն , և 'ի ջնջումն
խաբուսիկ սրտկերացն : Բստի լուսաւառ փայլատա-
կունք որ զմութ խաւարին մտացն տան մարդոյ ճանա-
չել , և զանխաբ ճշմարտութիւնն իմանալ , զոր կամ
երբէք ոչ ծանեաւ , կամ զոր աղօթացոյց և 'ի մոռա-
ցոնս դարձոյց : Բստի սանձակոծութիւն ցանկականին ,
որ զբաղցրութիւն երկրաւորացս դաճնացուցանէ մար-
դոյ , և զգաճնութիւն ապաշխարութեանն քաղցրա-
ցուցանէ : Եւ 'ի վերջէ կամք մարդոյն ներդործեալ 'ի
կենդանի հաւատոյ՝ շարժին ատել զմեզս և դարչիլ և
խոտաւլան լինել և մաքրիլ 'ի հուր եռանդուն զգնանն :

Բյս գործ է հաւատոյն , այս հրաշագործութիւն
նորա , զոր միշտ ներդործէ 'ի հոգին մեռեալ , անդործն
'ի բարեաց , անբաժն յիմաստից բարեպաշտութեան
կրօնիցն : Եւ եթէ երբէք 'ի նմա մուտ գտանէ առած
մի և սկիզբն աստուածային , որ զընդարմացեալ հա-
ւատն ընդոտուցանիցէ , և զծագեալ լոյսն ընկալցի
հոգին , բաւէ հրաշից տեսլեանն . տեսանիցես դու այ-
նուհետեւ՝ յանկարծ փոխիտեալ զկամն , զառ 'ի չարն
հակամիտութիւն լուծեալ , զգնացս վարուցն նորեալ ,
խղեալ զգգապատէհ կապն , հրաժարեալ 'ի հէշտա-
լեաց , սանձակոծեալ զկիրսն : Եւ սիրէ և խնդրէ նա
այնուհետեւ ոչ այլ , բայց զխոտաւրերութիւն և զար-
տառուս ապաշխարութեան :

Ո՛վ քանի տէնչալի էր , եթէ զսքանչելի զայս զօ-
րութիւն հաւատոյն , զոր ասեմս այսօր , բազմաց և բազ-
մադունից՝ նա առ հասարակ զփորձ առեալ էր անձամբ
յանձինս : Բյլ եթէ նուազունք իցեն , ոչ հաւատոցն
ինչ մեղ է և ոչ շնորհացն , այլ ավշութեան և ան-
զգայութեան քրիստոնէիցն , որք անձանաչք և ասպ-
շնորհք երկնաւոր պարգևին , թողուն այնպէս ծնդիլ և
ցամաքել հաւատոյն յանդործութեան կեանս :

Օ առաքելականն ուրեմն զխրատ և զբաժալեր առէք
դուք սիրով յանձինս , որ միանդամ ապաշնորհք եղե-

բութ և էք մեծի պարգևին . “Օ մտաւ ածել զառաջին զանխիղճ՝ հաւատան որ ՚ի ձեզ” : Քանզի “Յիշեցուցանեմ ձեզ , ասէ , արծարծել զչնորհան Մատուծոյ” : Ղանաչել ձեզ՝ յոր վիճակ հիբութեան գտանէք դուք այսօր զանձինս ձեր . արդեօք մեռարո՞ւք հաւատոյն ձերոյ , արդեօք խորթացայք չնորհացն , արդեօք բնաւորեցայք այնպէս ՚ի մեղանչել , զի իբրեւ անհրաժեշտ հարկ իցեն մեզքն . արդեօք ընդ ամօթալի ինչ կրիւք զբաւեցանք որ , զի և ոչ գերութեանն զգայցէ , և ոչ՝ ազատութեան երբէք փափաքիցէ :

ՄԼ աղէ , բրիստոնեայ , թէպէտ և ՚ի վերջինսն ևս մտանեալ իցէ քո , մի երբէք յուսահատ լինիցիս . քանզի սերմն կենաց տակաւին դոյ ՚ի քեզ , սերմն հաւատոց . ունիս աւաղիկ զսերմն , արի ցանեա և բուսցի : Հաւատաս արդէն զայն՝ զոր քեզն ուսուցանեն հաւատք յաղաղս ահագին վտանգին . զայն եթէ թշնամացար ընդ Մատուծոյ , զայն եթէ անստոյգ է ժամանակ մահուն , զայն եթէ յաւիտենական է վիճակ հանդերձելոյն :

ՄԼ սակայն հաւատալ , և միանգամայն ընդ մեղացն կապիլ , ո՛վ , զինչ այլ իցէ՝ բայց հրէշք դիւական , զի և դեք հաւատան , հրէշք մոլեգնութեան , անզգայութեան : Պարտ իցէ ուրեմն ասել , եթէ հաւատաս այո , այլ զմտաւ երբէք չածես՝ ըստ առաքելոյն՝ զհաւատսրն : ՄԼ սակայն չիք հնար , սիրելիք , օժանդակութիւն ՚ի հաւատոյն գտանել , թէ ոչ հանդէպ մտացդ ճշգրիտ նկարեւծիք զհաւատոյսն . և խոկասծիք ՚ի նոսաուչի ուշով , սակայն մի տագնապաւ , այլ խաղաղաւետ սրտիւ : Մմբեսցի այնուհետեւ ամենայն խոստութիւն սրտի , և ամենայն յուլութիւն ժրասցի :

Հապա դու վայր մի , սիրելի , յաղմկալից զբաղանաց աշխարհի հանդարտեալ , մուտ ՚ի ներքս ՚ի քեզ . կաց յանդիման Մատուծոյ իբրու զխորհրդածու հաւատոյն՝ զոր դաւանիս . յանձին կալ զի աստուածայինդ այդ հաւատ իբրու զձեռանէդ կալեալ՝ մինչև ՚ի վեր անդր յերկինս հանցէ զքեզ՝ տեսանել զյաւիտենական վայելս զբարեաց գործոցդ . և անդուստ դարձեալ մինչև ՚ի խորս գեհենոյն իջուցէ զքեզ , տեսանել զխաւարն արտաքին , զլալ աչացն , զկրճել առամանցն , զանչեջ

հօւրն : Իւր ասացեալ ցանձն . ահա վայր որ պատրաստեալ մնայ քեզ , թէ ոչ դարձցիս առ Մատուած : Մհա դանձք աստուածային բարութեան , ահա խաչն տէրունի , ահա արիւն փրկչական , ահա ինքնին և տէրն իմ 'ի խաչ ելեալ ձայն արձակէ , « փրկիս , եթէ կամիս » :
 Այլ տեսիլ ազգողական , ոյլ ձայն փրկական , որ զերկիւզ սուրբ վառէ 'ի սիրտ , զյոյս կենդանի , զապաշտ ճշմարիտ , զսէր զմայլեցուցիչ : Մշատիկ , եղբարք , տեսչութիւն և ներգործութիւն՝ զոր ազդէն հաւատք 'ի հօգին . զի զիղձսն ծախեն զհինսն , և տենչ նոր 'ի նմա հաստեն զերկնայնոցն և զաստուածայնոցն . և այնպէս տաճար պատրաստեն զհօգին և բնակարան ամենասուրբ հոգւոյն :

ՄԱՍՆ Բ .

Տեսէք , եղբարք , զիա՞րդ սկիզբն և ազբիւր սրբութեան մերոյ հանդերձեցան հաւատք : Մյլ չէ շատ . նաև հիմն է նա հաստատութեան և հանապազորդութեան սրբութեան հոգւոյն՝ որպէս կանխեցաք եղաք :

Իւր արդ՝ որ խոջնդոտն են սրբութեան հոգւոյն , է զի նուազ է զի առաւել , 'ի կրկնակի փորձութեանցն արնուն ոյժ : Մշաջին փորձութիւնն տաղտկացուցանէ զհօգին և ծանրացուցանէ 'ի կատարումն գործոց առաքինութեան՝ զոր պատուիրեն օրէնք , երկրորդն՝ հրապուրէ և քաղցրացուցանէ հոգւոյն զգործն ախտաւոր՝ զոր արգելուն օրէնք : Ի կրկնակի յայս փորձութիւնս պատկանագրին այլ ամենայն փորձութիւնք 'ի բրիտանական ճակատամարտին , որ մարտ եղեալ կռուին ընդ մեզ . և երկրորդն միանգամայն յիւրաքանչիւր ազգի հզօրք են և սոսկալիք . քանզի բնութիւնս մեր որչափ ճգնի խորշել 'ի տաղտկալեացն , այնչափ և փարի զբերկրականօքն :

Մըդ ասեմ՝ եթէ առ ամենայն ազգ փորձութեանց պատրաստեաց մեզ Մատուած զէն և վահան 'ի զօրութեան անդ հաւատոյն : Վանի աստուածայնազոյնս պարզեաց մեզ զայս Ռերանն ոսկի , զայն՝ եթէ 'ի հօ-

գեոր պատերազմիս ունիմք մեք 'ի հաւատոյն զամենայն զինուորութիւն ամրապահեստ մեզ . « հաւատքն , աւսէ , զինարան է ամենայն զինուց և բաշխէ իւրաքանչիւր զէնս , այլ և պահպանէ . , : Վիցուք , ասէ , եթէ հեշտութիւնն կուրի ընդ քեզ , այլ և աշնուականութեան քո զարմն , և բարգաւաճ քո և հոյակապ վիճակ , և կեանք փափկասուն , և վայելչութիւնք կարգիդ , և զբաղանք կենցաղականք , և գործք պաշտամանց՝ որ առանձին և որ հասարակաց : Բայ ամենայն բիւրս իմն քեզ հարկ և պատեհս առթեն , և լարս ձգեն որոգայթ ոտիցդ , զի անխիղճ տեղի տացես դժպատեհ կրիցն , կամ թուրացուցանելով զերտտանակն ժուժկալութեան , կամ դրժելով անդրժելի իրաւանցն , կամ դիմամարտելով գեղեցիկ թելադրութեանց սիրոյն :

Եթէ քո այդ է մարտն , ասէր երանելին , մի դու այլ ուստեք ով սիրելի ինդրեսցես քեզ զէնս , բայց 'ի հաւատոյն : Օմտաւ աժ դու յայնժամ , զինչ քեզ ուսուցանեն հաւատք յաղազս մերոցս առաքինութեանց , յաղազս նոցուն դիմամարտ մոլութեանցն , յաղազս առօրէիցս անցաւորութեան , յաղազս յաւիտենիցն երջանկութեան . և 'ի վեր քան զամենայն՝ զմտաւ աժ զի թեթև և ժամանակեայ բերկրութիւնս՝ զանժամանակն ունի պատուհաս . « Բռժամայն է որ բերկրեցուցանէ , յաւիտենական է որ տանջէ . , : Օպսոսիկ զմտաւ աժ , ասէ , և անշուշտ յաղթեսցես :

Վարձեալ , յաւելու երանելին . է զի և անջութիւն և զձծութիւն զարմիդ կուրի ընդ քեզ . քաջողջութիւնդ վտանգեալ , չքաւորութիւն գոյիցդ , նեղութիւնք և անձկութիւնք կենաց . է զի և անկարծելի պատահարք տանջեն , և է զի հանապազօրեայ հարուածք կոչկոճեն : Բայտղիկ են դառնադառն փորձութիւնք , որ յանհամբերութիւն տազնապէն զքեզ , և 'ի տրտունջ լուծանեն ոգետանջ և սրտառուչ , զի և վայրիկ մի ևս 'ի մոլեղնութիւն դրդեն և 'ի յուսահատութեան կիրս :

Եւ արդ մի երբեք սրտաբեկեսցիս սիրելի , ասէր երանելին . արի դիմեա դու յապաստան հաւատոյդ , և յառաջին անդորրութիւն հաստատեսցէ զքեզ : Օմրտաւ աժ , յինչ զքեզ հրահանգեն հաւատք յաղազս տիեզերական նախախնամութեան Բստուծոյ , յաղազս

ի հօր փորձութեան մաքրելոյ ծառայիցն Մատուծոյ, յաղագս անթառամ պտակին խոտացելոյ համբերողացն, և զի «Ղոթանայն թեթև նեղութիւնս՝ ի յախտենականն զառաւելութիւն փառացն դործէ ի մեզ», և զի «Չեն արժանի չարարանք ժամանակիս հանդերձելոցն փառաց՝ որ յայանելոյ են ի մեզ», Վանդի «Ղոթանայն է որ տանջէ, յախտենական է որ բերկրեցուցանէ»:

Եւ կնքէ երանելին, եթէ պատերազմ է կեանք մարդոյ ի վերայ երկրի. «Րազում ինչ մեզ ի ներքս արկանէ բանասրիւն, բազում ինչ և ցանկութիւնն, բազում ինչ իրք են և ի մերոց աստի մտածութեանց, և առ հասարակ բազում են յուսահատութիւնքն. այլ ամենայնին դարման և յաղթութիւն՝ են հաւատք ճմարիտք»:

Ո՛վ հաւատք, հաւատք, ամենայնի յաղթական, յամենայնի անվանելի: Ո՛վ հաւատք յուսացելոյ հաստատութիւն, և աներևութիցն՝ ճշգրտանկար տեսութիւն: Հաւատք կենդանի, որ զգայիս չտեսանելոյն առնէ, և իմանալեացն պատկառ կայ անթիթ խորհրդով. որ զերկիր արհամարհէ, և երկնից յարաժամ փափաքէ. իբրև որ չունի աստէն քաղաք, այլ զհանդերձեալն խնդրէ: Եթէ զառաքինութիւն զայս հաւատոյ զբռամբ ածցես, ամենայն երանութեամբ լի ես. քանզի և ամենայն առաքինութեանցն ժառանգորդ լինիցիս: Բայէ հաւատոյն արգասաւորութեան:

Եւ զիմրդ այնուհետև աստուածայինն Պաւղոս զնորածաղիկ հաւատացեալն ոչ վառեալ բորբոքեսցէ, զարմանազան հաւատոցն հանդիսիւք նախահարցն՝ յոսկէ զիր մատենին առ համազգիւն: Որ զի եթէ նորայինքն յայնժամ վայելեցին ի շնորհս ասկեզրչին Պօղոսի, արժանի իցէ ի դէպ ժամուս և մեզ ինքնին գէթ հատուածով չափ վայելել ի նոցուն տառիցն:

Օ մտաւ միանգամ ածէք, յիշեցուցանէր յայնժամ առաքեալն, ի վեր քան զհասողութիւն մտաց զհանդէս հաւատոյն Քրիստոս. քանի անհնարին փորձեաց զնա Մատուծ: Եւ յայն սքանչելապէս անօրինէր ունել նմա ամուսին անդատին ի ծաղկէ տիոցն ամուս. իսկ ի ծերութե տայր նմա ակն ունել առնուլ պտուղ յամուս

արդանդէն : Ապա հանեալ զնա 'ի հայրենի երկրէն ,
 ընդ երկար պանդխտութեամբ վրանաբնակ շրջեցուցա-
 նէ 'ի մէջ այլազան ժողովրդոց : Այս ապա հուսկ ուրեմն
 'ի տարածամ հասակին հայր զնա առնէ աւետարանեալ
 զաւակին , և 'ի նմա խոստանայ զաճումն զարմին , և
 ըստ նմանէն՝ հրաման կարգայ նմա իւրով իսկ հայրենի
 ձեռօքն 'ի սպանդ ողջակիզի զնոյն զաւակ հանել նմա ,
 և զհոտ անուշից հնազանդութեանն 'ի նուէր բուրել
 նմա : Այլ նորաքանչ փորձոյն , ո՛վ անհանդուրժելի
 փորձութեանն : Վանիօն յայնժամ աղէտք սիրոյն
 տաղնապեցան . քանի յուզեցան վտանգք խորհրդոց
 մեծի նահապետին յայս նոր հանդէս նախախնամու-
 թեան : 'Ահաքն որ յԱզիպտոս , վիշտքն 'ի Պաղես-
 տին , սէր հայրենեացն , անձկութիւնք ճանապարհոր-
 դութեանն , անստուգութիւն հանդերձելոցն , անկակից
 թերադրութիւնք բնութեանն . աստի խորհրդածու-
 թիւն լուսոյ բանին , անդուստ պնդութիւն հաւատա-
 ցեալ հոգւոյն՝ 'ի նուէր աւետածնունդ զաւակին . միան-
 զամայն այս ամենայն դաճնաւորեալք՝ մարտ եղեալ
 կռուէին ընդ միտս արդարոյն , զի կամ զերկնաւոր
 հրամանն ոչ տարցի 'ի գործ , կամ գոնեա յաստուա-
 ծային խոստմանցն երկմտեսցի :

Այս տակայն պինդ և կենդանի հաւատով ամենայնին
 յաղթէ . քանզի տեղի ետ բնութիւնն , տիրացաւ շը-
 նորհն : Այլ զնաց հաւատովն , և ոչ զիտէր յով եր-
 թիցէ . հաւատով պանդխտացաւ , խորանօք բնակեաց .
 հաւատով 'ի փորձութեանն մատոյց զ'սահակ պատա-
 րագ . եղ 'ի մտի թէ և 'ի մեռելոց կարող է յարուցա-
 նել Մատուած . զօրացաւ , ետ փառս Մատուծոյ , և 'ի
 հաւատոյն ոչ երկմտեաց անհաւատութեամբ . հաստա-
 տեցաւ , եթէ որ խոստացան , նոյն և կատարեսցէ :
 Այսչափ էր Մարահամու հաւատոյն հանդէս :

Իսկ ապա և զԱ'ուսեսին մեծի ո՞րք բաւական իցէ
 'ի դէմն ածել ճշգրիտ պատկեր զհաստատուն հաւա-
 տոյն , ոչ 'ի փորձութեան ինչ դառնութեանց վշտացն
 իբրու զՄարահամուն , քան թէ 'ի հրապոյրս քաղ-
 ցրութեան հեշտալեացն : Վանդի արքայազուն որդե-
 զրեալն 'ի փափկութեան եզիպտական գրգալից ար-
 բունեացն , առ ռոն զորդեգրութիւնն հարեալ զարքու-

նի, ընդ վշտացելոյ անաւագ ժողովրդեան ազգին իւրոյ չարչարէր, մանաւանդ եթէ ընդ հանդերձելոյ իւրոյ փրկչին նախատակոծ հանդիսին, որպէս խորհրդածեաց առաքեալն, « Երբեք համարեալ զնախատինսն Վերիստոսի՝ քան զմեծութիւն զանձուցն Եզրիպտացոց. քանզի հաւատովն ուրացաւ կոչիլ որդի դստերն Փարաւոնի, հաւատովք թողոյր զերկիրն Եզրիպտացոց. հաւատովք զաներեւոյթսն իբրեւ տեսեալ համբերութեամբ համարեցաւ »:

Բոտ նմանէն ապա և զայլոց առաքինացելոցն հաւատով հիւսեալ առաքեալն, անշուշտ մարդարեապէս ըզնահատակելոյն 'ի Վերիստոս ազգեաց մեզ. զարիական մարտիրոսացն, զխոստովանողացն, զհուսանացն, զմիանձանցն, և առ հասարակ զսրբոցն, յորոց կէսք նախատակոծք, կէսք գանալիցք, կէսք 'ի պրկոցս, կէսք 'ի քարկոծումն յօշեալք, հրակէզք, գազանակուրք, ջրահեղձոցք, խեղդամահք. « Հանապատի մոլորեալք, 'ի լերինս, և յայրս, և 'ի փապարս երկրի, կարօտեալք, նեղեալք, չարչարեալք »: Բարէ, և որ այն խառնուած մարմնոյն 'ի նոսա, և որ հաստուած սրտից նուցա. արդեօք յերկաթոյ էին մարմնք, կամ 'ի պղնձոյ ոյժ լանջաց նոցա: Այլ, կրկնէ աստուածայինն Պաւղոս, ոչ. մարդիկ էին նոքա 'ի նմին զիւրեղձանելի կաւոյ, սակայն սերտեալք 'ի սնդուծենէ հաւատոյն. « հաւատովք, ասէ, պարտեցին զթաղաւորութիւնս, հաւատովք գործեցին զարդարութիւն, հաւատովք հասին աւետեաց »: Բազմադիմակ էին փորձութիւնքն, մի միայն էր վահան՝ որով պաշտպանեցին անձանց. հաւատոյն կենդանութիւն:

Բայ և մեք, սիրելիք, կնքեցից ընդ երանելոյն, որ այսչափ շուրջ զմեօք մածեալ ունինք զբազմութիւն վկայիցն, համբերութեամբ ընթացցուք 'ի պատերազմ՝ որ առաջի կայ մեզ. զինալաւեալ հաւատովն՝ անթիթ հայեցեալ 'ի զօրագլուխն հաւատոց 'ի Հիսուս, անքրթիթ 'ի հանդէսս մարտից յաղթութեան նորա, անքրթիթ 'ի պսակահամբար կէտ չարչարակից սրբոց նորա. զի ընդ ճշմարիտ հաւատացելոցն՝ առցուք և մեք զհաւատոյն յաղթանակ:

ՄԱՍԻ Դ .

Եւ քանզի յաղթանակ չիք կանգնել՝ առանց զոր-
ծոց նահատակութեան, և ո՞րքայն ապա պտղաբերեցէ
մեզ զգործսն՝ յաղթանակին արժանի : Ոչ այլ, բայց
հաւատք . որ որպէս աղբիւր եկաց սրբութեան և հիմն
սրբութեան, ըստ որում տեսէք, նոյնպէս և արմատ է
սա պտղաբեր ամենայն սրբութեան մերոյ : Վաջ միտ
դիք սիրելիք . այս արմատ եթէ ընծիւղ չարձակէ, եր-
բէք ոչ սուրբ եղիցին պտուղք գործոց մերոց : Եւ արդ
սեպհական է ամենայն արմատոյ՝ որ յառոյգութեան
կայ, զկենդանութիւն իւր և զոյժ ծաւալել ողջոյն ընդ
բունն, և նովաւ մինչև ՚ի դիտակս բարձունս ոստոցն և
բարունակաց տալ ՚ի վեր զսննդական հիւթն, առ ՚ի
բուժիլ և ածիլ ՚ի դալարազուարճ սաղարթսն, և ասա
երկնագեղիլ ՚ի ծաղիկս գեղեցիկս, և ասա յուռթա-
նալ ՚ի պտուղս բարեհամս :

Երդ ՚ի նոյն տիպ նմանութեան՝ արմատ սրբութեան
մերոյ ասեմ զհաւատս : Վանգի և ամենայն ազգ գոր-
ծոց՝ յորս նահատակի արդարն, եթէ աստուածայինք
իցեն և կրօնից, եթէ մարդկայինք և քաղաքականք, և
եթէ բնաւորականք, առ հասարակ քրիստոնէականք են,
առ հասարակ սուրբք, առ հասարակ պատկաւորք, յոր-
ժամ հաւատք սիրով յաջողեալք հրամայեն զայնոսիկ,
ազդեն զայնոսիկ, վարեն և ուղղեն և ՚ի գործ անդր մա-
տուցանեն :

Օ՛չմարտութիւն զայս գործնական քաջ ՚ի միտ
առնուք քրիստոնէայք, յորժամ թէպէտ և թշնամիք
միութեան իցէք դուք և սիրողք առաքինութեան,
տակայն անբաժ իցէք ՚ի հաւատոյն սիրով յաջողելոյ
՚ի գործս ձեր, և ուշ նպատակին ձերոյ չիցեն գերբնա-
կան շարժառիթք հաւատոյն :

Հասկա կիւ մի համեմատութեան ՚ի քաջիկ խելա-
մտութիւն առէք դուք ինձ զկրկին արդարոյն : Գոյ ար-
դար Եստուծոյ, գոյ և արդար աշխարհի : Երդարն աշ-
խարհի նա է, զոր հասարակ բարբառով կոչեմք՝ այր

լաւ և համեստ . արդարն Մատուծոյ է այն՝ զոր առհասարակ կոչեմք այր առաքինակրօն և բարի քրիստոնեայ :

Եթէ յարտաքին տարազ գործոց նոցա զակն յառցես , հազիւ թէ զանազանել զնոսա կարասցես : Երկօքին միանգամայն ժիրաժիր գործադիրք են ամենայն պարտուց ընկերութեանն՝ յորում կեանք բարեկամք են հաւատարիմք , ընկերք սիրունք , տանուտեարք խոհականք , մտադիրք գերդաստանին , փութաջանք ՚ի գործառնութիւնս , նախանձաւորք հասարակաց բարւոյն , ձեռնառուք աղբատին , անկեղծաւորք , առատաձեռինք , յարգարունք , բարեկիրթք :

Տեսէք , տեարք , քանի շնորհիւ բարեմոյն եղեալ պատուասիրեմ զլաութիւն բնութեանն , իբրու որ ՚ի մի կշիռ համեմատեմ զնա ընդ քրիստոնէական վեհ և վեմական լաութեանն : Եւ աղէ դուք զնեցեք ինձ առ նմին և զտարօրինակ արմատն , ուստի ընձիւղին նրմանօրինակ բարեմասնութիւնք . և ըստ նմանէն գիտասջիք զանսահման տարբերութիւնն զկրկին զարդարոցն՝ զոր ասացաք , կամ զանպիտանութիւն կամ թէ զյարգ արժանեաց գործոց նոցա :

Ի միումն են բնութիւն , ՚ի միւսումն շնորհք և հաւատք , որ թելադրէ , որ կառավարէ , որ ներդործէ զամենայն գործս զարդարոյն Մատուծոյ : Իսկ ուղղութիւն լուսոյ բանին , բնաւորականն բարեւալութիւն , փառքն և պատիւ , շահախնդրութիւնն , դաստիարակութիւնն մարդկային , բոյս բարւոյն , խառնուած մարմնոյն . այս ամենայն են շարժիչք , այսոքիկ՝ սկզբունք , այսոքիկ՝ սատարք , որ զայր զարդարն աշխարհի ածեն վարեն յամենայն ՚ի գործս և ՚ի խորհուրդս նորա : Իսկ որ արդարն է Մատուծոյ , նորա հաւատքն է հոգի . որ եթէ հրամայէ և եթէ ծառայէ , եթէ խորհի , եթէ խօսի , եթէ կրէ , և եթէ որ զինչ և իցէ գործէ , առ ՚ի հաւատոյն իւրմէ ունի կեանս և ոգի և շունչ . “ Երդարն իմ , ասէ , ՚ի հաւատոյ կեցցէ ” :

Ուստի ըստ առաքելական կանոնին , եթէ ոստքն և պտուղ զմոյն ունին զարմատոյն և զոյժն և զբնաւորութիւն , յորմէ ընձիւղին , “ Եթէ արմատն սուրբ է , ասէ , ասրա և ոստքն ” : Եւս ուրեմն արդիւնք գործոց առ ՚ի հաւատոյն կենսաբերեալք՝ տան արդարոյն Մ

տուծոյ զիրաւունս ժառանգութեան անեղբայրական վարձուցն հատուցման : Աւելեմէ այս այսպէս ապա և արդարոյն աշխարհի գործք՝ պողաբերեն պտուղ անցաւոր զնահաւ անձին , զկենցաղական բերկրութեանն , զծաղկընկէց փառացն , այլ առ յաւիտենական փառս կենացն հանդերձելոց՝ ուսնէտք են և անպտուղք և ոչ ինչ :

Աւ սակայն այս բնական լաւութիւնն՝ յորմէ պրտաբերեն բնական բարիք՝ է ուշ նախատակի , յոր ակնկառոյց կան դողցես առ հասարակ . սա է և շուքն պարծանաց՝ որով պերճացեալ ճոխանան մարդիկ . և յոր ուղղեալ կան հրահանգք և կանոնք քաղաքական դաստիարակութեան : Աւտի և այր քաջանուն և այր մեծ համբաւեն , օրինակ իմն՝ զգլխուորեալն 'ի մարտ , և ըզքաղաքագէտն 'ի գործառնութեան , զքաղաքացին 'ի տուրեառս , զվաճառականն 'ի տրապիզս , զարուեստագէտն 'ի խանութս : Աւ առ 'ի լինել յայսպիսեաց աստիքաճահամբաւից՝ յորդորեն խրախուսեն առ հասարակ ծնողք զորդիս , դաստիարակք զսանս , զգլխութեք հասակն ծերունիք :

Ո՛վ գերիք և ստրուկք աշխարհի , ասէք դուք , “ Երեսնի Վրիստոսի եմք . ուստի և այր աշխարհագէտ պարտ է լինել , այր քաղաքագէտ , այր քաջահամբաւ ” : Վաջ է : Աւ ընդէր չասէք մանաւանդ . եթէ յանցաւոր և 'ի բազմալտանգ աշխարհի եմք . ուստի և պարտ է հանապազ հսկել 'ի վերայ ամենայն գրնացից մերոց , ուղղել զվարս , այր լինել ճշմարիտ աստուածապաշտ , այր լինել բարի քրիստոնեայ . զի յաւիտենական է հատուցումն չարաց և բարեաց :

Երեսն անբարի ինչ իցէ կամ թէ անարդութիւն՝ վիճակիլ զվիճակ փառաւոր կարգի դաւանութեան աւետարանին . թերեւս ոչ ինչ պողաբեր կամ պիտանալու ինչ իցէ՝ կարելն լինել սուրբ . թերեւս ճառ խաչին և խորհուրդ խաչելոյն՝ յիմարութեան իցէ նիւթ կամ գայթակղութեան՝ իբրու չրէից և հեթանոսաց . թերեւս մարդկան համարումն լաւագոյն ևս իցէ և փարելի առաւել քան զհաճոյսն Մտուծոյ . և թերեւս չիցէ՝ այսուհետեւ խաիր և անջրպետ ընդ համեստ ոք այր հեթանոս և ընդ այր ճշմարիտ քրիստոնեայ : Եւնէն թե-

րևս ոչ ինչ պիտանացուք յուղղութիւն վարուց և 'ի բարեկրթութիւն կենաց՝ օրինակք սքանչեւահրաշք և հրահանգք գերագոյնք տեսուն Յիսուսի : Եւ թերևս զկարգ և զտահման բարեւաւութեան չիցէ՞ մեզ արժան առնուլ մանաւանդ 'ի քառից աւետարանացն , քան թէ 'ի բարոյագիր մատենից փիլիսոփայից , և 'ի վիպասան հրահանգիչ առասպելաց : Եւ մեք ապրիկար քարոզիչք՝ 'ի վանել տապալել զախտս և 'ի գովել և յիրաւացուցանել զառաքինութիւն՝ 'ի բանց դնիցեմք այսուհետեւ զսուսեր հատու զբանիցն Մատթոյ . և փոխան այնորիկ զէն 'ի ձեռն առնուցումք զանօթս պատերազմի անզօրս զդիւրախաբ բանին և զշնչաւոր իմաստութեանն : Եւսկ ապա . խաչն տէրունի , արքայութիւնն վերին , և դժոխք ներքին , և յաւիտենականութիւնն ինքնին գրել խովին , այս ճշմարտութիւնք մեծամեծք և անսուտք , որ զամենայն զօրութիւն վանեցին , որ զտիեզերս ամենայն դարձուցին , չիցէն այլ ևս բաւականք և հզօրիչք մեզ 'ի գործել զբարին :

Բարէ , Մատթա՛ լիակիչ հոգւոց և կատարիչ հաւատոց . զինչ այլ գործեսցուք մեք այսուհետեւ . զինչ այլ . բայց 'ի քեզ միայն անկանել և 'ի քո յօգնութիւն ապաւինիլ : Եւ խարհս կիրթ և քաղաքավար՝ ոչ պակասեսցի թերևս 'ի մարդկայնոց աստի առաքինութեանց . այլ արժանաւորքն յաւիտենական կենացն՝ պակասին . չիք նորա հաւատք , հաւատք որ սուրբս գործէ , հաւատք յորմէ կեան արդարք , հաւատք որ ազդէ և կենագործէ զամենայն զգնացս և զգործս զառն քրիստոնէի : Եւ իացեալ է այն ընդ եկեղեցւոյ քում սրբոյ 'ի ձեռն հաւատոցն ճշմարտութեան , այլ 'ի քէն հեռացեալ մեկուսի է սրտին , հոգւովն և խորհրդով : Եւ խարհս արտաքնայարդար ցուցակութեամբք յարդարուն , լի է մոլորութեամբք , լի խաբանօք . իսկ 'ի ճիշմարիտ առաքինութենէ և 'ի քէն նուազեալ է և թափուր :

Օ մաղթանս ուրեմն զսրբոց աշակերտացն Յիսուսի պաղատեսցուք և մեք սիրելիք . « Եւսկ մեզ տէր , յաւել մեզ հաւատս » : Եւ արքեսցուք , սրբեսցուք զանձինս . վառեսցուք զվատեալն 'ի մեզ զհաւատս՝ կենագործեսցուք զմեռեալն : Եւ այնպէս դարձուցուք 'ի

մեզ զոսկեղինիկն զայն զնախնի դարս եկեղեցւոյ ,
յորժամ անարատ և կենդանի Հաւատովն այնպէս իմն
քաղաքավարէին Հաւատացեալք , զի և խտիր ամենևին
չէր յայնժամ ընդ քրիստոնեայ և ընդ սուրբ :



ՔԱՐՈՋ ԺԳ.

ԽՈՆԱՐՀՈՒԹԻՒՆ ՀԻՄՆ ՀԱՒԱՏՈՅ

“Տէր չիմ բառական, երբ ընդ յարկաւ իմով մտանիցես . . .
Սկսեմ ասեմ ձեզ, և ոչ յիշարայելի այսչափ հաշտութեան զոքի” :

Օ խորդ իմաստութիւնն Լստուծոյ միշտ ընդ հա-
կառակս մարդկայնոյն ներգործէ իմաստութեան : Լ-
հաւաստիկ և նորահրաշ հաւատոցն Վրիստոսի հաստա-
տութեան հիմն առնու ոչ զայլ, բայց զընդդիմամար-
տեալն ամբարտաւանութեան մարդոյ :

Հայկա և այսօր, որ գիտեն կամիցի՝ թէ ոյք իցեն
փականքն որովք դրունք բացցին հաւատոյն քրիստոնէութեան,
դարձուցէ միանգամ զաչս և տեսցէ զփականսն .
ո՛ր արդեօք . ՚ի բռին հարիւրապետի ուրումն հեթա-
նոսի : Լս ո՛ր դարձեալ . ՚ի ձեռս քանանուհւոյ ուրումն
անհաւատի :

Լսս ամիւր նահատակեցան իմաստութեամբ, և
զփականսն զայն կորզեցին խոնարհութեամբ ՚ի ձեռաց
ամբարտաւանեալ ժողովրդեանն Իսրայելի, և աստուա-
ծային փականացն այնոցիկ պարգեւաբերք եղեն եկեղե-
ցոյն հեթանոսաց : Սին ասէ . “Տէր չեմ բառական,
եթէ ընդ յարկաւ իմով մտանիցես” : Լհաւաստիկ քեզ
ճանապարհ հաւատոյն, զոր եգիտ և զոր ընթանայ հե-
թանոսն : Իսկ և միւսն . “Լսս տէր, և շունք կերակրին
՚ի փշրանաց անկեղծ ՚ի սեղանոյ տեառն իւրեանց” :

Լ՛հաւաստիկ քեզ շաւիղ հաւատոյն , յորմէ զարտուղեալ խուսէ խրայեւացին :

Իսկ անդուստ հաւատոցն տէր զինչ , Լ՛ը մին՝ եթէ
 “ Լ՛ը ոչ յԻսրայելի այսպիսի հաւատս գտի երբէք ,
 Լ՛ը առ միւսն , եթէ “ Ը՛վ կին դու , մեծ են հաւատք
 քո ” :

Հաւատաց հեթանոսն խոնարհութեամբ հլուծք սրտի զայն ինչ , յորմէ ըմբոստանայ հրէայն գոռոզութեամբ ապառուժ մտացն : Լ՛ը ուր խոնարհ հեթանոսն առաջին եկաց՝ զսարադրեալն ՚ի մարմնի ճանաչել զաստուածութիւն , բարձրայօն ժողովարանն և ոչ այսօր երկրորդ է ՚ի կարգին :

Ը՛վ զինչ զարմանք իցեն , սրտառուչ ձայնէր տէրն .
 “ Օ խաբէր կարէք դուք հաւատալ , զի զփառս ՚ի միմեանց առնուք , և զփառս զառ ՚ի միոյն Ը՛ստուծոյ ոչ խնդրէք ” : Լ՛ը զինչ այլ , ը՛վ փառասէրք , զինչ այլ այնուհետեւ մնայ ինձ , ասէ Ը՛ստուած , ՚ի նուիրաց անտի խնկոցն , զոր այրէք բարդէք դուք ՚ի շուք փառաց ձերոյ : Լ՛ը զխաբէր հնար իցէ այնուհետեւ՝ եթէ նշոյլ մի լուսոյ իմոյ հաւատոյն ծագեսցէ ՚ի մէջ այնչափ ծըխոյն բարդութեան . որ զուշ և զուրուշ մտաց ձերոց ողջոյն վարակեալ և զտեսութիւն աչացն շլացուցեալ է : “ Օ խաբէր կարէք դուք հաւատալ , զի զփառս խնդրէք ” : Տեսանէս , զխաբէր խոչ ընդդէմ հաւատոյն միայն զհպարտութիւնն եղ . զխաբէր և անկարելի հպարտից կնքեաց զհաւատալն :

Ս ասն որոյ յուշ ձեզ , քրիստոնեայք , և քաջ միտ դիք աստանօր . ահա յանդիման աչաց յերևան գայ ձեզ ճշմարտութիւն մի , զոր թերևս յամենայն իսկ ՚ի համախմբութիւնս քարոզից ոչ լսիցէք դուք՝ կամ իբրև նուազ ծանօթ , կամ թէ իբրև առաւել կարևոր :

Օ ինչ արդեօք , համարիցիք թերևս , եղբարք , ցայսօր , եթէ ներանձնացեալդ այդ առաքինութիւն քրիստոնէական , զխոնարհութիւնն ասեմ , սեպհականեալ միայն իցէ մենաստանաց , վանաց , կամ անապատ վայրաց . և նշանազգեստ միայն իցէ առաքինութիւնդ այդ առանձին միանձանց և կրօնաւորաց յաշխարհէ հրաժարելոցն . զխոնարհութիւնն ասեմ զայն որ յամենայն իսկ ժամանակի առաքինութիւն եկաց միակ

կարեւոր և միակ կնիք դրոշմաւոր՝ սեպհական առ հասարակ ժողովրդեանն Վրիստոսի. մինչ զի առանց լինելոյ խոնարհ՝ չիք և չիք հնար երբեք լինել քրիստոնեայ :

Եւ զիմորդ, որ միանգամ զմեծապէս զայն զովութիւն աստուածային բերանոյն առ խոնարհ հեթանոսան լիցէ՝ որպէս վայր մի յառաջ լուարուք, ըստ նրմանէն դարձեալ և զկշտամբանս զնորուն բերանոյ առ դուռդ հրէայան, զիմորդ այնուհետեւ դեղեւեսցի որ իբրեւ անշուշտ յաստուածուստ պատգամ զմեծին Եւ դոստինտոսի ընդունել զառաժն, եթէ՝ որ միանգամ ըզտուն քրիստոնէութեանն կամիցի կանգնել, հիմն չինուածոյն դիցէ՝ ի խորս զխոնարհութիւնն. “Օ մտաւածես դու, ասէ, ո՛վ մարդ, խորհիս զբարձրաբերձն զայն շինուած մեծապէս կանգնել, նիստ դու նախ խորհեաց յաղագս հիմանն խոնարհութեան” :

Եւ արդեօք, սիրելիք, լուեալ իսկ է ձեր բազում անգամ աստանօր ի գեղեցիկ քարոզաց բանին՝ յաղագս մեծի հաւատոյն մերոյ անվանելի հաստատութեան ի շարժիչ առիթս իւր, յաղագս անպատիր դաւանութեանն ի խորհուրդս իւր, յաղագս ծաղմանն ի սկիզբն իւր, յաղագս մեծվայելչութեանն ի տարածմանն, յաղագս անայլայլակ պնդութեան ի վարդապետութեանն, յաղագս աստուածահրաշ սրբութեան յօրէնս իւր : Եւ զի լուեալ իսկ է ձեր զայտոսիկ, իսկ զարդիս վայր մի խելամուտ լերուք, որպիսի կնչ ուրեմն իցեն հաւատքն ձեր. որպէս զի և խելս ապա խառնեսցիք ի ինդրել ձեր խնաստութեամբ՝ եթէ որպիսիք արդեօք ուրեմն պարտիցին լինել և հաւատացեալք :

Երդ ուրեմն քաջ միտ դիք. հաւատք մեր ողջոյն՝ հաւատք է հիմնեալ ի խոնարհութեան. և այս ըստ կրկնակի տիրական մասանցն, որ լինիցին մեզ իբրեւ սիւնք կրկին հաստատութեան քարոզին մերոյ :

Վանգի հաւատք Վրիստոսի ինդրէ յիւրոց աշակերտելոցն՝ առաջին զՏլութիւն մտաց. և չիք հլութիւն մտաց առանց խոնարհութեան : Երկրորդ անգամ՝ ինդրէ զհպատակութիւն կամաց. իսկ հպատակութիւն կամաց անհնար է առանց խոնարհութեան : Տլութիւն մտաց՝ առ ի հաւատալ ամենայնին, զոր

ինքն ուսուցանէ : Հպատակութիւն կամաց՝ ձեռն 'ի գործ կատարել զամենայն՝ զոր ինքն հրամայէ :

Բայ է բովանդակ, միակ և տիրական մեծութիւն հաւատոյն Քրիստոսի : Զիք նմա, չիք երբէք դաւանութիւն դտանել, բայց եթէ 'ի խոնարհաց . չիք նմա, չիք երբէք կամակատարս դտանել, բայց եթէ 'ի խոնարհաց : Հնապա դուք առ հասարակ ժողովուրդք աշխարհաց, ազգք ամենայն, լեզուք ամենայն, խոնարհեցարուք ընդ հզօր ձեռամբն, խոնարհեցարուք տիեզերք ընդ Բստուծով՝ որ մեծ է քան զձեզ . և գիտացէք անպատիր, եթէ չիք փրկութիւն արտաքոյ հաւատոյն նորա, և չիք հաւատք արտաքոյ խոնարհութեան ձերոյ :

ՄԱՍՆ Ա.

Երօն կաթողիկէ առ հասարակ ըստ հրահանգացն և ըստ դաւանութեանն՝ 'ի մասունս բաժանի հաւատոյն որ 'ի հանդանակի, և 'ի մասունս բարոյականին որ 'ի տասնաբանէի : Բռաջինն մեծագոյն մասամբ 'ի դաւանութիւնն 'ի վեր է քան զկշռութիւն լուսոյ բանին : Երկրորդն բազմագոյն մասամբ 'ի պատուիրանսն՝ ընդդիմամարտ է հաճոյից կամաց :

Քաջայայտ ուրեմն է, սիրելիք, քանիօն ապա հլութեան մտաց պէտք իցեն խոնարհել հաւատալ զայն ինչ, որ նմա անհասանելին իցէ . քանիօն և հպատակութեան կամաց զիջանել՝ կատարել միշտ զայն ինչ, որ նմա անհաճոյն իցէ : Եւ ահա 'ի հլութեանս յայսմիկ և 'ի հպատակութեան հաստատեալ կայ ողջոյն ոյժ պնդութեան և հոգի ճշմարիտ խոնարհութեան : Եւ այս խոնարհութիւն է՝ զոր աշակերտեալք 'ի հարցն սրբոյ՝ կոչեմք հիմն և կնիք քրիստոնէութեան . « հաւատք, ասէ մեծն Բզոստինոս, չէ հպարտից, այլ խոնարհաց » :

Բլէ դու գիտ ինձ միտս իմն ըմբոստ և ամբարտաւան, որ յանձն երբէք առնուցու 'ի սրտձառո հաւատոյն ելանել ըստ չափ մտաց իւրոց և հաւատալ անհա-

սանեւեացն : Օ խորդ մարթասցին այնպիսի դաւանութիւն տալ ամենայն խորհրդոյ՝ որ վեր 'ի վերոյ տեսութեամբն հակառակ ամբառնան լուսոյ բանին , իսկ ճմարտութեամբ 'ի վերոյ են միայն քան զլոյս բանին : Օ որ ճանապարհ , ասա ինձ , զոր եղանակ երբեք գտցէ նա առ 'ի ճշգրտիւ հետախուզել զծածուկս գաղտնեաց զազատութեանն Մտուծոյ , զնախադիտութեանն Մտուծոյ , զծածուկս կարգաւորութեանց զբնական և զգերբնական նախախնամութեանն Մտուծոյ :

Օ խորդ երբեք դարձեալ բաւական իցէ ճառել ինչ մի յաղագս նախասահմանութեան ընտրելոցն , յաղագս անարգութեան նախադիտելոցն , յաղագս ազատութեան երկաքանչիւրոցն : Օ խորդ մարթ իցէ երթալ 'ի ծով , և անդ 'ի խեցի մի կամ 'ի բաժակ դուզնաբեայ ձգնել ամփոփել զջուրս համատարած . “ Արզմեծվայելչութիւնն , ասէ , քննել խնդրեսցէ , 'ի փառացն ընկղմեսցի , ” : Վանդի 'ի մեծվայելչութիւն անսահման լուսոյ՝ կամ անբթիթ արժան իցէ զաչսն կառուցանել , կամ բնաւ իսկ չլացուցանել :

Եւ անշուշտ 'ի փորձ արդեանցն մատուցեալ՝ դիր դու զմարդ յանդիման հաւատոցն իւրոց , և տեսցես զխորդ նա անդէն տազնապեալ 'ի խորհուրդս , այլ յայլմէ շուարեսցի 'ի հոգին : Վանդի գիտեն միտք նորա հաւաստեալ իբրեւ քաջածանօթ սկիզբն հանդու նատիպ նմանութեան , եթէ որ նոյն են ընդ միում երրորդի , նոյն են ընդ միմեանս : Եւ ահա անդէն խորհուրդ ամենասուրբ երրորդութեան աստուածային անձանցն տապալէ զգիտութիւն նորա . քանզի երեք անձինք զանազանեալք մի գոյով ընդ աստուածութեան , սակայն չեն երեք աստուածք , այլ աստուած մի :

Դարձեալ ճանաչեն միտք մարդոյ բացերեակի , քանի՞սն անջրպետութիւն ամբաւ կացցէ ընդ սահմանաւորն և ընդ անսահմանն : Եւ ահա անդէն տազնապեալ վրդովէ զնա անձառելի մարդեղութիւն բանին Մտուծոյ . որ ընդ անհուն ասպարէզ ընթացեալ իբրեւ հսկայ անսահման անջրպետին՝ որ կայ ընդ մէջ կրկին բնութեանց մարդկայնոյն և աստուածայնոյն , առեալ միաւորեաց զնոսա 'ի միում անձին իւրում , և եղև նոյն մի ճմարտապէս Մտուած և մարդ :

Վարձեալ ունին և զգայութիւնք զփորձ արդեանց իւրեանց . քանզի ՚ի զանազանից պատահմանցն տեսութենէ զիտեն նորա ճանաչել և զզանազանեալ գոյացութիւնս իրաց : Եւ ահա անդէն յանձառահրաշխորհուրդ սրբոյ հաղորդութեան դոն և մնան և տեսանին ամենայն երևոյթք և պատահմունք հացի և գինւոյ . և սակայն չիք անդանօր գոյացութիւն ոչ հացի և ոչ գինւոյ :

Իսկ և մարդ ինքնին խելամուտ անձին իւրոյ և գործոց իւրոց՝ զիտէ իսկ ճշգրիտ եթէ ազատ և անձնիշխան է ինքն բնութեամբ . և սակայն զգործս իւր բարիս առ յաւիտենական կեանս՝ զոր ազատութեամբն գործէ , պարտի ընծայել շնորհացն : Եւ թէպէտ ՚ի գործս անդ իմանայ ինքն զջան և զձիզն բնութեանն , իսկ զշնորհացն տեսանէ և ոչ ինչ , ՚ի վերայ այսր՝ պարտի քան բնութեանն զոր իմանայ , առաւել ևս շնորհացն վերադրել՝ զոր չիմանայ . ուստի և համարել զայնոսիկ ոչ այնչափ արգասիս արդեանց իւրոց , քան թէ պարզևս շնորհացն Մտուծոյ :

Եւ այսպէս ապա մարդ՝ որ մերձենայ առ Մտուած ՚ի ձեռն հաւատոցն , մարդ է նա այնուհետև բոլորովին անձնանուէր . քանզի նուիրեալ է նա Մտուծոյ համանգամայն զլոյս բանին իւրոյ , զփաստսն և զբանս . նուիրեալ է Մտուծոյ զփորձ արդեանցն , զզգայութիւնն , զկար իւր և զամենայն խորհուրդս իւր և զիղձս . իբրու այն որ մտադիւր յանձնառութեամբ ՚ի գերութիւն տայ զիւրն զամենայն՝ կամաց և տնտեսութեան և առաջնորդութեան հաւատոցն , որ ողջոյն յանձնէ իւրմէ կապտէ և մերկէ զնա : Եւս է զոր խորագոյնս ասաց առաքեալն . “Վերեմբ զամենայն միտս ՚ի հնազանդութիւն ,” :

Իսկ ո՞ր ուրուք արդեօք ՚ի հնազանդութիւն : Մհաւասիկ քեզ և այլ իմաստ յոյժ դժոխքներելի մարդկայինս ամբարտաւանութեան . “Ի հնազանդութիւն , ասէ , Վրիստոսի ,” : Բաբէ . ոչ այնչափ տաղնապէ սասանեցուցանէ զմարդ մեծվայելչութիւն փառացն Մտուծոյ , որչափ գձձութիւն խոնարհութեան մարդացելոյն Մտուծոյ . “Ի հնազանդութիւն , ասէ , Վրիստոսի գերեմբ զմիտս ,” :

Վանդի քաջ միտ դիք . նաև վայրենիք և խուժադուժ ազինք կառնակարու թեամբ դաւանին զմի Մտուած կառավար տիեզերաց գերադոյն , և ինքնիշխան բաշխող կարգաց և վիճակաց մարդկան : Մյս հաւատ տնկակից բնաւորեալ է 'ի բնութեանս . ոյր աղադաւ և տեսանես՝ զի 'ի վտանգս և 'ի յանկարծադէպ զարհուրանս ինքնագրաւ բնութիւնն այլ յայլմէ ստիպի 'ի բնէն՝ աչք 'ի վեր յերկինս զՄտուած կարգալ յօգնականութիւն : Աւ անաստուած լինել չիք հնար . շատ է միանգամ 'ի զնին կալ արարածոյ , և յակամայս իւր փայլակն աստուածութեան խտողեսցէ զաչս նորա .

“ Երկինք , ասէ , պատմեն զփառս Մտուծոյ ” :

Հայտնի է այս ամենայն : Բայց 'ի միում անդ էութեան աստուածութեանն զերրորդութիւն անձանցն դիտել , այս իմաստ և խելամտութիւն պահեալ կայ միայն աչաց հաւատոյն : Ի վերայ այսր՝ ինքնին և լոյս բանին՝ որ խորհրդոյն չհասանէ , սակայն առ հասարակ խելամտեալ՝ դէպ և արժան համարի լինել յՄտուած խորհրդոց անձառից՝ որ 'ի վեր քան զմիտս իցեն մարդոյ : Աստի և 'ի մասնաւորի մտադիւր յանձն առնու հաւատալ զայն ինչ , զոր 'ի հասարակի մերժեաց նա իբրև անհաւատալի . ուստի և ցորչաւի կան միան աստուածավայելուքն , բարութիւնն Մտուծոյ ամբաւ , իմաստութիւնն Մտուծոյ անսահման , զօրութիւնն Մտուծոյ ամենակարող , միտք մարդոյ՝ զի այսպէս ասացից , մխեալ 'ի ներքս 'ի լոյս անմատոյց փառացն՝ միշտ երկրորդ պագէ և խոստովանի :

Բայց ապա 'ի ճառս մարդեղութեան բանին Մտուծոյ , գործ նոր և չքնաղ և անօրինակ , այլ և անհնար անկանել 'ի սիրտ մարդոյ . չհանդուրժէ բնութիւնն , եղջիւր ամբառնայ ամբարտաւանութիւն մտացն , վարանին խորհուրդք , խռովին լսելիք . աստանօր ցնորեալ յիմարանան հեթանոսք , աստանօր ըմբոստացեալ ապարթանէն հերետիկոսք , աստանօր գայթակղեալ դարչին հրէայք . որպէս համարձակաձայն բարբառի հոգին Պաւղոսի , “ Մեք քարոզեսցուք , ասէ , զիսպէլեան Վերիստոս . հրէից գայթակղութիւն և հեթանոսաց յիմարութիւն ” :

Սկայք են աւադիկ պրակքն առաքելոց , և ողջոյն

տարեգիրք եկեղեցւոյ . ոչ երբեք այնպէս բարձրայօնա շարժեցին զգլուխս հեթանոսք և ըմպահեցին , քան յորժամ բան լինէր 'ի կնքել 'ի ճակատուն զխաչն : Օ ինչ ասասցուք զնոցուն իսկ զհրէիցն , որ ժամանակա կիցք Վաղովրացւոյ տեառն , թէպէտ և զօրինակս ևս տեսեալ նորա զգերաշխարհիկս , և զարուեստս հրա շիցն անձառելեաց , երբեք յանձն չառին զաստուածա կանն տալ նմա պատիւ , իբրև զի այնչափ խոնարհեալ տեսանէին զնա 'ի մարդիկ . ընդվզեալք գոռոզութեամբ երկիր պագանել այնպիսոյ Մտուծոյ , որ արդէն իսկ չառնոյր յանձն՝ երկրպագուս իւր ունել ամբարտաւանս . “ Հրէից գայթակղութիւն և հեթանոսաց յի մարութիւն , , :

ԲԱԼ զի է մեզ խնդրել զարտաքինան : Ի բուն 'ի յարկի քրիստոնէութեանս , ուր այնչափ ինչ մարթի զօրութիւն մկրտութեանն , չնորհք խորհրդոցն , պարգև հաւատոցն . և զիմրդ է զի և յամենայն իսկ 'ի դարս ասպտամբք ըմբոստացան ընդդէմ խոնարհ հաւատոցն մարդացելոյ բանին Մտուծոյ . և 'ի Զոկս հերեսիով տացն՝ որ չարչարեցին զեկեղեցի՝ և բազմադոյնք ընդ դէմ յաւակնեցան Վրիստոսի Մտուծոյ : (Ժ) Իւ միայն անուանց ինձ անբերելի է , և ձեզ օրատերազմող լեւելաց :

Սորա 'ի Զոկս Զոկս տրոհեալք , սակայն և միացեալք ընդդէմ նորա , կէսք զմարդկայինն 'ի նմանէ կապտեցին զբնութիւն , կէսք զաստուածայինն զլացան նմա , որպէս զի նուազ արասցեն 'ի մեծաքանչ խոնարհութիւնս նորա կամ զհաստատութիւն հիմանն կամ զճաճանչ լուսոյ օրինակին : Շիջն թափեցին զամենայն՝ թօթա փել զլուծ հաւատոցն , զոր տանել չէր մարթ՝ բայց ընդ հեշտ և ընդ կամակ պարանոց խոնարհեալ թիկամբք : Վաջ իսկ ճգրտելով 'ի նմա , զոր այն ինչ մանուկ ընծայեալ 'ի տաճարն լուաւ զնմանէ մայրն , եթէ ընդ դրօշակաւ նորա միանգամայն և գրեսցին մարդիկ խոնարհութեամբ , և լծնկեցք լիցին ասպտամբք գոռոզութեամբ . “ Սա կայ , ասէ , 'ի գլորումն և 'ի կանգնումն բազմաց , և 'ի նշան հակառակութեան , , :

Բհա քանի՞ն խոնարհութեան սրտի , եղբարք , և հլութեան մտաց պէտք իցեն 'ի հաւատս քրիստոսական

դաւանութեանս, և յերկրպագութիւն հոգւով և ճիշմարտութեամբ խաչելոյն Մատուծոյ : Վճանի և խոնարհութեան սրտի և հպատակութեան մտաց պէտք իցեն և 'ի նմին իսկ ուղղափառութեան դաւանութեանն, և թէ երբէք պատահեսցի՝ որպէս և պատահեաց իսկ բազում անգամ, յուզել խնդրոց և ջերմանալ վիճից և վարանել տարակուսանաց 'ի մատուռս ինչ հաւատոյ՝ կամ ուղղափառաց ընդ ուղղափառս, կամ ուղղատեսից ընդ չարափառս : Եւ զինչ. թերևս յայնժամ 'ի վարանսն յայնոսիկ և 'ի տարակուսանս իջցէ՞ առ մեզ յերկնից հրեշտակ, և լուծցէ զվարանսն, և յայտնեսցէ զճշմարտութիւնն : Եւ մանաւանդ և յայնժամ մեծապէս հլուութեան և խոնարհութեան պէտք են մարդոյ, զի յանձն առցէ խոնարհել բնութենակից իւր մարդոյ կամակար հպատակութեամբ մտաց իբրև Մատուծոյ . քանզի և երկնաւոր վարդապետին հրահանգ զայս պատուիրէ իւրոց աշակերտելոցն, եթէ՝ « Որ ձեզ լսէ, ինձ լսէ » : Եւստի և պարտ է յայնժամ զամենայն հպարտութիւն 'ի բաց եղեալ՝ զմիտս և զկարծիս խոնարհել ժողովոյ մարդկան հոգւով սրբով համախըմբելոց 'ի սինհոդոսս . և չիցէ՞ այս ամբարտաւան սրտից խոց վերջին և նուաճութիւն դժոխսրմբեր, որում և ոչ անտացեալքն եղեն հերետիկոսք :

Օ՛հ խոնարհել Մատուծոյ, է խոնարհել արարչի . և խոնարհել Վրիստոսի, է խոնարհել Մատուծոյ մարդացելոյ : Եւ թէ պարտ իցէ խոնարհել և մարդոյ լոկոյ, և 'ի նմանէ առնուլ անդիմամարտ և ընդգրկել խոնարհութեամբ զսահման դաւանութեանն, այս խոնարհութիւն է մտաց՝ զոր ճշգրտիւ խնդրեաց 'ի հաւատացելոց իւրոց խոնարհութեանն վարդապետ և նախատիպ Վրիստոս ասելով . « Որ ձեզ լսէ, ինձ լսէ . և որ ձեզ անարգէ, զիս անարգէ » : Վճանիօն սիրով ընդգրկեցաւ միշտ այս խոնարհութիւն մտաց 'ի հարազատ որդւոց եկեղեցւոյ . և քանի ամբարտաւանութիւն զընկեցաւ միշտ 'ի կամակոր ըմբոստացելոցն : Եւ չէք յաշխարհի բարձրութիւն գիտութեան, և ոչ ծագհանձարոյ իմաստութեան, որ ապահարկ կացուցէ զմարդ 'ի խոնարհ հպատակութենէ աստի եկեղեցւոյ, զոր Վրիստոսն աւանդեաց :

Սինչ զի և առաւել սիրելի Մատուծոյ գիտեմ զխոնարհել մարդոյ առ մարդ, քան առ Մատուած. զի և հրեշտակ յՄատուծոյ երևեալ Վոռնելեայ՝ յաշակերտութիւն հրահանգութեան առաքէ զնա առ Պետրոս Վաւ ինքնին Վրիստոս իջեալ առ Պաւղոս, վարժապետ նմա կարգէ զՄանիա: Այն ինչ արդեօք բաւականք նորա, մին Մատուած, և միւսն հրեշտակ Մատուծոյ, քաջիկ ևս անձամբք հրահանգել զնորածաղիկ զաշակերտսն յայն ինչ, զոր խոնարհադունիցն յանձն արարին վարժապետաց: Բաւականք էին, այլ չարարին: Վանդի ՚ի կարգի հաւատոցն չյաջողի մարդ ունել ըզկատարեալն խոստովանութիւնն առ Մատուած, որ ոչն ունիցի խոնարհութիւն հպատակութեան առ մարդ: Ուստի և ո որ և իցէ, եթէ «Լկեղեցւոյն ոչ լսիցէ, եղիցի իբրև զհեթանոսն և զմաքսաւորն»: Սասն այնորիկ և միտք ամբարտաւան, որ ոչն խոնարհեսցի անսալ եկեղեցւոյ, մի ակնկալցի երբէք առնուլ ինչ յՄատուծոյ. և որպէս յաստանօր յարքայութեանն Վրիստոսի՝ յեկեղեցւոյ, չիք մասն և բաժին մարդոյ հրպարտացելոյ, նոյնպէս և յարքայութիւնն երկնից չիք նորա մուտ ամենեւին:

Վանդի և կարի իսկ քաջ. սիրելիք, որչափ ինչ խոնարհութեան մտաց պէտք են ՚ի հաւատոս, այնչափ և խոնարհութեան և նուաճութեան սրտի պէտք են ՚ի գործսն հաւատոց, որ ՚ի բանս, որ ՚ի գնացս, որ ՚ի խորհուրդս, որ ՚ի սանձել զկիրս, որ յարհամարհել զփառս. և միով բանիւ՝ որ յանտես առնել զմարդկայինսն առաստուածայնովք: Վանդի և չէ շատ առն քրիստոնէի հաւատալն միայն. այլ արժան է զսրտին հաւատսն նաև յարդեանցն ցուցանել. «Հաւատալ, ասէ, սրբտիւ յարդարութիւն, և բերանով խոստովանել ՚ի փրկութիւն»:

Խոստովանել պարգերես և համարձակաձայն՝ յորժամ պէտքն պահանջիցեն. թէպէտ և ՚ի կենակցութիւնս սանձարձակ և թուլահաւատ որերոյն և խառնակեցիցն, թէպէտ և քում վարկին և յարգին գեանհասցէ, թէպէտ և գոյիցդ, թէպէտ և կենացդ՝ եթէ հարկն պահանջեսցէ՝ ընդ բազմահոյլ մարտիրոսացն: Եթէ ծաղր իցէ, եթէ նախատինք, անցանել քաջու-

Թեամբ և արհամարհել . եթէ մարդկային նկատմունք՝ առ աստուածայնութիւն առ ոտն կոխել . զներողութիւն և զթողութիւն թշնամոյն՝ թէպէտ և զձեռութիւն համարեսցի առ մարդիկ՝ նախամեծար քան զփառս վրէժխնդրութեանն ընտրել . զմեռելութիւն անձին՝ քան զբերկրութիւն զգայութեանն , զաւետարանականն աղքատութիւն՝ քան զընչաւտութեան պերճութիւն : Այ մեծ ինչ է քրիստոնէին , եթէ ընկերին պատուոյ չդժրէ . պարտի և ներումն տալ և համբերել փաստկարին իւրում : Այ մեծ է նմա , եթէ ինչ մի չբարձցէ յօտարէն , պարտի և շնորհել ՚ի սեպհական գոյիցն . և կարասոյն իւրում՝ քան իշխան և տէր՝ առաւել ևս մատակարար աղքատաց ծանիցէ զանձն և աւանդապահ : Այ մեծ ինչ է քրիստոնէին , եթէ յամենայն արդելելոցն զաչն դարձուցէ և զձեռս . պարտի սանձել նաև զիղձսն , նաև զխորհուրդսն . և տեղի չտալ վրէժխնդրութեան կրիցն , նաև ՚ի ծածուկս սրտին :

Մտելութիւն կալցի քրիստոնեայն , բայց միայն ընդ դէմ անձին . սէր կալցի , բայց ՚ի հատուցանել զայն թշնամոյն իւրոյ . ժուժկալեսցէ ՚ի հեշտալեացն . ՚ի խաչէ մի փախիցէ , և զչարակրութիւնսն սիրով ընդգրկեսցէ : Մովին զոհութեամբ և ըղձմամբ համբուրեսցէ զձեռն Մատուծոյ , յորժամ բարերարէ և յորժամ դանէ . և բնաւ իսկ յՄատուած յանձն արասցէ որպէս զկեանս իւր , նոյնպէս և զմահ իւր : Եւ իբրև զամենայն կատարեսցէ ըստ հաճոյից կամաց նորա , ՚ի վերայ այսր և մի ինչ մեծ համարեսցի զանձն , կամ վրասցի և հպարտացի : Եւ մանաւանդ առաւել ևս յայնժամ դողացի վասն անձին , եթէ արդեօք ՚ի սպառ յարատեւեսցէ՞ ՚ի ձրխաբաշխ շնորհին : Օ որօրինակ նաւապետ որ զնաւ իւր փարթամ կարասեօք առաւել ակաղճուն լցեալ իցէ , առաւել զանգիտեալ խիթացի . յարկածից արէտանջ ծովուն : Եւս է սբանչելի հրահանգ երկնաւոր վարդապետին . “ Երբժամ զամենայն հրամայեալսն ձեզ , ասէ , առնիցէք , ասասցիք՝ ծառայք անախտանք եմք , զոր պարտեալն առնել , աւարաք ” :

Եւ ապա յայս ամենայն նահատակութիւնս , բաջ միտ դիր քրիստոնեայ , յայս ամենայն նահատակեսցիս

դու աստ 'ի բազմորոգայթ աշխարհի, 'ի հրապոյրս ամբարտաւանութեան աստի կենաց, 'ի յոյս ակնկալութեան հեռաւոր հատուցման, 'ի հաւատ տեսուն՝ որ ոչն տեսանի բայց 'ի մութիկս փողոցաց 'ի սրտոժաւորս բանտից, 'ի խօթս և 'ի հիւանդս անկերցաց: Բնդ սոսա խոնարհել պարտ է, և 'ի սոսա ճանաչել պարտ է ինքնին զտէրն Վրիստոս և պատուասիրել զնա:

Դարձեալ զիաճող մարդ երբէք բաւական իցէ առանց հաստահիմն սկզբանց խոնարհութեանն Վրիստոսի՝ յամենայն 'ի կեանս 'ի դիմի հարկանել հանապազօրեայ աղցից և արկածից և ամբոխմանց 'ի քաղաքական ընկերութիւնս և յառտնինսն 'ի բազմազբաղ աշխարհի: Եւ խարհ՝ յորում անպակաս են նախանձք և զրգուութիւնք, և զմիմեամբք ելանել 'ի շահախնդրութեան, 'ի փառս, 'ի համբաւն, յորում նենգել և կեղծաւորել և զրժել և հարստահարել և զրպարտել, և ընդ անիրաւ կամ ընդ ոլորտապտոյտ շաւիղս ապաճեուն հանել զքեզ 'ի շահէդ, և յանուանէդ միանգամայն:

Օ իաճող բաւական իցէ յայնժամ լեզուն ժուժալ, լսել ընդդէմ կրիցս այսոցիկ, եթէ խոնարհութիւնն Վրիստոսի մերձ ոչ իցէ, և զնա ոչ սանձահարեացէ: Օ իաճող հնար իցէ 'ի մէջ քաղաքայնոց և բազմազբօս կրպակաւորաց և վաճառակից ընկերաց և անձնազրաւ շահախնդրաց և ներհակակիր բարոյից, լինել միշտ սիրող խաղաղութեան, եթէ երբէք փոխարէն չնորհաց առաւուռմս գտցեն անդրադարձ, կամ զապերախտութեան և զարհամարհութեան, կամ զնախատակոծ զրուցաց կամ զմատնութեան ևս: Եւ զիաճող, սիրելիք, որ ընդ փորձն անցանէք ամենայնի այսոցիկ, ընդ այնչափ կիրսն ոչ ջերմացին ոգիք և մինչև 'ի վրէժխնդրութիւն վերջին մտաբերեսցեն. եթէ խոնարհութիւնն Վրիստոսի և հեղութիւնն ոչ համբուրեցուցեն զգազանն, հովացուցեն զեռանդն սրտի և 'ի չափու սանձեսցեն զխորհուրդս: Եւ յայնժամ յանձն առցէ քրիստոնէայն դիւցազնաբար խոնարհութեամբն, համբերութեամբն, անյիշատարութեամբն՝ առ վայր մի արհամարհ և իբրու վատասիրտ և անկաժ առաջի մարդկան երևել, քան զօրէնսն Եստուծոյ և զաւետարանն առ ոտն կոխել:

Ո՛վ, 'ի քանի և յայլ գէպս պէտք իցեն մեզ հանապաղ խոնարհելոյ հլուծեամբ ընդ ձեռամբն Բստուծոյ : Լաղիկ, աւաղ վշտաղնելոյ և սրտառուչ մօրդ . մեռաւ քո միածին որդին . 'ի նա հաստատեալ էին ամենայն խորհուրդք , և էր նա միակ յոյս ողջոյն գերդաստանին . . . : Վիտեմ գի հեծես և արտասուես անմըխիթար գիշերս բաղումս . և թերեւս սաստկութիւն անտանելի ցաւոցդ զրդեսցէ զքեզ և 'ի ծածուկ ինչ քան քարտանս աստուածայնոյն ընդդէմ նախախնամութե :

Լըդ եթէ քո ճշմարիտ իցէ քրիստոնէութիւն , պարտիս զլուս խոնարհել , համբուրել զաջն , համբուրել զգաւազանն որ զքեզն հարկանէ . և խոնարհութեամբ ասել ընդ սրբոյն Յովբայ . Վեզ փառք ո՛վ տէր վասն իմոյ որդեկիս՝ յաւուրն յորում ետուր դու ինձ զնա . և յաւուրն յորում առեր դու յինէն . “ Տէր ետ , և տէր էառ , որպէս տեառն հաճոյ եղև ” այնպէս և կատարեցաւ . եղիցի անուն տեառն օրհնեալ ” :

Իսկ և վասն քո առաքինի քաղաքայնոյդ և արուեստաղիտիդ և վաճառականիդ ցաւէ ինձ : Վանդի ոչ արգասիք արժանեաց և ոչ հանձար և ոչ հնարագիտութիւն պակասէին քեզ առ ամենայն բարգաւաճութիւն վիճակի քոյ և գերդաստանին քոյ : Ի վերայ այսր՝ տեսանեմ զքեզ զի թողեալ կաս յանկեան ուրեք , և յետնեալ ես քան զբաղում համարուեստս քո . էր աղագաւ . քանզի ոչ կամեցար յառաջադէմ լինել 'ի վիճակիդ հանդերձ թշնամանօք պատուոյդ , հանդերձ փաստակարութեամբ այլոց , հանդերձ խորամանկութեամբ և նենգաւոր դաշամբք , հանդերձ հարստահարութեամբ :

Վիտեմ զհեծութիւն քո հանապազօրեայ 'ի յետին և 'ի սինլբըր աստիճանիդ յայդմիկ , յոր առեալ կացոյց զքեզ երկիւղածութիւն բարեպաշտութեան քո : Վիտեմ , զի և բաղում անդամ ընդ հենգն զրուցեն զքէն աներկիւղածք , և ընդ առակս սարսաքարեն ըզքեզ : Լըդ եթէ դու աշակերտ ես հարազատ Յիսուսի Վրիստոսի հեզոյն և խոնարհին , պարտիս ընդգրկել զխաչն և զարհամարհանս խաչին , և խոնարհութեամբ առ նա դիմել և ասել . Տէր , եղէց մանաւանդ արհամարհ յանիրաւի , քան փառաւորեալ անիրաւու :

Թեամբ . տէր , եղէց մանաւանդ աղքատ արդար , քան մեծատուն մեղաւոր . “ Նստրեցի ես ընդ աղբ կալ 'ի տանն Մսուծոյ , քան բնականալ 'ի յարկս մեղաւորաց . ”

Վարձեալ նախատեսցար քրիստոնեայդ , ո ոք և իցես , Թշնամանեցար , առակ եղեր առաջի մարդկան : Վիտեմ քաջ , քանի ցաւեաց քեզ . և յեռանդն քանի հարկաւ նէ զքեզ սիրտ քո . քանիք ոմանք Թելադրեն քեզ , զիրաւացին հատուցանել վրէժինդդու Թիւն նախատաւնաց նախատչացն քոց : Այլ եթէ դու խոնարհին : Զի սուսի ճշմարիտ ես աշակերտ , և նշանազգեստ զքրիստոնէի զանկողոպտելին՝ զարհամարհու Թիւն և զնուաստախոհու Թիւն անձին՝ զանձամբ առեալ է քո պարծաւնօք , գիտես զգալ նախատանացն , այլ ոչ և փոխարինել . ցաւել ընդ վերսն , այլ ոչ և վիրաւորել : Այլ այն պէս քաջութեամբ նահատակեալ յանդիման խաչելոյն աղօթես . Վեզ տէր և բում խաչին նուիրեմ զնախատինսն . ներեմ նախատչին՝ զի դու հրամայեցեր . փառաց քոց նուիրեմ զփառս և զվարկ անձինս , և բում գթութեան և ներողութեան յանձն առնեմ զիմ հաւածիչն , զիմ Թշնամանիչն , զիմ Թշնամին :

Սվ հրաշից հաւատոցն Վրիստոսի . ով օրէնք քրիստոսեան գերմարդկային , զօր սիրտ , զօրպիսի խորհուրդ , զօր իղձ 'ի քոց խնդրես հետեւողաց :

Սեբ յընդհանուրս ընթացեալք , յորում այլ դաւանութեան և յոր հաւատս կրօնից երբէք գտցուք զհոգի զայս զՎրիստոսին . ուրանօր մարթացուք խնդրել զտիրական զայս առաքինութիւն , որ առաջին է յառաքինութիւնս բանական արարածոյն . ըստ որում իմաստնաբանեաց բերանն ոսկի . “ Օ ինչ է , ասէ , խոնարհութիւն : Խոնարհութիւնն ոչ այլ ինչ է , ասէ , բայց իրաւասիրութիւն և ճշմարտախոհութիւն . ” : Այլ արդ՝ քանզի ճշմարտախոհութիւն զարդ էական է բանական բնութեան , ապա ուրեմն մարդ անբաժ 'ի նմանէ միշտ 'ի ստութեան կայ՝ անձանաչ գոլով ստեղծուածոյն իւրոյ . ուստի և համարի զանձն այն ինչ՝ որ ինչ չէ , և այս է հպարտութիւն :

Սքէ դու վայր մի յածեաց ընդ պատմութիւնս վաղեմիս . Թէպէտ և բազումս գտցես առ արտաքինսն օրինակս առաքինութեանց , զարդարութեան , զհաւատար

մութեան, զպարկեշտութեան, ըստ որում՝ ի հոյակապ և ի համբաւատենչ քաղաքս աշխարհիս, յ[Ս]թէնս աւսեմ, և ի Սպարտիա և ի հռոմ. այլ ուր երբեք գտանիցես դու այր մի խոնարհ սրտիւ կամ յ[Ս]թէնացւոց անտի, կամ ի Սպարտացւոց, կամ ի հռոմացւոց։ Օ ամենայն ինչ գիտացին, ասէր աստուածի մաստն Մեղստինոս, զամենայն գիտացին գերահանձարքն այնորիկ իմաստասէրք, մեծապանծքդ այդորիկ վարժապետք հեթանոսութեանն, զամենայնս՝ բաց ի խոնարհելոյ զկրկողացեալ զյօնսն, բաց ի կրելոյ զամբարտաւան զգլուխն։ Ուստի և զամենայնն գիտացին, բաց յԱստուծոյ. որ յանձն չառնու երբեք, զի գիտացեն զնա ամբարտաւանք. Բարձր է տէր, ասէ, զխոնարհս տեսանէ, և զբարձունս ի հեռաստանէ ճանաչէ։

Ո՛վ, քանի տիրացեալ է բնութիւնս։ Արկն այն ընդաբոյս, և տնկակիցն մեր իղձ սեպհական բարձրութեան, որպէս առաջին կիրք են՝ որ զբաւեն զմարդ, նոյնպէս և վերջին են ի թողուլ զմարդ։ Եւ քաջ իսկ տեսանեմք մեք հանապաղօրեայ փորձիւ, զի մարդկայինս այս բարձրամտութիւն՝ յոչինչ այլ առաւել լմբոստանայ, որպէս ի խոնարհել տեղի տալ ի կարծեաց իւրոց և ի կամսն. և ըստ նմանէն՝ ոչ ինչ այլ իմիք առաւել ընդդէմ մաքառի, որպէս կրօնին՝ որ սահմանադիր իցէ հաւատոյն ի միտս, և բարեկարգիչ ըզձիցն ի կամս, և կանոնադիր բանիցն ի լեզուն։

Եւ ահաւասիկ ձեզ սիրելիք, պատճառք առաջին և վերջին, ոյր աղաղաւ ամենայն հերետիկոսք ընդ ամենայն դարս. և որք ի վերջնումս մանաւանդ՝ բարձրամիտ չարախառքն նորաղանդք լութերեանք և կալվիներանք, նաև ընդ քաջայայտ ճմարտութիւնսն մարտեղեալ՝ դժուարաւ դառնան ի ծոց կաթողիկէ եկեղեցւոյ։ Վաղցր է նոցա անձամբ անձին առաջնորդել. չճանաչեն զլրութիւն եկեղեցւոյ, և զառանձին իւրեանց զմիտս և զկարծիս ունին իւրեանց կառավար. և մեկնիչ և թարգման սուրբ զրոյց ոչ զայլ ինչ գիտեն, բայց զինքնահաճ իւրեանց զխելս։

Բարե, քանիօն իցէ անջրպետսն որ ընդ նոսա և ընդ որդիս եկեղեցւոյ։ Վանգի առ սոսա կրթութիւնք և

արդիւնք խոնարհամտութեան այնչափ իմն ընտանիք և բնաւորականք հանդիպին սոցա , զի և հաղիւ երբէք զգան նոքա դժուարին նահատակութեանց հոգւոյն : Օ ինչ ասես . ոչ նահատակութիւն մեծ իցէ այն՝ զոր որդիքս եկեղեցւոյ գործեմք զօրհանապաղ . մի միայն կրթութիւն մեր այն երթալ անկանել յոտս քահանային և խորհրդական խոնարհ խոստովանութեամբ առ ունկանէ յայտնել նմա զմեզս մեր , քանի խոչ ական և ատելի է արձակերասան նորաղանդիցդ այդոցիկ . քանի դժոխքներելի բարձրամտութեան դեցա . այլ զմեզ յորպիսի ինչ վարժս խոնարհութեան սրտի և նուաձութեան ոգւոյ ոչ առեալ հրահանգէ 'ի պատարագ անուշահոտ Բստուծոյ . որպէս ասաց եթէ “Պատարագ Բստուծոյ հոգի խոնարհ” : Եւ զարմանք և քաջալերութիւն մեծապէս ոչ իցեն , զի ոչ ռամիկն և եթ առ մեզ , այլ և քաջազգիքն . ոչ հպատակեալքն և եթ , այլ և արքայազունքն , այլ և արքայք ինքնին գլխովին , իբրեւ յանցաւորք իբրեւ պատժապարտք երթան անկանին առ ոտս սոսկականի ուրուք քահանայի , և անդ իւրեանց բերանով ամբաստան զանձանց լինին 'ի ծածուկ մեզս իւրեանց , նաև յոյժ յամօթալի կիրան և 'ի գործսն . խոնարհին առնուլ խրատ , յանձն առնուն յանդիմանութիւնս , ընդգրկեն զպատիժ ապաշխարանացն և պաղատին զարձակուրդն :

Եւս է հրաշալին առ մեզ անդորրաւէտն այն և խաղաղարար ատեան խորհրդոյ ապաշխարութեան խոստովանութեան , զոր չարափառքդ այդ նորաղանդք չհանդուրժեալք անարժան ձայնիւ կոչեցին , “Վահձաբար կտտանս խղճի մտաց” : Եւ աւագոյն ևս էր նոցա կոչել , “Ուն ջախիչ ընդ կառափն իւրեանց” :

Վանդի յորմէ հետէ բարձրապարանոցս յաւանեցան նոքա ընդդէմ լրութեան եկեղեցւոյ իբրեւ դատաւորս ոմանս , երբէք ոչ խոնարհեցան խոստովանել զանձինս իբրեւ դատելիս , իբրեւ պարտաւորս . բայց թէ թերեւս ըստ վերջին անմտութեան մտախաբիցն 'ի նոսա բարեպաշտից , որ զԲստուծոյ շնորհացն ամբաստան կան՝ զի զլացեալ է նոցա . անձանց մեզ ոչ դնեն թշուառականքն , զի անարժան դտան շնորհացն :

Եւս ուրեմն՝ ընդ որդիս եկեղեցւոյ և ընդ ապստամբ

սրդ ընդ այդոսիկ խտիր այս է, զի առաջինքդ առ 'ի կալ մնալ հաւատարիմք, զիտեն լինել խոնարհք. վերջինքդ առ 'ի ոչ զիտելոյ լինել խոնարհք, չկամին լինել հաւատարիմք : « Բմենայն հերեսիովտաց, ասաց մեծն Բզոստինոս, ամենայն հերեսիովտաց մայր և ծնող՝ է հպարտութիւնն », Բստ որում և « Բաջին առաքինութիւն քրիստոնէից՝ է խոնարհութիւնն », որպէս կնքեաց մեծն այն Հերոնիմոս :

Օ խտիր զայս, դասք ուղղափառաց, պինդ կալարուք յանձնս. և զիտացէք ճշգրիտ՝ եթէ զոր օրինակ ամենայն անհաւատ այնչափ առաւել մերձենայ լինել հաւատարիմ՝ առ եկեղեցի որչափ է խոնարհ, նոյնպէս և ամենայն հաւատացեալ այնչափ առաւել մօտի յանհաւատութիւն, որչափ է հպարտ : Վանդի որպէս 'ի պատուհաս մեծեղեռն յանցանաց բնաւորեցան հաւատք 'ի կորնչիլ, նոյնպէս և 'ի պատուհաս հպարտութեան բնաւորեցաւ թոյլտուութիւն մեծեղեռն յանցանաց : Եւ է այս կշիռ իրաւադատ նախախնամութեանն Բստուծոյ՝ որպէս Հարքն ասացին. որպէս զի ծանիցէ մարդ հպարտ՝ եթէ անարժան է այնուհետեւ պահպանիչ շնորհացն Բստուծոյ, և իրաւապէս թոյլտուութիւն է վասն նորա սաստիկաբուռն փորձութեանց, մինչև զիջի 'ի հպարտութեն և խոնարհեցի : Վանդի և իրաւունք գեղեցիկ են, զի որ ըմբոստացաւ լինել խոնարհ 'ի ձեռն առաքինութեան, ստիպեցի լինել խոնարհ 'ի ձեռն յանցաւորութեան : Օ որ օրինակ մայր տեսեալ զմանուկ իւր տակաւին չհաստատեալ յով 'ի նքնին ոտնիոխ լինել, չթողու 'ի ձեռացն, սակայն և ըմբոստ տեսեալ զնա և անսաստ, ձանձրացեալ՝ 'ի վերջէ թոյլ տայ նմա մինչև անկանիցի. զի ապա կշտամբեցէ զնա 'ի պատուհաս անաստութեանն 'ի խրատ. սակայն և Բստուած : Բստ որում և Վաւթի թոյլ ետ անկանել, զի յանձնապատան եկաց. թոյլ ետ անկանել Պետրոսի, զի յանձն իւր պանծացաւ : Օ նոյն կրեցին օրինակ և ամենայն մեծամեծքն այնքիկ և հոյակապ արք, զորոց ողբայր երանելին Բզոստինոս, եթէ որք զբոյս իւրեանց յերկինս եղեալ էին, և ապա 'ի մրկէ ծածուկ հպարտութեանն վայր հոսեալք իջին յանդունդս :

Վանդի «Վան զապաշաւ յառաջէ հպարտութիւնն, վճռեաց զիրն, և նախ քան զկործանումն բարձրանայ սիրտ առն» : Եւ «Տէր ամբարտաւանից հակառակ կայ» : Հակառակ ամբարտաւանից, նախ՝ դէպս իմն ձախողակս և արկածս փոքունս առաքելով՝ ի գերդաստան նոցա, ապա և անձկութիւնս ծանունս յանձինս նոցա. և թէ տակաւին ըմբոստ կան, հակառակ կայ նոցա՝ խօթութեամբ և հիւանդութեամբ վարակելով զմարմինս նոցա. ապա և սրտաբեկ ամայի լքանէ զհոգին. և թէ տակաւին խստապարանոցք յաւակնին, հակառակ կայ նոցա՝ թոյլ տալով ի թանձր խաւար պաշարել մտաց նոցա, ապա և կամաց նոցա զթել յանկմունս մեծամեծս :

Իսկ եթէ և ոչ յետ այնորիկ խոնարհին նոքա, հակառակ կայ նոցա՝ լքեալ զնոսա ի կուրութիւն արտասուելի և ի խտութիւն սրտի անտեղիտալի, մինչ զի և ընդ կոփիւն ուռանն առաւել ևս խստանալ նոցա, և ընդ հարուած գաւազանին սկսանիլ հայհոյել : Եւ ապա ի ծայրն հասեալ թշուառութեան յաւիտենական անարդութեան իւրեանց, ի նոսին իսկ ի մեղսն սկսանին ահագինս ամբարտաւանիլ, և ի վայր զգինական առեալ լրբաբար՝ այնուհետեւ աստուածամարտք գտանին, և յայտնի ապստամբք աննուաճելիք ընդդէմ եկեղեցոյ : Ո՛վ վախճան զարհուրելի ամբարտաւանութեան մտաց. ո՛վ պատուհաս սարսափելի հպարտութեան սրտի :

Բաբէ, Բստուած իմ, Բստուած իմ. և յայն չափ խոտորնակ, և յայն սահման չարութեան իցէ երբեք հասանել ստեղծուածոյն... : Տուր ինձ տէր, ճանաչել զիս. և այժմէն գետնամեծեալ խոնարհութեամբ զդէմն իմ ի յերկիր եղեալ ծածկել զիս ողջոյն ի խորս անարդութեան իմոյ : Բստուած իմ, եթէ երբեք չիք հնար մարդոյ մտանել ի փառս ընդ քեզ, որ ոչն է խոնարհ ընդ քեզ, ապրեցո զիս ի կաւոյ, զերծո զիս ի հպարտութենէ : Վիտեմ զպատճառս բազմապատիկ յանցաւորութեանցս, զոր ողբամ, այն է պատուհաս իմոյ ծածուկ հպարտութեան սրտի : Բնձառելի խոնարհութեանդ երկրպագեալ ի փայտիս կենաց, պաղատիմ. դու դարձո զիս, դու փոխեա զսիրտ իմ : Տուր

ինձ միտս հեշտ և հլու առ քո հաւատս . սիրտ պատկառ և հպատակ առ քո եկեղեցի . հոգի խոնարհ և հնազանդ առ քո պատուիրանս . և արժանի արա զիս շնորհիդ , զոր տաս խոնարհաց , և զլանաս ամբարտաւանից . “ Տէր ամբարտաւանից հակառակ կայ , տայ շնորհս խոնարհաց ” :

ՄԱՍՆ Բ .

Յայս վայր խելամտեալք , սիրելիք , եթէ յինչ հաստատեալ իցէ հոգի քրիստոնէական խոնարհութեան , և թէ քանի՞ն իցէ կարեւորութիւն առաքինութեանս յամենայն վիճակի մարդկան , և թէ խոնարհութեանս առաքինութիւն ոչ 'ի հեղ և 'ի համբոյր ինչ ձայնարձակութեան , և ոչ 'ի խոնարհ ինչ դիրս մարմնոյ , և ոչ 'ի դժուձ ինչ հանդերձիկ , և ոչ 'ի նկուն ինչ գնացս և 'ի շարժմունս հաստատեալ է , ընդ որովք բազում անգամ բնաւորեցաւ քօղարկիլ ծածուկ հպարտութիւն սրտի . այլ առաքինութիւն է սա հոգւոյն , և անձնանուէր հըլութիւն ներքին մարդոյն 'ի միտս՝ առ հաւատս յայտնեալ առ ՂԻստուծոյ , և բոլորապտուղ հպատակութիւն 'ի կամեն՝ առ պատուիրանս հրամայեալս ՂԻստուծոյ . որպէս ասաց մարգարէն , “ Ոչ ապաքէն Լիստուծոյ հընազանդ լինիցի անձն իմ ” : Եւ իմանգամայն և է սա , որ պէս ասաց Ոսկեբերան՝ Ճմարտախոհութիւն . ճանաչել զանձն ոչ ինչ աւելի քան զոր էն :

Աստի ցայս վայր խելամտեալք յայտոսիկ , այժմ՝ սղագունիւք հերքեսցուք զմոլորութիւնն բազմագունից 'ի մարդկանէ և զխաբանսն մտաց այնոցիկ , որ ձախողակա կարծեն , եթէ խոնարհութիւն սրտի առեալ գձձէ զօգիս , և նկուն յարդարէ զմարդ 'ի գործս անկաժս և հետեակս , և խախանէ զաշխոյժս զամենայն առ գործս մեծամեծս :

Եւ նա աւանիկ ուղղապէս կշռադատեալ զիրսն , չիք , սիրելիք , չիք առաքինութիւն 'ի մարդիկ , որ այնչափ մեծանձինս , և այնչափ մեծագործս , և այնչափ

փառաւորս յարդարեսցէ զունդս իւր, իբրու զխոնարհութիւնս :

Եւ զոր ասեմքս, ցուցուք ակներեւ : Վասնզի որ ասաց, եթէ “Մանց իմ ոչ ինչ կարէք զործել”, յայտ է ուրեմն եթէ որ Մտուծոյ է և ունի զՄտուած, զամենայն կարէ զործել. “Յամենայնի կարող եմ, ասէ, այնու” որ զօրացոյցն զիս, : Իսկ արդ՝ ո՞րք այն երջանիկ հոգի, որ ունիցի զՄտուած. ո՞րք այլ՝ բայց որ խոնարհն է սրտիւ. որպէս և ինքնին կնքեաց Մտուած, եթէ “Ես յո՞հանգեայց, եթէ ոչ ՚ի հեզս և ՚ի խոնարհս սրտիւ, և որ զողան ՚ի բանից խնոց”, : Մըդ՝ յոր հանգուցեալ է Մտուած, յայտ է եթէ և նա հանգուցեալ է յՄտուած : Եւ որ այսպիսի որք է, զինչ ինչ այնուհետեւ ՚ի դժուարին նահատակութեանց, կամ զինչ ՚ի դժոխսմբեր մեռելութեանց զարհուրեցուցէ զխոնարհն, յետս կալ և ոչ նահատակել, զամենաւարողն ունելով իւր զօրավիգն և զործակից : Եւ կամ զոր ՚ի հոյակապից արդասեաց և ՚ի հրաշակերտից մեծագործութեանց ոչ խրախուսեսցէ այնպիսին բուն հարկանել և կատարել, և փառս յաճախել նորօք զօրացուցին իւրոյ Մտուծոյ. որպէս ասաց ինքնին տէրն, “Տեսցեն զգործս ձեր բարիս, և փառաւորեսցեն ըզհայր ձեր որ յերկինս է” :

Եւ անշուշտ, սիրելիք, գիտէք իսկ դուք ինքնին ՚ի գրոց, և ՚ի հաւաստի պատմութեանց, քանիք ՚ի խոնարհաց և յանկածից առ մարդիկ, ՚ի քանի մեծագործութիւնս և ՚ի հրաշակերտս հանդիսացան յաշխարհի : Վասնզի որպէս Մտուած է՝ որ զործէն զամենայն, նոյնպէս և Մտուած ինքնին ՚ի գործել զանկարծելիսն՝ զործի ՚ի ձեռն առնու, զտկարսն ընտրելով զի յամօթ արասցէ զհզօրս, և զանտոհմն և զարհամարհեալսն, զի յամօթ արասցէ զմեծատունսն և զփառաւորսն, և զօչինչսն՝ զի զէսն իմն խափանեսցէ. որպէս զի մի պարծեսցի ամենայն մարմին առաջի Մտուծոյ :

Եւ քանզի զգերագոյնն և զանճառելին ՚ի գործս իւր՝ առ խոնարհսն ներգործեաց Մտուած, որպէս ինքնին որ զփորձն էառ, խոնարհագոյնն հոգւով ՚ի մարդիկ և գերագոյնն քան զամենայն՝ որ չէ Մտուած, վկայեաց յերգսն. “Մայ արար ՚ի վերայ խոնարհութեան աս-

զախնոյ իւրոյ . և արար ընդ իս մեծամեծս հզօրն , .
զինչ ապա այնուհետև զայլոյ ամենայնէն ասել պարտ
իցէ :

Այսպէս միշտ երջանիկք՝ խոնարհք , այսպէս միշտ
արդասալիքք . և որ գեղեցիկ ևս՝ որչափ մեծագործք և
փառաւորք , այնչափ և նկուծք յանձինս և խոնարհք ՚ի
սրտի . և որչափ պտղալիցք , այնչափ և աներևակք :
Ընդ սինքն և անպտուղ թեթևացեալքն ամբարձցեն
զգլուխս . քանզի և տունիք քաջաբերք և ոտք ակաղ-
ձունք պտղովք՝ խոնարհեալք կան կբերով միշտ զգլ-
լուխս . և որչափ առաւել կորացեալք , այնչափ առաւել
և զտոհմականութիւնն ՚ի դէմն բերեն :

Վանդի և օրէնք հեղոյն և խոնարհին գերմարդ-
կայինք՝ սանձ դնեն ամենայն անձնացոյց կրկն և ամ-
բարտաւանութեան և փառախնդրութեան , և միանդա-
մայն ամենայն աշխարհական ցանկութեանց . և ՚ի նը-
ւաստախոհ՝ փոքրիկութիւն անձին կրթեն հանապաղ ըզ-
Վրիստոսի համբալին : Այս սակայն որչափ ՚ի միոյ դի-
մացն խոնարհեցուցանեն , այնչափ և ՚ի միւսմէն բար-
դաւաճ և փառաւոր բարձրացուցանեն . որպէս որ յայ-
տոսիկ խորհրդածեաց հոգւոյն , ասաց . “ Ինձ յոյժ ,
ասէ , մեծարոյ եղեն բարեկամք քո Կստուած , և յոյժ
զօրացաւ իշխանութիւն նոցա , ” :

Այս արդ , քաջ միտ զիք աղաչեմ , որ միանգամ
յաշխարհի ընդ բազմօրինակ և ընդ բազմալիճակ շա-
ւիղս ընթանայ քաղաքական ընկերութեան , կեանս
մի և ճանապարհ մի ընտրէ անձին այնպիսի , որով առա-
ւելագունին մարթասցի վիճակել պատուոյ և աստիճա-
նի : Այս արդ՝ որ ճանապարհ առաւել արդոյ և առաւել
փառաւոր երբէք քան զբրիստոսեան կենացն :

Այս ճանապարհ է , զոր կոխեցին և ընթացան ընդ
բազմահոլով դարս ազգք ազգք լեզուաց , յամենայն ա-
ղանց , յամենայն վիճակէ կենաց . ընդ այս ճանապարհ
ընթացան նաև ինքնին արքայք հոյակապք և սուրբք ,
հանդերձ բազմահանդէս արքունեօքն : Օ այս ճանա-
պարհ կոխեցին և բազմահոլ դասք առաքելնեաց , նա-
հատակք ճմարտութեան , և արք սբանչելագործք , վար-
դապետք իմաստունք և գերահամբաւք՝ որ մեծապէս
փառօք փայլեցան ՚ի բանս և ՚ի գործս , և հետս լու-

ուղաւիղս զկնի իւրեանց թողին զմեծամեծ առաքի-
նութեանց և յաւերժից յիշատակաց :

Տեսանէք , զոյս ոմանս ունիմք մեզ ուղեկիցս ճանա-
պարհին , և զոյց ոմանց կոխեմք մեք զհետս . զիսորդ 'ի
սրտակհամբար կէտ 'նոցա ակնկալեալ մնամք , զի և
մեք ինքնին լինիցիմք սքանչելիք զկնի եկեղոցն մեր , որ
պէս և մեզ յառաջեալքն քան զմեզ : Բարէ վայելից
անճառելի փառացն , եթէ էր երբէք հնար տեսանել
այժմէն , փառացն ասեմ խոնարհացն ' որ յառաջեցին
քան զմեզ 'ի Վրիստոս յերկինս . և անդանօր սպասեն
ընդունել և զմեզ , եթէ և մեք ըստ 'նոցայն օրինակի
առաքինացուք աստէն ասել և գոհանալ , " Բարի է
ինձ , զի խոնարհ արարեր զիս . զի սա մխիթարեսցէ
զիս 'ի խոնարհութեան իմում , , :

Ո՛վ հաւատք Վրիստոսի , ո՛վ օրէնք աստուածային ,
ո՛վ խոնարհութիւն բարձր քրիստոսեան . դու իմոյ հա-
ւատոյն հիմն , դու իմոյ գործոց հաստարան , դու իմում
մեծութեան առիթ ընդ ամենայն յաւիտեան :

Ի յայս իղձ փափաքանաց , ո՛ր քրիստոնեայք , յայս
տենչանս հոգւոյ արժան է մեզ կեալ , յայտոսիկ պարտ
է մեզ մեռանել , և յայտոսիկ երջանականալ 'ի յաւի-
տեան :



ԲԱՐՈՋ ԺԴ:

ՈՂՈՐՄՈՒԹԻՒՆ ԱՍՏՈՒԾՈՅ

“Յարուցեալ զնացից առ հայր իմ, և ասացից. հայր,
մեղայ յերկինս և ասուցի քո,”:

Ողորմութեանն Ղստուծոյ՝ զմիակ յուսոյ փրկութեան մերոյ, բազում անգամ ՚ի քարոզս յիշատակ աւարեալ, առանձինն քարոզիւ ատենաբանեսցուք այսօր իբրեւ զնիւթոյ որ ինձ առաջին կարեւոր է ՚ի խօսել, և ձեզ առաջին կարեւոր ՚ի լսել. ինձ խօսել ամենայն ճգամբ, և ձեզ լսել ամենայն խելամտութեամբ: Իբրու այն որ եթէ ողորմութիւնն Ղստուծոյ չէ ՚ի միջի, ընդունայն է ամենայն քարոզութիւն մեր, ընդունայն է և ամենայն ջան ձեր:

Եւ որ շուրջ զակն և զմիտս յաճեցուցէ յընդհանուրս, եթէ վայրիկ մի բաւական իցէ հասու լինել ողորմութեանն Ղստուծոյ. զիմորդ “Ողորմութիւնք տեսա՞ն անսպառք իցեն,”. և զիմորդ “Ողորմութեամբ տեսա՞ն լի եղև ամենայն երկիր,”: Ի՞նչէ, զիմորդ յափշտութիւն ոչ կրթեցին միտք և ընդարմացին խորհուրդք, յորժամ միանգամ տեսցէ մարդ կամ լուիցէ, քանի՞ն յանցաւորութիւնք մեծեղեւոն, քանի՞ սեղանակապտութիւնք, քանի՞ պղծութիւնք, քանի՞ ամբարշտութիւնք, ընդ տարի մի միայն մոլին յաշխարհի: Ի՞նչն արեանց ճապաղէք՝ որ յատելութենէ, որ ՚ի վրէժխնդրութենէ, որ յազահութենէ, ընդ ամիս մի

միայն խաղացեն յերկրի : Վանի չարութիւնք , քանի
հարստահարութիւնք , քանի դարանակալութիւնք ընդ
օր մի միայն նիւթեցի 'ի քաղաքս և 'ի տունս : Ո՛վ ,
զոյժ տացէ Ո՛վսէ զհեղեղաց չարեաց ընդ տիեզերս խա-
ղացելոյ . “ Լնէճք , ասէ , և ստութիւն և սպանութիւն
և զոյութիւն և ճնութիւն հեղեալ 'ի վերայ երկրի .
և արիւն ընդ արիւնս խառնեն , վասն այնորիկ սուգ
առցէ երկիր ” :

Եւ արդ զինչ պատահեցէ յաշխարհի , եթէ յան-
կարծ ոչ ևս հանդուրժեալ Ղստուծոյ ընդ այնչափ ամ-
բարշտութիւնն , 'ի մի հարուած՝ ամբարձցէ զաջն հար-
կանել զտիեզերս : Եթէ այսօր խկ յաթուոյ ձայն
տուեալ մահուն՝ աստուած փառաց որոտացի , Ղքի
մահ . որպէս երբեմն առ վրէժխնդիր արքայն , “ Ղքի
մահ , երթ և հար զմեղանչականն յիս զՂմաղէկ , 'ի
փոքրկանց նոցա մինչև ցմեծամեծս ” : Օ՛ինչ պատա-
հարք յայնժամ զուժեցեն , յորժամ սկսանիցի հարու-
ծին ընդ աշխարհս , ընդ գաւառս , ընդ քաղաքս , ընդ
տունս , և մինչև ընդ տաճարս . որ ողբ , որ աղաղակ , որ
շուկ 'ի ժողովուրդս . քանի դէմք դալկացեալք , քանի
ձեռք ամբարձեալք յերկինս , քանի զլուխք կորացեալ 'ի
հող , 'ի մոխիր , յահ և յարտասուս : Կէսք կողկողե-
ցին ողորմութիւն , կէսք ձեպեցեն 'ի փախուստ , կէսք
զօղեցին 'ի դարանս :

Եւ արդ աղէ ասացէք ինձ վայր մի , որ զխտէրդ զխէթ
մտաց ձերոց , յանցաւորք Ղստուծոյ . եթէ արդ լուեալ
կայ առ ձեզ արդարութիւնն Ղստուծոյ , եթէ արդ տա-
կաւին երկայնամտեալ համբերէ , ո՞ր սաղրէ զչնորհն ,
ո՞ զաջն կալաւ զՂստուծոյ , ո՞ սանձեաց զնա , ո՞ւմ դուք
չնորհս կալջիք . . . : Բլէ ձայն տուք , ասացէք ինձ . . .
— Ո՛չ ահա մեծութիւն է այդ ողորմութեանն Ղս-
տուծոյ , անչափութիւն է զթոյն նորա : Ողորմութիւն
և զութ՝ որ արդարութեանն յաղթէ , որ յաստու-
ծայն վրէժխնդրութենէն ցարդ պահէ զձեզ , և որ
զօրհանապաղ հովանացեալ կայ 'ի վերայ զխոց ձերոց :

Իսկ ո՞րք ասա շարժեաց զնա , այնչափ իմն ջերմապէս
պաշտարան կալ ձեզ . “ Չգիտիցեն ո՛վ մարդ , աղաղակէ
աստուածայինն Պաւղոս , չգիտիցեն զի քաղցրութիւն
Ղստուծոյ զբեզ յապաշխարութիւն ամէ ” :

Եւ արդեօք փորը ինչ էր ոչ պատուհասէն զապրտամբեալն , եթէ արդեօք ՚ի զգաստութիւն զարձելոյն զլանայր զներումն : Բաջ միտ զիք , գործ գերագոյն ողորմութեանն Ետուծոյ առ ձեզ ո՞ մեղաւորք , չէ անաղանութիւն պատուհասին , այլ նոյն ինքն հետամուտ ձեպն ներողութեան . Եւրեւ , առե , զայս ամենայն արար նա . ասացի առ Ետուած , զարձ առ իս , զարձ առ իս . :

Երդ ուրեմն փորու իմն ճանաչէք դուք , զինչ է ողորմութիւնն Ետուծոյ . զիտելով միայն չափ , եթէ զիա՞րդ ժուժայ երկայնամտէ : Սակայն անդրադոյն եւս առէք դուք զգիտութիւն ձեր , եղբարք , եւ խելամուտ եղելուք՝ զիա՞րդ ողորմութիւնն Ետուծոյ , նաեւ մարդասիրտակէս առնու ժողովէ , եւ քանի սպասարկութեամբ հիւրամեծար լինի զարձելոյն առ նա :

Հայեցարուք միանգամ ընդ անառակ որդին , նայեցարուք միանգամ ընդ հիւրընկալու հայրն . զիտէք իսկ դուք քաջ ո՞ է հայրն , եւ ո՞ անառակն : Հիւրընկալութիւնդ այդ վասն մեր է . եւ այդ զգուանք Ետուծոյ , եւ այդ համբոյրք երկնաւոր հօրն , այդ եղբարք , վասն մեր են անառակ որդւոցս : Եւ քաջ իսկ այսօր ՚ի փործոյ անտի զիտացուք մեք , եթէ արդեօք որակէս նմանեալք անառակին վտարանջեցաք ՚ի հօրէն , նոյնպէս եւ նմանեալք նմա զարձցուք առ հայրն . եւ առ ձայն հրաւիրի բազմադութ հօրն , կազմ եւ պատրաստք տացուք մեք զպատասխանին . Եւ հաւաստիկ եւս , յարուցեալ զնացից առ հայր իմ . :

ՄԱՍՆ Ա.

() անառակին պատմութիւն զիտէք իսկ քաջ ամենեւին . զիա՞րդ անմտացաւ եւ սարտեաւ ՚ի հօրէն , զիա՞րդ վասնեաց զինչն , զիա՞րդ եւ ՚ի տղառ հիբացաւ : Եւս է առեւն , եթէ յազնուական գերդաստանէն զարձաւ եղև խողարած , նա եւ ընդ խողեանն ցանկայր լուռ զօրովայն իւր յեղծերէն :

Իսկ իբրեւ նա ՚ի զգաստութիւն բերեալ դառնայ աստ

ի հայրենի տունն, մեք ի նոյն դարձ նորա վայրիկ մի զմերն ի քնին առցուք, և տեսցուք քանի հեշտին իցէ մերն առ նորայովն: Քանզի պատրաստեալ մեր դառնալ յանառակ վարուց առ երկնաւոր հայրն, ունիմք մեք առաջի զաներկեան օրինակ զանառակին, եթէ անշուշտ և զմեզ գթասիրաբար ժողովեացէ հայրն: Իսկ անառակն զինչ ունէր առաջի օրինակ քաջալեր նմանութեանն, վստահութեամբ դիմել առ գթութիւն հօրն:

Ընդ պատանւոյն հիբացելոյ. ի քանի ուղետանջ կրից և ի խորհրդոց ծփանացն ազատանայր անառակն, եթէ ուստեք արդեօք լուր քաջալեր աւետեօք յունին նորա հասանէր, իբրու այն թէ արի հիբացեալդ, արի, զի դանդաղիս. երթ դարձիր առ քոյ հայրն. աւանիկ նա անձկանօք հառաչէ ի տեսանել զքեզ, ի ժողովել զքեզ: Ընդ անառակին յայնժամ չէր ինչ ի միջի մխութար և քաջալեր յայսպիսեաց ատտի. համայն և այնպէս յարուցեալ զնայ առ հայրն՝ որում յանցեալ, ոչ ինչ գիտելով զպատրաստութենէն սրտի հօրն: Ասիրաւապէս ևս խիթայր և դողայր, եթէ անշուշտ ի սրտմտութեան բարկութեան գտանիցէ զհայրն իբրեւ արդար պատուհասադիր, քան իբրեւ հայր ներողամիտ: Յայսր ամենայնի վերայ մտախորհ յանձին իմաստութեամբ, զինչ այս կեանք իցեն իմ, ասէր, զիսորդ այլ ևս հանդուրժել՝ զի ես աստ որդիս սովամահ կօրեայց, յորժամ անդ ի տան հօր իմոյ վարձկանք բազումք հաշտիցք վայելեն: «Յարուցեալ զնացից առ հայր իմ»:

Օայս ասաց, և անդէն յարօտին լիք եթող զխղեանն, և յարեալ դիմէր առ հայրն: Հայրն անդուստ արտաքս ի տանէն կամ ի հանապազօրեայ տենչանաց որդւոյն կամ թէ ի տիտութիւն ինչ անձին ելեալ ի դաշտն, նշմարէր եկաւոր ի հեռաստանէ իբրու ի հիբացելոց կամ ի մուրկաց զոք դիմեալ կշիռ առ ինքն: Գորով սրտի յուզեցաւ հօրն, ծփայր ի խորհուրդս. մի եթէ որդին արդեօք իցէ: Իբրեւ այնպէս տակաւ մօտ յական կշռել ծանեալ զորդին, ոչ ինչ այլ յամեաց ի տեղւոյն, յարեալ վազվազակի՝ ընթանայր ընդ առաջ որդւոյն:

Ատես և որդին, և գիտաց եթէ ծանուցաւ. սիրան վազեաց, գոյն երեսացն չրջէր: Այր մի զկայ էառ.

յողւոց եհան . . . : Բհա հայրն . . . (Արպիսի՛ ինչ ար-
դեօք ես բանս դառնութեան լուայց՝ ի հօրէ , ես խեռ
և ստահակ որդիս : . . . : Բնդ յուշ ածէր նա զառաջին
տմարդութեան գնացան , որով վտարանջեաց ի հօրէ .
յուշ ածէր զառաջին պատմութեանն իւր՝ որով մեկնեցաւ
ի տանէն , և դառնայր նայէր ի գրգլեակն՝ զոր յայն-
ժամ զանձամբ արկեալ ունէր՝ նշանագգեատ անառակու-
թեան :

Բաբէ , և իցէ՞ երբէք տեսանել այնչափ դիմամար-
տութիւն ըղծից ի նմին արեան : Դիմեալ գան աւաղիկ
անդանօր երկուք , հայր և որդի , միմեանց ընդառա-
ջեալք , այլ զիմրդ , մին թաքթաքուր գայթ ի գայթի
գայր և մօտէր տակաւ . միւսն մեծաքայլ արձակ արձակ
խաղայ . մին թալացեալ ի դող և ի խէթ սրտին , միւսն
վառեալ ի հոգին՝ դէմբ ցնծալից : Հաւասար են յեր-
կոսին իրաւունք արեանն , այլ ոչ և սրտին . հիբացեալ
պատանին լայ առ ցաւոյն . լայ և ծերունին առ գթոյն :
Վողայ որդին յանդիման լինել հօրն , գուցէ դատաւոր
գտանիցէ զհայրն . յաղէտից սիրոյն տոչորի հայրն՝ վաղ-
վաղակի ժողովել զյանցաւորն , զի որդի է նորա :

Եւ տեսէք , զիմրդ վաստակաբէկ հատկեալ ընթա-
նայ ծերունին , զգիրկան բացեալ , կշիռ առ որդին . . . : —
Բհ . դու ինքն իցես այն որդեակ իմ : — Հայր ,
մեղայ . . . : — Հապա դու արի ի վեր , զի ի գիրկս իմ
առից դբեղ . . . : Եւ այլ ինչ ասել ոչ թողեալ որդւոյն ,
ողջոյն հեղեալ փարի՛ գիրկ՝ ընդ խառն անկեալ զպարա-
նոցաւ . և ողջոյն թանայ արտասուօքն , և համբոյրս ի
համբուրից վերայ տայ որդւոյն . “ Ետես , ասէ , զնա
հայրն և գթացաւ , յարեաւ և ընթացաւ . անկաւ զպա-
րանոցան և համբուրեաց զնա : ”

Բպա առ ծառայսն . արիք վաղվաղակի ածէք հան-
դերձ ի ծածկոյթ որդւոյս , զգեղեցիկն ի պատմութեանն
հանէք ի դարանէն . “ Բծէք վաղվաղակի , ասէ , զպատ-
մութեանն առաջին և ագուցէք նա . ” : Պատրաստեցէք
և կոչունս մեծահայ յընտիր իմնց անդէոց . ածէք զեզն
պարարակ . ժողովեցէք և երաժիշտս , կարդեցէք տօնս .
հռչակ հարէք ընդ ամենայն , եթէ որդին իմ դարձաւ :
Իցէ՞ այլ այսօր հայր յաշխարհի երջանկագոյն քան զիս :
Բաբէ արեանն , բաբէ աղէտից սիրոյն . “ Արդին

իմ, ասէ, մեռեալ էր, և եկեաց. կորուսեալ էր և գտաւ .»

Այլ մինչ դեռ տակաւին բերեւոյ պատմութեանն սպաւսեալ մնային, աղէ դուք, ասէր Վերանն ոսկի, ոչ զիք աստանօր հայրենի սիրոյն, զիմրդ զրկախառնութեամբն իբրեւ ընդ մեկնոցաւն իւրով առեալ պարագրէր զօրդին հայրն. զի ոչ ժուժայր սիրտն տեսանել զնա մերկ, կամ տեսանել զնա ամօթահար առ ՚ի յայլոցն տեսութենէ.

«Վաւժեաց, ասէ, յանցանաց որդւոյն, որ ոչն ժուժեաց մերկութեան որդւոյն. ուստի և մինչ չե տեսեալ ՚ի ծառայից, կամեցաւ զգետաւորել ՚ի ծառայից .»

Վիտեմ զի հիացեալ է ձեր, և ասէք դուք ինձ. Ո՛վ քանիօն եկաց դուքն հայրենի, քանիօն հիւրընկալութիւն անառակին: Սակայն հաւատացէք ինձ, եղբարք, ձեզ ինքնին այնպիսի իմն հիւրընկալութիւն պատրաստեալ է Նստուած հայր, զի և արդեամբք յառնուլ ձեր զփորձն, մոռասջիք դուք զայնչափ դուք, զայնչափ զգուհնա զառակաւոր հօրն: Վանդի բիւրիցս առաւել հանդերձեալ է առնել ընդ ձեզ Նստուած:

Այլ զի է ինձ ասել եթէ հանդերձեալ է. առաւելազոյնս յոյժ արար և առնէ ընդ մեզ, թէպէտ և վտարանջեալս, թէպէտ և փախստականս ՚ի նմանէ, առաւել յոյժ քան զոր եցոյց հայրն այն առակաւոր ՚ի դարձի անառակին: Վանդի, բաջ միտ դիք, առակ աւետարանին պատմէ եթէ զթափառաբար ժողովեաց հայրն զանառակն. այլ չասէ եթէ կանխեաց ինչ և ջերմապէս ՚ի խնդիր ել նա փախուցելոյ որդւոյն: Այ նա զփախուստ կորուսելոյ զառակին, այլ ոչ յառնէ խնդրել գտանել զնա:

Իսկ ապա առ մեզ, այն ինչ միանգամ տեսեալ զմեզ փախստականս ՚ի տանէն մեղօք, ո՛վ քանի սիրով հապ ընդ հապ զհետ մեր ընթանայ. յամենայն ՚ի քայլս ՚ի փախչիլ մերում հովանի կայ ՚ի մօտոյ, հովանի կայ ՚ի հեռաստանէ. բարբառի անդուլ, ձայնէ անհանդիստ.

«Վարձ առ իս Իսրայէլ, ասէ տէր, զարձ առ իս .»

Իսկ այս ձայն, այս բարբառ Նստուծոյ, են իսկ աւագիկ այն նախաժաման չորհրդ՝ որպէս կոչեն աստուածաբանք. զոր և մարգարէն հայցէր.

«Ողորմութիւն նորա առաջի իմ երթիցէ .»

Այն չորհրդ նախաժամանք՝ լուսաւոր.

ըիւք մտաց 'ի ճանաչել զյանցանս . չնորհք՝ շարժիւք
կամաց յառնել ելանել 'ի ճանապարհ . չնորհք՝ որ այն-
չափ ինչ յուզեն պղտորեն զխաղաղութիւն մեղաւո-
րին , մինչև 'ի զիղջ եկեալ սարձանայ ընդ փախուստն ,
ինդրէ զգառնայն . “ Զարուցեալ , ասէ , զնացից առ
հայրն իմ , :

Եւ ահա այս չնորհք առաջին , որպէս իմնաստնաբա-
նեաց Ոսկերեւան , և այս առաջին ողորմութիւն Բս-
տուծոյ աշխարհաբարոյ յետ աշխարհակործան անկ-
մանն Բղամայ : Զանցանէն նախաստեղծք , և ամօթա-
սրարտեալք փախչին ծածկին 'ի թաւս ծառոց զրախ-
տին : Օ՛ ինչ յայնժամ Բստուած . մտանէ 'ի զրախտն
ընդ երեկս առւորն՝ իբրև սխտիութեան աղաղաւ . զգնաց
անդանօր յուշիկ հեռագոյնս՝ այնչափ մինչև լսել յան-
ցաւորացն զոտնաձայն զգնալոյ տեսուն 'ի զրախտին :

Ս'իտ գիր . ոչ սրտմտելոյ ուրուք է զգնայն , հեշտա-
քայլ ճեմ առնուին հանդարտելոյ անձին է և հեղացելոյ
և խորհողի . այնպէս զգնաց Բստուած միայն լուռ և
հանդարտ : Սակայն և մէն մի քայլ ոտին Բստուծոյ ,
մէն մի հրաւեր է գթութեանն Բստուծոյ , որ կոչէ
զյանցաւորս՝ զի թողութիւն չնորհեացէ : Իսկ իբրև
ետես Բստուած , զի թէպէտ և լուռ զձայն ոտիցն ,
այլ յանդիման չերևեցան , հանդարտութեան քայլիցն
զուգաձայնէ յայնժամ զհեղութիւն ձայնին . “ Բղամ ,
ո՛ր ես , : Զասաց . ո՛ր է ապստամբն , ո՛ր կայ յան-
ցաւորն . ելցէ յանդիման ապաչնորհն , և առցէ զար-
ժանահաս սրտառհասն : Ոչ ինչ յայսպիսեաց աստի .
ոչ սպառնայ Բստուած , և ոչ ահ ձայնին արկանէ . այլ
նախ յառաջոյ զողորմութիւնն առաքէ ընդդէմ կալար-
դարութեանն . “ Բղամ , ո՛ր ես , . . . : — Բա 'ի աներ-
կեանս դործել զնա յերկիւղէն , ինքն առաջին կարգայ
զնա . իսկ առ 'ի շարժել յապաշխարութիւն՝ նաև յա-
նուանէն կոչէ . “ Բղամ , ո՛ր ես , : Եւ քաջ իսկ դիտէ ,
ուր է Բղամ , այլ չգիտելոյն առնէ . զի ժամանակ տացէ
նմա՝ ներողութեան գթութեան իւրում հանդիպել :
Ոչ կոչէ զԵւա զառաջին յանցաւորն , զի հրաւիրանօք
նուաղ մեղուցելոյն որսացէ զառաւելեալն : Հասպա , զի՞
քո այդ դանդաղելիք . “ Բղամ , ո՛ր ես , : , ել կայ յանդի-
ման , տուր ձայն . տենչանօք կամիմ զյանցուցեալդ տե-

սանել ապաշաւեալ . եկ մատիր առ ոտս՝ որ հանդարտիկ քայլեն 'ի պատուհաս , զի ձեպեսցեն զԹողութիւն , Ո՛ւր ես , ո՛ւր կաս :

Բա՛բէ , ձայն փարելի Ռատուծոյ մերոյ . այս ձայն փարելի լսելի անդատին 'ի սկզբանէ աշխարհի 'ի հրաւեր մեղաւորի , տակաւին անդուլ կայ , եղբարք , տակաւին աննուազ է . մանաւանդ եթէ և հզօրացեալ է ձայնն , և ուժգնագոյն ևս հնչէ 'ի շրթանց հեզոյն Յիսուսի 'ի հրաւեր բերկրութեան . “ Ո՛ր ծարաւի իցէ , ասէ , եկեսցէ առ իս և արբցէ ,” :

Եւ արդեօք , սիրելի , յաւուր յորում 'ի մեղս քո կորուսեր դու երբէք զշնորհս Ռատուծոյ քո , ո՛չ ահա անդէն 'ի սիրտ քո ել 'ի խնդիր քո Ռատուած . . . Ո՛ւր ես , ո՛ւր կաս հիբացեալդ , քանիօն դու այժմ հեռի կաս յինէն . ո՛չ զգաս հիբութեանդ՝ զոր հիբացուցին զբեզ մեղք քո :

Ո՛ւր ես . . . ձայն ոչ միօրինակ , այլ բազմօրինակ կարդայ Ռատուած : Զայն կարդայ 'ի ներքին խելթ մտացդ . ձայն կարդայ քեզ 'ի Թախծութեան հոգւոյդ . ձայն կարդայ յանկարծելի վիշտսդ : Ո՛ւր ես . . . : Եւ եթէ քեզ չեն բաւական ձայնք նորա , առ քեզ զամենայն արարածս յորդէ հրաւիրէ ձայն արձակել . “ Հուր , ասէ , և կարկուտ , ձիւն և սառն , հողմ և մրրիկք , որք առնէք զբան նորա ,” :

Բայդ աւաղիկ մրրիկ ծովուն ահագինս յուզեալ , նոր աղաղաւ իբրեւ զՅովնան խիթացեր դու զքէն . “ Ղիտացեր , զի վասն քո է մրրիկդ այդ մեծ ,” : Բայդ որոտընդոստ երկին , յորմէ սարսեցար . այդ հրացան բարկութիւն շանթին՝ յորմէ դողացար . այդ խօլական ցնորք , այդ անըջական երաղք , այդ մահահրաւեր երեակութիւնք , այս ամենայն ձայնք առ 'ի Ռատուծոյ զայն քեզ ազդէին , եթէ 'ի խնդիր քո ելեալ է արարիչն : Ո՛ւր ես , ո՛ւր կաս :

Եւ զոր օրինակ որսորդ ճարտար յաներկեանութիւն վասն սիրեցեալ որսոյն , շուրջ պարեկապանս հանէ զանտառովն , և պառականօք , վարմիւք , և երազազիւք պարսպէ , սապէս բարերարն զի մի 'ի դերևս ելցէ 'ի գիւտոյ սարտուցելոց որդւոցն , առ ամենայն քայլ փախըստեան նոցա առաքէ զշնորհս իւր :

Ո՛վ անճառելի հայրենի զթոյն . Պարձ , ասէ , որ
դեակ , դարձ 'ի հայրենին քո ծոց : Ո՛ւշ , որ երկայն
ճանապարհ կայցէ քեզ 'ի գտանել զիս . ահա 'ի թի-
կանց կամ , ահա յերեսաց . աւասիկ մերձ կամ , դարձո
ինձ զդէմնդ . “ Պարձ առ իս , և ես դարձայց առ քեզ , ” :

Իսկ մեք , ո՛վ թշուառութեանս , քանիցս անգամ
ապառուան պատասխանեցաք քաղցրութեան ձայնիցն :
(Թող , այր այր իւրում անձին , իւրում խղճին կնացէ
դատաւոր . “ Ղոջեցի , ասէ , և չէր ոք որ պատասխանի
առնէր , ” :

Իսկ զինչ արդեօք յետ այսորիկ բարերարն : Պահ
կենաց մերոց ունի յամենայն վայրկենի 'ի բիւրուց
վտանգաց . “ Խնայեցէք պատանեկին իմում , ” , ձայն
արձակէ առ ամենայն արարածս , իբրու զգորովաղէտն
Պաւլթ առ իւր հաւատարիմն : Ի բաց կաց դու ո՛վ
մահ , մինչդեռ ապստամբ է որդեակն իմ , մինչդեռ տա-
կաւին 'ի մեղս կայ , 'ի բաց կաց , մի մերձենար 'ի դա :
Խնայեցէք յորդեակն իմ , ո՛ շանթ կայծականց , մի
հարկանէք զդա : Իւ դուք դժոխային այսք մի 'ի սպառ
տիրեսջիք նմա . ապստամբ է , այլ որդի է . “ Խնայեցէք
պատանեկին իմում Բիսողումայ , ” :

Ո՛ր շահախնդրութիւն , աղէ ասա , կացցէ Բստուծոյ
'ի փրկութեան քում , ո՛վ մարդ . կամ զինչ կորուսցէ նա
'ի կորստեան քում : Իւ թերեւս մի կամ երկու միայն
տացէ քեզ հրաւեր դարձի . և եթէ չլիցես , լքցէ
զքեզ : Իւա , ասէ Բստուած : Ո՛ ասն սիրելեաց է բանն ,
վասն փառելեաց հոգւոց , կամ յաւիտենական փրկու-
թեան կամ յաւիտենական կորստեան : Պիտեմ , քանի՞
գնոյ արեան գնեցար դու : Ո՛ թէ երբէք մայր գորու-
վալից մոռանայցէ՞ զճնունդ երկանցն՝ զպտուղ որովայնին .
և մոռանայցէ՞ երբէք կին զմանուկ իւր : Իթէ և մոռա-
նայցէ նա իբրեւ մարդ , սակայն ես Բստուած մոռանամ
զմեղս , երբէք չմոռանամ զմեղաւորն . “ Իւ եթէ մո-
ռանայցէ նա , ասէ , սակայն ես ոչ մոռացայց զքեզ , ասէ
տէր , ” :

Իւ արդ մեք , եղբարք , յայսչափ մեծափափաք խնդրե-
լայն Բստուծոյ զկորուսեալն , խելամոռութեամբ 'ի վերայ
բերցուք , քանի՞ոն ուրեմն ցնծալից ժողովեացէ՞ , յորժամ
դտցէ զկորուսեալն : (Թուի թէ և ոչ ինքնին տէրն բան

գտանէ նմանութեան յերկրաւորաց աստի առ ՚ի ճշգրտեւ զցնծութիւնն . է՛ զի զայս , և է՛ զի զայն ՚ի ներքս բերէ . բազմադէմ փոփոխէ զբանն , իբրու ոչ հաւանեալ և ոչ ընդ մի նմանութիւնն ՚ի կենդանագրեւ զճշմարտութիւնն : Ս՛երթ ասէ , զիա՞րդ խնդայ հովիւն ՚ի գիւտ միոյ ոչխարին մոլորելոյ ՚ի լերինս և կորուսելոյ , և ՚ի վերայ ուսոցն բարձեալ ցնծութեամբ ՚ի խնդութեան ձայնէն հնչեցուցանէ զանտառն , “ Լսալէս , ասէ , ուրախութիւն եղիցի յերկինս վասն միոյ մեղաւորի , որ ապաշխարեսցէ ” :

Ս՛երթ ասէ , կամ թէ կին մի զմի ՚ի տասանց դրամոց իւրոց կորուսեալ , յորժամ ստէպ աւել ածեալ ՚ի տանն և գտանիցէ , քանի՞ ծափահար զամենայն զդրացիսն ՚ի հաղորդութիւն ցնծալից սրտին հրաւիրէ , “ Լսալէս , ասէ , ուրախութիւն եղիցի յերկինս վասն միոյ մեղաւորի , որ ապաշխարեսցէ ” :

Եւ ապա ըստ սոցանէն՝ նաև յառակէ անառակին՝ զոր վայր մի յառաջ լուարուք , զվերջին հրճումանն զհօրն ճշգրտիւ ՚ի դէմն բերէ բազմօրինակ . քանզի տայ անկանել զպարանոցաւն և համբուրել , և զպատմութեանն տայ հանել , և զմատանին մատուցանել , և զպարարակն ածել և հացկերոյթ կահել , և երգս երաժշտել , և սարս բոլորել , և հրաւեր կարդալ , “ Աերիցուք , ասէ արքցուք և ուրախ լիցուք . զի այս որդի իմ՝ կորուսեալ էր և գտաւ ” :

Լսալիկ ըստ առակագրութեանն . իսկ և ըստ արդեանցն ճշմարտութեան՝ մինչդեռ տակաւին չըջէր յերկրի Վրիստոս Լստուած ընդ մարդկան , սրչափ ինչ մարդասիրեաց , քանի՞ մեղաւորս հեղութեամբ ՚ի գիրկս ընկալաւ , քանի՞ խտացելոց զսիրտն դարձոյց առ ինքն գթասիրաբար . գիտէք իսկ քաջ :

Իսկ և ՚ի վերանալ իւրում յաշխարհէ՝ քանի՞ սիրոյ կապանօք ինքն յանկոյց զտիեզերս , ըստ աւետեաց խոստմանն , եթէ “ Երբժամ բարձրացայց յերկրէ , զամենեսին ձգեցից առ իս ” : Վանիօն եղեն և դարձք անկարծելիք յառաջն անդեղջ մեղաւորաց և ասպս սրբոց մեծամեծաց . գիտէք կամ թէ լուեալ իսկ էք շատ ինչ ՚ի վաւերական պատմութեանց :

Իսկ և այսօր , թող առանձին այր իւրաքանչիւր

քննեսցէ զառաջին աւուրս կենաց իւրոց օտարացեալս յԵստուծոյ, և զարդիս ճշմարտութեամբ մերձեցեալս առ Եստուած. հրաւիրեալ 'ի նոյն 'ի բազմապատիկ ձայնիցն Եստուծոյ՝ հնչելոց 'ի սիրտս առ 'ի Հնորհայնս Վրիստոսի: Բարէ, գոչեր աստուածայինն Եգոստի նոս, զքանիս ոմանս տեսանեմք մեք այսօր 'ի մարդկանս, որ սարտուցեալ էին յԵստուծոյ, որ յառաջն 'ի գայթակղութիւն էին, և են զարդիս 'ի մեծ շինութիւն քաղաքի: Վանիցս անգամ տեսեալ մեր յայսպիսեաց աստի յանկարծելի փոփոխութեանց, և զցիարդն անգիտացեալ, այր ցրնկեր հարցանեմք զարմացեալք. զիարդ երբէք այդ այր կամ այդ կին այդչափ մարթացաւ փոփոխիլ, զիարդ այնչափ յաջողեցան նոքա յայդ նոր օրինակ տարազ գեղեցիկ քաղաքաւարութեան կենաց: Եւ անգիտանամք, այլ նոքա որ առ Եստուած դարձան, զիտեն իսկ քաջ զիարդ մարթացան, որպէս յաջողեցան: Վաջ իսկ յիշեն նոքա զօրն և զժամն, յորում Եստուած մերձեցաւ 'ի սիրտս նոցա. յիշեն՝ զիարդ սքանչելի էր մուսն զոր արար անդանօր, որպիսի ինչ էր բարբառն՝ որ խօսէր ընդ նոսա. որպիսի բանքն, որպիսի ազդեցութիւնքն զոր վառեաց 'ի նոսա: Բարէ, զիտեն զայն երանեալ հոգիքն, որ լուսն միանգամ 'ի ներքս զձայն զայն Եստուծոյ. «Խօսեաց տէր, զի լուսնէ ծառայ քո»: Եւ իսկ անգամ լուսն զանուշակ զձայնն, և 'ի սպառ մոռացան զաշխարհ, մոռացան զմարմին, և ճաշակ և զախորժակ զամենայն զերկրաւորացս այսօրիկ մոռացան նոքա:

Դուք ինքնին դարձեալքդ ճշմարտապէս առ Եստուած, որ կայրդ աստէն աւաղիկ, դուք ինքնին իրաւացուցէք զիս: Վանի բարի և ամենաբարի և զորովով լի գտէք դուք զԵստուած, յորժամ ժողովեաց զձեզ 'ի դարձին ձերում առնա: Եսացէք ժողովոյս մերում վայրիկ մի, զինչ նա երևեցաւ ձեզ 'ի ժամուն, յորում հաստատեցէք դուք 'ի միտս 'ի սերտ սրտէ փոխել զվարս ձեր: Եւ չափ քաղցրացաւ ձեզ այդ խոստովանութիւնդ՝ զոր արարէք դուք զցջմամբ 'ի սրտէ. որչափ, յորժամ ինքնին Եստուած տուեալ ձեզ զհամբոյրն՝ իբրու ձեռօք իւրովք առեալ 'ի վեր կանգնեաց զձեզ յոտից հօր խոստովանութեան ձերոյ: Եւ երբէք խա-

ղաղութիւն , իցէ երբեք քաղցրութիւն յաշխարհի , զուգահաւասար այնմ զորոյ զճաշակն առէք դուք յաւուր յայնմիկ : Բացէք դուք ինքնին զբերանս , ամբարձէք զձայնս . իմոյ ձայնի զինչ պէտք իցեն այսուհետեւ . զինչ պէտք իցեն հաւաստեաց յերևել ճշմարտութեանն :

Ո՛վ տեսարան անճառելի ողորմութեանն Բստուծոյ : Բ, յն ինչ առեալ զձայն արձակման 'ի բերանոյ քահանային Բստուծոյ , անդէն մեղաւորն իբրու յափշտակեալ հիսաբանչ՝ անցիւքն 'ի մեղաց 'ի շնորհս , 'ի թշնամութենէն յորդիութիւն Բստուծոյ , 'ի վայրկենի անդ յանկարծակի փոփոխութեանն , մխիթարութիւն այնչափ յորդէ 'ի ծոցին , զի և դոգցես չճանաչէ այնուհետեւ ինքն զսիրտ իւր : Հալածեալ է դէն , լռէ խիղճն , հանդարտեն իղձքն . և հոգին 'ի գիրկս մտեալ միւսանդամ հօրն , և համբոյր առեալ գգուանօք , աներկեւան խնդայ 'ի ձայնն հնչեալ 'ի սիրտն . “ Բաջալերեաց որդեակ , թողեալ լիցին քեզ մեղք քո ” : Եւ սրբեալ այնպէս ապաշխարողն՝ ամբառնայ միւսանդամ զգլուխն յերկինս , և անդրէն նահատակեալ 'ի յոյս ակնկալութեան արքայութեանն , նախ սրտառուչ հառաչէ , ապա կողկողի , ապա չհանդուրժեալ աղէտից սիրոյն և յարտասուհատանի : Բաբէ քաղցր արտասուացն , բաբէ կենսագործիչ ցօղոյն . քանզի ինքնին Բստուած է աղբիւր արտասուացն այնոցիկ :

Բհաւասիկ ձեզ , սիրելիք , առաջին հայրենի հիւրընկալութիւն մեղաւորաց , որով Բստուած ժողովէ զնոսա այնչափ իմն փարելի և նորասքանչ օրինակաւ ուրախութեան , զոր և ոչ առ անմեղսն գլխովին ցուցանէ : Ո՛չ ահա և ինքնին որ հանդիսադիրն է ուրախութեան երկաքանչիւրոցն , վկայէ եթէ “ Ուրախութիւն եղիցի յերկինս վասն միոյ մեղաւորի որ ապաշխարիցէ , քան վասն իննսուն և ինն արդարոց ” :

Եւ քանազոր փաստիւք 'ի նախանձ շարժեալն յառակի անդ անառակին ընդ հիւրամեծարութին հանդարտեցուցեալ , և յուրախացութիւն ևս հրաւիրէ . “ Եւ հանապաղ , ասէ , ընդ իս ես , և ամենայն որ ինչ իմ է , քոյ է . այլ ուրախ լինել և ինդալ պարտ էր ” , այլովքն հանդերձ :

Ս անս որոյ, սիրելիք, եթէ երբեք օտարացեալ ինչ իցէ որ 'ի ձէնջ յԱստուծոյ մեղօք, տեսէք ահաւասիկ ակներև և խելամուտ եղերութ՝ եթէ ընդ որպիսի տեսան և ընդ որպիսում հօր իցեն բանք ձեր : Վիտէք խի, զիարդ նա վարեցաւ առ բազումս նմանեալս ձեզ . և զիարդ դարձեալ հանդերձեալ է նա վարել ընդ ձեզ՝ 'ի դառնալ ձեր առ նա :

Եւ մի, եղբարք իմ, մի զարհուրեցուցեն զձեզ ոչ ծանրութիւն մեղացն և ոչ թիւ մեղաց . “Հազար ամ յաչ տեսան իբրև օր երեկի, զի էանց ,” աւետեաց մարդարէն : Թէպէտ և հազար ամաց, որպէս քաջալերէր 'ի ճառին իւրում աստուած իմաստ Վիտացին, թէպէտ և հազար ամաց մեղաւոր իցես դու, հաշիւն առաջի Աստուծոյ՝ միոյ աւուր իցէ, միայն թէ օր մի ցաւեսցի քեզ վասն հազար ամացն անցելոց . “Թէպէտ և դումար մեղացդ, ասէ, թուեսցի քեզ ո՛վ մարդ իբր հազարաց ամաց, առ ոչինչ է համարեալ, եթէ միանգամ վերջոտնեալ 'ի մեղացդ դարձցիս առ Եւտուած ,” :

Թէպէտ և համակ վարակեալ յախտս քո և նեխեալ և հոտեալ ևս իցես իբրու զչորեքօրեայ մեռեալն, որում և ոչ փարելին այն քոյր հանդուրժէր ինչ, “Տէր, ասէ, արդ հոտեալ իցէ, քանզի չորեքօրեայ է ,” մի ինչ և յայնժամ վարանեսցիս . քանզի կեանք քո մերձ կանքեզ, և յարութիւն քո 'ի մեղաց առնութեր քո է : Ի երաներկեան, զի եթէ և ոչ զոր գտանիցես դու համբերել ժուժալ դարչութեան ախտիցդ, համբերատար գտցես միայն զՎրիստոս : Թէպէտ և մերձաւորք արեանդ գարշեսցին, լքցեն զքեզ, թէպէտ և կարեւոր բարեկամք և սիրելիք բացէ 'ի բաց փախիցեն 'ի քէն, ոչ գարշեսցի բարեգութ հայրն, ոչ լքցէ երբեք զքեզ Վրիստոս :

Հայեաց դու միանգամ 'ի բացեալ յայս կող խաչելոյն Յիսուսի . աստ վասն ամենեցուն դոյ տեղի, լայն արձակ է ճանապարհն որ տանի 'ի սիրտ անդր : Օյայս ճանապարհ կոխեցին բազումք, կոխեսցես և դու . . . : Հապա ուրեմն եկայք մերձեցարութ, եկայք արտասուեսցութ առ ոտս հօրն զոր դառնացուցաք . “Եկայք երկիր պաղցութ, անկցութ և լացցութ առաջի

տեառն արարչին մերոյ . զայս խրախոյս աստուածային հոգւովն մեզ կարդայ Պաւլոս :

Այլ մինչ չե մերձեցեալք, վայր մի մտախորհ լիցուք սիրելիք . առ որպիսի բարեգութ հայր քանի ապառուսն գտաք ապաշնորհ որդիքս, զիմորդ ժտեցաք տաւրաբախտիկ որդիքս՝ թիկունս նմա դարձուցանել, զիմորդ զճանապարհ փախստեան յայնպիսի հօրէ տեսաք անառակքս : Աւաղ աւուրն չարի, աւաղ ժամուն, յորում սարտեաք 'ի հօրէն . ուրանօր էաք 'ի պահուն . ո՞ն դաւածեաց, ո՞ն զուշ և զուրուշ մոգեաց զմեր, ո՞ն մատն եղև փրկութեան մերում :

Հայր, մեղայ յերկինս և առաջի քո . ես ինքն եմ հայր անառակ որդին, ես ինքն եմ որ դառնացուցի զբեզ : Պաւլոս այսօր առաջի քո ամօթահար շիկնեալ 'ի ցնցոտին իմ յայս զրգլեակ՝ ծածկոյթ մերկութեան իմոյ . չիք իմ այլ 'ի հայրենի գոյիցդ, չմնաց ինձ այլ, վատնեցի զամենայնս . վատնեցի զգին զպատուական արեան միածնիդ՝ զշնորհս զամենայն . “Վատնեցի զինչ իմ, զի կեցի անառակութեամբ” : Այլ այժմ դառնամ 'ի տուն, ոչ զորդւոյ առնուլ պատմութեան, այլ ձորձ զճառայի արկանել և զվարձկանի . “Ընեմ արժանի կոչիլ որդի քո, արա զիս իբրև զմի 'ի վարձկանաց քոց” :

Այլ 'ի գիրկս քո ընկալցիս զիս, հայր . այնմ ինչ ոչ սպասեմ . ոչ բազուկս ժտիմ, ոչ գիրկ, այլ խնդրեմ զոտոս . համբուրի ոտինդ արժանի եղէց հայր : Առ ոտսդ այդոսիկ դիմեալ գամ . առ ոտս այդոսիկ արտասուեցին բազումք նմանեալք ինձ, և գտին շնորհս զձնարիտ զղջման : Պաւլոս աւագիկ առ ոտսդ անկեալ, տէր, խոնջ և վաստակ 'ի տարադէմ օտարութենէս : Ի համբոյր ամենասուրբ ոտիցդ՝ խոստովանիմ եթէ 'ի բազմաժամանակեայ օտարութենէս, և ոչ մի օր գտի սիրովութեան անձին : Այսօր դառնայ յիս սիրտ իմ՝ այսօր նորաստեղծին իղձք . այսօր արտասուեմ առ ցաւ սրտիս և տիտիիմ յարտասուացս . այսօր ճանաչեմ զբարեգութ հայրն, և այսօր ճանաչեմ զմեծութիւն յանցանացս :

Այլ երբէք այսուհետեւ ո՛վ խոստած իմ և հայր իմ, մի երբէք այլ օտարացայց ես 'ի քէն . յուշ ածեալ հանապաղ՝ եթէ մոլորեալ էի և խնդրեցեր զիս,

մեռեալ էի և յարուցեր զիս, կորուսեալ էի և գտեր զիս : Արդ տուր ինձ տէր իմ և հայր իմ զողորմութիւն քո, զի մի ևս այլ կորեայց և մի ևս այլ մեռայց չնոր հաց քո :

Մ Ա Մ Ն Բ .

Այլ մնաց ինչ այլ, սիրելիք, պակաս յաստուածային ողորմութեանն, լուեալ ձեր ցայս վայր զանձառելին զայն ժողովումն 'ի դարձ անառակին : Անաց ինչ այլ և կարի իսկ քաջ. զի ոչ բաւական համարի Աստուած զիւրն միայն խնդութիւն. այլ և հանդէս զցնծութիւն դարձին հրամայէ ամենայն երկնաքաղաքացեացն յապաշխարութիւն մեղաւորին : Այլ եթէ 'ի սրբոց և յանարատից հրեշտակացն խնդրէ զայս, զմտաւ ածէք քանի՞ս յարդարոց անտի մարդկանէ, որ' երբեմն անառակեալք իբրեւ զառակաւոր որդին, և ապա հայրենի գլխին թախանձ արկեալք՝ վայելեցին 'ի չնորհարգութեանն :

Այլ արդ այսուհետեւ զիմրդ իցէ համարձակելի, որ զայնչափ գլխութեանն Աստուծոյ և զողորմութեանն լուար զձառս, և նմանողք հրաւիրեցաք լինել հօրն . « Աղերուք, ասէ, գլխածք, որպէս և հայրն ձեր գլխած է » . զիմրդ իցէ համարձակելի, որպէս խրատաբանէր աստուածայինն Ազոտտինոս, եթէ դժպատեհ մեր նա խանձաւորութեամբ բառնայաք մեք յառաջոյ մեղաւորաց զաստուածային զայն ողորմութեանն կամուրջ, ընդ որ մեք անցաք . « Աստուած ինքնին կազմեաց քեզ, ասէ, զողորմութեան իւր զկամուրջն, զի դու մարթացիս անցանել և դու խնդրեսցես բառնալ զայդ, զի մի այլ ոք անցցէ ընդ դա » : Այլ դու ասա ինձ վայրիկ մի, հարցանէր երանելին . դու որ խնդրէիր տեսանել միան զամայն պակաս յաշխարհէ զբնաւ իսկ զամբարիշտս, և եթէ զքեզ ևս 'ի նոյն համար արկանէր Աստուած՝ յուրում էիրն երբեմն, լինէիր դու արդեօք որ ինչ ետդ աւաղիկ . « Ոչ ինքնին Աստուած չինայէր 'ի քեզ յամ

բարչառութեան քում, զիւրդ դու երբեք արդարութեանն լինելի բաժանորդ . . :

Եւ եղբարք, աւասիկ վկայեմ առաջի երկնի և երկրի, զի 'ի վարչութեան մեղաւորացն սիրեցից միշտ առաւել ծայրայեղ լինել 'ի քաղցրութեան քան 'ի խստութեան . քանզի և օրինակ զայս վարեցաւ ընդ իս և ընդ ամենեսեանս Քրիստոս : Բա՛բէ, միշտ անջինջ կայ 'ի սրտի իմում բան տեառն իմոյ առ Պետրոս .

“Եւ աղաչեցի վասն քո Պետրէ, զի մի պակասեցին հաւատք քո . և դու երբեմն դարձցիս և հաստատեսցես զեղբարս քո . : Երբակի դու նշովիւք ուրացիս զիս, այլ ես ներեցից քեզ . և փոխարէն 'ի քէն ոչ այլ ինչ պահանջեմ, բայց զի և դու յետ այնորիկ հայեցցիս նովին աչօք, որովք ես հայեցայց 'ի քեզ .

“Վարձցիս դու երբեմն և հաստատեսցես զեղբարս քո . :

Չասաց, յերեսս հարցես, կշտամբեսցես, գձձեսցես . այլ թէ հաստատեսցես զեղբարս քո : Տուր քաջաւեր սրտից նոցա, և դու ինքնին մուտ վասն դոցա երաշխաւոր առ իմն արդարութիւն . ցաւ և զիղջ բղիտեցուցես 'ի սրտից նոցա, որպէս ես 'ի քէն հայեցուածուի . զպակասն ցաւոց նոցա դու լցցես, և թէ նոքա արտասուել չգիտեն, փոխանակ նոցա դու արտասուեսցես . քեզ յանձն առնեմ զնոսա ո՛ւր Պետրէ . մի ես ստրջացայց 'ի կարգել իմ գքեզ դոցա բժիշկ բարեգութ .

“Վարձցիս դու և հաստատեսցես զեղբարս քո . :

Եւ ձայնք լի գորովով սիրելիք, յամենայն ժամ լինիցին տիպարք և հրահանգք իմոց քարոզից : Բանիցս անգամ յակնարկել իմ ընդ վայրս քրիստոնէից, և 'ի տեսանել զնոսա այնչափ անկողիտացեալս և վարակեալս ախտիւք և յանձնապատանս 'ի մեղս, մղձկեալ եմ 'ի հոգի, և ջնուեալ բորբոքիմ նախանձու 'ի վերայ այնչափ անարգութեանց անուանն Եստուծոյ : Եւ զի ժողով ելանել երևել յայս բեմ ոչ 'ի քարոզել, քան թէ պատուհասակո՞ծ մեծասաստ կշտամբանօքս զկծեցուցանել . է զի իղձ լինիմ զնալ ընթանալ ընդ ամենայն երկիր, և անդ ձայն բարձրագոյն արձակել իբրու 'ի յերկարաձգեալ քնոյն զնիրհեալն Եստուծոյ բարկութիւն ընդոստուցանել 'ի թափս շանթից . “Երի

տէր ընդէն ննջես, արի ցրուեալ զհէթանոսս, ոյք կա-
մին ընդ պատերազմս:

Խորհուրդք այսպիսի ընդառաջեն մտացս, այլ սա-
կայն վայր մի դիւր տուեալ նախանձաւոր թափոյն, և
գորովալից ձայնից տէրունւոյն ուշ 'ի կուրծս արարեալ,
բաբէ գոչեմ. առ արդարութիւնն ես բողոք հարի, այլ
ողորմութիւնն ինձ պատասխանի տայ. ես դատաւոր կար-
դացի, այլ յանդիման ինձ հայր տեսանեմ: Բայ տա՛ ու-
րեմն արձակեցի ես ձայն ընդդէմ մեղաւորաց, և ընդ-
անձին իմում ես ինքնին ողորեցայ: Ա՛հ ահա և ես մի
եմ 'ի նոցանէ. և ընդ այնչափ յանցաւորութեանց իմոց
էրբ մերժեաց զիս Բստուած իմ, և երբ պատուհաս
զարժանին կապեաց:

Բայ խորհուրդ, սիրելիք, հզօրացեալ է յիս, որ զա-
մենայն խստութիւն միանգամայն բաճնայ յինէն. և
զնախանձաւորութեան փոխեալ զձայն, այլ իմաստ բա-
նի առնում 'ի ձեռն, և յողւոց հանեմ. ո՛վ, իցէ՛ թէ
դարձայց և ես երբեմն և հաստատեցից զեղբարս իմ:
Ա՛նձ տացէ ընթանալ յընդհանուրս 'ի խնդիր մեղա-
ւորաց. իցէ՛ թէ տեսանէի ես զանձն իմ զօրհանապազ
թարթափեալ պարապեալ 'ի սպասարկութիւն հողւոց
նոցա, և իմովս իսկ աջով առ հասարակ զնոսա փայ-
փայեալ և արձակեալ, և դիրկ ընդ խառն ընդ նոսա
գորովեալ՝ զիմն ընդ նոցուն խառնէի արտասուաց:


Բայ քանզի յամենայն իղձս իմ չեմ բաւական 'ի
կատարումն, զձեր շնորհ ո՛ր արգոյ երիցակիցք, զձեր
շնորհն մաղթեմ ո՛ր հարբ հողւոց. դուք լցէք զսկսանն,
դուք ձերով զօրութեամբդ, ձերով իմաստութեամբդ
զտէրունւոյն ձայն առ Պետրոս վայելչապէս արդիւնա-
ցուցէք 'ի պաշտամանդ: Յուշ լիցի ձեզ, աղաչեմ, զի և
խոժոռ մի դէմք կամ բան մի դառնութեան՝ բազում
անգամ բնաւորեցաւ զեան մեծապէս գործել հողւոց
ապաշխարողացն՝ որ մերձենան առ ձեզ: Երբդասէր,
հիւրընկալ, քաղցրահայեաց լերուք առ հիքացեալ մե-
ղաւորսդ. թէպէտ և յանցաւորք ևս մեծամեծք իցեն,
սակայն զրկալից համբուրիւ անկաւ հայրն զպարանո-
ցաւ նոցա. սակայն տէրն իւրեանց 'ի վերայ այսր կեն-
սաբեր փայտի չմուացաւ զնոսա:

Օգէպսն գիտէք, զգէպսն զայն սքանչելի ճահաւոր

առաջարկու թեան բանիս 'ի սրբոցն պատմութեանց, և յուշածել ազալեմ: Երբժամ առ ոմն 'ի սրբոց մեծաց վանականաց քոյր նորա աշխարհիկ, աշխարհասէր, հանդերձս երևելիս պճնապաճոյճ՝ արկեալ զիւրե զընաց և խնդրէր տեսանել զեղբայրն իւր զսուրբն, սա բնաւ իսկ խորշեցաւ 'ի նմանէ և զլանայր նմա զտեսութիւն իւր. այնպէս փակեալ մենացեալ պարապէր 'ի խցկանն: Իյոցեցաւ 'ի սրտին քոյրն, և տայր արտասուօք զրոյց տանել եղբօրն այսպէս. « Ի թէ ես, ասէ, մեղաւոր իցեմ, և ոչ վասն մեղաւորաց մեռաւ Վրիստոս. ասացէք եղբօրն իմում, վաղ եկեսցէ տեսցէ զքոյր իւր. և եթէ նա իբրեւ եղբայր ոչ տեսցէ յիս զարիւն իւր, գոնէ իբրեւ ծառայ Բստուծոյ տեսցէ յիս զարիւնն Վրիստոսի »: Այն հանդուրժեաց եղբայրն բանին, մանաւանդ եթէ անվանելի փաստին. եւ արտաքս քաղցրահայեաց 'ի տեսանել զնա. այլ այնչափ ինչ պատրաստութեամբ 'ի լաւ անդր եզիտ զքոյրն, զի և այն ինչ բացեալ զբերանն ասել ինչ յաստուածայնոց բանից, բոլորովին իսկ 'ի կատարելութիւն աւետարանին ած փոխեաց զքոյրն, և նուիրեաց Վրիստոսի:

Բայեւ, եթէ կացեալ մնացեալ էր եղբօրն 'ի խորհուրդ խստութեան իւրոյ չեւանել չտեսանել զքոյրն, զինչ շահ օգտի արարեալ էր քեռն. թերեւ և կորուսեալ իսկ էր խստութեամբն զհոգին, զոր շահեցաւ քաղցրութեամբ:

Երեսորինակ քաղցրութեամբ որսասցուք զհոգիս, և 'ի գրկացն սատանայի կորզեալ, տացուք 'ի գիրկս Վրիստոսի: Ս'ի խորշեսցուք որչափ և մեղապարտք իցեն, այլ մանաւանդ առաւել ևս մերձեսցուք առ նոսա. յուշ զիրաւացին ածեալ բան զքեռն. « Ի թէ ես մեղաւոր իցեմ, և ոչ վասն մեղաւորացն մեռաւ Վրիստոս »:



ՔԱՐՈՐ, ԺԵ

ՓԱՌՔ ԵՒ ՊԱՇՏՕՆ ՏԻՐԱՄՕՐՆ
Ի ՏՕՆԻ ԱԻԵՏԵԱՅ ԿՈՒՍԻՆ

“Սխառասիկ կառնադախին տեսան, եղիցի ինձ ըստ բանի բռնմ” :

Թերևս ակնարկեալ որ հիացմամբ ընդ մեծահարաշարարչագործութիւն հնոյ աշխարհին և նորոյս, 'ի վարանս լինիցի ընտրել ո՞քան զո՞ առաւելեալ իցէ 'ի կարգին : Այր մի ապա 'ի քնին առեալ՝ առ ժամն անսահմանաբար կնքեսցէ, եթէ երկոքին միանգամայն մեծահարաշք են, քանզի և յերկոսին անբաւութիւնք զուգակցին : Ի միումն՝ թագաւորէ զօրութիւն ամբաւ, 'ի միւսումն՝ մարդասիրութիւն ամբաւ : Օ որ և զայս ի մաստ գերահարաշխորագոյնս ակնարկէ եկեղեցի 'ի ծրնունդ Տիրամօրն 'ի նուագել իւրում, “Ար յանէից բանիւ (իբրեւ ամենազօր) գայացուցեր զաշխարհս ամենայն, այսօր մարդասիրեալ տնօրինաբար (իբրեւ ամենազօր) արկեր հիմունս նորոյ աշխարհի” :

Ի մարդասիրութենէ աստի ամբաւ և անսահման՝ աստուածայինն շարժեցաւ ողորմութիւն 'ի յաւիտենից և անդստին 'ի սկզբանէ յետ համակործան արկածից բնութեանս, իբրու յածեալ 'ի վերայ աւերակաց աշխարհին՝ զյաւիտենական խորհուրդն միշտ 'ի մտի կալաւ՝ նոր արկանել հիմն և նորաստեղծել զաշխարհ : Եւ քանզի անսխալութիւն էր և սահման խորհրդոյն, զայն ինչ որ 'ի ձեռն կնոջ քակեցաւ, վերաստեղծել 'ի ձեռն

կնոջ . վասն որոյ և գործն մեծ սպասեալ մնայր ծագման կնոջն յառաջագոյն նկարելոյ 'ի խորհրդոցն Րստուծոյ :

Իտորէին ժամանակք , հօլովէին դարք : Վասն և անցանէն ընդ դարս կանայք վեհազինք . կանայք ասպրնջականք վերընկալք մեծամեծար նահատակութեց , այլ սակայն զան և անցանէն : Վայ անդուտ Սարրահայկապն տիկին բարգաւաճ ժառանգութեամբ բիւրուց զաւակաց . զայ և անցանէ : Յերեան զայ հոգեւ փառաւորեալն 'ի շուք վայելչութեան դիտակին . զայ և անցանէ : Ընդ ուրեմն և Վեբորա այրասիրտն զօրավար իսրայէլեան ճակատուն՝ հրամանատար լինի բանակին . այլ չէ նա : Ընդ և Յայել շահատակն 'ի կանայս՝ այն ինչ ելեալ 'ի խորանէն կապուտ կողոպուտ զԽսարա ընդ ծամելիսն վարսէ և առ ոտիւքն տապալէ . սակայն չէ և նա : Ընդուտ զայ Յուդիթ 'ի բանակէն Րսուր , յաղթանակաւ զկառափն ունելով 'ի ձեռին զհօգեփեռնեայ . այլ չէ նա ընտրեալն : Ընդ հասարակ սոքա անցին 'ի հանդէս , այլ ոչ ընտրեաց 'ի նոցանէն տէր :

Ո՞ր ուրեմն իցէ մեծն այն և քաջափայլն տիկին , որում այնչափ օրինակք կարապետեցին , զոր այնչափ պատգամաց ձայնք աւետեցին , որում այնչափ իղձք 'ի խնդիր ելին : Ընդ անձկացելոյ աշխարհին՝ յոյս , ահա կորուսելոյ աշխարհին փրկանակ , ահա ծագիկ կանանց և պսակ կուսից , Սարիամ : Սա է նա , որում սպասեալ մնայր ակնկալութիւն համօրէն դարուց . սա է նա , որ միայն 'ի կախ ունէր զյաւիտենական սահմանն , 'ի կախ՝ զարարածս , 'ի կախ՝ զաշխարհ ամենայն . քանզի և չէր առնել ինչ , մինչև ոչ եկեսցէ Սարիամ :

Եւ աւագիկ նա յանդիման յերեան զայ աստուածային անձառելի խորհրդոյն , տեսանէ անդանօր զգրծագիր տիպարն զաստուածային ողորմութեան . տեսաւ նէ և հիացեալ յակճիւռս կայ ընդ խորհուրդն , փութացուցանէ զգործադրութիւնն . ձայն տայ ճոխաբար իշխանութեամբ . իշխանութիւն՝ որ ոչ ցուցաւ երբէք 'ի դարս . “ Եղիցի , ասէ , եղիցի ” : Ընդ ինչ ասաց , և անդէն ամենակարողութիւնն ամբարձ դձեռն . “ Եւ արար զգործութիւն բազկաւ իւրով ” : Եղիցի . և հապ-

շտապ շարժեցան դղրդեցան երկինք, “Եւ ամպք ցօղեցին զարդարութիւն, Եւ լիցի. և անդէն Բստուած վերանորոգիչ բնութեանս, բաբէ, մարմնագգեցիկ իբրեւ մարդ յերևան գայ. “Եւ բանն մարմին եղև, և բնակեցաւ ի մեզ, ”:

Օ խաբդ նորասբանչ դէպք, բանի հրաշափառ տեսարան. Սարիամ վերանորոգէ զաշխարհ, և միայնակ նա արտաբոյ բնութեան ընտրի ի նորաստեղծել զբնութիւն: Բայ, Սարիամ վերանորոգէ զաշխարհ. բան զի ինքն ետ զհաստատութիւն աստուածային զծագիր օրինակին. ձեռն ետ ի գործն. լրումն ետ նահատակութեան գործոյն: Օ խաբդ. ի նմանէն իսկ լուարութ. “Եւ Զաւասիկ կամ աղախին տեսաւ. եղիցի, ”: Սա է Սարիամ, որ խոնարհութեամբն նահատակի, և ի խոնարհութեանն՝ կատարիչ է բարձրութեան խորհրդոյն. “Եւ ինչ, ”: Սա է Սարիամ որ ձեռն հաւանութեան տայ կուտութեամբն, և ի կուտութեանն տայ զնիւթն առ գործն. “Եւ ինչ ըստ բանի բում, ”: Սա է Սարիամ, որ սահմանէ զբանն մայրութեամբն, և ի մայրութեանն՝ պսակէ զմարդեղութիւնն Բստուծոյ. “Եւ բանն մարմին եղև, ”:

Հասկա մեք մանրամասին տեսցուք զանձառելեացս զայսոցիկ՝ միանգամայն զսկիզբն, զմէջն և զկատարած. տեսցուք ի նոյն և զգեղեցիկ պարտս պաշտաման և սիրոյ մերոյ առ սատարն և առ միջնորդ փրկութեան՝ առ Տիրամայրն: Եւ անշուշտ ոչ լիցի մեզ այնուհետև տեսանել երբէք ոչ գործ՝ առաւել մեծահրաշ, և ոչ կին՝ առաւել մեծագործ:

ՄԱՍՆ Ա.

Եւ ի խելամուտ աստուածայնոյն լինել մեծութեան կամ թէ առնել զոք, բնաւորեցաք մեք մատնանիշ ըզմեծամարմին զայս աշխարհ ցուցանել, շուրջ զալն յածել ընդ ծով, ընդ ցամաք, ընդ երկինս, ընդ համաբոլոր արարածս. հիացեալք անհասութեամբ՝ զի ամենայնքդ այդոքիկ ի սատար սբանչելի գոյութեանն ոչ

զայլ ինչ , քան թէ զձայն մի միայն ունելով “ Լղիցի ” , հաստեցան կացին . “ Եւսաց և եղեն , հրամայեաց և հաստատեցան ” : Վանի ընդհատ զաստուածայինն կարծիցեօ 'ի մարդկայնոցս , քանի՞ ամբաւութեամբ անըրպեսեալ . յորժամ քաղաք մի , յորժամ տուն մի մեր ճարտարքս կանգնեցեն , քանիօն իցեն կարկառք քարանց , քանի՞ կոյտք ատաղձացն . քանի՞ և ատաղձագործ հիւսուք , քանի՞ և ժամանակք , քանիօն ձայնք և դրնդիւնք : Իսկ աստանօր բանս մի “ Լղիցի ” , բաւական ընդ ամենայնին : Ո՞ր միտ բաւական իցէ հասանել , զինչ զօրութիւն էր 'ի ձայնն , որ ազդումն , որ հօգի . զի այնպէս յախան քթթեւ 'ի բարբառ մի յանդոյից յերևան գան սքանչելիքն գունակ գունակ :

Երբ որ զիտէքդ զայդ և հիանայք անհասութեամբ , զոր առաւել կարծիցէք դուք գործ մեծահրաշ . զաշխարհի արարչութիւնն , եթէ զբանին մարդեղութիւն . զարարչութիւնն ստեղծիչ , եթէ զմարմնաւութիւնն վերաստեղծիչ : Հարցէք ցհարս սուրբս և ասացեն : Ուստ ուստեք և հայեծիք , ասեն , դուք 'ի վերջինդ , եթէ ըստ գործոյն հանդերձանաց , եթէ ընդ մեծվայելչութիւն հանդերձելոյն , եթէ ընդ գերազանցութիւն վախճանին , եթէ ընդ մեծագործութիւն արգասեացն , մեծ է յոյժ վերջինդ քան զառաջինն . և անզուգական առաւելութեամբ մեծ է Եստուած մարդացեալ , քան աշխարհ ստեղծեալ : Օ՞ր “ Լղիցին ” , ուրեմն համարիցիք դուք մեծ . զայն որ ասացն , “ Լղիցի լոյս և եղև լոյս ” , եթէ որ ասացն , “ Լղիցի ինձ . և բանն մարմին եղև ” : Օ՞յն որ ձգեաց յոչնչէ զարարածս , եթէ որ ձգեաց յերկնից զարարիչն : Եւս չափ , ահա հանդէս մեծահրաշ փառացն Երիւմու : Եւս չափ փառաւորութեանն , քանզի և անչափ եկաց խոնարհութիւնն : Եկաց 'ի բնութեան խոնարհ այնպիսի իբրու զԵրիւմ . քանզի և չեկաց որ այնչափ փառօքն լաւագոյնս վարեցաւ , և յայնչափ փառսն նուազ սարժեցաւ իբրու զԵրիւմ :

Օ փառս իւր առաւել մեծացուցանէ աստուածութիւնն՝ փառաւորելով զխոնարհս . քանզի սորա են որ զիտեն քաջ , յումմէ է շնորհն . սորա են որ հաւատարիմք անդրէն յաղբերակն զբազմահոս վտակսն դար-

ձուցանեն : Ի՜հա “ Կացուցի , ասէ Ի՛ստուած զԸ՛ ուխէս ,
 ահա կացուցի զքեզ Ի՛ստուած Փարաւոնի , ” : Ոչ քոյին
 միայն ժողովրդեան գիտասցես զքեզ այսուհետեւ ա-
 ռաջնորդ , այլ և Ի՛ստուած Լ, գիպտոսի : Յայդ դաւազան
 զիմն աւաղիկ տամ քեզ զբազուկ . սարսեա զերկիր , դռ-
 զացո զգետս , զատեա զօդսդ , ամ ստուեր երկնից , տիւ արա
 և գիշեր , որպէս և կամիս . ահա եդի զքեզ Ի՛ստուած :

Սակայն և միտ դիք սիրելիք , քանի՞օն է անջրպետն
 ընդ Ը՛ արիամ : Օ Մովսիսէ կախեսցի , ասէ , թագա-
 ւորութիւն մի միայն . զԸ՛ արիամայ՝ տիեզերք ամենայն :
 Ի՛կնարկութեանց առաջնոյն՝ ուշ ունին արարածք . եր-
 կրորդին՝ որպէս աստուածիմաստն ասաց Ը՛ գոստինոս՝
 սպասեալ մնայ արարիչն . “ Զկապեցաւ , ասէ , մարմին
 առնուլ ՚ի նմանէ , եթէ նա չտայր , ” : Որ վասն բախ-
 տին Լ, գիպտոսի գիտել ինչ կամիցի , երթեալ հարցցէ
 զԸ՛ ուխէս . որ վասն սահմանի տեսչութեան տիեզերաց՝
 գնասցէ հարցցէ զԸ՛ արիամ :

Ը՛ յլ բարէ , զիմորդ աստանօր միաբանեսցին իրքն :
 Որ ասացն “ Օ փառս իմ այլում ոչ տաց , ” իբր
 զայնչափ զօրութիւնն առատաձեռնեսցէ՝ յորմէ և այն-
 չափ փառք : Ը՛ յլ որպէս ասացի , այնպիսի ժառանգա-
 ւորք զօրութեանն՝ առաւել ևս փառաւորեսցեն զԸ՛
 տուած առ անչափ խոնարհութեան սրտից իւրեանց :
 Վիտէք իսկ դուք զերկին փառաւորելոցս զներդաշնակա-
 ւոր միաձայնութիւնն առ պարգևատուն . մին երգէր
 “ ()րհնեսցուք զտէր , զի փառք է փառաւորեալ , ” :
 “ Ը՛ եծացուցէ անձն իմ զտէր , ” , նուագէ Ը՛ արիամ :
 “ Ը՛ քո տէր փառաւորեալ է զօրութեամբ , ” , հնչէին
 ցնծութեամբ արիւնքն ՚ի Կարմիր ծովուն : “ Ը՛ քար
 զօրութիւն բազկաւ իւրով , ” , ձայն դանգեցին անդրա-
 դարձ՝ լեռնակողմանքն հրէստտանի : “ Սա է Ը՛ տուած
 իմ , և փառաւոր արարից զսա , ” , կցեր զհետ փրկիչն
 Իսրայէլի : “ Ը՛ ցնծացաւ հոգի իմ Ը՛ տուած փրկ-
 կիչ իմ , ” . ձայնակից յառաջանայ փրկանակն աշխարհի :

Ը՛ այսպէս ապա ՚ի վէզ զմիմեամբք դան կրկնա-
 ձայնք և միասիրտք Ը՛ ուխէս և Ը՛ արիամ . այնչափ խո-
 նարհեալք ՚ի սրտի , որչափ առաւելեալք ՚ի մեծու-
 թեան : Ը՛ բռէր ոչ գիտեն՝ յանձինս լինել մեծք , բայց
 եթէ Ը՛ տուած և վասն Ը՛ տուածոյ :

Ընդհանուր լեռնաշղթաները, զի ուր յանցախ
երևի Մատուած առատաձեռնել զգորութիւն իւր ՚ի
մարդիկ, անդանօր առաւել նախանձախնդիր ցուցանի
փառաց իւրոյ . քանզի և զայնոսիկ միայն բարձրացու
ցանէ առնել մեծամեծս, որ փառս նմա դարձուցանեն՝
զի արարին մեծամեծս . « Ըրար ընդ իս մեծամեծս
Հզօրն, և սուրբ է անուն նորա, և հայեցաւ ՚ի խոնար
հոլութիւն ազխանոյ իւրոյ » :

Ինչ իսկ այսմ խելամուտ ողջունաբեր զուարթունն
խօսակիցն Սարիամու, եթէ քանի՞օն փախչէր թաք-
չէր նա գրաւել անձին զօտարին զփառան, ուստի և ի-
բրու փոփոխեալ զո՞՞ք բանին 'ի դեսպանութենէն, 'ի
նմանէն առ բարձրեալն զամենայն գովութիւնսն ըղեր-
ձէր հրեշտակն. «Ուրախ լեր բերկրեալ, տէր ընդ
քեզ. զի գտեր շնորհս յԱստուծոյ»:

Եւ յղախի միւտ և այդ ողջոյն առ այնպիսի խո-
նարհն : Ա՛խա դիք . “ Իսկ նա խռովեցաւ ընդ բանսն .
և խորհէր ընդ միտս թէ որպիսի ինչ իցէ ողջոյնս այս :
Եւ ինքն բերկրեալ , եւ ինքն գտող շնորհացն Լստու-
ծոյ : Ա՛ ըրպեալ է քո ո՛վ անմարմին զուարթուն : Եւ
կին մի հիքացեալ անբաժ եմ յամենայն բարեաց :
Տէրն իմ ընդ իս : Եւ թէ նա տէր իմ , թող զիս ուրեմն
առցէ իւր յաղախին , ոչ եթէ ՚ի մայր :

Լաւ տաբերն քաջ հրահանգեալ յերկնից, զինչ
գործեաց : Իբրեւ խոնարհ խառնեցոյց զնա, իբրեւ խո-
նարհ յաղթահարեաց զնա :

Վործ մեծ աստուածային մարդեղութեան բանին
կրկնակի ունի հայեցուածս . մին փառաւոր վասն Սա-
րիամու , իբրու նա ընտրեցաւ 'ի դործի . մին՝ վասն Ղա-
տուծոյ , իբրու բուն պատճառք և արարիչ մեծի գոր-
ծոյն : Սին՝ 'ի ցնծութիւն մօրն , միւսն՝ 'ի բարձրու-
թիւն որդւոյն : Ղրդ զխառնել Սարիամու տեսեալ
հրեշտակին , փոխանակ բարձրացուցանելոյ զմայրն ,
կրթի 'ի գովել զորդին . և իբրու չտեսանելոյն արա-
րեալ զգործ կուսական արգանդին նորա և հապճեպ
անցեալ , յաճախէ առաւել 'ի համբաւել միայն զգործն
Ղատուծոյ . « Զլացես , ասէ , և ծնցիս որդի » : ՍԼ
որդի որպիսի . « Եւ եղիցի մեծ , և որդի բարձրելոյ կռ-
չեսցի . և տացէ նմա տէր Ղատուած զաթոռն Վաւթի

Հօր նորա, և թաղաւորեսցէ 'ի վերայ տանն Յակոբայ 'ի յաւիտեան. և թաղաւորութեան նորա վախճան մի լիցի. ։ “ Յղացես և ծնցես որդի. ։ այլ ո՞ թանդակ և թեւարկու. ։ “ Հոգին սուրբ եկեսցէ 'ի քեզ, և զօրութիւն բարձրելոյն հովանի լիցի 'ի վերայ քո. քանզի և որ ծնանելոցն է 'ի քէն սուրբ է, և որդի Մատուծոյ կուեսցի. ։ Եւ եթէ զվերջինն և զառաջինն միանգամայն խնդրեսցես ընել յանհասանելիսն, չիք այլ. բայց եթէ “ Օ ի օչ տկարացի առ Մատուծոյ ամենայն բան. ։

Եւ այն, տկարացի և ոչ ինչ. Գործս ուրեմն մեծ՝ գործ միայն է Մատուծոյ, բարեւ. ։ “ Եղիցի աղա, ասէ Սարիամ, եղիցի. ։ Եւ եզիցին շնորհքն մեծապէս հիքացելոյ աղախնոյ՝ ծառայութիւն հարկանել փառաց տեառն իւրոյ. “ Մատուծոյ կամ աղախին տեառն, եղիցի ինձ ըստ բանի քում. ։

Եւ արդ որ միանգամ կարողն է, սահմանեսցէ՝ երբ առաւել խոնարհ յանդիմանեսցի մեզ Սարիամ. արդեօք յընդդէմ դառնայն, եթէ 'ի յանձն առնուին. Եւ զարդիս առանձին զանչափութիւն նախնոյն այն խաւարին անդնդոցն ոչնչութեան՝ յորմէ ած յերևան Մատուծոյ զաշխարհս ամենայն, համակըռեալ հիացմամբ 'ի միտս իմ ընդ խորանդունդս խոնարհութեան, որով այսօր նորաստեղծէ զնա, յայնչափ անհաւասարութեան անզուգակից գործոյն, սքանչացեալ եմ ընդ հաւասարութիւն և ընդ զուգակցութիւն իրին. ։ Օ ի անդ գործեցաւ 'ի ծոց ոչնչին, որ 'ի բնէն չունի զգոյն. և աստ գործեցաւ 'ի ծոց գոյին, որ 'ի խոնարհութենէն դառնայ լինի յոչինչ. “ Մատուծոյ կամ աղախին տեառն, եղիցի. ։

Եւ տեսցէ այսօր Մատուծոյ և զիտասցէ, եթէ առ 'ի նմանել Մատուծոյ 'ի գործս, “ Եղիցիք, ասէ իբրեւ զաստուածս. ։, պարտ էր նմա մինչև ընդ ոտիւքն խոնարհել ըզմամբ. և 'ի հիւանդութեան իւրում հրահանգեալ 'ի դեղ դարմանոյն իւրոյ, ուսանել եթէ կործանելոյ աշխարհին յամբարհաւաճութենէ կնոջ և մարդոյ՝ որ թեկն ածին զաստուածանալոյն, չէր այլ դարման քաջադէպ քան զխոնարհութիւն Մատուծոյ, զոր մարթասի առնել իբրեւ մարդ. և քան զխոնարհու-

Թիւն մօր՝ զոր կամեացի առնել իբրեւ աղախին . « Լ՝
հաւասիկ կամ աղախին տեառն , եղիցի , » :

Լ՝հաւասիկ Ս՝արիամ խոնարհութեամբն ետ հաւ-
տաւութիւն խորհրդոցն Լ՝ստուծոյ ՚ի մեծահրաշ մար-
դեղութեանն , տայ և այժմ կուսութեամբն նիւթ
՚ի գործն մեծ . « Լ՝ղիցի ինձ , » ասէ : Լ՝նոյ ուրեմն ՚ի
կոյս արգանդէ հողոյն գոյացուցեալ Լ՝ստուած զառա-
ջինն Լ՝քամ , սքանչելապէս օրինակէր զերկրորդն Լ՝
գամ , որ յաւուր միում անապական ծննդեամբն ՚ի կու-
սական արգանդէն Ս՝արիամու երեւեցաւ յաշխարհի :
Լ՝նքննաբար ՚ի ձա՛հ պատահեալ միմեանց յաւիտենա-
կանն ծնունդ և ժամանակաւորն . մին՝ անձառելի ան-
մայր ծնունդ , միւսն՝ սքանչելահրաշ անհայր ծնունդ :

Լ՝յլ ինձ աստանօր տարակուսանս , եթէ արդեօք
հրաշլի նախաձայնութիւնն Լ՝սայեայ . « Լ՝հա կոյս
յղացի և ծնցի զ՝ամանուէլ , » , ծանօթ ինչ էր ժողո-
վրդեանն Լ՝սրայելի՛ , եթէ անծանօթ : Լ՝թէ ծանօթ
էր , զի է զի կուսանք բազումք չերեցան յ՝սրայելի :
Լ՝պա եթէ անծանօթ , առ ինչ Ս՝արիամու այնչափ
պնդապահ լինել ՚ի կուսութեանն : Ուստի շարժեցաւ
նա ՚ի նոյն , և որպէս հարբն ասացին , « Ո՛ր օրէնք , որ
իրաւունք , որ բան կտակարանաց հնոյ ուխտին , կամ
պատուիրեաց նմա զայն , կամ խորհուրդ թելադրեաց
կամ թէ դրդեաց զնա այնպէս ՚ի մարմնի կեալ անմար-
մնաբար , » : Լ՝ւ ուր առ հասարակ աղջկունք մայր ցան-
կային լինել , զի մայր լինիցին Վճրիստոսի , սա միայն
անօրինակ յայլոց ամենեցուն՝ ՚ի ծաղկի կուսութեանն
յաւերժանայ :

Լ՝ սէր ուրեմն կուսական մաքրութեանն սաստկապէս
վառեալ էր Ս՝արիամ . ուստի և զհասարակացն թու-
ղեալ ձանապահ , միայնակ անօրինակ հետեւեցաւ ընդ
նորասքանչ շաւիղն : Լ՝ սէր մաքրութեան կուսի սաստ-
կապէս վառեալ ասեմ զ՝Ս՝արիամ . քանզի և զինչ այլ
սպա պատճառք կային ՚ի միջի նորօրինակ կենացն :
Վճանդի և չէ ասել , եթէ թերեւս զեսայեանն լուեալ
զաւետիսն զկուսի յղութեան և զծննդեանն , սպասեալ
մայր մայր լինել Վճրիստոսի : Լ՝ա աւանիկ ինքն առ
՚ի մնալ կոյս հրաժարէ յաւետեաց մայրութեանն .
քանզի այն ինչ լուեալ զայն , կարձէ զբանն . « Օ՛ իմրդ

լինիցի ինձ, ասէ, այդ քանզի զայր ոչ գիտեմ, : Եւ ան-
շուշտ եթէ կանուխ գիտէր զնախաձայնութիւն, յայտայ,
զիարդ խոչ ընդ մէջ արկանէր զիւրական կուսութիւնն,
որ մանաւանդ դիւրահեծ յոյժ գործէր զաւետիսն :

Եւ նա անդէ զհարցումն 'ի գիտել, զիարդ լինիցի
ինձ, ասէ, մայր լինել, որ կուսութեամբս սիրեցի հրա-
ժարել 'ի գիտելոյ զայր : Եւ քանզի լսէ յաւետաւոր
հրեշտակէն, եթէ մայր զնա լինել կամի Եստուած,
հարցանէ խոնարհութեամբ, եթէ ընդ ծննդեանն կաց-
ցէ մնասցէ 'ի միասին անդրժեւի և շուշան կուսութիւն :
Եթէ չկացցէ, ուրեմն կամ զայն հրամայէ Եստուած
յայտնապէս, զի որ մինչև ցայն վայր պահեաց զկուսու-
թիւնն վասն Եստուծոյ, զնոյն դարձեալ նուիրեացէ նա
Եստուծոյ, կամ եթէ բնաւ իսկ 'ի կամս անձին իւրոյ
առնէ ապաստան զբանն, և յայնժամ քան զգեղեցիկ
շուշանի կուսութեանն խամրել՝ առաւել ընտրէ ինքն
հրաժարել 'ի պտղոյն անմահութեան . և թէպէտև
յաստուածային մայրութեանն գերաշուք է հանդէս
մեծութեանն, յանապական կուսութեանն ցանկալի
են արգասիք առաքինութեանն, մտադիւր ինքն յանձն
առնուցու լինել նուազ մեծ, միայն թէ չլինիցի ինքն
նուազ մաքուր, և երբէք ոչ ինչ առաւել փարելի իցէ
փրկչին իւրոյ Եստուծոյ, քան յորժամ 'ի փառս նորա
ինքն հրաժեշտ տացէ և 'ի մեծապարգև և յանդուգա-
կան շնորհէն : Եւ յապիսի ինչ է, ըստ աստուածիմաստ
մեկնաց գրոյն՝ զօրութիւն և իմաստ բանին, զոր ասաց .
“ Օ իարդ լինիցի ինձ այդ ” :

Ով կոյս անօրինակ, ով կուսութիւն անզուգական . ով
արդարև արժանի զի 'ի շնորհս նորա դարձցի անդրէն
հոգին սուրբ բնակել 'ի մարդիկ . “ հոգին սուրբ ե-
կեսցէ 'ի քեզ, և զօրութիւն բարձրելոյն հովանի լիցի
'ի վերայ քո ” :

Ուր արդ ահագինն սպառնալիք ընդդէմ տիեզերաց,
յորժամ անդնդասոյզն լինէր . “ Ս'ի մնասցէ, ասէ,
հոգի իմ 'ի մարդիկդ յայդ, վասն լինելոյ դոցա մար-
մին ” . 'ի սրտմտութիւն բարկութեանն, զհոգի իմ
ասէ 'ի բաց առնում յաշխարհէ, զի մարմին եղև,
ստորջացայ՝ զի արարի զմարդն : Եւ արդ բարէ, ո՞ յայն-
ժամ ընդ միտ երբէք ածէր, ո՞ յաշխարհակուլ յայն

յորձանսն ժտէր ասել, եթէ օր եկեսցէ զի ամենամաքուր այն հոգին Մատուծոյ՝ այնչափ զարշեալն 'ի մարմնոյ աստի՝ դարձցի անդրէն ոչ 'ի սիրել միայն զնա, այլ և ինքնին զնոյն մարմին զգեցուցանել յանձին բանին Մատուծոյ, « Բանն մարմին եղև . . . » Եւ մնասցէ հոգի իմ 'ի մարդիկդ, վասն լինելոյ դոցա մարմին . . . Բաբէ . » Եւ հոգին սուրբ եկեսցէ 'ի քեզ, վասն լինելոյ բանին մարմին :

Եւ արդ պարզեցէք երկինք զկնիքս, ցօղեցէք ամպք, անձրևեցէք մեզ հոսանա զողորմութեան սիրոյ՝ զցանկացեալն 'ի դարուց, « Զօղեսցեն երկինք 'ի վերուստ, և ամպք հոսեսցեն զարդարութիւն . բղխեսցէ երկիր զողորմութիւն և նորացուցէ զօրհնութիւն 'ի փրկութեան մերում . » :

Եւ մեկնեցաւ Մատուած 'ի մարդոյ, քանզի եղիտ 'ի նմա հոգի ամենեկին մարմնեղէն . արդ դառնայ դայ, քանզի զտանէ 'ի նմա մարմին ամենեկին մաքուր, և զի այսպէս ասել՝ մարմին ամենեկին հոգեղէն . « Եւ մնասցէ 'ի մարդիկդ, մնասցէ 'ի մարմինսդ հոգի իմ և մարմին իմ, վասն լինելոյ դոցա հոգի . » :

Մհառասիկ Սարիամ կազմ և պատրաստ՝ առնուլ ժողովել զնա . « Մհառասիկ, ասէ, կամ աղախին տեառն . եղիցի ինձ ըստ բանի քում . » : Բանալն Սարիամու զդուռն փակեալ, և մտանել ընդ նա Մատուծոյ բանին, մի եղև համանգամայն : Եւ ինչ ասաց, և բանն Մատուծոյ իջեալ անձնաւորապէս 'ի ծոց արդանդին, անդանօր միացաւ անքակտելի յօգիւ ընդ մարդկային բնութեանս . « Եւ բանն մարմին եղև և բնակեցաւ 'ի մեզ : Եւ զի ոչ վայրապար ինչ մայր երևեսցի Սարիամ, որպէս հայհոյեաց Սեստոր, այլ ճշմարտապէս մայր Մատուծոյ, 'ի մաքուր մարմնոյ կուսին և յանարատ արեանէն հանդերձեցաւ մարմին բանին և 'ի նմա ստեղծեալ հոգի . և ամենայնն ոչ իբրև յորդեգիրս առեալ 'ի բանէն, որպէս զգայութեաց ժանտն, այլ միացեալ ընդ նմա ոչ ըղձական միաւորութեամբ, այլ էական և գոյացական . աստուածայինն բնութիւն և մարդկային անշփոթ միաւորեալ 'ի միում անձին յաւիտեանական բանին . որով և ճշմարիտ Մատուած և ճշմարիտ մարդ . և ինքն ոչ երկու, այլ մի . ուստի և Սարիամ

Ճմարիտ մայր Բստուծոյ : Վանդի “ Բանն մարմին եղև , : Յայս գործ անձառահրաշ նեղգործեալ ’ի ձեռն ամենակալ զօրութեանն Տօր , և սեպհականեալ ’ի ձեռն ամբաւ բարութեան Տոգւոյն , և կատարեալ ’ի ձեռն անձնաւորական միաւորութեան Որդւոյն , ետ Սարիամ ’ի մասնէն իւրմէ լրումն վերջին սքանչելաւ գործ ձայնիւն . “ Լղիցի , եղիցի ինձ ըստ բանի քում , , և անդէն բանն մարմին լինի :

Վանդի իբրև խոնարհ՝ ետ նա հաստատութիւն խորհրդոյն Բստուծոյ , և իբրև կոյս՝ ետ նիւթ ’ի գործին , և իբրև մայր ետ լրումն մեծի գործոյն մարդէլութե , և նովաւ աշխարհի նորոգութեան . “ Սիայնակ ինքն արտաքոյ բնութեան ընտրեցաւ ’ի նորոգել զբնութիւնն , : Եւ սակայն մեք ոչ յաւայն՝ զմահ ճաշակեցաք , և ոչ ’ի Սարիամ՝ զկեանս : Եւ քամ եկաց զլուխ , որով կորեան ամենայն անդամքն . Վրիստոս է զլուխ՝ որով կենագործեցան ամենայն անդամքն : Եւ եթէ հարցումն առնեմք Եւամայ , զիսրդ նա մեռոյց զմեզ , “ Վինս , անդէն տայ պատասխանի , կինս , սա ետ ինձ , : Օպտուղ մահուն ձերոյ ես ’ի ձեռացն առի Եւայի : Եւ նպէս եթէ խնդրեմք ’ի փրկէն Յիսուսէ , զիսրդ կենագործեցաք մեք , կրկնէ առ մեզ . Վինն ետ ինձ : Օպտուղ կենաց ձերոց առի ես յարգանդին Սարիամու . նա ինձ զայս զգեցոյց մարմին , զոր տանիմ վասն ձեր . նա ինձ յերակունս իմ զայս ելից արիւն , զոր անպարտակիր հեղից վասն ձեր : “ Եւ խաւսկիզքն , ասէր աստուածայինն Եւգոստինոս , նախասկիզքն մեղաց Եւա , նախասկիզքն բարեաց Սարիամ : Եւ մեռուցանելով վնասեաց , Սարիամ կենագործելովն օգտեաց . Եւ եհար , և սա բժշկեաց , : Ուստի և առ հասարակ ըստ աստուածազգեցիկ նախաձայնութեն՝ երանեցաւ շնորհապարտ սրտիւ յամենայն ազգաց :

Եւ քանզի նախասկիզքն եղև բարեաց ամենայն աշխարհի , գեղեցիկս ’ի գէմս իւր և իրաւապէս երգեսցէ Սարիամ . “ Տէր ստացու զիս ’ի սկիզքն ճանապարհաց իւրոց ’ի գործս իւր , : Եւ խաւսկիզքն բարեաց և նախասկիզքն արարածոց ’ի խորհրդեանն Բստուծոյ : Վանդի և առաջին քան զամենայն լոկ արարածս ընտրեցաւ Սարիամ ’ի շնորհս . որպէս երանելին կոչեաց քեր-

Թողն զնա , “ Դնդատապարտ շառաւիղ , : Լա առաջին նախատաճմանեցաւ Դարիամ ’ի փառս . որպէս խորագոյնս ազգեաց Եարեկեան հրեշտակն . “ Որոյ տեսչութեամբն Եստուծոյ , ասէ , նախագիծ ’ի ծովէ քարն պատուական . սպիտակ մարդարտին մաքուր կերպարան գոյացեալ ցուցաւ , ’ի յաշխարհիս ծովէ ընտրութեան , : Լա որպէս միջնորդ փրկութեան աշխարհի եկաց Դարիամ , նոյնպէս և միջնորդ է շնորհաց ամենայն փրկելոցն : Լա ոչ միայն շնորհք ամենայն գան մեզ ’ի ձեռացն Դարիամու , այլ և ինչ մի առաւել տեսանեմ են ’ի բանիս . և Թոյլ տուք ինձ ըզմանօք սրտիս յառաջանալ յայս խորհուրդ :

Վանգի , բաժէ , ոչ միայն ամենայն շնորհք , այլ և ոչ ինչ այլ գայ մեզ՝ բայց շնորհք ’ի ձեռացն Դարիամու : Վանգի տեսառն Յիսուսի անմարթ է ողորմութեամբ միայն վարել առ մարդիկ . քանզի Եստուած է և արդարութիւնն անանջատելի է առ ’ի նմանէ : Եւ ասն որոյ և ’ի խոնարհ յայս երկիր չըջելով ընդ մարդկան , թէպէտ և հայրօրինակ գթածութեամբ բնաւորեցաւ , սակայն է զի և զգատաւորի կերպարան ճոխաբար ’ի դէմն բերէր . մերթ խարաղան շարժելով առ սեղանաւ կապուտան , մերթ արժանահաս կշտամբանօքն դառնապէս զղրդելով զյանցաւորսն , մերթ աստուածաբար տապաստ յերկիր կործանելով զգօրականն :

Լա արդ քանզի պարտ էր խստութեան արդարութեան անմեկնելի լինել ’ի Վրիստոսէ՝ իբրեւ Եստուծոյ , վասն որոյ զնոյն խորհուրդ կամեցաւ նորոգել ’ի փրկութեան աշխարհի , զոր ինչ անդ ուրեմն կալաւ յարարչութեան աշխարհի . “ Ոչ է , ասէ , բարի մարդոյդ միայն լինել , արասցուք նմա օգնական նման նմա , : ”

Ի պսակ լրման գործոց բնութեան՝ թուի թէ ինչ մի պակասի . չէ ’ի միջի Լաւ . ’ի պսակել լրմամբ զգործ շնորհացն՝ թուի թէ պէտք են Դարիամու . “ Երասցուք օգնական , : Եւ առաջինն՝ որ յօգնական տուաւ , կործանիչ գտաւ . ոչ յայլ ինչ եղև պիտանացու , բայց մահաուիթ լինել մարդկան ազգի :

Բայց երկրորդա՝ յորժամ ’ի մահ դատապարտեալ իսկ էր առ հասարակ աշխարհ , ինքն իբրեւ “ Դնդատապարտ շառաւիղ , ” վերաբուսեալ կենսաուիթ մարդ-

կան, զօգնականին սլաշտօն սքանչելապէս 'ի ներքս երեր. որպէս վառեալն սիրով տիրամօրն ճշգրիտ նշանակեաց, եթէ “Օ կենցաղոյս ընթացս ընդ լուսազարդ կենացն շաւիղ փոխեցեր” :

Եւ զարդիս դարձեալ չիք այլ ստրապումն Սարիամու, բայց միջնորդ կալ աշխարհի և բաշխել 'ի մարդիկ զշնորհս . յոր և ըղձակաթ ընդ եկեղեցւոյ հանապազ նուագեմք մտղթելով, եթէ “Հոյս մեր և ապաւէն մայր տեառն և կոյս սուրբ, որ բարեխօսող էս միշտ աշխարհի . քեւ հաճեցան իմանալիքն ընդ հողեղէնքս և քեւ մերձեցաք 'ի փայտն կենաց” : Եւ որպէս յաստուածամերձից ոմն գովաբանէր . “Սարիամ, ասէ, օգնական է բարձրելոյն Մտուծոյ . քանզի զործ է նորա փրկել զազգ մարդկան” :

Եւ այսպէս ապա քաղցր իմն զուգախառնութեան գիւտ հնարեցաւ մեզ : Վանդի Որդին մերթ զհօրն վարելով դէմն և մերթ զդատաւորի, և Սարիամու տացէ 'ի ձեռս զմօր միայն ցուցանել մեզ զդէմն : Որդին է զի արդար երևեսցի և է զի գթած . Սարիամ միշտ և հանապազ գթած և ողորմած :

Ո՛վ անսպասում գթութեանն Սարիամու, որ և մինչև ցայսօր անդատին յօրէ աւետեացն զնոյն գութ մայրական գթայ 'ի վերայ մեր : Վանդի և առ մեզ ինքնին, սիրելիք, յայնժամ դէտակն կալեալ այնչափ տենչմամբ ըղերձէր զհրաշագործն զայն իւր, “Եղիցի ինձ ըստ բանի քում” . փութա էջ ո՛վ տէր իմ և Մտուած . ահա արզանդ աղախնոյ քոյ, ահա աշխարհ ամենայն կորուսեալ, զոր ինդրես դու 'ի սմա, եղիցի եղիցի ինձ ըստ բանի քում : Փութա էջ առ աղախին քո, որ սրտրաստ կայ կամաց հրամանի քոյ . փութա, մի անազանեսցէ փրկութիւն մարդկան :

Մհա առաջին միջնորդ, եղբարք, առաջին բարեխօս սրտեռանդն փրկութեան մերոյ : Վանդին ուրեմն և պարտք մեր անհրաժեշտ առ Սարիամ : Մմա աւասիկ պարտի ամենայն աշխարհ . նմա աւասիկ երանիս կարդան ամենայն ազիւնք . նմա խոնարհին կրկնեն ծուր ամենայն տիեզերք . զնա ճանաչեն աջակից Սիւսնին՝ փրկանակ կենաց աշխարհի . զնա միայն կարգայ եկեղեցի մեծաձայնաբար . “Միծից լուծիչ և քաւիչ մե-

դաց սուրբ կոյս , . զնա գովաբանեալ հռչակ հարկա-
նեն՝ 'ի խոնարհութեան անդուգական , 'ի մեծվայելչու-
թեան անհամեմատ , և յամենայն սղգ զբուստից՝ ան-
ճառելի :

Քանզի և որչափ ինչ ասիցեմք , միշտ վերջացեալ
եմք՝ ո՛վ մայր սուրբ սքանչելի լուսոյն՝ միշտ վերջացեալք
յարժանահաս գովութենէ մեծի փառաց քոց : Ի՛նչալ
ոչ զբանա , որ անկշիռք են ամենեւին 'ի մեծութեան
փառաց սրբութեան քո , այլ զիղձ մեր սրտի ամե-
նայորդոր փութով 'ի սիրել զքեզ միշտ և 'ի բարե-
բանել :

ՄԱՍԻՆ Բ .

Ի՛ւ քանզի կարգ բնութեան հիմն է և խարխիս գե-
րաբնական և աստուածային կարգի , ուստի և չիք երկ-
բայել՝ եթէ աստուածամայրն Ս՝արխամ՝ որ այնչափ
ինչ ձեռն նպաստամատոյց ետ 'ի կարգն գերաբնական
զոր ցայսվայր լուարուք , չիցէ մեծապէս զօրավիզն նաև
'ի բնականիս վարչութեան : Օ այս ծածուկ խորհրդով
խմստնաբանեաց նարեկեան հրեշտակն՝ ասելով առ
Տիրամայրն , “ Ս՝իջնորդ կենաց երկոցունց՝ սքանչելա-
պէս համարձակեցար , . : Օ ինչ ապա մեծ իցէ , տեարք
իմ , եթէ ժտեցայց ասել , եթէ և աշխարհ ամենայն
առ պատուանդանի աստուածամօրն կայ յակաստանի :

Ի՛ւ կարի իսկ քաջ . քանզի և որ անդստին յառա-
ջին ամաց արարչութեանն տաղտկացաւ արարչապետն
բնդ արարածն , “ Ստրջացայ , ասէ , զի արարի զմարդն , .
և համաշխարհական կորուստ 'ի վերայ ածէր ջրհեղե-
ղաւն , զի է զի յետ այնորիկ աւետալուր հնչէր ձայն ,
եթէ “ Ս՝ի ևս այսուհետեւ ջրհեղեղաւ կորուսից զաշ-
խարհ , . :

Յայտ է , զի հաշտարար բարկութեանն եղիտ 'ի
մարդիկ , և զնոյն գրաւական աւետալուր ձայնին կար-
գէր հաստատութեամբ առ մարդիկ : Ի՛սկ ո՞ հաշտա-
րարն և ո՞ գրաւական անառւտ խոստմանն : Ի՛նչ զօր
ստեպ չքնաղ բազմագունակ տեսանեմք նկարեալ յօդս .

“Օ աղեղն իմ, ասէ, եղից յամնս . և եղիցի նշան ուխտին ընդ իս և ընդ երկիր, և յիշեցից զուխտն իմ” :

Եւ զո՞րք օրինակեսցէ գեղափայլդ զբաւական . և զո՞րք յուշ ածցէ ամենատես աչաց աստուածութեանն : Չեզ ինքնին թողում քննել և գտանել . սակայն և հորդեմ ճանապարհ : Վաջ միտ դիր, աղաչեմ . քանի ըղձամբ, քանիօն դարձուածով բանից խօսի Եստուած զգրաւականէն զիւրմէ զայնմանէ . յուշ առնէ երկին և երեքկին, և բազմօրինակ զնա յերևանի դնէ : Թուի իմն ՚ի սպառ զմայլեալ ՚ի տեսութեան նորա . թուի ինչ մի ՚ի խորս նորա զննել ՚ի նմա, և ինչ մի առաւել քան զերեւոյթն՝ գեղազուտակ ծիածանդ յանդիման բերցէ տեսութեանն Եստուծոյ :

Եւ ասիկ քեզ, ասէր Եստուած առ երկրորդն մեր նախահայր, աւասիկ քեզ խոստումն անառտ . եթէ աշխարհակործանդ այդ պատուհաս, որպէս առաջին եկաց, նոյնպէս և վերջին կացցէ : Իսկ թէ զբաւական ինդրես, աւասիկ քեզ աղեղնդ իմ՝ զոր տեսանես . զաղեղնդ զայդ գեղեցիկ հաշտարար, զոր նկարեալ եդի յամնս, զնոյն արդ թողում քեզ ՚ի զբաւ խոստմանս .

“Եղիցի նշան ուխտին ընդ իս և ընդ երկիր” :

Եւ ունին դիր միւսանգամ բանին . կցեաց զհետ, եթէ դէպք ասէ տացեն մթազնելոյ երկնից և խռովելոյ օդոցդ և սպառնալեաց ամպոցդ, հանեմ յայնժամ զաղեղն յերևան աշխարհի . “Հորժամ պատեցից ամպովք զերկինս, երևեսցի աղեղն իմ յամնս” . և ՚ի տեսանէն իմ, յուշ ինձ դայցէ սերկեան դաշն իմ ընդ քեզ .

“Եւ յիշեցից, ասէ, զուխտն իմ որ ընդ ձեզ” : Արբնեաց այնպէս զանառտ խոստումն և իրեքկնեաց . “Եւ յիշեցից, ասէ, զուխտն յաւիտենական՝ զոր եդի ընդ իս և ընդ ամենայն մարմին” :

Օ ինչ պէտք էին այնչափ կրկնելոյն զայն ինչ, զոր և յառաջին նուագէն իմացաւ Եւ : Բարէ, ոչ ՚ի շնորհս ինչ էր խոստմանն, այլ ՚ի սէր և յանձուկ տարփման առ զբաւականն : Վանիօն փարելի գտաւ այն աղեղն գեղեցիկ, այն առ հաւատչեայն սիրոյն Եստուծոյ, զոր աստուածիմաստ վարդապետք թարգմանեցին յաստուածամայրն Սարիամ : “Սարիամ, ասեն, աղեղն է ուխտին Եստուծոյ՝ և հաշտութեանն որ ընդ մեզ” :

զոր և հիացմամբ սուրբն այն խորագոյնա նշանակեաց յասեւն առ Տիրամայրն այսպէս . “ Եւ երրորդութեան անտես թաքնութեան խորհրդակից սիրոյ կոչեցար . ”
 “ Եւ է առհաստատեայն անխաբ խորհրդոյ աստուածութեանն . նա գրաւականն այն քաղցրութեան կենաց աշխարհի առկայացեալ 'ի բարձունս երկնից . զոր արդեօք և մերս աննարկէր հոգերգուն 'ի նուագելն , եթէ ”
 “ Ար 'ի բարձրութիւնս երկնից բարձր բանիւք բարեբանիս սրբուհի . զարեգակն արկեալ զբւ , և գրաւական կենաց մարդկան ”
 “ արիամ աստուածամայր . ”
 “ Եւ էր որ 'ի վաղնջուց դարուցն մարդկան աւետեցաւ աղգի . որպէս 'ի հրաշալի տապանն ապրեցուցից մարդկութեանս օրինակեալ , նոյնպէս յետ այնորիկ և 'ի հրաշագեղ աղեղն տպաւորեալ պահէ , զյառաջատութիւն բնութեանս մերոյ . գրաւական կենաց մարդկան , և միջնորդ կենաց երկոցունց՝ հանդերձելոյն և առօրէիս , որպէս մերն կոչեաց հոգերգուն :

Քանիցս անգամ դէպք տան , սիրելիք , զի աստուածայինն արդարութիւն յանցաւորութիւնս բազումն տեսեալ 'ի յերկրի , 'ի սրտմտութիւն բարկութեան՝ պատէ զերկինս կարկտաբեր ամպովք , և զանհնարինսն սպառնան բնակելոցն յերկրի հողմունք դիւաշունչք , բարկութիւնք հրացանք , մրրիկք համակործանք , սրածութիւնք աշխարհակուք , ինքնին հաստատութիւն երկրաւորացս՝ երկիր , սասանեալ . բաբէ , բաբէ , կրկին ուրեմն սատակէ Եստուած զաշխարհս . մի երկնչիր . գայ անդէն յերեւան ”
 “ արիամ , յառաջոյ նորա փախուցեալ անհետանան արկածք , հանդարտեն երկինք , անգորրանայ բնութիւնս . ”
 “ Եւ պատել իմում զերկինս , երեւեսցի աղեղն իմ , և յիշեցից զուխտն իմ ընդ մարդկան , ”

Քանիցս անգամ 'ի հարուած գաւազանի բարկութեանն Եստուծոյ պետք և բռնակալք իբրեւ փութորիկք ընթացան ընդ աշխարհ , գանեցան ժողովուրդք , խրատեցան աղինք , յողիս ապաստան եղև աշխարհ մինչև 'ի ընդ չափու պատուհասին . և աւասիկ աւետաբերն նշան տայ՝ եթէ 'ի կատարած է . անդէն հրաշագեղն յայտնի ծիածան . յակն զայն բարկութիւնն արկանէ Եստուծոյ , և հանդարտէ . “ Տեսից զաղեղն , և յիշեցից զուխտն յաւիտեանական , ”

Վրանիցս անգամստտուածաստտու յերկինս պատրաստին պատուհասք զալ թօթափել 'ի դուխս մեղաւորաց . և անդուստ վաղ ընդ փոյթ իրազգած Սարիամ՝ միջնորդ հաշտարար 'ի մէջ մտանէ , կամ կարձել 'ի սպառ զհարուածն , կամ նուազել զժամանակն , կամ չափ տալ պատուհասին : Եւ յորժամ զՍարիամ տեսանէն երկինք երթալ մօտիլ յաթոռն Մտուծոյ , անդէն և զկատարած պատուհասին գիտէն նոքա : Վանդի նա է անպատիր նշանն խաղաղութեան . « Եւ եղիցի ձեզ նշան ուխտին » : () Ի բարի և զի գեղեցիկ իցեն մեզ ժամանակքս , եղբարք . յորս ինքնին երկինք առ 'ի մէնջ արհամարհեալք , անդէն սանձեալ հանդարտին , զորդուն ընդ մեզ պատերազմ՝ առանց զորօշն պարզելոյ զխաղաղութեան :

Շնորհք են այս Սարիամու , արգասիք են այս ամենայն Տիրամօրն . քանզի աղեղն է ուխտին Մտուծոյ՝ հաշտարար , գրաւական կենաց մարդկան , միջնորդ կենաց երկոցունց սքանչելապէս : Վանդի Սարիամ՝ ոչ իբրեւ աղախին գործէ յերկինս , այլ իբրեւ դշխոյ . ոչ այնչափ խնդրէ , որչափ հրամայէ :

Եւ զինչ զարմանք այսուհետեւ , եթէ 'ի համաշխարհըս քրիստոնէութեան , թէպէտ և 'ի տարաբնակ յոյժ ժողովուրդս և յազինս՝ այնչափ իմն աներկեւան վստահութիւն լի հաւատով առ բարեխօսութիւնս Սարիամու գտցես դու առհասարակ :

Իցէն արդեօք քաղաքք կամ աւանք կամ գիւղք , յորս ոչ գտցես կամ տաճարս կամ մատրոնս կանգնեալ 'ի փառս Սարիամու :

Գտցես երբեք և ազգ մի 'ի քրիստոնէութեանս , որ ոչն դաւանեացի զինքն պանծանօք առաւելեալ քան զայլս յազգաց՝ 'ի սրտեռանդն պաշտօնատարութեան առ Տիրամայրն : Իսկ եթէ և գովաբանս ինդրեսցես Սարիամու , գտցես յամենայն ազգս և մատենիւք չափ ճառս հրաշաբանս և յաճախապատումս . զորս և չկարացես ամփոփել՝ բայց յարտայայտութիւնս իմաստիցն՝ զոր նուազեմք առ Տիրամայրն , եթէ « Ինծից լուծիչ և քաւիչ մեղաց . և դուռն երկնից և ճանապարհ արքայութեան » :

Իսկ և Զերմեռանդն աղօթաւորս առ Տիրամայրն՝

գտցես որոց ոչ գոյ թիւ . այլ թուի թէ չգտցես մնալ
 թանս առաւել սրտեռանդն և առաւել ճաշողակի մեծ
 վայելչութեանն Սարիամու , քան զոր մնալ թեմքս ընդ
 գերահրաշ սիրողին Սարիամու , եթէ “ Բարձրացի
 պատիւ քո ինե , և ցուցցի փրկութիւն իմ քե , և Լա-
 րանիս առցեն , և բիւր երանիս մեղաւորք , որ միան-
 զամ փրկութեան հոգւոյն փախաբեալք , և գնացեալ
 ասաւինեսցին ոչ յայլ՝ բայց ՚ի հովանին Սարիամու
 ջերմ աղօթիւք և հաւատով , քանզի և անշուշտ է
 յայնժամ փրկութիւնն :

Հասկա մեք սիրելիք , պինդ կալցուք զոր ունիւքս ,
 զջերմեռանդն պաշտօն և զսէր առ Տիրամայրն . զի որ
 պէս և ՚ի պաշտօնեիցն կամ ՚ի սրբոց ոմն ասաց . “ Եւրն
 դրեա միշտ զՍարիամ , և գտցես միշտ զՍարիամ . առ
 Սարիամ կարգա յամենայնի , և երջանկացիս յամի . :

Իսկ եթէ զնախամեծարն պաշտօն առ Սարիամ
 խնդրեսցես գիտել , ահաւասիկ զոր առաւել սիրէ նա
 և խնդրէ ՚ի մէնջ , նմանողութիւն սքանչելի վարուց
 նորա . քանզի և սիրելիք զնմանսն սիրեն : Եւ այք
 դուք ապաքէն , եղբարք , ցայս վայր զհրաշալի առաքինութեան
 թիւնս նորա . զիմպդ խոնարհ անդուգական , զիմպդ
 մաքուր անօրինակ եկաց Սարիամ . քանի՞նս նորա հզօր
 բարեխօսութիւն , քանի՞նս նորա բարեգործութեանն
 առ մեզ զեղմունք , քանի՞նս նորա անվանելի պաշտպանութեան
 թիւն , և զայն ևս . զոր բովանդակեսցէ քեզ սիրողն
 նորա և բարեբանն , հրեշտակն Վարեկեան “ Համեստ
 “ հեղութեամբ , խոնարհ ամբօութեամբ . վարուք
 “ մաքրեալ , բարութեամբ լցեալ , հեղութեամբ ար-
 “ ձանացեալ , առաքինութեամբ կատարեալ , քաղցրու-
 “ թեամբ աղբիւրացեալ . :

Արպէս զի և նմանօրինակ նմա՝ ըստ կարի տկարու-
 թեան մերոյ՝ նորուն շնորհացն օթանդակութեամբ
 քաղաքավարեալ աստէն առաքինութեամբ , անկալ-
 ցուք այնուհետեւ հաւատով ընդ հովանեաւ նորա մտա-
 նել յայն դուռն երանաւետ , զոր նա ինքնին մեզ ե-
 բաց . և նորին միջնորդութեամբ հասանել կենացն , որ
 ՚ի նմանէն առթեցաւ . որպէս ասացն եթէ “ Ար զիմն
 գտանէ , գտանէ զկեանս , :

ՔԱՐՈՐ, ԺՐ,

ՎԻՃԱԿ ԱՇԽԱՐՀԱԿԱՆ ԵՒ ՍՐԲՈՒԹԻՒՆ
ՆՈՐԱ

« Եւ մեր զինչ գործեսցուք : . . . Մի ինչ աւելի բան
զհրամայեալն ձեզ առնիցեք , » :

|| Իձակք կենաց որ յաշխարհի բազմադիմակք՝ Էն
անդտին սահմանեալք յարարչէն : Օ ի որպէս ճշգրը
տիւ իմաստնաբանեաց աստուածիմաստն Մագոստինոս,
բանն ինքնին , ասէ , խելամուտ առնէ զմեզ , եթէ կա-
մեցեալ Մատուոյ ընկերութիւն ՚ի դուրս բերել զբա-
նաւոր արարածոց , պարտ էր և դիմակ դիմակ վիճա-
կօք զարդարել զնա , որ ըստ պաշտամանցն , որ ըստ
աստիճանացն , որ ըստ պարտուցն . զի այնպէս փոխա-
դարձ առեւտրօքն միանդամայն զգուգութիւն մասանցն
և զտարազ բոլորին ողջ ՚ի դէմն ընծայեցուսցեն և
պահպանեսցեն :

|| այելչապէս զնոյն աստուածային առաքեալն լուսա-
բանեալ օրինակէ ՚ի պատշաճութիւն տան , յորում
ճոխ և առատ գտանիցես դու ՚ի նմա կահս , անօթս , և
կարասիս . կէսք յոսկւոյ ձուլեալք , կէսք յարծաթոյ
գործեալք , կէսք յումակէտ փայտից կտրեալք , և կէսք
՚ի կակուղ կաւոյն լմեալք . կէսք յառօրեայ ՚ի պէտս
նուաստացեալք , և կէսք ՚ի սպաս գեղեցիկ փառօք պա-
տրաստեալք . և ամենայնն ՚ի հանդերձանս սպասաւո-

րութեան մեծագործ տանն միանգամայն է կարևոր .
 « Ի տան մեծի ասէ , ոչ միայն են անօթք ոսկեղէնք ,
 ,, արծաթեղէնք , այլ և փայտեղէնք և խեցեղէնք . են
 ,, որ 'ի սրտուի են , և են որ յանարգութեան ,, :

Եւ մեկնագոյնս զնոյն իմաստ նոյն առաքեալ յազազս ժողովոյն հաւատացելոց նմանաբերեալ առակի 'ի մարմին . յորում բազումք և միմեանց աննմանք իցեն անդամքն , ոչ առ հասարակ 'ի նոյն 'ի մի պէտս սահմանեալք . այլ մէն մի 'ի նոցանէն զսեպհականն իւր գործ զանձամբ առեալ իցէ 'ի սպասարկութիւն մարմնոյն : Սակայն և առ հասարակ ամենայնքն զմի ունիցին գլուխ 'ի վարչութեանն , և 'ի միոյ հոգւոյ անտի առցեն զարժումն և ընդ միում մարմնոյ սքանչելապէս յօդեալք և պատշաճեալք իցեն . « Որպէս 'ի միում մարմնի , ասէ , բազում անդամն ունիմք . և ամենայն անդամքն ոչ զնոյն գործ ունին . այսպէս և բազումքս մի մարմին եմք 'ի Վերիստոս ,, :

Եւ ապա 'ի ճգրիտ օրինակէ աստի աստուածայնոյն Պաւղոսի 'ի ներքս բերեն հարքն սուրբք , եթէ վիճակ կենաց՝ որ զինչ և իցէ , յորում կոչեցեալ է իւրաքանչիւր որ 'ի մէնջ , այն է միշտ վիճակն նախասահմանութեան և փրկութեան մերոյ . յորում և այր այր մարթի պահել զօրէնս Մտուծոյ և աշակերտ լինել աւետարանին . լինել սուրբ , լինել և մի որ 'ի գերագոյնիցն սրբոց : Ուստի և հաստատեալ կնքեն , եթէ ամենայն վիճակք և կենցաղք մարդկան յաստուածուստ անտի սահմանեալ և կարգեալ են , և Մտուած ինքնին յայն վիճակ կոչէ զմեզ : Ո՛վ , քանի զուարթարար իցէ ճշմարտութիւնս , մանաւանդ որոց միանգամ զբաղեալք և ընկղմեալք 'ի վիճակ աշխարհի կենցաղական զբօսանաց՝ զանգիտեն և տագնապին մի արդեօք անմասն ելցեն նորա 'ի սրբութենէ աւետարանին :

Սակայն քաջ միտ զիք աղաչեմ . մարթ է , այո մարթ է և 'ի վիճակին յայնմիկ լինել սուրբ , նաև հեշտեալ մարթ է լինել սուրբ : Սաան որոյ և իմ 'ի սոյն մտախորհ բազում անգամ եղեալ՝ հաստատեցայ 'ի սերկեան քարոզիս մեկն և սրբղ լուսաբանել ձեզ , սիրելիք , զճմարտութիւնն . միանգամայն և զձախողակ կարծիսն ուղղել զքրիստոնէից զառածելոյն , որք համարին

և ասէն, եթէ սրբութիւն աւետարանին 'ի բնէ անպատկանաւոր է վիճակացն աշխարհայնոց, և թէ հոգք սոցա և զբաղանք՝ հակառակ ամբառնան խմաստից սրբութեան աւետարանին: Ս'ողորութեանս այսմիկ ջաղխիչ և ուղղիչ կարգեսցուք առաջարկութիւնս կրկին: Բռաջին՝ եթէ 'ի կարգս և 'ի վիճակս և 'ի հանդամանս վիճակացն աշխարհի՝ որ զինչ և իցեն, մարթ է լինել սուրբ: Արկորդ անգամ, եթէ մարթ է նաև հեշտեալ լինել սուրբ: Յուցցուք զայս, որպէս զի յայս քաջախորհ և խելամուտ եղեալ այր այր 'ի ձէնջ, քաջալերեալ յանձն ըստ պարտուց վիճակի կենացն՝ զուն գործեսցէ արդեամբք կատարել զանձին սրբութիւն:

ՄԱՍԻ Ա.

Վանգի և զսրբութիւն զայն որ միանգամայն ամենայն հաւատացելոցն յայլ և յայլ վիճակս աշխարհի 'ի ճաշ պատահեսցէ՝ չիք այլ օրինակ սահմանել կարգել, քան զոր աստուած խմաստն յայտ արար Պաւղոս զրելով առ Տիտոս կրետացւոց եպիսկոպոս, անդատին յաստուածակողմանէն առեալ զհրահանգն իւր. իբրու եթէ ինքնին Բստուած երևելի մարմնով եկեալ առ մարդիկ, ուսոյց նոցա զսրբութեանն օրինակ. «Վանգի երևեցաւ, ասէ, Հնորհն Բստուծոյ փրկիչ ամենայն մարդկան, որ խրատէ զմեզ, զինչ. ոչ այլ ինչ քան թէ 'ի բաց կալ 'ի չարութեանէ, մի անձնագրաւ սիրել զաշխարհ, ժուժկալով թիւն ունել յանձին, արդարութիւն ընդ ընկերին, բարեպաշտութիւն ընդ Բստուծոյ. «Ար խրատէ, ասէ, զմեզ, զի ուրացուք զամբարշտութիւն և զաշխարհական ցանկութիւնս, զգաստութեամբ և արդարութեամբ և աստուածապաշտութեամբ կեցցուք յաշխարհի:»

Բհաւասիկ ձեզ սրբութիւն մարդոյ, որ զայսօրինակ քաղաքաւարեսցի յաշխարհի. թէպէտ և ամուսնացեալ, թէպէտ և վաճառական, թէպէտ և արուեստագործ, թէպէտ և որ զինչ և իցէ յաշխարհիս կարգաց, նա է մարդ սուրբ որ ճշգրտիւ տիրացեալ իցէ անձին,

և զերասան կամանցն և զրդձիցն 'ի ձեռին ունիցի , որ հրահանգաց աւետարանին պատկառ և հպատակ կայցէ . ոչ գերեալ 'ի պատուոյ , ողջախոհ 'ի բերկրանս , չափաւոր 'ի զբօսանս , և յամենայնի զինիք քրիստոնէա կան համեստութեանն ողջ յանձին բարձեալ բերիցէ . **Բ**յս է ասելն . “ **Օ** քատուութեամբ կեցցուք յաշխարհի ” : **Ե**ւ և մարդ սուրբ , որ զիրաւունս այլոյ ոչ շորթիցէ , իրաւունք որ 'ի պարտուց հնազանդելոյ հրամանաց առաջնորդաց , իրաւունք որ 'ի պարտուց եղբայրական սիրոյն օգնելոյ 'ի կարօտութեան ընկերին , իրաւունք որ 'ի պարտուց բնութեանն մարդասիրապէս քաղաքաւարելոյ ընդ բնութեանակիցսն : **Բ**յս է ասելն . “ **Բ**րդարութեամբ կեցցուք յաշխարհի ” :

Եւ և մարդ սուրբ , որ թէպէտ և կուռս բազմագունակ շուրջ զիւրե կանգնեալս տեսանիցէ զբազմազրլխեան ասեմ՝ զցանկութիւնսն՝ որ յաշխարհի , լինութեանցն , զսանձարձակ ազատութեանն , զթուլահաւատութեանն , զարծաթալաշտութեանն , զչար օրինակացն , նա երես չառնէ , ոչ պաշտէ զկուռնս զայն . այլ անարատութեամբ զգայութեանցն՝ **Բ**ատուծոյ միայն պաշտամանն պատկառ կայ , և յաճախ մերձաւորութեամբ յատուածային խորհուրդան պատուէ զնա , և կենաց հոգւոյն սպաս հարկանէ : **Բ**յս է ասելն . “ **Բ**աւատուածալաշտութեամբ կեցցուք յաշխարհի ” :

Եւ և սպասկեր անյութար սրբութեան քրիստոնէի . և չիք և ոչ մի ինչ յայսցանէ՝ որ զինամարտ և անարատ կանաւոր կայցէ հանգամանաց վիճակաց աշխարհի , որ պիտի ինչ և իցեն , եթէ մեծամեծք և փառաւորք , եթէ անաւագք և յոբնատաժանք և բազմազրադք :

Օ որ օրինակ աստուածայինն **Բ**սկեբերան յայտ յանդիմանութեամբ ցուցեալ անդ ուրեմն յառ **Բ**նտիորացիա 'ի ճառսն զձմարտութիւն առաջարկութեանս , ոչ փաստսնուրբս 'ի ներքս բերէր , ոչ համոզակեր ցուցակութիւն ճարտարէր , քան թէ ծանօթ պատմութեամբք և հետեակ օրինակօքն ազդոյ զբանսն գործէր : **Բ**իտ զիք , ասէր , խելամուտ լերուք , զիւրդ յամենայն ազգ վիճակաց և պաշտամանց օրինակք փայլեցան սրբութեան . և այն կանուխ քան զգալուստ փրկին , և քան զբարոյութիւն աւետարանին . յորժամ նուազեալ էին

չորհրդէր, և գեղեցիկ դէմք առաքինութեանն չե էր արտաբայելալ յաշխարհի: Այլ մի շուրջ յածեցէք, ասէր, զայս առ հեբրայեցւոց ժողովուրդն. զկէս տեսանէք յաւագութիւնս ամբարձեալս մեծամեծս, կէսը ընչիւք յօրացեալք, կէսը 'ի զինուորութիւն տաժանեալք, կէսը 'ի վարչութիւն քաղաքի թարթափեալք. և առ հասարակ զողջես յամուսնական 'ի կարգն պատաղեալք և զբաղեալք: Օ խորդ նորա հաւատարիմ առ Մտուած գտան առ հասարակ յամենայն 'ի վիճակս կենաց, և նախանձաւորք պաշտամանն Մտուծոյ և ժրախնդիրք յաւիտենից փրկութեան իւրեանց, Վաւիթ փայլեաց 'ի մեծի բարձին. ոչ սոսկական որ էր. այլ էր թագաւոր փառաւոր, ոչ 'ի լուսափայլութենէն թագին շրտեաւ նորա ակն, ոչ 'ի բարձրութենէ գահոյիցն ամբարտաւանեաց սիրտն. այլ ցած 'ի մեծութեանն, սակաւապէտ 'ի լիութեան, 'ի վերայ քրճին զգենոյր զծիրանին, նստէր 'ի մոխրին, կանխէր յաղօթս, և զհոգին հպատակէր ապաշխարութեան:

Սուխս փայլեաց 'ի բազմազբաղ վարչութեան համագումար ազգին. ո՞ առաւել քան զնա իշխան, պետ, և օրինադիր ազգի. մեծափառն արքայի Մտուած Փառառնի, և ազգաց հզօրաց յաղթանակող փառաւոր: Եւ սակայն սուրբ եկաց 'ի վիճակին յայնմիկ՝ հաւատովն և սիրովն առ Մտուած, և անզուգական հեղութեամբն առ մարդիկ:

Ամիս, ասէր Վերանն ոսկի, կամիս և 'ի զինուորականէն զոր. ունիս քեզ զՎրոնելիոս. զխորդ նա 'ի բազմալտանդ և 'ի յարափոխ վիճակի կենացն առաքինացեալ 'ի պարէն աղբատացն ունէր զզինուորական թռչակն ողորմածութեամբ. և 'ի շփնդն զինուոց միտքն ամբոսի առ Մտուած՝ հոտ անուշից զաղօթիցն նուիրէր նմա, և 'ի տեսչութեան զօրականին չանհոգանայր 'ի վարչութիւն ընտանեացն:

Ամիս և յառտնին կառավարութենէն զոր օրինակ, ունիս քեզ զներքինին զԵթովպացի. զխորդ զբուռարակիրն իցէ ընդ բազմահոգ վարչութեան տան և հանապազօրեայ մատակարարութեան և վերակացութեան ելից և մտից՝ յօղել զսրբութիւն. և իբր ապաներքինին այն հզօր Անդակայ տիկնոջն գանձապետ և

ի վերայ ամենայն տան նորա, այնչափ իմն անարատութեամբ և արդարութեամբ պաշտեաց զգործն, ոչ ինչ անհոգացեալ և ի հոգւոյն, նա պատկառ ևս կալով միանգամայն աստուածայնոցն զրոց քննութեան, զի և մեծին ապա արժանացաւ շնորհի՝ բրիստոնէական կարգին, և առաքեալ աշխարհաբարոզ եկաց Աթուկացւոց ազգին:

Աւարդ եթէ նոքա և նոցուն նմանիքն այնչափ պայծառացան իւրաքանչիւր ի վիճակին կանուխ քան զլուսախայլութիւն աւետարանին, քանի բիւրաւորս կարծիցես դու նահատակեալս և սուրբս յամենայն ի վիճակս կենաց, յաշակերտաց աւետարանին, յամենայն ազգէ, յամենայն ժողովրդոց, յամենայն հասակէ:

() Ինչ պէտք իցեն՝ ըստ յովհաննիսեան յայտնութեան բանալ մեզ այժմ ի վերուստ պարունակաց և կամարաց երկնից, զի յերևան մեզ գայցեն բիւրաւորք ընտրելոց յամենայն ցեղիցն: Ահաւասիկ ձեզ բազմահոյ պատկերք նկարագիրք սրբոցն առաքինութեան, նահատակութեան, զոր առ ձեզ ունիք և զօրհանապազ յանդիման յակն արկանէք: Ահաւասիկ և մատենաբ վաւերականք վկայաբանութեան և ճգնութեան նոցա, զորս պահեմք, և զորոց զպատմութիւնն լսէք և ընթեռնուք, և զարմանայք՝ քանի՞օն պատերազմեցան նոքա յերկրի, քանի՞ նշանս յաղթութեան կանգնեցին, և քանի՞ պայծառացան ի յերկինս, յայլ և այլ վիճակս կենաց իւրեանց:

Այլ զինչ պէտք իցեն ննջեցելոց սրբոց. ի կենդանիսն որ առ մեօք՝ վայր մի յառեսցուք զաչ: Քանիս ոմանս գիտեմք առ հասարակ և ճանաչեմք նմանեալս մեզ ի վիճակի կենաց, և սակայն աննմանս ի քաղաքավարութեան կենաց: Արամբիք են և կանամբիք, սակայն սուրբք են. վաճառականք են, սակայն սուրբք. արուեստագործք, կրպակաւորք են, և սուրբք են. տեարք, ծառայք, իշխանաւորք, առաջնորդք, ազնուականք, սոսկականք, ճոխք, աղքատք. և ամենեքին աշակերտեալք: Երեսի Քրիստոսի և հետևողք հաւատարիմք աւետարանին: Աւարդ զսոսա, որպէս ազգողաբար ի ներքս եբեր ի կարգին Ռերանն ոսկի, զսոսա՝ որ այժմ առ մեօք բարեաց օրինակք են և ի նախանձա-

տրութիւն զրդիչք և քաջալերութեան առիթք, զսոսա յաւուր միում՝ յանդիման արասցէ մեզ Վրիստոս 'ի մեր դատապարտութիւն և զկցկցեալն 'ի մէնջ զանկարութիւն կամ զանհնարին դժուարութիւն սրբութեան յաշխարհական 'ի կարգս՝ խայտառակեալ նշառակեսցէ, և 'ի ճգրտութենէ վարուց սոցա զբաղբաղայս մեր 'ի դերև հանցէ :

Սոքօք մեզ յանդիման ցուցցէ, եթէ ոչ ճոխութիւնք ուրեմն և արծաթ և ոսկի, այլ չարաչար կիրառութիւն նոցին պատճառք կացին շոայլութեան, շուայտութեան, գրգասիրութեան, մարմնապաշտութեան : Սոքօք մեզ յանդիման ցուցցէ Վրիստոս, եթէ մարթ էր ուրեմն լինել մեծ առանց ամբարտաւանութեան, իշխանաւոր՝ առանց բռնաւորութեան, ազնուական՝ առանց գոռոզութեան, ազնուազութ՝ այլ ոչ մեղկ, բարեկիրթ՝ այլ ոչ անձնացոյց, մեծատուն՝ և սիրտ աղքատ անգրաւ 'ի գոյից : Սոքօք մեզ յանդիման ցուցցէ Վրիստոս, եթէ 'ի մէջ բազմահոգ կենաց աշխարհիս մարթ էր ուրեմն պահել միանգամայն և զհոգի աստուածապաշտութեան, և հոգեւորացն պատկառ կալ և 'ի խորհուրդս սրբութեան յաճախել և զկենցաղական զբաղմունսն նիւթ յարգարել առաքի նութեան և յաւիտենական փրկութեան :

Եւ համբուն, սոքօք մեզ յանդիման ցուցցէ Վրիստոս, եթէ անժուժկալութիւն կամ անիրաւութիւն կամ թերահաւատութիւն, որ զհոգի աշխարհիս ընծայեցուցանէ, չէին ուրեմն տիրապէս ծնունդք և կարիք զանազանութե վիճակաց աշխարհի և թէ ընդ համաբոլոր վիճակաց մարդկան մարթ էր ուրեմն զուգակից ունել զհակառակս նոցուն զառաքինութիւնս, որ զհոգի աւետարանին 'ի ներքս բերեն յաշխարհի . « Վանդի երևեցաւ, ասէ, չնորհն Նստուծոյ փրկիչ, ոչ ոմանց 'ի մարդկանէ, այլ ամենայն մարդկան . որ խրատէ ըզմեզ՝ զի ուրասցօք զամբարշտութիւն և զաշխարհական ցանկութիւնս . զգաստութեամբ և արդարութեամբ և աստուածապաշտութեամբ կեցցօք յաշխարհի » :

Եւ յայսր ամենայնի վերայ՝ գիտեմ զի ասէք դուք ինձ, եթէ թէպէտ և սուրբ ևս մարթ իցէ լինել յաշխարհի վիճակս, սակայն և դուն երբէք պատահեսցի

այդ, դժուարին և առաւել դժուարին յոյժ մեզ՝ որ
 թարթափիմքս յաշխարհի, քան որք մեռացեալք չը-
 րաժարեալք իցեն յաշխարհէ : Վրանի դժուարին, ա-
 դէ ասա, իցէ առն մեծատան՝ ի չափու կալ՝ ի լիու-
 թեան իւրում. քանի և առն դատաւորի՝ միշտ անկա-
 շառ ամբծութիւն. և որք յառեւտուրս են՝ քանի հեշ-
 տեաւ հատանիցին յաղահումթիւն. և վաճառականք և
 արուեստագործք և կրպակաւորք, և այր իշխանաւոր և
 ատենակալ, և ամուսնացեալք և տանուտեարք այն-
 չափ իմն զբաղեալ են ի պէտս աշխարհականս, զի և
 ժամ առնուլ պարապել ի սրբութիւն զիարդ հնար ի-
 ցէ նոցա : Արանի կարգայք դուք, և բիւր երանի մե-
 նացելոցն յաշխարհէ, գիտեմ քաջ, որոց ոչ որդեակք
 գոն ի ինամակալութիւն, ոչ տուն ի վարչութիւն, ոչ
 հասարակաց ինչ գործք կամ առանձինն ի զբաղել. ո-
 րոց խորհուրդք մտաց և իղձք սրտի չեն բաժանեալ ընդ
 աշխարհ և ընդ Մատուած :

Վաջ է. այլ քաւ յինէն եթէ երբէք լայն և ար-
 ձակ գործեցից ես ձեզ զճանապարհն փրկութեան, և
 ոչ առաւել յապահովի համարեցայց ես զվիճակ կենաց
 հրաժարելոյն յաշխարհէ, յորում կամեցաւ կոչել
 զնոսա Մատուած : ՄԼ զինչ անտի ի ներքս բերել
 արժան իցէ քրիստոնէական տրամախոհութիւն. զինչ
 այլ, բայց եթէ որ զգործն զայն զմեծ՝ զհրաժարա-
 կան կեանսն զանձամբ առին, ի հնորհացն Մատուծոյ
 զանձուկն ընտրեցին ճանապարհ ի փրկութիւն. և ըստ
 տէրունւոյն իմաստիցն նախ նստան համարել զբաւական
 ծախսն ի շինութիւն աշտարակի. կամ իբրեւ զօրավար
 իմաստուն նախ հանդէս արարին բաւական զօրականին
 ի մղել զմարտ պատերազմի : Բայց ես զայն ասեմ, ե-
 թէ յորժամ դուք խոհական ընտրութեամբ վիճակ մի
 կենաց զանձամբ առնուցուք յաշխարհի, յոր սահմա-
 նեալ կոչեսցէ զձեզ նախախնամութիւնն աստուա-
 ծային, մարթ է ձեզ լինել սուրբ :

Վանդի, քաջ միտ դէք, նոքին իսկ զբաղանք և գործք
 և պիտառնութիւնք վիճակին ձերոյ՝ ըստ Մատուծոյ
 տնօրէնութեանն և ինամոց լինիցին ձեզ նիւթ և ա-
 ութք սրբութեան անձանց ձերոց : ՄԼ դու մի զցուր-
 տըն զայն, որպէս ասաց Ասկեբերան, մի զցուրտն զայն

բան ասասցես ինձ, եթէ աշխարհիկ եմ և կին ունիմ և զաւակաց հոգ ածեմ. այլ զայն միշտ յուշի կապեսցես, եթէ “Իւրաքանչիւր որ, որպէս պատուիրեաց աստուածային առաքեալն, իւրաքանչիւր որ յոր կոչումն կոչեցաւ, ՚ի նմին կացցէ”, այս է զոր ասեմս, եթէ ՚ի նմին կացցէ, ուրեմն և ՚ի նմին սրբասցի, յոր և ճշգրտիւ արդ կամիմ հրահանգել զձեզ և յաստուածայնոցն հաւանեցուցանել տառից:

Տաւաթիկ ձեզ այր ձգնասուն, խոշորաղգեաց ՚ի ստեղծողութեամբ, զօտի ածեալ մաշկեղէն, մարախաբուտ, և վայրենի բուծեալ մեղու, մաշեալ մարմնով, խուռացեալ ՚ի դէմս, յերեւան գայ յանապատէն հրէաստանի, կարապետն: Յովհաննէս՝ քարոզն և սքանչելիքն ապաշխարութեան: Իսկ ՚ի սրբութենէ համբաւոյն և ՚ի խստամբեր կենացն և յաստուածաշունչ քարոզութենէն զրդեալ՝ խուռն յամենայն քաղաքաց և յաւանաց առ նա մերձենային մեծամեծք և սոսկականք. զահի հարեալք ՚ի խրթին վարուցն և ՚ի համար ձակաձայն բարբառոյն և ՚ի սաստկութենէ սաստիցն և յահագին սպառնալեացն սուր տապարին և անշէջ հրոյն: Եկեալք գործութեամբ վասն անձանց փրկութեան և ապաշխարութեան, զինչ գործեսցուք, հարցանէին, զինչ գործեսցուք մեք ՚ի փրկութիւն՝ ապրել ՚ի տապաւրահատ սատակմանէն: Օ ինչ գործեսցուք, հարցանէին զօրականք, զօրաւարք. ահաւասիկ մեր կամար և մեր սուր. թողցուք մեք ուրեմն զհին մեր կարգն, և դու ցուցցես մեզ զնորն և զապահովն՝ յորում կեցցուք:

Իսկ և մեք, անդուստ հարցանէին և մաքսաւորք և կապելաւորք, զինչ գործեսցուք, հնար ինչ իցէ մեզ գործել զմեր փրկութիւն, մեք անհնարին զբաղեալքս ՚ի տրապիզս, և նեղեալքս ՚ի պահանջս մաքսից և հասից և բաշխից:

Իսկ և մեք, ասէին և գոյաւորք հարեալք յոգիս ՚ի սաստիկ քարոզութենէ կարապետին, զինչ գործեսցուք. գնասցուք թերեւս՝ մերկասցուք ՚ի գոյից թողեալքեալ զտունս, զկալուածս, զաղարակս, և զամենայն կեանս մեր, և եկեսցուք ընդ քեզ յանապատս անշէնս խստամբեր վարել կեանս: Երբ մեզ ո՛վ աստուածայինդ քարոզ և վարդապետ մեր, ցոյց մեզ զնորոգատուր

կարդ և զվիճակ կենաց , և հրահանդ աներկեան զարբ
բութեան և զփրկութեան մերոյ ասա՝ զինչ գործես
ցուք :

Եւ Եր ապա տեսանել զյանկարծակի և զգեղեցիկ
փոփոխումն զմեծի կարապետին . խոտամբերն , խոտա-
կրօն նախանձաւորն , անաշառն , անակնածու քարոզն ,
անդէն հեղ և ամօք երեւեցաւ վարժապետ : Եւ սացէք ,
ասէր , անսացէք վայր մի . չեն ինչ ձեզ պէտք թողու-
լքանել զկեանսդ , փոխել զվիճակդ , փոխել զպաշտա-
մունսդ , առ 'ի փոխել զվարսդ : Եւ ինքն վիճակ կե-
նաց , յոր վայելչապէս կոչեցարուք , այն է ձեզ վիճակ
սրբութեան :

Եւ ք զինուորեալքդ , պատկառ կացէք ձերոց զինուցն .
յուշ լիցի ձեզ երգումնդ 'ի հաւատս , մի լինիք դա-
տալիք , դիք զձեր կեանս քաջութեամբ ըստ պարտուցդ
'ի վերայ եղբարց : Եւ զգոյշ լերուք 'ի հարստահա-
րութենէ , 'ի զրկանաց և 'ի գողութեանց . սանձեցէք
ղեղուս 'ի թնամանաց , 'ի յիշոցաց . այդոքիկ բռնա-
կալութիւնք են զինուցդ , չեն պարտք գեղեցիկ զինուո-
րութեան . “ Եւ զոք , ասէ , խուիցէք , և մի զոք զըր-
պարտիցէք . շատ լիցին ձեզ թռչակքն ձեր , ” :

Եւ և դուք կապելաւորք և մաքսաւորք և հարկապա-
հանջք , որ զկայսերն տայք հատուցանել կայսեր , միտ
դիք պաշտամանդ՝ որ 'ի սրբութիւն և 'ի փրկութիւն
բաւական է ձեզ . միայն եթէ և միտ դիջիք անշաղախ
զձեր ձեռն պահել . մի նեղել զաղբատն , և մի դար-
ձեալ ընչեղութեամբ մեծատանն զեղծանել . այլ զկար-
գեալն յօրինաց պահանջեցէք իմաստութեամբ , ոչ
յաւելուածով և ոչ նուազութեամբ . “ Եւ ինչ աւե-
լի , ասէ , քան զհրամայեալն ձեզ առնիցէք , ” :

Եւ ասպա և դուք գոյաւորք և ձոխք , բնակեցէք խա-
ղաղութեամբ 'ի վայելուչ ապարանս ձեր . վայելցէք
գոհութեամբ 'ի բարիսդ , այլ մի մոռասջիք զկարօ-
տեալն . պահեցէք զպատշաճ պատիւդ , այլ մի ամ-
բարտաւանիք . փոյթ կալջիք 'ի ժուժկալութիւն . չա-
փու և խոհեմութեամբ վարեցէք զարծաթն . և որ
ձեզն յաւելանայ , բաշխեցէք 'ի չքաւորս . “ Ար ունի ,
ասէ , երկուս հանդերձս , տացէ զմին այնմ՝ ոյր ոչն գու-
ցէ . և որ ունի կերակուր , նոյնպէս արասցէ , ” :

Ձեզ ահաւասիկ հաւատացեալք , քարոզութիւն՝ որչափ խոնարհ , այնչափ և բարձր և վսեմական . վարդապետութիւն՝ որչափ քաղցր և հեշտին , այնչափ և աներկեան՝ վեհագոյն վարժապետի : Այն ինքն դործք և զբաղումն վիճակի իւրաքանչիւր՝ յոր կոչեաց Աստուած , նիւթք են ասէ և սատարք փրկութեան մերոյ : Աւրէ , բանիօն իցեն մոլորութիւնք մտաց և խաբէութիւնք , զոր 'ի բաց թօթափել պարտ է ըստ կանոնի վարդապետութեան սրբոյ Արապետիս :

Այլորութիւն է մտաց և խաբէութիւն , եթէ որ այր տանուտէր և հայր և մայր զդաստիարակութիւն զաւակին , և զհոգ մտից և ելից տանն և զկարգ պաշտամանն , և զկառավարութիւն ծառայիցն , և զամենայն իննամս գերդաստանին , իբրեւ լոկ մարդկային ինչ և քաղաքական համարեսցի , և ոչ մանաւանդ քրիստոնէական և աստուածային :

Այլորութիւն է և խաբէութիւն , եթէ որ այր առաջնորդ և իշխանաւոր և դատաւոր՝ զվաստակել իւր 'ի բազմադէմ՝ կարիս ապաւինելոցն 'ի նոսա , զքննութիւն դատաստանին , զխորհրդակցութիւն զիմաստնոցն , զհաշտեցուցանել կողմանցն , զանաչառութիւն արդարութեանն , զնշաւակութիւն զրկողացն , զձեռնտուութիւն հարստահարելոցն , զայս ամենայն ոչ համարեսցի նա իբրեւ նահատակութիւնս պայծառս մեծի սրբութեան :

Այլորութիւն է և խաբէութիւն , եթէ որ այր արուեստագործ և վաճառական՝ զբազմապատիկ հոգս զգնելոյ և զվաճառելոյ և 'ի փոխ տալոյ , զվտանգ ուղեւորութեանն , զչարհարանն , զտքնութիւնսն յօգնութիւն ընտանեացն , և չափով և արդարութեամբ յոտին կացուցանելոյ միշտ զգոյաւորութիւն գերդաստանին , զայս ամենայն իբրեւ ումպէտ համարեսցի նա , կամ թէ իբրեւ խոչընդոտն յաւիտենից փրկութեան իւրոյ :

Այլորութիւն է և խաբէութիւն , եթէ որ այր կենցաղասէր , մարդասէր և զուարթամիտ՝ զբարեբարութեան վարսն և զզնացսն , մանաւանդ եթէ և զափովութիւնս զսարկելոս և վայելուչս և քրիստոնէականս 'ի չափու , իբրեւ խափանարարս համարեսցի նա քրիստոնէական սրբութեան : Այս ամենայն և որ սոցուն

նմանք , մոլորութիւն են և խաբէութիւն , յորոց լրջա-
նալ պարտ է ըստ ճշգրիտ հրահանգաց սրբոյ Սկրտչին ,
Եւ , որպէս աստուածայինն ասէր Սկեբերան առ
ժողովուրդն , Օտունս ձեր , ասէ , զբարեկարգեալս
յերկիրն Մտուծոյ , համարեսցիք ձեզ իբրեւ տաճարս
Մտուծոյ . և զխանութս ձեր և զգործատունս , յորս
վաստակէք արդարութեամբ և երկիւղածութեամբ ,
կարգեցէք ձեզ իբրեւ սեղանս իմն և խորանս սրբու-
թեան 'ի պաշտօն Մտուծոյ . և զլրումն պարտուց ձեր
իւրաքանչիւր ' իբրեւ աղօթս և խունկս նուիրականս ,
որպէս աստուծիմաստն ասաց Պաւղոս . “ Ի հոտ անու-
շից 'ի հաճոյս Մտուծոյ ” :

Վանդի , աղէ ասացէք ինձ դուք վայր մի , եթէ եր-
բէք ձանաչէք զհոգի շնորհաց աւետարանին , զինչ այլ
իցէ սրբութիւն առն քրիստոնէի . բայց հաճոյք և
կամքն Մտուծոյ և լրումն նորուն կամաց . “ Կամք Մտ-
ուծոյ , կնքեաց առաքեալն , կամք Մտուծոյ սրբու-
թիւն ձեր ” : Կամի Մտուած զի սուրբք եղիցուք . ա-
պա ուրեմն սուրբ լինիցիմք , եթէ զկամս Մտուծոյ
աւնիցեմք : Ըրդ եթէ կամի Մտուած ' կամ տանու-
տէր կարգել զքեզ , կամ ծառայ , կամ քաղաքական ,
կամ ուսումնական , կամ վաճառական ' և որ այլ ևս ,
նոյն իսկ ապա տունն և ծառայական կարգն , և քա-
ղաքական վիճակն և գրաւորական վարժքն , և այլն ևս
հանդերձ սարօքն եղիցին ձեզ 'ի սրբութի , զի “ Կամք
Մտուծոյ ' սրբութիւն ձեր ” :

Եւ դուք միտ դիք աղաչեմ , զիարդ Մտուած զաշ-
խարհական կարգին զգովութիւնն սքանչելապէս հիւսէ
'ի լրմանէ անտի առտնին պարտուցն վիճակի այնորիկ :
Սին մի ժրագլուխ 'ի ձեռն առնու , և զնկարագիրն նո-
րա տայ յօրինակ ամենեցուն և 'ի զարմացումն . ոչ մըր-
ցանս ինչ վսեմականս 'ի ներքս բերէ զնորա , որ այնչափ
համբաւատենչա զձեռքիթեանսն գործեցին և զՎեբո-
րեանս և զԵթեբեանս . այլ կին մի տնակալուչ ածէ
յօրինակ , որ ընդ ամուսնոյն կապեալ իցէ , և մտադիր
զաւակայն իցէ , որ զգործովք տանն դայցէ , և սպասա-
ւորութիւնս ծառայից բաշխեսցէ . որ զողորմածու-
թիւնն առ աղքատսն չմոռանայցէ , և որ ինքնին իւ-
րոյին ձեռօքն անկանիցէ , և զմատունս իւր անձանձիր

իւոյ տացէ և յաղէկատն , և վաճառեցէ և զհամարն առ իւր կալցի , և յայդուէ ցերեկոյ տքնեսցի , և զամենայն գերդաստանն յոտին կացուցէ : Բայկիսի կին , ասէ , 'ի սրբութիւն մեծ հասեալ է , և քան զհասարակ կարգ տկար ազգին 'ի վերոյ անցեալ է :

Օհոյն դու ինձ իմաստասիրեսցես 'ի զրոյ և յաղազս արանց ազգին , որ պարտուց վիճակին պատկառ կայցէ . եթէ տանուտէր զօտէպինդ , եթէ ատենակալ անաչառատես , եթէ ամուսին համամիտ , եթէ բարեկամ անկեղծաւոր , եթէ վաճառական արդար , եթէ ծառայ հաւատարիմ . զի առ հասարակ առցեն վարձս յատուծոյ ըստ արժանեացն , լսել զուրախալին եթէ " Բզնիւ , ծառայ բարի և հաւատարիմ , մուտ յուրախութիւն տեսուն քո , :

Բայկէս ամենայն գործք աստուածատուր վիճակի արդիւնարարք են և վարձք ձեր անշուշտ , սիրելիք : Բայկ սակայն և տրամախոհութիւն մի կարևոր յոյժ և փրկուէտ պինդ կալարուք 'ի ձեզ . զի ամենայն գործք ձեր շարժեսցին և կատարեսցին ոչ վայրապար , այլ հոգւով կրօնի և հոգւով աստուածալաշտութեան . իբրու կամակատարք առաւել կամացն Բստուծոյ լինել ձեզ յայն գործն , որ յայն վիճակ կոչեաց զձեզ , և կամի զլրումն պարտուց վիճակին . այս է զոր ասեմքս հոգի կրօնի և աստուածալաշտութեան , և այս բաւական է ձեզ 'ի սրբութիւն : Բպա եթէ ոչ , անբաժ 'ի հոգւոյ աստի առտուածալաշտութեան , նաև վսեմական գործք և աստուածայինք՝ ըստ որում ուխտիւք հրաժեշտ յամենայն աշխարհայնոց և ներանձնութիւն , և ողորմութեան գործք՝ հիւանդաց ծառայել և բանտարկեւոց այցել և զմեռեալս թաղել և կարօտեւոց ջամբել , անպիտանք եղիցին : Եւ որ գերագունի վիճակեալք մասին , նոյն ինքն անընդմիջելի պաշտօն աստուածային և ահաւոր քահանայագործութիւն և աստուածաշունչ քարոզութիւն մեր , և որ այլ ևս , եթէ վայրապար գործեսցին իբրու ըստ պատեհի պաշտամանն և բերման ժամանակի գործք , և սովորութիւնք հանապազորդեան՝ զիրկ 'ի հոգւոյ աստի , անօգուտք իցեն և անպտուղք 'ի սրբութիւն գործելեացն : Բրդ՝ եթէ վսեմականքն այսպէս , քանիօն ապա առաւել ձեր քաղաքական և առանին

գործ և զբաղումն : Բայա եթէ դուզնաքեայքդ այդդքիկ
և ումպէտքդ ձեր՝ կենդանութիւն առցեն յաստուա-
ծային հողոյ անախ կրօնի և բարեպաշտութեան , բա-
բէ , քանի մեծամեծք եղիցին և առաքինականք և
սուրբք , և մոլախոտ կարծեցեալք դարձցին 'ի բոյսս
պիտեանս , և կատարեսցի յայնժամ ասացեալն , « Բո-
խանակ զրդոյն նոճ՝ բուսցի , և փոխանակ դժնկի մուրտ
ելցէ » :

ՄԱՍՆ Բ.

Ըստ արդեօք իցեն , սիրելիք , ասացեալքս 'ի մխի-
թարութիւն ձեզ և 'ի զուարթութիւն , եթէ յորժամ
կամեն մերձ իցէ , մարթիք և դուք սրբութեան հա-
սանել մասին սրբոցն . այլ թէ և մարթիցիք ևս հեշ-
տեաւ , որպէս կանխեցի ասացի , թուի ինձ եթէ ան-
ընդունելի լիցի ձեզ առաջարկութիւնս : Բանգի և
անշուշտ թէպէտ և ոչ այնչափ հեշտին ձեզ իցէ , եղ-
բարք իմ գործն , ձեզ որ յաշխարհայինս զբաղեալքդ
էք հանապազօր , որչափ որոց յաշխարհէ հրաժարեալքն
իցեն , 'ի վերայ այսր՝ քաջալերեցարուք զի ոչ պակա-
սեսցին ձեզ երբէք օժանդակք զօրաւորք յոյժ , օգնա-
կանութիւնք անդուլք առ յԵստուծոյ , զոր « () քնու-
թիւնս կոչման և օգնութիւնս վիճակի » , կոչեն աս-
տուածաբանք : Եւս է մատն Եստուծոյ , և այս է ձեռն
Եստուծոյ ծածուկ , որպէս ասաց զիրն , եթէ « Նա-
ծուկ ձեռամբ պատերազմի տէր » , ընդ թշնամիան , նի-
զակակից իւրոցն լինելով : Եւս ձեռն ծածուկ անտես
առ 'ի ձէնջ և անզգալի և անշունջ՝ միշտ շարժէ զձեզ ,
որպէս 'ի զգալիսս՝ ճարտար մենքենադործին հնարի-
մաց անուոյն գաղտնի զօրութիւնն , որ ոյժ 'ի շարժումն
տայցէ բոլոր մեծամարմին մենքենային՝ աներևոյթ 'ի
տեսողացն : Եւս ձեռն ծածուկ է շնորհքն Եստուծոյ ,
զոր կոչմք « Ընորհք կոչման և շնորհք վիճակի » .
զոր ոչն երբէք զլասցի Եստուած վիճակին , յոր ինքն
կոչեաց և եղ զիւրաքանչիւր ոք 'ի ձէնջ : Եւս շնորհ է ,
որ զմարմնաւորն հողեւոր գործէ , և զբաղաբականն

և զմարդկայինն աստուածային , և զերկրաւորն՝ սուրբ և երկնաւոր յարդարէ և փրկութեան արժանաւոր : Եւ չնորհ է , զոր բազմազունակ և յոգնազան կոչեաց Պետն առաքելոց . “ Բայտ բազմադէմ , ասէ , չնորհացն Բստուծոյ ” : Բանգի թէպէտ և ինքն չնորհն մի է , այլ ըստ պէսպէս վիճակաց մարդկան և կոչմանցն , և ինքն զիմակ զիմակ փոփոխի , և զօրութիւնս ազդէ բազմօրինակս :

Կամիս և յերեւութից ինչ բնութեան ճշգրտիւ ի մաստասիրել զբանն . ճառադայթ լուսոյ յարեգանէն արծակեալ՝ թէպէտ և մի է և պարզ , սակայն և հրաշալի իմն բեկեալ և փոխեալ և խառնեալ և զուգակցեալ՝ գոյնս զիմակ զիմակ՝ ի դէմն ածէ , որ կարմիր , որ դեղին , որ կանաչ , և որ այլ ևս . և զունակ զունակ զառարկայսն յարդարէ՝ և ցուցանէ : Սապէս , որպէս հարբն սուրբք ասացին , և բազմադէմ չնորհքն Բստուծոյ խառնին ընդ բազմադիմակ վիճակաց մարդկան , և կենադործեն և զօրացուցանեն ըստ պիտոյից իւրաքանչիւր . զի այր այր ի հաւատացելոցն ի վիճակին իւրում՝ դարձցի և եղիցի իբրեւ կատարեալ քրիստոնեայ :

Ի կրօնաւորս՝ են չնորհք անզբաղ ներանձնութեան , յեկեղեցականս չնորհք սրբութեան և առաջնորդութեան , յամուսնացեալս չնորհք ընկերական սիրոյն , ի դատաւորս չնորհք անաչառատես անշահասիրութեան , ի տանուտեարս չնորհք հսկողութեան , ի ծառայս չնորհք հաւատարմութեան , յաղքատս չնորհք համբերութեան , ի մեծատունս չնորհք գթութեան և ողորմութեան , ի մեծամեծս և յաւազս չնորհք չափաւորութեան , ի սոսկականս չնորհք խոնարհութեան . և համբուն առ հասարակ յամենեսին չնորհք , զոր կոչեմք չնորհք կոչման և վիճակի : Եւ են բազմադէմ չնորհքն , զոր կոչեաց երանելի առաքեալն : Եւ եթէ այսչափ են չնորհք , այսչափ և օժանդակք զօրաւորք , որ դժուարութիւն այնուհետեւ կացցէ , սիրելիք , ի սրբութիւն անձանց , յորժամ կամեն մերձ իցէ . “ Բստուծով իմով , ասէ , անցից ընդ պարիսպս ” : “ Ալ էս , ասէ , այլ չնորհքն Բստուծոյ՝ որ ընդ իս ” : “ Համենայնի կարող եմ , ասէ , այնու՝ որ զօրացցցն զիս ” :

Սան միայն դիմիր հաւատարմութեամբ գործակիցք 'ի դէպ հանդիպել առատապարգև շնորհացն Մատուծոյ .
 « Քանդի և իւրաքանչիւր մեք , որպէս ճշգրտեաց աստուածիմաստն Պաւղոս , իւրաքանչիւր մեք ունիմք ըզշնորհս ընդ շնորհացն , որ տուեալ են մեզ ազգս ազգս » :

Որ զինչ և իցեն գործք և պաշտամունք վիճակաց իւրաքանչիւր , եթէ հրամայելոյ , եթէ հնազանդութեան , եթէ վարչութեան , եթէ օգնականութեան , եթէ ուսուցանելոյ , և որ այլ ևս , ամենեքումք միանգամայն ծառայեցէք Մատուծոյ զրդեալք 'ի ջերմեռանդն հոգւոյ քրիստոնէութեան , որպէս խրախուսեաց առաքեալն . « Հոգւով եռացէք , տեառն ծառայեցէք » :

Ի վերջէ՝ յաներկեւանութիւն նաւարկելոցդ յաշխարհի 'ի վեր բերցուք և զկրկին ժայռն զծածկեալն 'ի ծովածուի կենցաղ վիճակի կենաց ձերոց , զի մի թերեւս նաւակոծեսցիք : Ռաջին ժայռն՝ ծայրայեղ և տարապայման զբաղումն հոգւոյ , երկրորդն՝ գերութիւն և զակատումն սրտի : Ռյս կրկին ժայռք լի վտանգօք , յորս հաստատէ աշխարհ զհնազանդանս վիճակաց իւրոց : Աւ արդ հրահանգ գեղեցիկ կրկնակի 'ի ներքս բերեալ սիրելեացդ , ասեմ . եթէ յաշխարհի ոչ կապելով ընդ աշխարհի ազատ լինիք 'ի գերութենէ սրբտի , և յաշխարհի երբէք երբէք առանձնակեաց իբրու մենացեալք յաշխարհէ՝ ազատանայք 'ի ծայրայեղ ըզբաղմանէ հոգւոյն : () րկնակք կրկին նախատիպք հըրաշալիք յաստուածայնոցն տառից՝ լուսաւորագոյնս 'ի դէմն ածցեն ձեզ զկարեւորութիւն հրահանգիս : Ռռաջին ոչ 'ի դուզնաքելից որ է նախատիպն . այլ միտ դիք , տիկին և տիկնաց տիկին , մեծաւիառ , անհամեմատ գեղովն , լծակից և գահակից մեծի արքայից արքայի , Ասթեր անուն նորա . յարքունիս ածեալ և անդէն քաղաքաւարեալ : Ռրքունիք՝ յամենայն շուք փառաց ականաւոր , ամենայն զրդութեամբ լի , ամենայն շուայլութեամբ պատարուն : Ի վերայ այսր՝ հարկաւորեալ այս տիկին 'ի բնակութիւն այնպիսի արքունեաց , այլ ոչ կապեալ ընդ արքունեացն . Ի ու գիտես , ասէ , ով տէր , ինքնին զՄատուծ 'ի վկայութիւն կոչէր անբրծութեան սրտին , դու գիտես , ասէ , տէր զանհրաժեշտ զիմ հարկն , զի բռնադատիմ պայծառս զգենուլ ,

Թագ կրել արքունի , 'ի գահ բազմել պանծալի , յոսկի համակել , 'ի գոհարս ձաճանչել , զրդել յանուշունս իւրոց և բուրմանց խժդժիցս , և անաստուած արքայի փարելի ընծայել , և զշուք վիճակին ողջ բերել , յոր կամեցար ամբառնալ զաղախին քո : 'Առ գիտես զբռնադատութիւն իմ . քանզի գաղտնիք սրտից և ծածուկք հոգւոց մարդկան բաց են առաջի քո . դու գիտես զաղատութիւն սրտի իմոյ , զանսիրելութիւն իմ՝ որով զամենայն շուք և զպշրանս և զգրգանս զարբայական վիճակիս ոչ միայն յընչաց բերեմ , այլ և զգովմ և զարշիմ . և երբէք ես չյօրանամ 'ի Թագն՝ անձնացոյց իբրեւ Թագուհի երևել , նա յայն միայն հեշտացեալ է իմ լինել և երևել քո աղախին :

Բաբէ անարատութեան սրտին 'ի մէջ այնչափ զարշութեանցն , բաբէ իմաստութեան ղեկավարին 'ի մէջ այնչափ ժայռիցն : () Իննակ է մեզ ճգրիտ , սիրելիք , զիարդ անձնապահ լինել և մեզ 'ի գերութենէ սրտի , որ է առաջինն 'ի վտանգաց 'ի վիճակս կենաց աշխարհի : 'Այսպէս իմն 'ի գործ վարել մեզ յաշխարհի , եթէ փառք իցէ , եթէ պատիւ , եթէ բազմահարուստ տուն , եթէ գրգանք , եթէ զբօսանք , և որ այլ ևս , զի իբրեւ հարկեալք վարեսցուք նոքօք , և մի իբրեւ հետամուտ ընտրութեամբ 'ի ձեռս բերեալք , զի և մարթացուք և մեք ասել . 'Առ գիտես տէր , զբռնադատութիւն իմ , զի Թէ այնպէս չքով և պայծառ կենցաղիմ և զգենում և բնակեմ , զայն ըստ պատեհութեան միայն և վայելչութեան վիճակիս վարեմ , յոր զիսն վիճակեցուցեր . սակայն դու գիտես տէր , զի ոչ են կամք իմ և սիրտ իմ 'ի դոսս , ոչ իղձ և ոչ վարկ . նա յընչաց բերեմ և համարիմ իբրեւ սնտոխ և վտանգաբերս . և փառաւորիմ և հեշտանամ լինել քեզ և երևել քո ճմարիտ ծառայ : Օ այս ասա , և այսօրինակ պատրաստութեամբ սրտի , Թէպէտ և յաշխարհի՝ այլ ազատասցիս յաշխարհէ և 'ի հրապուրից նորա ըստ օրինակի սրբուհւոյն : 'Այս առաջին հրահանգ ընդդէմ առաջին ժայռին :

Իսկ ապա և երկրորդն , Թէպէտ և յաշխարհի կեաս , սակայն երբէք երբէք մենացեալ ընդ անձին միայնոյ կեցցես , և ազատասցիս 'ի ծայրայեղ զբաղմանէ հո-

գւոյն , որ է երկրորդ ժայռն և վտանգ յաշխարհական վիճակի : () Երկնակ հրաշալի կալցուք մեզ , եղբարք , և առ այս զգեղեցիկ քաղաքավարութիւն կենաց զմուտոյ մեծի սրբութեան () Յուդթայ , զբազմահարուստ տիկնոջն : Սա 'ի ծաղկի հասակին այրիացեալ , և բազում ստացուածոց տէր թողեալ յամուսնոյն , և ինքն կառավար այնուհետև ամենայն գերդաստանին և ծառայիցն և կալուածոցն , և անհնարին զբաղեալ , 'ի վերայ այսր ' իբրու անզբաղ յաշխարհայնոց ' այնպէս մենացեալ յիւրում առանձնութեան հանապազօր աղօթից պատկառ կայր առ Մատուած : Մյնպէս իմն զմիտսն ամփոփեալ 'ի կենցաղականացս , զի և ամենայն զբաղումն այնուհետև չէր նմա երբէք խափանարար առաքինի քաղաքավարութեան կենացն . մինչ զի և ոչ յետ այնորիկ յորժամ դէպքն ետուն ելանել նմա 'ի տանէն , և ամենազարդ հանդերձանօքն և չքնաղագեղ հասակաւն երթալ մխիլ 'ի մէջ խժդժիցն , ոչ խառնամբոխ խուժանն , ոչ անհնարին լրբութիւն բանակին հողովեալնեայ , ոչ մեծաշուք փառքն , ոչ բազմահանդերձ գրդանքն , և ոչ բազմախորտիկ սեղանքն , երբէք խոչընդոտն եղեն մենակեցութեանն և առանձին աղօթականցութեանն և առ Մատուած ամփոփման մըտացն :

() այս օրինակ առանձնութիւն և ամփոփումն մտաց , սիրելիք , մայր է սրբութեան . քանզի 'ի տարապայման զբաղմանէ հոգւոյն ' թէպէտ և զբաղում իւրիք զբաղեալ իցէ , ազատ առնէ զմարդ յաշխարհի , և սուրբ և անդրբժելի պահէ զհոգին յաշխարհայնոց :

Առանձնութիւն և ամփոփումն է մտաց , 'ի մեզ յինքեանս կալ ամփոփ ' փակ զգրուես պահելով զգայարանացն և զգուշանալով մտից և ելից նոցա ընդդէմ մտախաբ երեւութից , ընդդէմ հրապուրից աշխարհի :


Առանձնութիւն և ամփոփումն է մտաց , գէթ միանգամ յաւուրն յանձն առնել զմեզ Մատուծոյ ' յիշելով զմահն , զմտաւ ածելով զպատուիրանսն , սրբելով մաքրելով ըստ ժամանակին զփոշոտեալ խիղճ ' մտացն :

Առանձնութիւն և ամփոփումն է մտաց , երբէք երբէք մերձենալ , նա յաճախել ըստ կարի 'ի խորհուրդս սրբութեան , լուանալ յաւազանին ապաշխարութեան ,

և կենարար մարմնոյ տեառն : Իսուսի հաղորդել սրբութեամբ :

Րանձնութիւն և ամբողջութիւն է մտաց՝ ջան դնել, եթէ մարթիցէ, յամին մի անգամ աւուրս ինչ բոլոր նուիրել Րտուծոյ, հաստահիմն պնդել ՚ի ճմարտութիւնս քրիստոնէական դաւանութեանս, ճանաչել զպարտս վիճակի իւրաքանչիւր, ՚ի բաց կալ յանցելոցն թերութեանց, և յառաջակայսն պատրաստել անձին զճանապարհն փրկութեան :

Նաւասիկ այսչափ ինչ ՚ի գործ վարեն՝ որք միանգամ սուրբք են թէպէտ և յաշխարհի են . և այսչափ ինչ պարտին գործել՝ որք միանգամ խնդրեսցեն առ պատիր մնալ ՚ի հրապուրից աշխարհի, և աստէն սրբբացեալք իւրաքանչիւր վիճակս աշխարհի, և անդ սրբոցն վիճակակից լինել ՚ի յաւիտեան :



ՔԱՐՈՐ ԺԷ

Ս Է Ր Ճ Ո Խ Ո Ի Թ Ե Ա Ն

“ Մի գանձէք ձեզ գանձս յերկրի ” :

Օ խորդ դժուարալուր կենցաղասէր մարդկանն իցէ պատգամս . սակայն և զդառնութիւն գանձուն կուտելոյ լուեալ 'ի ճաշակողաց անտի՝ որպէս պատահէ բազում անգամ, քանի հեշտալուր պարտ էր լինել տէրունեան պատգամին . այլ աւանդ, զի խօթամիտք են ընչասէրք :

Վանգի քարոզել այսօր առ մարդիկ եթէ մի ցանկայք մեծանալ, մի գանձէք գանձս, մի ինչ աւելի քան զկարևորն ունել հանդերձ և կերակուր՝ և այնուշատանալ ըստ առաքելոյն, այս քարոզութիւն այսօր՝ որպէս և միշտն՝ նոյն համարեալ է առ մարդիկ, որպէս եթէ ասէր ոք առ նոսա, եթէ մի ցանկանայցէք այլ ևս կեալ 'ի կենցաղումս, մի կենակից լինել ընդ բնութենակից մարդկանդ, մի հոգալ ինչ զպիտոյից կենաց, կամ թէ բնաւ իսկ ելանել յաշխարհէ :

Վարձեալ այս քարոզութիւն համարեալ է առ մարդիկ, իբրու եթէ ոք խնդրեսցէ խափանել զամենայն կենցաղաշահ ճարտարութիւն մարդկան, և հետախաղաղ ծածկել զհանձար նոցա 'ի կենցաղօգուտ դիւտս և յարուեստս, և զհնարագէտ քաղաքացիս իբրու անպիտանս յարդարել քաղաքին և ընկերութեան : Ի՞նչ մենայն ոք ձգնի յաշխարհի բախտ մի գեղեցիկ գտանել

հաստել անձին իւրում: Բայ ճիգն է որ համբերա-
տարս և ժիրս և արթունս և երկասերս դործէ զքա-
ղաքացիս յիւրաքանչիւր կարգի. այս է որ զմիտս սը-
րէ, և որ զարուեստս և զգիտութիւնս հնարէ և յե-
րևան ածէ. որ զքաղաքս և զգաւառս 'ի վեր և 'ի վայր
ցանգ 'ի շարժման պահէ. յորս ընդ այլ և այլ ճանա-
պարհս առ հասարակ ամենեքին 'ի մի և 'ի նոյն կէտ
վախճանի յառեալ ունին զակն. այս է զի յաւուր
միում բարեկեցիկս և ճոխս և անբիրտն վարեցեն
կեանս: Իսկ առանց ոսկւոյ և արծաթոյ՝ զխորդ յաջո-
ղեսցին այդոքիկ:

Բայ Բքիստոս ոչ եթէ զարծաթն և զոսկին ար-
գել, այլ զմթերս նոցա, զի մի զսիրտն գրաւեսցեն
նոքա. « Եթէ գանձէք, ասէ, մի կուտէք, մի մթերէք
ձեզ գանձս յերկրի. զի ուր գանձն ձեր է, անդ և
սիրտք ձեր եղիցին »: Եթէ և արծաթ ունիջիք 'ի
պէտս, սակայն արհամարհեցէք զգանձս նորա:

Եւ արդ դուք անշուշտ, ունինդիւրք, գտանիցէք յի
մաստասերն խստամբերս յարհամարհել և յանգոս-
նել զմեծութիւնս գանձուց. այլ անգոսնելդ այդ բա-
զում անգամ կիրք են վրէժխնդրութեան և գոռողու-
թեանց նոցա: Զմարթին երևելի լինել յաշխարհի
մեծութեամբք և հարստութեամբ, դառնան լինին
այնուհետև ներհակակիր ոխերիմք ընչաւետութեան.
և արհամարհութեամբ գանձուն՝ զոր յուսահատք են
'ի գանձել՝ խնդրեն ականաւոր լինել յաշխարհի: Բայ
աղէ տուր դոցա միանգամ 'ի ձեռս միջնորդս իմն և սա-
տարս 'ի հարստութիւն՝ լինել մեծատուն, և տեսցես
դու զի անդէն 'ի բաց յապուրակի զաղաքողոնն արկեալ
զԱտոյիկեանցն խստամբերից և զմախաղն, առաջինք
լինիցին նոքա զանձամբք արկանել զպայծառ պատմու-
ճանն զհետակեաց զԱպիկուրեայցն:

Զէ այս աւետարանականն իմաստասիրութիւն ար-
համարհելոյ զգանձս աշխարհի: Բայ սակայն միտ դիք
սիրելիք, սէր հարստութեան եթէ կայցէ մնասցէ 'ի
սահմանի պարկեշտութեան և 'ի պայմանի սրբոյ աւե-
տարանին, չէ ինչ չար: Բռանց ինչ յանցաւորութեան
մարթ է ցանկալ ունել՝ որչափ ինչ բաւական իցէ 'ի
վայելուչ կեանս և 'ի պէտս վիճակի իւրաքանչիւր: Աւ-

տի և մարթ է չափաւորութեամբ ցանկալ ընչից, որ ըստ համաշխարհական կարգի կենաց կենցաղոյս դուռն են և փականք մարդկային ընկերակցութեանց, և միջնորդք և սատարք կարեւոր մերոց պիտոյից :

Ողջոյն առաքինութիւն և անմեղութիւն հաստատեալ է 'ի չափն արդար և 'ի սահման ճշգրիտ ցանկութեանս այսորիկ : Վանգի զոր օրինակ յղփութիւն կերակրոյ ծանրացուցանէ զստամեքսն և փնասէ քաջողջութեան մարմնոյն, նոյնպէս և յղփութիւն ընչից հասարակ կարգաւ խանգարէ զկեանս հոգւոյն, և բնաւ խսկեղծանէ զտնտեսութիւն քրիստոնէական վարուց :

Երդ 'ի կրից աստի որ զօրացեալ է 'ի քրիստոնէայս, յորդորիմ այսօր սիրելիք խօսել յաղագս ցանկութեան ընչից : Եւ զիմորդ արդեօք, յորժամ բազմագոյնք նաև անբաւականք ևս են և անձեռնհասք 'ի վայելուչ կեանս վիճակին իւրեանց : Սակայն և խօսեցայց • քանզի և մարթ է լինել աղքատ, և միանգամայն կեանս վարել անձնամատն զակատեալ 'ի տարապայման և յախտաւոր սէր ճոխութեան : Սարթ է դարձեալ և ընչեղ լինել և մեծատուն, և միանգամայն աղքատ 'ի սպտճառս ախտաւոր և չարաչար կիրառութեան հարբստութեանն :

Ս ասն որոյ և արժան համարիմ զբոլորութիւն կարեւոր առաջարկութեանս 'ի կրկին տրոհել քարոզս : Յառաջումն՝ յաղագս ընչասիրութեան, և յերկրորդումն՝ յաղագս վայելուչ կիրառութեան ճոխութեանց ատենաբանել :

Երդ ասեմ վասն առաջնոյն, եթէ սէր տարապայման ճոխութեան 'ի ծուփս և յանձկութիւնս անհնարինս արկանէ զմարդ : Երկրորդ անգամնաև 'ի վտանգս մեծամեծս և 'ի կորուստ մատնէ զմարդ :

Ս այր մի ժուժկալել աղաչեմ, և խելամուտ լինիջիք ճշմարտութեանն :

ՄԱՍՆ Ա.

Երրակի աղգք բարեաց 'ի հանապազօրեայ յուզման ծփեալ տատանէն զբնաւորական մեր զանձնասիրութիւն : Եւայն՝ բարիք որ և ցանկ զգալիքն են յինքեանս, և են այսօրիկ բերկրութիւնք փափկութեանց : Երկրորդ անգամ՝ բարիք որ ցանկալիք են, այլ չեն զգալիք յինքեանս . և են այսօրիկ համբաւ և վարկ աշխարհի : Երրորդ անգամ՝ բարիք որ և ոչ ցանկալիք և ոչ զգալիք են յինքեանս, և են այսօրիկ մեծութիւնք և ինչք : Եւասիկ քեզ բաժանումն բարոյ 'ի բերկրականն, 'ի համեստն և յօգտակարն . սէր բերկրութեան բանաւորական է : Եւ համբաւոյն և վարկին՝ օրինաւոր է . սէր մեծութեանց և ընչից՝ չէ ըստ ինքեան չար : Եւ առ հասարակ այս ամենայն յօժարութիւնք յայնժամ միայն են և անուանին ախտաւորք, յորժամ չեն ուղղեալք և առաջնորդեալք 'ի լուսոյ բանին :

Եւ ձնասիրութիւն որ անկարգութեամբ սիրէ զբերկրութիւն, անժուժկալութիւն կոչի և հեշտախտութիւն : Եւ ձնասիրութիւն՝ որ մոլեգինս հետամուտ տարիայ համբաւոյն և վարկին, զանուն կրէ զամբարհաւաճութեան և զփառամոլութեան : Եւ ձնասիրութիւն՝ որ տարապայման ցանկայ հարստութեան, ընչաքաղցութիւն կոչի և արծաթսիրութիւն :

Եւ է վերջինս այս կիրք հզօր և սաստիկ առաւել և լայնասահման քան զայլսն : Հարստութեամբ ընչից 'ի ձեռս բերեն մարդիկ զբերկրութիւնս և զշուք պատուոյն, և ինչք միայնակ բաւականք են գողցես առ ամենայն : Եւ զինչ ևս զարմասցիս այնուհետեւ եթէ սէր ընչեղութեան՝ կիրք է համաշխարհական : Եւ մենայն որ յաշխարհի՝ ձկտի դրդել զարթուցանել զգթպատեհ զայս կիրս 'ի սրտի մերում, տաճել և աճեցուն գործել : Եւ անն որոյ և աստուածաշունչն մատեան իբրեւ արդարեւ այր զարմանալի և հրաշից արժանի համարի զմարդ, որ երես չարասցէ 'ի փայլիւն ոսկոյն, և հե-

տամուտ չիցէ ժողովելոյ ինչս բազումս , և ոչ զյոյս իւր եղեալ իցէ 'ի մեծութիւնս :

Եւ զիարդ , ասեն , ոչ 'ի խնդիր ելանել ընչեղութեան 'ի կենցաղումս . ուր աղքատութիւնն նշաւակ է հասարակաց անարգութեան , և ուր մեծութիւնք միայն են արդոյք առ մարդիկ . “ Երծաթոյ լուիցէ աւանայն ունին ” . և առանց արծաթոյ , ասեն , անպիտան է հանձար . անպիտան և զարմն , անշահ՝ արգասիք , և առաքինութիւնն ինքնին գլխովին : Եւ ատ է լինել աղքատ առ 'ի լինել յամենայնի ներքեւեալ և յամենեցուն ընդոտնեալ . նա և 'ի ստուերն անգամ ազատութեան՝ չվայելէ աղքատն :

Եւ հաւատայցեն զի ոչ և մեծութիւնք ինքնին միջառհմանք չեն բաւական վասն բազմաց 'ի մարդկանէ՝ յերեւանի փայլեցուցանել զպայծառութիւն զարմին , 'ի մնուցանել զորդիս շքով և աղնուականագոյնս , 'ի հարսնացուցանել զգստերս վայելչապէս : Եւ զի և ժամանակին քաջադիպութեան պարտ է համբերութեամբ սպասել . դարձեալ և սովորութեանցն ուշ ունել , զի մի թերեւս 'ի շուքն նկուն ինչ երեւիցիւք 'ի մերոց հաւասարիցն :

Պարտ է նախատես և դիպաց իրացն լինել , որ անհամարք են և անկարծելիք և բազմազունակ . իսկ յայտոսիկ ապա ոսկին միայն է բարեկամ հզօր , զոր մարութիւնք ունել . և ոսկին միայն է ապաստան անբոյթ յանդորրութիւն անձանց և ազգատոհմին : Եւ յսոքիկ են աւասիկ սովորական սաղրիք և խթանք , որ զարթուցանեն 'ի մեզ զանչափն զայն և զգլխատեհ սէր հարցտութեան :

Եւ մեք , բարեւ , ափշութեամբ հարեալք՝ չառնումք 'ի միտ , եթէ այնչափ տարփմամբ զհետ ընթանալով անդոյ և առերեւոյթ հանգստեան , մասն լինիմք ճմարիտ և գոյաւոր անդորրութեանս մերոյ : Եւ որ խնդրեմք ապրել 'ի կարծեցեալ կարօտութենէն , ամենայն թշուառութեանց միանգամայն նշաւակ զանձինս կացուցանեմք . և որ աղքատք չեմք , 'ի ներքոյ արկանեմք զանձինս յետսամիտ խորհրդով՝ ամենայն դրժպատեհ կրից , զոր ընդ իւր բերէ աղքատութիւնն :

Եւ ատ է 'ի խնդիր ելանել անչափութեամբ հարցս .

տուութեան արծաթոյն, առ 'ի չունել երբէք զխաղաղութիւն: Վաջ միտ դիք աղաչեմ, տարապայման այս ըզծի չիք չափ, չիք ինչ սահման երբէք: Մէյն ինչ մեք 'ի ձեռս բերեմք ինչս, և անդէն ամենայն ինչք մեր նուազին. և չիք ինչ 'ի բարեաց՝ որ բաւական լինիցի մեզ: Հանգունատիս է այս իղձ՝ ճշգրտիւ տապոյն ծաւառոյ առն ջրգողելոյ, որ յըմպելոյ անտի՝ ուստի ըզտապն պապականն խնդրէ շիջուցանել, սաստիկ ևս զայբանայ, և չար ևս տանջէ տապ ծարաւոյն զախտակրեալն:

Մէյն ինձ, սիրելիք, 'ի կշիռ համեմատութեան առէք արկէք վայր մի զերկուս ոմանս 'ի մարդկանէ: Սին 'ի նոցանէ գոհ և անդորր է ընդ այն, որ բաւական է անձին. իսկ անդուստ միւսն՝ խնդրէ բարդել և գանձել զաւելորդն: Մաջինն՝ 'ի վաստակոց ձեռինն, և իմաստութեամբ տնտեսական կառավարութեանն անցուցանէ յանդորրու զտիւն ամենայն. և ապա լի խաղաղութեամբ և քաղցրութեամբ՝ և զգիշերն հասարակէ. 'ի գոգ անմեղութեան հանգուցեալ կայ, և բերկրապաւ տար սրտիւ տեսանէ զարգաւանդութիւն անդոցն իւրոց, զօրհնութիւն քրտանցն առ յԱստուծոյ, պաշար բաւական պիտոյիցն, միանգամայն և պատճառք բարօրութեան կենացն, որպէս զի և նախանձելի ևս յարգարէ զանձն՝ յզփացելոցն անգամ և լիացելոցն 'ի մեծութե:

Իսկ ապա երկրորդն այն՝ որ հետամուտն է ցանգ հարստութեան, չունի ինչ ամենեւին հանգիստ. նա բնաւ իսկ չձանաչէ՝ զինչ իցէ անդորրութիւն. միշտ խնդրէ և ցանկայ լինել գոյաւոր և ընչեղ: Ասակայն ինչք և հարստութիւն չեն ինչ ինքնեկէ. պարտ է յառնել հետամուտ 'ի խնդիր լինել այնց զցայգ և ըզցերեկ. իսկ գտանել չիք հնար զնոսա՝ առանց բազում քրտանց և աշխատութեանց: Աս եթէ երբէք կամիցի և բնաւ իսկ յամենայն առիթս և 'ի քաջադիպութիւնսն որ պատահեն՝ օգտաշահ լինել, քանի անհնարին աշխատութեանց և քրտանց պէտք իցեն. և եթէ զմին միայն 'ի քաջադիպութեանցն 'ի ձեռաց հանցէ, քանիօն իցէ ցաւն և ապաշաւն:

Օ ամենայն ճիգն թափէ, յամենայնն ձգտի, զամենայնն փորձէ, զի առաւել հեշտակեաց լինիցի և առաւել երջանիկ յաշխարհի: Սակայն և անդուստ բիւրք

իմն խոչընդոտն և խափանարարը ընդ առաջ ելանեն :
 Եւ մինչդեռ մեք մեծապէս յաջողեալք՝ իբրև առա-
 զաստալիրք հողմուռոյցս կարծեմք նաւարկել, անդուստ
 նորա յայնժամ յանկարծ սանձ արկանեն ընթացիցն,
 եղծուն տապալեն զամենայն հնարիմացութիւնս մեր,
 և ՚ի ձեռաց կորզեն հանեն զբախտն գեղեցիկ, զոր
 ստոյգ կարծէաք ՚ի ձեռս բերել : Եւ յայնժամ քա-
 նիօն իցէ սրտաբեկութիւնն, քանի՜ սրտառուչ հա-
 ռաչքն և թառաչքն :

Համայն և այնպէս, սիրելիք, այս իղձ անխոնջ, կիրք
 սանձակոտոր, կիրք ընչահաւաք հարստութեան, իբրու
 մտրակ ՚ի կուշտ ցանգ խոցէ, ցանգ դրդէ, տագնապէ,
 դուռ ոչ գիտէ . չիք նորա դանդաղել ինչ, զամենայնիւ
 վազէ, խիզախէ, պատիր ինչ երևութից երես չառնէ,
 երբէք չհանգարտէ : Եւ աստի ապա անձկութիւնք ո-
 գետանջք, դառնութիւնք սրտի, և լլկանք անհնարինք
 օգտածարաւ ողւոյն, որ յընչաքաղցութենէն գերի վա-
 րեալ իցէ : Բիրտն ՚ի վերայ քրտան, աշխատութիւնք
 ՚ի վերայ աշխատութեանց, գործք ՚ի գործս և զբաղ-
 մունք ՚ի զբաղմունս բարդին : Օր ամենայն հաշիւ
 առնեն, կարծեն եթէ կատարած է, և զօր ամենայն
 սկիզբն է :

Եւ զի և ՚ի միում անդ նուագի բազումս և ծա-
 նունս և դժուարինս համանգամայն ՚ի ձեռս առ-
 նուն : Օայն խորհին ՚ի գիշերի, յայն պատաղին ՚ի
 տուէ : Գուցէ ինչ հանգիստ, չիք երբէք . իցէ ինչ
 քուն աչաց կամ նինջ արտեանաց, չիք երբէք : Եղ-
 ծանեն զբնութիւնն, խանգարեն զբաջողջութիւնն,
 դիմադրաւեն և զկեանս : Եւ եթէ կեան, կեանքն են
 անկենդանք : Հորովին ամբ, անցանեն ողջոյն ՚ի ծովս,
 ցանգ ՚ի յուզմունս, անդուլ ՚ի յանձկութիւնս : Եւ է
 բազում անգամ, զի և ՚ի վերջնումս աւուր վախճանի
 կենաց իւրեանց, յետ այնչափ բազմաժամանակեայ վա-
 տակելոյն առ ՚ի լինել մեծատուն, դառնացեալ սրտիւ
 մեռանին, աւաղ բախտին՝ մեռանին աղքատք :

Եւ քեզ անդորրութիւն կենաց և խաղաղաւետ
 մահ, և վարձ հատուցման որ ՚ի գանձելոյ գանձս յեր-
 կրի . ահա քեզ պողաբերութիւն կանուխն և անա-
 դանն՝ որ ՚ի տարապայման սիրոյ ճոխութեանց :

Տեսցուք վայր մի և գյաջողութիւնս զգանձուցն :
 Բ՛հա զանձեաց նա զանձս , ժողովեաց մեծութիւն ամ-
 բաւ , եղև մեծատուն : Եւսկ ապա զինչ . ոչ և պահպա-
 նութեան պէտք իցեն նոցա : Եւ ահա քեզ աղբիւր
 նոր՝ նորանոր անձկութեանց և մեծաց հոգոյ , ոչ ինչ
 նուազ քան զկրիցն ժողովելոյ . զի զոր տարփմամբ որ
 սիրէ , այնչափ և առաւել երկնչի՝ ի կորուսանելոյ . և
 է այս երկիւղ՝ փուշ և տատասկ որ անդու խոցէ և
 սաստիկ տանջէ :

Բ՛մենայն կորուստ՝ թէպէտ և թեթև և դուզնա-
 քեայ , դժոխքներ է նմա . նա ոչ հայի՝ ի բազումն՝ որ
 զանձեալ կայ , այլ ի սակաւն՝ որ բարձաւ : Ա՛րդ
 ճիւմ է յամենայնի , հոգածու չնչենոցն . ինդրէ յամե-
 նայնէն շահ , և ի գոյիցն զոր ունի , արգասաւորութիւն
 պահանջէ նաև զչգոյիցն՝ որոց ցանկայ : Աստի և ան-
 դրէն միւսանգամ ձեռնարկութիւն գործոց՝ նորք , և զբա-
 ղումն՝ նոր , և զոր ամենայն հոգք և անձկութիւնք
 նորանորք : Բ՛պառուս է , անողորելի է , չտայ տեղի , և
 ոչ ի դուզնաքէից ինչ իրաւանցն հրաժեշտ տայ . սաստ
 կապահանջք են համարքն . զոր ամենայն նախանձ , զոր
 ամենայն սրտնութիւնք , ցանգ երկմտութիւնք , ցանգ
 կասկածք : Բ՛ստի են փուրշիւք , աստի դատախազու-
 թիւնք , աստի ատեանք և բողոքք , կազք և պայքարք
 անսպառելիք : Եւ զի՝ բազում անգամ՝ ի կորուստ գոյիցն
 զոր պահանջեմք , բարդեմք և զկորուստն զորոց արդէն
 ստացեալ ունիմք . մինչև ի վերայ հասանէ մահն , յու-
 րում առեալ կուտեմք ի գոգ ժառանգացն զպտուղ
 անմտութեանցս մերոց : Բ՛աստի քեզ վիճակ կենաց
 մարդոյն , յորում թաղաւորէ կիրք և տարապայման
 սէր ճոխութեան :

Բ՛յլ սակայն և քաջի ուշիմութեան պէտք են մեզ ,
 սիրելիք , մի ըմբռնիլ ի պատրանս : Բ՛անդի պատրիմք
 հեշտեաւ , յորժամ տեսանեմք մեք նախանձաբեկ և
 կկոցեալ աչօք , զի յոլովք ի մարդկանէ ճոխանան ըն-
 չիւք և լինին մեծատունք : Սակայն և վայր մի խելա-
 մուտ լինել աղաչեմ , և ճանաչել զիտել քանոյ արժե-
 ցին նոցա այնչափ հարստութիւնք ընչից , և իմաստասի-
 բել հանձարով :

Երբա առ ի զբռամբ ածել զայն զանձս , ի սպառ հրա-

Ժեշտ ետուն յանդորրաւէտ կենաց, հրաժեշտ 'ի սպառ
'ի խաղաղութենէ սրտի . կորուսին զբաջողջութիւնն ,
կորուսին բազում անդամ զհամբաւ բարի . հրաժեշտ
ետուն 'ի պատուոյ անձանց . և զինչ ևս այլ, բազում
անգամ առ ոտն հարեալ և զխիղճ մտացն , զրժեցին
պատուիրանացն Մտուծոյ : Եւ ո՞րք ապա իմաստասեր
անձն՝ եթէ որ ըստ աշխարհի , և եթէ առաւել՝ որ
ըստ աւետարանին , յանձն առցէ ճոխանալ անկայուն
մեծութեամբն այսչափ ծանրագնի :

Սաստակեցէք , աշխատ լերուք , պատուիրեն աս-
տուածային զիրք , գործ 'ի ձեռս առէք՝ կեանս վարել
վայելուչ . այլ մի վաստակաբեկ լինիջիք առ 'ի լինել
մեծատուն . մի վաստակեսցիս , ասէ , զի մեծասցիս և
հարստացիս : Զափ դիք ցանկութեան գանձուց , սահ-
ման կարգեցէք կրիցդ . ապա թէ ոչ , խաղաղութիւնն
առաւել ցանկալին 'ի կեանս մարդկան՝ բարձցի 'ի ձենջ
'ի սպառ :

X Ս'ի աւելի և մի նուազ . զայս խնդրեաց և զայս ա-
ղօթեաց իմաստունն . մի տացես ինձ տէր , ասէ , մե-
ծութիւն բազում, զի մի հպարտացայց և մոռացայց ըզ-
քեզ . և մի աղքատութիւն , մինչև դողացայց և ատե-
լի եղէց քեզ . “ Օ մեծութիւն և զաղքատութիւն մի
տար ինձ ” : Եւալ միջատահման ընդ մեծութիւն և
ընդ աղքատութիւն , զիա՞րդ զեղեցիկ իցէ . անլտանդ
անդրժեւի 'ի փորձութեանց երկոցուն կողմանցն քա-
նիօն իցէ երջանկութիւնն . գոհանալ ընդ չափաւորն և
չխնդրել զաւելորդն , քանի իմաստասիրութիւն իցէ :

Եւ արդ դու առ այս ո՞վ քրիստոնեայ՝ զկենսաւէտ
պատգամն լուր զբազմազանձ արբային . “ Սեծութիւն ,
ասէ , թէ առուիւ գայցէ , մի յօժարեսցին սիրտք ձեր ” :
Եթէ երբէք զեղցին ևս քեզ մեծութիւնք առ Մտ-
ուծոյ , առ ընկալ դու գոհութեամբ , ժողովեա 'ի տուն
քո , մի ժողովեր 'ի սիրտ քո , զլացիր նոցա մուտս 'ի
հոգի քո . այս է չափ և սահման՝ ասպնջական անդոր-
րութեան հոգւոյն , և այս անքոյթ պահապան սրբու-
թեան խղճի մտացն : Բարբինութիւն չէ ուրեք այնչափ
յապահովի , որպէս 'ի միջատահման մեծութեան :
Օ իա՞րդ ճշգրտիւ կնքեաց աստուածայինն Յովհանն
Բերանն ոսկի . “ Եւ մեծաց հրաշից , ասէ , համարեա ,

եթէ որ հարստացի 'ի բազում գոյից , և ոչ գերեացի 'ի բազում ախտից , Իսկ և կարծիք այն հասարակաց՝ որ ասէ եթէ անզուգակից է առաքինութիւնն ընդ մեծի բախտի , մեծապէս արդարացեալ է 'ի հասարակացն փորձոյ :

Եւ եթէ պատահեսցի երբեք , զի ոչ ամենայն ընչեղք զրաւեալք նկուն լիցին 'ի փորձութեանց՝ բազմահարուստ մեծութեանն , սակայն վտանգ կործանման չէ վասն այնորիկ՝ ոչ նուազ ահագին և ոչ նուազ ստոյգ : Եւ ասն որոյ եթէ 'ի ծուփս և յանձկութիւնս անհնարինս անկաւ մարդ , որ տարապայման ցանկացաւ հարըստութեան , արդեօք անշուշտ և 'ի վտանգս մեծամեծս և 'ի կորուստ մատնեսցի այնպիսին , վայրիկ մի հանգիստ տուք ինձ սիրելիք , և տեսցիք ճշգրիտ :

ՄԸՄՆ Բ .

Վաջիկ խելամուտ աւետարանին ճշմարտութեան աստուածային հոգւովն երանելի առաքեալն , զհիմն հաստատութեան տէրունեան պատգամին եթէ “ Եթէ գանձէք գանձս յերկրի , սպարզէր դնէր առաջի հաւատացելոցն , եթէ որ 'ի սիրոյ հարստութեան զրաւեալ իցեն մարդիկ , չեն անփորձք , չեն զերծք 'ի հաղթից հրապուրողին , անմտացեալք են 'ի ցանկութիւնս , և 'ի վերջէ յանգիւտ կորուստն յուղարկին . ” Արք կամին , ասէ , մեծանալ , անկանին 'ի փորձութիւն և յորդայթն սատանայի , և 'ի բազում ցանկութիւնս անմիտս և փնասակարս , որք ընկղմեն զմարդիկ 'ի սատակումն և 'ի կորուստ : Օ , ի արմատ ամենայն չարեաց արծաթսիրութիւն է . որում ունաց ցանկացեալ վրիպեցան 'ի հաւատոցն , և զանձինս արկին ընդ բազում ցաւովք : Եւ զու ուլ մարդ Մտուծոյ , փախիր յայն ցանէ :

Եւս է առաջին փորձութիւն և առաջին վտանգն՝ յոր խարդաւանի անհանձարաբար և անկարգութեամբ ցանկացողն հարստութեան . անմտանայ 'ի հոգին 'ի տարապայման ցանկութենէն , և միտ երբեք չդնէ ըն-

տրել խմստու թեամբ, որով ճանապարհաւ, որովք միջ
նորդօք արժան իցէ ստանալ ինչ :

Եթէ երբէք մարթ իցէ յաջողիլ 'ի նոյն՝ ճանապարհ
հաւն որ ըստ պարկեշտութեանն է և արդարութեան,
և որ ըստ աւետարանին է, բարւոք է. ապա թէ ոչ՝
այլ ճանապարհք հակառակք առաքինութեան և ոգւոյ
աւետարանին՝ զեան մեծապէս գործեն և մահ : Եւսեն
միշտ անմտացեալքս այսոքիկ . « Արով և իցէ օրինա-
կաւ շահեսցուք ինչ » : Եւս առած է զակատելոցն
յախտ արծաթսիրութեան : Յանգ 'ի բերանի ունին
զառաքինութիւն, զհամբաւ բարի, զպատիւ անձին,
զլաւութիւն : Եւս պատիւ անձին և լաւութիւն և ա-
ռաքինութիւն՝ անուանք միայն են առ նոսա անդոյք :
Առաքինութիւնք նոցա և ամենայն լաւութիւնքն՝ յար-
ծաթն են . և արծաթով միայն համարին ունել, եթէ
պատիւ իցէ, եթէ լաւութիւն, եթէ համբաւ բարի :

Եթէ երբէք նոքա 'ի տունս ճոխից ընչասիրաց կամ
իշխանաւորաց ընչաբաղցից մուտս գտեալ 'ի գործ ինչ
կամեսցին մեծանալ, վայ է նոցա, զի վտանգ ակներև
կայ առաջի նոցա : Վանդի անկեղծութիւն և ճշմար-
տութիւն չեն միջնորդք, չեն ճանապարհք անքոյթ առ 'ի
բախտ մի 'ի ձեռս բերել 'ի տեղւոջ յորում շատ է ան-
կեղծաւոր լինել՝ առ 'ի կործան անկանել : Եղծաւորու-
թի, նենգութիւնք, խորամանկութի, պատրանք, խաբէու-
թիւն, խարդախութիւն, մարդեւորւոյթիւն, կապալք,
գաղանախորհուրդ զովորութիւն, են անդանօր ճըշ-
գրիտ գործիք զօրաւորք և եւք բարեյաջողք, և զխորդ
ապա ոչ սիրեսցեն նոքա զայդօսիկ, զխորդ 'ի ձեռս չառ-
ցեն զգործին զայնօսիկ զտեպհականս տեղւոյն այնո-
րիկ և զտիրացեալն 'ի նմա : Վանդի տունք են տեարց
ընչասիրաց կամ իշխանաւորաց ընչաբաղցից :

Եւ սէր հարստանալոյն խեղձութիւնքն զճշմարտու-
թիւնն, առ ոտն հարկանեն զիրաւունս, բանեն զար-
դարութիւն, տիրացուցանեն զստութիւն : Նախ ա-
նարգաբար հարկանեն առ ամենայն թերակատարու-
թիւնս, առ ամենայն տկարութիւնս առն՝ որ 'ի ձեռին
իւրում կալեալ ունի զփականս զիւրեանց բախտին .
հանձարագիւտ լինին առ նմա յիմաստս երկրաւորս և
շնչաւորս, խարդախն զբարս, պատրուակեն զհա-

ւատա, բարեմարդիկ լինին գձձութեամբ. և չղան և ոչ դադարեն երբէք յայսպիսեաց աստի, բայց եթէ յետ կուտելոյ գանձելոյ զկորստական ինչն :

Եւսա եթէ յանկարծ գտանիցեն նոքա 'ի տունն յայնոսիկ նախանձաւոր և զայլ ոք հետամուտ իբրև զինքեանս ընչահաւաք լինել և հարստանալ, տես ինձ դու յայնժամ, քանի՞ն իցեն դարանակալութիւնքն, քանի՞ քրոդայթ լարեսցին, քանի՞ չարախօսութիւնք, քանի՞ քսութիւնք, վատահամբաւութիւնք, զրպարտութիւնք, մինչև յաջողեսցին 'ի կոր կործանել զայրն զայն նախանձաւոր, զհետամուտն, զխոչընդոտն անձանց 'ի կորզել զարծաթն, որ նոցա անկ էր :

Երդարացաւ ուրեմն առաքեալն զի ասաց. “Եւսմատ ամենայն չարեաց արծաթսիրութիւնն է” : Եւսասեն նոքա. “Եւստ է շահել, որով օրինակաւ և իցէ” : Ա'ի ասելը՝ այր դու, շահել լով, այլ շահել և զմեզս 'ի միասին :

Եւսա եթէ կամեսցին ցանկասէլքդ այդոքիկ նաև յատեննս դատաստանաց բազմել և 'ի բանս իրաւանց զանձինս խաւնել, ո՞վ քանի՞ իցեն յայնժամ նաւաբեկութիւնքն, քանի՞ն ցաւքն բազումք՝ զոր ասաց առաքեալն, եթէ “Ա' ըիպեցան 'ի հաւատոցն, և ընդ բազում ցաւովք արկին զանձինս” :

Քանզի յայնժամ իրաւունք աղքատաց և որբոց և այրեաց միանգամայն առ ուն հարեալ կան, և միայն մեծատանցն, և միայն կաշառատուացն՝ թէպէտ և իրաւունք անիրաւք և օրէնք անօրէնք՝ յայնժամ զօրացեալ թագաւորեն : Եւսթեն գտանեն օրէնս իմն յուղեալ 'ի խորշս մատենից՝ ցանգ 'ի կողմն, ցանգ 'ի ջատագովութիւն ընչեղիցն և ճոխից և պարզեատուաց. և կնքեն դատակնքեն ընդդէմ այնորիկ՝ որոյ չիք ոսկի 'ի զօրավիզն դատին իւրոյ և 'ի պաշտպան իրաւանց իւրոց : Ոսկին է անդամօր հոգի վճռոյն, արծաթն՝ կենսաւորիչ ատենից. և 'ի սէր ոսկոյն՝ նաև կարի յայտյանդ իմանութիւնք իրաւանցն տապալին, և կարի ակներև անօրէնութիւնք՝ բարձրադուխ պանծանօք իբրև իրաւունք հրատարակին, և իբրև այնպիսի՝ կատարումն առնուն :

Եւսղ անմտութեանն, զի “Պարտ է, ասեն, ու

բոլ և օրինակաւ իցէ՝ շահել ինչ . : Բա՛րէ , զիա՛րդ
ա՛հա . : Եր կամինն մեծանալ , ճգըտեաց երանելին ,
անկանին 'ի փորձութիւն և յորողայթս սատանայի . :

Իսկ թէ երբէք 'ի շուկայս և 'ի տուրեւառս վաճառաց
կամիցին մեծանալ ընչասէրքդ այդոքիկ , քանի՛ յանցա-
ւորութեամբք յայնժամ գօտէպինդք ժրասցին առ 'ի
նոյն : Ետի դաւք և նենգութիւնք , անտի մենավա-
ճառութիւնք և կապալք , կշիռք մեծ և փոքր , վաշխք
և տոկոսիք , դաշնադրութիւնք անօրինաւորք , պայմանք
գժպատեհք , պահանջմունք անիրաւք , բռնաւորու-
թիւ , հարստահարութիւն , կեղեքումն : Բանի՛ դաղան-
որողայթ շահախնդրութիւնք՝ 'ի զեան աղքատացն
և անաւագացն . քանի՛օն հնարիմացութիւնք և ա-
րուեստք 'ի կանգնել շինուած զբախտի անձինն 'ի վե-
րայ աւերակաց կործանման ընկերին , և 'ի վերայ ող-
բոց և հեծութեանց հիքացելոցն անձանց :

Եւ այս ոչ յամբարշտաց միայն և յապականելոյ
մարդկանն , այլ և 'ի կարծեալ քրիստոնէիցն և 'ի փա-
րիսաձե բարեպաշտիցն : Ի կէսս անիրաւութիւնք յայտ-
նիք , և 'ի կէսս հնարիմացք և քողարկեալք , տակայն
և միշտ անիրաւութիւնք , զոր երբէք չմարթասցին ար-
դարացուցանել , թէպէտ և ազգի ազգի բաղբաղայիւք և
չքմեղութեամբք ճգնեսցին հանդարտել զմոլար և ըզ-
խեղաթիւր խիղճ՝ մտացն : Բանդի՛ և ո՛չ ահա մեք
ինքնին զփորձն առաք բազում անգամ զխորոց անդըն-
դոցն՝ յոր խարդաւանեցաք 'ի ծայրայեղ սիրոյ ճոխու-
թեանց . այլ նոյն իսկ ախտակիր սէրն՝ որ յանիրաւու-
թիւն դրդեաց զմեզ , նոյն ինքն բողոք հարեալ հանա-
պազ տանջէ զմեզ 'ի տուժել և 'ի հատուցանել :

Եւ յայնժամ խնդրեմք մեզ վարդապետս և աստուա-
ծաբանս և բարոյականս հեշտընկալս , զի նոքա կամ
առ խէթ կորուսանելոյ կամ առ յոյս շահելոյ ինչ՝ մի
խտտացին առ մեզ , այլ հեզացեալք ճնթեսցեն մերոց
յանցաւորութեանց : Եւ կամ թէ ինքնին մեք լինիմք
մեզ ինքնաձեռնադրելի աստուածաբանք պատգամա-
տուք , և լինիմք հանձարիմաստք և հնարագէտք 'ի
գտանել մեզ փաստս իմն և պատրուակս՝ անպարտ կա-
ցուցանել զմեզ յանհրաժեշտ պարտուցն :

Եւ տակայն պարտք են հատուցանել զօտարինն , ընդ

այս չիք երկբայութիւն՝ և պարտք են անխուսափելի : Եւ ըստ էն հաշուութեան հատուցողացն . զիւրդ մար-
թասցի երբէք հատուցանել այր՝ որ ի կրիցն գերեալ՝
հետամուտ է ցանգ ի հարստանալ : Վանգի տալ ան-
դրէն զօտարինն՝ զոր ունի առ իւր , կորուստ համարեալ
է առ այնպիսւոյն . և թուի նմա վերջոտնիլ՝ փոխանակ
յառաջ խաղալոյ :

Եւ հաւաստիկ ձեզ վտանգք մեծամեծք , անհնարինք ,
որ ի կրից արծաթսիրութեան . և արդեօք քանիք ոմանք
իցեն , որոց երբէք յաջողեսցի անձնապուր ի վտանգաց
աստի լինել , և մի շաղիլ յորոգայթս անելս կորստեան .
և ոչ մի ոք , սիրելիք , որոյ սիրտն գրաւեալ իցէ յաշխարհ
հակուկ կրիցն : Վանգի անսուտ է պատգամն , և լի
արհաւրօք , “ Որ կամին , ասէ , մեծանալ , անկանին ի
փորձութիւնս և յորոգայթս սատանայի , և ի բազում
ցանկութիւնս անմիտս և վնասակարս . ” և ապա կատա-
րածն զինչ . “ Որ ընկղմեն , ասէ , զմարդիկ ի սատա-
կումն և ի կորուստ . զի արմատ ամենայն չարեաց ար-
ծաթսիրութիւնն է , ” :

Իսկ որ դժնդակագոյն ևս կիրք՝ այն են , զի յաւակ-
նեալ խորհրդով արհամարհեսցէ ընչաքաղց ոգին զա-
մենայն վտանգօքն : Եւ զիմագրաւ անձնամատն իբրեւ
գազան զերծեալ ի գառազդէ ուր միանգամ յակն զու-
կին արկանէ և զարծաթ՝ զիմէ սլանայ եթէ ընդ սուր՝
եթէ ընդ հուր , եթէ ընդ ջուր , եթէ ընդ ահագին
մրրիկս , երես չառնէ և ոչ միոյ ինչ ի դժնդակացն . վա-
ճառէ զպատիւն , վաճառէ զհաւատս , վաճառէ զհոգին ,
վաճառէ զԵստուած , զի ընչեղ լիցի և յընչաւետու-
թեան իւրում փափկացի : Եւ ասն որոյ կնքեաց հոգին
սուրբ , եթէ չիք ինչ անիրաւ , քան սէր արծաթոյ .
“ Սա զհոգին իւր , ասէ , ի վաճառ հանէ , ” :

Եւ ապա որ իցէ վախճանն , զայն քեզ ճշգրիտ հա-
մառօտէ Բերանն ոսկի . “ Եւ հաւաղիկ , ասէ , անձն ըն-
չաքաղց վաստակեցար և մեծացար , հասեր ի վախճանդ .
և ահա մեռանիս ձոխացեալ ոսկով , և ծանրաբեռ-
նեալ մեղօք . ” : Օ ինչ խնդալ իցէ նոցա , զինչ
վայելք յայն ինչ՝ զոր այնչափ ծանրագնի ստացան և
կուտեցին և մեծատունք եղեն . նա մանաւանդ յոր
կոծ , յոր լալիւն հատանել արժան չիցէ ի վերայ թը-

շուառութեանցն հանդերձելոց , իբրու անհրաժեշտ սպառնալեացն՝ զոր ահագինս գրեաց առաքեալն . “ Այսուհետեւ , ասէ , մեծատունք լացէք և ողբացէք ՚ի վերայ թշուառութեանցն՝ որ գալոց են ՚ի վերայ ձեր . զի մեծութիւնդ ձեր յոչինչ է , և հանդերձք ձեր կերակուր ցեցոյ . արծաթ ձեր և ոսկի ժանգահար , և ժանգ նոցա լիցի ձեզ ՚ի վկայութիւն , և կերիցէ զմարմինս ձեր . իբրեւ զհոլր գանձեցէք աւուրցն յետնոց , ” :

Արդ զի անշուշտ են բանքն , զիմաստասիրութիւն աւետարանին , եղբարք , յանձին կալեալ , մի գանձեսցուք գանձս յերկրի նիւթ ցեցոյ և ուտձաց , նիւթ գողոց ահան հատանողաց , այլ առաքելականին միտ դիցուք գեղեցիկ խրատուն . “ Անիմք կերակուր և հանդերձ , և այնու շատասցուք , ” : Այնպէս անցաւոր մեծութիւնքս գրաւեսցեն զսիրտ մեր , զի մի կորուսցեն զհոգիս մեր : Ա՛նծասցուք առաքինութեամբք , մեծասցուք սիրովն Աստուծոյ , սիրով ընկերին . բարէ անձառելի ճոխութեանցն , որ միայն են բաւական անդորրաւետ գործել զմեզ և երանելիս ՚ի հովտի կենցաղիս , և յաւիտեան երանաւէտս ՚ի հանդերձեալն :

Աղթեսցուք , զհաց մեր հանապազորդ տուր մեզ այսօր , ո՛վ տէր , այլ մի մեծութիւն , և մի աղքատութիւն . զբաւականն և զհարկաւորն տուր մեզ , և առաւել քան զամենայն զգանձս տուր մեզ զերկնաւոր առաքինութեանցդ , զբոյին աստուածախնամ տեսչութեանդ , զբոյ զանսպառ ողորմութեանդ . որպէս զի ուր գանձն մեր է , անդ , տէր , և սիրտք մեր եղիցին :



ՔԱՐՈՉ ԺԲ.

Կ Ի Ր Ա Ռ Ո Ի Թ Ի Ի Ն Ճ Ո Խ Ո Ի Թ Ե Ա Ն

“ Դժուարս մտցե մեծատունն յարքայաթիւնն երկնից ” :

Պարտ էր և մարթ էր մեծատանն՝ որում սատարը բազումք են ՚ի բարեգործել, զիւրազոյն ևս ժառանգել յարքայութիւնն երկնից . սակայն և որչափ անսուտ է պատգամն, այնչափ և ահաւոր : Վանզի նոյն ինքն արծաթն ծառայեցուցիչ բուռն առնէ մեծատանն չարաչար վարել նուաւ . և ըստ նմանէն՝ դժուարամուտ գործէ զնա յարքայութիւնն Մտուծոյ :

Ասն որոյ և ես չգիտեմ, սիրելիք, ասել ձեզ ձըշդրիտ, ո՞րք առաւել արտասուաց արժանի իցէ . արդեօք այր մեծատունն ախտակիր, որ ՚ի հարստութեան իւրում սատարս հեշտին գտանէ ՚ի գործել զամենայն չար՝ զոր և միանգամ կամեսցի, եթէ այր աղքատ առաքինի, որ ՚ի չքաւորութենէն արգելեալ, չմարթի գործել զբարին՝ զոր և միանգամ կամեսցի : ՄԼ քան զի առաւել փնասակար է գործել չար, քան չառնել զբարին առ անկարութեանն, առաւելագունի ուրեմն արտասուաց արժանի է այր մեծատուն, որ չարաչար վարեալ հարստութեամբն՝ անիրաւի, քան զայրն աղքատ անձեռնհաս ՚ի բարեգործել առ ՚ի չգոյէ ընչիցն :

Սակայն նահատակութիւնք աղքատին՝ առաքինութիւնք մեծամեծք են և առաւել դժուարինք, իսկ որ առաւել հեշտինքն են և քաղցունք՝ քաջութիւնք են

մեծատանն : Վ՛անգի պարտ է աղքատին համբերութեամբ տանել անարգանացն և խոնարհութեան , բըրտանց և ծարաւոյն և քաղցուն ցանգ վատակել և ՚ի մոյր անկանել առ ՚ի զօրապահիկն գտանել , կեալ միշտ ՚ի կարօտութեան , և վշտըմբեր լինել . տեսանել զլիացեալսն՝ և զինքն կարօտեալ աւուրն պարենի . և ՚ի վերայ այսր ամենայնի՝ ոչ ինչ տրտնջալ , և երկիրպագանել ևս աստուածային տեսչութեանն : Լ՛յսոքիկ են առաքինութիւնք աղքատին , որովք մարթի նա մասին սրբութեան հասանել :

Ը առ է մեծատանն ՚ի սրբութիւն՝ կարեկից դուժն և ողորմածութիւն և բարերարութիւն . առաքինութիւնք ընդածինք և տնկակիցք բնութեանս , նա և հեշտարարք ՚ի կատարմանն : Լ՛յլ բա՛բէ , զի ՚ի հանապազորդեան փորձոյ և յաստուածային պատգամացն դիտեմք քաջ , եթէ մեծութիւնք չեն ինչ հեշտեալ զուգահէտք ընդ առաքինութեան . և հասարակ կարգաւ՝ շատ է լինել մեծատուն՝ առ ՚ի լինել անբաժ յառաքինութեանց աւետարանին :

Վ՛ , քանի՜ ահաւոր հնչեցաւ պատգամն . “Վ՛իւրին է մալխոյ ընդ ծակ ասղան անցանել , քան մեծատան յարքայութիւնն Լ՛ստուծոյ մտանել” : Լ՛յլ սակայն մեծութիւնն ըստ ինքեան չէ չար . այլ չարաչար կիրառութիւն արծաթոյն ժանտացուցանէ զնա . և նոյն ինքն դիւրութիւնն զեղծանելոյ նուա՝ իրաւացուցանէ զմեծ պատգամն եթէ՝ “Վ՛ժուարաւ մտցէ մեծատունն յարքայութիւն երկնից” :

Օ գեղեցիկ ուրեմն կիրառութեան արծաթոյն հարկ է ինձ այսօր , սիրելիք , կարգել զկարեւորս յոյժ քարոզ . ոյր աղաղաւ և կանոնս կրկին առաջի ձեր ընծայել : Լ՛ռաջին՝ ՚ի կիր առնուլ զարծաթն վասն մեր . երկրորդ անգամ՝ ՚ի կիր առնուլ վասն ընկերին : Վ՛ ասն մեր՝ բայց արդարութեամբ . վասն ընկերին՝ բայց սիրով : Ի՛ կրկին իմաստից աստի յաջողեացի մեծատանն փրկութիւն նորա , և մուտ յարքայութիւնն Լ՛ստուծոյ : Տացուք սկիզբն կարեւոր քարոզիս :

ՄԱՍՆ Ա .

Ստանալ մեծութիւն բազում անձնազրաւ կրիւք , և միանգամայն լինել իմաստուն 'ի գնացս՝ քաջ խիղ դրժուարաւ միաբանին ընդ միմեանս : Վրանգի ունել այն պէս գանձս բազումս՝ և ոչ խոտորեցուցանել երբէք զդատաստանս մտացն և ոչ վատթարել երբէք զշարժմունս կամացն , 'ի հրաշից կարգի է . զոր դուն ուրեք տեսանեմք պատահել յաշխարհի : Վրանիք ոմանք յաղքատաց , որք յաղքատութեան իւրեանց այնպիսի ինչ համարելին զմեծութիւնս , որպիսի ճգրտեն գիրք , և այն ինչ վայր մի հարստացեալ նոցա , իբրև զՍտուած սկսան նորա պաշտել զոսկի և զարծաթ : Աւ քանիք դարձեալ՝ որ ցանկային մեծանալ առ 'ի լնուլ միայն զպէտս անձանց և զտանն , այն ինչ մեծացան՝ այնչափ իմն կապեցան ընդ ոսկին , զի և առ երկիւղի նուազելոյ ինչ վնա կամ կորուսանելոյ , թշուառագոյն ևս քան յառաջին աղքատութեան իւրեանց՝ յանձն առին վարել կեանս : Աւ քանիք ոմանք դարձեալ 'ի միջատահման վիճակէն անցանեն 'ի հարստութիւն , որ պէս եթէ յանկարծ 'ի ցածութենէն անցանիցեն յամբարտաւանութիւն , 'ի պարկեշտութենէն՝ յանժուժկալութիւն , յանմեղութենէն՝ 'ի վերջին վատթարութիւն : Այտ է ուրեմն , եթէ հրապոյրք միայն 'ի չար անդր պակասելին նոցա յաղքատութեան իւրեանց :

Որքա առ հասարակ 'ի կիրառութեան ընչից անիրաւին առ անձինս իւրեանց : Ասկ օրինակք կրկին են անիրաւ կիրառութեանս . առաջին՝ զի երբէք 'ի կիր չառնուն , այլ յայն միայն հային՝ կուտել և 'ի պահեստի ունել զնոսա . երկրորդ անգամ՝ զի յաւելորդս 'ի կիր առնուն ընդդէմ կանոնաց բանին : Առաջինն կոչի ազահուլութիւն , երկրորդն շուայլութիւն : Աջահուլութիւնն անպիտանս յարդարէ զինչս՝ ստացողին իւրում . շուայլութիւնն զրկէ յայնցանէ զժառանգան , նաև անիրաւութեամբ վատնողին՝ սրտուհաս 'ի վերայ ածէ :

Բազումք են 'ի մարդիկ ազահք և շուայք 'ի ծածուկ և անծանօթք, 'ի ծածուկ կան նաև յանձանց իւրեանց: Օ 'ի են իսկ աստիճանք ազահութեան և շուայութեան, և ըստ չափն՝ չեւանեն միշտ. է բազում անգամ զի պատրուակ ևս առնուն իւրեանց զկերպարանս առաքինութեան, և պէտք են նրբամտութեան՝ որոշել ճանաչել գնոսա:

Այ ամենայն անկանոն սէր մեծութեանց է ազահութիւն: Ազահ է տիրապէս, որ վեր 'ի վայր եղծեալ խանգարէ զկիրառութիւն ընչիցն՝ որ սահմանեալքն են 'ի ընդ զպէտս կենաց. և առաւել սիրէ կեալ 'ի կարօտութեան՝ քան խափան անկանել աճելութեան նոցա և կամ նուազեցուցանել ինչ մի յարծաթոյն՝ որում պաշտօն հարկանէ իբրև Աստուծոյ: Վանգի և ոչ ինչ ընդհատ 'ի քարէն՝ որ թաղեալ կայ 'ի հիմունս տան իւրոյ, նա 'ի կիր առնու զարծաթն: Այ է այս ազահ անպատրուակ առակեալ և հրապարակադոյժ, և է իսկ այնպիսին և նմանիք նորա՝ արհաւիրք և զգուանք ազգի մարդկութեանս: Այ է այս ազահութիւն՝ հիւանդութիւն անհնարին սոսկալի ընդ արեգակամբ. զորմէ հիացեալ զրեաց իմաստունն. “ Ա հիւանդութիւն չար, զոր տեսի 'ի ներքոյ արեգակն. մեծութիւնք պահեալք 'ի չար տեսուն իւրոյ ”:

Վանգի առաջին պէտք և կիրառութիւն արծաթոյն է վասն անձանց մերոց՝ 'ի ընդ պարկեշտութեամբ զպիտոյս բնութեան, և չափու ուշ ունել վայելչութեան վիճակի կենացն, որ ըստ զարմին, որ ըստ հանգամանացն, որ ըստ աստիճանի իշխանութեանն: Այ է վարել և 'ի կիր առնու զինչս իրաւամբք և արդարութեամբ:

Այ կամիլ կեանս վարել թշուառ 'ի լիութեան գոյից, քաղց ունել և ժուժալ, ծարաւել և տանջիլ, զգենուլ ցնցոտին և թաքթաքուր ծածկել զանձն 'ի մարդկանէ, զի մի ինչ յանկարծ նուազեացի 'ի քսակէն, և յընկերութեան իբրու կենդանի անկենդան թարթաթել, և բերկրիլ ոչ յայլ ինչ բայց 'ի հաշուել 'ի համարել զամուլն զայն և զանպիտանացուն արծաթ, և երկնչիլ 'ի վար առնուլ զայն՝ իբրու խիթալով 'ի կորուսանել. այս է տիրապէս ազահութիւնն անիծեալ,

և այս է անիրաւութիւն անհնարին՝ զոր միանգամ մարթացի մարդ անիրաւել ընդդէմ անձին իւրոյ :

Բայ է մարտ դնել կռուել ընդ ամենխմաստ խորհուրդ երկնաւոր տեսչութեանն . որում չէ այլ նպատակ յանկաւոր մատակարարութեան ժամանակիցս , քան եթէ կիրաւութիւն նոցուն :

Բաբէ անմտութեանն որ ընդ անձին ոգորիցի . և որ անձին ռիսերիմ թշնամի է , զիմրդ այնպիսին այլում բարի լինիցի երբէք . “ Ար անձին իւրում չար է , ասէ , ում այլ լինիցի բարի ” :

Եւ որ իւրում անձինն նախանձեացի զբարին , և ո՞րդ յաշխարհի վատթարագոյն իցէ քան զնա . որպէս կնքեաց աստուածային գիրն , եթէ “ Ար անձին նախանձի , չիք ինչ չար քան զայնպիսին ” :

Թշնամի ռիսերիմ առ հասարակ մարդկութեանս հանդիսացեալ է հրէշն այն մարդկեղէն , յորմէ հետէ թըշնամի ընդդէմ կքրեցաւ անձին : Եթէ մեծատուն ես , փախիր յայնպիսոյն . քանզի անշուշտ նա զակն իւր յառեալ է 'ի մեծութիւնս քո , եթէ շորթել ինչ մարթացի երբէք : Եթէ աղքատ իցես , փախիր դարձեալ յայնպիսոյն . քանզի եթէ երբէք 'ի ձեռս անկցիս , անշուշտ հարստահարութեամբն խնդրեսցի կորզել ինչ մի և 'ի քէն : Իսկ եթէ պարկեշտացեալ վայելես դու 'ի գոյս քո , զգոյշ լեր 'ի նմանէ , գուցէ դառն դատաւոր և հալածիչ չարարուեստ ունիցիս զնա քեզ :

Չիք հնար , եթէ սիրելի ումէք լինիցի այնպիսի այր , բայց եթէ իւրոց ժառանգաց : Բայս բարուց հրէշաւոր սոսկալի , ո՞ր երբէք կարծէր դտանել երբէք 'ի ընտութեան մարդկան , եթէ արդարեւ չէին յաշխարհի ազահք : Բայ և եթէ անիրաւի մարդ յանձն իւր , յորժամ 'ի կիր չառնու զարծաթն ազահութեամբն , ոչ ինչ նուազ անիրաւեսցի և նա՝ որ ընդ վայր վատնեսցէ զարծաթն շաղկապութեամբն :

Ո՛վ , քանի՜ օտարոտի և այլանդակ կիրք իցեն , յորժամ տեսցես դու յաշխարհի զմարդիկ որ զկէսն կենաց իւրեանց ծախեսցեն 'ի հարստանալ՝ կործանմամբ այլոց , զկէսն այլ ծախեսցեն 'ի կործանել անձամբ զանձինս : Այլ կարեն ոչ սիրել զարծաթն . խնդրեն զնա , ճիգն զամենայն թափեն 'ի կուտել ժողովել զնա . բայց

այն ինչ կուտեալ՝ ոչ կարեն պահել զնա : Գողթիր ան-
շուշտ , եթէ կեան նորա յերկուց անչափութեանց ,
միանգամայն և ազահութեամբ և շայլութեամբ , Լու-
սա ինչ նորա յաղքատութեան այնչափ ճիգն թափե-
ցին 'ի մեծանալ , արդեօք զի անդրէն փութով անկցին
'ի թշուառութիւն աղքատութեանն՝ վատնելով զար-
ծաթն :

Օ ինչ է շայլութիւն , բայց չարաչար կիրառու-
թիւն արծաթոյն . և է այնչափ երկիւղալի և լի վտան-
գօք , որչափ և ծածկեալ կայ ընդ քօղով առաքինու-
թեան : Վանդի շայլէ , իբրու եթէ առատաձեռնե-
ցէ . և կարծի առատաձեռն , այլ արդեամբք անիրաւի
առ անձն , բազում անդամ և առ այլ : Բազում թիւնն
ձկտի միայն 'ի պահել . շայլութիւնն չդադարէ 'ի ցը-
րուել : Իժ է նա անձնասպան , հուր է՝ ճարակին իւրոյ
ծախիչ , յորձեռանդն պղպջակ ջրոյ , որչափ ուռնու և
լայնի՝ այնչափ փութով պայծի և կորնչի :

Բաբուրք երրակի են շայլութեանն , Խաղն , Բն-
ժութկալութիւն և Օեղխութիւն : Նուռնդ ազա-
հութեան և մայր յուսահատութեան է խաղն : Նու-
ռնդ հեշտասիրութե և մայր թշուառութեան է ան-
ժութկալութիւնն : Իսկ զեղխութիւն յառաջ գայ յու-
նայնասիրութեանէն և 'ի փախկութեանէն , և ընդ ճա-
նապարհ լայնարձակ և ծաղկասփիռ՝ ածեալ տանի 'ի
կորուստ և յօրհաս դառնութեան : Լու են այսօրիկ
երրակի չարաչար կիրառութիւնք արծաթոյն , յորս վա-
րակի շայլութիւնն . և երբեակ անիրաւութիւնք մե-
ծամեծք , զոր անիրաւի այր մեծատուն ընդդէմ անձին :

Բրդ առաջին՝ է իսկ խաղն ծով իմն անյատակ , ո-
րոյ չիք և ափն . այն ինչ մտեալ մեր 'ի նա , և անդէն
յաջաց մերոց անհետանայ նաւահանգիստն , և դուն
ուրեք յաջողեցի մեզ միւսանդամ տեսանել զնա :
Հողմն այն ուժգին՝ որ վարէ տանի , ցանդ մրրիկ է մո-
լեղին . որ խելաց ծփումն տայ և ծանօթութեան ան-
ձին քօղ ածէ , մինչև 'ի մոռացօնս դարձուցանել մեզ
ոչ զմեր զարմն միայն և զգերդատան և զմեր շուք պա-
տօնոյն , այլ և մոռացուցանել մեզ՝ եթէ իցեմք մար-
դիկ :

Եթէ 'ի խաղուն յաղթեն և չահին , անմտաբար

վատնողութեամբն անդէն 'ի շահելոցն ծախեն բազմազոյն մասամբն : Եւ եթէ յաղթին և կորուսանեն , այնուհետեւ վտանգ 'ի վերայ կայ առ հասարակ ստացուածոցն : Իսկ դաշտ պատերազմի խաղուն՝ լի է անկելութիւն , որք միանգամ յօրհաս մահուն մօտեալ իցեն , և որք արդէն դիտասպատ անկեալ կայցեն :

Եւ եթէ միւսանգամ կորուսանեն , 'ի ինդիր ելանեն այնուհետեւ նորոգ ստացուածոց , 'ի վաճառ հանել խաղուն և միւսանգամ կորուսանել : Եւ այն ժամ առջի կան վախատութեւ և սեղանաւորք ձեռն տալ նոցա և թիկունս , մինչև 'ի սպառ կործանեսցեն զնոսա :

Եւ եթէ մորոտութեանն , քանի՞օն իցէ մոլեգնութիւնն . 'ի միում միայն գիշերի կորուսանել առաւել քան զոր ստացեալն ունին : Ի միում միայն վայրկենի՝ դիմադրաւ վտանգել զբիրտն և զախատութիւն զհարիւր ամաց . մատն լինել , և միանգամայն եթէ զինչս , եթէ զանդորրութիւն , եթէ և զկեանս նենգել զկանանց , և զտղայոց անմեղաց : Եւ եթէ չիցէ այս վերջինն 'ի մեծաց անիրաւութեանց , ոչ անմտութեամբ միայն 'ի կիր առնուլ զհարստութիւնն , այլ և ամբարշտութեամբ , զինչ այլ , տեարք , պարտ իցէ կոշել զայս :

Եւ սակայն դժնդակ ևս են , սիրելիք , կիրք անժուժկալութեանն՝ յոր վարակի շուայութիւնն : Ասկաք են որ 'ի խաղս թարթափեսցին , մինչև 'ի սպառ 'ի կործանիլ . այլ անժուժկալութիւնն հասարակ է ամենայն հասակի , ամենայն սերիցն , ամենայն վիճակի : Աս է ժայռն , ահեղն այն և երևելի յոր նաւաբեկեալ կորնչին . ժայռ հաւասար ահագին՝ և մարդոյ թարթափելոյ և զբաղելոյ 'ի բազմապատիկ դործառնութիւնս , և մարդոյ անդորրացելոյ 'ի խաղաղ և 'ի բերկրական կեանս :

Եւ անկակից բնաւորեալ է 'ի մարդուն , սիրտ ունին մարդիկ առ 'ի սիրել : Եւ կրօնք և քաղաքականութիւն՝ միջնորդս իմն օրինաւորս սահմանեցին 'ի չափու և 'ի կարգի պահել զսէր զայս . և են այս՝ սուրբ և անդրժեշի կապանք ամուսնական կարգին : Եւ ոգի ապերաստան ազատութեան , և յողջոյղութիւն կամ մաց մարդոյ և հեշտախտութիւն , որոյ չիք ոչ չափ և ոչ սահման , կամ յանձն չառնու հպատակել կապանացս սրբութեան , կամ թէ արհամարհէ ևս՝ զի օտարս իմն

այլ միջնորդս փոխանակ սահմանեցէ : Ուստի և միանգամ գրաւեալ մարդ և գերեալ 'ի հեշտականէն , որչափ և ազա՛հ իցէ՝ դառնայ և լինի շուայլ : Եւ բա՛բէ , չիք այնուհետեւ գանձ յաշխարհի ոչ ոսկւոյ , ոչ արծաթոյ , որ բաւական երբէք լինիցին : Պէտք են ծախուց 'ի հրապուրել և 'ի վարմել . պէտք են ծախուց պահել 'ի վարմին , պէտք են ծախուց և 'ի հրապուրանաց հաղթանանփախուստ շաղել :

Սաճառք և տուրեառք ցանկորդին յայնժամ արգելեալ սիրոյն . 'ի դուրս գան հայրենի ժառանգութիւնք 'ի մթերից պահեստից իւրեանց . հիքանան տունք և զարմք , աղքատացեալք տնանկանան գերդաստանք , սնանկանան վաճառականք , փակին վաճառատունք և կրպակք : Իսկ անդուստ , ո՛վ չարեացս , ինքնին կորուստն բազմահաւաք արծաթոյն՝ որ զմեղսն սնուցանէ , չդադարէ երբէք , և զսիրտ կորուսողին անդրէն ձկտեցուցանէ տարփմամբ 'ի խնդիր նորոգ ոսկւոյն 'ի տածել զնա :

Ի ի է աշխարհ այսօրինակ շուայլութեամբ արծաթոյն . և չիք որ թերեւս որ 'ի մեղս համարեցի զվատնել արծաթոյն 'ի չարն , զոր ընկալաւ յԱստուծոյ 'ի գործել զբարին : Եւ ապա 'ի վերջէ հիացմամբ ևս հարցանեն . զիարդ այնպէս կործանեցան նոքա 'ի սպառ , և ո՛ր երթեալ կուտեցան այնչափ հարստութիւնքն : Ո՛ր այլ , բայց 'ի գող անդր ծածուկ ապականութեան վարուցն և անբանական կրիցն , որում զոհեցին սիրով զամենայն , և ոյր աղաղաւ յոչ ինչ խնայեցին նոքա : Եւ հաւասիկ վիրապն յորում երթեալ կուտեցան մթերքն՝ ամբարիշտ կիրառութեամբ արծաթոյն :

Իսկ որ 'ի զեղխութենէն շուայլութիւնն է , է երրորդ անիրաւութիւնն զոր անիրաւի այր հարուստ : Հարստացաւ երբէք : Պարտ է ուրեմն , ասէ , վայելել : Եւ անդէն դատեսնդի միանգամայն յամենայն իսկ վայելք տարապայմանս . խնդրէ լրումն տալ ամենայն ցանկութեանցն՝ որ ծնունդք են անչափական սիրոյն առանձն , առ անձնդիւրութիւնն , առ փափկասուն և բերկրական կեանսն : Օարդք տան նորա , կահք կարասիք հրաշակերտք , հետաքնինք . հանդերձանք և կազմութիւնք սեղանոյն՝ մեծագործք . սպլատք հա-

բուստք քան գտաճարս հոյակապս . թիւ ընտանեացն
 և սպասեկացն՝ բազմահոյլ և 'ի վեր քան զբաւակա-
 նութիւն ձեռինն , սիրտութիւնք բազմագէմք , զբո-
 սանք հանապազօրեայք , պերճութիւնք անձնացոյցք .
 'ի հանդերձս երևելիս շրջել , նախողջոյնք 'ի հրապա-
 րակս , գահազլուիք 'ի բազմականս , բարձերեցք 'ի
 խրախճանս :

Բհաւասիկ քեզ գեղեցիկ կիրառութիւն հարստու-
 թեանն . ահաւասիկ ամբարտաւանութիւն զեղխու-
 թեանն , որ առաթուր հարկանէ զաղքատութիւնն
 Վրիստոսի , և զվշտմբերութիւն նորա . և ողջոյն զա-
 ւետարանն արհամարհեալ՝ թշնամանէ զկեանս աղքա-
 տաց . ուստի և անարգեալ և անիծեալ յԲստուծոյ
 տեսանեմք զնա յաստուածային զիրսն :

Բյլ մեծապէս զարմացիս , սիրելի : Սա այս զեղխու-
 թիւն է , որ աղազաւ և քանքարտան այսօր այնչափ
 մնարդիկ , եթէ աղքատք են 'ի լիութեան իւրեանց . և
 որ աղազաւ այնչափ բազմագանձ հարստութիւնք հայ-
 րենի ժառանգութեանցն չեն նոցա բաւական : Սա այս
 զեղխութիւն է՝ որ շփոթեալ խառնակէ այսօր զվիճակ
 կենաց ընկերութեանն . և որ աղազաւ չմարթիմք մեք
 որոշել զազնուականն՝ 'ի սոսկականաց , զբարեկեցիկ
 քաղաքացիսն՝ յարուեստաւորաց , զմեծատունն՝ յաղ-
 քատաց :

Վանգի նախանձաւորութիւն նմանողութեանն և
 ամբարտաւանութիւնն առ հասարակ տիրացեալ , թուի
 իմն բազմաճարակ ախտ հիւանդութեան ժամանակիս
 մերոյ : Վանգի քան զպէտն նախապատիւ է 'ի կար-
 դի՝ ունայնասիրութիւնն . և հանդերձք երևելիք և
 գոռօք՝ համարեալ են իբրու կարեօրք 'ի պէտս կենաց :
 Աեանք մեր զլիսովին իբրեւ հարկատուք ներքեւեալք
 ընկձեալ կան 'ի պատճառս անձնացոյց կրիցն , և հար-
 կապահանջքն մեք ինքնին եմք բռնակալք անիրաւու-
 թեան հարկին :

Բքէ դու տուր միանգամ տկար անօթոյն 'ի ձեռս
 պաճուճանս , սեթեւեթս զարդուց , և հիւսս , բայց
 ծանրագինս . և նոքա այնուհետեւ լուռք և զոհք՝ շա-
 տացին նա և ընդ հացին և ընդ դուղնաբեայ ճա-
 շին 'ի պարէն : Ոչ եթէ չիմանան և դատապարտ ևս

չառնեն և նոքա զայնչափ մորոտութիւնն . այլ խմանան քաջ և դատապարտեն 'ի միտս , սակայն և չդադարին 'ի բաց կալ . ընտրեն առաւել ուտել առանձինն աղքատաբար , զի մի՞ թերեւս արտաքոյ կարծեսցին լինել աղքատք : Կամին զի բնութիւնն ինքնին ընկճեալ տեղի տացէ կարծեացն , և սովուն և քաղցուն ժուժան տանին . և ընդ հովանեաւ միայն առ երևոյթ շքոյն և սպաճառութեանն՝ զոհք են և անդորր սրտիւ :

Ըրդ աղէ ասացէք , այս իցէ արժանաւոր և գեղեցիկ կիրառութիւն բարեացն՝ զոր առաքէ մեզ Ըստուած : Ո՞չ տեսանէ , զի այդօրինակ վատնել գոյիցն գլխովին իսկ անիրաւութիւն է առ անձն , անիրաւութիւն է առ պարզեատուն Ըստուած : Ըրծաթ և ոսկի տայ Ըստուած 'ի պէտս կարեաց բնութեանս , նաև 'ի վայելչութիւն վիճակին կենաց . ոչ առ 'ի ժողովել կուտել անպէտ յարկեղ իբրու զադահս , և ոչ դարձեալ յանարժանս և յանօրինաւորս վատնել իբրու զշաղկաւ և զփափկակեացս :

Եւ արդ լուայք , սիրելիք , եթէ արդարութեամբ վարել զարծաթն 'ի պէտս անձին , այս է առաջին գեղեցիկ կիրառութիւն հարստութեանն . իսկ և վարել զայն 'ի պէտս այլոց և հաղորդական լինել ըստ օրինաց սիրոյն , այն ինքն երկրորդն՝ զոր լուիջիք 'ի մօտոյ , վայր մի հանգիստ առեալ :

ՄԱՍՆ Բ .

Եւ եալ իսկ է մեր և ձեր բազում անգամ 'ի բերանոյ սոսկականաց որերոյն զհանապազօրեայ զցանկութիւն նոցա 'ի մեծանալ : Եւ առ ինչ արդեօք . միայն զի 'ի թիկունս , ասեն , հասցուք մեք կարօտելոյն : Իցէ՞ թէ , յոգւոց հանեն նոքա ստէպ , իցէ՞ թէ մեծատուն լեալ էր մեր , և յայնժամ տեսանէր աշխարհ . եթէ քանի՞ դիւրապատրաստ հանգիստացեալ է մեր 'ի կերակրել զբաղցեալս , զգեցուցանել զմերկս , սփռիւն արդեամբք զվտրմբերսն , յոտին կացուցանել զգերդաստանս հիւրացեալս և զգայթ 'ի դայթ զկացեալսն . և ըստ բաւականի ձեռին մերոյ՝ երջանիկ յարդարել զամենայն մարդ :

Եւս ցանկութիւն է նոցա . սակայն և ցանկալի է՝ զի որք այսպէսն խորհին , ոչ երբէք մեծացին . թող այնպէս կացցեն մնացեն նոքա միշտ 'ի բարիոր ցանկութեան բարեգործութեանն , և վայելեսցեն զոնեա յարգասիս բարելաւութեան կամայն . սակայն մեծացին մի : Քանզի 'ի հանապազորդեան փորձոյ քաջ խիստ լամուտ եմք , զի այն ինչ հարստացեալ միոյ ուրուք յայնպիսեաց անտի , առաջին՝ զոր նոքա անդէն 'ի մուշակոյս դարձուցանեն , այն է . տուրք կարօտելոյ :

Օ ինչ արդեօք պատճառքն իցեն դժպատեհ կրիցն , քաջայայտ է . զի որչափ առաւել աճեն մեծութիւնք , այնչափ առաւել լայնասահման ձգին կարիք մտացածինք պիտոյից կենաց . և որ յաղքատութեան իւրում դոհացեալ շատանայր միայն օրապահիկ հացիւն , 'ի լիութեան իւրում և 'ի հարստութեանն՝ ոչ շատանայ նաև բազմախորտիկ կերակրովք . « Սկի և արծաթ , ճգրտաբանէր Սկեբերան , ոսկի և արծաթ ըստ չափուն որով աճէ , տայ աճել և ցանկութեանն . որչափ առաւել ստանայ որ , այնչափ առաւել պէտս դտանէ ստանալոյ , 'ի լիութեան իւրում մուրիկ լինի , և մեծութիւնն ինքնին զաղքատութեանն ունի զտեղի » :

Օ նոյն գեղեցիկս և մեծն Էդոսաինոս . « Վարօտին , ասէ , առաւել , որչափ ունին առաւել . չէ այդ ուրեմն մեծութիւն , քան թէ մուրողութիւն . զի որչափ առաւել լիացեալք են , այնչափ առաւել անինք են » :

Եւ արդ , աղէ ասա , յայդ վիճակ մտախաբ , յայդ խորհուրդս դժպատեհս , յայդ կիրս ծիծաղելիս , կիրք՝ միանգամայն և հարստութեան և կարօտութեան , զիարդ երբէք մարթ իցէ նոցա յուշ ածել զայլոցն կարօտութիւն :

Գիտասջիք զի և ոչ դուզնաքեայ ինչ համարեսցին այնպիսիքն , եթէ երբէք յաջողեսցին շորթել յայլոց նաև զդուզնաքեայն զոր ունին նոքա : Ոչ բազմահարուստ էր Էբայաբ , ոչ և թագաւոր . և զիարդ չմարթացաւ նա յանդորբու կեալ , մինչև ոչ շորթեաց 'ի Վարովթայ զայդին , զոր ժառանգէր աղքատն :

Եւ անշուշտ , սիրելիք , այս սուտ և կեղծ մուրողութիւն մեծատանցդ , և այս անհաղորդական այլոց լինել 'ի մեծութեանցն հակառակ քրիստոնէական սիրոյն , և

միայնակ առանձին վայելել 'ի նոսա . այս միայն անհնարին յանցանք են նոցա . և ըստ նմանէն՝ պատճառք ահազին և աններելի պատուհասին :

Յառաջ կացցէ աւետարանն սրբութեան . ահաւս սիկ ձեզ այր ոմն մեծատուն յեղակարծումն 'ի գիշերի շանթահարեալ յԱստուծոյ . և ոչ վայրկեան մի ժամանակի թողաւ նմա յերկնաւոր ողորմութենէն՝ վասն փրկաւետ ապաշխարութեան : Օ տիւն նա՛ 'ի տունջեան ճոխ և բազմահարուստ , և 'ի նմին իսկ 'ի գիշերի դիակ նացեալ յանկողնի և դատապարտեալ 'ի դժոխս . « Ինչ միտ , յայսմ գիշերի զոգիդ 'ի քէն 'ի բաց պահանջեցեն , » : Եւ զինչ արդեօք էին յանցանքն , որք աղաղաւ ահազին և յանկարծահաւ պատուհասն : Իմերևս զի մեծատուն էր . և ոչ բնաւ . քանզի է իսկ մարթ լինել մեծատուն , և չլինել յանցաւոր : Իսկ թերևս զի անիրաւութեամբք կուտեաց ժողովեաց զմեծութիւնն . և ոչ բնաւ : Օ ի չգիտեմք իսկ եթէ գողացաւ ինչ նա կամ շորթեաց , կամ զարծաթ իւր անիրաւ տոկոսեօք 'ի վարձու ետ , կամ թէ զվարձս ծառայիցն զլացաւ , և զճակնս զրկեաց յարծաթոյն : Յայսպիսեաց աստի ոչ ինչ ասաց տէրն . այլ թէ աստուածատուրք էին բարիքն , բնութիւնն առատաձեռնեաց նմա . « Ետուն նմա , ասէ , անդք տոհմականս , » : Օ այս միայն զի տեմք , զի « Խորհէր նա 'ի սրտի իւրում և ասէր . զինչ արարից , զի ոչ գոյ տեղի ուր ժողովեցից զարդիւնս իմ . գիտեմ զինչ արարից . քակեցից զշտեմաւրանս իմ և ևս մեծամեծս շինեցից , և անդր ժողովեցից զցորեանն և զամենայն բարութիւնս իմ , » : Օ ցորեանն առատ , զոր ետ Բստուած , ժողովեալ այր դու վասն անձին միայն : Բայ , ինդրէր մթերել 'ի մեծամեծ շտեմարաննս զցորեանն՝ զառաջին պարէնն հասարակաց կենաց , և զամենայն բարութիւնսն իւր վասն անձին առանձին . և ամբօրեալ ծածկել զայն յաչաց աղբատաց և կարօտելոց : Բայլ ծածկել զցորեանն 'ի կարօտելոց , այն միայն են անհնարին մեղք , քանզի նշաւակ է անիծիցն Բստուծոյ , նշաւակ է անիծից ժողովրդեանն . « Եւ ծածկէ զցորեան , պատգամ է աստուածային , որ ծածկէ զցորեան , անիծեալ լիցի 'ի ժողովուրդս , » : Գիտեմք և զայն , զի յզիացեալ լիա-

ցեալ 'ի մեծութեանն, խորհեցաւ ինքնին միայնակ առանձին վայելել 'ի բարին, քանզի ասէր ցանձն իւր .
 “ Ինձն, ունիս բազում բարութիւնս համբարեալ աւանց բազմաց . ” . ահա ժամ, ահա ժամանակ քեզ անձն իմ, ընդունելի անդորրաւէտ կենաց, 'ի կերակուր, յրմբելի, 'ի զրգանս, 'ի սիրտութիւնս զբօսանաց . զի փոյթ քեզ, եթէ այլք սովեսցին, թող այր այր վասն անձին հոգացի . ” . Եւ անձն իմ, հանգիր, կեր, արբ, և ուրախ լեր . ” . Եւ ինչ այլ ասաց աւելի, ոչ ինչ այլ գործեաց 'ի դժնդակացն . և այս միայն եղեն նորա անհնարին յանցանքն . և նորին աղաղաւ ձգեաց յանձն զատուածաստատ վրէժինդրութիւնն յահագին պատուհասին . կորուսեալ միանգամայն 'ի միում գիշերի և զհարստութիւնն և զհոգին և զԵտուած . “ Ինքն, յայտ գիշերի զողիզ 'ի քէն 'ի բաց պահանջեսցեն, իսկ զոր պատրաստեցերն, ում լինիցի . ” :

Օնոյն պատուհաս, յաւելլու տատուածային բերանն, զնոյն պատուհաս ասէ, կրեսցեն և առ հասարակ մեծատունք . որ վասն անձանց միայն կամիցին մեծանալ, 'ի մոռացոնս դարձուցեալ զընկերին կարօտութիւն . “ Եւ յայտ, ասէ, և որ դանձէ անձին, և ոչ Ետուած մեծանայցէ . ” , գանձելով և ընկերին :

Եւ զվարել զմեծութիւնն և 'ի պէտս ընկերին, պարտք են անհրաժեշտք մեծատանն . սակայն չէ շատ . հարկ է վարել և ըստ կանոնաց և օրինաց քրիստոսական սիրոյն : Բանզի մարթ է վարել զարծալմն 'ի պէտս ինչ ընկերին, և միանգամայն մեծապէս յանցանել նոյն իսկ գործովն, յորում ինդայ և կարծէ բարեգործ հանգիստնալ առ եղբայրն և առատաձեռն :

Բաջ իսկ դուք ինքնին գիտէք սիրելիք, քանի ամբարշտութիւն իցէ վարել զոսկին 'ի հրապուրել և տալ այլոց գործել զչար : Եւ զոսկին ընդ ոտն արկանել առաջի առաքինեացն, ժուժկալացն, և պարկեշտիցն . ընդոտնել ոսկւով զարդարութիւն, ապականել ոսկւով զմիտս ատենակալայն, զգատաւորայն, զփատաբանիցն . 'ի զօրավիզն ոսկւոյն ցոյժ և թիկունս տալ կուսակցութեան չարաց յանիրաւութիւնս . առաթուր ընդ ոսկւովն կոխել և 'ի գերես հանել զիրաւունս աղքատին և զգատաստան որբոյն : Եւ այս վարել զարծալմն 'ի

պէտաւ և 'ի կեանս ընկերին , այլ 'ի մահ : Օրնչ ևս ամբարշտագոյն կայցէ քան զայն՝ մեղանչել 'ի տուրնս Մտուծոյ , մեղանչել 'ի սարգեւատուն , մեղանչել յանձն , և տալ մեղանչել և այլոց :

Վարձեալ չարաչար վարել է արծաթով , սիրելով զայն 'ի գող մարդոյն , որ անարժան է այնմ . առանց չափոյ , առանց ընտրութեան , և ընդ բեռամբ ծանրիլ պարտուց , զոր և չմարթասցի երբէք հատուցանել , և առնուլ 'ի միոյն զարծաթն , զի տացէ միւսուսն :

Չարաչար վարել է արծաթով յորժամ նուաւ տածիցէ զկիրս զպարապորդ մարդկանն , զմարդեւուղացն , զհացկատակացն . և թիկունս տալ և յոտին պահել զխուսք անառակ որերոյն , զի իբրեւ բարեգործ համբաւեսցի առ մարդիկ և առատաձեռն : Աւապա զայս օրինակ վարել զարծաթն վասն այլոց , ոչ անարգութիւն միայն է մեծատանն , այլ միանգամայն և կորուստ և կործանումն՝ և անձին և այլոց :

Վամիցիք , ո՞ մեծատունք , կամիցիք գեղեցիկս վարել մեծութեամբքդ , և զանձել անձանց զանձ զարդարութեան և զսրբութեան . պատսպարան լերուք տկարաց , տուք զարծաթն , սիրեցէք զոսկին , ուր յարգեսցին դոքա 'ի ձեր փառս , յօգուտ քաղաքին , 'ի շինութիւն հասարակաց : Օրացուցէք զձեռս ճարտարագիւտ մարդկանն , որ հիքացեալքն են և անձեռն հասք առ կարօտութեանն՝ 'ի մշակել զհնարադիտութիւնս և զարուեստս իւրեանց կենցաղօգուստ աշխարհի : Սամբեցէք , տուք զարծաթն 'ի ճարակ , տածեցէք զհանձար և զիմաստութիւն զգիտնականացն , որ առ աղքատութեանն չմարթին յերևան գալ աշխարհի վարժիւքն իւրեանց և մատենիւքն . լերուք Սեկենասք հոյակապք :

Վամիցիք գեղեցիկս վարել մեծութեամբքդ , սրբեցէք զարտասուս յաչաց բազմահոյլ աղքատաց , որ առ 'ի հարկէն միայն ստիպեալք՝ 'ի վտանգի կան դրժել իւրեանց խղճին և անձանց փրկութեան : Սրբեցէք զարտասուս զբազմաց որբոց , որ անպատսպարք չունին զոր ասպաւէն : Տուք զարծաթն 'ի զօրալիզն հիւանդաց , որ անբաժքն են յամենայն օգնականութենէ : Վուժ արկէք , կանգնեցէք զգերդաստանս , որ տուայ

տեալք հաշին 'ի կարօտութեան : Ի խնդիր ելէք վըտամբերիցն , որք 'ի բանստ , որք յանկելանոցս , որք յանկիւնս փողոցաց , որք 'ի տունս տունս սգոյ և կոծոյ , ուր արգելեալք փակեալք կան նոքա անտեսք , աներևոյթք առ ամօթոյն : Սիրտք ձեր աղէկէզ , կարեկից ընդարձակեսցին , և ձեռք ձեր պարզեսցին 'ի խնդացուցանել զնա . “ Ոչ լինիցի ձեզ պատճառ չարի մեծութիւնդ , քաջալերէ զձեզ Շնորհալին սուրբ , եթէ կամիցիք արդարութեամբ վարել զդա , այլ մանաւանդ բարւոյ առիթ լինի ըստ իմաստնոյն՝ զի ասէ , եթէ “ Փրկանք առն մեծութիւն իւր , ” :

Եւստ և 'ի մամոնայէ անիրաւութեան , արարէք ձեզ բարեկամս . արարէք ձեզ յանձինս աղքատաց՝ փաստաբանս առ Ղստուծոյ և պաշտպանս և ջատագովս . և մեծութիւնքդ ձեր եղիցին ձեզ շահաբերք իբրև անդք տոհմականօք հարիւրապատիկ : “ Բար Ղստուած , զիմորդ քաջիկ հրահանգէ Բերանն ոսկի , արար Ղստուած զմեծատունս , զի սփոփեսցին աղքատք . արար Ղստուած և աղքատս , զի փրկութեան հասանիցեն մեծատունք՝ բարիօք վարելով մեծութեամբքն , ” :

Բլ բաբէ , քանիք ոմանք 'ի մեծատանցն զնոյն օրինակ վարեսցին : Առազունք , նուազունք յոյժ , սիրելիք . և նորին աղաղաւ լինել մեծատուն , աւաղ կրիցն , լինել մեծատուն և միանգամայն լինել անարդեալ Ղստուծոյ , գողցես նոյն իմաստ է յաւետարանին Քրիստոսի : Եւ զիմորդ ապա մարթիցէ ձեզ , ո՛ր մեծատունք , սանձել զարտասուս . և ոչ մանաւանդ ողբալ 'ի լիութեան ձերում , և հայել 'ի հարստութիւն զանձուդ՝ իբրու 'ի քար փորձաքար զոր ետ ձեզ Ղստուած :

Վանգի եկեսցէ անշուշտ համար խնդրել զարծաթոյն , և վայ է ձեզ եթէ չվարեցայք նովաւ ըստ պատուիրանի աւետարանին , եթէ “ Տուք ողորմութիւն , և ահա ամենայն ինչ սուրբ է ձեր , ” : Մեծութիւնքդ ձեր ինքնին վկայք և բողոքարկուք կացցեն ձերոյ խրատասրտութեան առ աղքատս , և առիթ սկզբնառիթ դատապարտութեան ձերոյ :

Բաբէ , դժոխք լի են մեծատամբք , և զիմորդ քրիստոնեայք ցանկան հանապազ լինել մեծատունք : Վա-

նիժն իցէ անմիաբանութիւնն ընդ հաւատալ մեր և ընդ գործել :

Իայց աղէ մեծատունք , մարթ է ձեզ միաբանել զհաւատն ընդ գործոյն , զփրկութիւն ձեր ընդ արծաթոյն , և մի դժուարամուտ լինել յարքայութիւնն : Ձեզ աւադիկ դարձեալ քաջալեր սուրբն , Շնորհալին հայրապետ . “ Օ , ի թէպէտ և , ասէ , Վրիստոս դժուարաւ ասաց մեծատանց յարքայութիւն երկնից մտանել , ըստ օրինակի ուղտոյ ընդ ծակ ասղան , այլ եթէ զմեծութիւն ձեր ըստ կամայն Բստուծոյ ’ի գործարկանէք , դժուարինն ձեզ դիւրին լինիցի ” : Եթէ բաժանորդք քսակին արասջիք ձեզ զաղքատս , եթէ ուղւոյն ձեր հորդողս յարքայութիւն առջիք ձեզ զաղքատս . քանզի նոյն աստուածային բերանն որ դժուարաւ մուտ զմեծատունն ասաց յարքայութիւն , նոյն վճռեաց և առ աղքատասէր մեծատունն , եթէ “ Բյսօր եղև փրկութիւն տանս այսմիկ ” :

Երդ տարայք սիրով , և զմիմեանց բեռն բարձէք ըստ առաքելոյն : Բեռն աղքատին՝ է նորայն կարօտութիւն . բեռն մեծատանցդ՝ է ձերդ յղփութիւն . չունի աղքատն զբաւականն ’ի կեալ , ունիք մեծատունքդ առաւել քան զբաւականն ’ի կեալ . “ Բեռն աղքատութեան , որպէս ասէր աստուածայինն Բզոստինոս , ոչ ունեն . բեռն հարստութեան՝ առաւել քան զպիտոյն ունեն ” : Վիտիեալ զաղքատն ’ի կարիս փոքրոգի աւրարէք զբեռն նորա , փոքրոգի համանգամայն յարդարեսջիք և զձերն : Բարձէք զբեռն կարօտութեան որ տանջէ զաղքատն . բարձցէ աղքատն զբեռն լիութեան՝ որ ընկձէ զձեզ :

Չիք ձեր այլ ճանապարհ հաւատարութեան , և չիք ձեր այլ ճանապարհ փրկութե : Բատապարտեալ կան մեծատունք բազմազոյնք թուով . առ իմէ . ոչ զի մեծատունք էին , այլ զի չարաչար վարեցան մեծութիւնքն :

Վարել զարծաթն վասն անձին արդարութեամբ , վարել զնոյն վասն այլոց՝ ըստ օրինաց սիրոյ աւետարանին , որպէս ցարդ լուայք , ահաւասիկ ձեզ սիրելիք միակ միջնորդ՝ միանգամայն ’ի լինել մեծատուն և ’ի լինել սուրբ :

ԲԱՐՈՋ ԺԹ.

ՈՒՆԱՅՆՈՒԹԻՒՆ ԱՌՕՐԷՒՅՍ ԲԱՐԵԱՅ

“ Ունայնորին ունայնորեանց , ամենայն ինչ ընդունայն է , , :

Թէպէտ և աներկբայաբար 'ի բերանս ամենեցուն իցէ առածն մեծի իմաստնոյն , եթէ “ Մենայն ինչ ընդունայն է , , 'ի վերայ այսր՝ և ճշգրիտ ևս լուսաբանել պարտ է զիմաստ առածին :

Օ ի եթէ ամենայն որ ինչ յաշխարհի են բարիք՝ ընդունայն են և ունայնութիւն ունայնութեանց , ուր ապա կացցէ ընկալեալն այն յընդհանուրս՝ բաժանումն բարեաց՝ 'ի բարիս բնութեան և 'ի բարիս բախտին : Եթէ ընդունայն են , զի ևս կոչեսցին բարիք . և եթէ կոչին , իբր չիցեն այնպիսիք :

Վարձեալ՝ զի է զի յընդհանուրս արգոյք են և սքանչելի , շուք և վարկ , հանձար , բարեվայելչութիւն գիտակի , փառք , մթերք ոսկւոյ , զարմի պայծառութիւն , բարձի աւագութիւն , տոհմի հնութիւն : Եւ պա ուրեմն՝ կամ առ հասարակ մարդիկ բանդագուշեն 'ի յարգ բարեացն , կամ ինքնին բարիքս չեն նշաւակ ձայնիս , “ Ունայնութիւն ունայնութեանց , , :

Վարձեալ՝ որք միանգամ բարգաւաճք գտան յերկրաւոր բարիս յաստուածաձիր սարգեւացն , ըստ նմանէն պարտապանք են նոքա շնորհակալուք լինել առ պարգեւատուն Մատուած : Ուր թողցուք , զի և յորժամ ինքնին Մատուած 'ի տալ զօրէնս ժողովրդեան իւրում , խոստանայ և զգեղումն բարեացս օրինապահացն ,

և զիմորդ հնար իցէ Մատուծոյ փոխարինել մարդոյ օրի նապահի զունայնութիւնս . և կամ մարդոյ պարզեալ ուրի շնորհս ունել Մատուծոյ վասն ունայնութեան և վասն հողմոյ : Օրինչ իցէ ապա առածն , « Մենայն ինչ ընդունայն է » :

Բարէ , քանի զփոխալուր իցէ առածս աշխարհա սիրաց և անհանդուրժելի : Բաջ իսկ և ես ինքնին սպասեալ մնայի , եթէ վաղ ընդ փոյթ զինուորեսցին նոքա ընդդէմ ճմարտութեանս : Ճմարտութիւն՝ որ զամենայն քաղցրութեան ճաշակ կենցաղականացս միանգամայն դառնացուցանէ առածին . և հարկեցուցանէ ևս պատգաման՝ եթէ պարտ է մեզ ճանաչել և դաւանել եթէ « Ունայնութիւն ունայնութեանց , ամենայն ինչ ընդունայն է » : Եւ եթէ հարկ է մեզ յանդիման լուսոյ ճմարտութեանս փոխել ՚ի պատրանաց մտաց մերոց՝ [Եկէտ և դժկամակս , և ՚ի բաց զսիրտ մեր քեցեւ ՚ի բերկրականացն՝] [Եկէտ և դառնութեամբ սրտի . . . :

Սակայն մի տագնապիք քրիստոնեայք , չեմք մեք լաւ քան զնախածնողս մեր . յուշ միանգամ ածէք՝ զի որդիք գոլով նոցա առ հասարակ մեք , զինչ մեծ իցէ և պարտիւս մեր իբրեւ զՄիստ , և պատրիւս մեր իբրեւ զԵւայ՝ յերկրաւորաց աստի : Եւ ոչ իմաստութիւն մեծ իցէ ճանաչել զպարտութիւնս մեր , ճանաչել զպատրանս մեր և զիրկս ճմարտութեանն արկանել :

Ոչ ահա ինքնին և Սողոմոն , որպէս ասաց ոմն յաստուածամերձիցն իմաստնոց , չեկաց երբեք այնչափ իմաստուն , չեկաց երբեք այնչափ երջանիկ , որչափ յորժամ կնքեաց մեզ զառածն մեծ , եթէ ամենայն ինչ ընդունայն է . « Սուրանօր , ասէ , կարծէք եթէ եին միտք Սողոմոնի՝ յորժամ զայս կնքեաց : Սարդ էր՝ որ վայելեաց յամենայնն , և սիրեաց զամենայնս . սակայն ՚ի վեր էր քան զմարդ՝ յորժամ զգերմարդկայինն բարբառեցաւ ճմարտութիւն , եթէ ընդունայն է ամենայն » :

Ս ասն որոյ և իմ այսօր , սիրելիք , հանդերձեալ տալ ձեզ իբրեւ ձեռօք շօշափել զմեծ ճմարտութիւնն , նախ՝ ձեզ ճշգրտիւ զայն եզից առաջի , եթէ բնաւ իսկ ընդունայն են առօրեայ բարիքս . զի ոչ յաղեցու-

ցանեն : Երկրորդ անգամ, եթէ ընդունայն են և սիրողք նոցա . զի ոչ յազին : Ընդունայն են բարիքն . քանզի սին և թափուր են 'ի ճշմարիտ բարւոյն : Ընդունայն են սիրողք նոցա . քանզի զիրկք են 'ի լիութենէ սրտի . և երբեք 'ի վայելմն՝ չասեն շատ : Աման որոյ և Իմաստնոյն հայրն կանուխ կնքեաց , եթէ
 “ Ընդունայն է ամենայն մարդ մենզի ” :

Եւ ապա այսմ քաջիկ խելամուտ եղեալ սիրելիք , հարկ իցէ մեզ այնուհետեւ իմաստութեամբ 'ի խնդիր ելանել առ 'ի գտանել միայն յԱստուած զճշմարիտ բարին , և նուաւ միայն երջանկանալ . քանզի չիք լիութիւն սրտի , մինչ չեւ ստացեալ զամենաբարին :

ՄԱՍՆ Ա .

Պատգամ առածիս , թէպէտ և զամենայն առօրեայ բարիսն ընդունայն կարգաց , այլ ոչ եթէ և չարս . ըստ որում անստացեալ ոմանք 'ի հերետիկոստաց մոլորեցան ասել : Օ անստութիւն նոցա 'ի դիմի հարեալ վանեցին հարք . և զոր իմաստութեամբ կնքեցին այս է , եթէ ընդունայն են ժամանակեայ բարիքս՝ ոչ ըստ ինքեանց , այլ առ համեմատութեամբ երկնաւոր և անանց բարեացն . դարձեալ՝ ընդունայն են և առ անստութեամբ մարդկանն , որ անփոյթ զերկնիւքն արարեալ , իբրեւ երկրաբարչս աստէն միայն խնդրեն մեծանալ : Օ որ օրինակ անարդազոյն յոյժ յայնժամ է ապակի , յորժամ մերձ պատուական ականցն դնիցես զնա . և անստազոյն յոյժ յայնժամ է մարդ , յորժամ ընդ պատուական ականցն դնոց դնեսցէ զապակին :

Եւ ժամանակեայ բարիքս ինքնին միայնակ ոչ բարի են տիրապէս և ոչ չար . քանզի վասն մարդկան՝ չեն և չկարեն ևս լինել վախճան վերջին , այլ միջնորդք են միայն 'ի վախճանն . “ Ըմենայն ինչ վասն մարդոյ , ասէ ճշմարտութիւնն , այլ մարդ վասն Աստուծոյ ” :

() րինակ իմն՝ ոչ վասն արծաթոյ հաստեալ է մարդ , այլ արծաթ վասն մարդոյ , որոյ վերջին վախճանն է միայն Աստուած , ուստի և բանաւոր արարածոյն այն .

չափ ինչ օգտէ կամ փնասէ ունել զարծաթ , որչափ առաւել 'ի պատճառս արծաթոյն մերձի կամ հեռանայ մարդ 'ի վերջին վախճանէն :

Օ ինչ օգուտ իցէ , աղէ ասա , ուն քանդակողին կամ կկոց ոստայնանկին , յորժամ գործիքն անպիտանք իցեն գործօնին : Աւ ո՞ր յարուեստագիտացն երբէք խնդրեսցէ 'ի ձեռս ունել յայնպիսեաց անտի : Սապէս և ամենայն արծաթ աշխարհի՝ եթէ վախճանին մարդոյ պիտանացու ոչ է , ոչ որ յիմաստուն մարդկանէ կամ 'ի լաւաց քրիստոնէից խնդրեսցէ երբէք ունել զնա :

Քաջ են բանքդ , ասէք դուք ինձ . այլ սակայն այնչափ առաւել կարէ մարդ , որչափ առաւել են դանձք . և որ զարծաթ ունի , զամենայնն ունի : — Օ ամենայնն : Ա՛յ , ունիցի [թերևս և զիմաստութիւն . ունիցի [թերևս և 'ի բարեմասնութեանց հոգւոյն զառաքինութիւնս կամ զերկինս կամ զյաւիտենակահութիւն : Աւ եթէ յայսցանէ չունիցի ինչ նա , ուր կացցէ՝ «Մենայնդ , այդ , զոր ունիցի նա : Ասա դու ինձ . եթէ որ քեզ 'ի պարգև առաջի առնէր ոսկի բիւրս քանքարոյ , բայց և 'ի նոյն զայն ինչ աղդ առնէր քեզ , եթէ առեալ 'ի քեզ զօսկին՝ կորուսցես զկեանսդ , մեծ ինչ արդեօք գրէիր յայնժամ զպարգևն և առնուիր 'ի քեզ : — Քաւ , ասես , և ոչ մերձիլ անգամ կամէի 'ի պարգև այնպիսի . սակայն եթէ չէր ինձ մահահրաւէր պարգևն , ո՛վ քանի երջանկացեալ էր իմ յայնժամ յամենայն մասունս բարեաց վայելչութեան կենցաղոյս յայնչափ քանքարաց ոսկոյն : — Քաջ է . այլ ասա ինձ դարձեալ . եթէ այդ ամենայն վայելքդ 'ի կատարածի առթէին քեզ 'ի վերջէ կործանումն անկանդնելի 'ի մշտնջենաւոր տուգանս հոգւոյդ , կամէիր և յայնժամ ընդունել զպարգևն : Բա՛րէ , ասես , չէ պարտ ըստ միոյ միայն դիմացն դատաստան կռել զիրաց՝ որ զինչ և իցէ . մարթ է եթէ մ[թերք] ոսկոյն յանգիւտ կորուստն տարցին զստացողն . սակայն և մարթ է՝ զի եղիցի ոսկիդ այդ սատար փրկութեան հոգւոյ : Ա՛յ ասն որոյ և դէպքն եթէ յաջող եթէ ձախողակ՝ 'ի ձեռին մարդոյ կան ըստ վարչութեանն . և ո՞ երբէք չարւոյն ակն կալցի յիւրմէ ձեռանէն . . . :

Բարւոք է : Այլ քո այդպէս ուղիղ դատաւոր կա-

ցեալ զիրացդ , և առ ինչ ապա ոչ նովին աջօք հայիս դու և յաղքատութիւնն : Վրանցի նաև աղքատութիւնն ինքնին զկէսս առեալ հասոյց յանքոյթ նաւահանգիստ , և զկէսս դարձեալ արկ 'ի նաւաբեկութիւն ողորմելի : Բայա ուրեմն ըստ իմաստիդ այդորիկ կամ նաև աղքատութիւնն ինքնին է բարի , կամ և մեծութիւնքն չեն բարիք :

Բայց և չնորհեմ ես քեզ , եթէ 'ի կարգի բնութեան մեծ ևս է մարդոյ յաստուածային բարերարութենէն վիճակել , զի արքայազուն ծնանիցի քան սոսկական , ազնուական քան ռամիկ , ընչաւէտ քան մութիկ : Բայ տարբերութիւնդ այդ սայսմանաւ երջանիկ դործէ զմարդ . այս է՝ յորժամ արքայազունն քաջացի յիշխանութեանն 'ի սրատուհասել զմիութիւնն և 'ի վարձատրել զառաքինութիւնն , յորժամ ազնուականն փոյթ տաոցի գեղեցիկ դաստիարակութեան անձին՝ որ ըստ քաղաքի և որ ըստ քրիստոնէական վարժարանի , յորժամ ընչաւէտն 'ի մթերից իւրոց առատութեամբ ջամբեսցէ աղքատացն և կարօտելոց : Եւ այնպէս ապա 'ի վիճակաց անտի կենացն՝ յորս եղ զնոսա Բստուած , հորդեսցին ճանապարհք եթէ բարւոյն հասարակաց և եթէ փրկութեան անձին առանձին :

Բայ եթէ իշխանութիւնն վարեսցի 'ի հարստահարել , և ազնուականութիւնն՝ 'ի պերճանալ և եթ և յամբարտաւանել , և ընչեղութիւնն՝ 'ի զեղխիլ և 'ի շուայտել . ոչ լաւ ևս էր , աղէ ասա , և բարեվիճակ ևս լինէր վասն քո 'ի խոնարհագոյն վիճակ ծնանել քեզ և կեալ , քան եթէ 'ի բարձրութենէն 'ի վայր հոսել հանդերձ խորտակմամբ : Վրանցի “ Օ ինչ , ապէ , օգտիցի մարդ , եթէ զաշխարհ ամենայն շահեսցի և զանձն իւր տուժեսցէ , , :

Ո՛վ , քանի իմաստութեամբ ազդեաց մեծն Բագուտինոս . քաջ միտ դիք ո՛ աշխարհի մեծամեծք , “ Զէք դուք , ասէր , վայելողք լաւագոյն բախտին , բայց եթէ իբրև սարտապանք լաւագոյն վարուց : Եւ զոր օրինակ կամիք դուք , զի ամենայն սպասարկութիւն ձեր լինիցի լաւ , տուն բնակութեան լաւ , սեղան կերակրոյն լաւ , անկողին լաւ , և ամենայն լաւ , նոյնպէս եթէ այդ ամենայն վայելքդ բերան ունէին , ասէին ձեզ ան-

շուշտ, եթէ որպէս դուք կամիք ունել զմեզ լաւս յամենայնի, այսպէս և մեք կամիմք զձեզ տեսարս ունել յամենայնի լաւս : Իսկ եթէ դուք վատթարասցիք, անդու բողոք զձէնջ կալցին առ պարգևատուն (Եստուած՝ իբրև զապերախտից) : Տէր աւագիկ դոցա զամենայնս ետուր լաւ . այլ ինքեանք են վատթարք ։

Ս ասն որոյ և մեծապէս անմտանամք, ասէ, յորժամ զմարդ գոյաւոր տեսեալ՝ անդէն երջանիկ կարգամք անհանձարաբար . զի ոչ տէրութիւն գոյիցն առնէ երջանիկ, այլ պէտք գոյիցն և վարչութիւնն . Եւ զի, ասէ, տեսանեմք անդա արգաւանդահոյս և արգասալիբս, և հարցանեմք՝ ո՞ր իցեն անդքս, լսեմք՝ եթէ այս անուն մարդոյ, և անդէն ձայն կարդամք, Երջանիկ այր : Օ ուր կարդամք, ունայն բարբառիմք . Երջանիկ է այր, որոյ Եստուած է նորա ։

Եստուած է ճշմարտութիւնս . այլ ճշմարտութիւն է սա այնպիսի՝ որ ՚ի գործոցն առաւել իմացեալ տեսանի, քան ՚ի պատճառացն : Հապա փոխեսցուք մեք զեղանակն, և ՚ի բանից անցուք ՚ի փորձ անդր վարչութեան ժամանակէից բարեացս, և զգինչութիւն սոցա ճշգրիտ ծանիցուք ՚ի գործոյ անտի նոցա՝ զոր ներգործեն ՚ի սիրողս և ՚ի ստացողս իւրեանց :

Եւ քանզի սեպհական է բարւոյն՝ գոհ և երջանիկ գործել զստացողն իւր, տեսցուք արդ վայր մի անաչառ, իցեն երբէք գոհք և լիացեալք և երանեալք՝ որ միանգամ իբրև երկրաբարչք վայելեն յառօրեայ բարիս յայտսիկ :

Եմենայն՝ որ աստէն զգալի բարիքս՝ ՚ի կարդ երբակի բաժանին, այս են Բերկրանք, Փառք և Հարստութիւն : Երդ մեք սեպհական վայելչութեանցն իւրաքանչիւր հասակաց զհետ երթեալ, տացուք զբերկրանսն երիտասարդաց . զփառս՝ արանց, զհարստութիւն՝ ծերունեաց : Եւ սիրելի է ինձ աստանօր զերեցուն այսոցիկ հասակաց զվայելսն վայր մի առաւել մանրամասին ճշգրտել :

Երդ մտեալ մեր ՚ի գերդաստան մի, յակն արկանեմք անդանօր որդի անդրանիկ հօր՝ յարբունս հասեալ բախտի հարսին ՚ի նորածաղիկ փեսայութեանն, բարետեսիլ անարատ յամենայն ՚ի մասունս, առոյգանձն,

քաջառողջ, կենցաղասէր, կենակցութեանց փարելի. չիք որ յերկտասարդաց քաղաքին նմին զուգակից՝ ՚ի բանս վայելչութեան, ՚ի պատասխանիս իմաստութեան, ՚ի զրգութեան շարժմանց, ՚ի շնորհս զնացից. արագ, յաջողաձեռն, քաջամարդ յամենայն ՚ի վարժս ազատ որերոյն. ուր և հասանէ, զարմանա յաճախէ. ո որ ՚ի նա ակնարկէ, անդէն և յանկէ. ընդ ում ումեք և բարբառի, զսիրտն զբաւէ :

Եւ ապա նա յայս ամենայն պարզեա բնութեան բերկրեալ զուարճացեալ է զօրհանապազ. երանիս վասն իւր բիւրս լէ՛ զոր տան հօրն ամենայն ընտանիք, ամենայն բարեկամք, և ողջոյն քաղաքն : Եւ ցե՛րբ այս բերկրանք հանապազօրդեսցեն քաջառոյդ երիտասարդիս... : Ի՛նչքէ. Օ ի է զի այնպէս արագավա՛ն ճանք տեսանին... : Ի՛նչ աւանիկ տիւուր կայ... ՚ի թախծութեան պաշարեալ է... : Եւ՛ր աղագաւ... : Բանդի նորա եռանդունն այն և դժուարասանձելի խառնուածն խոչ ընդ մէջ անկեալ՝ դառնացուցանէ ՚ի բուն զքաղցրութիւն բերկրանայն : Եւ նա ստէ՛ալ յորժամ դէպքն տան՝ յայնմանէ ձգեալ բերի բարձրայօնս դուռդանալ, և ՚ի սրտմտութիւն ևս հատանի : Ինքն հաստատեալ է ՚ի միտս՝ ոչ զոք ունել իւր զուգական ՚ի քաղաքին. սակայն և տեսանէ և լէ, զի բազումք այն են, որ ոչ զուգահաւասար միայն, այլ և գերազոյն քան զնա համբաւեն զանձինս :

Եւ զի և ճղճիմ պատուասիրութեամբն կորուսանէ զբարեկամս. և է զի անձա՛հ կատակաւն տաղտկացուցանէ զընկերութիւնն : Եւ՛րք քանքարտան զնմանէ, զի լսել չգիտէ. մերթ խաճանեն՝ զի խօսել չգիտաց : Եւ՛յսօր հատուցումն խնդրէ պատուոյն, վաղիւն պարտաւորի ՚ի հատուցանել : Ուր և պնդէ զիրաւունս անձին, հակառակորդս գտանէ. ուր և սիրէ՛ նախանձորդ ընդ առաջ ելանէ :

Եւ զի ընդ համատիոցն հաւասարեալ հանգանակէ, և շուայտեալ ՚ի խօթութիւն անկանի, և այնպէս անցուցանէ զաւուրս բազումս : Եւ զի ՚ի սէր զովողացն գիշերս բազումս տընեալ, բազմապատիկ ախտից ներքոյ անկեալ կայ : Ուր այն բերկրանքն, ուր խնդութիւնն սրտի, ուր զուարթութիւն կերպարանին. քան

զի և մտղձ դառնուած էան պատէ զնա : Ուստի և յայնժամ անխորհուրդ բերումնն , անհանձար սրտմտութիւնն , անդուռն բերանն , անբանաւոր սպառնալիքն առելի զնա առնեն ընկերութեանն , և տաղտկալի իւրում անձին :

Իսկ ապա յինքն ժողովեալ վայրիկ մի միտ դնել անձին , և հաշիւ արարեալ գտանէ յինքեան տգիտութիւն բազում և խելս սակաւ , բարեպաշտութիւն նուազեալ , և անխորութիւն վարուց յարամի՛ի ներքս մտեալ . իսկ առ տնին տնտեսութիւնն և գերդաստանին բարեկարգութիւնն ՚ի սպառ պակասեալ : Եւ զայս օրինակ ապա ընդ ամս քսան կամ երեսուն անցանէն դնան աւուրք կենաց երջանիկ երիտասարդիս այսորիկ : Եւս կատարած բերկրանացն առաջին հասակին . . . : Եւ եղև արդեօք ամենայնն ունայնութիւն ունայնութեանց , ըստ պատգամին Սողոմոնի :

Տեսցուք և զուսայնութիւն փառացն :

Օ ինչ առ այս սրտասխանի արասցեն մեղարդեօք՝ որ յերկրորդ հասակէն՝ պատուասէրք և փառախնդիրք . . . : Որ առաւել իմաստունքն են ՚ի նոսա , զայս ասեն . « Կանուխ իսկ խելամուտ լեալ է մեր ունայնասիրութեան անմտացդ այգոցիկ երիտասարդաց : Բանգի որ ընդ ճանապարհ ընթանայ բերկրանացն . զառաջինն ոչ այլ ինչ տեսանէ՝ բայց ծաղիկս . այլ ապա ՚ի կատարածին ոչ այլ ինչ գտանէ բայց փուշ : Իսկ ճանապարհն պատուոյ և փառաց՝ որ յաշխարհի ըստ այլ և այլ վիճակացն , ոչ ունայնութիւն է և ոչ ունայնասիրութիւն . քանզի շահաբեր է և պիտանի անձին և քաղաքին » :

Եթէ այդպէս է , հնապա ուրեմն մեք ընդ փորձն անցցուք բանիդ . . . : Որ միանգամ զինուորական վիճակին փառաց հանապազօր անձկացեալ է , ոչ ահա քիրտն բազում թափէ առ ՚ի գերագունին հասանել աշտիճանի և պատուոյ՝ իբրու զօրապետի , իբրու զօրավարի , իբրու սպարապետի : Եւս սակայն է բազում անգամ՝ զի կամ վատացեալ ՚ի գերեւս ելանէ և հասանէ , կամ թէ մինչ չե հասեալ՝ ՚ի մարտի անկանի . կամ թէ հասեալ՝ յակնկալութեանն ոչ վայելէ , կամ ՚ի մախանացն վանեալ , կամ ՚ի ձախողակ մարտէն , և կամ ՚ի տարաժամ յօրհասէն :

Իսկ որ միւսոյ վիճակին փառաց և պատուոյն հետա-
մուտ է, այսինքն՝ կամ յարջունիս ուրեք սպասարկու-
թեան, կամ ՚ի յարկս իշխանաւորաց մեծաց մեծի
պաշտաման անձուկ բերեալ, և ճիգն թափէ զօրհանա-
պազ, երբեք եթէ յաջողեսցի, բազում անդամ նա-
խանձուտացն զրպարտութեանց և դարանաց միշտ նշա-
ւակ կայ. նաև յայլոց ևս հետամտիցն պաշարեալ ՚ի
հօրաց՝ միշտ յահի կայ և ՚ի դողման, զանդորրութիւն
ողոյն կորուսեալ զօր ամենայն: Այլ եթէ ոչ յա-
ջողեալ՝ ՚ի հետամուտ յրդէն ՚ի դերևս ելցէ, յանձ-
նութենէ սրտին զօրհանապազ մաշեսցի:

Իսկ որ յայլ վիճակ աշխարհի ՚ի համբաւ մեծի վա-
ճառականի ակնկալոյց լեալ է, կորուսեալ է այնպիսին
՚ի սպառ զանդորրութիւն տունջեան և զգիշերոյ. զօր-
հանապազ նստի խորհի և հնարագիւտ լինի անդու-
լ, Եւ եթէ երբեք յանդուգն և խիզախ խնդրեսցէ վաղ
ընդ փոյթ փառաւորիլ, միշտ ՚ի վտանգի կայ մնանիւ-
թեան. ապա եթէ վաժառ և երկշոտ իցէ ամենայնի, եր-
բեք հորդեսցէ անձին ճանապարհ պատուոյ:

Եւ արդ դու ո՞վ մարդ, որ համբաւատենք խնդրես
լինել ՚ի վաճառաշահ. կամ դիւրաւ ՚ի վաճառ հանես
զամենայնն յապառիկ, և չգտանես ապա՝ որ հատու-
ցէ, կամ խնդրես կանխիկ, և չգտանես որ զնեսցէ:

Դարձեալ՝ հռչակ խնդրես վասն անձինդ զճարտար
արուեստագործի. և յայնժամ կամ ՚ի դուրս հանես
տիւնս զձեռակերտող ՚ի տեսիլ քաղաքի. և անդուստ
քոյ հռչակիդ ստուերածս ածէ յաչաղանք համարուեա-
տիցդ. իսկ և չարակամութիւն թշնամեացդ մեծապէս
դեան գործէ քեզ ՚ի յուզել քննել, ՚ի դատակնքել և
յլնդ վայր հարկանել զգործածսդ. կամ թէ սրտաբե-
կեալ քո, ծածկեալ պահես զայնոսիկ, և դու այնպէս
յանջութեան տուայտիս:

Դարձեալ՝ զգիտնականի առն թեկն ածես դու զա-
թուոյն և զպատուոյն, կամ թէ զգերահամբաւ քարոզչի
և զվարդապետի, և ճգնիս ՚ի նոյն զամենայն աւուրս:
Արդ եթէ քան զբաջուշիմնն չես զօրաւորագոյն, ոչ
երբեք յառաջեսցես ՚ի քայլն. նա ստգիւտ ևս լուիցես
միշտ և դատակնք բամբասանս. և որչափ առաւել
ճգնեսցիս յառաջողեմ երևել յապիկարութեանդ,

նոյնչափ միշտ յեանեալ վերջոտնեացիս : Վարձեալ՝ հմտացեալ քո վայրիկ մի ՚ի վերին երեսս ՚ի վարժս արտաքնոյն նախնեաց , և ճաշակ մի ևս առեալ զարդեաց մատենից զքաջորերոյն ժամանակիս , հանդերձիս ՚ի սրայբար մտանել . զառաջինն դտանես քեզ համա սրայբար պատասխանատուս . յերկրորդումն՝ հակառակորդս դարովիս . հուսկ սպա ծաղր և խաղ և բրբիջ ՚ի քաջահմուտ կաճառէն : Ամ թէ և քաջաշիւմ ևս եղեալ քո և բազմահմուտ քան զոտիսդ և զսրայբարիչն՝ այր յանդուզն և խրոխտ և ձեռներէց և ճառատող . իսկ դու պարկեշտացեալ տեղի տացես նմա ՚ի մրցանակն , բազում անգամ կարծեսցիս խոնարհագոյն և ապիկար քան զնա :

Իսրէ , քանի՜ ճշգրտութեամբ՝ որ զունայնութիւն ծանեալ զայսոցիկ՝ զնոյն և մանրամասին ազդեաց յսպա եկելոցս այսպէս . « Վարձայ , ասէ , և տեսի ՚ի ներքոյ արեգական . զի ոչ թէթեաց են ընթացք , և ոչ զօրաւորաց պատերազմ , և ոչ խնատնոց հաց , և ոչ հանձարեղաց մեծութիւն , և ոչ գիտնոց շնորհք . զի ժամանակ է և պատահար պատահէ ամենեցուն նոցա . քանզի ոչ իսկ գիտաց մարդ զժամանակ իւր » : Եւսիկ ընթացք և վախճան՝ նաև որոց հետամուտք եղեն փառաց և համբաւոյն : Օ ինչ ասես , ունայնացան արդեօք և սոցա վայելքն , ըստ պատգամին : Երգ տեսցուք և զերրորդ հասակին զերջանկութիւնն :

Իսկ երրորդ հասակ ծերունեացն ծիծաղեալ զառաջնոյն և զերկրորդին , ասեն եթէ անշառաչ և անշուկ անդորրութեան պէտք են վայելից . ծխոյն պարտ է լինել սակաւ , և նիւթոյն շատ : Եթէ երբէք մեր ուշ եղեալ էր , ասեն , մեծամեծ և բազմաշուկ խորհրդոց , որ յուզէին ՚ի տիս պատանութեան կամ երիտասարդութեան մերոյ , արդարեւ ՚ի յարկս բազումս օրեղէնս հասանէր մեզ օթադայել այսօր . քանզի և յօդս այնչափ իմն աշտարակս և տունս կառուցանէին մեզ յայնժամ իղձք և խորհուրդք մտաց մերոց : Եւս արդ մերոց պատանեաց և երիտասարդաց օրինակ մի տուար մեք տեսանել և գիտել , եթէ սակաւապէտ կեանք և յամենայնի խնայօրէն տնտեսութիւնն բազումս պողպեղէ : Հայեաց ինձ , ասեն , միանգամ ՚ի

տունն , զիմորդ բարեշէն յաւաստանի կայ . որչափ աւադիկ աճեցին կալուածք գետնոյն , զիմորդ առաւելան ստացուածք , իբր հաստատուն են եկամուտք , և հայրենի ժառանգութիւնն ամբարեալ կայ ամաց բազմաց վասն յապա եկելոց ծննդոցս :

Վաջ է ծերունիդ : Բայ զու ցարդ զինչ աւելի վայելեցեր յայնչափ գոյիցդ՝ առաւել քան զտեսութիւնդ . որպէս ասաց նոյն իմաստուն . « Եւ զինչ օգուտ իցէ ստացողին . բայց զի աջօք իւրովք տեսցէ ըդ մեծութիւնսն » : Վարձեալ՝ և բազում գոյիւքդ ոչ բազումն բացերդ դու բերանս առնուլ և ուտել . « () Ի ուր , ասաց իմաստունն , ուր բազում են մեծութիւնք , բազումք են և որ ուտեն զնոսա » : Իսկ ապա զայն զի արնացես , զոր դատապարտէ նոյն իմաստուն . « Եւ , աւսէ , չարութիւն զոր տեսի 'ի ներքոյ արեգական , և բազում է յոյժ 'ի վերայ մարդոյ . այր մի՛ որում տացէ Բստուած մեծութիւնս և ինչս . . . և ոչ առնիցէ զնա Բստուած իշխան ուտել 'ի նմանէ . զի այր օտար կերիցէ զնա . և այն բնդունայնութիւն է և ախտ չար » :

Վանդի և եթէ կամիցիս և եթէ ոչ , պարտ է քեզ բաժանել զկալուածոցդ զմթերեալ մեծութիւնս . կէս մի տալ նախանձու սահմանակցացդ՝ որ կազեսցին ընդ քեզ դատաստանաւ . կէս մի՛ դրժանաց դորձակալացդ , եղնալարաց , մշակաց , վերակացուաց , որ դաւեսցեն զքեզ . կէս մի՛ անդգամութեան գողոցն , որ շորթեսցեն 'ի քէն : Ըսող զօղոցն զանբարեխառնութիւն , զմառախոյն վնասն , զկարկոխն հարուած , զգետոցն հեղեղել , զհողմոցն դառնաշնչութիւն , զեղեամն , զգալուին , զջրեակն , զերեւին , և զայլոց ևս ճճեացն հոյս աղզի աղգիս :

Իսկ և մթերք ոսկւոյդ՝ կենդանեաւ քով թերեւս՝ 'ի ձեռս անկցին որդւոց զեղխից և շալից և շուայտացելոց , որ ընդ սակաւ ամս վատնեսցեն ողջոյն զմթերեալն : Եւնէն թերեւս և որ 'ի խաղս բախտաւորս զաւատեալք՝ չարաչար 'ի միում միայն աւուր , նա 'ի միում միայն ժամու ցրուեալ ծախեսցեն նոքա՝ զոր դու ընդ ամս բազումս ժողովեցեր անձկութեամբ ոգւոյ և տառապանօք և քրտամբք երեսաց : Եւ զինչ ապա մնացէ քեզ 'ի գոյիցդ . վաստակ ժողովելոյն , բիրտն աճե-

ցուցանելոյն , ջան խնայելոյն , և հոգն պահելոյն , ահ և անձկութիւն կորուսանելոյն : Այլ ապա . . . ապա և օրհաս մահուն հասցէ 'ի վերայ : Ահ ահ և քո ուր բաղմաւ մթեր ծերունի , կատարածն , ունայնութիւն եղև ունայնութեանց՝ ըստ նախաձայն պատգամին :

Այլ արդ աղէ սիրելիք , յորոց միանգամ ցարդ տեսէք առաւել 'ի նկար աչաց , քան 'ի լուր ականջաց . (նա մանաւանդ և զերից հասակացն թերևս անձամբք յանձնն առեալ և զփորձն) , դուք ինքնին խմստնաբանեալ ասացէք մեզ այժմ : Արդեօք որ բերկրանայ աշխարհի զհետ զակատեցաւ , ճաշակեաց ողջոյն , եթէ և մնաց ինչ արտաքոյ . և որ փառաց և համբաւոյն հետամուտ եղև , արդեօք յայն աստիճան 'ի վեր ել , մինչև կարել ասել , « Դատ է » : Իսկ 'ի կուտակութեան մթերից ընչից ո՞րք երբէք յաշխարհի այնչափ ինչ կարաց կուտել , որչափ և կամէր : Այլ ուրեմն 'ի բարեաց աշխարհիս յիւրաքանչիւր մասին միշտ քաղցեալ և ծարաւի դտաւ մարդ . ոչ երբէք յագեցաւ , և ոչ երբէք ասաց շատ : Բարէ , և զիարդ ապա ունայնութիւն ունայնութեանց ոչ իցէ ամենայն . . . :

Օ ի է զի այդչափ բերկրեցար այր դու , և այդչափ փառաւորեցար , և այդչափ հարստացար . (քանզի և չիք այլ ասել 'ի ժամանակէիցս բարեաց արտաքոյ երից այսոցիկ) . զի է զի տակաւին չգտար դոհ , չգտար յագեալ , չասացեր երբէք շատ . դեռ ցանկայ սիրտ քո , դեռ չեն քո անդորրացեալ ոչ միտք , ոչ կամք : . . . Ար իցէ պատճառն Քաջ միտ զիր , աւասիկ քեզ . քանզի աշխարհի բերկրանք՝ արտաքին մարդոյն են՝ որ է մարմին , չեն ներքին մարդոյն՝ որ է հոգին : Փառք և պատիւ և համբաւ՝ առ ժամանակ մի են , դու վասն մշտնջենաւորին ծնեալ ես և յաւիտենական ես : Իսկ ինչք և հարստութիւն չափ ունին և սահման . դու անչափին և անսահմանին ասանջական ես : Ասան որոյ թէպէտ և զրգացեալ 'ի բերկրանս , թէպէտ և յօրացեալ 'ի փառս , թէպէտ և յփրացեալ 'ի զանձս , 'ի վերայ այսր՝ լի ես անգոհութեամբ , տաղտկաւ յերկրաքարշիցն , ընդ անձին ողորիս . և ինքնին բռնադատիս յոգւոց հանել . բարէ , զիարդ ահա ունայնութիւն ունայնութեանց է ամենայն :

Լսա եթէ և յետ այսր ամենայնի, յետ բանիցն, յետ փորձոյ անձինն, նաև յարդեանց անտի ինչ մի օրինակ կամիցիս ունել քեզ և ապա հաստատել, քեզ աւագիկ օրինակ ճշգրիտ՝ որպիսի ոչ ինչ եկաց յաշխարհի զուգահաւասար, ոչ յառասպելեաց ինչ է բանահիւսից, և ոչ համոզակեր բան ճարտասանից. անսուտ պատմութիւն է յաստուածայնոցն տառից. և անշուշտ Եստուծոյ նախախնամութեանն եկաց բանն. զի՛ ՚ի տեսիլ աշխարհի և ՚ի հասարակաց զգաստութիւն երևեալի ՚ի մարդիկ այր մի, որոյ նման չեկաց յաշխարհի առաւել երջանիկ միանգամայն և առաւել անշնորհակալու։ Եւ հա՞նք այրն յանդիման, արկէք ՚ի նա զակն. սա է Սողոմոն արքայ. որ ազագաւ միայն՝ կարծեցան ՚ի վե՛զ գալ երկինք և երկիր, շնորհք և բնութիւն, ո՞ր առաւել տացէ նմա, կամ ո՞ր կանուխ քան զընկերն ընծայաբեր նմին եղիցի։

Սա թագաւոր փառաւոր կրկին պսակացն. առ սովաւ ամենայն թնամիք նկունք, խաղաղութիւն ՚ի սպառ տիւրացեալ, իբրև ՚ի դրախտի զուարճացեալ նստէր հրէաւստան։ Սորա առաջին երազ զիշերոյ՝ երևումն աստուածային, և առաջարկութիւն հոյակապ աւագութեան բարձի յանտալոր առատապարգևութենէն Եստուծոյ. «Խնդրեա, ասէ Եստուած՝ բացեալ զաստուածեղէն զձեռն, խնդրեա ասէ դու քեզ խնդիր, զինչ տաց քեզ։ — Օ խնաստութիւն և զհանձար, ասէ, տացես ինձ։» Եւ Եստուած և սիրէ զխնդիրն, և իբրև առատազեղ տէր կրկնէ. «Փոխանակ զի ոչ խնդրեցեր քեզ մեծութիւն ընչից և ոչ փառս, զխնաստութիւն և զհանձար տամ քեզ. ահա ետու քեզ սիրտ խնաստուն և հանձարեղ. իբրև զքեզ ոչ որ եղև յառաջ քան զքեզ, և յետ քո ոչ որ յարկցէ նմանող քեզ. և զոր ոչ ևս խնդրեցեր, զմեծութիւն և զինչս և զփառս տաց քեզ. որպէս զի ոչ եղև նման քեզ ՚ի թագաւորս յառաջագոյն քան զքեզ, և զկնի քո ոչ լինիցի այդպէս։»

Եւ ապա յայնմ զիշերէ՝ նորոյ արքայիս ամենայն գործն եկաց օրէնք, ամենայն բանն՝ պատգամ. ամենայն ակնարկութիւնն՝ խորհուրդ։ Եստու ՚ի գրել. և յութ հազար զիրս իւր ասպարէզ կարդաց գերագունիցն յխնաստունս աշխարհի։ Օ ինչ առաջի նորա

իմաստութիւն եղիպտական, զինչ յանդիման նորա պերճութիւն քաղդէական : Ոչ արքայ Տիւրոսի, ոչ զշոյն հարաւոյ, 'ի գեղարուեստս գերահռչակք, ամօթ ինչ անձանց համարեցան երևել աշակերտք պսակաւոր վարժապետին : « Բմենայն թագաւորք երկրի, ասէ, խնդրէին տեսանել զերեսս Սողոմոնի, և լսել զիմաստութիւն նորա » :

Բնդ էր տեսանել յայնժամ յԱրուսաղէմ կոյս խուռն զիմեալ մեծաշուք հրեշտակութեանց արքայից. կէսք 'ի խնդրել զանձկացեալն ընդ նմա բարեկամութիւն, կէսք պատարագաբերք բազմահարուստն ձօնից, կէսք առ 'ի խելամուտ լինել խորին առակաց և բանից դարձուածոց : « Բմենայն թագաւորք երկրի բերէին, ասէ, իւրաքանչիւր զպատարագս իւրեանց, անօթս արծաթեղէնս և անօթս ոսկեղէնս, և հանդերձս, ստաշին և խունկս և ձիս և ջորիս ամի ամի : Եւ ամենայն ինչ արքայի Սողոմոնի ոսկի գործեալ, և ոչ գոյր, ասէ, արծաթ. քանզի ոչ էր համարեալ արծաթ յաւուրս Սողոմոնի, թէ իցէ ինչ » :

Իսկ և արքունիք Սողոմոնի, որպիսի ոչ երևեցաւ յաշխարհի յամենայն թագաւորութիւնս. զի էին նորա քառասուն հազար և վեցհարիւր ծառայք զիպակաղդէստք և ոսկեհանդերձք. և հազար և չորեքհարիւր կառավարք շքեղք. քառասուն հազար ձիք մատակք կառաց, և երկոտասան հազար երիվարաց :

Իսկ ապա դաստակերտ նորա տաճարն մեծ՝ գործնաշխարհիկ՝ որ ոչ ցուցաւ 'ի դարս. ընդ ամս եօթն կանգնեալ յերկերիւր հազար գործաւորաց և յերից հազարաց ճարտարապետաց. և յերկուսին ևեթ 'ի սիւնսն կանգնեալս առննթեր սեմոց մեծի դրանն՝ որպէս ասեն՝ ծախեալ իննսուն և հինգ հարիւրոց բիւրուց. իսկ 'ի սեմոց աստի իմաստասիրեսցէ որ և զմնացեալն ամենայն :

Եւս ձեզ 'ի կարճոյ՝ փառք, համբաւ և մեծութիւնք Սողոմոնի, առաջին, և երկրորդ՝ զոր ասացի՝ 'ի բարիս կենցաղոյս : Իսկ ապա զերրորդ բարին, զբերկրանն ասեմ և զսիրտութիւնսն, միանգամայն դամենայն փափիութիւնս Սողոմոնի, ո՞րք մարթասցի ընդ թուով արկանել, բայց թէ որ վայելեացն և բերկրե-

ցաւ այնչափ, որչափ և ցանկացաւ: “Յաճախեցի ինձ, ասէ, արարս. տնկեցի ինձ այգիս, փայտս ամենաբերս... արարի ինձ գուսանս և երգեցիկս... և ըզփափկու[թիւնս որդւոց մարդկան. արարի ինձ տակառապետս արս և կանայս. և մեծացայ առաւել քան զամենեսին. և զամենայն՝ զոր ինչ խնդրեցին աչք իմ, ոչ զրկեցի՝ ի նոցանէն, և ոչ արգելի զսիրտ իմ յամենայն ուրախութենէ. զի սիրտ իմ ուրախ եղև յամենայն վաստակս իմ:” Բաբէ, և մնաց ինչ այլ արտաքոյ ի բերկրականացն, յորժամ ասաց “Օ ամենայն ցանկու[թիւն և զամենայն ուրախութիւն”:

Հապա արիւք սիրելիք մուտ գտեալ միանգամ յարքունիան Սողոմոնի, և զնա յակն արկեալ՝ յակճիոս կացցուք հիացեալք ընդ այնչափ փառան, ընդ համբաւն, ընդ մ[թերս զանձուցն, ընդ բերկրանս փափկութեանցն. ո՞րք այլ երբէք զրգացաւ առաւել քան զնա, ո՞րք առաւել ընչաւէտ, ո՞րք առաւել փառաւոր: Հապա յակն արկէք միանգամ և գտջիք զնա անշուշտ ի խոր խաղաղութեան, տեսանիցէք զնա՝ սիրտ զուարթ, պայծառացեալ ի կերպարանն, ցնծաւէտ ի դէմս...:

Յնծաւէտ ի դէմս... սիրտ զուարթ...: Բաբէ... զինչ իցէ պատահումնս...: Եւ լուռ կայ... դէմք ի վայր... ակնկոր... տխրութիւն գրաւեալ զսիրտ, և [թախիծ ողջոյն պաշարեալ է զդէմս... նա ձեռն ի ծնօտի, և արտասուք առեալ են զնա...: Ո՞ր դէպք ո՞ր պատահար ձախողակ դիպաւ երջանիկ արքային...: Ո՞ր այլ դէպք... բայց նոյն դէպք երջանկութեան նորա...: Եւ զերջանկութիւնն արտասուէ... կը աղագաւ...:

Եղէ, դու ինքնին ասա արքայ...: Այնչ պակասեաց ինձ, ասէ, յամենայնէն՝ զոր կամեցայ. պակասէ ինձ այն միայն՝ զոր առաւելն կամէի...: Ենդորրութիւն սրտի, և գոհութիւն...: Հայեցայ, ասէ, յամենայն արարս իմ, զոր արարին ձեռք իմ ընդ արեգակամբ. և ահա ամենայն ընդունայնութիւն է և անձկութիւն ու գւոյ”:

Ասան ունայնութեանն սրտաբեկ միջաբեկ է Սողոմոն: Իսկ ի ճշմարտութիւն ունայնութեանս այսորիկ խորագգած եղեալ, ապա յետ այնորիկ յատելութիւն

ևս բերի նա ամենայն մեծութեան իւրում և փառացն և բերկրանացն . “ Եւ ատեցի ես , ասէ , զամենայն վաստակս իմ ” զոր ջանացայ ընդ արեգակամբ . “ Եւսկ իբրեւ այսպէս ատեաց զանցաւորս , յատելութեանէ անտի սաստիկ սրտառուչ եղեալ , նաև ընդ կեանս աշխարհիս այսորիկ տաղտկայ , նաև զկենդանութիւն իւր ևս ատեայ . “ Եւ ատեցի ես , ասէ , զկեանս իմ . զի չար էր ինձ արարածն , որ արարեալն էր ’ի ներքոյ արեգական . ընդէր . զի ամենայն ինչ ընդունայնութիւն է , ասէ , և անձկութիւն ուլոյ . և դարձայ ես , ասէ , հրաժարեալ սրտիւ իմով յամենայն վաստակոց իմնց . “ Եւ վայելք ամենայնին , ահա ունայնութիւն ամենայնին , ահա ատելութիւն ամենայնին , և հուսկ ապա հրաժարումն յամենայնէն :

Եւ յայէս ուրեմն երջանիկ արքայն , այսպէս աւաղէ զերջանկութիւնն , այսպէս ատեայ զերջանկութիւն ’ի բրու զունայնութիւն . ո՞րք առաւել քան զՍողոմոն ’ի ծայրն եհաս բարեաց աշխարհի , ո՞րք առաւել վայելեաց յաշխարհի . ո՞րք առաւել քան զնա գիտաց և փորձեաց զաշխարհ : Եւսսիկ փորձեաց և վկայեաց . և քան յամենայն ժամանակս և քան յամենայն ’ի բանս՝ առաւել իմաստնացաւ իմաստունն այն , յորժամ կրկնեաց և երեքկնեաց և չորեքկնեաց , եթէ ունայնութիւն է ամենայնն : Եւ ոչ հաւատասցէ այնպիսումն փորձառուի . և եթէ նմա չհաւատայ , ո՞ւրք երբէք հաւատասցէ . “ Օ ի լինի , ասէ , մարդոյն յամենայն վաստակս իւր և ’ի յօժարութիւն սրտի իւրոյ . . զի ամենայն աւուրք նորա ցաւոց են , ասէ , և տրտմութեան՝ զբօսանք իւր . և զիշերի՝ ոչ ննջէ սիրտ նորա . “ Եւ ի “ Օ ինչ , ասէ , մեծութիւն իցէ՝ մեղ նպաստաւոր . անցանէ ամենայնն իբրեւ զստուեր , և իբրեւ զհամբաւաւն ընթացեալ . . իբրեւ զփռի յարուցեալ ’ի հողմոյ , իբրեւ զսարգի ոստայն և իբրեւ զեղեամն ’ի մրկէ հալեալ , և իբրեւ զծուխ մաշեալ . “ Եւսպիսի ինչ են , ասէ , կենցաղական բարիքս :

Եւ քանզի ’ի ճմարտութեանէ բարւոյն սինք են և թափուրք՝ որպէս կանխեցի ասացի , վասն որոյ և ոչ միայն անցաւորք են և ունայն , այլ և ոչ երբէք յազեցուցանեն : Օ սիրտ քո , ո՞վ մարդ , զոր ստեղծ Ստուած ,

նա միայն բաւական է ընուլ զնա . և սիրտ՝ որ վասն Մտուծոյ հաստեցաւ, Մտուծով միայն երջանկասցի, Մտուծով միայն . զի արտաքոյ նորա “Ունայնութիւն ունայնութեանց ամենայն ինչ ընդունայն է” :

ՄԱՍՆ Բ.

Իսկ արդեթէ այդպէս ճշմարտապէս ունայնութիւն է ամենայն, զինչ այլ ապա մեզ կամիցի, վարդապետդ, ազդել քարոզիւդ . բայց թէ յառնել մեզ ամենեցուն ելանել յաշխարհէ, և անձնապուր՝ի հաղբից նորա գնալ երամովին խնդրել զանապատ, զօղել յանձաւս, կամ թէ երթալ փակել՝ի մենաստանի ուրեք և ի վանս

Եւ ընդէր ոչ . եթէ ձեզ այնպիսի դէպք տացեն բարեպատեհ ժամանակի, և եթէ մարթիցէ ձեզ առնել զայն . միթէ մարթ ինչ իցէ ինձ տալ ձեզ խորհուրդ լաւագոյն քան զայն՝ զոր անձին խմում տուեալ իսկ է իմ, կամ թէ փախաբիցեմ տալ :

— Եւ մեզ զիմորդ երբեք յաջողեսցին իրքդ . մեզ որ այնչափ աստի և անտի և ամենայն ուստեք իբրեւ անլոյծ կապանօք կամ բազմակնձիւն սարեօք կապեալ կամք ընդ աշխարհի . . . : Օ ինչ ապա մեզ առնել պարտ իցէ . . . :

— Ողորմիմ հարկին, սիրելիք : Վաւ չխտանամ երբեք . ոչ պատուիրեմ . . . : Իցէ ձեզ հնար նաև յաշխարհի բնականաւ, և առանց ելանելոյ յաշխարհէ՝ ոչ կապիլ ընդ աշխարհի . է ձեզ և վայելել զաշխարհ և անգերծ չլաղիլ ընդ ունայնութիւնս աշխարհի :

Որպէս, և զիմորդ օրինակաւ : — Ի ինեղով ձեր յաշխարհի, իբրու չլինել ի նմա : Այ զիմ ինչ, քրիստոնեայք, այլ զաստուածայնոյն Պաւղոսի ձեզ յուշ առնեմ զպատուէրն . “Որ ունիցին, ասէ, կանայս, որպէս թէ չունիցին . և որ խնդանն՝ որպէս թէ չխնդայցեն . և որ գնենն՝ որպէս թէ ոչ ունիցին . և որ վարենն զաշխարհս՝ որպէս թէ չվայելիցեն . զի անցեալ է վայել չութիւն աշխարհիս այսորիկ” :

Վաջ միտ դիք . ոչ արգելու Պաւղոս հաւատացելոցն

ունել զկանայս , ունել տուն , ստանալ կալուածս , և որ ինչ յայսպիսեաց աստի , որչափ ինչ պէտք իցեն 'ի վայելուչ կեանս քրիստոնէիցն գերդաստանաց : Բայդ մեծապէս վրիպակ եկաց 'ի նախնու մն մոլորելոյն Պեղագիտի , որ պարտս կամեցաւ 'ի վերայ դնել հաւատացելոց իբրու 'ի Վրիստոսէ , վաճառել զինչս իւրեանց և տալ աղքատաց : Բայ որ մեծն Բագոստինոս ,
 “ Կամեցաւ , ասէր , մոլորեալն այն , կամեցաւ զայն . սակայն կամեցաւ զանկարելին , ” :

Եւ զի և առաքեալն սուրբ յորժամ քաջայայտ պատուէր կարգէր մեծատանցն պահել զկանայս , պահել զորդիս իւրեանց , ունել զծառայս , և զիմրդ առանց ինչ սեպհական գոյից մարթ էր 'ի գործ տանել զայն պատուէր :

Եւ ատ ուրեմն համարեսցի հաւատացելոյն՝ որպէս ազդէն հարքն սուրբք՝ ունել իւրեանց սեպհական զգոյսն , այլ որպէս թէ ոչ ունիցին . “ Ար ունիցին , ասէ , որպէս թէ չունիցին , ” : Օրինչ իցէ բանն . թող ասէ , քո աչք ո՛վ քրիստոնեայ , յարկդ անդր ակնկառոյց իցէ , այլ ոչ քո սիրտն . խորհեսցին քո միտք , այլ ոչ ձկտեսցին իղձք : Վանդի մեծն Պաղղոս զանչափն արգել զիրացն պէտս և զիղձս . “ Իբրեւ զի մեք ստացուք զնոսա , որպէս ասացին հարքն , և ոչ նորա ստացին զմեզ , ” :

Իսկ և պատճառ ճշգրիտ 'ի ներքս բերէ աստուած իմաստն , զընդունայնութեանն և զանցաւորութեանն . “ Օր անցեալ է , ասէ , վայելչութիւն աշխարհիս այսորիկ , ” : Իբրու եթէ ասիցէ . զիմրդ երբէք մարթ իցէ ձեզ , ո՛ մահկանացուք , վառիլ բորբոքիլ ձեզ այնչափ , և 'ի սէրն կապիլ առօրէիցս այսոցիկ և անցաւորաց : Պաղ աւագիկ յուղեւորութեան ձերում 'ի քաղաքէ 'ի քաղաք , 'ի ճանապարհ անկեալ և յօթեանն յօթեան իջալան կալեալ , մտեալ բնակէք և երեկօթս առնէք . թէպէտ և վայելէք ևս 'ի նմա ըստ իւրաքանչիւր պիտոյից , կահ և կարասին կաղմ , և պատրաստ սեղանն , պատրաստ անկողինն , և որ ինչ այլ 'ի պէտս , սակայն և ոչ ինչ այնպէս ըղձակաթք յանկէք դուք 'ի նոսա , իբրեւ որ անցաւորք էք ճանապարհաց և պանդուխտք . զգիշեր զայն միայն անդորրասլիք 'ի

նմա, և առ վաղիւն լքելիք միանգամայն և զսանդոկն և զսանդոկապետն և զկահն, և զայն ամենայն: Եւ ուրեմն որ աստէն յաշխարհի պանդխտութեամբ իբրեւ 'ի մեծ օթեանի աւուրս ինչ աւելի վայելեալ ձեր 'ի տունս, 'ի կալուածս, այլովքն հանդերձ, որպէս ըղձակաթք յարեսցիք 'ի դոսա, մինչ զի և 'ի գերութիւն զսիրտ ձեր գրաւել նոցա :

“Եւ առ ձեզ այս, եղբարք իմ, ասէր երանելին Եւդուտինոս, քառ ձեզ. դուք ձեզէն 'ի ձերդ ուղևորութենէ օրինակ առեալ՝ իմաստնացարուք: Ապէք 'ի տունս ձեր իբրեւ յօտարին պանդոկի. վարեսցիք դուք 'ի պէտս զարծաթն, որպէս ճանապարհորդ պանդոխտն յիջավանին վարէ 'ի պէտս զսեղանն, զբաժանն, զկահն և զկարասին, իբրեւ հանդերձեալ 'ի թողուլ անդէն և ոչ յառնուլ տանել անձին սեպհական: Եւ ասպա ըստ նմանէն զգեղեցիկ հրահանգ քրիստոնէութեանն ողջոյն գնովիմբ ածէ. “ Եւ յնպէս ասէ, անցցուք ընդ ժամանակեայ բարիս, զի մի կորուսցուք զյաւիտենականսն: ”:

Եւ զի այս այսպէս է ճշմարտիւ, իւրաքանչիւր որ 'ի մէնջ սիրելիք իմաստնաբանեսցէ ուրեմն ընդ անձին իւրում. եթէ որովհետեւ զգալիքս ամենայն ոչ անդորրացուցանեն ահա զհոգի, ոչ յագեցուցանեն զսիրտ, (որպէս յանձին փորձոյ և յօտարին ծանուցեալ իսկ է ձեր), ոչ ևս ուրեմն այսուհետեւ զհետ զակատեսցուք բերկրականացն, ուր հրապոյրք կայցեն զգայութեանց: Ոչ ևս հետամուտ լիցուք փառաց և պատուոյ ընդ հետս մոլարս և խոտորնակս: Ոչ ևս անձնագրաւք լիցուք 'ի մեծութիւնս, և մի երբէք ուր յորդեսցին մեզ ընդ ճանապարհս անիրաւութեան:

Եւ արդ դու ո՛վ մարդ, որ պատանի ես կամ երիտասարդ, ամենայն զբօսանք քո և սիրովութիւնք և խրախոնք եղիցին ըստ չափութիւնութեան պարկեշտութեան քրիստոնէի: Եւելին քան զայն ունայնութիւն ունայնութեանց է և դատապարտեալ:

Ար ձեռագործ արուեստաւորդ ես, կամ կրպակաւոր, կամ որ յայլ ինչ աշխարհիկ կարգաց. պաշտեսցես ըզգործ քո ամենայն արդարութեամբ. եթէ չես ինչ 'ի գոյաւորաց, գոհ կացցես 'ի վիճակիդ, մի յաշաղեսցես

զօտարին : Եթէ գոյաւոր ես , մասն հանցես աղքատին . եթէ խնդրես և ևս մեծանալ , խնդրեա ունել աւելի՛ բայց 'ի շահ և 'ի պէտս կարօտելոց : Այն ամենայն ունայնութիւն ունայնութեանց է , և դատապարտեալ :

Ար ազնուականդ ես և յիշխանաւորաց դք , աղէ դու խնատուն հրամանատարութեամբդ սպաս հարցես 'ի պէտս հասարակաց . ընկալ զպատիւ , ընկալ զյարգն , և փոխանակ բարերարեա . զուք պահեա և զյարգութիւն զաշտիճանիդ , այլ մի գոռողութիւն : Արեա զսեպհականութիւն զոյիցդ , ատեա զգեղխութիւն . ապա թէ ոչ , ունայնութիւն ունայնութեանց է և դատապարտեալ :

Ար 'ի կանանց ես կարգի կամ 'ի տիկնայց և 'ի բամբջաց , շատ համարեսցիս զարդ արկանել զանձամբ վայելուչ վիճակիդ զպարկեշտութեան և զհամեստութեան , որպէս խրատեաց առաքեալն . “ Կանայք , ասէ , 'ի զարդ խոնարհութեան , ակնածութեամբ և զգաստութեամբ զարդարել զանձինս ” . այսինքն՝ որ համեստն է , և որ աշտիճանին վայելուն է ըստ քրիստոնէական ակնածութեան : Աւելին քան զայն ունայնութիւն է և ունայնասիրութիւն , և դատապարտեալ է :

Եւ արդ որ զքրիստոնէայ զգերաշխարհիկն անուն յանձին բարձեալ և կեանս իմն կամեսցիս ըստ անուանդ վարել զգերաշխարհայնոցն , պարտ է քեզ ո՛վ քրիստոնէայ , սրտիւ միշտ արտաքս ելանել յաշխարհէ : Վրանդի “ Բռալին առաքինութիւն քրիստոնէի , որպէս քարոզէր աստուածայինն Սկեբերան , առաքին առաքինութիւն քրիստոնէի է իբրեւ պանդուխտ և իջաւոր յերկրի համարել զանձն ” : Վրանդի և չէ իսկ յաշխարհէ աստի քրիստոնէայն . երկնաբաղաբացի է . վասն երկնից ծնեալ է և ոչ վասն աշխարհի . “ Յաշխարհէ աստի չէք , ասէր տէրն , որպէս և ես չեմ յաշխարհէ ” . և նորուն առաքեալն , “ Ա՛ր քաղաքաւարութիւն , ասէ , յերկինս է ” :

Եւ արդ այս առաքին առաքինութիւն՝ զոր 'ի մէնջ խնդրէ Վերանն ոսկի , ոչ իւրիք այլ յաջողեսցի մեզ երբեք , բայց թէ ճգրտագոյնս և տպաւորագոյնս 'ի սիրտս մեր և 'ի խորհուրդ հաստատելով զճմարտութիւն ու

նայնութեան կենցաղականացս, քաջիկ խելամուտ լինելով աստուածային առածին, եթէ “Ունայնութիւն ունայնութեանց, ամենայն ինչ ընդունայն է” : Օ ի թէպէտ և վայելել չասանիցէ ՚ի նոսա, մի մոլիլ, մի պատրիլ ՚ի նոցանէ, և մի անձնատուր լինելով ՚ի նոսա՝ յաւերժիցն վայելից՝ որ անխաբ յուսով մեզ սպասեալ մնան՝ մատն լինել ՚ի պատճառս նոցա վերջին յետսամուտութեամբ :

Եւ անմոռացք առածին, միշտ ասել զնոյն, միշտ լսել, միշտ ակներև տեսանել. որպէս մանկունք վարժարանաց ՚ի հրահանգ ինչ պիտեան ՚ի վարժապետացն կրթեալ, պատուէր առցեն զնոյն մի միայն ՚ի լուր ականջացն պահել, այլ և ՚ի տես աչացն ՚ի պիտակի ուրեք արձանագրեալ յանդիման միշտ ունել և ընթեռնուլ և սերտել ՚ի նոյն : Օ այս մեզ նոյն Բերանն ոսկի ազգէ յաղազս ունայնութեան ժամանակէիցս . “Սեզ, ասէ, միշտ ժամբարեպատեհ է ասել և կրթիկնել հանապազ, եթէ ունայնութիւն ունայնութեանց, ամենայն ինչ ընդունայն է . քանզի ամենայն, ասէ, տեղի տայ՝ իբրու հողմն ուժգին որ շնչեալ թօթալիեսցէ զտերևսն” :

Եւ այլ բազմադէմնմանաբերութեամբք ճշգրտէ և գձձէ զունայնութիւն առօրէիցս . “Վիշեր են, ասէ, ամենայն և անուրջք, և ՚ի գալ աւուրն անհետանան . ծաղիկք են զարնայնոյ և ՚ի գալ ամառան թառամին ամենայն . ստուերք են և անցեալ գնան . ծուխք են և չքանան . պղպջակք են և պայթին . սարդիոստայնք են և պատառին : Յաղազս որոյ զհոգեւորականն զայն նուագերգեմք ասելով ստէպ, Ունայնութիւն ունայնութեց, ամենայն ինչ ընդունայն է” : Եւ և զանմոռացութեանս առած զՈւնայնութեան ունայնութեանցն պարտ է ձեզ, ասէ, արձանագրել յորմունս ձեր, և ՚ի հանդերձս, ՚ի հրապարակի և ՚ի տան, ՚ի փողոցս, և ՚ի դրունս ձեր, և ՚ի գաւիթս” :

Եւ քանզի անմտադիր անձին վայրապար և անպտուղ իցէ ընթերցուած առածին, իմաստութեամբ ըզվերջին խրատն զնովիմք ածէ . “Եւ քան յորմունս և ՚ի դրունս՝ առաւել պարտ է, ասէ, յիւրաքանչիւր գի-

տակցութեան մտաց տարաւորել զառաժն , եթէ ունայնութիւն է ամենայնն : Եւ քանզի խաբանք աւագութեանց աշխարհի և նոցուն կերպարանք և խարդաւանք՝ ճմարտութիւն իմն կարծին լինել 'ի բազմաց , պարտ և արժան է զսոյն զօրհանապաղ և յընթրիս և 'ի ճաշս և 'ի ժողովս առն իւրաքանչիւր քարոզ կարդալ ընկերին իւրում , և յընկերէն դարձեալ լսել , եթէ Ունայնութիւն ունայնութեանց , ամենայն ինչ ընդունայն է , :

Օայս այսպէս երանելին , որ Ճգրտիւ 'ի վերայ հասեալ էր ունայնութեան զգալեացն և ազնուականութեան իմանալեացն . ուստի և մի միայն հոգի մարդոյ գերագոյն է , ասէր , քան զընդհանուր տիեզերս . և հոգի՝ որ վասն Բստուծոյ ստեղծեալ է՝ միայն Բստուծով մարթասցի ընու :

Երանի մարդոյն 'ի կեանս և երանի առաւել 'ի մահուն . որ անպատիր յունայնութեանց աշխարհի՝ միայն անանց բարեացն անձուկ բերեալ , կարդասցէ միշտ առ Բստուած . Երեւեցայց երեսաց քոց , և յազեցայց յերեւել փառաց քոց , :

ՔԱՐՈՉ Ի.

ԴԱՍՏԻԱՐԱԿՈՒԹԻՒՆ ՈՐԴԻՈՅ

մ. 407 Դ Ժ

“Երէ որ իւրոցն, մանաւանդ ընտանեացն խնամ ոչ տանիցի, ՚ի հաշատոցն ուրացեալ է, և չար ևս քան զանհաւատն է, :”

Չիք բան և իմաստ այնչափ ստէպ յեղյեղեալ ՚ի բերանս ամենեցուն իբրու զայն՝ եթէ փրկաւէտ յոյժ և ՚ի կարևորագունից մասին է՝ դաստիարակութիւն որդւոց. սակայն և չիք դարձեալ առաւել քան զայն կամ նուազեալ ըստ տիրական մասանցն, կամ թերաւ կատար յամենայն իսկ ՚ի մասունս, կամ գլխովին անհոգացեալ :

Շնորհս իմն խնդրէր երբեմն ՚ի տեառնէ մայրն Օ եբեղեանց վասն որդւոցն. “Ստացին, ասէ, սոքա երկու որդիքս իմ, մի յաջմէ քումմէ և մի յահեկէ յարքայութեան քում, :” սովաւ մայրն զտնկակիցն իղձ ծնողական ՚ի դէմն ածէր՝ երջանիկս յաշխարհի յարդարել զմանկունս իւր : Չէ ինչ, ասէր Վերանն ոսկի, չէ ինչ դժպատեհ խղճն. եթէ զնոյն իղձ ՚ի սահմանի պարագրելով աւետարանական պարկեշտութեան, նմանօրինակք մօրն Օ եբեղեանց՝ նաև հարք և մարք առ հասարակ իցեն փութաջանք արդոյս և երջանիկս յարդարել զծնունդս իւրեանց առաջի Մտուծոյ :

ԸՆԼ բա՛բէ, յաւելոյր ՚ի բանսն երանելին, բա՛բէ անկարգութեան հարց և մարց քրիստոնէից ՚ի դաստիարակութեան որդւոց իւրեանց. զի ժրջանք են նո.

քա 'ի յարդարել զնոսա և յամբառնալ 'ի ժամանա-
կէիցս երջանկութիւն . և անհոգացեալ են ողջոյն՝ յա-
ւիտենականին յարդարել զնոսա ժառանգորդս : Ողին
զամենայն թափեն զի մի ինչ պակասեցի որդւոց 'ի
ծաղկրնկէց վայելչութեանց կենցաղոյս . և յայն ինչ
չհային՝ զինչ արդեօք հասանիցէ նոցա կրել 'ի հան-
դերձեալն . “ Հանկան , ասէ , զի բարդաւաճք իցեն որ-
դիքն յաշխարհի . Հոգան՝ արդեօք հիբասցին նոքա
յանտիսն , : Խորհին բարձս աւագութեան կանուխ
պատրաստել նոցա , ոչ մեծ ինչ համարին կամ թէ հե-
տամուտք երբէք չլինին , զի մեծարդոյք լինիցին նոքա
առ Բստուծոյ . “ Հանդերձեն , ասէ , որդւոց իւրեանց
չուք և պատիւ , ոչ հանդերձեն նոցա զԲստուած , :
Եթէ երբէք հիւանդանայցեն որդիքն կամ աղքատաւ
ցին , սուգ առնուն և ցաւին : Փոյթ ինչ չէ նոցա՝ եթէ
յուսացին որդիքն , և խեղք և ստահակք չըջեսցին .
“ Եթէ թշուառացեալս , ասէ , տեսանիցեն զորդիսն ,
տրտմին , իսկ եթէ մեղուցեալս՝ ոչ ևս , : Ուստի և
զործուք իւրեանց ցուցանեն նոքա , եթէ ծնողք միայն
են մարմնոց նոցա , և ոչ են հարք խնամակալուք հո-
գւոց նոցա :

Եւ յամ մահառիթմանկարգութեան , որ միանգամայն
զծնունդսն ընդ ծնողացն 'ի կորուստ մատնէ , պատրաս-
տեալ եմ 'ի դիմի հարկանել այսօր քարոզիւս : Եւ
խօսիմ միայն յաղագս դաստիարակութեան որդւոց՝ որ
'ի կարգի քրիստոնէութեան : Իսկ ապա այլ բազմադէմ
հրահանգք և պատուիրանք և սահմանադրութիւնք
դաստիարակութեան , զոր կոչեմք դաստիարակութիւն
բնական , դաստիարակութիւն քաղաքական և աշխար-
հական , այն ամենայն ոչ իմոյ աւետարանական սպա-
սաւորութեանս 'ի ճահ գան , և ոչ առ ժամս՝ ձերոց
պիտոյից : Եւ են ձեզ վասն այդոցիկ վարժապետք , այս
է՝ ձայն բնութեան , կարգ սովորութեան աշխարհի , և
իրաւունք բարեկեցութեան քաղաքի : Եւ դարձեալ
և բարոյական իմաստասիրութեան զիրք ձեզ 'ի կրթու-
թիւն : Եւ մեզ քարոզչաց բանին Բստուծոյ 'ի դէպ է
խօսել վասն արքայութեան Բստուծոյ . և 'ի բեմէ աստի
սրբութեան պարտ է մեզ առաջնորդել ձեզ ոչ յայլ ինչ ,
քան թէ յիմաստս աստուածայինս և յաւիտենականս :

Եւ արդ ըստ գերագունից այսոցիկ խմաստից երկու ինչ իրք են աւաղիկ 'ի դաստիարակութեան որդւոց :

Եւ առաջին՝ բարեկրթութիւն վարուց նոցա , և երկրորդ՝ ընտրութիւն վիճակի կենաց նոցա : Օ առաջինն պարտ է կատարել ըստ աւետարանին սկզբանց . և զերկրորդն՝ պարտ է ապսպարել ողջոյն 'ի կոչումն աստուածային :

Եւ արդ ասեմ եթէ յերկաքանչիւր պարտս յայտուի բազմազոյնք 'ի ծնողաց քրիստոնէից յանցանէն կրկնակի ներհակակիր օրինակաւ . քանզի 'ի բարեկրթութեան վարուց տարապայման զիջանին առ նոսա . ազատութիւն ֆրասակար տալով նոցա . այս է առաջին մասն : Իսկ յընտրութեան վիճակի նոցա անհանձարաբար խստանան՝ բառնալով 'ի նոցանէ զպարտուպատշաճ՝ ազատութիւնն . և այս է երկրորդն :

Կրկին այս ազատութիւնք , մին՝ շուայլեալ , և մին զլացեալ , աւատիկ ձեզ ո՛հարք և մարք և մանկածուք և վարժապետք , ողջոյն անկարգութիւնն 'ի դաստիարակութեան որդւոց :

ՄԱՍՆ Ա .

Երբակի ազգ են ֆրասակար ազատութեան յորս չարաչար դաստիարակին որդիք : Եւ ազատութիւն թոյլ տուեալ առ 'ի պակասութենէ հսկողութեան . ազատութիւն ազդեալ 'ի չար օրինակէ . ազատութիւն ուսուցեալ վարժապետաբար :

Ունին դիք ուշով , և զճանաչումնդ զոր ունիք զաշխարհիս՝ ո՛հնողք , մերձեցուցէք դուք 'ի բանս զոր ասեմն : Վրանդի այսօր ոչ կամիմ այլ փաստս և ցուցակութիւնս , քան թէ զիրօրձ ինքնին զիրացդ և զսովորութիւնն :

Եւ արդ առաջին՝ վասն պակասութեան հսկողութեանն ասացէք ինձ անաչառ . իցէ ինչ այլ արդեօք առաւել յաճախ և առաւել սովորեալ՝ քան 'ի նոսին իսկ 'ի հիբացեալ որդիսն յանձն առնել զիրս զկրօնից հաւատոյս և զվարուց առաքինութեան . և թողու

լքանել այնպէս զնոսա՝ զի ինքնին նորա բուսցին և աշիցեն իբրև զծառատունկս յանտառս մայրեաց անխնամք, անուղք, անմշակք։ Այլ զպակասութիւն զայս հսկողութեան ոչ յաղքատս միայն է տեսանել կամ ՚ի միջակային վիճակս արուեստաւորաց քաղաքին, այլ և ՚ի մեծատունս և յազնուականս յայլ և այլ պատճառաց։

Այլ արդ յայս թուրակի հսկողութենէ ծնողացն յառաջ գան հիքացելոցն զաւակաց հետեանք կրկին չարաչարք, խոչընդոտն և եղծիչք բրիտանէական դաստիարակութեան և բարեկրթութեան վարուց. այս են տգիտութիւն փնասաբեր յոյժ, և չարութիւն ապակահաղործ։

Բայտ տգիտութեան մասին՝ տեսանեմք մեք բազում ուրեք մանկունս յառաջացեալս ՚ի տիս՝ յուստերաց և ՚ի դատերաց, որք տակաւին ոչ զաղափար ինչ և ոչ իղձ մի և եռանդն ստացեալ ունին զկրօնից հաւատոյն, յորում ծնեալ են և կեան, և սակայն տեսանեմք՝ զի գիտեն իսկ նորա քաղաքավարել և սիրելի և նազելի տեսողացն զանձինս ընծայել. բայց ՚ի բարեպաշտութեան, օրինակ իմն՝ յաղօթից ինչ մասին տակաւին գիտեն և ոչ ինչ։ Աւետալ են քաջիկ խաղս, չեն ուսեալ տակաւին ինչ մի ՚ի հոգևոր կրթութեանց կրօնի և վարուց։ Ախտեալ են արդէն զգալ յանձինս երբէք երբէք զլո՛ւ բոստ ապստամբութիւն մարմնոյն. այլ անփոյթ են կամ չեն դաստիարակեալք զիմել ՚ի դարմանս ինչ հոգևորականս։ Աւետալք և վարժք են ՚ի ծաղրածութիւնս ևս ՚ի կատակաբանութիւնս հեշտալուրս աշխարհիս. այլ չեն տակաւին վարժեալ ՚ի գիտութիւն ինչ հարկաւոր խորհրդոց հաւատոյն։

Այլ չիցեն այգոքիկ, աղէ ասացէք, չիցեն կնիքն նըշանաւորք դարուս այսորիկ, յորում կամքս. դար՝ որ յամենայն գիտութիւն աշխարհական առաւել բարգաւաճ և առաւել նրբազնին, է և առաւել նուազեալն և առաւել տգիտացեալն ՚ի գիտութեան փրկութեան։

Այլ արդ այսչափ դժպատեհ կրից անկարգութեան բազում մասամբք՝ չիցեն անշուշտ պատճառք ինքնին ծնողքն անհոգացեալքն և յոյլքն. որոց չիք ինչ փոյթ կամ անձամբ անձին հրահանգել կամ այլոց տալ հրա-

Հանդէլ զմատաղատունիս իւրեանց՝ ՚ի խորհուրդս կրօնիս և յիմաստս քրիստոնէութեան : Արծիցէք թերեւ, եթէ բնութիւն դոցա դեռաբուսիկ՝ բաւական իցէ հրահանգիչ անձանց լինել և վարժապետ պարկեշտութեան վարուց և հաւատոյն իւրեանց :

Թուի թէ ոչ վերնական ինչ յայտնութեամբ կամեսցի Ղստուած հրաշագործել և վարժել զնոսա : Արծմարտութիւնք քրիստոնէութեանս չունին մուտս ՚ի մեզ այլազգ՝ քան ընդ զգայութեանց մերոց ճանապարհ : Իստ որում և ընդ այս մուտ զբաւականեմք մեզ զձմարտութիւնս բնութեան :

Աւարդ անշուշտ, եթէ հարք և մարք գեղեցիկս ՚ի զլուս տարցին զպարտս իւրեանց, եթէ նոքա զմանկունս իւրեանց առեալ ածցեն առ վարժապետս իմաստունս և առաքինիս, և եթէ սոքա իւրեանց կենդանի բարբառոյն վարժեսցեն զնոսա ՚ի հաւատ և ՚ի բարեպաշտութիւն, եթէ ոչ իբրեւ հետեւել ինչ և ումպետ սպասաւորութիւն համարեսցին զմեծ զայս և զաստուածային վարժապետութիւն, եթէ զամենայն առաւօտս և ընդ երեկս միշտ անմեկնելի առ իւրեանս կալցին զնոսա, և մի ըստ միոջէ պարապով յայտ արասցեն նոցա զվախ ճանն և զվարձն հատուցման և զպատմութիւն և զգաղտնիս և զպարտս հաւատոյն՝ զոր դաւանեցին ՚ի մկրտութեան իւրեանց. արդ ասեմ, եթէ յայտոսիկ նահատակեալ և զայսօրինակ ժրասցին քրիստոնէից ծընողք, անշուշտ սիրելիք չառակեսցի յաշխարհի ամօթալի այս տգիտութիւն յաստուածայինսն : Ամանաւանդ մեք յառաջին հասակէն լինիցիմք վարժք և հրմուտք հաւատոցս. որպիսիք ոմանք հերձուածոյն իւրեանց են՝ Արաղանդքդ անուանեալք, որպիսիք և Աբրայեցւոց մանկունք. որք ՚ի ջանս վարժապետութեան հարց իւրեանց և յառանձին ևս անդուլ մշակութեանէն՝ խորագոյնս ստացեալ ունին զիմաստս ամենայն և զխորհուրդս և զսկզբունս զձախողակ կրօնից իւրեանց. և զիտեն իսկ նոքա քաջիկ պաշտպան և ջատագով մրտանել մոլորութեանն, յորժամ անդուստ մանկունք եկեղեցւոյ չեւ են ուսեալ զձմարտութիւնս :

Իսկեւ դուք, որ ինձ ունին զնէք, քրիստոնէից մարք, յինչ այլ հաստատեալ է ձեր զժրագլխութիւնդ, զձեր

աշխոյժս , զձեր խանդն , զձեր հանճարդ . և յինչ իրս
այլ զբաղեալ է ձեր կամ թէ զուարճացեալ , եթէ ոչ
առ 'ի հաստատել զձեր մանկունս 'ի հաւատս և 'ի սէր
առ Ղստուած և 'ի վարս բարեգգեացս , և կեանս իմն
չնէլ 'ի նոսա անզուգական՝ յանչափս գերազանցեալ
քան զբնաւորականն , կեանս և կերպարանս զբրիստո-
նէի : Վաջ իսկ , չգտանեմ և չտեսանեմ ես ազգի ձե-
րում և բնութեանդ՝ քաջագէտ քան զայս աշխատու-
թիւնս առաւել արդոյ և պատուական , քան զայս վար-
ժապետութիւնս առաւել ազնուական , քան զայս զբո-
սանս և պարապումն՝ առաւել աստուածային : Օ ինչ
օգտեսցեն մանկանցդ ձեր զարդքդ և պճնութիւնդ ,
ձեր հիւրք ոսկեմանք , և հապտանքդ ձեր փայլքդ
դիմաց , և ձեմքդ նազաքայլք , այլովքն հանդերձ :
Օ ձեզ յազնուականագոյնն և 'ի վեհագոյնն կոչեաց 'ի
վարս Ղստուած՝ յորժամ ետ ձեզ որդիս , գործակից
Ղստուծոյ լինել . անտխեղձ զպատկերն Ղստուծոյ և
զնմանութիւնն պահելով յորդիս ձեր՝ գեղեցիկ դաս-
տիարակութեամբդ ձերով :

Հասկա արիւր դուք մարք , վարժապետահիւր նոցա 'ի
հրահանգս կրօնից և առաքինութեանց ըստ բաւական
նին ձերոյ՝ անդատին յառաջին նշուլից բանին 'ի նոսա .
մի թողուցուք մատաղ որդւոց ձերոց պարտապան դաւա-
նել զանձինս իւրեանց՝ սիրոյն օտարաց յայն ինչ՝ զոր
պարտ էր նոցա առ 'ի ձէնջ ունել ըստ իրաւանց ոչ միայն
սիրոյն , այլ և արդարութեան : Եւարուք ծնողք , զոր
գեղեցիկս յոյժ գրեաց առ ձեզ երանելին Շնորհալի
հայրապետ . Օ այս պատուէր , ասէ , առ հասարակ
աւանդեմք . զի զմանկունս ձեր երկիրդիւն Ղստուծոյ
ննուցանիցէք . խրատելով զնոսա 'ի մանկական տիող
լինել աստուածասէր , ողորմած , աղօթասէր : Եւ ու-
սուցէք նոցա զբանս աղօթից . և սաստեցէք չսովորել 'ի
խօսս աղտեղիս և 'ի յիշոցատուութիւնս . զի 'ի մանկու-
թեան ժամանակ առաւել տնկի խրատ ծնողացն 'ի միտս
մանկանցն անջնջելի յիշատակաւ . բնդ որում և վարձս
բարեաց ընկալլիք փոխարէն 'ի տեսանէ :

Ի նմին արմատոյ անհոգութեան հարց և մարց՝ են և
դառն շառաւիղք ապականագործ չարութեանն՝ զոր
ասացի . և յոր յառուրս մեր վարակեալ են ոչ պատա-

նեակէք միայն, այլ և պատգաճող տղայքն: Այլ զինչ հարկ իցէ, ո՞ հարք և մարք, վկայութիւն 'ի մէջ առնուլ զխղճի մտաց ձերոց վասն բանիս այսորիկ. գիտէք իսկ քաջ դուք ինքնին և խոտաւան լինիք, եթէ նոյն ինքն անմեղութիւն և պարկեշտ զնացք մանկանց տրդայոց յետ 'ի լոյս բանին ընծայելոյ նոցա, և յետ յարբունս ինչ հասանելոյ աշխոյժ պատանեկութեանն, է նոյն ինքն զեղեցիկ պառւղն պողաբերեալ 'ի նոսա յանբուն և հետաքնին և յուշիմ հսկողութեանէն՝ զոր կանխեցին կալան հարք նոցա:

Արդ աղէ ասացէք ինձ, հարք, զիանդ և որպիսի իցեն յայս պէտս՝ ձեր խնամքդ և հոգարկութիւնք վասն որդւոց ձերոց, զոր ետ ձեզ Աստուած: Արդեօք նորա հայեցեալ 'ի վարս ձեր՝ մարթիցին կալ մնալ 'ի փրկկաւէտ և յերջանիկ յանգիտութեան յայնմիկ որ պահապանն է վարուց նոցա: Արդեօք իցէ՞ երբէք տեսանել 'ի ձեզ գործ մի, կամ զբուցաբանութիւն մի, կամ բառ մի միայն, յորմէ մանկունքդ ձեր զարթիցեն յորդորեսցին 'ի հետախուզել՝ 'ի զեան և 'ի կորուստ անձանց իւրեանց: Արդեօք իցեն ձեզ լրտեսք և սահապանք արթունք կարգեալք 'ի վերայ որդւոց ձերոց, գիտել տքնաբար զհետս շաւղաց նոցա և գիտել իմանալ զձանադարհ նոցա, ո՞ր արդեօք յառնեն զնան նորա, և ո՞ր արդեօք զեղերին նորա, և ընդ որոց:

Արդեօք տեղեկացեալ իցէ ձեր այսոցիկ. և գիտիցէ՞ք ևս արդեօք նաև զվարժս ուսման նոցա, զինչ ուսանին. ո՞ր այն արդեօք գիրքն իցեն, զոր առ իւրեանս ունին և ընթեռնուն նորա և թարթափին 'ի նոսա: Այլ ո՞ր այն զովողքն իցեն և ընկերք, ընդ որս կենակցին նորա:

Գիտիցէ՞ք արդեօք և զայն եթէ որպիսիք ոմանք իցեն ծառայքն և որպիսիք վարժապետքն, և մանկածուքն, որոց յանձն առնէք դուք զմանկունս ձեր 'ի լրնուլ զպակասութիւն հսկողութեան ձերոց: Իմացայք ճշգրիտ, զիանդ իցէ հաւատարմութիւն նոցա, մտադիր աշակրջութիւն նոցա. և առաւել քան զամենայն՝ զիանդ իցէ բարեպաշտութիւն դոցա և վարք:

Այլ ասա 'ի վերջէ՝ խնամ ունի՞մք դուք արդեօք զի մի և թոյլ և սքառձառս ինչ տացի նոցա՝ առ 'ի մի-

մեանց յոռանալոյ և յիրերաց եղծանելոյ որդւոց ձերոց, իմաստութեամբ և խոհեմութեամբ վայր ցուցեալ և տեղի զատուցեալ իւրաքանչիւր նոցա՝ անջրպետութիւն 'ի մէջ արկանելով նոցա եթէ 'ի ժամանակ հանդիստեան գիշերայնոյն, և եթէ 'ի տունջենային կենակից կենցաղաւարութեան նոցա. որ կարևորքն են և վայելչականք և քաջադէպք՝ եթէ հասակին նոցա և եթէ սերի նոցա :

Եւ թերևս թուեսցի ձեզ, տեարք, եթէ 'ի մանունս իջանեմ ես և յումպէտս և 'ի ռամկականս : Եւ տակայն այդոքիկ, քաջ միտ դիք, այդոքիկ են արուեստք և ճարտարութիւնք ճշգրտիւ պահանջեալք 'ի պահել ողջիկ յորդիս ձեր զանգիտութիւն չարին, որ ոչ ինչ նուազ պիտեան և օգտակար է նոցա քան զգիտութիւն բարւոյն : Եւ անշուշտ յայսպիսեաց աստի բազմութիւնք երևեցան յեկեղեցի յառաքինեաց և 'ի բարեպաշտօն քրիստոնէից յերջանիկ դարսն յայնոսիկ, յորժամ մարք բարեպաշտուհիք 'ի զրկաց իւրեանց հանեալ ըզմաստաղ որդեակն՝ առեալ առաքէին 'ի դաստիարակութիւն 'ի մենարանս ուրեք սրբոց, կամ առ ոտս ուրուք յառաքինեաց. ուրանօր առ ժամանակ մի մեկուսացեալ յաշխարհայնոց աստի, և 'ի միտս և 'ի խորհուրդս իւրեանց տպաւորեալ ոչ այլ, բայց զվարժս առաքինութեան, և 'ի սրտի զսէր և զերկիւղն Եստուծոյ, զանմեղութիւնն զսրբոց մկրտութեան առեալ հասուցանէին մինչև 'ի խոր ծերութիւն :

Եկեսցուք արդ 'ի ժամանակն, յորում յառաջին յանտիական դաստիարակութենէն ելեալք՝ ձեզ կենակից կենցաղակիցք լինին վայր մի 'ի չափ հասեալ մանկունքդ. յորում ժամանակի առնուն նոքա զազատութիւնն զայն զվնասակար, զազատութիւնն ասեմ ազդեալ 'ի չար օրինակէ, զոր կանխեցի ասացի :

Եթէ վասն երկրորդիս այսորիկ պակասութեան դաստիարակութեան քան հանդերձեալ էր իմ խօսել, տեարք իմ, 'ի զեղջ ուրեք կամ յաւանի ուրեք, կամ 'ի համախմբութեան ռամիկ որերոյն, անաւագ ծառայից և յետին արուեստաւորաց, նուաստութիւն արդարև և ոչ մի համարէի մեծի առաքելական սպասաւորութեանս՝ մի առ մի մանրակրկիտ 'ի դէմս ածել զչարհէ.

տեանն և զանկարգութիւնն զսկսւոյն և զանաւոր վարուց նոցա և զշարախտալատ օրինակացն նոցա : Եւ սէի համարձակ , եթէ սոքա են ահա պատճառք սկզբնառիթմ աստից , ասկերասանութեանն , յանդգնութեանն , խեղութեան և ստահակութեան 'ի խօսս , մեղկութեանն 'ի գնացս , անամօթ լրբութեանն , զոր է տեսանել յաւուրս մեր 'ի պատանիս ռամկին : Եւ սէի եթէ ահա յայնպիսի հարց ուսանին որդիքն հայհոյել զԱստուած , մինչ չև ծանուցեալ զԱստուած : Եւ սէի եթէ 'ի նոցանէ ուսանին որդիքն յիշոյնատու լինել , և երես չառնել սրբազանիցն և աստուածայնոց : Եւ սէի , եթէ 'ի նոցանէ ուսանին որդիքն ոչ մեծ ինչ զրել նաև զանսուտ երդմանցն կռել : Եւ սէի եթէ 'ի նոցանէ ահա ուսանին որդիքն , և զմեղկիկ շփանալ և զպագշտութեան խօսսն հանել 'ի բերանոյն՝ իբրու կարծելով նազաբանել : Եւ սէի եթէ 'ի նոցանէ ուսանին որդիք զարբեցութիւն , զգողութիւն , զվճնամանն , զկագ , և որ ինչ յայսպիսեաց աստի , եղեալ նոցա առաջի յօրինակ 'ի սկսւոյն անտի , 'ի դատարկակեցիցն , 'ի զուհաբնակացն , 'ի կապելայս թարթախելոցն , կուարարացն , երդմնահարիցն , յախշտակողացն , 'ի խաղս զակատելոցն , զինեանիցն , հայհոյացն :

Օ այս ամենայն և զայն ևս համարձակեալ ասէի ես տեարը իմ . և չասէի արդեօք ինչ մի , որ ոչն ակներև ցուցակութեամբ առակեր ողջոյն զանբարի զգնացս ըզվատ որերոյն այնորիկ : Եւ յլ քաւ , տեարը , չունին այդորիկ մասն մի և բաժին ընդ գնացս արդոյ և պարկեշտ ունկնդրացդ :

Սակայն և առ ձեզ ժտիմ ասել զայս , եթէ երբէք դուք ինքնին ձերուքդ փնասաբեր օրինակօք եղծանէք յորդիս ձեր զայն ինչ , զոր մեք ընդ ամս բազումս աշխատեալ տքնութեամբ շինեցաք 'ի նոսա : Եւ ուարուք վայր մի աղաչեմ զայստ յանդիմանութիւնն հանդերձ զուգակըուութեամբն՝ զմերն և զձերն :

Եւ ք զորդեակս ձեր վարժեցաք 'ի պարտս կրօնից սրբութեան , և կանուխ վառեցաք զնոսա սիրել , պարապել 'ի կրթութիւնս գործոց քրիստոնէական բարեպաշտութեան : Եւ ք զինչ արդեօք համարեսցին նոքա զկրթութիւնն զայնոսիկ , յորժամ տեսանիցեն զձեզ

'ի տան անհոգացեալս 'ի նոյն . կամ թէ միայն ինչ մի բարեպաշտութեան գործ ցուցեալ ձեզ նոցա , և այն վեր 'ի վերոյ և հարեանցի : Ենչուչտ նոքա խորհուրդ 'ի մտի կալցին՝ տեսեալ զայն , եթէ ոչ այլ ինչ ուրեմն են կրթութիւնքդ այդոքիկ , բայց կերպարանք առերևոյթ քաղաքականութեան , և կամ թէ պարապ մունք տղայականք :

Սեբ զձեր որդեակս սովորեցուցաք կանուխ յաշխատութիւն կրթել զանձինս և մի երբէք կալ դատարկ . նաև յաջողեցաք մեք վառել 'ի նոսա զսէր ուսման վարժից և զվաստակոց : Երդ զինչ համարեսցին նոքա զայս զմեր դաստիարակութիւն , յորժամ յետ սակաւուց տեսանիցեն զձեզ 'ի տան իւրեանց անգործ և անվատակ վարել կեանս : Հաստատեսցեն նոքա արդեօք 'ի միտս , եթէ այս են ուրեմն պարտք և վիճակ և վայելչութիւն գոյաւոր մարդկանս :

Սեբ զձեր որդեակսն դաստիարակեցաք երբէք երբէք յառանձնութեան ամիտիւն զմիտս և վայր մի 'ի քնին առնուլ զքաղաքավարութիւն կենաց իւրեանց և 'ի լաւագոյնն յարդարել : Եւ յաջողեցաւ մեզ շնչել 'ի նոսա և տալաւորել զբարեկարգութիւն կենաց յամենայնի , և վայելչութեան փոյթ ունել յամենայն 'ի գնացս : Երդ զինչ արդեօք ունիցին նոքա ասել վասն դասատուութեանց մերոց այսոցիկ , յորժամ դարձ աւարեալ նոցա 'ի տուն՝ յետ սակաւ ժամանակի տեսանիցեն զձեզ՝ զամենայն ակնածութիւն 'ի բաց եղեալ այնպէս խօսել , զրուցել և զգենուլ , և վարել յամենայն 'ի գնացս վայրապար խորհրդով և անվայելչական ազատութեամբ : Տեսեալ զառնոսիկ՝ խորհուրդ 'ի միտս հաստատեսցեն ձեր որդեակքդ , եթէ արուեստք և հնարիմացութիւնք իցեն ուրեմն այդ կրթութիւնք մեր և հրահանգք՝ առ 'ի ընծայեցուցանել զանձինս և վայելչանալ յաշխարհի և արդոյ համարիլ առ կենցաղասէր մարդիկ :

Օր վասն ուստերացն ասացի , ասացէք դուք զնոյն և վասն դստերացն . որք երբէք 'ի չար օրինակաց մարցն 'ի տուն՝ յուսացեալք 'ի գնացս , 'ի մոռացօնս դարձուցանեն՝ զոր միանգամ 'ի գեղեցիկ հրահանգաց վարժապետահեաց իւրեանց բարեպաշտից , կամ 'ի վարչաց

իւրեանց, կամ 'ի հոգեւոր հարց իւրեանց, դաստիարակեցան յառաջին տիսն և ուսան : () Ինչ . զայն եթէ գեղ և վայելչութիւն չաճէ շուք և պատիւ ազգի նոցա, եթէ չիցէ միանգամայն զուգեալ ընդ սուրբ երկիւղին Մատուծոյ . և եթէ ծնդատիրութիւն նոցա փառք և վայելչութիւն է նոցա յամենայն իսկ 'ի ժամանակըս . և եթէ գոն վաստակք և պարսպմունք առանինք քաջագէտք սերի նոցա . յորմէ չեն նոքա ազատք ոչ ըստ վիճակի կենացն և ոչ ըստ աւագութեան բարձի . և եթէ վայելչութիւն գնացիցն և չափաւորութիւն և պարկեշտութիւն և համեստութիւն յամենայնի, և ժրագլուխ տնտեսութիւն, և կրօնից բարեպաշտութեան արդասիք, այս ամենայն են ճշգրիտ փառք և սեպահական և տիրական զարդք կնոջ մարդոյ : Մ. յորքիկ վարժք և հրահանգք առհասարակ ճահաւորացոյնք ոչ միայն քրիստոսական կրօնին, այլ և բնաւորական լուսոյ բանին :

Մ. զայսոսիկ վարժեալ դատերդ յառաջին տիսն՝ եթէ զհակառակն սոցուն 'ի ձեզ տեսանիցեն, ո՛ մարք, զինչ ասասցեն 'ի սրտի իւրեանց . զինչ արդեօք, եթէ յազազս գնացից ձերոց՝ զոր տեսանեն, և եթէ յազազս հրահանգաց դաստիարակութեանն՝ զոր առին կանուխ 'ի վարժապետութեացն : Մ. ապաքէն զօրաւորացոյնս ազգեացեն 'ի նոսա առաջիկայ օրինակքն, քան զանցեալ դաստիարակութիւնս :

Մ. զկամիք ո՛ ծնողք, որպէս և կամիք, գիտեմ՝ քաջ, եթէ ուստերք ձեր և դստերք լինիցին լաւք և երկիւղածք, համեստք և կրօնասէրք, և ուշիմք 'ի գնացս, և ապա յարբունս հասեալք՝ պիտանիք քաղաքին, պիտանիք ազգին . ցուցէք նախ դուք արդեամբք յանձինս ձեր զնոյն գեղեցիկ առաքինութիւնսն . և զործք ձեր դաստիարակեցեն զմանկունս ձեր՝ առաւել քան զբանս ձեր և զմեր :

() Կամ է արդ ասել յազազս երրորդի փասաբեր ազատութեանն, զոր տան ծնողք հիքացելոց զաւակացն . ազատութիւն՝ որպէս ասացի՝ իբրու դաս տուեալ վարժապետաբար : Չասեմ եթէ ուղղակի վարժապետք չարութեան և անիրաւութեան են նոքա որդւոց իւրեանց . քաւ յինէն զայս ասել աստ 'ի ժողովի արգոյ

ունկնդրացս : Այս սակայն է վարժապետութիւն 'ի վերին երեսս անմեղանչական , և 'ի ներքոյ փաստաբեր , զոր վարդապետութիւն ըստ աշխարհի յորջորջեն յընդհանուրս :

Վիտութիւն կրկին գտանեմ ես . և երկաքանչիւրքն գիտութիւնք աշխարհի կուին և են . մին ուղիղ և գովելի , միւսն խտտորնակ և չար : Այս գիտութիւն աշխարհի , որ սահմանադրէ և ուսուցանէ որ ինչ վայելչական է և պարտք են ընկերական կենաց և քաղաքական բարեկարգութեան : Վիտութիւն է այս՝ որ հրահանգէ զմեզ քաջիկ , զինչ պարտք իցեն հատուցանել ըստ իւրաքանչիւր կարգաց , առ մեծամեծս , առ փոքունս , առ ստորինս , առ հաւասարս , առ բարեկամս , առ օտարս . ընդ անձին , ընդ աշխարհի , ընդ Աստուծոյ : Վիտութիւն ոչ ինչ ամենեւին ներհակեալ բարոյականի աւետարանին . նա մանաւանդ մեծապէս պիտեան առ 'ի նոյն . քանզի և երբէք չէ մարդ բարի , չէ քաղաքացի բարի , որ ոչն է բրիստոնեայ բարի : Այնքա՛ն վայրենամիտ այնպիսի , կամ այնչափ խրթնացեալ 'ի վարդապետութիւն , զի և մերժեալ դատապարտ արարից զգիտութիւն զայս աշխարհի . նա դատապարտ ևս առնեմ զբարեպաշտեալն խաբէութեամբ մտաց և զթերակատար հոգևորան զայնոսիկ , որք իբրև 'ի կարգի բրիստոնեական բարեպաշտութեան մոլորութեամբ դասեն զմարդատեաց ըլլբարսն և զանընտել վայրագասուն բրտութիւնն :

Ասան որոյ և ասեմ եթէ զայս գիտութիւն , որ մարդասիրագոյնս և ազնուականս գիտէ յարդարել զայր քաղաքացի , պարտ է ձեզ ինքնին ո՛հ հարբ և մարբ ոչ միայն ուսանել և պահել , այլ և վարժիւր ուսուցանել զնոյն յարբունս հասելոց ձեր մանկանց : Վանզի դու լաւ ըստ ժամանակին յաջողեսցին որդիք ձեր լինել միանգամայն և ծնողք բարիք և բարեկամք բարիք , և տանուտեարք բարիք , և թագաւորաց հպատակք բարիք :

Վիտացիք քաջ եթէ բարոյական առաքինութիւնք սատարք են աւետարանին վարժից , և հիմունք են և խաբիսիք բրիստոնեական առաքինութեանց : Այլ սակայն և քաջ միտ զիք զոր ասեմ , մի փոխել մի շփոթել զգովելի զայս գիտութիւն ընդ միւսումն գիտութեան աշխարհի , զոր մերժէ և արգելու աւետարանն . մի դուք ուսա-

նիջիք զայն և մի որդւոց ձերոց ուսումըիք : Բն է գիտութիւնն՝ զոր ստորագրեցին հարքն սուրբք՝ իբրեւ վարժք ապականագործք հոգւոցն իբրեւ արդարեւ : Գիտութիւն կորստեան : Եւ է այս գիտութիւն որ ճգնի բովանդակ կերպարանաւորութիւն և գեղեցիկ ընծայել նաեւ զախտս և զմոլութիւնս . և զամօթալի զկիրսն՝ արդոյ և նազելի անուանակոչութեամբք քողարկեալ իբրեւ պարտս կենցաղականս , կամ իբրեւ առաքինութիւնս աշխարհականս , և իբրեւ աշխուժութիւն և խանդս ոգւոյ զարձակեցասան զկեանսն :

Բյս գիտութիւն է , որ զնենգամիտ և զխորամանկեալ քաղաքականութիւնն տայ կարծել իբրեւ հանձար և ուշիմութիւն և խոհեմութիւն : Բյս գիտութիւն է , որ զփառախնդրութիւն և զամբարհաւածութիւն տայ ի գովութիւն առնուլ և համարել իբրեւ յաջողածեան մեծանձնութիւն և աշխոյժք ոգւոյ : Բյս գիտութիւն է , որ զանհանձար և զանակնածութեամբ համարձակութիւնն հանապազօր խառնէ և շփոթէ ընդ ընտելական կենակցութեան և ընդ պարկեշտ քաղաքաւարութեան : Եւ ի վերջէ՝ այս գիտութիւն է որ առ հասարակ յաշխարհի իբրեւ նուաստութիւն և անաւագութիւն ոգւոյ կարծեցուցանէ զբրիստանկեանն կենագործ խոնարհութիւն սրտի . իբրեւ տմարդի վայրենութիւն՝ զնեղանձնական կեանս . իբրեւ պարտս իմն բնական՝ զողին վրէժինդրութեան . իբրեւ կեղծաւորութիւն զբարեպաշտիկ և զերկիւղած վարս :

Եւ արդ աղէ ատացէք ինձ , ունկնդիրք , եթէ երբէք որ ի հարց ժրացուցէ զորդիս իւր յանդգամութիւն , ի բռնութիւն , ի չարութիւն , ի պղծութիւն . կամ եթէ վարժոց կալեալ՝ հմտացուցէ զնա ի կրօնս հեթանոսական մտախապաշտութեանցն , ջատիկք դուք զայնպիսին հայր ամբարիշտ և պիղծ և սեղանակապուտ և անհաւատ :

Եւ արդ միտ դիք ո՞ ծնողք . կրօնքս մեր այս սրբութեան՝ որ դատապարտ առնէ զանհարին զմեղսն զայնտսիկ , նոյն ինքն արդեօք անդատապարտ թողու զկեղծաւորութիւն , զպատրանս , զնենգութիւն , զխարդախութիւն , զյանդգնութիւն , զվրէժինդրութիւն , զստատագութիւն : Եւ բնաւ :

Եւ արդ զուք ինքնին զայդոսիկ ուսուցանել համարիք որդւոց ձերոց, յորժամ չնչէք և ազդէք 'ի նոսա ի մաստս իմն և վարժս և սկզբունս զմիասարբեր զայդ աչխարհային գիտութեանն՝ զոր ասացի, և նկարեցի, և զոր հարբն սուրբք կոչեցին՝ « Գիտութիւն կորստեան » : Եւ մանաւանդ՝ յորժամ (որ յաճախեալ է արդ բազում ուրեք, թէ ոչ ամենայն ուրեք) յորժամ թողուք լքանէք զուստերս ձեր յազատութեան կենաց, յազատութեան խօսելոյ, յազատութեան կենակցելոյ . անհոգացեալք և 'ի պարտս փութաջանս մայրենիս յաղազս հրահանգաց ժողկալութեան և ծնգասիրութեան, դատերաց ձերոց :

Եւ թերևս ընդդէմ ինձ ասասցիք բանս, եթէ այդ ուստերք մեր և դստերք մեր չեն վասն միանձնական կենաց . այլ այնպէս դաստիարակին իբրև սահմանեալք և պատրաստեալք վասն ամուսնական կարգին : Երդ ես այժմ չասեմ զայն՝ որ ճշմարիտն է և իրաւ, եթէ չպարտիք զուք ամենեւին 'ի բաց քեցեղ պարզապէս զորդիս ձեր յամուրի կենաց . զայս միայն ասեմ՝ եթէ ընդ հակառակս ամենեւին ընթանայք զուք դիտաւորութեան ձերոց :

Եւ եք զուք դաստիարակել զդոսս վասն ամուսնական կարգի : Երդ յորժամ կին ածեալ կամ առն եղեալ որդիք ձեր՝ արասցեն զայն ինչ՝ զոր 'ի ձէնջ ուսան յայնպիսի դաստիարակութեան իւրեանց, լինիցին այնուհետև նոքա արամբիք պճնասէրք . և կանամբիք անհոգք, կանայք անհաւատարիմ և արք կնաթողք, հարք յուլացեալք և մարք անգորովք, տանուտեարք անմտադիրք և տանտիկնայք անտնակալուք : Եւ յայնժամ զինչ . ընտանիք տժգոհք և տունք և գերդաստանք և իրք հասարակաց վեր 'ի վայր և առհասարակ անկարգացեալք :

Եւ եք զուք ինձ՝ դաստիարակեալ զորդիս վասն ամուսնական կարգի : Եւ ես ձեզ ասեմ, վասն այդորիկ մանաւանդ հաստել հաստատել զդոսս 'ի սուրբ երկիւղն Ետուծոյ . որովհետև « Դարմնոյ կրթութիւնս առ տակաւ ինչ օգտակար է . իսկ աստուածապաշտութիւնն՝ որպէս ասէ աստուածային առաքեալն՝ առ ամենայն ինչ օգտակար է . և զաւետիս կենաց ունի զար-

դիս և զհանդերձելոցն , : Իսկ աշխարհասէր քնացը ,
և անզոյշ վարք , և անժուժկալ բարք չմարթին լինել
կրթութիւնք , ոչ կարեորք և ոչ օգտակարք 'ի սրբու-
թիւն , և 'ի կատարումն պարտուց խորհրդոց ամուսնու-
թեանն :

Իսէք դուք ինձ դաստիարակեալ զորդիս վասն ամուս-
նական կարգի : Եւ ես ձեզ ասեմ' թէ վասն այդորիկ
իսկ առաւել կրթեցէք սովորեցուցէք զգոսա 'ի զգու-
շաւորութիւն , յաշարջութիւն , 'ի համեստութիւն , 'ի
չրճահայեցութիւն : Բանդի գայթաղութիւնք և խուք
և թշնամիք անմեղութեան պատանեացն , են իսկ ար-
դարեւ քարընդոտն և թշնամիք ամուսնական հաւատար-
մութեան :

Իսէք դուք ինձ դաստիարակեալ զորդիս վասն ա-
մուսնական կարգին : Եւ ես ձեզ ասեմ' , ազդեցէք
ուրեմն և տպաւորեցէք 'ի նոսա զկատարեալ և զձգրիտ
գաղափար զկարգին զայնորիկ . քանզի չէ ամուսնու-
թիւնն կարգ ազատ և արձակերասան կենաց . չէ կարգ
ըստ հաճոյս և ըստ քիմն քնացից . այլ կարգ է դա հպա-
տակութեան , ակնածութեան , աշխատութեան , սրբու-
թեան :

Իսկ 'ի վերջէ , վասն ամուսնական կարգին դաս-
տիարակեցէք դուք զորդիս ձեր . ջանացարուք ուրեմն ,
զի 'ի ձէնջ ուսցին դոքա կանուխ զշինութիւն տան , ըզ-
փոյթ և զպարագել յաշխատութիւն , զսովորելն թար-
թափել 'ի տան : Օ՛ ի 'ի ձէնջ ուսցին և կանուխ վարժեա-
ցին 'ի պահպանութիւն առ տնին կարգի , 'ի դաստիա-
րակութիւն որդւոց , 'ի կառավարութիւն ծառայից : Օ՛ ի
'ի ձէնջ ուսցին ոչ զվայրապար խիղճ՝ զանհանձար նա-
խանձաւորութեանն , այլ զխոհական և զհանձարեղ
զգուշութիւնն , առ 'ի ոչ խռովել ամբոխել և քակել
կամ վասն կատկածանաց կամ վասն կռիւց և դատից
զամուսնական , զպատուական , զսուրբ և զօրինաւոր
ընկերութիւնն :

Օ՛ այսոսիկ ազդեմ' , տեսարք իմ' , քանզի այս դասա-
տուութիւնք և օգտեսցեն որդւոց ձերոց , յորժամ ա-
մուսնական վիճակեցին կարգի . միանգամայն և ոչ քնա-
սեսցեն նոցա , յորժամ 'ի կարգ ամուրի կենաց կոչեսցէ
զնոսա Իստուած : Բանդի և ընտրութիւն այսմ կամ

այնմ կարգի տիրապէս՝ ի ձեռս նոցա է, և ընդ իրաւամբ որդւոց ձերոց կայ: Այս սակայն է տեսանել զթերութիւն զայս առ բազումս ի ծնողաց քրիստոնէից, որք զազատութիւն շնորհելով որդւոց իւրեանց զվնասաբերն ի բարեկրթութիւն վարուց նոցա զոր ցարդ լուայք, բառնան ապա ի նոցանէ զազատութիւնն՝ զոր պարտ էր տալ նոցա յընտրութիւն վիճակին իւրեանց: Օր չպարտէին՝ տան. և զոր պարտէին՝ չտան: Տեսցուք զայս վաղ վաղակի, վայրիկ մի հանգիստ առեալ:

ՄԱՍՆ Բ .

Արչափ չար է ծնողաց բառնալ զպարտուպատշաճ ազատութիւն որդւոց իւրեանց, յընտրութեան վիճակի կենաց, այնչափ և վնասաբեր յոյժ է այս ի հետեանսն:

Այլ զի ըստ քմաց և ըստ հաճոյից իւրեանց խնդրեն չընել զկոչումն վիճակի որդւոց՝ ի շահ օգտի գերդաստանին իւրեանց. և առ այս փաստս իմն և պատճառս ի ներքս բերեն ծնողք, մինչև կատարեսցեն զկամս իւրեանց ի վերայ որդւոց:

Այդ որդեակ մեր, ասեն, յաջողաձեռն է և ուշիմ է մտօք. ուստի և միայն վասն աշխարհի ծնեալ երեւի դա լինել յապայս ի շուք և ի պարծանս և ի շինութիւն զարմին իւրոյ և տան: Այս յայն ինչ չհային նոքա, զի յայտնի և ակներեւ կոչէ զնա Մատուած յայլ վիճակ կենաց եթէ եկեղեցական իցէ եթէ վանական: Այս վասն այնորիկ սկսանին ապա տալ նմա դաստիարակութիւն իմն աշխարհային, առ ի շիջուցանել յորդեկին իւրեանց զեռանդն ընդաբոյս առ այլ կարգ, և հեղձուցանել ի նմա զսերմանս աստուածային կոչմանն:

Իսկ զմիւս որդեակ մեր, ասեն, թուի թէ կոչէ ինքնին Մատուած ի կարգ աշխարհական. թէ և առ վանականն չունի ինչ դա բերումն, նաեւ ոչ առ եկեղեցական վիճակ եցոյց նա երբէք յօժարութիւն իմն և միտումն: Այս սակայն զհետ լինին՝ այլ և այլ թերադրութեամբ յայն վիճակ յօժարեցուցանել զնա, և առնուլ կարգել զնա յայն ինչ՝ յոր չունի ինչ և կոչումն ամենեւին:

Եւ յս ինչ է աւաղիկ, ո՞ն ծնողք, զոր կոչեսցէ որ իրաւամբք՝ Եւ խորհրդաբար բարձունն ազատութեան, զոր պարտ էր ձեզ շնորհել որդւոց ձերոց յընտրութեան վիճակին իւրեանց։ Սարտ էր, ասեմ. քանզի՝ քաջ միտ դիք, վիճակ կենաց իւրաքանչիւր մեծապէս զուգակցեալ է ընդ փրկութեան հոգւոյ. նա պարտի ընտրել զայն՝ որ պարտի նովաւ փրկութեան հասանել։

Եւ արդ աղէ ասացէք ինձ. յորժամ կապէք դուք զորդեակն ձեր յայն վիճակ կենաց՝ յոր չունի ինչ նա կոչումն, արդեօք նաև երաշխաւոր մնանէք դուք ընդդէմ ամենայն թերութեանցն և զանցառութեանցն՝ ի պարտս վիճակին այնորիկ։ Սարող իցէք տալ որդեկիդ նաև յաջողակութիւն, հանապազորդութիւն, և զօրութիւն ժուժկալել ի վիճակին յայնմիկ։ Բառնայցէք դուք ըզբեանն, թե թեւացուցիք զծանրութիւնն. լինիջիք և դուք վաստակակիցք յաշխատութիւնսն վիճակին. ի գլուխ տարջիք անվթար դուք ինքնին զպարտսն. փառատեցիք դուք ի բաց զփորձութիւնսն վիճակին զծանոնսն, զպէսպէսսն. ընդ նոսին և զգայթագղութիւնսն և զխոչ և զխուծ փրկութեան։

Այնչ արդեօք։ Բանդի անձին առանձին են զխտվին իրքդ և անհատականք. ապա ուրեմն մեծապէս իրաւամբք պէտք են և ընտրութեանն այնմիկ՝ անձին առանձին լինել և անհատական։ Եւ նոսնանելի է ողջոյն փաստս և անդրժելի են իրաւունքն, ոյր աղադաւ և աւտեանք դատաստանաց՝ եթէ եկեղեցական և եթէ աշխարհական՝ հանձարեղ օրինադրութեամբք անդրժելի և յապահովի կացուցին զազատութիւն որդւոց յընտրութեան վիճակին իւրեանց։

Եւ ատ լիցի այսչափ ինչ վասն այսորիկ. անցցուք մեք ասել և որ ինչ ծնողացդ պարտք են նաև ի բանի ընտրութեան նոցա։ Եւ զար է եթէ ընտրութիւն վիճակի կենաց՝ որդւոցն է. սակայն է համանգամայն և ձեր ծնողացդ. և երկաքանչիւրոցն ևս ի դէպ պատշաճի այս այլ և այլ օրինակաւ։ Արդիքն են տեարք ընտրութեանն, և ծնողքն են ուղղիչք և վարիչք ընտրութեանն։ Արդւոցն անկանի ընտրել. այլ դուք պարտիք կառավարել զնոսա յընտրութեանն՝ զոր ընտրեն։ Եւ իս առաջին դատաւարակելով և կրթելով զնոսա յայն ինչ իրս ամենայն Զանիւ

որք կանուխ պատրաստեսցին զնոսա յաստուածակոչ վիճակն : Եւ ապա առաջի դնել նոցա յայանապէս և զհետեանսն և զվտանդսն զընտրութեանն , յոր հակամիտեալն են , 'ի կշիռ ձգելով ընդ այնմ զբաւականութիւն նոցա զընդաբոյս . զի յաջողեսցին ապա քաջապէս 'ի ձեռս բերել զփրկութիւն հոգւոց իւրեանց՝ որում փափաքեն : Եւ ևս ուշ ունել զի ուղիղ ճանապարհաւ և անարատութեամբ և արդարութեամբ զբռամբ ածցեն զվիճակն՝ զոր ընտրեսցին անձանց իւրեանց :

Եւ հաւաստի ձեզ սակաւութ, զոր ըստ թելադրելոյ բնական պատուիրանին պարտիք դուք որդւոց ձերոց յընտրութեան վիճակի նոցա : Եւ որս եթէ պակասեսցիք կամ ծնողքդ յուլութեամբ, կամ որդիքն անաստութեամբ, երկոքեանդ միանգամայն տայցէք համարս Եստուծոյ . յանցանիցեն այդ որդիքն , այլ ոչ անմեղք արձակեսցիք և դուք : Եւ քաղատեսցին 'ի պատճառս անբարի ընտրութեան իւրեանց . և դուք դատապարտք լինիջիք 'ի պատճառս անբարի կառավարութեան ձերոյ . “ Եւ 'ի ձէնջ , ասասցէ ձեզ Եստուած , ես 'ի ձէնջ թէպէտ և բարձի զիշխանութիւն ընտրութեան վիճակին որդւոց , այլ 'ի ձեզ յանձն արարի ուղղել և կառավարել զնոսա : Եւ ինքն ընտրութիւն վիճակի էր իսկ նախապատիւ և տիրաւ կան մասն բրիստոնէական դատաւարակութեան . և վասն այնորիկ խնդրէի քաջիկ իմն մտադրութիւն զնախախնաւ մութեան և զնախատեսութեան ծնողացդ վասն նոցա : Զեզ անկանէր զիտել զննել հանձարեղ խորհրդածութեամբք զերիտասարդական նոցա զանխորհուրդ մտածութիւնս : Զեզ անկանէր քաջ և օգտաշահ խորհրդով զթեթեւամտութիւն նոցա վանեալ՝ 'ի խելամտութիւն ամրապնդել զնոսա : Զեզ անկանէր և ծնողական մեծաւ իշխանութեամբք սանձել զկիրս , զանմիտ բերումն , զանխորհուրդ շուտափութիւն զեռանդուն հասակին նոցա : Սակայն դուք այնպէս լքեալ 'ի ձեռաց զերասանակն՝ թուլակի կառավարութեամբ և մեղկաղէտ սիրով լքէք թողէք զնոսա 'ի ձեռս զգայութեան և յետոս միտ խորհրդոց նոցա : Հատուցէք ինձ ուրեմն հատուցէք զհամար զմոլորելոյ և զհիքացելոյ որդւոյն , որում պարտ էր ձեզ իբրեւ պաշտօնեայ և սպասուոր աստուածային կամեցո լինել ուղղիւ և առաջնորդ ” :

Ընէ դուք հարբ և մարբ վայրիկ մի 'ի միտ առէք քաջիկ զանհրաժեշտ և զմեծամեծ պարտս զծնողական վիճակին ձերոյ : Ենամով խելամուտ լերուք իմաստիցն՝ զոր 'ի ձեզ ազդեն հաւատք . վառեցէք բորբոքեցէք 'ի ձեզ զնախանձ բարի զփրկութեան ձերոյ և զզաւակացդ : Օարթիք , ժրացարուք 'ի փոյթն , կրկնեցէք երեքինեցէք զհսկողութիւնն . սաստեցէք , յանդիմանեցէք , յոր դորեցէք խրատեցէք 'ի դէպ ժամանակի և ըստ գեղեցիկ կանոնաց հայրական ինամակալութեան :

Ձեր որդեակէն քաջապէս դաստիարակեալք և առաջնորդեալք՝ եղիցին ձեզ փառք 'ի մահկանացու կենցաղս ձեր , և արդասիք բարեաց ձեզ և վարձք անդանօր յանմահական 'ի կեանս : Եւա եթէ լքեալ թողցին դուք անխնամք և անհոգացեալք , եղիցին ձեզ պատճառք դառնութեանց 'ի յաւիտենիս յայսմիկ , և պատճառք աղիտից 'ի հանդերձեալն . զոր քաւ մի թոյլ տացէ Եստուած :

ԲԱՐՈՋ ԻՆ

Ո Ղ Ո Ր Մ Ա Ն Ո Ւ Թ Ի Ի Ն

“ Երանի ողորմածաց . զի նորա ողորմութիան գտցին , , :

Պէտք չիտարհիկ են աւետիքն , որպէս և ոչ այլ իմիջ առաքինութեան խոստացեալ սուրբ լինել ամենայնին՝ բայց ՚ի տուրս ողորմութեան : Վանդի և քաջայայտ առաքինութիւն ողորմածութեանն փարելի յոյժ է սրտին Ղստուծոյ . իբրև զի չիք ինչ յառաքինութեանց այնչափ ստէպ և խնամով պատուիրեալ ՚ի Վրիստոսէ , իբրու ողորմածութիւն . իբրև զի և նմանողութիւն իսկ մեծ է ողորմածին ք Ղստուծոյ : Ղրդ ո՞ղբ պանծալի բարեմասնութեանցս ասպնջական յաջողեսցի լինել , բայց որ գոյաւորն իցէ և բազմահաշարուստ :

Վանդի թէպէտ և մեծապէս ևս չարակնեսցին աղբաւք ընդ մեծատունս , թէպէտ և կկոցեալ աջօք ՚ի նոսա՝ բիւրս իմն ՚ի ժողովին իւրեանց զձձեսցեն թշնամանօք զբազմալտանդ կեանս մեծատանցն , սակայն թուի ինձ եթէ և միանգամայն նախանձելիք սոցա պարտիցին լինել ընչէղքն , իբրու որ սատարք բազում են ՚ի ձեռս նոյա քաջադէպք առ ՚ի զբռամբ ածել զերաւնութիւնն զայն զմեծ՝ զաստուածային բերանոյն , “ Երաւնի ողորմածաց , , :

Բայց սակայն տուայտեալ աւադիկ աղքատացդ հոյլք , վշտմբերք հանապազ , քաղցեալք և ծարաւիք , սիւփանս քանի ընկալցին նոքա ՚ի սիրտս , լուեալք զօրհանապազ յաւետարանին զվայ աւանդ զմեծատանցն , յոր-

ժամ' և 'ի բեմէ աստի սրբութեան ստէպ նշաւակեացին նորա, քանի՞ն իցէ սրտի դիւր աղքատացն: Աս մանաւանդ քանի՞ ցնծութեան ձայնք 'ի մէջ զրդլեկացն այնոցիկ, և ոտնհարութիւնք մեծատանցն՝ առ խորտկաճաշ մեծատանն պատմութեամբ. յորժամ զտարօրինակ դէպսն լսեն նորա զնորա և զաղքատին՝ աղարօսի. զի բեհեզաւորն և ծիրանաւորն և հեշտակեացն ընդ դժոխացնոցն պապակեացի, և աղքատն 'ի հրեշտակաց սպասաւորեացի. «Ա՛ռաւ մեծատունն և 'ի դժոխս 'ի տանջանս էջ. . . .» Ահաւասիկ, ասեն, ահաւասիկ վախճան մեծատանցն. եղուկ են նորա: Իսկ մեզ աղքատացս, հիբացելոցս, 'ի ցնցոտիս զարդարելոցս, ընդ՝ աղարօսին մերոյ վշտակրին՝ կայ միայ փրկութեան հասանել, զերկինս ժառանգել»:

Եղիցի այնպէս, ո՛վ աղքատք. այլ եթէ դուք՝ աղարօսին հանդիպեալիք գեղեցիկ բախտին, ասացէք ինձ. ո՛ւր տարցին զձեզ հրեշտակք: . . . — Ի գոգն Աբրահամ: — Եւ ո՞րք էր Աբրահամ: . . . Այ մեծատուն բազմահարուստ 'ի կալուածս, բազմահարուստ յանդեայս և յընդոճինս, ո՛չ և յայն ամենայն օրհնեալ և բարգաւաճ յԱստուծոյ: Եւ արդ եթէ փրկութեան հասանէք ընդ՝ աղարօսի աղքատին, տարեալ լիջիք դուք 'ի փրկութեան ձերում 'ի գոգ մեծատան:

Իացցին ուրեմն զրունք երկնից՝ միումն և միւսումն, և երկաքանչիւր վիճակաց տուք աւետիս. որպէս աստուածայինն նախաձայնեաց մարդարէն. «Ենդ, ասէ, 'ի միասին մեծատունք և տնանիք մոցեն օրհնել զԱստուած յաւիտեան. . .»:

Եւ անշուշտ սիրելիք, մեծապէս զօրավիգն մեծատանց հանդերձին աղքատք, միանգամայն և 'ի հարստացուցանել զնոսա յերկրի, և յերջանկացուցանել 'ի յերկինս: Ի՛նչպիսի են իսկ մեծութիւնք և ինչք, միանգամայն և պարտք և պողպաբերութիւն ողորմածութեանն. և է ողորմածութիւնն 'ի մեծատունս զրաւական միանգամայն և գործարան փրկութեան հոգւոց նոցա:

Ա՛յլ արգասեաց ողորմածութեանն, քանզի պաշտպան և ջատագով մտանէ սա վասն ընչեղացն, և հանէ քաղէ վասն նոցա՝ ձեռաց աղքատացն առաւել յոյժ քան զոր աղքատք առցեն 'ի ձեռաց մեծատանց, և կրկնակի պար

տապանս կացուցանէ զնոսա եթէ 'ի մեծարանս երեսաց մեծատանցն, և եթէ 'ի պէտս գոյից նոցա :

Այսն որոյ և դուք տեարք, այն ինչ հաստատեալ 'ի միտս ողորմած լինել 'ի տուրս, անդէն զերծ և ազատ կացուցիք զանձինս 'ի յաչաղանացն աղքատաց և 'ի դատափետուրութենէն նոցա : Վրանզի զիմորդ մարթ իցէ նոցա այնուհետև նախանձել ընդ ձեզ, յորժամ վասն նոցա հարստացեալ է ձեր. և զիմորդ այլ ևս բամբասիցեն զձեզ, յորժամ նոքօք դուք փրկուրութեան հասանիցէք. իբրու որ զձեռանէն ձեր կալեալ այնպէս մուծանիցեն յարքայութիւն :

Եւ արդ տեսէք ինձ տեարք իմ, քանի բարեմասնութեամբք՝ որ յաստիս 'ի ժամանակեայս, և որ յանտիս 'ի յաւիտենականն, իբրու եթէ բուռն ձեռին իւրում արարեալ լ'ստուծոյ այնպէս առատաձեռնէ առաքինութեան ողորմածութեանն՝ որչափ և հնար իցէ. յորժամ այնչափ իմն բազմազեղ ողորմութեամբն ընդ ձեզ՝ բիւր անդամ յաստուածային մատեանսն յապահովի առնէ զձեզ յանգիւտ կորստենէն, եթէ միջնորդ ձեզ զողորմածութիւնն կալլիք, զի այս է ասելն. “Նրանի ողորմածաց, զի նոքա ողորմութիւն գտցեն” :

Դռաջին՝ ողորմութիւն գտցեն յաստի կեանս. զի տունք նոցա լցցին միշտ հացիւ, և ծաղկալից եղիցին հանապաղ : Երկրորդ անգամ՝ ողորմութիւն գտցեն և 'ի հանդերձեալն. զի անձինք նոցա երջանկացին 'ի յաւիտեան :

Եւ եթէ ես այսօր, տեարք իմ, անհրաժեշտ հաւատ տեօք ոչ ցուցից ձեզ յայտ յանդիմանութեամբ զառաջ արկութիւն քարոզիս, ահա թոյլ է ձեզ. մի տայցէք այլ ևս ողորմութիւն, մի ինչ ջամբիցէք աղքատաց, և դադարեցէք դուք այսուհետև 'ի լինելոյ ողորմած :

ՄԱՍՆ Ա .

Օ իարդ վայելուչ Ռերանն ոսկի , յորժամ հանդերձէր խօսել առ մեծատունս վասն ողորմածութեան , զայս կանխաբանեաց . “ Խօսեսցուք , ասէ , զարդիս վասն մեծաշահ օգտի ոչ այնչափ առողջայն 'ի ձէնջ , որչափ ձեզ առողջացդ ” :

Եւ իրաւապէս յառօրէից աստի բարգաւաճութեանց առնէ նա սկիզբն . որ թէպէտ և չիցեն ինչ արդոյք , սա կայն էն զգալիք առաւել . թերևս փոքր ինչ թուեսցի ձեզ ո՛ր մեծատունք ողորմածք , զի 'ի պատճառս տրոց ձերոց առ աղքատս՝ շուրջանակի զձեր տունդ ամրացուցանէ Բստուած անդրժեւի 'ի հարուածոց , որ յերկնէ , որ յերկրէ , որ 'ի մարդկանէ . զի և երբէք զաղքատութիւն ոչ տեսցէ :

Եւ անշուշտ է բանս , ունին դիք : Օ ի զոր միանգամ տայք աղքատաց , յիւրում հաշուէգրին զայն իւր համարի Բստուած . “ Օ որ ինչ , ասէ , արարէք միում յեղբարցդ , ինձ արարէք ” : Եւ զնոյն կրկնէ և երեքկնէ , և խնդայ 'ի յեղյեղեւն :

Պիտէք իսկ դուք 'ի հաւաստի պատմութիւնս , զի և յողորմածաց անտի զգեցուցեալ մերկոց և աղքատաց , զինքն զգեցուցեալ համարէր Քրիստոս : Օ նոյն օրինակ իմաստասիրեսցիք դուք և յաղագս ողորմութեանցն՝ որ զինչ և իցէ , վասն դուզնաքեայ պարենի , վասն աղքատին ձորձոյ , վասն առժամայն դարմանոյն , զոր տայք դուք տանել յարգելոցս առ բանտարկեալն , և յանկեւանոցս առ հիւանդս :

Եւ յի պէտս տրոցդ վայելեն հիբացեալքն . այլ զայնոսիկ պարծանս իւր համարի Քրիստոս , և իբրև պատմութեան փառացարկեալ զանձամբ՝ այնպէս խնդայ առաջի հրեշտակաց սրբոց . և կամի ևս ողջոյն ընդ երկինս հռչակ հարկանել , զի այն որ ազնուական , և այն որ բամբիշ , և այն որ վաճառական , և այն որ արուեստաւոր , այսչափ ինչ ջամբեաց նմա . “ Օ ի զոր արարէք միում 'ի փոքրկանցս , ինձ արարէք ” :

Ըյլ աստանօր , քաջ միտ դիք . չէ ինչ փոյթ , եղբարք , եթէ ճշմարիտ կամ թէ սուտ իցէ մուրիկն՝ որում ջամբէք : Վրանգի որ խաբէ՝ կեղծաւորեալ զինքն աղքատ , թէպէտ և ինքն վրիպեալ է յիրաւանց ողորմութեանն , սակայն վրէպ երբէք չմարթի կացուցանել զձեզ յարգասեաց ողորմութեանն : Սխալէ 'ի քեզ ձեռնն , այլ ոչ և սիրտն : Ի սրտի քում տեսանէ Վրիստոս քաջիկ՝ զոր ջամբեցերդ նմա : Ուստի և դէպք ևս տացին յաւուր միում , զի դու փրկութեան հասցես վասն ողորմութեանդ քո այդորիկ զոր ետուր . և նա վտանգեսցի 'ի փրկութեան իւրում՝ վասն ողորմութեանն այնորիկ զոր էառ :

Սխալն որոյ և դու որ չգիտեսդ՝ տուր ամենեցուն աղքատացն և մուրկաց . դուցէ յորժամ կարձեսցես զձեռնդ , յայնժամ և ճշմարիտ մուրիկքն և որ աւուրն հացի կարօտեալքն իցեն , վրէպ գտանիցին յողորմութենէդ : Վրանգի և անշուշտ ողորմութիւն առնել շարժեալ 'ի քրիստոսեան սիրոյն՝ որում և իցէ , է իսկ ողորմել նմին Վրիստոսի :

Եւ արդ 'ի վերայ ճշմարտութեանս այսորիկ հաստատեալ , միտ դիք , զիմրդ ճշգրտագոյնս և աստուածայնագոյնս , այն որ վարդապետն եկաց ողորմածութեան և հայր խնամածու աղքատաց Ոսկեբերանն սուրբ , 'ի քաջալեր և 'ի հրահանգ կողման ողորմածացն իմաստնաբանէ այսպէս . Բնէ , ասացէք ինձ , ասէ , տեարք , մինչ չե զտուն ձեր օրհնեալ և ամրացուցեալ Բստուծոյ բազմահարուստ ժառանգութեամբդ՝ զոր վայելէք . մինչ չե յարգաւանդ անդս , և 'ի ջոկս անդէոց , և 'ի հօտս խաշանց և 'ի բազմապատիկ կալուածս , և 'ի հարուստ եկամուտս , և յայդչափ բարձս աւագութեան , օրհնեալ զձեզ Բստուած և բարգաւաճ կարգեալ , մինչ չե ասեմ առեալ ձեր զայս ամենայն 'ի ձեռանէն Բստուծոյ , ասացէք ինձ վայր մի , եթէ ինչ մի էսօր նա 'ի ձէնջ : Յայտ է թէ ոչ ինչ :

Եւ արդ եթէ այն Բստուած որ այնչափ առատաձեռնեաց 'ի ձեզ , մինչ չե ձեր տուեալ 'ի ձերոցդ՝ և ոչ պատառիկ մի հացի . իսկ յորժամ յողորմութեան ձերում այնչափ էառ 'ի ձէնջ , ազահեսցէ և կամ ժլատեսցէ ինչ առ ձեզ տալ 'ի դանձուց իւրոց . Որ ետն , ասէ ,

այնմ, յորմէ չէառ ինչ, ոչ սոպաքէն բազմապատիկ առաւելութեամբ տացէ, յորժամ առնուցու : “Որ զձեռն իւր կանխեաց եբաց տալ քեզ յիւրմէն, կծծեսցէ զնոյն ՚ի հատուցանել քեզ զքոյն : Որ բարերարեացն միայն ՚ի շուք շնորհին, ոչ փոխարինեսցէ ՚ի շուք շնորհակալութեացն . որ և քեզ ՚ի պարգև ետ, զլասցի՛ քեզ զվարձն . “Նանի բազմապատիկ, ասէ, առաւելութեամբ տացէ, յորժամ և առնուցու :” :

Եւ առ ՚ի քաջայայտ ևս ՚ի ներքս բերել, ասացէք մեզ : Ո՛ւմ առաւել արժան դատեսցի Մսուած առաւտաձեռնել յառօրէից աստի բարեաց . զիւրդ թուի ձեզ, արդեօք որ չարաչա՛ր վարեսցեն զարծաթ ՚ի գինեբբուս, ՚ի շուայտութիւնս, ՚ի կապելայս, յաշխարականդիկս, եթէ որք ՚ի պէտս մանկանց, աղքատաց, որբոց, այրեաց, անկեւանոցաց վարեսցեն զոսկին : Հայտ է թէ վերջնոցդ :

Եւ եթէ նա և զբազումս յառաջնոց անտի տեսանեմ և յընչաւետութեան պահեալ Մսուածոյ, զինչ ասես, քանի՞օն տպա առաւել զվերջնովքդ երբէք անտես չարարեալ լբցէ ՚ի ձեռաց : Եթէ շույլ որ և յանցաւոր վատնիչ՝ լիասցի յգիտացի բարեօք, իսկ բարեպաշտն և ողորմածն մուրիկ չըջեսցի . “Մանուկ էի ես, ասէ, և ծերացայ . և ոչ տեսի զարդարն արհամարհեալ, և ոչ զաւակ նորա՝ թէ մուրանայ հաց :” :

Իպա եթէ երբէք դէպք կամեսցին տալ կրիցս այսոցիկ ՚ի տեսչութեան տիեզերաց, տեսցես դու յայնժամ վեր ՚ի վայր զղորդեալ զաշխարհ . զի անդէն առհասարակ բողոք բարձեալ ՚ի բարձունս աղաղակեսցեն առ հասարակաց հայրն ողջոյն գերդաստանք, որոց դուք ողորմեցարուք . ձայնք հառաչանաց հազարաց բիւրուց յանկեւանոցաց, ՚ի բանտից, յորբանոցաց հնչեսցեն յերկինս . “Եւ ո՛ւմ այլ ումեք, ուլ Մսուած, թողցես յանձն արասցես զմեզ . և ո՛ւստ ուստեք մեք այսուհետեւ զօրապահիկ հացն, յորժամ դու բարձցես ՚ի մէնջ զայրն, որ մեզն ջամբէք :” Եւ այնպէս զայն ինչ՝ որ պատճառքն էր աշխարհաւ բողոքելոյն, կանուխ աղաղակաւն կարձեն յողորմածացն, զի մի ինչ չար երբէք պատահեսցէ նոցա :

Ս ասն քո աղօթէ հիքացեալն այն ազնուականն, որ մինչ չե խնդրեալ նորա առ ամօթոյն, դու ձեռն տուեալ

յանհնարին շառագնութենէն զերծուցեր զնա 'ի դէպ
 ժամանակին : Ը ասն քաղովթէ պարկեշտն այն օրիորդ ,
 զոր նախատես ինսամակալութեամբ քով յապահովի
 կացուցեր զլուք համեստութեան նորա : Ը ասն քո
 ւղովթէն յարկբ բնակութեան ծառայիցն Ըստուծոյ ,
 վանք և մենաստանք , որոց 'ի դէպ ժամանակի ձեռն
 տաս յողորմութեան գանձուցդ , և յանդորրու կացու-
 ցանես զնոսա խաղաղաւէտ կենօք անզբաղ ւղովթէլ միշտ
 վասն աշխարհի : Ը և ապա առ հասարակ վասն քո ւղո-
 թէն ամենայն աղքատք և մուրիկք , որ դեղերեալ կանառ
 դուրս քո և կողկողին , և ձեռնունայն չմեկնին անտի :

Ըպա եթէ և դէպք ևս տացեն , զի երբէք ողորմեալ-
 քնն անշնորհակալութեամբ տմարդիք , զլացին քեզ զաղո-
 թիցն օգնականութիւն , մի երկնչիր . նոքին իսկ տուրքդ
 ասէ Ըստուած , զոր ջամբեցեր , նոքին աղովթեսցեն վասն
 քո : Ըիր , ասէ , յաւանդ զողորմութիւն 'ի սիրտ աղ-
 քատին , և ողորմութիւնդ աղովթիւք փրկեսցէ զքեզ
 յամենայն չարէ :

Ըատի և զայս օրինակ շուրջանակի ամրացուցեալ քո
 զտունդ յակաստանի բազմանեցուկ ամրութեամբ , որ
 այն հարուած իցէ այնուհետեւ յորմէ խիթացիս : Հա-
 մարձակիմ ասել , զի թէպէտ և 'ի սրտձառս այլոց ինչ
 յանցաւորութեանց քոց տապալել և զտուն քո խն-
 դրեսցէ Ըստուած , տեսեալ զայնչափ ամրածածուկ
 հաստատութիւն զողորմածութեանն , կարձեսցէ ըզ-
 ձեռնն . քանզի և ինքն իսկ ասաց եթէ “ Տուք ողոր-
 մութիւն , և ահա ամենայն սուրբ է ձեր ” :

ԸԼ քանզի քան 'ի փաստից բանից՝ առաւել յօրի-
 նակաց շարժեսցի մարդ , աղէ տուք պատասխանի . իցէ՞
 ձեզ երբէք պատմեալ ուստէք օրինակ մի յաղքատասէր
 և յողորմած գերդաստանաց անտի , որ 'ի տնանկութիւն
 անկեալ իբրեւ մուրիկ դեղերեալ չրջեսցին առ դուրս
 օտարին : Ըպարէզ կարդամ , գտէք ինձ զնա : Ըռէք
 դուք 'ի ձեռս զաստուածային մատեանն , անցէք ընդ
 նա , դարձուցէք ողջոյն զպիտակսն : Ընդդրեցէք առ հա-
 սարակ 'ի խոյզարկեալ և զեկեղեցական պատմութիւնսն
 ընդ արտաքնոցն : Ըրիք մանաւանդ , անցէք ընդ ամենայն
 քաղաքս հետաքննաբար . տեսէք , հարցէք և տեղեակս
 արարէք զմեզ :

Նա, զինչ ասեմ. ձեզ և յամենայն ի քայլս ընթացից ձերոց յաջողեսցի մատնցոյց առնել ինձ զողորմածացն գերդաստանս պայծառս, տոհմս ազնուականս, տունս համբաւատենչս, որ ի տիպ ճշգրիտ մտաբուղիս աղբերց անսպառ արբուցանիցեն զամենեսեանս ի վտակաց իւրեանց, և երբէք չնուազեսցին. նա վտակ առ վտակ և ևս աղբերացեալք ի նորածին ականց՝ որ ընդ նոսա խառնեսցին. և չգիտիցէք դուք բազում անգամ, հիացեալք ուստի այնչափ յորդու թիւնքն, ոչ անսպառելիք միայն, այլ և դամբան զգամ աճեցեալք։ Օ խորհապա քաջաւայելուչս աստուածայինն Ռասիլիոս զողորմածացն անհատահոս ջրհորոյն նմանեցոյց զտունս. «Օ որ օրինակ, ասէ, ջրհորք առատաբուղիք, թէպէտ և զօր ամենայն անդուլութեամբ զջուրն հանցեն ի նոցանէ, նոքա ևս գեղեցիկ և յորդազոյնս բղխեսցեն վտակս, սապէս և որ ի քէն յաղքատս փոխաբերեալ ինչք, մեծապէս յոյժ պողաբերեսցեն քեզ»։ Ուստի և ողորմածութիւն ոչ միայն չնուազէ զաղբիւրն՝ յորմէ հոսի, այլ և յորդաբուղիս և ևս զործէ։

Եւ անշուշտ, ո՞ այն այր ողորմած, որ ոչ առաւել ևս լիացաւ ի բարիս. որ ոք պարապ ունիցի, երթեալ հարցանիցէ զպատգամագիրս և զժամանակագիրս զեկեղեցւոյ և բիւրս իմն գտցէ հաւաստիս բանիցս. քանզի չէ ինձ այժմ բաւական ժամանակս պատմելոյ։

Ենցից միայն սղագունիւք ընդ աստուածայինսն։ Ի՞մ իմիք զրեսցուք մեք զերջանկութիւնն Լբրահամու, որ այնպէս ի տարածամ հասակի օրհնեցաւ զաւակաւն յանձիւ բազմութիւն։ Ի՞մ իմիք և զշուք պատուոյն Լքիզեայ ի տիկնութեան իւրում առ Վաւթի արքային։ Վանի բարօրութեան պատճառք եկաց այրւոյն՝ հիւրնկալութիւն մարդարէին Լգիայի։ Վանի և Սոմնացւոյն՝ իջալանեւն առ նմա Լգիսէի մարդարէին։ Վանի և Պօղիոսի՝ առնուլ ժողովէն նորա զՊաղոս։

Իսկ անդ յանէն անսպառին ո՞ լիացոյց զաշակերտսն Յիսուսի, քայց նոյն ինքն հացն, զոր ի բերանոց իւրեանց կորզեցին առաքեալքն, զի դբաղցն լցցեն զայնչափ որերոյն. «Տէր, ասեն, արձակեա զիսուժանն. զի մինքն իցեն առ քաղցուն։ Նա դուք տուք դոցա ուտել, ասէր Յիսուս։ — Եւ ուստի. հինգ նկանակքն միայն

նշխարեալքն առ մեզ , բաւական իցեն առ այնչափ մարդիկդ : — Դյս , ասէ , հինգ նկանակբդ՝ որոց այնչափ խնամով պահուելիք՝ ի ձերում մախաղի , և ձեզ ևս երկու տասանիցդ չեն բաւական , եթէ զթածաբար բաշխեսցին ի պարէն աղքատաց , հինգբդ այդոքիկ բաւական եղիցին հնգից հազարաց . աղէ դուք վայր մի բազմեցուցէք զմարդիկդ դասս դասս :

Օ ի ևս ասել , գիտէք իսկ դուք քաջ զպատմութիւնն : Տամբէին տային աշակերտքն , և ըստ չափու բաշխին աձէր հրաշագործեալ հացն ի ձեռս նոցա : Իսկ որ հիացման ևս արժանի , արգասիք քրիստոսեան սիրոյն՝ ի յազելոց անտի ժողովրդոց նշխարեալ կոտորքն լի թաթաղուն նաւ զամբիւղս ընդին երկոտասան , զի և աշակերտքն՝ որոց ի հինգ նկանակաց հազիւ անկանէր առն առն կոտոր մի դուքնաբեայ , մէն մի այնուհետեւ ի նոցանէն ընդր վասն իւր առանձին սակաւի մի զհամեղաձաշակ հացին : Բաբէ քրիստոնեայք . և ո՞ր այն առաւել վաճառաշաքիրտն կրպակաց ձերոց այնչափ ինչ մարթասցի պտղաբերել ձեզ :

Եւ զիմորդ ապա , յաւելոյր Բերանն ոսկի , զիմորդ ապա խելամուտ չլինիք ճշմարտութեանն : Տեսանեմք մեք աւաղիկ զայր այր ի ձէնջ փութաջան հետամուտս յայն ինչ արուեստ ի շահել , յայն ինչ գործառնութիւն մեծաշահ :

Իսկ զնուազունս տեսանեմք ժրաջանս յառնել ողորմութիւն . ողորմութիւն՝ գործ և արուեստ յոյժ առաւել օգտաբեր , որչափ ինչ երբէք կայցէ յաշխարհի : “ Բանդի ողորմածութիւնն , ասէ , արուեստ է քան զամենայն արուեստագիտութիւն առաւել յոյժ շահաւաճառ ” :

Ո՛վ զիմորդ զոսկեբերանեան զայս դրուագ գերադոյնս իմացան նաւ որք ի թագաւորաց անտի բարեպաշտք , յորոց մին առ հազարապետն իւր որ զանդիտէր նուազել գանձուն ի լիաձեռնութեան իւրում առ աղքատս , այսպէս ասէր . “ Բաւ ոչ ինչ պակասեցի գանձուն արքունի . շատ է զի մի պակասեցին աղքատք . թող զի տնանիք ողորմութիւն գտցեն , և գերիք զփրկանս . զի գանձ մեծ այս է ” :

Իսկ միւսն առ զաւառապետն իւր՝ որ գանգատէր

վասն առաւտաձեռնութեան նորա առ կարօտեալս, յանդիմանութեամբ այսպէս ասէր. «Երթ յետս իմ, թող տուր ինձ առնել զիմն. քանզի այսու ճանապարհաւ և զոյք իմ բարգաւաճեն և թաղաւորութիւն իմ հաստատի» :

Աւարուք ողորմածք զարքայիցն իմաստասիրութիւն, Երբէք 'ի բանալ ձեր ձեռս առատս առ աղքատս և 'ի խափանել յընտանեաց և յորդոց ձերոց, ասացէք. Ի բաց կացէք, ես զձեր շահն խնդրեմ և զիմն, ողորմած լինիմ, զի դուք մուրիկք չլինիջիք: Քանզի այսու ճանապարհաւ ինչք յորդեն և տուն մեր հաստատի: Եւ զուրք որդեակք իմ, լուարուք զոր ասեմ. յորժամ 'ի կառս զիս տեսանիցէք չքեղ բազմեալ, փառացի հանդէսս կարգել, խրախուճս կոչնոց համադամօք հանդերձել՝ առաւել քան զձեռին մերոյ բաւականն, բողոք բարձէք դուք յայնժամ, և խնդամ ես. նաև կշտամբեցէք ևս զիս և հրահանդեցէք. քանզի յայնժամ անշուշտ զտուն ձեր տապալեմ: Իսկ ապա յորժամ տեսանիցէք զիս՝ մերկս զգեցուցանել, զբաղցեալս կերակրել, զօտարս ժողովել, զպանդուխտս հիւրընկալել, զգոյշ լերուք՝ մի ինձ խոչընդոտն լինիջիք. քանզի այսու ինչք յորդեն յԱստուծոյ և տուն մեր հաստատի: Եւս է իմաստասիրութիւն և գործ առն քրիստոնէի:

Եւ սակայն ես առ վսեմական ձեր հոգիս՝ անշուշտ 'ի կամս յակամայս յօրացայ 'ի բանս զգուցնաբեայսն և զչնչինան 'ի ներքս բերել ձեզ: Կամանակեայքս այսօրիկ և ծաղկընկէց բարիք չմարթին ոչ յորդոր լինել ողորմածացն սրտից և ոչ քաջալերս: Այլ շարժիչ պատճառք. ապա թէ ոչ որպէս աստուած իմաստն կնքեաց հերոնիմոս, «Օ ողորմութիւնն յայնժամ, քան ողորմութիւն առաւել ևս տուրեառիկ վաճառ պարտ է կոչել» : Եւ ոչ զարձեալ քաջալերս. քանզի որպէս աստուածայինն կնքեաց Ասկեբերան, որ կամաւորապէս մերկանայ 'ի գոյիցն առ 'ի ջամբել աղքատաց, տախաւստանայ և զարհամարհութիւն նոցուն, և զմեծանալոյն ինչ ոչ հողայ. «Ար 'ի գոյիցն, ասէ, առատաձեռնէ կարօտեոց, ուսանի այնուհետեւ արդոյ ինչ համարել զարծաթ և զոսկի» :

Եւ զայս օրինակ ապա բնաւորեալ տիրանայ անձին

իւրում և ամենայն երկրաքարչիցս այսոցիկ, և 'ի գեր 'ի վերոյսն անդր ձկտեցուցանէ զանձն, առ ոտն կոխելով զերկիր . “ Բանգի ողորմութիւնն, ասէ, սկիզբն առնու վերաթեւել յերկինս ” :

Հրաւեր բարձրագոյն և քաջաւեր ճշմարիտ առն բրիտանէի ողորմածի այն է, զի անշուշտ զիտէ եթէ միջնորդաւ ողորմութեան յապահովի կայ նմա փրկութիւնն յաւիտենական, քանզի անսուտ են պատգամքն Բստուծոյ . “ Բարի է, ասէ, առնել ողորմութիւնս, քան զնել զգանձս ոսկւոյ . զի ողորմութիւն 'ի մահուանէ փրկէ . և նա ինքն սրբէ յամենայն մեղաց ” . զոր և աստուածայինն կնքեաց բերան . “ Տուք ողորմութիւն, և ահա ամենայն ինչ սուրբ է ձեր ” :

Ոչ եթէ 'ի յաճախել զողորմութիւնսն 'նուազ յայնժամ զգուշալի իցեն մեղքն, այլ թէ այնչափ իմն բեղմնաւոր են ողորմութեանն արգասիք, զի նովաւ երկնաւոր առաստ շնորհացն արժանի լինի մեղաւորն, դառնալ 'ի մեղացն և ապաշխարել և սրբանալ : Չիք հնար, եթէ կորիցէ մեղաւոր ողորմած . քանզի և 'ի վերջէ ուրեմն արժանաւորեալ ողորմութեանն Բստուծոյ, դադարէ 'ի մեղացն և մերձենայ առ Բստուած :

Բստուտ են բանքս, սիրելիք . զի և վերջին խտացելոցն և 'ի մեղս յամառելոցն՝ միակ դեղ դարմանոց և վերջին քաւարար՝ որպէս ազդէն զիրք սուրբք և վարդապետք աստուածխմատք, է 'ի ներքս ընծայել նոցա յորդորակ զօրաւոր յողորմածութիւն :

Երաշխաւոր անշուշտ ունիմք զմեծն և զիմաստնագոյնն Բանիէլ : Սա առ մեծապէս ամբարշտեայն՝ Կաբուզողոնոսոր խրատ սուղ և ազգոյ զայն 'ի ներքս մատուցանէր նմա . “ Երատ իմ քեզ արքայ, ասէ, բարւոք թուեսցի, զմեղս քո ողորմութեամբ քաւեսցես, և զանորէնութիւնս քո գթովք տնանկաց ” : Օ խարդ ամենայն դժնդակայն, միանգամայն յաղթանկան՝ միայն զողորմածութիւնն 'ի ներքս ընծայել մարդարէն այնպիսունն ամբարշտելոյ :

Բաջ միտ զիք, սիրելիք . քանզի այն ջաճբել կարօտելոցն, այն ձեռն տալ գործելոցն, այն աջ կարեւառել 'ի մութիկան, բնաւորէ զաչան 'ի կարեկցութիւն, բնաւորէ զսիրտն 'ի գութ . այլ յայլմէ գործէ զմարդ . զիստու-

Թիւն հոգւոյն կակղէ, զհոգարտութիւնն ցածուցանէ, տակաւ դուռն, տակաւ ճանապարհ հոգիէ առ քրիստոսական հոգին. հոգի հեզութեան, հոգի սիրոյ և զթութեան: Այս է հոգի յորմէ անբաժ որպէս ամենայն մեծատուն անողորմ դատաւարտի, նոյնպէս և ամենայն մեծատուն ողորմած փրկի:

Այսն որոյ և մեծապէս իրաւամբք՝ առաջի նշանազդեստ ընտրելոց իւրոց զողորմածութիւնն ճանաչէ տէրն յայտնաբարբառ. ի տիեզերական ատենին. «Այլայք օրհնեալք հօր խնոյ, ժառանգեցէք զսրատրաստեալ ձեզ զարբայութիւնն. քանզի քաղցեայ և կերակրեցէք. ծարաւեցի և արբուցէք»:

Վանդի անդ ի համաշխարհական աւուրն յառաջ մատուցեալ յերեւան դայ այր ողորմած՝ ոչ մերկ և սոսկ իբրեւ ողորմած միայն, այլ և բազում այլ հանդիսակից ըսպասուք պատուասիրեալ, և ազգ ազգ առաքինութեամբք զարդարեալ: Այլ, քանի՞նք են հաւատք կենդանի ողորմածին, որ ի մուրիկսն անդր և յախտաժէտսն ընդ ցնցոտի գրողեւօքն՝ ինքնին զտէրն փառաց զՔրիստոս ակնարկէ: Վանի՞նք և յոյս հաստատուն՝ ողորմածին, որ այնչափ աներկեւանութեամբ կապտէ զանձն ի ժամանակէից աստի դոյից, զի ի յաւիտենականսն վայելեացէ: Վանի և դուժ սիրոյ ողորմածին, որ նմանողութեանն փափաքելով զթած երկնաւոր հօրն, սիրէ ձեռն տալ՝ զօրավիզն լինել օտարաց անծանօթից՝ իբրեւ եղբարց: Ահա հաւատք, ահա յոյս, ահա սէր ողորմածին:

Այսոքիւք և բաժին Աստուծոյ հանելով ողորմածին յիւրոց անտի դոյից, եթէ պաշտօն մատուցանէ նմա իբրեւ արարչի և թաղաւորի, և է այս դործ կրօնի: Այլ եթէ զպտուղն տայ հատուցանէ իբրեւ սեպհական տեառն, և է այս դործ արդարութեան: Ահա ասիկ քանի շքով և հանդիսակից ընկերօք դայ յերեւան այր մեծատուն ողորմած՝ առաջի ատենին Աստուծոյ. և զինչ զարմանք իցեն այնուհետեւ, եթէ և այնչափ փառօք հիւրընկալութիւն գտցէ նա առ ի յԱստուծոյ:

Այլ բաժնէ բաժնէ. քանի տարօրինակ հանդէս կրկնակի դասուց մեծատանցն յաշխարհաժողով ատենին: Վանի բազմադէտ մեծատանցն անողորմից. քանի բազմերանեան՝ մեծատանցն ողորմածաց:

Ղաջինքն տաղնապետցին անդանօր 'ի զնին բազմա-
հոյլ աղքատացն և մուրկաց : Ո՛վ, քանի՜ ձայնք հառա-
լանաց սրտառուչք յարենէ անտի որբոցն և այրեաց
հնչեացեն յատեան արդար դատաւորին : Բողոք բարձ-
ցեն աղքատք 'ի զրդուել զբարկութիւնն Բստուծոյ ամ-
բաստանք զանողորմից . ցուցեալք մի առ մի զվշտութե-
ր կեանսն , առ նմին և զասպառում սիրտս նոցա : Յառաջ
մատիցեն յիւրաքանչիւր կարգի սպասարկուք 'ի պէտս
ազահացն , և տարազադործք անվարձք՝ փափկացելոցն
'ի հանդերձս , դործաւորք քրանահարք , և մշակք հո-
ղադործք ազարակաց ընչեղացն կծծեաց , զրկեալքն 'ի
նոցանէ , արեւակեզքն՝ ցրտահարքն , զեանաբեկքն և
խոնջքն և ծառայք ժխտիցն , առ հասարակ բողոքար-
կուք՝ զիրաւունս զայս խնդրեացեն յարդար դատաւորին :
“ Ո՛վ է զի՛ յորժամ մեծատունք անողորմք բեհեզս
և ծիրանիս արկեալ՝ ուրախ լինէին հանապաղ առատա-
պէս , մեք սարսուեալք 'ի ցրտոյ և կարօտեալք աւուրն
պարենի՛ նուաղեալ կայաք առ քաղցուն , և յորժամ
հացկատակքն և հոմանիքն առ նոսա և ծաղրածութն
և խաղարկութն առատապէս վարձատրեալք , խակ աղ-
քատքս եղբարք Քրիստոսիդ՝ սուլատանջք , ախտա-
կրեալք , անանկողինք , զեանախշտիք , մերկք կամ 'ի
հանդերձս պատառատունս ” : Եւ այնչափ ինչ հարցեն
զբողոքն , զի և Հանդուրժեալ անողորմիցն՝ յանհնարին
ամօթոյն ինքնին խուճապեցին 'ի դժոխս :

Իսկ ապա ո՛ր այն հեշտալի հանդէս՝ 'ի տես և 'ի լուր
արժանի , երբէք կացցէ զուգահասասար ողորմածացն՝
'ի հրապարակին յայնմիկ . յորժամ մատնանիշ հրճուա-
նօքն յայտ զնոսա արասցեն տիեզերաց ողորմեալքն յիւ-
րաքանչիւր վիճակի , օժանդակեալքն , հովանաւորեալքն
առ 'ի նոցանէ , արք , կանայք և մանկունք և ծերք և
բանտարգեալք և պանդուխտք և օտարք և հիւանդք :
“ Եւասիկ , ասացեն , սրբիչք մերոց արտասուաց , մխի-
թարք վշտաց , կերակրիչք մեր և զգեցուցիչք և ժողո-
վիչք : Եւդ զոր մեք չկարացաք , հատու նոցա արդար
դատաւոր . աուր , ապէնիազ տէր , զարժանահաս ըզ-
փառսն ողորմածացն և առաքինեաց ” :

Եւ արդ վայր մի զմտաւ ածէք , ո ողորմածք , փաստա-
բանս այնչափ և ջատագովս շուրջ զձեօք մածեալ , հնար

ինչ իցէ վտանգել ձեզ 'ի փրկութեան ձերում: Կա նա
քին, զի այսպէս ասացից, իբրու արմաւենեօք միցանա
կօք 'ի ձեռին՝ այնպէս առեալ մուծանիցեն զձեզ յարքայ
ութիւն: Ոչ և տէրն ինքնին կանուխ աւետեաց.
“ Իբարեք ձեզ բարեկամն 'ի մամոնայէ, և ընկալցին
զձեզ 'ի յարկսն յաւիտենականս. ”: Վրանի վկայք ձերում
բարեպաշտութեան կացցեն առաջի ողորմածին Իս
տուծոյ՝ աղքատքն մութիկքն կերակրեալքն առ 'ի ձէնջ.
քանիօն և տօն ցնծութեան կատարեսցեն 'ի լուր երա
նաւետ վճռոյն վասն ձեր. “ Եկայք օրհնեալք հօր
իմոյ. զի ինձ ողորմեցարուք յաղքատսդ յայդոսիկ. ե
կայք օրհնեալք զոր ձեզն պատրաստեցի 'ի տան հօր
իմոյ, յօթեմանս բազմապատիկս լուսեղէնս. եկայք
բնակեցարուք 'ի յաւիտեան. ”: “ Վրանդի, քան դատա
ւոր, որպէս գեղեցիկս ասաց Ոսկեբերան, քան դա
տաւոր՝ առաւել պարտապան ողորմածացն զանձն իւր
ճանաչէ Վրիստոս: Տուր, ասէ, ո՛վ մարդ, տուր հաց,
տուր ջուր, եթէ պարտապան զԻստուած կամիս ունել
քեզ և ոչ դատաւոր. ”:

Ինչքէ հողածնի պատուոյն, զԻստուած ունել պար
տապան. որպէս և ինքնին կնքեաց Իստուած. “ Որ
ողորմի աղքատին, փոխ տայ Իստուծոյ. ”: Վրանի շուք,
քանի և աներկեանութիւն փոխոյն:

Իցէ արդեօք, տեարք իմ, դտանել նիւթ բանի,
յորում առաւել մի զմիով, քան 'ի ճառ ողորմածու
թեանն, 'ի վեզ ելեալ նկրտեցան հարքն սուրբք այր
քան զընկեր զհամբաւի հարկանել զայս առաքինու
թիւն: Վրանդի և զինչ այլ գերազոյն աներկեանու
թիւն փոխատուին՝ քան փոխառու ունել զԻստուած.
և զինչ այլ լաւագոյն աջ, բրիստոնեայք, ապսպարել 'ի
նմա զզանձն ձեր, քան զձեռսն Իստուծոյ:

Հապա դուք, եղբարք, տուք առատապէս զձերն տուք
'ի ձեռս Վրիստոսի միջնորդաւ բրիստոսաղգեցիցն
աղքատաց, և տոհմականօք յարդեսցէ ձեզ զարծաթն:
Եւ եթէ զմի որ ընդառաջեալ ձեզ տեսանէք 'ի նոցանէ,
'ի մերկոցն, 'ի վշտմբերիցն, 'ի պապերոցն, մի զանց
առնէք զտեսութեամբն, այլ աղէտք սիրոյն 'ի ձեզ յու
ղեսցին գթով:

Թեթեւացուցէք զբեռն նեղութեան նոցա, և թե-

Թեալիք 'ի բեռանց մեղաց ձերոց . մինչ չե խնդրեալ նոցա , դուք կանխաժաման լիք առ նոսա . մանաւանդ որ ազնուականք տնանկէ իցեն , և յամօթոյն Թաքթաբուր շրջեսցին հրապարակել զանձինս : Եւ արարէք ձեզ բարեկամս . գնոց գնեցէք 'ի բոսկաց ձերոց բարեկամս հաւատարիմս վասն յաւիտենական յարկացն , յորս ընկալցի զձեզ Եստուած 'ի ձեռաց նոցա :

Եւ աստանօր աւաղ ինձ 'ի գորովել սրտիս 'ի յիշատակ բանիս , զոր ստիպիմ ազգել : Եւ Թէ յանկարծ , ո՞ մեծատունք , զայն ինչ զոր ձեզ նիւթ արքայութեան՝ զարծաթն և զոսկի՝ շնորհեաց Եստուած , դուք գեհնոյն նիւթ առնիցէք զնա , քանի՞ն իցէ ապաշաւն , քանի և անպէտ արտասուքն և ոգետանջ կիրքն : Բանգի աղէ ասացէք վայր մի . և ընդ ո՞ր այլ չնչին ևս գնոց զանեղբականն գերջանկութիւն մարթէր Եստուած խոստանալ և տալ ձեզ . ընդ մարդոյ՝ զԵստուած , ընդ երկրի՝ զերկին . ընդ անցաւոր ժամանակի՝ զանժամանակն յաւիտենականութիւն , զինչ ևս՝ ընդ միոց խերեւելի զարքայութիւն : Եւ որում ինքն է տէր սեպհական և ոչ դու , զմեծութիւնդ ասեմ . նա յայնմանէ խնդրէ 'ի քէն բաժին հանել նմա յանձինս աղքատաց . և խնդրէ զօրն . ոչ զկարեւորն քեզ 'ի պէտսդ , կամ զվայելուն քո 'ի շուք վիճակի անձինդ . այլ զյաւելեալն 'ի նոցանէ , զարժանն . այն է զոր տէրն ինքնին ասաց . “ Բայց աղէ , զարժանն . տուք ողորմութիւն , և ամենայն ինչ սուրբ է ձեր ” :

Եւ Թէ բաց 'ի սակաւէ այտի՝ նաև առատաձեռնեսցես , առատագոյն ևս դարձուցէ քեզ ամենահարուստն Եստուած : Բարէ , առից միւսանգամ ասել . իմ իմիք այլ անարդագոյն գնոց մարթէր գնել զարքայութիւնն . տուք հաց և առ զերկինս , տուք զչինն և առցես զհրաշակերտսն :

Եւ քանի՞ն առաւել քան զաղքատսն զձեզ , ո՞ մեծատունք , պանծացոյց Եստուած և բարձրացոյց . նորա 'ի ձէնջ զորսպահիկն առնուն հաց , դուք զյաւիտենից զկեանսն . նորա զչնչին լումայն , դուք զվարթամեծութիւնն . մեծութիւն՝ որ և զժամանակեայն քո զբաղղն և զյաւիտենականն միանգամայն յապահովեսցէ :

Եւ քան ինչ 'ի քէն զբաւեն անձանց , զոր և ա

կամայ 'ի մահուդ թողցես դու նոցա, դու միջնորդաւ
նոցա զանթառամեւին առցես զպսակն, զանմահական
զկեանսն. «Տուր զնկանակն, և առ զարքայութիւնն» :

ՄԱՍՆ Բ.

ԲԱԼ Թերեւս աստանօր յերկուացի ոք ընդ բանքս՝
զոր ցայս վայր լուաւ. — Բարեալ իսկ է իմ, ասացէ,
ողորմութիւնս բազումս. տակայն զփոխարէնս չգտի՝
զոր աւետես մեզ 'ի բարոզիդ :

Հապա քաջ միտ զիք, եղբարք իմ, զոր ունիմս աշ-
դել այժմիկ : Ի ժամանակեից աստի բարեաց զփոխա-
րէնս՝ է բազում անգամ զի զազտաբար պարգէէ Բստու-
ած և դու չգիտես, տայ զպարգէն և ծածկէ զձեռնն :
ԲԱՍ է իմաստութիւնն Բստուծոյ, զի ողորմութիւնք
և տուրք աղքատացդ մի լիցին սնավաստակ 'ի շահասի-
րութեանդ սակս. լիցին միայն վասն Բստուծոյ, միայն
'ի սէրն Բստուծոյ. միայն 'ի թեթեւացուցանել զլիշտս
որդւոցն Բստուծոյ :

ԲԱՍ է ողորմութիւն՝ արքայութեան երկնից պտղա-
բեր. այս է ողորմութիւն՝ յաւիտենականին արժանա-
ւոր ողորմութեանն Բստուծոյ : ԲԱՍ է ողորմութիւն
աւետարանին Վրիտասի. Օգոյշ լերուք, ասէ, ողոր-
մութեան ձերում, մի առնել վասն մարդոյ, ոչ փողովք,
ոչ թմբկօք, 'ի ցոյց ինչ նոցա : Վստութիւնն այն առ 'ի
մարդկանէ՝ է բոլոր վարձ այնպիսի ողորմութեանն, և
անբաժ է 'ի վարձատրութենէն Բստուծոյ :

ԲԱ արդ զմտաւ ած. եթէ բազում անգամ չտայր
Բստուած 'ի ծածուկ աստէն զփոխարէն ողորմութեանդ՝
զոր ասես, այլ անդէն ակն յայտնի ընդ միոյ զոր ետուր՝
դառնայր հարիւր 'ի քսակդ, ոչ ահա յայտնապէս վտան-
գէր ողորմածութիւն քո առնել 'ի շահախնդրութեան
սակս, քան եթէ առ կարեկցութեան ինչ կարօտելոցն
և 'ի սէրն Բստուծոյ :

Վասն որոյ առ ապահովել զաստուածայինն շարժ-
առիթ զաղքատսիրութեան քո, ծածկէ բազում ան-
գամ զհատուցումն երկրաւորիս բարեաց. հատուցանէ

զփոխարէնն նա և աստէն, տայ զպարգէն, այլ ծածկէ զձեռնն:

Եւ զիտեղ այս. ասասցես թերևս: Ս'իտ դիր: Տեսանես դու աւասիկ բազում անգամ, զի երջանկացեալ է տուն քո'ի շայեկանութեան. յանձն լինելով քեզ աստի և անտի բազում դործառնութեանց և պաշտամանց, և դու չդիտես զվասն էրն:

Տեսանես դու աւագիկ, զի բարուք զոր գքէն կարկատեցին թշնամիք'ի կործանել զքեզ, հեշտեալ'ի դերևս ելին. և զրպարտիչք քո վաղ ընդ փոյթ խայտառակեցան: Օ ինչ իցէ պատճառն:

Տեսանես դու աւագիկ, զի և ախտք և հիւանդութիւնք կամ ոչ ճարակին'ի տան քում, կամ երբէք դէպք չտան, կամ թէ արագ արագ ապաքինին: Եւ բիւր ևս այլ ճախողակք'ի հիմանց տապալիչք զերդաստանիդ, տեսանես՝ զի հրաշալի իմն և անկարծելի դառնան'ի յաջողութիւնս:

Եւ այսոքիւք դու անշուշտ՝ բարեխառնութեան օղոցդ և բարեշունչ հողմոյն յաջողակութեան գրես զողջամբ հասանել վաճառալից նաւուդ'ի նաւահանգիստ: Վարձեալ և ժրութեան և հաւատարմութեան վաճառակից քո ընկերացդ համարիս դու զբարգաւաճել գոյիցդ'ի տուրեալս քո: Վարձեալ և քաջութեան և արթնութեան փառաբանիդ տաս դու զյաջողութիւնդ ժուարակնձիւն դատին քո'ի բարի ելս: Եւ զիցի ամենայնն այդպէս ըստ կարծեացդ:

Եւ յառաջ քան զայդոսիկ՝ դիտասցես անշուշտ ո՛վ մարդ, զի երկինք առաւելապէս առանձինն հովանացեալ կային'ի վերայ քո, առ'ի փոխարինել քեզ զաղտապէս զտուրս սիրոյ ողորմութեանցդ՝ զոր ջամբեցեր աղքատաց: Տայ զպարգէն, և ծածկէ զձեռնն:

Եւ բնաւ իսկ ասել. որ ինչ միանգամ և ուստի միանգամ'ի բարեաց'ի տուն քո յորդէ, դիտեալ քաջ զի երբէք չցամաքեսցի վտակն առ քեզ և առ որդեակս քո, ցորչաի քո հանապազորդեալ է'ի գործ ազբատսիրութեդ:

Վանգի և Մատուծոյ պատգամն զնոյն ասէ. Մեն ողորմածի՝ որոյ ոչ պակասեցին ողորմութիւնք, հանապազորդեսցեն բարիք ընդ զաւակի նորա: Եւ յսոքիկ վասն ժամանակիցս հատուցմանց:

Իսկ վասն հոգեւորացն՝ զոր տայ Մատուած ՚ի վարձ ողորմութեանցդ, քաջայայտ են ճառքն: () ողորմ պատմել այժմ զսքանչելի դարձս մեղաւորաց և զանկարծելիս՝ յարգասեաց անտի ողորմութեանց իւրեանց, որպէս ունիմք ՚ի հաւաստի պատմութիւնս քաղումս եկեղեցւոյ: Վուք ինքնին քաջիկ զփորձն առեալ էք ընդ ժամանակս ժամանակս. քանի անմեկնելի զուգակցութիւն և քանի յօգակապ հաստապինդ կայցէ ընդ ողորմութիւնն աստուածային առ ձեզ, և ընդ ողորմութիւն ձեր առ աղքատս. զի և անվրէպ դտեալ է ձեր զողորմութիւնն Մատուծոյ՝ յողորմել ձեր աղքատին. ըստ անսուտ պատգամին եթէ՝ «Ողորմածք զողորմութիւն գտցեն»:

Վանզի շնորհս առանձին միշտ ՚ի պահեստի ունի Մատուած վասն ողորմածացն. զի կամ չթողու նոցա անկանելի մեղս մեծամեծս, կամ յետ անկանելոյն՝ միւս անգամ կանգնէ զնոսա: Որպէս և հարքն սուրբք և վարժապետք աւետարանին կնքեցին եթէ՝ «Տուք սիրոյ և ողորմութիւնք՝ ամենայն մեղաց կամ քաւիչք են, կամ նախապահեստ դարմանք»:

ՄԼ սակայն վասն գեղեցիկ կարգի սիրոյ և ողորմութեանն՝ զգոյշ լերուք սիրելիք յողորմածութեան ձերում. զի մի թերևս անպտուղ ելանիցէք ՚ի տուրս ձեր:

Մաջին՝ զգոյշ լերուք, զի կարգաւ յառաջ խաղացել սէրն, և երբէք դիմագրաւ մի վաղեսցէ զարդարութեամբն: () ըինակ իմն՝ յորժամ առատաձեռնեալ քո յողորմածութեան առ աղքատս, և զանդաղեսցիս ՚ի վարձս ծառայից, յուրացիս ՚ի սակ առուրն գործաւորացն հասուցման, ՚ի գինն վաճառաց, ՚ի պարտս պարտատեարց քոց, որ սէր իցէ այն: «Ոչ իմանայք, ազդէր աստուածայինն Մզոստինոս, ոչ իմանայք զի ՚ի տրոց այտի և յայնօրինակ բաշխից կէսք խնդան, և կէսք լան. կէսք զոհանան և կէսք հայհոյեն: ՄԶ ում ումեք լուիցէ Մատուած, և ում առաւել անսասցէ: Բաբէ, չիք հնար, եթէ ՚ի միասին կայցէ վարկ քաղաքական մեծի պարտապանի և յարգ քրիստոնէական մեծի ողորմածի»:

Նշիրորդ անգամ՝ յաղագս չափու ողորմութեան ՚ի զոյից ՚ի տալ շատ կամ նուազ, միակ կանոն անստերիւր

լիցի քեզ պատուիրեալն 'ի Տուրիթայ . “ Զքնչից քոց ,
ասէ , առնիցես ողորմութիւնս . և մի ազահիցէ ակն քո՝
յորժամ առնիցես զողորմութիւն : Արչափ և իցէ քո ,
ըստ նմին բազմութեան արասցես զողորմութիւնսն .
եթէ սակաւ իցէ քո , ըստ սակաւին . և մի յապաղիցես
առնել զողորմութիւնսն , զի զանձս բարիս զանձեսցես
քեզ յառուրն կենաց քոց , :

Իւ ուր այրին տառապեալ ըստ գոյին զերկուս լումայ-
սըն արկանէր 'ի զանձանակն , անդուստ մեծատունն
Օճաքէոս . “ Ե՛հա , ասէ , զկէս ընչից իմոց տաց աղքա-
տաց . և եթէ զոր զրկեցի , հատուցից չորեքկին , :

Երբորդ անգամ , միտ դիք զոր ասեն բազումք 'ի մե-
ծատանց . “ Ըստաձեռնեցից 'ի մահուս և ըստ չափու-
մեծութեանս՝ բազմացուցից զողորմութիւնսն . լաւ ևս
է անագանն քան զբնաւն ամենեկին , : Օայս ասեն
նորա : Սակայն ընդ ողորմածն 'ի կեանս և ընդ ողորմածն
'ի մահուն այն խտիր է՝ ասէր աստուած իմաստն Սսկե-
բերան , որ ինչ ընդ պանդուխտս երկուս ուղեւորեալս 'ի
զիշերի . մին յառաջոյ իւր ունի զլոյս ճրագին , և միւսն՝
'ի թիկանց : Ար յառաջոյ տանի զճրագն , նմա ստուեր
անձինն 'ի թիկանց կայ . իսկ որ զկնի իւր՝ ստուերն
յառաջոյ ընթանայ , և զտեսութիւն խուլնդոտիցն խա-
փանէ :

Եղէ դուք ողորմածք , եթէ 'ի դազաղէ անտի մահուն՝
'ի ճանապարհի յաւիտենականութեանն ստուեր ձերոց
մեղացն յառաջ ընթանայ առ աստուածային ատեանն ,
զինչ ձեզ օգտեսցէ լոյս դուքնաբեայ ողորմութեանցդ
որ զհետ դայ ձեր :

Երբորդ քաջ և աներկեան առէք դուք 'ի ձեզ , և
իմաստնացեալ արձակեցէք յառաջոյ զլոյսն . բարձէք
դուք ինքնին զճահս ձեր վառեալս քրիստոսեան սիրովն .
“ Եղիցին գօտիք ձեր պնդեալք ընդ մէջս և ճրագունք
լուցեալք , : Ս'ի երբէք ակն կալեալ սպասեսցիք ճրա-
գացն , որ զհետ դիահանաց յուղարկաւորութեան ձե-
րոյ տարցին ձեզ ժառանգքդ ձեր : Օայն Ըստուած
գիտէ , եթէ երբէք լուցեն զորա :

Հապա դու ո՛վ մարդ , տուրիթեան խրատուն պատ-
կառ կացեալ . “ Արչափ և իցէ քո , ըստ նմին բազմու-
թեան արասցես զողորմութիւնն , : “ Ս'ի դարձուցանի

ցես ասէ զերեսս քո յամենայն աղքատաց, և 'ի քէն ոչ
 դարձուցէ տէր Լստուած զերեսս իւր . զի ողորմու
 թիւնք փրկեն 'ի մահուանէ, և ոչ տան մտանել 'ի խա
 ւարն : Պարգեք բարիք են ողորմութիւնք ամենեցուն՝ որ
 առնեն զնա առաջի Լստուծոյ : Ս'ի դարձուցանիցես զե
 րեսս քո յամենայն աղքատաց . և 'ի քէն ոչ դարձուցէ
 Տէր Լստուած զերեսս իւր , :



ՔԱՐՈՑ ԻՒ

ԻՄԱՍՏՈՒԹԻՒՆ ՔՐԻՍՏՈՆ ԷԱԿԱՆ

“ Իմաստութեամբ գնասցիք առ արտաքինս , , :

Արուեստք բազմօրինակք են յաշխարհի կենցաղօգուտք և կարևորք : Այլ է 'ի նոսա և արուեստ մի , զոր որչափ իրաւապէս 'ի գովութիւն առնումք իբրև առաջին 'ի կարևորսն , այնչափ և ցանկալի էր մեզ այնպիսի ունել կեանս , զի և կարօտ երբէք չլինել մեզ արգասեաց նորա : Այս է բժշկականն արուեստ . յորում է թէ քաջապէս հանձարով յաջողեսցին ճարտարքն , բազումանգամ և 'ի ժանեաց մօտալուտ մահուն ապրեցուցեն զմեզ . թող զմեծապէս օժանդակութիւնն 'ի մեծամեծ կարիս զհանապազօրեայն , և զդարմանն քաջալայելուչ 'ի զիւր բազմադէմ ախտիցն՝ որոց 'ի ներքոյ անկեալ են կեանքս մեր : Սակայն քանի ցանկալի էին կեանք անկարօտ մեծի արուեստին . ազատացեալ 'ի կարեաց աստի , զերծ 'ի հարկէ ինամարկութեան մարմնոյն , որ հանապազ սպառնայ մեզ զսատակումն :

Արդ զոր 'ի թիւս արուեստիցն զբժշկականէն ասեմք , զնոյն 'ի թիւս առաքինութեանց՝ արժան է ասել զհամբերութենէն : Ո՞ր բան երբէք բաւական իցէ 'ի գովութիւն կարևորագունի առաքինութեանս . որ այնչափ սատարս զօրաւորս 'ի ներքս մատուցանէ մեզ՝ տանել քաջութեամբ աղէտից կենացս : Այլ սակայն և երջանիկ առաւել համարէաք մեք զանձինս , յորժամ և ոչ մի ինչ յաղէտից աստի ամբոխէր զխաղաղութիւն մեր . և

էին մեզ պէտք զնալ ապաւինիլ'ի համբերութիւնն՝ առ'ի քաղցրացունել զդառնութիւն կենացս, և բնաւ խօլ էր'ի միջի այս առաքինութիւն'ի դասակարգի առաքինութեանցն, որոց հանապազօրեայ պէտք իցեն մեզ կրթութեանն՝ ըստ ազգաւոր բնութեանս և ըստ պարտուց հաւատոյս մերոյ:

Եւ սակայն այս բժշկարան մեծ հոգւոյն, այս է՝ համբերութիւնն, այնչափ իմն կարեւորագոյն է մեզ և անխուսափելի, մինչ զի եթէ և հեշտին ևս իցէ մեզ գտանել յաշխարհի բազում մարմինս քաջաոյգս և անախտակիրս, այլ սակայն և ոչ զոք գողցես'ի մարդկանէ՝ ազատ և անփորձ'ի բազմօրինակ վշտաց և'ի նեղութեանց՝ որ ըստ հոգւոյ և որ ըստ մարմնոյ, 'ի հակառակութեանց և յանձկութեանց որ ներքոյ և որ արտաքոյ, և յողէտից որ զինչ և իցէ: Վրանզի զլինելն մարդ և զկրելն, նոյն և մի իր համարեցան իմաստունք. և որ առաւել երջանիկն է յաշխարհի, նա է որում նուազ են կարիք:

Հայսր ամենայնի վերայ գոյ մեզ սիրելիք և այլ առաքինութիւն, յոր եթէ քաջացուք՝ բաւական իցէ նա միայնակ՝ ոչ այնչափ ինչ կարեւոր գործել մեզ'ի բազմապարզար կեանս մեր զկրթութիւն զայս համբերութեան: Եւ ո՞ր այն իցէ. է առաքինութիւնն՝ զոր կոչեմք “Իմաստութիւն քրիստոնէական”, որ զբնութիւն ինքնին զվշտացն՝ որ չարքարեն զմեզ'ի կեանս մեր՝ խորագոյնս քննեալ, 'ի վեր հանէ զճշմարտութիւնն և մխիթարէ զմեզ և անխուով կեանս բազում անգամ նաւթալէ մեզ: Եւս է զոր խրատեաց աստուած իմաստն Պաւղոս. “Իմաստութեամբ զնաաջիք առ արտաքինս”:

Վրանզի մանր զննեալ զիրսն առ հասարակ՝ գտանեմ ես զի աղէտք 'ի կենցաղումն՝ որ պատահեն մեզ և տաղնապէն, առաւելագոյն մասամբք 'ի մէնջ ունին ըզպատճառս իւրեանց. և եթէ մեր փոքր մի իմաստնացեալ էր և իմաստասիրեալ խոյս տալ'ի պատճառացն և յաւթիցն, և նախատես հանդերձելոցն լեալ, ոչինչ այնպէս ստէպ պէտք ինչ էին մեզ առաքինութեան համբերութեանն 'ի տանել զնոսա ժողկալութեամբ:

Եւս իմաստութիւն քրիստոնէական եղիցի նիւթ

քարոզին մերոյ այսօր , և սա հրահանգեացէ զմեզ մի
'ի սպառ հիքանալ յանձնութիւնս մեր . քանզի ուսուցէ
մեզ ճանապարհ՝ անձնապուր լինել յայն ամենայն վը-
տաց՝ որոց մէքս եմք պատճառք :

Եւ արդ քաջ միտ դիք սիրելիք . են իսկ բնաւորա-
պէս մարդիկ այնչափ իմն յանձնապատանք՝ի միտս զի
և պէտք են նոցա մերթ ընդ մերթ լինել վշտակիրք ,
զի մի իցեն այնպէս բարձրամիտք : Անշուշտ է խորհրդա-
ծուծիւնս և ստղաբեր յոյժ :

Վանգի այն ինչ յաստիճան հասանեն նոքա յեղ-
յեղուկ բախտին , անդէն իբրև այլ յայլմէ բազում ան-
գամ խեղաց ծփումն աունեն : Անձնապէս են նոքա այ-
նուհետև անձանց , և 'ի հատարակաց բնութենէն 'ի
վեր վազեալ 'ի վեհագունից իմն կարգի դասեն զանձինս :
Եւ անշուշտ յայնժամ առ դուրս կայցէ նոցա նա և յան-
մտութիւն գլխովին հատանիլ , եթէ ոչ աղէտ մի կամ
տարաբախտութիւն մի 'ի վերայ հասեալ զգոնացուցէ
զնոսա : Իսկ սպա իբրև յարկածից անտի հարեալ վատ-
թարին , դարձեալ այլ յայլմէ եղեալ հիքաբար՝ մինչև
յերկինս 'ի վեր զձիւն և զաղաղական իւրեանց հա-
սուցանեն . և որպէս 'ի բարեբախտութեան յանապայման
խնձղանս հատան , այսպէս և 'ի տարաբախտութեան
'ի սպառ յուսաբեկք , անձնագրաւք են 'ի տխրութիւն :

Եւ սակայն չէ մարդ ստեղծեալ վասն այսորիկ զի հա-
նապազ տարուբերեալ ծփեսցի կամ 'ի տարապայման
խնդութենէն կամ 'ի տարապայման տխրութենէն : Եւ
եթէ մեք խորհրդակից բարի արասցուք մեզ զբրիստու-
նէական իմաստութիւնն , 'ի ձեռս մեր իցէ յայնժամ
հաւասարավիճակ վարել կեանս ընդ մեզ ինքեանս , և
լստ նմանէն միշտ ըստ կարի երջանկանալ 'ի կենցաղումն :
Ս'իթէ տկարազոյն ինչ իցէ իմաստութիւն աւետարա-
նին՝ քան զնչաւորս զայս և զաշխարհական իմաստասի-
րութիւն . և եթէ սովաւ բազումք յարտաքնոց քաջա-
ցան և յանդորրու վարեցին կեանս , ոչ 'ի նոյն զօրեսցէ
և աւետարանն . որ քան զայն այնչափ վեհագոյն է , որ-
չափ հրահանգ Աստուծոյ 'ի վեր է քան զգիւտ հանձա-
րոյ մարդկան :

Եւ սակայն մեք ինքնին , որպէս ասացի , մեք եմք
բազում անգամ պատճառք և գործարան մերոց չարեաց .

մեք ինքնին փորեմք և պեղեմք գուքս 'ի ներքոյ ոտից մերոց . և յորժամ հիքացեալ անկանիմք 'ի խորխորատն , փոխանակ ճիգն թափելոյ յեւն , աւաղս միայն և վայս կարդամք անձանց :

Ըրդ գործիս և պատճառս երրակի բնաւորեցաք մեք 'ի ձեռս առնուլ , և մեզ ինքնին մերովք ձեռօք գործել զմեր խաչս : Ըռաջին՝ երեւակայութիւն տարապայման և անկարգ : Երկրորդ՝ խուժան ցանկութեանցն : Երրորդ՝ տեղի տալ կրիցն : Որքա երեքին , տեսարք իմ , են աղբիւրք ամենայն չարեացն , որոց մեք ինքնին եմք պատճառք : Ըրաչեմ իմաստութեամբ ունին մատուցանել :

ՄԱՍՆ Ա .

Ըրդ յառաջնոյն սկիզբն առեալ , զի է զի չեմք մեք միշտ համամիտք ոչ ընդ անձանց և ոչ ընդ այլս յաղագըս զինչութեան և յաղազս ծանրութեան չարեացն , որ չարչարեն զմեզ . և երբեք է՝ զի անկայուն և այլազան են մեր կարծիք յաղազս արկածից կենացս : Եւսք քանի՞ծն՝ որ ծանունք յոյժ երեւելին մեզ 'ի վերին երեսս , իսկ յորժամ մանր և 'ի մօտոյ զննեցաք զնոսա , և ոչ խաչք անգամ համարեցան նոքա . կամ գէթ ծանունք կարծեալքն՝ փոքրոգիք գտան և թեթեւք :

Օ ինչ պատահումն իցէ իրացս՝ ասացէք : Յայտ է , թէ երեւակայութիւն մեր ընդմտանէ յեութիւն անդր չարեացն , և զնոսա կամ նուազէ կամ աճեցուցանէ . և ըմբռնումն մտաց անկարգ՝ առաւել տանջէ զմեզ քան զբուն աղէտսն : Յայտ է ուրեմն , եթէ քան 'ի բնութեանէ վշտացն հասելոց , առաւել ևս 'ի հանգամանաց վշտազներոցն հանդիսանան չարիք . որպէս իմաստութեամբ կնքեաց Ոսկեբերան . « Ոչ այնչափ , ասէ , բնութիւն կրիցն , որչափ պատրաստութիւն կրելեացն , մեծ կամ փոքր երեւեցուցանէ զչարինն՝ որ 'ի մեր վերայ հասանեն » :

Ըղէ գու հայեաց միանգամ ընդ մարդդ ընդ այդ , որ յղփացեալն է 'ի բարիս կենացս , և սակայն ապերջանիկ կարծէ զանձն . միշտ քանքարտայ՝ ոչինչ բռնա-

դատեալ յաղէտից ուստեք . միշտ ամբոխեալ և անհանգիստ՝ ոչինչ տեսանէ յանցեալն բայց զչարին զոր կրեաց . ոչինչ նկատէ յապագայն՝ բայց զչարին յորոց խիթայ . իսկ ՚ի ներկայումս ակնարկէ միայն ՚ի նեղութիւնն դուզնաքեայս յոյժ . ոչինչ զմտաւ ածեալ թէ քանի՞ն էին բարիքն յորս միանգամ վայելեաց : Ըստիկ քեզ մարդ փոքրոգի , զոր ՚ի զլրել սակաւ ինչ իր բաւական է : Ըստ առ ՚ի մէջ այսպէս . քանզի կեայ նա միայն ըստ երեւակութեանն . և է այս նոցա երեւակութիւն տարապայման և անկարգ : Օ ի կամ ոչ պատրաստէ նա երբէք զանձն առ չարսն կամ թէ տարապայման պատրաստէ . աւասիկ քեզ պատճառք անկարգութեան նորա :

Եւ սակայն իմաստութիւնն քրիստոնէական զայս ուսուցանէ , եթէ յաղցաւոր կենցաղումս քան առ բարին առաւել առ չարն հասանէ մեզ միշտ կազմ և պատրաստ լինել : Ըստ այս և հրահանգէ , եթէ ՚ի գալ հասանել չարին , ոչ փոքր ինչ է՝ համբերատար առաքինութեամբ տանել այնմ , և մի օտարոտի խորհրդովք և տխրագին մտածութեամբք ծանրացուցանել զնոյն : Բանի իմաստութեամբ կանխեաց ազդեաց մեզ աստուածային առաքեալն . “ Եղբարք իմ , մի օտարոտի ինչ համարել զեռանդն , որ ՚ի փորձութիւն ձեզ լինիցի ” :

Եպաքէն անականութիւն ինչ արկած՝ նիւթ և պատճառք է անսպառ կոծոյ : Եւ առ ՚ի մէջ ապա ոչ իմաստութեամբ կանխել ակն ունել այնմ , զի մի անկարծութեամբն իսպառ վեր ՚ի վայր դործեսցէ զմեզ : Ոչ ապաքէն հասարակ կարգաւ յաջողութիւնն ինքնին կարապետ է մօտալուտ չարին , որպէս պարզութիւն օդոց մըրկին . դնել ՚ի մտի եթէ հնար է յաւերժանալ յերջանկութեան , ոչ այլ ինչ է բայց բնաւ իսկ չձանաչել զվայրն յորում կեամք , յորում հանապաղօրեայ է փորձութիւնն , հանապաղօրեայ է և մարտն . “ Ոչ ապաքէն պատերազմ է կեանք մարդոյ ՚ի վերայ երկրի ” :

Ըստ այս դարձեալ՝ եթէ իմաստութիւն է մարդոյ նախատես չարեացն լինել և պատրաստել ՚ի համբերութիւն , սակայն չէ իմաստութիւն մանրախոյզ ՚ի խորս անդ անստուգութեան ապադայիցն՝ որոնել անձին պատճառս իմն զանձկութեան և զտաղնապի : Պատրաստ

լինել ընդունել զարկածսն 'ի նախախնամական ձեռաց Ղստուծոյ մերոյ, իմաստութիւն է այս քրիստոնէական, այլ կանուխ հեծել և յոգւոց հանել վասն այնոցիկ, այս անմտութիւն է անկարգ երեւակութեան :

Բազմօրինակք են, եղբարք, խաբանք մտացածինք որ տանջեն զմեզ : Աշունք անոտեաց՝ մինչև երազոցանդամ և անընդ երես առնել, և խիթալ իբրու 'ի փնասաբեր ազգմանց խօշական թշնամոյն . և հեռատես նկատումն ամենայն հնարաւոր արկածից, և յանդիման նկարել զնոսին իբրև ժայռաճաղինս և խորխորատս անձողոպրելիս . և տարապայման ըմբռնումն մահու և ահաբեկութիւն յանկարծաճառ մահու, և հաշիւ և մաշիլ՝ մինչև վաղվա ղել անձին և զօրհասն . և մտախաբ երկիւղ յանփնաս և յումակետ հանգամանաց իրացն որ պատահեն, և առնուլ շրջել զնոսա 'ի փնաս անձին : Այս ամենայն են խաբկանք և անձկութիւն և տառապանք հոգւոյ, որոց մայր և սաղորիչ է միայն անկարգ մերն երեւակայութիւն :

Բա՛ւր է 'ի քանի ներհակակիր մտախաբութեանց աստի տատանեալք, և զօրհանապաղ աւաղեմք և դանդատիմք, զիա՛րդ զի և պատարուն իցեն, ասեմք, կեանք մեր արկածիւք, . . . Այլ նովին իսկ աւաղելովն մեք ինքնին բազմապատիկ գործեմք զայնոսիկ : Պարտ և արժան էր 'ի բաղաքական ընկերութենէ արտասահմանել զայնոսիկ, որոց միշտ 'ի ժամու և 'ի տարաժամու սիրելի է աւաղել ոչ զհասարակացն միայն զաղէտս այլ և զիւրեանց, որք անձանց փնաս գործեն աճեցուցանելով ըզվիշտս իւրեանց, և լսողացն օգտեն և ոչինչ, նա և ոգեսպառ տաղտկացուցանեն :

Օ ի՛նչ ասել պարտ իցէ և զայլոց բազմաց, որոց կից են անձկութիւնք ընդ պաշտամանց աւաղութեան նոցա : Այլ որ զարմանաց և ծաղու ևս արժանի է, մինչ տըրտընջան և աւաղեն յաղագս նեղութեանցն՝ որք անանջատքն են 'ի բարձէ աւաղութեան, անշուշտ առ ցաւս սրտին մեռանէին նոքա, եթէ որ յանկարծ կորզէր զիշխանութիւն 'ի ձեռաց նոցա :

Օ ի՛նչ և զնոցանէն որ ոչն հային երբէք 'ի տառապանս մերձաւորացն իւրեանց . կամ թէ և հային ևս՝ 'ի կշիռ ընդ իւրեանցն եղեալ, զիւրեանցն միշտ ծանրաբեռինս դտանեն : Աստի և այն հանապազօրեայ տրտ-

մութիւն նոցա՝ այնպիսի ինչ հանդիպի լինել հոգւոց
նոցա, որպիսի ինչ է աւաղակացն խաւար և մութն զի
շերոյ, ըստ որում ասաց Սկեբերան: Տրտմութիւն
բնաւորեցաւ աղցաւոր բնութեանս, զի եղիցի մեզ
սատար ապաշաւել տրտմութեամբ յետ յանցանացն,
ճանաչել զկարիս թշուառութեան մերոյ, և հայցել զօ-
ղորմութիւնն Մտուծոյ: Իսկ մեք անհանձարաբար
հնարագիւտք տրտմութեան լինիմք վասն անձանց, ոչ
'ի դիմել ապաւինիլ յՄտուած, քան թէ անձնատմատն
'ի յուսահատութիւն անկանել: Մյս ամենայնէն մահա-
բեր արգասիք մտախաբ երեւակայութեան: Մյլ փր-
կաւէտ խորհուրդ տայ մեզ քրիստոնէական իմաստու-
թիւն, որպէս խրատէր Սկեբերան, 'ի կշիռ ձգել զմեր
ցաւսն ընդ ծանրագունիցն, և այնպէս թեթեւացուցա-
նել զմերսն. այս է իմաստութիւն: Ոչ դու 'ի վիշտս և
յանձնութեան տառապիս. քաջ է. այլ զմտաւ ած՝ քա-
նիք ուննք չարաչար ևս քան զքեզ տուայտին. և թերևս
ոչինչ այնպէս արժանապէս արժանահաս իցէ նոցայն պա-
տուհաս իբրև զքոյդ: Իբրև տեսարան թատերաց է աշ-
խարհս լի բազմազան անհամար ողբերգութեամբք.
դտցես դու անշուշտ 'ի նմա խաչս ծանրագոյնս յոյժ՝
'ի բաղդատութիւն առնուլ ընդ քոյոցդ:

Մյլ սակայն և 'ի վեր քան զամենայն՝ մեր պարտք այն
էն՝ անձնանուէր 'ի կամս լինել երկնաւոր նախախնամու-
թեանն: Ենչուշտ եմ ես, ասա դու հաւատացեալդ,
անշուշտ եմ, եթէ Մտուած պահապան անբուն հովա-
նացեալ կայ միշտ 'ի վերայ իմ. և 'ի մի քթիթ ական
միանգամայն տեսանէ նա և զանցեալն և զներկայն և
զապագայն իմ. և առիմէ ապա ինդրեցից ես կամ տան-
ջել զիս վասն ապագային, կամ բազմապատիկ դործել
զներկայսն. արկածք ամենայն դործք են նախախնա-
մական ձեռին նորա, ես խոնարհեալ եմ ընդ հզօր ձե-
ռամբն Մտուծոյ. նա որչափ հզօր է 'ի պատժել, այն-
չափ հզօր է յանդորր հանել:

Մհաւասիկ յայս հրահանգ քրիստոնէական իմաստու-
թեան է մեզ սիրելիք չափ և կարգ դնել մտախաբ
երեւակութեանց: Մյլ չէ շատ և այս, եթէ ոչ սանձա-
հարեցուք և զխուժան ցանկութեանցն:

ՄԱՍՆ Բ .

Օր միանգամ 'ի բարեաց մասին ինչ տեսանեմք յայլս, թուի մեզ եթէ և մեք ինքնին արժանի էաք չնորհին այնմիկ . ուստի և ոչ միայն ցանկամք այնմ, այլ և ցանկամք ունել ևս քան զևս : Եւ ահա այս ցանկութիւն է, որ բազում անգամ չարչարէ զմեզ :

Սիջասահման վիճակ ոչինչ յանկուցանէ զմեզ . և սակայն միջասահմանութիւն միայն կարող է անդորրաւէտ և երջանիկ դործել զմեզ յաղցաւոր կենցաղումն : Եւ իսկ քո աւադիկ մեծութիւն ըստ բաւականին այր դու, զի է քեզ ցանկալ և ևս . և եթէ հասեր ցանկութեանդ, կարծիցէն ոչ ևս ցանկալ : Ո՞ր այն իցէ 'ի մեզ մեծատուն արդեամբք . — նա միայն որ գիտաց չափաւորապէս ցանկալ :

Եւն մուրկի նուազ է տրտունջն վասն աղքատութեանն, քան զտրտունջ առն ընչեղի վասն գոյաւորութեանն : Սուրիկն չափ և սահման դնէ ցանկութեանցն . մեծատունն անսահման է 'ի ցանկութեան : Օր այսօր կորոյս նա ինչ մի 'ի բարեացն, գրեալ եթէ զստուած կորոյս . այլ առ իմէ այնչափ տարապայման տրտմութիւն . ոչ ահա ըստ բաւականին 'ի նոյն վայելեալ իսկ էր նա յառաջագոյն : Սայելչութիւնք կենացս այսօրիկ մի զմիով դան և միմեանց յաջորդեն . զի է զի ոչինչ միտ եղեալ նորոգատուր բարւոյն՝ յոր վայելէ այսօր, միայն զմտաւ ածէ զոր յերէկն կորոյս : Տրտմութիւն նորա այն ընդ կորուստ միոյն՝ ծիծաղելի է առ այնչափ բարեօքն յոր վայելեաց և յոր վայելէ : Եւ որպէս աւսացի, անսահման է ցանկութիւնն :

Եւեալ իսկ է ձեր զմեծի ամբարտաւանին զայնորիկ զդէսքն : Վանիցս անգամ 'ի ձեռս զգիրն առեալ եմ, չիք իմ երբէք և ոչ մի անգամ, անցասումն մտօք ընթերցեալ զպատմութի զայն : Եւ ամբարտաւանն այն համան երկրպագութիւն առեալ առ հասարակ յամենայն իշխանացն արբունեաց Եւրտաշիսի, քանզի Սուրբէ միայն ոչ երկիր պագանէր՝ մեծարեալն յարքայէ և

Հաւատարիմն նորա . ոչինչ հանդարտէր Համան, նա աւաղէր և զբախտն գլխակոր լի տրտմութեամբ, և ՚ի սրտմտութիւն ևս զրգուէր ընդ նմա : Յանկութիւն պատուոյն՝ զոր առհասարակ յամենեցուն խնդրէր՝ ընդ պակասել միոյն և եթ սաստկապէս տանջէր զնա . և զի անձին միայնոյ խնդրէր զամենայն պատիւն : Վրանի ան իրաւ էին ցանկութիւնքն, և քանի իրաւապէս տաշեցին կազմեցին նմա զփայտն անարգութեան : Վրանիք և այսօր ՚ի բարձս իւրաքանչիւր և ՚ի վիճակս կենաց հիքացեալ վարեն կեանս՝ ՚ի պատճառս անչափաւոր ցանկութեան պատուոյն և արծաթոյն :

Մեծն այն և արգոյն կարծիք զոր ունիմք զանձանց, զառանցեցուցանէ զմեզ իբրու այն թէ ընդ որս կենցաղիմք, չիցեն նոքա ըստ բաւականին առ մեզ ակնաճուք և շքադիրք . և օտարոտի իմն թուի մեզ և դժոխ ըմբերելի իր, եթէ երբէք որ յանկարծ թերակատարութիւնս ինչ նշմարիցէ ՚ի մեզ : Իրաւունք չափով տուեալք մեզ ՚ի մարդկանէ, և գովութիւնք չափով ընծայեալք մեզ ՚ի նոցանէ, անիրաւութիւնք թուին մեզ և անարգութիւն անձին : Իսկ ապա մարդելուզութիւն անարգ, և գովութիւն կուտակաբան, և ակնաճութիւն անպարտական, այսոքիկ են զոր անպատկառաբար ժտիմք ՚ի մարդկանէ իբրեւ պարտս . և եթէ յայնցանէ յետնեսցին նոքա, աւաղիկ մեր վիշտք սրտի, աւաղիկ մեր անձկութիւնք ողբոյ :

Բա՛ւրէ, որպիսի ինչ իցէ անձկութիւն մեր այս, քանի այլանդակ : Այն ահա ցանկութիւնք մեր դժպհիք տանջեն, ծայրայեղ պատուասիրութիւն, անպատկանաւոր իղձ վարկին, խաչս բազումս բարձեալ բերեն մեզ ընդ իւրեանս, և ՚ի նոյն խաչ առեալ բեւեռն զմեզ : Նշուշտ խորհրդակորոյսք եմք, եղբարք, ՚ի գիտութեան բարեմասնութեան մերոյ : Ի՞ քանի ոգետանջ կրից, ՚ի քանի անարգութեանց, ՚ի քանի ամբաստանութեանց և բամբասանաց, հեշտին էր մեզ անձնապուր լինել, եթէ մեր առաւել պարկեշտացեալ էին ցանկութիւնք, առաւել բանաւորք, առաւել արդարք :

Վանդի են իսկ ցանկութիւնք մարդկային սրտի արդարեւ իբրեւ ալիք մըրկեալք ամեհի ծովու, կուռ մի զմիով կուտակեալք անդադար՝ գոչեն և փրփրադէզ

ամբառնան ընկնուլ զմեզ : Ո՞րք 'ի մէնջ, աղէ ասացէք, ամենեւին գոհ իցէ և անտրտունջ 'ի վիճակին իւրում, և ոչ առաւելագունին իղձ լինիցի : Ա՛հաւասիկ որք 'ի պաշտաման ինչ արքունեաց կան, վաստակաբեկք առ անդորրութիւն կենացն հառաչեն . իսկ որք արտաքոյ անզբաղք կեան, հետամուտք յողւոց հանեն՝ բարձ մի պաշտաման ունել . որ տոհմիկն է ընչեղութեան մեծատան ցանկայ . իսկ որ ընչեղն է ընդ ազնուական արիւն քաջատոհմին խանդայ . որ պարասպորդն է՝ անպարասպութեան կենացն փափաքէ . այլովքն հանդերձ : Վ՛անգի և այնչափ են հոյք ցանկութեանց յաշխարհի և խուժան, զի եթէ ողջ զամենայն կամեսցի որ ընդ թուով արկանել, բնաւ իսկ 'ի զուր վաստակեսցի :

Եւ ահա նոյն այն ցանկութիւնք, եթէ 'ի նպատակ իւրեանց չհասանիցեն, դառնան լինին վիշտք և անձկութիւնք : Իսկ եթէ ամենայն ըզձից մերոց ունին մատուցէ երկնաւորն նախախնամութիւն, տալով մեզ զոր այսօրն խնդրեմք, անշուշտ չլինիցիմք մեք գոհք առ վաղիւն : Այսչափ է անհաստատութիւն անպայման ցանկութեանց մարդկային սրտի :

Իսկ արդ առիմէ՞ ուրեմն անսաստել մեզ քաջիկ խորհրդոց քրիստոնէական իմաստութեան : Այս իմաստութիւն հրահանգէ զմեզ եթէ մեծ ևս նահատակութիւն է չափ դնել ցանկութեանց հոգւոց, քան 'ի վերայ ազգաց քաջաց նշան յաղթութեան կանգնել : Այս իմաստութիւն հրահանգէ զմեզ՝ գոհ և անտրտունջ կեալ 'ի վիճակին մերում, և ոչ առաւել ինչ խնդրել քան զտուեալն մեզ 'ի խնամոց երկնաւորին : Այս իմաստութիւն հրահանգէ զմեզ, եթէ ոսկեղինիկն այն չափաւորութիւն կենաց ընդ ինքեան բարձեալ բերէ զխաղաղութիւն . և սանձ դժպատեհ մերոց ցանկութեանց դնելով՝ հնար է մեզ երջանիկ կեալ և երջանիկ մեռանել :

Ապա եթէ խորհրդոցս այսոցիկ քաջաց ունին չմատուցանեմք, 'ի զուր է մեզ այնուհետև տրտնջալ ընդ վիշտս և ընդ անձկութիւնս մեր : Տրտնջամք յանիրաւի և առաւել յանիրաւի, յորժամ անձամբ անձին մեզ հնարագիւտք լինիմք վշտացն այնոցիկ, զհետ երթալով կրից մերոց : Օ՞ր և տեսցուք վաղվաղակի :

ՄԱՍՆ Գ .

Այլ քանի՜ առաւել քան զբաղցրութիւն իցեն դառնութիւնք յանցանացն : Ան ինձ կամք 'ի թիւ հիքացելոց զրել զամբարիշտս , որ միշտ իբրեւ պատուհասակոծք յերկնից , յանկաժութեան վարեն կեանս . միշտ ամբոխեալք մտօք 'ի տուէ , և միշտ անհանդարտք 'ի դիշերի , տաղնապեալք և հարուածեալք անդուլ 'ի խղճէ չարեացն : Վանդի ամբարձեալ կայ միշտ բազուկ ամենակալին 'ի գլուխս ամբարշտաց , ո՞ր 'ի դիմի բաւական իցէ հարկանել նմա , և կամ ո՞ր զսահմանսն խախտեսցէ զամենիմաստ նախախնամութեան նորա : Ապաւալ կան միշտ իբրու խաւարային կապանօք , և հեծեն մունչեն միշտ արհաւրօքն՝ որ բռնեալ կայ 'ի սիրտս նոցա :

Այլ իշտ սոցա և տաղնապ ոչ գթութեան է արժանի և ոչ ողորմութեան . 'ի ձեռս նոցա է յամենայն ժամ ազատութիւն նոցա . և պարտապանք ևս են ելանել յազատութիւնն՝ նզովելով զպատճառան անձկութեանց իւրեանց , որ այն ինքն են ճմարիտ յանցաւորութիւնք նոցա : Ամբանք զարդիս վասն հիքացելոցն այնոցիկ են , որ այլօրինակ անձամբ զանձինս թշուառացուցին 'ի կենցաղումս . և սանձարձակ և անհանձար վարելով կեանս , ինքեանք կացին պատճառք հիքութեան իւրեանց :

Ար երբեմն մեծատունն էր , տեսանես այսօր զի հեծէ և յոգւոց հանէ ճնշեալ ընդ աղքատութեամբն իբրու ընդ ծանրաբեռն խաչիւ : — Ա՞յլ կազմեաց քեզ , այր դու , զիաչս զայս . . . : Վիտես իսկ դու ապաքէն : Ամբ ո՞րք ծանրացուցանէ և ևս զայն 'ի վերայ ուսոցքոց : . . . Ա՛հ ահա յուշ ածելդ քո այդ զաւուրսն քո զառաջինս , յորս յղփացեալ 'ի մեծութեան , այնչափ իմն զակատեալ վայելեցեր 'ի նոյն , զի և յուշ երբէք չածեր , եթէ ժամ և օր թերևս հասանիցէ քեզ երբէք տեսանել զքեզ յաղքատութեան : Օ ակատեցար 'ի կիրս անչափաւորս խաղուց , զակատեցար 'ի զբօսանս անպատկանաւորս , զակատեցար 'ի գործս անտպաւորս , և վատնեցեր զինչս քո : Այլ արդ եթէ այսօր աղքատ ես , զո՞րք կալ

յես քեզ պատճառս, զումմէ՞ այլ կարացես դու տրտնջալ բայց զքէն:

Վարձեալ բարձ մի աւագութեան, կամ առաջնորդութեան, կամ պաշտաման կալեալ քո, և դորեալ անկար 'ի դահէդ և լուծար յիշխանութենէդ: Անդս այնուհետեւ կարդաս դու անձին քում, և 'ի խորս տրտնութեան ընկղմեալ քո, անկենդանական վարես կեանս. և անհրաժեշտ տուեալ ամենայնի զանձնդ հարկաւորիս այնուհետեւ երթալ զօղիլ 'ի խորս բռնադատեալ բարեպաշտութեցդ և վայր մի սիրտել զքեզ: Օ, ի եղև քեզ. կամ առ ինչ արդեօք...: Վիտես իսկ դու ապաքէն, զի խաբէութիւնք քո 'ի վեր ելին 'ի պաշտամանդ, և նենգութիւնք քո առակեալք, դարանք քո դաղտնիք և սպառնալիք 'ի դերևս ելեալք, այդոքիկ աւագիկ կործանեցին զքեզ: Այստեղիւք և սանձ քո չեղեալ լեզուին, և անխոհմանցեալ քո 'ի բանս, և սկզբունք շնչաւորք, և առածք վտանգաւորք ելեալք 'ի բերանոյդ, զրգոեցին միանգամայն զոսոխան, և զգուր զայն փորեցին ընդ ոտիւքդ:

Վարձեալ 'ի թշնամութիւն ընդ այլս զրգոեալ քո, և զարդիս աւագիկ յահի յերկիւղի կեսս հանապազօր, եթէ յանկարծ ուստեք շանթեցէ քեզ հարուած դաղտնորոգայթ 'ի դարանեալ սրոյ, կամ 'ի խառնեալ թունից թշնամոյդ...: Վարտ էր քեզ կանուխ զգօնանալ և անդորրանալ 'ի կեանսդ. զի եթէ երբէք յանձն առնուիր միանգամ ներել թշնամոյն, շատ էր քեզ յայնժամ վայրիկ մի բուռն արարեալ անձին, և հոգի մեծ և ազատազնեայ և քրիստոնէական յանձին բերել: Քանզի և ո՞րք այնչափ բուռն և ռիսերիմ թշնամի, որ տեսեալ 'ի հանդիպոյ զոսոխան զալ հեղաբար և զիրկ ընդ խառն հաշտիլ ընդ նմա, և ոչ 'ի վայր զդաշոյնն արկցէ 'ի ձեռանէն: Այլ դու 'ի վրէժինդրութիւն անհաշտելի հատար, և այժմ զանդորրութիւն կենացդ իսպառ կորուսեր: Ահաասիկ քեզ անձկութիւնք դառինք առ 'ի հպատակութենէ կրիցդ:

Բայց առ այստեղիւք և յայլոց ևս վշտաց 'ի տրտնջ հատանին մարդիկ: Բա՛բէ, — ասեն. քանի՞օն իցեն ախտք և հիւանդութիւնք 'ի մարմնի. քանի՞ երկիւղ մահու 'ի կեանս մեր. իսկ արհաւիրք տարաժամ և յան

կարծաճաս մահուն ո՞րչափ . . . : Վաջ է . զի են իսկ այդոքիկ աղցաւոր կենացս անխուսափելի հարկ :

Վաջարցանեմ, ո՞ր խմաստութիւն, կամ զինչ միաբանութիւն կայցէ երկնցել 'ի մահուանէ և աճաբեկիլ ևս 'ի յանկարծաճաս մահուանէ . և ապա ողջոյն այնպէս քաղաքաւարել 'ի կեանս, որպէս թէ երկիւղ ուստեք ինչ ոչ կայցէ : Վարձեալ և այնպէս վարել կեանս, զի և մինչև մեռեալ քո, և զօր ամենայն 'ի տրտունջ լուծեալ վասն թոյլ և ապիկար խառնուածոյ մարմնոյդ, դու ինքնին կանուխ իբրու դիակնացուցեալ և զնա ընդգրկելով միանգամայն զամենայն սատարս ապականագործս մարմնոյդ, որ առաւել ևս բնաւորեցան վատել զնա և հաշել մաշել : Վանզի է զի անչափապէս զրգանօք խենէշացեալ կնիս 'ի հեշտութիւնս և 'ի պագշոտութիւնս . է զի զչափաւորն հանգիստ և զկարեւորն զլանաս մարմնոյդ և զակատեալ 'ի խաղս զգիշերն տիւ գործես, և զտին գիշեր օրինաց բնութեանն անսաստելով : Վ մայրն իւր խոնարհի արօին, և ճրագունք լուցեալք՝ ծագեն քեզ արեւ, և քո յայնժամսկսանի տիւն : Վրեւածայրք երեւին, և քո յայնժամէ մութն, և դառնաս 'ի հանգիստ . և յորժամ հասարակեալ իսկ է օրն, յայնժամ բանաս զաչս քո առ լոյսն : Օ ինչ այն քաջողջութիւն իցէ մաշմնոյն . կարծիցես վայելել 'ի շնորհս բնութեան 'ի խախտել քո զկարգ սահմանի բնութեան : Վ զիտնոք այնուհետեւ ոչ խիթասցիս դու վաղամահ լինել . քանզի և զրգասէր կեանք և հանապաղօրեայ անժուժկալութիւնք՝ սատարք են յախտակրութիւն և լուծիչք մարմնոյ և նախաւախձան չարչարանօք արագ հորդիչք ձանադարհին քո 'ի գերեզման :

Վ ահա այսոցիկ կրից թողացուցեալ զերասնական, զի է քեզ այնուհետեւ գանդատել վասն հանապաղօրեայ ախտաժէտութեանցդ . գանդատել զբնութենէն՝ եթէ այնպէս սակաւօրեայ գործեաց զկեանս քո :

Վիշ մեք վայրիկ մի խմաստնասցուք եղբարք . և սէր և դուժ զճմարիտն ածցուք անձանց մերոց, զի և զթշուառութիւն աղցաւոր կենացս մեք ինքնին խմաստութեամբ նուազեցուցուք : Չէ յիշխանութեան մարդոյ ոչ զգալ չարեացն՝ որ տանջեն զնա . այլ հետամուտ 'ի խնդիր լինել այնոցիկ՝ յանդգնութիւն է և անմուտ .

Թիւն : Եւր քրիստոնեայ առաջնորդեալ իմաստու-
թեանէ աւետարանին , պարտի համբերատար առաքինու-
թեամբ տանել լէտացն որ 'ի վերայ գան . այլ զիմադրաւ
ընծայել զանձն վտանգաց առանց պատճառի և հարկի՝
անմտութիւն է . ճշգրիտ նմանեալ անհանձար նաւա-
պետի՝ որ յանձնացոյց պարծանս քաջամտութեանն
զխարիսխն վերացուցէ յայնժամ յորժամ տակաւին
մըրկաւ ամեհացեալ իցէ ծովն :

Եւրաքելականին միտ եղեալ խրատուն . “ Իմաստու-
թեամբ զնաջիւր առ արտաքինսն , , յամենայնի զգոնա-
ցեալք առ ամենայն վիճակս մարդկան . առ միմեանս՝
անձնապահ լիցուք մի անհանձարաբար զարթուցանել
զատելութիւն . առ աւագան և առ հզօրսն՝ մի զրդուել
զթշնամութիւն . առ հետամուտ նախանձաւորսն՝ մի
բորբոքել զկիրան . առ վեհան՝ որ ճոխաբար թերեւս
զեղծանիցին իշխանութեամբն՝ մի հակառակիլ : Չափ
և սահման զիցուք նաև սուրբ և արդար նախանձուն՝
մանաւանդ յորժամ կիրս իմն բորբոքեալս և շահախն-
դրութիւն նշմարեսցուք 'ի նմա :

Եւհաւասիկ ձեզ , սիրելիք , բազմապատիկ հոյք անձ-
կութեանց կենացս , որոց մեք ինքնին եմք պատճառք մե-
րովս անիմաստութեամբ : Եւհաւասիկ և արգասիք քրիս-
տոնէական իմաստութեան՝ զոր լուսաբանեցաք . առա-
ջին՝ չափ և կանոն դնել անկարգ երեւակութեանց . եր-
կրորդ՝ նուազեցուցանել զխուժան ցանկութեանց . եր-
րորդ՝ սանձ դնել ապերասան կրիցն :

Սակայն և ոչ ինչ յաջողեսցուք յայտնի , եթէ ոչ 'ի
խարիսխ հաստատութեան առջուք մեզ զկրօնս : Եւհո՞
շատ ինչ սկզբունս գեղեցիկս սաղրէ մեզ իմաստասիրու-
թիւն աշխարհի . այլ սակայն կրօնիցն է միայն բաւա-
կանութիւն՝ զօրավիզն մեծ տալ մեզ արդիւնացուցանել
զնոսա : Սա միայն զօրէ իմաստունս գործել զմեզ՝ զա-
ռաջս առնուլ զչարեացն . և յորժամ տկարանայցեմք 'ի
կանխել՝ սա միայն համբերատարս գործէ զմեզ առաքի
նութեամբ նահատակել , յուշ ածեալ իմաստութեամբ
զանհրաժեշտ հարկ զփորձութեանց յաղցաւոր 'ի
կեանս , յուշ ածեալ խնամով և զառաջնոց մերոց ա-
ռաքինեաց հարց և սրբոց զօրինակս , որք համբերու-
թեամբ ստացան զոգիս իւրեանց :

Եւ թէպէտ և կեանք մեր այս լի են յողնաթիւ արկածիւք և նեղութեամբք, այլ քանզի և ոչ 'ի միում վայրի և ոչ 'ի միում ժամանակի ամենեցուն 'ի վերայ հասանեն չարիք, զի կէսք վշտանան և կէսք մխիթարին. մխիթարեալքն զբեռն բարձցեն քրիստոսական սիրով՝ զվշտացելոցն. միանդամայն ձիւն օժանդակութեան 'ի ներքս մատուցեն յամօքել զգառնութիւն վշտաց եղբօրն: Իսկ եթէ և հանդերձ արդեամբքն արտասուեսցիք ևս յաղէտս և յարտասուս նոցա, երանելի էք. քանզի վասն քրիստոսին են արտասուքն: Եւ սերմանք անշուշտ են արտասուք այնպիսիք՝ հանդերձելոյ անգրաւական ցնծութեանն զոր պտղաբերեսցիք 'ի Քրիստոս. յորժամ և վշտացեալ և չարակրեալ եղբարքն և առ 'ի ձէնջ օժանդակեալքն և մխիթարեալքն, սրտառուչ պաղատանօքն մաղթեցեն վասն ձեր առ Քրիստոս առաջի սեղանոյս սրբութեան, զի ընդ ժամանակէից բարեացն՝ յաւիտենականին այնմիկ արժանի լինիջիք դուք հասանել երջանիկ կենացն 'ի յերկինս:

ՔԱՐՈՑ Ի Գ.

ԲԱՐԿՈՒԹԻՒՆ

“ Բարկունայք, և մի մեղանկէք ,
“ Բարկութիւն մարդոյ զարդարութիւնն Աստուծոյ ոչ գործէ , :

Թէպէտ և յամենաբարի արարչէն և ոչ մի ինչ անբարի հաստեցաւ 'ի բնութեանս . 'ի վերայ այսր՝ կիրք բազմադէմք 'ի մարդումն՝ իբրու դժպատեհք , թուին իմն զանբարութեան ինչ բերել զտիպար : Եւ սակայն և ճշգրիտ խուզողութեամբ և ոչ զմի ինչ 'ի կրից անտի գտցես դու որ ոչն իցէ բնաւորապէս բարի : Կիրք ամենայն տուան մեղ յԱստուծոյ իբրու բազմաձեռն դործիք 'ի հոգալ պատրաստել մեղ զօգտակարն , և 'ի վանել մերժել զվնասակարն :

Եւ անց կրից չիք հնար լինել առաքինի . չիք հնար լինել բանաւոր , չիք հնար լինել և մարդ գլխովին : Բարձ 'ի մարդոյ զկիրս՝ և գտցես դու զնա իբրեւ բոյս իբրեւ տունկ կենդանի աճեցուն՝ անպիտան անձին , անպիտան և այլոցն ամենեցուն :

Եւ եթէ այս այսպէս , զինչ պարտ իցէ ասել , տեարք իմ , յաղաքս դազանական կրից բարկութեանն . կիրք մահաբեր ազգի մարդկան , կիրք ապստամբ 'ի լուսոյ բանին , կիրք ռիսերիմ հանդիսացեալ հոգւոյ աւետարանին հեղութեանն ասեմ :

Օ ինչ ասել պարտ իցէ . բայց զոր հարք սուրբք առ հասարակ և վարդապետք աստուածաբանք , 'ի վերջէ

ուրեմն յայտնապէս կնքեցին, եթէ կիրք բարկութեան՝
 ըստ ինքեան չեն կիրք անբարի. ուստի և մարթ է բար-
 կանալ առանց մեղանչելոյ. ըստ որում աստուածայինն
 հրահանգեաց գիր. «Վարկանայք և մի մեղանչէք»:

Սիրեմք մեք զկեան, սիրեմք և զբարիոք և զվայել-
 չապէս կեան: Ի դձ պահպանութեան կենաց՝ ընդաբոյս
 ծննդակից է մեզ: Ի դձ ուրեմն բնաւորեալ է ՚ի մեզ ա-
 տել վանել զամենայն՝ որ խոչընդոտն է անդորրութեան
 և երջանկութեան կենաց մերոց. և նոյն ի դձ բնաւորե-
 ցաւ դարձեալ և ժիր և գործօն առնել զմեզ՝ մարտ
 դնել կռուել ընդ թշնամիս մեր, և սրտապնդել ՚ի պաշտ-
 պանել անձանց մերոց:

Նշաւասիկ ձեզ առաջին տեսութիւն և նպատակ
 կրիցն զոր կոչեմք բարկութիւն: Եւ է այս բարկու-
 թիւն յուզումն և գրգռութիւն զգաժմանց հոգւոյն
 ընդդէմ այնոցիկ՝ որ միանգամ ՚ի դիմի հարեալ ինդրե-
 ցեն դրժել կամ կենաց մերոց կամ գոյից մերոց կամ
 պատուոյն մերոյ: Եւ զայս կիրս մեք քաջիկ ևս զգամք
 յանձինս, քան թէ կարիցեմք ինչ արտայայտել:

Երդ բարկութիւնն խորհեալ առանձինն չէ ինչ
 չար. սակայն խորհեալ յայս ինչ և յայն ինչ, յայս
 ոք և յայն ոք, դժուարին է յայնժամ բարկանալ և
 ոչ մեղանչել: Խորժամ բարկութիւնն կամ թափով
 հարեալ կանխէ քան զբանն, կամ յանձն չառնու վայր
 մի լսել և տեղի տալ բանին, և յայնժամ միշտ է յան-
 ցաւորութիւն. և բաղում անգամ յանցաւորութիւն
 ապականագործ յոյժ: Վանդի յայնժամ իբրեւ զաչացու-
 ձգեալ զհետ երթամք մոլեգին թափոյն, և անհանձա-
 րաբար գրգամք յանիրաւ պահանջս նորա. չար առնեմք
 անձանց, չար առնեմք այլոց:

Եւ արդ էս ազգ կրկին տեսանեմ, տեսարք, զբարկու-
 թեան. մին է բարկութիւն մոլեգին, միւսն է բարկու-
 թիւն բարեպաշտական:

Եւաջնովն յանցանէն նոքա, որ յանխորհուրդս և
 ստէպ և հեշտեաւ թափ անձնատուր լինին ՚ի զայրուց
 կրիցն այնորիկ: Երկրորդին յանցանէն նոքա որ խընդ-
 րեն զթափ բարկութեանն քողածածուկ առնել բա-
 րեպաշտութեամբն:

Եւաջինն է ժանտախտ մարդկութեան. երկրորդն

է թոյն կրօնի: Ո՛ր 'ի մոլեգին բարկութենէն տիրացեալ է, ոչ մարդ է այնպիսին և ոչ քաղաքացի: Ո՛ր 'ի բարեպաշտական բարկութենէն տիրացեալ է, չէ այնպիսին քրիստոնեայ բայց անբարիշտ մոլենախանձ:

ՄԱՍՆ Ա.

Զգիտեմ իսկ բնաւ, սիրելիք, զո՞ր կարծիս ունել պարտ իցէ վասն մարդոյ, որ այնպէս անդուլ և վայրաւ պարանձնագրաւ իցէ յանխորհուրդ թափմոլեգին կրիցս: Սակայն և անշուշտ գիտեմ, զի և մարդ այնպիսի եթէ վայրիկ մի զոյս բանին 'ի դործ վարեալ դարձցի հայել յանձն իւր 'ի ժամու անդ մոլեգնութեանն, քաջ իսկ և ինքն լի արհաւրօք քսմեալ կայցէ ընդ տեսիլ դիմացն: Ի՞նչ ինչ նորա աչք հրալիցք բոցավառք և խեղածիւր և այսահարեալ. է զի և զոյն դալկան, է զի և բոցատիպ վառումն դարձադարձ շողայցեն յերեսս նորա. ձայն հնչմանն որոտնդոտ, խափարաձայն. յիշոցք և նզովք բերանոյն՝ դժոխալուրք, կարկտից նմանեալք զարկուածոց և շանթից հրացանից, դողդոջել դեղեւել բոլոր անդամոյն. բազում անգամ և ընդդէմ անձին վայրենանալ զազանութեամբ, և տեսողացն ամենեցուն մերթ արհաւիրս զարթուցանել, մերթ ախտակցութիւն, մերթ և ծաղր և քրքիջ:

Իւր արդ յայս ամենայն տեսիլ դժպատեհ մոլեկան կրիցն, աղէ ասացէք ինձ տեարք, ո՞ւր իցէ մարդ, ո՞ւր այն պարզութիւն մեծվայելչութեան դիմացն, ո՞ւր այն պերճութիւնն, որ և անբանից անգամ գիտէ ակնածելի ընծայեցուցանել զմարդ: Ո՞ւր այն պատկեր և նմանութիւն աստուծոյ, որով ինքն պատուեցաւ և յայլոց որոշեցաւ:

Ի՞նչստին մեք 'ի ծնէ բնաւորք բնաւորեցաք, և բարկութիւնն յամենայն բանէ միանգամայն կապտէ զմեզ: Ի՞նչստին 'ի ծնէ մեք անդորր բնաւորեցաք և համբոյր, և բարկութիւնն վայրագս գործէ զմեզ և անկենցաղս և անադորոյս: Ի՞նչստին 'ի ծնէ մեք արդարաւսէք բնաւորեցաք, և բարկութիւնն քարշեալ ձգէ զմեզ ոչ յայլ ինչ, բայց յանիրաւութիւն:

Իսկ ասա ռը իցէ միւսն այն ազգ, տկար այն անօթքն
 և փափուկք, զոր ընկեր և օգնական ետ Մտուած մար-
 դոյ, զի քաղցրացուցէ զաղէտս պատուհասին նորա՝ ի
 դժուարակիր կենցաղումն, և սատար և առիթ անդոր-
 րութեան և համակամութեան լինիցի ի տունս և ի
 գերգաստանս : Բաբէ, զինչ այն պատահումն իցէ դժ-
 պատեհ. զի կէսք ի նոցանէն թուին իմն ծնեալք ոչ
 յայլ ինչ, բայց յաճեցուցանել զաղէտս պատուհասին
 նորա. և բարկացայտ բարութն և դեգ և անժոյժ գնա-
 ցիւքն՝ դժտութիւն արկանել և անմիաբանութիւն ի
 ծոց գեղեցիկ ընկերութեանն :

Օ արդք են նոցա և ձիրք և պարտք սեպհականք, հե-
 ղութիւն և քաղցրութիւն և հպատակութիւն : Նմեալք
 են ի կենակից ընկերութիւն. պարտք առաջին են նոցա
 սիրել և հնազանդել և համբերել : Իսկ բարկութիւն
 և յամուութիւն և դաժանութիւն, օտարախորթք են
 նոցա. չեն նոցա զէնք՝ զոր առին անդատին ի բնու-
 թենէն՝ ի զայրացուցանել և ի յաղթահարել զտկարու-
 թիւն մարդոյ :

Հաճոյականս և փարելիս արար զնոսա Մտուած, զի
 մի այնպէս հաղշտապ ի բարկութիւն բրդեցին : Տկարս
 արար զնոսա, զի մի այնպէս ժտեցին ի ճոխանալ :
 Չայն ետ նոցա հեշտ և համբոյր, զի մի զլեզի դառնու-
 թեան հեղցեն ի բերանոյն : Օ չնորհաշուք զայն վայ-
 ելչութիւն դիտակին նկարեաց ի նոսա, զի մի այնպէս
 տգեղութեամբ սրտմտութեանն այլանդակեցեն զե-
 րեսս : Բայ ունին նոքա բազում անգամ և իրաւունս
 սրտնելոյ և քանքարտալոյ, սակայն ի սրտմտել և ի վա-
 ռիլ բարկութեամբ՝ միշտ են պարտաւորք. պէտք են
 իւրաքանչիւր ազգի՝ սեպհականին իւրում և վայելչա-
 կանին խնամով պատկառ կալ :

Բարդ և զայն տեսցուք վայր մի, ո՞ր այն դառնու-
 թեան արգասիքն իցեն ի կրից աստի. և ո՞ր զեան տի-
 րացելոցն երբէք յանբանական սրտմտութենէն : Հպար-
 տութիւն ամբարտաւանութեան որպէս ասաց ոմն յի-
 մաստնոց սրբոյ՝ տայ մեզ անշուշտ կորուսանել զՄտու-
 ած. յախանձուն կիրք տայ մեզ կորուսանել զեղ-
 բարս. բարկութիւն սրտմտութեան տայ մեզ կորու-
 սանել զանձինս. “ Հպարտութիւնն բառնայ, ասէ,

յինէն զՄատուած, նախանձն զընկերն, բարկութիւնն զանձն, ։

Սի երկնէիր, ասէր Մատուած ցՎայէն, մի. ոչ սարանցեն զքեզ, յորմէ զարհուրեալդ ես։ Սակայն և ոչ այն պէս անպատուհաս արձակիցիս յանիրաւութենէդ։ Եւ արատանջ այսոցն բարկութեան մատնեմ զքեզ, նա եղիցի քեզ որդն՝ որ ուտիցէ զքեզ, ատելի անձին քում և ատելի այլոց և արհամարհ, ՚ի սպառ վատթարացուցէ զքեզ։ Մյս շատ է ՚ի վրէժինդ բոլրութիւն արեան եղբոր քո։

Վանիք նմանեալք մոլեգինն Վայէնի՝ ՚ի կիրս անդ բարկութեան գտանեն զպատիժ պատուհասին։ Յեց և ուտիճ են նոքա սրտից իւրեանց, հարուած կեղեքիչ կենաց իւրեանց, նաև հուր ծախիչ գոյից իւրեանց։ Յայսոյ անտի բարկութեան՝ իբրև դիւաբախք զցերեկ անցուցանեն աստանդեալք անզգայութեամբ, և զցայգ լի ամբոխմամբք և անքունք։ Վառարնդելք այլոց, դժոխքներք անձանց. համառօտեն զսահման կենացն, և ճեպեն ՚ի մահ ՚ի տարաժամ հասակի։ Մտելիք ամենեցուն և տաղտկալի առ հասարակ։

Ածանան որդիք ՚ի հարց, ընտանեակք նզովեն ըզտեարս, տունք և գերդաստանք դառնան իբրև ՚ի բանակետղ կռուոյ պատերազմի։ Մյն ինչ լուեալ զազաղակ զգայրացկոտ կնոջ, և զբարկացայտ սրտմտելոյ առն, այր այր խորհի, կամ անդէն խոյս ՚ի տեղոյն տալ, կամ դարմանել ինչ զհարն։

Եթէ անիրաւութիւնք անհարինք իցեն, ծնունդք են մոլեգին կրից բարկութեան. աստի կազք և կռիւք և դատք դժպատեհք. աստի թշնամութիւնք անխաւճանք, կորուստ յարգի, կորուստ գեղեցիկ համբաւոյն, կորուստ գոյից։ Վանդի և յանձաի բարկութենէն խիթալի է ամենայն չար, կամ վաղվաղակի և կամ անազան։ Իբրև տապ տենդի է մահազոյժ, ծփումն է խելաց, սանձակոտոր թափ սրտի. ոչ կապանք առաւել նուիրականք և ոչ պարտիք առաւել պատկառելիք չեն բաւական սանձ արկանել նմա։ Սողեալ են միտք, խառնէ շփոթէ զանմեղն ընդ պարտաւորին, զբարեկամն ընդ թշնամոյն, զայր լաւ ընդ ամբարշտին։

Ի եմք մեք արհաւրօք, և համակ սարսուռք զնան

ընդ մարմինս յաին արկեալ միանգամ՝ ի մարդ այլակերպեալ ի սաստիկ կրիցն : Վանգի է զի հրայրեացս սազրէ, է զի թոյնս խառնէ, է զի և մահունս բազմազգիս նիւթէ . և հանդարտէ ոչ բայց ի վերս և ի հարուածս և յապաժոյժս արեանց : Ո՞յց . նա և որոց երբեմն առաւել սիրելիք կային նմա և մտերիւք նազելիք . յարին հարսին, յարին ծնողին, յարին որդւոց, յարին բարեկամաց : Բա՛բէ, որ աղէտք իցեն տեսանել զկիրան զայն . յորժամ և ըստ չափու աճման սպանդիցն՝ զայրաւցի և ևս մոլեգնութիւնն, մինչև ի վերջէ՝ նա և ընդ անձին ոգորեալ, զնոյն սրտմտութիւնն որ ապառուժ վայրենացաւ առ իւր արեանառուն՝ իրաւապէս յարին իւր թափեսցէ : Ո՞րք երբէք, որ յայս անչափութիւն անկղիտացաւ, կարծեաց ինչ յառաջագոյն յայն չափ հասանել : Եւ սակայն եհաս . զի ոչ հոգացաւ կանուխ վայրիկ մի ժուժկալել, սանձ ի սկզբանն՝ որ հեշտին էր՝ արկանել դժնդակ կրիցն :

Ըրդ եթէ ի սոսկականս այսչափ, քանի՞ն կարծեսցես ի կրից աստի աղէտս յարս աւագս և ի հզօրս, և զիա՞րդ հնար իցէ անձնապուր ճողոպրիլ երբէք ի հրոյն նոցա : Վանգի յորժամ բարկութիւն տիրացեալ իցէ յաւագս, յընչեղս, ի փառաւորս աշխարհի, նոքա յայնժամ ի նմին իսկ յաւագութեանն իրաւունս համարին գտանել վիսանալոյ, և ի դուզնաքեայս անգամ ի սրտմտութիւն բարկութեան բրդելոյ : Իբրուայն թէ օրէն իցէ նոցա առաւել անհանձարաբար վայրենանալ . էր վասն . . . վասն զի են առաւել երջանիւք, և զի նոյն ինքն երջանկութիւնն և բռնութիւնն օրինադրութիւն իցէ նոցա՝ ըստ ասացելումն՝ կռիւել ի բարկութեան զանաւագն :

Ո՞վ . . . քանի տարօրինակ իմաստ, մտաց անըմբռնելի, և սակայն արդիւնացեալ են իմաստքն : Վանգի որ առաւել հեշտակեացք են յաշխարհի, նոքա են բազում անգամ և առաւել ցասկոտք . և նոյն ինքն հեշտակեաց կեանք առաւել անարիւս և առաւել փառասէրս և հպարտս առադրէ զնոսա . և այսպիսեօք ապա զգածեալ կրիւք՝ նաև ի նիւթ ընչին անդէն բորբոքին ի հուր բարկութեան, և անհնարին զործեն հրայրեացս, քանզի ձեռնհասք են : Եւ և են իսկ նոցա բարկու-

Թիւնքն միշտ 'ի չքմեղս հանեալք և արդարացեալք ,
կէս մի յանձնասիրութեանէն որ դաւէ զնոսա , կէս մի
'ի մարդէլուզութեանէն՝ որ ապականէ զնոսա : Սակայն
և արդիւնքն միշտ են մահահոտք :

Ի սրտմտութիւն բարկութեան բրդի Մտիոբոս , զի
աշխարհ չառնու յանձն խոնարհել ճանաչել զնա արքայ
տիեզերական . և սրտմտութիւն նորա 'ի սուր 'ի հուր
առ հասարակ դատի զժողովուրդս : Իսկ անուն կարգայ
անիրաւութեան սրտմտութեանն՝ իբրու վրէժխնդրու-
թիւն արդարութեան . « Երդուաւ , ասէ , յիւր Թա-
ղաւորութիւնն և յաթոն խնդրել զվրէժ » :

Ի բարկութիւն բրդի Յեղաբէլ . քանզի չառնու
յանձն՝ Վաբովթ տալ զայգին իւր . և հետամուտ մեքե-
նայէ զմահն Վաբովթայ՝ արժանահաս իբրու ապստամ-
բելոյ 'ի Թաղաւորէն :

Սանրացասումն է համան . քանզի չխոնարհի
Սուրթէ երկիրպագանել նա . համարի առ ոտն կո-
խեալ զմեծաշուք հրամանն : Եւ շիջանի ոչ բարկութիւն
նորա , բայց յապաժուժից արեան ողջոյն ազգի :

Վանիօն է սրտմտութիւն հզօրացն : Օ ի եթէ և
միշտ հրեշտակ մահու ոչ իցէ ըստ ասացելումն , սա-
կայն և միշտ աղէտից գութկան է , աղքատութեան , և
քանդելոյ և 'ի սուգ համակելոյ ողջ գերդաստանաց :
Վանգի և որ անիրաւագոյն ևս վճիռք և հրամանք
են ելեալք երբէք 'ի բերանոյ աւագաց , տեսցես դու
զայնոսիկ որոտացեալ 'ի Թափս անդ կրից բարկութեան
նոցա :

Օ ինչ օգուտ իցէ եթէ 'ի շիջանել հրոյն ծանիցեն
յայնժամ զբռնաւորութիւն կրիցն : Օ ինչ օգուտ ա-
սեւն և մխիթարելն , եթէ վաղանցուկ է բարկութիւն
հզօրացն : Բայ , վաղանցուկ է , տակայն որ միանգամ
կորեաւն , յաւիտեան կորեաւ :

Իսկ զինչ պարտ իցէ ասել և յաղագս տարադէպ զը-
րուցացն , զոր լսեմք զօր ամենայն 'ի ցասկոտացն . չքմե-
ղութիւնս իմն 'ի Թափ մոլեգին բարկութեան , որչափ
և վայրապարս , այնչափ և պարտաւորիս : Սերն բար-
կութիւն , ասեն , ոչ այլ ինչ է , բայց աշխոյժք լի . բը-
նաւորական եռանդն , խառնուած իմն մաղձային : Վա-
հուր իմն է յարդի , որչափ դիւրաբորբոք , այնչափ և

շիջանելի . չար ումեք չգործէ , նա զի որ առաւել ցաւ
կոտըն էն՝ նորա բաղումանդամ բարեսիրտք էն : Օ ինչ
աշխոյթքն իցեն , աղէ ասա . զինչ բնաւորականն , որ
խառնուածն մաղձային : Եթէ բնաւորականն , եթէ
խառնուածն չքմեղութիւն իցէ և ջատագովութիւն ,
չիք այնուհետև յանցաւորութիւն և ոչ մի , որ ոչն մար-
թասցի արդարանալ , բնաւորական ասելով զապականու-
թիւնն :

Վաջ իսկ , եթէ ՚ի քեզ բնաւորական է , այր դու ,
բարկութիւն քո , ապա և յամենայն մարդ . և եթէ
ամենայն մարդ խնդրեսցէ զհետ երթալ բնաւորական
թափոյն , զինչ ասես , ոչ ՚ի վիհն նախաստեղծ յան-
երևոյթ և յանպատրաստ գլորեալ անկցի յայնժամ աշ-
խարհ , որ իսաւար անդունդք ոչ իցեն ՚ի նմա , զօրհանա-
պաղ զրկանաց , հարստահարութեանց , վրէժխնդրու-
թեանց , արեանց ապաժուժից :

Եթէ բնաւորականն ասել չքմեղութիւն իցէ , և ըն-
դէր ապա հրամայել մեզ Մտուծոյ , եթէ “ Սի տայք
տեղի բարկութեան . սանձեցէք կոծեցէք ամենայն զօ-
րութեամբ զթափն ” . և զի “ Բարկութիւն մարդոյ ,
զարդարութիւն Մտուծոյ ոչ գործէ ” :

Սես , եթէ քո բարկութիւն հուր է յարդակէզ : —
Օ ինչ կամիցիս ասել մեզ , բայց զայն եթէ ընդունակ
է ուրեմն քո բարկութիւնդ արագ արագ ՚ի սուղ ժա-
մանակի գործել զամենայն հնարաւորսն ՚ի չարեաց . ՚ի
թափ անդր բարկութեանդ՝ ոչ Մտուծոյ ակն ածեալ ,
ոչ մարդկան , ոչ անձինդ վայելչութեան : Մյլ ասես ,
եթէ քո բարկութիւնդ չար ումեք չառնէ : — Եղիցի
երբէք այնպէս . այլ արդեօք և միշտ : Վանգի եթէ ՚ի
նոյն կիրս անդուլութեամբ միտեալ է քո , ունակու-
թիւն ուրեմն չար բնաւորեալ է ՚ի քեզ : Մճեսցեն ,
զիտեա քաջ , աճեսցեն տակաւ զօրութիւնք նորա . և ո՞
զքեզ յապահովեսցէ այնուհետև , եթէ ոչ յաւուր
միում թափ կրիցն առեալ ձգեսցէ զքեզ յանհարկնսն
զոր ոչ կարծիցես :

Եւ եթէ և այս դէպք ոչ տացեն , ոչ մեծապէս է
չարն . զի ոչ ընդ երկար ինչ մարթիցիս դու քաղաքա-
վարել ընդ անձին քում խաղաղութեամբ և աներկեան
վստահութեամբ , իբրու յամենայն ժամ խիթալով

գուցէ երբէք չհանդուրժեալ քո և զհօր բարկութեանդ հատեալ, բորբոքեսցես զբոցն և շաչին արծալեալ առ հասարակ ընդ տունն, վեր 'ի վայր ամբօխեսցես զգերդաստանն. և 'ի մէջ խաղաղութեան արկցես խոովութիւն, և 'ի մէջ սիրելեաց հեռ, և 'ի մէջ մտերմաց սուգ, ողբ և աղաղակ, թերևս և արիւն:

Եւս և՛ մեծապէս իցէ չարն, զի այնպէս ապաժոյժ և դժուարընդել և ծիծաղելի տեսանիցէ զքեզ աշխարհ. զի և 'ի դուզնաքեայս ոչ երկայնամտեալ քո՝ ընդհարցիս ցասմամբ ընդ ընտանիսդ, ընդ բարեկամսդ նաև ընդ կարևոր սիրելիսդ: Եւս, եթէ որչափ դիւրավառ ես 'ի բարկութիւն, այնչափ և առաւել սիրտ բարի իցէ քո: — Կալցես դու զայդ, որպէս ակորժես: Եւս չէ քեզ այդ գովութիւն մեծ: Վրանգի և աղքատի և հեշտք ես և համբոյր յորժամ ոչ զրգուին:

Իայց արդեօք շատ թուեսցին ցայսվայր սասցեալքն 'ի նկարագիր վասն մոլեղին բարկութեանն. անցցուք երկրորդ անգամ տեսանել վայր մի, որ այն իցէ զոր կոչեցաք բարկութիւն բարեպաշտական:

ՄԱՍՆ Բ.

Զիք մարդոյ խնդութիւն առաւել, քան յորժամ յաջողեսցի նմա զիւր զգժպատեհ կիրան՝ յորոց տիրացեալ իցէ՝ ընդ գեղեցիկ քօղով առաքինութեանն ծածկել:

Եւս ազահարծաթասէր, որ 'ի կծծութեան իւրում և յընչաքաղցութեանն համարի յանձին եթէ զոգի տնտեսական վայելչապէս ինքն զգեցեալ ունիցի. և ընդ հակառակն՝ այր շուայլ որ 'ի վատնել իւրում զինչ հաստատեալ է 'ի միտս՝ եթէ յառատաձեռնից որ իցէ ինքն և յազատ որերոյն. եւս սոքա անդորրամիտք առաւել քան զամենայն մարդ որ յաշխարհի. ուստի և առաւել քան զամենայն մարդ անուղղայք 'ի մոլութիւնս իւրեանց:

Լ՛ըդ զնոյն օրինակ տեսցես դու ինձ և յայր ոք, որ դեզ բնութեամբ իցէ և անընտել և ցասկոտ, եթէ երբէք յաջողեսցի նմա 'ի չքմեղս հանել զկիրս դժպտեհս զբարկութեանն, հաստատուն կարծեօք վրէժ խընդրութեան 'ի սէրն Լ՛ստուծոյ, և խնդրել ոչ այլ ինչ 'ի նմա՝ բայց զփառս Լ՛ստուծոյ:

Լ՛յլ յինչ պատճառաց արդեօք դէպքդ այդ, զի արբ բարեպաշտք սուտք և մտախաբք՝ բազմագոյնք թուով 'ի կրից բարկութեան գրաւեալք են: Դարձեալ և 'ի նոյն կիրս առաւել իմն վարակեալ են հոգիք տկարամիտք, յորս ընդ մի գրեսցես դու զնոցա և զբարեպաշտէն և զանչափ ցասնուին: Այդ տես դու զնոսա այնպէս առաւել բարկասիրտս, որպէս յաւուրս սուրբս մեծաց տօնախմբութեանց եկեղեցւոյ:

Լ՛նցուցանեն նորա ողջոյն զառաօտն յեկեղեցին առ պատուանդանի խորանացն, կան մաղթեն յաճախ, աղօթեն յերկար. երկիր պազանեն Լ՛ստուծոյ, որ աստուած է հեզութեան և աստուած խաղաղութեան: Եւ ապա այն ինչ մեկնեալք յաղօթարանէն, մտանեն ընդ յարկաւ տանց իւրեանց, անդէն աղաղակաւ ընունդտուն. և 'ի դուրս զմաղձ սրբութեանն իւրեանց թափեն դառնապէս 'ի վերայ ընտանեաց իւրեանց, 'ի վերայ անմեղ զաւակաց իւրեանց:

Ար պատճառքն իցեն անպատկան կրիցն: . . .

Երրօրինակ սուրբքդ այդոքիկ՝ պատճառս զայս սովորեցան տալ բարկութեան իւրեանց. “Լ՛յդ ամենայն, ասեն, է գործ չարարութեստ սատանայի, որ զարս բարիս առաւել բնաւորեցաւ 'ի փորձութիւն արկանել, մանաւանդ յաւուրս սրբութեան տօնից, յորս մանաւանդ առաքինանան նորա:

Օ այս ասեն . . . : Լ՛յլ այդ բարբառ ծնունդ է յետսամիտ խորհրդոց նոցա, որով կարծեն յանձինս այնչափ իմն առաքինութեամբ բարեպաշտել, մինչև 'ի նախանձաւոր կիրս զարթուցանել ընդդէմ անձանց զսատանայ:

Լ՛յլ ես հաստատեալ եմ, եթէ սատանայ այլ չիք նոցա՝ որ տանջիցէ զնոսա, բայց նոցայն պատիրն այն և մտախաբ բարեպաշտութիւն: Եւ եթէ ինձ ներկեք, տեարք, ասել ձեզ որ ինչ 'ի միտս եկեալ է, զի թէ և ամենեւին անյերկուանալի ոչ գտանիցէք զիմ խորհուրդ,

սակայն և տիպ մի գոնեա զճշմարտութեան տեսանիցեք
'ի նմա :

Ըն Հասարակ բարեպաշտքդ այդոքիկ սուտք և պա-
տիրք , թէպէտ և մեռելութիւնս ևս խաչակրօնս է զի
յանձինս բարձեալ բերիցեն և ճգնութիւնս , բայց քան-
զի այնգունակ բարեկրօնութեանց նոցա՝ հոգի չիք այլ ,
բայց կամ երկիւղ անարգ , կամ ակնածութիւն մարդ-
կային , վասն այնորիկ և անբաժ են նոքա 'ի խաղաղու-
թենէ անտի և 'ի խնդութենէ հոգւոյն , որ պտուղք
են անկեղծ բարեպաշտութեան և ճշմարիտ աստուած-
պաշտութեան :

Յանձն առնուն մեռելութիւնս , կրեն ճգնութիւնս ,
այլ միշտ դժկամակ սրտիւ : Վմանեալք են օրինակի
որդեկորոյս մարցն հեթանոսաց , որք զճնունդս որովայնի
'ի նուէր զոհի բռնադատէին հանել բազնայն սատա-
նայի : Չկանային իբրեւ ապուշք անզգայք՝ երեւցու-
ցանել առ արտաքս զանձինս իբրու խաղաղս և անգոր-
բամիտս 'ի սոսկալի անդ պահու արիւնոտ պատարագի
զաւակայն . այլ 'ի ներքոյ կատաղութիւն մոլեալ և հեզ-
ձամղձուկ բարկութիւն և տազնապ սրտառուչ զրաւեալ
գօշէր զսիրտս նոցա : Ըստպիտի ինչ են և պատիր այդ
բարեպաշտքդ :

Իբրու առաքինանան նոքա և հրաժեշտ տան 'ի հեշ-
տալեաց , զրկեն զանձինս յազատութենէ , չլինին քի-
նախնդիրք : Ըսլքանզի չձանաչեն նոքա զճշմարիտն
բարեպաշտութիւն սրտի , ամենայն նուէրք և մեռելու-
թիւնք նոցա բռնադատութիւնք են . չիք հոգի անձնա-
նուէր . ձգեալ բերին իբրու 'ի հարկէ իմեմնէ , որ լոկ
մարդկային է և ծառայական :

Նոքա 'ի ներքս 'ի սրտի չեն և ինքեանք 'ի կարծիս
բարութեան վասն անձանց , սակայն և իղձ անդուլ բա-
րութեան առ աչս մարդկան՝ միշտ զրաւեալ ունի զնոսա :
Ըստի է նոցայն հանապազօրեայ մարտ պատերազմի ,
յորում մասն մի և բաժին չունին շնորհքն Վրիստոսի :
Ըսյն մարտ պատերազմի է որ միշտ անհամբոյրս և դա-
ժանս ունի պահէ զնոսա . ուստի հեռ և զրգուլութիւն
և բարկութիւն է 'ի նոսա ներքոյ և արտաքոյ . չկամին
անձնանախատ լինել 'ի վերայ անձանց զհուրն իւրեանց
թափելով . դիւր առնեն ոգւոյն և թափեն 'ի վերայ այ-

լոց : Եւ հետեաւ այնուհետեւ զայրացկոտք առ ամենայն , առնուն զհուրն և արկանեն 'ի ծոց ընտանեաց և 'ի մշջ կենակից ակմբից :

Վանի զգուշութեան պէտք իցեն 'ի կրից աստի , քանզի և պտուղք դառինք բազումք են 'ի բարեպաշտիցդ այդոցիկ ստոց 'ի բարեպաշտականն կարծեցեալ նախանձաւորութենէ :

Եւ քանզի գիտեն իսկ և նոքա զկեղծաւորեալն իւրեանց բարեպաշտութիւն 'ի բարկութեան իւրեանց , ուստի և հնարին օրինակաւ սրբոցն սրբել զանձինս և անբասիր առնել 'ի կրից անտի . ընդ քօղով քմազարդ իմն թարգմանութեան կրից սրբոց արանցն՝ զիւրեանցն ծածկելով զպատիր նախանձաւորութիւն :

Մշաւասիկ , ասեն , քաջ՝ մարգարէ մեծ՝ Մատուծոյ էր Յովնան . և սակայն այնպիսի սուրբն 'ի գէպան յայն Վինուէացոց անկանի և տխրի . նաև խռովի և զայրանայ . և այնչափ իմն այլ յայլմէ լինի մարգարէն սուրբ , մինչև բողոք առ Մատուած կարդալ . եթէ յոյժ տըրտմեալ եմ մինչև 'ի մահ . մինչև սրտառուչ մաղթել , եթէ՝ « Մ. զոգի իմ յինէն , զի լաւ է ինձ մեռանել քան թէ իցեմ կենդանի » : Մշաւամբոխումն մեծ առն սրբոյ , ահա զայրուց սրտի , և որ զինչ և այլ ստիցէ որ :

Մյապիսի ինչ են , ասեն բարեպաշտքդ այդոքիկ , և մերս կիրք զայրացեալք՝ հանգունատիպք սրբոցն : Մյլ սակայն յոյժ խարդախեն նոքա և 'ի բանսն և յօրինակսն : Վանզի կիրք յովնանեան միայն 'ի նախանձուէ փառացն Մատուծոյ շարժեցան յայնժամ . քանզի գնացեալ ապաշխարութիւն քարոզէր Վինուէացոցն , և մինչև ցաւուրս երիս կործանումն գութեաց քաղաքին : Մուան Վինուէացիք և դարձան յապաշխարութի . զղջանայ Մատուած ընդ սպառնալիսն և զանց առնէ : Տեսանէ Յովնան , զի անցին ժամանակակէտք և դեռ յօտին կան Վինուէացիք , ոչ տրտմութիւն միայն մեծ տրտմի , այլ և անհնարին խռովի : Մեր ապա , ասէ , այնուհետեւ իցեն փառքն Մատուծոյ . ահա երեք աւուրք , որպէս ասաց Մատուած , և Վինուէ ոչ կործանեցաւ : Մասացեն ուրեմն մարդիկն , կամ ստէ Մատուած , կամ թէ այնչափ ապիկար է Մատուած՝ զի և զսպառնալիս իւր չմարթի 'ի կատարումն ածել : Վանզի և անար-

գութիւն անձինս իբրև մարգարէի Մատուծոյ՝ յորոյ զիմացն պատգամ կարդացի, յՄատուած ինքնին՝ ի վեր ելանէ : Եւ արդ ուր մնացին փառքն Մատուծոյ :

Մյս ճշգրիտ պատճառք խռովութեանն Յովնանու : Օայն խորհէր մարգարէն և խռովէր . և յանհնարին ամբոխմանէն մահ անձին կարդայր . խնդրէր մեռանել ի սէր փառացն Մատուծոյ : Մրդեօք ոչ կամէր արդարն զարիւն տեսանել զբիւրուց բիւրաւորաց մարդկան , սա կայն և միշտ կամէր տեսանել զփառսն Մատուծոյ :

Իսկ պատիր բարեպաշտքդ այդոքիկ զհուր ցաւման զայրացելոյ սրտին իւրեանց՝ միշտ բնաւորեցան նախան ձաւորութիւն կոչել վառեալ փառացն Մատուծոյ . և ընդ քօղովդ ընդ այդուիկ զմաղձ դառնութեանն միայն խրնդրեն թափել , և միայն անձանց իւրեանց են նոքա նախանձաւորք ճմարիտք :

Սիշտ ի խաղաղութեան կեան ընդ մեղս , և միշտ թշնամիք բարկացայտք ընդ մեղաւորս : Չգիտեն իսկ բնաւ եթէ նախանձաւորութիւն հոգեւոր , նախանձաւորութիւն ճմարիտ , որչափ ատեայ զմեղս , այնչափ սիրէ զմեղաւորս :

Կամէին արդեօք այդ սուտ նախանձաւորքդ , բնաջինջ լինել յաշխարհէ ամենայն մեղաւորաց և անիրաւաց . . : Մյւ արդեօք յինչ պատճառս : Կամ ի վրէժ խնդրութիւն քամահանացն և ծաղու , զոր ի նոցանէն կրեն . կամ զի ինքեանք միայն երեւեցին և համարեցին բարիք :

Մյս այսօրիւք , նաև դուզնաքեայ թերութիւնք ի մարդիկ , ի կարծիս նոցա գայթակղութիւնք են անհնարինք . որոց քաւութիւն չիք՝ բայց սրով և հրով : Սարտ եղեալ կուսին ընդ արս առաքինիս , ընդ արս ցածունս , ընդ սպտրուակաւ կրօնի . և չանդարտեն՝ մինչև վանեցեն զնոսա : Սայ է , որոց միանգամ ընդդէմ դարձցին կարծեաց նոցա , կամ յաղթահարեալ առակեցեն զպատիր բարեպաշտութիւն նոցա , կամ ակներև խրատեցեն դառնալ ի մոլորութենէն :

Սայ է , ասեմ . քանզի անդէն սրեն չարաչար զլեզուս իբրև զօձի ի զէն մաղձի դառնութեան իւրեանց . և հնարին բիծս կարկատել նոցա անհնարին՝ կամ զանհաւատութեան , կամ բնաւ իսկ զանաստուածութեան , զի մարթացին կործանել զնոսա :

Ղատակներ առաւել խիստք և առաւել դառնիք, այն էն նոցա ղատակներ սիրելիք : Ազիտեն խորհել կամ խօսել, գողցես առանց հեղույ զարին : Այն էթէ նոցա բարեպաշտիկ սրտմտութեանդ այդմիկ ունկնդիր լեալ էր Աստուած, քաջ իսկ արդէն յանապատ ամայի դարձեալ էր աշխարհ :

Այլ զինչ կարծեսցեն դոքա, համարեսցին թերևս 'ի դառնութեան մաղծի բարեպաշտութեան իւրեանց շուք ինչ դնել կրօնիցն սրբութեան՝ զոր դառանին :

Այլ չիք ինչ, որ այնչափ անկած և այնչափ շիջեալ փառ գծծեսցէ զվսեմութիւն քրիստոնէական կրօնիցս, որպէս հեռ և խէթ և բարկութիւն 'ի խնդրել անդ պաշտպան կալ նմա և բարգաւաճել :

Բարք համբոյր և քաղցրութիւն բանի և հեզութիւն սրտի՝ են ճշգրիտ կնիք ոգւոյ աւետարանին : Ի բարկութիւն բրդին Օբեդեանք ընդ արհամարհութիւն պատուոյ տեառն իւրեանց, և հուր յերկնից սպառնան արհամարհողացն : Օրինչ լսեն 'ի տեառնէն, ոչ ինչ այլ, բայց սաստ . « Այ գիտէք, որոյ հոգւոյ էք դուք » : Աստասուէ Յիսուս 'ի վերայ ուխտադրութն Աբրուսաղէմի . և 'ի վերայ մեղաց ժողովրդեանն, քան անէծս կուտել, առաւել աղօթս յաճախէ :

Կարծիցեն թերևս առաքինիքդ այդոքիկ փարիսացեալք՝ հեշտագոյնս այդուիկ յանկուցանել զարձակերաւ սանսն 'ի քրիստոնէից և զթուլահաւատսն : Այ. գլխովին ներհակաբար են իրքդ, սիրելիք : Յոր վայր զհրայրեաց զսպառնալիս բարկութեանն լսէին սամարացիք, ոչ ինչ ամոքէին առնուլ զՔրիստոս ընդ դրունա քաղաքին իւրեանց . իսկ յորժամ զհեզահամբոյր զնացս զնորա լուան 'ի քաղաքակից իւրեանց կնոջն, առեալ ժողովէին և աղաչէին ևս լինել առ նոսա :

Արջափ ինչ հեզութեամբն՝ յաջողեսցի մարդ 'ի գործս իւր, այնչափ և հակառակաւն տուժեսցէ միշտ : Աւտի և որոց բուռն է բնութիւն և ցասկոտ, զնոսա միշտ հեռագոյնս պարտ է ունել 'ի հոգաբարձութեանց հասարակաց և 'ի բարձից պաշտամանց, որ յեկեղեցականս և որ 'ի քաղաքականս : Վանգի 'ի պատրուակ առնուն նոքա զաւագութիւն սրաշտամանն՝ անպատուհաս թափել զմաղձ դառնութեան իւրեանց ընդ հովանեաւ նա .

խանձաւորութեան : Ս'իշտ քան բարի , առաւել գործէն նորա չար : Թէպէտ և այր Մատուծոյ՝ Հեղիաս , այլ քանզի ողջոյն հրավառեալ էր , միշտ բացազոյնս 'ի քաղաքէ ունէր զնա Մատուած :

Յորժամ ուղղութեան պէտք են մեղաւորաց և կրշտամբանաց և պատուհասի , մի երբէք յուղղութեանն խառնեցես դու բարկութիւն , և մի 'ի յանդիմանութեանն՝ դառնութիւն : Մպա թէ ոչ տուժեացին փոխանակ շահուն , և կորիցեն փոխանակ փրկութեան :

Պատուհաս կապեցես 'ի վերայ նոցա՝ որ իշխանդես՝ հոգւով օրինաց . օրէնք՝ երբէք սրտմտութեամբ բարկութեամբ չլարին ընդ յանցաւորս : Երբէք 'ի բարկութիւն չբրդի բժիշկ ընդդէմ հիւանդին , զի հիւանդացաւ . ճգնի միայն 'ի բուժել զնա :

Եթէ ճշմարիտ քեզ կամք իցեն ապրեցուցանել զմոլորեալն , զի է քեզ սրտմտել՝ յորժամ քո սրտմտելդ առաւել ևս զրգուեցէ պնդել նոցա 'ի մոլորութեանն : Եւ այս ճշմարտութիւն մեծ է , զոր չիմացան երբէք սուտանուն բարեպաշտք :

Օ՛խնչ ևս յաւելուլ ազդել ձեզ , սիրելիք , յաղազս կրկնադիմի բարկութեանն , որ մոլեգին և որ բարեպաշտական : Մաջինն՝ իբրև ուխ զայրացեալ առեալ տանի զմեզ 'ի ծայրայեղ խոտորմունս ահագինս . երկրորդն՝ քողածածուկ 'ի մոլորութիւնս մահացանս : Սանձակութեցուք զմոլեգինն , որ բազում անգամ մեծեղեուն յանցաւորս առադրէ զմեզ : Երկիցուք 'ի բարեպաշտականէն , որ 'ի մոլորութենէ 'ի մոլորութիւն դահալիժէ զմեզ :

Բարկացուք եղբօրն այնպէս , որպիսի կամիմք եթէ բարկացի ընդ մեզ Մատուած : Բա՛բէ , քանի դժպհի կիրք իցեն . մեք զօր ամենայն աղօթեմք աղաչեմք զՄատուած , զի ողորմած լինիցի և համբոյր և գթած և երկայնամիտ . և գիտելով չափ 'ի նորուն իսկ յատուածային բերանոյն , զի որով չափով չափիցեմք զեղբարս , նովին չափեցուք յՄատուծոյ . և ապա մեք զօր ամենայն զհօր բարկութեանն կուտեմք 'ի գլուխ եղբօրն . քանի՞ն իցէ յետսամտութիւնն որ ընդ անձին ոգորիցի : Բանզի՛ Սարդ ընդ մարդոյ պահէ , ասէ առածն , բարկութիւն և ռիութիւն , և 'ի նոյն ինդրէ յՄատուծոյ զգթութիւն , :

Եւ քիւ, տէր, քիւ միայն մարթասցուք մեք ապրել
 'ի գազանէ բարկութեան : Օ օրութիւն 'ի քէն է միայն,
 մարտ զնել կռուել ընդ բռնութեանն, և ընդոտնել
 զմոլութիւնն : Եւ ալ թէ ոչ, մեք մեզէն յոյժ հիբացեալ
 եմք սիրելիք, եթէ երբէք տիրացի մեզ տնկակից այս
 գազան : Բանդի և չիք այլ 'ի կրից, չիք իբրեւ զբար-
 կութիւնն որչափ բուռն, այնչափ և զաչացու, որ զհետ
 իւր քարշեալ ձգեսցէ զմարդ 'ի կործանումն՝ որ յաստիս
 և որ 'ի հանդերձեալն :



ՔԱՐՈՉ ԻԳ.

ՀԵՉՈՒԹԻՒՆ

“ Ուսարուք յիկեն , զի հեզ եմ և խոնարհ սրտիս , , :
“ Երանի հեզոց , զի նորս ժառանգեացեն զերկիր , , :

Լմենայն առաքինութիւնք արդոյք են և պատուա-
կանք և ընդունելիք Բստուծոյ . սակայն և են 'ի նոսա
մի քան զմի առաւել սիրելիք և փարելիք : Սեծն այն
Հեղիաս , քան մարմնեղէն մարդ՝ առաւել բոցեղէն ,
յորժամ վրէժխնդրութիւն կայր 'ի միջի փառացն Բս-
տուծոյ . և ընաւ իսկ ամենեւին չկամէր ինչ մի լսել ոչ
զհեղութեան , ոչ զքաղցրութեան , ոչ զներողութեան :
Լին ինչ կազմեցաւ հանդերձեցաւ , և կոտորեաց նա
ութ հարիւր յիսուն այր 'ի քրմացն Բահաղու , ան-
դէն հետամուտ խնդրէր լուանալ զձեռս նաւ յապա-
ժոյժ արեան արքունեացն և ժողովրդեան , որչափ ինչ
երկրպագութեան կային ստութեան 'ի Սամարիա :

Թուի թէ պարտ և կարեւոր էր վայր մի հրահանգել
զմարդարէն , և փոքու իմն քաղցրացուցանել զդառնու-
թիւն նախանձաւորութեանն :

Յարեաւ Յեզաբել հաղածել զԵղիա , և խնդրէր
զգլուի մարդարէին : Եւ ապաստան զանապատն կա-
լեալ , այր մի եղիտ և անդէն զօղեցաւ : Եւ ահա ձայն
երկնաւոր առ նա . “ Օ ի ես դու աստ Եղիա , , ել
յայրէդ , և կացցես առաջի տեառն , և ահա տէր անցցէ :
Լին ինչ ելեալ , և ահա հողմ մեծ ուժգին , որ զլե-

ըինս քակիցէ և զվէմն խորտակեսցէ : Բայս և շարժումն մեծ ահագին . սասանի երկիր և առ հասարակ ժայռք զդողանի հարեալ տատանին իբրև զտերև : Բայս և բոց մեծ և հուր բորբոքեալ , որ 'ի շաչիւն ահաւոր առ հասարակ լափեսցէ զդաշտս , զանապատն և զանտառս :

Բհաւասիկ տէր , թերևս ասէր ընդ միտս իւր մարգարէն , աւասիկ տէր անցանէ : « Սակայն ոչ 'ի հողմն տէր , ոչ 'ի շարժմանն տէր , և ոչ 'ի հուրն տէր » : Տէր ոչ անցանէ մինչ չև սիւգ քաղցրութեան հեշտ և բաղձալի չնչեալ զծայրս փափուկս հեղաբար զրգեսցէ ըզբուսոցն և զծաղկանց : Բրի ո՛վ մարգարէ , ահաւասիկ տէր դայ հեղաբար անցանէ 'ի ձայն մեղմոյ օդոյ . քան զի 'ի նմա կայ , զնա սիրէ , զնովաւ փարի : Ուսցիս և դու ո՛վ մարգարէ վայր մի մեղմանալ 'ի խստութենէդ և լինիցիս հեղ :

Օայս պատկեր ճգրիտ հրահանգաց հեղութեան ուսցուք և մեք սիրելիք , և խելամուտ լիցուք՝ քանի սիրելի և փարելի իցէ Բստուծոյ հեղութիւնն և քաղցրութիւնն : Վանդի և չմարթիցիմք երբեք քրիստոսնեայքս հաճոյ լինել Բստուծոյ անբաժ 'ի հողոյ հեղութեանն Վրիստոսի . զոր ինքնին մեզ դաս ասաց . « Ուսարուք յինէն , զի հեղ եմ » :

Բյլ զինչ ուսանելոյ մեզ պէտք իցեն , ասեն , այսօր 'ի լուսաւորեալ դարուս , զոր դար մարդասիրութեան մերս կոչեն իմաստասէրք , դարքաղցրութեան , հեղութեան , դարգթութեան և կարեկցութեան : Ո՞ է այժմ որոյ սկիզբն և հրահանգ չիցէ 'ի սրտի քաղաքավարութեան կենաց , եթէ մարդասէր պարտ է լինել և հեղ , և համբուրիւ վարել ընդ կենակից որերոյն : (Սող եղիցի այնպէս . . . : Բյլ սակայն հեղութիւնն և քաղցրութիւն՝ որ յընդհանուրս այժմ զհամբաւի հարեալ է՝ իբրու արդիւնացեալ 'ի մերում դարու , իցէ՞ արդեօք ինքն ճշմարիտ հեղութիւնն քրիստոսեան՝ զոր հրամայիմք :

Օկարևոր զայս առաջարկութիւն հանդիսասցուք այսօր վայր մի 'ի քնին աւնուլ : Բցգ երբակի զհեղութեանն գտանեմ ես աւաղիկ : Բաջին՝ հեղութիւն անցաւութեան կամ անզգայութեան : Երկրորդ՝ հեղութի աշխարհային և շնչաւոր : Երրորդ՝ հեղութիւն սիրոյ :

Հեզուծիւն՝ որ յանցաւութենէն , է սա մեծապէս մոլութիւն 'ի վերակացու , 'ի դաստիարակս և 'ի ծնողս : Հեզուծիւն աշխարհային՝ է մատնութիւն մեծ : Իսկ ապա Հեզուծիւն որ 'ի սիրոյ , և է սա ցանկալին այն առաքինութիւն մեծ , որ կնիք է աւետարանին և քրիստոսական կրօնիցն :

ՄԱՍՆ Ա .

Պիտեմք առհասարակ եթէ գոյ բարկութիւն բարի , բարկութիւն բանաւոր և արդար . մարթի ուրեմն լինել և Հեզուծիւն անբարի , անբանաւոր և անիրաւ : Պոյ բարկութիւն , որ է առաքինութիւն . իցէ ուրեմն և Հեզուծիւն , որ է մոլութիւն :

Իսկ է բարկութիւն սուրբ և արդար , որ սրտմտի ընդդէմ յանցանացն , բայց և 'ի նոյն կարեկից է յանցաւորացն . սա հալածէ զմեղս յանձին իւրում և յայլ . սակայն յանդորր զմեղաւորն հանէ . զայրանայ 'ի տեսանել զանիրաւութիւն . այլ ոչ գիտէ ատել զանիրաւն . և թէ երբէք սլարտ իցէ ընդ կառափն հանել ումեք , գործէ միայն 'ի փրկութիւն այլոցն ամենեցուն :

Իսկ բարկութիւն առաջնորդեալ 'ի բանէն , լի է ամենայն կարգօք , լի անդորրութեամբ և մարդասիրութեամբ : Օայս օրինակ և ինքնին Մատուած բրդի 'ի բարկութիւն , և բարկութիւն նորա չէ այլ ինչ , բայց արդարութիւն նորա :

Օայս օրինակ սրտմտէր և ինքնին Քրիստոս , մինչև խեթիւ հայել զայրագին 'ի Փարիսեցիսն . “ Եւ հայեցաւ , ասէ , զնոքօք լի ցասմամբ . ” : Եւ սրտմտէր այնչափ , զի և 'ի հարուած խարաղանին տազնապաւ վարել զպղծողսն տաճարին : Եւ չեկաց որ առաւել հեզբան զձիսուս . այլ չեկաց և ոչ որ նուազ անցաւ քան զնա , յորժամ պէտք էին զսլարտս ընդ զերկնաւոր առաքելութեան իւրոյ :

Իսկ բարկութիւն սուրբ , որպէս գեղեցիկս Ճգրտեաց աստուածայինն Մզոստինոս , շարժումն է եռանդան հոգւոյն , որ խելամուտ սրբութեան օրինացն Մ

տուժոյ, և տեսեալ առ ոտն կոխեալ յամբարշտաց, չճանդուրժէ և վառի բորբոքի կամ խափան արկանել նորոց անիրաւութեանց, կամ վրէժ խնդրել եղեւոյն և պատուհաս 'ի վերայ կապել:

Եւրդ եթէ այս այսպէս, հեղութիւն է ուրեմն ախտաւոր և մոլի, որ պարտապան գոլով վառիլ բարկութեամբ առ 'ի խափան արկանել կամ թէ վրէժ խնդիր լինել յանցաւորութեանց, բնաւ իսկ անզգայացեալ կայ, փոյթ և ոչ մի ինչ ունեւոյլ:

Եւս է զոր հեղութիւն անցաւութեան ասեմք. որ ընդ մեծապէս բամբասանօք կայ յաստուածային մատեանս. և 'ի յանցաւորութիւն մեծ գրեն զայն մարդոյ, որ 'ի վերակացութիւն հասարակաց վերառեալ իցէ, որ եկեղեցական և որ քաղաքական:

Վանդի թէպէտ և առն վերակացուի և դաստիարակի և ծնողի, որոց հոգ յանձն եղեալ է հսկողութեամբ 'ի բարելաւութիւն վարուց հնազանդեւոյն, պարտ է լի գթութեամբ լինել և հեղութեամբ առ մեղաւորս, սակայն և յանցաւորութիւն մեծ է նորա՝ եթէ զայրագին չիցէ առ մեղսն:

Տեսանել զանկարգութիւնս, զանիրաւութիւնս, կուսակցութիւնս, ուխտադրութիւնս, տեսանել զբարեպաշտութիւնն հովացեալ 'ի սիրտս, զբարոյականութիւն աղարտեալ 'ի խառնակեցիցն, և զայլ ևս. տեսանել զայս ամենայն, և պարտապան գոլով զազգոյ դարմանն 'ի վերայ ածել՝ անփոյթ կալ և անդորր յայնչափ յանցաւորութեանց միջի, և թոյլ այնոցիկ տալ ամօթալի լուութեամբն, մարդ այսպիսի մեծապէս զրժէ վերակացութեանն պարտուց. և 'ի խժդժից մանաւանդ կարգի է և 'ի բռնաւորաց, թող թէ վերակացուաց և հեղոց: Եւ համարեսցի նա արդարեւ իբրեւ պատուհաս գերդաստանի ապականադործ, զոր երբէք թոյլ տացէ Եստուած, 'ի սրտմտութեան բարկութեան իւրոյ:

Այ հովիւ է այնպիսին, և ոչ ծնող և ոչ տանուտէր. իբրեւ զկուռս դրօշեալ կանգեալ վայրապար՝ սին և պատիր կերպարանաւն պաշտօն առնու: Սիրտ ունի և չզգայ, աչս՝ և ոչ տեսանէ, լեզու՝ և ոչ խօսի. ձեռս՝ և ոչ գործէ 'ի պատուհասել զյանցանսն: Եւ է ինքն ողջոյն նպատակ անիծիցն յաչս Եստուծոյ. քանզի լի է և

ծանրաբեռնեալ ամենայն անիրաւութեամբ զոր գործէն հնազանդեալքն առ նշաւակ անցաւութեան նորա :

Եւ հեղ է նա , ասեն , և բարի . և այնչափ հեղ՝ զի և երբէք բարկանալ չգիտէ , և չար ումեք չառնէ : — Եւ որ հեղութիւն , որ բարութիւն իցէ , յոր աղաղակ զոր ամենայն այնչափ զօրասցին անկարգութիւնք 'ի տունս . և ամենայն յանցաւորութիւն անպատու հաս տիրասցի 'ի գերդաստանին :

Բանդի և որպէս ոմանց թուեցաւ ասել , առ ինչ այնչափ ստամբակութիւնք և խեղութիւնք երբայական ժողովրդեանն ընդդէմ Սոլսէսի , մերթ աշխարհաւ տրանջալ , մերթ դառնապէս բամբասել զնա , և այնչափ բուռն յարձակել՝ զի և անձնապօր 'ի խորանն վկայութեան ապաւինել նմա . և այն զի գիտէին քանի սիրելի է նա Եստուծոյ , քանի սքանչելագործ , զի և մէն մի 'ի քայլից ոտից նորա , էր մի մի հանդէս հրաշից նորա :

Օ ինչ ապա էին պատճառքն : Թերեւս , ասեն , երբէք երբէք տարապայման եկաց հեղութիւն նորա , զի և հեղ էր Սոլսէս յոյժ առաւել քան զամենայն մարդիկ :

Այր մի քննեսցուք , եթէ ուստի իցէ և այնչափ նշաւակ հեղութիւն անցաւորութեան : Ի կէսս՝ դէպք տան 'ի դանդաղութենէ իմեմնէ խառնուածոյն , և 'ի կէսս՝ 'ի դատարկասուն և 'ի պղերգ բնաւորութենէ : Երկոքեան միանգամայն չեն ծնեալ վասն հրամայելոյ : Չար մեծապէս գործեն 'ի հոգաբարձութեան իւրեանց , յորժամ ոչ չար ինչ առնեն և ոչ բարի . այս է՝ առնեն և ոչ ինչ :

Իսկ 'ի կէսս՝ դէպք տան յանձնդիւրութենէ . զի թէպէտ և բաւականք են 'ի հրամայել և յառաջնորդել , այլ կեանս ինդրեն վարել անգորրականս և անալէկոծս . և առ ինչ ապա զանձամբ առին զսպասաւորութիւնն՝ որ անմեկին է 'ի հոգոց և 'ի պարտուց : Որ անգորրութիւն իցէ , յորժամ հիմն հաստատութեան իւրոյ ունիցի զգրծել պարտուցն և զանպատու հաս արձակուրդ զջարեացն և զաղէտս գերդաստանին :

Կարծեսցեն թերեւս այնպիսիք անբարի հեղութիւնքն գովաբանս անձանց ունել և ջատագովս , իբրու որք ներողամիտք իցեն և համբոյր , որք չտեսանելոյն և չսե-

լոյն առնիցեն խոհեմութեամբ, զի մի ինչ դառնացուցեն զընտանիսն և զհպատակեալսն, և մի ինչ ուժացուցեն 'ի սիրոյն իւրեանց. նա միշտ սիրելիք և փարելիք իցեն նոցա :

Վանիօն իցէ անարգութիւնն, և ո՞ր այլ նուաստախոհութիւն գձուձ երբեք 'ի կշիռ գայցէ ընդ այնչափ ախտաւոր և նշաւակ հեղութեան : Օ ինչ ևս այլ վատթարագոյն կացցէ քան զինդրեւն սիրելի և գովանի լինել՝ դրժելով պահպանութեան կարեւոր պարտուց վիճակի անձինն :

Ինդրես դու հաճոյ լինել մարդոյ հեղութեամբ անցաւութեանն. և չէ ինչ քեզ փոյթ յաջաց ելանել Մատուծոյ, և եթէ Մատուած զքեզ դատապարտ առնէ, ո՞յ յանդորր հանիցէ :

Զիք հնար տեսուչ և վերակացու կալ, և հաճոյ լինել ամենեցուն, առանց գերի վարելոյ 'ի կրից նոցա և առանց անհաճոյ լինելոյ Մատուծոյ : Աւտի և աստէն սովորեցաւ Մատուած պատուհասել զհեղութիւն զայդ անբարի և խոտան, որով խնդրեցեր կամ յանդորրու կալ կամ սիրելի և փարելի միշտ մնալ ոչ ինչ սաստելով, ոչ ինչ պատուհաս արժանահաս 'ի վերայ ածելով, յորժամ պէտքն պահանջէին : Իեռասցին այնուհետև այնչափ հնազանդեալքդ, զի և 'ի սպառ զանդորրութիւնդ տացեն քեզ կորուսանել, և յետնեսցին այնչափ 'ի սիրելոյ զքեզ, զի և բաժակս դառնիս տացեն քեզ ըմպել :

Լուիցեն զայս դաստիարակք և վերակացուք, լուիցեն մանաւանդ ծնողք. և թերևս 'ի փորձոյ իսկ անտի իրացն ճշմարտութեան բանիցս վկայեսցեն, որք միանգամ անաղան յոյժ և յանօգուտս ասաշաւեն այսօր, զի առ զաւակս իւրեանց և առ դաստիարակեալսն՝ 'ի դեռահասակ տիսն անցաւութեամբ վարեցան 'ի խակութիւնս նոցա, և տարապայման ցուցին հեղութիւն 'ի պատուհասին նոցա :

Եւ արդ եթէ զհեղութիւն անցաւութեանն խոտան և անարգ պատուհասէ Մատուած, ոչ ինչ նուազ պատուհասեսցէ զմիւս զայն, զոր հեղութիւն կուցեցաք աշխարհային և շնչաւոր : Օ ի եթէ առաջինդ յանցաւորութիւն մեծ է 'ի վերակացուս, 'ի ծնողս և 'ի դաստիարակս, երկրորդին մեծապէս է յանցաւորութիւն մատ-

նութեանն . և տեղի ունի այս հեզութիւնս պատիր՝ առաւելապէս 'ի նոսա որոց ելեմուտ է առ աւագս և առ իշխանաւորս :

ՄԱՍՆ Բ .

Կէպը 'ի մարդիանէ որ բուռն և սաստիկ վիճակեցան բնութեան , սովորեցան անբասիր առնել զանձինս՝ ասելով եթէ չիք նոցա զօրութիւն բաւական 'ի սանձել զբարկութիւն :

Բայ խարդախէն նոքա 'ի բանն , քանզի հանապազօրեայն փորձ ստէ զնոսա : Բանզի արդարեւ տիրացեալ են այնպիսիքն 'ի բարկութենէ , յորժամ դեզերեալ կան 'ի տունս ընդ ամուսնաց իւրեանց և ընդ զաւակացն և ընդ ընտանեաց , և ասէն ոչ կարել երբէք յաղթել կրից բարկութեանն : Բայ սակայն այն ինչ դոքա 'ի շահախնդրութեան ինչ սակս գնան մօտին առ աւագս և իշխանաւորս , տեսցես դու զնոսա յայն տեսարան այնչափ իմն այլակերպեալս , այնչափ իմն հեզացեալս և համբոյրս , մինչ զի և դառինս ասացես զնոսա : Ո՛ր այն նոցա դիմացն դաժանութիւն , ո՛ր լեզուին դառնութիւն . նա ժպիտ ևս քաղցր տեսցես ծնանել յերեսս նոցա , և մեղր ևս կաթեցուցանել 'ի շրթանց նոցա . թուի իմն անդէն յելս սեմոց տանցն թողեալ նոցա միանգամայն զամենայն դառնութիւն և զամենայն կիրս իւրեանց :

Օ՛ ինչ կամիցի այս լինել : Օ՛ այն յայտ առնեն , եթէ որպէս առ մեծամեծս և առ իշխանաւորս հեզ են և համբոյր , զնոյն և առ ընտանիսն ուրեմն կարէին նոքա լինել եթէ կամեցեալ էր նոցա : Բայ եթէ բարկութիւնս՝ յորմէ տիրանան նոքա 'ի տունս , մոլութիւն է նշաւակիչ նոցա առ ընտանիսն , հեզութիւնս՝ զոր կեղծաւորին արտաքոյ , մոլութիւն է անարգ և անարգիչ նոցա առ իմաստունս յիշխանաւորացն :

Բցգ երկեակ զաշխարհական հեզութեանս այսորիկ գտանեմ ես . առաջին՝ յորժամ հեզ կեղծաւորի մարդ առ 'ի ձեռս բերել զաւագութիւն . երկրորդ՝ յորժամ

հեղուծիւն կեղծաւորի առ 'ի կործանել զայլս . և երկոքին միանգամայն ոչ այլ ինչ են , բայց դրժանք և մատնութիւն :

Ըիբ փառասիրութիւն առաւել նուրբ և առաւել բուռն , քան յորժամ քողածածուկ լինի ընդ պատիր հեղուծեամբ և ընդ արուեստակեալ քաղցրութեամբ : Սա զամենայն անարգութիւն և զամենայն գծծութիւն յանձն առնու առ 'ի հասանել նպատակին՝ որում ոչ եղեալ է :

Արք յայսմանէն տիրացեալք են , շնթեն անպատկառապէս , զիջանին ծառայաբար , անձնատուրք են իբրև կոյր . իբրև գերիք քո ինքնագրաւք դաւանեն զանձինս , զի եղիցին քո յաւուր միում բռնակալք : Օայսն և զկատակ և զթուք զամենայն , հեշտաբար յանձն առնուն զնոցա , զորս միանգամ պիտանիս անձանց ճանաչեն և գործօնս առ 'ի հասանել յամբոկ նպատակի ըղձին իւրեանց : Վախատեա , խոտեա դու որչափ և կամիս զնոսա , և ոչ խոժոռութիւն մի կամ կնձիւն մի տեսցես դու ծնանել 'ի դէմս նոցա . և անդուստ միամիտք հիացեալ զարմասցին ընդ այնչափ պարզութիւն դիմացն և ընդ այնչափ հեղուծիւն սրտից նոցա : Այլ սակայն ոչ այլ ինչ է այս ամենայն , բայց հեղուծիւն աշխարհային , հեղուծիւն շնչաւոր , հեղուծիւն թատերական , որ ծափահարս ինդրէ 'ի զնին կացողացն , և զակնկալեալ յաջողութիւն բախտին :

Վրօշեալք են նոքա նուիրականք և ձօնիք ձախողակ ունայնասիրութեան իւրեանց . որում փառախնդրութիւնն հզօր առաւել քան զամենայն նախատինս փակէ զայս , խնու զականջս , կարկէ զբերան , կապէ զոտս և զձեռս . և տարեալ սահմանափակ պահէ 'ի կենդորոն սրտիցնոցա միանգամայն զամենայն թափ բարկութեան սրտմտութեան նոցա :

Արդ դու ժաման կացո զնոսա միանգամ 'ի նպատակ վախճանին նոցա . բաժէ , տեսցես դու անդէն զորոտընդոտ թափ յարձակման ոգւոյն , զդժնդակն , զվայրագն , զսանձակոտորն , զանագորոյնն , զընդաբոյս խառնուածոյն նոցա և զտնկակից գոռողութեանն :

Հեզ էին նոքա և համբոյր ամենւնին 'ի վիճակին հպատակութեանն , և վիսացեալք դառնան նոքա և ա-

պառումք, յորժամ սկսանին 'ի հրամայել: Օ խորդ ամիք և դիւրանսացք յառաջն նաև առ ամենայն փաստ փանաքի, և զխորդ զարդիս խիստք և անամոքելիք նաև առ ցուցակութիւնս անյերկունանալի փաստից:

Եստի ապշութիւնս սրտառուչ առ հասարակ որք միան զամ զայնչափ փոփոխութիւնս այլանդակ յակն արկանիցեն 'ի նոսա: Եստի մատնութիւնն միանգամայն և մեծաց և փոքունց. որ կարծէին և խնդային՝ գտանել ունել զնոսա խորհրդական յանձկութիւնս իւրեանց, միւլութար 'ի վիշտս, և կարծէին գտանել ունել զնոսա իբրև արս քրիստոնեայս, համբերատարս 'ի տկարութիւնս իւրեանց. և տեսանէն աւաղիկ զնոսա վայրենամիտս և տմարդիս և դժնեայս, անձնազրաւս 'ի սրտմտութիւն բարկութեան, անխնամակալուս որոց դիմեն առ նոսա:

Եւ ապա յայն չափ հասանէն 'ի տմարդութեան իւրեանց, մինչև ամենայն դաւաճանեալք 'ի հեղութենէն նոցա և ամենայն ձեռնտուք նոցա յարուցեալ, անարգաբար 'ի բաց հանէն զնոսա 'ի բարձէն և 'ի պաշտամանէն, զոր գողաբար 'ի ձեռս բերին կեղծաւորեալ հեղութեամբ իւրեանց: Եւս առաջին վախճան՝ աշխարհական և շնչաւոր հեղութեանն:

Ենցցուք և յերկրորդ նպատակն նորին, որով խորամանկեալ հետամուտ լինի այր՝ վրէժ խնդրել հեղաբար և կործանել զընկերն: Ո՛վ, իցե՞ արդեօք յաշխարհի, տեսա՞րք, վրէժ խնդրութիւնս առաւել արիւնահեղ, առաւել անազորոյն:

Եւս վրէժ խնդրութիւնս 'ի ծածուկ տածի և բուծանի ընդ դիմակաւ մարդասիրութեան, ընդ քօղով ներողութեան, ընդ պատրուակաւ անյիշաչարութեան: Եւս չափ է ահագին, որչափ և ճահաւոր յերս յաջողակս: Աստահ կայ մարդ, զանդիտէ և ոչ ինչ ուստի և աղատաձեռն և աներկեւան ոտինն զվէրն հասուցանէ: Թէպէտ և երբէք նախատեսցի, նա լուռ կայ. պատասխանի նորա ոչ այլ ինչ է, բայց նորանոր հանդէս մարդասիրութեան, հեղութեան, քաղաքավարութեան, արտաքնայարդար բարեզգեաց բարուց, և սակայն զաղտաբար պատրաստին զէնք, լարին որդայթք 'ի յափշտակել և մատնել: Ար միանգամ յերեւութիցն դաւի, յապահովի կարծէ զանձն. մինչև հասցէ մօտա-

լուտ հարուածն, որ 'ի սթափեցուցանելն միանգամայն
և կորուսանէ :

Օ այսօրինակ Յովաբ քծնէր զԴմասեաւ, համբու-
րէր և զրգէր զծնօտն, մինչև վարսեաց զդաշոյնն և հա-
սոյց յերկիւմունս նորա : Օ այսօրինակ Լբիսողոմ,
մինչդեռ սիրահամբոյր գգուէր զեղբայր իւր զԴմոն 'ի
խրախունս կոչնոցն, 'ի սպանդ վարէր զնա : Օ այսօրի-
նակ Վայէն, իբրու զբօսակից հաբէլի, յետ խաղաղարար
պատարագի հրաւէր կարդայր եղբօրն՝ ելանել սփոփել
'ի դաշտ, և յարիւն անմեղին՝ առաջին գունէր զնորա-
ստեղծ հող երկրի :

Լյւսակայն դաւաճանքդ այդոքիկ հեզք՝ զորոց բանքս
են, զէն 'ի ձեռս չառնուն ոչ զգեղ մահու, ոչ դաշոյն
խոցոտիչ, ոչ սփոփութիւն մահագոյժ . լեզու շատ է
նոցա փոխանակ մահազինուցն . լեզու գործարան ազ-
դոյ խուժադուժ ևս քան զամենայն գործի մահու :

Լյւ աղէ զինչ պատճառք մահառիթմն իցեն, որ
զսրտնութիւնդ զայդ և զթափ բարկութեան զարթու-
ցեն 'ի դաւաճանող հեզացեալսդ . զրկանք արդեօք և
թշնամանք մեծամեծք . ոչ : Լն իսկ պատճառքդ ծնունդ
կամ ամբարտաւանութեան, կամ շահախնդրութեան,
կամ նախանձուն նոցա :

Սրտմտեցան առաքեալք, տեսեալք զփառախնդրու-
թիւն զՅակոբայ և զՅոհաննու, զի զառաջին բարձին
թեկն ածին ունել յարքայութեան տեսուն Յիսուսի .
“ Եւ լուեալ, ասէ, տասանցն, բարկացան 'ի վերայ
երկուց եղբարցն ” :

Սրտնեցան, տրտնջացին այգեգործքն՝ տեսեալ զհա-
ւասարաչափ վարձն զմի ժամ գործողին և զօրն ողջոյն
վաստակաւորին . “ Իբրև առին, ասէ, զվարձն, տրտըն-
ջէին զտանուտեսունէն ” :

Ի բարկութիւն բրդեցաւ երէց որդին, տեսեալ
զկրտսերն զանառակն, զվատնիչն, այնպէս ողջամբ և
համբուրիւ ժողովեալ 'ի հօրէն . “ Բարկացաւ, ասէ,
և ոչ կամէր մտանել 'ի ներքս ” :

Փառասիրութիւն յառաջինսն, շահախնդրութիւնսն
'ի միջինսն, մախանք 'ի վերջինսն, ծնողք կացին բար-
կութեան նոցա . և զհուր սրտին գնացիւք և բանիւ
բերանոյն յերևան հանին սոքա և սրտմտեցան :

Այսպէս և մահադոյժ գաղտնութիւն բարկացայտ հեղոցդ այդոցիկ. սրտմտութիւն սոցա զնոյն ունի զծնող սրն, այլ ոչ նոյնօրինակ յերեւան դայ: Աեղծեն և կեղծաւորին դոքա. չգիտելոյն, չլսելոյն, չտեսանելոյն առնեն զամենայն. և բնաւ իսկ իբրու խաղաղիկ երևեցուցանեն զանձինս, մինչև հասցէ դէպ ժամանակն. նաև զրդան, զգուեն զմարդ՝ զոր խնդրեն կործանել: Իսկ երբ հասունացեալ է հարուածն, անդէն հարկանեն և տապալեն: Քանի անագորոյն իցէ մատնութիւնդ, յորժամ զառաքինութիւնն առցէ 'ի գործի կատարել զարութիւնն. հանդերձիւ հեզութեան ծածկել զբարկութիւնն, առ 'ի աներկեւան և կշիռ հարկանել զմահացու վերն: Առ որպէս զի անշուշտ իցէ հարուածն, անբաժ ամենեւին երևեցուցանել զանձն եւթէ 'ի նախանձուն կրից, եւթէ 'ի շահախնդրութենէ անձին, եւթէ 'ի փառասիրութեանն կասկածանաց. և ապա այնպէս իբրև ամենեւին սուրբ և անարատ յամենայն կրից, 'ի ծածուկ զոխութիւն բարկութեանն կալեալ, երթալ առ իշխանն և առաջնորդն, և քրթմնջիւն գաղտին և չարախօսութիւն և զրպարտութիւն առունկնձառ հեղուլ յականջս նորա, և թափել 'ի սիրտ նորա զթոյն դաւնութեան մաղձոյն իւրեանց, իբրու բարեպաշտել յօգուտ հասարակաց՝ եւթէ յաջողեցցին միանգամխութ և խոչ արկանել ընդ ոտիւք ընկերին, զոր խնդրէինն կործանել: Աործանումն այնչափ անշուշտ, որչափ անխիթալի 'ի կեղծուպատիր հեզութենէն:

Եւ յս իցեն նշանազգեստք բարեկիրթ քաղաքացւոյ, այս կնիք բարեկրօն առն և եղբայրասէր քրիստոնէի: Առ եւթէ մատնութիւն չիցէ այս դժնդակ քան զամենայն մատնութիւն և զրժանք անագորոյն, զինչ այլ իցէ:

Եւ հերիքասցին ասացեալքն յաղազս ստապատիր հեզութեանցն, և մեք պատրաստ լիցուք արդ զանձամբ առնուլ զնշանազգեստ մեր սեպհական՝ զհեզութեան սիրոյ աւետարանին, զկնիք քրիստոնէութեանն:

ՄԱՍՆ Գ .

Յորժամ զհեղուծիւնն պատուիրեաց Յիսուս, թուի թէ զամենայն միանգամայն ասաց մեզ . « Ուսարուք, ասէ, յինէն, զի հեզ եմ » : Վրանգի զմի զայն նուազ, իբրու 'ի յաթոռ վարժապետի անցեալ տեառն, և առաջին դաս զհեղուծիւնն տուեալ, յայտ է թէ զգերագոյնն քրիստոնէական իւրոց վարժից՝ յորում ամենայն վարժք՝ ուսուցանէ աշակերտելոցն : Վրանգի և ոչ այլ ուրեք յաւետարանին, իբրեւ 'ի վարժապետական աթոռոյ՝ զայնօրինակ վարեցաւ բանիւ, ասելով « Ուսարուք յինէն, զայս ինչ, կամ զայն ինչ », այլ թէ « Ուսարուք յինէն, զի հեզ եմ » : Վրանգի և անշուշտ՝ որպէս տեսցես վաղվազակի՝ հեղուծիւնն ինքնին միայնակ՝ ամենայնին է պարագրիչ աւետարանին կատարելութեան :

Վաւ աստէն առաջին՝ ուշիմ լերուք սիրելիք, մի ինչ զառածել 'ի խաբանաց : Կոյ հեղուծիւն ընդաբոյս խառնուածոյ մարդկան . սակայն չէ այն հեղուծիւն աւետարանին : Վաւ ինչ է պարզեւ բնութեան, երկրորդ է՝ առաքինութիւն կրօնի :

Հեղուծիւն աւետարանին՝ զոր ասեմքս՝ մարթի և պարտի զոյգ և միաբան կալ և ընթանալ ընդ տնկակից խառնուածոյն, թէպէտ և եռանդուն յոյժ իցէ բնութիւն մարդոյ և բուռն և ցասկոտ անհնարին, քանզի ուշ նպատակի չունի այլ՝ բայց զսէրն Վստուծոյ և զնմանակցութիւն տեառն Յիսուսի :

Վստ է հեղուծիւն քրիստոնէական, որ 'ի խորս անդ սրտին միանգամայն զամենայն թափ և զեռանդն բարկութեանն ընդոտնէ . և հրահանգէ ևս զմարդ՝ չտալ և առ արտաքս նշան մի զանհամբերութեան կամ զխոժոռութեան, թէպէտ և սիրտն անհնարին տապի և եռայ 'ի զայրուց կրիցն :

Վստ է հեղուծիւն քրիստոնէական, որչափ և կշիռ տայ լեզուին շարժութեան, և մարբէ սրբէ միանգամայն յամենայն լեզոյ դառնութեան 'ի զրուցել անդ ընդ մարդոյ . թէպէտ և անհնարին ևս խեղացեալ իցէ մեր ընդ նմա :

Հեղուծիւն , որ բարեզգեաց ցուցակութեամբ զնայիցն և դիմանցն միշտ քաղաքավարի՝ իբրև հեշտ և բաղձալի ամենեցուն . միշտ համբոյր և ընտել խոնարհի զիջանի նաև առ ապառուժ և խորթաբարոյ մարդիկն . թէպէտ և վայրենամիտք դողով և դժուարընդել տմարդութեամբն կիրս իմն վառեսցեն՝ ի մեզ զբարկութեան , զդառնութեան և զարհամարհութեան :

Եւ յայս ամենայն նահատակի հեղն հոգւով առ ի հնազանդել Մատուծոյ և հնազանդութեամբն փառաւորել զանունն Յիսուսի : Եւս է առաքինութիւն հեղուծեանն քրիստոսեան : Առաքինութիւն , որ և այնչափ ծանրագնի է , որչափ առաւել ծանունք են և յաճախք են և բռունք՝ դէպքն և առիթքն ի մարդիկ առ ի զանց առնել զնովաւ և ի ձեռաց հանել զնա : Առաքինութիւն , որում պէտս ունիմք յամենայն վիճակի , յամենայն ի վայրս , յամենայն ի ժամանակս : Առաքինութիւն է համաբոլոր կենացս , և գոցցես յամենայն ի վայրկեանս կենդանութեան մերոյ : Վանդի կեամբ և դեզերիմք հանապազ ընդ բնութենակից ընկերս . և չեն սոքա միշտ համբոյրք և հեշտք ի բարս , և չեն միշտ նոյնօրինակք և ի գնացս : Ուստի և առաքինութիւն է այս , ոչ ինչ այնպէս դիւրագնի , և զոր ի ձեռս բերել չմարթիմք առանց բռնն առնելոյ անձին , և առանց հզօր ձեռնտուութեան շնորհաց Փրկչին . պէտք են հեղանալ ի խորհուրդս , հեղանալ ի բանս , հեղանալ ի դործս :

Եւս քաջ լերուք , եղբարք . զի որչափ և առաւել իցէ քիրտն վասն քրիստոնէականս հեղուծեան , այնչափ և առաւել մեծամեծք են և շայեկանք գեղեցիկ արգասիքն , զոր մեզն պտղաբերեսցէ :

Բարէ , քանի՞օն իցեն արգասիքն , քանի՞ և երջանկութիւնն՝ զոր մեզն առթեսցէ : Վանդի միայն այս հեղուծիւն ի ծովածուփ կեանս մեր խաղաղաւէտս զմեզ բաւական է գործել և հանդուցեալս ի սիրտ , որ այն ինքն է երջանկութիւն յաստիս ցանկացեալն , զոր կնքեցին իմաստասէրք . ուստի և Տէրն զայն աւետեաց և զայն խոստացաւ առ ի վարձ . « Ուսարուք , զի հեղեմ » : Եւ զինչ մրցանակ ուսմանն . « Եւ գտջիք , ասէ , հանգիստ անձանց ձերոց » :

Վանգի միայն քրիստոսեան հեզութեամբս, տիրանամք մեք առաջին՝ ի վերայ սրտից մերոց . տիրանամք երկրորդ ի վերայ սրտից այլոց . երրորդ անգամ՝ շահիմք նովաւ ի մեզ և զսիրտն Մատուծոյ : Օ ինչ ևս այլ մեծ քան զայս կայցէ ի կեանս մեր :

Երդ առաջին տեսարբ և իշխան լինիմք մեք ի վերայ սրտից մերոց, յորժամ աւետարանին հեզութեամբ վանեալ ընթադրեմք զայն ամենայն կիրս, որ սաստկապէս և յոյժ բբաբեր յուզեն և պղտորեն զներքինս մեր, և վեր ի վայր ի ծովոս արկանեն անհնարինս : Եւ են այսոքիկ կիրք, ռիութիւն սրտատանջ, բարկութիւն հրատապ, վրէժխնդրութիւն մըրկեալ : Մտնութեան կրիցս այսոցիկ հեզութիւնն ի դիմի հարեալ վանէ . և ի վանել անդ զօրութեամբ՝ միանգամայն հանդարտեալ խաղաղէ ոչ զանձն միայն, այլ և զնոյն իսկ զկիրան :

Վանգի այր հեզ ի լաւագոյնս առնու շրջէ զամենայն : Եթէ ինչ մի ընդառաջէ նմա, զոր անբասիր առնել չկարէ, տանի համբերութեամբ . ապա եթէ ինչ մի տեսանէ՝ որ սաստկապէս հարեալ ընդ նա, դառնացուցանէ զնա, ներողութեամբ ակտակից լինի մարդկային տկարութեանն : Եւ յամենայն մարդ ոչ այնչափ զախտ մտնութեանն տեսանէ՝ յոր վարակեալ իցէ նա, որչափ լաւութիւն մի՝ զոր նշմարէ ի նմա :

Մտի է նորա փարելի պարզութիւն դիմացն, աստի անխռով անդորրութիւն ոգւոյն . աստի նորա և տէրութիւնն ի վերայ անձին, ուստի և այժմէն երջանկութիւն նորա յերկրի, առհաւատչեայ երկնաւորին . զոր տէրն երանեաց . « Երանի հեզոց, զի նոքա ժառանգեսցեն զերկիր » :

Տիրանամք երկրորդ՝ և սրտից այլոց փարելի առաքինութեամբս . քանզի և չիք ոք ի մարդկանէ՝ թէպէտ և ապառուժ յոյժ իցէ և վայրենամիտ՝ որ յերկար ժամանակ պնդեսցի մարտ դնել կռուել ընդ քրիստոսեան հեզութեան :

Վանգի և առ հասարակ բնաւորեալ իմն է բնութեան մարդոյ՝ ի սիրել զայր հեզ և համբոյր, և կամակարութեամբ սրտի յանձն առնու զիջանել նմա : Վարձեալ և յայս իմաստ երանելիս կոչեաց տէրն

զհետեւ՝ իբրեւ ժառանգս և տեարս երկրի և որոց յերկրի :

Եւ յս հեղուծիւնն ՚ի վերջէ ուրեմն միշտ յաղթող զինաթափ առնէ զթշնամիս , և բազմացուցանէ անձին բարեկամս . ուստի և հարբ սուրբք կոչեցին զսա յօդ և շաղկապ անխզելի ընկերութեանց առ հասարակ : Բան զի բնաւորեալ է բնութիւնս՝ ՚ի հակառակել այլոց և ՚ի խտտանալ՝ առաւել ևս պնդել և հակառակել . այլ ՚ի հեղանալ նոցա՝ անդէն անձնատուր լինել և հանդարտել :

Եւ դարութեան չիք զօրութիւն բաւական ՚ի պահել ունել զմարդիկ ՚ի չափու պարտուց իւրաքանչիւր . է բազում անգամ զի և ՚ի դերեւ ելանէ առ չարութեան մարդկան : Եւստածեռնութիւն բազում անգամ ոչ յայլ ինչ է պիտանացու , բայց ՚ի բազմացուցանել զապերախտս :

Եւ իայն հեղուծիւնն միշտ գոգցես աներկեան յաղթանակ կանգնէ . յաղթանակ այնչափ իմն ազնուական և վսեմ , որչափ զի յաղթանակողն առ ՚ի յաղթել այլոց՝ նախ սկսանի ՚ի յաղթութենէ անձին :

Եւ որին աղաղաւ և զայր հեզ՝ աստուածային գիրք բարոզեն իբրեւ հզօր առաւել քան զքաջս քաղաքամարտս . “ Եւ երկայնամիտ , ասէ , լաւ է քան զայր հզօր . և որ տիրէ անձին՝ քան որ առնու զքաղաքս ” :

Եւ այսօրիւք երրորդ անգամ ժառանգեմք մեք հեղուծեամք և զսիրտն Եստուծոյ : Եւ զիսորդ ոչ սիրելիք . քանզի է իսկ հեղուծիւնն սկիզբն և առիթ հաւատոց , անդիմադարձ հլուծեամքն ՚ի հաւատալ : Եւ անոն և հորդիչ յուսոյ , նկուն զանձն առնելովն և յԵստուած միայն ապաւինելովն : Պտուղ ճշմարիտ սիրոյ , քաղցրահամբոյր գնացիւքն առ ընկերս : Հաւատ , յոյս , և սէր . երրեակ այս առաքինութիւնք արգասիք սքանչելիք հեղուծեանն , որովք միայն յաջողիմք կապիլ միանալ ընդ Եստուծոյ , և փարելի լինել սրտին Եստուծոյ : Բանիօն իցէ շնորհն , յորժամ նախանձաւորքս առաքինութեան հեղոցն , նոյնպէս և ժառանգք մեծապարզ և անուանալի հլուծեանն լինիցուք և մեք “ Եւ ըստ սրտին Եստուծոյ ” , ըստ երանելոյն :


Եւ յս հեղուծիւն հոտ անոյշ է Բրիստոսի , զոր առաքեալն ասաց , և զոր պահանջէ ՚ի մէնջ Եստուած : Հոտ անոյշ՝ որ զազգս և զժողովուրդս ձգեաց ՚ի Բրիստոս և

յեկեղեցի. «Օ հետքո՛րհ հոտիւղոց քոց ընթացուք»,
 Լսա հոտ անոյշ հեզութեան աւետարանին, յընդհա-
 նուրս ծաւալեալ ած ձգեաց զամենայն ծաղս երկրի
 ՚ի պաշտօն Վրիստոսի. և զվայրենիս զբացական վայրաց
 արկ հեշտին ընդ լծով աւետարանին: Լս զիա՞րդ այ-
 նուհետեւ ոչ առաւել յոյժ փարելի սրտին Մտուծոյ
 առաքինութիւնն իցէ, որ այնչափ փառացն Մտու-
 ծոյ և պատուոյն սատար և նախանձաւոր ՚ի ներքս ըն-
 ծայեցաւ:

Լս զիա՞րդ այնուհետեւ զառն հեզոյ և զխոնարհի
 զխնդրուածս անտես երբէք արասցէ Մտուած: Ոչ
 ահա հեզութիւնն միայնակ սքանչելոյն Վաւթի՛ բա-
 րեգործ և մարդասէր առ ապաշնորհն Խորայէլ յարդա-
 րէր զՄտուած. և ՚ի թափ բարկութեանն ընդ մէջ
 մտեալ հեզացուցանէր զՄտուած, յուշ միայն զհեզու-
 թիւնն ածեալ զսրբոյ արքային. «Յիշեա, ասէ, տէր
 զՎաւթիթ և զամենայն հեզութիւն նորա», Լս «Եկե-
 րեցից, ասէ, վասն իմ և վասն Վաւթի ծառայի իմոյ»,
 Լս զինչ կարծէք սիրելիք. գիտացէք անշուշտ, զի և
 զարդիս զօր ամենայն հեզութիւն այնչափ բարե-
 պաշտիցն և առաքինեացն կարճէ ՚ի մէնջ ՚ի յանցաւո-
 րացս զարժանահաս բարկութիւնն Մտուծոյ:

Սասն որոյ և մեք զճառ երրակի հեզութեանցն
 լուեալ, փախիցուք սիրելիք ՚ի պատիր հեզութենէ
 անցաւութեանն, որ զսրտմտութիւն շարժէ զհեզոյն և
 զմարդասիրին Մտուծոյ ՚ի վերայ առաջնորդաց և վե-
 րակացուցն անդգայացելոց իբրու զհեղի՛ որ անցաւու-
 թեամբն հեզանայր առ որդիս խեռացեալս, վասն որոյ
 և սաստկագոյնս պատուհասակոծ լինէր: Փախիցուք ՚ի
 սուտ և ՚ի շնչաւոր աշխարհական հեզութենէն, որ
 հոգւոց է մատնտու և ժանտախտ ընկերութեան: Սիր-
 եցուք ՚ի սրտէ, փարեցուք զաւետարանին հեզու-
 թեամբն, որ հիմն է և խարխիս բարեւաւութեան
 վարուց առն քրիստոնէի: Սիրեցուք զնա վասն ան-
 ձանց. սիրեցուք զնա ՚ի շահ ընկերաց, սիրեցուք զնա
 վասն Մտուծոյ փառաց, և երանիս առցուք ՚ի Վրիս-
 տոսէ: Օ ի եթէ երանի կարդաց հեզոց, զի նորա ժա-
 ռանգեացն, ասէ, զերկիր, որչափ ևս առաւել երանիս
 տացէ նոցա, զի անշուշտ ժառանգեացն և զերկինս:

Այլ դու ինքնին ո՛վ տէր, որ հրահանգես զմեզ 'ի վարժարանիդ սիրոյ և հեղուծեան, ուսարուք ասելով զի հեզ եմ, դու ինքն զլոյս իմաստութեանդ ծագեսցես 'ի միտս մեր, զի մի 'ի դերևս ելցուք մեք 'ի խելամուռ թենէ աստուածային հրահանգացդ: Ասե կաթ մի, աղաչեմք զքեզ, դու ինքն հեղցես 'ի մեր սիրտս զբաղցրութեան քո և զհեղուծեան:



ՔԱՐՈՉ ԻՆ՝

Դ Ա Տ Ո Ղ Ո Ի Թ Ի Ի Ն

“ Մի դատեք, զի մի դատիցիք: Զի որով դատաստանաւ
դատեք, դատելոց էք „: ”

Զիք 'ի շարժմունս բնութեան առաւել արագ քան
զշարժումն մտաց . և չիք 'ի գործս նորա առաւել հեշտ
և անվաստակ քան զգործել մտաց: Ուտի և չիք մեղք
այնչափ առաւել յաճախեալ 'ի մարդիկ՝ իբրու զմեղս
դատողութեան . և որչափ յաճախ՝ այնչափ և նուազ է
խիղճ՝ մարդկան վասն մեղացն այնոցիկ: Այր իւրաքան-
չիւր ունի առանձին 'ի ներքս իւր ատեան ծածուկ դա-
տաստանի . և յայն ատեան՝ իբրու իրաւունս ունելով
ձոխաբար՝ զօրհանապազ քարշէ զընկերն 'ի դատել և
'ի դատասպարտել:

Եւ քանզի մարդ 'ի մեղս դատման որչափ առաւել
յաճախէ, այնչափ և նուազ խղճէ, որպէս ասացի, ա-
պա և մեղ այսօր առաւել իմն 'ի նախանձ բերեալ առա-
բելական սպասաւորութեանս՝ պարտ է յայտ յանդի-
մանութեամբ 'ի դէմն բերել՝ քանի՛ անհարկնք իցեն
մեղք դատողութեան, և քանի՛ ահագինք որ 'ի նմա-
նէն հետեանք:

Արեք ինչ որպէս կնքեն աստուածաբան վարդապետք,
են տիրապէս կարևորք առ 'ի դատել դատաստան արդար .
իշխանութիւն, ծանօթութիւն, անարատութիւն: Աշ-
խանութիւն յանձն դատողին . ծանօթութիւն 'ի միտս
նորա . և անարատութիւն 'ի սրտին նորա: Աշխանու-

Թիւն առ 'ի կարել զատել . ծանօթութիւն առ 'ի գիտել զատել . անարատութիւն՝ առ 'ի կամել բարիօք զատել : Յորժամ որ դատէն իշխանութիւն չունիցի , վայրապար է դատաստանն . Թէ ճշգրիտ ծանօթութիւն չունիցի զդատին , սուտ է դատաստանն , իսկ Թէ անարատութիւն սրտին պակասի , Թիւր է դատաստանն :

Լստիկ ձեզ սիրելիք երրակի յանցաւորութիւնք 'ի հանապազօրեայ դատաստանս մեր ձախողակս յաղաղս ընկերին , ուստի և անիրաւք և յանդգունք : Պակասութիւն իշխանութեան , պակասութիւն ծանօթութե , պակասութիւն անարատութեան : Լ՛հա և բաժանումն քարոզին իմոյ այսօր : Վատիմք զընկերն , այլ դատիմք յանդուգն . ընդէր : Լ՛ռաջին՝ քանզի չետ մեզ Լ՛ստուած ինչ մի իշխանութիւն 'ի վերայ նորա : Երկրորդ անգամ՝ քանզի չկարեմք միջամուխ մինչև 'ի սիրտ նորա քաջիկ ճանաչել զնա : Երրորդ անգամ՝ քանզի 'ի նախազրաւ կրից և 'ի շահախնդրութենէ անձին առաւելապէս բերիմք 'ի դատաստանս մեր :

Եւ զի այս այսպէս , մի ուրեմն դատեսցուք երբէք , զի մի երբէք դատիցուք , պողաբերեալ կանուխ 'ի տէրունի պատգամէն . “ Եւ դատիք , զի մի դատիցիք ” :

ՄԱՍՆ Ա .

Չիք որ , բայց միայն Լ՛ստուած ինքնաբուն իշխան օրինաւոր 'ի դատել զմարդիկ . քանզի և չիք որ այլ բաց 'ի նմանէ արարիչ մարդկան , ուստի և ինքնիշխան տէր : Լ՛նվանելի է ճշմարտութիւնս և հասարակաց . մինչ զի և Քրիստոս ինքնին որպէս մարդ՝ չէր իշխան դատելոյ զաշխարհ , ըստ աւետարանին՝ Թէ չէր տուեալ նմա այն 'ի հօրէ իւրմէ : “ Լ՛ստուած , զիրաւունս քո , ասէ , արքայի տուր ” . քումդ իշխանութեան , ասէ , որ քեզ միայնոյ սեպհական է , դու հաղորդ արա զարքայն՝ զոր ընտրեցեր . “ Եւ զարդարութիւնս քո , ասէ , տուր որդւոյ Թադաւորի ” . զի յանուն քո իշխանացեալ նստցի 'ի “ դատել զժողովուրդս քո արդարութեամբ և զաղքատս քո իրաւամբ ” : Օ՛հ Թէպէտ և առ ձեռն զՍո-

զոմոնէ ասէր , այլ ճշգրիտ զՎրիստոսէն էր կանխաձայնութիւնն՝ ըստ հարցն սրբոց և ըստ նոցուն եբրայեցւոյն աւանդութեան . որպէս և աստուածայինն կընքեաց բերան , « Հայր զամենայն դատաստան ետ որդւոյ իւրում » :

Եւ արդ միտ զիք , քանի անվանելի իցեն հաւատիքս ընդդէմ չարաչար և պիտակաբար դատողութեանց : Օ ինչ գործեմք մեք՝ յորժամ անաստեալ կանոնիս , և իշխանացեալ դատիմք զընկերն . ոչ ինչ այլ , բայց ՚ի մեզ ինքեանս զԲստուծոյ իշխանութիւնն սեպհականեմք և զիրաւունսն յափշտակեմք զնորա . և զոր Վրիստոս միայն է իշխան ՚ի գործել իբրու երեսփոխան երկնաւոր հօրն , զայն մեք ըստ կամս գրաւականեմք անձանց . . . : Վանիօն իցէ յանդգնութիւնն :

Այս է հիմն և սկիզբն վարժից աստուածխմաստն Պաւղոսի , յոր հաստատեալ կայ յանցաւորութիւն դատողութեանց մերոց . Ո՛ր ես դու , ասէ , ով մարդ , որ ՚ի դատել նստիս զօտարին ծառայ . « Դու ով ես մարդ , որ դատիս զայլոյ ծառայ » : Եթէ անկանի , եթէ կայ , կամ յոտին կայ . եթէ անյանց է կամ թէ յանցաւոր , ոչ ՚ի քէն խնդրեն զնա , այլ յիւրմէ տեսանէն . « Իւրում տեսուն , ասէ , կայ կամ անկանի » :

Օ ի քեզ դատել , խրատաբանէր Վերանն ոսկի , զի քեզ դատել զայն ինչ՝ որ ոչն է քեզ անկ , զի քեզ զքոյ տեսութիւնդ առնուլ ձգել անդր քան զսահմանն՝ յորում փակեաց զքեզ Բստուծոյ վարչութիւնն և քոյին վիճակ : Երբ առեր դու իշխանութիւն ՚ի վերայ մարդոյ , դատելոյ ոչ զգործնս միայն , այլ և զգիտաւորութիւնն . քեզ հասանիցէ տալ զհամար կենաց դորա . սահանջեսցէ ինչ ՚ի քէն Բստուած վասն դորա : Եթէ այդպէս է , թողում քեզ դատել զնա . սակայն և յայնժամ հարկ պաշտամանն ուսուցէ քեզ զօրինակ դատելոյն , հոգւով հեղութեան , հոգւով սիրոյ և խոհական հանձարով :

Եւս հիմն հաստահիմն վարժից աստուածայնոյն Պաւղոսի , որպէս ճշգրտաբանեաց Վերանն ոսկի , որով վարժէր նա զբրիստոնեայս ժամանակին . քանզի և մին յառաջին աղետից եկեղեցւոյ , և որ հերձեաց , ասէ , զբրիստոնեայս , եկաց ազատութիւնն դատելոյ : Վանդի

որք միանգամ յայնժամ թլիստեալ հաւատացեալքն էին, խոտան համարէին զհեթանոս զանթլիստ հաւատացեալսն . և ՚ի հեթանոսաց դարձեալքն իբրու կեղակարծելիս ունէին զառ ՚ի հրէից հաւատացեալսն : Եւ որք յայնժամ պահէին ՚ի կերակրոց , դատապարտ առնէին զուտողսն . և որք ուտէինն , դատակնքէին զպահողսն : Եւ յայնմանէ ապա հերձուածք և խռովութիւնք . ուստի և առաքեալն ՚ի նախանձ միութեան և խաղաղութեան , քարոզէր անդու . “ Սի այսուհետեւ , ասէ , զմիմեանս դատեսցուք ,” : Եւ զնոյն քարոզ բազում ուրեք բազմօրինակ սաստիւ յեղեղէ :

Եւ զինչ պատճառք այնչափ սաստի պատուիրանիդ , ով աստուածայինդ առաքեալ . ոչ ինչ այլ , ասէ , բայց “ Օ ի ամենեքին կալոց եմք , ասէ , առաջի ատենին Վրիստոսի ,” : Բարէ , ուր տարեալ յանդոց զբանն . . . : Սինչև յատեան անդր Վրիստոսի : Վանգի որ աստանոր , ասէ , ատեանք առանձին ուրեք ուրեք , ատեանք են վայրապարք , ատեանք են յեղակարծք . ուստի և այնպիսեացն ատենից վճիռք նանրացեալք են առ Բատուծոյ : Եւ իսանութիւն դատելոյ զգործս մարդկան , մանաւանդ զսիրտս նոցա , Վրիստոսի միայն տուեալ է . և որ զայն անձին զբաւականէ , թէպէտ և հրեշտակիցէ , թէպէտ և ՚ի մեծաց որ սրբոց , յափշտակող է : Օ այս մեծն կնքեաց հերոնիմոս . “ Որ միանգամ , ասէ , զեղբայրն դատէ , զմրցանակն Վրիստոսի յափրշտակէ : Եւ եթէ մեք , ասէ , զօրհանապաղ նստեալ դատիցեմք զընկերսն , զինչ այլ ապա մնացէ Վրիստոսի ,” : Բայց ասեն , “ Օ իարդ ապա ասաց նոյն աստուածայինն առաքեալ , եթէ սուրբք զաշխարհ դատին ,” . և թէ “ Սք զիտէք , եթէ զհրեշտակս (զչարսն) դատիմք , թող թէ զերկրաւորս ,” : Սակայն ամենայն վասն հանդերձելոյ համաշխարհական դատաստանի են բանքն . զոր և տէրն ինքնին խոտացաւ , եթէ “ Լքստջիւք և դուք ՚ի դատել ,” :

Ուստի և զնոյն բան մեծն Բզոստինոս ՚ի դէմն իւր ածեալ , և ինքնին դարձեալ վսեմական հրահանգան լուծանէր , հաստատուն ևս գործելով զձմարտութիւնն՝ զոր մեք ձեզն քարոզեմք այսօր . “ Հապա , եղբարք իմ , ասէր , հաստատուն կացուք ՚ի վերայ հիման աս-

տուած իմաստան Պաւղոսի . Ընդ Վրիստոսի 'ի դատել . այլ քաւ՝ մի փութացուք աստէն կանուխ քան զաստուածային դատաստանն . նա յաւուր միում հաղորդս զմեզ արասցէ իւրումն իշխանութեան : Սեք ակնկալցուք բաժանակցութեանն , ակնկալցուք խոնարհութեամբ և համբերութեամբ . և 'ի հրահանգ նորուն առաքելոյ հաւատարիմ կացցուք . “ Եւ յսուհեաւ , ասէ , մի յառաջ քան զժամանակն դատիք , մինչև եկեսցէ տէր , որ լուսաւոր առնիցէ զգաղանիս խաւարի և յայտնիցէ զխորհուրդս սրտից , ” : Վանգի և զժնդակ կիրք իցեն , եթէ խոնարհադոյն դատաւորք խնդրեսցեն կանուխ քան զնա խաղահն նստել 'ի դատել :

Օ այս մեծն Լազարիոս : Եւ անսալ աղաչեմ սիրելիք , և զոր ինչ զնովմբ ածեալ հրաշաքանէր նոյն երանելին . “ Ինքնին և տէրն Վրիստոս , ասէ , ցորչափ յաշխարհի եկաց , թէպէտ և տէր դերագոյն , երբէք ոչ վարեաց զտէրութիւնն 'ի դատել զմեզաւորս . արդարացոյց հեզն զնոսա . ներեաց երկայնամտեաց , ջատաղով եմուտ նոցա , շնորհս բաշխեաց , միսթարեաց զնոսա և սիրեաց . և երբէք ոչ դատեցաւ զնոսա : Եւ բարձրագոյն ևս վկայութիւն ինքնին վկայեաց զանձնէն , “ Եւ եկն որդի մարդոյ , զի դատեսցի զաշխարհ , ” :

Ի կրկնակի հանդիսից պաշտաման Պրկչի և Վատաւորի , զառաջինն վարեաց ցորչափ շրջեցաւ ընդ մարդկան . զերկրորդն պահեաց 'ի միւսանդամ դալստեանն փառօք : Եւ իցէ մերն իշխանութիւն ընդարձակատարր քան զնորայն Կացցուք ուրեմն 'ի սահմանին՝ զոր ինքն չափեաց : Սիրեսցուք յաստի կեանս զեղբարս , որպէս նա սիրեաց . արդարացուցուք իբրեւ զնա , ախտակից տկարութեանցն լիցուք որպէս նա :

Եւ եթէ 'ի ժամանակին՝ յորում նա միայն զողորմութիւնն վարեաց , մեք հապշտապ անհանձարաբար զարդարութիւնն միայն 'ի ձեռն առցուք , ոչ ահա մեք ինքնին յայնժամ աններելի դատիցիմբ իբրեւ յանդուներ , իբրեւ ամբարտաւանք : “ Զորժամ ես ժամ առից , ասէ Լաւուած , ես ուղիղ դատեցայց , ” : Օ այս հրահանգէ , եթէ սահմանեալ է ժամանակ 'ի ներել , և ժամանակ 'ի դատել . “ Եւ ժամանակ , ասէ , դատելոյ , և ժամանակ ողորմելոյ , ” :

Իսկ մեք աւաստիկ չասեմք, եթէ յորժամ ժամ առից դատեցայց. այլ մեր ամենայն ժամանակ է դատելոյ միայն, և զիարդ այնուհետեւ ապրեցցուք մեք յաննե-
րելի դատաստանէն Մատուծոյ :

Մյա եթէ զնոյն տարաժամ դատողութիւն ընդդէմ աստուածադիր սահմանին, ոչ առ եղբարս միայն հաւա-
սարս, այլ և առ աւագան յաւանեալ տարածեցես զու որ յեկեղեցւոյ և որ յաշխարհէ՝ կարգեալք առ
Մատուծոյ ՚ի վերայ քո, քանի՞ն իցեն յայնժամ յան-
ցանքն, քանի՞ սրատուհան :

Սարգարէին ոչ լուար սրտառու ձայնին՝ որ ՚ի զի-
մաց Մատուծոյ. « Որ մերձենայ, ասէ, ՚ի ձեզ, որպէս որ
ընդհարկանիցի ընդ բիր ական իմոյ » : Աստի և
ընաւին կարճեաց. « Սի մերձենայք, ասէ, յօժեալս
իմ. և ՚ի մարգարէս իմ մի մեղանչէք » : Քանզի և որ
տուին է իշխանութեան Մատուած, նոյն ինքն է պա-
հապան իշխանին, նոյն ինքն է վրէժխնդիր. և որ զիշ-
խանութիւնն հաստատեաց, նոյն և զհպատակէն խընդ-
րէ : Եւ եթէ զու զգործս և զբանս դատակնքես զքո
իշխանին, և դատաւոր դատաւորին քո կացցես, վեր ՚ի
վայր զկարգն Մատուծոյ արարեր. և ահադին սպառնա-
լեացն սրտաւոր լիցիս այնուհետեւ :

Ի՞նչպէտ և թերութիւնք ևս իցեն ՚ի նոսա, իբրև
մարդիկ են. թէպէտ և յանցաւորութիւնք ևս՝ այլ դու
երբէք ոչ արդարացիս. « Օ Մատուածս քո, ասէ, մի
բամբասեցես » :

Եւ ասէ, եթէ Օ գործս նոցա դատիմ, սակայն
բարձի իշխանութեան նոցա և պաշտամանն շուք ա-
ծեմ. — Եւ ասեմ, եթէ վայրապար է բանն, և
արդարացիս ոչ. քանզի որ ասաց. « Օ Մատուածս քո մի
բամբասեցես », միանգամայն և զանձն իշխանին և
զբարձն նորա ՚ի ներքս փակեաց : Անուխ ետես և
զրեաց, եթէ արհամարհութիւն միոյն, այսինքն ան-
ձին, զհետ իւր բերել ընաւորեցաւ միշտ և զարհամար-
հութիւն միւսոյն, այսինքն՝ զբարձին :

Եւ եթէ օրինակ ազդարար կամիցիս ՚ի ներքս բե-
րել, ես քեզ ոչ ՚ի հաւատարիցդ կամ յաւագացդ, այլ
որ աւագագոյն ևս էր քան զամենեւին, զբարեպաշտն
ասեմ ինքնակալ Աստանդիանոս ՚ի դէմն ածից, որ շուք

մեծապէս հարեալ եկեղեցւոյ, երբէք ոչ ժտեաց նստել դատաւոր իշխանաց նորա . իսկ այսօր և սոսկականք յաւակնին դատել զիշխանս եկեղեցւոյ : Բայն ինքնա կալ քօղաղգեաց, զի այսպէս ասացից, իւրով իսկ ծիրանեաւն առեալ ծածկէր զթերուծիւնս ինչ պաշտօնէիցն եկեղեցւոյ . իսկ այսօր և պարծի ևս որ, ոչ 'ի դատել միայն զնոսա, այլ և յառակել :

Եւ արդ 'ի դատողութիւնս եթէ հաւասարից և եթէ աւագաց, զի է մեզ սիրելիք, մեզ որոց այնչափ է նիւթ 'ի դատել իրաւամբք զանձինս, և զայն թողեալ, զօտարինն 'ի մեզ կապել բեռն, և նովին զմերն ծանրացուցանել խիղճ, յանցաւորութեամբ դատողութեանն յափշտակելով զիրաւունս Բստուծոյ . “ Եւ, ասէ, դատիք ” : Գոնեա շահու անձինդ ուշ կալցիս ո՞վ մարդ . ոչ տեսանես զիսրդ մեծ և անկշռելի է խոստումն աւետեացն . ոչ դատել քեզ զեղբայրն, և ոչ դատիլ քեզ Ե Բստուծոյ . “ Եւ դատիք և մի դատիցիք ”, ասէ :

Հիացեալ իմն էր ոմն 'ի սրբոցն, որ և միշտ ահաբեկեալն էր 'ի դատաստանէն Բստուծոյ, և ասէր առ Բստուած . “ Բորդարե տէր ճմարտիւ այդ այդպէս իցէ, զի զերծանիցիմ ես յահագին քոց դատաստանաց, ոչ դատելով զեղբայրն իմ : Եւ, քանի՞օն իցէ հատուցումն առաքինութեանն ” :

Եւ անշուշտ, սիրելիք, անսուտ և անխաբ է խոստումն . զի ինքնին ճմարտութիւնն Բստուծոյ երաշխաւոր եկաց . “ Եւ դատեր, և մի դատիցիս ” : Եւ այս անխաբ խոստումն աստուածային և այլ ոմն 'ի սրբոց հաւատով հաստատեալ 'ի ժամ մահուն ուրախութեամբ ելանէր 'ի մարմնոյն, և զպատճառս հարցանողացն՝ տայր պատասխանի . “ Պարզերես, ասէ, յանդիմանեցայց ատենի դատաւորին իմոյ Վրիտտոսի, զի ոչ դատեցի զեղբայրն իմ 'ի կեանս իմ . քանզի և ինքնին Բստուած խոստացաւ, մի դատիք, զի մի դատիցիք ” :

Բայա մեք, սիրելիք, որպէս լուայք ցարդ, յանցանեմք դատելովն, ոչ միայն զի իշխանութիւն չիք մեր, այլ զի և ծանօթութիւն ճշգրիտ պակասէ մեզ :

ՄԱՍՆ Բ .

Ղանաչել առանց դատելոյ, կարի քաջ իմաստութիւն է և առաքինութիւն, իրաւաբանէր Սկեբերան . այլ դատել առանց ճանաչելոյ՝ միշտ է անմտութիւն և յանցաւորութիւն : Բայց եթէ առ հասարակ ճմարիտ է բանն, առաւել ևս ճմարիտ՝ յաւելնոյն երանելին՝ առաւել ևս ճմարիտ է՝ ի դատել մեր զընկերն և ի դատապարտել : Ուստի և ձախողակի դատաստանք մեր զընկերէն՝ գողցես ամենայն՝ յանդգունք են և մեղանշականք : Ինդէր : Վանգի և միշտ գողցես անբաժ են ի յայտ յանդիմանութենէն, որ կարեւորն է առ ի արդարացի գործել զդատաստանն :

Վանգի իմաստութեամբ կնքեաց մարդարէն . « Սակայն ընդունայն են, ասէ, որդիք մարդկան . սուտ են որդիք մարդկան . ի կշիռս իւրեանց մեղանշեն, և ինքեանք յունայնութեան են ի միասին » :

Սամիս և զհաւաստիսն լսել ճմարտութեանս, աղէ դու հայեաց միանգամ : Իցէ ինչ առաւել սովորեալ յաշխարհի՝ քան զերիս զայսոսիկ, Բաւլին՝ քան զդատելն յերևութիցն : Երկրորդ անգամ՝ քան զդատելն ի գործոց զգիտաւորութիւնն : Երրորդ անգամ՝ քան զդատելն ի պատմութենէ այլոց : Սամ թէ քանի վաղ վաղակ իցէ դատելն . քանի յանդուգն և յանճապաստան, քանի կեղակարծելի և խարխուլ :

Բասիկ քեզ աղբիւրք ստութեան դատաստանին մերոյ ի վերայ միմեանց, որ նախ վեր ի վայր գործեն ի մեզ զընկերութիւն, և ապա քակեն ի սպառ, « Սուտ են, ասէ, որդիք մարդկան, ի կշիռս իւրեանց մեղանշեն » : Եւ արդ երրակի այս իմաստք դատողութեան, աղաչեմ, անմոռաց կացցեն յուշի ձերում :

Վանգի առաւլին դատեմք մեք զմարդիկ յերևութիցն . այլ սակայն, որպէս նրբաբանէր Բզոստինոս, մանաւանդ պարտ էր, ասէ, զերեւոյթան դատել ի մարդկանէ : Վանգի և քաջ իսկ քանիս տեսանեմք մեք յաշխարհի, որ սակս բազմօրինակ պատճառաց՝ չեն

ինչ նոքա այն որ երևինն . և բազում անգամ չերևին այնպիսի որպիսի էնն : Վասնիք դարձեալ որ 'ի պատճառս պերճ կամ գոռոզ կերպարանին իւրեանց՝ խոռն ինչ ցուցանեն առ արտաքս 'ի բարւոյն զոր ունին , և քանիք դարձեալ ձիգն թափեն 'ի ծածկել զչարն իւրեանց , և անձնացոյցք բերին 'ի բարին զոր չունին :

Եւ քանիք ոմանք՝ որոց թերուծիւնք ստոյգք , նաև մեծամեծք , և սակայն քողարկին իբրու 'ի փոխարէն մեծամեծ արդեանցն . և քանիք դարձեալ որոց ընդ անկաժ և արհամարհ կերպարանաւն ծածկեալ կան առաքինուծիւնք մեծամեծք :

Եւ արդ զու աղէ դատեա զայդոսիկ , զորս թուեցի , ըստ երևուծիցն , յորս և որչափ կարծիք և դատաստանք իցեն քո զնոցանէ , այնչափ և անիրաւուծիւնք :

Իսկ Մտուած այլազան 'ի մերոց տեսութեանց ա նարգէ , զոր մեքս յարգեմք . և յարգէ զոր անարգեմքս . “ Որ առաջի մարդկան բարձր է , ասէ , պիղծ է առաջի Մտուծոյ , ” :

Օ ի մեր դատաստանք յերևելիսս միայն յածին . և Մտուծոյն յաներևոյթ գաղտնիսն : “ Օ ի ոչ եթէ որպէս տեսանիցէ մարդ , ասէ , տեսանէ Մտուած . զի մարդ հայի յերեսս , այլ Մտուած հայի 'ի սիրտս , ” : Հայի 'ի սիրտն , վասն այնորիկ և դատի արդարապէս . մեք երբ հետախոյզ արարաք զսիրտ մարդոյ . զի և կարեմք իսկ ոչ :

Մտուած լոյս է , որպէս ասաց առաքեալն , և չիք 'ի նմա մասն խաւարի . և մտանէ մինչև ցորոշումն շնչոյ և յօդից և ուղղոյ , և այնպէս դատի իրաւամբք : Սեբ վեր 'ի վերոյ ինչ մի տեսեալ , զիմորդ իրաւացութի դատել զընկերն :

Վաև իբրու ճրագ 'ի ձեռին առեալ Մտուծոյ զստոյգ գիտութիւն զգործոց , այնպէս կամի զդատելն իւր . այնպէս կամի և զմեր դատելն . “ Եւ քննեսցի , ասէ , Երուսաղէմ ճրագաւ , ” : Սեբ բնաւ իսկ 'ի խաւարի՝ ոչ միայն ճրագ չունիմք զստոյգ գիտութիւնն , այլ և ոչ գիտութիւն մի . քանզի յերևուծիցն դատեմք . իսկ երևոյթքն ստուերք են , այլ ոչ ստուգութիւնք : Վա նիցս անգամ մեք շփոթեալ խառնակեցաք զառաքինուծիւնն ընդ մոլութեան , զանարգութիւնն ընդ յարգի ,

զճմարտութիւն ընդ ստութեան . և այնպէս ուրեմն մեղանչեմք , ըստ գրոյն , 'ի կշիռս մեր :

Եւս է առաջին յանցաւորութիւն կշռոյն մերոյ , դատելով զընկերն յերևութից :

Իսկ երկրորդ անգամ դատիմք մեք զգիտաւորութիւնն 'ի գործոց անտի : — Եւ արդ ասէք դուք ինձ , եթէ 'ի գործոց գուշակի գիտաւորութիւնն : Չիք հնար այլ ազգ դատել : — Եւ ահա ձեզ քաջիկ պատասխանի մեծին Հերոնիմոսի . ասէ , եթէ վասն այդորիկ իսկ չէ պարտ չէ արժան դատել ամենեւին : Եւ մեք յայլ տալազ բանի , ասէ , փոխեսցուք վայր մի զառաջարկութիւնդ . ասացուք այսպէս . դատիմք մեք զգործսն , առանց ճանաչելոյ զարժառիթսն և զգիտաւորութիւնն : Կամ թէ մանաւանդ ասացուք այսպէս , գուշակեմք մեք զարժառիթսն և զգիտաւորութիւնն , առ 'ի կարող լինելոյ դատել զգործսն :

Եւ արդ հարցանեմ . իցէ ինչ յաշխարհի առաւել քան զայն յանդուգն և անիրաւ : Եւ ադիկ , ասէ , կամ մնամ ես ուշ եղեալ՝ զինչ որ գործեսցէ , և իմանամ վասն էր գործեսցէ . ոչ անմտութիւն է այս անշուշտ . քանզի նոյն և մի գործ մարթի ունել շարժառիթս բազմապատիկս՝ միմեանց ներհակակիրս . ուրեմն և դատաստանս այնչափ տարբերեալս 'ի միմեանց :

Եւ ադիկ քեզ տիրասէր կ'լինն . յորժամ զիւղն անոյշ նարդեան աղնուի մեծագնոյ հեղոյր 'ի գլուխ տէրունւոյն , գործ և միտք նորա ողջոյն աստուածալաշտութիւն էր գլխովին . այլ տեսողք զայրանային ընդ նա՝ իբրև ընդ վատնիչ . և նոյն զայրացումն՝ էր իբրև աղքատասէր ոգւոյ , և էր դարձեալ իբրև գողոյ և արծաթասիրի , ըստ որում Յուդային :

Եւ ինքնին փրկիչն զմեղաւորս ընդունէր և ուտէր ընդ նոսա՝ առ 'ի շահել զնոսա առ Եստուած . իսկ փառիսեցիքն կասկածէին զտեառնէն իբրու տուրեառ անբարի առնել ընդ նոսա :

Եւ արձեալ և զնոյն գործս տեսանեմք , ասէ , գովեալ , միանգամայն և անարդեալս յԵստուծոյ ըստ այլազան գիտաւորութեանցն . Եւ արաւոն ծախէր զԵսայէլ , և Եսայէլ սատակմամբ նուազ առնէր զնոսա յանապատին . Եւ Եսայէլ , ասէ , բռնաւորութեամբ փքացեալ ,

միւսն աստուածային նախանձու լցեալ : Ղարձեալ ոչ ինչ նուազ քան զՆուդաս ինքնին Մտուած մատնեաց , ասէ , զԲրիստոս 'ի ձեռս խաչահանուացն . և սակայն 'ի մատնութեանս յայսմիկ , ասէ , զթած և ողորմած է Մտուած , և մարդն ապիրատ և պարտաւոր :

Եւ զինչ ապա : Ղիտաւորութիւնք ուրեմն գործելեացն հանդիսացուցանեն զգործն . և քանզի այս զիտաւորութիւնք՝ Մտուծոյ միայնոյ են ծանօթ , որ քննիչ է մտաց և խորհրդոց սրտից , քանի՞ն ուրեմն իցէ յանդգնութիւնն՝ եթէ մեք ինքնին սահմանեսցուք զնա :

Բանդի և յերկուց ոմանց զիտաւորութեանց , մին բարի և միւսն չար , զի զիտես այր դու , զորն հաստատեալ է իմ 'ի միտս . զի ըստ այնմ դատեսցես զիս .

“ Ջրհոր խոր է , ասէ , սիրտ առն :

Ամիս և զանկարծելին լսել , լուր զոր ճմարիտ յոյժ ասաց որ ասացն , եթէ նաև ինքնին մարդ 'ի դէպս բազմապատիկս քաջ է զիտակից անձին իսկ իւրում 'ի գործէն . և բազում անգամ ճգրիտ չճանաչէ ոչ զգործս իւր 'ի զիտաւորութեանցն , և ոչ զզիտաւորութիւնս իւր 'ի գործոցն : Եւ եթէ 'ի ներքինս իւր տկարանայ , զիսորդ յարտաքինսն ոչ գթեսցէ :

Եւ յապէս ուրեմն խաբեմք և մեղանչեմք նաև յերկրորդում յայսմիկ կշռութեան մերում :

Իսկ ապա երրորդ անգամ դատիմք մեք առ 'ի պատմութենէ և 'ի լրոյ այլոց . և կարծեմք դատել յայնժամ առաւել աղատութեամբ և անմեղութեամբ , իբրուանկանել յանցանացն 'ի վերայ լրաբերիցն : Սակայն և 'ի դէպս յայս ունիմք մեզ հրահանգ քաջիկ և վարդապետութիւն աստուածային , առ 'ի ուղղապէս առաջ նորդել անձանց :

Այլք աւագիկ Սողոմոնացոցն և եղեոն Ղոմորացոց աշխարհագոյժք և անհնարինք՝ մինչև յաթոռն Մտուծոյ բողոք հարեալք , “ Եղապէք , ասէ , Սողոմոնացոցն և Ղոմորացոց բազմացան յոյժ : Եւ արդ միթէ անդէն և անդ ածիցէ Մտուած զպատուհասն : Եւ դու ինձ հայեաց և աստանօր ընդ իմաստութիւնն նախախնամիչ : Հարաւ բողոքն , բազմացաւ աղաղակն . սակայն և քննել կամի և ակնաստես ևս խուզել . “ Աւ

զի, որպէս ասաց ոմն 'ի սրբոցն, կարօտ ինչ էր Մտուած, այլ զի մեզ տացէ օրինակ, և չափ ուսուցէ 'ի դատելն ։

“Ղաղակ, ասէ, Սողոմոնացոց և Վամորացոց յաճախեաց, և մեղք նոցա մեծացան յոյժ. արդ իջեալ տեսից, եթէ ըստ աղաղակին նոցա՝ որ յիսն հասանէ՝ վճարիցէն. ապա թէ ոչ՝ զի գիտացից ։” Եւ շատ, ասէ, աղաղակն հասեալ առ իս. ինքնին եկեալ հետաքըննեցից, և ես ինքնին եղէց վկայ. քանզի ոչ վայրապար ինչ իրաց են բանքն. այլ ժամեհաս դատելոյ, և ժամէ արդ դատապարտելոյ . . . : Բաբէ, քրիստոնեայք. և իցէն արդեօք մեզ այս իմաստութեան հրահանգք յառաջնորդութիւն . . . : Ս'ի մէնջ սիրէ նմանել օրինակին Մտուծոյ . . . : Ամբ աւագիկ համբաւ չար յայս նիշ քաղաքիկամ 'ի քաղաքի աստ մերում համբաւ աղարտիչ գլխովին անուան և պատուոյ՝ այս նիշ գերդաստանի, կամ այս նիշ անձին. ասեմք արդեօք յայնժամ և մեք ընդ Մտուծոյ. “Քրդ իջեալ տեսից, եթէ ըստ համբաւոյն առ իս հասելոյ՝ վճարիցէ. ապա թէ ոչ՝ զի գիտացից ։” . . . : Հապա ինքնին ես գնացեալ ընտրեցից զսուտն 'ի ճշմարտէն՝ մինչև իմ ինչ մի դատականիք 'ի վերայ ածեալ գործոյն և գործողին ։ Ս' գիտէ, եթէ թերեւ չարախօսողաց իցէ համբաւն, կամ զրպարտողաց, կամ դիւրահաւատից, կամ ստախօսից, կամ թեթեամտաց, կամ թշնամեաց, կամ նախանձոտից ։ (Թերեւ և պատմութիւն իցէ լոկ կասկածանաց ուրուք, և ոչ ստուգութեան լուր. թերեւ որոմնացանութիւնք իցեն ատելութեան և անմիաբանութեան ։ Այլ զիսրդ ես զկասկած չարութեանն, իբրեւ ճշմարիտ սահմանեցից ։ Քրդ ուրեմն իջեալ տեսից, եթէ ըստ համբաւոյն լրոյ և պատմութեան զուգահաւասար և իրքն իցեն. ապա թէ ոչ՝ զի գիտացից ։

Եւս հրահանգ ճշգրիտ և այս վարդապետութիւն աստուածային՝ 'ի ճահ մանաւանդ պատահեցէ իշխանաց և առաջնորդաց՝ որ յեկեղեցւոյ և որ յաշխարհէ ։ Երբա կամին գիտել զամենայն. այլ քանի ստապատիր կամ այլակերպեալ լուրք և պատմութիւնք հասանեն առ նոսա. և այնպէս՝ է՝ զի և կասկած միայն առեալ հաստատեն 'ի միտս, և որչափ ինչ պէտք էին ճշգրտիւ

քննութեան՝ յայնմանէ պակասեալ, դատեալ լինի այնուհետեւ անմեղն, դատեալ լինի այնուհետեւ հաւատարիմն. դատակնքի և այլն՝ որ միայն էր արժանին առ ՚ի նոցանէ մրցանակին առաւել քան զամենեւեան, կործանեալ առ ՚ի հնարից թշնամեացն և չարարութեստ որերոյն, որ շուրջ դարանեալ կայցեն զաթոռովք առաջ նորդացն :

Վանդի իշխան, որպէս զգուշացոյց իմաստունն, իշխան՝ որ մտադիւր լսէ զբանս ստութեան, շուրջ կան զնովաւ պաշտօնեայք ամբարշտութեանն :

Աւարդ որպէս ցայսվայր լուայք, սիրելիք, առաջին մեղաք մեք ՚ի դատել մերում առ պակասութեան իշխանութեան : Արկրորդ՝ մեղաք մեք առ պակասութեան ճշգրիտ ծանօթութեան : Ահա՛նչեւիք զօրհանապազ և երրորդ անգամ՝ զի պակասէ մեզ և անարատութիւն սրտի ՚ի դատելն :

ՄԱՍԻ Գ .

Որպէս ամենայն գործոց բարեաց՝ տնկակից առաքինութիւն մի հիմն է նոցա և աղբիւր, և անանջատ կայ ՚ի նոցանէն, ըստ որում ողորմել աղքատի՝ վերաբուսեալ ՚ի գթութենէ, և զիմագրաւել յարիութենէ և ժուժկալել ՚ի բարեխաւնութենէ, և քաջ վարչութիւն ՚ի խոհեմութենէ . նոյնպէս և ուղիղ դատելն՝ յարդարութենէ :

Ըստ որում և աստուածայինն՝ Վաւիթ՝ որպէս քաջիկ խորհրդածեցին հաբք՝ զիրաւունս դատողութեանն միշտ անանջատելի յարդարութենէն երգեաց ՚ի սաղմոսին . Մատուած իմ, «Վարի իրաւունս, ըստ արքունի պաշտամանս, ոչ լոկ, այլ և զարդարութիւնն» . մինչ զի եթէ արդարութիւնն միշտ մերձ ոչ իցէ, իրաւունք դատողութեանն՝ ոչ արդարասցին երբէք :

Իսկ արդարութիւն զինչ իցէ . «Նարատութիւն պատրաստութեան սրտի ուղիղ դատել և տալ իւրաքանչիւր ումեք զիւրն» : Այլ բաբէ, քանիցս անգամ ՚ի մեր դատաստանս իղձք դժպատեհք և կիրք բազմա-

դէմք զանարատու թիւն զայս բնաւ իսկ ժանտացուցանել բնաւորեցան ՚ի սիրտս մեր : Քանի բիւրք ՚ի դատաստանաց՝ որով դատիմք զընկերս, անիրաւք են, զի անբաժ են յարդարութենէ :

Վատիմք ըստ ցանկութեան սրտից մերոյ, և ոչ ըստ լուսոյ բանին . դատիմք կանխակալ նախադրաւ կարծեօք, դատիմք ատելութեամբ, դատիմք նախանձու, դատիմք շահախնդրութեամբ . և այլ ևս բազմապատիկ կրիւք . որ սարդեալք խանգար առնեն ուղղութեան մերոյ, և արականեն զառողջ խորհուրդս :

Բայց դու ինձ աստանօր, թողեալ զշեղջակոյտս կրիցն, միայն զտիեզերակալ զայն կիրան քննեա վայրիկ մի, զշահախնդրութիւնն ասեմ, որ զամենայն միանգամայն պարագրէ : Յինչ իրաց այնպէս մոլեգին դրդեցան Վարիսեցիք անհաշտ ռիսերիմք ընդդէմ տեառն հեղոյն և խոնարհին և բարերարին և ամենասրբոյն . զոր պատճառս նոցայն մոլեգնութեանն ետ տէրն . բայց զի շահասէրք էին նոքա և անձնասէրք և փառախնդիրք, զնախողջոյնս ինդրէին ՚ի հրապարակս, զբարձերէցս յատեանս, զգահազուխս յընթրիս :

Եւ ինչ նա երևեցոյց զանձն իւր աշխարհի, իբրու ՚ի խոչ ընդ ակն և իբրու ՚ի խոչ ընդ ոտն իւրեանց հայեցան ՚ի հեզն . իբրու յոխերիմ հակառակորդ կեղծաւորութեան նոցա, իբրու ՚ի տապալիչ աղանդոյն նոցա . ուստի և շահ մեծապէս համարեցան անձանց դձձել զնա և վատահամբաւել և ՚ի կորուստ ևս մատնել : Եւ եղև սկիզբն ամենայն ատենից նոցա, այն հիմն ամենայն դատաստանաց նոցա ընդդէմ անձին նորա և սքանչելեացն նորա՝ լի անձնանախատ շահախնդրութեամբ :

Եւ իսկ տէրն աշխարհաբարոզ համբաւեալ իբրև մարգարէ լի հոգւովն Եստուծոյ . իսկ անդուստ Վարիսեցիք պայթեալք յանձինս, զինչ համբաւեն . « Եւ զիտեմք, զի այրն այն մեղաւոր է » : Վիտեմք քաջ, ոչ եթէ կարծեմք ինչ կամ կասկածեմք :

Եւ զիա՞րդ, աղէ ասացէք զիա՞րդ եթէ մեղաւոր է, լէ նմա Եստուած, զիա՞րդ այնպիսի մեղաւորն նշանս առնէ, և զիա՞րդ անստղիւտ է ինքն յամենայն ՚ի վարսն . . . Եւ զինչ և իցէ, ասեն, որ զինչ և արասցէ,

էն ինչ մեզ փոյթ • մեք զայն գիտեմք, զի այրն այն մեղաւոր է: Այլ զիւրդ գիտեն զնա այնպիսի • վասն զի այնպէս կամին: Այլ ընդէր կամին • վասն զի շահ մեծապէս է նոցա լինել նորա այնպիսի: Ասկ շահախնդրութիւնն միայն բաւական իցէ 'ի լինել կանոն և իրաւացուցիչ դատաստանին: Այս, ամենայն իրօք: Վասնզի մեք ոչ միայն կարծեմք զնա մեղաւոր, այլ և գիտեմք զնա այնպիսի • և յորժամ գիտեմք, զիւրդ ոչ ուղղապէս դատեսցուք զնա և դատականքեսցուք և համբաւեսցուք, եթէ այրն այն մեղաւոր է...: Ով պատկեր ճշգրիտ, և տիպար կենդանատիպ դատողութեանց աշխարհի:

Վասնիմք զմարդիկ ոչ յարդեանց բարեաց նոցա, այլ 'ի շահախնդրութենէն՝ որ տիրացեալ է 'ի մեզ: Վասնիմք զմարդիկ, ոչ որպիսի են նոքա, այլ որպիսի մեքս եմք: Օ իւրդ քաջ կնքեաց զառաձն՝ մերս հանձարիմաստ իգնատիոս • Որ ինչ ոք է, ասէ, 'ի նոյն և զայլ կարծէ: Վասնիմք զմարդիկ ոչ 'ի բարւոյն կամ 'ի չարէն զոր ունին, քան թէ 'ի բարւոյն կամ 'ի չարէն որ թերեւ մեզ հասցէ:

Նա դառն աղբիւր՝ դառնութեան վտակաց • քանզի աստի խաղան 'ի մեզ անիրաւութիւնք անհնարինք, աստի կամակորութիւնք անհանձարք, աստի կուսակցութիւն աշխարհակործան, թեկն ածել միումն՝ գովութեամբ, և ընդդէմ կքրել միւսումն՝ դառն բամբասանօք • աստի չարարուեստ դատականիքք ընդդէմ բազմարդիւն մարդկանն աստի անձահ գովութիւնք միջակայնոցն • աստի գահերիցութիւնք շնորհեալք միումն, աստի մերժումն անիրաւ և զրկումն միւսոյն:

Այլ իցէ ինչ, սիրելիք, քան զայս առաւել սովորական յաշխարհի, և ձեր ինքնին ոչ բիւր անգամ զփորձն առեալ իցէ 'ի ձեզ ինքեանս: Աւագիկ իցէ ոք այր 'ի համբաւի առ մարդիկ, և իցէ այն 'ի շահ անձանց մերոց, ոչ վաղվաղակի նաև մեք ինքնին ձեռն տամք հաւանութեան 'ի բանին յայնմիկ • Թէպէտ և արդիւնք չիցեն նորա, սակայն 'ի մեր կարծիս ընդունակ է այրն այն ամենայնին, բաւական է յամենայնի • քանզի և 'ի մեր շահն կրթի բանն: Այս եթէ չիցէ այն 'ի շահ անձանց, մեք ուժացեալք 'ի նմանէ, և ինչ մի դարձեալ չտեսանեմք 'ի նմա որ չիցէ անգոսնելի:

Եւ այս կերպ շահախնդրութեան այնպիսի մեզ զայրն նկարէ, որպիսի և կամիմքս. այլակերպէ, քողարկէ մեզ զբարեմասնութիւնսն զոր նա ունի. և տայ մեզ նկատել 'ի նմա [թերութիւնս] զոր չունի, և բազմադէմ երեսք շահուն մերոյ, բազմադիմակ փոփոխէ մեզ զայրն:

Եւ զի այս այսպէս է, ապա եթէ յանկարծ և [չնամի] հանդիպեսցի մեզ այրն, զինչ ասես, որ դատաստան իցէ մեր յայնժամ զնմանէ: Եւ ատ է մեզ [չնամու] [թիւնն] միայն, և բնաւ իսկ 'ի կորուստ և յանգոյութեան կայ այրն առ մեզ: Եւ զուր երաշխաւոր են մեզ այնուհետեւ նաև սքանչելագործութիւնք նորա, և մեծամեծ նահատակութիւնքն ոչ այլ ինչ ներգործեն 'ի մեզ՝ բայց մեծ ևս ատելութիւն: Եւ զուր նա այնուհետեւ բարձեալ բերիցէ և զամենայն առաքինութիւն, զի [թէ] պէտ և լուսաւորք յոյժ իցեն, մ[թագնեալ] են յերևակութեան մերում, իբրու որ մոլութիւնք իցեն գլխովին: Եւ [թէ] բարեպաշտութիւն բերէ յանձին, իբրև կեղծաւոր բամբասի. եթէ բարեպաշտ չէ, իբրու զամբարշտէ կասկածիմք զնմանէ. եթէ խոնարհութիւն 'ի դէմն ածէ, իբրու զձուձ և անաւագ տեսանեմք զնա. եթէ մեծանձն է, բարձրայօն է և զուռզ. եթէ 'ի չափու կայ և սանձէ զանձն, իբրու այր քողածածուկ և նենգաւոր համբաւի. եթէ սարգ է և անկեղծաւոր, միամիտ է և անզգոյշ:

Եւ [թէ] այլք նուագօք բարձրացուցանեն զնա, մեր նախազրաւ կիրքս տայ մեզ իբրև մարդելոյ շողումութիւնս պատիրս համարել զգովութիւնսն: Եւ քա ծափահար երգեսցեն նմա՝ իբրու սար կանանւոյն առ Եւաթի. իսկ անդուստ, ո՛հ, մեր կիրքս իբրև [թոյն] դառնութեան դեղեսցէ զմեր սիրտն իբրու զԵւաթայն:

Եւ չաքեզ տիպար շահախնդիր ոգւոյ. և որպէս երանելին ասաց Եմբրոսիոս, 'ի խոր խոցեալք առ հասարակ վէրս առնուն անհնարինս առ 'ի խայթից նախանձուն: Եւ զոր օրինակ ախտ նախանձուն ունի ստէպ իւր ուշ նպատակի զառաւել զգիրգն, զառաւել փարելին յամենայն իսկ 'ի շահս, զպատիւն ասեմ զանձին և զփառս, այսպէս և չարութիւն շահախնդրութեան նուրբ է առաւել և անօր՝ առ 'ի գլխովին զաչացու յարդարել զմարդ: Եւ նորին աղագաւ, աւանդ [թշուառութեան]

բախտին, գողցես յանհնարիցն է մեզ երբեք իբրու 'ի սրտէ հաշտս և բարեկամս լինել և ցուցանել զմեզ այնմ, որ 'ի միասին ընդ մեզ զնոյն բարձի աւագութեան կամ զնոյն վաճառաշահութեան թեկն ածիցէ, որում մեքս ըղձանամք :

Վաճառակ այս կիրք շահախնդիր, իբրու ամբ թանձր մթագին կայկայեալ ընդ նա և ընդ մեզ, կար զօրութեան չթողու լուսոյ բանին 'ի վանել փարատել զնա :

Իսկ ապա զայրն, որ միանգամ կամ խոնարհագոյն յոյժ է քան զմեզ կամ յոյժ գերագոյն, մեք ոչ ինչ թնամամնասէր գորով, արդարութեամբ և ուղիղ դատիմք. քանզի և 'ի բարձրանալ նորա կամ 'ի խոնարհելն՝ չհասանէ զեան ըղձանաց մերոց և շահուն մերոյ :

Արդ ուրեմն քանի՞ն արդարութեան, սիրելիք, և մեծապէս ուղղութեան և անարատութեան սրտի պէտք իցեն մեզ 'ի դատելն, յորժամ միանգամ այս ահագին մեքենայ շահախնդրութեան շարժեալ սասանեցուցէ առ հասարակ : Այլ է իսկ այնչափ անշուշտ բանս, զի և նոքին ազգ մարդկան 'ի բնէ ծնեալք վասն կենցաղասէր բնկերութեան, և որոց տուրեառ առ հասարակ հոլովի իբրեւ 'ի վերայ ծինեաց անդրժեքի հաւատարմութեան, այն ինչ խոն մի միայն կասկած զշահախնդրութեան առեալ զմիմեանց, մոռանան զամենայն բարիս բնկերին, մոռանան զամենայն բարեկամութիւն, և ուժանան իբրեւ յանբարեաց : Այլ թէպէտ և դատաւոր ոք իցէ, այր լաւ և առաքինի և անկաշառ ամենեւին, եթէ յանկարծ շահաւոր հանդիպեսցի նմա դատն զոր վարէ, լքանեն զատեանն և անիրաւութիւնս առնա չհամարին՝ եթէ յայլ ատեան գնացեն : Վարձեալ՝ թէպէտ և ամենեւին անարատ և անսուտ իցէ վկայն, եթէ յանկարծ երբեք շահ ինչ նկատիցի վասն նորա յանսուտ վկայութենէ անտի, թողուն զնա և զայլմէն բռն հարկանեն : Իբրու եթէ առ հասարակ մարդիկ միաձայնաբար իրաւունս անձանց համարեսցին և բռնադատեսցին 'ի խոստովանել, եթէ ուր ուրեք յանկարծ սարդեալ մտանիցէ շահ ինչ անձին, անդանօր ոչ քաջ և ուղիղ լինիցի դատաստանն : Վաճէ բռնադատ զօրութեան շահախնդիր կրիցն :

Օ ինչ ևս ապա այսուհետեւ զարմացիս դու, եթէ

Վարխսեյիքն այնչափ անիրաւ շահախնդիրք այնչափ կուրացան 'ի դատողութեան իւրեանց, և 'ի կշռին ընդդէմ սրբութեանց սրբոյն :

Այլ արդ որ յայն կորուստ և 'ի վիհ առ ձգեաց զնոսա յայնժամ, զօրհանապազ վարեալ ձգէ և զմեզ : Ինչնազրաւք եմք 'ի շահն, որ նախ կուրացուցանէ զմեզ, ապա դառնացուցանէ, ապա զրգուէ հրապուրէ, և առեալ վարէ ստէպ ընդդէմ յառնել այնոցիկ, որ արժանիք էին առ 'ի մէնջ պատուոյն և համարմանն . և միշտ ընդդէմ այնոցիկ՝ առ որս անդուլ պարտ էր ունել զքրիստոսեան սէրն :

Ո՛վ շահախնդրութիւն, բա՛բէ դու դատաստանս և իրաւունս քանիս թիւրեցեր 'ի զեան մեծապէս աստուածային առաքինութեանս սիրոյ . և խոցս, վէրս քանխօն դու զօրհանապազ ոչ դնես նմա ձախողակ կարծեաց տպաւորութեամբ, զոր շուրջ գաս հեղուս 'ի միտս մարդկան՝ դատել անիրաւութեամբ :

Հառաջ ուրեմն կացցէ աստանօր հրաշալի Ռերանն ոսկի, և զանարատութիւն սրտին՝ զոր խնդրեմք 'ի դատաստանս մեր, ճշգրիտ նկարեցէ մեզ . « Բա՛բէ, ասէ, քանի ինչ իրաց մեզ պէտք անհրաժեշտք իցեն, առ 'ի ուղղապէս դատել զընկերէն : Վրանդի ազատ ամենին պարտ է լինել յամենայն նախադրաւ կանխակալ կարծեաց, ամբիժ յամենայն ըղձից, սուրբ և մաքուր յամենայն կրից, անմասն ամենեւին յատելութենէ, զերծ յամենայն կուսակցութեանց, անդրժեւի 'ի ցանկութեանց, աննկուն 'ի ցասմանէ, աննուաճելի 'ի ցանկութենէ, անվանելի յերկիւղէ . և միանգամայն ասել՝ օտար յամենայն շահախնդրութենէ » :

Ի՞հա անարատութիւն սրտի՝ զոր կանխեցաք խնդրեցաք 'ի դատողութեան մերում : Իսկ ո՞վ որ բաւական իցէ, եղբարք իմ, խոստանալ անձին զայսչափ ինչ հանդերձանս բարեմասնութեանց հոգւոյն, զոր թուեաց Ռերանն ոսկի : Ո՛վ որ կացցէ մեզ երաշխաւոր վասն սրտին իւրոյ : Վրանիք ուննք 'ի մէնջ յայն չափ կատարելութեան 'ի վեր ելեալ իցեն :

Ո՞չ լաւ ևս իցէ ուրեմն, ոչ հեշտին ևս յաներկեանութիւն փրկութեանս, և բնաւ իսկ անձնատահ կացեալ 'ի վտանգէն՝ զգոյշ միայն կալ պատուիրանին Վրիս

տոսի , որ հրամայեաց 'ի չափու կալ և մի դատել ամենին . “ Ս'ի դատիք , զի մի դատիցիք ” :

Օ ինչ պատասխանի մարթասցուք մեք տալ Մատուծոյ , յորժամ համար պահանջեսցէ զայնչափ դատողութեանցն որովք դատեցաք զընկերն :

Օ ինչ ասես . արդեօք քոյ նախագրաւեն 'ի ձախողակ կարծիս ընդդէմ եղբօրն 'ի չքմեղս հանցէ՞ զքեզ , Եւ ոչ մանաւանդ Մատուած մեծ ևս իրաւամբք ասացէ քեզ , եթէ որովհետեւ նախագրաւեցար ընդդէմ եղբօրն , և ահա քաջ վասն այդորիկ պարտ էր քեզ ամենին անձնապահ կալ 'ի դատելոյ :

Եւ թողեալ զնախագրաւ կիրան , դու ինքնին կաց դատաւոր անձին քում : Վանիցս անգամ յանդուգն և ձախողակ դատեցեր զեղբայրդ , յորժամ շահախնդրութիւնդ միայն՝ առանց կանխակալ կարծեաց՝ ուծացոյց զքեզ 'ի նմանէ :

Բարէ , չմնաց թերեւ ինչ մի 'ի մեզ 'ի դատել զմեզ . “ Օ ի տեսանես , ասէ , զչիւղ յական եղբօր քո , և 'ի քումականդ զգերանդ ոչ տեսանես : Ամ գիւրդ կարես ասել ցեղբայր քո . եղբայր թող հանից զչիւղդ յականէ քումմէ , և ահա 'ի քումականդ գերան կայ : Աեղծաւոր հան նախ զգերանդ յականէ քումմէ , և ապա հայեսցիս հանել զչիւղն յականէ եղբօր քո ” : Եւս է իմաստութիւն աստուածային , և այս ճշմարտութիւն դատաստանի : Վանի լաւ էր քեզ ով մարդ զքեզ ինքն դատել անաչառ և հրահանգել մեծաշահութեամբ . քանզի այն է շահախնդրութիւն ճշմարիտ՝ որ զրդեսցէ 'ի դատել զանձն : Ս'վ , քանի՞ն էր յայնժամ պողարբութիւնն . քանզի և Մատուծոյ անշուշտ էր յայնժամ որսրմութիւն քո . քանզի անսուտ է որ խոստացան , “ Ս'ի դատիք , և ոչ դատիցիք . զի որով դատաստանաւ դատիք , դատելոց էք . և որով չափով չափէք , չափեսցի ձեզ ” :

Հայնժամ և մեծապէս խնդութեամբ քո անդատապարտ մնայիր ոչ 'ի մեղաց միայն դատողութեան , այլ և 'ի բազմաց ևս 'ի կորստական հետեւանացն . զոր զհետ աղխաղխեալ բերցէ դատողութիւնն , իբրեւ “ Ստորք 'ի խորոց կարդասցեն առ քեզ ” , ըստ մարգարէին :

Վանզի դատողութիւն յանդուգն՝ ծնող է չարախօ-

տութեան, չարախօսութիւնն տածիչ բարբառնջանաց,
բարբառնջանքն յաճախեն տրտունջս, տրտունջք ծնա-
նին զթշնամութիւն. թշնամութիւնն՝ զատելութիւն
և զվրէժինդրութիւն և 'ի վերջէ զարին :

Եւ զիսրդ 'ի բազմահոյլ մեղաց աստի աղատանալ
հնար իցէ, բայց թէ պատուիրանապահ միայն լինելով
պատգամին. «Ս'ի դատիք, և ոչ դատիցիք», :



ՔԱՐԱՉԻՔ:

ՆԱԽ ԱՆՁ

« Նախանձո՛ւ բանասրկո՞ւիկն եմո՞ւտ մահ յայխարհ » :

Օ կիրս մարդոյ զազգի ազգի եթէ դք 'ի քնին կա-
միցի առնուլ, ոչ գտցէ ինչ այլ անարգազոյն և անբա-
նադոյն քան զկիրս նախանձու : Ինարգ է՝ քանգի նկուն
և սինլքոր ոգւոյ նշանակ է . և անբանազոյն՝ քանգի
ցաւ միայն առթէ ստացողին իւրում, անբաժ ամենեւին
'ի սիրտանացն՝ զոր այլք 'ի կրից բնաւորեցան երբէք
ածել մարդոյ :

Անել զբարի և լինել նախանձելի, տեսանել յայլ
զբարի և 'ի նախանձ դրդիլ, համաբունք են միմեանց :
Ճառ նախանձ ծնունդ երկուորեակ անհաւասարու-
թեան . և յորում ժամանակի մուտ եգիտ յընկերու-
թեան մարդկան՝ ծառայութիւն և հրաման, աղքա-
տութիւն և հարստութիւն, նուաստութիւն և փառք,
յաջողաձեռնութիւն և ապիկարութիւն, 'ի նմին ժա-
մանակի և նախանձ բռնացաւ 'ի սիրտ մարդոյ . ամ-
բոխեաց զնա և սարսեաց . և չգայ երբէք՝ ցորկայր
խառն բնակացեալ են յայխարհի առաքինութիւն և
մոլութիւն, երջանկութիւն և թշուառութիւն :

Իւ է իսկ նախանձ՝ ախտ համաշխարհական . ոչ պա-
րագրի ոչ տեղեաւ, ոչ ժամանակաւ . ոչ խնայէ ոչ 'ի վի-
ճակ ինչ կենաց, և ոչ 'ի հանգամանս ինչ անձին : Ի զի
բազում անգամ սարդի մտանէ և 'ի նուիրական դաբի-
րայս սրբութեան . գրգռէ զկագ և տածէ զպայքար

զաստուածաբանից , վրդովէ և զխաղաղութեան մենա-
րանս , զհամակրօն եղբարց , և զիմակս առնու քօղա-
զգեաց զպատիր նախանձաւորութեան . և նիւթէ և տա-
նի մինչև 'ի սեամս անդր սեղանոց վրէժխնդրութիւնս
զբարեպաշտութեան :

Վանի ճգրտութեամբ Ռերանն ոսկի , " իբրու տիե-
զերական խուժադուժ տիկին , զնախանձն կոչեաց .
իբրու այլ ամենայն կրից վարիչ և հրամանատար , տէր
ինքնիշխան , բռնաւոր ամենայն ախտից , որ զամենայն
սպասարկուս իւրոցն գործէ չարարուեստ խորհրդոց :
Վանգի նորա են ոստիկանք , դահիճք , հոյլքն մեղաց
բամբասանք , թշնամութիւն , մատնութիւն , ատելու-
թիւն , արիւն :

Ուստի և մեք՝ եթէ յաջողեսցուք այսօր շնորհին
Ետուծոյ վանել զբռնութիւն աշխարհակուլ կրիցս ,
բազումս այլ յախտից 'ի միասին նկուն արասցուք : Եւ
զիւրդ հնար իցէ վանել 'ի սպառ , մինչև մեր ծանու-
ցեալ զնա : Վանգի և նուազունք են 'ի մարդկանէ՝ որ
'ի խայթից նախանձուն տանջեալք չիցեն և օր ըստ օրէ
չտանջիցին . և սակայն չիք որ 'ի նոցանէ որ համարեսցի
կամ խոստովան լիցի զանձն վարակեալ 'ի կրից աստի :

Դաւին ուրեմն հրահանգս իմն , սիրելիք , 'ի դէմս
ածցուք ձեզ , կռուել ճանաչել եթէ իցեմք ճշմարտա-
պէս նախանձութիւն : Երկրորդ անգամ՝ միանգամայն զա-
մենայն չարութիւն և զանարգութիւն նախանձուն ա-
ռակեսցուք մեք ձեզ : Երրորդ անգամ՝ նաև դեղս իմն
դարմանոյ զօրաւորս ընծայեսցուք ձեզ ընդդէմ համա-
կործան ախտին :

ՄԱՍՆ Ա.

Եւ արդ անդստին 'ի տահմանէն ծանիցուք մեք 'ի
մեզ ինքեանս զախտ անարգ զնախանձուն : Օ՜ ինչ իցէ
սահմանն : Նախանձն է տրտմութիւն ընդ բարին այ-
լոց , և խնդութիւն ընդ չարն : Եւ արդ եթէ օրինակ
զայս զգածեցար , ո՛վ մարդ , գիտեա զի ճշմարիտ գրա-
ւեալ էս յախտէն : Ո՛վ անկարգութեանն . ցաւել սրբո-

նել, վասն զի այլք են երջանիկ . լալ, վասն զի այլք ծիծաղին . ծիծաղել, վասն զի այլք լան :

Այս բնութիւն է, այս կնիք դրոշմաւոր անջինջ՝ նախանձուն : Արողմարդար և իբրու հրէշաւոր ուրուք զազանի . կնիք և խարան՝ արդարեւ իբրու ահագին նզովից, որ 'ի մարդկան ընկերութենէ որոշէ զմարդ, և 'ի քրիստոսեան դաւանութենէ տարամերժէ զքրիստոնեայ :

Պարտ էր, տեարք իմ, մտանել միանգամ 'ի սիրտ առն նախանձոտի . տեսանել զիւրդ նա հաշի և մաշի հանապաղ ընդ գեղեցիկ բախտ եղբօրն և ընդ ամենայն բարեմասնութիւնսն . մտանել և հարցանել միանգամ, զի է այր դու, զինչ պատճառքն իցեն տրտմութեանդ, առ իմէ իցէ հաշելդ և հառաչել :

Այլ զիտեմք քաջ, եթէ հեշտին ևս իցէ բուժել զնա յախտէն, քան տալ նմա խոստովանել զկիրան . այնչափ իմն նշաւակութեան են բանքդ : Սակայն մարթէ մեզ դոնեա տալ նմա ճանաչել քաջիկ զանիրաւութիւն ախտին, զանարգութիւնն և զզձնութիւն . զնոյն իսկ զաստուածեղէն զհարցումնն առ Վայէն 'ի ներքս բերելով . “Անդէր խոնարհեցան անկան երեսք քո” . զինչ իցէ անձկութիւնդ, կամ առ ինչ . զի է զի 'ի թուխ մաղձի դառնութեան համակեցան երեսք քո : Օ խորդ այնպէս յանկարծ այրն՝ զոր յառաջագոյն սիրելի ասէիր, դարձաւ արդ. քեզ 'ի դառնութիւն . զինչ չար գործեաց : Անասեանց ինչ քեզ 'ի գոյսդ, դրժեանց ինչ համբաւոյդ . դարանեցաւ ինչ կենացդ : Այնչ, ասէ, յայսպիսեաց աստի : Օ ի ուրեմն եղև քեզ, “Անդէր անկան խոնարհեցան երեսք քո :

Այն ահա զի 'ի բարձ յայն աւաղութեան ամբարձաւ նա, որում զքեզն համարէիր արժանի . զի յաչս փառաւորաց աշխարհի եգիտ նա շնորհս առաւել քան ըզքեզ . զի եհաս նա ցանկութեանցն . զի հովանի կայ նմա խոտած . զի յարգէ զնա ժողովուրդն . զի ծաղկաւէտ բարգաւաձի գերդաստանն, և օրհնութիւնք յաճախեն նմա ամենայն ուստեք :

Ահա քեզ ճգրիտ պատճառք անձկութեան քո . թէ պէտ և պատրուակս բիւրս քօղ արկանիցես տրտմութեանդ : Այց դու անաչառ խուզեա զքեզ, և զտցես անշուշտ զի այս են յանցանքն՝ որ ատելի գործեցին

զնա, արժանաւորութիւն նորա, առաքինութիւնք նորա և բախտն նորին :

Եւ բաժնէ, զինչ յանցանք իցեն նահատակել նորա 'ի պէտս հասարակաց բարւոյն և յաջողել 'ի ձեռնարկն, և զերկնաւոր օրհնութիւնսն ամբարել 'ի գոգիւր յԱստուծոյ և 'ի մարդկանէ : Օ ինչ յանցանք իցեն 'ի պատճառ բարեւաութեանն յինքն զժողովուրդն յանկուցանել : Ստեփանիցէս քանի անիրաւիցեն կիրքդ՝ ոչ աւետարանին միայն հրահանգաց, այլ և մարդկութեանն և քաղաքականին : Ոչ եղբարք իցեմք առ հասարակ՝ միոյ հօր որդիք, միոյն Վրիստոսի աշակերտք՝ որ զընկերին բարիս քեզ խրատէ սեպհականել : Իսկ դու զկապանս խզեալ զբնութեանն, և առ ոտն հարեալ զաւետարանն, վասն այսորիկ ընդ խնդալոյն տրտմիս, փոխանակ շինելոյն գայթակղիս : զրժես իրաւանց արդարութեանն, զրժես իրաւանց սիրոյն, զրժես իրաւանց համեստութեան :

Եւ արդեօք իմաստք այսոքիկ հզօրք և անպատիրք ամոքեսցեն ինչ զմոլեկան թափ նախանձուն : Եւ ոչ ճանաչէ հոգի նորա ոչ զառաքինութիւն, ոչ զբարոյական, ոչ զկրօն : Ոչ սանձակոծեսցեն զնա ոչ իրաւունք բնութեան, ոչ յօդակապք ընկերութեան, ոչ փաստք բանականք արեան :

Իսկ եթէ կամիցիս քաջ անդորրացուցանել զնա, մատիր ասա յունկն նախանձոտին, եթէ աւագիկ այրդայդ նախանձեալն 'ի քէն՝ 'ի բարձանց երջանկութեանն հոսեցաւ 'ի թշուառութիւն, կորոյս զնորհան, կապտեցաւ յաւազութենէն, զարմն հիբացաւ, տօւնն 'ի սուգ կայ, և անուն նորա անարգեցաւ :

Ի լուր աւետեացս, ով թէ քանիօն թափ շիջցի նախանձուն, հանդարտեսցի մրրիկն, պարզեսցին օդքն : Տեսցես դու յայնժամ զնախանձոտն յեղակարծումն 'ի խոր թախծութենէն 'ի խնձղանս անցեալ, 'ի կապտտակ դիմացն 'ի զուարթութիւն դարձեալ : Եւ ապա փոյթ ինչ չէ նախանձոտին, եթէ զիմրդ օրինակաւ դէպք ետուն փոփոխութեանն, արդեօք զրպարտեցան ինչ այրն նախանձեալ, կամ թէ արդեօք յանցեալ ինչ ճմարտապէս : Եւ ատէ զի հիբացաւ նա, որպէս զի ինքն անդորրացի :

Այլ չարեայն . եթէ գտցի երբեք 'ի մարդ ամբարըտութիւն այնչափ : Այլ սակայն ընդ բազմագունակ դիմակօք այս ամբարըտութիւն տիրացաւ յաշխարհի : Այս է այսօր , որպէս և յամենայն ժամանակի , նզովելին վիճակ մարդկային սրտի : Այլ է իսկ ինքնին նախանձն մեղք , որ աղաղաւ առ հասարակ ամենեքեան բողոք հարեալ են . բայց այր իւրաքանչիւր նզովէ զայն յայլ միայն առ ահի անձին . սակայն և միանգամայն զնոյն ախտ յանձն իւր ընդունի 'ի կործանումն այլոց : Իսկ որ կարի զարմանք են , որչափ անուանարկ է յաշխարհի նախանձն , այնչափ և տարածեալ է զարքայութիւնն . վարակեալ է զամենայն վայր , զամենայն կարգ , զամենայն վիճակ կենաց , զամենայն սեռս , զամենայն հասակ , զամենայն հանգամանս անձանց :

Այլ է իսկ այս նախանձն որ և զազգ ընդդէմ ազգի 'ի ճակատ հանէ , տիրանայ յատեանս և 'ի հրապարակս հասարակաց զարթուցանէ մրրիկ , ճառ արկեալ և բանդադուշէ , զի գամագիւտ լիցի յայրն զոր խնդրէ : Աս և զառաջնորդութիւնս և զվարչութիւնս դատակնքեալ բամբասէ . բիւրապատիկ հնարագէտ լինի և նորութիւնս և նորոգութիւնս 'ի ներքս արկանէ : Այլ զի և յանէծս և 'ի նզովս հատանի , յորժամ 'ի սրտմտութիւն բորբոքի . է զի և հանդարտութիւն կեղծէ , յորժամ կեղծաւորութեամբն յաջողի քօղարկել զախտն : Աս այս նախանձ սպրդի և 'ի սրբութիւնսն , և բազում անգամ գայթաղութեամբ եկեղեցւոյ հերձանէ զսուտ անուն հոգևորսն . ուստի և կէսք պաւղոսեան են , և կէսք ապաւղոսեան , և կէսք կեփայեան . բայց ոչ որ բրիստոսեան :

Այլ ներգործէ նա զայս ամենայն՝ դիմակս բազմադիմակս զանձամբ առեալ և ամենեկին քողարկեալ . քանզի և ինքնին դիտակ է անարգութեան իւրօրս և զանգիտէ առակել զնշաւակութիւն ոգւոյն : Այլ իցէ թէ անդիմակ երևէր և ցուցանէր զինքն՝ որպէս և էն . չէր յայնժամ այնչափ ահագին արանց լաւաց և առաքինեաց : Այլ նա անարգաբար խոցէ և ծածկի , դարանի և չեւրեւի , կործանէ և յայտ չառնէ . իբրև օձ դարանակալ է 'ի հարկանել , և ժամ չտայ 'ի զգուշանալ . “ Հարցէ , ասէ , իբրև օձ 'ի լուութեան ” :

Որպէս ամենայն լաւորեար և առաքինի՝ նպատակը են նախանձուն, սապէս և ամենայն միջնորդը և սատարը փնասելոյ են զէնք 'ի ձեռին նախանձոտին . և որ առաւել նգովելիքն են 'ի զէնս նորա, են առաւել սիրելիք նորա : Արթայ դաշնաւորի ընդ վատ որերոյն և ընդ սրիկայս, և 'ի նոցանէ կազմէ իւր գործիս չարարութեամբ կրիցն :

Դատ է չունել ոչ արդասիս ինչ բարեաց, և ոչ հանձար ինչ, և ոչ շուք, և ոչ հետապնդութիւն պատուոյ, զի սիրելի լիցիս դու և բարեկամ յաչս նախանձոտին : Աւառաքինութիւն օթանայ, կամ յաջողութիւն բախտի, զաչս խտտղեն զնախանձուն . անդանօր մոլեգին յարձակի, ժայթքէ և թափէ զթոյնն . զի ստուերածս ածցէ կամ եղծեալ ապականեսցէ :

Չար են և առաւել չար աչք չարակնողին, կնքեն աստուածային զիրք, երբէք ոչ զլան լրտեսել մանր զգնացս, զբայլս, զչարժումն զամենայն, զբանս, նաև զխորհուրդս մտաց անձին չարակնելոյ : Ի՞նչք թէպէտ և յոյժ դուզնաբեայք, իբրև արատս մեծամեծս և արածս պժգալիս երեւցուցանէ նա զնոսա :

Նախանձուն կրիւք ընդդէմ տեառն հաշէին Փարիսեցիք : Օ՛ի է, ասեն, այնչափ նորա շուք փառաց, զի ամբոյն այնչափ զհետ նորա, և առ իմէ ամենայն ժողովուրդ զըն կախեալ կայցէ զնմանէ 'ի լսել : Աւտի և զամենայն լրտեսէին, բիծ կարկատել 'ի կործանել զնա . “Աւնորա, ասէ, սպասէին նմա” : Ի՞ զուր նա օրինապահ լինէր, 'ի զուր էր պատուիրեն՝ զի մի հռչակ արասցեն զնա, 'ի զուր նա մեկուսանայր յանապատ տեղիս և 'ի լերինս : Օ՛ի որ նախանձու լցեալքն էին հանապազդարանէին նմա . եթէ անլուայ ձեռօք ուտեն աշակերտք նորա, ահա դրժել աւանդութեան ծերոցն . եթէ 'ի շաբաթու հրաշագործէ, ահա զանցանէ զպատուիրանան Մատթոյ, ուստի և հրապարակագոյժ բամբասի . “Ալ է այրն յՄատթոյ . զի զշաբաթս ոչ պահէ” : Բայտ եթէ յայս ամենայն տկարանան զամագիւտ լինել 'ի նա, 'ի զարմէն սկսանին գձձել զնա . “Ա՛սա է մանուկ հիւսանն” : Իսկ իբրև ամենայն զէնք սպառին 'ի ձեռս նոցա 'ի հարկանել զնա, զանշուշտ գիտութիւն իւրեանց 'ի ներքս ածեալ դատասպարտեն . “Ի՛նք զի-

տեւք , ոչ 'ի կարծ , մեք զխտեմք՝ զի այրն այն մեղաւոր է , Եւ որ էին մեղքն . սէր ժողովրդեանն առ նա , հռչակ վարդապետութեանն , յարգ առաքինութեանց , համբաւ սքանչելեացն . « Մհաւասիկ աշխարհ ամենայն զկնի նորա գնաց , Եւ Մհաւասիկ պատառեցին զքօղն , պայթեաց փարիսական նախանձն , մերկացաւ ճշմարտութիւնն :

Բայց և այսօր քանիք ոմանք 'ի լաւորերոյն և յառաքինեաց , որ յաշխարհի և որ յեկեղեցւոյ , ունին և նոքա իւրեանց փարիսեցիս , որ շուրջ կան և սպասեն նոցա . դատակնքեն զամենայն գնոցա , առակեն զծածուկ տկարութիւնս նոցա . մոլութիւնս կարծեցուցանեն զառաքինութիւնս նոցա : Մաքրիսութիւնք նոցա ճշմարիտ՝ յաչ չարակնողին ոչ այլ ինչ են՝ բայց անձնացոյց պարծանք . զյարգ նոցա և զվարկ՝ սխալանա կոչեն ռամկին , և զհանձար նոցա և զվաստակ 'ի պէտս քաղաքին՝ փառախնդրութիւն անուանեն : Եւ եթէ 'ի փառաւոր ինչ ձեռնարկս յաջողին նոքա , դէպք իրացն , աւսեն , այնպէս ետուն , դիպուածոյ ծնունդ է , քան եթէ արութեան քաջութեան և իմաստութեան նոցա :

Եւ ատ է լինել չարակնելի , և զամենայն արգասիս բարեաց կորուսանել 'ի միում վայրկենի : Օ ի եթէ բարեպաշտ է , կեղծաւոր է . եթէ բարեպաշտ չէ , ամբարիշտ է . եթէ երկիւղած է՝ միամիտ է . եթէ խոնարհ է սրտիւ՝ անկած մարդ է . եթէ վեհանձն է՝ ամբարհաւած է . եթէ զգոյշ է 'ի խօսս՝ խորամանկ է և չարադաւ . ապա եթէ պարզ է և համարձակ՝ անխոհեմ է և թեթեամիտ : Եղու չարակնողին զեղէ զամենայն՝ յոր միանգամ մերձենայ , և լեզու այս անարգ տիրացեալ է առ հասարակ :

Վ կիրք անգոսնելի , յոր կոյս և շարժեսցես զբայրն , մերձ գտցես զգարանակալութիւն և զմատնութիւն : Բաւոն են կիրք ատելութեան , այլ հոլանեն զչարութիւնն , ժամ տայ ատելոյն պաշտպանել անձին . ոչ այնպիսի է նախանձ :

Եսաւ ատեայ զՀակոբ , և գուժիւ սպառնալեաց ընու զտունն , և անձնապուր լինի Հակոբ 'ի ձեռաց նորա : Եւ նախնածուն կիրք Վայենի՝ կենախուղ լինի արդարոյն Մեելի , քօղ զիւրեւ արկանէ զեղբայրութեանն՝

հրաւեր զհարազատի կարգայ իբրու զբօսնուլ 'ի դաշտի ,
 և յառնէ 'ի վերայ և հեղու զարիւն անմեղին : Բայ-
 չափ է անարգութիւն ախտին , սիրելիք . այլ քան զչափ
 անարգութեանն՝ սաստիկ յոյժ է չարութիւնն և զեանն՝
 զոր ընկերութեան հասուցանէ , որպէս տեսցիք վաղվա-
 ղակի :

ՄԱՍՆ Բ .

Բնաւորական է մարդոյ կարեկից առաւել թշուա-
 ւացելոցն լինել և լալ ընդ լացողս , քան բաժանորդ եր-
 ջանկացելոցն համարել զանձն և խնդալ ընդ խնդացողս :
 Ուստի և իմաստութեամբ Սկեբերան առաւելագու-
 նին նշանակ սիրոյ և առաքինութեան՝ կնքեաց խորա-
 գոյնս զխնդալն ընդ բարիս ընկերին , քան զցաւել ընդ
 չարիս նորա : Բայլ աւագիկ նզովելի կիրք նախանձուն՝
 ոչ միայն ընդ բարիսն չխնդայ , այլ և ցաւի ևս , այլ և
 հնարի ևս կապտել 'ի բարւոյն զընկերն : Զիք նորա
 ուրեմն մասն , չիք և նշխար մի սիրոյ . չիք ինչ նորա
 մարդկային , բոլորն է գազանային : Կիրք անօրինակ ,
 կիրք համակործան մարդկութեանս , համաժին ընդ
 մարդոյ , առաջին ընկեր 'ի մուտս յաշխարհ , և վերջին
 լքանող 'ի սեամն դամբանին յեւն յաշխարհէ . « Կա-
 խանձու բանսարկուին եմուտ մահ յաշխարհ » :

Բայլ ո՞ տայր , եթէ միայն 'ի նախանձել անդ սրբա-
 գրեալ մնայր նախանձ . իցէ՛ թէ կիրք նախանձուն 'ի
 սահմանի տրտմութեան իւրում կացեալ հաշէր և մա-
 չէր միայն . և որպէս չարանիւթք են ամենայն ցանկու-
 թիւնք նորա , և որպէս տանջիչ է զօրութիւն նորա ստա-
 ցողին իւրում , այնպէս 'ի դերեւ ելեալ նանրանային և
 խորհուրդք 'ի ձեռնարկս նորա : Բայլ նա այնչափ մեռ-
 քեհայէ , և այնչափ այլադիմակս և այլահանդերձս փո-
 փոխի , մինչև գամադիւտ 'ի լաւսն լինել և 'ի վերջէ
 կործանել :

Ոչ կուտակաբանութիւն ինչ է , սիրելիք , եթէ աղ-
 բիւր ամենայն դառնութեան չարեացն՝ որ վարակեցին
 զաշխարհ և վարակեն , զնախանձն ասեմք համարձակա-

ձայն : Չիք նորա ծագումն պլլ, բայց չարութիւն բանս արկուին սատանայի : Այն հանդուրժեաց ամբարտաւանն տեսանել զանմեղութիւն , զառաքինութիւն , զանդորութիւն , զերջանկութիւն զմերոյ նախահօրն . ոչ հանդարտեցաւ , պայթեաց նախանձու . զլորեաց զնա , հիքացոյց 'ի սպառ :

Հորդան այնուհետեւ ետուն յազգ մարդկան մեղք և մահ՝ և ամենայն արէտք . և առաջին 'ի մեղս ատաղախանձուն ահագին ևս քան զմահ մուտ եգիտ յորդիս Ղաամայ , այր զրնկեր դաւել և սպանանել . տեսիլ արհաւիրաց լինել երկնից , և առակ խնձղանաց լինել դժոխոց . « Ետուած հաստատեաց , ասէ , զմարդն յանեղծութեան . նախանձու բանսարկուին եմուտ մահ յաշխարհ » :

Եւս նախանձ զհետ իւր աղխաղխեալ ձգեաց յամենայն յանցաւորութիւն՝ սպասահարկուս կամացն , զգրպարտութիւն , զմատնութիւն , զգողողութիւն , ըզսրտմտութիւն , զվրէժխնդրութիւն , զարիւն . և 'ի զէնս յայտոսիկ այրեացաւեր արար ողջոյն զտիեզերս : Վանի որեար աւազք և հոյակապք , քանի հանձարք վսեմամականք՝ որ լոյս էին աշխարհի և հաստատութիւն ազգաց և ժողովրդոց , ընդոտնեալք 'ի նախանձուէն ստիպեցան վերջոտնիլ , և անձնապուրք 'ի ճիրանաց դաղանիս երթալ զօղիլ յամայի վայրս , կեալ յանշքութեան , մաշիլ յանդործութեան , և մեռանել անպիտանք անձանց և ընկերութեան :

(Ժ)ող կացցէ մնասցէ Յովսէփ 'ի խորս գբոյն՝ ուր ընկեցաւ 'ի նախանձուէն . թող անդ 'ի խաւարին գտցէ զտապան իւր : Եւս ապա ո՞ կերակրեսցէ 'ի սովուն զտուն նահապետին , ո՞ բարդաւաճ գործեսցէ զչուք զերբայական ազին , ո՞ 'ի դժուարինսն խորհրդական կացցէ արքային , ո՞ փրկեսցէ զսովատանջեալ ժողովուրդն : Կորուստն Յովսէփայ , կորուստ է աշխարհին : Եւ ո՞ր անագորոյն զկորուստ զայս առթէ աշխարհի . կիրք նախանձուն :

(Ժ)ող ցուցցեն արդ չարակնողք՝ հօրն իւրեանց զպատմուածն անմեղին արինաթաթաւ , և 'ի քօղ չարութեանն ազդեսցեն հօրն , եթէ « Վաղան չար եկեր զՅովսէփ » : Զասէն սուտ , չեն խաբանք բանքն , ճըշ-

մարտութիւն է անշուշտ : Այո՞ գաղան չար և քան զամենայն գաղան առաւել չար եկեր զՅովսէփ . ժանիք նախանձուն :

Վնախանձ , գաղան կեղեքիչ առաքինութեան , իմաստութեան , յաջողակութեան , անմեղութեան : Այլ ոչ տեսանէք , սիրելիք , կամ ոչ տեսէք , ահա առաքինիք յանկարծ յաչաց ելանեն , սիրելիքն՝ իւրեանց իշխանաց յաշխարհի և իւրեանց առաջնորդաց յեկեղեցւոյ , և ահա բարեբաստեալքն թշուառացեալ կան : Արդ գործօնք և յաջողածեոինք յանկարծ ՚ի պաշտամանցն զրկեալք՝ յանգործութեան մնալին . ժառանգաւորք եկեղեցւոյ երկիւղածք և իմաստունք՝ իբրև գձուձք արհամարհեալ կան յերեսաց չարութեանն և ստութեան . դերդաստանք հեծեն ՚ի վերայ աւերակաց երջանկութեան իւրեանց . ատեանք դատաստանաց կապտեցան աւազիկ յարանց իմաստնոց և ուղղոց , և փոխանակեցին զնոսա արք անաւագք և աչառատեպք : Ո՞ներգործեաց զչարութիւնսն : Այլ ոչ ահա դէպք են այդոքիկ հասարակք և ընդերականք յաշխարհի , արդասիք դառինք մահաբեր տնկոյն նախանձու :

Օ՞րնչ յանցանք էին անմեղացն : Արքա ոչ իւրեանց պաշտաման զրոգեցին , ոչ զարդարութիւնն վաճառեցին , ոչ զանմեղութիւնն հարստահարեցին : Արք էին անստգիւտք , իմաստունք , հաւատարիմք , անարատք իբրու զՅովսէփ , որ գաղան յափշտակեաց եկեր զնոսա . “Գաղան չար եկեր զՅովսէփ” :

Աստանօր դարձեալ և ինչ մի խեղամտութեան արժանի : Զնախանձին ջմատնեն օտարք զՅովսէփ : Ովեպէտ և սատարք մեծամեծք նախանձու առ նա՝ էին Այլ գիպտացւոցն , տեսանել զպատանի մի օտար յանկարծ ՚ի տանէ բանտի ՚ի գահ արքունի անցեալ : Ոչ յօտարաց , յազգէն իւրմէ դրժի անմեղն . ՚ի զարմէն , յեղբարցն :

Այս չարութիւն է այլանդակ նախանձուն . երբէք ոչ այնչափ մոլի , երբէք չէ այնչափ ոխերիմ և անհաշտ որչափ յորժամ դէպք տան նմա ՚ի բարիս յաչաղել մերձաւորին , քաղաքակցին , համագգւոյն : Հեշտեաւ ներէ օտարին , չտեսանելոյն առնէ զուքն , չլսելոյն առնէ ըզվարկն . իսկ ընդ որում անդստին յորօրանէն կապեցաւ

նոյն աղգաւ , նոյն հայրենեօք , նոյն քաղաքաւ . և ապա յանդիման իւր տեսանէ զնա աւագացեալ և բարգաւաճ , հանդուրժէ , չարակնի և մատն լինի :

Ի ուեալ իսկ է ձեր զպատմութիւնս աղգաց աղգաց , քանի աղէտք , քանի մահունք 'ի նախանձուէն համ աղգեաց՝ վեր 'ի վայր գործեցին զբնիկ աշխարհն : Իսկ զի պիտոյ իցեն մեզ օտարացն 'ի խրատ . գիտակ իսկ էք մերոյն և սեպհականին . զի թէպէտ և եղբայրասէրք անուանիք բազումք և աննախանձ աղգասէրք հոյակապք բազումք կացին 'ի մեզ և կան , սակայն և արկածս քանիօն 'ի նախանձուն կրից , և մատնութիւնս քանի , և թշուառութիւնս համակործանս քանիօն՝ կրեաց աղգն 'ի համազգեաց : Իսկ ամենայն՝ քանզի մեծաց արտասուաց է ճառն , այն ամենայն յուշ միայն այժմ վայրիկ մի ածցի , և շատ լիցի 'ի խրատ զգուշութեան յապագայս :

Իստպէս նախանձն բնաւորեցաւ վայրենանալ առաւել 'ի մերձաւորն , 'ի համազգին , 'ի քաղաքակիցն . մինչև ճշմարտութեանն ինքնին կնքել , “ Զի մարդարէ անարդ , բայց 'ի գաւառի իւրում և յաղգատոհմի և 'ի տան իւրում , : Պարտ էր մանաւանդ՝ Վաղարէթացւոյն աննախանձ խնդալ և պանծալ ընդ փառս քաղաքակցին իւրեանց տեսուն . և զի էր նոցա 'ի նախանձուէն բանդագուշել . “ Աւտի է սմա այս , կամ զինչ է խմատութիւնս՝ որ տուեալ է սմա , զի զօրութիւնք այսպիսիք 'ի ձեռաց սորա լինին , : Իսկ ապա շահ 'ի կրիցն զինչ . բայց յարգասեաց քաղաքակցին վրէպ գտանել . “ Իսկ ոչ արար , ասէ , անդ զօրութիւնս բազումս , :

Իսկ աւագիկ , սիրելիք , պտուղ դառնութեան համ աղգայնոցն և հայրենակցացն նախանձու . զարս քաջ և արգասաւորս անպիտանս յարդարել հայրենեացն , անպիտանս աղգին , անպիտանս քաղաքին . արք՝ որ զարդք անեղծութեան , առիթք հաստատութեան , արփիք լուսաւորութեան մարթէին լինել ողջոյն աղգին : Ո՛վ կրիցն , մանաւանդ եթէ անմտութեանն , Ո՛չ քո ինքնին փառք իցեն , այր դու , փառք համազգւոյդ . և զի՛ քեզ անշքութիւն համարեսցիս պաշտօն հարկանել առաքինութեան :

Իսկ արմատք դառինք չարակնութեան համազգեացն

ընդ համազգիս, երեք են, առաջին՝ անձնասիրութիւն տարապայման. երկրորդ՝ պակասութիւն ազգասիրութեան և ընկերսիրութեան. եւ երրորդ անմտութիւն. զի յայլոց աւերակայն վերայ ակն ունի և ճգնի ամբառնալ զիւր շինուածն, որում ոչ յաջողեացի երբէք: Աւերեքեանն միանգամայն կիրք են ընդդիմամարտք ոչ միայն աստուածային օրինաց աւետարանին, այլ և զեղեցիկ հրահանգաց քաղաքականին:

Աւ զի այս այսպէս, 'ի ձեզ ուրեմն է ապաստան, ո՛ւ աւագք ազգի և առաջնորդք եկեղեցւոյ, 'ի ձեզ է ապաստան ողջոյն շինութիւն ազգի: Պարտ է ձեզ միշտ արթուն և սրատես զննել զիտել զամենայն շարժմունս և զգնացս աշխարհակործան և ազգակորոյս չարակնողացն և ճանաչել զնոսա. և միշտ ճշգրտիւ խուզարկուլ լինել և խելամուտ խորհրդոց և լեզուի նախանձոտացդ. յորժամ առաջի ձեր զլեզուն առեալ զառաջին օձին՝ նենգ և դարանս նիւթեցեն նոքա արանց քաջաց, հայրենասիրաց, վաստակաւորաց, 'ի կործանել զնոսա 'ի յաղուրդ նախանձուն, և 'ի կորուստ ազգին: Պարտ է ձեզ արութեամբ քաջութեամբ՝ զսայրասուր լեզուան բթացուցանել և զամենայն մենքենաւոր հնարսն անգործ առնել: Առող այնուհետեւ մղձկեսցին 'ի սիրտ մախացողքն. մղձկեսցին 'ի սպառ, տանջեալք ընդ բարիս ընկերին, և առաւել տանջեալք՝ զի չեն բաւական չար նմա հասուցանել:

Աւ արդ զայս ամենայն չարութիւն զախտին զիտելով չափ, սիրելիք, զիարդ մարթ իցէ այնուհետեւ ոչ զլուել, ոչ նզովել զկիրսն և իբրեւ 'ի չար գազանէ 'ի բաց սարտնուլ 'ի նախանձուէ: Յաջադանք՝ կամ անգործք մնան և ապիկարք. և զինչ յայնժամ, բայց հեղձամղձուկ յանձին լինել: Կամ թէ գամագիւտ լինին 'ի կործանել զընկերն. և զինչ յայնժամ, բայց աւագորոյն երեւել այնչափ, մինչև հրճուել ընդ աղէտս ընկերին. և ո՞ր այն մարդկութիւն իցէ, կամ ո՞ր այն կրօն և դաւանութիւն, որ և զթշնամին անգամ պատուիրէ սիրել և առելոյն անգամ բարի առնել:

Բայց և յայսր ամենայնի վերայ՝ ամենեւին պատրաստ և զգոյշ լինել պարտ է, մի անմտութեան պատճառս տալ երբէք նախանձոտացն. այլ մանաւանդ հանդար-

տեղ զկիրսն և ամբել : Հայրա , ուշով սիրելիք դուզնա-
քէիցս այսոցիկ հրահանգաց ունին մատուցէք 'ի դեղ
դարմանաց աշխարհակործան նախանձուն :

ՄԱՍՆ Գ .

Տանել խոնարհութեամբ անխուսափելի չարեացն ,
համբերութիւն է քրիստոնէական : Այ տալ պատճառս
չարեացն , իմաստութիւն է քրիստոնէական : Հաւա-
նեալ եմ , սիրելիք , եթէ չար մեծապէս է ընկերութեան
նախանձն . սակայն և հաստատեալ եմ , եթէ և մեք
ինքնին բազում անգամ մերովս անմտութեամբ զար-
թուցանեմք զնախանձն , զննջեալն , և զէնս 'ի ձեռս
տամբ նորա 'ի վանել զմեզ : Այք չարակնողին միշտ ա-
ճեցուն տեսանէ զբարին ընկերին և տանջէ զանձն , այս
է կնիք նախանձուն . սակայն և բոյս բարուց բնաւո-
րեալ է բազմաց 'ի մարդկանէ , անհանձարիցն և փառա-
սիրացն , այնչափ իմն պերճ զանձինս , իբրև զազգ սիրա-
մարդաց , ընծայեցուցանել 'ի բարեմասնութիւնսն յոր
վայելեն , զի և կարծին խնդրել ռոնհար այլոցն լինել
թշուառութեան : Չարակնիլ նոցա , յանցանք են փա-
ռասիրութեան նոցա . և հալածիլ նոցա , պտուղ է ան-
հանձար թեթեամտութեան նոցա :

Արք յազազս նախանձուն մատենագրեցին , կէսք զայս
բարոզեն և վարդապետեն , եթէ երբէք չիք հնար քաղ-
ցրացուցանել զդառնութիւն նախանձուն : Այլ թէ
մարթ է տապաստ զպաղանն զայն արկանել , այլ ընդե-
լացուցանել ոչ ևս . վայրենանայ նախանձն և մոլի , եթէ
յորժամ խնդրես պարտել զնա , և եթէ յորժամ ցու-
ցանես պարտիլ 'ի նմանէ :

Այլ սակայն չէ այս վարդապետութիւն միշտ ճշմա-
րիտ վասն ամենայն ազգ նախանձու : Վանդի քաջ են
մեզ հնարք լուցուցանել 'ի սպառ զնախանձն . են և
հնարք , քաղցր և համբոյր գործել զնա : Արեւոր յոյժ
և օգտակար ամենայն ունինդրաց , և առաւել ևս ազ-
գիս , զիտեմ զխորհրդածութիւնս :

Այրեակ ազգք են նախանձու : Ախանձ գողողու-

Թեան . նախանձ շահախնդրութեան , նախանձ բուն չարութեան : Ընթացին ուշ նպատակի իւր ունի զփառս ընկերին , որում առաւելապէս զինքն համարի արժանի : Երրորդն՝ զգոյսն ընկերին , որոց ցանկայ վասն իւր : Երրորդն՝ զկամի ինչ վասն իւր . շատ է նմա չունել ընկերին բարի ինչ , և յօտարին թշուառութեան զիւրն հաստատէ զերջանկութիւն : չայր է այս չարութեան : Նախանձ գողողութեան էր ամբարտաւանին համանայ ընդդէմ Եւրթէի : Նախանձ շահախնդրութեան էր Բաբայբու , յափշտակել ունել զայգին Նաբովթայ : Նախանձ բուն չարութեան էր Եսուղայն . որ թէպէտ և արքայ , թէպէտ և բազմահարուստ , մայր ընդ Վաւիթ :

Օ նախանձ գողողութեանն պարտ է ամբել պարկեշտութեամբ և խոնարհութեամբ : Օ նախանձ շահախնդրութեանն՝ համբուրեցուցանել բարերարութեամբ : Օ նախանձ զբուն չարութեանն՝ պարտ է թողուլ լքանել յինքն , այլ միանգամայն զգոյշ կալ ի զրգուելոյ զնա :

Եւսն առաջնոյն՝ պէտք են մեզ մեծի պարկեշտութեան ի փառաւորութեան մերում . քանզի և չիք որ ի մարդկանէ՝ որ ոչ արժանի փառաց և պատուոյ համարեսցի զանձն իւր . ուստի և զայլոցն փառաւորութիւն յակն արկեալ՝ մախայ . մանաւանդ յորժամ և բարեմասնութեամբք ինչ ոգւոյ տեսցէ զարդարեալ զանձն :

Յաջա մեր մերն արգասիք չեն երբէք դուզնաբեայք . ուստի և հեշտեաւ շփութեք զստորինն ընդ միջակայնոյն , և զմիջակայինն՝ ընդ դերագունին : Նպա եթէ խոնարհագոյն քան զմեզ իցէ կամ ծննդեամբ , կամ զարմիւ , կամ հանձարով , կամ արդեամբք , և ի վերոյ անցցէ քան զմեզ ի շուք աստիճանին և փառացն , անհնարին յայնժամ մոլի նախանձն , ոչ ինչ հանդարտէ , չնչ զբարկութիւն , փորատէ զգողութիւն , սանձակոտոր է ամենեւին : Եւ դու որ ի գազաթն անդր փառաց անցեալ նստար , հանապազ ի վտանգի տեսանես զանձն խարդաւանելոյ ի նախանձութեն : Կամիս վարիկ մի յայնժամ հեղացուցանել զգազանն , երեւցողութիւն ի փառաւորութեան քում առաւել իմն պարկեշտութիւն ի գնացս , և խոնարհութիւն ի բանս : Վան

զի և անհանդուրժելի է արդարև անհանձար փառա-
խնդրութիւն ոմանց 'ի մարդկանէ, որ այն ինչ 'ի շուք
աւագութեան հասեալ, ոչ այլ ինչ գիտեն նոքա խօսել
և ասել, բայց զարգասեաց անձին, և պերճացուցանել
զառաքինութիւնս . ասեն զոր են, ասեն և զոր չեն :
Առտակաբան եղեալ բարձրացուցանեն զբարձն՝ զոր
կալան . և զբարգաւաճէն միայն խնդրեն զփառացն ան-
ձին 'ի բանս իւրեանց :

Եւ զինչ ապա . ոչ ինչ այլ գործեն նոքա խօսելովն՝
բայց զայրացուցանել զնախանձն 'ի կործանումն անձանց :
Այլ զու թէ կամիս զի լռեսցեն նախանձոտք, լռեա դու
առաջին : Հրահանգ գեղեցիկ զտէրունեանն ընկալ 'ի
քեզ . բուժէր նա զհիւանդս, հանէր նա դէս, փայլէր
'ի լոյսփոր, և ապա զինչ . « Աստուիրեաց նոցա, ասէ,
զի մի յայտնի արասցեն զնա » . « Ա'ի ումեք պատմե-
ցեն զտեսին, մինչև որդի մարդոյ 'ի մեռելոց յարիցէ » .
« Ա'ի ումեք, ասէ, ասասցես 'ի շինին » : Անդէր, զի
մի զայրասցին մախանք Փարիսեցւոցն :

Փառք զհետ քո ընթանան, սակայն և նախանձ ան-
անջատ 'ի փառացդ՝ ընթացակից է, երբէք չքանէ
զքեզ : Վեզ աւասիկ հնարք հանձարեղ՝ վատնել զբու-
նութիւն ուղեկցիդ : Այստեաց շատ զարժանեաց օտա-
րին, և մի երբէք զքոյոցդ : Աթէ յաջողեցար 'ի գործ
երջանկապէս, մի քեզ միայնոյ ընծայեսցես զայն, կոչեա
քեզ բաժանակից 'ի բանիդ՝ և զայլոցն իմաստութիւն,
զյաջողաճեռնութիւն, զխորհուրդ, զխոհեմութիւն :
Լծող զի այլք խօսեսցին վասն քո . և դու 'ի գովութիւն
առցես զհանձար և զժրութիւն գործակցացդ :

Արուեստ է այս հանձարիմաստ, ազնուական և վսե-
մական ոգւոյ . այլ ուր գտցուք մեք զայնպիսի այր : Աս-
կայն և անհրաժեշտ են դարմանքն ընդդէմ բռնութեան
ախտին . այս է պարկեշտութիւնն 'ի բանս . այլ չէ
շատ . պէտք են և պարկեշտութեան 'ի գնացս՝ յամոքել
զգազանն :

Վանդի են են և այլք՝ որ յանկարծ 'ի սինլքոր վի-
ճակէն ամբարձեալք 'ի ծայրն բախտին, յանարգութե-
նէն 'ի փառս, յաղքատութենէն 'ի մեծութիւն, ան-
հանձարաբար գնացիւքն՝ ողորմելի նշաւակք գտան նա-
խանձուն 'ի տեսիլ և յառակ աշխարհի : Փոփոխութիւն

վիճակին զհետ իւր ձգեաց փոփոխութիւն զայլանդակութեան բարուց . փոխեցին զխորհուրդս , փոխեցին զսիրտն , փոխեցին ողջոյն զկեանս : Ս' ոռացան 'ի սպառ որ ինչ էինն , և յիշեն միայն որ ինչ ենն : Արեկ հեզք և խոնարհք , այսօր խրոխտք և հպարտք . որ երբեմն բաղցունք և փարելիք , արդ դժխեմք և աննուէրք . անչբութիւն անձանց համարին զհողն և զմոխիրն՝ յորում ծնան . և ամօթ զբարեկամութիւնսն՝ զոր ունէին : Ս' իտ դնեն այնուհետև միայն պայծառութեան շքոյն որ զնոքօք բակ առեալ է . միտ դնեն միայն նորոգածին բարեկամութեանցն՝ ըստ արժանի բարձին իւրեանց . 'ի շաղութիւն հարեալ են 'ի նշուլից փառաց իւրեանց . որչափ անբաւականք են 'ի բառնալ զառժամայն մեծութիւնն , այնչափ և ծանրաբեռինք են այլոց : Սպասարկուս անձանց համարին ողջոյն զժողովուրդն 'ի շուք փառաց իւրեանց : Տունք նոցա իբրև արքունի գոռոզութեան և բարձրայօն ճեմից . ո՞րք մարթասցի համարձակ մերձիլ առ նոսա 'ի կարօտութեան իւրում : Առուք և դրօշեալք կցկցեալք ինքնաձեռնադրելիք , պաշտօն և երկրպագութիւն ինդրեն 'ի բնութենակից մարդկանէն : Յայտ զայն առնեն եթէ չէին իսկ արժանի մեծութեանն՝ յոր ամբարձան : Ալ զի՞նչ զարմանք իցեն այնուհետև՝ եթէ նշաւակք ատելութեան իցեն , նշաւակք և ճարակք ամենաժախ ժանեաց նախանձուն :

Արդ միայն պարկեշտութիւնն յայնժամ 'ի գնացս՝ 'ի փառաւորութեան իւրեանց փրկեսցէ զնոսա : Անդի և յամենայն ժամանակի և ամենայն իմաստնոց՝ որ արտաքինք և որ ներքինք՝ այս եղև խորհուրդ և առած , հեզ և գեղեցիկ չափաւորութեամբ բարուցն և զնացիցն՝ դիւր և սփոփութիւն տալ զայրագնեալ ոգւոյ նախանձուն և բթացուցանել զժանիսն :

Ըստ չափու փառաւորութեանն պէտք են և պարկեշտութեան և ցածութեան . և ընկալցիս դու յարգանս , ոչ ինչ պահանջելովդ յարգանս : Ալ զնոյն պարկեշտութիւն և զնոյն պարզութիւն բարուցդ , յոր աղագաւ առեալ բարձրացուցին զբեզ , զնոյն պահեսցես և 'ի բարձրութեան քում . որպէս զի մարթասցիս յաւերժանալ 'ի նմին :

Ս' այնչափ իմն կերպարանափոխ լիցիս 'ի փառսն ,

մինչև ոչ ճանաչել զքեզ ծանօթիցն . հրահանգ աստուածային ընկալ 'ի տէրունւոյն , որպէս գեղեցիկս յոյժ խորհրդածեաց մեծն Տերտուղիանոս . [Թէպէտ և ինքնին տէրն , ասէ , այնչափ լուսափայլ 'ի դէմնն իբրև զարփի , այնչափ սպիտակ 'ի հանդերձս իբրև զձիւն , և այնչափ հիասքանչ ողջոյն 'ի մարմնին' 'ի [Թափօրական 'ի փառան , " Սակայն և զընդերականն իւր , ասէ , զբեհայն զբնաւոր զԺաղրու[թիւնն ողջ պահեաց , : 'Եւ իստու' [Թէպէտ և փառաւոր , նոյն 'իստու' [Թէպէտ և լուսաճաճանչ , եցոյց զանձն ե[թէ 'իստուած է . և տակաւին ծանօթս տայր անձին 'ի բնաւոր կերպարանէն' ե[թէ և մարդ է : 'Եւ դու յիշեա՛ միշտ 'ի փառսդ՝ որ ինչ էիրն , և սիրեսցիս միշտ՝ որ ինչ եսդ :

Եւ զառաջին՝ նախանձուն գոռոզու[թեան դարման տարեալ քրիստոնէական համեստութեամբ և ցածութեամբ 'ի բանս և 'ի զնացս , իսկ երկրորդ անգամ՝ նախանձուն շահախնդրութեան՝ միակ դեղ դարմանոյ կալցես դու զքրիստոնէականն բարերարութիւն :

Սա միայն է զօրաւոր դարման . պարտ է բաժանորդ բարեաց քոց առնուլ զմարդիկ : Եւ ծու[թիւն և հանձար , բարձ և հարստութիւն խտտղեն զաչս զխոնարհադունիցն քան զքեզ . և քան զիղձն առ քեզ 'ի սիրտ նոցա՝ առաւել զրդեն զնախանձն : Եւ իայն բարերարութիւնն մտանէ տիրանայ սրտից նոցա և զերախտագիտութիւն զար[թուցանէ 'ի նոսա . իսկ ուր երախտագիտութիւն [Թաղաւորէ , անդանօր նախանձ մուտ գտանել ոչ ունի . մանաւանդ և սիրէ ևս զփառս և զհարստութիւն բարերարին իւրոյ :

Եւ յս իմաստ երախտագիտութեան զստին 'ի սկզբանէ հաստարմատ է 'ի բնութեան մարդոյ , այնչափ՝ մինչև և յաստուածութիւն անդր նորակրօնաւոր պաշտամամբ վերառնուլ զբարերարս : Սաշտօն աւաղիկ հարկանէին հե[թանոսք մարդոյ իբրև 'իստուծոյ՝ զի բարեգործեաց . երկրի՝ զի սնուցանէ , արեգական՝ զի լուսաւորէ , այլովքն հանդերձ . և ամենայն [Թաղաւորաց որ միանգամ առաւել քան իշխանք՝ հարբ եղեն ժողովրդոց , պաշտամունս և տօնախմբութիւնս սահմանեցին : Աւստի և քոյ արծաթ և ոսկի և իշխանութիւն՝ լիցին քեզ զէնք և զործարանք առ 'ի քեզ զսիրտն յանկուցանել ժո-

զովրդոց բարերարութեամբդ : Պաշտպան լեր տկարին , իրաւունս արա զրկելոյն , ձեռն տուր կարօտելոյն , ջամբեա աղքատին , վարձատրեա վաստակելոյն : Տեսցէ աշխարհ , եթէ քոյ մեծութիւնդ քան 'ի ճարակ փառասիրութեան և զեղիսութեան՝ են առաւել 'ի սատար և 'ի մխիթարութիւն կարօտելոց և հիքացելոց : Ուր յայնժամ նախանձ և հեռ . նա շուրջ յայնժամ զքե տեսցես սիրողս 'ի սրտէ և պատուադիրս քեզ անկեղծաւորս : Չիք նախանձ , որ առաջի զօրութեան բարերարութեանն ոչ լուծցի և 'ի չիք դարձցի :

Եւք մի միայն նախանձու անվանելի կայ . ոչ պարկեշտութիւն , ոչ խոնարհութիւն պարտեսցէ զնա , և ոչ բարերարութիւնն հեզացուցէ զնա . այն է նախանձն բուն չարութեան , զոր կանխեցի ասացի :

Եւք նախանձուս այսորիկ՝ որ տնկակից չարութեան է , դարման այս է : (Վող ամենեւին լիք զնա յինքեան . մի երբէք երես ինչ արասցես նմա , և զհոգն յ'ստուած միայն ապսպարեա . նա միայն վանեսցէ և վատնեսցէ զնա :

Եւքս նախանձ ինքնաբուն չարութեան ոչ պատուասէր է , ոչ շահասէր է . ոչ զքոյ փառն խնդրէ և ոչ զքոյ ինչն . ոչ ինչ խնդրէ վասն իւր . խնդրէ միայն զքեզ տեսանել հիքացեալ , կապուտ կողոպուտ 'ի պատուոյդ , կապուտ կողոպուտ յրնչիցդ . ընտրէ և անձին իւրում հիքութիւն , միայն թէ և զքեզ տեսցէ թշուառացեալ :

Հայսախտեաց աստի էր կինն , կին օտարախորթն 'ի բնութենէ , որ վասն կենդանի մանկան 'ի սողոմոնեան ատենի 'ի պայքար մտանէր ընդ ճմարիտ մօր մանկանն . խնդրէր զի ընդ մէջ կտրեսցի տղայն . զրկէր զինքն 'ի բոլորէն , միայն զի զրկեսցի և հարազատ մայրն : ('ի ինձ , ասէ , և մի նմա . կտրեսցէր ընդ մէջ զերախայն , և առցուք մեք իւրաքանչիւր զկէսն : Բարէ , և իցէ՞ երբէք տեղի այսչափ չարութեան 'ի մարդկային բնութեան . սակայն երբէք և փորձն , աւանդ , իբրեւ ընտանի ապականեալ բնութեանս ցուցանէ զնա :

Բայց աղէ , թող լաւ որեարն և առաքինի շուրջ պատեալ 'ի նախանձուէ աստի , մխիթարեսցին . խելամուտ եղեալ մեծի ճմարտութեանն զոր ասեմ , եթէ այդ նախանձ չարութեան քան զամենայն գովութիւն , շուք և պատիւ առաւել ածէ նոցա : Բանդի նախանձ այդ-

պիսի՝ ատեցող ճշմարիտ ակներև բարւոյն և արհամարհոտ ՚ի վերին երեսս, ՚ի ներքոյ ծածկեալ ունի յինքեան զճշգրիտ յարգ և զվարկ զառաքինեացն : Ս՚ի ուրեմն սրտաբեկ ՚ի նախանձուէզ յայդմանէ եղեալ յետս ընդ դէմ վերջոտնեացիս դու յազատաքայլ ընթացից առաքինութեան քո, հանձարոյն քո, գօտէպինդ ժրութեան քո ՚ի պէտս բարեաց ընկերութեանն . իբրու կարծել այդու ճանապարհաւ վատնել զբռնութիւն նախանձուս այսորիկ չարութեան կամ թէ լռեցուցանել : Ոչ առն քաղաքագիտի և հանձարեղի, և ոչ առն քրիստոնէի և առաքինոյ ՚ի դէպ երբէք պատահեսցէ անարգութիւն այսչափ : Վանգի և որ նաւապետ առաքինի ՚ի յառնել մրրկաց և յամբառնալ ծովուն՝ զբեղիսն ՚ի ձեռաց լքցէ : Եւ որ զօրավար արի ՚ի գոռալ թշնամոյն երբէք ահաբեկ վերջոտնեալ զօրականին իւրոյ մատն լինիցի :

Եւրդ եթէ քաջասիրտս ցանկորդեսցես դու ՚ի քաջալաութեան ընթացս քո, երես և ոչ մի առնելով նախանձուն այնմիկ, չիք նմա տանջանք չար ևս քան զայն, ինքնին նա պայթեսցի և իբր պղպջակ ՚ի չիք լուծանիցի : Վանգի և Նստուած ինքնին բնութեամբ բարին, այնչափ չարութեանն միշտ հակառակ կայ :

Հայեաց դու միանգամ ընդ Սաւուղ և ընդ Վաւիթ, մին նախանձուն չարութեան գերի, միւսն ամենեւին անմեղութեան հարազատ : Սաստկական անձն ՚ի գահն բազմեալ, երջանիկ ՚ի կեանս, երջանկագոյն ՚ի մահուն : Եւս արքայ՝ ՚ի գահէն անկեալ, թշուառ ՚ի կեանս, թշուառագոյն ՚ի մահուն . կորոյս զկեանս՝ կորոյս և զհոգին :

Եւսչափ է չարութիւն նախանձուն, այսչափ և աղէտք պատուհասին նորա : Եւսղէր երբեմն աստուածայինն Սկեբերան . բաբէ, քանիօն իցէ, ասէր, ախտ նախանձուն . ախտ զոր բանսարկութիւն միայն տնկակից ասէի, եթէ հանապազորդեան փորձն ոչ ցուցանէր զսաբնաւորեալ և ՚ի մարդ :

Ո՞րք ՚ի մէնջ սիրելիք ոչ ճանաչէ զայս ամենայն, այլ քանիք արդեօք ՚ի մէնջ զերծք իցեն յախտէն : Իսկ և քանիք արդեօք վարակեալք ախտիւն, երբէք զղջացին և զառ ՚ի նմանէն յանցաւորութիւնսն սրբեսցեն ճշմարիտ խոստովանութեամբ :

Վանգի և չիք յանցաւորութիւն ոխերիմ տապալիչ

քրիստոսական սիրոյն՝ իբրու զնախանձ, և չիք ախտ՝ յոր առաւել հակամիտեալ իցեմք յընդաբոյս անձնասիրութենէն :

Եւ զի այս այսպէս, զիւրդ մեք, ո՛վ տէր, անձամբք բաւական իցեմք առանց ամենազօր շնորհացդ՝ որ ՚ի մեզ բունեալ զգազանն վանել։ Ի՛քէն, ամենասուրբ հօգի աղբիւր անսպառ սիրոյ, մաղթեմք արտասուօք, հեղցես ՚ի սիրտս մեր զշնորհս ճշմարիտ սիրոյ . հայել ՚ի բարիս ընկերին իբրու անձին՝ և խնդալ . հայել յաղէտս ընկերին իբրու անձին՝ և գթալ :

ՔԱՐՈՐ ԻԷ

Ա Ն Մ Ա Ք Ր Ո Ի Թ Ի Ի Ն

“Մարմին ցանկայ հակառակ հոգոյ, և հոգի հակառակ մարմնոյ” :
“Հոգոյ գնացեք, և զցանկոքիւն մարմնոյ մի կատարեք” :

Ի մաստուծեամբ ասաց որ ասացն, եթէ Օ որ օրի նակ 'ի քրիստոնէական դաւանութեան են ինչ ինչ խորհուրդք հաւատոյ, զոր 'ի նանիր որ ժտեսցի ըմբռնել ողջ՝ քանզի անհասանելիք են, սապէս և 'ի քրիստոնէական բարոյականին են ինչ ինչ մոլութեանց նկարագիրք, ոյց աղազաւ խոհեմութիւն քարոզից աւետարանին յանձն չառնուցուն յայտնի և հրապարակաւ բան ձառել, զի պատկառելիք են :

Քանզի և անշուշտ յունկնդրացն իցեն ոմանք, կամ որ գլխովին անմեղքն իցեն և 'ի մէջ լիցեն և ծանիցեն զայն ինչ, զոր լաւ ևս էր նոցա անգիտանալ. կամ թէ արդէն իսկ յուղղութիւն եկեալ իցեն, և հեշտեալ դէպք տայցեն՝ զի իբրու 'ի փմանէ մերոց ձայնից շիջեալն հուր կամ առկայծեալն միւսանգամ արծարծեալ վառիցի. և կամ թերեւ իցեն ևս մեղաւորք խստասիրտք, որ չար ևս մոլեսցին 'ի լսելն. ուր լրջանալն պարտ էր նոցա և առնուլ զգեղն :

Բարիորք է զգուշութիւնն և գեղեցիկ խոհեմութիւնն : Եւստակայն և ըստ ժամանակաց կռեալ զբանն՝ թուի ինձ, եթէ թուլակի սանձ և ազատութիւն ժամանակիս շատ իսկ այսօր ազատ կացուցանէ զքարոզս աւետարանին յայսպիսեաց աստի մանր և ճշդիւ զգուշա-

տրութեանց 'ի ճառս բարոյականին՝ որ յաղագս մոլութեանն, զորմէ թուի թէ 'ի մէջ այլոց մոլութեանց առաւել ևս պարտ իցէ այսօր բան ճառել, այն է մոլութիւնն Կնմաբրութեան :

(Օ) յայտնեաց չէ ինչ հարկ երկայնաբանել . քանզի և այլ իւրաքանչիւր յունկնդրացոյ՝ թուի թէ իրաւունս տացէ առաջարկութեան բանիս, յորժամ այնչափ ինչ սանձարձակութիւն գիտիցէ և տեսանիցէ զարդիս 'ի վարս և 'ի գնացս, և այնչափ ինչ ազատութիւն անխիղճ 'ի լեզուի, որ առ տնին, որ 'ի հրապարակս, որ յակումբս, որ 'ի հասարակաց կենակցութիւնս . յորս ոչ կատարեալ հասակացն միայն՝ այլ մատաղերամ մանկուոյն կանուխ քան զժամանակին և զհասակին լրումն՝ բաց են այսօր աչք և եկեալ իսկ 'ի ծանօթութիւն չարին :

Եւ զիմորդ այսուհետեւ արժան իցէ լռել քարոզից աւետարանին 'ի ճառս քրիստոնէական պարկեշտութե, և ոչ մանաւանդ հետամուտ վանել և զօրութեամբ քարոզութեանն յայտնի հալածել զախտն . և որչափ ինչ հնար իցէ՝ գէթ վատել զզօրութիւնն, որ ճգնի այսօր ոչ իբրեւ արհամարհ միայն և անխառնակ ցուցանել զգեղեցիկ զգուշաւորութիւնն և զպարկեշտանալն, որ 'ի բանս, որ 'ի վարս, որ 'ի կենակցութիւնս, իբրու որ վանաց և կուսաստանաց միայն յանկաւոր իցէ, այլ և նշան յաղթութեան սանձարձակութեամբն 'ի մէջ հաւատացեալ ժողովրդեանն կանգնել 'ի վերայ մաքրութեան և քրիստոնէական անարատութեան :

Ի՛նչ ասն որոյ և պարտ իցէ այսօր քարոզից բանին 'ի բեմէ աստի սրբութեան իբրու 'ի բարձր աշտարակէ և նետակալէ մարտ դնել խոցել զթշնամին սրբութեան : Քանզի և աշխարհ չէ ինչ այսօր այնչափ պարզ և միա միտ, զի գթեցէ ինչ զայթակղութեամբ յազատօրէն և համարձակաձայն բանից սպասաւորաց աւետարանին : Եւ մանաւանդ զի և արթնամիտք բազումք և նախանձաւորք բազումք են 'ի քրիստոնէայս, որ և զամենայն նախանձ գեղեցիկ խնդրեն 'ի պաշտօնեայս բանին 'ի ներքս բերել նոցա յայտնաբարբառ ճառս զօրաւորս և փաստս բանականս 'ի վանել կամ 'ի վատել զախտն ժանտ, որ ճարակեալ է առ հասարակ :

Եւ ինձ թուի 'ի վերայ այսր ամենայնի դիպողա-

գոյն ևս իբրեւ ընդ քօղով ընթանալ միշտ 'ի բան քա-
րողիս , և իբրու ընդ ճանապարհ արտուղի հասանել 'ի
նպատակ ուղւոյն . միշտ առաջի ունելով զպատկառելի
իրաւունս զյարկիս սրբութեան , զբեմիս աւետարանին ,
և զմարդկօրէն վայելչութեան :

Եւս ուրեմն ոչ 'ի ներքս յինքեան 'ի մոլութիւն ան-
մաքրութեանն յառեսցուք մեք զակն , որ գլխովին իսկ
դժոխալուր և դժոխակերպարան և դարչելի է 'ի տե-
սութիւն , այլ մանաւանդ 'ի ծածուկ յարմատն նորա
ձկտեսցուք մեք զաշտ մտաց , այս է 'ի հրապուրիչ յայն
կիրսն , յորմէ նա բուսանի և աճէ :

Իսկ յազազս կրիցս այսոցիկ երիս ինչ կարեւորս յոյժ
յայտյանդիմանութեամբ 'ի ներքս բերցուք տեարցդ :
Եւս 'ի թէ ոչ ճանաչեն զնոյն կիրս նորա՝ որ միան-
գամ նովաւ վարակեալքն իցեն : Եւս կրորդ անգամ՝ եթէ
ոչ գարչին յայնմանէ թէպէտ և ծանիցեն իսկ զնա :
Եւս կրորդ անգամ՝ եթէ ոչ ուղղեն զանձինս թէպէտ և
գարչիցին ևս 'ի նմանէ :

ՄԱՍՆ Ա .

Ղգրտագոյնս վարդապետեաց վասն կրիցս այսոցիկ
աստուածայինն Ոսկեբերան , յասել անդ իւրում եթէ
Գիտութիւն չարին հեշտեաւ յառաջանայ ինքնին փորձ
առութեամբն . քանզի որչափ առաւել 'ի գործ ինչ
թարթափեսցի որք , այնչափ և լաւ ևս գայ 'ի ճանաչումն
նորին : Եւս սակայն յանմաքրութեան կիրսն , ասէ ,
գլխովին ներհակաբար են իրեդ . նորա միայն , ասէ ,
քաջ ճանաչեն զնոյն , որ անմասն իցեն 'ի նմանէ . և յոր-
ժամ սկիզբն որ արասցէ վարակիլ ախտիւս , յայնժամ
զնալով զնայ և նուաղի ճանաչումն նորին :

Եւս արդ առ 'ի քաջ ինելամուտ լինել ճմարտութեան
քաջի տրամախոհութեան Ոսկեբերանին , վայր մի 'ի
քնին առցուք զբանն . զիա՞րդ հրապուրեալ յառաջին
չարժութենէ անտի կրիցն և մոլորի հոգին : Եւս 'ի
բազում անգամ զի ընդ առաջ ելանէ մարդոյ առարկայ՝
որ ըստ կերպարանին և ըստ բնութեանն ընդ միտ մտա-

նէ տեսողին , և բնաւորապէս տենչմամբ յինքն յանկուցանէ . և ըստ նմանէն՝ ապա մարդ 'ի տնկակից թըշուառութենէն իւրմէ 'ի ներքս յանդամն իւր զգայ զօրէնս իմն , զոր ասաց Ղապեան , եթէ « Օ ինեալ կայ հակառակ օրինաց մտաց իմոց » : { } այսմանէ ապա ծագումն առնուն մոլորեցուցիչ կիրքն . քանզի զգացեալն բնութեամբ՝ տակաւ այնուհետեւ զօրանայ ընտրողութեամբ :

Իսկ ապա զինչ : Եւ քանզի մարդ ըստ գեղեցիկ թելադրութեան հրահանգաց հաւատոյն 'ի պարկեշտութիւն և 'ի համեստութիւն բերի , ուստի և դժկամակեալ առ ժամն՝ ոչինչ այնպէս հակամիտէ յըմբռնումն ախտին՝ զոր միանգամ կալաւ նա 'ի ծածուկ շարժմունս կանուխ խլրտեալ 'ի սրտին : Եւ ինչեւ միւսմանգամ 'ի խլրտել ախտին՝ ինքնին յայնժամ սկսանի մարդ մտախաբ լինել , իբրու եթէ զգացեալն այն Զեռնուլ ոչ այլ ինչ իցէ , բայց բերումն տնկակից ախորժակաց , յարգ և վարկ արժանեաց ուրուք , հակամիտութիւն բնութեան , աշխոյժք անմեղք բնաւորականք , բոյս բարուց՝ որ սեպհական իցէ բարեկիրթ և քաղաքական մարդոյ , որ միշտ զքաղցրաբարոյութեւ և զքաղաքավարութեան թեկն ածիցէ , որ միշտ համաձայնեալ միամտեսցի ընդ ամենեւին , և միշտ անուշակ օրինաց բարեկամական ընկերութեանն պատկառ կայցէ :

Եւ յսպիսեօք պատրեալ և մոլորեալ հոգին 'ի միանգամ և 'ի միւսմանգամ շարժութեան հրապուրիչ կրիցն , տակաւ կուրանայ 'ի ճարակել նորա , որ գնալով գնայ և զայրանայ : Եւ նոպա և ընթերցուածք հրապուրիչ վիպից առասպելաց և անմաքուր քերթածաց , և անառակ նուագք , և լիտի տեսիլք , և արատ հայեցուածք , և ընծայատրութիւնք մտերիմք , և այցելութիւն ստէպ , և կենսակցութիւնք յերկարաձգեալք , և սպասարկութիւնք փոխադարձք . այս ամենայն քեզ աւաստիկ փութ և փշուռն և ճարակ , որ զհարեալն հուր տարտարոսական միշտ վառ և բորբոք պահեալ , և զբոցն զայրացուցանէ :

Եւ արդ զայս ամենայն , (զձեզ ինքնին կարգամ 'ի վկայս , և 'ի ձեր դատաստան և 'ի փորձառութիւն առնեմ ապաստան) , զայս ամենայն խթանս և զրգոյն և

սաղորդիս մեղանչականս՝ ոչ ահա իցեն բազումք որ առաւել ևս համարիցին քաղաքավարութիւնս իմն յանկաւորս և վայելուչս բարեկիրթ մարդոյ քաղաքայնոյ, և գնացս և եղանակս իմն կարեւորս ՚ի վարել ընդ աշխարհի, ՚ի պահել յարդարուն և զկերպարանն և զողին, ՚ի կենակցիլ բարեաւ, և յամենայնի ՚ի վարել կեանս քաղցունս և կենցաղասէրս: Այլ սակայն եթէ քանի բուն և սաստիկ իցէ յայսպիսեաց աստի ճարակիլ և զայրանալ գամ քան զգամախտաւոր կրիցն, անշուշտ պարտ էր նոցա ճանաչել զայն ՚ի նոցուն իսկ յարեանց դործոցն, որ այժմ լաւ ևս ընդ քօղով արկանին լուծեան:

Արդ առ ՚ի յայտ յանդիմանութեամբ պարզել զայս տրամախոհութիւն, և առ ՚ի զլլացութիւն մտացն փարատել, ձեռն ինձ տացէ գեղեցիկն այն նմանաբերութիւն աստուածայնոյն Ազոստինոսի. «Այլք դուք, ասէ, բոյս մի կամ թուփ մի փշալից յոյժ առէք կորզեցէք ՚ի հողոյ, և զարմատն նորա ՚ի ձեռս առեալ զննեցէք: Տեսանէք դուք զնա նիւթ լերկ, ողորկ, անփուշ, կակուղ և քնքուշ այնչափ, զի և զրգան մատունք ՚ի շուշախել զնա. այլ սակայն խուռն փուշք որ ՚ի վեր երեւին ՚ի բուն անդր նորա, և մի զկնի միոյ ընդ աճունաձիւղ ոստան ճարակեալ հարկանեն և խոցեն զքեզ յանգստյ լինել քո, այն փուշք ասեմ ՚ի կակուղ յարմատոյ անտի որ ոչ իւրք տանջեաց զքեզ՝ ունին զծագումն իւրեանց: Այսպիսի են, ասէ, մարդք անժուժկալք և հեշտասէրք. արմատք փշոց են նոքա»:

Այլք միայն անուանցն միտ դիցես և կերպարանին, և ՚ի նոսին միայն յանկեսցիս, ՚ի տիպս միայն արտաքնայարդարս ընկերական ախորժակացն, քաղաքավարութեանցն, փոխադարձ կենակցութեանցն, ընտանի զրուցացն և մտերիմ այցելութեանցն, չիք ինչ որ հարեալ խոցեսցէ զխիղճ մտաց երկիւղածայն: Այս գիրգք են եղանակն, ախորժականք, քնքուշք և քաղցունք են բարբառքն և կենակցութիւնք. այլ չեն ինչ մեղանչականք. արմատք փշոցն են այդոքիկ, կակուղք և նոսրունք և գողտրիկք:

Այց դու ուշիմ լեր. դարձո միանգամ զաչս և յոստան և ՚ի բունն ուր խոնեալ կան փուշքն, որ յարմատոյ

անտի 'ի վեր գան : Վշալից ոստքն արմատոյն այնորիկ՝ են անմաքուր մտածութիւնք , զգայական հաճոյքն , խանդքն , իղձք և ցանկութիւնքն՝ որ գոգցես անմեկնելիք են յայնպիսեաց կենակցութեանց : Վշալից ոստքն արմատոյն այնորիկ՝ են վտանգաբեր հնարագիտութիւնք , զոր յաճախ 'ի վար արկանեն սանձարձակ զնացիւքն , կամաւոր պչրանօքն , սրտակաթութեամբն , առ 'ի յանկուցանել և 'ի խոտորեցուցանել զսիրտ օտարին : Վշալից ոստք արմատոյն այնորիկ՝ են կատակքն , զրուցատրութիւնքն , հումաձայնութիւնքն բանից և բայից , աներկեան մտերմութիւնքն , անզգոյշ ազատութիւնքն , յորս ճարակի և սերտի և զայրանայ անխորհուրդն այն և մոլին՝ սէրն ախտաւոր :

Եւ քանզի կոյրք եմք և զաչացուք 'ի մահահոտ յայն ճարակսն և 'ի խայծսն , քաջ իսկ այնուհետեւ կուրանամք և 'ի մահաբեր պտուղսն կրիցն այնոցիկ : Հաւելում ևս , եթէ և վասն այնորիկ ժախք ևս ոչ կամիլ ճանաչել զգերութիւն կրիցն և զչարութիւն :

Եւ քանզի եթէ ինձ թոյլ տայք , տեաքք իմ , ասել եթէ իցեն ոմանք (սակայն և ոչ ինչ կարծեմ , և ոչ ընդ միտ անգամ ածեմ) եթէ իցեն ոմանք աստանօր յակումք քարոզութեանս այսօր , որ զքաղցր լուծ զսուրբ երկիրդին՝ Եստուծոյ թօթափեալ յանձանց , սկսեալ ևս իցեն փոքու ինչ անձնատուր 'ի մարմին լինել , և 'ի քաջ առոյգ երիտասարդական տիս կենաց՝ ընդ հաճոյս անձին ազատաքայլ զրգիլ և հեշտանալ , աղէ յուշ միանգամ ածցեն նոքա զյարգն և զվարկն և զսէրն՝ զոր երբեմն ունէին նոքա յաղազս պարկեշտ և ամբողջ քաղաքավարութեանն և գեղեցիկ առաքինութեան մաքրութեանն . քանիօն էր երբեք , և քանիօն իցէ զարդիս . յուշ միանգամ ածցեն և զամօթ կրեսցեն :

Եւ իսկ ըստ նոցա՝ առաքինութիւնդ այդ , այնչափ իմն գիրգ առաքինութիւն և դիւրաշնասելի , զի և իղձ մի անձահ և անտպաւոր , և խորհուրդ մի անզգուշացեալ , և հայեցուած մի անխորհուրդ և անքթիթ , և համարձակութիւն մի , և կատակ մի ևս , համարէին նոքա՝ եթէ մթար և ստուերածս ածիցէ առաքինութեանն այնմիկ : Եւ ևս պահպանութիւն զգայարանացն , և փախուստ յառթիցն վտանգաց , և երբեք երբեք մեռելու :

Թիւն մարմնոյ , Թուէին նոցա անշուշտ իբրեւ պէտք կարեալք և Թումբք և պատնէշք 'ի պահել ամբիժ անարատ իւրաքանչիւր զիւր աման , և 'ի հոգի սրբութեան սերտել զգիւրեղծանելի հոյն : Եւ ամենայն եղանակ յանցաւորութեան՝ որ զառաքինութիւն զայն արատէր , զարշելի յոյժ էր յաչս նոցա , և սրտի տազնապեցուցիչ իբրու սեղանակապուտք իմն լինել նոցա պատուական անօթոց սրբութեան պատրաստելոցն 'ի փառս՝ 'ի հաղորդութիւն հարազատութեան ամենասուրբ մարմնոյն Վրիստոսի : Այսոքիկ էին , եթէ երբէք յուշ ածցեն , այսոքիկ նոցա տրամախոհութիւնք գեղեցիկք երբեմն յաղաքս առաքինութեան մաքրութեան : Այլ բարէ ոգեկործան փոփոխութեանն . այն ինչ մուտ 'ի սիրտ դտեալ այսոյն անմաքրութեան՝ այնպէս արագ արագ վեր 'ի վայր եղծ և խաթարեաց միանգամայն և զսրտկերս առաքինութեանն և զպատկեր մոլութեանն :

Որ առաւել վտանգաբեր կենակցութիւնքն իցեն , այնոքիկ Թուին այժմ իբրեւ բարեկամական ընտանութիւնք . և որ արձակերասան ազատութիւնքն են՝ իբրու երիտասարդական Թեթևութիւնք , և որ առաւել ամօթալի մեղքն իցեն՝ իբրու դիւրասահութիւնք անխուսափելիք մարդկային տկարութեան՝ ներողութեան արժանիք : Իսկ զգուշաւորութիւնք գեղեցիկք , և պատկառանք , և ամօթխածութիւնք , համարին այսօր իբրու ապիկարութիւնք մտաց և զձմութիւնք ոգւոյ , իբրու կանխակալ դատմունք՝ հասակին , իբրու հետեւանք և պտուղք՝ կամ Թանձու իմն դաստիարակութեան կամ ճղճիմ բարեպաշտութեան :

Եւ աղ բախտին , ահա յոր կէտ հասեալ ժամանեցին ապերառան կիրք , մինչև վայրիկ մի ևս վեր 'ի վայր չըջել և զբնութիւնն ինքնին զիրացն . և զանամօթ լկտութիւնն՝ իբրեւ գործ արգոյ և պատուելի 'ի դոխութիւն աւնուլ , և զյայտնի զայթակղութիւնն՝ պանծանօք ևս յերեւանի կացուցանել . և որպէս աստուածային առաքեալն ասաց , յորմէ անկորեւն պարտ էր , իբրեւ հանդերձ չբոյ զանձամբ արկանել . “ Արոց , ասէ , փառքն՝ ամօթն իւրեանց ” :

Վանգի և այս ինքնին է կնիք և դրոշմախտիս այսօրիկ՝ զորմէ բանքս են , զի զճադումն իւր և զսկզբունսն

և զճարակնսն և զգործսն և զչարութիւնն՝ որպէս կանխեցի ասացի՝ ծածկէ 'ի նոցանէ, որ միանգամ նուազարակեալքն իցեն :

Իսկ որ առաւել վտանգաւորն, յաւելից ասել : Սիրտ որ 'ի կրից աստի գերեալ է, ցանգ 'ի խաբանս կայ և 'ի կուրութեան . փակեալ են աչք առ հետեւանս և առ անկարգութիւնս ախտին : Համարիցիս թերեւս ո՛վ մարդ, եթէ բաւական իցես 'ի չափու և 'ի սահմանի պահել զնա միշտ ըստ կամի քում, զի մի ինչ մոլեսցի նա կամ 'ի ծածուկ կամ 'ի յայտնի գայթակղութիւնս : Եւ ես զհակառակն ասեմ . եթէ նա ինքն առեալ ձգեսցէ զքեզ անդր քան զսահմանն, զոր ոչն կարծէիր :

Եւ այս էր աղաղաւ : Քանզի առիթք բորբոքեն զարդէն տապացեալ զիղձն . և 'ի դալ հասանել դէպ ժամանակին, գտանիցես դու յայնժամ յերևան եկեալ զծածկեալն 'ի սրտի քում չարութիւն . որ նկուն 'ի փորձութենէն եղեալ գլեսցէ զքեզ յանհարկն յանցաւորութիւնս :

Ահա, ոչ և նա որ ոչ դուրնաբեայ որ այր, այլ որոյ սիրան՝ սիրտ ըստուծոյ, որպէս ինքնին ըստուած վկայեաց անձնուելի գովութեամբ, նկուն գտաւ 'ի փորձութենէն : Օ ինչ ասես . համարէր թերեւս այնպիսի այր արձակերասան այնչափ լինել 'ի կեանս իւր, մինչև զառագատ օտարին պղծել, մինչև և յարիւն անմեղին զձեռն իւր շաղախել քսամնելի մատնութեամբն : Տեսանէս, յոր չափ մոլութեան կիրք ցանկութեանն Քերսաբեայ ետուն մտաբերել նմա :

Իարձեալ և որ այնչափ իմաստուն էր 'ի վեր քան զամէնայն մարդ առ յ'ըստուծոյ իմաստութեամբն, զինչ կարծես՝ արդեօք ընդ միտ անգամ անկեալ էր նորա յետ ժամանակաց այնչափ ինչ իղանալ և յանհարկն անկղի տանալ, մինչ և 'ի ծայրն հասանել անօրէնութեան 'ի կռապաշտութիւն : Եւ սակայն կիրք ցանկութեան յիմարեցուցին զիմաստութիւն նորա :

Իսկ հնացեալքն աւուրբ չարութեան, հարբ և դատաւորք կարգեալք յ'ըստուծոյ 'ի տեսչութիւն ժողովրդոց, կասկածելն ինչ թերեւս զանձանց՝ յաւուր միում այնչափ ինչ վայրենանալ, զի և դարանակալ և դաւաճան լինել պատուոյ և անմեղութեան և կենաց

գլխովին պարկեշտին Շուշանայ : Ահաասիկ յայն տաճման ձգեցին կիրք ցանկութեան անարատին :

Այլ զինչ պէտք վաղնջուց բանիցն իցեն , տեսարք իմ , և սարսափելի օրինակացն . լի է աշխարհ այնպիսեօք , որ միշտ 'ի խաբանս կան . քանզի համարին զանձինս բաւական 'ի չափու և 'ի տաճմանի պահել զկիրոն զայն : Սակայն դերիք են հիբացեալքն , նաև 'ի շլացութիւն հատեալ են չտեսանել զտաճման անձանցն , յոր ածեալ ձգեցան 'ի կրից անտի : Առ որս և սաստիւ մարդարէն , « Մեարձ , ասէ , զաչս քո , և տես . ուր ոչ պղծեցար 'ի ճանապարհս քո » . 'ի քանի անարգութիւնս դետնաբարշեալ ընդ երկիր , քանիօն առակ նշաւակի , 'ի քանի դայուս , 'ի քանի մօրուտս :

Աղեր դու թերեւ 'ի միտս աներկեանս , ո՛վ մարդ , եթէ երբէք չհասանիցէ քեզ լինել 'ի հրապարակագոյժ մեղաւորաց , և ահա գտանես զանձն քո յայնպիսեաց անտի : Հրահանդ հաւատոցդ , և դաստիարակութիւնն քաջ , և պատիւ անձին , կարծեցան քեզ զօրավիգն և ամրութիւնք՝ աննկուն մնալ քեզ 'ի կրիցդ յոր ըմբռնեցար . այլ տեսանես աւաղիկի դու ինքնին զսասանել ամրութեանցդ յերեսաց արձակերտսան գնացիցդ :

Աղէ դու վայր մի հայեաց 'ի ծագումն և 'ի ճարակումն յաղթական կրիցդ : Ո՛վ , զիմրդ ճշմարտութեամբ ասաց աստուածայինն Վրիգորիոս , եթէ « Հոնայնասիրութենէ յանիրաւութիւն անդր ձգեցան միտք . և սովորեալ զառաջինն՝ յախտս մանուկս և 'ի թեթեւս , տակաւ աճումն առեալ 'ի յանցանացն՝ յօրացաւ և տիրացաւ 'ի չարութեան » : « Հոնայնասիրութենէ , ասէ , յանիրաւութիւն » : Այն ահա զքեզ 'ի սկզբանն բնաւորական իմն թեթեւութիւնք կամ երիտասարդական աշխոյժք առեալ ձգեցին զործել իրս իմն՝ յորոց զանդիտէն մանաւանդ պարտ էր վասն հետեւանացն : Այդ տարապայման յարդ և զարդ անձինդ , այդ փափկազգեաց կիրք , այդ սէր հանդերձից , այդ հանապաղօրեայ անձնացոյց կիրք , և կենակցութիւնք այդչափ համարձակք . այդորիկ աւաղիկ սկզբունք ունայնասիրութեան՝ եղեն սերմանք անիրաւութեան . « Հոնայնասիրութենէ յանիրաւութիւն է ճանապարհս » :

Վանդի անդուտ մուտ գտանեն 'ի միտս ազգ ազգ

զգայական պատկերաց, որ իջանելով 'ի սիրտ անդր և ջեռուցանելով զնա, ակորժակ իմն ծնանին 'ի ներքս՝ որ անանի և աճէ և 'ի փոխադարձ ընտանութիւն մտաբերէ, ապա և յանձուկ սրտի և 'ի խանդ, և հետ զհետէ զօրացեալ ստեպ ստեպ այցելութեամբն, ընդ երկար զրուցաարութեամբն, ներքին մտերմութեամբն, և անձն հազատութեամբն, յեղափոխի 'ի կիրս:

Իսկ այն կիրք՝ որ 'ի սկզբանն ակնածէր և պատկառէր և ծածկէր զանձն, յետ այնորիկ համարձակեալ և լրկնեալ՝ 'ի վայր զգիտակն առնու, և 'ի դործ անդր ևս յայտնապէս ժտի: Իսկ ապա այն դործք 'ի կրից անտի առաւել յօրացեալք՝ յաճախեն և բազմապատկին, և 'ի սովորոյթ յեղափոխին: Իսկ սովորոյթդ այդ անպուլութեամբ զարձադարձ 'ի մեղան առնելով, երես ինչ չառնէ այնուհետեւ խղճի մտայն. և ընդդէմ զառնայ ամենայն հնարից դեղոյն զգաստութեան և առ իշտուած դարձին և փրկութեան անձին: Իշտ այնպէս զողորմելին զայն գերութիւն 'ի ներքս բերէ հոգւոյն, յորմէ կապեալ իբրեւ անլոյծ կապանօք՝ զտանէ մարդ այնուհետեւ զանձն իւր անդերձանելի 'ի չարեաց: Քանզի «Յունայնասիրութենէ յանիրաւութիւն, աւսէ, ձգեցան միտք. և սովորեալ 'ի յանցաւորութիւնս մանունս՝ տակաւ աճումն առեալ մեղացն՝ տիրանայ 'ի չարութեան» և «Օ ինչ այնուհետեւ շահ ինչ օգտի, թէպէտ և 'ի վախճանի անդ ծանիցէ մարդ ճշգրիտ զբռնութիւն կրիցն, որ գերեաց զնա:

Քանզի և ոչ ուղղութիւն ինչ 'ի ճանաչմանէն յայնմանէ պողաբերեացէ երբէք, և ոչ զանարգութեան զլուծն զծանրն բաւական իցէ թօթափել յանձնէն այնուհետեւ: Ինդէր. լուր աւագիկ: Քանզի զայդ կիրս՝ ոչ միայն չձանաչեն որք նովաւն վարակին՝ որպէս ասացի առաջին, այլ և թէպէտ և ծանիցեն՝ ոչ զարչին յայնմանէ, որպէս ասացի երկրորդ. զոր և արդ կամ աւագիկ առաջի յայտ յանդիմանութեամբ ցուցանել սիրելեացդ:

ՄԱՍՆ Բ .

Վանդի հոգի որ յանմարութեան կրիցն միանգամ ըմբռնեալ իցէ և դերեալ, և 'ի պատճառս հեշտախոտութեանն նաև 'ի խեղացն անկեալ իցէ, յոչինչ այլ իրաց այնուհետև այնչափ ատելութեամբ խորշի և տեղի տայ, որպէս 'ի պատճառաց և 'ի հնարից դեղոցն՝ որ յանկաւորքն իցեն 'ի զգաստութիւն ածել զնա: Այս է զոր անդեղջութիւն կամաւոր կոչեմ ես անմարութ հոգւոյն: Այր աղագաւ և 'ի վկայութիւն ճշմարտութեան բանիս կարգամ դարձեալ զայնոսիկ՝ որ միանգամ զխտակցութեամբ մտացն տանջին յայսոսիկ՝ 'ի սովորոյթս և 'ի փորձառութիւնս անձանց:

Օր է, ասացեն մեզ վայր մի, զի է զի խորհուրդն ասալխարութեան՝ զոր նորա յառաջն ազատ գորով յանմարութեան կրիցն՝ 'ի զործ վարէին բազում անգամ այնչափ հեշտեաւ և քաղցրութեամբ, զարդիս իբրև բեռն անտանելի թուի նոցա և իբրև ահագին խն խոշտանդանք խղճի մտացն: Խորհուրդ ամենա սուրբ սեղանոյն, յոր բազում անգամ մերձեալ այնչափ փափաքանօր և քաղցրութեամբ ընդունէին նորա, զի է զի զարդիս իբրև ճաշակ անախորժ անհամացեալ է 'ի քիմն սրտից նոցա: Վարդութիւն և լուր բանիցն Մատուծոյ, զոր երբեմն սքանչելի ակտորժանօր լսէին նորա, զի է զի զարդիս տաղտկալիք են նոցա, և զարհուրանս ևս 'ի ներքս բերեն նոցա, իբրու որ կշտամբիւք են անաչառք՝ միանգամայն և ախտին և ախտակրելոյն: Վրժթ հասարակաց եկեղեցւոյ, և աղօթակիցութիւնը առանձին, որ միակ միջնորդք և պատճառք են 'ի զգաստութիւն և 'ի դարձ նոցա, զի է զի զարդիս աշխատութիւն մեծ թուի յաչս նոցա, և իբրու զուր ջան, և անօգուտ վաստակ, և յոչինչ ախտանացու: Վկեղեցի, զոր յառաջն սիրէին այնչափ և յաճախէին և պաշտէին այնչափ, զի է զի զարդիս օտարացեալ է առ նոսա, և հազիւ երբեք յամնոյ յամիս, կամ ամ յամէ կօխեն զսեանս նորա: Վշտ զամենայն ատել, որ ինչ աս-

առաւօտայինքն են , որ ինչ փրկարարքն են հոգւոյն , ոչ ահա զարդիս այն ամենայն են առ նոսա իբրու անխորա-
կանք ինչ , կամ տաղտկացուցիչք , կամ յընչաց քերելիք ,
և կամ ատելիք ևս :

Լնցանեն եօթնեակք , անցանեն ամիսք , անցանեն
և ամբ , և այնպէս հովացեալք և ցրտացեալք 'ի բաց
կան նոքա 'ի խորհրդոցն եկեղեցւոյ մերձաւորութենէ ,
և այնպէս զամենայն հոգ զհոգւոյն , զամենայն փոյթ
զփրկութեան անձին , զամենայն սէր և զխորհուրդ վասն
Լստուծոյ , հիւրացեալքն 'ի բաց եղեալ են , զի մի յան-
կարծ զգաստացին , 'ի պատճառս զժնդակութեան
կրիցն՝ որք անձողարելի գերի վարեալ են զնոսա , և
կապեալ ընդ անմարբախան հեշտալիսն զգայութեանց :

Լսյլ զայս անբախտելի կապանս զմահագոյժ գերու-
թեան նոցա՝ յանգեղջ և յանապաշխար կեանսն՝ զոր
ասացի , առաւել ևս պարզ տեսցես դու 'ի նմին իսկ 'ի
զղջութեան և յապաշխարութեան նոցա : Լսասիկ քեզ :

Լնսածութիւնք մարդկայինք , նաև քաղաքական
խորհրդածութիւնք , և թէ ոչ և այլ ինչ , թուլակի իմն
խայթ խղճին , և կամք և իղձ ամուլ և անպողարեր առ
Լստուած դարձին , յորմէ չեն զլիսովին անբաժք , որ
միանգամ չեն անբաժք 'ի հաւատոցն իւրեանց դաւա-
նութենէ : այս ամենայն է զի առեալ ձգեն զնոսա յե-
կեղեցի առ ոտս հարց խոստովանութեան : Լսյլ քաջ
միտ դիք աղաչեմ աստանոր՝ կշռել անաչառ զիղձ և զյա-
րումն նոցա առ մեղսն՝ զոր ցուցանեն 'ի նմին իսկ յա-
պաշխարութեան և խոստովանութեան և 'ի դարձին
իւրեանց :

Եթա՝ հայր խոստովանութեան իւրեանց ընտրեն
զայնպիսի որ , զոր համարին լինել կամ ոչ 'ի քաջ դիտ-
նաւորաց , կամ որ առաւել ապիկար իցէ և անբաւական
'ի դարման բժշկութեան ախտին՝ որով վարակեալք
են : Այն , ասացես ուրեմն , և առաւել վաճ , յոչինչ
այլ իրաց ուրեմն այնպէս փախչին և զանդիտեն դոքա ,
բայց 'ի բժշկութենէ :

Իսկ թէ և զիղձ ևս բժշկութեանն ցուցանիցեն ,
զլիճակ հոգւոյն իւրեանց ոչ բացերեւակն առական ա-
ռաջի բժշկին : Վանդի թէպէտ ծանունք ևս իցեն
մեղքն , ծածկեն զթիւ մեղացն , ծածկեն զտեսակն ,

ծածկէն զհանգամանսն կարեորս : Եւ թէ և ասացէն ևս ինչ, սակայն չասեն զհանապազորդէն իւրեանց 'ի նոյն : Եւ թէ և ասացեն զսովորէն իւրեանց 'ի մեղսն, սակայն զգուշագոյնս ծածկէն զմեղաց առիթմն, զորս սիրեն տակաւին և յորս միջամուխ են տակաւին :

Իսկ եթէ և աչալըջութիւն խոստովանահօրն և հարցաբնութիւնն 'ի վեր հանցէ զծածկեալսն, սակայն չլինին նոքա անձնանուէրք 'ի դարմանս ակտին բժշկութեան . համարին նոքա զայնոսիկ դժուարինս յոյժ 'ի գործ, նաև ոչ խոհեմութեամբ առաջարկեալս 'ի խոստովանահօրէն, նաև անկարութիւն ևս կցկցեն նոքա 'ի կատարել զայնոսիկ :

Եւ թէպէտ է՛ զի յանձն ևս առնուցուն զդեղն, այլ կասկածոտ սրտիւ և երկմտութեամբ 'ի գործ վարել ստուգիւ : Եւ թէ և հաստատեցեն ևս 'ի միտս 'ի կատարել, սակայն 'ի գործ անդր եկեալ՝ տաղտկան և 'ի բաց միանգամայն լքանեն և զդեղն և զբժիշկն :

Եւ ասիկ ձեզ, քրիստոնեայք, ճշգրիտ տիպար մտախաբ ապաշխարութեան՝ որոց յանմաքրութեան ակտէն ըմբռնեալ իցեն : Եւ աշխարութիւն, յորում երկուց ինչ իրաց փորձառութեամբ քաջիկ խելամուտ լինին հիւքացեալքն . այս է՝ զի 'ի բաց մերժելով զդեղն պատրաստեալ վասն նոցա, միանգամայն և զախտն իւրեանց ճանաչեն, միանգամայն և 'ի ծանուցեալ ակտէն չգարչին : Եւս աւաղելի վիճակ է սիրողացն անմաքրութեան :

Եւ մեք 'ի գործոյն 'ի պատճառն 'ի վեր ելանելով, հարցանեմք այժմ . ընդէր այնչափ անձողոպրելի շաղին սիրտք ընդ կիրսն ընդ այնոսիկ : Եւ աղիկ պատճառն՝ զոր ահադինս բայց և ճշգրտիւ ասաց մարդարէն . “Ոչ տացեն, ասէ, զխորհուրդս իւրեանց դառնալ առ Եստուած .” ոչ . ընդէր . “քանզի ոգի պոռնկութեան, ասէ, է 'ի մէջ նոցա .” : Ինքնին անմաքրութեան հոգին, ասէ, միանգամ մուտ գտեալ 'ի մարդն՝ փոխանակ հոգւոյն մարդոյ ինքն տիրանայ 'ի ներքս, և իբրու այն թէ ինքն հոգիացուցանէ զնա, և տանի բերէ և շարժէ վարէ զամենայն ներքինս նորա և զարտաքինս՝ որպէս և ինքն կամի :

Եւ արժէ այս հոգի անմաքրութեան զերեւակայութիւնն, և բիւրուք իմն անմաքուր ցնորիւք ընու և խօլացուցանէ

զնա : Իսկ այս ցնորք յուզեալք 'ի տուէ , ոչ հանդարտեն 'ի գիշերի . այլ որպիսիք շարժին յարթնութեան , նոյն պիսիք դարձեալ երևութանան յերազի :

Շարժէ այս հոգի անմաքրութեան և տիրանայ մտաց մարդոյն , և ոչ յայլ ինչ խորհուրդս առեալ դեգերեցուցանէ զնա և զբօսեցուցանէ , բայց 'ի նիւթականս և 'ի զգալիս : Իսկ այս խորհուրդք այնչափ իմն դերեն զմիտս , զի և ոչ այլոց ինչ մեծամեծ գործոց և հոգոց աշխարհի երբէք միտ դնեն , և ոչ տեղւոյ և ժամանակին և անձին , նաև ոչ տաճարաց և վայրաց սրբութեան երես առնեն :

Շարժէ և տիրանայ այս հոգի անմաքրութեան մանաւանդ 'ի սրտի . և հեղձուցանէ և շիջուցանէ 'ի նմա միանգամայն զամենայն յորդորակս և աղգեցութիւնս շնորհացն Մատուծոյ . և սիրով զգալեացն և հեշտալեաց սպառէ ծախս 'ի նմա զամենայն իղձս դովելիս և զգեղեցիկս բնութեան :

Շարժէ վարէ այս հոգի անմաքրութեան ըստ կամի և զախորժակս մարդոյ . քանզի և ամենայն բնաւորական կիրք նորա 'ի հոգւոյ աստի անմաքրութեան իբրութեանազորոյն բռնաւորէ ձգին և կառավարին . եթէ յոյս , եթէ երկիրդ , եթէ նախանձ , եթէ նախանձաւորութիւն , եթէ ատելութիւն , եթէ անարութիւն , եթէ յանդգնութիւն . այս ամենայն կամ 'ի հաճոյից մարմնոյն յառաջ գան , կամ 'ի հաճոյս անդր մարմնոյն առեալ ձգեն :

Եւ այսպէս 'ի ներքս 'ի մարդում բնակեալ հոգին անմաքրութեան , բառնայ 'ի նմանէ կամ թէ վատէ 'ի նմա միանգամայն զամենայն սրտաճառս և զզօրութիւնս զդարձին առ Մատուած . քանզի կնքեցաւ , եթէ “ Ոչ տացեն , ասէ , զխորհուրդս իւրեանց դառնալ առ Մատուած , զի ոգի պոռնկութեան է 'ի մէջ նոցա ” :

Իսկ թէ երբէք և 'ի սրտաճառաց ինչ արտաքնոց , և առաջին՝ յորդրմութենէն Մատուծոյ և 'ի շնորհացն Վրիստոսի ազատացեալ հիքացեալքն առ վայր մի 'ի բռնաւորէ աստի , մտաբերեսցեն 'ի ճմարիտ ապաշխարութիւն և զարշեսցին ևս ստուգիւ յախտէն՝ զոր ծանեան , սակայն և ահագին յոյժ է սիրելիք երրորդն այն կնիք և դրոշմ ախտիս այսորիկ՝ զոր կանխեցի ասացի , և

զոր հասանէ ինձ այժմ յանդիման ցուցանել ձեզ . այն է՝ եթէ թէպէտ դարչեսցին ևս յախտէն , սակայն ՚ի վերայ այսր ոչ ուղղեսցեն զանձինս :

ՄԱՍԻ Գ .

Պատճառս կրկին զօրաւորս յոյժ ունիմ ես ՚ի հաստատութիւն առաջարկութեանս . առաջին՝ եթէ յայլ ամենայն մոլութիւնս չիք այնչափ դիւրեաւ և յաճախ վերստին անկումն՝ որպէս ՚ի ամա : Արկրորդ՝ եթէ և յայլ ամենայն վերստին անկմունս չիք այնպէս դժուարադիւտ կանգնումն , որպէս ՚ի ամա :

Օ առաջնոյն ճշմարտութիւն թող վկայեսցեն անաչառ , որ միանգամ գիտակցութեամբ մտայն ՚ի նոյն ախտ վարակեալն իցեն : Ասկ համանգամայն ընդ նոսա թող զնոյն վկայեսցեն հարբ խոստովանութեանն՝ որք քաջ գիտեն : Ոչ ահա ՚ի պատճառս անդադար վերադարձին ՚ի մեղսն՝ տարապայման ծանրաբեռնեալք և յողիս ապաստան են նոքա ՚ի սրբազան և ՚ի ներողամիտ պաշտաման իւրեանց : (Թող ասասցեն նոքա՝ զոր գիտեն քաջ . ոչ ահա ՚ի պատճառս այնպիսեացն իբրու անաւադեալ իմն և իբրու վատեալ երևեցաւ իշխանութիւն փականացն կապելոյ և արձակելոյ , և իբրու նուազեալ արժէք և զօրութիւն ապաշխարութեան : (Թող ասասցեն նոքա՝ զոր գիտեն քաջ . ոչ ահա ՚ի պատճառս այնպիսեացն իբրու տեղի տուեալ և իբրու անբաժ յուժոյ վատեալ իցեն առատազեղ շնորհք խորհրդոցն սրբութեան :

Ա բազում անգամ՝ զի առ փութոյ փրկութեան հոգւոյն ընթանան նոքա մտադիւր՝ ի խոստովանարան անդր . սակայն և տարակուսեալք են և սրտաբեկք և իբրու ամօթահարեալք ՚ի դէմն և ՚ի ձայնս իւրեանց և ՚ի բացատրութիւնս մեղացն . և տեսանեն հարբ խոստովանութեան յայնպիսեաց անտի առ ոտս իւրեանց անկեալս և սրտառուչս , և լսեն զի մեղաւորս մեծամեծս կոչեն զանձինս , և սկսանին առակել զդարչութիւնս իւրեանց և զվերս և զխղիւղիւթս հոգւոյն . և հառաչս և թառաչս յողոց հանեն , և արտասուս ևս թափեն , և

նշանս ևս 'ի դէմն ամեն ընդունել ամենայն քաղցրութեամբ զամենայն յանդիմանութիւնս և զամենայն դեղ դարմանոցն՝ զոր պատուիրեսցեն նոցա հարք խոստովանութեանն : Եւ ինչ զի և նոքին իսկ հարքն գորովին առ նոսա և զիւրեանցն ընդ նոցայն խառնեն զարտասուս . և այնպէս արձակեալ և խրատեալ և քաջալերեալ զնոսա յանձն առնեն շնորհացն Եստուծոյ . և բարեյոյսք են ընդ հաստատութիւն առաջադրութեան որդւոցն՝ կեալ ըստ կարի անարատ քաղաքավարութիւն :

Իսկ ապա զինչ . սակաւ մի ժամանակ կեան նոքա այնպէս զգաստացեալք , և յետ այնորիկ յուլացեալք 'ի բաց թօթափեն յանձանց զամենայն խրատս զոր լուան . և որպէս յառաջն՝ միւսանգամ 'ի նոյն առիթմ մեղացն թարթափեալք՝ դառնան յառաջին փոխաճն :

Իսկ 'ի դալ հասանել կամ զատկին կամ այլ ինչ նշանաւոր տօնախմբութեան՝ փորձ փորձեն միւսանգամ զապաշխարութեան , դիմեալք առ ոտս հարց խոստովանութեան : Եւ թէ որպիսի ինչ արդեօք խոստովանութիւն այն իցէ , անկեղծ արդեօք և 'ի սրտէ , կամ թէ խաբէութեամբ և սեղանակապտութեամբ , այս ինչ անշուշտ է՝ զի դարձ առնեն նոքա միւսանգամ 'ի մեղս :

Եւ յա աւասիկ է վիճակ , զոր ճշգրտեաց աստուածային բերանն վասն ըմբռնելոցն յայտոյ աստի պղծութեան . որք առ վայր մի զգաստացեալք և անկանին միւսանգամ . “ Զորժամ այսն պիղծ , ասէ , ելանէ 'ի մարդոյն , չրջի ընդ անջրդին տեղիս , խնդրէ հանգիստ և ոչ գտանէ . յայնժամ ասէ դարձայց 'ի տուն իմ , ուստի ելի ” :

Ի՞նչպէտ և առ վայր մի ել , սակայն տուն իւր սեպհական կոչէ զհոգին ունակացեալն յանմաքրութեան . ուստի և “ Իկեալ գտանէ զնա մաքրեալ և յարդարեալ ” , այս է՝ կազմ և պատրաստ յընդունելութիւն իւր , և մտեալ բնակէ անդ հանդերձ այլ ևս եօթն՝ այսինքն բազում այսովք չարութեան , որ ծնունդք են անմաքրութեան ախտին՝ յորմէ ըմբռնեցաւ . “ Եւ լինի այնուհետեւ յետինն մարդոյն չար քան զառաջինն ” : Եւ յս է զոր ասացի՝ եթէ յայլ ամենայն մոլութիւնս ոչ միայն չիք այնչափ հեշտեալ և յաճախ վերադարձ 'ի մեղս՝ որպէս յանմաքրութեան , այլ և յամենայն վերադարձս մեղաց չիք կանգնումն և ուղղութիւն այնչափ

դժուարագիւտ, որպէս 'ի սման . ուստի և լինի, ասէ, յետինն մարդոյն չար քան զառաջինն : Այս է՝ որովհետեւ անկանի միւսանդամ և կանգնի միւսանդամ, անկանի դարձեալ և դարձեալ կանգնի, և կեանք նորա ողջոյն են դարձադարձ զլորումն և կանգնումն . իսկ ապա 'ի յետնում զլորմանն հասարակ կարգաւ մնայ անկանգնելի . « Ա ինի, ասէ, յետինն չար քան զառաջինն » :

Վանգի հոգի ունակացեալն 'ի մեղս՝ օր քան զօր նուազեալ գտանի և անմասն 'ի կրկին մեծամեծ սկըզբանց զգաստութեանն . առաջին 'ի լուսոյն Մտուծոյ, երկրորդ՝ 'ի խայթէ խղճի մտացն :

Ոչ տանջեն միտք զհոգին, քանզի անդու սովորութեամբն կորուսանեն միտք և զպատկեր և զգարչութիւն մեղացն : Ոչ ծագէ և աստուածային լոյսն . զի ոչինչ յայլ աստէ այնչափ դարչի հոգի Մտուծոյ, որպէս 'ի սմանէ . « Ա 'ի մնասցէ, ասէ, հոգի իմ 'ի մարդիկդ յայդ, վասն լինելոյ դոցա մարմին » . և թէ « Հոգի Մտուծոյ, ասէ, ոչ բնակէ 'ի մարմնի վարեցելոյ մեղօք » :

Մշտակ ձեզ, սիրելիք, ողջ սկիզբն և աճումն և յառաջատութիւն և կատարած բռնաւոր կրիցս . կիրք՝ առաւել քան զամենայն կիրս ճարակեալ 'ի մարդիկ յամենայն իսկ 'ի վիճակս կենաց, յամենայն տիս հասակի, և յամենայն 'ի սեռս . կիրք՝ զոր ոչն ճանաչեն վարակեալն նովաւ, կիրք՝ յորմէ չգարչին ճանաչողք նորա . կիրք՝ զոր 'ի բաց թողուն գարշողքն 'ի նմանէ . . . :

Իսկ զինչ ապա . 'ի յուսահատութիւն ուրեմն կըրթեալ յանդեցան բանքն . . . :

Ոչ այդպէս . . . : Առիցեն գերեալքն 'ի կրից աստի, զի թէ սրտաբեկեցան թերեւ 'ի ճառիցս, սակայն և զիւրեաւ առցեն քաջալերս : Առիցեն, ասեմ, և զվերջին զայս ճշմարտութիւն . և որ այն իցէ . . . : Տակաւին նշան յաղթութեան անշուշտ կանգնեացեն նորա նաւ 'ի վերայ բռնաւոր կրիցս, եթէ միայն ճշմարտապէս կամենային :

Ի ձեռս քո ուրեմն կայ յաղթութիւն քո, ո՛վ մարդ . . . : Սակայն լեն նորա զայս, և զինչ յետ այնորիկ : Մտէն բան ընդդէմ մեր զայս ասեն, « Ոչ կարեմք » . . . : Այս լեզու է հասարակ՝ որոց միանդամ 'ի կրից աստի

լմբունեալք իցեն . . . : Բայ ես ասեմ : Օ ինչ արդեօք այն իցէ , այր դու , զոր քեզն պատուիրեն և խրատեն իբրեւ 'ի դեղ դարմանոյ հիւանդութեան քոյ , զոր ասես ոչ կարել . . . :

Այլ զայն պատուիրեն քեզ հարբ խոստովանութեան քո , թողուլ 'ի բաց լքանել զայն ինչ տուն : Պատուիրեն քեզ՝ կարձել զայն ինչ կենսակցութիւն , զայն օրինակ մտերմութիւնն : Պատուիրեն և խրատեն՝ 'ի բաց փախլել յայն ինչ առթէ չարէ , որ 'ի հեշտախտութիւն զքեզ հրապուրէ : Այն ահա այսոքիկ են , զոր ասես թէ ոչ կարեմ :

Բայ սակայն կարելի՞ր դու արդեօք , (ո՛չ իրաւ է բանս) , կարելի՞ր դու արդեօք զայդ , եթէ յանկարծ ուստեք սպառնալիք մօտալուտ կայր 'ի վերայ քո մեծաց ինչ աղետից , կամ մահու օրհասիդ , կամ մեծի վատահամբաւութեան , կամ մեծի աղքատութեան :

Բայն թէ ոչ կարեմ . այլ սակայն կարելի՞ր դու արդեօք , եթէ քո սեպհական տէրդ ձօնաբար , կամ մի որ յաւագաց և 'ի ձօնից՝ յորոց ակն իմիք ունէիր , կամ իշխան քո ինքնին զխոսովն հրամայէր քեզ զայդ :

Բայն դու թէ չկարեմ , այլ կարելի՞ր թերեւ՝ եթէ յանկարծ ապերախտութիւն կամ երեսդարձութիւն , կամ յընչաց քերել և նախատինք , կամ կասկած ինչ ձախողակ , 'ի մէջ անկեալ խանգար առնէին խանդիդ և բռնութեան կրիցդ , և յուշաբերել զքեզ զրդէին :

Բայ արդ որ վասն այդոցիկ պատճառաց շարժեալ կարելի՞ր դու 'ի գործ դնել զպատուիրեալն քեզ , աղէ՞ դու ո՛չ կարասցես զայդ վասն Բստուծոյ միայն , վասն հոգւոյ միայն , վասն յաւիտենականութեան միայն :

Բայ ես չնորհեցիք քեզ , եթէ չկարես դու անձամբ անձին կատարել զայն ինչ , զոր 'ի քո դարման պատուիրեցին քեզ : Բայ զայն ո՛ւր թողցուք . ո՛չ ինչ յուշ արասցես քեզ , ուլ սիրելի , և զօգնութիւնս և զգօրութիւնս զչնորհայն Բստուծոյ . և մոռացօնք լիցին քեզ 'ի սպառ մարգարէին սրտառու ձայնք . “ Համբարձի զաչս իմ 'ի լերինս , ուստի եկեսցէ ինձ օգնութիւն . օգնութիւն ինձ 'ի տեառնէ եկեսցէ . տէր պահեսցէ զքեզ և տէր ընկալցի աջոյ ձեռամբն իւրով : Բերեալին 'ի տուէ քեզ մի մեղիցէ , և մի լուսինն 'ի գիշերի : Տէր պահեսցէ

զմուտ և զեւքո, : Եւ թէ “ Ոչ կարեմ այլ ազգ ժուժկալ լինել, բայց եթէ Մտուած տացէ, : Յորժամ Մտուած հրամայէ քեզ 'ի դառնալ առ ինքն և միանալ ընդ նմա, այն յայտ իսկ է և 'ի հաւատոց է՝ եթէ և զուլութիւն տացէ քեզ 'ի գլուխ հանել զբանդ. և դիւրին գործեսցէ քեզ շնորհօք զայն ինչ, որ ինչ անհնար թուի բնութեամբ :

Եւ ասես, եթէ Չգգաս ինչ դու շնորհացդ այդոցիկ : Իսկ ես կրկնեմ ասել, եթէ զգասցես անշուշտ, եթէ փորձ մի փորձեսցես աղօթիւք՝ կամել գործակից լինել շնորհացն : Եթէ զիղձդ վառեսցես 'ի քեզ, եթէ միայն ճշմարտապէս կամեսցիս, եթէ հաստատուն կացցես յառաջադրութեանդ, եթէ վայր մի 'ի բաց զլուլութիւնդ եղեալ, ապա սկսանիցիս ձեռն 'ի գործ վասն դարձիդ առ Մտուած :

Եւ ես զայն ևս շնորհեցից քեզ, զոր ասես. եթէ անհաւադիկ ապիկար գլխովին գտանես դու զքեզ 'ի սկսանել՝ առ պակասութեան շնորհացն . . . :

Եւ աղէ և զայն ևս ասա, ո՛վ սիրելի, արդեօք ապիկար գտանիցես դու զքեզ նաև 'ի հայցելն և 'ի խնդրել քեզ զգորութիւն Մտուծոյ և զգորավիդ շնորհացն, և յասել միանգամ 'ի սրտէ, “ Եյս տուր տէր աչաց խնոց, զի մի երբէք ննջեցից 'ի մահ : ”

Որչափ և ապիկար իցես, որչափ և հիւանդ և վիրաւոր 'ի կարողութիւնս հոգւոյդ, ողջ է բերանն, բաց են շրթունքդ բաւական 'ի մաղթել յՄտուծոյ զօգնութիւն : Իսկ 'ի մաղթելդ իցես ինչ երկեանս առնուլ զխնդիրդ . . . : Եւ ո՛ր կայցեն անսուտ աստուածային բանք, եթէ “ Խնդրեցէք և տացի ձեզ. հայցեցէք և գտջիք : ” Եւ թէ “ Որ խնդրէ, առնու. և որ հայցէ, գտանէ : ” Եւ թէ “ Խնդրեսցէ յՄտուծոյ, որ տայն ամենայնի առատապէս և ոչ նախատէ. և տացի նմա : ”

Եւ շուշտ է ուրեմն, եթէ կարես դառնալ թէ կամեսցիս. և յոչ դառնալն՝ անշուշտ է ուրեմն թէ ոչ կամիս : Ոչ կամիս դառնալ. ընտրես դու ուրեմն 'ի գերութեան կալ բռնաւոր կրիցն. կիրք անապորոյն թշնամի խաղաղութեան սրտի, ռիսերիմ ապականիչ ամենայն բարեմասնութեանց մարդոյ, միանգամայն և քաջողջութեան, և պատուոյ, և ընչից, և կենաց :

Ոչ կամիս դառնալ . ընտրես դու ուրեմն զուգի և զմարմին համանգամայն արկանել 'ի գեհեան , ուր որդն ոչ մեռանի , և հուրն ոչ շիջանի :

Ոչ կամիս դառնալ , ընտրես դու ուրեմն զվաղանցուկ հեշտութիւն 'նիւթ յաւիտենական տանջանացն , առաւել քան զվաղանցուկ ապաշխարութիւնդ 'նիւթ յաւիտենական բերկրանացն , և որ մորոտութիւն առաւել յետսամիտ կայցէ քան զայդ :

Եւ ասես , եթէ Սամէի ճշմարտապէս դառնալ . տակայն յերկուացեալ եմես և զանգիտեմ եթէ յաջողեցայց . . . : Իսկ և ես ասեմ . Յուսմէ՞ երկուացեալ է քո և զանգիտես . թերեւ յԱստուծոյ , այլ Մատուած ինքնին է որ 'ի մերոց բերանոց կոչէ զքեզ առ ինքն և հրաւիրէ և ճեպէ ևս 'ի դառնալ : Շատ է եթէ պատրաստութիւն մի սրտի տեսցէ 'ի քեզ , և զամենայն թերին ինքն լցուցէ շնորհօք իւրովք :

Եւ թերեւ յերկուասցիս ընդ մեզ ընդ պաշտօնեայս նորա . . . : Սակայն մեք զօր ամենայն բազկատաւած և գրկալիր փառաքանօք քեզ սպասեալ մնամք՝ բուժել զքեզ 'ի վիրաց հոգւոյդ :


Եւ թերեւ յերկուասցիս յանձնէ քումմէ . իսկ այդ յերկուանքդ միշտ է գովելի և սուրբ , այլ և կարեւոր . տակայն յետ միանգամ դարձին քո 'ի մեղաց և յետ ապաշխարութեանդ : Վարձիր դու միանգամ առ Մատուած , և ապա միշտ յերկուացիր յանձնէդ , զի այնպէս միշտ կացցես հաւատարիմ առ Մատուած : Վարձիր դու առ Մատուած , և միշտ զանգիտեա յանձնէդ . զի այնպէս աներկեան զհետ ընթացցիս հլուութեամբ հոգւոր առաջնորդիդ և փրկաւետ խրատուց հօր խոստովանութեան քոյ : Եւս է առաջին ճանապարհ հանապազորդութեան 'ի բարին :

Վարձիր դու միանգամ առ Մատուած . և յետ այնուրիկ յերկուացիր միշտ յանձնէդ . զի այնպէս յաջողեսցի քեզ միշտ դիմել առ Մատուած , և առ միակ ապաւէն փրկութեան մերոյ առ Տիրամայրն : Եւս է երկրորդ ճանապարհ հանապազորդութեան 'ի բարին :

Վարձիր դու առ Մատուած , և այնուհետեւ միշտ յերկուասցիս յանձնէդ . զի այնպէս կացցես դու միշտ պատրաստ և զգոյշ յամենայն առթիւ մեղաց : Եւս է

երրորդ ճանապարհ չանապաղորդութեան 'ի բարին :

Արդ ուրեմն դարձիր դու միանգամ առ Աստուած, ո՛վ սիրելի, և միշտ յերկուացեալ յանձնէդ՝ առ Աստուած միայն ապաւինեսցիս, մաղթեալ 'ի սրտէ՝ եթէ դարձո զիս տէր և դարձայց առ քեզ. և կամեաց տէր փրկել զիս և փրկեցայց, և զի և ոչ կարեմ այլ ազգ ժուժկալ լինել, բայց եթէ Աստուածդ իմ տացէ :



ՔԱՐՈՉ ԻՐ.



ՅԱՐԳՈՒԹԻՒՆ ՍՐԲՈՅ ՏԱՃԱՐԱՅ



« Գրեալ է, տուն իմ տուն աղօթից կոչեսցի. և դուք
արարէք զսա այրս առաջակից » :

Ի հոյակապ տաճարիս Մտուծոյ, զոր հաւատն
կանգնեաց, և յոյսն ամրացոյց, և զոր սէրն հանապազ
բարգաւաճ ծաղկեցուցանէ 'ի բարեպաշտել աստանօր
համագումար խմբելոցդ զոր ամենայն, յերեկոյս, 'ի
վաղորդայն, և 'ի հասարակ աւուր, 'ի վերայ այսր՝ ո՞
ղիս աներկեւան յանդորրու կացուցէ, եթէ և ոչ աւ-
տանօր յաւուր միում տէրն և փրկիչն խորազան սոս-
կալի 'ի ձեռին երեւեսցի յայսկոյս յայնկոյս տուեալ
զհարուածն, և զամբօխ մեր զայս առ հասարակ փա-
րատեալ վարեսցէ արտաքս : « Եւ եհան, ասէ, զամե-
նեսին արտաքս 'ի տաճարէն, և ասէ. գրեալ է, տուն իմ
տուն աղօթից կոչեսցի, և դուք արարէք զսա այրս ա-
ռաջակից », :

Իսկ ընդէր ապա այս, սիրելիք : Ո՞չ հոյակապ է տա-
ճարս, արժանի ըստ կարի մեծվայելչութեանն Մտու-
ծոյ. ո՞չ հաւատով կանգնեցաք զնա, ո՞չ և օրըստօրէ
համախմբեալ յուսով 'ի սմա աղօթեմք առ նա, ո՞չ և
սիրով հանապազ սպաս հարկանեմք 'ի պիտոյս սորա,
զի մի ինչ խրթնացի 'ի բարեզարդութենէն : Եւ ոչ
ընդ հոյակապութիւն տաճարին հայի ինչ Մտուած,
ոչ ընդ փայլ պայծառութեան որմոցն, ոչ ընդ բարե-

զարդութիւն խորանայն , և ոչ հանապազօրեայ խոնու-
թեանն երեսս ինչ առնէ Ղստուած :

Բլէ դու զարձո միանգամ զաչս 'ի պատմութիւն ա-
ւետարանին . ասա ինձ , ո՞ր եմուտ Վրխատոս . ուրանօր
շուրջ հայեցաւ բարկացայտ , ո՞ր շարժեաց զխարա-
զանն (3) Խրուսաղէմ 'ի մեծն , 'ի տիեզերահռչակն
տաճարի : — Բա՛բէ , նաև զսքանչեւապայծառ գործն
հրաշակերտեալ տանն , յորում ինքն ընտրեաց բնակել ,
յընչաց քերէ աստուածային բարկութիւնն . յորժամ
մարդիկ 'ի նմա իբրև երկրպագութիւն , չպահէն զյարգ
մեծ վայելչութեան բնակելոյ հիւրոյն , զոր յառաջն
ցուցին նմա կառուցողք նորին :

Եւ երբեմն առ նախնեօք մի ոմն 'ի սրբոց եպիսկո-
պոսաց , որ յաղքատութեան իւրոյ ժամանակին մխիթա-
րէր զանձն յանշուք շինուածան յաղքատին մատրուոնս
հաւատացելոցն , ասելով . եթէ թէպէտ և մեծապէս յայ-
սոսիկ գերազանցեն զմեօք հեթանոսք , գերազանց եր-
բեմն գտան և հրեայք , այլ սակայն 'ի կրօնասիրութե մա-
սին և յաստուածաբաշտութեան գերազանցեալ գտանի
քրիստոնեայն առաւել քան զամենայն ազգս . որպէս զի
հրէից և հեթանոսաց միանգամայն բացերև ցուցցի և
ձգմարտութիւն հաւատոյս մերոյ և աստուածայնութի :

Եւ արդ թէպէտ և այսօր բարձրագլուխ յոյժ պան-
ծացեալ է քրիստոնէութիւնն 'ի բազմահարուստ և 'ի
հրաշակաւոյց տաճարս իւր , որ ոչ ցուցաւ այնպիսի եր-
բէք 'ի դարս , սակայն և ոչ վասն այնորիկ նուագել ինչ
արժան իցէ նմա 'ի պարտս յարդութեան տաճարաց :
Եւ առաւել , միտ զիք սիրելիք , այնչափ առաւել աճե-
ցին պարտք յարդութեանն , որչափ նոյն ինքն հրաշա-
կերտութիւն մեծամեծար տաճարացն առաւել ևս կեն-
դանատիպ նկարէ յաչս մեր զանսահման մեծութիւնն
Ղստուծոյ :

Բա՛ջ իսկ , տեսրք իմ , քաջ իսկ վասն այնորիկ՝ զի
առաւել աշխատեցայք և աշխատիք վասն Ղստուծոյ 'ի
պատրաստել նմա բնակարան վայելուչ , առաւել ուրեմն
ջան ցուցանել պարտք 'ի վերայ կան , եթէ քանի հիւ-
րամեծարութեամբ ընդունել պարտ իցէ զբնակիչն :

Պարք ինքնին 'ի ձէնջ տուք և առէք զօրինակն բա-
րեաց . և յինէն միայն զյորդորակն և զհրահանգն :

Լորդ յիմում հրահանգին վախճանս կրկին տեսանեմէս առաջի առնել սիրելեացդ : Ախիճան՝ զոր 'ի նպատակ իւր կալաւ հանդնողն տաճարին Լստուծոյ . և վախճան զոր կնքեաց ինքնին Լստուած՝ որ հաճեցաւ բնակել 'ի նմա :

Եւ արդ 'ի հանգնել ձեր տուն Լստուծոյ , գիտիցէք արդեօք զոր գործեցէքդ : Վանդի շինութեամբն պատրաստէք նմա բնակութիւն հաստատուն լռիկ իմն անխաբ դաշնադրութեամբ որ ընդ ձեզ և ընդ Լստուած : Ձեզ պաշտօն 'ի սմա մատուցանել նմա հրապարակաւ իբրեւ Լստուծոյ ձերոյ . և նմա ունկնդրութիւն շնորհել պաղատանաց ձերոց իբրեւ իւրոց հաւատացելոց : Ձեզ մտանել այսր յերկրպագութիւն նմա ամենայն մեծաբանօք . վասն այնորիկ ասէ , “Տուն աղօթից կոչեսցի” : Եւ նմա կալ աստէն իբրեւ 'ի սեպհական տան , և փոխարինել բարիս արժանի երկրպագութեանց ձերոց . վասն այնորիկ ասէ , “Տուն իմ” :

Լպա յայս իմաստ էս զպարտս քրիստոնէին՝ որ մտաւ նէ յեկեղեցիս Լստուծոյ , ամիսիւմ 'ի կրկին իղձս գլխաւորս . իղձ յարգութեան և իղձ սիրոյ :

Լռաջին իղձ յարգութեան առ մեծփայելլութիւնն Լստուծոյ , որ առանձին իմն ներկայութեամբ բնակէ աստանօր : Երկրորդ անգամ՝ իղձ սիրոյ առ բարերարութիւնն Լստուծոյ , որ առանձինն առատաձեռնութեամբ բաշխէ աստանօր :

ՄԱՍԻՆ Ա.

Եւ արդ առաջին յուշ ածեալ զպարտս յարգութեան մերոյ , զիարդ հնար իցէ խօսել ինչ , յորժամ անդէն դողումն և սոսկումն առ հասարակ ընթանայ յոսկերս : Վանդի արձանացայ էս աստանօր այսօր՝ իբրեւ զթարգման մատենիցն սրբոց , և ջատագով յարգանաց մեծփայելլութեանն Լստուծոյ , եթէ զիարդ և որպիսի հանդերձանօք պարտ և արժան իցէ երևել առաջի թագաւորին թագաւորաց : Վիտեմ իսկ զի ինքնին նա ունկնդիր կայ , և 'ի սեղանոյ այտի սրբութեան մի առ մի

նշանակէ, զբանս իմ, եթէ արժանիք և զուգակիրք իցեն երկրպագելի իւրում հաճութեանն . և վայ է ինձ, եթէ և 'ի նշանախեց մի յանկարծ վրիպեցայց ես :

Եւ քանզի անշուշտ Մտուած փառաց և մեծվայելչութիւն անմահ թագաւորին խոնարհեալ է աստ 'ի ստորինս առ մեզ, և այս վայր՝ ուր քարոզեմքս և ուր լսէքդ՝ յարկ է սրբութեան սրբոց, և սեպհական տուն մեծին Մտուծոյ, քանի՞ն ուրեմն պարտք իցեն ինձ լինել հրահանգիչ 'ի պարկեշտութիւն և 'ի համեստութիւն յամենայնի, քանի՞ բարեպաշտութեան 'ի կերպարանս՝ արտաքոյ, և 'ի խորհուրդս 'ի ներքոյ : Ի վնացս և 'ի շարժմունս խոնարհք, 'ի հայեցուածս զգոյշք, 'ի դիրս բարեվայելուչք : Վուցէ ինչ արդեօք կերպարան խոնարհութեան, պաշտաման, յարգանաց, երկիւղածութեան, որ բաւական իցէ մեծվայելչութեանն Մտուծոյ 'ի տան անդ իւրում :

Եւ էք ինձ աստանօր զմատենան աշխարհի, զմատենան ասեմօրինադիր յարգանաց զիշխանաց աշխարհիս և զթագաւորացն . տուք ինձ լսել միանգամ, զինչ սովորոյթ, զինչ օրէնք իցեն յարքունիս նոցա 'ի կալն անդանօր, յեւանելն, և 'ի մտանելն, յընդունելն զունկընդուութիւն 'ի ներքին սենեակս նոցա, 'ի խոնարհելն երկրպագութեամբ յերևել նոցա : Յուշ ինձ ածէք զհիացումն մտաց զտիկնոջն Սաբայ յանդիման Սողոմոնի 'ի զնին հրաշիցն նորա . զնուալել ոգւոյն Եսթերայ յանդիման փառացն Մրտաշեսի . զահ պատկառանացն Յուդիթայ յերևել Տողովեռնեայ :

Եւ զի մի այնչափ զհնովքն գայցեմք, զառժամայսն յուշ ածէք ձեզ զոր զիտէքդ քաջ . քանի՞ ազատագի և հոյակապ իշխանք, և քանի՞ պերճախօս ատենաբանք այնպէս պատկառք և անբարբառք կան շուք հարեալք առ պատուանդանի ինքնակալ արքայի, կամ մեծաշուք քահանայապետի :

Եւ արդ եթէ յայնչափ խոնարհութիւն առեալ իջուցանէ զմարդ պատկառանք մեծարանացն առ իւր մեծաւորս, քանի՞ն ապա, ասա ինձ, արժան համարեսցիս զյարգն՝ որ առ Մտուած իւր գլխովին : Եթէ զայնչափ յարգանս առ դրունս մեծամեծաց աշխարհի 'ի ձահ համարեսցիս, քանի՞ ապա առաւել առ դրունս երկ-

նից . “ Սա է , ասէ , տուն Բստուծոյ և դուռն երկնից ,
և ես ոչ գիտէի ” :

Բստուծոյ հայեաց դու ինձ և 'ի գեղեցիկն յայն
տեսիլ : Օ խորդ և քաջնափայլ ազատանին , զխորդ և
արքայք զլիսովին , այնչափ խոնարհութեան կերպարա-
նօք և այնչափ ակնածու շքով սովորեցան զալ մերձե-
նալ առ դուռն սրբութեանցս : Բանգի և ինքնակալ
թագաւորք և թագուհիք , իբրու զ(ժ)էոդոսն և զնմա-
նիսն , մինչ չե մտեալ 'ի յարկ սրբութեանն , արտաքոյ
զծիրանիսն թողուին և զթագն :

Օ ինչ ասասցես և զգերահարաշ սրբոցն . յորոց մին
մինչ չե կոխեալ զալս տաճարին Բստուծոյ , արտաքոյ
այնպէս կացեալ մտադիր զքննութեամբ դայր ամենայն
ըզձից իւրոց և սրտին խորհրդոց . զի թէ երբեք չիցեն
արժանիք մտից սրբութեան տեղոյն , այնպէս առ դուրս
արտաքոյ կացցեն իբրեւ նզովեալք : “ Բստ կացէք մնա-
ցէք , ասէր , խորհուրդք չարք , աստ կացէք իղձք սրտի
անպատկանաւորք և ցանկութիւն մարմնոյ , իսկ դու
հոգի իմ մուտ յուրախութիւն Տեառն քոյ ” :

Իարձեալ և այլ ոմն 'ի սրբոց , թէպէտ և 'ի դուզնա-
քեայ ինչ փորձութեանց կրեալ 'ի հոգին , 'ի վերայ
այսր և զանգիտէր կոխել զսեամս սրբոց տաճարաց .
“ Այժտիմ , ասէր , 'ի վկայարանս մտանել մարտիրոսացն .
այնչափ ողջ հոգւով և մարմնով խնդրեմ շուք հարկա-
նել ” :

Եւ արդարեւ սիրելիք , եթէ որ ճշգրիտ քննեսցէ
զբանս , հնար ինչ իցէ այլազգ քաղաքաւարել այնմ որ
'ի տան աստ Բստուծոյ հայեսցի մտօք 'ի մեծութիւն
բնակելոյն , հայեսցի և 'ի մեծահարաշ հանդէսս իրաց
և խորհրդոց անձառից՝ որ կատարին 'ի սմա :

Աստի և քաջիկ խելամուտք իրացս , դիցուք մեք
այժմ , եթէ չիցէ ուրեք յաշխարհի ոչ եկեղեցի , ոչ
վկայարան , և այս յարկ սրբութեան՝ յորում կամքս ,
համարեսցի մեզ այսօր ոչ այլ ինչ , բայց սրահ իմն ար-
քունեաց մեծաշուք . յորում Բրիտոս Բստուած ինք-
նին իջեալ առ մեզ , խորհուրդ մի մարդկօրէն խորհեալ
ընդ մեզ : Հասկա , ասասցէ , սրդեակք իմ . հաստատեալ
եմ 'ի մտի զալ և բնակել հաստատուն միշտ ընդ ձեզ :
Եւ այժմէն կամիմ գիտել ինչ վասն տանն՝ զոր սահ-

մանեւծիր վասն իմ, և վասն արժանապէս հիւրընկալութեանն . “ օ որպիսի տուն շինեւծիր ինձ , կամ ո՞ր տեղի հանգստեան իմոյ , : Սակայն մինչ չեւ պատասխանեալ ձեր , նախ զայն արժան է լսել , յինչ պէտտ իմ և ձեր՝ հանդերձեալ իցէ տունդ այդ՝ զոր ինձն կանգնեւծիր : Եւ աւագիկ առաջին խոստումն կռեմ ձեզ՝ զի մտադիր իջեալ բնակեցայց սիրով՝ ի նմա : Եւ դուք ՚ի յիշատակ իմ և իմոյ ողջակիզին՝ որով պատարագեցայ միանգամ ՚ի խաչին առ սէրն ձեր՝ կանգնեւծիր ինձ սեղան մի , յորում զօրհանապազ կրկնեսցի նոյն ինքն պատարագն հաւասար առաջնոյն ՚ի զօրութե , զոյգ յարդիւնան , նոյն ՚ի շնորհաբաշխութեանն : Եւսկ ՚ի մեծահանգէս յայտ պաշտօն դուք ինձ միշտ առնութեք կացընք՝ խառն դատակիցք ընդ իմոյ հրեշտակաց՝ ընդ վեհագոյն հոգւոց իմոյ արբունեաց : Եւ ոչ եթէ ՚ի վեհագունից անտի հոգւոց եղիցի որ սեղանոյս սրբութեան պաշտօնեաց և սպասարկու . այլ դուք ինքնին միայն ո՞ երկրածինք , դուք ամբարձընք յաշտիձան գերագոյն սպասաւորութեանն . ՚ի ձեր ձեռս եղիցի ողջոյն իշխանութիւն ՚ի վերայ անձին իմոյ : Եւսկնարկութեան ձերում և ՚ի կոչ ձեր խոնարհեալ իջից ես նուիրագործիլ ՚ի հացին մարմնով իմով , և ՚ի բաժակին՝ արեամբ իմով : Եւ ձեր փրկութիւն և ինձ ՚ի փառս նուիրեցայց ողջակէզ երկնաւոր հօրս մինչև ՚ի կատարած աշխարհի : Եւ արդ՝ առ սացէք ինձ , “ օ որպիսի , զորպիսի տուն շինեւծիր ինձ , կամ ո՞ր այն իցէ տեղի հանգստեան իմոյ , . . . :

Եւսկնաւելի են խոստումնքն , եղբարք , անհասանելի աւետիքն : Եւսկն , “ եթէ բնակեսցէ , ասէ , Եւստուած ընդ մարդկան ՚ի վերայ երկրի , : Եւսկ առ ՚ի մէջ ապա զինչ , և քանի՞օն պարտիցի լինել անդրադարձ փոխարինին : Եւսկն յորժամ ասէ . “ օ որպիսի տուն շինեւծիր ինձ , , ինձն ասելով՝ յայտ է եթէ անձին իւրում միայնոյ սեպհականեալ զրաւէ ողջոյն զվայրն :

Եւսկ քանզի ճշմարտիւ այս այսպէս է , և տունս ոչ այլոյ ուրուք , այլ Եւստուծոյ միայնոյ է յարկս այս սրբութեան , աղէ վայր մի դուք սիրելիք զմտաւ ածէք , եթէ յիւրում սեպհական տան զո՞ր յարգ , զո՞ր շուք արժան իցէ առնուլ Եւստուծոյ , և ոչ պարտք անհրաժեշտք իցեն զմիայն զարժանին հատուցանել նմա :

Եւ յաւանդ, զի տունք Եւստուծոյ բազմացան և յարգն նուազեաց . և ընդ առաւելութեան թուոյն որչափ պակասեաց նորութիւնն 'ի տեսութենէն, այնչափ պակասեաց և հաւատն 'ի տեսողսն : Եւ սակայն քան 'ի ըզգայութենէն, առաւել ևս 'ի խոհականութենէն պէտք են առաջնորդութեան . և յայնմանէն զոր յառաջնում նուազի ցուցէք դուք զյարգն 'ի նորակերտ շինութեան տաճարին Եւստուծոյ 'ի մտանել ձեր աստ յերկրպագութիւն, արժան է չափել և զայն՝ զոր միշտն պարտիք ցուցանել և յայլ ամենայն նուազս :

Այլ միութիւն տաճարի շարժեցէ զքեզ, և ոչ բազմութիւն տաճարաց . այլ քեզ միշտ հաւատք կացցեն առաջնորդ, և հաւատով միայն յուշածցես և աստացես . այս տուն է, որոյ տանուտէրն ինքնին միայն է Եւստուած . այս տուն է՝ յորում Եւստուած բնակէ ընդ մարդկան :

Օ մտաւ ած եթէ այս հաւատք 'ի ստուերին առաջնորդեցին ժողովրդեան Եւրայեցւոց 'ի մեծի հանդիսի նաւակատեաց շինութեան տաճարին, այն ինչ 'ի պսակել նորա, 'ի ձայն ցնծութեան բարեկենդանութեան աշխարհաժողով փողոց 'ի բանալ անձկացեալ դրանցն խուռն մտանէին, որպէս ասէ գիրն, և անկեալ յերկիր խոնարհ՝ հաւատով երկիրպագանէին Տեառն, քանի՞օն և որպիսի հաւատոց կարծիցես պէտք իցեն 'ի ճշմարտութեանն 'ի մէնջ յերկրպագուացս հոգւով և ճշմարտութեամբ :

Եւ զի ոչ ասէ, եթէ երկիրպագին, այլ եթէ երկիրպագանէին տեառն՝ մտեալ 'ի տաճարն, զայն յայտարար՝ եթէ քանիցս անգամ մտանէին՝ զնոյն հաւատս ունէին յերկրպագութեանն իբրեւ տեառն տաճարին, և իբրեւ տանուտեառնն՝ որ անդ իբրու 'ի սեպհական իւրում տանն հաստատուն բնակեալ իցէ :

Եւ կարի քաջ յիրաւունս . քանզի և ո՞ր այլ վայր իցէ՝ յորում բնաւորեցան մարդիկ մանր և ճգրիտ պահանջել առնուլ զյարգութիւն անձանց, քան եթէ անդ 'ի ներքս պատուարաց տանց իւրեանց . իբրու որ 'ի սեպհական տանն իւրում այր այր երեւի իբրեւ տանուտէր և զործէ իբրեւ տէր :

Եւ երբէք դու ոչ գտցես որեար այնչափ սինքոր՝

ոչ 'ի քաղաքայնոց և ոչ 'ի գեղջից , որ ոչն խնդրեսցէ՝
 թէպէտ և ընդ աղքատին մարդակաւ՝ ողջ զյարգու-
 թիւն անձին իւրոյ ընծայեցուցանել : Եւ անաւագ
 ռամիկդ , որ այլ ուրեք արտաքոյ տանն ուր և իցէ , ա-
 նարգութիւն ինչ յանձին կալցի լռիկ , սակայն յիւ-
 րում սեպհական տանն ոչ հանդարտէ նաև դուզնա-
 քեայ ինչ տմարդութեան զոր ցուցցես նմա :

Եւ զազանք վայրենիք զգածեալք օրինօք բնու-
 թեանն յոյժ առաւել զայրանան և մոլին բռնութիւն
 կրեալք 'ի բուն 'ի դադարս և 'ի կաղաղս իւրեանց , քան
 եթէ խոցեալք արտաքոյ 'ի դաշտի կամ 'ի քաղաքի :

Եւ յաւի ինչ տնկակից է ամենեցուն՝ իրաւունք սեպ-
 հական բնակարանին իւրոյ , իբրու անքոյթ վայրի՝ զոր
 ընտրեաց որ առանձին յանդորրութիւն կենացն :

Եւ արդ՝ թէպէտ և Եստուած յանչափութեան էութեանն
 գրաւեալ ունի զամենայն վայր , և 'ի գերագոյն
 տէրութեանն ընդ բռամբ ունի զամենայն գոյակ ստեղ-
 ծական , սակայն և ոչ ուրեք երբեք 'ի վերայ երկրի կայ
 այնպէս կամ թէ գործէ իբրև առաւել տէր , քան եթէ
 'ի տաճարս և յեկեղեցիս՝ որ նմա սեպհականեալ
 տունքն են :

Եւ անշուշտ , նաև դուք ինքնին քրիստոնեայք , ո՞ր
 ուրեք այլ՝ բայց 'ի ներքս 'ի յարկիս սրբութեան հե-
 տեալք մտանէք 'ի հանդէս համախումբ՝ աստանօր
 ճանաչել և դաւանել զտէրութիւնն Եստուծոյ 'ի ձեր
 վերայ :

Եւ 'ի մէջ չքնաղ հանդիսից պայծառութեան եկե-
 ղեցականս պաշտամանց և արարողութեանց՝ որ այն իցէ
 առ ձեզ առաջինն և գերածայրեալն , բայց սպասարկու-
 թիւն մատուցման աստուածային և անմահ պատարա-
 դին : Եւ զինչ այլ իցէ պատարադն . բայց հանդիսական
 դաւանութի ժողովրդեան և քահանայից՝ անձնանուէր
 իւրեանց ծառայութեան և բոլորապտուղ հպատակու-
 թեան առ աստուածեղէն բնութիւնն՝ նուիրմամբ ան-
 մահ գառինն Եստուծոյ առ երկնաւոր հայրն :

Եւ մենայն ցուցակութիւն հանդիսից կրօնին , ըստ ո-
 րում ծնրադրութիւն , խնդրուած , ձեռնամաժութիւն ,
 բազկատարածութիւն , կոծել կրծոցն , և որ ինչ այս-
 պիսի , մարթ է զայս ամենայն 'ի դէմս բերել նաև յայլ

ամենայն տեղիս և առ այլ ոմանս . այլ զգերագոյն նուէր սուրբ և անմահ պատարագին՝ երբէք ոչ առ այլս , բայց միայն առ Մատուած . և ոչ այլ ուրեք՝ հասարակ կարգաւ՝ բայց ՚ի տան իւրում յեկեղեցւոյ արժան է ընծայել : Եւ թէ ՚ի յիշատակ ևս սրբոց իցէ երբէք կամ ՚ի յիշատակ հոգւոց ննջեցելոցն , այն ՚ի պատիւ միայն է առաջնոցն և յօժանդակութիւն վերջնոցն . այլ հոռութիւն ողջ աստուածային պատարագին՝ Մատուծոյ միայնոյ վերընծայի ՚ի փառս ամենազօր տէրութեանն : Մասաւի է մեծվայելչութիւն եկեղեցւոյս , և այսչափ շուք սեպհական տանն Մատուծոյ :

Եւ արդ աղէ ասացէք ինձ , դուք որ այնչափ իմն շուք և ակնսածութիւն պահանջէք տանց ձերոց՝ նաև ՚ի մարդոյ , որ քաղաքավարութեան սակս և եթ արասցէ զպալուստ իւր առ ձեզ և զայցելութիւն , քանի՞ն ապա տնիրաւութիւն , քանի՞ թշնամանք իցեն այսպիսի տանն և այսպիսի տանուտեառն ՚ի մարդոյ՝ որ ՚ի բուն իսկ ՚ի գործ պաշտաման երկրպագութեանն իւրոյ թերացեալ գտանիցի յակնածու յարգութենէն : Եւ քանի՞ն ևս առաւել՝ եթէ նաև ՚ի ժամու անդ ահաւոր խորհրդոյն՝ յորում տէր տանն ոչ միայն անդ մերձ կայ , այլ և ինքնին անդ պատարագի ՚ի փառս և ՚ի պատիւ տանն սրբութեան . յորում և զամենայն ազգի ազգի պատարագաց ընու զտեղի անսահման առաւելութեամբ միակ այս անմահ պատարագ :

Եւ սակայն ցայս վայր ասացեալքս յաղաղս մեծվայելչութեան և անձառիցն խորհրդոց տանս Մատուծոյ , թուի թէ քան ՚ի գեղեցիկ հրաւեր քրիստոնէութեան , առաւել ևս յահ և ՚ի զարհուրանս կրթին արդեօք եթէ ինքնին անձառահրաշ տէր տանս սրբութեան՝ ընդ ահարկու մեծվայելչութեանն չխառնէր զբաղցրութիւն հայրենի համբուրին : Բանգի գիտէ իսկ ինքն , եթէ ՚ի մէջ մարդկան միշտ ինքնաբուն հրաշիւքն կացեալ և երևեալ , վաղվաղակի նոյն կիրք ահրնկեցք պատահեսցեն ՚ի տունս տաճարաց իւրոց , որ ինչ անդ ուրեմն առ ստորոտով լերինն Սինայ . յորժամ առաջին այն ձայն ահաւոր տէրութեանն որոտացեալ , զամենայն ժողովուրդն առհասարակ ՚ի տագնապ անհրնարին արկանէր :

Ս ան որոյ և 'ի մէջ մարդկան բնակեալ է Մտուած 'ի տանս յայսմիկ, ոչ այնչափ իբրև տէր տան, քան թէ իբրև հայր խնամածու որդւոց . և խնդրէ 'ի մէջ աղօթս և խնդրուածս 'ի սմա, զի միշտ լսիցէ և միշտ բարերարեսցէ հայրաբար . “Տուն իմ, ասէ, տուն աղօթից կոչեսցի” : Եւ խնդրէ 'ի մէջ յորդուոցս առաւել զիղձ սիրոյ սրտին քան զերկիւղ ծառային :

Քանզի առ երկրաւոր թագաւորս՝ մինչև ցնշանախեց պատուոյն և յարգութեանն պարտ է աչալուրջ լինել . զի չեն նոքա բաւական թափ անցանել մինչև յիղձս ներքին իւրեանց ծառայից . պարտ է զի յարտաքնայարդար սպասարկութիւնսն միայն շատասցին : Եւ Մտուած՝ որ սրտագէտ է և տեսանէ զծածուկս, չէ ինչ սաստկապահանջ յարտաքինսն : Եւ սովին դարձեալ առնու նա 'ի մարդկանէ զյարգութիւն սիրոյ սրտին զճմարիան և զաներկեանս . քանզի հիմնացեալ և հաստատեալ է 'ի սէրն՝ զոր առաջին խնդրէ Մտուած :

Օ յարգութիւն զայս որդիական խնդրեաց Մտուած և 'ի Սողոմոնէ՝ որ զգերահռչակն կանգնեաց նմա տաճար . Ս 'ի երկնչիր, ասէ, մի երկնչիր . չեմ ես իջեալ այսր 'ի տաճարդ՝ զոր ինձ շինեցեր, յահարկութիւն որդւոց երկրպագուաց իմոց, այլ 'ի քաջալեր . բնորեցի, ասէ, և սրբեցի զտեղիդ զայդ . զի իցէ անուն իմ անդ 'ի յաւիտեան . և եղիցին անդ աչք իմ և սիրտ իմ : Մտանոր կամ ես բացեալ զձեռս . հայիմ յեկաւորն, և լեմ զաղաչաւորն . աչք իմ, ասէ, եղիցին բաց, և ականջք իմ բաց՝ լսել աղօթից առն որ աղօթեսցէ 'ի տեղւոյս յայսմիկ : Եւ թէ իցէ ինձ երբէք 'ի սրտմտութիւն բարկութեան պատուհասել զմեղս, փակել զերկինս երաշտութեամբ, ասականել զսերմանիսն, տալ յաւար ջորեկաց զհունձս նոցա, և կարկտահար աւերել զայդին նոցա, և աստանոր նոքա յիմում տաճարի գտանիցեն ապաստանարան անքոյթ յիմոց հարուածոց, աստանոր գտանիցեն նոքա միշտ առնութեւր զգթութիւն իմ և զողորմութիւն կազմ և պատրաստ որպէս 'ի թողուլ զմեղս նոցա, նոյնպէս և 'ի կարճել զպատուհաս նոցա : Եւ, ասէ, լուայց յերկնից 'ի վերուստ և քաւիչ եղէց մեղաց նոցա և բժշկեցից զերկիր նոցա :

Դստի հաստատունն այն կրօնասիրութեանն բարեպաշտութիւնն 'ի բրիտոնէութեանս, զի միշտ սովորեցան բրիտոնէայք 'ի հասարակաց աղէտան և յառանձնաւորան աներկեան հաւատով գիմել 'ի տաճարն Դստուծոյ, և յեկեղեցի միաբան հետեւել 'ի քաւարանն 'ի մաղթանս : Դստի և գեղեցիկն սովորոյթ առ նախնի բրիտոնէայս, թէպէտ և 'ի տարադէմ հեռաստանէ՝ դառնալ հայել յեկեղեցի կոյս 'ի կարդալ օգնականութիւն 'ի վտանգս անձանց . ըստ որում և օրինակն լի հաւատով բարեպաշտ իշխանին Սուշեղայ՝ 'ի տաղնապ մարտին 'ի բացուստ գէտակն ամբառնալոյ 'ի կաթողիկէն Սաղարշապատու յօգնականութիւն, և յաջողել 'ի քաջութեանն և յաղթել : Սապէս և ուղևոր՝ թէպէտ և 'ի խորս անտառաց հետամտեալ յաւազակաց յօգնութիւն կարգաց հաւատով զեկեղեցի և եզիտ : Օնոյն և նաւորդք ալէծուիք 'ի ծովուն՝ յուսահատք տաղնապեալք 'ի մրրկէ կարգան առ Դստուած և յեկեղեցի :

Դստ ամենայն հաւատոյ ճշգրտութիւն, եթէ 'ի տան իւրում մեծապէս ոնկնդիր է Դստուած ուխտաւորին իւրում, և առ ամենայն ազգ պաշտանաց կամակատար է Դստուած 'ի յարկիս յայսմիկ . “ Կանջք իմ, ասէ, եղիցին բաց լսել աղօթից մարդոյ՝ որ յաղօթս կացցէ 'ի տանս յայսմիկ ” :

Իբր ոչ եթէ յամենայն կողմանց աշխարհի չլիցէ բարձրեալն զաղօթս և զարտասուս ապաւինելոցն, այլ քանդի առաւել պայծառաւիայլ երեւի 'ի պաշտաման, նոյնպէս և ինքն սիրէ աստանօր պայծառանալ ևս քան զևս յառատաձեռնութեան : Տինա, և ասացէ ևս որ, եթէ Դստուծոյ յամենայն տեղիս բաց են աչք 'ի վերայ մեր, բայց յեկեղեցիս ոչ աչք միայն, այլ և բաց է սիրտ նորա . “ Օ ի եղիցին, ասէ, աչք իմ և սիրտ իմ անդանօր ” :

Իւր արդարեւ եթէ չէր նորա աստանօր սիրտ մեծ, իբր արդեօք հանդուրժէր տեսանել զալ ժողովել աստ 'ի տան իւրում այնչափ բազում և մեծամեծ մեղաւորաց, նաև յայնժամ՝ յորժամ ոչ 'ի խնդրել թողութիւն մեղաց դայցեն նոքա աստ :

Իջէ դու ցոյց ինձ, եթէ իցէ՞ ուրեք 'ի վերայ երկրի

դարպաս արքունեաց , ուր մուտս երբէք տայեն ապրստամբեւոցն 'ի Թագաւորէն : Ս'իայն եկեղեցի է վայր ապաւինի և ապաստանարան մարդոյ , որ պարտաւորն իցէ միանգամայն և մարդկայնոյն արդարութեան և աստուածայնոյն :

Իսկ որ հրաշալին է յաստուածային ողորմութեանն , զի առաւել իւրոց Թշնամեաց գալստեանն սպասեալ մնայ Մտուած յեկեղեցւոյ իւրում . ուստի և այնչափ հրաւէրս հոգեշարժս ըսելի առնէ նոցա միշտ 'ի բեմէ աստի և յամբիոնաց 'ի զղջումն և յապաշխարութիւն . նաև կազմ և պատրաստ յարդարէ նոցա և քահանայս ժիրաժիրս յատեան խոստովանութեան մեղաց և արձակման . առ այսոքիւք և այնչափ շնորհաբաշխութիւնս և Թողութիւնս առատաձեռնէ աստ նոցա 'ի զօրավիգն յաւուրս տօնականս եկեղեցւոյ :

Եւ Թուի ինձ իրաւապէս բանս՝ յազգութեանէ անտի գորովագութ բանին զոր ասաց . “ Եւ իմ և սիրտ իմ եղիցին անդանօր ” : Ս'ինչ զի Թուի Թէ իբրև 'ի դարանի ուրէք նստեալ աստ փրկիչն դէտակն ունիցի անդուստ 'ի խորանէն , ոյք ոմանք իցեն՝ որ մտանիցեն այսր . և եթէ յանկարծ յակն արկանիցէ 'ի խռան զայրն զայն կամ զկինն զայն՝ որոց ինքն է սրտագէտ , 'ի խընդութենէն սիրտն վազիցէ , իբրու արդէն իսկ ունել զորսն 'ի բռին , որպէս ունի 'ի տան իւրում : Վանգի և վասն այնորիկ Թոյլ տայ մտանել 'ի տունն և հրաւէր ևս բազմապատիկ կարդայ զի շահեսցի զնա : Բաբէ անձառելի սիրոյն և հայրենի խնամոյն :

Ի սոյն նպատակ , ասացէ որ անշուշտ , և մեծն այն հայր զԹած և որդեսէր Վաւիթ Թոյլ մինչև 'ի ներքս 'ի տուն իւր տայր ապստամբ որդւոյն , ամոքել զնա 'ի խոստութենէն և միւսանգամ զհայրական համբոյրն տալ նմա . “ Եւ իբ , ասէր , արիք փախիցութ , փութասցութ ելանել ” : Եւ առ իմէ է փախուստդ , հզօր Թագաւոր , մինչև մխեալ 'ի տուն քո ապստամբ զաւակին : — Ոչ փախուստ է , ասէ , 'ի պատերազմէ . այլ հանդէս է սիրոյ և քաղցրութեան . ոչ փախուստ է 'ի պատերազմէ , այլ փախուստ 'ի յաղթութենէ . մի յանկարծ 'ի յաղթել իմում , վերջացայց ես 'ի սպառ 'ի շահելոյ զնա և 'ի համբուրելոյ զնա . Թող եկեսցէ նա , մխեսցի մինչև

ի մարդակ տանս . ո՞ գիտէ , եթէ մինչ նա խորհեացի յաղթել հօրն , ոչ յաղթեացի ինքն ի հայրենի տանէն : (Թող եկեսցէ , տեսցէ ուր ծնաւ ինքն , ուր սնաւ , ուր աճեաց ի մէջ գգուանաց հայրենի բազկացս : Ստեալ ի տուն յայս իբրեւ թշնամի , ոչ կարացցէ ոչ յիշել՝ եթէ եղև երբեմն որդի : Անշուշտ հասեալ նա մինչև ի գահոյս իմ յայս , անկցին զէնք ի ձեռաց նորա , յուշ ածցէ եթէ քանիօն ներեալ է իմ նմա ի գահէ աստի , քանի և համբոյր հայրենի տուեալ եմ նմա : (Թող եկեսցէ Աբեսողով . զի եթէ պատերազմող խնդրէ և ի Վաւիթ , նա արտաքոյ է տան . իսկ թէ հայր խնդրէ , և ողջոյն ընդ ամենայն խորշս տան հանդիպեացի նմա : Այս գեղափայլ պատկեր գթութեանն Վաւիթի ի շահել զապստամբ որդին : Իսկ դու քանիօն ապա առաւել կարծեսցես զամենաբարւոյն Աստուծոյ զգիջումն և զգթութիւն առ ապառուս և ապստամբ որդիս իւր՝ ի ներել նոցա քաղցրութեամբ մտանել կոխել զսեամս սրբութեան տան իւրոյ , զի թերևս ամոքեալ որսասցին ի կամս նորա :

Վանդի ոչ այնչափ իբրև տէր արդար կամ ես աստանօր , ասէ Աստուած , որչափ հայր գթած : Աստանօր ողորմութիւն իմ միայն կայ ինձ առննթեր՝ Ժողովել ընդունել զթշնամիս իմ . . . և քաջ իսկ գայ աւաղիկ մտանէ այսր մի ոմն ի նոցանէ . այլ բա՛բէ , քանի ծանրացեալ տեսանեմ զնա ի զէնս և ի մեղս . այլ թող եկեսցէ և մերձեսցի . զի և շնորհք իմ նմա սպասեալ մնան ի տանս հայրենի , որոյ մարդակք և որմունք ամենայն՝ վայելուչ երանգօք ներկեալ են սիրով : Սթէ հնար ինչ իցէ չունել նմա և զոյզն նշխար մի սիրոյ ի սրտի առ հայրն զոր անկուշեաց : Ո՞ գիտէ , թերևս հանդէսք կրօնի գիմակ գիմակ՝ զոր տեսանէ աստանօր , շարժեսցեն ինչ զնա . տեսցէ զաւազանն սրբութեան յորմէ վերածնաւ նա շնորհօք վասն երկնից . յիշեսցէ զսպիտակափառ հանդերձ զանմեղութեանն՝ զոր ի մկրտութեանն արկի զնովաւ : Տեսցէ զվայրն՝ ուր ինքնին նա խնդրեաց երբեմն առնել ջերմապէս զխոստովանութիւն մեղայն , և ընկալաւ յինէն թողութիւն . նա զիս սիրեաց յայնժամ , և ես զգգուանաց համբոյրն ետու նմա ոչ մի անգամ : Տեսցէ զսեղանն սրբութեան

Հաղորդութեանն . յորմէ զիսն ճաշակեալ բազում անգամ 'ի կերակուր և 'ի բաժակ անմահութեան՝ ոգեխառնեցաւ ընդ իս սիրել զիս զամենայն աւուրս կենաց իւրոց . . . :

Եւ արդ աղէ եթէ և այսչափ մարդասիրութեան գգուանք առ ապստամբ որդիսն 'ի դերև ելցեն , զինչ եղիցի այնուհետև յորժամ ոչ սիրոյն ինչ երես արասցեն նոքա հօրն , և ոչ յարգութեան ինչ շուք ընծայեսցեն առ տուն բնակութեան նորա . այլ և 'ի նմին իսկ 'ի հայրենի տանն՝ իբրև զՂբիսողում վայրենասցին ընդդէմ ծնողին :

Օ ինչ եղիցի , ասեմ , այնուհետև . . . : Հարցէք զՂբեսողում , որ քաջ գիտէ . . . : Հնապա Յովաբ . . . : Ի ծայրն աւասիկ եհաս ամբարշտութիւնն . . . :

Ուր փախչիս ապստամբ զաւակ . . . : Ուր անձնապուր տեղի տաս մտանես 'ի Թաւս մայրեաց . . . : Վեզ անդ ծառք աւաղիկ սպասեալ մնան 'ի խեղդան և 'ի կախաղան . " Եւ էառ , ասէ , Յովաբ երիս նետս , և եհար 'ի սիրտն Ղբեսողումայ . . . " :

Ս ասն ձեր ո՛ր մեղանշականք տանն Ղստուծոյ , վասն ձեր , ո՛ր սեղանակապուտք , վասն ձեր աւաղիկ 'ի կախ ընդ օդս տատանեալ կայ դէշն անկենդան , սոսկալին այն յաղթանակ աստուածային վրէժխնդրութեանն :

Վաւ , չասեմ ես , եղբարք , եթէ յայնպիսի սեղանակապտիցն իցէ ինձ որ այսօր առննթեր՝ եթէ յարանց որ իցէ եթէ 'ի կանանց . չկարեմ և ոչ ընդ միտածել անգամ զոր յայնպիսեաց անտի 'ի մէջ համագումար իմոց բարեսպաշտ և եկեղեցասէր ունկնդրացս :

Եւ սակայն այր այր իւրում անձին գիտակից՝ սրտին իւրում դատաւոր կացցէ . հայեսցի անաչառ , զոր խորհի և զոր միանգամ գործէ 'ի կեանս իւր . . . : Ղստ է միշտ Ղստուած 'ի տան իւրում , աստ լէ նա , աստ տեսանէ զամենայն : (Թ)էպէտ և յամբիոնաց աստի ձայնք լեցեն աւետարանին քարոզաց ընդդէմ անարդուաց տանն Ղստուծոյ , և առաւել քան զամենեսին ես ինքն լեցից իբրև առաւել անպատկանաւոր յաստուածային սպասաւորութեանս . զինչ օգուտ 'ի հասարակ լուծեմէն պաշտօնէիցն Ղստուծոյ , յորժամ ինքնին Ղստուած անդուստ 'ի սեղանոյն ահնակէց որոտացի մար-

գարէիւն . “ Ս’ի թէ անր աւաղակաց եղև տուն իմ, ասէ տէր .” :

Ես, ես եմ, ես տեսի, ասէ տէր : Համարիցիք թերևս եթէ չտեսի ես աստանօր ’ի տան իմում զանարկել զայդ յօնիցդ զժպիրհ և զապերասան, զհայեցուածդ զայդ դժպիհ և զարատ, զժպտելդ զայդ ընդ քիմս լի չարութեամբ : Արծիցէք, ասէ տէր, եթէ ոչ խորամուխ սրտագէտ ձեր իցեմ ’ի ներքինս խորհրդոց ձերոց, ’ի թերահաւատութեան կարծեաց ձերոց, յամպարշտութեան միտսդ, յանմաքրութեան ’ի կիրսդ . ես տեսի, ես տեսի, ասէ տէր :

Վիտեմ, յինչ միտս դժպատեհս ժտեցեր դու այսօր զալ կոխել զսեամն սրբութեան տան իմոյ . զինչ խորհուրդք իցենք քո այդչափ անարժան հանդերձանօրդ այդ զարդու ’ի զալ մտանել քո աստ ’ի տօնախմբութիւնս հանդիսից . ես տեսի, ես տեսի : Վիտեցի զամենայն զգնացս քո աստանօր, զշարժել քո, զնստել քո, զբարբառել քո . աչք իմ բաց են աստանօր յամենայն, և ականջք իմ բաց են աստանօր ’ի լսել զամենայն . ես տեսի, ես գիտացի զամենայն, ասէ տէր . . . : Եւ արդ անս իցէ շուք և անս յարդութիւն զոր մատուցանէք տաճարի տեառն ձերոյ . և անս սէր զոր ցուցանէք տան հօր ձերոյ . . . : Տեսի շատ, ժուժկալեցի շատ . . . կարծիցէք արհամարհօրք, եթէ պակասեցան ’ի սպառ ’ի տանէ իմմէ երկիւղածք, ակնածութեալ և չբաղիրք : “ Առեցի զհզօրս իմ ’ի բարկութեան իմում .” : Հապահրեշտակք, առէք զէնս . ինդրեցէք, գտէք ինձ զապրտամբդ զայդ . հարէք ’ի սիրտ սլաքս երբեակ ’ի վրէժխնդիր երեքսրբեան տէրութեանս, զոր դա աստանօր թշնամանեաց : Վանիօն երկայնամտեաց մարդասիրութիւն իմ առ քեզ . ես աստ ’ի տան իմում ոչ մնայի կորուսանել, այլ փրկել զքեզ . ինքնին տունդ հայրենի ոխերիմ ընդդէմ ապառուսորդւոյդ բողոք հարկանէր : Օ իմրդ դու այլ ուրեք արտաքոյ յանցաւոր, աստ վաղէիր յապաւէն փախուցեալ յեկեղեցի . և արդ յեկեղեցւոյ ևս պարտաւոր գտեալ քո, ո՞ւր այլ ուրեք իցէ քո վայր ապաւինի կամ ատեան քառութեան վառն քո : Վու ինքնին փակեցեր զամենայն դուռնս ընդդէմ չորհաց . . . :

Լ. յլ բաժէ, տեսանեմ ես տակաւին 'ի սրտի զի հայր եմ, ահա քեզ շաւիղ 'ի փրկաւէտ յայս կող որ բա ցաւ վասն քո : Գոյ քեզ տակաւին յապաստանարանիս յայսմիկ՝ յոր մեղար, այլ ապաստանարանս և ապաւէնս փրկութեան . . . : Լ՛հա մայրն իմ և մայր քո . « Լին դու, ահա որդի քո » . և քեզ որդեակ, « Լ՛հա մայր քո » : Սայր ապաւէնս միակ փրկութեան, դուռն երկնից, և ճանապարհ արքայութեան : « Լարձրասցի պատիւ նորա քե, և ցուցցի փրկութիւն քո նուաւ » : Խոստովանեա ինձ զղջմամբ՝ զոր գործեցեր զմեզսն . տուր ինձ զսիրտ քո միւսանգամ զոր յինէն բարձեր . զուք զյարգութիւնդ՝ զոր ցայս վայր տան իմում զլացար :

Ո՛վ, բանք քո այդ զսիրտ իմ խոցեն, Լստուած իմ Յիսուս : Լրդ ճանաչեմ, արդ իմանամ, ուրանօր իցեմ : Ղանաչեմ զսրբութիւն տան քոյ, զոր պղծեցի բազում անգամ . « Լրդարե ոչ այլ է տեղիս այս, բայց տուն Լստուծոյ և դուռն երկնից . և ես ոչ գիտէի . . . » : « Ո՛վ երկնանման եկեղեցի սուրբ, ուրախ լեր վէմսպատուական, հովանի մեր և յոյս » : « Լրդարե սուրբ է տեղիս այս . և ոչ է, բայց տուն Լստուծոյ և դուռն երկնից, և ես ոչ գիտէի » :

ՄԱՍՆ Բ .

Յոյժ ցանկալի էր ինձ, սիրելիք, 'ի զօրութեան քարոզիս տպաւորել 'ի սիրտս ձեր շուք մեծայարգ և պաշտօն արժանի և սէր վստեալ առ այն՝ որով տունս այս է ճշմարտապէս տուն Լստուծոյ, առ աստուածայինն ասեմ և անմահական խորհուրդ սեղանոյ 'ի տաճարիս . որով տէր Յիսուս զաւետիս քաղցր խոստմանն արդիւնացուցանէ մեզ զօր ամենայն լինել միշտ ընդ մեզ . « Աս ընդ ձեզ եմ, ասէ, զամենայն առուրս մինչև 'ի կատարած աշխարհի » :

Լրդ եթէ Լստուած ընդ մեզ է միշտ, առ իմէ և մեք ոչ եղիցուք ընդ Լստուծոյ միշտ : Օ՛ր է մեզ այնչափ դուռն ուրեք յանդիման լինել երեսաց նորա 'ի տա-

Ճարիս . ընդէր է մեզ ընդ այնչափ ժամն առուին [Թռ-
ղուլ զնա միայնակ :

[Զէ մատիք ստէպ առ տէր և առէք զլոյս . մտէք
ստէպ ընդ յարկաւ սքանչելեաց տանն [Կտուծոյ , և
զհանապազօրեայս զայս լոյս ճրագի տեսեալ աստ միշտ
վառ և բորբոք առաջի նորա , մինչև զակն արկեալ 'ի
զարդս տաճարիս , երկիր պաղէք սիրով 'ի սրահ սրբու-
թեան նորա . ոչ այնչափ իբրև երկրպագու հաւատա-
ւոր , քան [Թէ որ ակներև յանդիման իւր տեսանիցէ
զ[Կտուած իւր և զտէր , և ընդ նիւթականին հրոյ միշտ
անշէջ սիրովն վառեսցէ զսիրտ իւր :] Երձեսցի առ նա
ժողովեալ մտօք , երկիւղած սրտիւ , յարդարուն ան-
ձամբ յամենայնի , 'ի զգեստ , 'ի զնացս , 'ի զիրս , 'ի
շարժմունս , 'ի հայեցումս :

[Բաբէ , քանի՞ն ակնածութեան և պատկառանաց
և շրոյ և երախտադէտ սրտի պէտք իցեն 'ի հաւատալ
անդ և 'ի զիտել մեր , զի մեծվայելչութիւնն [Կտու-
ծոյ աստանօր օթադայեալ է , որոյ կամքս առաջի՝ ան-
քթիթ պատկառանօք 'ինա յառելով որպէս զակն , նոյն
պէս և զսիրտ :

[Եւ եթէ այսպէս , իսկ ապա որպիսի ինչ պարտ իցէ
մեզ լինել , յորժամ քաց 'ի հիւրընկալութեամբ ժողո-
վելոյ զմեզ 'ի տուն իւր , հաճեալ խոնարհեսցի մեծն
[Կտուած գալ մտանել և 'ի մեր տուն 'ի սենեակ սրը-
տից մերոց , և անպատում հոգեխառնութեամբ միա-
նալ ընդ մեզ հաղորդութեամբ անապական ճաշակմանն :

[Բանդի յորժամ [Կտուած ինքնին հանդերձեալ
է եկաւորիլ 'ի մեզ , զմտաւ ամ որպիսի ինչ օթե-
վան սուրբ և անարատ խնդրէ նա 'ի մեզ :] Ի եթէ
վասն նիւթականին միայն տեղոյ ճաշակման գառինն
խնամով պատուիրեաց , « Գտանիցէք , ասէ , վերնա-
տուն մի մեծ զարդարեալ , զմտաւ ամ՝ որպիսի ինչ
տաճար փառաց իւրոց լի ամենայն մաքրութեամբ խըն-
դրեսցէ վասն առ 'ի ներքս 'ի մեզ ընդունելութեան .
և որպիսի ինչ սենեակ սիրոյ իւրոյ 'ի սրտի մերում անձ-
կով տարիման զարդարեալ , յորում շնորհք փայլեսցեն ,
յորում հոտ անմահութեան դրախտին [Կտուծոյ բու-
րեսցէ :

[Բայց սոսկումն զիս աստանօր ունի , եղբարք , և ար-

Հաւիլք անհնարինք, յորժամ օթեւանս պատրաստեալ իւր գտանիցէ նա բազում անգամ ոչ անդարդս միայն, այլ . . . աւաղ . . . նաև փոշելիցս և տղմաշաղախս, և « Դմաքրապէս մերձեցողս յաստուածային կայծակունան՝ որ սրովբէից անհպելին է, » ունիցի Վրիստոս ՚ի տաճարիս, ոչ հաղորդեալս՝ քան թէ պարտապանս իւրում խորհրդոյ մարմնոյ և արեան, յամենայն վիճակէ միանգամայն՝ որ քրիստոնեայ անուամբն և որ Վրիստոսին սպասաւորութեամբն պարծիցին :

Յիշատակ անմոռաց ունիմ միշտ զսրբոյն զայնորիկ զբանն, որ յողոց հանեալ ասէր . Բաբէ, եթէ ընդ միոյ միայնոյ հաղորդութեան կամ պատարագելոյ սատիկ է քննութիւնն և համարն առ Բստուծոյ, զինչ լինիցի վասն հաղարացն . ահ մեծ է, ասէր, անկանել ՚ի ձեռս Բստուծոյ կենդանոյ :

Եւ արդ որպէս առաջինն և մեծն յանպատուութեան և յոտնհարութեան տանն Բստուծոյ, է անարժանութեամբ մերձենալ յԲստուած՝ որ բնակեալ է ՚ի տանս յայսմիկ, այսպէս և առաջինն և մեծն ՚ի շուքն և ՚ի յարգութեան տաճարիս, է արժանապէս և մաքրութեամբ մերձենալ ՚ի բնակիչն նորա : Օ ի որ սիրէ և պաշտէ զբնակիչն, սիրէ և պատուէ զեկեղեցի զբնակարան Բստուծոյ . և որ սիրէ զեկեղեցի, սիրեսցի յեկեղեցւոյ :



ՔՆՐՈՉ ԻԹ

Մ Ա Հ

« Ո՛վ մահ, զիմորդ դասն է յիշատակ քո »
« Յիշես զվախձան քո, և յաշխտան ոչ մեղիցես » :

Յուշ միանգամ ածեալ քո, ո՛վ մարդ, զկեանսդ զոր մեղօք անցուցեր և անցուցանես, 'ի լեւել քո այսօր 'ի բեմէ աստի զաստուածասաստն պատգամ, զինչ արդեօք 'ի քո միտս և յիմս նկարեցէ հանդէս քարոզիս. զինչ այլ. բայց թէ զքեզ կարծեւ Վինուէ մեղան չախն, և զիս գութաբեր Յովնան սատակման մահուն ազդարար :

Վանզի, « Լքի և դու, ձայն և ինձ հնչեաց 'ի վերուստ, արի և դու դնա 'ի Վինուէ քաղաք մեծ, և քարոզեսցիր 'ի նմա. » : Օ ինչ... « Լհա երեք աւուրք, և Վինուէ կործանեսցի. » : Լստուածային էր պատգամն, և զիմորդ չառնու զկատարումն : Ոչ երեք աւուրք, այլ և բազմահարուստ անցին ժամանակք, և Վինուէ ոչ կործանի : Վիտաց ամբարիշտ քաղաքն զազատութիւնն տուեալ նմա յԼստուծոյ. զի կամ ինքն կործանեսցէ զմեղս իւր, կամ ինքն կործանեսցի 'ի մեղացն :

Իսբէ փրկաւէտ գութին. զիմորդ այնպէս հզօրացաւ 'ի սիրտ լեւելացն : « Լհա երեք աւուրք և Վինուէ կործանեսցի... » : Ո՛վ գեղեցիկ կործանմանն, զիմորդ այնպէս փոյթ և յառաջ քան զերիս աւուրսն՝ արդիւնացաւ 'ի կատարեալ ապաշխարութենէն :

Լսչափ ուրեմն զօրաւոր ազգումն մահու 'ի յորդուրել զմարդ , զի և աստուածայնոյն յաղթել պատգամին յայնժամ . և այնպէս իմն հնարագէտ հապճեպ անձնապուր լինել 'ի ներքուստ ձեռին աստուածային արդարութեանն , որ անդ մօտալուտ առ դուրս փայլակնա նացայտ սուր շողացուցանէր :

Յաւելից ուրեմն և ես դարձեալ յառակին իմում .
 “ Ի՞նչ մահ , զիմարդ դառն է յիշատակ քո ” : Լսո . այլ զիմարդ և զօրաւոր միանգամայն և քաղցր է պտուղն 'ի յիշատակէ դառնութեան քո :

Վանգի և այս ձայն յովանեան գուժին ազդեալ զարդիս և առ քաղաքս քաղաքս քրիստոնէից և առ իւրաքանչիւր բնակիչս , եթէ “ Կործանեսցի ' ինուէ , և մարդ 'ի հող իւր դարձցի ” , սքանչելագործ յամենայն 'ի դարս , չարագործս քանիս զանհնարինսն 'ի մարդիկ՝ սարսեաց և դարձոյց : Ը կարացին յուշ միանգամածել սերտիւ , եթէ մահկանացուք են , և ոչ կարացին երբէք չխորհրդածել իմաստութեամբ՝ եթէ պարտին ուրեմն պատրաստիլ 'ի մահ ապաշխարութեամբ :

Իսկ արդ եթէ այնչափ է զօրութիւն յիշատակի մահուն , և առ ինչ ապա յայս յիշատակ կենսառիթ ոչ յառեսցին մեղաւորք . զի է զի և քրիստոնէայք յորդորակ առ 'ի հեթանոսացն ' ինուէացւոց ապաշխարութենէն ոչ առցեն յանձինս :

Լսլ դու , ո՞վ տէր , որ զմերն պատուհաս զմահ՝ 'ի դեղ դարմանոյ իմաստութեամբ շրջեցեր մերոց յանցանաց , դու հովանի 'ի խաւար խորհրդոց մերոց ծագեսցես զոյս երեսաց քոց : Եւ առաջի քո մերձեսցին խնդրուածք մեր , և ըստ բանի քում իմաստուն արասցես զմեզ : “ Եիշեա զի ձեռք քո արարին զմեզ և ստեղծին . յիշեա զի կաւ ստեղծեր զմեզ , և յերկիր միւսանգամ դարձուցանես զմեզ ” : Եյս ուրեմն տացես աչաց խորհրդոց մերոց , տէր , 'ի կենսառիթ յիշատակ մահուն մերոյ . զի յորժամ ննջեսցուք , 'ի քեզ տէր՝ և մի երբէք ննջեսցուք 'ի մահ :

Եւ յայս իմաստ աւաղիկ սիրելիք՝ զհանդէս կրկին զահագինն մարդոյ մեղաւորի՝ զմահն ասեմ և զապաշխարութիւն , սքանչելի օրինակաւ քաղցրացուցանէ աս-

տուածային Հոգին : Վանգի մարդասէր դժու թեամբն
 ոչ յայլ ինչ յուշ առնէ մեզ զմահն , բայց 'ի հրաւիրակ
 մեզ յապաշխարութիւն . դարձեալ և ոչ յայլ ինչ հրա-
 ւիրէ յապաշխարութիւն , բայց 'ի քաջալեր մեզ ընդ-
 դէմահագին մահուն : “ Ով մահ , ասէ , զիմորդ դառն
 է յիշատակ քո , ” . ահա հրաւիրակ յապաշխարութիւն :
 Եւ “ Յիշեա , ասէ , զվախճան քո . և յաւիտեան ոչ
 մեղիցես , ” . ահա քաջալեր աներկեան ընդդէմ մահուն :

Ուստի և առաջարկութիւն քարոզիս կրկնակի է :
 Ուաջին՝ խօսեցայց զիմորդ օրինակաւ արժան իցէ մեզ
 յիշել զմահն , որպէս զի հրաւեր ուժգին լիցի մեզ այն
 յապաշխարութիւն : Երկրորդ անգամ՝ զիմորդ օրինա-
 կաւ արժան իցէ առնել զապաշխարութիւնն , զի քաջա-
 լերութիւն լիցի մեզ այն ընդդէմ մահուն :

ՄԱՍՆ Ա.

Սուրբ իմն , սիրելիք , ոչ ինչ դժուարին՝ այնպէս յիշել
 զմահն , զի պտղաբեր լիցի մեզ յապաշխարութիւն :
 Վանգի 'ի միոյ կողմանէ աստուածային է պատգամն ,
 եթէ որ յիշէ զմահն , այն որ ազգեցութիւնս տպաւո-
 րագոյնս բնաւորեցաւ հաստել 'ի սիրտ մարդոյ , զերծ է
 'ի մեղանչելոյ . “ Յիշեա զվախճան քո , և յաւիտեան
 ոչ մեղիցես , ” : Իսկ և 'ի միւս կողմանէ , մահն հանա-
 պազօր գոգցես ամենայն ուրեք պատահէ աչաց մե-
 րոյ . կէս մի 'ի լուր զարթուցեալ , և կէս մի 'ի տես
 հանդիպեալ . կէս մի յայց գերեզմանատանց , և կէս
 մի 'ի յուղարկաւորութիւնս անդուս ընդ փողոցս հան-
 դէպ տանց մերոյ . զի և չկարեմք չյիշել չխորհրդա-
 ծել ստեպ : Եւ սակայն յայնչափ տեսութեանն , յայն-
 չափ յիշատակէն , նոյն եմք մեք և զնոյն կոխեմք շաւիղ
 'ի վարս և 'ի լաւագոյնս չնկրտիմք :

Եւ արդ զի՞նչ պարտ իցէ մեզ ասել աստանօր : Ս'ի
 եթէ մահն այնչափ ամենայն ուրեք ընդ առաջ ելեալ
 մեզ մարթիցի արդեօք 'ի մոռացօնս ինչ լինել 'ի մարդ-
 կանէ , այլ ընդդէմ է այս հասարակ կարգի բնութեան ,

Ս'ի եթէ թէպէտ անմոռաց ևս յիշեսցեն , սակայն և այնպէս ազատօրէն բերցին դարձեալ 'ի մեղանչել : Այլ և այս ընդդէմ ելանէ աստուածային պատգամին :

Վաւ քրիստոնեայք , ոչ սխալէ Մտուած 'ի պատգամս իւր . մեք եմք որք վրիպիմք ստէպ 'ի խորհուրդս և 'ի կարծիս մեր : Չասաց Մտուած լոկ . յիշեալ վախճան . այլ յիշեալ զվախճան քո : Ո՞ ժխտեսցէ երբէք , եթէ մեք չյիշիցեմք ստէպ զմահն , սակայն ոչ զմերն : Մշուշտ է , եթէ և յոր կոյս դարձուցանեմք զաչս , ընդ առաջ ելանէ մեզ յիշատակ նորա . այլ մեք 'ի խուսել 'ի զօրութենէ անտի նորա , այն ինչ յիշատակ նորա ծնանի 'ի միտս , անդէն վազեմք զնովաւ , և զխորհուրդս մեր դարձեալ զբաղեցուցանեմք յայլ ինչ իրս , առանց մերձեցուցանելոյ 'ի մեզ ինքեանս : Ուստի և իրաւապէս կշտամբէր ոմն 'ի սրբոցն զմարդիկ՝ աւելով . “ ‘Չիք ինչ՝ զոր այնպէս հանապազօր տեսանեն մարդիկ , որպէս զմահն . և չիք ինչ՝ զոր այնչափ մոռանան մարդիկ՝ որպէս զմահն ” :

Եւ արդ քննեսցուք ճշգրտիւ . զիարդ օրինակաւ բազմագոյնք 'ի մարդկանէ յիշեն զայն և խորհրդածեն . . . : Մտուած աւագիկ ոմն իմաստասիրելով յազապս մահուն , մեծապէս է ինձ , ասէ , ազդումն այն գրոց՝ զոր ընթեռնում 'ի ծնունդսն յաղապս երկայնակեաց նահապետացն : Վէպք եօթն , կէսք ութ հարիւր ամն , կէսք ինն , և դոզցես հազար ամն կեցեալք յաշխարհի , և ամենայնին զհետ բերէ գիրն զմահահամբոյրն զայն բառ , “ և մեռաւ ” : Ինն հարիւր և երեսուն ամ եկաց Միամ և մեռաւ . իննհարիւր երկուստս ամ՝ Սէթ , և մեռաւ . հանդերձ այլովք բազմօք մինչև 'ի Սաթուսաղայ , որ զոգ հազար ամ կեցեալ , սակայն և նա մեռաւ : Բաբէ , ասեն , քանի՞օն համառօտեցան մեզ կեանքս . քանի՞ իցէ անջրպետն ընդ ութ հարիւր և ընդ ութսուն :

Եւ ապա իմաստասիրաբար քննութիւնս առեալ զբաղեցուցանեն զխորհուրդս . Օ՛ ինչ արդեօք , ասեն , պատճառքն իցեն այնչափ քաջակազմութեան մարմնոց նոցա և այնչափ երկայնակեցութեանն . զի՞նչ կերակուրքն՝ յորոց առնուին . և զի՞նչ այն բանջարքն զօրաւորք . կամ որ հիւանդութիւն , որ ախտ , յորմէ մեռա-

նէին նորա : Օ խորդ այնպէս յանկարծ յետ ջրհեղեղին կեանք մարդոյ յիննհարիւր ամաց վայրաբերեցան ի չորեքհարիւր և յերեքհարիւր ամս . և ապա սահմանափակ անձկացաւ ի հարիւրն , զոր և հաղիւ ուրեք է տեսանել :

Եւ ապա սկսանին քննողաբար խորամուխ լինել ի հաշիւս տարբերութեանց կլիմայից , և աստեղաբաշխական զննութեանց , և թուոյ նորածնելոց մարդկան , և աղղեցութեանց օդերեւութիցն , և արգաւանդութեան հողոյ , և բիւրուց ևս դիպաց՝ որ ի տիս հասակաց մարդոյն , որ ի զանազանութիւնս աշխարհաց , որ յայլևայլութիւնս դաւառաց , այլովքն հանդերձ :

Եւ հաւաստիկ պտղաբերութիւնք ի կենսաւէտ յիշատակէ մահուն . ահաւաստիկ քեզ խոկումն փրկաւէտ ի նորոգութիւն վարուց ապականութեան : Օ խորդ այնպէս օգտաշահ յիշատակն մահու երթեալ ընկղմեցաւ և անհետացաւ ի խնդիրս անպտուղս հողոյն , և յառաջարկութիւնս վայրապարս և տատամեցուցիչս : Եւ յայլ իցէ յիշատակ մահուն , զոր խնդրեաց Մտուած յասելն , յիշեալ ո՛վ մարդ , և յաւիտեան ոչ մեղիցես :

Իսկ և այլ ոմն անդուստ յիշատակ արարեալ , ես ասէ ի ճառ մահուն ոչ գտանեմ մարդ , որ ճշգրտագոյնս կենդանազրեալ իցէ զմահ իբրու զՅովք , որ պատուհաս արքունի կոչելով զնա՝ իբրեւ աշխարհակալ արքայ տիեզերաց նկարէ մեզ զմահն . “Արեւիցէ , ասէ , մահտարաժամ զգեղեցկութիւն նորա . . . հասցէ նմա տաղնապաւ պատուհաս արքունի” : Օ ի և տիրապէս է իսկ մահն տէր բոլորից . չիք նմա ընդդիմակաց . մտանէ , տիրէ , վանէ . մտանէ ի ճակատամարտս , ի բանակս , և յաղթէ . մտանէ յարքունիս , փոխէ զտեարս , փոխէ զտէրութիւնս . սահմանադիր է արքայութեանց և արքայից . և մակդիր ունի՝ արքայից արքայ . “հասցէ տաղնապաւ պատուհաս արքունի” :

Օ այս օրինակ և սա յիշատակ արարեալ զմեծադործութեանց միայն զմահուն , պտուղ անձին և ոչ մի քաղէ ի զգաստացուցիչ յիշատակէն , այլ առեալ զխորհուրդս մտացն դեղերեցուցանէ ի սրտամութիւնս վաղընջուց արքայութեանցն . Ո՛վ մահ , ասէ , ո՞րք երբէք ընդդէմ եկաց զօրութեան բազկի քո . ո՞ պատուհաս

արքունի, որ և ոչ զհետս թողէր զարքայիցն, ոչ զարքունեացն միայն՝ այլ և ոչ զնոցուն շիրմաց։ Ո՛ր իցէ այսօր խորեոցն պետուի, ո՛ւր Պարթևացն և Սարացն, ո՛ւր Պարսիցն նախնեաց, ո՛ւր Հռովմայեցւոցն . . . : Փոխեցեր զնոսա, և զայլն բազմեցուցեր. 'ի չիք դարձուցեր զհինսն, 'ի չիք դարձուցեր և զնորսն։ Վախճան առցեն ամենայն մարդկայինքս, և յաւուր միում յաղթա նակող քո ոտն կոխան արասցէ զընդհանուր տիեզերս։

Եւ յսպէս նա ընդ մահն բացադանչեալ, ապա և հետաքնին ևս եղեալ ապագայիցն լինելու թեան, իբրուհարցանէ ընդ աշակերտացն. “Երբ արդեօք լինիցին այդոքիկ, և զինչ նշան իցէ վախճանի աշխարհիս”։ Հայտարիկ և 'ի բիւրս այլ խորհրդածեալ նա 'ի ճառմահուն, այսբանեօք միայն յիշատակ առնէ զնորա. տիտիեալ 'ի պատմութիւնս գործոց նորա զոր գործեաց և զոր գործեացէ, խոյս տուեալ հանապազ՝ որպէս ասացի՝ 'ի զօրութենէ անտինորա, զոր ինքնին փրկաւէս յիշատակ նորա բնաւորեալ է տպաւորել յայր մտաւոր 'ի նորոգութիւն կենաց և վարուց։

Իսկ և այլ ոմն ընդ Եղեկիէլի երթեալ չրջի 'ի գերեզմանատունս, և 'ի դաշտին տեսեալ զխաղաղակոյտ ոսկերացն և զգրահանս զգանկից կառաւորանցն և զկմախիցն, յապուշ հարեալ հարցանէ. աւանդ, զինչ ոսկերքդ իցեն, և ոյց արդեօք։ Ո՛ր իցէ կառաւին, ոյր բազուկքն և ոտքն. ո՛ր աւագ առն և իշխանի և զօրավարի. “Որդի մարդոյ, մարգարեաց 'ի վերայ ոսկերացդ այդոքիկ”։ Եւ յաջափ ինչ միայն դեգերի և սա 'ի խորհուրդ մեռելոցն, և յայս չափ միայն յանգէ ողջոյն զյիշատակ մահուն։

Իսկ և այլ ոմն ընդ Վանիէլի գնայ ընդ յատակ տիեզերաց, խարբալէ ցանէ զմոխիրն, և ծածկէ ողջոյն մոխրացան զամենայն ուղիս մարդկան, ճանաչել 'ի հետոցն զնոսա. Հայեաց, ասէ, և տես, ոյց հետք իցեն այդոքիկ, նշանակք են կէսք տղայոց, կէսք պատանեաց, կէսք կատարեւահասակ մարդոց. կաց, հայեաց և զննեա. ահա հետք արանց և կանանց, ահա հետք մանկանց։ Եւ սա ևս այսբանեօք շատանայ 'ի յիշել անդ իւրում զմահն։

Եւ ուրուտ և այլ ոմն ճառ արկեալ զմահուն, 'ի նմա.

նութիւն գետոյ ընդ Վաւթի օրինակէ զկեանս մարդկան . որ նախ դարիւ և դարիւ , ապա տակաւ աճեցուն և փրփրադէզ խաղայ և թափի 'ի ծով և անդնդասոյդ կորնչի : “ Լնարդ եղիցին նորա , ասէ , որպէս ջուր զի հեղու , : “ Եւ զսաղմոնս , և աւանդ կարգայ անցաւոր կենացս : Լսչափ միայն յիշատակ արարեալ մահուն , և զկայ առնու :

Կամ թէ ընդ Լսայեայ 'ի նմանութիւն բերեալ զմահն՝ ծաղկազարդ մարգաց , որչափ և զեղեցիկ , այնչափ և ծաղկլնկէց , յոգեոց հանեալ մակադանէ , “ Լ՛հ . . ամենայն մարմին խոտ է . և ամենայն փառք մարդոյ՝ իբրեւ զծաղիկ խոտոյ . ցամաքեցաւ խոտն և թօթափեցաւ ծաղիկն , : Լսչափ ինչ աւաղէ , և անդ զկայ առնու :

Կամ թէ ընդ սրբոյն Յակոբայ օրինակեալ զկեանս 'ի ծուխ մրկի , “ Որպիսի ինչ իցեն կեանք մեր , հիացեալ գոչէ , զի իբրեւ զմրիկ եմք . որ առ սակաւ մի երևեալ , և ապա սրակասեալ , : Եւ սա ևս այնպէս կայ մնայ 'ի հիացման իւրում , յառաջ ևս չխաղայ . շատ համարի այսչափ ինչ միայն 'ի յիշատակ մահուն :

Վ ա՛յ քրիստոնեայք . և ո՞չ բնաւ իսկ ամօթ և կշտամբութիւն իցէ առն քրիստոնէի , որում աշխարհս՝ իջավան անցաւորաց է , և ինքն պանդուխտ , և հայրենիք իւր՝ երկինք և կեանք հանդերձեալ : Լսօրինակ միայն իցեն նորա խորհուրդք 'ի կենսառիթ յիշատակի մահուն . որով միայն մարթասցի նա 'ի պանդխտութեան վայրացս երջանիկ ունել կատարած յետ մեռանելոյն :

Ո՞չ կշտամբութիւն իցէ , ճառ արկանել զմահուն 'ի ցոյցս միայն ճարտասանութեան , 'ի հանդէս միայն հանձարոյն և հմտութեանն և բանաստեղծութեանն , և ոչ երբէք 'ի հանդէս զղծութեան սրտի , արհամարհութեան աշխարհի . խորամուխ գիտութեան ունայնութեան ամենայնի բաց յԱստուծոյ սիրոյն և 'ի ծառայութենէն , 'ի հանդէս և 'ի գործ և 'ի խթան ապաշխարութեան :

Լսա աւաղիկ է ունել միշտ հանդէպ աչաց զմահն , առանց տեսանելոյ զմահն . նա միշտ տեսանել զմահն յայլ և ոչ յինքեանս . խորհել զմահն վասն այլոց , և երբէք ոչ վասն իւր : “ Զիք ինչ ուրեմն , որպէս ասաց ,

զոր այնչափ հանապազոր տեսանեն մարդիկ, որպէս զմահն . և չիք դարձեալ՝ զոր այնչափ 'ի մոռացոնս դարձուցանեն, որպէս զմահն . ։ Եւ զինչ իցեն պատճառքն . . . ։ Քանզի զխոկումն մահուն և զյիշատակն ինդրէ 'ի քէն Բստուած, ո՛վ մարդ, 'ի քեզ ինքն մերձեցուցանել, և մի յայլ . 'ի քոյ դործս, և մի յօտաբին . “ Զիշեա, ասէ, զվախճան, ոչ լոկ . այլ զվախճանքո՛ւ յամենայն 'ի դործս քո ” ։

Եւ սակայն զհասարակաց կենսաբեր յիշատակ մահուն և զխոկումն, առաւելագոյն ևս օգտիւ վասն երից վիճակաց մարդկան ամիտիեն հարք սուրբք, այս է ախտակրէլոյն մարմնապաշտից, արծաթասիրաց, և ամբարտաւանից, յիմաստս կրկին անխաբս՝ 'ի խոկումն անըստուգութեան ժամանակի մահուն, և 'ի խոկումն ստուգութեան մահուն, խոկումն սոսկալի, սարսիչ բնութեան ։

Եւ զին՝ ոչ որ գիտէ, յորում աւուր և յորում ժամու հասցէ մահն . այս խոկումն, ասեն, ճշգրիտ 'ի ճահ գայ մարմնապաշտիցն ։ Երկրորդ անգամ՝ ամենայն որ գիտէ եթէ 'ի մահուն կապուտ կողոպուտ թողցի մարդ յամենայն գոյից իւրոց . և այս խոկումն քաջադէպ յոյժ է ազահ և արծաթասէր մարդկանն ։ Երրորդ անգամ՝ ամենայն որ գիտէ եթէ 'ի մահուն զիրկ և անբաժմնացէ մարդ յամենայն փառաց և 'ի պատուոյ . իսկ և այս խոկումն քաջադարման դեղ է վասն ամբարտաւանից ։

Եւ որ յաղազս մարմնապաշտիցն ճահաւորագոյնս և ճիմարտագոյնս ասացին հարքն սուրբք, եթէ “ Ենչուչուչունի տեղի անդանօր ցանկութիւնն, ուրանօր է խոկումն և երկիւղ մահու ” ։ Քանզի ահ մահուն սանձ մեծապէս է ցովութեան անժուժկալիցն . և եթէ յաշխարհի բազմագոյնք թուով իցեն մարմնասէրք, վասն այսորիկ է զի նուազունք թուով երկնչին 'ի մահուանէ ։ Իսկ եթէ զպատճառն հարցանիցես զբանիս, քանզի տարադէմ, որպէս ասեն հարք, տարադէմ յոյժ զմահն կարծեն խօթամտեալքն . մինչև՝ որպէս ճշգրտեաց յասենն աստուածայինն Հերոնիմոս, “ Եւս 'ի կարի զառամելոց ծերոյն չիք որ, որ ոչն կարծեսցէ՝ եթէ և այլ ևս ամ մի կեցցէ ինքն յաշխարհի ” ։ Եւ

եթէ զառամեալքն այնպէս, խորհեաց դու վայր մի, եթէ զինչ միտս ունիցին պատանիք և երիտասարդք:

Եւ արդ առ 'ի քաջիկ խելամուտ լինել ո՛ պատանիք, եթէ մտախաբք էք անշուշտ, աղէ ինձ ասացէք վայրիկ մի: Ո՞ր ձեզ խոստումն կուեաց զայդչափ երկարակեցութեան կենաց, զոր յերազէդք արդեօք կենսատու ջերմութիւն արեանդ, և աշխոյժութիւն ուղոյն, և առուգութիւն դալարագեղ տիոցդ: Եւ զինչ, աղէ ասա, զինչ յայդմ ամենայնէ պակասէր 'ի ժիրաժիրդ յայդ արբուն պատանիդ, կամ 'ի քաջառոյդ յայդ օրիորդ, զորս ձերովք իսկ աչօք տեսէք հափափեալ յանկարծ 'ի կենաց և իջեալ 'ի տապան 'ի ծաղկահասակ իւրեանց տիս: Եւրիք ելէք դուք 'ի վայր անդր զբօսանաց ձերոց և խաղուց. զննեցէք անդ վայր մի, զիմրդ թափուր կայ տեղին 'ի սեղան խաղուցդ. ո՛ւր է պատանին, որ առուրք յառաջ խաղայր ընդ ձեզ... Եւ 'ի միջի: Ո՛ւր է և այն ոմն, որ յանցեալ ամին յակումքս ձեր խրախացուցանէր զձեզ... Եւ 'ի միջի: Ո՞չ ապաքէն ընդ ձեզ եկն նա 'ի սրահ անդր, և զայն օր 'ի սրահէդ անտի չորաւ 'ի գերեզման: Գուցէ երբէք տեղի սփոփութեանց և զբօսանաց ձերոց, յորում չտեսանիցէք դուք ուրեք հետս իմն տալաւորեալ զմահուն: Ս'իթէ պակասեցան և այսօր պատահարք յանկարծամահք, և զիմրդ մարթասջիւր այդչափ ազատութեամբ խոստանալ ձեզ կեանս:

Ս'վ քանի՞օն նօսր և բարակ բնաւորեցաւ թէն, զորմէ կախեալ են կեանքս մեր. և 'ի քանի իրաց զգուշութեան պէտք իցեն, գէթ օր մի յապահովի զկեանս անցուցանել: Եւ հաւելք յերկնից, զի մի յանկարծ շանթահար տապաստարկցէ զմեզ: Եւ հաւելք յերկրէ, զի մի շունչ մի մահաշունչ վարակեսցէ զմեզ: Եւ 'ի ջրոյ, զի մի հեղձամահք 'ի պտուտիցն լինիցիմք: Եւ 'ի լեւանց, զի մի ընդ փլատակօք ծածկեսցէ զմեզ:

Իսկ և 'ի մարդիկ քանիք ոմանք մահառիթմք լինիցին մեզ. կէսք 'ի թշնամեաց՝ դարմնակալութեամբ, կէսք 'ի նախանձոտաց՝ մահազինութ, կէսք 'ի նաւարտակաց՝ յեղուզակութեամբք, աւազակք՝ յանտառ մայրեաց, մատնտուք՝ 'ի յընտանեաց, բարեկամք՝ յօխտանենդ դրժողաց: Օ՛հնչ ևս 'ի նոցուն իսկ 'ի քոց զբօ-

տանաց խէթք և երկիւղ . եթէ ընդ դաշտս գնաս մարդաւէտս , ահա քեզ ընդ առաջեալ իժ . եթէ ընդ մայրիս՝ ահա քեզ գազան . դեգերեալ առ գետափունս՝ քեզ աւասիկ ուղիք . ՚ի հաստատուն ցամաքի՝ ահա քեզ գետնաշարժ . նստեալ ՚ի տան , կամ պատահարք ինչ ՚ի գետնի ՚ի ներքոյ օտիցդ , կամ տանեաց ինչ ՚ի վայր կործանումն ՚ի վերայ գլխոյդ : Սերթ յօտնկելեաց անկումն , մերթ յերկվարէն , մերթ ՚ի պատուհանէն , և ամենայն ուրեք մահ :

Եւ այսօրիկ քեզ յարտաքնոց անտի . զինչ արդեօք և ՚ի ներքս ՚ի քեզ տնկակից դարանակալութիւն կայցէ ընդդէմ կենացդ : Ս գիտէ , թերեւս յայս ժամ հիւթք քանի մթերեալք ՚ի մարմնի , վեր ՚ի վայր յուզեալք ՚ի կայից իւրեանց , յանկարծ հեղձամղձուկ արասցեն զքեզ : Բանի հոսմունք տարադէպք և անկարգք քեզ թանչս պատրաստեսցեն և ահոկութիւնս . և քանի՞ն տապք տենդից մահառիթք՝ եռացեալք և հասունացեալք ՚ի քեզ սոսկալի անդամադօսութիւն կաթուածոյ սպառնացին և մահ յանկարծամահ :

Եւ զինչ պէտք իցեն և այնչափից պատրաստութեանց մահ ածել քեզ . նա ՚ի քաջառողջ կենդանութեանդ նաև շունք հանապազօրդեալք ընդ փողոցս միով միայն խածուածով մահացուցեն զքեզ . ոչ ինքնին և մեք վկայք եմք արկածին : Եւ փուշ մի միայն ախորժաճաշակ ձկանդ , նաև թին մի միայն համեղահամ խաղողոյ հեղձամահ առ տեղեաւն արասցէ զմեզ :

Ոչ ահա և բիւրուց մահաբեր վրիպակութեանց ընթացքեալ իցեն թշուառ կեանքս . եթէ որ յընտանեաց անտի և եթէ ՚ի ծառայից ՚ի պատրաստել մեզ կերակուր , ՚ի մատուռակել մեզ զբմպելին , ՚ի ջամբել մեզ զդեղորայս :

Եւ ապա յետ այսր ամենայնի , առացէք ինձ . ո՞ր տէր և իշխան և սահմանիչ աւուրց կենաց մերոց . եթէ ինքնին Նստուած արարիչ սրտմտեալ իցէ , որոյ առաջի այսօր ՚ի մեզս մեր՝ անկեալ եմք յերեսացն , ոչ ահա անհարկութիւն մի նորա՝ շատ է առ մահն , և անդէն չնչասպառ անկանիցիմք : Կամեսցինա արդեօք երկայնաւ մտել այլ ևս , և երկարաձգել մեզ զկեանս . այլ ո՞ր գիտիցէ զայն : Ո՞ր պատմեսցէ մեզ զխորհուրդ ամենակալին , զոր խորհի և այժմ ՚ի վերայ քո :

Իսկ զոր գիտեմքս յայտնի յաստուածային պատ-
գամացն, և զոր քաջ իսկ տեսանեմք փորձառութեամբ,
այս է զոր աստուածեղէն հոգւովն ազդեաց իմաստունն .

“Յանցանել, ասէ, միրկի եղծանի ամբարիշտն . ամբ
ամբարշտաց նուազեսցին, յոյս ամբարշտաց կորիցէ” :

Ո՞րք առաւել աշխոյժ, առաւել առոյգ ՚ի քաջողջու-
թեան քան զամբարիշտ արքայն Ղաղղասար . յորժամ
նա բազմեալ խնդազին ՚ի մեծահաց խնձոյսն ընդ մե-
ծամեծացն, և ընկէր գինի զուարթութեամբ ինքն և
աւագորեարն և հարձք նորա և կանայք, ո՞ր խորհուրդ
մահու երբէք անկանէր յայնժամ ՚ի միտս նորա : Հըն-
չէր արբունի սրահն ՚ի ձայնէ ցնծութեան կոչնականին
՚ի բարեկենդանութեան մաղթանս կոչողին : Եւ մինչ
դեռ ընդ գինիս մտեալ էր Ղաղղասար, տեսիլ յանկարծ
ահազին, մաստունք ձեռին մարդոյ ելեալք ՚ի վերայ
բռելոյ որմոյն հանդէպ թագաւորին, զրէին զարագա-
մահ վախճան նորա ՚ի գիշերին յայնմիկ : Վոյն երե-
սաց յայնժամ հատեալ նորա, և յօգք միջոյ նորա լու-
ծանէին և ծունկքն զմիմեանս բաբախէին . և ՚ի գիշե-
րին յայնմիկ, ասէ, սպանաւ Ղաղղասար արքայ : Եւ
է իսկ անշուշտ յայսպիսեաց աստի բազումս տեսանել
՚ի պատմութիւնս աշխարհի, մահունս յանկարծամահս
զմեղաւորաց ՚ի նմին իսկ ՚ի բորբոքեալ ժամու յանցա-
ւորութեանց նոցա :

Եւ արդ որ միանգամ փափկացեալ ՚ի պատիրս՝
ժտեսցի օր և ժամ սահմանել վասն հեշտալեացն, մի
երբէք մոռացի զմահազոյժ մատն զահաւոր ձեռինն .
չէ նա դադարեալ և այսօր ՚ի գրելոյ ընդդէմ ամբարշ-
տաց . “Տակաւին ձեռն նորա, ասէ, բարձրացեալ է .
ոչ դարձաւ սրտմոռութիւն նորա, այլ տակաւին ձեռն
իւր բարձրացեալ է” :

Ո՞ր գիտէ եթէ օրն այն սահմանեալ ՚ի քէն վասն
հեշտակեաց աւուրն, այն օր իցէ սահմանեալն յերկնից
վասն մահուն օրհասի : Ո՞ր գիտէ, յորում ժամու գայ
որդի մարդոյ . այն զի յորում ժամու ոչ կարծիցես, յայն
ժամ եկեսցէ . զի ոչ զօրն և ոչ զժամն գիտէ մարդ,
կնքեաց անսուտն բերան :

Եւս աւագիկ ահազին ազդումն անստուգութեան
ժամանակի մահուն, ՚ի զգաստութիւն մեծ ամենայն

մեղաւորաց , մանաւանդ մարմնապաշտիցն . այլ ոչ ինչ նուազ և ստուգութիւնն 'ի մահուն կապուտ կողոպուտ մերկանալոյ յամենայն գոյից՝ զգաստս մեծապէս և մտայոյզս գործեսցէ զարծաթասէր մարդիկն :

Բայ մինչև խօսեալ ինչ զնոցանէն , շնորհս մեծապէս ունիմք աստուածային նախախնամութեանն , որ յետ յանցաւորութեան մերոյ մահ սահմանեաց յաշխարհի : Բանգի եթէ այժմ առ դուրս իւրեանց մօտալուտ ունելով զմահն՝ բիւրք բիւրուց 'ի մարդկանէ այնչափ զակատեալ են զհետ արծաթոյն , մոռացեալք զստուած , մոռացեալք զհոգին , մոռացեալք 'ի սպառ զերկնաւոր մեծութիւնն , զինչ ասես , յոր սահման ընչաքաղցութեան մոլեալ էր նոցա , եթէ յանկարծ անմահութեան վիճակեալ էին կենաց :

Իսկ այժմիկ , քանզի հարկ է մեռանել , զիմորդ հնար իցէ ո՛ր արծաթասէրք , զի ոչ սանձ և ոչ թումբ բաւական կայցէ մահն ընդդէմ անյազուրդ ցանկութեանդ : Բա՛րէ , զիմորդ հնար իցէ , զի և 'ի նոցունց իսկ 'ի հինօրեայցն և 'ի գերեզման մերձեցելոցն գտանիցես դու առաւել ընչաքաղցս և ընչահաւաքս . և զիմորդ երբէք հնար իցէ սրտակաթ լինել ձեզ զհետ այնոցիկ , յորոց 'ի տէրութենէն հասանէ ձեզ անհրաժեշտ մերկանալ 'ի մահուն :

Ս'ի խաբիք , ո՛ր քրիստոնեայք , և մի խաբէք զանձինս , յասել ձեր զօրհանապաղ . իմ է տունդ , իմ է կալուածն , իմ իսկ են անդաստանքդ : Բաւ , չեն ձեր այդոքիկ . չէք դուք դոցա տեարք : « Պանդուխտ ես , կրկնէր միշտ աստուածայինն Բագոստինոս , պանդուխտ ես և նժդեհ . մի խաբիր . 'ի տանդ յայդմիկ զօր քո սեպհական ասես , իբրու վարձուոր իբրու օտար՝ բնակութիւն կալեալ է քո : Ա՛յ հաւատաս . կալ ուրեմն զքեզ հաստատուն 'ի ներքս 'ի յարկիդ , զի մի երբէք եկեալ տէրն քո մահ՝ արտաքսեսցէ զքեզ : Ի՞նչ հիւր չես և պանդուխտ , ոչ երբէք ելցես դու անտի . ապա եթէ հարկ է ելանել կամայ ակամայ , ուր իցէ պանծացեալդ տէրութիւն » : Բայ տէրութեանս իմոյ , ապէ , ես ինքն եմ տնօրինիչ իմովս կտակազրութեամբ . . . Բա՛ջ է . . . Բայ զինչ իցէ այդ քո կտակազիր տնօրինելդ . ո՛չ ապաքէն կապուտ կողոպուտ մնալ քեզ 'ի

գոյիցդ , զոր ոչ ևս այլ կարող իցես 'ի պէտս քո վարել :
Եւս ուրեմն զկտակաւ թողուն քո զայն ինչ որ բռնի
բառնայ 'ի քէն , զիմոր մարթիցիս դու՝ տէրութիւն իշ-
խանական համարել քեզ և կոչել :

“Քանիցս անգամ 'ի ծաղր հատայ , ասէր աստուած-
իմաստն Սկեբերան , 'ի ծաղր հատայ ընդ սովորական
զրոյցդ : Քանզի ընթերցայ կտակս բազումս զբեալս ,
և շատ ծիծաղեցայ , քանզի զբեալ կայր անդանօր և
սահմանեալ . զի այն որ զտէրութիւնն կալցի զանդաս-
տանացս կամ զտանս . իսկ այլ որ դարձեալ զպէտս նորա
և զվայելն : Ոչ ծաղու արժանի իցեն բանքդ . քանզի
ամենեքին մեք զվայելն միայն ունինք և զպէտսն ,
իսկ զտէրութիւնն և ոչ որ ” :

Եւ եթէ այս այսպէս , քանիօն իցէ ասլա անմոռ-
թիւն արծաթասիրին և ագահին , որ յետ այնչափ
բրտամբ , այնչափ սիրով ժողովելոյ զարծաթն , ոչ զտէ-
րութիւնն ունիցի և ոչ զվայելն . և 'ի վախճանին բռն-
նադատեսցի այլոց միայն թողուլ զթերեալն սիրով ,
դառնապէս ցաւով միանգամայն յամենայնէն 'ի մի հա-
րուած զրկեալ :

Սանաւանդ եթէ և յորժամ դէպ լիցի նմա մեռա-
նել 'ի ժամանակին , յորում առաւել խնդամիտ գտանի-
ցէ զանձն , տեսեալ զի աւարտեալ զեղեցիկ պտակեաց
զտունն՝ զոր սկսեալ էր . տեսեալ զի զերծ 'ի դատաս-
տանաց անպայքար զնեաց զկալուածսն . տեսեալ զի լի
և զեղուն են արկեղքն ոսկւով . տեսեալ զինքն այնու-
հետեւ բազմահարուստ առաւել քան զամենայն դրա-
ցիսն և զգաւառակիցսն . և եկեսցէ հասցէ յայնժամ
օրն , աւաղ , օրն խուճապելոյ յաշխարհէ աստի , յաշ-
խարհ զոր ոչ զիտացէ :

Եւ ումայնուհետեւ լինիցին պատրաստեալքն , ըստ
կշտամբութեան տէրոնեան անմիտ մեծատանն . որ
նստեալ խորհէր հաշուէր զլիութիւնս բախտին . “Ով
անձն , ունիս աւաղիկ բազում բարութիւնս ” . հարուստ
արծաթով , հարուստ 'ի տունս , հարուստ յանդաս-
տանս , զեղուն ամբարք , լի են շտեմարանք , լի են սա-
պատք . ամբարեալ ամաց բազմաց : Քաջ է . ամբա-
րեալ են ամաց բազմաց 'ի վայելս . . . : Եւ չէ շատ .
արդեօք և քեզ ինքնին սահմանեալ իցեն վայելքն ա-

մաց բազմաց . “ Ո՛վ անմիտ , յայսմ գիշերի զողիդ 'ի քէն 'ի բաց պահանջիցեն . իսկ զոր պատրաստեցերն , ո՛ւմ լինիցի ” : Ո՛վ , եթէ և երրորդ մի յամբարեւոյդ յազոցիկ երթեալ 'ի ձեռս անկեալ էր աղքատաց և ուրախ զտառապեալս արարեալ էր , քանի՞ն էր քաղցրութիւն դատաստանիդ , քանի՞ աներկեան , քանի՞ մխիթարութեամբ էին ելք քո յաշխարհէ : Եւ յաջափ ինչ առ արծաթասէրս 'ի փրկաւէտ յիշատակէ մահուն :

յամէ արդ տալ տեսանել վայր մի և ամբարտաւանից զգերեզմանս իւրեանց : Զիք այլ հրահանգ ազգոյ 'ի խոնարհել զբարձրայօնութիւն մարդկային , և չիք վարժ առաւել սեպհական 'ի զգաստութիւն քան զվարժարան գերեզմանին : Վանգի զիմրդ մարթ իցէ , աւեն հարբ առհասարակ , զիմրդ երբէք մարթ իցէ ցանկալ ամբարտաւանութեամբ ելանել 'ի վերայ գլխոց այլոց , յորժամ որ խոկասցի միանգամ , զի յետ սակաւոց առհասարակ մարդիկ հանդերձեալ իցեն գնալ 'ի վերայ գլխոց նոցա և կոխել զնոսա :

Եւ աւանդ խաղախորհուրդ մարդկանն , յորս և ոչ հրահանգք անհրաժեշտք վարժարանիս այսորիկ ազգեսցեն ինչ իմաստութիւն . ուստի և թագաւորեալ է յաշխարհի այնչափ ամբարտաւանութիւն : Ոքացեսիք այնպէս և պերճք , թուի թէ եկեալ իցեն յաշխարհ փառասէրքն և ամբարհաւաճք սրտիւ , ոչ յայլ ինչ , բայց ընթանալ երևել ամենայն ուրեք իբրև զլիսահարբ ամենեցուն և մեծապանծք :

Երբէք ոչ դան յերևան , բայց անձնացոյց գոռոզութեամբ . ոչ խօսին՝ բայց հպարտագոյնս . ուր ուրեք հրապարակեն զանձինս՝ նախողջոյնք խնդրեն լինել և բարձերեցք . ուր ուրեք քայլեն՝ հարկ է տեղի տալ նոցա և զանցս շաւղայն լայնել նոցա : Վարձրապարանոցք և բարձրայօնք յամենայն 'ի գնացս , որ 'ի տունս , որ 'ի փողոցս , որ 'ի հրապարակս , որ յակումբս . զի և հազիւ երբէք կարծին նոքա , կամ թէ խոնարհին , 'ի տեսանել զայս : Երբու որ ինքեանք միայն առարկայք իցեն տեսութեան արժանիք , և ինքեամբք միայն ընուցուն ամենայն վայրք՝ ուր գտանիցին նոքա :

Ո՛ւշ , այր դու . և ո՛ւր ապա երթեալ յանգիցէ այդ ամենայն ամբարտաւանութիւն : Երբէք զմտաւ չածի-

ցես, զի մահականացուդ՝ յանցանել ամաց կամ աւուրց կամ ժամուց, զի անկենդան անկեալ, և ՚ի նեխոյ դարձութեանդ՝ իբրու յամբարտաւան արքայէն զգուանօք ՚ի բաց փախիցեն նաև կարևորքն ՚ի սիրելեաց և յրնտանեաց: Իսկ ուր յայնժամ փարելի պերճութիւնդ, ուր շուք բարձրայօն ճակատուն. յորժամ և ՚ի խշտին տարտամութեան քո և ՚ի հող գերեզմանին, պատկեր քո պփգալի, և որք հայիցինն՝ քստմնափուշ սարսեցին: Եւ եթէ ես քեզ այժմ ակն չածէի՝ սաստկապէս նողկացուցանել զքեզ, զամենայն դարչանսն աստանօր նկարեալ առակէի, յորժամ դու անդ ՚ի խորսն բնակեալս իցես յեռանդն որդանց և յամենայն ապակա՛նութիւնս:

Եւ զիարդ հնար իցէ, որ միանգամ սերտիւ զճմարտութիւն զայս խոկացի, երբէք ամբարտաւանել. և մինչև ակամայ ՚ի հող մահու և յապականութիւն խոնարհեալ, զիարդ հնար իցէ՝ կամաւորութեամբ այժմէն չխոնարհել զանձն առաջի Բստուծոյ, և հեզ և խոնարհ սրտիւ՝ լինել և երևել առաջի մարդկան: Օ ինչ օգուտ երբէք յամբարտաւանութենէն կայցէ, ո՛ր մահականացու, աղէ ասա. օգտեաց ինչ այդ յամենայն ՚ի դարս՝ ազատ երբէք ՚ի նշաւակութենէ մահուն լինել:

Ո՞րք առաւել գոռոզ, ո՞րք առաւել պերճ, իբրու զԵզաբէլ: Ո՞ւր նորա պերճութիւնն, ուր գոռոզութեան զարդ գլխոյն, յորժամ ՚ի պատուհանէ արքունեացն հոսեցաւ: “Եւ արբեաց, ասէ, զաչ իւր, և զարդարեաց զգլուխ իւր, և հայէր ընդ պատուհանն:” Ո՞ւր ՚ի միտս անկաւ նորա յայնժամ յիշատակ մահուն, յորժամ սիգաճեմ խրոխտապանձ զարդուն անցանէր գնայր՝ ընդ արքունի պատուհանն կարկառեալ: “Ինկեցէք զգա ՚ի վայր, գոչէր վրէժխնդիր իշխանն, ընկեցէք զանիծեալն ՚ի խոնարհ:” ... Ինկեցաւ, և ցայտեցաւ յարեւել նորա զորմովքն և զձիովքն, և կոխեցին զնա առաթուր: Եւ նոյն գոռոզ տիկինն յանկարծ գէշ անկեալ ՚ի կուր շանց, մինչդեռ իշխանն յետ ժամուց ՚ի դուրձարժեալ առաքէր զԹաղմանէն. “Եւ թայք տեսէք, ասէ. զանիծեալն զայն և Թաղեցէք զնա. զի դուստր Թաղաւորի է:” Եւ ուր Եզաբէլ, զի Թաղեցցեն: ... Գնան խնդրեն և զԵզաբէլ չգտանէն. “Զորան, ա-

տաւանք 'ի յիշատակէ մահուն, յուշ ածեալ եթէ կայ 'ի վերայ զլիտոց նոցա Մատուած, Մատուած՝ որ կամ խոնարհս կամաւորս ինդրէ լինել նոցա 'ի կեանս և կամակամայ 'ի մահուն: Մ.Յ. զինչ շահ յակամայ խոնարհութենէն, քանզի դատապարտութիւն է վախճանն:

Մեալ ուրեմն միւսանդամ զատուածային պատգամն՝ զպողաւէտն յիշատակ մահուն, 'ի քեզ ինքն հայեաց ով մարդ, և Յիշեա, ոչ զվախճան լոկ, այլ զքո վախճան և 'ի քոյ յամենայն 'ի գործս, և մեծաշահ օգտեսցիս 'ի յիշատակէն: Քանզի և անշուշտ պողաւերութեամբ յիշեսցեն մարմնապաշտք զանստուգութիւն ժամանակի մահուան: Յիշեսցեն արծաթասէրք զստուգութիւն կորստեան դոյլոցն: Յիշեսցեն ամբարտաւանք զստուգութիւն մերկանալոյ 'ի պատուոյն իւրեանց: Մաջինքն ուշ եդեալ հայեսցին 'ի Նաղդասար: Երկրորդքն անմոռաց կալցին զմեծատունն անմիտ: Երրորդքն հանապազ խոկասցեն զՅեզաբէլ:

Եւ ապա զայս օրինակ առ արմին զտապարն եդեալ երկոց մահաբեր ծառոցն, մարմնապաշտութեան, արծաթասիրութեան, ամբարտաւանութեան, յորոց և ամենայն ախտից և մեղաց դաւնութեան բոյսք, անշուշտ այնուհետեւ յիշատակ մահուն պողաւերեսցէ զապաշխարութիւն, և ապաշխարութիւն՝ զյաւիտենականն փրկութիւն:

ՄԱՍՆ Բ.

Ի կենսաւէտ մահուն յիշատակէ ցայս վայր դըրդեալք յապաշխարութիւն, ունին դիք սակաւութ այժմիկ, սիրելիք, և որպիսի այն ապաշխարութիւն և որ այն իցէ, որ միտիւթար մեզ և քաջալեր 'ի մահուան մերում լինիցի:

Եւ արդ այն ապաշխարութիւն սիրելիք, որ ոչն սաւեալ մնայ մահուն, այլ մինչդեռ քաջառողջք իցեմք, և արասցուք զայն. այն է քաջալեր մեզ, և նոյն փրկա-

ւէտ . այն է մեզ մխիթար և նոյն խնդացուցիչ 'ի ժամու մահուն . քանզի կամաւոր է զլխովին , քանզի եւ ռանդուն է , քանզի պտուղ է ճմարիտ հաւատոյն , պտուղ է ճմարիտ սիրոյն Մտուծոյ . քանզի անբռնադատ է , և պտուղ է կենսառիթ երկիւղին Մտուծոյ : Ս'իով բանիւ , այն ապաշխարութիւն , որ ոչն յերկարածգի մինչև 'ի կէտ մահուն :

Վանզի մինչև ցայն ժամ յերկարեալն ապաշխարութիւն՝ ինչ մի ունի յինքեան ծառայական , ինչ մի բռնական , որ մեծապէս 'ի վարանս յայնժամ արկանէ զմեզ : Ս'ուրի իմն այնպէս դժկամակել մեզ ընդ այն , և զի այնպէս ասել՝ իբրու տուամբք քարշեալ . թուի իմն այնպէս՝ անձնատուր մանաւանդ առ ահի մահուն լի նել , քան առ 'ի ցառոց մեղացն . և թուի իմն այնպէս՝ դադարել 'ի մեղանչելոյ , ոչ զի ոչ կամին մեղանչել , այլ զի ոչ ևս կարեն մեղանչել :

Եւ ահա բազումք բաջ իսկ տան զհաւաստիսն , յոր ժամ միանգամ զերծեալք յահագին ժամն , դառնան միւսանգամ չար ևս յառաջին փոխածն : Ս' ասն որոյ և ապաշխարութիւնն այն միշտ լի է խռովութեամբ , լի երկեանութեամբ , վարանական է և անդոհական :

Օ մտաւ ած , քանի՞օն իցէ տաղնապն մերձ 'ի մահ օրհասական հիքացելոյն , որ 'ի մահձի անդ մահուն ծանրաբեռնեալ մեղօքն՝ որչափ ինչ գործեաց 'ի կեանս և չապաշխարեաց , և ահա յայն տաղնապ հոգւոյն , միանգամայն և 'ի դժուարին կիրս խօթութեան տապացեալ մարմնոյն , յեղակարծումն ձայն ահեղ գոչեսցէ յունկն նորա . « Նրաման տուր վասն տանդ , զի մեռանիս և ոչ կեաս » :

Ս' վ գուժին , զոր ազդումն շանթեսցէ 'ի սիրտ օրհասականին . քանի՞ ինչ իրք յայնժամ նկարեսցին աչաց նորա . որ խուժան , որ ամբոխումն չյուզեսցի ընդ երակունս նորա . . . : Յական քթթել ելանել մեկնել ողջոյն յաշխարհէ աստի , և գնալ յաշխարհ զոր ոչ գիտացէ . . . : Ի նոյն տաղնապ զգալ լսել ամենայն ուստեք , նա և զխուձապ և զհեծել ընտանեացն՝ յերս յանկարծահաս խռովեալ հոգւոյն յեղկելի մարմնոյն :

Եւ ապա յայն շտապ մեծի տաղնապին՝ թէպէտ և ճիգն ևս մեծ թափեսցէ նա դառնալ առ Մտուած ,

ալ գիտեմ եթէ ճիշդն այն յանդորրու յապահովի կացուցէ՞ յայնժամ զապաշխարող զայնախիսին՝ մեռանել խաղաղութեամբ ։

Իսկ ներհակաբար դարձիւր դու հայեաց միանգամ, քանի՞օն իցէ քաջաւերն, քանի՞ աներկեւանութիւն հոգւոյն, որ միանգամ յրնթացս քաջառողջ կենացն 'ի սրտէ առ Մստուած դարձեալ իցէ, ոչ ինչ սպասեալ ահագին ժամուն ։ Եւ հասեալ ապա 'ի մեռանել, տեսանէ արդէն իսկ հորդեալ զճանապարհն, հարթ և դիւրին զուղին երկնաւոր ։

Եւ և գեղեցիկ այն պատրաստութիւն կանխաժաման հոգւոյն՝ համարձակութիւն աներկեւան տացէ բժշկացն և ընտանեացն, երթալ կանուխ ազդել յունկն նորա զվտանգն ։ Եւ է տեսանել յայն ազդումն 'ի բազումն՝ կնիք ակներեւ զլաւտենական բարեվիճակ ընտրութեան . քանզի կէսք յայտնի 'ի խնդութիւն և 'ի հըրձուանս հատանին . և տեսի ես ինքնին՝ զի և կէսք համբոյր ևս զգուալից տային ձեռաց բժշկին, որ կանխեաց համարձակ ազդեաց նմա զվտանգն . դարձեալ և զկէսս՝ որոց պէտք ինչ չէին յումեքէ միսիթարութիւն և քաջաւեր առնուլ 'ի դժուարին ժամուն, նամանաւանդ ինքն միսիթար մատուցանէր և խրախոյս՝ որոց մերձն կային յաւանդել հոգւոյն Քանի՞ բերկրանք իցեն սրտի հանդիպել տեսանել յայսպիսեաց աստի օրհասականաց ։

Ապաշխարութեան հանդէսք, իղձք զղջութե՛ սրտի, փափաք սիրոյն առ Մստուած՝ չեն առ նոսա անուանք նորք և իրք անսովորք . զՄստուծոյ ողորմութեանն ըզգեղեցիկ ճաշակն և զքաղցրն արդէն իսկ բազում անգամ ճաշակեալ է նոցա 'ի կեանս իւրեանց . և զխաչն Քրիստոսի արդէն իսկ քօջիկ ծանեան նոքա յօրէ անտի, յորում առ պատուանդանի նորա արտասուս բազում թափեցին նոքա 'ի սրտէ . և 'ի վերջին ժամուն յայնմիկ ոչ ինչ սպասեալ մեան նոքա առնուլ զայն 'ի ձեռաց հօր խոստովանութեան իւրեանց . ինքեանք իսկ կանխեն խնդրեն փափաքմամբ, և կամին միշտ առնութեր 'ի մահճի ճահուն ունել զնա առ իւրեանս ։

Իսկ և յամենայն դարձուածս մահահամբոյր աչաց իւրեանց առ խաչելեալն՝ ճմլին սիրտք նոցա սիրով խաչե-

լոյն . և յիշեն և զգան 'ի սրտի իւրեանց զՀին խոցուածս զսիրոյն և զզղմանն և զապաշխարութեանն՝ զոր արարին 'ի կեանս . ուստի և զամենայն մխիթարութիւն և զքաջալեր զգեցեալ են նորա յայնժամ յերջանիկ ելա իւրեանց : Բաբէ այնպիսի երանաւետ մահուն . եթէ մահ արժան իցէ կոչել և ոչ կենաց սկիզբն :

Օայս օրինակ մեռանէին ամենայն ապաշխարողք սուրբք . զայս օրինակ ինդայր 'ի մահուն և երջանիկն Բզոստինոս . ոչ այլ ինչ կամէր լսել յաւուրս վախճանին իւրոյ , բայց զհրաշագիծ զընթերցուած ապաշխարութեան սաղմոսացն Բաւթի : Բաղցր էր նմա 'ի ժամուն յայնմիկ յածեցուցանել միւսանդամ զխորհուրդս իւր յապաշխարութիւնս իւր զոր արար 'ի կեանս . և 'ի մեծութեան մեղաց իւրոց խելամուտ լինել մեծի ողորմութեանն Բստուծոյ 'ի թողուլ զմեղսն . և ասէր երանելին . “ Ընէ 'ի դէպ մարդոյ՝ որչափ և անմեղ իցէ , երթալ յանդիման լինել դատաւորին Բստուծոյ , բայց թէ նշանազգեստ զանձամբ առեալ զապաշխարողի ” :

Իսկ եթէ քանի քաջալեր , քանի վստահութիւն իցէ այդ 'ի սիրտ մարդոյ 'ի մահ մերձեցելոյ , դու ինքնին հեշտեաւ ծանիցես 'ի քումդ փորձոյ , զոր փորձեցեր դու յաւուրն՝ յորում 'ի բոլոր սրտէ դարձար երբէք առ Բստուած յընթացս կենացդ : Եթէ այնչափ մխիթարութիւն ազգեաց յայնժամ 'ի հոգիդ զիղջքոյդ և խոստովանութիւն մեղացդ , քանի՞նք եղիցի 'ի մահուն քում , յորժամ բովանդակ զբաղցր պտուղ զնորա քաղեսցես յայնժամ անվէհեր . յայնմ ահագին վայրկենի՝ յորում ամենայն դիմակք և պատրուակք 'ի բաց զերծցին յամենայն առարկայից , և ումպէտք և չնչինք որպէս ենն՝ առակեսցին ամենայն կենցաղականքս :

Բանի սկանծալի զուարթութեամբ յերեան զայցէ յայնժամ 'ի մահ մերձեցելոյն՝ արժաննիկալ ապաշխարութիւն նորա , որ պատճառք եղիցի անթառամելի պսակին նորա : Բանի փառաւորեսցէ օրհնեսցէ նա զԲստուած , զի այնպէս 'ի ժամ բարեպատեհ կոչեաց զնա յաւուրս դարձին իւրոյ . ընդ որում և առ բազումս 'ի բազմամեայ մեղաւորաց մարդասիրապէս բարեգործեաց նա , երկայնամտեալ ընդ հարուստ ամս չարաչար կենաց նոցա , և ապա 'ի տարւոջ անկեղծաւոր դարձին նոցա կոչեաց զնոսա :

Բայլ սակայն և զչափ մարդասիրութեանն և զժամանակ երկայնամտութեանն իւրոյ ինքն միայն գիտէ . իսկ որ մեզ հարկաւոր միայն՝ զայս պատուիրէ . “Բայսօր եթէ ձայնի նորա լսիցէք, մի խստացուցանէք զսիրտս ձեր” : Օ ինչ խստացուցանէն իցէ : Օ զարձն քո առ Բստուած մի յերկարածդեսցես օր յօրէ, և ամիս յամսոյ, և ամ յամէ : Բայա թէ ոչ ձայն այնուհետեւ դու զացուցէ զքեզ աստուածայնոյն Պաւղոսի . “Եթէ դու զներելոյն Բստուծոյ և զերկայնամտութեամբն արհամարհիցես, չգիտիցես զի քաղցրութիւնն Բստուծոյ զքեզ յապաշխարութիւն ածէ . այլ ըստ խստութեան քում և ըստ անզեղջ սրտիդ դանձես անձին քում բարկութիւն յաւուր բարկութեան և արդար դատաւորութեանն Բստուծոյ” :

Ո՞րք երբէք լսիցէ զայս, և առ մի վայրկեան հեղձացեալ դանդաղեսցի հաշտիլ ընդ բարերարին՝ ի խնդիր ելեալ ապաշխարութեան խոստովանութեամբ մեղացն : Բաբէ, թերեւս և իցէ աստանօր յիմոց ունկնդրաց այսօր՝ այր մի կամ կին մի, որ ոչ ժամանեսցէ տեսանել զտօն զայն զեկեղեցւոյ կամ զօրն զայն, յորում ինքն սահմանեալ իցէ զդարձն իւր առ Բստուած ապաշխարութեամբ խոստովանութեանն : Բայլ քանիօն իցէ անմտութիւնն՝ յանստուգութեան անդ տօնին կամ աւուրն վտանգել զյաւիտենականութիւնն : — Յաւուր, ասէ, սրբոյ շաքաթու զատկին, կամ յայն ինչ աւուր դարձայց ես առ Բստուած խոստովանութեամբ . . . :

Բայլ ո՞ գիտէ, ո՞վ եղբայր, ո՞ գիտէ եթէ ոչ մեռցիս դու յառաջ քան զայն օր : Օ այսօրն շնորհեաց քեզ Բստուած . մինչդեռ այսօրդ առաջի կայ, յարգեալ դու զօր մի անցաւոր ի շահ յաւիտենական աւուրցն հանդերձելոյն : Օ ինչ գիտես, “զինչ ծնանիցի քեզ առ վաղիւն” :

Ոչ եթէ տարի մի կամ ամիս մի, այլ և ոչ օր մի, այլ և ոչ ժամ մի ստոյգ է կենացդ . գիտես իսկ դու զայդ : “Բայ վաղիւն, ասես, առ վաղիւն . և ընդէր ոչ այսօր, և ընդէր ոչ առ ժամս” : Բայսօր, ո՞վ սիրելի, այսօր . . . :

Բանգի և ոչ վասն դուզնաքէից են բանքն և երկբայականաց, այլ վասն հաստատնոցն և ճմարտից, ոչ հազար ամաց է վտանգն, այլ անանցական յաւիտենից :

Բսեմ ստէպ և կրկնեմ և ազդեմ. Սինչդեռ այսօրդ առաջի կայ, դարձ առ Բստուած: «Կայ նա աւաաիկ և բախէ զդուքս քո. երանի որ լսիցէ և ոչ տացէ սպասել տեառն իւրոյ», Զասեմ միայն, այլ և աղաչեմ սիրովն Վրիստոսի. յուշ ածցես միանգամ եթէ յաւիտենաւ կան է վտանգն. Սինչդեռ այսօրդ 'ի ձեռս է, դարձիր առ Բստուած:

Վանգի պարտք են ինձ անհրաժեշտ, յորմէ հետէ յանձն առեալս եմ 'ի քարոզել, պարտք են ինձ կրկնել և երեքնել և աղաչել. քանզի եթէ չաւետարանեմ վայ է ինձ. քանզի և անձնապուր լինել ինձ 'ի տալոյ համարս վասն ձեր՝ չիք հնար. «Օ արիւն նորա, ասէ Բստուած, 'ի ձեռաց քոց խնդրեցից»,:

Եւ արդ որովմ պատուհասի ակն ոչ կալայց ես առ 'ի Եստուծոյ, եթէ 'ի շահախնդրութեան հոգւոց ձերոց նուազեալ գտայց ես քան զհաղարապետս ձեր մարմնաւորս և զգաւառապետս, որ անգուլ տքնին 'ի շահ անցաւոր օգտի ձերոյ: Վանգի գան նոքա առաջի ձեր իբրեւ հաւատարիմք, և ստէպ ազդ առնեն ձեզ, մի հեղգալ մի դանդաղել առ վաղիւն. ստացուած աւադիկ, ասեն, լաւ և դիւրագնի կալուածոյ կամ տան կամ աղարակի կայ առաջի, 'ի վաճառ հանեալ է, մի ձգեր առ վաղիւն. այսօր իսկ հատցես զգինն մեծապէս շահու. մի զբարեպատեհ բաղդն հանցես 'ի ձեռաց. ստացիր և տէր կաց անանցական վաճառուց: Օ այսոսիկ նոքա: Իսկ և ես վեհերեալ ոչ անդեցից զմէջս իմ փութացուցանել զձեզ, և մի օր յօրէ և ամիս յամոյ յերկարաւ ձգել զստացուած յաւիտենական կալուածոց ձերոց:

()ն անդր 'ի բաց տարայք զդանդաղանսդ. ահա ժամանակ ընդունելի, ահա ժամ բարեպատեհ, ահա օր փրկութեան. «Օ ի հեղգաս, զՆանիային խրախոյս առ Պաւղոս կարդացից, զի հեղգաս. արի և լուս զմեղս քո 'ի կարգալ զանունն Յիսուսի», «Օ ի հեղգաս», յորժամ ինքնին օր մահուն անստոյգ, և կորուստ գոյիցդ և փառացդ՝ ստոյգ, 'ի նոյն մտրակեալ ստիպէ զքեզ: «Բքի և լուս զմեղս քո», Յիշատակ մահուդ խթան անշուշտ եղիցի քեզ յապաշխարութիւն, զի և աստիճարութիւնն եղիցի քեզ միակ քաջալեր 'ի մահուն քո:

ՔԱՐՈՋ Լ:

Գ Ո Ն Հ Ա Ն Դ Ե Ր Ձ Ե Ա Լ Կ Ե Ա Ն Ք

«Եւ երբիցն ետրա 'ի տանջան յախտնականս, և արդարեւ
'ի կեանս յախտնականս,,:

Ո՛վ զիարդ միանգամ զձայնն արձակեաց, և զյաւի-
տենական վճիռն եհատ...:

Ըհաւասիկ ո՛ւր 'ի վերջէ երթեալ յանգեցան ամե-
նայն երկրաւորքս, իղձք բաղձացեալք, յուսոյ ակնկա-
լութիւնք, հանձարք խորհրդոց, նահատակութիւնք
գործոց: Ո՛ւր գնացեալ հուսկ ուրեմն սպառեցան սնո-
տիապատուաստ խորհրդածութիւնք և ամենայն կար-
ծիք իմաստնոց աշխարհի: Ո՛ւր երկմտութիւնք և հա-
նապազօրեայ վարանք թուլահաւատիցն: Ո՛ւր աշխար-
հակուլ խորհուրդք և իղձք տիեզերակալայն արքայից,
և յիշատակարանքն մեծագործք և մահարձանքն հաս-
տահեղոյսք ո՛ւր տապալեցան: Ո՛ւր հետամուտ ջանք
համբաւոյն, և շուք մատենագրութեանց հանձարի-
մաստ որերոյն, և բախտին խաղք, և տէրութեանց և
պետութեանցն բարդաւաճանք, և բնաւ իսկ ամենայն
վայելչութիւնք աշխարհի:

Ըհա այսպէս ահագին յայտնութեամբ յանկար-
ծակի երևեսցի օրն, յորում 'ի վեր առցի քօղ ծածուկ
խորհրդոց նախախնամութեանն 'ի վիճակս վիճակս
որդւոց Ըգամայ, և արդարացի իմաստութիւնն Ըս-
տուծոյ 'ի վարչութեան տիեզերաց: Վհանգի և ոչ այլ

ինչ գիտեմք զաստի կեանքս, բայց սուղ և արագա-
թուիչ վայրկեան, և սկիզբն անեզր և անծայր հանդեր-
ձեւոցն. ուր կամ անսպառ տանջանք, կամ անսպառ
բերկրանք սահմանեացեն զվիճակ ամենայն մարդոյ. և
յերկուց անտի մին կնքեսցէ և զիմն:

Այն ահա այս իմաստ հրահանդիչ վարուց հզօր ա-
ռաւել քան զամենայն իմաստ: Առ սակայն պատկեր
ահագին տեսարանիս, որ երբեմն զբռնաւորաց սիրտն
սարսեաց, և զպերճութիւն արքայից կոխեաց, և զպըն-
դութիւն զիմաստասիրացն վանեաց, և զփափկութիւն
կեսարացն խռովեաց, և զվայրագութիւն խուժադուժ
ազգացն հեղացոյց: Այլ և որ տոհմականս հրաշալիս
'ի վեր երևեցոյց. բազմացոյց մարտիրոսս, շէն կացոյց
զանապատս, և զտիեզերս ամենայն 'ի լուծ խաչին նուա-
ճեաց: Այս պատկեր ասեմ յոչինչ պիտանացու իցէ
այսօր, բայց յահաբեկել վայրիկ մի և եթ զհաւատա-
ցեալս. ուստի և ո՞րք այսօր սրտապնդեալ հանդիսացի
երբէք 'ի բեմէ զահագինսս զայսոսիկ ողջ և ճգրիտ
նկարու 'ի լսելիս յեղու սուտ և վայրապար իմաստնա-
ցելոցն յանձինս, կամ փափկակեաց որերոյն, կամ կռա-
պաշտից արծաթոյն:

Վանդի և պտուղն դոգցես միշտ յայսպիսեաց պըտ-
ղաբերեալ քարոզից՝ այն եղիցի բազմագունիցն յուն-
կընդրաց. զի այն ինչ ելեալք արտաքս յեկեղեցոյս,
առ վայր մի դողումն կալեալ զնոսա՝ հարցումն առ մի-
մեանս արասցեն վարանմամբ, զինչ արդեօք, ո՞վ եղ-
բայր, և իւրաքանչիւր մեր եղիցի սահմանն 'ի հանդեր-
ձեալն. զինչ արդեօք. յայս վարանին և ցայս վայր
միայն զկայ առնուն. և այնպիսիք ելանեն արտաքս,
որպիսիք մտին 'ի ներքս:

Այլ մի զարմանար. զի լուր լսելեայն իբրեւ զմըրիկ
անցեալ, իսկ անդուստ հանապազօրեայ հեշտութիւնն
խաբէ, և արծաթն վանէ, և բանսարկուն դրդէ, և
աշխարհ ապականէ, որ ցանկութիւն է մարմնոյ և
ցանկութիւն է աչաց և ամբարտաւանութիւն է աստի
կենաց: Այս ամենայն քօղ արկանէ յստակատես տե-
սութեան մտաց 'ի վերայ հանդերձեւոցն, և ապիկար
զկաման գործէ 'ի բարիս. գոգցես և յերկբայս ևս ար-
կանէ զմիտսն վասն հանդերձեւոցն, կամ թէ զճշմար-

տուութիւն հատուցմանն տկարացուցանէ . էր վասն . քանզի հատուցումն է՝ որ վեր 'ի վայր միշտ բնաւորեցաւ խռովել զհեշտակեաց կեանս աշխարհի . քանզի հաւատ կենդանի վասն հանդերձելոցն՝ սանձ դժոխքմբեր է մարդկային կրից :

Եւ գրեալ եթէ մարդ հեշտակեաց և յախտս զանազանս անձնատուր , եթէ արծաթսիրութեան իցէ , եթէ փառասիրութեան , այլովքն հանդերձ , ոչ հանդարտէ , մինչև ոչ նախ երկմիտ լինիցի 'ի վերայ հանդերձելոցն և 'ի ծածուկ անհաւատ : Եւ ապա այնուհետև կեաց հանդարտիկ և անխիղճ , և յախտալից կեանս իւր տուութեամբ անդորրացեալ է 'ի հոգին . և յապականութենէ անտի սրտին ապականեալ և մտացն տեսութիւն՝ ոչ խորհի և ոչ խորհիլ կամի և ոչ իմանալ , եթէ յետ մահու մարմնոյն կեցցե՞ն արդեօք տակաւին անկարգութիւնք մարմնոյն . և արդեօք ամենայնն մեռցի ընդ մարմնոյ . և թէպէտ և ընդ աստի կենաց վախճան առցէ յանցաւորութիւն հոգւոյն , արդեօք սկիզբն յայնժամ եղիցի անվախճան պատուհասի հոգւոյն :

Հապա և մեք 'ի պնդել զճշմարտութիւնն անսուտ , և 'ի վանել զանդորրութիւն զայն ոգւոյն զմահահամբոյր և զսուտ , 'ի դիմի հարեալ տապալեսցուք փաստիւք , որչափ ինչ միանգամ հեշտակեաց կեանք և ապականեալ վարք թելադրեն մտաց և կամաց մարդոյն պատրուակս սուտս և ապաւէնս վաղախուլս ընդդէմ հանդերձելոցն :

Եւ առաջին , “ (1) զիտէ , ասեն , եթէ 'ի մեռանել մեր՝ ոչ և ամենայնն միանգամայն վախճան առնուցու ընդ մեզ : Եւ այդ հանդերձեալ կեանք , զոր քարոզեն և ցուցանեն , իցէ՞ արդեօք այդչափ հաստահիմն և ամենեկին ստոյգ : Եւ և ո՞ր դարձաւ անտի երբէք առ մեզ , և պատմեաց զիմարդ իցեն իրբք այդոքիկ , ” :

Երկրորդ անգամ , “ Եւ իցէ՞ արդեօք , ասեն , ըսնդ այդ արժանի մեծվայելութեանն Մտուծոյ , խոնարհել , զիջանել , և հաշիւ ունել զօրհանապաղ՝ զինչ ինչ գործիցին 'ի մարդիկ , և զինչ յանցանիցեն նոքա : Օ ինչ փոյթ իցէ ամենակալին , եթէ անարդ որդունք երկրի , որպիսի եմքս , զմիմեանս սպանցեն , զմիմեանս խաբեսցեն , զմիմեանս հարստահարիցեն . արդեօք ժուժ-

կանք իցեն, արդեօք անժուժկալք : Եւ չիցէ՛ այդ հպարտութիւն հողածին մարդոյն, կարծել հաւատալ եթէ Մտուած գերազոյսական էակ հոգ ինչ կալցի զանարգութեան նորա :

Երրորդ անգամ. « Եւ զիմորդ հաւանելի իցէ, աւեն, եթէ 'ի ստեղծանելն Մտուծոյ զմարդն այնպիսի, որպիսի է այժմ. և ապա իբրև յանցաւորութիւն պատուհասեցէ զյօժարութիւն զայն 'ի հեշտալիսն՝ զորունիմք իբրև 'ի բնութենէ տուեալ և տնկակից մեզ » :

Հաւաստիկ քեզ բովանդակութիւն թելադրութեցն՝ որ յասպականութենէ վարուց և 'ի սանձարձակ կենացն : Երկրորդութիւն վասն հանդերձելոցն : Սեծվայելչութիւնն Մտուծոյ, զոր անարգ որ ստեղծուած չէ բաւական թշնամանել յանցաւորութեամբն : Նշաբոյս տկարութիւն մարդոյ և յողդոլողութիւն. ուստի և անիրաւութիւն իցէ զայն 'ի մեղս գրել նմա :

Ապա և մեք ընդդէմ հաւաստիս անվանելիս 'ի ներքս բերցուք. Վախ եթէ անխաբ ճմարտութիւն հանդերձելոցն արդարացեալ է ինքնին և 'ի նմին իսկ ողջամիտ և յանաղօտ լուսոյ բանին : Երկրորդ անգամ եթէ չէ անարժան մեծվայելչութեանն Մտուծոյ հոգ և խնամունել յամենայնի զարարածոյն իւրոյ : Եւ այս ևս ճշմարտութիւն արդարացեալ է յիմաստութենէ անտի Մտուծոյ և 'ի փառաց նորա : Երրորդ անգամ, եթէ պատրուակդ այդ՝ որ յընդաբոյս տկարութենէ մարդոյն սուտ է գլխովին. և ճմարտութիւնս այս արդարացեալ է 'ի նմին իսկ 'ի ներքին դատաստանէ մտացն խղճի :

Եւ ի՞նչ որ լուսաւորութիւն երբէք ծագեսցէ, ո՛վ Մտուած իմ, 'ի միտս և 'ի սիրտս կամաւոր կուրացելոցն, եթէ ոչ լոյս քո աստուածային իմաստութեան կանխեալ ազդեսցէ, յիս որ ասեմս, և 'ի սոսա որ լենս. զի առ հասարակ մեք լուսով երեսաց քոց տեսանիցեմք զլոյս :

ՄԱՍՆ Ա .

Լ'որդերօք ոչ գժոխըմբեր իցէ, սիրելիք, պաշտամանս մերոյ, կալ առաջի հաւատացելոց և նոցուն իսկ յանդիման հաւաստիս 'ի ներքս տալ յաղազս որ 'ի հաւատըս դաւանութեանս մերոյ առաւել միխիթար և առաւել ուրախարար՝ յայտնի ճշմարտութեանցն, հանդերձելոցն ասեմ կենաց, և անմահութեան հոգւոյս, և աստուածայնոյն որ 'ի մեզ նախախնամութեամբ, և հանդերձեալ հատուցման վարձուցն՝ ըստ իւրաքանչիւր գործոցն :

Ոչ ահա նշանախեցք առաջինք էն այդդիկ և հիմունք հաւատոյս մերոյ . յորմէ և աստուածիմաստն Պաւղոս առ գերաբուն կարծեցեալ իմաստասերսն Լ'րիսպազին առնէր սկիզբն, եթէ ազգ եւիք մեք Լ'ստուծոյ, ուստի և շառաւիղ 'ի նմանէ անմահ է հոգիս . օր ուրեմն եկեսցէ արարչին 'ի դատել զարարածս և հատուցանել իւրաքանչիւր զարժանին : Օնոյն ըստնմա նէն և ամենայն առաքելական հարք հիմն եղին դաւանութեանս մերոյ յընդհանուրս :

Իսկ արդ առ մեօք շինուած իմանալի հաւատոյս մերոյ արդէն իսկ կանգնեալ 'ի վերայ հիմանցն և բարձրացեալ և պակեալ, և ամենայն ինչ ըստ գրոց մարգարէիցն կատարեալ, և Վրիստոս առ հասարակ դաւանեալ և փառաւորեալ, և ճանապարհ սրբոցն մաքրեալ և հորդեալ, զինչ ուրեմն պէտք էին մեզ 'ի քարոզել այլ ինչ, բայց թէ միայն պատրաստել ժողովուրդ կազմեալ, և հանել յանդիման Վրիստոսի 'ի գալստեան նորա . որում և վերջին դարուց ծնունդքս ակն կալեալ սպասեմք 'ի մօտոյ առաւել քան զհարսն մեր :

Լ'յլ որպէս ասացի, քանզի մարմին հրապուրէ և բանսարկուն խաբէ և աշխարհ գայթակղեցուցանէ՝ մանաւանդ 'ի մահաշունչ մատենիցն վերծանութենէ, և ապա տոյս ամենայն զյստակ տեսութիւն զհանդերձելոցն աղօտացուցանէ 'ի միտս և 'ի սիրտս ապականելոցն 'ի վարս :

« Ո՞ր դը , ասեն , դարձաւ 'ի մեռելոց , և պատմեաց ինչ մեզ զհանդերձելոցն և զճառս զանտի կենացն : Եթէ կայցէ ինչ տակաւին յետ մահուն , զայն ո՞ր գիտաց : Հապա մեք վայելեսցուք 'ի բարութիւնս որ կանն , զոր տեսանեմքս , զոր շօշափեմքս » :

Եւ արդ ասեմ . եթէ այս երկմտութիւն և թերահաւատութիւն զհանդերձելոցն խարխուլ է և վաղափուլ 'ի սկիզբն ծագման իւրոյ . անմիտ է և անհանձար 'ի փաստս հաստատութեան իւրոյ . է և քստմնելի և դժոխումբեր 'ի հետեանս իւր :

Բաջ միտ դիք աղաչեմ : Խարխուլ է 'ի սկիզբն իւր : Բանգի յինչ իրաց իցէ ծագումն նորա , քննեսցուք . ապա և զզինչութիւն նորա ծանիցուք , եթէ ճշմարտաւսիրութիւն իցէ արդեօք թէ շահասիրութիւն :

Վմենայն մարդ անդատին 'ի ծննդենէն բարձեալ բերէ ընդ ինքեան զսկզբունս զբնական օրինացն , զրեալ 'ի սիրտս իւր : Այս սկզբունք արդելուն նմա զամենայն բռնութիւն , զամենայն անիրաւութիւն , զամենայն ուխտադրութիւն , և զամենայն ինչ զոր ինքն չկամի կրել յայլոց : Ապա յարբունս հասեալ հասակին և դաստիարակութիւն առեալ , առաւել ևս սերտի 'ի նոյնս . ճանաչել զԱստուած , սիրել զԱստուած , երկնչել յԱստուծոյ : Օայս օրինակ ընթանայ նա զառաջինն 'ի կեանս իւր , յօրինաց անտի բնութեանն և 'ի խղճէ մտացն ուղղապէս առաջնորդեալ անձին իւրում : Ապա եթէ քրիստոնէական է դաստիարակութիւնն , քաջայայտ են պարտք և հրահանգք հանդիսից քրիստոնէութեանն , զոր կատարէ կամ ջանայ կատարել ըստ կարի :

Այլ ապա յընթացս ինչ հասակի նորա , բաբէ , տեսցես դու ինձ յանկարծակի զայլատարազ փոփոխութիւնն : Այս յուլանայ 'ի պարտս իւր առ Աստուած , և հեշտեալ ևս այնուհետեւ առ ընկերն . ապա և 'ի սպառ զանց ևս առնէ :

Հովանայ յամենայնէն , որ ինչ բերկրականք ոչ իցեն նմա 'ի զգալեաց աստի . հոգւոյն իբրեւ ստուերք երևին նմա . յանցաւորութիւն և առաքինութիւն առ նմա իբրու ոչ ինչ զանազանեալք 'ի միմեանց . և յորժամ այս այսպէս , զինչ ուրեմն՝ ասէ իցէ հատուցումն .

ապա և երկբանութիւնք անկանին 'ի միտս նորա . և սկսանի տակաւ յերկբայս լինել իցէն արդեօք հաւատեալ հանդերձեալքն , և չիցէմք մեք արդեօք փոքուիմն այլաբունք քան զանասուն կենդանիս . և ոչ արդեօք իբրեւ զօդ թոյլ չնչեցի հոգիս մեր այս , որպէս և տեսանեմք իսկ 'ի հոգեւ վարսն , ուստի և ցնդեցի և շիջցի համանգամայն ընդ մարմնոյ : Օ այսօսիկ նա որո՞ճալով 'ի միտս իւր՝ այնուհետեւ իբրեւ լուսաւորեալ և իմաստնացեալ կարծէ զանձն :

Ըրդ ուստի իցէ նմա այս իմաստութիւն , և այսչափ այլատարազ փոփոխութիւն սկզբանցն . զիմորդ և երբ կերպացաւ այս 'ի նմա գլխովին հակառակ էական սկզբանցն , զոր հիմնացեալ 'ի միտս այնպէս անյերկունալի ունէր նա յառաջն : Ընդ որ ճանապարհ գլեցաւ նա այնպէս , ընդ որ աստիճանս տակաւ իջեալ ոտն առ ոտն՝ շաղեցաւ նա այնպէս յանդերձանելին յայն վարմ՝ այնչափ այլափոխ և քստմնելի մտաբերութեանց . միթէ 'ի քնին էա՞ռ նա առանձինն անաչառ զսկզբունսն , կամ թէ 'ի խորհուրդ ինչ եմուտ ընդ իմաստնագոյնսն և եհարց վասն կարեորագունիցս այսոցիկ : Ըրդեօք փոյթինչ կալմաւ յառաջագոյն և զգուշացաւ սրտին՝ մի գուցէ դժպատեհ ինչ կիրք սպրդեալք զառածեցուցեն զնա 'ի ճշմարտութեան խորհրդոցն և վտանգեցեն 'ի յաւիտենականսն :

Ո՛վ , որչափ երկրպագելի իցէ արդարութիւնն Ըստուծոյ 'ի վերայ ապականելոցն 'ի վարս . զորս թողութեանէ յունայնութեան մտաց նոցա . “ Բարձի թողի , ասէ , զնոսա երթալ զհետ կամաց սրտից իւրեանց , զի զնացին նոքա ըստ կամս անձանց իւրեանց , ” :

Ընդստին յառաջին քայլէն , յորում վարք և բարք դոցա յանկարգութիւն հատան , անդէն իբրեւ կեղակարծելիք երևեցան նոցա պահպանութիւնք պարտուց իւրեանց :

Ընդստին յառաջին քայլէն , յորում երթեալ շաղեցաւ յանասնական ցանկութիւնսն , անդէն խորհուրդ 'ի սիրտ անկաւ նորա յերկունալ ընդ ազնուականութիւն հոգւոյն . ապա բուռն առնել և մտացն և հաստատիլ եթէ նոյնաբուն արդեօք իցէ մարդ ընդ անասնոցն անբանից : Ըստ արդեւ փակեաց առաջի իւր և զամենայն ճանապարհս , որ բաւական էին 'ի ճշմարտութիւն վե-

բաժեւ զնա . քանզի և զկրօնն ինքնին գլխովին իբրու-
յումպետից իմն եդ 'ի կարգի, և զմտաւ անգամ չկա-
մեցաւ ածել զնա և քննել հաւաստեալ . խստացաւ և
ընդդէմ խայթից խղձին, զի մի խափան ինչ լինիցի
կշտապինդ վայելիցն 'ի հեշտութիւնս :

Ինդ այս ճանապարհ աւասիկ և ընդ այս աստիճանս
եհան նմա անկանել յառաջին հաստատութենէ մտացն
'ի վերայ անսուտ ճշմարտութեանցն, և 'ի շնորհս հեշ-
տութեան մարմնոյն ընտրեաց լինել թերահաւատ և
անհաւատ :

Ի հաւասիկ սկիզբն և ծագումն երկմտութեան հոգ-
ւոյն . այն ինքն է՝ անկարգութիւն սրտին : Ի զէ ինձ
սիրելիք իմ գտէք եթէ կարէք՝ յիմաստնոց զոք 'ի մարդ-
կանէ 'ի ճշմարտիցն, յողջախոհիցն, 'ի բարեպաշտիցն,
որ ոչ ակն կալեալ սպասեսցէ հանդերձեալ կենացն և
անդանօր վարձուցն հատուցման, որ զնութիւնս, ըզ-
պոռնկութիւնս, զազգապղծութիւնս, և զանժուժկա-
լութիւն զամենայն իբրու հակամիտութիւնս համարեւ-
ցի և խաղս անմեղս բնութեան : Իսկ թէ ետես երբեք
աշխարհ և յանկրօնից յամբարշտաց կամ 'ի թերա-
հաւատից, որք իբրև իմաստունք ումանք երևեցան և
առաքինիք և ժուժկալք, վասն զի գիտացին այնպիսիքն
խորագիտագոյնս քօղածածուկ ամենեւին առնել զան-
կարգութիւնն ընդ հուշակաւ մեծի համբաւոյն իւ-
րեանց . կամ թէ վասն զի յագուրդ հեշտութեանն
յայն սահման կեղծուպատիր ժուժկալութեան ած-
զնոսա :

Ի յլ նախ կացին հեշտասէրք, ապա թերահաւատք .
սիրտն նախ ապականեալ, մինչ չև հաւատոյն նաւակո-
ծեալ . սիրելի էր նոցա, եթէ ամենայնն մեռանէր ընդ
մարմնոյ, զի 'ի պատուհասէն ապրեսցին . . . :

Ո՛վ, քանիօն իցէ միտիթարութիւն մեզ հաւատա-
ցելոցս և պարծանք, տեսանել զի հարկ է ուրեմն նախ
հրաժեշտ տալ յառաքինի վարուց, 'ի բարեպաշտու-
թենէ, յամօթիսածութենէ և յամենայն գեղեցիկ
հանդիսից մարդկութեանս, և ապա հրաժարել 'ի հա-
ւատոյն : Եւ զի առ 'ի ոչ ևս լինել քրիստոնեայ, պարտ
է նախ ոչ ևս լինել մարդ :

Ի հա թերահաւատութիւն խարխուլ՝ որպէս ասացի՝

ի սկիզբն իւր և արագաւեր . սակայն և երկրորդ անգամ՝ է նա և անբաւական և անմիտ ՚ի փաստս հաստատութեան իւրոյ :

Վրանգի յորժամ թերահաւատի ոք՝ ոչ յուսկէտս ինչ, այլ ՚ի մեծամեծս յոյժ և ՚ի յաւիտենականս, պարտ է փաստից նորա լինել կարի հաստահիմն և զօրաւոր յոյժ՝ առ ՚ի զգէմ ունել հասարակաց հաւատոյն, որ հիմնեցաւ դարուց ՚ի դարս այնչափ քաջայայտ ցուցակութեամբք, զոր յայլում քարոզի ցուցեալ է մեր : Սինչ զի եթէ ցուցակութիւնք ակներեք և փաստք անվանելիք և հաւաստիք անխաբք՝ չգուցեն զէն ՚ի ձեռին այնպիսի թերահաւատելոցն, չիք ինչ այնուհետև յաշխարհի այլ անբանութիւն, այլ ծփումն խելաց, որ հաւասարեսցի ընդ իւրումն . իբրև որ անժխտելի ճշմարտութեանն ընդգէմ կբրեսցի :

Եւ արդ տեսցուք . որ իցեն նորա այդ փաստք ՚ի հաստատութիւն թերահաւատութեանն : — “Ո՞ք գիտացէ, ասէ, զնորոց աշխարհին այնորիկ զիրսն՝ զորմէ քարոզեն : Բրդարն ահա և ամբարիշտն հաւասարապէս մեռանին . և այնպէս մեռանի մարդ, որպէս անասուն կենդանի : Եւ ո՞ դարձաւ երբէք յետս յայնմ աշխարհէ, ասել մեզ . ո՞ ՚ի մեռելոցն թշուառացաւ և ո՞ երջանկացաւ ,” :

Եւ փաստք նորա . . . : Եւ աղէ այր դու, մեք ոչ զերկմտութիւն քո և զթերահաւատութիւնդ կամիմք լսել, այլ փաստս զթերահաւատութենէդ : Իսկ դու այլ և այլ տարազու զնոյն զայն զերկմտութիւն յեղյեղես : Եւ եթէ մեք զնոյն հարցումն փաստից կրկնեմք քեզ, և ՚ի նեղն ածեմք ասել մեզ ինչ մի ՚ի նոցանէ, դու միշտ զնոյն երկմտութիւն բացադանչեսցես, “Ո՞ք գիտաց զան տիսն, ո՞ դարձաւ անտի, ո՞ պատմեաց մեզ ,” :

Եւ սակայն երկբայութիւնք չեն փաստք : Եւ եթէ ևս ոք ՚ի մեռելոց դարձցի առ քեզ և պատմեսցէ, միթէ հաւատասցես . վա՛շ, ասացես անշուշտ, եթէ ուրուական է, եթէ խաբանք են : Վրանգի ոչ զճշմարտութիւն խնդրես, քան թէ զհեշտութիւն . և զաշխարհ և զմարմին չկամիս թողուլ, և ՚ի հանդերձեալ պատուհասէն զանգիտես : Ուստի եթէ և ժխտել զլիսովին չհամարձակիս, սակայն յերկբայութիւն արկանես :

Լճի եթէ ընդ քարոզեալն այնչափ հաւաստեաց յայտ յանդիմանութեամբ երկմտիս, զիմորդ դու ընդ տեսիլ միոյ ուրուք դարձելոյ յայնմ աշխարհէ ոչ երկբայեսցիս, քանզի եթէ այսպէս և եթէ այնպէս, ամենայնս զքոյ կողմն ճգնեսցեն. այս է թողուլ զաշխարհ, թողուլ զմարմին: Աստի և ճշգրիտ միայն և վերջին և առաջին պատասխանի այն է, զոր կարի իմաստութեամբ ասաց Լքրահամ. «Եթէ Սոլեստի և մարգարէից ոչ լսեն, և ոչ եթէ ՚ի մեռելոց որ յառնիցէ, հաւատասցեն»:

Եւ բաց դու միանգամ զաչս, և ուշիմ լեր. երկբայութիւն միայն շատ իցէ, այր դու, թերահաւատ գործել զքեզ. իսկ ամենայն ցուցակութիւնք, ամենայն փաստք կրօնին չիցեն բաւական՝ հաւատացեալ գործել զքեզ: Երկբայիս միայն եթէ իցեն արդեօք հանդերձեալ կեանք. և անդէն կանուխ սկսանիս դու կեանս վարել այնպէս, որպէս եթէ ստուգապէս չիցեն:

Օ ի եթէ երկբայութիւն է յերկաքանչիւրսն, զի է զի զմիոյ միայն կողմանն թեկն ածես դու ՚ի գործելի, և զայնր կողմանն՝ որոյ սպառնալիքն են յաւիտենական: Վանիօն իցէ խելայեղութիւնն: Վոյ չիք այլ փաստ, և այլ հիմն կարծեացդ, բայց երկբայութիւնդ միայն. և մեզ յերեսս հարկանես զհաւատսն, իբրու դիւրահաւատութիւն ռամկին:

Բայց աղէ, յորո՞ւմ ՚ի կողմանց աստի գտանես դու զմեծապէս դիւրահաւատութիւն զայդ: Օ ո՞ր կոչեսցուք մեք պարզամիտ դիւրահաւատ. զթերահաւատն եթէ զհաւատացեալն: Հաւատացեալն հաւատայ զհանդերձեալն՝ յեցեալ ՚ի վկայութիւն աստուածային մատենիցն, յաւանդութիւնս զբաւոր և ձայնաւոր առաքելական արանցն, արք արդարք, պարզք, աննենգք, սքանչելագործք. արք որք և զարիւնս իւրեանց հեղին վասն փառաց ճշմարտութեանն՝ զոր քարոզեցին յընդհանուր տիեզերս. քարոզեցին և դարձուցին ևս: Հաւատացեալն հաւատայ՝ յեցեալ ՚ի լրումն մեծաց մարգարէութեանց, զոր անյերկունալի ընկալան այնչափ արք անուանիք և հոյակապք. արք սուրբք և գերահրաշակք, արք հանձարեղք և մատենագիրք. զոր ընկալան և ազգ և ազինք իմաստունք և քաջահրահանգք:

Իսկ ԹերաՀաւատդ երկմտիս զՀանդերձելոյն, յեղեալ միայն յերկբայութիւնդ, յեցեալ միայն ՚ի վաւրանս. “Ո՞ր դիտէ, ասես, զանտիսն. ո՞ր դարձաւ անտի և պատմեաց մեզ”, . . . : Ի՞հա ամենայն փաստ քո. ահա ամենայն հաւաստիք քո :

Եւ արդ հարցանեմ. Ո՞ր այժմ իցէ դիւրահաւատդ : Հաւատացեալն ՚ի զօրութենէ այնչափ ցուցակութեանց, եթէ ԹերաՀաւատեալն ՚ի պատճառս լոկոյ երկբայութեանն . . . : Ի՞նչէ կուրութեանն, յորում լքեալ Թողանի յԵստուծոյ մեղաւոր բարձրամիտ. որում, աւա՛ղ, և ոչ տնկակից լոյս բանին նպաստեսցէ ինչ նմա :

Ի՞յլ ես յառաջ ևս ընթացեալ, շնորհեցից Թերահաւատ ոգւոյդ, եթէ յերկբայութեան քում հաւասարազօրք իցեն քո փաստք ընդ փաստից հաստահիմն ճմարտութեանցն՝ որ աւետեն և խոստանան զանմահութիւն ՚ի հանդերձեալն. գոնեա ցանկալի պարտէր քեզ լինել, այր դու, ճմարտութիւն կողման հաւատոյն. որ այնչափ գերազանց քարոզէ զբնութիւն հոգւոյն, և այնչափ շուք դնէ բնութեանս մերոյ, իբրու որ ծագումն նորա երկնաւոր է, և յոյս ակնկալութեան նորա անանցական :

Ի՞նչ այսոքիւք և ատելի յոյժ և քստմնելի պարտէին քեզ լինել պատիր Թելադրութիւնք Թերահաւատ ոգւոյդ. Թելադրութիւնք անկաճք և այնչափ նուաստացուցիչ բնութեան մարդոյ, մինչև անասնոց անբանից հաւասարեալ զնա, և տալ նմա կեալ միայն վասն մարմնոյ իբրև զպաճարս : Թելադրութիւնք՝ որ ոչ տեսչութիւն ինչ վերին ՚ի ներքս մատուցանեն մարդոյ, ոչ վախճան ինչ սահմանի, ոչ յոյս ինչ բարւոյ ակնկալութեան : Թելադրութիւնք՝ որ զվիճակ կենաց մարդոյ պարադրեն միայն ՚ի սակաւութիւ ինչ աւուրս անցաւորս ծաղկընկէց կենացս. աւուրք վշտըմբերք, անանդորր, լի հոգովք, ցաւաղինք, ախտակիրք : Եւ ո՞րք՝ Թէպէտ և ՚ի յոյժ յետսամտաց իցէ, ՚ի հաւասարազօր կարծիսն զկամեսցի առաւել խաբիլ ՚ի միումն, և ձեռն տալ այնմ որ շահաւոր կողմանն նպաստամատոյց իցէ :

Ի՞յլ չեն ինչ զարմանք, սիրելիք, եթէ մարդիկ ծնեալք յարենէ միայն և ՚ի կամաց մարմնոյ և ՚ի կամաց առն, երես ինչ չառնիցեն պատուոյն և շքոյ՝ զոր բնութեան

նոցին 'ի ներքս մատուցանեն հաւատք . և կամեսցին առաւել զի կաւ իցէ ողջոյն հոգի նոցա և մոխիր յոյս նոցա , և ամենայն մեռցի 'ի մեռանել նոցա :

Քանզի որպէս ասացի՝ հոգւոյքն իբրեւ ստուեր են առ նոսա . քանզի սիրեցին զմարմին առաւել քան զհոգին : Եւ զի անբանական են կեանք նոցա և անասնական հեշտութիւնք նոցա , համարին եթէ և իբրեւ պաշարաց իցէ բնութիւն նոցա :

Եւ այց աղէ , եթէ անմտացեալ քո միանգամ և բնութեանդ ինքնին մեծարանս չընիցես 'ի կողմն լինելով հաւատոցն , առ ինչ դու երկրորդ անգամ անմտացեալ երես չառնիցես և շահու անձինդ : Օ ինչ կորուսցես , սոսա ինձ , եթէ հաւատաս . իսկ որ չարաչար և անհնարին հետեանք կայցեն , եթէ խաբեալ մոլորեալ թերահաւատիս :

Եթէ հաւատաս , կեցցես դու իբրու հաւատացեալ 'ի շուք և 'ի պատիւ անձինդ , գուն գործեալ ըստ հրահանգի հաւատոցդ երեւել և լինել քաղցր և համբոյք և սիրելի , արդար , անկեղծաւոր , երկիւղած , բարեկամ ուխտապահ , ամուսին հաւատարիմ , տանուտէր արդարադատ : Եւ չափու կալցես ըստ հաւատոցդ զկիրան , որ թերեւս սանձարձակեալք առանց հաւատոց , ողորմելի քեզ յարդարեսցեն զաւուրս կենաց քոց : Եւ իսկ կալեսցես ըստ հաւատոցդ յայն ինչ հեշտալեաց , որ ծերութիւն տարաժամ , ծերութիւն ցաւաղին կանուխ առթեսցեն քեզ . կամ թէ վիճակ մի կենաց՝ ամենեւին անկարգ : Եւ այլեւսցես ընդ երկիւղածութեանդ 'ի յարգանս առաքինութեան , և յարժանաւոր վարկ համարման առ ժողովուրդն : Եւ հաւաստի քեզ կորուստն քո :

Եւ դիցուք եթէ թէպէտ և ամենայն ըստ քեզ վախճան առցէ ընդ կենացդ , ոչ ահա միակ ճանապարհ այս իցէ շքով անցուցանելոյ զկեանսդ իբրեւ երջանիկ և յանդորրու : Եւ ոչ շատ իցէ քեզ այս : Եւ թէպէտ և վարձ յաւիտենական հատուցման՝ ըստ քեզ՝ չիցէ 'ի միջի , զինչ կորուսցես դու ակն ունելովդ այնմ : Կորուսցես այդ ինչ մի 'ի վաղանցուկ հեշտալեաց աստի կենցաղոյ՝ որ այն ինչ ճաշակեալ և անհամասցի , զի կամ տաղտկասցիս և կամ նողկասցիս 'ի կրից անտի . կամ քարշեսցիս իբրեւ տոռամբք գերի վարեալ 'ի նորանոր ցանկաւ .

Թեանց՝ որ անդուստ գրգռեսցին : Կորուսես և զանգոսնելին զայն և զբարբարոսական բերկրութիւնդ՝ ըստ սանձարձակ Թերահաւատութեանդ լինելով քո անբաժ 'ի հաւատոյ , մերկ 'ի բարեզգեսաց բարուց , անմասն 'ի խղճէ մտաց , ապառու՛մ առ մարդիկ , անագորոյն , օտարախորթ 'ի բնութենէ : Այսչափ է երջանկութիւն կենաց Թերահաւատիդ . և ապա զլիս միւս անգամ յօնջութիւն քո , և մոլորութեանդ քո չիցեն այլ հետեանք :

Այս ամենայն ըստ Թերահաւատ կողմանդ , արդ լուր և զկողմն հաւատոյն : Օ ինչ ասես . եթէ յանկարծ ստուգապէս կայցեն հանդերձեալք որպէս քարոզեմք , և դու Թերահաւատութեամբ խաբեալ իցես , զինչ ասես . ո՞ր կորուստ , ո՞ր վտանգք անհասրինք զբեզպաշարեսցեն , այր դու : Ո՞ր . բայց անգիւտ կորուստ անսպառելի բարեացն . անկանել 'ի յաւիտեան 'ի տեսութենէ փառացն Աստուծոյ , որ երջանիկ յաւերժաբար հանդերձեալ էր դործել զբեզ : Օ ինչ այլ . . . : Իբրու որ շատ չիցեն այս աղէտք . նաև հուր ծախիչ անշիջանելի պաշարեսցէ զբեզ , տանջանք դառինք անվախ ճանք ընդ առաջ ելցեն քեզ , և յաւիտենականութիւն անձկութեանց սրտի և արհաւրաց լլկեսցէ զքեզ :

Աւարդ վայրիկ մի 'ի կշիռ համեմատութե՛ ձգեալ զկրկին վիճակս , զո՞ր կողմն այժմ կալցես դու . . . զայն դու ինքնին յուշ արա անձին . քանզի ընտրոյ տէր Թուրում զքեզ :

Բայց մեք սակաւիկ մի և զերրորդն տեսցուք , եթէ քանի՛ քստմնելի իցէ Թերահաւատութիւնն և 'ի հետեանս իւր : Արդ միայն առ խիղճ մտաց Թերահաւատիդ խօսելով զարդիս , ասեմ եթէ արդարեւ ամենայնն ընդ կենաց մարմնոյդ վախճան առնուցու , որպէս կարծեսդ . և եթէ յետ աստեացս ոչ այլ իմիք ակնկալցի մարդ . և եթէ մերս հայրենիք , և մեր ծագումն և վախճան , և մեր երջանկութիւնս աստեօք չափ միայն իցէ . և ընդէր ապա չիցեմք մեք երջանիկք : Աւ եթէ վասն հեշտալեաց զգայութեանց միայն ծնաք մեք , և ընդէր ապա սորա չեն բաւական շատացուցանել զմեզ . նա տաղտկացուցանեն ևս , և տխրութիւն և անգոհութիւն 'ի ներքս ածեն 'ի սիրտ մեր :

Եւ եթէ մարդ վիճակակից է պաճարաց, և ընդէր ապա ըստ նոցա օրինակին չանցուցանէ և սա զաւուրս իւր անհոգ և անգործ և անտաղտուկ և անտրտում՝ վայելեալ յերջանկութեան զգայութեանց միայն և մարմնոյն։ Եւ զի է զի և ոչ ինչ այլ յաստի կեանս գլխովին երջանկացուցանէ զմարդ։

Օ ինչ պատճառք իցեն, զի հարստութիւնք անհանգստեն զնա, և պատիւ և փառք անյադուրդ թողուն զնա, և հեշտալիք ջլատեն զնա։ Իսկ և դպրութիւնք և գիտութիւնք ամբօխեն առաւել, քան եթէ հանդուցանեն. քանզի և երբէք ոչ շատացուցանեն գիտութիւն նորա և զհետաքրքրութիւնն, նա աճեցուցանեն և ևս, և համբաւ և վարկ ոչ լիով անգործացուցանեն զնա. և միանգամայն ամենայն որ յաշխարհի ոչ ինուն զանչափութիւն սրտի նորա. ինչ մի հանապազմնայ որում ցանկայ։ Օ ինչ պատճառքն իցեն...

Իսկ ապա բաց ՚ի մարդոյ՝ այլ ամենայն արարածք գոհ են ընդ վիճակ իւրեանց և թուին երջանիկք, յոր միանգամ եղ զնոսա արարիչն։ Եթէ լուսաւորք իցեն յերկինս, եթէ մեծամարմին երկիրս, եթէ անասուն կենդանիք ՚ի դաշտս, եթէ երէք յամայիս, եթէ դազանք ՚ի մայրիս, ՚ի կաղաղս. եթէ թռչունք ընդ օդս. ամենայնն է երջանիկ, զի այսպէս ասացից, ամենայնն է ՚ի կայի իւրում ՚ի բնութեան. մարդն է միայն անհանգիստ և անգոհ, թուի թէ չէ տակաւին ՚ի կայի իւրում. մարդն է միայն որս գիւրըմբռնելի և ճարակ ու զորմելի իւրոց ցանկութեանց. նշաւակ իւրոյ երկիւղին. նաև ՚ի յոյս ակնկալութեան անձին ինքնին գտանէ զտանջանս անձին. թշուառ և ապերջանիկ ՚ի բերկրալիսն՝ որոց հետամուտ է. և այսպէս մարդոյ միայն չիք աստ ՚ի ստորինս, ուր հաստատեսցէ զյոյս իւր։

Օ ինչ պատճառքն իցեն... Ուստի է այս ամենայն. ասա ինձ թերահաւատդ։ Ո՞չ թերևս, քանզի ես դու աստ յերկրի արտաքոյ քումդ կայանի. քանզի վասն երկնից ստեղծար. քանզի քո սիրտ մեծ ևս է քան զբոլոր աշխարհ. քանզի երկիր չէ քո հայրենիք. քանզի ամենայնն որ ոչ է ըստուած՝ իբրև ոչ ինչ է առաջի քո... Տուր ինձ պատասխանի... Եւ թէ առաւել

ևս դու ինքնին հարց զսիրտ քո, և լինիցիս հաւատա-
ցեալ:

Եւս եթէ յետ այսր ամենայնի տակաւին թերահա-
ւատութիւնն զօրացի 'ի քեզ 'ի մասին յայսմիկ, ո՛վ
քանիօն կիրք իցեն անհանդուրժելիք. քանզի չիցէ ու-
րեմն այնուհետեւ ինչ մի թշուառական յաշխարհի ա-
ռաւել քան զմարդ. և ամենայն կենդանի և ամենայն
արարածք՝ որ վասն մարդոյ հաստեցան և մարդոյ սպաս
հարկանեն, առաւել երջանիկք իցեն քան զմարդ, և
ինքն միայն ապերջանիկ. և 'ի ճահ առաքելականն սա-
տահեացէ իմաստ, «Եթէ այսու կենօքս միայն յու-
սացեալ իցեմք, ողորմելի եմք քան զամենայն»:

Եւս եթէ քեզ և 'ի հասարակաց հաւանութենէն. եթէ
ամենայն մեռանի ընդ մարմնոյ, և յի՛նչ պատ-
ճառաց ապա դրդեալք հաստատեցան 'ի միտս ամենայն
մարդիկ յամենայն 'ի դարս և յամենայն ազգս, եթէ
անմահ է հոգի նոցա...: Ուստի ծնաւ յազգի մարդ-
կան այս նորանշան դաղափար անմահութեան, այս ի-
մաստ այնչափ 'ի վեր քան զմիտս մարդոյ և այնչափ օտար
'ի բնութենէ մարմնոյ. ուստի, ասա ինձ, եթէ արդարեւ
'ի վարել միայն զգղայութիւնն ծնեալ իցէ մարդ, և 'ի
վայելել միայն 'ի ժամանակեայս իբրու զգասակս սա-
ճարաց: Օ խորդ տիրացաւ յընդհանուրս այս իմաստ
ազնուական անմահական վիճակի: Ո՞ր դտակ առաջին
և հեղինակ իմաստիս այսորիկ և դաղափարիս... չիք
ուրեք: Եւ սակայն առ ամենայն ազինս առ հասարակ
եզիտ հլութիւն և աշակերտութիւն. եթէ վայրագա-
սունքն էին ազգքն, եթէ քաղաքականացեալք, եթէ
տիմարք և անուաք, եթէ ուսեալք և կիրթք, եթէ ան-
հաւատք և եթէ հաւատացեալք:

Եւս դու անց յառաջ մինչև 'ի ծագումն դարուց,
յաճեաց ընդ ազգս ամենայն, ընթերցիր զպատմու-
թիւնս ամենայն արքայութեանց. երթ խօսեաց և ընդ
այնոսիկ, որ տարադէմ ճանապարհորդեալ ընդ աշխարհ,
դարձ արարին 'ի ծագաց նորա և 'ի յոյժ բացական կրղ-
զեաց կղզեաց: Եւս անմահութիւն հոգւոյն միշտ եկաց առ
նոսա, և այն է տակաւին հաւատք առ հասարակ ամե-
նայն ժողովրդոց աշխարհի:

Եթէ երբէք ծանօթութիւն միոյն Եւստուծոյ նուա-

զեցաւ յերկրի . և ողջոյն ժողովուրդք վայրաբնակք և անտառասունք կեան առանց պաշտաման , առանց կրօնի , սակայն առ հասարակ ակնկալեալ մնան հանդերձելոյ իմիք . սակայն իմաստ և դադափար անմահութեան հողւոյն երբէք ոչ ջնջեցաւ 'ի սրտից նոցա . այլ ամենեքեան կերպացեալ ունին 'ի միտս տեղի մի , գաւառ մի , յորում բնակեցին հողիք յետ մահուն . նաև զԿստուած զմին 'ի մոռացոնս դարձուցեալ , չկարացին երբէք մոռանալ զանձինս :

Երդ զինչ պատճառք իցեն , զի մարդիկ այնչափ զանազանեալք լեզուաւ և ազգաւ , 'ի պաշտաման , 'ի կրօնի , տարբերեալք 'ի դաստիարակութեան , 'ի բարս , 'ի սովորութիւնս , 'ի յօժարութիւնս , յիմաստս , 'ի խորհրդածութիւնս , 'ի շահախնդրութիւնս , տարադիմեալք 'ի գաւառս գաւառս , տարբերեալք 'ի տիպս կերպարանաց , մինչ զի այլատեսակ 'ի դասուց մարդկան համարել նոցա . և սակայն առ հասարակ ամենեքեան 'ի նոյն իմաստ միաձայնեալ են , և ամենեքեան ջատագովք կան անմահութեան , և ամենեքեան խնդրեն անմահ լինել :

Բարէ , ահա համաշխարհական կրօն տիեզերաց . ահա վարդապետութիւն դաւանութեան՝ որ ոչն ճանաչէ իւր զոր ոչ հեղինակ , ոչ գլուխ , ոչ պաշտպան : Սարդիկ ինքնին 'ի մասինս գտան ինքնաձեռնադրելի աստուածաբանք ողջամիտք . վարժապետի պէտք չեղեն . անձամբք անձանց եղեն վարժեալք . ինքնին բնութիւնն չնչեաց ազդեաց 'ի նոսա : Եւ յորմէ հետէ եղեն արարածք , այս հաւատ անմահութեան և հանդերձելոյն անց միշտ 'ի հարց առ որդիս և միշտ պահեցաւ յաշխարհի :

Իսկ արդ եթէ թերահաւատութիւն 'ի բանիս յայսմիկ զօրեացէ ինչ , զի արդ ոչ յոյժ քստմնելի կիրք իցեն ասել , եթէ ամենայն մարդիկ միանդամայն անմտացան յամենայն դարս , յամենայն ազինս , յամենայն աշխարհս , և վայրագ և շէն մարդիկն , և ուսմիկն և աւագորեարն և ժողովուրդք և առաջնորդք , և անուք և իմաստասէրք . և անմտութիւն այսպիսի՝ ոչ մարդոյ իցէ , այլ բնութեանն . իսկ որ անլուր և անասելի 'ի հայհոյութիւնս , և ոչ բնութեանն , քան թէ արարչին

բնութեանն, որ զնոյն իմաստ անջնջելի տպաւորեաց յամենեւին:

Ըրդ զի այս ամենայն այսպէս, զինչ ևս այլ անխաբ հաւաստեաց պէտք իցեն ակներև տեսանել, եթէ երկբայութիւն թերահաւատութեան՝ նշաւակ է ուրեմն՝ ի ծագման իւրում, և անբան ի փաստս, և անհանդուրժելի ի հետեւանս: Ուստի և չիցէ ինչ այլ այնչափ հակառակամարտ լուսոյ ուղիղ բանին, որչափ երկմտութիւն ի հաւատ հանդերձելոցն:

Հապա այսուհետև նշաւակեսցուք զսա՛նակ ի սատրուակս իւր, և ցուցցուք եթէ քան զայս թերահաւատութիւն՝ չիք ինչ այլ առաւել հակառակամարտ նաև ընդդէմ իմաստութեան և մեծվայելչութեանն Ըստուծոյ. նոյն և ընդդէմ գիտակցութեան խղճի մտաց:

ՄԱՍՆ Բ.

Ոչ այլանդակ ամենեւին իրք իցեն, սիրելիք, մանաւանդ թէ և ամբարշտութիւն, յորժամ ի թերահաւատից որ ժտեսցի երթալ միւիլ մինչև ի մեծվայելչութիւն անդր Ըստուծոյ, և անդ ինդրել ինչ մի ի զօրաւիզն և պաշտպան անդգամութեան իւրում. և չգտեալ ի ներքս իւր և ոչ ինչ առ ի չքմեղս հանել զանդգամութիւն հոգւոյն, համարեսցի ապա գտանել ի մեծվայելչութեան անդ գերագոյն էին այնչափ իմն ներողութիւն և զիջումն և թուլութիւն, զոր և ոչ յապականութեան սրտի իւրոյ երբէք կարասցէ գտանել:

Ի ուր աւաղիկ, զինչ ի դէմն ածեն թերահաւատք. «Իցէ՞ ինչ, ասեն, արժանի մեծվայելչութեանն Ըստուծոյ, այնչափ ճղճիմ լինել և հոգ այնչափ ունել և միտ հանապաղ դնել՝ զինչ անցք անցանիցեն ի մարդիկ. հաշիւ ճշգրիտ ունել զմոլութեանց նոցա և զառաքինութեանց նոցա, և խորաքնին մինչև ի խորհուրդս նոցա լինել, և մինչև ի ցանկութիւնս նոցա չնչինս և անթուելիս: Իցէ՞ այս արժանի մեծի փառացն Ըստուծոյ, Իւր մարդիկ անարդ որդունք երկրի, որ ի հայեցուած միայն աստուածաբետական աչացն կո-

բրնչին և 'ի չիբ դառնան, արժանիք ինչ իցեն նոքա այնպէս 'ի մօտոյ մանր հետազօտութեան ամենակալին Մտուծոյ : Այս 'ի ճաճ իցէ և այդչափ մարդկօրէն խորհել զմեծվայելչական աստուածութենէն . և տալ նմա գործ մի և զբաղումն այնպիսի, որ և ոչ մարդոյ ումեք աւագի և վեհանձին իցէ արժանի : Օ այս 'ի դէմս ածեն նոքա :

Այլ մինչև ողջ նշաւակեալ զհայհոյութիւնն, միտ դիք զիմրդ ինքնին և թերահաւատք 'ի խօսելն այսպէս, գձձեն նոքա զմեծվայելչութիւնն Մտուծոյ, և իբրև նմանօրինակ մարդոյ ընծայեցուցանեն զնա : Քանզի զինչ պէտք իցեն Մտուծոյ՝ այնպէս 'ի մօտոյ մանր հետազօտել զմարդիկ՝ առ 'ի խելամուտ նոցայն լինել գործոցն և խորհրդոց : Օ ինչ պէտք իցեն նմա այնպէս ճղճիմ ուշ ունել՝ զինչ անցք անցանիցեն յաշխարհի :

Այսպիսին ըստ անսուտ ճմարտութեանն, 'ի նմա եմք մեք, 'ի նմա շարժիմք, 'ի նմա կեամք և գործեմք . և խուսափել հնար իցէ յամենատես ականէն : Քանի անմտութեան իցեն բանքն համարել, եթէ դէպք և անցք որ յաշխարհի, հոգ և խորհուրդ յաւելցեն յաստուածութիւն անդր, եթէ երբէք կամեսցի նայել 'ի նոսա . . . : ()Ն անդր 'ի բաց յիմարութեան բարբանջ մունքն . . . : Քանզի մի միայն է Մտուծոյ երանաւէտ պարապումն՝ նկատել ճանաչել զանձն և վայելել յանձին :

Արդ նշաւակեսցուք զնոսա այսպէս : Եթէ մեծվայելչութեանն Մտուծոյ 'ի դէպ իցէ, որպէս ասեն, այնպէս անխնամ թողուլ զարարածս, անխնամ զչարս և զբարիս, այնպէս անպատուհաս թողուլ կամ անվարձ, ապա ուրեմն նոյն իցէ առ Մտուած լինել արդար, անկեղծաւոր, մարդասէր, խնամակալու . և նոյն իցէ դարձեալ լինել ապառուժ, նենգաւոր, ուխտադրուժ, տմարդի : Արեւսցէ ուրեմն Մտուած հաւասարապէս զառաքինութիւն, զպարկեշտութիւն, զուղղութիւն, զկրօն . միանգամայն և զմոլութիւն և զստութիւն և զամբարբշտութիւն : Արուհետև արդարն և ամբարիշտն, մաքուրն և անմաքուրն համալիճակք հանդիպին առ Մտուծոյ . և առ հասարակ ոչնչութիւնն յետ սակաւուց

նմանօրինակս զործեսցէ զնոսա, և 'ի նոյն արհաւիրս տարտամուլթեան միոյ տապանի շեղջաշեղջ խառն կուտեալ պահեսցէ 'ի յաւիտեան :

Եւ, զի՛նչ ասեմ սիրելիք, ո՞չ ամբարշտացն յաստիս փառաւոր ևս իցեն կեանք քան զարդարոցն . “Օ ի է, ասէ, զի ճանապարհք ամբարշտաց յաջողեալ են, և երջանկացան ամենեքին՝ որ արհամարհեն զարհամարհանս” . Եւ, “Տեսի, ասէ, զամբարիշտն վերացեալ բարձրացեալ իբրև զմայրն Վիբանանու” :

Թուի իմն շնորհս առաւելագոյն գտանել նոցա յաշխարհի առաջի Մտուծոյ, որ այնպէս բարձրացուցանէ զնոսա . փառօք և պատուով և ոսկւով և արծաթով լիացուցանէ . ցանկութեանց նոցա զօրավիգն տայ . զկամս խորհրդոց նոցա յաջողէ . քանզի և են իսկ ամբարիշտք հասարակ կարգաւ երջանկացեալք յաշխարհի :

Իսկ և ներհակաբար՝ Թուի իմն արդարն յաշխարհի մոռացեալ առաջի Մտուծոյ . խոնարհեցուցանէ զնա, մատնէ յանձկութիւնս, 'ի վիշտս . զրպարտութեանց առակ նշաւակի կարգէ զնա . 'ի ձեռս Թնամեաց Թողու զնոսա : Քանզի և վշտմբերութիւնք և նախատինք և անաւագութիւն հասարակ կարգաւ բաժինք են յաստի կեանս արանց արդարոց :

Եւ արդ ո՞ր հրէշ խառնակերպարան աստուածութեան իցէ ընդ տիեզերս, եթէ ամենայնն վախճան առնուցու ընդ մահուան մարմնոյ . եթէ արտաքոյ աստեացս չիցեն չարիք այլ, և բարիք այլ, որո՞ց անկալեալ սպասեսցեն ամբարիշտք և արդարք : Իցե՞ ուրեմն Մտուած պաշտպան և Թեկնածու յանցաւորութեանց, շնութեան, սեղանակապտութեան, և այլ ևս մեծեղեուն անկղիտացելոցն : Իցե՞ ուրեմն Մտուած հալածիչ ռիսերիմ անմեղութեան, պարկեշտութեան, աստուածպաշտութեան և ամենայն առաքինութեանց : Իցե՞ն ուրեմն պարգևք շնորհաց նորա՝ մրցանակ մեղաց . և պատիժք պատուհասի նորա՝ միայն վարձ և հատուցումն առաքինութեան :

Ի՜նչքէ, զո՞ր Մտուած խաւարին, զոր Մտուած լրցեալ անիրաւութեամբք ստեղծանէ յինքեան Թերահաւատութիւնն և երկեցուցանէ աշխարհի . Թերահաւատութիւն՝ որ և յանհաւատութիւն գլխովին առեալ ձգէ զունողն իւր :

Լայլ զիարդ՝ մեծ վայելչութեանն Եստուծոյ, զոր ստէպ զօրավիզն առնուա մոլորութեանդ, մեծ վայելչութեանն ասեմ Եստուծոյ արժան և ՚ի դէպ իցէ լքանել թողուլ ՚ի ձեռաց զաշխարհ՝ զոր այնչափ զարդարուն ՚ի վեր եհան ՚ի վհէ անտի համաշխարհական անպատրաստութեանն : (Ը) Թող ուրեմն ամբարիշտն միշտ հարստահարեսցէ զարդարն, թող բռնաւորն յաթառոյն սասանեցուցէ զանմեղն, թող ամբարտաւանութեան որդւոյն զոհ լինիցի հայրն, թող յանհաւատութեան ուխտադրուժ հարսինն հեծեծեսցէ փեսայն . և ՚ի բարձանց անտի մեծ վայելչութեանն իւրոյ ՚ի զինն միայն կացեալ աղետիցն զուարճասցի, ո՛ր դժոխմբերելի կիլք, զուարճասցի Եստուած ուրոյն մեկուսի առանց ինչ վարելոյ դատ :

Օ ինչ ասես . արդեօք ՚ի պատճառս այնպիսի մեծի վայելչութեանն իւրոյ իցէ Եստուած կամ տկար, կամ անիրաւ, կամ անազորոյն : Երդեօք և մարդոյ ՚ի պատճառս փոքրիկութեան և որդն անարդ լինելոյ՝ թոյլ իցէ նմա կամ անկղիտանալ ՚ի չարիս առանց մեղաց, կամ առաքինանալ ՚ի վարս առանց արդեանց :

Վանիօն իցեն բարբանջանքն, մանաւանդ տմբարըտութիւնն : Իցէ ուրեմն Եստուած՝ զոր սիրեմք և որում երկիրպագանեմք, ոչ հայր մեր, ոչ դատաւոր մեր, ոչ փրկիչ մեր, ոչ պաշտպան, ոչ ապաւէն, ոչ մխիթար վրտաց, ոչ զօրավիզն տկարութեանս, ոչ վարձատրող լաւութեանս : Իցէ ուրեմն նա ոչ այլ, բայց բռնաւոր անախտակիր և անազորոյն, որ ՚ի նպանդ զոհի իւրումն մեծ վայելչութեան վարեսցէ առ հասարակ զամենայն մարդ . և յանկից ՚ի զոյ ածեալ դիցէ զնա ՚ի խաղալիկ միայն իւրումն պարապութեան, և յառակ կամացն սփոփութեան :

Վանգի արդարեւ ՚ի թերահաւատել քո միանգամ զհանդերձելոյն, զոր ապա վախճան, ասա ինձ, զոր խորհուրդ արժանի աստուածեղէն իմաստութեանն՝ տալես դու ունել Եստուծոյ ՚ի ստեղծանել իւրում զմարդ : Երդեօք էր նորա այլ ուշ նպատակի ՚ի հաստել զմարդ, և այլ ՚ի հաստել զանբան կենդանիսն :

Օ ինչ ասես, աւասիկ մարդ ազնուականագոյնն յարարածս, որ այնչափ խորհուրդս բարձունս յղացեալ

գանձէ՛ ՚ի ծննդական ՚ի միտսն . այնչափ ընդարձակա-
տարր իղձս , այնչափ իմաստս վսեմականս , ասպնջական
է սիրոյ , ասպնջական ճշմարտութեան , ասպնջական է
արդարութեան . մարդ միայն՝ յամենայն գոյակս ընդու-
նակ անդարձ սահմանի վերին տեսչութեանն , զի ինքն
միայն ընդունակ ՚ի ճանաչել և ՚ի սիրել զՄտուած .
մարդ միայն՝ յամենայն արարածս վկայեալ պատկեր և
նմանութիւն արարչին :

Սա այս մարդ , զինչ ասես , վասն հողոյ միայն հաս-
տեցաւ , առ ՚ի կեալ և շնչել և անցուցանել զաւուրս
սպառնթաց մարմնոյն՝ ըստ օրինակի անասնոցն ՚ի կերա-
կուր և յարբումն , ՚ի պարապմունս չնչինս , ՚ի սիրովու-
թիւնս անտիականս , կամ ՚ի հեշտութիւնս անասնա-
կանս :

Եւ իցէ՛ ինչ ՚ի ճահ այնպիսի սքանչելի հաստուածոյն
մտանել խառնիլ՝ ՚ի նոյն Զոյ պաճարաց այնչափ անա-
ւագ և անկած . և լինել այնպէս արքային տեսիլ աշ-
խարհի և առակ նշաւակի յամենայն արարածս : Եւ
սպա ՚ի մեռանել մարմնոյն , գնալ անկանել միւսանդամ
՚ի վիհ ոչնչութեան , անգործ անպիտան թողեալ ՚ի
յաւիտեան , զպէտս և զվաստակս զայնատարր մտացն
զխորհուրդս զվսեմացեալ սրտին , զոր ետ նմա արարիչն :

Սա՛ , եթէ այսպէս էր , ո՞ր էր իմաստութիւնն Մտ-
տուածոյ ՚ի հաստել անդ իւրում զհրաշակերտ զայս գործ
և զմեծ՝ միայն վասն սակաւօրեայ ժամանակի և վասն
ապականացու երկրի , և միայն առ ՚ի փորձ ինչ և ՚ի
ցոյցս կարողութեան զօրութեան իւրոյ : Մ որ ճգըր-
տիւ մարգարէին կրկնեսցի նուագ . “ Իսկ արդ յիշեա
և տես թէ ո՞վ է իմ հանգիստ . միթէ ՚ի զո՞ր ինչ ստեղ-
ծեր զամենայն որդիս մարդկան ” :

Իսկ ուրեմն թերահաւատից և ամբարշտացն Մտ-
տուած՝ չէ մեծ . և մեծ է միայն և իմաստուն է միայն ,
իբրև զի անիրաւ է առաւել , այլանդակ է առաւել , և
նուազեալ է առաւել քան զմարդ :

Իսկ ներհակաբար զմտաւ ած դու և զմերն , և տես-
ցես այնուհետև անաչառ . քանի՞ արժանի իցէ մեծ-
վկայելութեան արարչին՝ իննամակալութիւնն . հսկել ՚ի
վերայ տիեզերաց . առաջնորդել մարդկան ստեղծուա-
ծոց իւրոց՝ ըստ օրինաց արդարութեան , ճշմարտութեան ,

սիրոյ , անմեղութեան , և զյօդ և զհիմն ընկերութեան զմարդկան հաստահիմն տալ գործել , ոչ միայն յառաքինութենէն , այլ և 'ի լուսոյ անտի բանի՝ զոր եղ 'ի նոսա :

Օ մտաւ ած քանի՜ արժանի իցէ մեծվայելչութեան արարչին , սիրել զարարածս իւր . սիրել 'ի նոսա զառաքինութիւնսն , որովք նմանեցին սկզբնատալին . ասել 'ի նոսա զմոլութիւնսն՝ որ ժանտացուցանեն զպատկերն . ոչ խառն 'ի միասին մինչ 'ի սպառ պահել զարդարն ընդ ամբարշտի . երջանիկս իւրե յարդարել զհոգիսն , որ վասն նորա միայն կեցին յաշխարհի , և 'ի թշուառութիւն մատնել զհոգիսն , որ համարեցան գտանել զերջանկութիւնն արտաքոյ նորա :

Դճաւասիկ Դստուած հաւատացելոց , աւասիկ աստուածութիւն իմաստուն , արդար , ճշմարիտ , որում մեքս երկիրպաղանեմք , անաչառատես ակն , արդարաւելիւ հատուցանող . Դստուած՝ որպիսի ամենայն արարածք քարոզեն մեզ . “ Օ ի աներևոյթն Դստուծոյ , ասէ , արարածովքս իմացեալ տեսանին , մշտնջենաւորութիւն նորա , և զօրութիւն , և աստուածութիւն նորա : Դստուած՝ զոր կարդացին ամենայն բանաւորք ընդ ամենայն դարս , և որպիսի ծանեան և հեթանոսացն իմաստունք . “ Օ ի գիտութիւնն Դստուծոյ , ասէ , յայտնի էր 'ի նոսա . զի ծանեան զԴստուած , թէպէտ և ոչ իբրեւ զԴստուած փառաւորեցին , ” :

“ Իսկ արդ , ասեն , եթէ այնչափ արդար է Դստուած , և իցէ ապա նմա արժան պատուհասել իբրեւ յանցաւորութիւն զյօժարութիւնս ինչ զմեր , և զհակամիտութիւնս 'ի բերկրանս և 'ի հեշտութիւնս , որ համածինք մեզ են , և առ 'ի նմանէն տպաւորեալք 'ի մեզ : Եւ ո՞հանդուրժեսցէ այսմ , ” :

Եւս աւագիկ թերահաւատիցն և ամբարշտաց վերջին ձայնարկութիւն , մանաւանդ եթէ հայհոյութիւն . ուստի և նշաւակութի սորա լիցի և մեզ վերջին գլուխ քարոզիս և կնիք :

Եւ արդ ո ոք և իցես , որ ընդդէմ դնես բանս . եթէ արդեօք 'ի միտս հաստատունս իցես 'ի չքմեղս հանել զամենայն գործս քո՝ պատրուակ առեալ քեզ զյօժարութիւնսդ և զհակամիտութիւնս յորոց դրդիցիս : Եթէ արդեօք ամենայնն՝ որում ցանկամք՝ իցէ օրինա-

ւոր : Եթէ արդեօք ամենայն հակամիտութիւնքս մեր պարտիցին միակ կանոն լինել պարտուց մերոց : Եթէ ասեմ՝ այս այսպէս իցէ, հապա ուրեմն, այր դու, շատ իցէ քեզ միայն չարակնել ընդ բախտս յաջողակս ընկերին, զի ապա արժան և թոյլ իցէ քեզ կապտել զնա՝ ի բախտէն : Վարձեալ և ամուսնոյն պաղշոտելոյ թոյլ իցէ բռնաբարել զսրբութիւն անկողնոյն ընդդէմ իրաւանց ընկերութեան և բնութեանն : Վարձեալ և ի թեթև ինչ կասկածանս վարանեալ քո միանգամ՝ ի վերայ թշնամոյն, իրաւունք իցեն քո այնուհետև կենսախուզ լինել նորա : Վարձեալ և սրտնեալ քո միանգամ և հանդուրժեալ ընդ ճոխաբար իշխանութիւն հօրն կամ ընդ խստութիւն իշխանիդ, ոչ ինչ յանցանք իցեն քո այնուհետև լուանալ զձեռս քո յարենէ նոցա :

Եւ միով բանիւ, շատ իցէ յօժարութիւնս իմն և հակամիտութիւնս առ մոլութիւն որ զինչ և իցէ՝ զգալ ի քեզ, զի ապա օրինաւոր լիցին քեզ և գործքն :

Եւ քանզի այր իւրաքանչիւր գտանէ յանձին սերմանս չարս զախտից, առ հասարակ ուրեմն վայելեացեն ամենեքեան ի նզովելի յայս առանձնաշնորհութիւն :

Ո՛վ, քանի կարևոր ուրեմն և յոյժ կարևոր իցեն մարդոյ այլ օրէնք և այլ կանոնք յառաջնորդութիւն՝ արտաքոյ յօժարութեանց նորա և ցանկութեանց : Ո՛չ ահա և դարձ վաղնջուց խաւարին հեթանոսութեանն ծանեան զհարկ զիմաստասիրութեանն, այս է՝ զլուսաւորութեան իմն մտաց գերագոյն քան զզգայութիւնն՝ ի կառավարել զնոսա . ուստի և գերասանն ի ձեռս ետուն բանին սանձել զկիրս մարդկայինս : Վանդի անդրատին բնութիւնն ինքնին ած ձգեաց զնոսա ի ծանօթութիւն ճշմարտութեանս այսօրիկ . և ուսոյց նոցա՝ եթէ կոյր և մոլեգին բերումն չպարտի լինել միայնակ առաջնորդ գործոց մարդկան : Ո՛րչա՞ զի ի դէպ իցէ ասել, եթէ այս բերումն և յօժարութիւն չունի տիրապէս զծագումն իւր անդատին ի բնութենէ : Ո՛րչա՞ զի և ամենայն օրէնք՝ որ հետզհետէ ի վեր ելին յաշխարհի, ոչ նպատակի կալան առ հասարակ ի չափու պահել զբերմունսն :

Վանդի և առ հասարակ որ միանգամ յամենայն ի դարս համբաւեցան և սիրեցան իբրև առաքինիք և ի

մաստունք, նոքա ոչ ինչ անսացին տպաւորութեան ազդեցութեան յօժարութեանցն. ուստի և յամենայն իսկ 'ի ժողովուրդս ազգաց՝ իբրև հրէշք բնութեան համարեցան և նշաւակք, որք միանգամանիստիւրք գտան 'ի յօժարութիւնս և 'ի հակամիտութիւնս բնութեան:

Բանդի եթէ միանգամ այդ սկիզբն տիրացի առ մարդիկ՝ չհամարել երբեք 'ի մեղս զյօժարութիւնսն և զարդիւնս նոցա, այնուհետև անհնար իցէ և ընկերութեանն կալ յակաստանի. և պէտք իցեն յայնժամ մարդկան որոշիլ 'ի միմեանց առ 'ի յանդորրու ապահովել զկեանս, և զնալ օթագայիլ յանտառս, և վայրաբնակել յամայիս իբրև զէրէս և զգազանս:

Բայց մեք և այլուստ իրաւացուցուք զբանաւոր արարածն, մանաւանդ եթէ զարարիչն. որով և առաւել նշաւակեցուք զթերահաւատն: Օ ի եթէ են 'ի մարդ յօժարութիւնք առ չարն և առ հէշտութիւն, են և յօժարութիւնք առ առաքինութիւն, և առ պարկեշտութիւն. և եթէ օրէնք՝ որ յանդամս մեր, ձգեն 'ի բերկրալիս զգայութեանց, ոչ ահա և օրէնք այլ իցեն 'ի մեզ զրեալ 'ի սիրտս մեր՝ հրաւիրակք 'ի ժուժկալութիւն: Այլ արդ զի է զի առաջնութն միայն խնդրեցէ այր թուլահաւատ 'ի չքմեղս հանել զյանցաւորութիւն իւր. և այն զի՝ վերջինքդ ճահաւորագոյնք ևս են բանականիս բնութեան:

Յայտ է ուրեմն, եթէ խոտորումն բանին է 'ի քեզ, այր դու, պատճառք յանցաւորութեան քո քան թէ հակամիտութիւնք բնութեանն: Այր մի դու յածեաց շուրջ զայս քո. չիցեն յաշխարհի և արդարք բազումք, ասա ինչ անաչառ. չիցեն և անձինք բազումք ողջախոհք, ժուժկալք, հաւատարիմք, երկիւղածք. չիցեն արդեօք և նոքա իբրև զքեզ ժառանգաւորք 'ի բնութենէ նոցուն հակամիտութեանց և նոցուն կրից. զի է զի նոքա իշխանացեալ են 'ի վերայ կրից, և դու ոչ. ոչ նոյն աղբիւրակն թշուառութեանց իցէ և նոցայն և քոյդ. զինչ ուրեմն առաւել կայցէ 'ի նոսա, քան 'ի քեզ. բայց սէր առաքինութեան և սնդութիւն և ճիղն ընդդէմ բնութեան. և զիմրդ ապա պատրուակ արդարացուցիչ յանցաւորութեանցդ առցես դու զհակամիտութիւնս բնութեանդ:

Լ՛րդար է ուրեմն Լ՛ստուած, ո՛վ մարդ, և առաւել արդար ՚ի պատուհասել զյանցաւորս: — Լք[ծ է արդար է, ասեն թերահաւատք, զահի հարեալք ՚ի հանդերձելոյն, ե[ծ է արդար է Լ՛ստուած, թող ուրեմն արդարոյն հատուցէ կեանս անմահ, իսկ յանցաւորացն պատուհաս վերջին, այս է՝ ՚ի չիք զնոսա դարձուցանել, — Լ՛յս զրոյց է աւագիկ վերջին ապաւէն թերահաւատութեանն:

Լ՛յլ աղէ ասա, որ պատուհաս իցէ քո ՚ի չիք դառնալն քո. ոչ այդ իցէ քո քաղցրագոյն յոյս ակնկալութեան ՚ի հեշտութիւնս քո, զի մարթասցիս միանգամ անպատուհաս արձակիլ յոչնչութեան քում. զի՛նչ ևս սիրելի կայցէ ոճրագործ և մեծեղեւն մեղաւորի քան զչքութիւնն. քանզի զիտակ իսկ է զի յետ դերեզմանին՝ վիհ գեհեոյն հանդերձեալ մնայ նա յանվախ ճան տանջանս:

Սակայն յոյս ամբարշտին, ասէ, կորիցէ. այլ ոչ և ամբարշտութիւն նորա և թերահաւատութիւն: Յաւիտենական եղիցին տանջանքն, քանզի և յաւիտենական լինէին հեշտութիւնք նորա, ե[ծ է նա ինքն իշխան կացեալ էր ՚ի վերայ կենաց իւրոց. կամէր յաւերժանալ յերկրի ՚ի հեշտախտութիւնս, և մահն ինքնին վախ ճան արար յանցաւորութեանց նորա, այլ ոչ սահման եդ մեղանշական ցանկութեանց նորա: Լ՛րդարն դատաւոր և սրտագէտն չափեսցէ ուրեմն զտանջանսն ըստ յանցանացն. “Լք[ծ իցեն նոքա ՚ի տանջանսն յաւիտենականս, և արդարքն ՚ի կեանս յաւիտենականս”:

Լ՛ւ արդ ուշիմ լեր ո՛վ մարդ. զիտես իսկ դու զձմարտութիւնն, այլ զահի հարեալ ես ՚ի պատուհասէն. կարծիցես թերեւ թերահաւատութեամբն անձնապօր լինել ՚ի նմանէն... Ս՛ աշ....

Լ՛յս ցուցից քեզ ճանապարհ անդորր ՚ի հանդուցանել զանձն յանհնարին զարհուրանացն: Վու ինքնին կանխեա, և կամաւորութեամբ աստէն զահի հարջիւր ՚ի հանդերձելոյն. մի ևս խնդրեսցես, զիա՞րդ իցեն իրք անտի կենացն, զի՛նչ գէպքն, զի՛նչ անցքն. այլ հարց դու անդուլ ցանձն քո, զի՛նչ գործ իցէ քո յաստի կեանս, ո՛վ անձն իմ. զի՛նչ գէպք իցեն կրիցդ, և զի՛նչ անցք որ ՚ի նոցունց. հանգո, խաղաղացո զքոյ խիղճն

անմեղութեամբ կենաց քոց, ոչ եթէ թերահաւատութեամբ խորհրդոց քոց: Յանդորր հան զսիրտ քո ապաւինելով յԱստուած, ոչ եթէ երկբայելով 'ի խնամոց նորա: Եւ յաղաղութիւն թերահաւատից ոչ այլ ինչ է, բայց խռովութիւն անդու: Եւ յորեա քեզ վիճակ կենաց, ոչ զլուծ թօթափելով զհաւատոյն, այլ ճշակելով զի քաղցր է նա: Եւ զոր 'ի գործ զհրահանգս նորա, և քո լոյս բանին ոչ ևս անսաստեացէ հպատակել դաւանութեան նորա:

Ոչ ևս, հաւատա ինձ, ոչ ևս քեզ անհաւատալի կամ երկբայելի թուեսցին հանդերձեալքն, յորմէ հետէ հրաժեշտ տացես յաշխարհասիրացն, մի նմանել նոցա որոց զերջանկութիւն իւրեանց բովանդակ հաստատեալ իցէ 'ի վայելս անցաւոր կենացս: Յայնժամ դու ոչ միայն զահի ոչ հարկանիցիս 'ի հանդերձելոյն, այլ և փութացուսցես զնոյն քոյին տենչանօք. յոգևոց հանեալ փափաքեսցես աւուրն, յորում որդի մարդոյ “Հայր հանդերձելոյ աշխարհին” եկեսցէ 'ի պատու հասել զանհաւատն, և զքեզ զհաւատացեալդ ժողովեսցէ յաբքայութիւնն:



ԲԵՐՈՉԻՆ

ՅԱՐՈՒԹԻՒՆ ՄԵՌԵԼՈՑ

“Ամենքին որ ՚ի գերեզմանս կայցեն, լռիցեն ձայնի
որդոյն Աստուծոյ, և եկեացեն արտաքս”:

Իմն հաւատոյ հաստատութեան, խարխիս անսա-
սանելի ճշմարտութեան մերոյ են հաւատք յարու-
թեան մարմնոց մերոց: Սա յոյս աներկեան յաւիտե-
նից ցնծութեան, սա քաջալերութիւն ազդոյ առաքի-
նութեան, սա դիւր և սիրտութիւն խստամբերու-
թեան, սա պսակ և մրցանակ կենաց բարելաւութեան:
Սա զօրավիգն առ հասարակ՝ որոց քրիստոսեանքն իցեն.
վարդապետաց ձայնին հզօրիչ, հաւատացելոց յուսոյն
օժանդակ, ճգնարանաց ներանձնացելոցն հաստարան,
կուսանաց ժուժկալութեան՝ գերաշխարհիկ պարք հար-
սանեաց, դժոխքներ տանջանաց մարտիրոսաց՝ ձեմք
իբրեւ ՚ի մարդս վարդենեաց:

Եւսչափ է զօրութիւն հաւատոյ յարութեան մե-
րոյ. այսչափ է ուրեմն և կարեւորութիւն քարոզիս ՚ի
լուր հաւատացելոց: Եւս յարութիւն մահացու մարմ-
նոցս ինքնին ոչ այլ ինչ է, բայց աստուածավայելուչ ան-
մահ արգասիք փառաւոր յարութեան մարմնոյ տեառն
մերոյ և փրկչին Յիսուսի Վրիստոսի: Թէ յարու-
թիւն Յիսուսի չէր, չէր և յարութիւն մարդոյ. որ-
պէս գեղեցիկս երգեաց, եթէ “Եւմահիդ մեռելու-
թիւն չնորհեաց դարձեալ զանմահութիւն”:

եթէ հաւատամք, որպէս աստուածայինն քաջալերեաց առաքեալ, եթէ հաւատամք եթէ Յիսուս մեռաւ և յարեաւ, նոյնպէս և Մատուած զննջեցեալն 'ի ձեռն Յիսուսի ածցէ ընդ նմա » :

Ինքն մեռաւ ճշմարտապէս, և յարեաւ ճշմարտապէս. մարմին՝ որ յառաջ վիրալից՝ յարեաւ անարատ, լուսափայլ, առոյգ, գեղեցիկ. միայն զսպիս վիրացն պահեալ՝ վկայութիւն անմահ գեղեցիկ մարտին, գեղեցիկ ևս յաղթանակին : () Ի և ճշգրտագոյնս այնուհետեւ խմանալ մեզ զՍկսեայն, և զԵսայեայն, և զառաքելոյն զխորհրդաւոր զիմաստն, և բարձրաբարբառ ասել առ մահն. « Ո՛ր է մահ յաղթութիւն քո, ո՛ր են դժոխք խայթոց քո » : Ո՛ր երբեմն բարձրապարանոց բռնաւորդ անողորբելի մարդկան ազգի, յաղթական ամենայնի, զիարդ 'ի պարտութիւն մատնեցար. ո՛ր նշանակեց մրցանակաց աշխարհակուլ յաղթութեանցդ : Սարդ մի աւասիկ, մարդ ճշմարիտ, զգերութիւնդ գերեաց, զաւարդ էառ, զտէրութիւնդ կոխեաց : Սարդ մի մահացու, մարմին երկրաւոր, զաղեղն հզօրիդ փռշտեաց, զնետն խորտակեաց. մահուամբ զմահդ մահացոյց, և խայթոցաւ զխայթոցդ խոցեաց. որպէս և ասաց իսկ. « Եղէց մահ քո ո՛վ մահ. և խայթոց քո եղէց ո՛վ դժոխք » :

Եւսչափ կենագործ յարութիւն տեառն Յիսուսի մեծազօր դտաւ, յաղթական մահուն. ոչ միայն զի զխայթոցն բթեցոյց՝ բառնալով զմեղսն, ոչ միայն զի զարհաւիրս մահուն՝ մահուամբն մեզ նուազեցոյց, ոչ միայն զի զիւր մարմինն 'ի ձեռաց մահուն կորզեաց, այլ և առաւել ևս յոյժ՝ զի փառաւոր յարութիւն նորա պատճառք եկաց անպատիր համաշխարհական մերոյ յարութեանս և առաջնորդ անմահութեան :

Եւրդ յաղագս անձառելի շնորհիս պարգևեալ 'ի Քրիստոսէ մահացու բնութեանս՝ լռէն զիարդ հնարաւոր իցէ, և ոչ քարոզ մի շնորհապարտ յարդարել հաւատացելոց. զի և համարիմ անշուշտ ոչ միայն կարեւոր զձառ բանիս, իբրու որ հիմն իցէ հաստատութեան՝ որպէս ասացի՝ քրիստոսական դաւանութեանս, այլ և սիրելի յոյժ և փարելի յունկն իւրաքանչիւր հաւատացելոյ՝ իբրու որ անմահացուցիւ է աղցաւոր մարմնոյս,

և յոյս անպատիր անպատում փառաց մերոց, և բարձրա-
գլուխ սրարծանք մեր առաջի անհաւատից, և ամօ-
թահար նշաւակութիւն թուրահաւատից, և եռանդն
մեծապէս քաջալերութեան տկարութեան մերոյ յըն-
թացս հոգեորս քրիստոնէական կենացս, 'ի լսել մեր
միանգամ զանսուտ ճշմարտութիւնն տեսուն : Յետոսի
և 'ի հաւատալ երկրպագութեամբ, եթէ եկեսցէ օր
մի՝ յորում ամենեքին որ 'ի գերեզմանս կայցեն՝ լուի-
ցեն ձայնի որդւոյն Մատթոյ և եկեսցեն արտաքս :
Մաջին որոց բարիս գործեալ իցէ, 'ի յարութիւն կե-
նաց : Արկորդէ անգամ որոց զար արարեալ 'ի յարու-
թիւն դատաստանաց :

ՄԱՍՆ Ա .

Օ հրաշալին զայն տեսիլ զմեծին Ազեկիէլի՝ իբրև
պատկեր ճշգրիտ և տիպար կենդանի տիեզերական յա-
րութեանս մերոյ՝ յուշ առ վայր մի ածէք սիրելիք :
Հոգի տեսուն, ասէ, առեալ օր մի զերանելի մարգարէն
կացուցանէր յընդարձակ դաշտի, դաշտ՝ լի խաղաղա-
կոյտ ոսկերօք մարդկան :

Հայն տեսիլ տխուր և ահաւոր, ձայն աստուածային
պարզ և մեկին հրաման կարգայր մարգարէին, հոգի
կենդանութեան կոչել 'ի վերայ ցամաքեալ ոսկերո-
ւոյն : Մյն ինչ շունչ բարբառոյ մարգարէին հարաւ 'ի
վերայ խաղաղակոյտ ոսկերացն, անդէն վաղվաղակի
առ հասարակ նոքա 'ի ծածուկ զօրութեանէն խլրտեալ
շարժէին, և ցիրուցան սիռեալ և տարանջատ ոսկերո-
ւին խնդրէր դալ միանալ ընդ ընկերին, ոտք և սրունք,
և ձեռք և բազուկք, և կողք և լանջք, և կառափունք
և իրանք առ հասարակ դային խնդրէին գտանել իւրա-
քանչիւր զկայսն, և հաստատիլ 'ի բունն՝ յորում միան-
գամ հաստեցան յարարէն 'ի գեղայարմար շինուած
մարմնոյն : Մպա և կմախքն առ հասարակ իբրու հե-
նուին անկանէին, և ձգէին նեարդք և ջիղք և երա-
կունք, և տարածէին 'ի վերայ մարմնոցն և անդամոցն,

և պատէր բոլորէր մօրթն, և զնայր խաղայր արիւնն յերակունան, և ընդր չըջէր աւիշն 'ի խողովակն, և յերևան զայր զոյնն, և շունչ մտանէր 'ի բոլոր մարմինն, և դառնային լինէին կենդանիք և առոյգք և հզօրք և կերպարանաւորք, և երևեցան կացին իւրաքանչիւր 'ի վերայ ոտից բազմութիւն ամբաւ . « Եւ եմուտ, ասէ, 'ի նոսա հողի և կացին 'ի վերայ ոտից իւրեանց ժողով բազում յոյժ յոյժ » :

Եւ արդ որ 'ի տեսիլ և 'ի պատկեր երևեցաւ յայնժամ մարգարէին, արդեամբք կատարեսցի 'ի կատարածի աշխարհի . և առ հասարակ հողիք անջատեալք դարձարացեն 'ի մարմինսն՝ զոր թողին 'ի մահուան, և մահացու մարմինս յարիցէ անմահ :

Եւ մեք բնաւ իսկ չգիտեմք այժմ, ուրանօր արդեօք լքեալ թողցուք մեք զմարմինս մեր, և ո՞ր դէպք ո՞ր պատահարք սպասեալ մնան մարմնոցս, կամ թէ զիսոյժ օրինակաւ մարմինս մեր այս բաժանեսցի 'ի հողւոյն որ վարէ և շարժէ զսա :

II՝ արմինքս մեր զիականացեալք, որպէս օրինակեսցէ դք արդեօք՝ զնմանութիւն բերեն զջրոց, որոց ուղիք և բնութացք բազմօրինակ սահին և սպառին . փոփոխեն զկերպարանս, այլայլին 'ի բնոյն . կէսք անօրացեալք ամբառնան 'ի շողի, կէսք թանձրացեալք մածնուն 'ի գայտ և 'ի տիղմն, և կէսք՝ որպէս դէպք տան՝ դառնան 'ի բուսական մարմինս ամբաւ, և որ այլ ևս :

Եւ յս վիճակ ողորմելի է առ հասարակ անխտիր ամենայն մարմնոց անջատելոյն 'ի հողւոյ . ուստի և սրտառուչ բողոք հարկանէր աստուածային մարգարէն . իբրուոր անարգութեան կրից և վատթար բախտի բազում անգամ վիճակեցան մարմինք բնորեւոյն և սրբոյն : Թըշնամիք քո տէր, ասէ, հանգուցեալ կան փառք 'ի դիւս գերեզմանաց իւրեանց, և եղեալ պատուով 'ի շիրխն նախնեաց իւրեանց . իսկ քոյ սուրբք և ծառայք, բաժէ, քանիցս անգամ, ո՞վ տէր, անմասն լքեալ մնացին 'ի սրտառոյ զիահանայն, նա աւանիկ և զպատուական արիւնս նոցա արք երկիր ծարաւուտ . նաև հրակէզ ուկերք սրբոյն յաճիւն փոխեցան, և մոխիրք նոցա հողմաւարք ընդ օդս ցնդեցան . նաև անարատ նոցա մարմինք արկան 'ի կուր դժոխսորովայն շանց և յորս զիշա-

խանձ անդեղաց “Լճին, ասէ, զգիտունս ծառայից քոյ կերակուր թռչոց երկնից, զմարմինս սրբոց քոյ գաղանաց երկրի. հեղին զարիւն նոցա իբրեւ զջուր, և ոչ որ էր որ թաղէր զնոսա” :

Իհաւաստի տահման հասարակաց ասականացու բնութեան մարմնոյ. այլ պինդ կացէք հաւատով, հաւատացեալք. այս արկածք բնաւորականք երբէք զամազիտ ոչ լինիցին ՚ի մարմինս մեր՝ այնպէս իմն փոխել և ասականել և այլ յայլմէ գործել, զի աստուածային տեսչութիւնն տկարացի ինչ ՚ի սրահէլ զնոսա և ՚ի սրահսանել, և յօղել վերստին և միւսանդամ՝ կերպարանել զնոսա իբրու զառաջինն :

Իւրեւ մեծազօր նախախնամութեանն, որ ինքնին մեզ կանուխ ազդեաց զաւետինն, իբրու որ մանր զգուշութեամբ զաստուածութեան իննաման տարածեալ ունի ՚ի վերայ կերպարանաց իւրաքանչիւր ՚ի մէնջ, և ոսկերայն և անդամոյն և հերաց իսկ գլխովին. զի և ոչ խուն մի երբէք ՚ի բոլորէն կորիցէ. “Իազու՞մ նեղութիւնք են, ասէ, արդարոց. յամենայնէ փրկէ զնոսա տէր, և պահէ զամենայն ոսկերս նոցա, և մի ՚ի նոցանէ ոչ կորիցէ” : Իսկ և ինքնին տէրն զանձառելի իննամակալութիւնն հեղաբանեալ. “Զեր, ասէ, և ամենայն իսկ, ոչ միայն անգամբ և ոսկերք, այլ ձեր և ամենայն իսկ հեր գլխոյ թուեալ է. և մեզ մի ՚ի գլխոյ ձերմէ ոչ կորիցէ. զի քան զբազում ձազս լաւ էք դուք” :

Իւր արդ իբրեւ եկեցցէ հասցէ օրն, լուարուք, եղբարք, զսրտմութիւն անսուտ զհանդերձելոցն. և որք միանդամ ՚ի վիշտս էք, և ՚ի զրկութիւնս, և յանձկութիւնս անցաւոր կենացս՝ յուսով խնդացէք անմահացուցիչ յարութեան մերոյ, և քաջալերեցարուք ՚ի համբերութեան ձերում. իբրեւ եկեցցէ հասցէ օրն այն՝ օրն վերջին ամենայն աւուրց, օրն ահազին, օրն նորութեան մերոյ, զոր կանուխ մեզ աւետարանեաց աստուածայինն Պաւլոս, իջցէ յայնժամ ինքնին Վրիստոս Իստուած ՚ի յերկնից և առնութեւ իւր հրեշտակապետն մեծ, ՚ի փող աւազափող ահագնազօչ ազդեցութիւն առնել տիեզերաց, հնչեցուցանել առ ամենեւին որ ննջեն ՚ի գերեզմանս : “Ինքնին տէր, ասէ,

հրամանաւն և 'ի ձայն հրեշտակապետի և 'ի փող Մատուծոյ իջանէ յերկնից , Իսկ և ընդ աւետարանչայն սրբոց 'ի նոյն և հրեշտակաց բազմութիւն՝ մէն մի 'ի գոչիւն փողոյ արագաթեք սլացին ընդ ամենայն երկիր .
 “ Բարեւոյց , ասէ , զհրեշտակս իւր փողով մեծաւ , և ժողովեացեն զընտրեալսն 'ի չորից հողմոց 'ի ծագաց երկնից մինչև 'ի ծագս երկրի , Եւ ընդ գոչման փողոյն և ձայն ազդարար և հնչիւն ահաւոր լսելի լիցի՝ հրամանահան հզօր ամենայն մեռելոցն , ձեպել յառնել իւրաքանչիւր 'ի վայրաց՝ ուր ուրեք անկեալ կայցեն . ձայն որ ասէ . “ Բըիք մեռեալք , եկայք 'ի դատաստան , ” :

Քանզի ձայն փողահարացն՝ ձայն նոյն է ինքնին ամենազօրին Մատուծոյ , որ հրամայէ արագ արագ ընուլ զհրամանն : Ստան որոյ ասէ . “ Սողվաղակի յականթութափել . քանզի փող հարկանի , և մեռեալք յարիցեն , ” , ոչ յամբ ինչ՝ այլ 'ի վայրկեան ժամու , այլ 'ի քթթել մի ական , յարիցեն առ հասարակ անդատին 'ի ստեղծմանէ մարդոյն՝ որ մեռանն , որ սպանան , որ պրեցանն , որ ջրահեղձոց կորեան , որ դազանակուրք եղեն , առ հասարակ յարիցեն , առցեն միւսանդամ իւրաքանչիւր զկերպարանս , և դարձցին 'ի նորոգատուր կեանս :

Իսկ ամենազօր հրամանին , անշուշտ մեծահրաշ են սքանչելիքն . այլ սքանչելեաց սքանչելիք այն եկաց , յորժամ ատաց և եղեն , հրամայեաց և հաստատեցան . զի յայնժամ յունչէ եղեն ինչ . իսկ 'ի վերջնումն աւուր արդէն ընչացեալքն և փոխակերպեալք առցեն միւսանդամ զամ գնոյն՝ զոր երբեմն ունէին :

Եւ ասն ամեծապէս է մեզ սիրելիք , զի զնոյն զայս զմեր մարմին , զմեր զընտանին , զմեր տնկալիցն , զոր այժմ զգեցեալ ունիմք , զնոյն զայս միւսանդամ ողջ առցուք 'ի մեզ վերանորոգեալ յապահանութենէ 'ի նոյն ձայն ամենազօր հրամանին որով և ոչինչն էացաւ :

Քանզի և որք վրիպակ կարծեօք ասացին , եթէ առցուք մեք մարմին՝ որպիսի և իցէ , մոլորեցան 'ի ճշմարտութենէ . քանզի աստուածային զիրք և աստուած իմաստ հարբ զնոյն զայն մարմին տան միւսանդամ իւրաքանչիւր 'ի մէնջ . “ Օ՛ր իւրաքանչիւր որ , ասէ աստուածային առաքեալն , իւրաքանչիւր որ առցէ նովին

մարմնով զոր ինչ գործեաց, եթէ բարի և եթէ չար, և
 Հապա առցուք մեք անշուշտ սիրելիք միւսանգամ
 զնոյն մարմին՝ զոր թողաք աստէն ՚ի մահուն մերում,
 Բացուք մեք զնոյն աշան, որ սանձեալք ժուժկալեցին
 ՚ի բրիստոնէական մեռելութիւնն. զնոյն աշան՝ որք ՚ի
 զեղջ և յարտասուս հաստան վասն Բստուծոյ, Բացուք
 մեք զնոյն զայս ձեռս, զորս ՚ի գործ վարեցաք անբա-
 նելի ՚ի սպասաւորութիւնս եղբարց և յարդիւնս սիրոյ,
 Բացուք զնոյն զայս չրթունս, զորս սովորեցուցաք խօ-
 սել բանս աստուածայինս և խրատս հոգեկեցոյցս. զնոյն
 չրթունս՝ որովք ջերմեռանդն սիրով աղօթից ստեպ կա-
 ցաք և յօրհնութիւնս առ Բստուած, Բացուք մեք
 զնոյն զայս զսիրտ մեր, զոր բորբոքեցաք մեք ՚ի սէրն
 Բստուծոյ և ՚ի սէր եղբարց. և յորմէ իղձք փափաքա-
 նաց երբէք երբէք ուղերձեցան առ Բստուած, և յորմէ
 զիղձս դժպատեհս և զմեղանչականս սանձակոծեցաք,
 Բացուք վերստին զմեր զայս անդամս առ հասարակ, որ
 կրեցին և չարարեցան վասն Բստուծոյ՝ որ յարտաբին
 արկածից և որ ՚ի բնաւորականս կրից, Եւ առցուք
 մեք միւսանգամ զբոլոր զայս մարմին, որ ընդ լծով պա-
 տուիրանացն Բստուծոյ գրաւեաց զինքն յանցաւոր ՚ի
 կեանս, զի յանանցն հաղորդ և բաժանորդ լիցի վար-
 ձուցն հատուցման:

Վանդի և բնութիւնս մեր ինքնին կատարելագունիս
 այսմիկ փափաքէ յարութեան, այս է՝ զի միւսանգամ
 նորոգեսցի և կենդանասցի այն նոյն մարմին՝ որ չարա-
 րեցաւ վասն Բստուծոյ, և քայքայեալ լուծաւ ՚ի մա-
 հուն: Օնոյն խնդրէ և արդարութիւնն ինքնին զլիտ-
 վին և նախախնամութիւնն, զի նոյն և մի մարմինն՝ որ
 ծառայեաց հոգւոյն վշտակրութեամբն, միւսանգամ
 կապեսցի ընդ նմա փոխարէն հատուցմամբն:

Բարէ, քանի՞ն յորդեսցէ այս յարութիւն զեռանդն
 յաստուածալաշտութիւն. քանի՞ն և համբերութիւն
 մարդոյ անդեսցի սքանչելապէս ՚ի մտաշարչար ՚ի կեանս,
 որ սերան հաւատով և անխաբ յուսով ակնկալեալ մնա-
 ցէ այսօրինակ յարութեան:

Չեղ աւասիկ տիպար զեղեցիկ դասք սրբոց հաւա-
 տացելոյն՝ որ յառաջ եղեն քան զմեզ ՚ի Վրիստոս-
 գիտէք իսկ և լուեալ էք ՚ի վկայաբան սրատմութեանց

եկեղեցւոյ . քանի ցնծութեամբ , որպիսի քաջալերութեամբ նահատակէին 'ի չարչարանս առաքելոցն դասք և մարտիրոսացն և կուսանացն և ճգնաւորաց , իբրեւ առաջի աչաց 'նկարելով ակներեւ հաւատով զվշտակիրն մարմնոց իւրեանց զմիւսանդամ 'նորոգումն յարութեան :

Ար հաւատք , աղէ ասա , որ հաւատք կենդանի այնպիսի քաջապինդ . նահատակս եղին զերանելին զայն պար զեօթանց առաքինեացն Ասկաբայեցւոյ հանդերձ մարբն . “ Առ զմեզ , ասեն , յայսց կենաց աշխարհիս կարճել համարիս . իսկ այն որ աշխարհաց թագաւորն է , թէպէտ և մեռանիմք մեք վասն օրինացն , 'ի կեանս յաւիտենից 'ի միւսանդամ ծննդեանն ժամանակի կենաց 'ի կեանս դարձուցանէ , : Օ խորդ այնպէս քաջասիրտս խրախուսեցան նորա , զիա՞րդ այնպէս յայտնաբարբառ . յառաջ քան զնորհս աւետարանին քարոզք առ անհաւատ արքայն եղեն ճմարտութեան . “ Անգլաւ է , ասեն , զի փոխիմք աստի 'ի մարդկանէ , և յուսոյն ակն ունիմք միւսանդամ ծննդեանն յարութեան մեռելոց , քան քեզ 'ի կենդանիս . զի արգելեալ փակեալ է 'ի քէն յարութիւն մեռելոց , : Օ նոյն և բարեաց յիշատակաց արժանի մայրն սքանչելի քանի կենդանի հաւատովն յարութեան սրտապնդեալ զմի մի 'ի նահատակաց որդւոցն քաջալերէր , եթէ “ Ար աշխարհի արարիչն է , ասէ , որ ստեղծ զծնունդս մարդկան , զկեանսդ և զողիսդ 'ի դալտեան իւրում ողորմութեամբ 'ի ձեզ դարձուցէ , : ”

Եւ որ վաղնջուց յոյժ քան զսոսա՝ մեզ քանի հրահանգ անխաբ յամենայն նեղութիւնս մեր մատուցէ համբերողացն նախատիպ սքանչելին Յովբ . զիա՞րդ այնպէս լուսաւոր հաւատովն 'ի մէջ պղակիծնիցն յայնչափ հնութեան դարս՝ իբրեւ ճգրիտ քրիստոնեայ գիտաց այնչափ իմաստասիրել վասն հաւատոցն յարութեան : Իմ աւասիկ , ասէր երանելին , իմ աւասիկ 'ի խորս թըշուառութեան հասեալ է , յանձուկս արկածից ըմբռնեալ եմ , որպիսի թերեւս և ոչ որ երբէք յաշխարհի . զի համանդամայն իմ որդիք 'ի միւսամաւոր 'ի մահ տալածեալ . մեծութիւնք իմ ամենայն յալիշտակեցան , այրեցան կալուածք , կործանեցաւ տունն , օտարացան ծառայք , լքին բարեկամք , ծաղր եղէ սիրելեաց , նշա-

ւակ ամենայն տեսողաց , զգուեցայ ոտն հարեալ յամուսնոյս . սակայն և յոյս իմ անասանելի է յԱստուած : Եւ աւաստիկ 'ի ծագ լրման աղէտից և ամօթոյս 'ի բոլոր մարմնի վարակեալ եմ չարալլուկ 'ի դարչ ախտէ . մարմին իմ ժահրալից , թարախալից . ոչ կար մնաց ինչ զօրութեան , և ոչ յանդամնոց ինչ ողջ , խուսափեցայ իրբն ստուեր , մորթ ինձ մնաց միայն և ոսկր , ոչ տեսիլ ինչ և ոչ կերպարան , մարմինք իմ որդնակերք , աւատմունք իմ քանցեալք . շրթունք միայն ողջ կան 'ի յողբ և 'ի հեծութիւն , շրթունք միայն ողջ կան 'ի գոհանալ զտեսառնէ : Սակայն և իմ աղիք յիմ վերայ զալարին , և արհաւիրք անհնարինք զիս ունին . միւթ թարեցէք , միսիթարեցէք ողորմեցարուք ինձ ո՛ր բարեկամք . սակաւիկ մի ևս , փոքր միւս ևս կեանք իմ այս ընկզմեն զհոգի իմ . սակայն և 'ի չարատանջ փորձութենէս չեմ ես երբէք նկուն . իբրև միանգամ զքեզ ինձ յուշ ածեմ , ո՛վ տէր , և յանուշակ խորհրդոյ հանդերձելոյ իմոյ նորոգութեան քաղցրանայ սիրտ իմ . զի 'ի վերջնումս աւուր 'ի հոգոյ յառնելոց եմ : Վնանգի գիտեմ անշուշտ՝ եթէ 'ի կատարածի ժամանակաց յարեայց ես միւսանգամ . և զմահացու զայս իմ մարմինս պատառ պատառ անկեալ յերկիր դարձուցէ յիս միւսանգամ տէրն իմ նորափետուր զարդարեալ , ողջ և անարատ և անապական 'ի յաւիտեան . զայս իմ մարմինս զճճակերն , զքայքայեալն , զապականեալն , առից ես նորոգածին , ես ինքն՝ և ոչ այլ որ : Եւ յոյս անխաբ որ զիսն ունի , որ զիսն քաջալերէ , այս յոյս սնդեալ է 'ի միտս , այս յոյս սերտեալ է 'ի սրտիս . և եթէ յայս կենցաղ զամենայն բարի միանգամայն կորուսից , չեմ տարաբախտիկ , երջանկութիւն իմ ընդ իս է . յոյս իմ անխաբ է . « Եւ յոյս , ասէ , հաստատեալ է 'ի ծոցի իմում » :

Օ այս ասաց յայնժամ երանելին , և զնոյն մանաւանդ աշակերտքս աւետարանին ասասցուք յամենայն արկածս մեր և 'ի նեղութիւնս վասն Եստուծոյ : Եւ յոյս յարութեան է՝ որոց միանգամ նեղեցցին ինչ վասն Եստուծոյ , և համբերեցեն իբրև զճո՛րք . այս յոյս յարութեան կենաց , զոր որոշեաց տէրն եթէ յասելն որոց զբարիս գործեալ՝ 'ի յարութիւն կենաց , և որոց զչար՝ 'ի

յարութիւն դատաստանաց : Յարութիւն հասարակաց է արդարոց և մեղաւորաց . այլ զինչ իցէ յարութիւնն կենաց և յարութիւն դատաստանաց : Յարութիւն կենաց՝ որում ակն ունիմք , ունին դիք սակաւութ՝ զոր քառակի ճշգրտեաց Պաւղոս՝ « Յարութիւն կենաց մեռելոցն , ասէ , սերմանի ապականութեամբ և յառնէ առանց ապականութեան . սերմանի անարգութեամբ և յառնէ փառօք . սերմանի տկարութեամբ և յառնէ զօրութեամբ . սերմանի մարմին շնչաւոր և յառնէ մարմին հոգեւոր » :

Տեսանէ՞ս զիարդ ճշգրտագոյնս հաւանեցոյց աստուածիմաստն վասն յարութեն՝ ի սերմանցն օրինակէ . զոր սերմանեմք հատ մերկ , և ոչ կենդանանայ եթէ ոչ նախ ապականեսցի . և Մտուած զգեցուցանէ նոցա մարմին ըստ ազգս ազգաց , նոյնպէս և յարութիւն մեռելոց , ասէ , սերմանի ապականութեամբ , այլովքն հանդերձ : Որով և գեղեցիկս և հաստատուն ինդացուցանէ զհաւատացեալս . քառեակս ի ներքս բերելով նոցա ձիրս հրաշալիս զմարմնոց մերոց ի փառաւոր յարութեան մերում . այս է՝ զի եղիցին մեր մարմինք յայնժամ անչարչարելիք , լուսափայլք , արագունք , թափանցիկք :

Եւ է առաջինն՝ անչարչարութիւն . յորժամ մարմինն ապականացու անմահութեամբ պանծացեալ բերկրի , որպէս ասաց նոյն առաքեալ . « Յորժամ մահկանացուս այս զգեցցի զանմահութիւն , և ապականացուս՝ զանապականութիւն » : Եւ ճշգրտեսցի յայնժամ՝ զոր աստուածայինն ետես Յովհաննէս ի յայտնութեանն , և ասաց , եթէ չիք ցաւ , ոչ աշխատանք , ոչ լալիք , ոչ հեծութիւնք . « զի ջնջեաց Մտուած զամենայն արտօսր յաչաց » : Եւ ոչ մի ինչ յարկածից և ի կարօտութեանց մահացու կենացս , ոչ ջեր , ոչ ցուրտ , ոչ քաղց , ոչ ծարաւ չարչարեսցէ զփառաւոր մարմինն . և թէպէտ և զիրգ և փափուկ ամենեւին , ի վերայ այսր՝ և ամրապինդ և անտեղիտալի ամենայնի իբրեւ ադամանդ անդրժելի և անվանելի յամենայն հակառակաց և ի բռնութեանց : Մյս է անչարչարութիւնն , և այս է զոր ասէ . « Սերմանի ապականութեամբ և յառնէ առանց ապականութեան » :

Լ՝յլ դու ինձ ընդ անշարժարուծեանն խնդա և ՚ի լուսափայլութեան գեղն, յորժամ մարմին մեր կենդանի լուսովն ճաճանչեալ փայլատակունս հատանիցէ շուրճանակի. սակայն պայծառս և յստակս՝ ոչինչ խափանարարս տեսութեան հայեցողացն ՚ի նա, այլ զքնաւորականն ընծայեցուցէ կերպարան և զգոյն և զգեղ զամենայն անդամոցն. բոլորն լուսաճաճանչ, բոլորն փայլալինացայտ, նոր և չքնաղ, ցոլացի ընդ մեծ հեռաստան ըստ տէրունւոյն աւետեացն, եթէ՝ “Սագեացին իբրև զարեգակն” : Լ՝յս է զոր ասէ. “Սերմանի անարգութեամբ, և յառնէ փառօք” :

Իսկ և երրորդ անգամ յաւել դու ՚ի լուսափայլութիւնն և զարագաթեւ թռիչսն, յորժամ մարմինք մեր ըստ իմաստնոյն նկարագրի՝ ընդ լուսահետ ուղին արագունք շարժեցին, գնասցեն իբրև զփայլակն, ընդ իջանել, ընդ ելանել, ընդ թեւել յաջ և յահեակ. “Սայծառասցին, ասէ, և իբրև զկայծակն ընդ եղէգն ընթացին” : Սամորայէս Նսայիաս օրինակեաց, իբրև զարծուիս արագունս նորափետուր զարդարեալս, այն ինչ ընդ բախել թեւոցն և ընդ սաւառնել յառաջադէմ սլացեալ անհետասցին յաչաց, և օդահերձք ընդ ամբաւ հեռաստան գնասցեն և մի վաստակեացին, ընթացին և մի յոգնիցեն : Լ՝յս է զոր ասէն, “Սերմանի տկարութեամբ և յառնէ զօրութեամբ” :

Իսկ և վերջին ձիր մարմնոց մերոց յարուցելոց սքանչելահրաշ է, յորժամ թանձրաբուն մարմինն այնչափ իմն հրաշալի անօսրութեամբ թափ անցանիցէ ընդ ամենայն, զի և չնչաւորն զյատկութիւն զգեցցի զհոգեւորին, սակայն անկորուստ և զքնութիւն պահելով զնիւթոյն : Վանդի զտի և անօսրի, և յամենայն խոչընդոտից զերծ թափ անցանէ ընդ կարծրունսն. իբրև զտէրունւոյն յարուցելոյ մարմինն, որ վիմովն կնքելով արտաքս գայր ՚ի գերեզմանէն, և դրօքն փակելովք ՚ի վերնատունն մոանէր առ աշակերտան : Եւ այս է զոր ասէ վերջին. “Սերմանի մարմին չնչաւոր, և յառնէ մարմին հոգեւոր” :

Եւ քանի՞ն իցեն եղբարք յանանցական ՚ի փառս գերահրաշ հատուցմունք մարմնոց մերոց, որք աստէն ՚ի սակաւատե կեանս առաքինութեամբ հոգւոյն ՚ի մե-

ռելուծիւն կրթեցան վասն Բստուծոյ . որպէս զի փոքր մի չարչարակիցք եղեալ մարմնոյն Վրիտտոսի , ապա և փառացն նորա հաղորդք լինիցիմք :

Վանդի , “ Լթէ տնկակիցք եղաք , ասաց երանելի առաքեալն , տնկակիցք նմանութեան մահու նորա , այլ և յարութեան նորա լինիցիմք , ” : Տեսանէ՞ք եղբարք . պայման աւասիկ անհրաժեշտ 'ի միջի կայ առ փառաւոր յարութիւնն . մի միայն մեռանել զմահ , այն որ հասարակաց է սահման մահացու բնութեանս , այլ մեռանել նմանողութեամբ մահուն Վրիտտոսի : Վանդի չասաց լոկ , “ Օ ի եթէ տնկակիցք եղաք մահու նորա , ” , այլ թէ “ Տնկակից նմանութեան մահու նորա , ” . այս է՝ կերպարանակից լինելով պատկերի մահու նորա : Օ ինչ իցէ նմանութիւն մահուն նորա : Սահման Վրիտտոսի ամենայն վշտաց և անձկութեանց և մեռելութեանց և ամենայն առաքինութեանց եկաց մեզ միանգամայն և պարագրիչ և օրինակ և առիթ , ըստ որում մահուչափ հնազանդութիւն նորա , անձառելի խոնարհութիւնն , զերաշխարհիկ համբերութիւնն , անզուգական հեզութիւնն , անպատմելի սէրն , և որ այլ ևս :

Ըրդ եթէ օրինակին նմանողք եղիցուք 'ի մահկանացու կեանս մեր հպատակութեամբ կամաց , մեռելութեամբք մարմնոյ , ուրացութեամբ անձին , արհամարհութեամբ աշխարհի , յաղթանակութեամբ կրից . ապա և փառաւոր յարութեան նորա բաժանակիցք դատնիցիմք : Ըստ է զոր ասաց տէրն , “ Հարութիւն կենաց , որոց զբարիս դործեալ իցեն , ” : Տեսցուք սակաւութիւն , զինչ իցէ և զոր ասէն , “ Հարութիւն դատաստանաց , ” :

ՄԱՍՆ Բ .

Որչափ բերկրական իցէ արդարոցն յարութիւն կենաց , այնչափ և անհնարին թշուառութեամբ լի յարութիւն դատաստանաց չարագործացն : Իսկ “ յարութիւն դատաստանաց , ” ասէ . քանզի յառնեն և նոքա , ոչ զի փառաւորեսցին , այլ զի դատեսցին և դատաստարտեսցին :

Օ խորդ և զահագինս զայս խորագոյնս ճգրտեաց նոյն առաքեալ, յորժամ ասաց. « Սորհուրդ մի ասեմ՝ ձեզ. ամենեքեան յարիցուք, այլ ոչ ամենեքեան նորոգեցուք, »: Սորհուրդ, ասէ, իբրու ասել էժէ գաղտնեաց խորհրդոյն Նստուծոյ քաջ միտ դիք: Նշուշտ ամենայն մեռեալք յարիցեն, այլ ոչ ամենեքեան յարիցեն փառաւորք: Ի տիեզերական յարութեանն՝ առցեն զքարիսն կեանք անմահ. առցէ զչարսն՝ մահն անմահ:

Բանին իցէ սոցա յայնժամ թաղծութիւնն. քանի սրտառուչ ցան, խայտառակութիւնն յանդիման տիեզերական ատենին. քանի հեղձամղձուկ կատաղութիւնն, որով առցեն միւսանգամ թշուառականքն զթշուառացեալ մարմինսն, լի ամենայն գարշութեամբ, լի ամենայն անարգութեամբ: Իւրիցս անգամ լաւ էր մեզ, անշուշտ ասացեն նոքա, բիւրիցս լաւ էր մեզ չյառնելն երբեք:

Երդ զի լուայք դուք զերանաւէտ զփառան մարմնոց արդարոց, զինչ այսուհետեւ պէտք իցեն երկայնաբանել զթշուառականացն մարմնոց. դուք ինքնին ըստ ներհակաբար համեմատութեան քառից ձրիցն փառաւորելոց՝ իմաստասիրեցիք և զսոցայն:

Սիայն շորհեցէք ինձ՝ ի վախճանի ըստ պատեհի յարութեան ճառիս՝ հարցումն մի առնել և ձեզ, զոր անդ երբեմն սուրբ հայրն երանելին Եպիփանիոս առնէր հաւատացելոց իւրոյ ժամանակին: Հարցումն պարզ, այլ լի ամենայն իմաստութեամբ, լի տոհմականօք հոգւոյն, և ծնող և տաժիչ ամենայն առաքինութեանց քրիստոնէի առն: Հարցանէր. « Հաւատաս, եթէ չհաւատաս: Հաւատաս, ասէ, ճմարտապէս զկրկնակի զայս և զտարօրինակ յարութիւն՝ զոր տէրն ասաց. զյարութիւն կենաց և զյարութիւն դատաստանաց: Եթէ չհաւատաս, մի հաւատար դու և այլոց ճմարտութեանց հաւատոյս. մի հաւատասցես ուրեմն և ոչ միում՝ ի նոցանէ. քանզի հիմն և խարխիս, ասէ, յորում հաստատեալ և կանգնեալ կայ շինուած հաւատոյս մերոյ, է յարութիւն մեռելոց »: Եւ զխորդ այս, ասացես թերեւ: Սիտ դիր ուրեմն աւագ ձայնին Պաղոսի, որ միանգամայն լճիւ անկարծելի եհատ. « Եթէ մեռեալք ոչ յառնեն, ասէ, ապա և Բրիտոս չէ յա-

բուցեալ, — Օ՛րինչ հետեւանքն իցեն, ասասցես միւսանգամ: Օ՛րինչ բան ընդ յարուցեալ Վճիստոս, և ընդ անյարիր մեռեալն: — Եսա առ վայր մի, և տակաւ զբան իւր ցուցանիցէ Պաւղոս, և իմասցիս քաջ՝ զոր ասաց Եպիփանիոս: Եթէ Վճիստոս չիցէ, ասէ, յարուցեալ, բոլորն մեր այնուհետեւ ընդունայն է և ստուծիւն: Ընդունայն է մկրտութիւն մեր, ընդունայն և հաւատք, ընդունայն և եկեղեցի, և կրօնք ուղղափառաց: Ընդունայն և ամենայն քարոզութիւն առաքելոցն, ընդունայն և ամենայն խստամբերութիւն մեր և ճգնութիւն, «Եւ գտանիցիմք մեք, ասէ, սուտ վկայք Եստուծոյ. զի վկայեցաք եթէ Եստուած յարոյց ըզՎճիստոս, զոր ոչն արդեօք յարոյց, եթէ մեռեալք ոչ յառնեն»:

Երգ զինչ իցէ զօրութիւն բանին. «Եստուած չյարոյց զՎճիստոս, եթէ մեռեալք ոչ յառնեն»: Խեղամուտ լեր իմաստութեանն Պաւղոսի: Եմենայնն, ասէ, յաստուածակոյս կողմանէն վասն մեր տնօրինեցաւ. ապա թէ ոչ, զինչ պէտք էին մարդանալոյն Եստուծոյ, չարչարելոյն, մեռանելոյն և յառնելոյն, եթէ փրկութիւն աշխարհի չէր հանդերձեալ յաջողել. փրկութիւն ՚ի մեղաց, փրկութիւն ՚ի մահուանէ:

Եպա ուրեմն՝ որպէս մարդեղութիւնն Եստուծոյ վասն մեր միայն, որպէս արիւնն Եստուծոյ վասն մեր, որպէս մահն վասն մեր, նոյնպէս և յարութիւնն վասն մեր միայն. և որպէս մահուամբ նորա փրկեցաք, նոյնպէս և յարութեամբ նորա կենդանասցուք: Եւ քանզի ամենայն փրկագործ կրիցն Եստուծոյ պսակ և յաղթանակ էր յառնելն նորա և յարուցանելն զմեզ, որ վասն մեղացն՝ մահու դատապարտեցաք ՚ի դրախտին, ապա ուրեմն որ յարութեանն չհաւատայ, անհաւատ է յամենայնէն: Ես է աւագիկ զոր ասաց Եպիփան:

Եւ զի այս այսպէս, և գիտեմ անշուշտ՝ զի ճշմարտապէս հաւատամբ ամենեքին այնմ՝ որ այնչափ նշանագործութեամբք հաստատեցաւ, և այնչափ վարդապետութեամբք վկայեցաւ, և այնչափ սրբութեամբ արդարոցն պանծացաւ, և այնչափ նահատակացն արեամբ կնքեցաւ, զի է ուրեմն, եղբարք, զի ոչ ըստ հաւատոցն վարեմք մեք կեանս, զի է զի քաղաքավա-

բութիւնս մեր զմանուծիւն առաւել բերէ զայնոցիկ՝ որ չհաւատանն և որ յուսով հանդերձելոցն ամրապնդեալք չեն . զի այնչափ ընկղմեալս եմք 'ի զգալիս յայտոսիկ և յանցաւորս , զոր և 'ի հարկէ թողուլ հասանէ մեզ 'ի մահուն : Օ ի է զի չեմք մեք ընդ քրիստոնէականն վարուց՝ առաւել իմն պատրաստադոյնք 'ի յարութիւնն կենաց :

Այլ լուաք առաքելոյն , եթէ “ Օ որ ինչ սերմանէ որ , զնոյն և հնձեսցէ ” : Եւ զոր 'ի սերմանցն օրինակէ եցոյց մեզ զյարութիւնն , նոյն դարձեալ նովաւ խրատէ զմեզ իմաստութեամբ : Արեւմտեան , ասէ , հանդերձելոյ մերոյ յարութեանն է մարմինս մեր այս՝ զոր այժմ զգեցեալ ունիմք , և զնոյն միւսանգամ առցուք մեք այնպիսի 'ի ժամանակի հնձոցն , որպիսի պատրաստեցաք մեք 'ի ժամանակի սերմանելոյն :

Եւ զի եթէ սերմն զոր արկաք , են վայելք մարմնոյ , և հեշտութիւնք զգայարանաց , և դժպատեհ կրից հետեւումն , և մեղաց պողաբերութիւնք , աւանդ սերմանն , առաւել ևս հնձոցն , զի առցուք միւսանգամ զգրգաբար սնեալ մարմին՝ ապականացու և դարչ և 'ի ճարակ պատրաստեալ անշէջ հրոյն . “ Բանգի որ սերմանէ , ասէ , 'ի մարմին , 'ի մարմնոյ անտի հնձեսցէ զապականութիւն ” : Եւս եթէ սերմն զոր արկաք՝ են զործք հողոյն , յաղթանակութիւն կրից , մեռելութիւն մարմնոյ , ժողովեսցուք յայնժամ 'ի ժամանակի հնձոցն զնչաւոր մարմինս 'ի մարմին հոգեւոր , 'ի մարմին փառաւոր , 'ի մարմին անմահ . “ Օ ի որ սերմանէ , ասէ , 'ի հողին , 'ի հողոյ անտի հնձեսցէ զկեանսն յաւիտենից ” :

Հապա եղբարք , քաջապինդ լիցուք նուիրել աստէն Եստուծոյ զմահացու մարմինս մեր մեռելութեամբ ախտից , անդ զյաւիտենական կենդանութիւն առնուլ յանձինս որ սպասեալ մնայ մեզ : Զուշ անմոռաց լիցին մեզ համբերողին Զովբայ քաջալերութեան ձայնք . “ Օ ամենայն աւուրս , ասէ , սպասեալ մնամ , մինչև եկեսցէ փոխոխութիւն իմ ” : Բանգի կեանք իմ , ասէ , իբրև թուիչք են արագադոյն երիվարի . կամ իբրև շարժումն հողմավար տերեւոյ : Այլեանք իմ , ասէ , իբրև վառտակաբեկ զինուորի . զի “ Աստերազմէ կեանք մարդոյ 'ի

վերայ երկրի , , : Սակայն զօրավիզն կայ ինձ միշտ 'ի մեծէ զօրավարէ , և 'ի զօրաւոր զինուոց համբերութեանն՝ զոր տայ ինձ Մատուած , որով նահատակեալ աստէն՝ յարեայց ես միւսանգամ 'ի հողոյ յանմահութեան կեանս :

Վաջալերեսցուք հաւատով յարութեանն , և ցնծացուք առաքելական աւետարանութեամբն , եթէ “ Որպէս զգեցաք զպատկեր երկրաւորին , զգեցցուք և ըզպատկեր երկնաւորին , , : Մյս է՝ եթէ ցայս վայր , ասէ , կեցաք իբրեւ մարդ շնչաւոր քրիստոնեայքս , կեցցուք այսուհետեւ իբրեւ մարդ հոգեւոր : Մնարչարութեանն՝ որ յայնժամ , այժմ նմանող եղիցուք ամրապնդութեամբ հոգւոյն՝ անդրժեղի 'ի ձախողակաց աշխարհիս և 'ի յաջողակացն : Մուսափայլութեանն՝ որ յայնժամ , այժմ նմանող եղիցուք լուսափայլ օրինակաւ քաղաքավարութեան մերոյ , զի “ տեսցեն մարդիկ զգործս մեր բարիս , և փառաւորեսցեն զՄատուած , , : Մրադաթեւ շարժմանն՝ որ յայնժամ , այժմ նմանող եղիցուք քաջագօտիք գոլով և եռանդունք 'ի գործս քրիստոնէական բարեպաշտութեան : Մապա ուրեմն՝ թափանցիկ անօսրութեանն՝ որ յայնժամ , այժմ նմանող եղիցուք ներանձնական մտածութեամբն , “ Ստանելով , որպէս ասէ , 'ի խորութիւն սրտից մերոց ճշմարիտ խոնարհութեամբ , զի բարձր եղիցի Մատուած 'ի պարզեատուութեան իւրում , , :

Որպէս զի այսօրիւք աստէն առաքինացեալք 'ի հոգիս , անգանօր փառաւորեսցուք և 'ի մարմինս շնորհօք տեսուն Յիսուսի՝ որ յարեաւ , և զմեզ՝ ըստ անսուտ խոստմանն՝ “ յարուսցէ յաւուրն յետնում , , :

ՔԱՐԱՉԻՔ

Ը Ն Դ Հ Ա Ն Ր Ա Կ Ա Ն Դ Ա Տ Ա Ս Տ Ա Ն

“Եւ յորժամ եկեացե որդի մարտոյ փառօր խրովք,
յայնժամ նստցի յարոռ փառաց խրոց” :

Իցէ՛ որ ուրեք երբէք, որ ՚ի միում ժամանակի ՚ի ծայրն արհաւրաց, միանգամայն և ՚ի ծայրն բերկրանաց հասեալ իցէ : (Ա)ռի ինձ ոչ բնաւ, բայց թէ յորժամ Մատուած ատեան եղեալ դատեսցի, զկէսս ՚ի պատուհասել, և զկէսս ՚ի վարձատրել : Վհանգի ըստ անչափութեան դատողին ծայրալիր են արհաւիրք պատուհասին, ծայրալիր և բերկրութիւն պարգևին : Այս է համաշխարհական դատաստանն :

Ո՞ տայր ինձ խուն մի յարհաւրաց անտի, քանզի զբերկրութիւնն յայլնուագ հատուցուք սիրելեացդ ՚ի քարոզի Մբայութեանն, ո՞ տայր ինձ խուն մի յարհաւրաց անտի դատաստանին կենդանագրել ձեզ այսօր բանիւ . այնչափ՝ որչափ երբեմն ՚ի ճարտարաց որ նկարչաց դունագեղ ծրագրեալ ՚ի մեռեալ պնակի զբնդհանրական դատաստանն, այնչափ ինչ երևեցոյց ՚ի նմա սքանչելի և ահաւոր՝ ըստ ճշգրտութեան տեսլանն, ըստ բազմադէմ տարազու երանգոյն, ըստ դունակ գունակ կրիցն, և ամենայն ծայրալիր սարօքն համաշխարհական ատենին, մինչև որ պուցեալ հայեր ՚ի նկարանդր յանհաւատից որ արքայից, այնչափ քստմնեցաւ, այնչափ զահի զգողանի հարկանէր անդէն, մինչև առ

ի զերծ միանգամ գտանիլ յահագին սրտմտութենէ անտի դատողին Վրիստոսի, և անձնապուր ի սարսափելի հանդիսից ատենին այնորիկ, դարձաւ առ Մտտուած սրտի մտօք, և ընդգրկեաց զհաւատս Վրիստոսի :

Ո՞տայր և ինձ յաջողել այսօր ի լեզուի, որչափ յաջողեաց յայնժամ ճարտարն այն ի գրչի . և զմի ոք՝ եթէ կայցէ, աստ յունկնդրաց իմոց ուծացեալ թերեւս Մտտուծոյ՝ դարձուցանել առ Մտտուած առաջարկութեամբ քարոզիս : Եթէ արհաւիրօքն չյաջողեցայց, գոնեա ի զօրութենէ հաւատոցն, զոր հանապաղ երգեմք հաւատով յեկեղեցիս . “ հաւատամք ի յարութիւն մեռելոց, հաւատամք ի դատաստանս յաւիտենից հոգւոց և մարմնոց :

Հաւատայք քրիստոնեայք . գիտեմ զի հաւատայք : Եւ մի հաւատասցիք իբրեւ հեռաձիգ ժամանակաւ զահեղ զայն ատեանն ի կատարածի աշխարհիս : Երձ կայ մեզ աւասիկ առաւել քան զոր չկարծեմքս :

Ինչ աստուածիմաստն Ոսկերեանի դամ աւաղիկ ազդ առնել ձեզ զօրն . չասեմ եթէ եկեսցէ, այլ թէ գայ և հասեալ իսկ է . “ Եղէ մեք, ասէր, զատեանն զայն զմտաւ ածցուք սիրելիք, և համարեսցուք եթէ մերձ աւասիկ զարդիս հասեալ և առ դուրս կայ, և զհամարն և զպատուհասն պահանջէ ” :

Եյսօր աւաղիկ, այսօր բացցի Յովսափատեան ձորն, այսօր դիցի ատեանն մեծ և ահեղ . այսօր հրաւէր առցեն ի կոչ դալ յերևան ազգք ազգք ժողովրդոց տիեզերաց : Երիք եկայք յանդիման դատաւորին Մտտուծոյ . լուրուք զամբաստանսն . ածէք իւրաքանչիւր այսր զչքմեղութիւնսն . մնացէք վճռոյ դատակնքոյն . “ Եյժմիկ, այժմիկ դատաստան է աշխարհիս այսորիկ ” : Եհաւասիկ դատաւորն առ դուրս կայ :

Բարէ, և ինձ զլիսովին թուի, եղբարք, ընդ աստուածարեալ հարցն զվերջինն լսել այժմ փող աւազափող . ձայնն այն յունկն իմ հնչէ ահեղ, սոսկալի . մարմին դողայ, ողջոյն և ոսկերք սասանին . “ Երիք մեռեալք, եկայք ի դատաստան ” :

Օ ինչ . . . Եթէ իբրեւ քարոզ վերջին առուրն ահեղի հանդիսացայց ես այսօր, եթէ իբրեւ պարտաւոր

զանձն իմ կոծեցից այսօր դառն հեծեծանօք : Բա՛նա՜ս
լեմ միայնակ . առ հասարակ տեսանեմ 'ի հեծութիւնս ,
'ի կողկողանս զիմն խառնեալ խիղճ' և զձերն և զընդ-
հանուր տիեզերաց :

Եւ ապա որ իցէ դարմանն : Յերից ինչ իրաց՝ իբրեւ
յերրակի սայրասուր նեւից խոցեալ եմ 'ի սիրտ . զնո-
սին կորզեալ արձակեցից ես ընդդէմ՝ յահարկութիւն
և 'ի զգաստութիւն՝ եթէ երբէք իցեն աստանօր աներ-
կիւղք 'ի Վրխատուէ դատաւորէն և խառացեալք 'ի
սիրտս :

Եւ արդ լուր ինձ ո՛վ մարդ : Հասանիցէ քեզ նախ՝
ելանել արտաքս 'ի գերեզմանէդ և տեսանել գերեաս
դատաւորին 'ի սրտմտութիւն բարկութեան : Ասել
երկրորդ՝ զձայն նորա ահեղ 'ի դատել : Երրորդ՝ ան-
գամ՝ զփորձ առնուլ և զգօրութեան բազկի նորա 'ի
դատապարտել : Բայ ահաւաղիկ իմ արհաւիրք ողջոյն
և ձերն : Տացուք սկիզբն , զի օր վերջին ահա ծագէ
աշխարհի :

ՄԱՍՆ Ա .

Եթէ խելամուտ կամիցիս լինել զօրութեան և փա-
ռաց արքայիս , և սրտմտութեան բարկութեան նորա ,
հայեաց դու ինձ միանգամ զի՛նչ այն ահեղ պատրաս-
տութիւնքն իցեն՝ զոր յառաջոյ արձակէ : Բարե , բա-
բէ . ձայնք ահա փողոց ահապնապոյք . ձայնք՝ որ զար-
թուցանեն զմեռեալս անգամ . ձայնք՝ որ զվէմն թաւա-
լեցուցանեն , ձայնք՝ որ ահաբեկ զգերեզմանս բանան :
“ Երիբ մեռեալք ” :

Տեսանեմ ահա յամենայն կողմանց ցեղեալ պատա-
ռեալ զերկինս . ձայն , որ ասէ , “ Երիբ մեռեալք ” :
Ասեմ զգարգափումն զձոնչալ 'ի ստորերկրեայս զգրան-
դեաց և զգոնափակաց բանտից յախտե՛նափանաց :
Թաւածեալք թռչին հոգիք սուրբք . 'ի դուքս զան խու-
ժէն յանցաւորք : Կէսք 'ի բարձանց , կէսք ամբառնան
'ի խորոց . կէսք ընթանան հրձուեալք 'ի խնդիր մարմ-
նոց իւրեանց . կէսք զգուանօք զարշին 'ի նոյանէ : Եւ

ընթ մեռեալք . . . : Արիք 'ի ծովէ, արիք յանտառաց ,
արիք յանձառաց , ուրանօր և կայք , արիք մեռեալք :

Օ ինչ ահագնալուքս իցէ . . . զինչ լենդրէ 'ի մէնջ . . .
ով է որ կոչէ . . . և ուր գնասցուք մեք . . .

“Արիք մեռեալք . եկայք 'ի դատաստան ,” :

Աշխար . . . : Ա երջինն այն ուրեմն եկեալ եհաս
օրն . “ () ր բարկութեան օրն այն . մերձ է օր տեառն
մեծն . ձայն աւուր տեառն խիտ և դառն . օր նեղու-
թեան և վտանգի , օր թշուառութեան և ապականու-
թեան , օր խաւարի և միգի , օր ամպոյ և մառախոյոյ ,
օր փողոյ և աղաղակի ,” :

Բաբէ . տիւ իցէ օրն եթէ գիշեր : Եթէ տիւ , ուր
աներեւութացեալ կայ արեգակն . եթէ գիշեր , ուր է
լուսին , ուր են աստեղք . գո՞ն տակաւին երկինք , գո՞յ
տակաւին երկիր :

Աղբա՛րք իմ . . . ազգականք իմ . . . ուր էք . . . բարե-
կամք իմ . . . : Ո՞վ ինձ ունին մատուցանէ , ո՞վ ինձ պա-
տասխանի առնէ . . . : Զիք որ լսիցէ , չիք որ հայիցի . . .

Առութիւն խորին ահաւոր առ հասարակ տիրա-
ցեալ . . . : Ա ախճանեցան մարդկայինքս . . . երկինք
խաւարեալ . . . Երկիր հրդեհեալ . . . աշխարհ խռո-
վեալ : Հոլովեցաւ ժամանակն , անկաւ ընկղմեցաւ 'ի
յաւիտենականութիւնն :

Հապա ուրեմն ո՞ ժողովուրդք , ո՞ ազգք և ազինք , հա-
պա 'ի ձոր անդր , 'ի ձորն . . . “ Զայնք հնչեցին 'ի ձորն
դատաստանի . զի մերձ է օր տեառն 'ի ձորն դատա-
ստանի ,” : Ո՞ ձոր , ահաբէկ ձոր . . . ծունկք բաբախեն ,
կթոտին սրունք , դողդոջեն ոտք . զիմրդ իցէ 'ի գնալ . . .
և սակայն հարկ է գնալ :

Դու ձեռն աներեւոյթ , որ զիսն մտրակես , թոյլ
տուր վայրիկ մի , մինչ չե երթեալ իմ անդր , թոյլ
տուր ինձ գտանել զոր առաջնորդ ինձ խնամակալու ,
փաստաբան , ջատագով ինչ զոր : Ո՞հ . . . վախեալ
է . . . չիք ժամանակ . . . :

Այ՛հ , ո՞ք դոքա իցեն , որ տիգօք աչաց հայիցին ընդ
իս . . . Ղանաչեմ ահա անշուշտ զձեզ . . . Ղանաչեմ
զքեզ ո՞վ այրիդ վտահար հիքացեալ : Ղանաչեմ զքեզ
ով վարձուորդ տառապեալ : Եղէ դուք լուռ լերուք , ա-
ղաչեմ , վայր մի : Առ , ո՞վ այրիդ , զերաւանցն յորոց

զքեզն զրկեցի . . . : | Եւ եւ զործաւորդ վայրիկ մի զվարձուց զաւուրն՝ զոր 'ի քէն կարճեցի : | Եւ զու առ ինչ յերեսս ինձ հարկանես . . . : հիմ զայրացեալ է քո . . . :

Իսկ, քանիք զիս մատնցոյց առնեն . ձայնք քանի զանուն իմ կարդան : Ի՛հ, բրթմնջիւն է առ հասարակ 'ի ձորն , հծծիւն է առ հասարակ . . . :

Իսկ ապա 'ի կիրս արհաւրացն այնոցիկ և մոլեզնութեան՝ տազնապին յանցաւորք , ընդառաջեալք մի մեանց ճանաչեն 'ի դիմաց , կէսք զգործակիցսն չարեաց , կէսք զամբաստանսն , կէսք զպատճառսն չարեաց :

Տեսանես զու զնոսա մերթ կապուտակեալս 'ի զայրուց կատաղութեանն , մերթ շիկնեալս յամօթոյն անարգութեան . այր զընկեր դատի , յանդիմանէ 'ի վերայ մեծեղեուն չարեաց . մի զմիով դիմեալք յարձակին , այր յընկեր ընդհարեալ բախէ . ցետէ և մոլեգինս խածատէ . “ Իբրեւ փուշք , ասէր մարդարէն , իբրեւ փուշք զմիմեամբք փոթորկեալք ” : Եւ մայր , մայր անագորոյն . 'ի քէն ես խափանեցայ՝ որում տենչայի՝ զաստուածապաշտ կարգացն 'ի մենարանի ուրեք բուռն հարկանել . . . : Եւ զովող անիրաւ , զու ինձ խոչընդոտն 'ի յաճախել ինձ յեկեղեցիս Եստուծոյ . . . : Եւ խորհրդականք նենգողք խորհրդակորոյսք , 'ի ձէնջ ես զառածեցայ յանիրաւ փոխանակութիւնսն յայնոսիկ , 'ի տոկոսիս դաշանցն այնոցիկ . ոյց աղագաւ արդ 'ի մօտոյ տեսցուք մեք զմիմեանս 'ի դժոխս . . . : Իսկ նոքա այնպէս անդ 'ի ձորն . . . :

Եւ ժամ է աւասիկ , զի շարժեսցին երկինք . . . : Իսկ ապա զուք զուարթունք երկնից , արիւք ելէք յերեւան ազգաց , հրաման է 'ի մշտնջենաւոր դատաւորէն . աղղեցութիւն արարէք , զի դայ և հասեալ է արքայն , դարապաս արարէք . զի դայ և հասեալ է տէր 'ի դատել զերկիր . . . :

Իսկ ահա ընդ դրունսն երկոտասան լայնատարրն բանի քաղաքն Եստուծոյ . 'ի դուրս գան երեւին կարգ կարգ 'ի հանդերձս լուսաւորս կարապետք հորդողք աստուածասաստ վրէժխնդրութեանն . “ Եւցեն հրեշտակք և մեկնեսցեն զարս 'ի միջոյ արդարոց ” : Եւ արաբերին սերօբէք , թուոցիկք արագունք յերկիր պատգամ բերել զանջրպետութեան 'ի մէջ աշխարհաժողով բազմութեանն . . . :

Չէն այլ խառնեալք շփոթեալք 'ի միասին չարք և բարիք . այր այր զիւրն զխտեալ զիտէ զտեղի . կամ ընդ աջն հետեւեալ կամ ընդ ձախն , անդ կայ անշարժելի՝ ուր և եղաւ միանգամ . « Ելցեն հրեշտակք և մեկնեացեն . մին առցի և միւսն թողցի » :

Ենդանօր չիք զննութիւն ոչ ազգի , ոչ լեզուի . չիք աչառել ոչ արեան ազնուականութեան , ոչ կապանաց բարեկամութեան : Հայրենակիցք են , այլ ելցեն հրեշտակք և մեկնեացեն : Համատոհմք են , արեանառութեն , այլ մին առցի , և միւսն թողցի :

Ո՛վ թողումն դառնութեան . . . ո՛վ մեկնութիւն սրտառուչ . . . ո՛վ բաժանումն ցաւազին . . . :

Ո՛վ հայր . զիս ո՛ւմ թողուս լբանես . . . : Բարկութեանն Բստուծոյ : Ո՛վ եղբայր . ո՞ զիս արդ քեցէ 'ի քէն . . . : Սեղքն : Ո՞ բարեկամք . բաժանիմք ուրեմն 'ի միմեանց . . . : Ի յաւիտեան : Եղո՛ւկ . անմտացաք ուրեմն , ափշեցաք , յիմարեցաք : Ե՛յ նզովեալ բարեմարդութիւնք . այ զաջացու լուսաւորութիւնք . . . այ հնարագիտութիւնք հանձարաղիրիք . . . այ քանքարք մտաց սնոտիք . . . « Սեք , մեք անմիտք զվարս զերկիւղածացն Բստուծոյ յիմարութիւն համարեալք , և զվախճան նոցա անարդութիւն . ահա զիարդ համարեցան ընդ որդիս Բստուծոյ , և ընդ սուրբս վիճակ դոցա » :

Բա՛բէ , զի՛նչ ապա երկիւղածդ այդ զմտաւ ածէր , յորժամ բնաւ իսկ ողջոյն հրաժարական տուեալ աշխարհի , թող , ասաց , բարբանջեացեն աշխարհատէրք՝ որչափ և կամեսցին : Բա՛բէ , չէր ուրեմն տխրամած հիւթմաղձոյն , զի այնպէս պարկեշտացեալն այն բամբիջ մեռացեալ 'ի տան խնամ տանէր գերդաստանին : Բա՛բէ , ոչ գձձութիւն ուրեմն , ոչ նուաստութիւն ողոյն սատար եղև համբերութեան անարդութեան վշտըմբերառն այնմիկ աւագի . « Սեք , մեք անմիտք զվարս դոցա յիմարութիւն համարեալք » :

Եւ մինչ նորա այնպէս հաշին մաշին յուսաբեկ 'ի հառաչ և 'ի թառաչ ցաւազին , անդուստ ամբարձեալք իբրև զամպս՝ թռուցեալք ընդ օդս 'ի վերայ գլխոց նոցա՝ երամ երամ անցանեն կան , աստ կուսանացն սարք , անդ մարտիրոսացն դասք . և կարգ կարգ ընտրելոց սրբոց սքանչելապէս զարդարեալ , իւրաքանչիւր զնշանազգեստս

զանձամբ արկեալ զփառաց իւրեանց : Եւ որ այն օր է , յորում երևեսցին նորա , ոյք էին և ոյք ոմանք համարեցան յաչս աշխարհի . “ Յայնժամ կացցեն , ասէ , արդարք բազմաւ համարձակութեամբ հանդէպ նեղչաց իւրեանց ” : Վանդի հասանէ նոցա յայնժամ ըստ տէրունեան սրտողամին՝ մերձ առննթեր կալ մեծի դատաւորին՝ իբրեւ դատողակիցս , իբրեւ ամբաստանս , իբրեւ կշտամբիչս : Ո՛վ , քանի անաչառ դատաւորն , քանի դառն ամբաստանութիւնն , և քանի սաստիկ կշտամբանքն :

Պառ Հերովդէս յակն յայնժամ արկանես զՍկրտիչդ զայդ Յովհաննէս , զորոյ զգլուխն աստուածաշուք իբրեւ ՚ի սրդեւի մասին ժտեցար տալ ՚ի կաքաւ հերատուկ աղջկանն . . . : Յակն արկանէ և դողայ :

Եւ դու զՊետրոս զայդ ականես Ներոն , որոյ երկրրպագելի ոտիցն սարիս արկեր և շղթայս . . . : Լկանէ և զդողանի հարկանի :

Ղանաչես և դու Սանատրուկ զՍաղէոսն և զՍանդուխտ , զորոյ զպատուական արիւնսն հեղեր . . . : Ղանաչէ և սարսափեալ կայ : Լյլիմբաբէ , զի ՚ի խնդիր ելեալ է օտարին գործոց . . . : Ես ես ինքն յաւուր յայնմիկ որովք զիմօք յանդիման կացից իմում պահպանողական հրեշտակին , իմոց սրբոցն սիրեւեաց և միջնորդաց . ո՛վ , մանաւանդ զիարդ իմոյն վեհափառ միակ բարեխօսի և յուսոյն ամենասուրբ աստուածածնին . . . : Բաբէ , և Սարիամ յաւուր յայնմիկ հովացեալ ՚ի գթոյն , չէ այլ Սարիամ բարեխօս . չիք այլ ՚ի մայրենին անկանել ՚ի գիրկ , սրտմտեալ է ինքնին Սարիամ , վրէժ խրնդրութիւն խնդրէ և Սարիամ : Ո՛ւր յայնժամ բարբառն իմ՝ որ առ նա ՚ի կեանս իմ զօրհանապաղ . “ Ի քեզ , ՚ի քեզ եմք ապաւինեալ Վրիստոսի մայր Բստուծոյ մերոյ ” : Ո՛ւր իմ սրտառուչ երգն . “ Լնիծից լուծիչ և քաւիչ մեղաց սուրբ կոյս . . . : Փութացիր յօգնութիւն սուրբ Բստուածածին , փրկել զմեզ ՚ի յաւիտեանական հրոյն , աղաչեմք զքեզ ” : Եւ յայնժամ բանալ զըթունս իմ առ նա արտասուօք . վահ , և ոչ արտասուք յուզեսցեն զմայրենի գութն . . . :

Եւ զուկ եմ ես , զիարդ հանդարտեցայ երեսայն Վրիստոսի դատաւորին , որ այսչափ ինչ ՚ի պաշտօնէիցն

նորա զահի հարեալ եմ : Ը՛հ , մի ևս յառաջ , մի . մի խաղասցուք անդրազոյն քան զժամն : Ս՛ի , մի եկեսցէ Բստուած . . . : Բ՛յլ աւաղ նանրացեալ յուսոյն : Ս՛ ճարեալ է ամենայն :

Ը՛հ ժամ , ահա նշան , ահա խաչ . . . : Ս՛ լխաչ , որում յերևել քո կոծեսցին դառնապէս ամենայն ազգք երկրի . . . : Ս՛ լխաչ . . . : Ը՛հ աւասիկ Բստուած . . . :

Փախերուք անարգեալք , զի կայք . . . : Փախիցէ , սաքրեսցի , որ միանգամ թշնամի՝ ՚ի ձորոց աստի . . . :

Ը՛հ աւասիկ Բստուած . . . : Ս՛ լ քանի՞ն իցէ ամպրոպրն , քանի՞ մրրիկ , քանի՞ հրացան բարկութիւնն . . . : Ը՛հ աւասիկ նա . ո՛վ զի՛նչ իցէ տեսին : Ն՛աժկեցէք զիս լերինք , հոսեցէք բլուրք ՚ի վերայ իմ : “ Հայնժամ սկսանիցին ասել լերանց , թէ անկերուք ՚ի վերայ մեր . և բլրոց թէ ծածկեցէք զմեզ , ” :

Ը՛հ աւասիկ ժամն , եղբարք , որում նախատեսն իսկ էի , թէ ոչ հանդարտեցայց ես յակաստանի իմում . . . : Հրաժեշտ՝ թէ ձեզ կամք իցեն՝ հրաժեշտ տուք ինձ տալ ՚ի ճառէս այժմ , յահաբեկ հանդիսէս : Ի՛ զնին տեսլեանն չժուժան չհանդարտեն ոչ երևակութիւն , ոչ խորհուրդ , ոչ զգայարանք իմաստից : Զիք իմարիութիւն առաւել քան զՍառումայն , որ զաչս փակէր ՚ի հանդիպոյ աստուածային դիմացն . “ Ը՛հ երեսաց , ասէ , բարկութեան սրտմտութեան նորա ո՞ հանդարտեսցէ , ” : Եւ զՍառումայն , “ Օ՛ օր , ասէ , զալստեան նորա ո՞ կարասցէ զմտաւ ածել , ” : Եւ զՀովբայն արդարոյ , որ անձկայր հողածածուկ թաքստեան ՚ի բարկութենէն Բստուծոյ . “ Եւրանի՛ թէ ՚ի դժոխս սաշէիր զիս , և թաքուցանէիր զիս մինչև անցանէր բարկութիւն քո , ժամանակէիր ինձ ժամանակ՝ յորում առնէիր ինձ յիշատակ , ” :

Ը՛հ յստի է ահադնութիւն տեսլեան դատաւորին , յորժամ եկեսցէ ՚ի վանել զերկիր : Բանդի և չիք վայր թաքստեան և ոչ դաշտ փախստեան ՚ի մեծ վայելչութենէ փառաց երեսաց նորա : Եւ եթէ աստէն յաշխարհի թաղաւորք ահաւորք և բռունք սոսկալիք՝ ըստ ճառի վկայաբանութեանցն սրբոց՝ է զի նշոյլ մի տեսեալ փայլատակեալ ՚ի դէմն մարտիրոսին՝ զոր չարչարէին , այնչափ իմն զարհուրեալք թաքթաքուր փախ

էին յերեսաց նորա, զինչ ապա եթէ Մատուած ինքնին փայլակնաճաճանչ բովանդակ լուսով մեծվայելչութեանն և ՚ի բոց բարկութեանն երևեցին ՚ի դատել. ցուցանել՝ զո՞ անարգեցին, և առ ո՞ արձակեցին զբարբառ իւրեանց :

Ըստ է զտէգ մի զաստուածային աչացն խաղացուցանել, և զծով խորհրդոցն փլուզանել իբրև սրտագէտ նոցա յամենայն ՚ի կեանս նոցա, ՚ի խորհուրդս, ՚ի բանս, և ՚ի գործս նոցա : Հայեսցին նոքա շուրջ ընդ օդսդ իբրու բոցակէզ ՚ի բարկութեանէն Մատուծոյ, և ՚ի նոյն տեսլենէն զյաւիտենական պատկեր տպաւորեալ ՚ի հոգիս նոցա զանշիջանելի հրոյն՝ յոր տանջեցին : Հայեսցին յաստուածային դէմն, և ծանիցեն եթէ անհնարին չար ուրեմն էին մեղքն, զոր ընդ խաղ գործէին, ոտնհար այնպիսոյն եղեալ մեծվայելչութեանն. “ Հայեսցին ՚ի նա, յոր խոցեցինն ” :

ՄԱՍՆ Բ .

Եւ արդ վայր մի խելամուտ լերուք, բրիտանեայք. զի եթէ այսպիսի ոք յանդիմանի դատաւորն, յորժամ յերևան միայն գայ. զինչ ասես, զինչ լինիցի, յորժամ և բարբառ արձակեսցէ : Օ ի եթէ լուռ և անբարբառ միայն փայլատակել հրացայտ աչացն և բոցադիմութիւնն սոսկալի ահիւ մեծաւ տագնապէ զձորն, զինչ եթէ և որոտընդոստ ձայնիւ ահագին ամպահարեսցէ՝ ՚ի հիմանց սարսելով զտիեզերս :

Երբեմն զի արձանացեալ կայր ժողովուրդ Մատուծոյ ՚ի ստորոտ լերին Սինայի՝ ընդունել զօրէնան ՚ի բերանոյն Մատուծոյ : Եւ ինչ նա զձայնն արձակեաց, խաւար և մութ, ծուխ, մէգ և մառախուղ, հուր, բոց ահագին պատէր զլեառն : Օ ահի զգողանի հարեալ, և յափշութիւն հատեալ այնպէս ՚ի զնին կային հրաշիցն. և ապա անդէն յական քթթեղ կայծակուհւք թօթափէին ՚ի թանձրացեալ ծխոյն և ՚ի միջոյ հրոյն. բարբառ որոտընդոստ ահագին ՚ի միջոյ միգին, և ձայնք քաջահնչող փողոցն յառաջացեալք ահնկեցք, ՚ի շտապ

տազնապի աստ անդ փարատեալ զարհուրեալ փախչէին ժողովուրդք . այնպէս 'ի մեծ հեռաստան յողիս ապաստան կացեալ հայէին 'ի սարս բորբոքելոյ լերին

“Աւր դուք անարի վատասիրտք , անդուստ 'ի սարէն էր յայնժամ ձայնել Ա՛ռվեսի , ո՛ւր փախուցեալ շտապիք . . . Մտուած բարբառի . . . դա այդ իցէ ձեր ունկընդրութիւնդ . . . Մտուած ձեր , փրկիչ ձեր բարբառի . . . : Օարհուրեալ եմք , հաղիւ զբան զայս յողեցին ժողովուրդք , զարհուրեալ եմք : Եւ զի Մտուած բարբառի , վասն այնորիկ տազնապիւք . զօրութիւն չիք լսելոյ : ‘Ի ու մեր բարեխօս առ նա , “ ‘Ի խօսեսցի ընդ մեզ Մտուած , գուցէ մեռանիցիմք , : Այ խորչիմք առնուլ զօրէնան , քեզ յանձն եղիցին օրէնք , և դու կարդասցես մեզ . “ ‘Ի ու խօսեաց ընդ մեզ , և լուիցուք . մի խօսեսցի ընդ մեզ Մտուած , գուցէ մեռանիցիմք , : ”

Եւ արդ եթէ Մտուած 'ի խաղաղութեան , եթէ Մտուած օրէնադիր և ոչ պատուհասադիր , այսչափ է ահնակէց , զինչ լինիցի Մտուած 'ի բարկութեան և Մտուած դատաւոր : Եթէ տուչութիւն տաննաբանէին այսպէս , որպիսի ինչ իցէ դատաստան յանցաւորութեան տաննաբանէին : Եթէ առ որդիսն զայս օրինակ , զինչ առ ապստամբսն : Յորժամ տիեզերք ամենայն 'ի լուութեան ափ 'ի բերանք , և նա միայնակ զատուածաստատ զտիրական շրթունան բացցէ , զինչ առաջին որոտացի :

Օ ահի հարեալ եմ ես , եղբարք , 'ի ձայնէն . դողամ 'ի բարբառոյն . “ Ես եմ . . . յորմէ երբեմն պակուցեալ մեռանէին լսողք . . . : Չիք յաւետարանի ահաւորագոյն ձայն քան զկրկին բառն , ես եմ . . . : Ա՛ռ ինձ ճշգրիտ թարգմանեսցէ զզօրութիւն բառիցն : Ի՞բր միանդամ արձակեցաւ ձայնն , և գնացեալ սոսկապէս զգետնի զարկուցանէր . “ Օ ո՛ր խնդրէք . — զ՛խոսու Վաղովրացի : Իբրեւ ասաց , թէ ես եմ , յետս յետս չքան և զարկան զգետնի , : ”

Ի՛նչեք , զինչ ազգեաց ականջայն , զինչ հարաւ աչացն , ո՛ր փայլատակունք հատան 'ի միտն , զինչ շանթեաց 'ի սիրտն , և պակեաւ բնութիւնն և մեռանէր :

Ես եմ . . . : Օ ես եմն , գոչէր մեծն Լճոստինոս ,

գլխի և մինքն քաջիկ զիտասցուք մեք անդ 'ի ձորն , 'ի ձորն յովսափատեան . յորժամ աթոռք և տէրութիւնք , յորժամ իշխանութիւնք երկնից 'ի հիմանց սասանեսցին , և զօրութիւնք երկնից շարժեսցին . , :

Վանդի այս փայլատակել ձայնին , ես եմ , անդէն առաջին տեսարան բացցէ առաջի մտայն , տեսարան զանազման էութեանն Մատուծոյ , ես եմ որ էն . յորում տիեզերակալութիւն , արքայութիւն . յորում զօրութիւն , անչափութիւն . յորում մեծութիւն , անկախութիւն , միանգամայն յանդիման հարցեն զանճառութիւն Վրիստոսի դատաւորին :

Յորժամ միանգամայն և ամենայնն որ արտաքոյ և որ 'ի ներքս 'ի մեզ՝ ձայն տացէ յարձազանդ բարբառոյն տեառն իւրոյ : Արկինք գկայ առեալ , և արեգակն շիջեալ , և արարածք զգողանի և մարդկան վիճակք առհասարակ յակճիւս կացեալք , 'ի շրթանց անտի զյաւիտենականն իւրեանց առնուլ զսահման , ամբարձցեն զբարբառ դատաւորին , և զօրութեան նորա կրկնեսցին արձագանդ ամենայն խորհուրդք , զուգաձայնեսցին ամենայն իղձք , և 'ի հանդիպոյ առաջին իւրեանց պատճառին սարսեսցին ամենայն թեւք հոգւոց մինչև 'ի սօսափին ոսկերաց , որպէս ճշգրտեաց մարգարէն . “ Եւ իմ , ասէ , ցնծացցէ 'ի տէր . և ամենայն ոսկերք իմ ասացեն , տէր ո՞նմանի քեզ . , :

Յայնժամ ծանիցի Մատուած 'ի մէջ մարդկան , և դաւանեսցին ընդ մարգարէին . “ Եւ զու տէր ծանեար զյետին իմ և զառաջին իմ . զու ստեղծեր զիս . սքանչելի եղև զիտութիւն քո յինէն . , :

Յայնժամ ստրջասցին ամբարիշտք , սարսեսցին և հեծեսցեն ընդ մարգարէին . “ Եւ ստացար զերիկամունս իմ . խաւարն 'ի քէն ոչ խաւարեսցի . ոչ թաքեալ ոսկր իմ 'ի քէն՝ զոր արարեր 'ի ծածուկ . զանգործս իմ տեսին աչք քո . և 'ի գիրս քո ամեններին գրեցան . , :

Յայնժամ յոգւոց հանցէ անաստուածն . ահաւասիկ Մատուած աւասիկ Մատուած : Սա է Մատուած , յորմէ կափուցեալ զաչա՝ ընդդէմ վայրաբանէի փաստս . զսա ես ամենայն ուրեք նշմարէի . և արդ ակներև յանդիման տեսանեմ՝ զոր ոչն կամէի . “ Եւ աւասիկ զիտացի , զի Մատուած իմ ես զու . , :

Յայնժամ հեծեծեսցէ և հեթանոսն տարրապաշտ ,
 Ռհաւասիկ ճմարիտն Մտուած , ոչ իսկ զնա ինձ սքան-
 չելի միաբանութիւն տարերացդ ազգ առնէր , կարգ
 աստեղացդ , տեսչութիւն տիեզերաց . ոչ և լոյս բանին
 ինքնին թելադրէր ինձ ազգարար զբարեւաւութիւն
 վարուցն , յորմէ տաղտկայի առ սնապաշտ կրօնիցս .
 “ Լռանեցաւ առ մեզ լոյս երեսաց քոց տէր . և լուսով
 երեսաց քոց պարտ էր մեզ տեսանել զլոյս ” : Ոչ ահա
 և զնոյն լոյս ազգէր ինձ ակներև զօրհանապազ և քրիս-
 տոնէիցն սրբութեան կրօնք . “ Պատմեցին ինձ անօ-
 ղէնք զխորհուրդս , այլ ոչ որպէս զօրէնս քո ” :

Յայնժամ սրտառուչ գոչեսցէ և Հրէայն : Սայ ,
 աւաղ , պարտ էր ինձ զիմն ճմարիտ ճանաչել Սե-
 սիայ . ոչ 'ի նմա քաջայայտ ճգրտեցան ահա մարգա-
 րէութիւնք , քաջածանօթ տառք Վանիէլի , Վաւթի ,
 և Եսայեայ . ոչ ահա հաստատագոյն ունէի զբանն
 մարգարէական՝ որում եթէ անսայի , բարւոք առնէի ,
 Վանգի “ Սկայութիւնք քո , Մտուած , հաւատարիմք
 եղեն ինձ յոյժ ” :

Յայնժամ և հերետիկոսայն ջոկք կականեսցեն ,
 բարէ մեծամեծ սքանչելեացն՝ որ գործեցան ակներև
 յեկեղեցիս ուղղափառաց 'ի մեր լուսաւորութիւն .
 զիա՞րդ կամաւոր կուրացաք ափեալքս , մոլորեցաք յու-
 ղիդ շաւղացն . չիք այսուհետեւ 'ի չքմեղս լինել յան-
 յաղթելին տգիտութենէ . չիք այլ ինչ ասել , բայց
 Սեղաք , անիրաւեցաք , ապստամբեցաք . սրտադէտ
 դատաւոր արդար ես , ուղիղ են դատաստանք քո :

Իսկ դու ապա հաւատացեալդ յուղղափառութեան ,
 անդուստ ձայն տացէ դատաւորն , դու անբարբառ կաս ,
 դու որդի իմոյ մկրտութեան , դու ժառանգ իմոյ հա-
 ւատոյն , սնեալդ 'ի խորհուրդս սրբութեան , բաժա-
 նորդ իմոյ չնորհաց , արժանայեալդ իմոյ սիրոյն : Բը-
 բուցեալ ինչ իցէ իմ երբէք զքեզ յարենէ իմմէ , և բու-
 ծեալ զքեզ 'ի մարմնոյ իմմէ : Ոչ յիմ վարժոց առի
 զքեզ 'ի մանկութենէ . պատգամաւորեցի յաթոռոյ ,
 խրատեցի 'ի բեմէ , քարոզեցի յամբիոնէ : Իսկ դու
 յայնչափ ճանապարհաց՝ որ տանի 'ի կեանս , զչափն ըն-
 տրեցեր 'ի նոցանէ : Սահ ուրեմն և կորուստ խնդրե-
 ցեր ինքնին անձին քում . ընդ մէջ ուրեմն կտրեսցիս և

բաժին քո այսօր դիցի ընդ անհաւատս, ընդ անաստուածս, ընդ հերետիկոսս, զորոց ըմբերանէիր զբանսն և գործոցն հետեւեցար. 'ի հայհոյել զանուն իմ, առ ոսն կոխել զարիւն իմ, պղծել զտաճարս իմ, խաղ առնել զքահանայս իմ, զանցառու տասնաբանէին, ուխտանենդ իմոյ աւետարանին:

Վրոշմ և կնիք բրիտանիկոթեանդ փրկեսցէ զքեզ ոչ. 'ի հաղորդութենէ եկեղեցւոյ չիք քեզ մասն. առատաձեռնութիւնք իմ, չարչարանք իմ, խաչ իմ, առաւելագունի քեզ պատճառք դատապարտութեան: Այսպիսի ուրեմն փոխարէն առ 'ի քէն իմոցս շնորհաց. և 'ի վերայ ամենայնի այսորիկ չեղէ արժանի գէթ զթութեան ինչ քո յաղքատս իմ, պատառոյ հացի, կաթի միոյ ջրոյ, այցելութեան 'ի հիւանդութեանս, զրդէկի 'ի մերկութեանս, սիւփանաց 'ի բանտի, օթեւանի յօտարութեանս: Այսպաշնորհ. “Օ ինչ ինչ առնել քեզ այգւոյդ, և ես ոչ արարի. մնացի զի բերցես ինձ խաղող, և բերեր փուշ, օյց ինձ դուրս մի, ժամ մի զկենաց քոց, յորում ոչ հայրաբար խնամեցի զքեզ. 'ի տղայութեան քում, 'ի պատանութեան, յերիտասարդութեան, խրատս զո՞ր լսելի քեզ չարարի 'ի զգաստութիւն սանձարձակութեան. յայր կատարեալ հասեալ քո, քանիցս խելամուտ զքեզ արարի մի խաբիլ 'ի ժամանակէիցս: Ի ծերութեան պարարտութեան քանիցս անգամ 'ի փրկութիւն քեզ սաղրեցի զկենսառիթ զերկիւղ մահուն և զարհաւիրս զիմոյ դատաստանին:

Օ ինչ օգտեցար, աղէ ասա: Օ իմորդ իբրու զիմ հաւատարիմն դասեցից ես զքեզ 'ի թիւ ընտրեւոց իմոց: Ի՞նչ չետուր ինչ մի ինձ 'ի քոյոցդ, գէթ զիմն հատու ինձ. ո՞ւր է քո անաղտ պատմութեանդ, ո՞ւր սպիտակափառ հանդերձն՝ զոր զքեւ արկի 'ի մկրտութեան. ո՞ւր սրբարար շնորհքն, ո՞ւր խորհուրդքն սրբութեան, ո՞ւր վերքն իմ և արիւն և քիւրտն չարչարազգեաց: Տո՛ւր զհամարն:

Ի՞նչ ապառումդ, միթէ զդժուարին քան զկար անձինդ խնդրեցի 'ի քէն. կամ զանհնարն պատուիրեցի քեզ: Ի՞նչ եւս ընդ առաքելոց իմոց կոչեցի զքեզ տալադէմ պանդխտութեամբ չարչարել քեզ ընդ ամենայն

աշխարհ . կամ ընդ մարտիրոսացն տալ ինձ զբոլոր արիւնդ , կամ թէ քրճագգեաց ընդ մարդարէին ուտել զմօխիր , կամ անձաւամուտ լինել իբրեւ զանապատաւունս :

Օջրացան այլք , քաջայան 'ի գործ վարել զաւետարանն , զիմրդ դու վերջացար 'ի պահել զտաննաբանեայն : Այլք ինամով զխրատ և զխորհուրդ անգամ պահեցին , դու զրժեցեր և պատուիրանաց : Օյր անիրաւութեամբ բարձեր՝ յետնեցար դու 'ի հատուցանել , այլք զիրեանցն ջամբեցին : (Ընամեաց այլք բարիս արարին , դու և ոչ ներեցեր նոցա : Այլք անարատ նաև հայեցուածովք չափ պահեցին զանձինս , դու ոչ հատեր 'ի քէն զգայթակղեցուցիչդ , զմեղսառիթ բարեկամութիւնդ , զանբարի կենակցութիւնդ :

(Ը)երևս բոյս բարուց ունիցիս սրտմտական . այլ ահա և այն որ յիմոց սրբոցն : (Ը)երևս և մեղկաղէտ զըրգասուն . այլ ահա և այն որ յիմոց ընտրելոցն : (Ը)երևս քո յաշխարհի թարթափեալ և յաւագութիւնս զբաղեալ . այլ ահա և բազումք յիմոց ծառայից : Սրբացան նորա յամենայն իսկ 'ի վիճակս կենաց . հաւատարիմք ինձ յարքունիս , հաւատարիմք 'ի զինուորութեան , հաւատարիմք յարուեստս , հաւատարիմք 'ի վաճառս . հաւատարիմք 'ի մեծութեան , նոյն և յաղքատութեան , 'ի փորձութիւնս մեծամեծս , 'ի վշտմբերութեան , 'ի հիւանդութիւնս զժուարինս :

(Ը)իւրս ոմանս ունիմ ես աստ աւաղիկ աղնիւ ծառայս հաւատարիմս , 'ի քոյդ վիճակէ , 'ի քոյդ արեւնէ , 'ի քոյց նախահարց . զքեզ միայն չկարացի ոչ քաղցրութեամբ ամոքել , ոչ սաստկութեամբ ահացուցանել . զաչացուդ կամաւոր առ իմ լուսաւորութիւնս , ունկնախից առ իմ ձայնս , ուխտանենդդ առ իմ հաւատս , ապառուճդ առ իմ սէրն . և զի կաս ինձ դու տակաւին աստ հանդէս աչաց . . . :

Երթայք յինէն որդիք կորստեան , զարդք յաւիտենական հրոյն : Ոչ կամեցայք զիս , ոչ առջիք զիս : Երթայք յինէն . . . բաց զբերան քո զժոխք , լայնեա զքեզ վիհ կորստական , առ զգոսս . “ Երթայք յինէն անիծեալք 'ի հուրն յաւիտենական , որ պատրաստեալ է օտաւանայի և հրեշտակաց նորա ” : (Ը)ափս հարեք ըն-

տրեալք իմ, ամբարձէք ձայնս, բարբառեցէք զհետ կոր
ծանման իմոց թշնամեաց : Բայ է վախճան մարդոյ , որ
յինէն ոչ երկեալ :

ՄԱՍՆ Գ .

Տեսէք զդէմն , լուայք զձայն դատաւորին . փորձ
արդ առէք և զգօրութեան բաղկի նորա :

Եւ արդ միտ դիւր , եթէ զոր օրինակ կրկին անգամ
դատապարտութիւն առնուն մեղաւորք , մի առանձին
դատակնքովն յետ մահուն և միւս ևս հրապարակագոյթ
'ի վերջին աւուրն , սապէս և կրկնակի տեսութեամբ
հայի յանցաւորն՝ յիւրն դատակնիք . մի զի դատապար-
տեցաւ 'ի ծայրագոյն չար , և միւս ևս զի մերժեցաւ 'ի
գերագոյն բարւոյն :

Յառաջնումն՝ առնու նա զհարուածն ողջոյն յառան-
ձին դատակնքոյն . այլ յերկրորդումն , ո՛վ քանիօն նոր
իցէ հարուածն , քանիօն և ահագին , որ պահեալ կայ
նմա յայնմ աւուր ահեղին :

Քանզի յայնմ աւուր միայն տեսցէ նա յանդիման
զմեծութիւնն Բստուծոյ , տեսցէ և զփառս ընտրելոց
նորա . տեսցէ և հալեացի 'ի սրտի իւրում , զի անբաժ-
եկաց յաւիտեան 'ի գերագոյն բարւոյն , և մերժեալ
յերջանիկ դասէն :

Որովք ականջօք և որով կկոցեալ աչօք լուիցեն և
տեսցեն նորա նախ զհրաւիրակ քաղցրութեան ձայնին
երկնաւոր դատաւորին առ ընտրեալսն . « Եկայք օրհ-
նեալք հօր իմոյ , ո՛վ հրաւեր երջանկաւէտ , եկայք
յարբայութիւն ձեզ պատրաստեալ 'ի սկզբանէ աշ-
խարհի » :

Բայն ինչ բարբառեալ գերանութեան հրաւերն , օգը
շուրջանակի փայլատակեսցեն , երկինք պարզեսցին , և
'ի դրանց արբայութեանն ձայնք ցնծութեան այնչափ ,
և լոյս ճառագայթեալ այնչափ , զի և մղձկեալք ան-
հնարին յանցաւորք իւրտեսցին վայրիկ մի 'ի կայից ահե-
կակողմանն , և մինչդեռ իղձք իմն եղեալ շարժիլ մօտիլ
յաջեայսն , ահագինս անդէն , վայ յաւիտեանական

վճռոյն , ահագինս անդէն ձայն շանթեցէ աստուածային . “ Երթայք յինէն անիծեալք , երթայք 'ի հօրն յաւիտենական , , : ”

Ո՞վ պատմեցէ մեզ զժամուն զայնորիկ , ո՞ բաւական իցէ ճշգրտել , զիարդ և քանիօն յայն հարուած ձայնին աստուածայինն ծանրասցի բազուկ 'ի վերայ զլիւոյ նոցա : Ո՞ր թափ բռնութեան վանեցէ զկիրս զիղձս նոցա 'ի վեր և 'ի վայր մըրկեալս 'ի հեղձամղձուկ նախանձուէն , և կապեալս և վարեալս յամենակարող զօրութենէն . . . :

Ենձառելի տեսանեմ զաղէտն . . . : Վէպ մի սոսկալի յաստուածեղէն գրոցն գտանեմ միայն 'ի յուշ տպաւորել զահագին ժամն . . . :

Հնապա յուշ միանգամ ածէք զօրն և զժամ մահակործան զեղիպտական ազգին : Ենդ առ ամին Կարմիր ծովուն ընդ Սոլմեսի համարեսցիք զձեզ . անդ խոնեալ բազմութիւն շուրջանակի զափամբն կան դունդք դունդք ժողովրդեանն Եստուծոյ : Ենդուստ 'ի թիկանց ամ պրոպ զինելոց խմբից խմբից մըրկեալք թանձրախուռն 'ի փոշի բանակք Եգիպտոսի՝ հալածեն զփախստականն զԻսրայէլ . հետիք ամբաւ և այրուծի՝ զինու զարդու սպառազէնք և թեթեալէնք . կառք և ամենայն զօրութիւն Եգիպտոսի և Վարաւոն ահեղ 'ի մէջ նոցա . . . : Ի շտապ տազնապին այնորիկ այն ինչ ամբառնայ Սոլմես զահեղասաստ գաւազանն ընդդէմ ծովուն , պատառին յանդնդոց ջուրք , և ասպարէզ ցամաք լայնատարր փեռեկեալ յալուցաց խորոց ցուցանեն անցաւորաց : Վնայ Իսրայէլ զնորասքանչ ճանապարհն , և առ ամենայն հետս ոտին՝ զօր կոխէ , հրաշ տպաւորէ . “ Ստին , ասէ , ընդ ցամաք 'ի մէջ ծովուն , , : ”

Օ՞րինչ ապա յայնժամ գործեցէ Եգիպտացին . ժտեցի անդիլ այլ զհետ թշնամոյն , որում երկինք պաշտպանեն . . . : Ո՞վ զաչացու սպանդք աստուածային բարկութեան , տիպք նախասահմանք ամբարշտացն նաւաբեկութեան յաւուրն ահեղին . . . : Եբրու եթէ 'ի հրաւեր և նոցուն բացեալ նորասքանչ ճանապարհին , այնպէս ճեպին անդր մոլիքն խնդացեալք : Են ինչ հասեալք մօտ փախստական օրսոյն , վայր առնուն ըզտէզս , ձգեն զուսերս , լարեն զաղեղունս . և ահա

հրեշտակ փայլակնաձև՝ բոցատիպ առաջնորդ Խորայելի հարեալ հերձեալ զամպեղէն զսիւնն, փայլակէ, որոտայ, և տեղատարափ զլիմաց բորբոքելոյ և զնետից փայլատականց և զշանթից արձակէ, խռովէ, պակուցանէ միանգամայն զկառս և զկառավարս, զերիվարս և զհեծեալս, զզէնս և զզինուորեալս. «Հար զգօրն, և կապեաց զանիւս կառաց նոցա և վարէր զնոսա բռնութեամբ» :

Իբրեւ մի զմիով ահիւ վերջոտնեալք խուճապին ընդ կրունկս յափն՝ ուստի մտին, անդր դառնայ ծով, պաղեալքն իբրեւ պարիսպ՝ ալիք զալեօք կուտակեալ՝ կարկատեալ անդնդասոյց փակեն զնոսա : Ի հանդիպոյ խուճապէ հուր, և 'ի թիկանց սատակէ ջուր : «Դարձան ջուրք և ծածկեցին զկառս և զհեծեալս, և զամենայն զօրութիւն Փարաւոնի, և ոչ մնաց 'ի նոցանէ և ոչ մի» :

Ի ձայն ցնծութեան յայնժամ քնարաց, թմբկաց, ապրեալն 'ի ցամաք Խորայել՝ տիպ սքանչելի ընտրելոցն փրկութեան 'ի ծովէ աշխարհի, «()ըհնեսցուք, ասէր, զտէր զի փառօք է փառաւորեալ. մեք ապրեցաք, 'ի վերայ նոցա անկցի ահ և դողումն, մինչև անցցէ ժողովուրդ քո, մինչև անցցէ ժողովուրդ քո այս զոր ստացար : Տարեալ տնկեսցես զնոսա 'ի լեառն սրբութեան քո, 'ի պատրաստութիւն բնակութեան քո : Իսկ թըշնամիք քո տէր մեծութեամբ բազկի քո քարասցին» :

Թշնամիքն Եստուծոյ յայնժամ. թշնամիքն և այսօր՝ օտարացեալքն յԵստուծոյ, խստասրտեալք իբրեւ զՓարաւոն. քան, հեռի արասցէ Եստուած, եթէ այնպիսիք այսօր յիմոց ունկնդրաց գտանիցին երբէք, սակայն եթէ իցեն երբէք, 'ի ձեզ ո՞ր մեղաւորք խստասիրտք անգեղձք, 'ի ձեզ դէպքն ահագինք օրինակեցան Լազիպտոսին :

Ի թէ պատմութիւն միայն իցէ այդ օտարին աղետից, և ոչ առաւել մարդարէութիւն մերոցն : Եւ իբրեւ զհարստահարող եզիպտացին երբէք ոչ վայրենացաք և մեք ընդդէմ արդարոյն, ընդդէմ անպատասպարօրերոյն. ոչ իբրեւ սուսերաձիգք կուուցաք մեք երբէք, հարաք խոցեցաք զեղբարս մեր 'ի դոյս նոցա, 'ի համբաւն նոցա, յանձինս նոցա. ոչ և որբոցն ծծեցաւ երբէք արիւն, այրեացն, մշակացն, ծառայիցն. ոչ տրտ-

մեցուցաք երբէք զաղքատն , զլացաք տնանկին , ունչս արարաք կարօտելոյն : (1) Երես լցաք և զչափն , և ահա վախճան առին մեղքն , և մերձեցաւ օրն , եհաս ժամն :

Եւ որեարդ հարստահարեալ և մեք ընդ նոսա մտա նեմք ահա 'ի ծով 'ի մէջ ձորոյն յովսափատեան : Եւ մեք տեսցուք ճանապարհ նորաքանչ բացեալ առաջի նոցա՝ անցանել յայնկոյս յափն յաւիտենական , տեսցուք զհրճուալից անցան յերանաւէտ երկիրն :

Իսկ որք աստէն զեզիպտացւոցն նմանութիւն յանձին բերին՝ մեղաւորք անգեղջք , միձկեալք յանձառելին տեսիլ՝ անձկասցին հետոցն , զկնի ընթանալ թաք թաքուր քայլիցն : Եւ աւանդ . . . շանթեցէ նոցա անդէն ձայնն . « Եթայք անիծեալք . . . » :

Եւ ահա բերովբէք հրաման առեալ բոցեղէն սրոյ շուրջանակաւ պահել զնորաքանչ ճանապարհն զարքայութեանն , զնոսա թօթափեսցեն 'ի ծով եռացեալ հրով և ծծմբով . անդր վարեալք 'ի թափոյ դժոխական այսոցն , անդր վարեալք յաստուածային արդարութեանէն , անդր վարեալք յոգետանջ յանցաւոր խղճէն , իբրեւ կապար ընկղցին 'ի վիհն՝ ուր հուրն նոցա ոչ շիջանի :

Եւ զաւասիկ երեկոյացաւ օր վերջին աշխարհի , և արձակեցաւ աստեան մեծի դատաստանին :

Եւ մինչ չեւ արձակեալ , յուշ վայր մի ո՛ հաւատացեալք , յուշ . . . : Այն ինձ , զինչ եղիցի վասն իմ . . . զինչ լինիցի և վասն մեր առ հասարակ : Օ որ մեք լուիցուք դատակնիք , զուրախալին եթէ զարտմականն : Ո՛ր կողմն արդեօք ընկալցի զմեզ , աջեայն եթէ ահեկնին : Անակիցք զից եղիցուք մեք 'ի յաւիտեան , հրեշտակայն եթէ այսոցն . յարքայութիւն եթէ 'ի դժոխս . . . :

Եւ զահի հարեալ եմ և դողամ . թուի թէ և դուք ընդ իս . . . : Կամ ստգտանեն զմեզ միտք մեր , և ահա վճարեալ է վասն մեր , եթէ անապաշխարք մեռցուք : Կամ ոչ ստգտանեն . սակայն և տակաւին զահի հարեալ եմ յառաքելական ձայնէն . « Օ 'ի թէպէտ և ոչ ինչ գիտեմ , ասէ , զանձին իմոյ . այլ ոչ եթէ այսու արդարանամ . զի որ քննէն զիս , տէր է » :

Ո՛րք 'ի մէջ գիտաց ճշգրտիւ զամենայն զանցելոց աւուրց կենաց իւրոց . ո՛ ճշգրտիւ յապահովի զմեզ կա-

ցուցանէ վասն ներկայ վիճակի կենաց մերոց . ո՞ աներկեան մեզ խոստացի զհանապազորդութիւն մեր յապայն 'ի բարին . . . :

Հապա ուրեմն սիրելիք , որոց միանգամ ստգտանեն միտք , արիք քաջալերեցարուք այսօր , այժմէն բուռն հարէք զմիակ խարսխէ փրկութեան հողոց ձերոց , զապաշխարութենէն ասեմ և զՄտուծոյ ողորմութենէն , որ ամբաւն է որ ամենակարողն է : Վորոգեցարուք , անդորրացուցէք միանգամ զխիղճ մտաց ձերոց ապաշխարութեամբ , խոստովանութեամբ առ ոտս քահանային յայտնեցէք առանձին յանդիման միոյն զյանցանս , զի մի յանդիման աշխարհի 'ի տիեզերական ատենին առակեսցին այդոքիկ աններելի պատուհասիւ : Ի ներկիստ զիմեցէք աստէն 'ի ծոց ողորմութեանն Մտուծոյ . չառնէ երբէք անտես , միայն պաշտեցէք . բախեցէք միշտ զբուռն ողորմութեան . “ Արբախէ , բացցի նմա ” . անսուտ է վճիռն :

Իսկ զորս ոչ ստգտանեն միտք , ո՞ արդարք , և “ դուք ահիւ և դողութեամբ , որպէս առաքեալ խրատեաց , զանձանց փրկութիւն գործեցէք ” : Իբրեւ սիրելի յոյժ և փարելի ոգւոց ձերոց հաստատուն պահեցէք 'ի ձեզ զչնորհս բարեկամութեանն Մտուծոյ . զի եթէ միանգամ կորուսիք մեղօք , ոչ զիտէք եթէ միւսանգամ գտիք զնա : Եւ եթէ միշտ յահի և 'ի դողութեան կայցէք ըստ առաքելական խրատուն , զիտացէք անշուշտ՝ եթէ կեցցիք միշտ 'ի չնորհս : Ապա թէ ոչ “ որ համարիցի զանձն հաստատուն կալ , ըստ նորուն առաքելոյ , զգոյշ լիցի գուցէ անկանիցի ” :

Ասն որոյ թէպէտ և տեսէք դուք զիս ստէպ յայլ քարոզս հրաւիրակ մեղաւորացն՝ անկանել առ ոտս խաչին Վրիտտոսի , այլ այսօր առ հասարակ արդարք և մեղաւորք՝ որոց յանդիման ահազնութիւն նկարեցաւ ատենի սրտագէտ դատաւորին , կանխեսցուք արտասուօք , անկցուք առաջի , մաղթեսցուք : Սի զմեզ տէր , մի զմեզ զգինս պատուական արեան քո մի 'ի կորուստ մատնեսցես . այլ դատաւորեալ սրայծառացուցես զմեզ յաջակողմեան դասուն : Սեղայ տէր , բազումողորմ Մտուած մեղայ ողորմեա . մեղայ տէր և անկանիմ առաջիքո , մեղայ ողորմեա . մեղայ տէր խոստովանիմ զյան

ցանա իմ, մեղայ ողորմեա : Բխեսցեն տէր աչք մեր
 զարտասուս ապաշխարութեան, և լուսացես զմեզ շնոր-
 հօք ողորմութեան քո : Զիշեա ո՛վ տէր զմեծութիւն
 աստուածային քոյ գթոյ առ մեղաւորս բազումս և մե-
 ծամեծս . ահաւասիկ և մեք ընդ նոսա առ ոտս քո .
 հայեաց 'ի մեզ և ողորմեաց մեզ : Ախաժաման շնոր-
 հիւդ ցաւեսցի մեզ տէր 'ի բոլոր սրտէ, զի քեզ միայնոյ
 բարերարիդ Աստուծոյ մեղաք ապախտաւոր ծառայքս .
 ներեա , քաւեա և թող զմեղս մեր . և զողորմութեան
 քո զգուռն բաց մեզ տէր , և արժանի արա զմեզ լու-
 սեղէն յարկացքոց ընդ սուրբս քո : Ի նստիլ քո յատենի
 դատաւոր ահեղ խնայեա յարարածս քո , և 'ի սպա-
 րաստեալ քո օթեմանս սրբոց քոց ընկալ և զմեզ փրկ-
 կիչ յորդեգրութիւն 'ի դալրութեան կենաց :

ՎԵՐՈՋ ԼԳ.

ՅԱՂԱԳՍ ՍԱԿՍԻՈՒԹԵԱՆ ԸՆՏՐԵԼՈՅ

“ Բազումք են կուեցեալք և սակաւք են բնորեալք ” :

Ո՛վ ահագին վճռոյն : . . . Հարցեալ է ձեր բազում անգամ, նա զօրհանապաղ ևս խնդրէք 'ի մէնջ, եթէ անշուշտ այնպէս նեղ և անձուկ իցէ ճանապարհն երկնից . և թիւ փրկելոցն անշուշտ այնչափ սակաւ իցէ, որպէս ասեն : (Ի)՛նչպէտ և պատասխանի ևս բազում անգամ առեալ է ձեր յայտնադոյնս, սակայն վասն խնդրոյդ այդորիկ և ինքնին տէրն աւաղիկ օրինակս կրկին 'ի ներքս եբեր մեզ յաւետարանին, առ 'ի տպաւորագոյն ևս գործել զճշմարտութիւնն :

Ըռաջին՝ թէպէտ և բազումք, ասէ, յաւուրս Աղիայի բիւրաւորք Խորայելի սովատանջ լլկէին, սակայն կին միայրի 'ի Սարեիթայ սիզոնացւոց միայն հաց եգիտ յԱղիայէ : Արկրորդ, 'ի բազմաթիւ բորոտաց անտի Խորայելի՝ միայն, ասէ, 'ի էեման ասորի սրբեցաւ յԱղիսէէ մարգարէէ :

Իսկ արդ եթէ յայս բեմ ելեալ է իմ այսօր, քան 'ի հրահանգել՝ առաւել ևս 'ի զարհուրեցուցանել զձեզ, շատ լիցի ինձ ապա միայն զահագնալուրսն 'ի դրոց սրբոց օրինակս յուշ ածել ձեզ վասն ճշմարտութեան խնդրոյս՝ դարուց 'ի դարս համառօտելով :

Գիտէք իսկ քաջ, քանի՞ նուաղունք՝ հոգիք ութ միայն 'ի նոյեան տանին՝ յնդհանուր տիեզերս ապրե-

յան 'ի համաշխարհական ջրհեղեղէն : Վարձեալ և 'ի բիւրուց մարդկանէ՝ միայն Մբրահամ ընտրեցաւ լինել աւանդապահ ուխտին Մտուծոյ : Վարձեալ և 'ի վեց հարիւրոց հազարաց անտի Լբրայեցւոց՝ երկուք միայն Յեսու և Վաղէբ մտին յերկիրն աւետեաց : Վարձեալ և 'ի բազմամբօխ յերկրին հուսացւոց Յովբ միայն գտաւ արդար : Եւ առ հասարակ յերկրին Սողոմոնացւոց Վովտ միայն . և յաշխարհաժողովն Վաբելոնի՝ երեք մանկունքն :

Եթէ ընդ ահագինս ընդ այսոսիկ կամիցիք յեռու և զարբոց մարդարէիցն զառասացութիւնսն, զսակաւաւ թիւս զընտրելոցն Մտուծոյ 'ի ճիւղ օրինակելով ողկուզաց այգեաց 'ի կուծս . “ Որպէս յորժամ գտանիցի, ասէ, ճիւղ մի 'ի մէջ ողկուզաց կէտեոց, և ասիցեն մի ապականեր զդա, զի օրհնութիւն տեառն դոյ 'ի նմա ” : Եւ որպէս յորժամ հասկբ աստ անդ ապրեալ իցեն 'ի մանգաղաց մշակացն, յորայից անտի և 'ի դադիշացն բազմութենէն : Եւ այսոսիկ յուշ ածեալ ձեզ և զզարհուրանս զերկուց ճանապարհաց զաւետարանին, զնեղն և զանձուկն զոր սակաւք գտանիցեն ասէ, և զլայնն և զարձակն յոր բազումք գնացեն : Վիտեմ, եղբարք, զի այսօր լի ահիւ և դողութեամբ յարդարեցից ես զձեզ վասն ձերոյ փրկութեան :

Եւ սակայն որ շահ, զինչ պտուղ հրահանգաց քաղեսցի վասն ձեր, եթէ պատրաստիցիմ ես արդ միայն ցուցանել ձեզ, եթէ սակաւք իցեն որ ապրելոցն իցեն : Եւ իսկապէս եր, անշուշտ ուրեմն զմեծ վտանգն և եթ ցուցեալ էր իմ ձեզ այսօր, առանց ուսուցանելոյ ձեզ և ելս իմն և հնարս, զիմորդ մարթացուք ապրել 'ի մեծէ վտանգէն :

Օ ինչ շահ օգտի կայցէ՝ իբրու շողացուցանել ձեզ ընդ մարդարէին զսուր ցասմանն Մտուծոյ մերկացեալ 'ի սրատենիցն և ամբարձեալ կշիռ 'ի վերայ գլխոց ձերոց, առանց ինչ յօգն ձեզ հասանելոյ՝ առ 'ի խոյս տալ 'ի մօտալուտ հարուածոյն . քանզի անշուշտ խռով անհնաւրին հարկանէի միայն ես յայնժամ 'ի խիղճ մտաց ձերոց, իսկ զմեղաւորս բնաւ իսկ հրահանգէի ոչ . . .

Օ ինչ օգուտ յայնմանէ :

Եւ պա ուրեմն որ ինչ 'ի մեծաշահ պտուղ իցէ ուն .

կրնդրացդ իմոց, պատկեր և առաջարկութիւն ահաւոր քարոզիս այսօր, 'ի մեզ յինքեանս՝ 'ի մեր իսկ ասեմ 'ի վարս և 'ի կեանս և 'ի գնացս հարցցէ խնդրեսցէ, զինչ պատճառք իցեն արդեօք այսչափ սակաւածիւնուածութեան փրկելոցն. և ապա ըստ նմանէն այր իւրաքանչիւր 'ի ձէնջ, սիրելիք, առ 'ի գտանել 'ի մէջ սակաւածիւն այն հօտին՝ ուշիւ քննեսցէ զանձն, եթէ արդեօք հաստահիմն ինչ իցէ վստահութիւն իւր 'ի փրկութիւն անձին իւրոյ. կամ եթէ արդեօք կեանս վարելով այնպիսի՝ որպիսի վարէ այսօր, ժտեսցի աներկեան յուսալ յարքայութիւնն:

Են մեզ պէտք 'ի կարևոր ճշմարտութեանս արուեստաբանութեանց ինչ, և ոչ ձեզ 'ի նիւթ յայս մեծ յաւիտենական վիճակի՝ անօտ մտածութեանց: Պարզապէս այր այր 'ի ձէնջ հարցցէ ցանձն իւր առաջին, ո՞ իցեմ ես: Երրորդ անգամ, զինչ գործեմ ես վասն երկնից: Երրորդ անգամ, յիմ իմիք հաստատատեալ իցէ յաւիտենական յոյսն իմ:

ՄԱՍՆ Ա.

Ո՞ իցեմ ես... Երդեօք յանմեղանց որ յանարատից, եթէ յապաշխարողաց: ... Քանզի կրկին միայն ազգամարդկան մտանէն 'ի սակաւածիւն հօտ փրկելոցն. կամ որք անարատ պահեցին զանմեղութիւնն՝ որ անդատին 'ի մկրտութենէն, կամ որք կորուսեալ զայն՝ միւսանգամ 'ի ձեռն բերին ապաշխարութեամբ: Այ բանի արքայութիւն երկնից, բայց կամ ամենեւին մաքրոցն, կամ ապաշխարութեամբ մաքրեցելոցն: Երդ ո՞ իցես դու, կամ յոյց դասէն: ... Երդեօք յանտխեղձ մաքրոցն, եթէ յապաշխարութեամբ մաքրելոցն:

Եւբանէ. ո՞ որ այսօր աներկեանութեամբ փրկութեան ակն ունիցի, իբրև միշտ մաքուր կացեալ ամենեւին: Ո՞ որ զգանձ աստուածային շնորհացն զոր ընկալաւ յաւազանէն՝ անդրժելի պահեաց մինչև ցվախձան: Ո՞ որ սուրբ զամենայն աւուրս կենաց իւրոյ: Ո՞ւր այն մեզ առաջին երջանիկ ժամանակ եկեղե-

ցւոյ, յորում ոչ այլ ինչ էր եկեղեցի, բայց ժողով սրբ-
բոց. յորժամ 'ի հաւատացելոց սրբեցելոց վերաճնու-
թեամբ աւազանին դուն ուրեք էր գտանել միւսանդամ
շաղախեալ զոք յանսրբութեան : Ս'իայն զՆանիայն
գիտեմք և զՍաիիրայ յեկեղեցւոյն Նրուսաղեմի, և
զսրոնկեան զայն յեկեղեցւոյն Վորնթոսի : Հազիւ թէ
ոք ապաշխարութեան կարօտանայր յայնժամ. հազիւ
թէ ոք յայնժամ անարժան երևէր հանապազօրեայ սե-
ղանոյն սրբութեան և եղբարցն հաղորդութեան :

ՆՈՒ յետ այնորիկ 'ի նուազել հաւատոցն ըստ չա-
փու տարածութեան իւրոյ, 'ի նուազել թուոյ արդա-
բոց ըստ չափու բազմութեան հաւատացելոց, ո' քանի՞ն
նուազեաց և բարեպաշտութիւն աւետարանին. և աշ-
խարհ առ հասարակ գոգցես քրիստոնէացեալ յայնժամ
ընդ իւր ած եբեր յեկեղեցի զապականութիւն իւր և
զմոլորանուն գիտութիւն :

Վա՛ղ բախտիս . . . Ո՛չ ահա և այն ինչ յարբունսն
հասեալք՝ անդէն սկսանիմք անկարգանալ : Վա՛յն մեր
հակամիտութիւնք՝ են կիրք. և մեր լուսոյ բանին բար-
զաւաճել յէր վերայ հաստատեցաւ, բայց 'ի վերայ ա-
ւերակաց անմեղութեան : Եւ ահա, ասէ մարդարէն, լցաւ
երկիր յապականութենէ բնակչացն առ հասարակ, դր-
ժեցին օրինաց, փոխեցան կարգք, դրժեցին յաւիտենա-
կան ուխտին. անիրաւութիւն, զրպարտութիւն, ստու-
թիւն, ուխտադրժութիւն, շնութիւն և այլ ևս անհնա-
րինք 'ի չարեաց հեղեղեցին զերկիր : “Վմենեքին խոտո-
րեցան 'ի միասին, և անպիտանացան. ոչ ոք է որ առնէ
զբարի, և չէ ոք մինչև 'ի մի : ” : Նղբայր դարանի եղբօր,
և հայր որոշի յորդւոյն, և փեսայն 'ի հարսնէ. անկեղ-
ծութիւն և անմեղութիւն՝ միայն պարզամտացն են առա-
քինութիւն. ատելութիւն՝ յաւերժացեալ, հաշտու-
թիւն՝ կեղծաւորեալ. գտանիցեն դու արդեօք թշնա-
մի զոք, որ հայիցի 'ի թշնամին իբրև յեղբայր :

Վենակցութեան ակումբք զինչ իցեն. բայց զրուցա-
տրութիւնք քրթմնջանաց և բամբասանաց : Եւ յաղուց
սփոփութիւնք յինչ դարձան, բայց կամ 'ի տուրեւառիկ
վաճառս, կամ 'ի խարդախութիւնս և 'ի նենգութիւնս,
կամ 'ի բարկութեան մոլեգնութիւնս :

Իսկ և կոչունք և խրախունք ընկերութեան զարձան
'ի զեղիութիւնս և 'ի շռայլութիւնս : Ո՞ր երբէք , ո՞ր
'ի քարոզչաց վասն այսոցիկ ժտեսցի այսօր բան ասել և
չափ կարգել : Եւ ազգ վիճակաց կենաց 'ի մարդիկ
կայցեն 'ի չափուն իւրեանց , մանաւանդ եթէ ոչ առա
ւել վատթարացան :

Եւ քատք միշտ անդո՛ճք քրթմնջեն ընդդէմ ճոխիցն .
և մեծատունք՝ մոռացեալ են զպարգևատու արարիչն :
Եւ ազգ և հարուստք՝ թուի թէ վասն անձանց իւրեանց
միայն ծնան այնպէս . և մեծութիւնն համարեալ է առ
նոսա ոչ այլ ինչ , բայց աղատութիւն կենաց և սանձ
արձակութիւն վարուց :

Ս՛հ , զի և աղն երկրի անհամացեալ է , և լոյսն
աշխարհի աղօտացեալ . լուսաւորութիւն Յակոբայ շի
ջեալ , և քարինք սրբութեան սեղանոյն գետնաքարք
ձգին ընդ հրապարակս . “ Եւ , ասէ , քահանայն իբրեւ
զժողովուրդն ” :

Եւ զի այս այնպէս , զիմրդ դու զարմանցիս այնու
հետեւ , եթէ սակաւք իցեն որ ապրելոյն իցեն : Բա
նիք ոմանք , ասա ինձ , քանիք սուրբք և անարատք կա
ցին 'ի կեանս իւրեանց 'ի սրբութենէ անտի աւազանին :
Բեզ աւաղիկ պատճառ մի սակաւութեան փրկելոյն :
Պողցես ուրեմն ամենեցուն առաջի փակեցաւ աւաղիկ
առաջին դուռն արքայութեան : Եւ ալին ասեմ , քանզի
և դրունք կրկին են , ընդ որս են մուտք յարքայութիւն .
մին՝ ոչ երբէք մեղուցելոյն յետ մկրտութեան , և միւս
ևս՝ մեղուցելոյն և ապաշխարելոյն :

Բանզի որպէս հարքն գեղեցիկս օրինակեցին , յետ
նաւակոծութեանն 'ի մեղս՝ ապաշխարութիւն է միայն ,
ասեն , տախտակն բարեբախտութեան , որ 'ի նաւա
հանգիստն փրկութեան բաւական է առնուլ մուծանել
զբեզ : Եթէ երբէք նաւակոծեցար 'ի կեանս քո , որ որ
միանգամ և իցես , եթէ իշխան և սոսկական , մեծ և փո
քրր , չիք չիք այլ ճանապարհ փրկութեան վասն քո .
միայն ապաշխարութիւնն փրկեսցէ զբեզ :

Եւ արդ թոյլ տուք ինձ հարցանել . ուրանօր իցեն 'ի
մեղ ապաշխարողք . իբր զտցուք մեք զնոսա , և ժողով
բանի բազմութիւն իցէ դոցա յեկեղեցւոյ :

Ս՛ արանէր երբեմն ոմն 'ի սրբոյն , և ոչ գիտէր սահ

մանեւ՝ զոյց արդեօք առաւելագոյն իցէ թիւն . արդեօք ամենակն անյանցիցն , եթէ ճշմարտապէս ապաշխարելոցն : Քանզի և զսատկեր ճշմարիտ ապաշխարողի օրինակ զայս ճգրտեաց նրբահայեացն այն և մեծիմաստն Տերտուղիանոս : Օրինչ իցէ , ասէ , ապաշխարողն : Ապաշխարողն է՝ որում յամենայն ի կեանս իւր զիղջ է նմա՝ զի մոռացաւ նա երբեմն զԱստուած իւր և կորոյս զնա . որ յանդիման աչաց ունի զօրհանապազ զմեղս իւր : Ապաշխարողն է , ասէ , գործակից արդարութեանն աստուծոյ ընդդէմ անձինն . ապաշխարողն նաև յանմեղանչական ինչ վայելից զրկէ զանձն , իբրև զի էր երբեմն՝ զի ի մեղանչականսն յօրացաւ . ապաշխարողն հայի ի մարմին իւր իբրև ի թշնամի , զոր վատել պարտ իցէ , իբրև յապստամբ՝ զոր պատժել պարտ իցէ . իբրև յաման զարշութեան՝ զոր միշտ մաքրել պարտ իցէ . իբրև ի պարտապան անհաւատարիմ , յորմէ ցլետին նաքարակիտն պահանջել պարտ իցէ . և իբրև ի յանցաւոր՝ մահու պարտական : Աստի և ըստ նմանէն ամենայն ինչ ապաշխարողի , եթէ կեանք , եթէ տուն , եթէ հանդերձ , եթէ վայելք , իբրև սգաւորաց իցէ , իբրև խոշարակեցից . և կեցցէ նա այնուհետև յաշխարհի առ ի կրել : Այլ երբեք կորուստ գոյից իցէ , եթէ հիւանդութիւն , եթէ վիրտ , եթէ նախատինք , եթէ և այլ ինչ ի կրից աղցաւոր կենացս , յանձն առցէ նա զամենայն իբրև պատուհաս մեղացն և քաւարան իւր յաստուածակոյս կողմանէն : Ահաասիկ , սիրելիք , զինչ իցէ ապաշխարողն . . . : Արդ դառնամ ի հարցանել . ուրանօր իցեն ի մեզ ապաշխարողք այսպիսիք , ուր մեք գտանիցեմք զնոսա :

Առեալ իսկ է ձեր զառաջին դարուց եկեղեցւոյ զապաշխարողացն քրիստոնէից զպատմութիւն . նոքա առ դուրս սրբոց տաճարաց անկեալք ի խորգ և ի մոխիր , յամենայն վիճակէ կենաց , յամենայն հասակէ , ի պահս և յաղթս և ի ճգունս ապաշխարելին բազմաժամանակեայք , որոշեալք ի հաղորդութենէ սրբոց իբրև նշովեալս : Այլպէտ և մեղաւորք էին նոքա , այլ նուազ յանցաւորք քան զմեզ . և քան զգայթակղութիւնսն՝ ապաշխարութիւն նոցա առաւելագունի շինութեան էր տեսարան : Օսոսա ուրանօր գտանիցեմք մեք այսօր : Տեղի ետ այժմ այն ամենայն :

Զուշ ածեմ են զպատմութիւն զառաջնոցն, ոչ եթէ յեպերել ինչ զհանձար նախանձաւոր զարդի հովուացս եկեղեցւոյ 'ի խոհական առաջնորդութեան իւրեանց՝ ըստ ժամանակացն յարմարեալ, այլ մանաւանդ յաւաղել զապականութիւն հօտին, յորմէ ստիպեցան նոքա պակաս առնել զհրապարակական զապաշխարութիւնսն. իբրև փոփոխութիւն բարուց և դարուց՝ զհետ բերէ և զփոփոխութիւն հրահանգացն :

Այլ սակայն և ոչ երբէք բարձին հովիւք եկեղեցւոյ զառանձնական ապաշխարութիւնն, կամ թէ ասել՝ զհոգի ապաշխարութեան զանփոփոխելին՝ փոխեցին ինչ. կամ թէ զհոգի աւետարանին զանայլայլելին իւրիւր իրօք նուազեցուցին. քանզի հաստատուն ամենեւին պահեցին նոքա զտիրականսն, այս է՝ զանհրաժեշտ պարտս զսիրոյն որ առ Աստուած, զանհրաժեշտ պարտըս զատելլութեան մեղացն գործեցելոց, զանհրաժեշտ պարտս զղջական սրտի և զհաստատուն առաջադրութեան՝ առ 'ի լրումն հատուցման արդարութեանն Աստուծոյ :

Այլ արդ աղէ շուրջ միանգամ տեսաք իմ յածեցուցէք զաչս, չասեմ եթէ դատաւորք կացլիք շուրջ եղելոց եղբարցն, այլ միանգամայն ընդ նոսաքնեցէք զանձինս, և զհասարակաց զկեանս՝ զոր վարէք. ոչ ահա առ հասարակ դաւանիմք ամենեքին եթէ չեմք անմեղք. այլ սակայն իցեմք արդեօք գոնեա ապաշխարողք :

Բարէ . . . (Թ)երևս տիք հասունացեալ հասակին, թերևս զբաղանք ինչ անակնկալ, թերևս պաշտօն մի բազմահոգ, զոր զանձամբ առէք, սանձ եղին ձեզ տեղի տալ յանբարի գնացից անկատար հասակին, և յերիտասարդական ցանկութեանցն : (Թ)երևս և դառնութիւնք ինչ և անձկութիւնք՝ զոր աստուածեղէն բարութիւնն հաճեցաւ խառնել ընդ դժպատեհ կիրս ձեր : (Թ)երևս և ուխտադրութիւնք ընկերին, և լեզուադարութիւնք բամբասողացն զձեզ. թերևս և տնանկութիւն կամ հիւանդութիւն մարմնոյ : Այս ամենայն ցրտացուցին թերևս զեռանդն սրտին և սանձ արկին ապերասան կրիցն. թերևս և նոքին իսկ մեղք կատարեալք, յախրացուցին զքեզ 'ի մեղացն, և ժամանակ և անհաստատութիւն սրտի խղեաց զշղթայսն :

Իսկ սակայն տաղտկացեալ քո յարարածոյ, յայսր յամենայնի վերայ ոչ ինչ ուշխմացեալ և փոխեալ 'ի սրտի՝ դարձար առ արարիչն: Երոհեմացար առաւել ըստ մարդկան, պարկեշտացար առաւել ըստ աշխարհի, այր կիրթ և բարեմարդիկ, այր զգոյշ 'ի պահպանութիւն հասարակաց պարտուցն և որ առ տնին: Քաջ է ամենայն. այլ չես դու, հաւատա ինձ, չես դու տակաւին ապաշխարող:

Իսկ դարեցար յանկարգութեանցդ. այո. այլ ոչ քաւեցեր զնոսա, այլ ոչ դարձար առ Եստուած. այլ չե ևս զթափն զայն և զբախումն հոգւոյն զմեծն, որ զսիրտն սարսէ և փոխէ, և որ ողջոյն զմարդն նորոգէ, չե ևս զգացեր դու յանձին քում: Փոխեցաւ արդեօք սիրտ քո. նորոգեցաւ արդեօք ներքին մարդն:

Իսկ մերոյ բախտին եղբարք. զի և վիճակ մի կենաց այսչափ վտանգալից ոչ ինչ զարհուրեցուցանէ զմեզ: Իսկ մեղք՝ որ երբէք ոչ մաքրեցան ճմարիտ ապաշխարութեամբ, ուստի և ոչ թողան երբէք առաջի Եստուծոյ, այն մեղք կան աւաղիկ հանապազօր առաջի աչաց մերոց այնպէս՝ որպէս եթէ չկացին երբէք կամ թէ չկայցեն այլ ևս. և այնպէս մեռանիցիմք մեք այնուհետեւ հանդարտիկ և անխիղճ յանապաշխարութեան վիճակ այնչափ ահաւոր և վտանգաւոր, որչափ և անծանօթ առ 'ի մէնջ:

Եւն, չեն ինչ այսօրիկ մտացածինք առ յինէն գիւտք. մի կարծիցէք եթէ և հոգւոր մերոյ նախանձուն եռանդան իցեն այսօրիկ թափ և զեղումն, այլ ճմարիտք են և էականք և անսուտք:

Ոչ այս վիճակ է, աղէ ասա, գոգցես առ հասարակ մարդկանն, այն մարդկան որք և առաւել իմաստունք, և առաւել կիրթք համարեալ են յաշխարհի:

Իսկ ինչ կեանք և վարք են միշտ սանձարձակք. այլ հասակք և դառնութիւնք և վիճակ մի կենաց զբաղեցուցանեն զսիրտ, յետո քարշեն յանկարգութեանց, մերձեցուցանեն ևս առ խորհուրդս սրբութեան: Եւսկայն ուրանօր իցեն, որ 'ի սրտէ փոխեսցին, որ ճմարտապէս դարձցին: Ուրանօր իցեն որ զմեղս սրբեսցեն արտասուօք և մեռելութեամբ. ուր գտանիցեմք մեք, որք իբրեւ զմեղաւորս սկսեալ, և 'ի գլուխ հանիցեն ի-

բրև ապաշխարողք : Ո՞ր իցեն ասացէք մեզ , ցուցէք մեզ :

Ընէ թող նշանեսցեն մեզ նոքա յիւրեանց իսկ 'ի վարս և 'ի կեանս՝ հետո իմն միայն դուզնաբեայ զապաշխարութեան... : Օ՞րն արդեօք նշանեսցեն մեզ... թերևս զօրինաց և զպատուիրանաց եկեղեցւոյ զպահպանութիւնս... :

Ըլ աւագիկ քանիք և քանիք յաշխարհական վիճակաց ազատ օրեար՝ մտախաբ առանձնաշնորհութեամբք իբրու ազատոս յայնց պահպանութեանց համարին զանձինս . որպէս եթէ այդ պահպանութիւնք պատուիրանաց՝ պարտք իցեն միայն աղքատ և ռամիկ օրերոյն :

Թերևս զբրտնալատանի հոգս զբախտին իւրեանց և զզբաղանսն , զանձկութիւնսն , զնեղութիւնսն 'ի յաջողել յաշխարհի աստ : Թերևս զձգունս ծառայութեանն , զզառնութեանց տերանցն համբերել , զբռնութեանցն հպատակել , որովք և շահու անձին միանգամայն ակնունիցին 'ի նոցանէ :

Ըլ զինչ... : Լամեսցին թերևս դոքա 'ի համար առաքինութեանց զյանցանսն հաշուել : Թերևս ակնունիցին դոքա վարձս առ յ'ստուծոյ գտանել զվաստակոց , զբրտանցն , զոր ոչ վասն նորա կրեցին : Ը աշ . փառասիրութիւն նոցա և հպարտութիւն և շահասիրութիւն , ոյց աղաղաւ պարտ էր նոցա առաւել ապաշխարել , ապահարկ արասցէ ինչ զնոսա յապաշխարութենէ :

Ը յո յապաշխարութեան են նոքա , ապաշխարողք են աշխարհի , այլ չեն ապաշխարողք Վերիստոսի :

Ըլ արդ զոր ապա այլ հետո զապաշխարութեան իւրեանց ցուցցեն մեզ դոքա : Թերևս հիւանդութիւնքն իցեն , զոր առաքեսցէ նոյա 'ստուած . թերևս թշնամիք՝ զոր ընդդէմ յարուսցէ նոցա , թերևս տարաբախտութիւնք և կորուստ գոյից և համբաւոյ , որոց թոյլ տացէ 'ստուած... : Ը ակայն եթէ քան համբերութեամբ հպատակելով այսոցիկ իբրու 'ի նիւթ ապաշխարութե , առաւել ևս 'ի նիւթ նորոգ յանցանաց դարձուսցեն նոքա զայնոսիկ անհամբերութեամբ իւրեանց , դառնութեամբ , հայհոյութեամբք և տրտնջանօք , զինչ յայնժամ... : Ը ապաքէն նաև անմեղք ինքնին փորձին աստէն յայսոսիկ յառաւելագոյն վարձ սրակաց . իսկ ապա

մեղաւորաց չիցեն ինչ պէտք առաւելագոյն ևս ճգանց ապաշխարութեան ՚ի քաւութիւն . և յայտ ամենայնի վերայ վստա՛հք եղիցին յանձինս փրկութեան հասանել :

Ըյլ որովք դիմօք ժտեսցիս դու ՚ի դոյն, այր դու, որովք իրաւամբք, ասա ինձ, վստա՛հ եղիցիս ՚ի փրկութիւն . արդեօք իրաւամբք անմեղութեան, եթէ իրաւամբք ապաշխարութեան . . . : Ո՛չ ահա կրկին լուար դու զգրուես արքայութեան, կամ զանմեղացն կամ զապաշխարողաց :

Ըսել չկարես եթէ անմեղ իցես առաջի Մտուծոյ . զի անշուշտ ընդ գիտակցութեանդ քում ոգորիս : Ըպա եթէ համարիցիս զանձն ապաշխարող, գիտես իսկ դու զի վայրապար համարիս, և անձամբ զանձն դատապարտ առնես : Յէր վերայ ուրեմն հաստատեալ իցէ, ո՛վ մարդ, հիմն անդորր և աներկիւղ կենացդ այդոցիկ՝ զոր վարես . “ Ո՛ր իցեն պարծանքդ . արգեւան ” :

Ըրդ փակեցաւ ուրեմն դուռն արքայութեան և առաջի բազմաց անապաշխարից, զոր տէրն ասաց եթէ “ Բազումք են կոչեցեալք, և սակաւք են ընտրեալք ” : Ըլ զի ապա զարմասցիս դու այսուհետեւ ընդ սակաւութիւն փրկելոցն, որոյ առաջին պատճառ եկաց սակաւութիւն անմեղացն, երկրորդ պատճառ սակաւութիւն ապաշխարողաց, և եթէ դու վայր մի զմտաւ ածցես ինձ այժմ՝ զայն՝ զոր կանխեցի ասացի, եթէ զինչ արդեօք դործես դու վասն երկնից, ծանիցես ապա և զերրորդ պատճառն զսակաւութեան փրկելոցն :

ՄԱՄՆ Բ .

Սակաւք փրկին . . . : Վանդի և սկզբունք և կանոնք կենաց զոր յընդհանուրս ընկալան մարդիկ, և որովք քաղաքաւարին, են իսկ սկզբունք ընդդիմամարտք փրկութեան :

Վանոնք և սովորութիւնք զոր յանձին կալաւ աշխարհ և սիրեաց և պահեաց և պահէ, որ ինչ յաղազս կիրառութեան ընչիցն, որ ինչ յաղազս հետամուտ

պնդութեան փառաց և պատուոյ, որ ինչ յաղագս քրիստոնէական չափաւորութեան, յաղագս պարտուց պատմանց իւրաքանչիւր, և որ ինչ յաղագս պահպանութեան պատուիրանաց, են կանոնք և սովորութիւնք հակառակք իմաստից աւետարանին, ուստի և առաջնորդեն 'ի կորուստ : Օ՞րն 'ի նոցանէն առցուք մեք մանրամասն աստանօր 'ի ճառել, քանզի ընդարձակատարր յոյժ է ասպարէզ քարոզիս :

Ընցցուք ապա սղագունիւք յաղագս սովորութեանցն որովք վարի աշխարհ : Ըսեն եթէ սովորութիւն է ընկալեալ յաշխարհի զի այր տանուտէր իբրու տէր սեպհական հայրենատուր գոյիցն՝ իշխան է այնպէս ըստ կամի առատութեամբ վարել տնտեսել զամենայն, ուշ միայն եղեալ չքոյ անձին և պատուոյ գերդաստանին . թէպէտ և 'ի զեղխութիւն ևս հատանիցի բանն և 'ի շուայութիւն . շատ է խորհրդակից իւր ունել զհաճոյս անձինն և զփառաւորութիւն : Ըստ սովորութիւն է աշխարհի և կանոն :

Ըստ սակայն չգուցէ՞ արդեօք 'ի միջի և չափաւորութիւն ինչ քրիստոնէական . չիցէ և այլ կանոն աշխարհային և սովորութիւն անդրժեշի, եթէ չէ մարդ տէր բացարձակ և ինքնիշխան գոյիցն : Ս՝ անաւանդ ուր այնչափ բիւրք 'ի տառապելոց և 'ի տնանկաց և յաղքատաց տանջին և տուայտին կարօտութեամբ : Եւ թէ այն ամենայն զոր ծախէ մարդ արտաքոյ քան զպէտսն և արտաքոյ վայելչութեան վիճակին, կարճելով զձեռնն 'ի կարօտելոց, անգթութիւն է և մարդատեցութիւն և գողութիւն զոր շորթ է 'ի կարօտելոց :

Ըսեն եթէ սովորութիւն է ընկալեալ յաշխարհի, գրգիլ սիրտիւ ըստ ժամանակին և ըստ տիոցն : Ուստի և այն ոք որ տակաւին 'ի պատանեաց կարգի է և յերիտասարդաց, պարտի արձակ համարձակ աղատանալ այժմ յամենայն իսկ 'ի վայելս կենցաղոյս, 'ի բերկրանս, 'ի փափկութեան, 'ի զբօսանս, 'ի խաղս հանապազօրեայս : Չէ իրաւացի երբեք արգելուլ հասակին այնմիկ զայն ինչ, զոր հասարակ պարտս անձանց համարին յընդհանուրս համատիքնորա : Յորժամ կատարելահասակ լինիցի, կամ 'ի ծերութիւն յեցեալ, թող յայնժամ 'ի չափու կացցէ . . . : Ըստ կանոն է աշխարհի :

Բայն եթէ սովորութիւն է ընկալեալ առ հասարակ, զի այն որ 'ի քաջազգեաց ծնունդ է, պարտի ամենայն իրօք հետամուտ լինել պատուոյ և փառաց, ցանկալ շքոյ, ցանկալ համբաւատենք լինել յաշխարհի: Աստի և պերճութիւն և փառախնդրութիւն՝ թէպէտ և 'ի կանոնաց աւետարանին դատապարտեալ, սակայն և ոչ ինչ անպատ կանաւոր իցէ այնպիսոյ անձինն և անուանն և զարմի նորա. նա սատար համբաւոյն և պարծանք բարդաւա ճութեան իցէ նախազարմիցն նորա: Բայտքիկ, և որ այլ ևս շատ սովորութիւնք և կանոնք և վարդապետութիւնք են աշխարհի:

Բայլ արդ թոյլ ինձ արարէք և զայն հարցանել. — Բաջ է եթէ սովորութիւնք են այդոքիկ ընկալեալք յաշխարհէ. այլ ո՞ զպահողսն այդոքիկ յանդորրու և յապահովի կացուցէ 'ի ճանապարհին զոր գնան. կամ ո՞ր կանոն, ո՞ր հրահանգ երբէք արդարացուցէ զնոսա 'ի միտս իւրեանց: Այլ վաւերական գործեսցէ զհետևողութիւն կանոնացս, որ այնչափ անբաժք և օտար են 'ի քրիստոնէութենէ: Այլ երևա աւետարանն, թերևս վարդապետութիւն ինչ սրբոց, թերևս օրէնք ինչ եկեղեցւոյ...: Բանդի և չիք ինչ այլ անհրաժեշտ հարկաւոր յանդորրութիւն հոգւոյ, բաց յերից աստի. կամ աւետարան, կամ վարդապետութիւն սրբոց, կամ օրէնք եկեղեցւոյ: Բորդ ասացեն մեզ, նոցայն ո՞ր իցէ խարխիսն անդորրութեան:

Պատասխանեն: — Բայհասարակ յրնդհանուրս յաշխարհի օրինակ զայս քաղաքաւարին. հասարակաց են կանոնք: Ի մտանել մեր յաշխարհ, այսպէս գտաք մեք հաստատեալ զսովորութիւնսն: () օրինակ զայս կեցին մերն նախնիք, և ժառանգութեամբ մեք զայսոսիկ ընկալաք 'ի նոցանէ: Բայն որ առաւել իմաստունքն են յաշխարհի, օրինակ զայս գնան. և ժտեսցնւք մեք միայն իմաստնագոյն երևել քան զամենայն մարդ: Զի արժան թեկն ածել զառանձին իշխանութեան: Հասարակաց սովորութեան համաձայնել պարտ է: Բայլ աստիկ բան, աւաստիկ պատասխանի, որ ընդդէմ ամենայն արհաւրաց հաւատոցն յանդորրու կացուցանէ զնոսա: Զիք այլ կանոն, չիք այլ օրէնք, չիք այլ վարդապետութիւն. միայն օրինակ բազմութեանն երաշխաւոր և ջա

տալով կայ, եղբարք, գնացից և վարուց մերոց, միայն օրէնք աշխարհի. և զիմորդ ոչ լուար այր դու, եթէ
 “() րէնք ժողովրդոց ընդունայն են”, որպէս ասաց իւր
 տուած մարդարէիւն :

Եւ զիմորդ զայս մեք ՚ի մոռացոնս դարձուցեալ, զմը-
 տաւ չածեմք եթէ և իսուս ՝ իստոս աւանդեաց ե-
 թող աշխարհի կանոնս, զոր ոչ ժամանակ, ոչ դարք,
 ոչ բարք և ոչ սովորութիւնք չմարթին երբէք այլայլել,
 երկինք անցցեն, ասէ, երկիր անցցէ, բարք և սովո-
 րութիւնք փոխեսցին փոփոխեսցին. այլ կանոնքն աս-
 տուածայինք նոյն կան և կացցեն յաւիտանիօք :

Օ մտաւ չածեմք, եթէ ըստ աւետարանին ողոյն և
 իմաստիցն՝ հասանէ մեզ դատաստան առնուլ յանձինս,
 և ոչ ըստ տիրացեալ սովորութեանցն. ըստ օրինակաց
 սրբոյն, և ոչ ըստ կարծեաց մտաց մարդկան : Օ մտաւ
 չածեմք, եթէ այդ սովորութիւնք սպրդեալք ՚ի հաւա-
 տացեալս ՚ի նուազութենէ հաւատոցն, զեղծմունք են,
 ոյց աղաքաւ հեծել արժան էր. չեն օրինակք նախան-
 ձելիք : Օ մտաւ չածեմք, եթէ ՚ի սպրդել օտար սովո-
 րութեանցն, ոչ փոփոխին պարտք քրիստոնէութեանն.
 և թէ հասարակաց օրինակն որ զնոսա տիրացուցանէ
 զայն միայն յայտ առնէ եթէ դուն ուրեք է ուրեմն ա-
 ռաքինութիւնն, և ոչ եթէ անկարգութեան թոյլ առ-
 նէ : Եւ բազմագունից զեղծումն զայն ցուցանէ, եթէ
 բարեպաշտութիւն և քրիստոնէական կեանք բուռն առ-
 նեն ուրեմն ապականեալ բնութեանս, և չունի իւր
 կուսակիցս բայց զսակաւ :

Եւ արդ դու յետ այսր ամենայնի ժտեսցին ինձ ա-
 սել աներկեան, եթէ “Եւ չիք այլ գործեալ ինչ, բայց
 զոր բազմագոյնք գործեն” : — Բա՛ջ է : Եւ վասն այ-
 սորիկ իսկ դատապարտեսցես զանձն : — Բը է, աղէ ա-
 սա, որ է ճանապարհն ՚ի զիրս, որ տանի ՚ի կորուստ.
 ոչ ապաքէն բազմութիւնն : — Զիք իմ, ասես, գոր-
 ծեալ այլ բայց զոր այլք բազումք գործեն :

— Եւ ոչ նորին աղաքաւ առ իշխան դարուն բազմու-
 թիւնն ջրասոյզ կորեաւ : Եւ բազմութիւնն միշտ է
 դատապարտ : Ի՞նչ առ իշխան գողոնոսորա՝ բազմու-
 թիւն կռամով երկրպագուացն : Ի՞նչ իշխայիւ բազմու-
 թիւն ծնրադրացն իհաջողու : Ի՞նչ Սակաբայեցւորք

բազմութիւն ուխտանենդիցն Խորայելի: Դ՛ն Սողոմայեցւոյք բազմութիւն ամբարշտացն և արուազիտաց:

Չիքքո գործեալ, բայց զոր աշխարհ ամենայն գործէ: — Եւ ոչ լուար. « Սի կերպարանիք ըստ նմանութե աշխարհիս այսորիկ չարի », « Սլուար, եթէ « Դ՛աշխարհ ամենայն 'ի չարի կայ », . . . : Եւ արդ եթէ զաշխարհին գործես, ընդ աշխարհի ուրեմն դատեսցիս: Սլայն կորստաբեր ճանապարհն՝ բազմութեանն է. ուրեմն եթէ ըստ բազմացն ընթանաս, ընդ բազմաց և կորիցես:

Դ՛յլ դու հայեաց ինձ վայր մի և 'ի նեղ փրկական ճանապարհն սակաւուց. միթէ բազմութեան ճանապարհին Սողոմայեցւոյ երբէք ուղեկից գտաւ Սլուար. ոչ նա զիւր սուրբ հոգին հանապաղ նոցա անօրէն գնացիւքն տանջէր: Սիթէ ըստ կենաց իւրոց ժամանակի բազմութեան մարդկանն կերպարանեցաւ Դ՛բրահամ: Կամ եթէ Յովք զայլոց թագաւորաց իւրոյ ժամանակին բերէր զնմանութիւն: Կամ եթէ 'ի մէջ խժդժից արքունի կանանդն բազմութեան նմանօրինակ քաղաքավարեցաւ Եսթեր: Բանիք ոմանք այրիք 'ի Բեթիղուա և Դ՛որայելի հանդուժաւորաց գտան Յուդեայ: Եւ յորդիս բազմութեան գերւոյն Խորայելի քանիք առաքինացան իբրեւ զՏովբիթ:

Սակաւք սոքա 'ի բազմաց ընտրեալք և ընդ նեղն ճանապարհ հետեւեալք՝ փրկութեան հասին: Եթէ ընդ սակաւուցն ընթացիս, ընդ սակաւուցն և փրկեսցիս: Իսկ դու նախ զբազմութեանն կոխեալ ճանապարհ, և սպա յեւ ճանապարհիդ՝ զսակաւուցն ինդրես: Սիթէ բազմութիւնն միայն յանդորրու կացուցէ զմարդ, կամ եթէ բազմութիւն մեղաւորաց 'ի չքմեղս հանցէ զմեղան: Սիթէ այնչափ բիւրուց բազմութեան կորստեանն ակն ինչ ածիցէ ամենական: Օ ինչ իցեն առ նմա ամենայն մարդիկ. « Իբրեւ ոչ ինչ են, ասէ, և իբրեւ յոչինչ համարեցան », « Եւ ակն և ոչ մի ածէ բազմութեան յանցաւորացն, ուշ միայն ունի յանցանացն: Դ՛ն հասարակ հուր տեղայ հնդից քաղաքացն, զի յանցաւորք են: Դ՛ն հասարակ 'ի ջուր սուղէ բանաւորն զՓարաւոն, զի յանցաւոր է: Դ՛ն հասարակ մահ արձակէ տրտնջողացն յանապատին, զի յանցաւորք են: Իսկեւ. միթէ և թագաւորք երկրի երբէք ակն ա-

ծիցէն բիւրաւորաց բազմութեան ապստամբելոյն . իսկ առ Մստուծոյ՝ որպէս ասաց Յովբ « Իբրեւ փոշի են ամբարիշտք, զոր տարաւ մըրիկ . և թօթափէ զնոսա յերկրէ իբրեւ փոշի՝ ի հանդերձից » : Եւ արդ եթէ սակաւք փրկին, քանզի բազումք են՝ որ ըստ յանցաւոր սկզբանց աշխարհի քաղաքավարին, սակաւք դարձեալ փրկին, քանզի և բազումք են որ կամ անդիտանան կամ անտես առնեն զսկզբամբք որ հարկաւորք են ի փրկութիւն, և յորս միայն հաստատեալ է յաւիտենական յոյսն : Եւ ահա քեզ չորրորդ պատճառ սակաւութեան փրկելոյն :

ՄԱՍՆ Գ.

Ար իցեն սկզբունք և հրահանգք բրիստոնէական դաւանութեանս՝ յոր կոչեցաք մեք . . . : Մհա ուխտն և խոստումն հանդիսացեալ ի մէջ անդատին յաւազանէն մկրտութեան, եթէ « հրաժարիմք յաշխարհէ, հրաժարիմք ի մարմնոյ, հրաժարիմք ի սատանայէ, և յամենայն գործոց նորա և ի խաբէութեանց նորա հրաժարելով հրաժարիմք » : Եւ յս ուխտ մեր, և այս կոչումն և վիճակ բրիստոնէին . ահա պայմանք տիրաւորք դաշին մերոյ կռեալ ընդ Մստուած և ընդ մեզ, յորում խոստացեալ են յաւիտենական կեանք : Իսկ այս ճմարտութիւնք, աղէ ասացէք, ոչ ահա ընտանիք թուին և յայտնիք, և միայն ռամիկ և տգէտ որերոյն յուշ ածելիք : Եւ սակայն խաբէանք են :

Չիք ճմարտութիւն առաւել փրկաւետ, և չիք միան դամայն առաւել անդիտացեալ : Աւտի և առ որս ի վերոյ անցեալ են քան զկարգ ռամիկն և իմաստնագոյնք համարին, առ նոսա մանաւանդ յուշ ածելի է բանն, եթէ « Այ որ յիշխանաց աշխարհիս այսորիկ, և ոչ որ յիմաստնոց աշխարհիս այսորիկ ծանեալ » : Իսկ . են նորա արդարեւ իմաստնագոյն որդիք աշխարհիս՝ զգոնացեալք յիրս և ի պիտառնութիւնս կենցաղականս : Իսկ ապա առաջին նշանախեցք բրիստոսեան բարոյականին՝ բազում անգամ քան առ պարզամիտ որեարն՝ առաւել ևս անծանօթք են առ նոսա : Եւ թին պէտք են նոցա և ի մէջ հաստատուն խնդրեն կերակուր . կամին

զի զիմաստուածեան լեզուն խօսեսցուք մեք առ նոսա ի բրու եթէ ընդ կատարեալս իցէ կենակից քաղաքալարութիւն մեր :

Եւ արդ զինչ ասէք մեզ . 'ի մերում մկրտութեան առաջին ոչ հրաժարեցաք յաշխարհէ . ոչ այս խոստումն յայնժամ առ 'ի մէնջ եղև առ Մատուած յանդիման սեղանոյն սրբութեան . մկայ և աւանդապահ և երաշխաւոր է աւասիկ եկեղեցիս սուրբ : Սէք ցայնժամ ոչ հաշուեցաք 'ի թիւ հաւատացելոց , և ոչ կնիք անջինջ փրկութեան տարացաւ 'ի մեզ , բայց եթէ զօրութեամբ և 'ի շնորհս հաւատոյն զոր երդուաք Մատուծոյ , ոչ սիրել զաշխարհ , ոչ սիրել և զայն ամենայն զոր սիրէ աշխարհ : Բարդ եթէ յանկարծ յայնժամ առ աւազանին սրբութեան ասացեալ էր քո ուրբրիստոնեայ զայն ինչ , զոր ասես այսօր եթէ . Ոչ ինչ այնպէս յումպէտից կամ 'ի փնասակարաց՝ որպէս ինձ թուի՝ իցէ աշխարհս այս որպիսի համբաւեն . կամ թէ համբուն՝ մարթէ և զնա սիրել անմեղութեամբ . և թէ քարոզիչք յամբիոնից վասն այնորիկ այնչափ ընդ վայր հարկանեն զաշխարհ և այնչափ ուծացուցանեն 'ի նմանէ , զի ոչ կատարեալապէս ճանաչեն զնա . և թէ մեք որ ստիպեալս եմք կեալ յաշխարհի և թարթափիլ 'ի նորայնս , կամ միմք կեալ և ըստ աշխարհի . եթէ ասեմ՝ երբէք յայսպիսեաց ինչ բարբառեալ էր քո յայնժամ , բա՛բէ անշուշտ եկեղեցի զլացեալ էր 'ի ծոց իւր ընդունել զքեզ . և յուսոյն քրիստոնէից բաժանակից չէր արարեալ զքեզ , և ոչ 'ի հաղորդութիւն սրբոցն՝ որ յաղթեցին աշխարհի՝ զրեալ էր զքեզ : Ասև խորհուրդ զայս տայր քեզ յայնժամ զնալ կեալ և ընակել ընդ անհաւատս՝ որք ոչն ծանեան զՄրիստոս . ընդ անհաւատս՝ առ որս իշխան աշխարհիս այսորիկ , յերկրպագութիւն առեալ է . և թոյլ էր քեզ այնուհետև սիրել զաշխարհ և զայն ամենայն՝ որ նորա սակի են :

Եւ քանզի դաւանեցար 'ի մկրտութեանդ հրաժարել յաշխարհէ , արհամարհել զերկիր և սիրել միայն զերկինս , այս է ահա քո ուխտն և խոստումն առ Մատուած , և պահպանութիւն ուխտին պարտի անդրժեղի կալ մնալ մինչև ցլախձան լի երկիւղիւն Մատուծոյ : Եւ ահա այսորիկ աղագաւ յառաջին անդ ժամանակս որ-

պէս և լուեալ իսկ է ձեր, երախայացեալքն 'ի հաւա-
տրս՝ որ միանգամ տակաւին անլստահքն էին յանձինս՝
ըստ աստուածադրոշմ ուխտին հրաժարել յաշխարհէ
և 'ի վայելից նորա, 'ի մարմնոյ, 'ի սատանայէ, և յա-
մենայն խաբէութեանց նորա, այնպիսիքն յերկարա-
ձգէին ցմահ զմկրտութիւն իւրեանց: Այժմէն յուխտ
անխաբ դաշինն մտանել առաջի սեղանոյն սրբութեան
'ի խորհուրդ աստուածային վերածնութեանն: Արդ
ուրեմն երդմնակուռ եղեալ է մեր ընդ Աստուծոյ՝ ատել
զաշխարհս. այս է ոչ կերպարանիլ ըստ նմանութեանն
ըստ: Աւրեմն եթէ սիրես դու զաշխարհ և զհետ եր-
թաս հաճոյիցն նորա և անցաւոր սովորութեանցն, ոչ
միայն որպէս աստուածայինն ասաց Յովհաննէս՝ Թնա-
մի առնես զանձնդ Աստուծոյ, այլ և երդմնահար ես և
ուխտադրութ, այլ և յուրաստ լինիս զաւետարանն
Վրիստոսի, և առ ոտն հարկանես զփրկութիւնդ:

Արդ տեսցուք, որ այն իցէ աշխարհն զոր ատել
պարտ է քեզ...: Եւ ատ է ինձ զայս պատասխանի միայն
տալ քեզ, եթէ քաջ՝ այն ինչ է աշխարհն, զոր դուն
սիրես: Զմարթիս ժխտել, անխաբ է նշանն: Այս աշ-
խարհ ընկերութիւն է մեղաւորաց, որոց իղձք և ցանկու-
թիւնք, երկիւղ և յոյս, հոգք և մտածութիւնք, ուրա-
խութիւնք և անձկութիւնք ողջոյն թարթափին կամ
զբարեօք կամ զչարեօք յաւիտենիս կենացս այսոցիկ:
Այս աշխարհ է ժողով մարդկանն, որ համարին զերկիր
իբրև իւրեանց հայրենիս, իսկ զհանդերձեալ զաշխարհ
իբրև վայր արքորանաց. զաւետիս հաւատոյն զխոս-
տացելոցն բարեաց՝ իբրև երազ, և զմահ իբրև զառ-
նագոյն քան զամենայն չարիս:

Այս աշխարհ է թագաւորութիւն ժամանակեայ,
յորում կամ ոչ ճանաչի Վրիստոս, կամ յորում նուա-
զունք որ ճանաչեն զնա, չափաւորեն զնա իբրև տէր.
նա ատեան ևս զնա 'ի սկզբունս հրահանգաց նորա, ար-
համարհեն զնա 'ի ծառայս նորա, հալածեն զնա 'ի
զործս նորա, անտես առնեն և թնամանեն 'ի խոր-
հուրդս նորա և 'ի պաշտաման նորա: Այս աշխարհ,
ճգրտագոյն ևս ատել, այս աշխարհ է բազմութիւնն:

Աւասիկ աշխարհ, զոր ատել պարտ է քեզ, և յոր-
մէ 'ի բաց հրաժարել, նաև մարտ եղեալ կուտել ընդ

նմա . զիմորդ . քոյին իսկ օրինակօք բարեաց , յորժամ ուրախ լինիցիս դու և խնդասցես , եթէ երբէք ընդ վայր հարցէ զքեզ , եթէ երբէք հալածեսցէ զքեզ . յորժամ անբարի սովորութեանց նորա ընդդէմ կբրեսցիս սրբութեան կրօնիւքդ . քանզի և համբուն՝ քաջ միտ դիր , այս աշխարհ է՝ որ նա քեզ պարտի ՚ի խաչելանել ըստ Սաղոսի և դու նմա :

Եւ արդ հայեաց դու միանգամ անաչառ ՚ի քեզ , քրիստոնեայ , զիմորդ քո ՚ի ներքս զգածեալ իցէ վասն աշխարհիս այսորիկ . արդեօք քաղցո՞ւնք յոյժ իցեն քեզ վայելք սորա և զբօսանք . արդեօք գայթակղութիւնք սորա յողոց հանել երբէք տայցէ՞ն հաւատոցն քոց . մարթացիս ասել եթէ “ Հայէի յանազորոյնս և մաշէի , զի զվկայութիւնս քո ոչ պահեցին ” : “ Եւ տրտմութիւն կալաւ զիս ՚ի մեղաւորաց , և ոյք թողին զօրէնս քո ” : Եւ արդեօք իբրեւ պանդուխտ աշխարհի հեծեսցեն ինչ ընդ երկայնութիւն աղցաւոր կենացդ . կաբասցեն ասել “ Սայ ինձ , զի ընդ երկար եղև պանդրխտութիւն իմ ” : Եւ արդեօք սովորոյթք աշխարհի և սկզբունք սորա և յոյս և խնդութիւնք սորա իցեն և քո զխտովին : Սայ , քանիս ոմանս տեսանեմք զօրհանապաղ քրթմնջել , ընդ վայր հարկանել զաշխարհ զայս . բողոք բառնան եթէ անիրաւ է աշխարհ , ապա չնորհ է աշխարհ , մտախաբ է , յեղյեղուկ է և ՚ի մոլորութեան կայ . . . : Բողոք զայս բառնան , և դարձեալ սիրեն զնա և զհետ երթան նորա . . . : Եւ ապա դու յետ այսր ամենայնի զարմասցիս դարձեալ , եթէ բազումք են կոչեցեալք և սակաւք են փրկեալք . . . : Եւ արդ ուր մնաց հրաժարումն յաշխարհէ :

Իսկ և երկրորդ անգամ ոչ հրաժարեցաք մեք ՚ի մարմնոյ ՚ի մկրտութեան մերում : Օ ինչ իցէ հրաժարումն ՚ի մարմնոյ . . . : Եւ կեալ ըստ զգայութեանց , ՚ի բաց կալ ՚ի դատարկութենէ , ՚ի գրգռութենէ , չերթալ զհետ ապականագործ ցանկութեանց մարմնոյ . ճնշել զնա , սանձել զնա , ՚ի խաչ հանել զնա . . . : Եւ այս եղբարք , չէ՞ կատարելութեան ինչ ցոյք . չէ՞ և հանդէս վարուց իբրու զաստուածաղգեաց մենացելոցն յանապատի կամ իբրու զկրօնաւորացն վանականաց ուխտելոց : Սաչն է սա և ուխտ առ Ետուած ամենայն մկրտելոցն , և առաջին ՚ի

սարսու նոցա . կնիք է անանջատելի 'ի հաւատոցն քրիստոնէի : Եւ արդ ուր իցեն քրիստոնեայք 'ի մասին յայս միկ հաւատարիմ ուխտապահք քան զմեզ :

Վարձեալ և երրորդ անգամ ոչ ուխտիւք հրաժարեցաք մեք 'ի սատանայէ 'ի մկրտութեան մերում , և գարշեցաք յամենայն գործոց նորա և յամենայն խաբէութեանց նորա : Իսկ որ այն իցեն գործքն սատանայի : Ոչ ահա այն ամենայն , որ զկերպարան քաղաքաւարութեան մերոյ ողջ 'ի դէմս բերէ . . . Մբարտաւանութիւն , պերճութիւնք աշխարհասէրք , խաղք անչափաւորք , վայելք դժպատեհք , զբօսանք անդուլք հանապազօրեայք՝ ցրտացուցիչք յաստուածայնոցն , լուրք և տեսիլք ապականագործք՝ մեղկացուցիչք պնդութեան սրտի . ստութիւն , որոյ հայրն է ինքն սատանայ . վերժանութիւնք վտանգաւոր վիպից և ժանտագործ թուլահաւատ մատենից , զորս ինքն հրապուրէ 'ի գրել . հպարտութիւն , որոյ ինքն սատանայ եկաց նախատիպ օրինակ և առաջնորդ . հեռ և նախանձ , որոց ինքն եկաց առաջին արուեստագէտ յաշխարհի : Եւս ամենայն և որ այլ ևս գործք սատանայի : Եւ արդ ուր իցեն ուխտապահքն հրաժարեալք 'ի գործոց սատանայի և 'ի խաբէութեանց նորա . և ուր արդեօք գտանիցես , որ յետս չկացին 'ի հրաժարմանէն զոր խոստացան : Եհաւասիկ մեզ եղբարք պատկեր ճշգրիտ ուխտի մկրտութեան մերոյ յերրակի հրաժարմանն : Չեն այսօրիկ , չեն ոչ խորհուրդք ինչ և խրատք բարեկրօն վարուց , ոչ կրթութիւնք ինչ կամ յորդորակք ջերմեռանդն բարեպաշտութեան . պարտք են , որպէս ասացի , պարտք անհրաժեշտք : Չասեմք եթէ նուազ կամ առաւել կատարեալ է որ 'ի զանց առնեն զսորօք կամ 'ի պահելն , այլ թէ կամ քրիստոնեայ է և կամ ոչ :

Եւ սակայն ո՞ է որ պահէ զայստիկ , կամ թէ բնաւ իսկ ճանաչէ ճշգրիտ . կամ թէ ո՞ որ քննեսցէ զխիղճն և ուշ կալցի ամբաստան լինել զանձնէն յատենի խոստովանութեան , եթէ անհաւատարիմ յայստիկ դաշինս իւր գտաւ առ Մտուած : Եւ բազում անգամ զի խորհին և տազնապին և քննեն զխիղճ՝ մտաց նիւթ մի գտանել 'ի խոստովանութիւն . և յետ այնչափ զաղջութեանն 'ի հոգեորսն , և զինի այնչափ աշխարհասէր

կենացն զոր վարեցին, հաղիւ գտանեն ինչ մի, գողցես
և ոչ մի ինչ երևելի առ ՚ի ասելքահանային :

Այլ եթէ գիտացեալ էր մեր ճշգրիտ, յինչ հրաւիրէ
զմեզ պատուական անունն քրիստոնէի զոր կրեմք, ե-
թէ խելամուտ լեալ էր մեր սրբութեան վիճակին մե-
րոյ, զինչ նա պատուիրէ, զիարդ իմաստութեամբ թե-
լադիր լինի աղատ զմեր սիրտն ունել յամենայն արա-
րածոց, ատել զաշխարհ, ատել զանձն, ատել և զայն
ամենայն որ ոչ է Մտուած, և թէ որ իցէ կենսք հա-
ւատոցն, որպիսի մեր արթնութիւնն հանապազօրեայ,
որչափ ինչ պահպանութիւն զգայարանացն, և համբուն
զինչ իցէ կերպարանակից լինել Քրիստոսի ՚ի խաչն մեր
Եթէ խելամուտ լեալ էր մեր, եթէ պարտապան գորով
մեր սիրել զՄտուած յամենայն սրտէ մերմէ, յամենայն
մտաց, յամենայն անձնէ և յամենայն զօրութենէ մեր-
մէ, և թէ մի միայն տենչ և ցանկութիւն՝ որ անպատ-
կանաւոր իցէ սիրոյն այնմիկ՝ բնաւ իսկ աղտեղէ զմեզ .
եթէ խելամուտ ասեմ լեալ էր մեր այսոցիկ, այնուհե-
տե իբրեւ հրէշ իմն գարշ և սոսկալի առաջի աչաց մեք
ինքնին տեսանէաք զմեզ :

Այլ եթէ այս այսպէս, զիարդ ապա, ասասցես թե-
րևս, զիարդ երբէք հնար իցէ ընդ այնչափ ամենասուրբ
պարտուցն ՚ի միասին կալ այնչափ վտանգաց աշխարհային
կենաց մերոց յոր գերեալ եմք ՚ի դէպս հանապազօ-
րեայս . զիարդ արթնութիւն այնչափ անդուլ, և կենսք
այնչափ զբաղեալ և բազմահոգ՝ յոր զբաւեալս եմք .
զիարդ սէր Մտուծոյ այնչափ մաքուր և ծայրալիր,
և սիրտ այնչափ նպատակեալ յիղձս իմն բիւրս օտարս
և յանցաւորս՝ յորս թակարդիմք յաշխարհի : Բա-
բէ, իսկ ո՞ կարասցէ, ո՞ կարասցէ ապրել : Վիտիցեն
ո՞ : Սակաւքն այնոքիկ որ ահիւ և դողութեամբ զան-
ձանց փրկութիւն գործիցեն . և որք կեցցեն յաշխար-
հի, և ոչ կեցցեն ըստ աշխարհի : Իսկ ո՞ կարասցէ ա-
պրել : Երբ որ իւրաքանչիւր զպարտս վիճակին ընու-
ցուն ըստ Մտուծոյ կամացն . եթէ առաջնորդ իցէ՝
տքնաբար հսկողութեամբ ՚ի վերայ հօտին . եթէ իշխան
իցէ՝ անմիտակողմն արդարութեամբ յիշխեցեալն . եթէ
ծնող իցէ՝ յերկիւղն Մտուծոյ դաստիարակելով զորդիւնն .
Իսկ ո՞ կարասցէ ապրել . զիտիցեն ո՞ : Հաւատացեալն ,

որ 'ի նուազեալ և 'ի զաղջացեալ ժամանակիս՝ նախանձ
 զեղեցիկ նմանողութեան բերցէ յանձն զառաջնոց քրիս-
 տոնէիցն . որ սուրբ իցէ ձեռօք , որպէս ասաց Վաւիթ ,
 և անբիծ սրտիւ . որ արդարն է և ոչ երդուաւ նեն-
 զութեամբ ընկերի իւրում . որ ոչ գանձեաց անձին զա-
 նիրաւութեան զշահսն . որ գթածն է և ողորմած ,
 և զգոյս իւր և զտուն՝ ապաւէն արար աղքատաց . որ
 մեծանձն է առաքինութեամբ և ընդ չարեաց բա-
 րիս թշնամոյն հատուցանիցէ . որ համբերողն է և 'ի նե-
 ղութիւնս . որ քրիստոնեայն է 'ի նախատինս՝ 'ի հալա-
 ծանս , և որ ապաշխարողն է և սգաւոր՝ նաև 'ի յաջո-
 ղուածս աշխարհի : Իսկ ո՞ր կարացէ ապրել : Վաւ ինք-
 նին , եղբարք , եթէ զեղեցիկ օրինակացս այսոցիկ նա-
 խանձաւորք լինիջիք : Եւ արդ զինչ ասէք . քանի՞օն իցեն
 նախանձաւորք առ զունդագունդ բազմութեամբ հեւ-
 տելոյն : Եւս ուրեմն որ ըստ օրինակի բազմութեանն
 վարեացի , կեանս , 'ի հաւատոց է եթէ զբազմութեանն
 ընկալցի դատաստան , այս է մի ակնկալցի փրկութեան
 հասանել . քանզի անսուտ է վճիռն . « Բազումք են
 կոչեցեալք և սակաւք են ընտրեալք » : Եւ ոչ զարհու-
 րեցի 'ի ճշմարտութենէս . . . : Եւ սակայն բազումքդ
 այդոքիկ չզարհուրին . զարհուրին միայն սակաւքդ , որ
 արդէն իսկ ահիւ և դողութեամբ զանձանց փրկու-
 թիւն գործեն : Եւսն այն բազումք , այլ ոչ իբրու զանձ-
 նէն որ լսէ ասացեալ զճշմարտութիւնս . և իբրեւ զա-
 ւուրս կենացն ըստ օրինակի բազմացն անցուցանիցէ ,
 հասեալ 'ի վախճան՝ մտախաբ այնպէս 'ի մահուն կար-
 ծեացէ հեշտեաւ անցանել 'ի թիւ սակաւոցն . . . : Եւ
 հիբութեան մտայն . . . :

Եւս արդ , եղբարք , 'ի միտս անաչառս եկեալ , աղէ՛
 ո՞րք 'ի մէջ թողեալ արդ զաղզ մարդկան՝ որ յընդ-
 հանուր տիեզերս , ո՞րք 'ի մէջ բազմահոյլ ժողովելոցս
 այժմ 'ի տաճարիս յայսմիկ իբրու աներկեւան վստահ
 յանձն իցէ , եթէ յանկարծ յերևան յեկեղեցւոջս ի-
 ջեալ կայցէ Վաւիտոս փառօք՝ վճիռ հատուցման 'ի ձե-
 ուն , կամ յաւիտենական փրկութեան և կամ յաւի-
 տենական դատապարտութեան . ո՞րք 'ի մէջ , ասեմ ,
 աներկեւան վստահ իցէ յանձն յահագին անդ մեկնու-
 թեան օդեայցն աջէից և այժեայցն ահեկեայց , և

ոչ մանաւանդ տաղնապետցի եթէ արդեօք ընդ աջմէն դասիցի եթէ ընդ ձախմէ : Վրանդի և 'ի ժողովի բազմութեան մարդկան, յոլովք են յանցաւորք՝ որ ոչն կա մին դառնալ և յոլովադոյնք են՝ որ կամին, այլ յապաղեն զգարձն և յոլովադոյնք ևս են՝ որ դառնան առ 'ի վերստին անկանիլ ևս և բազմաթիւք ոմանք որ ոչն համարին պէտս ունել դարձի : Երբ բարձ դու զբառեակ ազգ զայս 'ի ժողովոյ բազմութեանն, և մնացորդք Խորայելի՝ որպէս ասաց Պաւղոս ըստ ընտրութեան շնորհացն՝ յառաջ կացցեն . այլ բաժէ, քանի՞օն արդեօք . . . : Ո՛վ որչափ մեծապէս է վտանգն . . . : Եւ ես ինքն, եղբարք, առաւել քան զամենեւեան զահի հարեալ եմ և դողամ . գուցէ որ այլոցն քարոզեցի, ես ինքն անպիտան գտանիցիմ :

Վրանդի թէպէտ և մի ոմն միայն իցէ 'ի ժողովոյ աստի մերմէ ընդ այծեացն դասելի, և ձայն մի 'ի Վրիտտոսէ դատաւորէն հնչեցցէ 'ի տաճարի աստ մերում՝ ազդարար միայն, զմիոյն զայնմանէ, առանց նշանակելոյ զանունն, ո՞րք 'ի մէնջ ոչ զարհուրեսցի, գուցէ ինքն իցէ մի ոմն այն 'ի յաւիտենական դատապարտելոյն : Ո՞րք 'ի մէնջ ոչ անդէն պարապեսցի զխիղճ մտայն յուզել քննել ճշգրտիւ, եթէ արդեօք ինքն իցէ պարտաւոր պատուհասին այնմիկ ահեղի : Ո՞րք 'ի մէնջ՝ սիրտ անզարհուրելի ոչ զդողանի հարեալ հարցանիցէ ստիպաւ, որպէս երբեմն տաղնապետ առաքեալքն՝ զմի ոմն 'ի ձէնջն լուեալ. « Ո՛րք ես, միթէ ես իցեմ տէր, միթէ ես իցեմ վարդապետ », : Եւ եթէ ահագին ձայնին ազդարարութեան, վայր մի ևս ժամանակ տուեալ իցի ժողովոյս՝ 'ի հողալ իւրաքանչիւր զանձնէն, բաժէ, ո՞րք 'ի մէնջ յայնժամ ոչ 'ի զգաստութիւն բերեալ յապահովի կացուցէ զհողին, ապրել 'ի մօտալուս վտանգէն . ո՞րք ոչ անկցի առաջի տեառն արտասուօք հաշտ առնել զնա, և մաքրել զանձն խոնարհ խոտովանութեամբ և ճշմարիտ ապաշխարութեամբ :

Եւ հաւաստիկ հասեալ ժամանեցի ես որում ցանկայի՝ 'ի նպատակ միակ քարոզին խնոյ այսօր, սեղանաւորել սիւրբէլացդ զմեծաշահ պտուղն զոր կանխեցի ասացի : Եւ եթէ ոչ զինչ շահ իցէ ցուցանել միայն և գիտել միայն զբազմացն կոչումն, և զսակաւուցն ընտրել 'ի փրկութիւն : Օ՛րնչ շահ իցէ, եթէ ոչ պտղաբերես :

ցուք 'ի գիտութենէն . այս է մի որ յայնմանէն 'ի յուսահատութիւն , մի որ 'ի սրտաբեկութիւն , մի որ 'ի զլիսովին սանձարձակութիւն կրթեցի , այլ մանաւանդ յարիւրութիւն աստուածապաշտութեան , այլ մանաւանդ 'ի զիղջ և 'ի զգաստութիւն վարուց և 'ի սէր առաքինութեանց աւետարանին : Ս'ի որ խաբեցի , եթէ որովհետեւ այնչափ հասարակաց և յընդհանուր տարածեալ է մոլորութիւնն , մարթիցէ և ինքեան զնոյն առնել զոր առ հասարակ առնեն : Եւ լեւամուտ լիցի եթէ 'ի փրկութիւն պէտք են որոշիլ 'ի բազմութենէն , զի « Բազումք են կոչեցեալք » . և պէտք են երթալ յարիւրնդ սակաւուցն զի « Սակաւք են ընտրեալք » : Հարկ է կեալ ընդ բազմութեան , չէ պարտ նմանել բազմութեանն : Յորժամ 'ի գերութիւն վարեալ Լքբայեցիքն ելեալ գնային Երուսաղէմէ 'ի Բաբելոն , անդանօր Երեմիաս մարգարէն յաստուածակոյս կողմանէն պատգամաւ խրատէր . Որդիք Եսրայելի , ասէր , հասեալ ձեր 'ի Բաբելոն՝ տեսանիցէք անդ զընակիւն երկրին 'ի վերայ ուսոց իւրեանց կուռս բարձեալ զոսկեղէնս և զարծաթեղէնս . և առ հասարակ զբազմութիւնն տեսանիցէք երկրպագուս նոցա : Եւ դուք զգոյշ լերուք աստուածապաշտութեան ձերում , մի նմանեսցիք բազմութեանն , մի նմանեսցիք ամբարշտութեանն : Եւսացէք 'ի սրտի ձերում . տէր , քեզ միայնոյ է երկրպագութիւն , զքեզ միայն տէր պաշտեսցուք մեք :

Եւ զնոյն իմաստ աստուածային թոյլ տուք ինձ ճահողակի առ ձեզ վերաբերել այսօր : Եւ լանել ձեր յեկեղեցւոյս եղբարք Երուսաղէմէ աստի սրբութեան 'ի վայրէս խաղաղութեան , գնալ արտաքս միջամուխ լինել յաշխարհ 'ի Բաբելոն խառնակութեան , տեսանիցէք անդ՝ որպէս միշտն՝ կուռս զոսկւոյ և զարծաթոյ , տեսանիցէք և զբազմութիւնն երկրպագուս նոցա . զտանիցէք դուք անդ՝ որպէս միշտն՝ զիմակս սնոտիակարկատ դրօշելոցն ; զբազմագունակն ասեմ՝ մարդկային կրիցն , զփառացն , զամբարտաւանութեան , զթուլահաւատութեանն , զընչաքաղցութեանն , զատելութեանն , զնախանձուն , զհեշտութեան , և որ այլ ևս . Թերաւիք ստապատիրք աշխարհէ աստի երկրպագեալք և պաշտեալք :

Լ՛րդ եթէ դուք ընդ սակաւունցն կամիցիք դասիլ ընդ ընտրելոցն, ասացէք ՚ի սրտի ձերում. քեզ միայնոյ Լ՛ստուած իմ վայելէ երկրպագութիւն, մեք զքեզ միայն պաշտեսցուք: Օ՛ ի որոց երկրպագէ անմիտ բազմութիւնն, չեն աստուածք, ձեռագործք են մարդկան, գիւտք ապականեալ բնութեանս. ընդ երկրպագեալն կորիցեն երկրպագութն: Օ՛ այս աստուծիք եղբարք յաշխարհիս գերութեան Մաքեղոնի, մինչև ելեալք ՚ի գերութենէն՝ հասանիցէք յանդորրու ՚ի հայրենիսն, և մտանիցէք ազատք ՚ի վերինն Արուսաղէմ: Լ՛հաւասիկ ցանկացեալ ուշ նպատակի քարոզիս: Փախերուք ՚ի բազմութենէն, կեանս վարեցէք ՚ի զատ ՚ի բազմութենէն. անդուլ զայն զմտաւ ածէք եթէ բազմութիւնն ՚ի կորուստ գնայ: Ս՛ ի կապիք ընդ օրէնս աշխարհի և ընդ սովորութիւնսն, զոր միանգամ վաւերական չգործեցն օրէնքն Լ՛ստուծոյ: Օ՛ ի այսպէս զատեալք կամաւ աստէն ՚ի յանցաւոր բազմութենէն, անդանօր ընդ սակաւուց ընտրելոցն դասեսլիք փառօք:



Ք. Ե. Ր Ո Ջ. Լ. Գ.

ՅԱԼԻՏԵՆԱԿԱՆ ՈՒԹԻՒՆ

“ Գնաց մարդ 'ի տուն իւր յաշիտենից ” :

Ո՛վ յաւիտենականութիւն , քան զամենայն խորհուրդ մտաց առաւել մեծ , քան զամենայն խելամոռութիւն առաւել ազդոյ . բաւական 'ի նուաճել զոգի ապրստամբ , բաւական 'ի գերել զամենայն միտս հպարտացեալ 'ի վերայ գիտութեանն Լստուծոյ : Լսլ^ո տայր ինձ այսօր զխելամոռութիւնս զայս զմեծն և զանվանելին՝ Թափ և 'ի սիրտս իմոց ունկնդրացդ անցուցանել , և խորագոյնս սերտել : Լսլս է , ոչ խելամոռել միայն այլ և երկնչել , և ոչ երկնչել միայն այլ և գործել : Լմենքին կամիմք փրկութեան հասանել , սիրելիք . ամենեքին անձկով տարփման հառաչեմք առ երանաւէտն յաւիտենականութիւն . ամենեքին գիտեմք եթէ և ճանապարհն այն է , առաքինաբար վարել զանցաւոր զժամանակս զոր շնորհեաց մեզ Լստուած 'ի սատար անժամանակն երանութեան : Լսլ սակայն նուազունք են որ իմաստութեամբ վարեսցեն զդէպ ժամանակն : Լսլ վասն . քանզի չեն անքթիթ ակնկառոյցք 'ի յաւիտենականութիւնն : Ո՛ տայր մեզ զխելամոռութիւն զայն ունել զերջանիկ ասպաշխարողին՝ որ ոչ միայն խորագոյնս խորհէր զայն , այլ և զտիւ և զգիշեր յարտօսր հատանէր 'ի վերայ յանցաւոր և անցաւոր կենացն .

“**Ա**ստակեցայ ես 'ի հեծութեան իմում, լուացի զամենայն գիշեր զմահիճս իմ' և արտասուօք իմովք զանկողինս իմ թացի ”: **Եւ** ընդէր այսչափ ով երանելի, Վանդի “**Յ**իշեցի, ասէ, զաւուրսն զառաջինս և զամսըն յաւիտենից զմտաւ ածի ”: **Բ**արէ, քանի՞օն էր զգածումն 'ի յիշատակ ամացն յաւիտենից:

Բայց դուք՝ ըստ երջանկին յառաջ քան զյիշատակն յաւիտենից, վայր մի ինձ յուշ ածէք այսօր, և զոր բազում անգամ լուեալ է ձեր և զիտէք զբազմերամ սրբոցն, որ յեգիպտական ամայութիւնսն, որ 'ի (վ)եւբայիդն, և որ 'ի Պաղեստինեանն, յորոց կէսք իբրեւ ապաշխարողք, և կէսք իբրեւ երկնաքաղաքացիք ուրացեալք զաշխարհ և 'ի խաչ ելեալք աշխարհի, “**Ը**րջեցան լեշկամաշիօք և մորթովք այծենեօք, կարօտեալք, նեղեալք, չարչարեալք. յանապատի մորթեալք, 'ի լեւինս, 'ի յայրս և 'ի փապարս երկրի ”: **Յ**ուշ ածէք ասեմ, և առ անգամ մի հարցէք ցնոսա: **Ա**՞ զձեզ ած ձգեաց յանապատդ յայդ. ո՞ զձեզ այդպէս բրձազգեացս արար և խարաղնազգեստս. ո՞ զձեզ անտարաւ և թաղեաց յանձաւսդ յայդոսիկ և 'ի փապարսդ. ո՞ զձեզ յորդորեաց՝ 'ի մարմնի այդպէս զանմարմնոցն բերել զհանդէս: **Եւ** զի միանգամայն հարցանել զամենայն, ո՞ զձեզ այդչափ սերտիւ հրահանգեաց՝ այդպէս զեղեցկապէս և լի արդեամբք զսակաւժամանակեայ զաւուրսդ պսակել: **Ա**սեն, և անդ այր այր յառաջ մատուցեալ պատասխանի զայս առնեն. “**Բ**արէ, և բնաւ իսկ հարցանել ձեզ արժանի իցէ զյայտնեաց, ոչ ահա իբրեւ արագ սուրհանդակի հետք, կամ իբրու հաւուց թռուցելոց իցեն ընթացք աւուրց մերոց. և ժամանակն որչափ սուղ՝ այնչափ և դաւաճան: **Ա**՞ եք զայն ամսն յաւիտենից, մեք զյաւիտենականութիւնն առաջի աչաց ունիմք հանապազ, զայն տեսանեմք միշտ, զայն խորհիմք միշտ, յայն պատրաստիմք միշտ, յայն հառաչեմք միշտ. զի յայն իսկ ծնեալ եմք. “**Յ**իշեցաք մեք զաւուրսն զառաջինս, և զամսն յաւիտենից ածաք զմտաւ ”:

Եւ արդ ո՞վ յաւիտենականութիւն, եթէ յաջողեցար դու յայնժամ առնուլ թաղել զկենդանիսդ 'ի փապարս երկրի, աղէ դու վայր մի զօրացիս և առ մեզ

այսօր 'ի կենդանութիւն վերառնուլ զմեռեալքս , որ պէս զի մեռեալքն Մատուծոյ՝ մեռեալքն շնորհաց՝ յարիցեն 'ի կեանս յիշատակաւ ամացն յաւիտենից : Այլ ինչ ինդրեմ 'ի ձէնջ սիրելիք , բայց յիշատակ մի , բայց հայեցուած մի . այլ հայեցուած անբթիթ 'ի յաւիտենականութիւն անդր , որ ամենեցուն մեզ այն ինչ ելեալ յաշխարհէ աստի՝ անդէն ընդառաջէ : Այլ դու , որ 'ի զանձ անդին պատուական արեանդ զնեցեր զմեզ 'ի յաւիտենական մահուանէն , աղէ այսօր , տէր , տուր զօրավիզն իմոյ նախանձուն՝ որ վասն փառաց քոց , լուսաւորեա զմիտս , տուր շնորհս իմոյ բարբառոյն ազդել յունկն , ազդել 'ի սիրտ ժողովրդեան քոյ :

Հոգի ունիմք անմահ , եղբարք , մի յաւիտենական մահուն լիցուք բաժանորդք : Հոգիս մեր յաւիտենական՝ մի 'ի յաւիտենական երանութենէն զրկեսցի : Այլ լամտութիւն յաւիտենականութեանն տպասցի անջինջ 'ի մեր սիրտս . և այնպէս այր իւրաքանչիւր անբթիթ 'ի աշօք մտացն 'ի յաւիտենականութիւն անդր՝ ողբացէ առաջին՝ զանցեալ ժամանակն յանցաւորութեան իւրոյ . ուշ դիցէ երկրորդ բարիք վարել զգալոցն . ապա երրորդ՝ ապաշխարութեամբն յապահովի կացուցէ անձին զյաւիտենականութիւնն :

ՄԱՍՆ Ա .

Պարտ և արժան էր , սիրելիք , և քանզի մեծ և ահեղ է առաջարկութիւն բարոգիս , պարտ և արժան էր , ոչ հասարակ ինչ բարբառով , քան թէ 'ի ձայն բաղահնչող տիեզերալուր փողոյ հնչեցուցանել զբանն մինչև 'ի ծագս վերջինս աշխարհի , զմարդարեւինն ազդելով բարբառ յընդհանուրս առհասարակ , քանզի և առհասարակ մահկանացուք ծնեալք , և ծնեալք են վասն անմահ յաւիտենականութեան . “ Առարուք զայս ամենայն ազգք , ունկնդիր լերուք ամենեքին որ բնակեալք էք յերկրի ” :

Արիք ժողովուրդք տիեզերաց , արիք , որ յամենայն ազգէ , որ յամենայն վիճակէ , որ յամենայն կարգէ .

եկեղեցականք և աշխարհայինք, աղնուականք և սոսկականք, մեծատունք և աղքատք, խնաստունք և տրդէտք, արդարք և մեղաւորք : Եւ Եւսարուք առ հասարակ զհարցումն զմեծ զոր աստուածայինքն առնեն զիրք : Եւսացէք մեղ, պատմեցէք մեղ, մարդ որ 'ի հող մահու էջ, կապուտ կողոպուտ թողեալ յամենայնէ, և հանգուցաւ 'ի հող շիրմին . . . ուր իցէ արդ, ուր չորաւ . . .

Օ ինչ ասէք պատասխանի : . . .

Եւ հա ընդ ամենեցուն ձայնատու, կնքեաց խնաստունն . . . Եւսաց մարդ 'ի տուն իւր յաւիտենից , : Զայն որչափ ահաւոր, այնչափ և անյերկուանալի . իբրեւ զի ձայն է առ 'ի յԵստուծոյ : Տուն մարդոյ ճմարիտ, տուն իւր սեպհական՝ տունն յաւիտենից : Եւսն ինչ զվերջին շունչն շնչեալ, ելանէ 'ի տահմանափակ յաշխարհէ, անդէն մտանէ յաշխարհ անսահման, անպարագիծ, որոյ ոչ սկիզբն ծագման և ոչ ծագ աւարտման, չիք եղր, չիք չափ լայնութեան և երկայնութեան, չիք չափ ժամանակին . այս է տունն յաւիտենից, այս է յաւիտենականութիւնն : Եւս յաւիտենականութիւն կրկին, կամ փառաց որ միանգամ առաքինութեամբ վարեաց զժամանակն . կամ յաւիտենականութիւն պատուհասին, որ մեղոք զկեանսն վախճանեաց : Եւսն ահագին ճմարտութիւն, քանի և անսուտ . քանզի ինքնին դատաւորն մինչ չեւ զվճիռն հատեալ, այժմէն կանուխ մեղ աղդեաց . Եւս թիցեն, ասէ, մեղաւորք 'ի տանջանս, ոչ լոկ, այլ յաւիտենականս . և արդարքն 'ի կեանս յաւիտենականս , :

Եւ արդ ժուժկալել աղաչեմ սիրելիք, և վայր մի թոյլ ինձ առնել 'ի վերայ անսուտ ճմարտութեանս բարձրացուցանել բարբառ ընդ սրբոյ աստուածաբանին . Եւսն զմեծ ցերբ որդիք մարդկան, եթէ գոյ անշուշտ յաւիտենականութիւն, մինչև ցերբ սիրէք զնանրութիւն և ինդրէք զստութիւն , : Եւսն գոյ անշուշտ յաւիտենականութիւն, տակաւին յուլանալ, տակաւին ծաղր արձակել և կեանս անխորհրդաբար վարել : Տակաւին խաղք անչափ, կենակցութիւնք վայրախօսք, տակաւին կապել ընդ աշխարհ, տակաւին արծաթի պաշտօն հարկանել : Եւսն անշուշտ գոյ յաւիտենականութիւն, զի այդ հանապազորդելի 'ի յիշոցս,

ի հայհոյութիւնս, յատելութիւնս, ի բամբասանս, տակաւին անժուժկալ ի սէրն, պաղշոտեալ ի խորհորդս և տակաւին մնալ թնամի լստուծոյ. «Երթիցեն ի տանջանս յաւիտենականս», և ի զիսորդ հնար երբէք իցէ յանդիման յաւիտենականութեանն ոչ ինչ սարսել, ոչ ինչ զգաստանալ բանաւորին: Հարկ է ուրեմն միոյ յերկուց՝ կամ ոչ հաւատալ, կամ զյաւիտենականութիւն չճանաչել: Եւ անհաւատսն հատուցեալ եմք յայլում քարոզի, այժմ չիք բան առ նոսա: Եւս թէ հաւատայ և չճանաչէ զինչ տիրապէս յաւիտենականութիւնն իցէ, շատ է հաւատալն առ ի զգաստանալ. շատ է դիտելն զի անվախճան են փառք, անվախճան են և պատուհասք: Գիտութիւն՝ որքան քարոզի, առաւել ևս մտածութեան ճարակ է. մեք քարոզեսցուք սակաւ մի, դուք զառաւելն ածջիք զմտաւ:

Յաւիտենականութիւնն այն է, որոյ ոչ սկիզբն լեալ երբէք և ոչ աւարտ կատարածի, միշտ նոյն և միշտ սկըսեալ: Երթի կարաց ինչ որ սահմանաւոր ասել զյաւիտենականութենէն. ոչ: Բանդի զեղեցիկս կնքեաց աստուած իմաստն լզգոստինոս. զինչ և ասասցես, պապաս ասասցես. «Օ որ և կամիս ասա զյաւիտենականութենէն, այլ զոր ինչ և ասասցես՝ նուազ ասասցես»,:

Ի վերայ այս առ փոքր մի սարսել զանդգայութիւնս, նկարեա զու առաջի աչաց մտացդ զանվախճանութիւնն, զոչ երբէքն և զանչափութիւնն: Չափին աւադիկ անհնարին բարձրութիւնք երկնից, չափին անդրն զախոր յատակք, չափին ծագք երկրի: Կամիցին չափել և զյաւիտենականութիւնն, մի միայն չափ և լար նորա այս է, չափեա զյաւիտենականութիւնն յաւիտենականութեամբ: Գու ի ժամանակեայս յայտոսիկ հան մասն մի ի քանակէն և նուազեսցի, յաւել բաժին մի՝ և աճեսցէ. հան դու ի յաւիտենականութենէն կամ յաւել զբիւրս բիւրուց դարուց միշտ և հանապազ, նա անփոփոխ նոյն է, նա անընդունակ է աճման և նուազման: «Եւս այն չափ և մեծութիւն և ամենայն անբաւութիւն դարուց, ասէր լզգոստինոս, առ յաւիտենականութեամբն ոչ եթէ դու զնաքեայք ինչ են, այլ ոչ ինչ են», և Ի վեր է նա քան զամենայն ժամանակ, և միանգամայն զամենայն ժամանակ՝ զան-

ցեալն և զներկայն և զապառնին յինքեան պարագրէ :
Եւ ցոր վայր աստուած է աստուած , ցայնվայր է յաւի-
տենականութիւնն , և ցոր վայր աստուած է աստուած՝
ցայնվայր վայելեսցեն արդարքն՝ ի կեանս , ցայն վայր լիկե-
սին մեղաւորք ի տանջանս :

Ո՛վ յաւիտենականութիւն , ո՞ր բաւական իցէ երբեք
հասանել քեզ : Եւ եթէ ինքն անհասանելի , անհասա-
նելի ուրեմն իցեն , սիրելիք , և տանջանքն , քանզի յա-
ւիտենական են . և եթէ յաւիտենական , ո՞վ քա-
նիօն իցէ և յուսահատութիւն ի տանջեալն : Եւ
զիսորդ ուրեմն սիրելիք , մինչդեռ արտաքոյ կամք
յաւիտենականութեան , և ժամանակ ի ձեռս է ա-
պրել ի յաւիտենականութենէ տանջանացն և ի ձեռս
բերել զյաւիտենականութիւն կենացն՝ ոչ արիաս-
ցուք փախել ի միոյն և փարել զմիւսողն : Օ՞րնչ
թուեսցին մեզ յայնժամ ժամանակեայքս , զի՞նչ ան-
ցաւոր փառքս , զի՞նչ ծաղկրնկէց մեծութիւնք , զի՞նչ
առօրեայ հեշտութիւնք : Վանիօն իցէ անմտութիւնս
վասն վաղանցուկ բերկրութեանն՝ յանանցականն մատ-
նիլ ի տանջանս , վասն ոչ վայրիկ մի բռնն առնելոյ
բնութեանս ի սանձել զդժպատեհ կիրան , զբարկու-
թիւն , զոխութիւն , զամբարտաւանութիւն , զարծաթ-
սիրութիւն , զվրէժինդրութիւն , զատելութիւն , զան-
ժուժկալութիւն , վտանգել զյաւիտենականն փր-
կութիւն :

Եւ արդ զիտեմ քաջ սիրելիք զհաստատութիւն հա-
ւատոցն ձերոց առ յաւիտենականութիւն տանջանացն ,
սակայն գիտեմ և զանհաստատոցն ձախողակ բանսն
վասն այնորիկ՝ թերեւ և ի ձեր հեղեալ յունկն , յասել
անդ նոցա . “ Երդար են այս հատուցմունք տանջանացն
վասն մեղաց . այլ զի՞նչ այդ խտութիւնդ իցէ ի յաւի-
տեան տանջել , ո՞ր արդարութիւնն իցէ : Օ՞րնչ հա-
մեմատութիւն կայցէ ընդ վաղանցուկ առօրեայ հեշ-
տութիւնդ , և ընդ յաւիտենական անսպառելի տանջան-
սըն , : Բարէ , դու որդն անարդ երկրի և զի՞նչ համե-
մատութիւն կայցէ ընդ արարածդ որ յունչէ , և ընդ
անսահման մեծվայելչութիւնն Բոտոծոյ թշնամա-
նեալ յարարածոցն : Ի՞նչ երես զմեծութիւն արժանա-
հաս պատուհասին՝ ի ժամանակէ յանցանացն չտիւն

սարսաղ իցէ եթէ 'ի մեծութենէն թշնամանաց . և եթէ թշնամանքն անսահման գտան, ոչ արդեօք իրաւացի իցէ և պատուհասին լինել անսահման, և քանզի անհրաժեշտ է սատուութեամբն լինել անսահման՝ տարածութեամբն լիցին ընդ ամենայն յաւիտեանս : Բարձեալ և որ բան առաւել իրաւացի կայցէ քան զայն, երբէք չներել ըստուծոյ այնմ՝ որ ոչն ապաշաւեաց երբէք վասն մեղացն և ոչ ապաշաւեսցէ . և ոչ ահա մեղաւոր անասալ չաւ՝ իղձ լինէր արդեօք կեալ յաւիտեան, զի կարացէ մեղանչել 'ի յաւիտեան : Եւ զի՛նչ այնուհետև զարմանք իցեն զի և ըստուած այնմ որ յաւիտենական կամէր զմեղսն՝ յաւիտենական տացէ և զպատուհասն :

Եւ յորիկ առ թերահաւատս : Իսկ որ ամբաստինդք են 'ի հաւատս, և 'ի լուսոյ բանին իմաստնացեալք, ասացեն մեզ : Ենդէր մեղանչէ մարդ . յայտ է զի կամ հեշտանայ, կամ չկամի կրել ինչ : Եւ հաւատք միումն և միւսումն սպառնան պատուհաս . զի՛նչ և լոյս բանին . զայս ինչ ուսուցանէ և նա, եթէ նուազ չարն ընտրելի է առ 'ի զերծանել յառաւելագունէն : Իսկ արդ ոչ յետսամտութիւն վերջին իցէ, առ սէր ժամանակէիցն զրկել 'ի յաւիտենական կենացն, և վասն չկրելոյ ինչ մի աստէն, եթէ մեռելութիւն ինչ իցէ ապստամբ կամացն, եթէ պահք իցեն սահմանեալք, եթէ աղօթք պատուիրեալք, եթէ հատուցումն ինչ արդարութեան, և կրել անդէն 'ի յաւիտեան : Եւ են այն կիրք յաւիտենականք՝ դժնդակագոյնք ևս յըմբռնմանէ անտի յաւիտենականութեանն . քանզի և յամենայն վայրկենի յաւիտենականութեանն կրէ անդ միանգամայն զամենայն տանջանսն՝ զոր կրելոց է ընդ ամենայն յաւիտեանս : Իսկ զպատճառսն խորագոյնս մերձ դնէ երանելի աստուածաբանն, իբրև զի որ խիթայ 'ի չարէն, 'ի նոյն և կրէ . « Զորժամ որ ասէ, սկսանի երկնչել յիրաց ինչ, այնպիսին արդէն իսկ 'ի տանջանս է » : Իսկ արդ եթէ երկնչելն և խիթալն այնպէս իցէ, զի՛նչ պարտ է ասել յաղագս անսուտ գիտութեանն հանդերձելոյ չարին :

Եւ Բանի արտասուելի իցէ վիճակն . քանզի զիտէ եթէ բանսն յոր արդելաւ յաւիտենական է . և հօրն որ այրէ՝ յաւիտենական է . որդն որ ուտէ, յաւիտե-

նական է. դեք որ տանջեն, յաւիտենականք են. վճիռն աստուածեղէն անդարձ յաւիտենական է: Ո՛վ յաւիտենականութիւն սոսկալի. և եթէ 'ի քէն որ չտարսեսցի, 'ի զգաստութիւն առ վայր մի եկեալ, ո՛ւստ ուստեք երբէք յաջողեսցի այնպիսւոյն 'ի բաց զանմութիւնն դնել: Ի սմանէն գոնեա եղբարք արիասցուք զօտէպինդք եղեալ 'ի կենսառիթ ուղղութիւն վարուց ճշմարիտ ապաշխարութիւն. ապաշխարութիւնս մեր տակաւօրեայ, իսկ պտուղն նորա յանկէտ յաւիտեանս: ()ն արիք եղբարք. քանզի եթէ և 'ի լուր յաւիտենականութեանն ոչ շարժեսցի հոգի, աւանդ զի կնիք ուրեմն ձախողակ հարեալ կայ 'ի ճակատ մարդոյն:

ՄԱՍՆ Բ.

(Ժ)էպէտ և 'ի փափկութիւնս անհնարին որ զակատեալ իցէ, թէպէտ և 'ի փառս աշխարհի գերածայրեալ որ իցէ, թէպէտ և որ զինչ և իցէ 'ի բազմազբօս կենցաղոյս 'ի պատիր հաղբիցն թակարդեալ իցէ, 'ի վերայ այսր առ 'ի յիշատակէ յաւիտենականութեանն՝ գիտացէք անշուշտ ինչ մի այնպիսին օգտեսցի 'ի հոգին: Վրան զի եթէ որք 'ի մարդիկ գերաստիճանեալք և տիեզերաց աշխարհակալք, սոնքացեալքն, յօրացեալքն, և յայնչափ խոչընդակաց արգելեալքն 'ի նահատակութիւնս հոգւոյն, արք թագաւորք, յուշ զյաւիտենականութիւնն ածեալ՝ բազումս օգտեցան, քանի՜ն առաւել և որք ոչ իբրև զնոսա յայնչափ խոչընդակաց պաշարեալք իցեն:

Պատմեն՝ եթէ մի ոմն յաշխարհակալաց անտի արքայից հիացուցանէր զտեսողն, քանզի յամենայնի լուրջ և զգոյշ՝ առաքինաբար միշտ նկրտէր վարել կեանս. ապա և զպատճառսն գիտացին զհիացմանն: Վրանզի 'ի ներքին յաբբունի սենեկին գտանէին դրոշմեալ ոսկեղէն տառիւք զսրբոյ արքային՝ Վաւթի զտող սաղմոսին՝ զոր կանուխ ետու ձեզ լսել, զայն եթէ՝ «Խորհեցայ զաւուրսն զառաջինս, և զամեն յաւիտենից յիշելի», Օայս ընթեռնոյր նա զօրհանապազ. յորժամ 'ի գահոյսն բազմէր, թուէր իմն նմա լսել յունկանէ: Ո՛վ

մարդ, յիշեալ զյաւիտենականութիւնն : Յորժամ 'ի մարտ ելանէր, առ ամենայն հարկանել փողոյ թուէր իմն արձագանգել առ նա . Ո՛վ թագաւոր՝ յիշեալ զյաւիտենականութիւն : Ի կենակցութիւնս արքունիս, 'ի զբօսանս, 'ի թատերս, 'ի խրախուէս, յատեանս, 'ի խորհուրդս, և յամենայն իսկ 'ի գործս, ինքնին յուշածէր առանձինն ընդ միտս . Ո՛վ թագաւոր յիշեալ զյաւիտենականութիւն, և զամեն յաւիտենից ած զմտաւ : Եւ ապա 'ի յիշատակաց աստի մեծապէս օգտեալ՝ առաքինացաւ զամենայն աւուրս կենաց իւրոց և երջանիկ գտաւ 'ի մահուն :

Ո՛ տայր մեզ զյիշատակ զայս կենսաբեր տպաւորել և 'ի մեր միտս յամենայն 'ի գործս մեր, և ասել ցանձն . Ո՛վ մարդ դարձ 'ի քեզ և զամեն յաւիտենից ած զմտաւ : Ինչուչտ ասեմ, սիրելիք, մեծապէս էր մեզ յայնժամ աներկեւանութիւն յաղազս յաւիտենական փրկութեան մերոց : Եւ բարեք . 'ի քանի քանի միտս անյուշ է յաւիտենականութիւնն . կենցաղականս զբաղանք, հոգ բարեկեցութեան, սէր զբօսանաց, սէր արծաթոյն, աղօտացուցանէն զմիտս, գողանան զսիրտս : Եւ արծիցէք թերեւս եթէ այր որ վասն անարդ շահուն անձնամատն է 'ի դաշինս և յառեւտուրս անիրաւս, եթէ յիշեսցէ երբէք զյաւիտենականութիւն : Կամ այր քրիստոնեայ՝ որ ընդ ամս բազումս լուեաց և ծածկեաց զմեղսն 'ի խոստովանութեանն, յիշեսցէ երբէք երբէք այնպիսին զյաւիտենականութիւնն : Կամ այր անձնազրաւ յանժուժկալութիւն, յարծաթսիրութիւն, յատելութիւն, 'ի բամբասանս, խորհեսցի երբէք այնպիսին ինչ մի զյաւիտենականութենէն :

Եւ սակայն անշուշտ, սիրելիք, չիք մէջ ընդ երկուս ընդ այսօսիկ . կամ յաւիտենականութիւն տանջանաց, կամ աստ յիշատակաւ յաւիտենականութեանն զգաստութիւն կենաց . կամ աստ արտասուք, կամ անդ բոց անշէջ : Եւ ապա խարութիւն ոչ երբէք, և արտասուք ոչ ուրէք եթէ խորհուրդ և յիշատակ յաւիտենականութեանն մերձ ոչ իցէ : Հապա այժմէն, սիրելիք, առ պատուանդանի խաչիս խորհեսցի այր այր, և զամեն յաւիտենից զմտաւ ածցէ : Օ մտաւ ած ո՛ր անձն անժուժկալ արժեսցէ ինչ առօրեայ հեշտութիւնն առ յաւի-

տենական դառնութեանն : Օ մտաւ ած ի արծաթա-
սէր անձն , արժան ինչ իցէ վասն միոյ անիրաւ շա-
հու ժառանգել զյաւիտենականութիւն թշուառու-
թեան : Օ մտաւ ած և դու վրէժինդիր ռիսակալ անձն ,
դիւր մի 'ի քինահանութեանդ արժեսցէ զյաւիտե-
նականութիւն լալոյն և զկրճել ատամանց : Օ մտաւ
ած և դու որ տանուտէր կացեալդ ես և հայր ես զա-
ւակաց , որ լաւ իցէ քեզ , վայր մի արթնութեամբ հըս-
կել 'ի վրայ գերդաստանիդ , տքնիլ 'ի գեղեցիկ դաս-
տիարակութիւն զաւակացդ՝ ըստ պարտուց վիճակիդ ,
եթէ արդեօք անհոգացեալ քո 'ի պարտոյ , 'ի բանտ
անել դատապարտիլ յաւիտենական արգելոցին : Ահ ,
և դու ինքն զմտաւ ած ով պատանի , լաւ իցէ քեզ արդեօք
փոքու իմն այժմէն բուռն առնելով հասակիդ՝ հրաժեշտ
'ի սակաւօրեայ կեանսդ տալ 'ի կրից հեշտախառ-
թեան , եթէ արդեօք հեծել անդ յաւիտեան , և ըմ-
պել զբաժակ յաւիտենական դառնութեան : Այ հե-
ծել միշտ յանօգուտս , զի որ միով արտասուօք մարթ-
էր քեզ աստէն ժառանգել զյաւիտենական զկեանսն ,
անդ ծով արտասուացն և ոչ զկայծ մի բաւական իցէ
շիջուցանել զյաւիտենական հրոյն : Ով յաւիտենակա-
նութեան ցաւոց ընդ առօրեայ բերկրութեան , ով յա-
ւիտենականութեան արգելոցին ընդ սակաւօրեայ սանձ
արձակութեան . ով յաւիտենակութեան ընկերութեան
դժոխային այսոցն , ընդ ժամանակեայ չարացն կենակ-
ցութեան :

Այլ զ՛ն արիք , դարձեալ ասեմ , մինչ չե պաշարեալք
'ի յաւիտենականութենէն , զդէպ ժամանակ այժմու
կենացս միջնորդ 'ի ձեռս առցուք ապաշխարութեամբ
ապրել յանժամանակ աղէտիցն , և 'ի ձեռս բերել զան-
ժամանակ զվայելսն : Ահպ ժամանակ զայսօրն շնոր-
հեաց մեզ Աստուած , մի 'ի ձեռաց հանցուք անհան-
ձարաբար . զակն միանգամ այժմէն յառեալ արտա-
սուօք յայս 'ի խաչելեալն Աստուած , փարեցուք զխա-
չիւն . “ Ով տէր , հայեաց տէր . կեանս ահա վարեցի
մեղօք՝ ապստամբ 'ի քոց պատուիրանաց : Անդ 'ի խաչին
աւաղակն աղաղակէր , յիշեա զիս տէր . նովին ձայնիւն և
ես գոչեմ , ողորմեա ինձ Աստուած իմ , ողորմեա . զրդջ-
ման իմոյ աւասիկ զարտասուս արկանեմ առաջի քո տէր

իմ, թող ինձ զմեզս իմ. որ բժիշկդ ես հոգւոյ, բժշկեա
զհոգւոյ իմոյ զհիւանդութիւնս. մեղայ տէր բազում
ողորմ Մստուած իմ, մեղայ ողորմեա : Սեղայ տէր,
խոստովանիմ զյանցանս իմ, մեղայ, ողորմեա : ։

Եւ, եղբարք, ահա ժամանակ ընդունելի, ահա օր
փրկութեան : Սինչդեռ մերձ կան շնորհք, մինչդեռ
բաց կայ դուռն ողորմութեան, մաղթեսցուք ՚ի բոլոր
սրտէ. “ Յիշեա զիս տէր. աստ կիզեա, աստ չարչա-
րեա, աստ մի խնայեր, զի անդ յաւիտեան խնայեսցես
յիս : Սրբեսցուք աստէն զհոգիս, քաւեսցուք ՚ի մե-
ղաց ճմարիտ և խոնարհ խոստովանութեամբ առ ոտս
քահանայի Մստուծոյ, և հաշտ ընդ Մստուծոյ եղեալ
միանգամ, թողցէ այնուհետեւ սանձարձակն յիշատա-
կաւ յաւիտենականութեան զիւրոյ զանժուժկալութեան
զկեանսն : Թողցէ արծաթասէրն յիշատակաւն յաւի-
տենականութեան զանգթութիւնն, և յառատ բաժին
աղքատացն փրկեսցէ զհոգին : Օ յաւիտենականու-
թիւնն յիշեսցէ բամբասողն, և զգերան զականն իւրոյ
փոյթ տարցի ՚ի բաց հանել : Սր ամբարտաւանութեամբ
փառասիրութեամբ արբեալ իցէ, մոռացեալ զՄստուած,
մոռացեալ զհոգին, յիշեսցէ զյաւիտենականութիւնն,
և յանձին կալցի զխոնարհութիւնն Վրիստոսի : Սր ու
խակալութեամբ եղբօրն տապի, զյաւիտենականու-
թիւնն յիշեսցէ, հեղացի և համբուրիւ խաղաղութեան
եղբօրն՝ ընդ Մստուծոյ հաշտեսցի : Վանգի մեծ և հզօր
է յիշատակ յաւիտենականութեան, եղբարք. և եթէ
որ սերտիւ յիշեսցէ, զամենայն խստութիւն կակղէ,
զամենայն զօրութիւն քակէ, զամենայն կարծրութիւն
մաշէ, զամենայն ընդդիմամարտ վանէ, և յաղթանակ
՚ի վերայ ամենայնին կանգնէ :

Օ սա, որպէս երբեմն աստուած իմաստն Սակեբերան
խրատէր յաղազս ունայնութեան կենացս այսոցիկ, զսա՝
այս է զյաւիտենականութիւնն, յորժամ աստի ՚ի տուն
ձեր դարձջիւր, երթայք զրոշմեցէք ՚ի զրունս տանց ձե-
րոց, յորմունս, և ՚ի սենեակս և ՚ի ննջարանս ձեր և
յամենայն ուրեք. զրեցէք ըստ օրինակի առաքինւոյն
այնմիկ աղքայի. “ Յիշեա ո՛վ մարդ զյաւիտենականու-
թիւն. անցանէ ամենայն, սպառի ամենայն. իսկ յաւի-
տենականութեան չիք վախճան : ։

ՔԱՐՈՉ ԼԵ.

ԱՐՔԱՅՈՒԹԻՒՆ

“ Ո՛րպէս սիրելի եւ յարկք քո տէր զօրութեանց . ցանկայ ե.
փափաքեւ անձն իմ 'ի գաւիթս քո ” :

Ո՛վ երկնային քաղաքին վայելչութեան , յորում
միայն երջանկութիւնն՝ որում միշտ ցանկացաւ բանա-
կան բնութիւնս : Ո՛վ, որչափ և ընդ քանի դարս իմաս-
տունք աշխարհի զհետ ելին 'ի խնդրել զմեծահրաշ-
խորհուրդն , և եզիտ և ոչ ոք , և գիտաց և ոչ ոք զայն
ինչ՝ զոր այսօր 'ի մեզ տկար կանանին և մատաղ ման-
կտին գիտեն քաջ և ասեն , եթէ Մստուած ինքնին է
մեր վերջին վախճան , և նա միայն է երջանկութիւն
առաքինւոյն 'ի յաւիտեան . “ Եւ , ասէ Մստուած , ես
եղէց վարձք քո մեծ յոյժ , և ոչ այլ ոք բաց յինէն ” :

Եւ զբաղդի իմաստնոցն , որ այնպէս կաղ 'ի կաղ
իբրու 'ի իսաւարի առ իսարխափ ելեալ էին 'ի խնդիր եր-
ջանկութեանն . միշտ կամէին ըմբռնել , միշտ և նա խոյս
տայր 'ի նոցանէն : Իբրեւ այնպէս միշտ 'ի դերեւս ելա-
նէին՝ ընկեր առ ընկեր երբեք չդային հարցանել . “ Եւ
դէ մեք զինչ գործել եկաք յաշխարհ , որ կէտ որ սահ-
ման իցէ նպատակին՝ յոր ընթանամք . զինչ վախճան
կենացս իցէ . որ վարձք գործոցս . միթէ ընդ մարմնոյս
մեռցի և հոգիս մեր այս . և եթէ տախաւին կեցցէ , ո՞ր
արդեօք գնացեալ կացցէ նա , կամ ընդ ո՞ւմ ” : Օ այս-
օրինակ վարանեալք դանդաշէին նոքա . և եթէ անա-
հուծեան ևս հոգւոյն 'ի վերայ հասին , այլ թէ որ իցէ
երջանկութիւն նորա՝ ոչ գիտացին կուրացեալքն :

Իհրսս իմն կարծեաց, ասէ աստուածայինն Մզոստի
նոս՝ վասն այնորիկ ՚ի վեր հանին մի քան զմի սուտ. և զրն
թացսն կատարեցին ողջոյն զկենաց ողբալիքն՝ կամ ոչ ինչ
ստուգեալ զվախճանէն կամ ոչ երբէք գոհք : Այս ած որ
զմտաւ, և ոչ ևս մարթացաւ, եթէ յաւիտենականն
այն ժառանգութիւն Մստուծոյ և երանաւետ տեսու
թիւնն կարգեցաւ ՚ի կէտ նպատակի ընթացից իւրեանց :

Եւ ծածկեալ խորհուրդ իջեալ ՚ի յերկնից, յայտ
նեցաւ ՚ի շնորհաց, քարոզեցաւ ՚ի հաւատոց, դաւա
նեցաւ մի ՚ի գերագոյն պարգեաց հոգւոյն : Սա այս է՝
զոր ասեմքն Մքայութիւն. սա է յոր ակնկառոյցք եմք
միշտ հաւատացեալքս յՄստուած. խոտեմք ապա անար
դեմք միանգամայն զայն ամենայն՝ որ արքայութիւն չէ.
“ Զոյց ինձ զգէմն քո, սրտառուչ պաղատէր Սովսէս, X
ցոյց ինձ զգէմն քո, եթէ գտի շնորհս առաջի քո ” :
Իտեմ զի արքայացուցեր դու զիս ՚ի վերայ ժողովրդ
դեան քո, քահանայ և մարգարէ և օրէնադիր. գաւա
զան զայս ետուր ՚ի ձեռս իմ՝ զսքանչեւագործն, զիշ
խանն ՚ի վերայ տարերաց, զհրամանատարն ազգաց. ճա
նաչեմ զպատիւն, այլ գոհ չեմ : Մնորորութիւն բոլորա
պրտուղ և գոհութիւն սրտին իմոյ՝ քոյ տեսութիւնն է
միայն. “ Զոյց ինձ զգէմն քո ” : Իտեմ քաջ, զի չհա
տանեմ խնդրոյն առանց մեռանելոյ. “ Այ տեսանէ որ
զերեսս իմ, և ապրի ” :

Իայց աղէ, “ Սեռայց, զի աստէն տեսից. յաւե
լոյր ՚ի նոյն սիրաբորբոքն Մզոստինոս, մեռայց զի աս
տէն տեսից, տեսից զի աստէն մեռայց ” : Եւ զինչ
այլ զին առատ քան զայն վասն կենացս. և որ այն
կէտ գեղեցիկ քան զայն վասն մահուանս :

Օ ամենայն ուրեմն կարճեսցուք դանդաղանս սիրե
լիք. օն արիք դնասցուք առ Մստուած. “ Սեռցուք զի
աստէն տեսցուք. տեսցուք զի աստէն մեռցուք ” : Օ ու
գաշաւիղ ընդ սրբոցս մտցուք և մեք խորագոյնս ՚ի քնին,
որ այն իցէ երջանկութիւնս մեր, զինչ յոյս կոչման մե
րոյ. և քանզի և մեզ յայտնեաց զայն Մստուած, որ
պէս և նոցա, արիք և մեք ընդ նոսա առաջին ՚ի սէր
յեռանդն բորբոքեսցուք այնմ երանութեան. զի և եր
կրորդ անգամ՝ ընդ նոսա յաւուր միում վայելեսցուք ՚ի
նոյն :

ՄԱՍՆ Ա .

Եւ կարի իսկ քաջ յաւուր միում կայ մեզ սիրելիք վայելել յԱստուած . երջանկանալ 'ի տեսանել անդ զԱստուած՝ որ ստեղծն զմեզ . զԱստուած որ փրկեաց զմեզ , զԱստուած որ այնչափ պարգեօք բնութեան զարդարեաց զմեզ . զմեծն զայն Աստուած , զանսաՀ ման բարին , զանչափ գեղեցիկն , զանբաւելի զմիտսն , զվերջին երանութիւնն : Ա՛ի 'ի խնդիր ուրեմն ելցուք երջանկութեանս մերոյ վայրապար ընդ բազմահետ շաւիղս մոլարս կենցաղոյս : երթեալ գտցուք մեք զնա յաւուր միում 'ի տան անդ իւրում . տեսցուք դէմ յանդիման . երես առ երես գիտացուք զնա յարքայութեան : Ո՛վ , քանի՞օն իցեն աւետիքն , որ ասաց . “ Յայնժամ գիտացից զնա , որպէս և նայն ծանեալ զիս , զի տեսանելոց եմք զնա՝ որպէս և էն , . . . :

Իսկ զինչ ապա տեսցուք մեք տեսանելովն զԱստուած : Օ՛րնչ . . . : Հարցէք դուք զնոյն առ կոյր զք , կոյր 'ի ծնէ . որ զաւուրս կենաց իւրոց առ խարխափ ընթացեալ յաշխարհի , և շատ ինչ լուեալ ստէպ վասն արեգական , վասն աստեղաց , վասն լուսոյ , վասն բազմերանդ գունոցն , և զայլոց ևս բազմաց 'ի կուրութեան իւրում , և յանկարծ յաւուր միում կացեալ 'ի լերին բարձու , անդանօր այն ինչ 'ի ծագել արփւոյն և նորա անդէն 'ի բանալ աչացն , յեղակարծումն տեսանիցէ զՀանդիպակացն : Բա՛բէ , քանի՞ այլ յայլմէ լինիցի այրն 'ի պահուն , 'ի տեսիլ նորապանչիցն և բազմադիմակ զնուութեանցն : “ Բայս ուրեմն իցէ արփին յերկինս զոր աւելին . այս լոյս տունջենային , այս մեր հողագունտս՝ զոր լսէի . ո՛վ քանի՞ այլադիմակ էր խորհելն իմ վասն դոցա . չէր տիպար , չգոյր ինչ օրինակ , երբէք չկարծէի լինել այդպիսի , :

Օ՛նոյն օրինակ և երանեալքն յառաջնում անդ բանալ աչաց մտացն յերկնաւոր քաղաքին , 'ի նկատել անդ յԱստուած զանսահման լոյս անբաւ զնուութեանցն՝ զոր երբէք չետես , զոր երբէք ընդ միտ ոչ ած . “ Բա՛բէ ,

յապուշ կրթեցի, ո՛վ Մտուած իմ զինչ զքեզ կարծեցի, և զինչ ահա տեսանեմ: Այ խաբեաց զիս հաւատք իմ. խոստումն անդուլ ինձ խոստանայր տեսանել զՄտուած, և ահա տեսանեմ զնա. «Որպէս լուաք, նոյն պէս և տեսաք, ՚ի քաղաք տեառն զօրութեանց՝ ՚ի քաղաք Մտուածոյ մերոյ»:

Սակայն ընդ հաւատ և ընդ տեսութիւն շատ է ասպարէզն, շատ է և հիացումն ընդ մեծահրաշ տեսարանն, և ընդ անատուեր տեսութիւնն: Վաջ միտ դիք աղաչեմ. կոյրդ այդ անդուստ ՚ի ծայրից լերինն այժմիջ նորդաւ արփւոյն ականէ զամենայն և հրաշանայ. այլ թող միանգամ և յարիի անդր յառեսցէ զակն, և անդէն նա տիգօք ճառագայթիցն բլշացուցեալ զնա, անտես ՚ի նմանէ պահեսցէ զանձն: Այսպէս և յերանեալսն. նշոյլ առաջին մեծահրաշ լուսոյն այնորիկ հարեալ ՚ի նոսա՝ կշիռ յարեգակն անդր ձկտեցուցէ հայել ՚ի նա, և ՚ի նմա զամենայն ինչ միանգամայն: Միջափ է զօրութիւն, այսչափ կարողութիւն մեծահրաշ լուսոյն այնորիկ, զոր վարժարանք աստուածաբանիցն կոչեն լոյս փառաց: Այլ է սա իբրու ծաւալումն աստուածային ճառագայթին, հաղորդութիւն գերաշխարհիկ նորուն իսկ անստեղծ լուսոյն, որով Մտուած տեսանէ զինքն: Այլ զօրութեամբ լուսոյն այնորիկ փառաց իմանայ հոգին իբրու յանչափս իմն ծաւալեալ զինքն, ասպնջական գոլ յինքեան անսահման բարւոյն: Սարգկային մեր մտաց՝ որ ակն է հոգւոյն, նոյն պատահէ յայնժամ աստանօր յաստուածայինսն՝ որ ինչ մարմնեղէնա աչաց ՚ի զգալիս: Երբէք արդեօք խորհրդածեալ իցէ ձեր, եղբարք, զփոքրիկութիւն գործարանի աչաց մերոց համեմատեալ ընդ մեծութեան լայնածաւալ պարունակի տեսութեան նորա: Օ իմրդ մեք փոքու այս ակամբ տեսանեմք ՚ի յերկինս և ՚ի յերկրի իրս իմն բիւրիցս մեծամեծս քան զնա զինքն. և սակայն միջնորդաւ արեգակնային ճառագայթիցն յակնակապի՞մ մեր անձուկ առեալ ժողովեմք զնոսա: Սպէս և աստանօր զիմրդ մարթ իցէ սահմանաւոր պարունակի մտաց՝ մարդոյ ամփոփել զՄտուած՝ որ յանսահմանս մեծ է քան զնա. բայց եթէ միջնորդաւ գերազունի լուսոյն այնորիկ փառաց ըստ կարի յաջողեսցի ՚ի նոյն:

Բայց տակայն և կարի տարանջատ է համեմատութիւնն ընդ տեսութիւն աչաց և ընդ տեսութիւն մտաց. քանզի 'ի զգալի տեսութեանս երկինք և երկիր ծով և ցամաք տեսարան միայն զուարճալի ընծայի մտացս, և ոչ այլ ինչ առաւել: Այլ է և է այսպէս յերանաւէտ տեսեանս: Տեսութիւն Աստուծոյ տպաւորէ 'ի հոգին քառեակ իմն առանձնաշնորհութիւնս գերաշխարհիս, զոր ասեմք և լսեմք, այլ չիմանամք: Առաջին՝ անաղտ ծանօթութիւնն Աստուծոյ, երկրորդ՝ անվճար նմանութիւնն ընդ Աստուծոյ, երրորդ՝ գերակատար սէր Աստուծոյ, չորրորդ՝ բովանդակ ժառանգութիւն Աստուծոյ:

Վանի սքանչեւահրաշ բանք 'ի խորհել, և անսպասուելի 'ի խօսել: Այլ զանձառելին զայն միայն զաստուածանմանութիւնն՝ որ յանաղտ ծանօթութենէն Աստուծոյ 'ի դէմ յանդիման տեսութեանն, ո՞րք երբէք բաւական իցէ 'ի պարզել: Տեսանել զանսահմանէն, զամենագեղեցիկն, զամենաբարին, տեսանել և 'ի նոյն կերպարանիլ. այնչափ նմանել, որչափ և տեսանել: Որպէս զայս խորագոյնս կնքեաց որ ասացն. “Վման նմա լինելոց եմք”: Իսկ զիսորդ այս նորահրաշ իրք, ո՞վ աստուածայինդ Յովհաննէս, ո՞ր այն իցէ սատարն. “Վանգի տեսանելոց եմք, ասէ, զնա, որպէս և էն”: Ո՞վ, որչափ յստակ և անաղտ ճանաչումն, մինչև դառնալ լինել տեսութիւն. և որչափ ազդոյ և ճշգրիտ տեսութիւն, մինչև դառնալ լինել նմանութիւն. ո՞ր միտք բաւական իցեն 'ի հասանել: Վանգի անդուստ խորիմաստն Պաւղոս աստուածաբանէ. “Սեր ամենեցուն, ասէ, բացաւ երեսօք զփառն տեառն՝ իբրև ընդ հայելի տեսեալ, 'ի նոյն պատկեր նորոգիմք փառաց 'ի փառս”: Ո՞վ հրաշիցս... Իցեն ուրեմն երանելեացն հոգիք 'ի յերկինս հայելիք ջինջք և անարատք աստուածեղէն դիմացն. “Օ փառն տեառն, ասէ, իբրև ընդ հայելի տեսեալ”: Կայցէ՞ երբէք ձեզ, եղբարք, կենդանագիր ճշգրտահան առաւել քան զերևեալն ձեր պատկեր, որ ծնանիցի 'ի հայելոյ. և սակայն ո՞ր աշխատութիւն կայցէ 'ի տպաւորելն. ոչ ինչ այլ, բայց լոկ յանդիմանութիւն պատկերահան ապակոյն: Ո՞վ սքանչելեացն. գործ մի յական թօթափել, քանի գեղեցիկ,

քանի անվթար, քանի բնակաւոր. զիմորդ համբոյր կերպարանն, զիմորդ կենդանի գոյնն, զիմորդ ճշգրիտ մոյն մարմնոյն, իբր տալաւորք գիծք գիտակին, լծող յառաջ անցցեն նկարիչք ճարտարապետք՝ որ 'ի նախնումն Մկերդէսք, կամ թէ առաւել՝ որ 'ի վերջնումն Ստեփանէք և Տիտիանոսք. շարժեսցեն զբիշ, ճրգնեսցին 'ի վրձինս, տացեն զնոյն գոյն և մոյն այտիցն և ծնօտին, զնոյն փայլ լուսալիր աչացն, զնոյն տիպ և ճշգրտութիւն ողջոյն դիմացն, զոր ականիցեն 'ի բիւրեղին...: Ս՝ աչ արուեստին. ընդ բիրտն մտանէ զամս բազումն և աւուրս՝ ճշգրտել զնմանութիւն բնութեան 'ի գործն, և ոչ հասանէ. և թէ բաւեսցէ ևս ինչ 'ի կտաւին իւրում կամ 'ի պնակին, որ զուգաւորութիւն կայցէ նորա ընդ հայելոյն: Վէմք յառաջնումն անշարժ անփոփոխ միշտ նոյնպէս կայ 'ի նոյն կայս՝ յորում միանգամ գծեցաւ. իսկ որ 'ի հայելոյն գիտակն, կենդանի, արծարծ, աշխոյժ, եռանդուն զունակ զունակ կերպարանի, բազմադէմ փոփոխի, է՛ զի լրջանայ, է՛ զի ժպիտ արձակէ, 'ի ձօճել յօնիցն ակնարկութիւնս ազգէ, շարժին շրթունք, գոգցես և զձայն արձակէ: Մ. յաչափ է ճշգրտութիւն նմանութեանն:

Բաբէ բախտին երանելեացն հոգւոց, որ զնոյն նմանութիւն կալցին ընդ անբաւ էին անդէն յական թօթափել 'ի մուտս արքայութեան, 'ի տեսանէն զՍտուած իբրև ընդ հայելի անարատ՝ սքանչելապէս տալաւորեալք 'ի հոգիս զպատկեր աստուածութեանն: Վ. Բանիօն իցէ բերկրութիւնն, յորժամ և ոչ 'ի պատկերն նորա միայն, այլ և նմանատիպք ճշգրտեսցին և 'ի վայելս աստուածային բերկրութեանցն 'ի նմին իսկ 'ի համագոյական աղբերէն, յորմէ և ինքն ըմպէ: Վ. Բանդի ասէ. «Եւ զուղիս փափկութեան, ոչ զայլոյ ուրուք, այլ զուղիս փափկութեան քոյ տացես ըմպել նոցա», : Մ. հա անվթար նմանութիւն ընդ Մ. ստուծոյ լեզուի անձաւ, մտաց անքնին. միայն տեսութեամբ նմանել Մ. ստուծոյ 'ի գոլն, նմանել Մ. ստուծոյ 'ի գործէն, նմանել Մ. ստուծոյ 'ի վայելէն. ահա զոր աստուածայինն ասաց Պաւղոս՝ 'ի նոյն պատկեր նորոգիլ փառաց 'ի փառս. ահա զոր տէրն ինքնին աւետեաց. «Ս՝ ուտ յուրախութիւն տեսուն քո», . ահա

գերակատարն նմանութիւն միանգամայն 'ի խորհուրդս, յիղձս և 'ի գնացս կենացն Մատուծոյ . ահա գլխովին և ինքնին « Եւանք Մատուծոյ » . « Եւանդանի եմ ես , ասէ , այսուհետեւ ոչ ես՝ այլ կենդանի է յիս Վրիստոս » : Վրիստոս որում էսն նմանեցայ , յոր էսն փոխակերպեցայ , Վրիստոս՝ յորում էսն կեամ երջանակաւետ յաւիտենականութեամբ . « Այլ ես , այլ կենդանի է յիս Վրիստոս » :

Արդ և զայն ինձ վայր մի, սիրելիք , ածէք զմտաւ , եթէ որպէս ճանաչել և տեսանելն զՄատուած զայնչափ նմանութիւնն սաղրէ 'ի հոգին , սապէս և ըստ նմանէն սիրելն զՄատուած՝ բնաւ իսկ զՄատուած ողջոյն ժառանգեցուցանէ հոգւոյն ամենայն բաւականութեամբ , քան զի և զինչ ևս այլ կայցէ արտաքոյ Մատուծոյ . « Մատուած սրտի իմոյ , ասէ , բաժին իմ Մատուած յաւիտեան » : Այլ , երջանիկքն այն երկնաբաղաբացիք իցեն միայն բաւական ասել լի բերանով . « Մատուած իմ , Մատուած իմ , և ամենայն ինչ » : Մատուած ողջոյն 'ի կար զօրութեան նոցա , Մատուած ողջոյն յամենայն պէտս նոցա : Եւանդան զՄատուած ողջոյն , և ժառանգին յՄատուծոյ ողջոյն . նոցա են աստուածայիւնքն , Մատուծոյ են նոցայքն : Այն ինչ յանդիմանին երեսացն Մատուծոյ , անդէն իմանան նոքա ժառանգեալ միանգամայն զամենայն շնորհ և զամենայն սէր : Ասեն 'ի սրտին , լենն միշտ զհրճուալից Մատուծոյ ձայնն . « Ինդրեա զօր և կամիս , և տաց քեզ » : Այլ դու հոգի ինձ փարելի . յիշեալի զկամս իմ արարեր զամենայն քոյովսանն , այսուհետեւ ինձ մնայ առնել զկամս քո զամենայն : Ընեն ինձ այսուհետեւ փառք , զի դու կրեսցես , այլ զի ցնծացես . չեն այսուհետեւ քումդ սիրոյ պէտք ինչ հաւաստեաց , այլ վարձուց արգասեաց : Եւրն դամ 'ի ինդրին , « Ինդրեա զօր կամիս , և տաց քեզ » : Թէպէտ և ինդրելոյ ժամանակ չթողու , կանխէ զիղձն , կանխէ զինդրութեան : Օր օրինակ հիւրընկալ ձօխ և բարի ասպնջական եղեալ սիրատարի բարեկամին , ժողովեալ զնա ընդ յարկաւն և մինչև 'ի ներքին սենեակն ողջագուրեալ տարցի զնա : Եւանդանոր ոչ արկեղք դանձուն , ոչ սապատք զարդուն կնքեալ կայցեն առաջի նորա . այլ ողջոյն բաց . և պարզեալ ձօնս գեղեցիկս առաջի մատուած

յէ նմա, որչափ ոսկի կայցէ նորա, որչափ արծաթ, որչափ և գոհարք, և կահք հոյակապք և կարասիք փարթամք, և ամենայնին՝ նաև անձին իւրում ժառանգորդ միանգամայն կարգեսցէ զնա. որպէս աւետեաց տէրն, եթէ “Ի վերայ ամենայն ընչից իւրոց կացուցէ զնա.” :

Եւ յայնժամ երջանիկն այն հոգի այնչափ շքով ժողովեալ, յայսկոյս յայնկոյս ոչ զնախնին իւր գտցէ զհաւատ, զի տեսանէ՝ զոր հաւատայրն, ոչ զնախնին իւր գոյս, զի վայելէ յոր յուսայրն. բոլորապառուղ ինքնանուէր եռանդաբորբոք գրաւեալ ՚ի սէրն, և այնպէս սեպհականեալ ողջոյն զաստուածայինսն, ոչ ևս այնուհետեւ գիտացցէ ինքն առաւել իցէ Մտուծոյ, եթէ արդեօք Մտուած նորա : Եւ յայնժամ յօդեսցէ հոգին ընդ Մտուծոյ զմիութիւնն զայն զմեծն և զանքակն զսրտին խանդից, քան զոր առաւել ընդ մարդ և ընդ Մտուած անմարթ իցէ լինել միութեան առաւել ներքին և առաւել հզօր : Վանի անպատում բանք. “Մենեքին, ասէ, մի իցեն. որպէս դու հայր յիս և ես ՚ի քեզ. զի և նոքա ՚ի մեզ իցեն. զի իցեն մի՝ որպէս և մեք մի եմք. ես ՚ի նոսա և դու յիս, զի եղիցին կատարեալք ՚ի մի. զի սէրն զոր սիրեցեր զիս ՚ի նոսա իցէ, և ես ՚ի նոսա.” : Եւ յայնժամ զմեծ բարբառոյն այնորիկ՝ զոր ոչ երբէք իմացաւ՝ ծանիցէ զգորութիւնն երջանիկն հոգի, զինչ իցէ ասէն, “Մտուած իմ, բաժին իմ՝ Մտուած յաւիտեան. Մտուած իմ և ամենայն ինչ իմ.” : Վանդի և աստուածահրաշն այն “Եյս փառաց,” ոչ զաչս միայն մտաց զերանելեացն լուսալիր կորովացուցէ ՚ի տեսանել զՄտուած, այլ և ողջոյն ընդ հոգին սփռեալ՝ ողջոյն և ընդ մարմինն ազդեսցէ զօրութիւն, ՚ի կազդուրել առհասարակ զկարողութիւնսն. զի և յամենայն վայելիս իւրեանց, ոչ մարմինն իոչ ընդ ոտն կայցէ հոգւոյն ՚ի բերկրանսն, և ոչ հոգին զրկեսցէ զմարմինն ՚ի վայելսն : Եւ այնպէս երանելիքն միջամուխ աչօք հոգւոյն զմայլեալք ՚ի տեսութեանց Մտուծոյ, միանգամայն և աչօք մարմնոյն բերկրեսցին ՚ի վայելիս տեսութեան երանակից իւրեանց երկնաքաղաքացեացն, ՚ի բազմահոյլ թիւ ընկերացն, ՚ի դասադաս աշտիճանսն, ՚ի զանազանեալ փառսն, ՚ի նորահրաշ գեղեցկութիւնսն սիրեցեալք յամենեցունց, և սիրողք ամենե-

ցուն . ծանուցեալք յամենեցունց և ճանաչողք ամենեցուն : Եւ մինչդեռ հոգին վերառեալ 'ի խորհուրդս աստուածայնոցն՝ ընկղմեսցի 'ի գերագոյական էին 'ի ստորոգելիսն անքնինս, անդուստ և մարմինն հրճուեալ ցնծացէ 'ի պարերգութիւնս անսպառուս գերապանծ յաղթանակաց երկնաքաղաքացեացն : Որ բան բաւական իցէ 'ի տիպ ճշգրտել զանսահման վայելիցն այնոցիկ զպատկեր՝ ըստ բոլոր բերկրանաց հոգւոյն մարմնոյն : Որպէս զի և նոքին դարձեալ զեղեալք և անմահացեալք յանհատական աղբերէն, ոչ ինչ այլ բանիւ մարթասցին 'ի դէմն ածել զիւրեանցն, բայց 'ի տաղմոսին նուազս .

“ Եւրեալ եմք մեք 'ի պարարտութենէ տանն Եստուծոյ, զինա զուղիս փափկութեան իւրոյ ետ մեզ ըմպել . երևեցաք մեք երեսաց նորա և յագեցաք յերևել փառաց նորա . Եստուած սրտի մերոյ, բաժին մեր Եստուած յաւիտեան . Եստուած մեր, և ամենայն ինչ մեր . կալաք զնա, և ոչ թողցուք ” :

Ով անձառելեացն . . . քանզի և անսպառ են սիրելիք ճառք պատմութեան երկնաքաղաքացեացն . քանզի և որչափ առաւել ամբառնան միտքն յերանաւետ տեսութեանն յայնմիկ, այնչափ և առաւել գրգին մարմինքն . որպէս զի միանգամայն հոգին և մարմինն վայելչապէս անդրադարձիւ պատշաճեսցին ընդ միմեանս 'ի նորոգատուր չքնաղ վիճակին : Օ որօրինակ յորժամ 'ի դատեալաց որ տնանկաց քաջազարմից՝ 'ի հարսանիս վերառեալ փառօք մեծի արքայի, անդէն նորոգածին վիճակ հարսին թագուհւոյ փոփոխութիւն միանգամայն զամենայն իրաց յանկարծակի բերցէ 'ի նմա, նոր գործեալ զամենայնն որ ըստ հանդերձիցն, որ ըստ սրկապանին, որ ըստ սպասարկութեանցն, և որ այլ ևս . նոր և 'ի կերպարան դիտակին անձինն, որ 'ի ծանրութենէ հայեցուածոցն, որ 'ի ճեմից ոտիցն և 'ի մեծավայելուչ գնացիցն և 'ի նազելի քաղաքավարութենէն, իբրև յամենայնի հրաշափառապէս նորաստեղծեալ անձն : Օ նոյն օրինակ և հարսնացեալն Եստուծոյ հոգի, և հանապազօրեայ արժանացեալն երեսացն Եստուծոյ, և նպատակ սիրոյն նորա, գործէ հրաշապէս և փոփոխութիւն բոլորական յամենայն պատշաճեալսն առ մարմին : Օ իմրդ ճշգրտագոյնս և աստուածային մատեանք՝ յորժամ զմար

մնոց փառաւորելոցն ազդէն, բաղմերանդս 'ի զդալեաց աստի օրինակաց վայելչաբանեն զնոցանէ՝ իբրեւ զփոփոխելոց, իբրեւ զնորոգելոց և իբրեւ զծաղկաւէս զուարճացելոց. «Նորոգեսցին, ասէ, զօրութեամբ. նորափետուր զարդարեսցին իբրեւ զարծուի, և իբրեւ զդալարի զուարճացին. նորոգեսցի իբրեւ արծուոյ մանկութիւն նոցա, 'ի նա յուսացաւ սիրտ նոցա, օգտեցաւ և զուարճացաւ մարմին նոցա», և Նորդ թէպէտ և 'ի զդալեաց աստի գեղեցիկութեանց են նմանութիւնք նոցա, սակայն և յոյժ 'ի վեր են քան զօրինակսն. Քանզի մարմինք են նոքա հոգեւորք որպէս ասաց առաքեալն. ոչ է թէ իբր այլաբունք 'ի մերոցն, այլ նորք և չքնադք և սքանչելիք. իբրու նորաստեղծք սքանչելահրաշք են տեսանելիքն, լսելիքն, գեղն նոցա և տեսիլն, և ամենայն մարմնոյն. որչափ ինչ 'ի ճահ պատահեսցէ մարմնոցն, որ տաճարքն իցեն երանաւետեալ հոգւոցն. Իսկ եթէ կամիցիս ճշգրիտ ևս լսել, այն է. «Օր ակն ոչ ետես, և ունկն ոչ լուաւ, և 'ի սիրտ մարդոյ ոչ անկաւ, զայն պատրաստեաց Նստուած սիրելեաց իւրոց», և Օի թէպէտ և մարդկային մարմնոց բնութենակիցք են նոցայքն, քանզի և աստուածային գիրն կնքեաց, եթէ «Ի մարմնի իմում տեսից ես զՆստուած փրկիչ իմ», այլ մարմինք են, որպէս ասացի, փոփոխեալք և գերաշխարհիկք, լուսարձակք, թեթեւք, արագունք, անկիրք, անչարչարելիք:

(Թուի իմն եթէ երանելիքն այնոքիկ զակն միանգամ դարձուցեալք 'ի մարմինս իւրեանց զնոյն զարմանս սքանչելեաց ցուցցեն, որպէս յորժամ տունկն վայրենի յերկուց և յերկոց օտար շառաւիղաց պողաբերից գեղեցիկ պատուաստեալ 'ի բունն, տեսանիցին ապա բուսեալ 'ի նմա տերեք դալարագեղք այլաձեք, և ապա ծաղիկք և պտուղք նորասքանչք և օտարաբունք. (եթէ բերան գոյր տնկոցն), և ո՞ զսոսա, ասիցէ, եդ յարմարեաց զարդինձ, և պսակ 'ի դիտակիս. գիտեմ իսկ ես զբուն իմ և զարմատ 'ի վայրենեաց փայտից և յանպտղաբերից. ուստի ապա անարդասաւոր տունկս անշուք՝ ունիցի զազնուական զայս ծնունդ. Իմ իցեն այս բարունակք... այլ զիարդ իմ, որ աննմանք են ինձ. դարձեալ և զիարդ ոչ իմ, որ յիս հաստատեալ ինե կեան դոքա. Աչ ինչ տար-

օրինակ և փառաւորեալքն այնոքիկ սքանչացին հայե-
ցեալք ցնծութեամբ 'ի մարմինսն նորոգածինս, և զհինն
իւրեանց միանգամ յուշ ածեալ: . . . Օ ինչ ասէք,
քանի իցեն զարմանքն, քանի և հրճուանքն, յորժամ
որ աստ 'ի կեանս աշխարհիս տառապեալ որեարն, աղ-
քատքն, չարակրեալքն, ախտաժէտքն. որ 'ի մահուն իւ-
րեանց մեկնեցան աստի, կէսք կոչկոճեալք մարմնով, բըր-
տացեալք և փապարեալք անդամովք, կէսք միակողմանիք,
կէսք կարկամեալք և դօսացեալք, կէսք կաղք և կոյրք և
խուլք և անգեղեայք սոսկալիք. և ասպ յանկարծակի
անդանօր յալն արկանիցեն ողջոյն զամբողջութիւն ան-
դամոցն, զքաջողջութիւն զգայարանացն, զառոյդութիւն
իրանացն, զգեղեցկութիւն բոլոր անձին: Օ խաբդ նոր
և չքնաղ երևեսցի նոցա լուսարձակ զօրութիւն անդա-
մոցն. յորժամ ուր և զիմեալք երթիցեն, հետս լուսոյ
զկնի գործեսցեն, և ստուեր ոչ ևս արկանիցեն մարմնք:
Օ խաբդ նոր և չքնաղ բնութիւն մարմնոյն անտեղի-
տալի սայրից սլաքաց, 'ի սուսերաց և յամենայն զինուց
անխոց: Օ որ բերկրութիւն ոչ բերկրեսցին, յորժամ
ընդ օդս թէթևս իբրև ընդ հաստատուն երկիր ան-
մարմնապէս կացեալ յայսկոյս յայնկոյս թռուցեալք խոյ-
ասցին, և յակնն թօթալեւ առաքարէզս անսահմանս չա-
փեսցեն: Օ խաբդ նոր և սքանչելի մուտք և ելք մարմնոցն
այնոքիկ ընդ ամենայն թափանցիկք, իբրև զնոյլս արե-
զակնայինս ընդ բիւրեղ: Սա այս իցէ մարմինն, ստէպ
նորա հիացեալք հարցանիցեն, սա այս իցէ մարմինն,
յորում այնչափ չարարեցաք 'ի մարդկանէ, այնչափ տան-
ջեցաք ախտակրութեամբք: Այլ արդ ուր իցեն չարչա-
րանքն, ուր տապն ողետանջ, ուր ցուրտն սառնասա-
ռոյց, ուր քաղցն սովատանջ, ուր ծարաւն պապակման,
ուր հիւանդութիւնք: Վա՛րէ, անցանէն ժամանակք,
հորովին դարձ բիւրք բիւրուց. միշտ առոյգ կեամբ, յար
'ի քաջողջութեան, միշտ յանմահութեան. “ Ազորմու-
թիւնք տեառն են անսպառ այսոքիկ. ոչ մեռայց,
այլ կեցից և պատմեցից զողորմութիւնս տեառն յաւի-
տեան. զի աջ տեառն բարձր արար զիս, և աջ տեառն
արար զզօրութիւն. անձն իմ ցնծասցէ 'ի տէր յաւի-
տեան. և ամենայն ոսկերք իմ ասացեն, տէր ո՛հմա-
նիցի բեզ: ”

Լ՛հաւաստիկ ձեզ, ո՛րք իստոնեայք, զի՛նչ իցէ տեսանել զԼ՛ստուած, զի՛նչ իցէ արքայութիւն։ Վանիօն ուրեմն տարիանաց սրտի արժանի իցէ ժառանգութիւնն . զի՛նչ կարծէք, որ ցնծութիւն անպայման, որ զեղումն, որ թառանջք սիրոյն ոչ յուզեսցին ՚ի հոգի սուրբ և մաքուր յեւն իւր ՚ի մարմնոյն և ՚ի մուտն յարքայութիւն, ՚ի հանդիպման անդ երեսացն Լ՛ստուծոյ։ Ինձ թուի յայնժամ յանձառ հրճուանացն յանհնարին զմայլմանէն ոչ հանդարտել ինչ հոգւոյն, այնպէս այլ յայլմէ եղեալ՝ իբրու արտաքոյ իւր ելանել։ Ըստ որում և առ մեօք ՚ի մեծամեծ յանկարծադէպն սպտահեսցէ։

Օ որ օրինակ մայր գորովական՝ իբրու անշուշտ մեռեալ ՚ի հեռաւոր աշխարհ զսիրասուն որդին աւուրս բազումն արտասուելով, և մինչ չե ինչ զկենդանութենէն լուեալ յանկարծակի ՚ի տուն իւր ողջամբ հասեալ տեսանիցէ զնա, քանիօն կարծեսցես ՚ի սրտին զյուզել խանդից սիրոյ մօրն . . . որ անշարժ անքթիթ զառաջինն, ապա վազեալ գիրկ ընդ խառն . . . որդեակ իմ . . . որդեակ իմ . . . անկանիցի զպարանոցան . . . Լ՛յնպէս հարուստ ժամ անբարբառ, ընդ երեսս միայն հայեսցի . ընդ լեզուին խօսեսցին արտասուք, ընդ բարբառոյն խօսեսցի լուծիւնն՝ լի գորովալից խանդակաթ սիրովն։ Թէպէտ և անբաւական ևս իցէ օրինակն, սակայն և հոգին յայնժամ յընդառաջել անսահման սքանչելոյն և անբաւ բարւոյն, բնաւ իսկ հիացեալ միայն յաղբիւր անդր զիմեալ անկանիցի անսպառ սիրոյն . քանիօն ճգնեսցի ասել ինչ, և սանձեալ ՚ի զեղմանէն, բա՛րէ . միայն գոչեսցէ, Լ՛ստուած իմ, Լ՛ստուած իմ . . .։ Իսկ ապա լուծիւն . . . հիացումն . . . խանդ . . . յափշտակութիւն . . . նուաղումն . . . և բոլոր նաւաբեկութիւն յանդունդս զմայլմանն . . . Լ՛ստուած իմ, Լ՛ստուած իմ . . .։

Հայն ապա յանձառելի դրզանսն, միանգամայն և յԼ՛ստուած ընկղմեալ, միանգամայն և ՚ի միտս եկեալ, արդ տեսանեմ ես, ասէ, զնա . արդ ճանաչեմ, արդ ժառանգեմ ՚ի յաւիտեան։ Ի՛վ, քանի օրհնեալ ժամն, յորում ՚ի սրտէ դարձայ ես առ քեզ, օրհնեալ և ամենայն վայրկեանքն, յորս սիրեցի ես զքեզ Լ՛ստուած իմ։ Լ՛րդ իմանամ, քանիօն իցեն արժէք նաև կաթի արտասուաց վասն մեղացն գործեցելոց . քանիօն և կշիռն սպտառի

միոյ հացի, զոր 'ի սէր քո ջամբեցի. քանի արժեացէ և անիրաւութիւն՝ զոր [Թողի ներեցի իմոց ԹՀնամեաց, Բստուած իմ և տէր իմ, հզօրիչ իմ և պաշտպան իմ և փրկիչ իմ. "Օղորմութիւնս քո տէր յաւիտեան օրհնեցից", :

Եւ արդ աստ ո՛վ քրիստոնեայք, աստ Թողում զձեզ, և լռեմ... Թողում զձեզ 'ի բորբոք սրտին ձերոյ, 'ի խանդ սիրոյն ձերոյ առ Բստուած, 'ի յիշատակ անձառեւեացն վայելից, 'ի գիւտ գերագոյն ճմարտին, գերագոյն բարւոյն, գերագոյն սիրելւոյն. յորում միայն կատարեալ են կամք, լիացեալ սիրտն, կշտապինդ իղձն. "Երևեցայց երեսաց քոց, և յագեցայց յերևել փառաց քոց", : Յուշ ձեզ արարէք, արդարք, յոր փառս անպատումն ածեն զձեզ ձեր առաքինութիւնքդ : Յուշ ձեզ արարէք մեղաւորք, յոր փառաց անձառից զրկեն զձեզ ձերն յանցանք :

ՄԱՍՆ Բ.

Ո՛վ արքայութիւն, քանի գեղեցիկ որ անդանօր տուն բնակութեան մերոյ. քանի վայելուչ և օթեվանքն բազումք 'ի տան հօրն երկնաւորի պատրաստեալ մեզ : "Որպէս սիրելի են, երգեմ և ես ընդ սիրաբորբոք մարգարէին, որպէս սիրելի են յարկքքո տէր զօրութե", : Յիշեցի ես և նուաղեցաւ յիս հօգի իմ. ժամ մի հազար Թուի յաչս իմ, մինչև ժաման եղէց ես անդ. "Յանկայ և փափաքէ անձն իմ 'ի դաւիթս քո", : Եւ քան 'ի տունն, 'ի տանուտէր անդր աղէտք սիրոյս տոչորին. "Որպէս փափաքէ եղջերու յաղբերս ջուրց, այնպէս փափաքէ անձն իմ առ քեզ Բստուած", : Դու նպատակ առաջին իմոց տենչանաց, դու կենդրոն վերջին իմոց բերկրանաց. "Սիրտ իմ և մարմին իմ ցնծասցեն առ Բստուած կենդանի", : Եւ քանզի հօգի և մարմին անդանօր 'ի միասին կեանս Բստուած կեցցեն անմահականս, վասն այնորիկ սիրտ իմ և մարմին իմ ցնծասցեն, ասէ, առ Բստուած կենդանի :

Եղէ դուք, սիրելիք իմ, հրահանգ 'ի սրբոյն առէք 'ի

Վաւթայ զեռանդուն տարիմանն 'ի տեսանել զԼստուած : Վիտացէք իսկ քաջ զի և զհովացեալ ցանկութեան տեսութեանն Լստուծոյ զտոյժսն մեծապէս տուժեսցուք մեք 'ի հուր մաքրութեան մերոյ նախ քան զմուտն յարքայութիւն : Վանդի զիւրդ կիրք զժպատեհ և ապաշնորհ չիցեն այս հոգւոյս մերոյ, որ ժառանգքս եմք երկնաւոր հօրն գերահրաշ փառաց . և ոչ անդուլ յոգւոց հանիցեմք 'ի պանդխտութեանս 'ի հայրենի ժառանգութիւն . “ 1) այ է ինձ, ասէ, զի ընդ երկար եղև պանդխտութիւն իմ, և դարձեալ “ Յանկամ, ասէ, ելանել 'ի մարմնոյս և մտանել առ Լստուած ” :

Եւ ահա այս հովութիւն մեր վասն երկնից, քաջ միտ զիք, այս հովութիւն ծնանի 'ի մեզ զսէր զժպատեհ զաղցաւոր կենացս այսորիկ, զահ տարապայման երկիւղին զմահուն, զաւելորդ և զճգճիմ հոգ զքաջողութեան ապականացու մարմնոյս, և ջան սնոտիալատակ զանձնդիւրութեան և զվայելից կենցաղոյս, լուցկիք և ճարակք հրոյն մաքրութեան : 1) այսպիսի ոք էր Վաւթ յորժամ ասէր . “ Յանկայ և փախաքէ և նուաղի անձն իմ ” : 1) ուացեալ էր զերկիր 'ի ցանկութենէ երկնից . յաիշտակեալ կեալ յԼստուած, մեռեալ էր աշխարհի . “ Լուաղեցաւ յիս հոգի իմ ”, ասէ : Վիտէք իսկ, զի որ միանգամ նուաղի, անկանի յոտնկեւեացն, և չզգայ և ոչ ինչ . նուաղէր Վաւթ և չզգայր և ոչ ինչ՝ բաց յԼստուծոյ . “ Յանկամ և փախաքիմ, ասէ . երբ եկից երեւցայց երեսացդ Լստուծոյ . զայս որպէս յիշէի, ասէ, նուաղէր յիս հոգի իմ . քաջալերէի զի մտից ընդ յարկաւ սքանչեւեաց տանն Լստուծոյ ” :

Եւ զիւրդ արդեօք, հարցանիցէ ոք, այր թաղաւոր յայնչափ ծուփս կենցաղականս միշտ վառ և բորբոք զսիրտ իւր ունէր առ Լստուած . զիւրդ արդեօք : — Որպէս թռչունք, ասէ, վասն ձաղուցն 'ի խնդիր ելանեն բունոյ, անդ պահել զնոսա և տածել, մինչև կազգուրեսցին, մինչև բուսցին փետուրքն, աուցեն թևս, թռուիցեն ընդ օդս . “ Վանդի ճնճղուկ, ասէ, եգիտ իւր տուն և տատրակ զբոյն՝ ուր գիցէ զձագս իւր . այլ ինձ, ասէ, սեղան քո տէր զօրութեանց, թաղաւոր իմ և Լս

տուած իմ, : Սեղան քո է իմ բոյն և իմ տուն : (1) Կէպէտ
 և չեմ տակաւին 'ի յերկինս ընդ Մատուծոյ, սակայն կամ
 ես միշտ ընդ Մատուծոյ 'ի տաճարի նորա . անդանօր առ
 պատուանդանի սեղանոյն առնեմ զբոյն իմ . անդ ժողո-
 վեմ զիս 'ի տուէ, անդ կանխեմ 'ի գիշերաց, անդանօր
 առաւել մերձ կամ Մատուծոյ իմոյ . անդանօր լսեմ
 զձայնն . անդանօր սիրեմ խնդրուածս, մաղթեմ շնոր-
 հըս, ակն ունիմ ողորմութեան նորա . անդանօր ես հան-
 դերձեմ պատրաստեմ ինձ փետուրս, առնում թևս,
 պարզիմ 'ի թռիչս, յորժամ ինձ մահն ձայն աւետեաց
 տացէ վերաթևել 'ի յերկինս : Որ զիսն խնդրէ, գիտէ
 զբոյն իմ, անդ զիս գտանիցէ . զի թէպէտ և երբէք ե-
 լանեմ ես անտի կամ իբրև կենակից ճնճղուկ 'ի պէտս
 հասարակաց, 'ի դործս, 'ի զբաղանս արբունի պաշտա-
 մանս, կամ 'ի հոգս առտնին պիտառութեանս իբրու
 զընդելականն տատրակ . այլ ելանեմ, զի անդրէն դար-
 ձայց 'ի նոյն . և անդ միշտ՝ ուր է բոյնն իմ՝ զսիրտն ու-
 նիմ . “ Սեղան քո տէր զօրութեանց ”, անդ է իմ բոյն
 և տուն : Օպսօրինակ ահա ես միշտ կամ ընդ Մ-
 տուծոյ :

Եւ արդ մեք քրիստոնեայք քանի առաւել քաղցրա-
 գոյնս և զիւրազոյնս յաջողիցիմք շինել մեզ բոյնս 'ի
 ներքս յեկեղեցիս Մատուծոյ մերոյ, 'ի սեղանս և 'ի
 խորանս սրբութեան նորա, ուր հաւատովք երկիր պա-
 դանեմք թագաւորին մերոյ Վրիստոսի Մատուծոյ յառ-
 տուածահրաշխորհրդեան . քանի առաւել սրտեռանդն
 կարեմք մեք ասել առ Մատուած . ընդունող իմ ես դու
 Մատուած, հայեաց յերեսս Վրիստոսին քոյ : Վրան-
 զի և անշուշտ քրիստոնեայ եկեղեցասէր՝ որ ստեպ հե-
 տեի 'ի տունս Մատուծոյ, և յաճախէ 'ի սեղանս սրբու-
 թեան, այնպիսին մեծի հասեալ է շնորհի . քանզի տա-
 կաւ տակաւ ընտելանայ ընդ Մատուծոյ, և զտուն նորա իւր
 առնէ . և օր ըստ օրէ առաւել քաղցրացեալ յեկեղեցի,
 բերկրի դեղերել ընդ Մատուծոյ . աստի 'ի նմա ծնանի
 երկիւղ սուրբ, զի մի երբէք ուժասցի 'ի նմանէ մեղօք,
 աստի մշտափափաք իղձ սրտին թարթափել 'ի վայրն,
 ուր յորդէ եռանդն առ Մատուած, զի մի երբէք որոշեսցի
 'ի սիրելոյն . “ Երանի, ասէ, ամենեցուն, որ բնակեալ
 են 'ի տան տեառն ” :

Վրանգի և արանց աստուածապաշտից և երկիւղա-
ծաց չիք ինչ սիրելիք խելթ մտաց առաւել ոգետանջ,
քան զմտաւ ածել նոցա միանգամ, եթէ ցորչափ կեան,
կարեն մեղանչել, և ըստ նմանէն՝ օտարանալ յԱստու-
ծոյ : Ուստի և ցանգ սիրովն Աստուծոյ միան կանխե-
լոյ մահուն ՚ի շնորհս, զի մի թերեւս վտանգեսցին ինչ
կորուսանել զԱստուած :

Ո՛վ քանի ճշմարտութեամբ և քանի փափաքանօր
ասէր ոմն ՚ի սրբոցն, եթէ “Ի ժամէ աստի յայսմանէ
կենացս՝ համբուրեմ ես զձեռնն, յորմէ ակն ունիմ հա-
նելոյ զհոգի իմ՝ ՚ի մարմնոյս” : Արդ երանեալ է այր
որ բնակէ աստէն ՚ի տան տեառն ընտելացեալ ընդ
նմա, և օրհնեալ ՚ի նմանէ. զի և յաւուր միում անշուշտ
վերառցի նա ՚ի հովտէս պանդխտութեան ՚ի յաւիտե-
նական տունն . “Երանեալ է, ասէ, այր՝ որոյ օգնու-
թիւն իւր ՚ի քէն է . ելս եդ ՚ի մտի իւրում՝ ՚ի հովտէս
տրտմութեան ՚ի տեղւոյ, յորում ուխտեաց . զօրհնու-
թիւն ստացի որ զօրէնս դնէ . գնացէ նա ՚ի զօրու-
թենէ ՚ի զօրութիւն և երևեսցի Աստուած հրեշտակաց
՚ի Սիոն” : Վրանիօն իցէ երանութիւն առն, որ իբրև
՚ի զօրութենէ ՚ի զօրութիւն այնպէս գնացէ ՚ի ճանա-
պարհի կենացս յաղթանակ ՚ի վերայ առօրէիցս կանգ-
նելով . ոչ գլեսցէ, ոչ կասեսցի ՚ի ճանապահայն, ոչ քա-
րընդոտն ինչ յերկրաւորաց աստի, ոչ հրապոյր յաղցա-
ւորացս երբեք զրթեսցէ նմա :

Արդէն իսկ զբերկրանաց աշխարհի, զսպտուոյ փա-
ռաց, և զմթերից ոսկւոյ և զամբարտաւանութեան առ-
տի կենաց զփորձն առեալ է իմ, ասէ Վաւիթ ՚ի նմին
սաղմոսի, քաջիկ գիտացի զամենայն, ճգրիտ ծանեայ
զաշխարհ : Արքայս աւագիկ կրկին պսակաց վկայու-
թիւն դնեմ, զի առաւել սիրելի է ինձ անդանօր յեր-
կինս լինել վերջին, քան յերկրի աստ առաջին . անդաւ-
նօր առաւել առ սեամնն կալ, քան աստէն ՚ի գահոյս .
անդանօր մի օր առաւել ՚ի տեսանել զԱստուած, քան
աստէն հազարս ամաց վայելել յաշխարհի . “Բնորե-
ցի ես, ասէ, ընդ աղբ գալ, այս է ընդ անարգս և ընդ
վերջինս ՚ի տանն Աստուծոյ, առաւել քան բնականալ ՚ի
յարկս մեղաւորաց . վասն զի լաւ է ինձ մի օր ՚ի գաւիթս
քո քան զհազարս” : Օ՛րն իցէ մի օրն, և զինչ հա-

զարն : Հարց դու զայն յաստուածիմաստն Մփառաբանս , և ուսուսցե՛ք եզ : Եւթէ հրեշտակ յՄփառածոյ ,
ասէ , եկեալ առ քեզ ո՛վ մարդ , դիցէ առաջի քո հազար
ամս բազմաչարչար ապաշխարութեան , և փոխարէն զմի
միայն օր զտեսութեանն Մփառածոյ , պարտ է քեզ ամե-
նայն իմաստութեամբ ընտրել զհազարն . այնչափ զե-
րահրաշ , այնչափ անճառելի է միօրեայ տեսութիւնն :

Եւ արդ վայր մի ուշիմ լեր , քրիստոնեայ : Ո՞ր
քեզ հազար ամս առաջի եդ ապաշխարութեան , և օր
մի զտեսութեանն Մփառածոյ . ոչ ահա տեսութիւն Մփ-
առածոյ առաջի ընծայեմք քեզ յաւերժական 'ի փառս
յաւիտենականս , և ապաշխարութիւն քեզ զսակաւուց
աւուրց : Եւ դու աստուածայինդ Պաւղոս , եկ իմաստ-
նացո զմեզ լուսաւորութեամբ քո . “ Ոչ են , ասէ , ար-
ժանի չարչարանք ժամանակիս հանդերձելոցն փառաց
որ յայտնելոց են 'ի մեզ . և զի առ ժամայն յաճախու-
թիւն թեթեւ նեղութեանս մերում ” ի յաւիտենականն
առաւելութիւն զմեծութիւն փառացն գործէ 'ի մեզ .
զոր ակն ոչ ետես , և ունկն ոչ լուաւ , և 'ի սիրտ մար-
դոյ ոչ անկաւ , զայն պատրաստեաց Մփառած սիրելեաց
իւրոց , : Եւ արդ ասա ինձ յանցուցեալդ դու քրիստո-
նեայ , պէտք ինչ իցեն առաւել քան զմի վայրկեան ժա-
մու առ 'ի դառնալ քեզ առ Մփառած կատարեալ զրդշ-
մամբդ . քանի՞ քայլս ոտից հասանիցէ քեզ յոգնել
գնալ առ քահանայ որ Մփառածոյ 'ի խոստովանել , և ա-
սել եթէ հայր զփրկութիւն հոգւոյս իմ խնդրեմես . ցոյց
ինձ օր և ժամանակ և եղանակ 'ի սրբութիւն հոգւոյս :
Եւրդ առ իմէ՞ քեզ այդ դանդաղելդ և յերկարաձգել ,
և կալ մնալ օտարացեալ յՄփառածոյ : Հապա դու ա-
րի՞ , քաջալերեաց յանցաւոր հոգի . դարձ առ Մփառած .
նա աւանիկ քեզ սպասեալ մնայ առ դուրս արքայու-
թեան , նա աւանիկ և բացեալ իսկ է զդուռնն՝ առնուլ
մուծանել զքեզ , միայն դու կամեաց : Բաւ 'ի քէն ,
մի երկիցես երկիւղ մնոտի . քաւ 'ի քէն , մի յուսահատ
լացցես . “ Մհաւասիկ , ասէ , զողորմութիւն և զճշ-
մարտութիւն սիրէ տէր Մփառած մեր , : Զիք մեղք ,
որում ոչ ներեսցէ , քանզի գթած է . չիք շնորհք
զոր ոչ տացէ , քանզի հաւատարիմ է : Մհաւասիկ 'ի
նոյն յաւելեալ սաղմոսին , “ Օ շնորհս և զփառս , ա-

սէ, տացէ Մտուած . տէր ոչ պակաս առնիցէ զողորմութիւն իւր յայնցանէ, որ զնան յանբծութեան , Սիւսիս յուսա 'ի տէր, և լիցիս զու երանեալ յուսովն . “Տէր Մտուած զօրութեանց, ասէ, երանեալ է այր որ յուսայ 'ի քեզ , Օայս 'ի վերջէ ասէ Ղաւիթ, և զսաղմոս իւր զայս զհրաշալիս կնքէ :

Օսոյն սաղմոս նշանաւոր որ 'ի կարգին է ութսնէրորդ երրորդ, վերծանեցէք զուք ստէպ, նաև 'ի բերան ևս սերտեցէք . սրտառուչ յոյժ է, և 'ի կարճոյ վճարէ . արգասիս 'ի նմանէ առատ կթեսցիք հոգւոց ձերոց : Եւ յորժամ զակն ձեր միանգամ 'ի վեր յառեալ տեսանէք զերկինս պայծառ և զաստեղաց զպարսն, ստէպ յոգւոց հանէք . “ Սրպէս սիրելի են յարկք քո տէր զօրութեանց, ցանկայ և փափաքէ անձն իմ 'ի գաւիթս քո , Օսոյն սաղմոս յուրախութեանց ձեր աւուրս և 'ի պէս պէս բերկրանաց յուշ անձին ածէք 'ի զգաստութիւն, և ասացէք, “ Եւ է ինձ մի օր 'ի գաւիթս քո, քան զհաղարս բնականալ 'ի յարկս մեղաւորաց , Եւ և 'ի վիշտս մեր և յանձկութիւնս, և 'ի նեղութիւնս պէս պէս կենցաղոյս, զսոյն սաղմոս դարձեալ յուշ ածէք անձանց 'ի քաջալերութիւն . “ Եւ եղ, ասէ, 'ի հովտէս տրտմութեան 'ի տեղոջ՝ յորում ուխտեաց, մինչև երևեսցի Մտուած , Եւ քէ, սիրելիք, յորժամ զնորհ զայն զմեծ՝ որպէս յուսամք աներկմիտ հաւատով տացէ մեզ Մտուած, զի առ հասարակ մեք ցնծութեամբ երևեսցուք միմեանց անդանօր 'ի տեսանել զՄտուած, քանի բերկրանօք յիշեսցուք մեք յայնժամ զայս քարոզ և զսոյն սաղմոս :

ՔԵՐՈՋ, ԼՋ.

ՍԷՐ ԱՍՏՈՒԾՈՅ

“ Սիրեցես զտէր Աստուած քո յամենայն սրտե քումմե ,
յամենայն անձնե քումմե , յամենայն զօրութենե քումմե ,
և յամենայն մտաց քոց , :

Լթէ սիրոյ առարկայն է բարին , և զինչ պէտք
էին բանից կամ յորդորակի քարոզել 'ի սիրել զամենա-
բարին . բայց թէ նիւթ միայն և ճարակ մի 'ի բոց սի-
րոյն յաւելլու 'ի սիրտ : Զայն յասպարէզ կարդայր եր-
բեմն աստուածայինն Լգոստինոս . ո՞րք , ասէ , սրանաւ
գոյն առաւել և յստակատես առաւել իցէ 'ի մարդիկ ,
եկեսցէ կացցէ յանդիման . կորովի բբօք աննկատոյց լիցի
յերեսս Լստուծոյ , եթէ ինչ մի 'ի դժպատեհիցն աննար-
կեսցէ 'ի նմա , դադարեսցի 'ի սիրելոյ . “ Լթէ արատ
մի միայն կամ բիծ մի , ասէ , գտանիցեմք 'ի նմա , մի
սիրեսցուք զնա , : Լթէ անսկիզբն է ծագումն նորա ,
և ո՞րք առաւել ազնուագոյն կայցէ քան զնա . եթէ ան-
փոփոխ է 'ի սէրն , և ո՞րք առաւել հաստատուն իցէ
քան զնա . եթէ անվայրափակ է , և ո՞րք ամենայն ու-
րեք մերձ կայցէ առաւել քան զնա : Ուրանօր դու ար-
տաքոյ նորա գտանիցես միտս առաւել լայնասահման ,
ձեռս առաւել ընդարձակատարր , մեծազօր բազուկ ա-
ռաւել կորովի : Յո՞ւ այլ որ աննարկեսցես երբէք մեծ
վայելչութիւն անզուգական առանց պերճութեան . գե-
ղեցկութիւն անչափ՝ առանց գոռոզութեան . բարերա-
րութիւն անսպառ առանց շահախնդրութեան . հա-
րըստութիւն ամբաւ առանց հպարտութեան : Օ՞րինչ ևս
այլ կամիցիս լսել . նա է Լստուած . “ Լս եմ , ասէ , որ էն , :

Բայ թերևս կորոյս ինչ 'ի մեծ վայելչութենէն, յաւելոյր 'ի բանան աստուածայինն Բզոստինոս, յորժամ որորմութեամբ խոնարհեցաւ յերկնից հաւասարակից լինել ընդ մարդկան. « Բրդեօք, ասէ, անհաճոյ ինչ երևեցաւ արծաթասիրացն, զի ոչ ոսկեղէն զգեցաւ մարմին. արդեօք անհաճոյ ինչ գտաւ ամբարտաւանիցն, զի այնպէս համբերութեամբ տարաւ նախատանայն », : Կարձեալ, « Բնհաճոյացաւ ինչ արդեօք փափկասիրացն, զի այնպէս տուայտեցաւ 'ի տանջանս. կամ թէ չեղև ինչ ընդունելի վատասրտացն, զի խոնարհեալ 'ի մահ զանձն մատնեաց », : Բրդ եթէ զայդոսիկ խորհիւ անմտութիւն է, ասացէք ինձ ուրեմն ճգրիտ : Կա որ միայն է արժանի սիրոյ ձերում, և ընդէր ոչ սիրէք. և եթէ զնա ոչ սիրէք, զիսորդ իցէ նա միայն արժանին սիրոյ : Բսիցէք թերևս, եթէ յոչ սիրելն ձեր զԲստուած՝ հրաժարեալ է ձեր 'ի սիրելոյ և զայլ ինչ արտաքոյ նորա : — Ս'ա՛յ, այդ իցէ ապաստանն. սիրտ ուրեմն գազանաց է ձերդ և ոչ մարդոյ. սիրտ վայրագ, սիրտ անդատին 'ի ծնէ անընդունակ 'ի սիրել : Սակայն վայրապար են բանքն, զիտէք իսկ դուք քաջ, և գիտէ Բստուած առաւել քան զամենեւին. զի յայդ սիրտ ձեր ուծացեալ յարարէն՝ արդէն իսկ կանուխ մտեալ գրաւեալ վայելէն արարածք : Ս'ան որոյ և ինքն արդար նախանձու 'ի սրտմտութիւն բերեալ, հարցումն առնէ և զձեր կողմն ճգնէ տալ պատասխանի : Բռաջին եթէ ընդէր չսիրիցէք զնա : Երկրորդ անգամ՝ ընդէր սիրիցէք դուք զարարածս խոնարհողոյնս յանբաւս քան զնա, և նուազ արժանիս յանբաւս քան զնա :

ՄԱՍԿ Ա.

Բայ է աւագիկ, եղբարք, բաւիղ ահագին, անել : Եւ ես ահա սպասեալ կամ ձեզ 'ի զնին. զոր թել բաւական փաստի 'ի ձեռին կալեալ, անձնապուր ելջիք դուք 'ի բաւղէ աստի : Հայա, փորձ զամենայն փորձեցէք, թերևս 'ի վերջէ անճողոպրելի մնալդ ձեր 'ի չքմեղս հանցէ զձեզ : Տուք պատասխանի. կամ ես ա-

ւասիկ 'ի լսել : Աէրն Մատուծոյ , ասէք դուք , սէրն Մատուծոյ անդէն 'ի յուշ ածենն միանգամ , այո , իղձ իմն վառեալ տնկակից սրտի մարդոյ զարթուցանէ 'ի սիրտ . բայց որ վայրիկ մի խորամուխ զննէ զայն սէր 'ի դըժուարին յայն պահանջն զոր պահանջէ նա , 'ի մեծաւ մեծ յայն պարտսն՝ զոր 'ի վերայ դնէ , անընդել յոյժ գտանէ զնա 'ի գործ անդր , որչափ ինչ չերեցաւ նմա զառաջինն : Վանդի այս սէր՝ է սէր տիրող իշխանական և մարտ եղեալ ընդոտնէ 'ի մարդումն զամենայն իսկ զարթմունս կրիցն : Մյս սէր ոչ իբրու զմարդկայինն գեղեցիկ արասյայտութեամբ շրթանցն շատանայ կամ հեշտանայ . այս սէր ոչ կամի զբանս , խնդրէ զգործ . խնդրէ զկատարեալ պահանջութիւն օրինացն , և զայն 'ի շնորհս օրէնսդրին , որ աներևոյթ կայ 'ի մէնջ . և զայն 'ի մարդոյ որ միշտ 'ի զգայութեանց առաջնորդեալ է և միշտ զհետ երևելէացս զակատեալ է : Մրդ զինչ բռնագոյն առաւել մարդկայնոյս բնութեան , որ ողջոյն հակամիտեալ է 'ի սէր այնմ զոր տեսանէ , և սակայն ցանգ պարտիցի սիրել զայն զոր ոչն տեսանէ : Շատ է , շատ . լուայ զամենայն . ձեր դժուարութիւնդ որպէս ծանեայ յերկուս ամիովեալ կայ յիմաստս . մին հայի յառարկայ անդր , այս է եթէ զՄատուծոյ ոչ տեսանէք . միւսն յենթակայ անդր , այս է եթէ 'ի տեսանելին հակամիտեալ է ձեր : Ակիզքն արասցուք յառաջնոյն :

Այ տեսանէք զՄատուծոյ . թող այնպէս լիցի առ ժամն . սէր նորա ուրեմն բռնական իցէ բնութեանս որ 'ի զգայութեանցն առաջնորդի : Սուտ է և ամենասուտ , բողոք հարկանէ աստուածիմաստն Մգոստինոս . “ Վովէն , ասէ , զմարդ . և 'ի բացակայութեանն սիրեն զմարդ , յորժամ գիտեն զի անսուտ և անխաբ է բերան գովչին որ բարեհամբաւէ զնա , ” : Վարձեալ , բանի արանց հոյակապից զիղձն վառէ 'ի մեզ ոչ ներկայութիւն դիմաց նոցա , այլ գիտութիւն գործոցն նոցա : Վանիօն է մեր հիացումն ընդ նահատակութիւնս սուտս ստոց դիւցազանց բանաստեղծիցն , և քանի՞ ողբակցութիւն մեր ընդ աղէտս նոցա ստայօղեալս յողբերգակ քերթողաց :

Մյլ աստուածիմաստն նոյն այր նրբագոյն ևս յաւե-

լեալ 'ի բանսն , “ Եւ մանաւանդ , ասէ , որ ինչ անե-
րեցիք է աչաց , զայն առաւել սիրեմք : Բանդի յայտ
է , զի առաւել սիրեմք զներքին մարդն , քան զարտա-
քինն : ” Եւ ահա յընդհանուրս առաւել ակն ածեն մար-
դիկ բարեմասնութեանց հոգւոյն որ ծածկեալ կան , քան
ձրից մարմնոյն . առաւել յարգեն զկորուլութիւն մտացն
քան զզօրութիւն բազկին . առաւել զգեղեցիկ խելսն
քան զգեղեցիկ դէմսն , առաւել զսիրտն բարեյօժար քան
զձեռն փայփայիչ : “ Եւ յայտ է ուրեմն , եթէ քան զար-
տաքինն , զներքին մարդն առաւել սիրեմք : ” Եւ ինչ
ասա , աղէ ասացէք , զինչ իցեն քանքարտանքդ , եթէ
Եստուած մեր աներեւոյթ է , յորժամ դուք 'ի մէջ ե-
րեւելեացդ զնուազ երեւելին առաւել սիրէք :

Եւ լաւաւ , չէ ճմարիտ եթէ ոչ տեսանեմք զԵս-
տուած , բաւ : Եւ իսկ ինձ կեղծեցէք , որ բազում ան-
գամ պատահէ : Եւ զի մի յարբուս հասեալ , որ երբէք
զերեսս հօր իւրոյ չիցէ տեսեալ , այն որ 'ի հայրենեացն
այլուր մեկնեալ իցէ 'ի տղայութեան որդւոյն 'ի խանձա-
րուրս . այլ անդուստ հայրն յուշ ածեալ հանապազ զոր
դին եթէ սիրալիր նամակօքն իցէ , եթէ պարգևօք ըն-
ծայից , եթէ արծաթով , գգուեսցէ զնա 'ի հեռաստա-
նէ . և առ հասարակ 'ի գիտողացն հարցեալ զողջունէ
որդւոյն , զցայգ և զցերեկ զբաղցր անուն զսիրեցելոյ
զաւակին 'ի բերան ունիցի : Եւ զի ասացէք ինձ աղա-
չեմ , մարթ ինչ իցէ որդւոյն , ճշեւ զարտասուսն առ
'ի զթոյն , քանիցս անգամ զակն արկեալ 'ի գրաւա-
կանսն հայրենի սիրոյն , հայեսցի 'ի նամակսն , յըն-
ծայսն , յարծաթն : Եւ եթէ ոք զարտասուալից զաչսն
տեսեալ զորդւոյն , զի քեզ , ասասցէ , զի այդչափ ըղ-
ձակերտ լինել քեզ 'ի հայր մի , զոր բնաւ չէ բո տե-
սեալ : Եւ , բաբէ , և զիմորդ , կրկնեսցէ երախտագէտ
որդին , զիմորդ հնար իցէ չտեսանել զնա յայն ամենայն
զոր առ իս ցուցանէ : Եւ նորա սիրտն տեսանեմ ես 'ի
զրիչն նորա , զնորա ձեռն տեսանեմ 'ի շարափծածս նո-
րա , յընծայս պարգեաց նորա , յարծաթն նորա . առէք
բարեկամք ընթերցարուք միանգամ զոր առ իս գրէ ,
հայեցարուք զոր ինձն առաքէ . և ասա ասացէք ինձ ,
իցէ երբէք հնարաւոր 'ի գործել այլ ճշգրիտ կենդանա-
գիր զբազմադուր և զանձկալի հօր :

Եւ արդ, վա՛շ. այսպէս ուրեմն լինի տեսանել զսէր երկրաւոր, և միայն առ Մատուած խաւարաւ մթազնին տեսանելիք. զի և ոչ հետք անգամ նշմարին նորա առ 'ի տեսանել զնա. "՝ Ժովու են ճանապարհք քո, ասէր և լայր աստուածային մարգարէն, 'ի ծովու են ճա նապարհք քո, և շաւիղք քո 'ի Զուրս բազումս, և հետք քո ոչ երևին, " :

Հապա քրիստոնեայք ցուցէք ինձ օր մի, ժամ մի, յորում զշարագծածս սիրոյ իւրոյ ոչ առաքեսցէ ձեզ Մատուած 'ի միսիթարութիւն, և կամ պարգևօք իւրովք ոչ զգուեսցէ զձեզ : Մացէք ինձ, ո՞ ստեղծ զձեզ, ո՞ տա ծէ, ո՞ սնուցանէ, ո՞ յակաստանի պահէ զձեզ, ո՞ խնամ տանի զձեր, զգաւակացդ, զգերդաստանին. "՝ ի՞նչ է ոչ հայր մի ամենեցուն, հարցանէ Սաղաքիաս, մի՞թէ ոչ հայր մի ամենեցուն, մի՞թէ ոչ մի Մատուած ստեղծ և ծնաւ զմեզ, " : Եւ ապա յայսչափ բազմադէմ օրինակս և 'ի տիպս բարերարութեանցն տակաւին չնշմարէք զՄատուած, զբազմազեղ և զբազմազուծ հայրն : Զտեսանէք զսիրտն, զձեռնն 'ի հայրական խնամսն նորա. մի՞թէ ոչ հայր մի ամենեցուն ծնաւ զմեզ : Եւ արդ եթէ այնչափ երևելի է հայրութիւն նորա, զիմորդ ապա մարթիցէ աներևոյթ ասել զՄատուած : — Ո՞չ տեսանէք զՄատուած : Եւ զիմորդ կայցեն բանքդ ձեր այդ, յոր ժամ դուք ինքնին ասացէք ինձ բազում անգամ, եթէ տեսեալ է ձեր զնա. այո քրիստոնեայք, դուք ինքնին ասացէք զայդ. 'ի ձէնջ լուեալ է իմ 'ի ձէնջ գիտեմ զայն : Երբք դուք ինձ զննեցէք պատահար մի : Հուր աւասիկ վառեցաւ 'ի սրտմտութեան բարկութեանն Մատուծոյ ընդդէմ առն այնորիկ մեղաւորի և ամբարըշտի, և ինդրեաց 'ի սպառ աւար հարկանել ողջոյն զտուն նորա զփարելին յանդիման աչաց նորա. սրածութիւն և մահունս առաքեաց նմա 'ի քաղաքի, մրրիկ դիւաշունչ յանգս նորա 'ի դաշտի, նաւաբեկութիւնս ահա գինս վաճառաց նորա 'ի ծովու. զսերմանիսն յաղարտ վարեաց, զհունձսն 'ի հուր դատեաց, զծառսն արմատաքի խլեաց, զօրթսն և զայգիս յապականութիւն կարգեաց : Իսկ ապա յետ այսր ամենայնի ամբարիշտն այն այր յափշտութեան իւրում բանայ զաչսն, և ընդ Փաւլոնեանցն զարհուրեալ ասէ. "՝ Եստն Մատուծոյ է

սա „ . քանզի տեսանէ, յայնժամ ակներև զձեռն Մտուծոյ . անդուստ և բարեկամք առ հասարակ , ընտանիք առ հասարակ յապշութիւն պարտեալք զնոյն աւեն . զնոյն և դրացիք առ հասարակ և թաղն ողջոյն քաղաքին զնոյն կրկնեն . “ Սառն Մտուծոյ է սա „ . և իւրաքանչիւր 'ի ձէնջ տեսանէ յայնժամ զձեռն Մտուծոյ : Բարէ . զինչ է բանդ . զինչ գործէք քրիստոնեայք . տեսանել ձեր ուրեմն զձեռն Մտուծոյ , որ բառնայ , և ոչ տեսանել զձեռնն որ տայ . տեսանել զնա , յորժամ հարուածէ , և ոչ տեսանել զնա , յորժամ փայլալայէ : Տեսանէք դուք զձեռնն , և խորշիք իբրու 'ի թշնամոյ , և ոչ տեսանէք զձեռնն մօտել համբուրել իբրու զբարերարի : Գէթ այնչափ իցեն ձեր աչք 'ի տեսանել զնա 'ի գութ սրտին ձերոյ , որչափ են 'ի տեսանել զհրազինեալ ձեռնն նորա :

Եւ արդ աղէ համարեաց դու , եթէ անդ 'ի սկզբան արարչագործութեանն Մտուծոյ կացեալ էր որ առնութիւն արարչին 'ի պահուն՝ յորում առնէր նա զաշխարհ , յորժամ զուարճացեալ էր Մտուած զտիեզերս բովանդակել . և հիացեալ ընդ չքնաղ տուն բնակութեան աշխարհի զոր պատրաստէր Մտուած , հարցանէր դիտել Մտուծոյ , ո՞ արդեօք եղիցի բնակիչ այսչափ հոյակապ տանն . “ Տէր ո՞վ կացցէ 'ի խորանի աստ կամ ո՞ բնակեսցէ 'ի սմա „ . և լուեալ եթէ մարդ , գոչեսցէ . բարէ , մարդ բնակիչ սորա հանդերձեալ է լինել , զորոյ այսչափ զարդարես զտունն , և այսչափ չքնաղ զյարկս նորա . զինչ ուրեմն ասասցէ այն մարդ՝ յորժամ 'ի դոյածեալ 'ի քէն , մտցէ բնակեսցէ 'ի տուն իւր յայս . զինչ արդեօք գործեսցեն ապա ծնունդք և զարմն մարդոյդ այդորիկ բնակեցուցեալ 'ի քէն 'ի հոյակապ յայս յարկ , առաստաղ ունելով այսչափ լուսափայլ և յատակ այսչափ սքանչելի : Ո՞վ անշուշտ 'ի թափոյ բերեալք երախտադէտ ըղձանաց սրտի , հարք և որդիք յայնժամ առ հասարակ յայսկոյս յայնկոյս ընթացցին ցանդ զկնի հետոց քոց արարչին իւրեանց . և բիւրիցս անգամ յառուրն ամբարձցեն յերկինս զձեռս իւրեանց առ քեզ . և զբազուկս իւրեանց կարկառեալ յամենայն երևելի արարածս գիրկ ընդ խառն լինիցին ընդ նոսա , իբրու փափաքեալ անձկանօք 'ի տուրսն ընդ տուողիդ գրկախառնիլ : — Պատառ

խանի տացէ Մտուած . Այդպէս , խաբիս ո՛վ դու :
Օ առաջինն յորժամ 'ի դոյ ածեալ զմարդիկդ՝ կամե-
ցայց ես փորձ մի փորձել զերախտադիտութեան նոցա ,
յանցանս ինձ ընդդէմ փոխարինեսցեն նոքա . ոչ զգու-
շասցին 'ի սէր իմ անձնապահ լինել 'ի մի միայն պտղոյն
անդամ զոր արգելուցում ես նոցա ուտել , և ստունգա-
նեսցեն պատուիրանի իմում : — Մյ անագորոյնք , այ
ուխտադրութք և ապաշնորհք : Իսկ դու ո՛վ տէր և ա-
րարիչ այդչափ սաստիկ անարգեալ 'ի նոցանէ՝ ո՞չ ինչ
ցասնուցուս անդէն 'ի պահուն զկուռ հաստուած տիե-
զերաց 'ի գլուխ դոցա կործան տապալել ողջոյն : —
Բաւ , մի լիցի , ես յայնժամ կարեկից 'ի գութ շար-
ժեալ ապաշնորհիցդ այդոցիկ , հաշտարար Զատագով
մտից նոցա փոխարէն , երաշխաւոր առ Մտուած հայրն
իմ երկնաւոր : Եւ քանզի ոչ Մտուած լոկ կարէ չար-
չարիլ , և ոչ մարդ լոկ կարէ հատուցանել և քաւել .
եղէց ես Մտուած և մարդ բնական ասանջական եր-
կաքանչիւրոցդ պաշտամանց , զգեցայց մարմին չարչարե-
լի , և յանմեղ մարմնի իմում առից զանձամբ զյանցանս
մեղանչականին :

Բայց դու լուր ինձ և զեղանակն , եթէ արդեօք
զամենայն գութ սիրոյն միանգամայն 'ի ներքս բերից
ես : Մն 'ի ըղձակերտս զիս առնել քաջազգեաց մարդ-
կան և աւագորերոյն , ծնայց ես յարքայազարմ շառաւի-
ղէ . իսկ առ 'ի սիրելի լինել ռամկին , եղայց ես յայրի
ուրեք 'ի մսուր անբանից : Իսկ փարելի առ մեծամեծս ,
ածեալ ձգեցից զարքայս առ 'ի շուք որորանին իմոյ : Իսկ
առ 'ի զիջանել խոնարհել առ փոքրկունս , կացից մանուկ
'ի մէջ հովուացն դասուց : Եւ քանիպատիկ 'ի կերպա-
րանս կերպարանս գիտիցէ փոխել զանձն ոք 'ի սիրողաց ,
կամիմ զամենայն միանգամայն յանձն իմ զբաւականել .
ընդ նժդէհս և ընդ պանդուխտս փախստեայ գնացից ես
յԱզիպտոս . ընդ արուեստադիտացն վաստակեցայց ես
քրտնաբեկ 'ի գործատան հիւսան . ընդ ձկնորսսն թար-
թափեցայց 'ի յորսս ձկանց , ընդ մուրիկս 'ի մոյրն . 'ի
շնորհս գիտնոցն իմաստնոց բացից ես դպրոց 'ի տա-
ճարին . և վասն դռեհկացն և անուսից նստեալ դաս
տաց 'ի լերին . և ուր ուրեք խնդրեսցեն զիս , անդր
վաղվաղակի դիմեցից յամենայն իսկ 'ի պէտս և 'ի կա-

րիս . աչք եղէց կուրաց , և ոտն կաղաց , և առաջնորդ մոլորեց : Եւ իբրեւ այսպէս ընդ մարդկան շրջեցայց յերկրի կեանս վարեալ զամս երեսուն և երիս , բարի առնելով ամենեցուն և բժշկելով զամենեսին , մատնեցից զանձն իմ չարաչար և դառն տանջանաց 'ի դուք և 'ի սէր նոցա և մեռայց ևս կախեալ զփայտէ :

Ո՛վ անձառիցն . բա՛բէ անշուշտ յայնժամ յաղիտա կեսցին մարդիկ յայնչափ գթոյն , և հիացեալք հալեսցին նոքա 'ի սէր քո : — Ե՛սա , մի և յայնժամ ակն կալցիս : Եւ իբրեւ 'ի խայծէ իմեմնէ 'ի հրապուրից աւարդ շահու ձգեալ յայնժամ , կամ թէ 'ի փայլուն օտարին գեղոյ խտողեալք , թիկունս ինձ դարձուցեն իբրեւ տմարդիս , և ուժացեալք 'ի սպառ իբրու բնաւ իսկ չճանաչել զիս : Ո՛վ Եստուած , որ հրէշք ապաշնորհք իցեն դոքա երբէք . յոր գաւառ խստաշունչ սառամանեաց , յոր երկիր , յոր աշխարհ բարբարոսաց , ընդ որով անիծեալ երկնաւ 'ի վեր բուսան մարդիկդ այդ առանց սրտի : Եւ դու մեծ Եստուած , որ այժմէն իսկ նախատես ես յառաջագիտութեամբ ամբարշտութեան դոցա և այդչափ ապառուս կրիցն , յանձն առնուցուս ստեղծանել զգոսա և փրկել ևս զնոսա այդչափ ծանրազնի : — Եւ զի է քեզ , ո՛վ դու , խոչ ընդ ոտն կալ ինձ եթէ սիրեմ ես զնոսա . զի՛նչ , կամիցին թերեւս իշխան օրինադիր լինել սիրոյն . “ Եւ 'ի սէր յաւիտենական սիրեցի և սիրեցից զնոսա ” :

Եւ դոք ասացէք ինձ քրիստոնեայք , եթէ երբէք դուք անդ պատահէիք յարարչագործութեան աւուրն առ ընթեր Եստուծոյ , 'ի խօսել և 'ի լսել յաղագս մարդկանդ այդոցիկ հրէշից , ապաշնորհից , ո՛չ իսկ և դուք ինքնին 'ի սրտմտութիւն բարկութեան բրդէիք ընդդէմ դոցա . և եթէ դոք ասէր ձեզ յայնժամ , եթէ դուք ինքնին էք ահա մարդիկդ այդոցիկ , ունին դնէիք երբէք , հաւատայիք երբէք : Եւ սակայն , բա՛բէ . ո՛վ բռնութեանս , հաւատալ անձանց ձերոց ստիպիք և ընդ անձին ոգորել , եթէ քաջ իսկ դուք էք մարդիկդ . “ Եւ ես այրն այն , դու ես այրն այն ” , գոչէր Եւթան :

Եւ այս աւաղիկ , քաջ միտ դիք , վասն այնորիկ զի այնչափ բազում մասամբք և բազում օրինակօք երեւի ձեզ Եստուած , և դուք երբէք չոգայք ինչ ամբառնալ

զաչս 'ի տեսանել զնա : (Թ)էպէտ և իղծ երախտագիտու
 [թեան չպակասէ ձեզ, սակայն պակասէ փոյ[թն . նա ոչ
 և փոյ[թն պակասէ, այլ զամենայն փոյ[թ դուք առ մար
 դիկ 'ի գործ վարէք . յայն ոչ հայիք զի 'ի նոցա ձեռն
 ջամբէ տայ ձեզ Մտուած : Ի դէպ եկեալ հանգունա
 տիպ ապաշնորհ ումեք ծառայի, որ պարզեւ մի տեսեալ
 յանուն տեսուն իւրոյ առաքեալ առ ինքն, զամենայն
 շնորհակալիսն 'ի լրութենէ սրտի արասցէ պարզեալ
 ըին, 'ի մոռացոնս 'ի սպառ դարձուցեալ զպարզեալուն :

Եւ եթէ երբէք երախտագիտութիւն 'ի ներքս բե
 ռէք առ բարերարս 'ի մարդկանէ, ճանաչելով զձեռնն
 զբազմազեղ պարզեալուն, բազում անգամ զնոյն ցու
 ցանէք դուք առ Մտուած, որ ինչ պատահեցաւ
 Տուբի[թայ ծերոյն և Տուբիայ որդւոյն 'ի դէպս բա
 րերարին իւրեանց հրեշտակին : Վիտէք իսկ քաջ զպատ
 մութիւնն, յետ 'ի գլուխ հանելոյ Տուբիայ զերջանիկ
 ուղեորութիւնն ընդ հովանեաւ անմարմին առաջնոր
 դին, խորհուրդ հարցանէր Տուբիա ցծերունի հայրն,
 “ Հայր, զինչ վարձս տացուք առնս այսմիկ, կամ զինչ
 արժանի հատուցուք երախտեացն : ” Սա այս այր՝ իմ
 ուղեկից և առաջնորդ, զիս ողջամբ ած առ քեզ . սա
 զքոյ աչս ուլ հայր իմ եբաց . սա ինձ որդւոյդ հարսն
 պատրաստեաց, սա զարծա[թն որ մեզ պարտէր ող
 ջիկ հոգացաւ, սա և մեր կենաց զցայդ և զցերեկ յա
 մենայնի խնամկալաւ . զինչ տացուք զինչ հատուցուք
 երախտեացն : Հապա, զկէս ամենայն գոյիցն զոր բե
 րաք, առցէ դա : Սաւառնեցաւ յայնժամ անմարմինն 'ի
 գերաշխարհիկ իւր կերպարանն . (Թ)ողէք անդր 'ի բաց,
 ասէ, զբաներդ . չեն ինձ պէտք և ոչ իմիք . ես հրեշ
 տակ եմ Մտուծոյ, “ Եւ եմ Սափայէլ : Բաբէ,
 հրեշտակ . հրեշտակ արքայութեան, հրեշտակ Մտու
 ծոյ . “ Եւ խռովեցան, և յահի եղեալք անկան 'ի վերայ
 երեսաց իւրեանց յերկիր : ”

Եւ արդեթէ այսչափ խռովութիւն նոցա 'ի ճանաչել
 հրեշտակ զբարերարն իւրեանց զոր ցայն վայր մարդ
 կարծէին, ձեր քանիօն հիացումն քանիօն խանդ ոչ վա
 ռեսցին 'ի սիրտս ձեր, անդէն և անդ 'ի բանալ հաւատոյն
 զաչս մտաց 'ի ճանաչել յամենայն իսկ արարածս զծած
 կեալն 'ի նոսա զերախտիս արարչին :

Չեզ բառ և ձայն շնորհակալու սրտի չէ բառական
 յարտայայտել զձեր իղձն առ որ յիշխանաց , առ որ յա-
 տենակալաց , որ պաշտպան կացին ձեզ 'ի կարիս ձեր .
 առ որ 'ի փաստաբանից , որ քրտնեցաւ ջատագով եմուտ
 դատին ձերոյ . առ որ 'ի բժշկաց , որ խնամ տարաւ ձեզ
 և ապաքինեաց 'ի դժուարին ախտէս : Օ ինչ տաղուք
 սոցա , ասէք դուք ստէպ , զինչ հասուցուք սոցա : Բաջ
 է . եղերուք երախտագէտք , եղերուք առատատուրք . բա-
 րի է բանդ : Բայ սակայն յուշ . քաջ միտ դիք , մի փո-
 խանակէք զԲստուած ընդ մարդկան : Ոչ այլ ինչ են
 մարդիկ , բայց լոկ վեհագունին գործիք ձեռին , որ ջամ-
 բէ ձեզ միջնորդաւ նոցա : Բհաւասիկ Բստուած , որ յան-
 դիման կայ . ոչ ճանաչէք . “ Ես տէր , ասէ , ես առնեմ
 զամենայն . ես տէր , ես արարի զամենայն , ” : Ես Բս-
 տուած զսիրտ և զմիտս զիշխանին զայնորիկ , զատե-
 նակալին զայնորիկ , չրջեցի 'ի քո կողմն , 'ի քո պաշտ-
 պանութիւն : Ես Բստուած զսիրտն ամոքեցի զմեծա-
 տանն զայնորիկ վասն քո , ես ազդեցինմա թողուլ քեզ
 բաժին 'ի գոյիցն : Ես Բստուած ես բազմացուցի քեզ
 զեկամուտդ , ես էի 'ի հողմունան յայնոսիկ 'ի վարել տղ-
 ջամբ զնաւ վաճառացդ . ես յանձրեան և 'ի ցօղսն շայե-
 կանսն 'ի պտղաբերութիւն արգաւանդ անդոցդ . ես 'ի
 բարեբուն յարեգակնդ և ջեռան և հասունացան քոյին
 հունձք : Ես ոչ ինչ արարի վայրապար . ես գբեզ ինքն ու-
 նէի ուշ նպատակին իմոյ 'ի կառավարել իմում զերկինս ,
 'ի չրջել հողովել իմում զփոփոխմունս եղանակացն .
 “ Ես տէր , ես առնեմ զամենայն , ես արարի զամենայն , ” :
 Եւ արդ ձեր այդչափ առատաձեռն , այնչափ շնոր-
 հակալու առ արարածս գտեալք , զոր լիութիւն , զոր զե-
 ղումն սրտի փոխարինէք արարչին : Ո՛վ , մեծապէս են
 յանցանքս , մեծապէս է նշաւակութիւնս . և սակայն ան-
 շուշտ է ճշմարտութիւնն , եթէ Բստուած ինքնին եղև և
 է հանապաղ ընդ մեզ ինքեանս . և 'ի դէպսն և յարկածսն
 և 'ի յաջողութիւնսն ինքն ձեռն ետ , ինքն եկաց զօրա-
 վիզն , ինքն պահեաց , ինքն ապրեցոյց . և տակաւին
 չճանաչեմք զնա : Եմա հնա՞ր ինչ իցէ առաւել քան
 զայս տեսանելի երևելի լինել , և մեզ հնա՞ր իցէ առա-
 ւել քան զայս կոյրս և զաչացուս : Բնշուշտ մեծապէս
 է ամօթն :

Բայց թուի իմն առ 'ի ձէնջ ընդդէմ ինձ դնել, եթէ մեծ է տարբերութիւնն ընդ տեսութիւն արարչին և ընդ տեսութիւն արարածոյն . քանզի արարածականքս իբրու ողջոյն զգալիք ոմանք, ոչ միայն խտտղեն զաւել բնամօրքն, այլ և զսիրտն յինքեանս յանկուցանեն հրապուրիւքն . է՛ զի օգտակարան, է՛ զի բերկրականան, Իսկ զինչ բերկրական բնութեանս կամ զինչ շահ օգտի 'ի պէտս կայցէ 'ի խնդրել տեսանել զՄատուած հանապազորդեանդ այդ ձգամբք ներքին աչացն, որ խոնջեցուցանէ զմիտս և զխորհուրդս, և ոչ յանկուցանէ զիղձս : — Եւ ոչ վայրապար գլխովին իցեն բանքն, սաստիկ Լէգոստինոս . „ Ս'իթէ մարմնոյ զգայութիւնքդ, ասէ, ունիցին զիւրեանց նրբազնին տեսութիւն, և հոգին անբաժ լքեալ կայցէ յայնմանէ : Ս'իթէ պակասիցին առ Մատուած բերկրականքն, միթէ պակասիցին վարձք հատուցմանն առ որդիս իւր : Եւ զակն միանգամ, արարածք, յառեցէք յարարին, յանսահման բարութիւնն . նոյն Մատուած որ 'ի պատճառս միայն երախտեացն արարելոց բաւական էր ամենայն իրաւամբք պահանջել զսէրն մեր առ ինքն, նոյն ինքն հրաւիրակ 'ի նոյն կարգայ ձեզ նաև 'ի խայծ հանդերձելոցն վարձուց մրցանակաց :

Եւ քանզի գտանէ զմեզ սաստկազոյնս կապեալ 'ի բարիս երկրաքարչս, առաջի ընծայէ յանձառելեաց անտի վերնական բարեացն, որ քան զթիւ 'ի վեր են և քան զչափ և զսահման գերազանց . „ Երբեցին, ասէ, նոքա 'ի պարարտութենէ տան քո, և զուղիս փափկութեան քո տացես ըմպել նոցա „ :

Եւրդար է, ասիցէք ինձ, սակայն սաստիկ է բռնութիւնն ընդդէմ կամաց բնութեան թողուլ լքանել զառաջիկայ բարին, յոր վայելեն զգայութիւնքս 'ի պատճառս ապագայ բարւոյն, զոր խոստանան հաւատք մեր : — Եւ իցէ բռնութիւնն, զոր ասէք . իսկ զիմորդ ապա զոր ամենայն գործէք դուք զբռնութիւնդ : Եթէ այնչափ սաստիկ է բռնութիւնն թողուլ լքանել զառաջիկայ բարին 'ի շնորհս ակնկալեալ բարւոյն, զիմորդ ապա մշակ սերմանացան արեանէ յանդս զցորեան իւր պատուական, յուսով ակնկալեալ անստոյգ հնձոցն զինի ամսոց բազմաց : Օ իմորդ ապա և նաւաստին հատա-

նէ անցանէ ծովս այնչափ , զիտորդ և զինաւորն նաճա-
տակեալ մտանէ յայնչափ մարտս պատերազմի , առ 'ի
զբռամբ ածել (սակայն Ղստուած ինքնին միայն զիտէ
երբէք յաջողեսցի , կամ երբ արդեօք) . մին զաստիճան
աւագութեան բարձին , միւսն զճաճալաճառս զօտար
աշխարհաց :

Եւ զիտորդ ապա և դուք ո՛վ մարք 'ի զրկաց ձերոց հա-
նեալ զսիրասուն որդիս ձեր , և առեալ առաքէք 'ի հե-
ռաւոր քաղաքս և յաշխարհս , կամ 'ի պէտս վարժից
ուսմանց , կամ 'ի զիւտ ճարտարութեան արուեստից .
զի հրահանգեալ նոքա այնպէս ընկալջիք ապա յետ բազ-
մաց զնոսա առ ձեզ բարեկիրթս և զիտունս և ճար-
տարս : Ս'արթ իցէ ուրեմն քաջաւերութեամբ սրտի
հրաժեշտ տալ յառաջիկայ բարւոյն առ յոյս ակնկալու-
թեան ապագային , թէպէտ և սակաւատե իցէ , թէ-
պէտ և անստոյգ , թէպէտ և ծաղկընկէց : Իսկ արդ չի-
ցէ մարթ ժուժկալել վայր մի 'ի բերկրութեանց ինչ
ուսմպետից , 'ի շահախնդրութեանց ինչ դուզնաքէից , ան-
շուշտ զիտելով զանխաբ խոստումն զանվախճան և զան-
պատում վարձուցն առ յՂստուծոյ . ժուժկալել ընդ ամս
սակաւօրեայ կենաց մերոց վասն անանցական և անզրա-
ւական ամացն : Եւ սակայն քաջս լերուք . և ոչ այնչափ
ինչ ժուժայ դանդաղել Ղստուած . նա առաւել ինչորէ
տալ , քան եթէ դուք առնուլ , և թէպէտ ցանկացեալն
մեր այն արքայութիւն յաւերժական չէ յաստի կեանս ,
այլ 'ի հանդերձեալն , սակայն և յաստիս բազում ան-
գամ բնաւորեցաւ ամենաբարին ցօղս իմն և ճաշակս
կանուխ այժմէն զարքայութեանն զայնորիկ սրսկել 'ի
մեզ քաղցրաճաշակս և անմահականս 'ի սիրոյն իւրմէ :
'Եւ է՛ զի չե քո 'ի զլուխ հանեալ զիղձ փափաքանացդ
տալ նմա զգրաւական սիրոյդ յայն ինչ նուիրումն սրտի ,
յայն ինչ դէպս ժուժկալութեան քո , նա զիղձ միայն
փափաքանացն ընկալեալ փոխարինէ զհատուցումն : Ո՛վ
անճառ պարզեատուին :

Ի ուեալ իսկ է ձեր զմեծն զայն ողջակէզ զաբրահա-
մեան . ո՛վ ողջակէզ անհամեմատ սիրոյն առ Ղստուած :
“ Թորձեաց , ասէ , Ղստուած զՂբրահամ և ասէ . Ղ-
բրահամ , արի առ զորդիդ քո միածին , սիրելի , զոր սի-
րեցեր զԻսահակ . եւ զնա դու 'ի տանէդ յերկիր հեռի ,

և հանցես զնա ինձ անդ յողջակէզ, : Ո՛վ դժուարընդել պատգամին , ո՛վ անտանելի կրիցն : Ի սէ Լ՝բրահամ, վազէ սիրտն , մաքառի բնութիւնն , և մինչև ՚ի խորոց անտի խնդրէ փուլանել զծով խորհրդոց արդարոյն : Բայց Լ՝բրահամ անհնարին սիրէ զԼ՝ստուած ՚ի վեր քան զամենայն . անսասանելի կայ . և այն ինչ շողացուցեալ զսուրն ՚ի վերայ պարանոցի սիրելւոյն , զիղձ միայն փափաքանացն ընդունի Լ՝ստուած . շատ է ինձ քո անձուկ սիրոյն , “ Լ՝բրահամ Լ՝բրահամ, մի մխեր զձեռն քո ՚ի պատանեակդ , մի առներ նմա չար , . շատ է այդ չափ . զիտացի եթէ սիրող ես դու Լ՝ստուծոյ : Վանխօն էր յայնժամ մխիթարութիւն արդարոյն ՚ի սէրն Լ՝ստուծոյ , զի քան գորովագութ հայր՝ եկաց նա անզարհօրելի քահանայ . քանի՞ զեղումն բերկրութեան սրտին ՚ի պահել առ իւր զսուր հայրենին ՚ի յաւերժական յիշատակ Լ՝ստուծոյ ողջակիզին : Վանխօն յետ այնուրիկ և քաղցրութիւն հայրենի գթոյն , քանիցս անգամ դառնայր հայէր ՚ի սիրելին իւր Խահակ :

Վարձցուք և մեք հայեսցուք ՚ի մեզ ինքեանս . և չիցէ՞ այս բերկրութեան զեղումն ՚ի սիրտ արդարոց յամենայն իսկ ՚ի նուիրմունս վասն Լ՝ստուծոյ : Վանզի է բաղում անգամ զի և նոցա ձայն կարդայ Լ՝ստուած . “ Լ՝րի առ դու զգա , զոր սիրեցեր , և հան ինձ յողջակէզ, : Եւ մեկնեաց դու ՚ի տանէդ յայդմանէ , չնորհեա ինձ զայն ոք . հան ինձ ՚ի զոհ զպարապումնդ զայդ և զջանդ յայն ինչ դէպսն : Ի սէն արդարք զդժուարին ձայնն . դղրդի բնութիւնն , կան նոքա անսասան . Լ՝ստուած է որ հրամայէ , ժրանան ՚ի կատարել : Բաբէ երջանիկ ժրութեանն : Իսկ մինչդեռ ՚ի կատարելն կարծեն նուաղիլ ՚ի սրտի , անդէն ՚ի լաւագոյն կեանս զգան նորաստեղծեալ Լ՝ստուծոյ :

Վարձեցան աւաղիկ ամբոխմունք կրիցն , ընդտանեցաւ զգայութիւնն , լուեաց քրթմնջիւն բնութեանն , կատարեցաւ հրամանն աստուածային , յաղթեաց սէրն : Եւ նմանայ այնուհետև հոգին ՚ի խորս իւր ներքինս ՚ի ժողովել զարդիւնս կանուխ զվաստակոցն : Վաղցր է նմա այնուհետև միայն ընդ միայնում լինել ընդ սրտին . քաղցր է նմա ունել ՚ի նմա հանապազ յանդիման զգեղեցիկ պատկեր զնուիրմանն՝ զոր նուիրեաց

սիրոյն Մատուծոյ, քաղցր է նմա ցանգ ընդ իւր տանել զընտանին զիւր վկայութիւն զբարեգործութեան իւրոյ : Վանիօն իցէ այնուհետեւ անդորրաւէտ խաղաղութիւն սրտի նորա . քանի բարեկրութիւն յամենայն իսկ 'ի գնացս, եթէ 'ի կերակուրս, եթէ 'ի հանգիստ քնոյն, եթէ յամենայն իսկ 'ի սիրտութիւնս իւր պարկեշտս . “ Օ ի արդարք վայելեսցեն 'ի բարութեան ”, ասէ Մատուծ : “ Եւ որք ծառայենն ինձ, ասէ, ուրախ լիցին ” :

Որ աչօք այնուհետեւ դարձցին հայեսցին նորա 'ի զգալիսս յայտոսիկ, կամ յինչ կերպարանս երևեսցին նոցա ամենայն կենցաղականքս : Վանգի յայնժամ հոգին գիտակից յանձին բարւոյն՝ զոր մարթի պողաբերել 'ի զգալեաց աստի, միշտ անբթիթ ակնկաւոյց առ Մատուծ միշտ նորանոր նուիրմունս զսրտին իւրոյ հնարի առ նա : Եւ յայնժամ յուշ անձին ածեալ, զի քաղցրութիւն մի այնպիսի երբէք նա ոչ ճաշակեաց յարարածոց աստի, յընչաց քերէ զամենայն, և ամենայնին 'ի վերոյ անցեալ միայն ընդ միայնում ընդ ինքն և ընդ Մատուծ ուսանի հանգուցանել զամենայն բարին . “ Օ ինչ կայ իմ, ասէ, բնաւ յերկինս Մատուծ, կամ 'ի քէն զինչ խնդրեցից յերկրի . Մատուծ սրտի իմոյ, բաժին իմ Մատուծ յաւիտեան : Եւ որպէս փափաքէ եղջերու յողբերս ջուրց, այնպէս փափաքէ անձն իմ առ քեզ Մատուծ ” : Մատուծ ժառանգութիւն իմ և վարձ, Մատուծ իմ և ամենայն ինչ :

Եւ զի է ինձ աստանօր 'ի մասինս պապաչել իբրև զմանուկ . աղէ դուք, արդարք, դուք որ զգածեալքդ էք, այլ ինչ, այլ ինչ գլխովին զգայք 'ի փորձոյ, դուք զոր իմ ձայն չբաւէ արտայայտել, խօսեցարուք վայրիկ մի աղաչեմ . վարժեցէք զսիրտս մարդկան որ անճաշակք են 'ի վտակաց աստի : Հապա հրեշտակդ 'ի մարմնի, դու ձայն տուր ո՛վ աստուածայինդ Վրիգորիէ, ներկուռդ հրահանգեալ 'ի վարժոց սիրոյ . “ Ոչ այնքան, ” ասէ, յուսոյն հանգուցիւք, որքան սիրոյն կապանօք ” բերիմ : Ոչ 'ի տուրսն այլ 'ի տուողն յաւէտ կարօտիմ : ” Ոչ փառք են ինձ անձկալի, այլ փառաւորեալն է համբուրելի : Ոչ կենացն փափաքանօք, այլ կենարարին ” յիշատակաւ միշտ ճենձերիմ : Ոչ վայելիցն տարփա-

„ նօք հեծեմ՝ այլ հանդերձողին տենչանօք յերկամանց
 „ աստի կականիմ : Այլ զհանգիստն խնդրեմ, այլ զհան-
 „ դուցին զերեսս աղաչեմ : Այլ հարսնարանին խըն-
 „ ճոյիւք, այլ փեսային անձկութեամբ մաշիմ : ” Օ այս
 այսպէս երանելին, և հալէր ՚ի սիրոյն : Հանդունա-
 տիպ և միւսն այն հրեշտակայինն աստուածայինն (Ս)ով-
 մաս . “ Բաճէ, ասէր և լայր, բաճէ եթէ կաթ մի
 ճաշակեալ էր մեր զ՚յտուած ” : Բտուած իմ, ասէր,
 եթէ մարդկան վայրիկ մի ճաշակեալ էր զքեզ, չէին ինչ
 նոցա այնուհետեւ պէտք ցուցակութեանց բանից ՚ի գի-
 տել քանի քաղցր իցէ սիրել զ՚յտուած :

Բայլ աղէ մինչև ցերբ իցէ քո մինչև ցերբ ճառել
 մեզ վասն Բտուածոյ, բողոք բառնան ունկնդիրք առ հա-
 սարակ . ասէն, տեսանեմես աւագիկ զ՚յտուած, զգամ
 ես զ՚յտուած . տեսանեմ զնա արտաքոյ իմ, զգամ զնա
 ՚ի ներքս իմ . տեսանեմ զնա ՚ի բարիս երախտեաց նորա,
 զգամ զնա ՚ի դուժ զրգանացն . նման նմա տեսանեմ և
 ոչ ինչ, հանդունատիպ նմա զգամ և ոչ ինչ : Հապաքրիս-
 տոնեայք, եթէ սիրէք կալ ընդ Բտուածոյ, մատիք առ
 նա, առէք զփորձն . “ Ճաշակեցէք զի քաղցր է տէր ” :
 Եթէ միանգամ ձեզ արարին քաղցրասցի, ոչ ինչ այ-
 նուհետեւ յարարածոց աստի ձեզ քաղցր եղիցի :

ՄԱՍՆ Բ .

Ի հանդէս կրկնակի բաժանեն աստուածաբանք
 զսէրն, ՚ի սէր ցանկութեան և ՚ի սէր բարեկամու-
 թեան : Բայսպիտի ինչ է և առ Բտուած սիրոյն հան-
 դէս : Աիրով ցանկութեան վառիմք յ՚յտուած, իբրու-
 որ բարերար է մեզ և երախտաւոր . և է այս սէր ան-
 կատար : Աիրով բարեկամութեան բորբոքիմք յ՚յ-
 տուած, իբրու որ ինքն յինքեան բարի է և ամենաբա-
 րի . և է այս սէր կատարեալ : Յարդ մեք ՚ի դէմն ա-
 ծաք ձեզ, իբրու առիթս իմն և սատարս առ ՚ի սիրել
 զ՚յտուած՝ միայն զերախտիս բարեացն և զվարձուցն
 աստուածայնոց, ՚ի մեր օգուտ և ՚ի շահախնդրութիւն
 յանգեալ ողջոյն . ուստի և ցարդ յառաջ բերեալն մեր՝

էր լոկ սէր ցանկութեան, սէր անկատար և ոչ կատարեալ: Բայլ ընդէր այս այսպէս, անշուշտ հարցումն հիացմամբ արասցեն ինձ բազումք, ընդէր իցէ մեզ յընթացս յայս աստուածային քաղցրութեան այնչափ ստիպաւ ճանապարհ առնել, և այնչափ յետնիլ 'ի գեղեցիկ ուղւոյն, և ոչ հետամուտ լինել կատարեալ սիրոյն առ Բստուած:

Բշտիկ ձեզ, տեարք իմ, զոր ասեմ 'ի պատասխանի: Ի ճանապարհին Բստուծոյ առաւել դժուարին՝ է առաջին քայլն. և վասն այնորիկ է առաւել դժուարին՝ քան զի է նուազ կատարեալ: Եւ նորին աղաղաւ խելամոռութեամբ ընդ երկար գեղեցեցայ ես 'ի սէրն յայն անկատար. իբրու 'ի գլուխ ճանապարհին կալով ես և նշանակելով ձեզ զամենայն իսկ զհետն, և հորդելով ձեզ զամենայն զշաւիղսն, առ 'ի առաջնորդել ածել զձեզ իբրու ձեռամբացի յառաջին 'ի քայլսն. գիտելով անշուշտ եւ թէ միանգամ շարժումն առեալ ձեր յընթացս՝ արագ արագ այնուհետեւ ժաման լինիջիք 'ի գերակատարն սէր:

Եւ արդ միտ դիք, զնոյնօրինակ վարեցայ ես ընդ ձեզ, զոր դուքդ վարէք առ բարեկամս: () Ինչ օրինակ վարէք դուք յընտրութեան բարեկամի, որ արդարեւ ընտրութիւն է դժուարին: Եւս դուք 'ի փորձն մատուցաւ նէք զնա. իբրու 'ի գլխոյն մինչև ցոտն, զի այսպէս ասացից, ուղղաչափ գործեաւ ոմամբ. զննելով չափելով զնա. սակայն ոչ կարելով ձեր 'ի ներքս 'ի սիրտն մտանել նորա՝ առեալ չափէք զսիրտն առ 'ի ձեռացն: Իբրեւ տեսանէք զնա, զի անխնայ անձնագրաւ ձեռն 'ի գործ վաստակի վասն ձեր և ճիգն զամենայն թափէ յօգուտ ձեր և 'ի ծառայութիւն, յայնժամ իղձ յորդէք առ նա և յամենայն արգասիս բարեաց նորա. և շատ է յայնժամ, չեն այլ պէտք բանից կամ փորձոյ. ճանաչեմ իսկ քաջ զնա, ասէք դուք. դա բարեկամ է իմ անշուշտ, ուստի և ինձ յայսմ հետէ սիրելի է անձն նորա առաւել քան զամենայն: Բշտիկ և ես առ 'ի պողպատներէ 'ի սիրտս ձեր սէր իմն ճշմարիտ և կատարեալ զբարեկամութեան առ Բստուած, զնոյն գործեցի առ ձեզ:

Իսկ 'ի կատարեալ սիրոյ աստի բարեկամութեան առ Բստուած կան մեզ առաջի, սիրելիք, և այլ ևս արգասիք մեծ յոյժ: Բանգի ընդ այս ճանապարհ առաջնոր-

դելով ձեզ, մեծապէս դիւրացուցի ես ձեզ զփրկաւէան զայն և զկենսագործողն, զղջումն ասեմ զկատարեալն զմեղաց ձերոց: Ս'եծապէս է ինձ խնդուած իւնս և 'ի յիշեն անգամ զայս . քաջ միտ դիք աղաչեմ: Վիտէք իսկ դուք զպատմութիւնն զյանցանելոյն Վաւթի . անշուշտ կատարեալ յոյժ եկաց նորա զղջումն վասն յանցանացն, յորժամ միանգամ գոչեաց, «Ս'եղայ տեառն», և Ղլէր աղազաւ այնչափ կատարեալ, զի՛նչ այս յանկարծ դէպք սքանչելի . ո՞ր աղբերակն կենսաւէտ 'ի սրտէն ցայտեցոյց զգերակատարն զայն զիղջ: Վաթան մարգարէ յանդիմանէ զՎաւթ յանցաւոր . և հանդէպ կշիռ յանցանացն նորա արկանէ զբազմադէմ զերախտիսն Ղստուծոյ. «Ղսպէս ասէ տէր Ղստուած Սրայելի . ես եմ որ առի զքեզ 'ի վերջէ վրանաց հովուացն, ես օծի զքեզ թագաւոր 'ի վերայ ամենայն Սրայելի . ես փրկեցի զքեզ 'ի ձեռաց Սաուղայ . ես ետու քեզ զտուն տեառն քոյ . ես ետու քեզ զՍրայել և զԴուդա, և թէ սակաւ իցէ, յաւելից քեզ դոյնչափ . և ընդէր անարգեցեր զբան տեառն, առնել չար առաջի աչաց նորա», :

Վեղեցիկս յոյժ Վաթան զառաջին վիճակ զանաւագ հովուութեան յուշ արար Վաւթի, զՂստուծոյ ձրիատուր պարգևսն առ նա զթագաւորութեանն, զի չէր ինքն ժառանգ աթոռոյն, և զայն ևս . և ոչ շատացեալ, դոյնչափ ևս ասէ յաւելու նմա Ղստուծոյ, եթէ սակաւ իցէ: Վանիօն է բարութիւնն, ո՞ր Վաւթ . և դու համայն այնպէս անարգեցեր զՂստուած զբարերարն քո, զեղեալն և զհանդերձեալն: Եւ Վաւթ Վաւթի և 'ի յուշ բերեալ զամենայն, ընդ ձրի երախտեաց ամենաբարւոյն եղ 'ի կշիռ զանհնարին զյանցանսն . ոչ ևս ժուժեաց . որչափ յիշէր, արտասուք այնչափ յորդք խաղային 'ի ներքս . գոչէր 'ի սրտին, ո՞ր անհուն բարութիւն, ո՞վ անբաւ անոխակալութիւն, դոյնչափ ևս յաւելու քեզ առ իս, և ինձ անարգել զքեզ: Եւ անչժոն, հայեցաւ անթիթ յանսահման բարութիւնն, ընկղմեցաւ սուղաւ 'ի խորս սիրոյն Ղստուծոյ . գիտաց զչարութիւնն, ծանեաւ զմեծութիւնն . ցաւ անհնարին մրկեալ 'ի ներքս փեռեկէր զսիրտն . և զհետ իբրեւ նետ սայրասուր զիղջ սաստիկ թափ էանց ողջոյն ընդ Վաւթի . եղով եմ ես, ընդդէմ այնպիսի ամենաբարւոյն մե-

ղանկէլ. “Սեղայ, մեղայ տեառն”, Արչաի սրտառուչ գոչեաց զմեղայն, այնչափ արագ ժամանեաց թողութիւնն. “Լա տէր, ասէ, անցոյց զքեզ զմեղսքո, և մի մեռցիս”, Լհա սէր ամենակատար, և ի սիրոյն՝ զղջումն գերակատար :

Լըդ առաջին յուշ զայս ածէք, քրիստոնեայք, եթէ գոյքդ ամենայն և քաջողջութիւն և կեանք գլխովին հանդերձ ամենայն վայելիւքն յոր միանգամ խրախացեալքդ էք, ամենայնն է պարգև Լստուծոյ : Երկրորդ անգամ յուշ ածէք, եթէ յամենայն բարիս յայտոսիկ և ի պարգևսն զեղծայք դուք յանցանելով ընդդէմ պարգևատուին : Երրորդ անգամ յուշ ածէք եթէ ամենայն իրաւամբք մարթ էր Լստուծոյ կապտել մերկէլ զձեզ յամենայնէ, և այնպէս մերկ և ողորմելի արկանել ի գեհէն. բայց ամենաբարին խնդրէ տակաւին ևս բարերարել ձեզ և պարգևօք շնորհացն իւրոց և փառաց լիացուցանել զձեզ : Լսա յետ այսր ամենայնի վերակնեալ ակնկառոյց եղերուք սիրելիք յԼստուած ինքնին. զննեցէք վայր մի, քանի ուրեմն ամենաբարի իցէ ինքն յինքեան, որ այսչափ բարի է արտաքոյ իւր : Արպիսի ինչ իցէ բնութեամբ, որ այսպիսի ինչ է ի վարելն : Արպիսի ինչ յէութեան իւրում, որ այնպիսին է ի գործել իւրում : Ո՞ր սիրտ անսահման, որ գութ անչափական. որ ծով, որ անդունդք, որ խորք շնորհաց և բարութեան և սիրոյ, որ մեծութիւն, որպիսի տէր, որ հայր, որ Լստուած : Լա ահա այս հայր, և ահա այս Լստուած, որ ընդդէմ յանցեալք մեք ապաշնորհ մեղաւորքս : Սարթ ինչ իցէ հաւատալ զայս և ոչ դառնալ պէս յարտասուս հատանիլ և ի զիղջ : Թէպէտ և արքայութիւն, թէպէտ և գեհեան չիցեն ի միջի, ո՞չ անհնարին չար իցէ մեղանկէլ անարգել զգերագոյն բարին :

“Սեղայ տեառն, մեղայ” :

Հայս բարութիւն անսահման, սիրելիք, յայս Լստուած յառեցէք զմիտս, յառեցէք զսիրտս, և միակ Լստուած և միակ ամենաբարին իցէ բուն և առաջին և տիրական շարժիչն և առիթ ցաւոց ձերոց, և եղիցի կատարեալ զղջումն. զԼստուած սիրեցէք վասն Լստուծոյ միայն. այս է ծայրալիր սահման կատարեալ սիրոյն : Սիրեմ զնա վասն նորա : Լստում խելամուտ լինիք, սիրե-

լիք , զինչ էր զոր վայր մի յառաջ ասաց Հրեշտակն 'ի մարմնի . “ Այլ 'ի տուրսն , այլ 'ի տուողն յաւէտ կարօտիմ . ոչ վայելիցն տարփանօք հեծեմ , այլ հանդերձողին տենչանօք յերկիւմանց աստի կականիմ . ” : Սիայն զնա խնդրեմ եթէ յերկինս և եթէ յերկրի . “ Օ ինչ կայ իմ քնաւ յերկինս , կամ 'ի քէն զինչ խնդրեցից յերկրի : Աստուած սրտի իմոյ , բաժին իմ Աստուած յաւիտեան . ” : Այժմ խելամուտք էք , սիրելիք , և զոր կանխեցաք եղաք , զինչ իցէ ասելն , “ Սիրեսցես զտէր Աստուած քո . ոչ լոկ . այլ յամենայն սրտէ քումմէ , յամենայն անձնէ քումմէ , յամենայն զօրութենէ քումմէ , և յամենայն մտաց քոց . ” : Արջանիկ 'ի մարդիկ և առաւել երջանիկ , որ յայս սէր Աստուծոյ ժամանեաց շնորհօքն Աստուծոյ : Ապա յայս աստուածային սէր խնդամ ես այսօր կնքել զմաղթանս իմ վասն ձեր . քանզի և չգտանեմ ես ոչ յերկինս և ոչ յերկրի այլ սատար և այլ միջնորդ , երջանիկ առաւել յարգարել զձեզ , քան 'ի մաղթելն իմում վասն ձեր զսէր զայս աստուածային : Այլ դու ո՛վ Աստուած իմ , եթէ երբէք աստանօր 'ի մէջ բազմահոյլ ունկնդրացս կայցէ որ ծածկեալ , որ ոչն սիրեսցէ զքեզ , դու 'ի նեւտ սիրոյդ խոցեա 'ի սրտի զմեղսն : Ահասցին մեղք , այլ նեւտն վարսեալ կայցէ 'ի սրտին մինչ 'ի սպառ :

ՔԱՐՈՉ ԼԷ

ՃՇՄԱՐԻՏ ՊԱՇՏՈՆ ԱՍՏՈՒԾՈՅ

“ Ժողովուրդս այս շրթամբք պաշտե զիս , և սիրտք իւրեանց
հեռացնալ մեկուսի ևն յինեմ , ” :

Եւ չա աստուածապաշտութիւն ճշմարիտ , սրտիւ միա-
նալ ընդ Բստուծոյ , և զսիրտ ստեղծեալ միայն վասն
Բստուծոյ՝ նուիրել միայն ստեղծողին իւրում . “ Տուր
ինձ , ասէ , որդեակ զսիրտ քո , ” : Եւ չա նորոյ ուխտին
քրիստոսեան՝ նորոգատուր կրօն սրտի : Պաշտօն հոգւոց
կանգնեալ ՚ի վերայ աւերակաց հեթանոս տարրապաշ-
տութեան և հրէական կեղծաւորութեան : Հնազանդու-
թիւն և ողորմութիւն , նախապատուեալ քան զզոհս և
զզուարակս : Հոգի որ կեցուցանէ , հակառակ ամբար-
ձեալ զրոցն՝ որ սպանանէ : Եւ սակաւ մի օգտակարն
մարմնոյ կրթութիւն մերժի . և առ ամենայն օգտա-
կարն աստուածապաշտութիւն քարոզի : Սիրով բանիւ ,
աւանդութիւն մարդկան , վարդապետութիւն նորա-
ձայն , կրօն զգայական , կամ դատապարտեալ ՚ի չարաչար
պէտսն , կամ բարեկարգեալ ՚ի գեղեցիկսն :

Եւ յլ գիտեմք քաջ , եթէ ՚ի բան բնաբանիս իմոյ
կցկցանս իմն և պատրուակս զրպարտութեան գտին մե-
լորեալք ընդ ժամանակս ժամանակս , բամբասելով զեկե-
ղեցի Վրիստոսի իբրու որ ՚ի մասին ներքին և ճշմարիտ
աստուածապաշտութեան առեալ խառնեալ իցէ և ՚ի յա-

ւելապաշտութեանց հեթանոսութեան և 'ի խակութեանց հրէական ժողովոյն : () րինադրութիւն սրբազան մերոց խորհրդոց , յարգն մեծ և պատիւ ընծայեալ առ 'ի մէջ սրբոցն դասուց , և բնաւից վեհագոյն Մատուածամօրն կուսի . պահք մեր և ժուժկալութիւնք և տքնութիւնք , գեղազարդ վայելչութիւնք մերոց տաճարաց և խորանաց , արտաքնայարդար մեծաշուք հանդերձանք մերոց պաշտամանց , սովորութիւնք որ յընդհանուրս և որ վաղնջուցք գոգցես յանյիշատակ ժամանակաց , են իսկ այսօրիկ ամենայն անշուշտ հաւաստիք նոցուն սրբութեանն և ճշմարտութեան :

Սակայն և այս ամենայն յարձակերասան բերանս մոլորելոցն և թշնամեաց չեն այլ ինչ բայց աւանդութիւնք իմն մարդկայինք հակառակամարտք օրինացն Մատուծոյ : Վանգի չարաչար պէտք սոցա ընդ ժամանակս ժամանակս 'ի տգէտս և յաւելապաշտս և 'ի միամիտս յորդոց եկեղեցւոյ , մեզ համարեցան 'ի մեղս , իբրու հասարակաց մեր դաւանութիւն և հաւատք տիեզերական եկեղեցւոյ :

Մպարէզ ուրեմն լայն և արձակ բացեալ է մեզ առաջի , սիրելիք , 'ի նիւթ կարեւոր քարոզութեանս մերոյ , բան ճառել ձեզ այսօր՝ կամ ըմբերանել զմոլորեալն , կամ յողմտութիւն վերածել զնոսա 'ի վերայ ճշմարիտ պաշտամանս մերոյ , բացերեւակի պարզելով առաջի զկանոնս և զհրահանգս քրիստոնէական բարեպաշտութեան . գիտել եթէ ո՞ր իցէ հոգի ճշմարիտ աստուածապաշտութեան :

Վանգի և կամիմ այսօր մարտ դնել ընդդէմ կրկնակի մոլորութեանց , որ միանգամայն կարի վտանգաւորք թուին ինձ : Վանգի կէսք 'ի մեզ 'ի հաւատացեալս յաւակնին յընչաց քերել առ հասարակ զամենայն արարողութիւնս արտաքինս զբարեպաշտութեան , իբրու ջերմեռանդութիւնս իմն առակին գրելով զնոսա . և զօրհանապազ զայն ինչ կրկնեն և երեքնեն եթէ Մատուած 'ի սիրտն միայն հայի , և այն ամենայն յանախտանեաց սակի է : Մյս առաջին մոլորութիւն , զոր պարտք են մեզ այսօր անհրաժեշտ 'ի յաղթահարել : Եւ և այլք , որ զտիրական մասամբ օրինացն անփոյթ արարեալ , զամենայն զկրօն իւրեանց և զապաւինու-

Թիւն հաստատեն յարտաքին ծէսս և 'ի կերպարանս բարեպաշտութեան : Եւս երկրորդ մոլորութիւն , յոր մէ 'ի բաց քեցել զնոսա ճիւղն Թափեցից այսօր : Հաւատացեալդ դու , մի արհամարհեր զարտաքինս զայսուսիկ զպէտս բարեկրօն պաշտամանց : Եւս արտաւանութիւն է բանդ և անձնահաճութիւն դսրովելի : Վրան զի կրկնակի են հրահանգք տէրունայն 'ի պաշտամանն Եստուծոյ . “ Երկրպագուայն Եստուծոյ , ասէ , պարտ է երկիր պագանել հոգւով և ճմարտութեամբ ” . իսկ դու այդուիկ ոչինչ կարասցես երկիր պագանել Եստուծոյ ճմարտութեամբ :

Վարձեալ և դու հաւատացեալդ , մի հաստատեսցիս երբէք լոկ յարտաքինսդ յայդոսիկ , և կարծեսցես եթէ այդոքիկ միայն բաւական իցեն արդարացուցանել զքեզ առաջի Եստուծոյ : Եւս Երկրութիւն փարիսական է բանդ . և ոչ կարասցես դու այդուիկ երկիր պագանել Եստուծոյ հոգւով : Եւս մի արհամարհեր զարտաքինսն : Եւս երկրորդ անգամ՝ մի զեղծանիր արտաքնովքն : Եւս զիկ կրկին այս իմաստ ողջոյն առաջարկութիւն քարոզիս :

ՄԱՍՆ Ա .

Եւ արդ առաջին ասեմ , եթէ ճշմարիտն պաշտօն Եստուծոյ ըստ ինքեան է սոսկապէս ներքինն և որ 'ի ներքոյ 'ի սրտի կատարի : Վրան զի երկիր պագանել գերադոյն էին , և զմտաւ ածել զաստուածային կատարելութիւնսն , կապիլ ընդ նմա անքակ սիրով , գովութիւն նորա , բարեբանութիւն նորա , շնորհակալիքն առ նա . այս է կրօն հոգւոց երանելեաց , այս եկաց կրօն արդարոց , որ յառաջ քան զմեզ վկայեցան 'ի հաւատոց : Եւ այս դարձեալ որպէս աստուածայինն ասաց Եւստտինոս , լինէր կրօն առաջին մարդոյն , եթէ յանմեղութեան իւրում կացեալ էր , և չէր ինքն դատապարտեալ երկրաքարչ լինել , և 'ի զգալեաց աստի պէտս ունել՝ առ 'ի ամբառնալ զինքն միւսանգամ առ արարիչն :

Ուստի և մեք ինքնին ժառանգորդք նախահօրն մեր դրժանացն առ Եստուած , եմք և նորուն պատուհասին

բաժանորդք : Որդիք մարմնաւոր հօրն , ծնանիմք մարմնաւորք իբրեւ զնա . հոգին մեր պարուրեալ 'ի զգայութիւնս՝ գողցես գերի վարեալ է 'ի նոցանէ . և պէտք են պաշտամանս մերոյ առ Մատուած 'ի զգալեաց աստի առ նուր օգնական հաւատոցս մերոց , զարթուցիչ սիրոյն մերոյ առ նա , տածիչ յուսոյն մերոյ 'ի նա , զօրաւիգն խորհրդոց : Մայսպիսի ինչ է կրօն անկեղոցս 'ի զբախտէն՝ յայս երկիր . նշանակք , ստուերք , օրինակք , որ զմեզ ամրապնդեն , մաքրեն սրբեն զմեզ , և յօդակապեն զմեզ : Ստոյց Մբէլ պատարագս , և Ննուլք կռնեաց զանունն Մտուծոյ , 'ի հանդերձանս զգալեաց : Երազապետք կանգնեցին սեղանս . իսկ ապա մովսիսական օրէնք 'ի սպառ պատաղեցան յարարողութիւնս և 'ի պահպանութիւնս : Իսկ եկեղեցի Քրիստոսի հոգեւոր առաւել՝ նուազ կալաւ 'ի զգալեաց աստի , սակայն և կալաւ : Հայտնեցաւ Մտուած 'ի մարմնի 'ի տիպ զգալի աչաց , զի միջնորդաւ զգայութեանց մերոց ընդմտանիցէ մինչև 'ի սիրտս մեր , և այս խորհուրդ մեծահրաշ յաւերժացի 'ի սեղանս մեր խորհրդոցն նշանակօք մինչև 'ի կատարած աշխարհի 'ի հաստատութիւն և 'ի մխիթարութիւն հաւատոցն մերոց :

Մնարթ է ուրեմն հաւատացելոցն չունել արտաքին ինչ պաշտօն : Քանզի սա անշուշտ յօդեսցէ զնոսա ընդ միմեանս . սա որոշեսցէ զնոսա յանհաւատիցն , և սա եղիցի հրապարակաւոր դաւանութիւն հաւատոյն նոցա : Սպէս հիմնեցաւ և 'ի տեառնէ Քրիստոսէ եկեղեցի , տուեալ նմա հովուապետ մի երեւելի , արածել զօրսարս իւր և զգառինս . ևս հովիւս երեւելիս հովուել զեկեղեցի իւր սուրբ ակն յայտնի բաժանակցութեամբ նոցուն խորհրդոց :

Մյլ սակայն ոչ մոլորեալքն միայն ընդ ժամանակս ժամանակս որպէս կանխեցի ասացի իբրեւ աւելապաշտութիւն կամ թէ իբրեւ բարեպաշտութիւնս անպիտանս համարեցան զարտաքինսն զպաշտամանն Մտուծոյ , 'ի ներքս անդ 'ի սրտի միայն պարագրելով զպաշտօնն , այլ և յամենայն իսկ 'ի ժամանակս նշմարեմք մեք զսոյն մոլորութիւն : Ոչ և այսօր իսկ լսեմք հանապաղ ասել , եթէ ճմարիտն բարեպաշտութիւն հաստատեալ կայ 'ի սրտի . և թէ մարթ է լինել արտաքին հրահան-

դայն , առանց պահելոյ յինչ ինչ կերակրոց , իբրև զի
 « Ոչ որ ընդ բերանն մտանէ , պղծէ զմարդն . այլ որ
 'ի սրտէն ելանէ » . առանց անխտրական ճշդութեան և
 ճշգրտութեան ինչ ինչ արարողութեանց . և թէ պարտք
 քրիստոնէութեան հոգևորք են , վսեմականք են , ար-
 ժանաւորք են կրօնիցս մերոց , առաւել քան զայդ բա-
 րեպաշտութիւնս մանուկս և դուզնաքեայս , որոց միտ
 դնեն միամիտ որեալն :

Եւս ամենայն զինչ կամիցի ասել . բայց եթէ իմաս-
 տութիւն աշխարհի պատրուակս երբակի 'ի ներքս բե-
 րէ առ 'ի հաւատարմացուցանել զվտանդաւոր զիւր
 հրապոյրան . մի զանախտանութիւն արտաքին պաշտաման
 ցըն , երկրորդ՝ զտկարամտութիւն պաշտելեայն , երրորդ
 զչարաչար պէտսն : Եւսկեսցուք մեք զպատրուակն զե-
 րեսին և 'ի տեղին կարգեսցուք՝ նախ զպիտանութիւն
 զարտաքին պաշտամանն Եւտուծոյ , երկրորդ զիմաստու-
 թիւնն , երրորդ զգեղեցիկ զպէտսն :

Եւ արդ մեզ առաջին ընդգիմադրեն , եթէ տիրա-
 կան մասն աստուածաբաշտութեան 'ի սրտի անդ հաս-
 տատեալ կայ , արտաքինքն ամենայն անպիտանք են . . . :
 Եւրդ յառաջ քան զամենայն զայս կամիմ հարցանել :
 Եւս ինձ , 'ի բաց տարեալ առ այժմ զարտաքինն զոր
 անպիտան կարծես , իցես դու գոնեա հաւատարիմ առ
 տիրական մասին , զոր շատ ասես անձինդ : Եւհամար-
 հեալ քո զայն ամենայն , զոր իբրու աւելորդս գրես կրօ-
 նիցդ , գոնեա դու որչափ ինչ օրէնք Եւտուծոյ պատուի-
 րեն քեզ անհրաժեշտ , 'ի գլուխ հանես զայն : Եւես ,
 շատ է զսիրտն տալ Եւտուծոյ . . . : Եւրդ աղէ գէթ զայն
 տան դու Եւտուծոյ . . . : Ոչ ահա արտաքին քո ցոյցք
 ամենայն տակաւին աշխարհի են : Եւ քո ինքնին բո-
 ղոք հարկանեմ գիտակցութիւն : Եւնես դու փառաւոր
 զԵւտուած 'ի մարմնի քում՝ որպէս պատուիրեաց առա-
 քեալն . թէ ոչ մանաւանդ սպասարկու առնուս զնա
 անժուժկալութեան կրիցդ : Փութաջան իցես դու
 'ի լրումն ամենայն պարտուցդ , եթէ հայրական իցեն
 պարտք , եթէ են ամուսնական , եթէ տանուտէրական ,
 կամ պաշտաման ինչ քաղաքի , կամ քրիստոնէական : Եւ
 զանտ իցէ քո սիրտն յամենայն ատելութենէ , յամենայն
 մախանաց , յամենայն ոխակալութենէ առ եղբայրն : Ի

վերքան զամենայն սիրիցէս դու զՄատուած, որպէս աստուածայինն պատուիրեն օրէնք. ատենս դու զանձնդ, որպէս պատուիրէ աւետարանն. կենս դու հաւատով, ըստ առաքելական ձայնին. [Թողնու դու 'ի սրտէ ընկերին զյանցանսն, որպէս հրամայէ Վրիստոս. ապաշաւեալ է քո ճշմարտութեամբ ընդ մեղսդ. փախչիս դու յառ[թից մեղաց: Օ ինչ ևս յաւելու: Մհաւասիկքեզ տիրական մասունքն, զոր ոչ ողջոյն [Թուեցի և յոր պանծացեալդ ես. իսկ [Թէ և 'ի գործ վարեն զայդոսիկ իբրև հաւատարիմ պաշտօնատար Մատուծոյ, դու ինքնդ հարց ցբեզ: Չունիս զարտաքինն, որ տեսանի. պանծաս 'ի ներքինն որ ոչն երևի. զի անըմբռնելի կացցես 'ի մարդկանէ, այլ ոչ և յՄատուծոյ:

ՄԼ սակայն, սիրելիք, ե[թէ սիրտն միանգամ անկեղծաբար նուիրեալ իցէ Մատուծոյ, բաբէ, և ոչ 'ի խորհուրդ անգամ անկանի մարդոյ, զլանալ նմա զարտաքին դաւանութիւն պաշտամանն, զոր [Թելադրէ սիրտն: Վանգի մեծապէս յոյժ է պատարագ սրտին և նուէր կրիցն, յորում հաստատեալ կայ ամենայն դժուարութիւն առաքինութեանն. և ե[թէ միանգամ յաղթեսցես, այնուհետև 'ի դիւրի կայ ամենայն, հորդեալ է ամենայն, և ամենայն մոլութիւնք և կիրք ինքնին տապալին:

Մ այս դարձեալ, նոյն օրէնք որ պատուիրեն հաւատալ սրտիւ, նոյն դարձեալ հրամայէ և բերանով խոստովանել. “Արտիւ, ասէ, հաւատալ յարդարութիւն, և բերանով խոստովանել 'ի փրկութիւն”, . այս է տալ հրապարակաւ հաւաստիս զգալիս զմերոյ հաւատոյն և զառ Մատուած բարեպաշտութեանն: Մաջին առ 'ի տալ փառս Մատուծոյ արարչին, և վկայութիւն դնել յանդիման ամենայն մարդկան, ե[թէ նա միայն է արժանի մերում երկրպագութեան և պաշտաման: Արկրորդ անգամ՝ առ 'ի ոչ ծածուկ պահել իբրև զապաշնորհս յանցաւորս զգաղտնի շնորհս պարգևեալս մեզ առ 'ի նմանէ, որպէս զի առ հասարակ վկայք կացցեն ողորմութեանցն Մատուծոյ 'ի վերայ մեր. և 'ի մերսն զիւրեանցն յաւելցեն շնորհակալիս: Արրորդ անգամ յօրինակ բարի և 'ի շինութիւն մերձաւորաց, և 'ի խրախոյս քաջալերութեաննոցա յառաքինութիւն մերովս բարեկրօն

կարգօք : Զորրորդ անգամ, զի թիկունս տացուք տկա-
րացն մերովն քաջամուր սնդուլթեամբ ընդդէմ վայրա-
վատին և շաղաւաշուրթն զրուցաց անմտացն, և ծաղա-
ծանակ քրքջանաց թուլահաւատ որերոյն, որով խաղ-
առնեն նոքա զառաքինութիւնս : Հինգերորդ անգամ,
'ի զեղ դարմանոյ մերոց զայլթակղութեանց, եթէ եր-
բէք յանցուցեալ իցեմք . և լինել ըստ առաքելոյն հօտ
անոյշ 'ի կեանս, որպէս եղեաք երբեմն հօտ դառնու-
թեանս առ 'ի մահ : Եւ երրորդ անգամ, 'ի մխիթարու-
թիւն և 'ի սփոխանս արդարոց, զուարթացուցեալ զնո-
սա 'ի զնին մերոյ փոփոխութեանս, յօրհնութիւն ա-
ռատ պարգևացն ողորմութեանն Մատուծոյ : Օ ինչ ևս
այլ . 'ի յամօթ քարընկէց լինել յերեսս ամբարշտաց և
թշնամեաց դաւանութեանս մերոյ . և յակամայ կամս
տալ նոցա խոստովանել եթէ իցէ ուրեմն յաշխարհի որ
առաքինաբար կեցցէ :

Մհաւասիկ քեզ արտաքինքդ, զոր յանախտանեաց
սակի եղեր . և սակայն անախտանեօքդ այդոքիւք յա-
մենայն 'ի ժամանակս գործեցին արդարք զիրկութիւն
անձանց . տարբերեալք յաշխարհասիրացն եթէ վարուցն
զդաստութեամբ, եթէ սկզբանցն հաստատութեամբ,
եթէ կարգօքն վայելչութեամբ, եթէ հանդերձիցն պար-
կեշտութեամբ, և եթէ 'ի հրապարակադոյժ զբօսանացն
զգուշաւորութեամբ, և ամենայն պարտուց արտաքին
պաշտամանցն կրօնին հպատակ կալով :

Ուրի թէ և դու ինքնին, այր դու, որ մեծ ինչ չգրես
զարտաքինսդ զայդոսիկ, դու ինքնին պահանջեսցես
զայդոսիկ 'ի ճշմարիտ ծառայիցն Մատուծոյ : Սինչ զի
եթէ երբէք յակն արկանիցես զնոսա յուրացեալս և
զհետ օրինաց աշխարհի գնացեալս, և յարտաքինսն ոչ
ինչ 'ի ռամկէն տարբերեալ, դու ինքնին առաջին յառ-
նիցես բամբասող և դատաւոր բարեպաշտութեանս նո-
ցա, և վայրաբանեսցես ևս այսպէս . “ Դաբէ, զիմորդ
ուրեմն դիւրագնի իցէ սրբանալն, զիմորդ այդպէս հեշ-
տին ծառայել Մատուծոյ և այդպիսի գնոց գնել զարքայ-
ութիւն ” . և ասասցես եթէ “ և դու ինքնին կամէիր
վաղվաղակի լինել 'ի մեծաց սրբոց, եթէ և այլ ինչ աւելի
չմնդրէին 'ի քէն ” : Եւ այսպէս դու ընդ քումանձինդ
ողորեսցիս, և քոյին իսկ բերանով զքեզ նշաւակեսցես :

Սակայն մեզ աւաղիկ և այլ երկրորդ պատրուակ ու
 լով սուտանուն իմաստունքդ ընդդէմ դաւնան արտա-
 քին պաշտամանցդ, իբրու որ պարզամտաց անկ իցեն
 այդոքիկ և տկարաց: Օ ինչ պէտք իցեն, ասեն, այն-
 չափ յաճախու թեամբ մերձենալոյ ի խորհուրդս, այն-
 չափ հասարակաց և առանին ազօթից, այնչափ զգու-
 շաւորութեան ի զարդս և ի հանդերձս, այնչափ փու-
 թոյ նախանձաւորութեան ի դործս բարեպաշտու-
 թեան, այնչափ օր ըստ օրեայ առաջիկայութեան ան-
 մահ պատարագին, այնչափ ճշդիւ սուրբ պահելոյ զկի-
 րակէս, և այնչափ ճշգրտութեան օրբադան արարողու-
 թեանց, և որ այն ևս: Այլ այդ ամենայն ուսմկին իցեն
 կրօնք. զոր կնիք զլսեմութեան և զազնուականութեան
 դոյնս զուրկս յոյժ ամենայն. թող միանձնու հետցն
 զմանունսդ զայգոսիկ, թող տառապելոյն. թող հաւա-
 տաւորացն, որոց հանձար սահմանափակ է, և այնքա-
 նեօք շատանայ և չդնայ այլ յառաջ: Եւ ասեն սորա
 զայն ամենայն այտպէս, իբրու պանծանօք շուք դմել
 իւրեանց լուսոյ բանին, անշքացուցեալ զոյս կրօնին:

Այլ աղէ դու, որ զայդ վարես զեզու, ասա ինձ ճշ-
 զրիտ: Բայ անկարգութիւն վարուցդ և անարգութիւն
 դժպատեհ կրիցդ առակեն արդեօք զստութիւն կարծե-
 ցեալ վսեմութեան հանձարոյդ, որով զարտաքինսդ զայդ
 բարեպաշտութեան Թիպարոյ միայն տկարաց անձանց
 համարին անկ և պարզամտաց: Անուշտ քո, այր դու,
 փրացեալ է աստանօր ի լոյս բանիդ, ի վսեմութիւնն,
 ի մեծութիւնն, ի կորովութիւնն: Բայ էս յատակ
 տեսանեմ ի քեզ զամենայն իսկ զթերաւիաստարութեան
 մասունս զւամիկ որերոցն և զմիւլբորոցն. թափ տա-
 րազայման, վրէժխնդրութիւն մոլեղին, ունայնափութե-
 թիւն, թեթեւամտութիւն անտիալիան, անժուժկալու-
 թիւն ասելաւան: Տեսանեմ ի քեզ հոգի ողջոյն ի
 կաւոյ: Օ այդ հոգի բերկրութիւն մի թուրեալ կա-
 խարդէ. իղձ մի ընդ հարեալ տապալէ, շահ մի անարդ
 ի գերութիւն վարէ. և իբրու զանբան կենդանիսն
 զգայութեանց միայն ազդումն կառավարէ: Ազատի և
 ոչ ինչ տեսանեմ ես ի քեզ մեծ, ոչ ինչ բարձր, ոչ ինչ
 արժանի թափանցիկ տեսութեան լուսոյ բանիդ: Եւ
 դու գոլով այնպիսի, ժափս ևս ասել մեզ եթէ ողբոյ

տկարաց և խօթամտաց ռամկին արժան է թողուլ զմե
նունդ զայդոսիկ զարտաքին բարեպաշտութեան :

Եւ ուշիմ լեր , և գիտասցես եթէ ճշմարիտն հան
ճար և միակ վսեմութիւն մտաց և սրտի այն է , թա
գաւորել 'ի վերայ կրից անձին . մի գերի վարիլ 'ի զգայ
ութեանց և 'ի ցանկութեանցն . մի մտախաբ լինել 'ի
խորհուրդս վայրապարս և յերեւակութիւնս , վանել
զսրտմտութիւն և զմախանս ծածուկս , վեհագոյն լինել
արկածից և ձախողակաց : Եւ աւասիկ քեզ ճշմարիտն մե
ծութիւն ոգւոյ : Եւ գիտասցես դու այնուհետեւ եթէ
զոյս ոմանս պարտ իցէ կոչել հոգիս հզօրս անվանելիս ,
հոգիս վսեմն և բարձունս : Եւ անշուշտ են իսկ արդա
րոցն անձինք այնպիսիք ոմանք , զորս անդուռն բերա
նով ընդ վայր հարկանես , և հայիս դու 'ի նոսա իբրու
յոգիս ապիկարս և 'ի սինլքորս :

Բանգի հզօրք անվանելիք են 'ի հոգիս իւրեանց նո
քա որ ներեն դառնակսկիծ նախատանաց , որ աղօթս
առնեն 'ի վերայ Լիողաց իւրեանց և հալածչաց , որ 'ի
վերոյ կան շահիցն անարգութեան . որ անդրժեւի 'ի
բախտէն պահեն զպարտս իւրեանց զճշմարտութիւն ,
զխիղճ մտացն որ կամաւոր ժուժկալեն նաւ յանմեղան
չական բերկրանաց , որ դիւցաղունքն են և բռունք դի
մամարտեալք ամենայնին յորում նշմար ինչ իցէ չարու
թեան : Իսկ յորժամ զկրօնից հաւատոցն են ճառքն ,
հպատակք և հլուք են նոքա պարզ մտօք և խոնարհք
սրտիւ և քաղցունք , և փառս ևս համարին անձանց զհլու
թիւնն և զկարծեալ պարզմտութիւն : Եւ որագէտք իբրեւ
զօճս 'ի չարն , միամիտք իբրեւ զաղաւնիս 'ի բարին :

Իսկ դու որ զնոսա ընդ ռամիկս դասես ներհակաբար
տկարագոյն ևս գտանիս քան զանարգագոյնն 'ի ռամկէն .
քանզի յորժամ յաղազս սանձելոյ բանքն են և 'ի չա
փու զկիրան ունելոյ , քոյ լոյս բանիդ յայնժամ , և քոյ
վսեմութիւն և քոյ սրատեսութիւն ոգւոյդ , քոյ կար
ծեալ իմաստասիրութիւն , ամենայնն յայնժամ լքեալ
թողուլ զքեզ . զնմանութիւն բերես դու յայնժամ
զմանկան տղայոյ . և խաղալիկ ես անարգ և անտիա
կան կրիցդ , և եղէգն ես դու նօսր դեղեւուն , այսր
անդր հողմավարեալ : Եւ դու այդպիսի գոլով 'ի
ճառս կրօնի և 'ի սրարտս հաւատոցն վերանաս իբրու

յանզուգականութիւն հանձարոյդ, 'ի սրութիւնն, 'ի կորովութիւնն . . . : Օ՛րինչ արդեօք կամիցիս . խնդրեսցես թերեւ զօրաւոր լինել ընդդէմ Մտուծոյ ապիկար գոլով քո նաւ առ համեմատութեամբ անձինդ :

Պարձեալ ակն ինչ եւ չածեալ ըստ լուսոյ բանիդ յարգոյ հնութեան եւ տիեզերական բարեպաշտութեանն, անպատկառ իբրու ծէսս ուսմկին ծիծաղելիս առ վեմական մարդիկ, համարիս զսրբազան սպասարկութիւնս առ Մտուած պաշտամանն . զայն ինչ զոր հաւատք ամենայն դարուց, եւ բարեպաշտութիւն ամենայն արդարոց, եւ ամենայն կանոնք եւ հրահանգք կրօնին՝ արդոյս եւ պատուականս եւ անմատոյցս յարդարեցին : Մըդ աղէ, եթէ այդքիկ որոց նպատակն Մտուած է ինքնին եւ վարձն անմահական՝ չիցէն ինչ մեծք եւ արդոյք եւ պատուականք, քոյ սխալամունքդ՝ այր դու յերկրաբարչ 'ի կեանսդ վասն ծաղկրնկէց յաւիտեանիս, զինչ մեծք իցեն եւ արդոյք եւ հոյակապք :

Եւ զի հանձար խնդրես եւ վեմութիւն մտաց 'ի դատել ճշգրիտ զամենայն, զինչ քեզ առաւել քան զաղբիւր ինքնին զհանձարոյն եւ զնոյն ինքն իմաստութիւնն Մտուած : Եւ ահա առաջի ամենիմաստին եւ անլրէպ կշռողին՝ որպէս սարդիոստայնք ըստ մարդարէին անարգք եւ անկածք են՝ նաւ ամենայն ձեռնարկ հոյակապք արութեան քաջութեան արքայից մեծաց, նոյնպէս եւ արդոյք առաջի նորա նաւ դուղնաքեայքն եւ մանունք՝ որ զնա եւ զնորա փառն ունիցին ուշ նպատակին իւրեանց եւ 'ի նմանէն ակնկալցին վարձուցն հատուցման :

Մըդեօք մորոսացաւ ինչ Պաւիթ մեծն, հանձարեղն, թաղաւորն, որ ընդ ուսմիկ որերոյն խառնեալ, հոլանեալ կաքաւէր առաջի տապանակին Մտուծոյ, բարեպաշտէր եւ խաղայր եւ զտաւիղն հարկանէր . արդեօք իմաստնացաւ ինչ նա քան զբարձրայօնն Սեղքող, որ 'ի զնին 'ի պատուհանէն “ անգոսնեաց զնա 'ի սրտին իւրում . — Վանի, ասէ, փառաւորեալ էր. այսօր արքայ Սարայելի, որ հոլանեցաւ այսօր առաջի աղախնանց եւ ծառայից իւրոց, զոր օրինակ հոլանիցի հոլանելով մի որ 'ի կաքաւչաց : Եւ առ զանբարեպաշտութեան ձայնն, կարձեաց զամբարհաւած լեզուն

զինոջն, չեկաց առաւել հանձարեղ պատասխանի քան զբարեպաշտին այնորիկ : Այլ և չէ, ասէ, անարգ զործ ամենայն որչափ և անկաժ իցէ, յորժամ վասն Մատուծոյ է. և չիք այլ ինչ 'ի փառաւորաց երկրի՝ քան զոր փառաւորագոյն ոչ իցէ այն՝ որ վասն Մատուծոյ է : Մյս էր ասելն Վաւթի առ Սեդքող. « Մաջի տեառն կաքաւեցից. օրհնեալ է տէր Մատուած, որ ընտրեաց զիս քան զհայր քո. և խաղացից և կաքաւեցից առաջի տեառն և հոլոնեցայց սոյնպէս ևս քան զես. և եղէց անպիտան յաչս քո, և ընդ աղախնեաց ընդ որս ասացեր փառաւորել, փառաւորեցայց » : Սին 'ի վարձ զանզուզականն անուն ընկալաւ, « Մյր ըստ սրտին Մատուծոյ » : Սիւն 'ի պատուհաս զամլութիւն յաւերժ մինչև ցօր մահուան իւրոյ :

Մյլ ուստի մեզ այս պատրանքս, սիրելիք, իբրև զգուշնաքելիք անցանել զաստուածայնութիւն : Քանզի չեն մեզ բաց ըստ բաւականին աչք հաւատոցն. հայել յաշխարհայինս և 'ի մարդկայինսն որպիսի ենն՝ անարգք և անկայունք. և նկատել զհաւատոյսն և զաստուածայինսն որպիսի ենն արդոյք և մշտնջենաւորք : Որպէս և ճշգրտիւ ծանեան զայս և ճանաչեն արդարք ամենայն և իմաստունքն Մատուծոյ և ճմարիտ հաւատացեալքն, ոչ որք միանգամ առ մեօք կենդանիք, զորս դատափետեն իբրև հոգիս տկարս, իբրև խօթամիտս, այլ և որք յամենայն 'ի դարս՝ արք հոյակապք 'ի բրիտտոնէութեան, որոց և հեթանոսք ինքնին ստիպեալք շուք զնէին երեսացն. իբրու որ հաւատտիս մեծապէս ետուն զկորովութեան ոգւոյն, զվսեմութեան մտացն, զճմարիտ իմաստութեանն 'ի վեր քան զամենայն իմաստասիրացն կաճառս՝ յոր երբեմն պանծացան Մթէնք և Հռոմ :

Մըդ գիւցազունքդ մեր այդոքիկ այնչափ մեծանձինք, այնչափ անզարհուրելիք առաջի բռնաւորաց, այնչափ անվանելիք 'ի կորուստ գոյից, 'ի կորուստ պատուոյ և փառաց, 'ի կորուստ կենաց գլխովին, նոքին դարձեալ արք կացին պարզք մտօք, արք երկիւղածք և բարեպաշտք. արք՝ որք ընդ գիւցազնութեանն ճշգիւ հարստակ կային նա և ամենայն ջերմեռանդն պաշտամանց, որ ներքոյ և որ արտաքոյ : (Վէպէտ և վարդա-

պետք լիահանձարք , թէպէտ և առաքեալք հոգիւն կալք , թէպէտ և արք սքանչելագործք , հասարակաց օրհնութեանցն աղօթից գային բաժանորդք մտանէին ի բրեւ զտգէտս 'ի ժողովրդոց , իբրեւ զաւմիկս 'ի հաւատացելոց , իբրու Պաւղոսն այն մեծ և Ղառնաբաս մեծ որ և վայրիկ մի ևս ընդ աստուածս պաշտօն առնուին 'ի հեթանոսաց , իբրու առաքեալքն մեծամեծքն և սքանչելիքն , զորոց 'ի Պրական . որք և հանապազ կանխեալ միաբանութեամբ , ընդ ժողովրդեան 'ի տաճարն , օրհնէին զՄատուած , ասէ , միամտութեամբ սրտիւ : () Եւ հնութիւնք նոցա և աղօթք պարզք և անպաճոյճք , այլ լի հաւատով . վարք նոցա անմեղք և անկեղծաւորք , գնացք երկիրղածք և զգուշաւորք , լի ահիւն Մատուծոյ :

Մհալի քեզ օրինակք բարձունք , ճանապարհք վսեմականք . ահա ամենայն իմաստութիւն բարեպաշտութեան նոցա որ յիմարութիւն իմն համարեցաւ առաջի աշխարհի : Եւ սակայն այն մարդիկ անարգեալք հիմնադիրք կացին տիեզերական հաւատոցն , վկայք առաջինք եկեղեցւոյ . ոչ վարուքն միայն բարեպաշտութեան , այլ և որ զամենայն միտս գերէ նշանացն հրաշագործութեամբ : Մկա զնոյն օրինակ զանմեղութեանն և զբարեպաշտութեան վարեցին և յաջորդեալքն մինչև առ մեզ . և ըստ աճել հաւատոցն և ըստ բարգաւաճել զօրութեան հաւատացելոց , պայծառացան և արտաքոյ փառք և պաշտամունք եկեղեցւոյ , որ ըստ հոյակապ տաճարացն , որ ըստ փառաւոր հանդերձանացն , որ ըստ մեծաշուք զգեստուցն , որ ըստ հրապարակատեսութափօրիցն , և որ ըստ անձին առանձին կարգեալ հանդիսիցն բարեպաշտութեան :

Եւ արդ յամենեսին 'ի սոսա յորժամ երբէք երբէք զեղծումն ինչ տեսաւ , յայնժամ որք միանգամ թուլահաւատքն էին կամ թէ նորաղանդք հերձեալք կամ որք անհաւատք գլխովին , ոչ միայն անիրաւութեամբ , այլ և անհանձարաբար սկսան բամբասել և զբարեպաշտութիւնն ինքնին գլխովին :

Եւ ահա ձեզ սիրելիք երրորդն պատրուակ , որով ընդ վայր հարկանեն զարտաքին զկարգս բարեպաշտութեան , փոխանակ ընդ վայր հարկանելոյ զզեղծանելն ոմանց 'ի նոսա : Եւ սակայն նենգեն սոքա . քանզի քօղարկել զիւ-

րեանցն խնդրելով խակութիւն և զյուշութիւն և ըղ-
 թուրահաւատութիւն, անկուշէն զճշմարտութիւնն :
 Քանզի տեսանէն և այսօր պատգումն, արք նշանաւորը
 և հօյակապք 'ի լաւութեան բարոյից, յառաքինու-
 թեան, յանկեղծութեան, յարդարակորոյթութեան,
 յիմաստութեան, յանշահասիրութեան, 'ի բարեմար-
 դութեան, 'ի քաղաքագիտութեան, և յամենայն բա-
 րեկարդութեան զնացս ընդ որս և հիացեալ են նորա :
 Սակայն և տեսանէն դարձեալ, զի և նոյն արք անխա-
 փան ընթանան ըստ ժամանակին յամենայն պաշտա-
 մունս բարեպաշտութեան, յաճախեն 'ի խորհուրդս,
 վարժին 'ի բաղմնդէմ հրահանգս հոգւոյ և ամենայն
 գործոց բարեաց հպատակ կան ամենայն երկիր զածու-
 թեամբ : Իսկ իբրև խնդրանք քիարեն 'ի կշիռ գալ ընդ
 նոսա ոչ 'ի զեղեցիկ պարզեւս բնութեանն, և ոչ հե-
 տեող լինել կամին նոցուն բարեպաշտութեան, սկսա-
 նին բամբասել և ընդ վայր հարկանել՝ եթէ զեղծեալ
 են նորա 'ի բարեպաշտութեան կարգս և չարաչար վա-
 րին նովաւ չաղ մխլիս մգաղայս չո . յարժմով գովաւ :

Եւ արդ քեզ օր զայդ պատրուակես, 'ի մի բան կայ
 աւաղիկ պատրաստ պատասխանին : Ար այն բան, աղե-
 ասա, իցէ 'ի մարդիկ, թէպէտ և առաւել արդոյ և ա-
 ռաւել սուրբ յորում ապականութիւն մարդոյ ոչ զեղծա-
 նիցի նովաւ : Եւ բարեպաշտութեան կարգաց զեղծումն,
 ոյր իցէ մեղ արդեօք բարեպաշտութեանն ինքնին, եթէ
 զեղծելոցն նովաւ . որպէս և յառաջ ևս ընթացեալ 'ի
 քարոյիս, ճգրտագոյնս պարզեցուք քեզ : Այլ դու
 արհամարհեալ և զառաքինութիւնն զխտովին, տեսեալ
 զի նովաւ զեղծանին ոմանք . և զլեսցիս դու յայնժամ
 'ի պատրանս մեծամեծս և 'ի մօլորութիւնս առաւել
 վտանգաւորս քան զզեղծելոցն : Այլ զզեղծմունսն զար-
 տաքին բարեպաշտութեանցն կամիմ 'ի չմեղս հանել,
 և ոչ դարձեալ զընդդէմ նոցուն նախանձաւորութիւնն
 յորժամ յերդիմանս յանկեցի բարեպաշտութեանն :
 Ի պարսաւել զչարաչար պէտսն և զզեղծմունսն պէտք են
 քեզ ուշիմ լինել և զզատտ այնչափ իմն ճգրտաբանու-
 թեամբ, զի մի բարեպաշտութեանն վերս դիցես, և մի
 սանձարձակ գնացիցն և թուրահաւատութեան ուղի
 հորդեացես : Այլ իսկ դու շուրջ լցեալ տեսանես զաշ-

խորհ կամ սակաւահաւատ որերով և կամ անհաւատ մարդկամբ. որ ոչ միայն հրահանդացաւ Մտուած պաշտամանն ոտնհար լինին, այլ և հաւատոցն վարդապետութեան զխոյլին և ահագին խորհրդոցն ձմարտութեան:

Վաւ, ոչ մարմնոյ կրթութիւնք, ոչ դունակ դունակ արտաքնայարդար յարդանացն պաշտամունք, յանդիման ամենատեսականն Մտուծոյ որոշէն զչարս 'ի բարեաց: Մասիկ քեզ յիմար կուսանքն և իմաստունքն. ամենեքին նոքա առին զլապտերս իւրեանց ընդառաջել փեսայի և հարսին, միաբան ընթանային 'ի նոյն ահումբ բազմականին. և սակայն իւզ սիրոյն և հաւատոյն որոշեաց զնոսա 'ի միմեանց: Աւ աւասիկ արահետն և արքունին ձանապարհ զոր քեզն հորդեմ զարդիս: Վանդի որ հաստատեցի զպիտանութիւն զարտաքին կարգայն ընդդէմ անդոնողացն, արդ պարտ է ինձ հեղքել և զարաչար պէտան, զզեղծումն զնոցա ընդդէմ այնոցիկ, որ յարտաքինս յայտոսիկ հիմնեցուցանեն զամենայն զբրիտոնէական բարեպաշտութիւնն:

ՄԱՍՆ Բ.

Օր աստուածային առաքեալն ասէր երբեմն յազապ մովսիսական օրինացն, իցէ և մեզ զնոյն ասել յազապ արտաքին հանդիսից բարեպաշտութեանն, եթէ պիտանի են, և սուրբ են և արդար. «Ատուիրանն, ասէ, սուրբ է և արդար և բարերար»: Այլ սակայն զեղծանիւննոքօք՝ յառիթս ևս փոխէ մեզաց զայն ինչ որ 'ի սկզբանն հաստատեցաւ 'ի հորդել զփրկութիւն: Վանդի որ պիտանին է և բարերար, անպիտանանայ իբրեւ բնաւ իսկ անպտղաբեր, յորժամ պակասի նմա հոգին, այս է հոգի հաւատոցն և սիրոյն. քանզի մարմին լոկ առ ոչ ինչ օգտէ: Այլ որ սուրբն է և սրբարար, փոխի 'ի խոչընդոտն փրկութեան առ դուռղութեան և յանձնապատասանութեան մարդոյն որ բարեպաշտէ: Այլ որ արդարն է և արդարացուցիչ, եղծանի. յորժամ զարտաքինսն նախամեծար առնէ մարդ քան զբուն և զտիրական զարարտն:

Իւ արդ առաջին, սիրելիք, քաջ միտ դիւր, զի ողջոյն արտաքինս պաշտօն նպատակ իւր դարեկարգութիւնն ունի զսրտին և զհրահանգն, իբրու զառաջին և զվերջին իւր վախճան։ Եւ մենայն գործ բարեպաշտութեան որ ոչն ձկտի զարքայութիւնն Եւստուծոյ հաստատել 'ի ներքս 'ի մեզ, որպէս ասաց տէրն, սնոտի է։ Եւ մենայն կրթութիւն սրբութեան որ բնականից իւր ունիցի 'ի մեզ հանապազ զմեր կիրան, որ ոչն քեցեացէ 'ի սիրոյ աշխարհի զմեր սիրտս 'ի դժպատեհ ցանկութեանցն, որ յարմատոց չխզեացէ 'ի սրտից մերոց զատելութիւն, զմախանս, զամբարտաւանութիւն, զյանդգնութիւն, զծուլութիւն, այն ամենայն կրթութիւն խաղ և այլանք է առաքինութեան, քան թէ ինքնին առաքինութիւն ճշմարիտ։ Եւ այնպիսիք ոմանք եմք առ Եւստուծոյ, որպիսիք զմեզ յանդիմանեն նմա իղձք մեր և սիրտ մեր. ոչ ինչ տեսանէ նա 'ի մեզ բայց զմեր մեր։ Եւ ինքն նպատակ ամենայն ցանկութեանց մերոց իննդրէ միայն լինել. վախճան ամենայն գործոց մերոց, սկիզբն ամենայն ըղձից մերոց, և բնաւ իսկ թափ և բերումն ողոց մերոց։ Եւ յն ամենայն որ չէ այսպիսի, որչափ փառաւոր, որչափ և հոյակապ իցէ առաջի մարդկան, յոչինչ է առաջի նորա. անկինձ է որ հնչէ, և ծնծղայ որ զօղանջէ։

Եւ հաւաստիկ քեզ կրօն ճշմարիտ, ահա պաշտօն ճշմարիտ առ Եւստուծոյ, որ ողջոյն հաստատեալ կայ 'ի սրտի։ Եւ ինչ յայտնեցաւ Եւստուծոյ մարդկան, առ ինչ երեւելոց յոյց յերկրի եկեղեցի, առ ինչ կարգեաց զմեծ վայելչութիւն հանդիսից արարողութեանց, զգօրութիւն աստուածային խորհրդոց, զհոյակապութիւն զիւրոց խորանաց, զգլխակ գլխակ հրահանգս և ողջոյն զհանգերձանս զիւրոց պաշտամանն, բայց եթէ 'ի յորդորել զմարդիկ և քաղցրացուցանել զնոսս 'ի պարտս ներքինս սիրոյ և հաւատոցն և գոհութեանն. և առ 'ի կազմել իւր ժողովուրդ սուրբ, մաքուր, անարատ, հոգեւոր, 'ի յաւերժական փառս անուան իւրոյ։

Եւ հաւաստիկ վախճան պաշտամանն Եւստուծոյ կարգեալ յանաւան իմաստութեանն։ Արօնք՝ որ միայն արտաքնայարդար իցէ, և ոչ տիրացի 'ի վերայ սրտի և ըղձից նորա, անարժան է գերազոյն էին. չեն նորա փառք, չէ նորա երկրպագութիւն զոր ինքն իննդրէ։

Արօնք էն այն տարրապաշտիցն հեթանոսաց որոյ մարդիկ էին դտակք . որ պատուիրէին միայն պաշտամունա արտաքնացոյցս և արարողութիւնս այլանդակս , անմշակ թողեալ զներքինս նոցա յապականութեան սրտից նոցա . քանզի և կարէին իսկ ոչ՝ բուժել զապականութիւնն զոր և ոչ ճանաչէին անպամ :

Եւ տակայն , աւանդ մերոյ բախտին . զի այս և զմեր կողմն ճգնէ . այս և ընդ մեզ ոգորի , և այս վերք էն եկեղեցւոյ արտասուելի : Բաբէ , ոչ ահա ամենայն փառք դստեր թագաւորի՝ զոր 'ի ներքոյ ասաց մարդարէն , կայ արդ աւասիկ արտաքոյ յերևանի : Այնք երբէք երևոյթն այնպէս զեղեցիկ , որպէս առ մեօք . արտաքինքն պաշտաման կացին երբէք այնչափ հանդիսացեալք որպէս առ մեզ . երբ կանգնեցան երբէք յընդհանուրս տաճարք և վկայարանք այնչափ հոյակապք : Աորհուրդք երբ յաճախեցին այնչափ , պատարագք երբ մատեան այնչափ , և երբ արդեօք այնչափ ջերմեռանդութիւնք արտաքինք : Եւ ապա՝ թերևս և երբ արդեօք աստուածապաշտութիւնն ներքին այնչափ նուազեալ , և ճմարիտ քրիստոնեայք այնչափ դժուարագիւտք : Ալա , ոչ զլեզուն վարեմ զթուրահաւատիցն . զնոսա ես յառաջնում վանեցի մասին : Առքա զներքինն միայն դուլեն , զի զարտաքինն արհամարհեսցեն . թէպէտ և զիրկք էն միանգամայն և 'ի ներքնոյն և յարտաքնոյն : Իսկ որ պնդապահքն էն միայն արտաքնոյն , չասեմ ես եթէ կեղծաւորք էն , այլ թէ մտախաբք էն և մոլորութեամբն աներկեանք յանձինս . ապաստանեալք միայն 'ի լրումն արտաքին պաշտամանց կրօնին . հոգացեալք ինչ զներքնոյն , փոյթ չտանին ոչ սրտին մաքրութեան , ոչ դարձին նորա , ոչ փոփոխութեան վարուցն . յանդորրու կան միշտ 'ի նմին վիճակի : Եւ քանզի երբէք երբէք և բարեպաշտեն և բարեգործեն , և հանգուցանեն զխայթ խղճին , ուստի և կեան այնպէս անզգայք յախտս և 'ի մոլութիւնս իւրեանց : Ահ , մեծապէս էն պատրանքս , և տարածեալ էն յընդհանուրս :

Անգի և որչափ անհոգացեալ էն նոքա 'ի ներքին սրբութիւն , այնչափ և ժրացեալք էն յարտաքինն : Չեռն տան հիբացելոց , ողորմին կարօտելոց . աւուր աւուր , ամսոյ ամսոյ 'ի սահմանեալ ժամս և ժամանակս

բաշխեն ինչս . և զինչ քան զայն գովանի կայցէ, և զինչ ստէպ ստէպ քարողեալ 'ի գիրս իբրու զողորմածութիւնս : Եւ նորա կարծեն զամենայն ինչ կատարեալ միայն պատուիրանսն այնուիկ . իսկ յետ այնորիկ կեանս վարեն անխիղճք 'ի յանցաւորութիւնս, 'ի դայթակղութիւնս, յոխակալութիւնս, 'ի բամբասանս, 'ի ստութիւնս և 'ի խարդախութիւնս վաճառաց, ընկղմեալք յաշխարհ և զակատեալք 'ի վարս սանձարձակս : Եւ արի է ողորմածութիւն . այլ եթէ դու չողորմիս նախ անձին քում, ընչից քոց չեն ինչ պէտք Եստուծոյ . նա զսիրտ քո խնդրէ . ապա թէ ոչ, արծաթ քո ընդ քեզ լինի 'ի կորուստ :

Եւ արձեալ և վայրաց սրբութեան շուք եղեալ ուշ ունին նորա . զարդարեն զեկեղեցիս, զարդարեն զխորանս, և այլոց ևս գործոց բարեպաշտութեան փոյթ ունին : Եւ միանգամայն և 'ի գործսն յայն բարութեան յարապինսն, նոյն են նորա 'ի ներքինս իւրեանց . ամբարտաւանութիւն 'ի միտս, մախանք, ատելութիւն 'ի սրտի, անժուժկալութիւն 'ի մարմնի, ապերասանութիւն 'ի գնացս, շամբշութիւն 'ի կենակցութեան : Եւ մինչդեռ զարդարեն զտաճարս, զխորանս, խնդրեն անպարտս լինել 'ի զարդարելոյ զհոգիս իւրեանց, որ տաճար է Եստուծոյ կենդանոյ : Եւ արձեալ և ժամասէրք, և ժամասացք անխափանք են նորա, և աղօթաւորք անվրէպք և յերկարողք . այլ միշտ նոյնք դաղջացեալք 'ի վարս, և նոյնք անհոգացեալք 'ի պարտս իւրաքանչիւր վիճակի, 'ի պարտս պաշտաման, 'ի պարտս տան և ընտանեկացն : Որա և յորժամ արկածից պատահեն, և աղէտք մեծամեծք հասանեն տանն և հիւանդութիւնք մահացուք հասանեն որդւոց կամ կնոջ կամ կարեւոր մերձաւորաց կամ մտերիմ բարեկամաց, յառնեն դիմեն յայնժամ յաղօթս արանց բարեաց և առաքինեաց . ու խոտս դնեն ամենայն սքանչելագործ վայրաց բարեխօսութեամբ սրբոց . չիք տաճար, չիք խորան յորս ոչ մատչիցին պատարագք վասն անդորրութեան տանն, վասն ապաքինութեան ախտացելոցն, վասն քաջողջութեան կենացն և երկարութեան . և կրկնապատկեն և երեքսպատկեն զյիշելիս և նիպատաւաղիս :

Օ՞րդ զործես, այր դու: Ի՞նչ ինչ դարման աղետիցդ
այդոցիկ: Եւ ի՞նչ հաշտ արա զԵստուած փոփոխու
թեամբ անբարի վարուցդ: Հայն սակա առաքեաց Ես
տուած զաղէտսդ, զի դու յիշեցես զնա և զգաստասցիս
և դարձցիս առ նա: Եւ ուր արադա մատուցանես
այլ, և նուէրս ընծայես օտարս. մատո միանգամ և
զսիրտ քո նմա ՚ի նուէր՝ խոնարհեալ անձամբ ՚ի զեղջ,
՚ի հեծութիւնս, յապաշաւս. « Գառարագ Եստուծոյ
հոգի խոնարհ . . . փոխեալ զվարսդ, կեաց իբրեւ ճմար
րիտ քրիստոնեայ. և ցածուսցես ՚ի քէն զսրտմտու
թիւնն Եստուծոյ:

Եւ զինչ ևս այլ. զիտես իսկ դու զհասարակաց զօ
րակիցն յաղցաւոր ՚ի կեանս, զմիջնորդն փրկութեան
քո, « Օ միշտ բարեխօսն աշխարհի, և զդուռնն երկ
նից, և զճանապարհն արքայութեան, , , որպէս ստէպ
լես ՚ի նուագս եկեղեցւոյ, զամենատուրբն ասեմ՝ զա
տուածամայրն և զփառաւորեալն և զմիշտ կոյսն: Եւ
տեմ՝ զի բարեպաշտես կանխես ՚ի խորանս նորա ջերմե
ռանդն աղօթիւք զօրհանապաղ մանաւանդ ՚ի կարիսդ,
և անխափան գտանիս յամենայն պաշտամունս փառաց
նորա: Վաջ է: Եւ ի՞նչ քան զամենայն
զնմանողութիւն զմիածնի որդւոյն իւրոյ խնդրէ տե
սանել ՚ի քոյ վարս, ՚ի քոյ ճմարիտ առաքինու
թիւնս, ՚ի քրիստոնեայ անունդ արդիւնացեալ ՚ի զօր
ծոց քրիստոնէութեան: Օ՞րդ օգուտ իցէ ստէպ
կարդալ առ տիրամայրն, եթէ փոյթ ինչ ոչ է քեզ հե
տեող լինել սրբութեան և առաքինութեանց տիրա
մօրն: Եւ այսպէս, եթէ յարտաքինսդ միայն անդադա
հեղեալ հաստատեցես զքրիստոնէութիւնդ, քան քրիս
տոնեայ՝ առաւել խորտուիլ արտաքինապաշտոյճ էս քրիս
տոնէի, գերեզման էս բռեալ, շիրիմ զարդարեալ ար
տաքոյ նուիրական ցուցակութեամբ, օրինակաց, նշա
նակաց, դրօշից հաւատոյ, կրօնի, արդարութեան, ողոր
մածութեան. և ՚ի ներքոյ լի ամենայն պղծութեամբ
և ժահահոտութեամբ:

Եւ դու ասա ինձ. գո՞հ իցես երբէք դու և շատա
ցիս յերևոյթս միայն բարեկամութեան, երբ ճշգրիտ
գիտասցես քեզ թշնամի զանուանեալ բարեկամն քո:
Ա՞յս ապաքէն նողկալի առաւել երևեսցին քեզ յայն

ժամ պատիր նորա գրգանքն և քծնութիւնք : Աւարդ եթէ մարդ գոյով քո զողջմտութիւնն միայն խնդրես 'ի նմա և զսիրտ նորա, իսկ ապա Աստուած, Աստուած նախանձութեան Զմարտութեան և Աստուած սրտի, նուազեալ գացի 'ի զգայութեան քան զմարդ, շատացեալ ընդ արտաքինն քո միայն և ընդ լոկ կրթութիւնս մարմնոյ : Աստուած, զոր ճարթիս դու երբէք փառաւորել և սպառուել, բայց սիրելով զնա 'ի սրտէ : Ապա թէ ոչ, և իբր յայնժամ ոչ կարդացէ նա զհազարն սպառնալիսն, եթէ՝ չէն ինձ պէտք ժողովրդեանս այսմիկ . “ Օ ի ժողովուրդս այս շրթամբք պատուէ զիս, և սիրտ իրեանց հեռացեալ մեկուսի է յինկն . զուր պաշտէն զիս ” :

Աւելանալով ուրեմն, սիրելիք, եթէ անպիտանք և բնաւ իսկ անպաղտաբէրք են արտաքինքն, անբաժք 'ի ներքնոյն 'ի սիրոյն և 'ի հաւատոյն, զմտաւածէք եթէ և քանի խոչք փրկութեան մահաբէրք իցեն նոցա, որ միանգամ մտախաբ աներկեւանութեամբ միայն յարտաքինսդ յայդոսիկ ապաստան լինիցին : Վանդի արտաքին կարգաց կրթութիւնք թուին իմն յապահովել զխիղճ մտացն, և ապաստանարան իմն գործել մեղաւորի՝ թէ պէտ և 'ի նոյն մեղան յամառեալ կայցէ : Չերկնչի նա 'ի սրտին խստութենէ և 'ի լքմանէն Աստուծոյ, յորում բազում անգամ պատուհասին մեղաւորք հնացեալք . չերկնչին՝ քանզի տակաւին ըղձակաթ տեսանեն զանձինս յինչ ինչ արտաքին պարտս կրօնի : Չածեն զմտազի նոյն ինքն է հնարիմացութեան խաբանք բանասրկուին, մինչև յանապաշխարութիւն ածել զնոսա :

Սողեզինս աւաղիկ այն որ զակատեալ զհետ խաղուց 'ի շահս անարժանս, հանդարտէ զխիղճ մտացն, բաժին մի հանեալ անտի և աղքատաց : Վարձեալ և այն որ շատ համարի անձին զկենսակցութիւն երբեմն ընդ աւանց աստուածապաշտիցն և առաքինեաց . խնդրէ 'ի նոցանէ աղօթս վասն անձին, վասն կենաց բարեւրութեան, վասն բարիորդ կատարածի կենաց : Այլ ինքն առանձին անխոյժ է զհոգւոյն . կեայ նոյնպիսի . չիք փոփոխութիւն, չիք լաութիւն 'ի վարս . ապաւինեալ կայ միայն յարտաքնացոյ բարեպաշտութիւնս . սիրտ նորա նոյնպէս ցանկորդեալ կայ յատելութեան, 'ի մախանս, 'ի

ցանկութիւն մեծութեան, և ի մարմնոյ փափկութեան, կենակցութիւն նորա դառն, երդիծանող, չարարութեամբ ընկերն, գնացք ցոյիք, դատարկասունք, մեղկացեալ հովացեալ յառտուածայինս, անձնասէր, քինախնդիր, Լա ի յիւրոյ այսր ամենայնի իբրեւ ի նաւահանգստի յապահոյի հայ շուրջ պաշտօնականաւ յարտաքին նշանակաց բարեպաշտութեան, իբրեւ առ իւր վամենայն միջնորդսրն ունելով զփրկութեան հոգոյն, բաց ի միակ անհրաժեշտ միջնորդէն, ի փոխիսութեան վարուց իւրոյ:

Եւ այս ապաւինութիւնս առաւ և վտանգալից երբէք չթողու մարդոյ դառնալ ի զգայտութիւն: Տաւաթիկ քեզ ժողովուրդ հրէական՝ սնորհազոհ հաւատարիմ արտաբնոյն արարողութեանց, կացեալ ի օպառ ի կուրութեան: Օրբ դոչէին օտէպ մարդաբէր, ընդ վայր քարոզէին: Սիւրբ, ո՞ր ժողովուրդք, մի ի զոհո միայն ապաւինիք և ի զօւարաիւ, մի ի նուէրս, մի ի ձօնս, մի ի յաճախութիւն միայն օրինականս պահպանութեանցոյ: Օրբ էր քարոզն, առաւ էր անդորրութիւնն, անթմաթելի անդգայտութիւնն, մահաբէր թմբութիւնն, քանդի սնդապաշք միայն էին յարտաքինս: Եւ ինչ, եթէ ոիրտ միայն մաքուր խնդրէ Ստուած, միտք անարատ, ապաշաւ անկեղծաւոր, կեանք անմեղ. վախճան արարէք չարեացն, սէր սերտ կալարութեամբ միմեանս: Եւ ստուգէք զսիրտ և մի զսրտմուծանս: Եւ ինչ, և ազուշք անդգայտացեալք կային ի լուրն տաճար տեառն, աղաղակէին, տաճար տեառն. մեք ի տաճար տեառն և ի զօհոսն ապաւինեալ կամք. շատ են մեզ այդորիկ:

Եւ աղիկ, սիրելիք, մեղաւորք մեծամեծք, և տոբարիշտք անհնարինք և մարտաւորք և պոռնիկք դառնաւ առ Ստուած: Իսկ զիարիսեցիք, կիսամասնեայ քրիստոնեայքն, հողիք՝ որ ի նոյն ի միտմ ժամանակի և կրօնասէրք են և աշխարհասէրք, որք զսրտոց զարտաբնոյ զլրումն ի մի յարակցէն ընդ բերկրութեանց մարմնոյ, ընդ սկզբանց աշխարհի, ընդ դժգոսեհ կրիցն, երբէք նորա ոչ դարձցին առ Ստուած. աներկիւղք ի կեանս, անդեղք ի մահուն: Ի դէպ եկեալ Ստեփաննոյ զօրականին, որ արտաքոյ վասն արտառածաշարութեան մարտ եղեալ կուռէին, և ի ներքոյ հանդեր-

ձիցն յուռութուլունս և բժժանս յամենայն կողոց ուս
ընդ անութ ունէին . ուստի մանաւանդ գարշէին օ-
րէնքն : Բա՛բէ , զիսորդ հեշտին էր լինել կատարեալ
քրիստոնեայ , եթէ յարտաքինսն միայն հաստատեալ էր
ոգի և կատարելութիւն աւետարանին : Եւ ձեզ 'ի
դէպ ժամուս կամիմ ածել զյիշատակի արժանին , զոր
'ի նախնու մն ոմն յիմաստնոց հեթանոսացն 'ի դէմս
հարկանէր քրիստոնէից , եթէ օրէնք Վրիստոսին այո
գերակատարք են , սակայն մարդկան տկարութեան ան
հնարինք 'ի կատարել . " Զեր , ասէ , որ յաւետարանին
պատուիրանք , զիտեմ զի այնպէս իմն սքանչելիք են և
այնչափ մեծամեծք , մինչև ինձ թուի՝ բաւական և ոչ ու-
մեք լինել 'ի պահել զնոսա , :

Եւ արդ զի՛նչ անհնարին ուրեմն իցէ տկարութեան
մարդկան օրէնք Վրիստոսի ըստ առաւելագանց ձեռոյ
բանից հեթանոսին , եթէ արդարև յարտաքինսն անդր
միայն հաստատեալ էր հրահանգ օրինացն : Օ ի՛նչ
անհնարին էր օրինակ իմն՝ տուրս ինչ ջամբել աղքա-
տաց , ջերմեռանդն լինել աղօթաւոր առ տիրամայրն
և առ սուրբս , բարեպաշտութեան ինչ կարգաց հը-
պատակ կալ , զարդս ինչ տալ տաճարին Եստուծոյ և
խորանայն , ժամասէր լինել , և երբէք ուխտագնաց
լինել :

Իսկ որ 'ի մերսն մեծապէս է և որ շատ արժէ , այն
է մեռելութիւն ցանկութեանցն , յաղթել դժպատեհ
կրիցն , յարմատոց խել զչար սովորութիւնս , բարեկար
գել զանկակից հակամիտութիւն չարին : Եւ որ անհը-
նարին է իմաստութեան աշխարհի և անհասանելի , սի-
րել զթշնամին , բարի առնել ատելեացն , աղօթել վասն
հալածչացն . քոյ արկանել յանցանաց ընկերին , անո
խակալ լինել , ատել զաշխարհ՝ որ ընդ խաբս գրգայ
զմեօք . և զամենայն ունելով զկենցաղականսն՝ զերծ և
անդրժելի պահել զսիրտն :

Եւ չա տիրապէս կեանք քրիստոնէին , ահա ոգի ա-
ւետարանին . ահա որ մեծ և սքանչելի յանդիման հե-
թանոսացն առադրէր զսրբութիւն , զվսեմութիւն , զի-
մաստութիւն բարոյականին Վրիստոսի : Իսկ արտաք-
նայարդար գործք և կարգք է բազում անգամ զի և
ծնունդք են անձնասիրութեան . ուստի և բազում ան-

դամ նախամեծար ընտրին տրբա քան զբուն պարտս առ տուածպաշտութեան . և վեր 'ի վայր տապալի այնուհետեւ կարգն , քանզի եղծանի արդարութիւնն :

Եւ ահա հասեալ ժամանեցաք յերրորդն անկարգութիւն վտանգաբեր յոյժ : Վրանզի տեսանեմք իսկ զբազումս՝ ժիրս և նախանձաւորս յինքնաձեռնադրելի բարեպաշտութիւնս , իսկ 'ի բուն պարտս իւրեանց՝ զոր պահանջէ 'ի նոցանէ Մատուած յուլացեալս և անհոգացեալս : Վործոց պաշտաման՝ զոր զանձամբ առին՝ չտանին փոյթ առանին ինամակալութեանց գերդաստանին , քանզի անշուք և անտես 'ի մարդկանէ ոչ տածեն զանձնասիրութիւն նոցա , միտ ոչ դնեն . այլ 'ի փառասիրութեան սակս և 'ի յոյցս յանձն առնուն առ արտաքինն ճիգն թափել : Ղաւտաձեռինք են , ջամբեն տուրս վանաց , աղբատանոցաց , և 'ի հատուցմունս արդարութեան՝ զոր հրամայեն օրէնքն Մատուծոյ՝ անհոգացեալք են 'ի վճարել սարտատեարց զպարտսն : Ղոթեն յորժամ պարտք էին նոցա գործել , գործեն յորժամ պարտապանք էին աղօթել : Ա երակացուք լինին այլոցն և որբոցն , իսկ սեպհական իրք տանն վեր 'ի վայր տապալեալ են , և հիւրացեալ զաւակքն անտէրունչք կան : Տեսուչք լինին և ոստիկանք վարժարանաց , դպրոցաց . իսկ 'ի բարիոք դաստիարակութիւն որդւոց և ընտանեաց և ծառայից երբէք ոչ հպատակին : Օտարացն կապ և զգթութիւն հաշտ առնեն , և գեղեցիկս խաղաղեն զտունս նոցա . իսկ 'ի սեպհական իւրեանց տան հանապազօրեայ է կոիւն , և խաղաղութիւն բարձեալ է 'ի պատճառս դժխեմ բարոյից տանուտեարցն : Չափ ոչ դնեն զբօսասէր գնացիցն և դժպատեհ անորժակացն , և զկապ սիրոյ զամուսնացն խղեն և ուծացուցանեն յանձանց : Այլթան խոնարհին մխիթար լինել ցաւազներոյն մարմնով , իսկ 'ի սէր պատուիրանին Վրիստոսի և ոչ քայլ մի ոտին շարժեն դնալ հաշտիլ ընդ թշնամոյն և ներել և շահիլ զնա 'ի տէր : Յաղօթս յաճախեն շատախօս և երկարս , և ապա նովին բերանով՝ օրով օրհնեցին զՄատուած՝ բամբասեն դատափեռեն զեղբարս : Ի դէպ եկեալ առաքելական յանդիմանութեանն , եթէ
 “ Որ զբաղեցուցանիցէ զսիրտ իւր , և որ միով իւրք
 գծիցէ , թէպէտ և զամենայն օրէնսն պահեսցէ , այն-

պիսեղն վայրապար է կրօնաւորութիւն և աստուած-
պաշտութիւն . և լինի ամենայն օրինացն պարտական , :

Եւ անոն անստերիւր աւասիկ ձեզ , սիրելիք : Եւ ան-
մենայն որ դիմամարտի բուն և տիրապէս պարտուց իւ-
րաքանչիւր վիճակի , երբէք չմարթի լինել ոչ գործ
հաւատոյ , ոչ արդիւնք աստուածաշնորհութեան : Քրիս-
տոս չէ բաժանեալ ընդդէմ անձին իւրոյ : Եւ չէ չեղծանէ
զոր շինէ արդարութիւնն : Եւ ան որոյ և դուք եղբարք
սկիզբն յամենայն գործս ձեր , սկիզբն 'ի պարտուցն ա-
րարէք . և զոր միանգամ ոչ շինիցէք 'ի վերայ հիմանս
այսորիկ , այն ամենայն եղիցի իբրեւ փրածք աւերակաց ,
կարկառ դերբկաց , կոյտ գործոց մեռելոց , չեղծ յարդից
պատրաստելոց 'ի հուր : Եւ աստուածամբ ասեմ ձեզ , եղ-
բարք , զի փոյթ ինչ չէ Եւստուծոյ վասն գործոցն զոր ոչն
խնդրէ 'ի մէնջ : Հարցանիցէք , եթէ 'զինչ այն զոր 'ի
մէնջ խնդրիցէ : — Խնդրէ նա 'ի ձէնջ զբարեպաշտու-
թիւն ճշմարիտ և զանկեղծաւոր , զհաւատարմութիւն
առ պարտս վիճակաց իւրաքանչիւր . նախ լրումն տալ
պարտուցն , և ապա ըստ յօժարութեան առանձին յա-
ւելուլ 'ի նոսա : Եւ մի նախամեծար քան զբունն ըն-
տրեսցես զյաւելուածն . մի քան զօրէնսն Եւստուծոյ ,
զբնազարդ հաճութիւնդ . մի քան զբարեպաշտութիւնն
ինքնին՝ զերազայոյս կատարելութիւն բարեպաշտու-
թեանն : Եւ աստուածամբ ասեմ ձեզ , եթէ այ-
լանդակ այնպիսի է ախորժակ մարդոյ , զի լուծ պար-
տուցն դժոխքմբերելի է , լուծ անմիթար է , հարկա-
պահանջ է , տաղտկացուցիչ է անձնասիրութեան : Եւ
'ի գործս՝ զոր մեք ինքնին մեզ պարտս եղաք՝ բերկրանօք
բերիմք , լուծ է փոքրոգի , և եթէ դժուարաբիրտն
ինչ կայցէ 'ի նոսա , քաղցրանայ . կամ 'ի տնկակից ախոր-
ժակաց , կամ 'ի ծածուկ բերկրութենէ , զի մեք մեզէն
ընտիր արարաք :

Եւ արդ յերկուց անշափութեանց զգոյշ կացէք , սի-
րելիք , 'ի կրկին ժայռիցն , զոր ակներեւ ձեզ արարաք 'ի
ճառ քարոզիս : Եւ արքինութիւն ճշմարիտ զմիջասահմանն
միշտ ունի ուղի անխոտոր . միայն ըստ քմաց ախորժակք
սիրեն զճայրայեղսն : Եւ ինչ 'ի մերոցս մեք յաւելցուք
'ի կրօնն . լի է նա արդէն բարձրագոյն խորհրդով . միայն
թողցուք զնա՝ որպիսի և էն : Եւ ա եթէ զմեր զախոր-

ժական , զմեր զիմաստան ինդրեսցուք խառնել 'ի նա , դարձցի եղիցի նա յայնժամ կամ իմաստասիրութեամբ իմն անպտուղ բարձրայօն , և յանգուցեալ միայն 'ի լոյս բանին , և ինչ մի քաղցրամոք ոչ ջամբեսցէ սրտին 'ի ճարակ . կամ նախանձաւորութիւն իմն այլանդակ և աւելապաշտ զոր ողջմտութիւն բանին այսպանեսցէ , և զոր և դաւանութիւն հաւատոցն դատապարտեսցէ : Ընաքինակրօն վարութե արգոյ ընծայեցուցուք զառաքինութիւնն , նաև որոց ոչն սիրեն զնա . ցուցցուք աշխարհի մերովս իսկ քաղաքավարութեամբ 'ի կեանս , եթէ չէ բարեպաշտութիւն ինքնաստեղծ գիւտ կամ հաճոյք կամ տկարութիւն , այլ կանոն միանգամայն ամենայն պարտուց , կարգ ընկերութեան , ողջմտութիւն բանին , միակ իմաստութիւն ցանկալի մարդոյ 'ի վերայ երկրի :

Մտցուք միջամուխ 'ի խորութիւն սկզբանց իմաստից կրօնին , և ողջոյն յամենայն շուք և մեծութիւն պատուիրանաց նորա : Ի նեղ արկցուք և զթշնամիս առաքինութեան խոստովան լինել եթէ բարեպաշտութիւն ինքնին առանձին գիտէ ազնուացուցանել զսիրտ , վսեմացուցանել զմիտս , և արս գործել հոյակապս և դիւցազունս . և եթէ չիք ինչ այնպիսի փոքրոգի և անտիական , որպէս այր անձնադրաւ տիրացեալ 'ի կրից : Արկնեցից միւսանդամ . արգոյ և մեծարոյ երևեցուցուք մեք զառաքինութիւն . անդրժեյի թողլով նմա՝ որչափ ինչ է 'ի նմա աստուածային և փարելի , զքաղցրութիւնն , զարդարութիւն , զազնուականութիւնն , զիմաստութիւնն , զհաւասարութիւնն , զանշահասիրութիւնն , զվսեմութիւնն : Եւ յայնժամ աշխարհ՝ թէպէտ և անիրաւ , հաշտ եղիցի ընդ բարեպաշտութեան , եթէ 'ի բացէ 'ի նմանէ աւրացուք զձգձիմ բարսն և զտկարամտութիւնս :

Ըստու օրինակաւ յաջողեսցի մեզ փառաւորիցս անուանն Ըստուծոյ առնել զայնոսիկ , որ ոչն ճանաչեն զնա . և յոյս կալցուք մեք անխաբ յառուր միում տեսանել զնոսա միաբան ընդ մեզ յանմահական 'ի կեանսն :

բարեպաշտութեան : Երկիւղ Մտուծոյ սկիզբն չնորհաց , դանձարան ամենայն արդարութեան : Որ յՄտուծոյ երկնչի , երջանկասցի և յաշխարհի . քանզի և յերկիւղէ անտի միշտ հրահանգեսցի նա 'ի կեանս իւր , ուղղութեամբ և արդարութեամբ . գնալ ընդ բնութեանակից մարդիկն , չասել ինչ որ անհաճոյ իցէ կամացն Մտուծոյ , չգործել ինչ որ արգելեալ իցէ 'ի պատուիրանացն Մտուծոյ : Որ յՄտուծոյ երկնչի՝ որպէս աւետեցին զիրք՝ միշտ լիասցի տուն նորա , միշտ յաջողեսցի յամենայն 'ի վաստակս իւր : Երկիւղածի տեանն օրհնութիւն առ յՄտուծոյ և երջանկութիւն միշտ դեգերեալ կայցէ առ դուրս նորա : Որ յՄտուծոյ երկնչի 'ի կեանս իւր , անշուշտ գտցէ զՄտուած 'ի մահոտան իւրում : Որ 'ի դատաստանացն Մտուծոյ երկնչի աստէն , անշուշտ 'ի դատաստանաց անտի ապրեսցի անդէն : Օնոյն մաղթէր . աստուածայինն Վաւիթ . « Բեւեռեա ընդ երկիւղ քո զմարմին իմ , զի 'ի դատաստանաց քոց երկեայց յոյժ » :

Վաւ եղբարք իմ , եթէ աստէն աներկիւղք յՄտուծոյ , աներկիւղք 'ի դատաստանաց նորա նաև օր մի զկենաց մերոց անցուցուք . այլ միշտ կեցցուք ընդ կենսաբեր երկիւղին Մտուծոյ յամենայն 'ի խորհուրդս մեր , յամենայն 'ի բանս մեր , յամենայն 'ի գործս մեր : Ս'ի երբէք դատուք . մի երբէք թողացուցուք զհոգիս յերկիւղածութենէն Մտուծոյ : Վիտէք իսկ դուք , զի ոչ որ զիարդ և կայցէ 'ի տեղոջ ուրէք , անխախտելի մնասցէ 'ի կայի իւրում , այլ որ սեւեռապինդ բեւեռեալ կայ ուրէք , միշտ նոյնպէս կայ : Ս' ասն որոյ և գեղեցիկս յոյժ արտայայտեաց Վաւիթ զբանն , չասաց լոկ տուր ինձ զերկիւղ քո սուրբ , այլ թէ բեւեռեա զիս ընդ երկիւղ քո :

Ս' ասն որոյ առհասարակ , որ ասեմքս և որ լսեքդ այս օր մեծամեծք և փոքունք , զերծք հոգւով 'ի մարմնոյ և յաշխարհէ , հեղա միայն զահ և զերկիւղն Մտուծոյ զկենսառիթմն , զփրկաւէտն , զանդորրաւէտն բեւեռեսցուք միշտ 'ի հոգիս մեր , և այնպէս հասցուք փրկութեան : Բայց կրկնակի այն երկիւղ քրիստոնէական՝ են իսկ արդարեւ կրկին ձեռք , որովք ըստ աստուածային առաքելոյն յաջողեսցուք մեք զանձանց փրկութիւն գոր-

ծել : Երկիւղ ասեմ Մատուծոյ, և երկիւղ անձին : Ամիս փրկիլ, երկիր Մատուծոյ : Ամիս փրկիլ, երկիր 'ի քէն :

Երկնակի այս ճշմարտութիւնք մեծամեծք, երկիւղ Մատուծոյ և երկիւղ անձին, եղիցին 'ի նիւթ կարևոր քարոյիս : Տացուք սկիզբն առաջնոյ մասին, երկիւղ Մատուծոյ իբրև 'ի դատաւորէ, երկիւղ Մատուծոյ իբրև 'ի հօրէ :

ՄԱՍՆ Ա.

Աորադոյնս երբեմն վարդապետէր աստուածիմաստն Մգոտինոս, եթէ 'ի նախախնամութեան փրկութեան մարդոյ երրակի հայեցուածովք նկատեմք զՄատուած . իբրու տէր որ կիսոց չար հատուցանէ ընդ չարոյն . իբրու տէր որ բազմաց բարի հատուցանէ ընդ չարոյն . իբրու տէր որ այլոց բարի հատուցանէ ընդ բարոյն . “Տայ, ասէ, Մատուած, և չարիս ընդ չարեաց, և բարիս ընդ չարեաց, և բարիս ընդ բարեաց” : Չար ընդ չարոյ փոխարինէ, յորժամ զամբարիշտս անապաշխարս յաւիտենական տանջանօքն պատժէ : Բարի ընդ չարոյ փոխարինէ, յորժամ զմեղաւորս շնորհօքն իւրովք դարձուցանէ : Բարի ընդ բարոյ փոխարինէ, յորժամ զսուրբս փառօք իւրովք պսակէ : Յառաջնումն է ինքն դատաւոր արդար . յերկրորդումն է հայր ողորմութեանց . յերրորդումն է հատուցանող հաւատարիմ :

Բիւստոնեայ որ ճշմարտապէս փրկիլն կամեսցի, պէտք են նմա զերկնակի զայս երկիւղ տածել միշտ յանձին իւրում . երկնչել Մատուծոյ իբրև 'ի դատաւորէ, երկնչել Մատուծոյ իբրև 'ի հօրէ : Բաջինն է երկիւղ աստուածային դատաստանացն . և է այս երկիւղ որ զմեզ խոնարհս դործէ . զայս երկիւղ ջերմեռանդն պաշատէր աստուածասէր մարդարէն . “Բեռեա ընդ երկիւղքո զմարմին իմ, զի 'ի դատաստանաց քոց երկեայց յոյժ” : Երկրորդն է երկիւղ աստուածային ողորմութեանցն . և այս երկիւղ մեծապէս քաջաբերէ զմեզ :

Իսկ դատաստանա երբակի վարէ Մատուած ընդ մարդոյ յաղցաւոր կեանս նորա : Օտուալինն 'ի ձրիաբաշխ տուչութեան շնորհացն : Օերկրորդն 'ի ձրիաբաշխ ընտրութեան առ փառս : Օերրորդն 'ի ձրիաբաշխ պարզեւ յարատեւութեան 'ի շնորհս : Առցուք մեք 'ի քնին սակաւութ զերբակի զայս դատաստանա Մատուծոյ զահագինս , որպէս զի պտղաբերեսցուք 'ի մեզ զկենսատութն շահ և զդողութիւն 'ի փրկութեան մերում :

Եւ արդ առաջին , զինչ է մարդ առանց շնորհացն : Զիսուսի Վրիստոսի : Աիբրեւ մարմին առանց հոգւոյ . աչք են և ոչ տեսանէ : ձեռք գոն և չկարէ գործել . ոտք և ոչ քայլ մի շարժել : Սիտք նորա անբաժ 'ի լուսոյ , կամք նորա անմասն 'ի զօրութենէ . չէ բաւական գործել և դուզնաբեայ ինչ բարի պիտանացու առ հանդերձեալ կեանս :

Այս է արժանահաս կախումն , յոր կարգեաց եղ զմեզ Մատուած 'ի գործել զփրկութիւն մեր . զի անբաւաւ կանք իցեմք մեք անձամբ անձին լինել բարիք , այլ միայն 'ի շնորհացն Մատուծոյ : Զունիմք 'ի մէնջ այլ ինչ , բայց զապիկարութիւն և զչարութիւն և զմեղս : Սիայն յերկնաւոր շնորհացն մարթիմք ունել զճշմարիտն առաքինութիւն , զկատարելութիւն և զարդիւնս :

Սակայն ազգ կրկին զշնորհաց բնաւորեցաւ Մատուած բաշխել բանաւոր արարածոյն : Առաջինն է որով մարթ է նմա լինել բարի , և սակայն չէ բարի . երկրորդն է որով անշուշտ լինի բարի : Աթէ զառաջինն միայն ունիցի . չլինիցի երբէք բարի , ուստի և ոչ փրկեալ : Սիայն երկրորդն շնորհ տատուածային , որ և գործունեայ , առնէ զմարդ բարի և փրկէ : Ազգիկ մեզ ահ անքնին դատաստանին Մատուծոյ 'ի ձրիաբաշխ տուչութեան շնորհացն : Վանդի շնորհ է այս փրկարար . և մեք զմարթեմք արդիւնաւորել զնոյն , և Մատուած չէ պարտական 'ի շնորհել զայն , և չշնորհէ զայն ամենայն մարդոյ : Վանդի եթէ մերով զօրութեամբ մարթ էր մեզ արդիւնաւորել զայն , ոչ ևս էր շնորհք : “ Օի եթէ 'ի գործոց էր , ասէ , շնորհքն ոչ ևս շնորհք լինին ” : Իսկ եթէ պարտական ինչ էր Մատուած տալ զայն , դարձեալ ոչ ևս էր շնորհք :

Ալ զիմ ինչ վարդապետեմ տեանք իմ , այլ զաստուած .

իմաստն Պաւղոսի, և զաստուածայնոյն Մատթիոսի, Ոչ եթէ առ 'ի յուսաբեկ գործել զսելիսն, քան եթէ փրկարար ահիւն և զողութեամբն՝ որպէս առաքեալ ասաց՝ տալ գործել զանձանց փրկութիւն, միշտ զոտիցն Մատթոյ կախիլ, և միշտ խոնարհութեամբ և հաւատով զողորմութիւն նորա խնդրել, և անշուշտ առնուլ:

Եւս մեզ առաջին երկիւղ կենսառիթ 'ի ձրիաբաշխ տուութեան շնորհացն: Արկրորդ անգամ և 'ի ձրիաբաշխ բնորութեան առ փառս: Վանգի ահա և կէսք որ 'ի շնորհսն վայելէին, յանկարծ 'ի ձեռաց հանին. և կէսք դարձեալ որ երբէք չտեսին զայն, յանկարծ գտին զնա: Ո՛վ անձառ բարութեանն Մատթոյ որ տայ. ո՛վ անքնին արդարութեանն որ բառնայ: Տէր է ինքնաբուն, և ինքնօրէն նախախնամէ. զյսաւ ատեայ, և զՅակոբ սիրէ: Եւ արդար է յամենայնի. այլ բարի է յամենայնի, և զխորս խորհրդոցն իւրոց ինքն միայն գիտէ: Իսկ որ մեզն անկանի, երկիրպագանել անհասութեան խորհրդոց նորա, և խոնարհել որպէս առաքեալ պատուիրեաց՝ ընդ հզօր ձեռամբն Մատթոյ. և զողութեամբ զանձին փրկութիւն գործել: Սիշտ ապաւիւնեալ 'ի շնորհս ողորմութեան նորա, միշտ յուսացեալ աներկբայ. զի «Յոյս, ասէ, ոչ երբէք ամաչեցուցանէ», Վանգի և որ զահագինսն ասաց աստուածային առաքեալն, նոյն և քաջալեր մեծապէս 'ի ներքս արկանէ, «Երբ ոչ եմ, ասէ, յամենայնի նուաւ որ զօրացոյցն զիս», Եւ անշուշտ միշտ զահս ունել յանձին զգատաստանին Մատթոյ, սակայն և միշտ զհետ երթալ զգործոց բարեաց, են իսկ այս կրկին նշանք անպատիւրք երջանիկ նախասահմանութեան մարդոյ:

Եւ սակայն և զերրորդն կենսառիթ երկիւղ 'ի փրկութեան մերում յաւելու մեզ ձրիաբաշխն այն պարզ և յարատեութեանն 'ի բարին: Ոչ սկիզբն, սիրելիք, այլ վախճանն պսակէ զգործն: Եւ զի այս վախճանն պսակիչ է միայն ձրիատուր պարզ և Մատթոյ. և զի որ ոչն համբերեացէ 'ի սպառ, ոչ կեցցէ, ըստ տէրութեանն պատգամին. և զի որ յասպարիսի ընթանան, ընթանալ ամենեքին ընթանան, բայց մի ոք առնու զյաղթութիւն, ըստ Պաւղոսի. ապա և 'ի մասին յայսմիկ, «Արկիւղիւ զմեր պանդխտութեան զնացսն յարդարես»:

յուր , , ըստ առաքելական խրատուն : Սակայն և մի մի միայն երկիւղ սրտաբեկ իբրու որ ձրիատուր է յարատեւութիւնն , այլ և զնոյն ձրիատուրն դարձեալ պաղատանօք խնդրել յԱստուծոյ , որ անշուշտ տայ . “ Խընդրեցէք , ասէ , և տացի ձեզ . զի որ խնդրէ առնու , և որ հայցէ գտանէ , , :

Սակայն և մի ՚ի խնդրեւն միայն կալ մնալ , այլ և ընթանալ : Օ ի որ ասայն , եթէ մի որ առնու զյաղթութիւնն , ոչ յայնմ և եթ յանգոյց զբանն , այլ և քաջալեր կարդայ , “ Այնպէս ընթացարուք , զի հասանիցէք , , : Օ ինչ իցէ “ այնպէս ընթանալն զի հասանիցէք , , : Այլ ընթանալ , ասէ , միայն առ ժամանակ մի , այլ միշտ ընթանալ առ ՚ի հասանել : Այլ ընթանալ միայն յուլադոյնս , այլ ժիրաժիր . ոչ կասել ՚ի խոչընդոտիցն յընթանալն , այլ կոխելով զամենայն քաջութեամբ . այս է այնպէս ընթանալն զի հասանիցէք , և զանեղծութեան պսակն առնուցուք : Այս յընթացն քաջութեան միշտ երկիւղածութիւն յանձին բերել . միշտ երկիւղ և միշտ յոյս . միշտ երկիւղ Աստուծոյ և միշտ հաւատով խնդրուած յԱստուծոյ . միշտ երկիւղ և միշտ ընթանալ . միշտ քաջալերել յԱստուծոյ և միշտ երկնել , և այնպէս հասանել ՚ի պսակն :

Այլ վայրիկ մի սիրելիք լուարուք ձայնին որ ասէ . “ երկնչիմ , , : Այլ ո՞րք է , որ ասէն . խաչեալն աշխարհի , յափշտակեալն ՚ի յերրորդ երկինս , լսողն անձառից , չարչարազգեաց նահատակն , տիեզերաց վարդապետն , խաչակիրն Վրիստոսի անձն : Առիցուք ձայնին , “ Արկնչիմ , , , ասէ : Թէպէտ և ես կեամ ասէ , ՚ի Վրիստոս , թէպէտ և ընդ Վրիստոսի ՚ի խաչ ելեալ եմ , թէպէտ և ճնշեմ զմարմին իմ վասն Վրիստոսի , ՚ի վերայ այսր և դողամ և երկնչիմ ես . միթէ համբերեցից մինչ ՚ի սպառ . և յետ այլոց քարոզելոյս մի արդեօք անարգեցայց ես . “ Արկնչիմ , երկնչիմ , գուցէ որ այլոցն քարոզեցի , ես ինքն անպիտան գտանիցիմ , , :

Այլ երբ , և յոր դէպս , և յորո՞ւմ ժամու երկնչէր այսպէս երանելի հոգին : Այլ ժամանակի յորում ինքն նահատակեալ իսկ էր անձնանուէր ողջոյն ՚ի գործն Աստուծոյ , յորժամ քարոզէր անդու զԱստուծոյ բանն , յորժամ տարածէր զհաւատսն ընդ տիեզերս , յորժամ

նախատէր անարդէր վասն անուանն Վրիստոսի : Ա իշտըս , ասէ , 'ի ծովու , վիշտս 'ի ցամաքի , վիշտս յաւազակաց , վիշտս 'ի սուտ եղբարց . 'ի գանս , 'ի հարուածս , ընդ արին եկեալ և ընդ ապաժոյժ . 'ի թշնամանս , ընդ քաղց և ընդ ծարաւ , ընդ բանտ , և ընդ կապանս վասն Վրիստոսի : Ի վերայ այսր ամենայնի՝ դողայր և երկրնէր , մի արդեօք . Որ այլոցն քարոզեցի , ասէ , ես ինքն անպիտան դտանիցիմ , :

Բաբէ , բաբէ . եթէ այնպիսի հոգին՝ այնպէս , մեք որ ոչ միայն չկրեալք ինչ վասն Վրիստոսի , այլ և միշտ անձնդիւրք այլ և միշտ խուսեալք 'ի խաչէ , այլ և բազում անգամ ստամբակեալք 'ի Վրիստոսէ . մեք զինչ . . . : Բստանօր պակասին բառք . . . : Բստանօր նուազի և ձայնարկութիւն . . . : Սիայն լռութիւն . . . և վայրիկ մի ուշով առն իւրաքանչիւր սիրելիք 'ի վերայ անձին քննութիւն . . . : Վանիօն ուրեմն իրաւունք իցեն զահ և զերկիւղ դատաստանացն Բստուծոյ որպէս ասացի միշտ բւեռեալ 'ի սրտի ունել մեզ և այնպէս տնօրինել զկեանս մեր . միշտ մեծապաղատ ընդ աստուածայնոյն մաղթելով Դաւթի , “ Բւեռեա ընդ երկիւղ քո զմար մին իմ , զի 'ի դատաստանաց քոց երկեայց յոյժ , : Օ ի թէպէտ և բուռն և սաստիկ է ահ դատաստանացն Բստուծոյ , սակայն և փրկարար է և կենսառիթ հոգւոյն :

Բհ դատաստանացն Բստուծոյ՝ որոտընդոստ փայլատակումն է առ ամպովք . զոր օրինակ ահագին որոտումն երկնից ընդհարեալ պատառէ զամպս , և լուծանին ցօղեն շիթք կենսաբեր անձրեւոյն արբուցանել զերկիր , սապէս ահ դատաստանացն Բստուծոյ ճայթէ , սարսէ և երկիւղեղկէ զսիրտ հաւատացելոյն , և ճանապարհ արքունի բանայ երկրորդի երկիւղին . երկիւղ քաղցր և անոյշ , երկիւղ փրկաւէտ և համբոյր , այն է երկիւղ յԲստուծոյ ոչ իբրեւ յարդար դատաւորէ , այլ իբրեւ 'ի բազմագութ հօրէ : Յայս վայր , սիրելիք , երկեաք երկիւղ զահագինն , բայց և զկենսառիթն . երկիցուք զարդիս և զանդորրաւէտն . երկիւղ կարեւոր յոյժ 'ի փրկութիւն :

Երկիւղ յԲստուծոյ իբրեւ 'ի հօրէ : Բաբէ քաղցրութեան որդիական երկիւղին : Ո՛վ երկիւղ անաբատ և ողջախոհ . ո՛վ երկիւղ սուրբ Բստուծոյ իբրեւ

ի գորովագութ հօրէ . ուլ աղբիւր խնդութեան և խաղաղութեան , եկ էջ աղաչեմ ՚ի սիրտ իմ , եկ և շարժեալ զլեզու իմ , խօսել ինչ մի զքէն արժանապէս : Եւ քանզի ահագնութեամբ քոյ դատաստանաց սարսեցի զիմ ունկնդիրս , վայրիկ մի և քաղցրութեամբ քոյ ողորմութեանց սիրտեցից զնոսա : Երեք ինչ պարտեն և նկուն առնեն զսիրտ մեր , Երկիւղ , Յոյս և Սէր : Երկիւղ պատուհասին՝ բռնաւոր զոմն ՚ի ներքս մատուցանէ սրտին : Յոյս հատուցման՝ տէր զոմն առաջի առնէ մեզ : Սէրն միայն բարեկամ զոմն և հայր զոմն շնորհէ մեզ :

Իսկ երկիւղի ազգ կրկին նշանակեն աստուածային զիրք : Օ առաջինն ՚ի բաց վարէ սէրն ըստ Պաւղոսի . “ Սէրն ՚ի բաց մերժէ զերկիւղն , ” : Երկրորդ երկիւղն դեղեցիկս միաբանի ընդ սիրոյ . և է սա երկիւղ սուրբ , փրկաւէտ և մնայուն , ըստ որում ասէ , “ Երկիւղ տեառն սուրբ է և մնայ յաւիտեան , ” : Երկրորդն է երկիւղ ծառայից և գերեաց . երկրորդն է երկիւղ որդւոյ : Երկրորդին ուշ նպատակի է միայն բարութիւն և զթութիւն և քաղցրութիւն հօրն յորմէ երկնչի : Երկրորդն երկիւղն չփոխէ ինչ զսիրտ ամբարշտին . միայն երկրորդն ազդողական է ՚ի սիրտ և փոխէ զնա :

Քանզի երկիւղ պատուհասին միայն ամբօխէ զսիրտ , այլ շարժէ ոչ ՚ի սիրել զարդարութիւն : Քանզի և շարժմունք սրտին , խորհուրդք մտացն վերաբուսեալք յայնպիսի երկիւղէ՝ միշտ բռնադատեալք են և միշտ ակամայացեալք , և չմնան յաւաստանի : Յօրինակ սովատանջ զայլոյ , որ ՚ի քաղցէն դրդեալ դիմէ ՚ի դաւիթ ոչխարացն , իսկ այն ինչ հաչիւն լուեալ զարթուն գամիռանցն , և զձայն հովուացն , բռնադատեալ տեղի տայ ՚ի վայրացն առ ժամն , այլ ոչ եթէ հանդարտէ . զնոյն ունի կիրս ՚ի կեղեքել զհօտն . քանզի երկիւղ պատուհասին միայն ներգործեաց ՚ի սիրտն :

Եւ զոր օրինակ աւագական զիպեալ քեզ , և հզօրագոյն քան զինքեանս գտեալ զքեզ , մարդասիրապէս մօտին , քանզի երկնչին ՚ի քէն . այլ ոչ եթէ զաւագական բարոյ զկիրան մոռացեալ ինչ են նոքա , և միշտ կամին կապուտ կողոպուտ թողուլ զքեզ՝ եթէ ձեռնհաս իցեն :

Ս'ի միայն երկիւղ սուրբ , երկիւղ անհաճու և որդիա-
կան բղխեալ 'ի սիրոյն , շարժէ վարէ և ուղղէ զսիրտ
մեր , և դրոշմէ 'ի նման զօրէնս Մատուծոյ , և տայ մեզ
ողջիկ պահել զնոսա , ոչ յայլ ինչ պատճառս , այլ զի մի
յանցուցեալ դառնացուցուք զհայրն որ այնչափ դորո-
վագուծ սիրէ զմեզ : Մ.յս է երկիւղ ողջախոհ և սուրբ
և որդիական . և այսմ երկիւղի ամենայն փութոյ պըն-
դուծեամբ պարտ է , սիրելիք , ուշ ունել մեզ յամենայնի
Վանդի այս երկիւղ , քաջ միտ դիք , այս երկիւղ շատ է
մեզ 'ի գործել զյաւիտենականն փրկութիւն : Մասիկ
քանիօն իցէ զօրութիւն նորա :

Եւ զինչ . չիցէն թերեւս 'ի միջի և սատարք մեզ և
առիթք բազմապատիկք զօրաւորք , երկնչել մեզ Մ.
տուծոյ իբրև որդիք , երկնչել 'ի նմանէ իբրև 'ի գորո-
վագուծ հօրէ : Մ.յո , են իսկ արդարև ահազինք դա-
տաստանք Մատուծոյ երկնչել մեզ յարդարութենէ նո-
րա , այլ սակայն են են և արգասիք անձառելիք բարու-
թեան Մատուծոյ առ 'ի յուսալ աներկբայ և սիրել սերտ
զգթութիւն նորա և առնուլ անշուշտ զողորմութիւն
նորա :

Ինչաւին ամենաբարին կամի , զի ամենեքին առ հա-
տարակ փրկութեան հասանիցեմք՝ յոյր սակս ստեղծ
զմեզ . չկամի երբէք եթէ կորիցէ և մի ոք 'ի մէնջ :
Օհր քաջալեր , զոր մխիթար 'ի ներքս մեզ չածեն աս-
տուածային պատգամք , նա և երդմամբ չափ . “ Եւն-
դանի եմ ես , ասէ տէր . ոչ կամիմ զմահ մեղաւորին ,
այլ զդառնալ նորա 'ի չար ճանապարհէն և զկեալ , :
Ո՛վ անձառ դթութեանն : Եւ դարձեալ զհամաշխար
հական աւետիսն տալով խնդացուցանէ . “ Այ կամի
Մատուած , եթէ ոք կորիցէ . այլ ամենեցուն . . . այլ
ամենեցուն հասանել յապաշխարութիւն , : Եւ ինքնին
դթած որդին զաւետիս երկնաւոր հօրն կնքով հաստա-
տեաց . “ Այ են ասէ կամք առաջի հօր իմոյ , եթէ կո-
րիցէ մի ոք 'ի փոքրկանցս յայսցանէ , :

Մպա ուրեմն առ հասարակ մեր ամենեցուն իրաւունք
են , և իրաւունք անխաբ՝ յուսով ակն ունել փրկութեան
մերում : Իրաւունք անդրժեղիք հաստահիմն սնդեալք
'ի վերայ անապառ բարեգթութեանն Մատուծոյ . իրա-
ւունք անդրժեղիք՝ հիմնեալք 'ի վերայ նոցուն իսկ պատ-

գամաց Մատուծոյ : Կամիսն և ազդոյ ինչ լսել առաւել .
 ահա իբրեւ յանցանս անհնարինս համարի Մատուծ
 մարդոյ զյուսահատիլ նորա 'ի փրկութենէ իւրմէ ,
 զանյուսութիւնն նորա 'ի զթութիւնն Մատուծոյ , քանզի
 չափ դնէ յուսահատութեամբն անսպառելի ողորմու-
 թեանն նորա , և սահման կարգէ աստուածային առա-
 տաճեռնութեանն : Քանի՞օն իցեն այս անարգանք մեծ-
 վայելութեանն Մատուծոյ :

Կամիս և ակներեւ տեսանել եթէ քանի սիրեաց և
 սիրէ զմեզ Մատուծ իբրեւ հայր : Հայեաց յերեսս օ-
 ծելոյ նորա . հայեաց 'ի խաչելեալս յայս , ինքնին նա
 ետ մեզ զմիածին զիւր որդին , մարմնակից մեզ և բնու-
 թենակից եղ զնա . բաժանակից տկարութեան մերում
 կամեցաւ զնա . այլ և 'ի թշնամանս բիւրս և 'ի չար-
 չարանս դառինս և 'ի մահ խաչի մատնեաց զնա առ սէր
 մեր , 'ի փրկութիւն մեր :

Արդ 'ի խոցուածս վիրացս այսոցիկ , և 'ի հեղումն
 կենարար արեանս այսորիկ , և յայս մահ անպարտակիր
 և անմահարար , կնիքս անջնջելիս ունիմք մեք և զրա-
 ւականս անսուտս և առհաւատաչեայս անխաբս զաս-
 տուածային ողորմութեանն , այլ և զվճիռ սահմանի
 փրկութեան մերոյ ունիմք 'ի նոսա : Սա է Մատուծ
 մեր , որ յանմեղութեան մերում զրգայ և զգուէ զմեզ .
 “ Որպէս զթայ , ասէ , հայր 'ի վերայ որդւոց իւրոց ,
 այնպէս զթասցի տէր յերկիւղածս իւր : Աւ որպէս
 մայր՝ որ զմանուկ իւր զգուիցէ , այնպէս զգուեցից
 զձեզ , ” :

Սա է Մատուծ մեր , որ 'ի մեղս մեր կուէ զմեզ առ-
 ինքն , հրաւեր կարգայ , ձայն տայ սարտուցելոցս որ-
 դւոց դառնալ ամիսփել 'ի ծոց հայրենի . “ Կարձ ,
 ասէ , Խորայէլ , և բուռն հար զյաւիտեանական կենացն :
 Կարձարուք առ իս , և ես դարձայց առ ձեզ , ” : Աւ
 “ Եկայք առ իս ամենայն աշխատեալք , և ես հանգու-
 ցից զձեզ , ” : Սա է Մատուծ մեր , որ երբէք ոչ թո-
 ղու 'ի ձեռաց զապաւինեալս իւր . “ Կթած և երկայ-
 նամիտ և բազումողորմ . ոչ 'ի սպառ բարկանայ և ոչ
 յաւիտեան պահէ ոխս . ոչ ըստ մեղաց մերոց առնէ
 մեզ , և ոչ ըստ անօրէնութեան մերում հատուցանէ , ” :
 Օ այս ասէր Կաւիթ , և 'ի սրտառուչ փափաքանայն ոչ

դադարէր ասելով. “Մտուած Մտուած փրկութեան իմոյ”, քանզի չկարեմէս փրկել զիս առանց քոյ: “Մտուած Մտուած փրկութեան իմոյ”, քանզի կամիս զփրկութիւն Հոգւոյ իմոյ, և խնայես յոչինչ՝ առ ՚ի տալ ինձ զամենայն սատարս փրկութեան: Եւ արդ յայսչափ զրաւականս անխաբս այնչափ զթութեանդ, “Ես յու՛մ մէ՛ երկեայց. տէր ապաւէն կենաց իմոյ, ես յու՛մմէ՛ դռ զացայց”:

Սի ինչ է, սիրելիք, յորմէ՛ երկնչել պարտ է, սակայն և երկնչել միշտ իբրև որդիք. մի յանցանել յՄտուած Հայր մեր, մի դառնացուցանել մեղօք զբազմադութ Հայրն: Եւս երկիւղ սուրբ, փրկաւէտ և անդորրաւէտ և ինդութիւն է Հոգւոյ. քանզի պահապան է պատուիրանացն Մտուծոյ, զի ոչ այնչափ երկիւղ է, որչափ սէր: Եւս երկիւղ է, զոր և այնչափ մեծարանօք կոչեն աստուածային գիրք. “Մտուծոյ երկիր, ասէ, և զպատուիրանս նորա պահեա, զի այս է մարդն ամենեւին”, բաբէ գովութեանն. իբրու որ ասէր, եթէ ընդունայն է ամենայն, և յոչինչ զրեւցին ամենայն առաքինութիւնք մարդոյ, եթէ միայն ՚ի սիրալիր երկիւղէ աստի անբաժ իցէ. ապա եթէ զայս միայն ունիցի, նա և զամենայն բարեմասնութիւն Հոգւոյն յինքն բարձեալ բերիցէ. “զի այս է մարդ ամենայն”:

Քանզի քան երկիւղ որպէս ասացի՛ բոլորովին սէր է այս երկիւղ որդիական: Արկնչի ծառայն մեղանչել ՚ի տէր իւր, երկնչի մի սրտմտեալ ՚ի վերայ իւր տեսանել զերեսս տեառն. էր աղագաւ. ոչ զի սիրէ զնա, այլ զի երկնչի ՚ի պատուհասէ նորա. ապա ուրեմն քան զտէրն առաւել ևս սիրէ նա զանձն: Արկնչի որդին վշտացուցանել զՀայրն, խնդրէ միշտ համբոյր տեսանել զերեսս հօրն. առ ի՛նչ. ոչ զի երկնչի ՚ի պատուհասէն, այլ զի սիրէ զնա, և չկամի երբէք տրտմեցուցանել զնա յանցաւորութեամբն. ապա ուրեմն զՀայրն միայն սիրէ սերտիւ, ոչ ինչ միտ եղեալ պատուհասի անձին իւրոյ:

Ուշ զնէ ծառայն ՚ի պարտս միայն ծառայութեանն. զննէ մանր՝ ո՞ր այն իցէ որ թոյլ նմա տուեալ իցէ ՚ի տեառնէն, և ո՞ր այն որ արգելեալ իցէ նմա ընդ պատուհասիւ տանջանացն. և ըստ զննութեանն՝ այնպէս ընթանայ միշտ ծառայաբար, և ոչ երբէք ազատօրէն. երկիւղն է

միայն առաջնորդ նմա, և ահա պատուհասին կառավար
նորա: Ուշ եղեալ հայի որդին 'ի հաճոյս միայն հօր իւ-
րոյ. քննէ քաջ որ այն իցէ նմա անհաճոյ, և որ այն նմա
սիրելի. և շատ է նմա գիտել զայն. հաճոյք միայն
հօրն առաջնորդ նմա յամենայնի, և սէր նորա միայն
վարէ յամենայնի: Ինչ մի համար ունի նա և զհրա-
ման հօրն և զխորհուրդ հօրն. 'ի միասին առեալ զուգէ
և զպարտս իւր և զվայելութիւնն: Յօժարակամ գի-
մէ 'ի կատարել զազատութեամբ յանձնեալսն 'ի հօրէն՝
իբրու որ հրամայեալք իցեն, և յօժարակամ կատարէ
զհրամայեալսն, իբրու որ ազատութեամբ յանձնեալք
իցեն: Ուր բանք են զհաճոյից հօրն, սիրէ առաւել
զանցանել առատաձեռնութեամբ, քան նուազել ճշդու-
թեամբ: Վանգի ըստ աստուածայնոյն Վաւթի,
“Վաղցր են 'ի քիմն նորա բանք հօրն քան զմեղր բե-
րանոյն. և օրէնք տեառն քան զմեղու խորիսն”:

Իհա այս երկիւղ է հարազատ որդւոյ. և եթէ զայս
դրոշմեսցուք հանապազ 'ի սիրտս, չիք հնար, սիրելիք,
եթէ յանցանիցեմք յԱստուած հայր մեր: Սա զմեզ ի-
մաստունս գործէ ճանաչել զչար, երկիւղածս 'ի տեսա-
նել զչար, ժիրաժիրս 'ի փախչել 'ի չարէ: Սա զմեզ քա-
ջագօտիս արիացուցանէ մարտ եղեալ կռուել ընդ կրից,
նշան յաղթութեան կանգնել 'ի վերայ փորձութեան,
համբերել վշտաց և չարչարանաց: Իսկ երկիւղ է լի
աստուածային սիրով, որով միայն փրկին որք փրկինն,
և յորմէ անբաժք դատապարտին որք դատապարտին:

Ո՛վ երկիւղ անարատ, ո՛վ երկիւղ հարազատ սիրոյ,
աղբիւր հանձարոյ, սկիզբն իմաստութեան, որպէս կրն-
քեաց իմաստունն. ո՛վ ինձ տացէ ունել զքեզ, ժառան-
գել զքեզ 'ի ծայրալիւր լրութեան քում. ո՛ ալ. բայց
ինքնին Աստուած որ խոստացաւ տալ ինդրողին իւրում:
Խնդրեսցուք, հայցեսցուք 'ի նմանէ եղբարք, և ուսցուք
մեք երկնչել երկիւղ որ 'ի սիրոյ:

ՄԱՄՆ Բ .

Կամի Ղստուած ճշմարտապէս զփրկութիւն մարդոյ ,
 և ո՞ երկբայեցի ընդ այն . այլ թէ ճշմարտապէս կամի-
 ցի և մարդ զփրկութիւն անձին իւրոյ , և ո՞ որ տոու-
 դեցէ մեզ զայն : Բաւական , սիրելիք , և այլ իմն խէթ և
 երկիւղ , յորմէ և խոնարհութիւն անհրաժեշտ հասցէ
 մեզ , միանգամայն և հանապազօրեայ արթնութիւն 'ի
 ձեռնարկ մեծ յաւիտենական փրկութեան մերոյ : Ոչ
 փոփոխի Ղստուած իբրեւ զմարդ . անփոփոխ են կամքն ,
 անդարձք են պարգևքն , անզիղջ են ողորմութիւնքն :
 Ինքն միշտ հրաւեր կարգայ մարդոյ 'ի փրկութիւն . մարդ
 է՛ զի լսէ , է՛ զի ունկնախից լինի , է՛ զի անստատէ : Բա-
 ւել ևս հեշտանայ Ղստուած 'ի տալ մեզ զհնորհս , քան
 մեք յառնուին . առ հասարակ տարածեալ է զսիրոյ բա-
 զուկսն . երբեք չքանէ զմարդ , եթէ ոչ նախ լքցի 'ի
 մարդոյ . “ Խօսեցայց , ասէ , զքեզ ինձ հաւատով . և
 հաստատեցից ընդ քեզ ուխտ յաւիտենական ” : Բայ
 բանք Ղստուծոյ անսուտք 'ի հաւատ անխաբ խոստմանցն ,
 և հաստատութիւն կամաց նորա 'ի փրկել զմեզ :

Բայ բարէ , զինչ ապա իցեն այն սրտառուչ զանգատք
 նորուն տեառն , մանաւանդ եթէ ահագին սպառնալիքն
 առ մարգարէին . “ Զրուեցին , ասէ , զուխտն յաւիտե-
 նական . անցին զօրինօք , փոխեցին զիրաւունս ” :
 Օ իմրդ , որ ընդ իս զյաւիտենից դաշն , ժպրհեցաւ
 ասէ մարդ փոխել զնա . և զիմրդ խօսեցեալն ինձ հո-
 գին , ուխտադրութ չօքաւ , ասէ , հարաւ 'ի սէր օտա-
 րին : Եւ զիմրդ այսուհետեւ ահագինքն իմ դատաստանք
 չիցեն արգասիք նորուն իսկ ապիրատութեան մարդոյ և
 անհաւատարիմ հոգւոյն ” :

Բայ ուրեմն քան յՂստուծոյ և 'ի դատաստանաց նորա
 պարտք առաւելագոյնք են մեզ , սիրելիք , երկնել և դո-
 զալ յանձանց մերոց 'ի փրկութեան մերում . որպէս խը-
 րատեայ աստուած իմաստն Պաւղոս . “ Բ՛հա և դողու-
 թեամբ զանձանց փրկութիւն գործեցէք ” :

Եւ ահա այս երկիւղ անձին կենսառիթ և փրկա-

րար յառաջ կացցէ մեզ և յաջողեսցի ինձ միանգամ շիջուցանել Մատուծով զփրոցուռոյց ամբարտաւանութիւն 'ի սրտից մարդկան, կարճել զաներկիւղութիւնն, ընդոտնել զյանձնապատանութիւն . մի երբէք 'ի գործ յայս մեծ հոգևոր ապաւինել յանձն, նա բովանդակ զյոյս և զբաջալերութիւն իւր դնել յՄատուած : Եւ արդ միտ դիք սիրելիք : Մ. 'ի փրկութիւն պէտք են մեզ, կամ կալ մնալ 'ի բարութեան՝ յորում եմքս, կամ խոտորել 'ի չարէն յորում թարթափիմքս : Արկին աւադիկ վտանգք մեծամեծք, կրկին աւադիկ ժայռք՝ դիւրութեան և դժուարութե. ոյց աղագաւ մեծապէս երկիւղ կայ մեզ առաջի երկնէլ 'ի գործ փրկութեան մերոյ :

Վանգի ցուցցուք առաջին, քանի՞ դիւրեաւ դառնամք մեք լինիմք չարք՝ նաև յորժամ եմք բարիք : Արկորդանգամ, քանի՞օն իցէ դժուարութիւնն 'ի լինել բարիք, յորժամ 'ի չարութեան եմք : Տպացուցցուք 'ի մեզ ինքեանս այսօր ճշգրտիւ զպատկեր թշուառութեան մերոյ և զապիկարութեան, զի ճշգրտագոյն ևս նկարեսցուք 'ի մեզ զպատկեր զողորմութեանն Մատուոյ :

Նկատել միանգամ զազգ մարդկութեան՝ վիճակսներ հակակիրս տեսանեմք 'ի նմա զաղքատութեան և զընչաւէտութեան, զազնուականութեան և զհիբութեան, զերջանկութեանն և զանաւագութեան, զառաքինութեան և զմիլութեան, զբարութեան և զչարութեան : Վանգի մերթ կամի գործել զամենայն բարի զոր կարէ . մերթ ինդրէ գործել զամենայն չար զոր կամի . և զի ամբառնայ սրանայ մինչև յՄատուած մայքութեամբ հոգւոյն, և զի իջանէ խառնի մինչև յանբանից դասակ զազրութեամբ գործոյն : Նկատել, ասեմ, 'ի մարդումն զներհակակրութիւն զայս զմեծ, թուի ինձ յակն արկանել, տեսալք, հոյակապ իմն շինուած մեծագործ և հինաւուրց որ կամ 'ի թշնամեացն ձեռաց հիմնայատակ տապալեալ իցէ, կամ 'ի բազմահարուստ դարուց հնութենէ ողջոյն խաթարեալ իցէ . աւերած առ հասարակ քանդեալ և աւերեալ միանգամայն : Մ. Եւ սակայն և 'ի նոցուն իսկ յաւերակացն յերևան դայցէ մեծագործութիւնն, և 'ի նշխարաց անտի հոյակապիցն իմաստասիրեսցես դու զվաղնջուց գեղն և զկարգ և զօրինակ զչքնաղ ճարտարապետութեանն :

Լ՝յապիսի ինչ է մարդ, տեարք իմ. շինուած մեծա-
կաւոյց տապալեալ անդատին 'ի մեղաց նախաստեղծին .
և սակայն 'ի դերբուկս աւերակացն և 'ի մէջ ար-
դեան տկարութեանն ողջ տակաւին պահէ զնշխարս
զվաղեմի մեծութեանն : Եւ է այս ինքնին խորհուրդ
բազմահնար երկնաւոր հօրն, զի նկունք իցեմք և
տկարք, զի երկիւցուք յանձանց մերոյ . լինել դարձեալ
և մեծք և հզօրք 'ի նա միայն ապաւինելով : Եւ օրինակ
զայս միայն յաջողեսցուք մեք ամբառնալ զմեզ և վերա-
դառնալ յառաջին մեծութիւնն : Երկիւղ անձին և ա-
պաւինութիւն յԼ՝ստուած . ահա կրկնակի ձեռք ու
բովք քաջացեալք յափշտակեսցուք զարքայութիւնն եր-
կնից : Սակայն և ոչ յաջողեսցի մեզ ունել յԼ՝ստուած
զծայրալիրն ապաւինութիւն, եթէ ոչ սկիզբն արաս-
ցուք մեք երկնչել յանձանց : Երկնչել անշուշտ, նաև
յորժամ եմքս բարիք . քանզի և զիւրեաւ յոյժ է մեզ
զթել 'ի չարն :

Իայց և նախ առաջին, աղէ ո՞ անշուշտ յապահովեա-
լէ զմեզ եթէ եմք բարիք : Վործք քանիք յաչս մարդ-
կան երևեալ չարք, բարիք են յաչս Լ՝ստուծոյ . և քանիք
դարձեալ բարիք առաջի աշխարհի, չարք են յանդիման
երկնից : Լ՝յո չեմք յուլացեալք 'ի գործս աստուած-
պաշտութեան . չեմք անգութք, կարեկիցք եմք աղքա-
տաց, օգնականք տառապելոյ . պահեմք զպատուիրանս
Լ՝ստուծոյ և զեկեղեցւոյ . ժիրաժիրք եմք յամենայն 'ի
պարտս մեր : Ի վերայ այսր ամենայնի ո՞ յապահովի
կացուցէ զմեզ 'ի վերայ բարութեանս մերոյ : Զէ բա-
ւական առնել զբարին, պարտ է առնել և բարիօր : Ո՞
գիտէ, ո՞ր իցէ մեր դադոնաժաժուկ ուշ նպատակին 'ի
գործս մեր 'ի բարիս . և իցէն այդորիկ շնչեալք 'ի ճշ-
մարիտ հոգւոյ աստուածապաշտութեան, արժաննկալք
Լ՝ստուծոյ և բաժանորդք յաւիտենիցն կենաց : Ո՞վ քանի
ճշմարիտ ազգեաց մեզ ինքնին տէրն . “Օ գոյշ լեր, ասէ,
գուցէ լոյսդ որ 'ի քեզ է, խաւար իցէ” : Եւս և իմաստնոյն
ոչ լուար . “Եւրմին, ասէ, ծանրացուցանէ զողի . և հա-
կէ հողեղէն յարկ զմիտս բազմահոգս” : Վարձեալ և
զիւրդ մարթասցիս դու դատել և կռել ճշգրտի՞ զպար-
զութիւն կամ զխարդախութիւն գիտաւորութեանց
քոց : “Եւն ճանապարհք, ասէ իմաստունն, են ճանա-

սպարհք, որ թուին մարդկան թէ ուղիղք իցեն . և կա
տարած նոցա հայի յատակս դժոխոց . : Ո՞րք 'ի մէնջ
արդար և սուրբ իբրև զմեծն զայն և զհամբերողն Յովբ .
և զինչ ասէ . “Օ անդիտեալ խիթայի յամենայն դոր
ծոց իմոց . : Վննիծն էր զգաստութիւնն երկիւղած
հոգւոյն : Իսկ և որ հանապազօրեայ չարչարակիցն էր
Վրիստոսի, խորհրդածուն երրորդ երկնից, թէպէտ և
կրկնէր և երեքնէր զքննութիւն անձին և չգտանէր ինչ
չար, սակայն և աշխարհալուր վկայէր զանձնէն զահա
զինն և զձնմարիտն . “() Ինչ գիտեմ, ասէ, զանձին իմոյ . . .
ոչ ինչ . . . այլ ոչ եթէ այսու արդարանամ . . . Էր աղա
զաւ . զի դատաւոր ունիմ զՆստուած . “Օ ի որ քննէն
զիս, ասէ, տէր է . : Նոյն տէրն որ և 'ի հրեշտակս
իւր եգիտ բիծ և թիւրութիւն, այն տէրն որոյ և ոչ
երկինք սուրբ են առաջի նորա . այն տէրն որ քննիչ է
սրտից և երիկամանց և յօդից և ուղղոց . և սրանայ
և ոչ ինչ յամենատես աչաց նորա : “Վննդի տեսանեմ
ես, ասէ, յանդամս իմ այլ օրէնս զինեալ հակառակ օրի
նաց մտաց իմոց . , այնչափ յօժարութիւնս 'ի խնամս չա
րին, այնչափ հոյս բուռն կրից, այնչափ հնարադիտու
թիւնս անձնասիրութեան . սպարտ է ինձ, ասէ, ուրեմն
միշտ երկնչել . զի մի թերեւս յանդգայս ըմբռնիցիմ 'ի
նոցանէ :

Նոյսպէս ասէին, և այսպէս երկնչելին երանելի
հոգիքն յանմեղութեան կեանս իւրեանց : Իսկ արդ
մեք յայնչափ լուծութեան վարուց, յայնչափ փափ
կութեան կենցաղոյս, և 'ի բարեաց մասին սակաւ ինչ
գործեալ մեր 'ի կեանս, համարեսցուք զանձինս յապա
հովի և անդրժեւիս : Վնչ . . . : Եղուկ եմք, եթէ չե՞ր
կրնչիմք : Բայց զիցուք ևս լինել մեզ բարիս . զիսրդ
գոնեա չե՞րկնչել մեզ . զիտելով չափ զի այնչափ դիւրեաւ
է մեզ գթել 'ի չարն : Զիք մարդոյ թշնամի մեծ ևս
բան զանձն իւր : Եւ առ հասարակ արարածք չեն բա
ւական այնչափ ինչ առնել նմա չար, որչափ ինքն իւրում
անձին : Վհա իշխանք խաւարին և բռնաւորք յաւիտե
նիս այսօրիկ զմեր բարիսն կարող են յափշտակել . զմեր
մարմինն չարչարել, զմեր կեանս շիջուցանել . այլ զվե
հագոյնն 'ի մէնջ բառնալ ոչ ունին, այս է զՆստուծոյ
բարեկամութիւնն՝ յոր վայելեմք, միայն 'ի մեր ձեռս է

կապտել զայն 'ի մէջ. “ Որ անձին իւրում չմնասէ, զնա և ոչ որ կարէ մնասել, ” առաժ անսուտ կնքեաց Ռերանն ոսկի :

Ի ներքս 'ի մեզ է միայն մերն ռիսերիմ թշնամի, ընդ մեզ ունիմք անանջատելի : Եւ արդ ո՞ որ այնուհետեւ բաւական իցէ առանց արհաւիրաց չափել զանդունդս թշուառութեան մերոյ : Թշուառականք եմք, և սիրեմք զթշուառութիւնս : Եւ մարմին, ահա վայելք կենցաղոյս արտաքոյ հրապուրեն զմեզ . այլ 'ի ներքս սիրտ ունիմք յարեալ 'ի նոսա, որ ցանկայ նոցա . “ Ի մէջ սուսերաց, ասէր մեծն Սիւլբիանոս, 'ի մէջ սուսերաց, չըջիմք սատանային, ” : Սուսերք երկսայրիք, որ յաջմէ և յահեկէ և ամենայն ուստեք խոցոտեն, ասէ, զմեզ, խոցոտեն զաչս, խոցոտեն զականջս, խոցեն զմարմին, խոցեն և զգորութիւնս հոգւոյն : Եւ ամօթ համարեսցուք ասէ, եղբարք, խոստովանել զհիւանդութիւն մեր և ճանաչել զվերս մեր :

Օ՞ր է մեզ լռել, յորժամ բոլոր կեանքս մեր բողոք հարեալ է ընդդէմ մեր : Սարունք և հարթք են ճանապարհք մոլութեանցն, և քաջ իսկ առ 'ի փորձոյ դիտեմք զայն : Գթեմք դիւրեաւ և անկանիմք 'ի չարն . այլ և բազում անգամ բռնն քարշիմք 'ի չարէն : Եւ ահ, զի “ Ի խնամն չարին հաստատեալ են միտք մեր 'ի մանկութենէ, ” . որպէս վկայեաց գիրն : Զեմք բարիք, բայց թէ միշտ հակառակամարտ ճիգն թափելով : Եւ զի և ցանկամք գործել զառաքինութիւն, և անդէն ուղիք ընդդիմամարտ ցանկութեանց առեալ յափշտակեն զմեզ և արկանեն 'ի մեղս : Եւ ահա զհակառակամարտ զայս ճիգն չարին ողբայր առաքեալն . “ Գտանեմ, ասէ, յիս օրէնս այլ . կամիմ գործել զբարին, և ինձ չարն առաջի կայ . այր մի տառապեալ եմ ես, ո՞վ ապրեցուցէ զիս 'ի մարմնոյ աստի մահու, ” : Բանդի և անկեալ կամք նման օրինակք հիւանդի 'ի դժարս եղելոյ . կարծէ նա սփոփել ինչ եթէ զտեղին փոխեսցէ, կամ թէ վայր մի յոտին կացցէ . սակաւիկ մի քայլէ քայլս ապիկարս և ծանրաքայլս, և անդրէն միւսանգամ անկանի 'ի մահճի ի բրե քար անշարժ, ապիկար առաւել քան զառաջինն : Կանցանեմք և ապաշաւեմք վասն յանցանացն, սակայն և դարձեալ յանցանեմք . այն ինչ զհուր մեղացն շիջու-

ցեալ, անդրէն բորբոքիմք 'ի նոյն, նմանեալք ջահի լու-
ցելոյ այն ինչ շիջելոյ, որ ծխայ . և սակաւ ինչ յոյժ
պիտոյ է առ 'ի միւսանգամ վառել զնա : Օ խաբդ գե-
ղեցիկս ասաց լ'գոստինոս . « Եւ տեսանել զի վախճան
առնուն յանցանք . այլ չիք երբէք տեսանել թէ վախ-
ճան առնուցու հիւանդութիւնն , Եւ անեմք արտաքս
'ի քարոզէն , 'ի խոստովանութենէ և 'ի սեղանոյն հա-
ղորդութենէ , զեղծք և ապաշաւք հաստատուն առաջա-
դրութեամբք առաքինասէր վարուց . և յառաջնում անդ
առթին 'ի նոյն փոխածն դառնամք : Տեսանեմք զլաւն ,
և հաճիմք և գովեմք . իսկ ապա զվատթարն ընտրեմք
և առնումք : Քանի՞օն է թշուառութիւնս եղբարք , և
զիաբդ հնար իցէ յայնչափ թշուառութեան միջի չեւ-
կրնչել յանձնէ և ոչ միշտ ապաւինիլ յ'ստուած միայն :
Իրաւապէս ուրեմն յոյժ առաքելականն ազդեաց ձայն .
« Եւ և դողութեամբ զանձանց փրկութիւն գործե-
ցէք , » :

Իսկ որ առաւել զերկիւղն յորդեսցէ 'ի մեզ , բարէ ,
զի չգգամք թշուառութեանս . և վասն այնորիկ թշուա-
ռագոյնք ևս եմք : Եւ զգայութիւն 'ի հիւանդս մահա-
գոյժ է քան զամենայն հիւանդութիւն : Եւ որչափ
նուազ երկնչիմք , այնչափ առաւել պարտիմք երկնչել :
Ար 'ի լիւզ անկեալ է ընդ վայրահոս ընթացս գետոյն ,
թեթեւ և թուլակի լուղայ . չեն նմա պէտք ճիգն թա-
փել մինչև 'ի նպատակ անդր . իսկ որ ընդդէմ հոսանացն
'ի լիւզ խաղայ , պէտք են նմա բազուկս կորովիս շար-
ժել , զթափն վանել , ճգնել մինչև 'ի գէմեղեալ կէտն :
Եւ զի չգգամք մեք մեծի թշուառութեանս , հաւաս-
տիք քաջայայտ են ուրեմն եթէ ընդ վայրահոս թափն
կրից հետեւեալ գնամք , ուր առեալ տարցին զմեզ , և
թափեսցեն 'ի վերջէ 'ի ծովն կորստեան : Օ խաբդ ա-
պա յաջողեսցուք ասիկաբքս անձնապուր 'ի կորստենէն
լինել , յորժամ և անզգայացեալս իսկ եմք 'ի թշուա-
ռութեան մերում . քանզի չափ վերջին է թշուառու-
թեան 'ի թշուառութենէ չեւկրնչել և յանձնապատան
լինել : Հուր աւաղիկ հարեալ զտանէն , բոց հատանին
ընդ ամենայն կողմն , դամ քան զգամ բորբոքին , տիրէ
հրդեհն առ հասարակ : Եւ թշուառական տանուտէրն ան-
կեալ ննջէ յանդորրու 'ի փափուկ մահաճին . անդուստ

յանկարծ կամ 'ի ծխոյն մղձկեալ կամ 'ի շառաչին բո-
յոյն ընդոստուցեալ, տեսանէ առ դուրս զհօրն, և
զգաւնութեան զմահն մօտալուտ. որ տապնապ, որ ար-
հաւիրք ոչ ունին զնա: Այնպէս յապուշ հարեալ, ընդ-
արմացեալ առ ժամն, ճիզն ապա վերջին տայ ահաբեկ
ողոյն, կամ ճողոպրիլ անձնապուր ընդ մէջ բոյոյն, կամ
'ի բարձանց պատուհանին դահալիթել զանձն, ապրել
միանգամ 'ի մօտալուտ բողակիզմանէն: Այս պատկեր
է մարդոյ յաղցաւոր 'ի կեանս յաւիտենիս այսորիկ.
կեանք բազմալտանդ, կեանք պատկրաղմի, կեանք
խռովութեանց, կեանք անդուլ ճգանց: Վանիք ա-
ւասիկ կեանս վարեն յաշխարհի, իբրու որք յանգղայս
շուրջ պատեալ պաշարեալ իցեն 'ի բազմաճախ հրոյն.
և քանի նուազունք զվտանգ զանձանցն ծանիցեն: Վա-
նիք դարձեալ առ ժամանակ մի բարիոր վարեալ կեանս,
յետ այնորիկ 'ի վատթարն նկրտեալք ահ և երկիւղ ե-
ղեն տեսանելեացն յանկանգնելի կործանմանէն: Այն-
թացան բազմամեայ տքնութեամբ ընդ աստուածապաշ-
տութեան ճանապարհն, հաւատարիմք յօրէնս, ճշգրիտք
'ի պարտս, և խոնջեալք 'ի վախճանի մարտ դնել կուտել
զէնրնկէցք անձնատուրք 'ի մոլութիւնս, այնչափ առաւել
անկղիտացան արձակերատանք, որչափ էին երբեմն եր-
կիւղածք և բարեկրօնք: Այս օրինակք ահագինք իցեն,
եղբարք, թշուառութեան և տկարութեան բնութեանս,
կամ թէ չարութեան իսկ. և ոչ առաւել զահ և զդող անձին
յորդեսցեն նորա 'ի մեզ. որք 'ի ծով աշխարհիս տեսանին
նաւաբեկեալքդ այդորիկ իբրու նշխարք տատանեալք և
բեկորք արեծովք անկեալք 'ի վերայ ժայռիցն, և անձո-
ղոպրելիք այնպէս ողորմելի ձայն արձակեսցեն իբրու 'ի
հեռատանէ ազգ զգուշութեան կարգալ մեզ, աչա-
լուրջս և երկիւղածս զնալ հատանել մեզ զծով կենաց
յաւիտենիս այսորիկ, և մի զթիւ նաւաբեկելոցն բազ-
մացուցանել:

Այլ զինչ պէտք իցեն, սիրելիք, 'ի քնին զօտարին առ-
նուլ զկեանս և զվտանգ, և այնպէս զերկիւղ կենս-
առիթ զանձին հաստել 'ի մեզ: Այս իսկ կեանքս՝ հա-
ւաստիք անխաբք մերումն են տկարութեան և խթան
ազդոյ մերոյ երկիւղին: Ահա ըստ ասացելումն, «Այս-
օր Վաւիթ հոգեկիր, վաղիւն Սաւուղ այսակիր. այս-

օր մտանեմք 'ի բոյնն աղանի , վաղիւ անդուստ ագաւ ելանեմք , : Բարիոք կեամք այսօր և վաղիւ : այլ քանիցս անգամ և քանի հեշտեալ յանկարծակի 'ի բաբեաց չարք և խոտանք երևեցաք մեք : Եմք կենաց մեծոց կուռ զմիմեանց կնի ոչ շարք և կարգառութիւնք եղեն միանգամայն և անկման և ապաշաւանաց , և մոլորութեան և դարձի . կրօնից աստուածալաշտութեան և ապա սանձակոտոր անկրօնութեան . առաքինութեանց կարգաց և ապա ախտասէր կրից ախտակիր յօժարութեանց : Եւ որ պատահեցան մեզ բազում անգամ , չարատահեսցեն մեզ միւսանգամ :

Օ իմրդ թուիցի քեզ , աղէ ասա . եթէ երբէք զինաւոր որ 'ի թատր մտեալ 'ի խորանի անդ խաղալկաց մարտ ընդ ախոյանին ձեացուցանել 'ի զնին զբօսասիրացն , թէպէտ և քաջ գիտացէ զի զէնք առ հասարակ , սուսերք և տէգք և աշտէք սուտք իցեն , սակայն և յառաջնում անդ շողալ սուսերին սարսեալ թիկունս դարձուցէ : Եւս աւաղիկ դէպք տան մեզ բազում անգամ : Բաջ իսկ ուսաք մեք և գիտացաք , զի մարդկային նկատմունքն զոր ասեն , անմտութիւնք են խաբուսիկք . և զի բարբանջանաց և զրուցաց աշխարհի երես առնել չէ արժան . և զի բանդագուշանք և ծաղրածու հենդ նաբանութիւնք թուլահաւատիցն են իսկ ճմարիտ ամբարշտութիւն : Եւ վերայ այսր 'ի շնորհս մարդկային նկատման , զի մի թերեւ խաղ զմեօք արասցեն թուլահաւատք կամ աշխարհասէրք , բազում անգամ 'ի բաց թողաք մեք զառաքինութիւն մեր . և այնպէս տակառոտն առ ոտն 'ի վիհն գլեցաք մեծաց յանցանաց , յորոց երբեմն զարհուրեալ էր մեր : Եւ վերայ այսր յարեաք միւս անգամ , կանգնեցաք 'ի կործանմանէն . գարշիմք այսօր 'ի մեղացն , այլ զինչ արդեօք առ վաղիւն : Եւ յոյժ տարադէմք թուին մեզ այսօր մեղքն , այլ ո՞վ զմեզ յապահովեսցէ . ո՞ր գիտէ եթէ արդեօք առաւել մերձաւորք իցեն նոքա մեզ քան զոր կարծեմք : Ո՞վ առաւել իմաստուն քան զՍողոմոն . և զիմրդ նա որ և ոչ յերազեալ էր անգամ յանկարծ պաշտօնատար դտանի կռոց և սեղանակապուտ անհնարին : Ո՞վ առաւել հեզ և գթած քան զԴաւիթ . և զիմրդ նա նովին մատամբն որով զաստուածադիժ սաղմոսն գրէր նովին մատամբն զան-

պարտակիր սպանութիւնն զԱրիայ գրեաց և կնքեաց : Բաբէ, իբր այնպէս կիրք մի միայն ախտակիր՝ ի մի վայրկեան հար տապալեաց զնոցա զամենայն բարեմասնութիւն հոգւոյն : Եւ մեք աւագիկ զնոցա պատմութիւնն ի ձեռին ունելով, զիարդ մարթացուք երբէք կալ յապահովի և չերկնչել յանձնէ, և ոչ գոչել սրտառուչ ընդ հոգեկրին . բաբէ, « Եթէ նա այնչափ մեղաւ, ինձ զինչ պատահեցէ », : Եւ ի խոհեմացեալ եմք խորհրդով ի լուսոյ բանին, սակայն և գերի վարիմք ի զգայութեանց : Գեղ վայելչութեան առաքինութեանն ըղձակաթս սրտացուցանէ զմեզ . սակայն և բուռն թափ կրիցն յափշտակէ զմեզ : Տկար են կամք ի գործել զբարին . կոյրք եմք և զաչացուք ի տգիտութեան և տարտա մեալ ի գիտութեան : Իմաստութիւն մեր որոգայթ է մեզ բազում անգամ, և վախք և ժայռք են մեր բազում անգամ առաքինութիւնք մեր : Ի մէջ որոգայթից շրջիմք . զիւրակործանք յամենայն ի վայրկեանս, և ի մեծաց առաքինեաց զիւրադարձ եմք ի լինել մեղաւորս մեծամեծս :

Իսկ ի բազմալարան վիճակիս ո՞ր հնարք մեզ, սիրելիք, նպաստամատոյց հզօր . ոչ այլ ինչ, բայց միշտ երկիւղ յանձնէ և միշտ ապաւինութիւն յԱստուծոյ . չիք ինչ այլ ի հնարից : Զորմէ չերկնչիմքս առ չարութեան, երկնչել առ տկարութեան . և զոր չկարեմք ունել յանձին զօրութենէ, հաւատով մաղթել յԱստուծոյ ողորմութենէն : Եր երկիւղս լիցի հիմն հաստատուն յուսոյն մերոյ . չերկնչել ի կարճոյ ճանապարհէ ի լինել չար, յորժամ եմք բարի . երկնչել յանձնէ միակ վարժապետ արթուն զգաստութեան մերոյ, և պահապան անդորր երկնաւոր շնորհաց ի հանապազօրդութեան բարւոյն . « Երանելի է, ասէ, մարդ, որ միշտ յերկիւղի կացցէ », :

Եւ արդ եթէ երկնչել յանձնէ պարտիմք, յորժամ եմք բարիք, զիւրադայթ գոլով ի չարն, քանի՞օն առաւել պարտ իցէ երկնչել յանձնէ, յորժամ եմքս չար, դժուարադարձք յոյժ գոլով մեր ի բարին : Այր մի անսալ աղաչեմ :

Ճանապարհ զարբունի գնասցես, խրատէր ոմն ի սրբոցն, հասանել ի փրկութիւն : Եւ է այս ճանա-

պարհ, ասէր, միակ արահետ բարիք կենաց. այս է միշտ յահ և 'ի դող անձին կալ առաջի Մատուծոյ : Եւ զիմք ոչ . միտ զիք աղաչեմ : Սէք կամ 'ի շնորհս կամք, կամ կորուսեալ եմք զշնորհս, կամ թէ անդրէն 'ի ձեռս բերեմք զշնորհս : Եւ յամենայն յայտոսիկ երկիրի մեզ պէտք են : Եւ թէ 'ի շնորհս կամք, երկնէլ պարտ է՝ մի թերեւս կորուսցուք զնա առ 'ի չարն տնկակից հա. կամիտութեամբս . ապա եւ թէ անդրէն 'ի ձեռս բերաք զկորուսեալ շնորհսն, առաւելագունի պէտք են երկիրի 'ի վտանգէ միւսանգամ անկանելոյ . քանզի դառնալ 'ի փոխածն՝ չար է առաւել : Եւ պատգամ է այս զոր ինքնին տէրն կնքեաց . « Մհաւադիկ, ասէ, ողջացար, մի ևս մեղանչեր . զի մի չար ևս լինիցի քեզ » : Եւ սակայն սաստկագունի ևս երկիրի պէտք են մեզ, յոր ժամ կորուսաք զշնորհսն . քանզի դժուարին յոյժ է 'ի չարէն դառնալ 'ի բարին :

Պարտ էր շնորհին ըստ անքնին խորհրդոցն Մատուծոյ միանգամ միայն լինել շնորհեալ : Եւ արդ հայեաց ինձ իմաստութեամբ . միանգամ միայն կորուսին զայն հրեշտակք, և այլ ևս երբէք ոչ դաին զնա : Իսկ և 'ի դրախտին անմեղութեան կորոյս զայն մարդն միանգամ, և յաւիտեան ունէր կապուտ կողոպուտ մնալ 'ի շնորհէն : Եւ զինչ ապա ասել պարտ իցէ յորժամ մեք այսօր զմիանգամ կորուսեալն՝ բազում անգամ անդրէն 'ի ձեռս բերեմք :

Իհաւ, եղբարք իմ. ոչ մեք ինքնին միւսանգամ 'ի ձեռս բերեմք զկորուսեալն . այլ ինքնին տէր Յիսուս վերստին զնոյն շնորհ տայ մեզ ունել : Ինչպիսիք եւ թէ արդասիք անսպառ արդեանց տեսուն մերոյ չէին 'ի միջի, մեր յաւերժաբար անմասն կացեալ էր յՄատուծոյ ողորմութենէն : Եւ ինչ մեր այսուհետեւ շնորհքն . պարզեւատուութիւն է այս երկնաւոր հօրն առ միածին որդին . և մեք միջնորդաւ որդւոյն միայն ստացեալ ունիմք զկորուսեալ շնորհս : Սակայն միտ զիք, աղաչեմ, զի թէպէտ և առատագեղ այնչափ է Մատուծ 'ի բարութեան իւրում, սակայն և անաչառ է յիրաւունս արդարութեանն : Ստիկ և ընդ չափու ստէպ ստէպ կորուսանելոյ մեր զշնորհս, այնչափ և դժուարին է միւսանգամ 'ի ձեռս բերել զողորմութիւնն Մատուծոյ : Եւ յի, յաւազանին սրբ-

բուժեան անբիրտն և անվաստակ ստացաք մեք զշնորհսն . նա՛ զի ամենաբարին յայնժամ զմերոց կնքահարցն ընդունի զդաւանութիւն խոստմանն , իբրու զոր մեր ինքնին դաւանեալ իցէ , և նորածնանիմք մեք յայնժամ սուրբ և ամբիժ առանց ինչ մերոց արգասեաց 'ի շնորհաց անտի միայն Յիսուսի Վրիստոսի տեառն մերոյ : ԲԱՆԳ և այնպէս , յորժամ յետ մկրտութեանն կորուսանեմք զառեալ շնորհն : Ո՛ւր իցէ մեր յայնժամ առաջին աներկեանութիւն հոգւոյն , ո՛ւր հեշտաքայլ ընթացքն յառաքինութիւնս . չիք մեր այլ յոյս ակնկալութեան վերադարձին 'ի շնորհս , բայց յարտասուս , բայց 'ի հեծութիւնս ապաշաւանաց , 'ի պահս , 'ի վշտըմբերութիւնս խաչակիրն ապաշխարութեան : (Ժ) Կէպէտ և երկրորդ աւազան , երկրորդ մկրտութիւն կոչեցին հարք սուրբք զապաշխարութիւն , այլ է սա մկրտութիւն յոյժ տարբերեալ յառաջնոյն , լի ճգամբք և քրտամբք և խտտամբերութեամբք . քանզի որչափ առաւել ստէպ վտանգեմք կորստեամբ զշնորհն , այնչափ առաւել քրտանց և վաստակոց պէտք են առ 'ի միւսանգամ 'ի ձեռս բերել զայն : Վանգի և Բստուած յայնժամ դժուարողորբելի դառնայ . զի թէպէտ և ամենաբարին միշտ է զթած և ողորմած , սակայն և չկամի եթէ “ զգթութեամբն և զբաղցրութեամբն և զերկայնմտութեամբն Բստուծոյ արհամարհիցես ” :

Եւ արդ զմտաւ ած , քանի արտասուելի խաբանք իցեն այնոցիկ , որք 'ի սպառ կորուսեալ զշնորհսն՝ այնպէս ապշեալք հոգւով համարին յանձինս անբիրտն և անվաստակ ապաշխարութեամբ 'ի ձեռս բերել զկորուսեալն : Վանգի յարուցեալ նոցա ըստ սովորական աւուրցն գնան առ քահանայն , խոստովանին անհոգութեամբ զմեղսն , ասեն զիւրեանց մեղայն միշտ նովին օրինակաւ՝ որով սովորեալքն են , նոյնպէս 'ի վերայ ածեն և զառաջադրութիւնն ոչ ևս մեղանչելոյ սերտողաբար ինչ բառիւքն բերանով չափ յոր սովորեցան . . . : Ո՛ւր ցան 'ի սրտէ , ո՛ւր ճմարտութիւն առաջադրութեանն . չիք 'ի միջի . . . :

Երկնչիմ , սիրելիք , եթէ այդչափ դիւրութիւն դոցա յապաշխարել և այնչափ հեշտաքայլ գնացք նոցա 'ի քաւել , հաւաստիք անխաբք իցեն եթէ դժուարին

ուրեմն է դառնալ մարդոյ առ Մատուած 'ի սրտէ, և լինել բարի 'ի չարէ : Չհանդուրժեմ ընդ մեղաւորն, որ ապաշխարութեան իւրում զգայ և ոչ ինչ . ոչ անձն նորա խոնարհեալ է, ոչ սիրտն նորա բեկեալ է . ոչ տխրութիւն ինչ է նորա հոգւոյն, ոչ զիղջ վասն մեղացն գործեցելոց : Այս 'ի սահմանեալ ինչ աւուրս սովորեալ է այնպէս անվիշտ, անցաւ, անքիրտն երթալ առ ոտս հօր խոստովանութեան իւրոյ թափել զմեղսն զոր գործեաց . և դարձ առնէ անդրէն անահ աներկիւղ 'ի միւս անգամ անկանելոյ . ուստի և անջան և անհոգ է նա 'ի փոխել զվարս :

Յանկալի է ինձ մեղաւորն, որ սրտառուչ ինքն ընդ անձին ոգորի, որ զանձնէն բողոք հարկանէ, որ սրտնեալն է ընդ տկարութիւնս անձինն, որ դժուարի և դանգաւորի ընդ պղերգութիւնն, որ արտասուէ զթշուառութիւն բնութեանս : Այս ապա ըստ գեղեցիկ նշանացս այսոցիկ անվեհեր ասասցես դու, եթէ 'ի սրտէ ապաշաւեալ է նա . և յետ այնորիկ նորոգածին կեանք նորա 'ի քրիստոնէութեան վարսն վստահ արասցեն զբեզ, եթէ 'ի բարեպաշտութիւն ուրեմն զխոսկին դարձեալ է նա : Իսկ միւսն այն հեշտակեաց վիճակ բազմագոյն մասին մեղաւորաց այնչափ դիւրադարձ միանգամայն և 'ի մեղս և յապաշխարութիւն, այնչափ անկայուն և յեղյեղուկ կամք նոցա 'ի բարիք առաջադրութիւնսն, այն բաժանել նոցա զկեանս իւրեանց ընդ առաքինութիւն և ընդ մոլութիւն, և այն ստէպ ստէպ անկանել նոցա և անդրէն յառնել . ազգ է այս հրէշից 'ի քրիստոնէական բարոյականին . և յայտնի առնէ եթէ նուազունք յոյժ են ուրեմն ճմարիտ ապաշխարողք, և դժուարին յոյժ է լինել այնպիսի :

Ղէ դու հարց միանգամ և ցիմաստասէրս արտաքնոցն, և ասասցեն քեզ յինչ հաստատեալ իցէ առաքինութիւնն : Մեն նոքա . առաքինութիւնն է հաստատեալ 'ի ներգործութիւն ինչ տկար և անցաւոր, այլ 'ի հաստատուն և 'ի միայուն ունակութեան 'ի գործել զբարին : Մըդ կարծեսցո՞ք մեք զմեզ յառաքինեաց կարգի . որ 'ի հանապազօրեայ անհաստատութեան անցուցեալ զամս բազումս և զհոգիս աղտեղեալ, և այսօր 'ի կենարար լոգարանս լուացեալ սրբութեան խորհրդոյ և ա-

ապաշխարութեան, և վաղիւն միւսանգամ՝ ի դարշութիւնս
 թաւալիմք և ՚ի լուալիս մոլութեանց. «Ա՛յ խաբանք ան-
 չնարինք իցեն այսպիսի կեանք, որպէս ասաց մեծն Տեր-
 տուղիանոս, իբրու ապաշաւել ընդ ապաշաւութիւնն,
 և դատապարտել զՔրիստոս յետ ճանաչելոյ զանմեղու-
 թիւն դատաստանին, և առնուլ նուիրել զնա ՚ի զո՛հ դրժ-
 պատե՛հ կրից մերոց, և իբրու այն թէ՛ դգուել չաճել միւս-
 անգամ զսատանայ, զի այնպէս առ ժամանակ մի լքեալ
 թողաք զնա, : Ս՛ի, եղբարք իմ, մի այնպէս մանկա-
 բար խաբեսցուք. նա՛ ՚ի նմին իսկ յապաշխարութեան
 մերում և ՚ի մեղայն մեր երկիցուք, գուցէ խաբեսցէ
 զմեզ: Ապաշաւեաց և Յուդա, և մեղայ գոչէր. ապա-
 շաւեաց և Սաուղ, և յանցաւոր զանձն դաւանէր. ա-
 պաշաւեաց և Դաւիթ, և միով մեղայիւն պատարագ
 անուշահոտ մատուցանէր Աստուծոյ զբեկումն սրտին և
 զգիղջն:

Ա՛ զիղջ և ցաւ կեղծ և պատիր, որով զայլս խաբէ մե-
 ղաւորն, է՛ զիղջ և ցաւ թերակատար, որով զանձն իւր
 խաբէ մեղաւորն: Ալ անշուշտ որպէս եսս կարծեմ, չիք
 տեսարք իմ, դիւան, չիք ատեան դատաստանի, չիք հար-
 ցուիրձ յաշխարհի, յորում այնչափ դրժանք և խաբանք
 սպրդեսցին, որչափ յատեան խորհրդոյ ապաշխարութեան
 և խոստովանութեան: Ապաշաւէ Սաուղ իբրև յանցա-
 ւոր, սակայն և աղաչէ զմարգարէն պատուել զնա, մեծա-
 րանս զնել երեսաց նորա առաջի ծերոց ժողովրդեանն
 և բանակին Իսրայելի: Ահաւասիկ քեզ ապաշխարու-
 թիւն ոչ ՚ի հոգւոյ աստուածսիրութեանն շնչեալ, քան
 թէ՛ ՚ի քաղաքական նկատմանէ և յաշխարհական կրիցն:
 Ալ ապաշխարութիւն այսպիսի առաւել զօրանայ յիշ-
 խանս աշխարհի և յառաջնորդս: Ապաշաւէ Յուդաս, և
 իբրև պարտաւոր արդար արեան մեղայ կարդայ: Ահաւա-
 սիկ քեզ և այլ ապաշխարութիւն ոչ ՚ի սիրոյ անպարտ վար-
 դապետին ազդեալ, քան թէ՛ ՚ի մղձկելոյ սրտին և յա-
 հաղնութե՛ն ոճրոյն և ՚ի տազնապելոյ յուսահատ կրիցն:

Ալ ապաշխարութիւն այսպիսի, աւա՛ղ, զի բազում
 անգամ վիճակեալ է մեղաւորացն այնոցիկ, որ մինչև
 ցժամանակ մահուն հիքաբար յերկարաձգեալ զգարձն
 իւրեանց առ Աստուած, ակն ունին յայնժամ հասանել
 ճշմարիտ ապաշխարութեան, և անյոյսք մեռանին:

Խաբանք մահառիթք առ հասարակ . այլ ունիմք գող-
ցես առ հասարակ և մեք բազում անգամ խաբանս այլ
յապաշխարութեան մերում . յորժամ համարիմք զմեզ
ապաշխարողս, և ճմարտապէս եմք տակաւին 'ի մեզս . յոր-
ժամ զմեզ ինքեանս , որպէս ասաց Տերտուղիանոս , և
գնոյն ինքն զխիղճ մտաց մերոց խաբեմք , և չգամք խա-
բանացն : Վանդի և մարդ գոլով 'ի մեզ կրկին , արտա-
քին մարդ և ներքին մարդ ըստ առաքելոյն , մին միւսոյն
այնչափ անծանօթ կայ , իբրու գլխովին այլաբունք . և
սիրտ գոլով կրկին , մին միւսոյն անգէտ է շարժմանց
խորհրդոցն . և մինչդեռ մին սիրէ զմեզս , միւսն կեղ-
ծաւորի ատել գնոյն :

Հանդերձ այսու , և զորօրինակ ամենիմաստն Սո-
տուած է զի յուզմանց կրից և ամբոխմանց թոյլ տայ 'ի
սուրբս իւր , և ախտակիր ևս հակամիտութեանց և
թերակատար իմն ցանկութեան չարին , որպէս զի հա-
տաշիմն կացցեն մնասցեն նոքա 'ի կենադործ խոնար-
հութեանն և 'ի հանապազօրեայ արժնութեանն և
յանդուլ ահ փրկառիթն երկիւղի , այսպէս և խորա-
մանկ բանասարկուն ցանկութիւնս իմն անկատարս զբա-
րոյն դրդէ յամբարիշտս , առ 'ի հաստատուն յամբարը-
տութեան պահել գնոսա , և 'ի կիրս յանձնապատա-
նութեան իւրեանց և 'ի սափասուտ յանդորրութեան
ողոյ :

Համարին սուրբք զանձինս լինել մեղաւորս . իբրե-
զի զգան նոքա յանձինս զխայթս և հրապոյրս զմեղացն .
այս խաբանք են նոցա փրկաւէտք , և կոչի այս խաբանք
սրբոց : Համարին և մեղաւորք զանձինս յապաշխարո-
ղաց կարգի , իբրու զի զցանկութիւն և զիղճ ապաշխա-
րութեան զգան նոքա յանձինս . այս խաբանք են նոցա
մահադոյժ , և կոչի խաբանք անարգելոց : Սին սէր ունի
զառաքինութեանն վասն նորուն իսկ առաքինութեան ,
միւսն խաբեալ համարի յանձին եթէ բարիք կեայ , ի-
բրե զի ցանկայ միայն բարիք կեալ : Վաբէ , ո՞ ոչ զդո-
ղանի հարցի , խելամուտ միանգամ եղեալ խորոց աստուա-
ծեղէն իմաստութեանն : Խորհուրդ է այս անքնին աս-
տուածային ողորմութեան , որով անձինք բարիք կար-
ծին լինել չարք , և 'ի փրկաւէտ խոնարհութեան կեան
և փրկութեան հասանեն : Խորհուրդ է այս դարձեալ

անքնին աստուածային արդարութեան, որով կարծեն չարք լինել բարիք. և ամբարտաւանեալք փքանան և աներկիւղք ընթանան և անկասկածելիք են ՚ի չարէ, և կորնչին անդարմանելիք: Օ այսօրինակ Ղաղատմ կարծեաց լինել սուրբ, իբրև զի ցանկացաւ մեռանել զմահ սրբոյ. սակայն և ՚ի նոյն միանգամայն խոտան գտաւ. դերի վարեցաւ յախտէն և զխորհուրդս անիրաւութեան ետ իբրև ամբարիշտ: Վասն չիք լինել բարի միայն ցանկանալովն լինել բարի. և չիք լինել ապաշխարող, միայն շիթս երկուս հեղիւլ զարտասուացն, և ապա զնոյն վարելով արձակեւրասան կեանս իբրու զառաջինն:

Օ սիրտն պարտ է փոխել, զախտակիր հակամիտութիւնն յարմատոյ խլել, ՚ի հրապուրից առթիցն փախչել, զհեշտութիւնն մեռելութեամբ մարմնոյն շիջուցանել, զամբարտաւանութիւնն կենադործ խոնարհութեամբ սրտին ընդոտնել, զանձին շահախնդրութիւն անկեղծաւոր սիրովն կարճել, կեանս կեալ նորոգածինս, մաղթել, պաղատել, արտասուել. և ապա յետ այսր ամենայնի անդուլ երկնչել, իցեմք արդեօք ճշմարիտ յապաշխարողաց կարգի:

Օ ինչ ասէք. իցե՛ն այսուհետև հաւատովք անխաբք, եթէ զիւրեաւ յոյժ ՚ի բարեաց լինիմք մեր չարք քան թէ ՚ի չարաց բարիք. և զիւրին է առաւել անկանեւն քան թէ յառնելն. և հեշտին է զիմել ՚ի չարն քան վերջոտնիլ ՚ի չարէն: Այլ զիմրդ հնար իցէ այսուհետև չերկնչել յանձնէ. զիտէք իսկ քաջ և զանսուտ և զահագին վճիռն, եթէ “Ղազումք են կոչեցեալք և սակաւք են ընտրեալք”, Վամիս ՚ի սակաւուց անտի լինել. երկիր յանձնէ, բնաւ իսկ երկիր ՚ի քէն, և բնաւ իսկ ապաւինեա յԵստուած: Արկին նժաբք են այսոքիկ, որպէս հարքն ասացին, յորոց ՚ի մէտն կայ յաւիտենականն մեր փրկութիւն: Ղատաստանք Եստուծոյ ահագինք են. տկարութիւնս մեր մեծ է. ամենայնս զայն առնէ, զոր յառաջագոյն ազգեաց առաքեալն. “Բճիւ և գողութեամբ զանձին փրկութիւն գործեալ”, Այլ զիմրդ ոչ ահիւ և գողութեամբ. ահա քանի հեշտեաւ եթէ եմք բարիք՝ դառնամք ՚ի չարն, իսկ եթէ եմք չարք, քանի դժուարաւ դառնամք ՚ի բարին:

Բճա միայն չնորհք Եստուծոյ կարող է ոչ միայն սա

հէլ զմեզ 'ի բարին , այլ և դիւրաւ կորզել զմեզ 'ի չարէն : Եւ շնորհք վասն մեր են եղբարք . միայն մաղթեսցուք զօր ամենայն , պաղատեսցուք . ահաւասիկ ապաւէն մեր . փարեսցուք զխաչին որ է մեր զօրութիւն , զիրկ ընդ խառն ընդ կենարար խաչելոյն՝ որ է մեր փրկիութիւն : Եւ առ է երկիւղ անձին , և ապաւինութիւն 'ի խաչն : Եւ ապաւէն իմ Եստուած , և ես յուսամ 'ի քեզ . 'ի քեզ անկայ ես յարգանդէ , յորովայնէ մօր իմոյ դու ես ապաւէն իմ . և առ 'ի քէն է ինձ օգնութիւն իմ յամենայն ժամ : Եստուած փրկիութեան իմոյ , զիմորդ կարաջից փրկել զիս , եթէ ոչ դու փրկեսցես զիս : Եւ ապաւէն իմ Եստուած , և յոյս փրկութեան իմոյ 'ի յաւիտեան :



ՔԱՐՈՉԻԹ.

ՍԻՐԵԼ ԶԹՇՆԱՄԻՆ. ԵՒ ՆԵՐԵԼ.

“Այլ ես ասեմ ձեզ, սիրեցեք զըշնամիս ձեր, թորի
արարեք արտիկաց ձերոց,,:

Նոր և չքնաղ վարդապետութիւն, և ամենայն
մարդկայնոցս վարժից այնչափ վեհագոյն և անմատոյց,
մինչ զի եթէ և բնաւ իսկ այլ ամենայն հաւաստիք և
սատարք չէին ՚ի միջի ՚ի հաստատութիւն ճմարտու-
թեան և սրբութեան և աստուածայնութեան քրիստո-
սական կրօնիցս, այս միայն հրահանգ աստուածիմաստ
շատ էր և զթերին ընդր զամենայնին, պապանձեցու-
ցանէր զանհաւատս, և նշաւակէր ՚ի սպառ զթշնամիս
խաչին Վրիտտոսի: Որ օրէնք յաշխարհի երբէք հա-
սին յայս չափ կատարելութեան հրահանգաց սիրոյն:
Սիրոյն ասեմ, որ ամենայն առաքինութեանց գերագոյն է
և ազնուագոյն. որ կենդանութիւն է աշխարհի, որ և
ամենայն բարեաց պարգեւատու է ազգի մարդկու-
թեանս: Օ՛րհնչ օրինադրէր ստուերականն. “Սի-
րեսցես զընկեր քո, և ատեսցես զթշնամին քո,,:
Օ՛րհնչ մեծ էր առաջինն, և քանի թերակատար եր-
կրորդն: Բայ զի՛նչ զարմանք իցեն. քանզի աւետարա-
նին պահեալ կայր լրումն օրինաց. իսկ ամենայն օրինաց
որպէս կնքեաց առաքեալն լրումն սէր է:

Ի՛նչ էր և օրինադրութիւն մի իմաստութեան վար-
ժարանին հեթանոսաց ՚ի թիւ առաքինութեանց առ-
նու զասել զներումն թշնամոյն և վրէժ չինդրել զա-

նիրաւութեանն . այլ քան հրահանգ առաքինասէր վարուց՝ էր այն առաւել հանդէս գոռողութեան . մի երևել իմաստասիրին նոցա իբրու ներքեւեալ անարգութեան կրից վրէժխնդրութեան . քանզի և ներումն թշնամոյն առ նոսա էր արհամարհութիւն նորա , և օրինակ իմն վրէժխնդրութեան . իսկ 'ի բերկրանաց վրէժխնդրութեանն տեղի տայր հպարտութիւնն վասն փառաց համբաւոյն արհամարհելոյ զթշնամին : Բայց աւետարանին օրինադրութիւն 'ի սէր թշնամոյն և 'ի ներելն ոչ զգոռողութիւն մարդոյն զրգէ և ոչ զանձնասիրութիւն : Երկնաւոր առաքինութեանս որոյ 'ի մարդկան հնարից աստտամբ է ճշգրիտ կատարումն , չիք այլ ուշ նպատակի առ քրիստոնեայս , քան մխիթարութիւն սրտի և ճշմարիտ սիրտիանք նմանողութեան Քրիստոսի Եստուծոյ . չիք առ նոսա այլ յորդորակ 'ի նոյն քան իբրև եղբայր իւր տեսանելով զթշնամին , անխաբ յուսով այնուհետև ակն ունել զնոյն ներումն գտանել Երկնաւոր դատաւորէն՝ որով ինքն ներեաց թշնամոյն և սիրեաց զնա :

Բա՛րէ առաքինութեան , որում՝ առաքինութիւնն ինքնին է վախճան : Սիրոյ քրիստոնէին չիք այլ սահման , քան զսիրոյ ինքնին գլխովին . սիրոյ որ չունի սահման ոչ ըստ տեղեաց , ոչ ըստ ժամանակաց , ոչ ըստ անձանց . զի և երբէք չանկանի և երբէք չիջանիլ չգիտէ : Եւ չափ է աւետարանին վսեմական հրահանգն 'ի որանչելի սէր թշնամոյն : Եւ արդ մեք բացերև ձեզ , սիրելիք , 'ի քնին առցուք զբարձրագոյն զայս պատուիրանն սիրոյ թշնամոյն . առաջին՝ եթէ արդեօք արդար և իրաւացի իցէ պատուիրանն . երկրորդ անգամ՝ եթէ արդեօք 'ի կարծել մեր հաշտեալ ընդ թշնամոյն՝ ճշմարիտ այդ այդպէս իցէ . և ճշմարտապէս արդեօք սիրիցեմք զնա ներելով նմա ըստ աւետարանին հրահանգաց : Հասկա անաչառ տեսցուք առ վայր մի :

ՄԱՍՆ Ա.

Երեք ինչ տիրապոյնք կապեն զճարդիկ ընդ միմեանս ,
 և գործեն զամենայն բարեկամութիւնս մարդկայինս :
 Բաջին ընդաբոյս միտումն , զոր սիրելութիւն կոչեն
 վարժարանք . որով իբրեւ ինքնաշարժք բնաւորիմք յայս
 ոք և յայն ոք՝ նմանակցութիւն իմն բնաւորութեան
 տեսանելով մեր 'ի միմեանս . որով և 'ի կենակցութեան
 նոցա քաղցրանամք : Երկրորդ շահասիրութիւն , որով
 ինդրեմք մեզ բարեկամս զայնոսիկ որք պիտանացուք իւ-
 նիցին մեզ , և շահաւէտք 'ի պէտս կենաց որ զինչ և ի-
 յէ : Երրորդ պատուասիրութիւն , որով սիրեմք և բա-
 րեկամս մեզ յարդարեմք զայնոսիկ որ շուք և մեծարանս
 ընծայեն մեզ . կամ թէ նոքա արդոյք դուրս յաշխարհի ,
 կապիմք ընդ նոսա մեք և մտերմանամք ակն ունելով ի-
 բրու բաժանակից լինել և մեզ պատուոյ և համբաւոյ
 նոցին : Նշաւասիկ երրակի այս յօդակապք ընկերու-
 թեան մարդկան . ընկերութիւն երկրաւոր և շնչաւոր ,
 ընդ որում չիք մասն և բաժին ոչ աւետարանին , ոչ
 քրիստոսեան կրօնիյն , ոչ երկնաւոր սիրոյն : Եւ վասն
 այնորիկ յորժամ ընդառաջէ քեզ մարդ յոր ընդաբոյս
 յօժարութեամբդ չիցես հակամիտեալ , կամ որ չիցէ
 ինչ քեզ պիտանացու , կամ որ դրժեալ ինչ իցէ համ-
 բաւոյդ և պատուասիրութեանդ , անդէն վազվազակի
 խզին և լուծանին յօդակապդ այդոքիկ անկայունք և
 երկրաւորք : Ուժանաս 'ի նմանէ , և գտանես 'ի նմա
 ոչ այլ ինչ բայց նեղութիւն և դառնութիւն :

Եւ աւագիկ քեզ նաև երրակի աղբիւրք դառնահոսք
 ատելութեանց հասարակաց և խեթից , որովք զգա-
 ծեալ են մարդիկ ընդդէմ միմեանց . որ և զամենայն
 քաղցրութիւն եղբայրութեան ժանտացուցանեն 'ի յա-
 ւէժ ոխութիւնս , և իբրեւ թունիւք դեղեն զխնդու-
 թիւն կենակցութեանց և զամենայն անմեղութիւն
 մարդկային ընկերակցութեանն : Իսկ թէ երբեք յայն
 ատելութիւնս և յօխութիւնս տանջիցիմք ինչ 'ի խղճէ
 մտաց , իբրեւ հետք և անաստեալք աւետարանական
 սիրոյն , պատրուակք բազմադէմք յայնժամ իբրեւ իրաւա-

ցիք յանդիման լինին մեզ առ 'ի չքմեղս հանել զմեզ և անդորրացուցանել զխիղճ մտացն :

Եւ ահա զառաջին պատրուակ հովու թեան քո 'ի սէր եղբօրն 'ի դէմս ածես մեզ ասելով, եթէ “ Եւս որ և այն որ չէ բնաւորեալ ըստ ընդաբոյս յօժարութեան ի մոյ և ախորժակի . տաղտկամ 'ի նմանէ, և տնկակից է ինձ անսիրելութիւնս այս, և չեմ ձեռնհաս բնաւորական կրիցս ընդդէմ կբրել . նա տեսանէն անգամ զնա և օրինակ քաղաքավարութեան նորա բերէ ինձ նողկանս : Եւ զիսորդ ոչ, յորժամ բնութիւնն ինքնին չնչէ 'ի մեզ երբեմն եթէ ատելութիւն իցէ, եթէ սէր եթէ յօժարութիւն իցէ եթէ զժկամակութիւն այնպիսի, զի և ոչ մարթիմք մեք ճգրիտ տալ զհամար զայնոցիկ կամ 'ի հարց փորձ մտանել ընդ ումեք, բայց եթէ միայն լը բնութեանն ինքնին գլխովին : Եւս առաջին քո պատրուակ, Քաջ է... : Բայց և զպատասխանին թուի թէ լսել արժան է ըստ հաստատութեան հիմանն քրիստոսական հրահանգացն որ յաղագս եղբայրական սիրոյն : Եւս այնորիկ հարցանեմ . Եւս քո հովութիւն զոր ասես 'ի պատճառս աննմանութեան բնաւորութեացդ, ունիցի ինչ զօրավիզն նաև 'ի թերութենէ յեղբայրութեանն մասին, 'ի թերութենէ յորդիութեանն Եստուծոյ, 'ի քաղաքակցութեան երկնից, 'ի թերութենէն լինելոյն անգամ Քրիստոսի և ժառանգորդ յաւիտենիցն երաւութեան : Եւս խառնուած և բնաւորութիւն եղբօրն՝ որ զինչ և իցէ, ջնջեսցէ կամ եղծցէ ինչ մի յանդրժեղի իրաւանցն՝ զոր ընկալաւ նա 'ի վերածնութեան սրբոյ աւազանին . իրաւունք՝ որ զնա կապեն ընդ քեզ այնպէս աստուածային և անխզելի կապանօք, որ աղաքաւ և պարտք են քեզ՝ սիրել զնա և ակն ածել : Եւս յորժամ Քիստոս Քրիստոս պատուիրէ սիրել զմեր եղբարս իբրև զանձինս, համարեցաւ ինչ նա զայն պատուիրան իբրև հեշտընեալ ինչ և ոչ ինչ ամենեւին դժուարին 'ի գործ : Եւս թէ ոչ զինչ պէտք էին հրամայել մեզ սիրել զեղբարս մեր, եթէ զօրութեամբ պատուիրանիս այսորիկ պարտապան էաք սիրել միայն զայնոսիկ, առ որս և 'ի բնութենէ ձգեալ բերիմք ըստ տնկակից հակամիտութեանս : Զեն պէտք սրտի պատուիրանիս այսորիկ, զի ինքն ինքեան է օրէնք :

Պատուարին ինչ ուրեմն 'ի մեր կողմանէն համարի պատուիրանն : Եւ խնամեա ուրեմն էր ինքնին Քրիստոս եթէ ոչ դուզնաքեաց աշխատութիւն է մեզ սիրել զեղբարս , յորժամ հակակրութիւնս իմն և դիմամարտութիւն բնաւորութեան ունիցիմք մեք 'ի սիրել զայնպիսին : Եւ ահա այսորիկ աղագաւ զպահպանութիւն պատուիրանիս մեծապէս յարգեաց , և 'ի նմա միայնում զպահպանութիւն և զլրումն ամենայն օրինաց սահմանեաց : Եւս ուրեմն այս դիմամարտութիւն բնութեան առ եղբարս ոչ միայն չարդարացուցանէ զմեր հովութիւնս առ նոսա , այլ և առաւելագոյն պարտութեան սերտէ զմեզ 'ի սիրել զնոսա :

Եւս զայն աղէ ասա ինձ վայրիկ մի : Եւս քրիստոնէի պարտ և արժան իցէ թողուլ առաջնորդիլ 'ի քմաց բնութեանն և յախորժակացն առաւել քան 'ի սկզբանց լուսոյ բանին , 'ի հաւատոցն , 'ի կրօնիցն , 'ի շնորհացն : Եւ եթէ դիմամարտութիւն մեր 'ի լրումն սեպհական պարտուց՝ տացէ մեզ իրաւունս ազատ առնելոյ զմեզ յայնցանէ , ո՞րք 'ի հաւատացելոց՝ որ գայթն 'ի գայթի կայցէ 'ի կողմանն , ազատ այնուհետեւ չարացէ զանձն յամենայն օրինաց : Օ՛րնչ ասես . ախորժակքս իցեն թերեւս օրէնք բանականիս : Եւ կրօնն ինքնին իցէ գրգիչ և շողմիչ բնութեանն առաւել , եթէ դարմանիչ բնութեանն : Եւս ըստ աշխարհի՝ ոչ արդեօք վատութիւն իցէ իբրեւ 'ի կանոնս գնացից մերոց , խորհրդոց մերոց , ստեղծութեանց , սիրոյ , և ողջոյն ամենայն վարուց մերոց , զհետ ընթանալ զիարդուպէտ ախորժակաց և յօժարութեան բնութեանն և առաջնորդիլ 'ի նմանէ : Եւ որ միանգամ այսպիսիք ոմանք իցեն 'ի մարդիկ , իցեն նոքա 'ի պարծանս չասեմ կրօնին , այլ մարդկութեանս գլխովին : Ո՛ր վիհ արհաւրաց խառնափնդորեալ ոչ լինէր աշխարհս , եթէ արդեօք յօժարութիւնք միայն և ախորժակք բնութեանն 'ի վեր վազեալ տիրանային առ հասարակ և օրինադիրք լինէին սլարտուց իւրաքանչիւր և վայելչութեանց . և այլ օրէնք չլինէին 'ի միջի 'ի սանձել զայնոսիկ և վայելչապէս յօդակապել զմարդիկ ընդ միմեանս : Եւրդ եթէ յաշխարհի ընկերութիւնս այսպէս , իսկ ապա աւետարանն այնչափ վատեալ և յետսամիտ գտանիցի 'ի մասին յայսմիկ : Եւս

տարանն որ ոչ այլ քարոզէ, բայց ուրանալ զանձն և ատել զանձն: Աւետարանն՝ որ առ հասարակ պատուիրէ բուռն առնել անձին և մարտ դնել ընդ դժպատեհ իղձս բնութեան, և ՚ի վեր լինել քան զմարմին և զարիւն. նուիրել զանձն բոլորապատու սրբութեան հաւատոցն և բարձրագոյն հրահանգացնորա. վայրապար և անհանձար ուրեմն է պատրուակն ՚ի պատճառս զի մասնարտութեան բնութեան առ ՚ի հովանալ քեզ ՚ի սիրելութենէ եղբօրն:

Արկորդ անգամ, ապա եթէ ՚ի պատճառս անհաճոյ ինչ և խառնութեանց եղբօրն ուժացեալ է քո ՚ի նմանէ, ասա ինձ. մարթ իցէ քեզ հաւատարմացուցանել ինձ եթէ դու հաճոյ իցես ամենեցուն քոյին բնաւորական խառնուածովդ: Արդ որպէս կամիս եթէ ՚ի չքմեղս հանցեն զքեզ այլք վասն դուզնաքէից թերութեանցդ, և տարցին քեզ, և ներեսցեն քեզ, և հայեսցին միայն ՚ի բարութիւն և յուղղութիւն սրտի քո, նաև հայեսցին յայլ ինչ մասունս բարեւաւութեան կենաց քոց և յարգասիս արդեանց քոց, զանց զքոյին արաւել զիոքումբք պակասութեամբք. զնոյն արդարութիւն ապա ցոյց և դու առ եղբարս. նովին վարեսչիր կանոնաւ. տար նոցա, ներեա նոցա, մի հովանար յեղբայրական սիրոյն:

Օգոյշ լեր, մի և ստգիւտ զնոքօք արկանիցես և բամբասեսցես. քանզի և զայն ևս քաջայայտ տեսանեմք յաշխարհի զօր ամենայն, զի որք միանգամ բնաւորեալք են բողոք հարկանել և բամբասել և աճեցուցանել զթերութիւնս եղբարց, նոքին իսկ առաւել քան զամենեւին թերակատարք են, նոքին առաւել տաղտկալիք են ընկերութեան, և նոքին առաւել ծանրաբեռինք են այլոց:

Վաւ զայն ասա ինձ ճգրիտ ո՛վ սիրելի. մի եթէ զիմամարտ այդ բերումն ընդդէմ եղբօրդ՝ զոր անտանելի քեզ ասես, թերեւ ՚ի քոյ կողմանէ ունիցի ծագումն. այս է՝ թերեւ ՚ի գոռոզ ինչ կրիցդ և յարհամարհոտ գնացիցդ. թերեւ ՚ի քոյին իսկ յօտարոտի բնաւորութենէ խառնուածոյդ, և ՚ի տնկակից անընկերասեր և ՚ի մարդատեաց բարուցդ, և ոչ ՚ի նմանէ: Այլ և զայն ինչ կամէի խնդրել ՚ի քէն. արդեօք և այլք առ հասա-

բակ զնոյն թերութիւնսն տեսանիցէն յեղբայրդ, յորս կարծես դուն տեսանել զնա: Իսկ այսօրիւք և զայն ևս անաչառ ասա ինձ. եթէ որ ինչ անհաճոյք և դժկամակք թուին քեզ յեղբայրդ, ո՞ր գիտէ իցէն թերութեան բարեմասնութիւնք ինչ ոգւոյն նորա, կամ թէ հանճարն նորա կամ համբաւ անձինն և շուք վարկի նորա կամ յաջողութիւն բախտին, կամ աւագութիւն ինչ բարձի մանաւանդ, քան եթէ ճշմարիտ ինչ թերութիւնք ՚ի նմա: Իսկ, քանի հեշտին իցէ ՚ի մասինս յայսմիկ մտախաբ լինել և անճնամատն: Կիրք նախանձուն յոյժ է հնարագէտ, և սիրելի է նմա դիմակս առնուլ զանձամբ և քողարկիլ. իբրու որ անարդ յոյժ է կիրք նախանձուն, և կիրք անճնանախատ է. և այսմ խելամուռ է քաջիկ և նախանձոտն ինքնին գլխովին: Եւ արդ դու զիտորս սրտիդ անաչառ ՚ի քնին առցես. մի գուցէ որք միանգամ առաւել արգոյք և պատուականք իցեն առ քեւ, նոքա քեզ անհաճոյսացին թերութեան. կամ թէ նոքա միայն սիրելի երևեսցին քեզ, որ խոնարհ իցեն քան զքեզ:

Իայց դու ինձ և զայն առաւել քան զամենայն զմրտաւ ածցես անաչառապէս, զի է (զի թէպէտ և ճշմարիտք ևս իցեն թերութիւնք եղբորդ և մեծամեծք), զի է զի ՚ի պատճառս ժամանակից ինչ շահուց կամ ծաղկունիկէց փառաց՝ մեռելութիւն դու յանձն առնուս տընկակից դիմամարտութեան բնութեանդ, առ այս որ կամ առ այն որ ՚ի մարդկանէ յորմէ ակն ունիս յաջողել յանցաւոր յաւիտենիս: Համբերես տանիս դժպատեհ խառնուածոյն նորա, դժկամակ բնաւորութեանց, զրժխեմ բարոյիցն, դուռղութեանն, ցասկոտ բնութեանն. համբերես, քաղցրանաս և ընդդէմ չդառնաս ՚ի սէր անկայուն բախտիդ, սակաւատեւ շահուդ, անցաւոր պատուոյդ: Իսկ վասն յաւիտենիցն երանութեան և անեղբական փառացն՝ որ խոստացեալ են քեզ ՚ի պահպանութեան պատուիրանաց սիրոյն, չկամիս և վայրիկ մի բուռն առնել անձինդ ՚ի յաղթել բնաւորական դիմամարտութեանդ պռ եղբայրն: Եւ որպէս իմանաս դու զբանն, եթէ Եւրբայութիւն երկնից բռնաբարի, և բռունք յախշտակէն զնա:

Եւ դու մի ինձ զայն ընդդէմ բանս զիցես, եթէ

չեմք մեք տեարք մերոց տնկակից և ընդաբոյս սիրելու-
 թեանց և անսիրելութեանց առ այս ոք կամ առ այն
 ոք: — Ղասէ քեզ աւետարանն, չպահանջէ 'ի քէն եթէ
 համակրութիւն կալցես դու ընդ եղբօրդ, ընդ որում է
 քո հակակրութիւն ընդաբոյս: Ղասէ զայս. սակայն
 պահանջէ 'ի քէն սիրել քեզ զնա. այս է՝ տանել նմա,
 ներել նմա, անմեղադիր առնել զնա, քօղարկել զթե-
 րութիւնս նորա, և 'ի կարիս նորա յօգն հասանել նմա.
 համառօտ ասել, առնել նմա զամենայն զորս կամէիր ե-
 թէ առնէին ընդ քեզ:

Սէրն չէ զաչացու բերումն բնութեան. չէ և համա-
 կրութիւն մարմնոյ և արեան, այլ պարտք արդար և
 բանաւոր. ունի զիւր ծագումն 'ի շարժման անդ շնոր-
 հացն և յազդեցութեան հաւատոյն: Սիրել զեղբայրն
 լոկ 'ի համակրութենէն չէ տիրապէս սիրել զնա 'ի պա-
 տուիրանէ սիրոյն. է մանաւանդ սիրել զանձն: Համա-
 կրութիւնն անհաստատ է և անդուլ փոփոխի. սէրն չե-
 լանէ 'ի խնդիր առանձին օգտի. հետամուտ է ողջոյն 'ի
 շահ սիրեցելոյ անձին, և բարեկամս գործէ ճշմարիտս
 և հաստատունս: Համակրութիւնն չկայ յակաստանի
 յարկածս և 'ի ձախողակս՝ որ զինչ և իցէ. սէրն հզօր է
 քան զմահ, և կրէ զամենայն վասն սիրեցելոյն: Այլ
 է համակրութիւնն. բազում անգամ և զմոլութիւնս
 սիրեցելոյն փարելիս յարդարէ. սէրն չհաճի երբեք ընդ
 անիրաւութիւն, այլ միայն զճշմարտութիւն սիրէ յեղ-
 բարս: Բարեկամք շնորհացն են ուրեմն բուն և ճշմա-
 րիտ բարեկամք և առաւել հաստատունք քան զբարե-
 կամս բնութեանն:

Բայ աւագիկ առաջին աղբիւր ատելութեան մերոյ
 և սիրոյ որ 'ի դիմամարտութենէ կամ 'ի յօժարութենէ
 բնութեանն: Իսկ է երկրորդն շահասիրութիւն: Քան-
 զի և յաճախ լսեմք ասել, եթէ — Բայն ոք խնդրեաց
 կործանել զիս և ոչ զաղարի երբեք միասել ինձ և տան
 իմում և բախտին իմում և խոչընդոտն կալ շահու իմոյ,
 և ամենայն ուրեք խնդրէ հալածել զիս: Իւր զիսորդ ասպա-
 մարթ իցէ ինձ սիրել զայրն որ թշնամին է ինձ: — Բայլ
 արդ տացուք մեք քեզ եթէ արդարեւ ճշմարիտ իցեն
 չարիքն զոր կրես առ 'ի նմանէ. այլ զի է քեզ առ կիրս
 չարեացդ այսոցիկ յաւելուլ բարդել քեզ և զճանրա-

դոյնն ամենայն չարեաց, այն է ատել զեղբայրն: Վասն զի այլ ամենայն չարիքն զոր ասես, յանկայուն և յանցաւոր բարեացն կապտիցեն զքեզ. իսկ ատելութիւնն կորուստ է հոգւոյ և յանմահ արքայութենէն կապտէ զքեզ: Այն ահա ատելովդ զեղբայրն առաւել ևս քան զնա դու ինքնին վնասեսցես անձին քում: Վրժեաց նա տան քոյ, զեան հասոյց հայրենի ժառանգութեան քոյ. իսկ դու վրէժ ինդրելով 'ի նմանէ, մանաւանդ եթէ յանձնէ քումմէ, զրկեսցես զքեզ 'ի ժառանգութենէ երկնաւոր հօրն և 'ի ժառանգակցութենէն Վրիստոսի 'ի յաւիտեան: Բայս դարձեալ, ատելով քո զեղբայրն զվնասաբերն կարծիցեն թերեւ միւսանդամ 'ի ձեռս բերել զոր կորուսեր. կամ թէ լաւագոնն արդեօք վիճակեսցիս բախտի ատելութեամբ: Օյնչ չահ օգտի կայցէ քո 'ի դառնութենէդ ընդդէմ նորա: Բայն, սիրովիլ քեզ ատելովդ զնա: — Այլ, զինչ սիրփանք իցեն ատելութեանն դառնադոյն կրից, որ հանապաղ բնաւորեալ է դահճաբար կեղեքել զսիրտս, և անձկութեամբ ընու զներքինս մեր, և ապերժանիկ գործել զմեզ 'ի կեանս մեր:

Բայց թողեալ զմարդկայինն, և վայր մի զաւետարանականն առեալ լեզու, որում յառաջին տիող նուիրեցաք բրիստոնեայքս. եթէ արդարեւ ճմարիտ հաւատացեալ իցես ո՛վ սիրելի, և քո բաց իցեն աչք հոգւոյդ, ոչ միայն չէր քեզ պարտ ատել զվնասաբերն քո ըստ ժամանակեիցս այսոցիկ բարեաց, եթէ մեծութիւնք իցեն, եթէ փառք, այլովքն հանդերձ, այլ և արժան էր քեզ տեսանել զնա իբրեւ գործի 'ի ձեռին աստուածային նախախնամութեանն 'ի վերայ անձին քո. զի մի թերեւս 'ի սպառ անձնագրաւ լիցիս դու 'ի կենցաղականս յայտնի և մոռացիս զՍտուած: Տեսանել զնա իբրեւ պաշտօնեայ սրբութեան հոգւոյ քոյ, զի մի պատրեալ քո 'ի ցանկութեանց աշխարհի, սիրեսցես միայն զզգալիսս. տեսանել զնա իբրեւ վէմ ապաւինի յալէտանջ ծովու՝ ապրեցուցանել զքեզ 'ի հոգեկորոյս նաւաբեկութենէն. զի մի ընկղմեսցես դու զանձնդ 'ի ծովս բազմահոգս բազմախար կենցաղոյս, որ ըստ փառաց, որ ըստ համբաւոյն, որ ըստ բարձին աւագութեան, որ ըստ բազմամթեր մեծութեան, զի մի թերեւս մոռացեալ 'ի

սպառ զհոգիդ, և 'ի յաւիտենական կորուստն վտանգեալ
ցես զնա :

Ըօք հաւատոյ աղէ դու միանգամ հայեաց յառօ-
րեայս, և ճշգրիտ խուզեալ զինչ իցեն ժամանակեայքս .
զինչ այլ . բայց ստուերք որ անցանէն, և ծուխ որ պա-
կասէ . և զինչ այն իցէ 'ի գործս մեր առաւել մեծ և
չքնաղ և անեղծ, բայց գործ փրկութեան անմահ հո-
գւոյդ : Քանզի յորժամ ճշգրիտ գիտացես դու զայս,
ծիծաղեսցիս դու այնուհետեւ ընդ մարդ որ 'ի պատճառս
կորստեան ինչ ժամանակեիցս այլ յայլմէ լինիցի, խոռ-
վեսցի, ցանուցու, ատեսցէ զեղբայրն, և 'ի վերջէ
վասն այնորիկ մատն ևս եղիցի անմահական հոգւոյն .
արդարեւ նմանեալ ճշգրտիւ մանրիկ մանկտւոյն որ 'ի վե-
րայ խաղալեաց իւրեանց չնչենոց յորժամ որ 'ի ձեռաց
նոցա հանցէ զայնոսիկ, անտիական հանճարովն սրտմը-
տեալ նաւ յարտասուս լուծանիցին : Ըյսպիսի ինչ են
բարիքն, և որ 'ի նոցանէն շահն, որ յաւիտենիւս այ-
սուիկ միայն չափեսցին . և այսպիսի ինչ է երկրորդն պատ-
րուակ զիմամարտութեան բնութեանն ընդդէմեղբօրն՝
որ 'ի շահասիրութենէն . անարդ և անարժան գլխովին
ազնուական ոգւոյ քրիստոնէութեան : Ըյսակայն ա-
ռաւել անարժան է երրորդն պատրուակ, որ 'ի կրից ան-
տի պատուասիրութեանն :

Կիրք պատուասիրութեան բուռն է, և գերի վարեալ
զմարդն, զողջես զամենայն ինչ 'ի մոռացոնս դարձուցա-
նէ նմա բաց 'ի պատուոյն : Կամիմք զի ամենեքին հաճես-
ցին ընդ մեզ . կամիմք զի ոչ ինչ պակաս քան ընդ առա-
քինութիւնս հաւան գտցին և ընդ մեր թերութիւնս .
և թէպէտ և մեզ ինքնին քաջայայտք իցեն տկարու-
թիւնքս, 'ի վերայ այսր կամիմք զի այլք ոչ գիտացեն
զայնոսիկ կամ չտեսանելոյն արասցեն : Կամիմք զի ա-
մենեցուն բերանք բացցին 'ի մեր գովութիւն . և աշ-
խարհ որ և ոչ իւրոց թաղապսակացն անգամ ներու-
ղամիտ գտանի, կամիմք զի իբրեւ գովանի համարեսցի
'ի մեզ զայն ինչ զոր յայլս ստգտանէ և դատապարտէ :
Ըյսորիկ աղաղաւ 'ի տրտունջ լուծեալ է քո, զի այն
որ ստուերածս էած համբաւոյն քոյ և պատուոյն քոյ՝ ե-
թէ 'ի ծածուկ և եթէ հրապարակաւ . և չարախօսու-
թեանն 'ի վերայ բարդեաց և զրպարտութիւն . ուստի

և 'ի խոր խոցեալ քո, ասես մեզ. "Օ խաղճ մարթի-
ցի ինձ ոչ ատել զնա" ։

Վաջ է . . . : ՄԵՂ մինչև առեալ զպատասխանիդ, ա-
սեմ առ այժմ : Ս'ի դու անդէն խոռակեսցիս յանձն քո 'ի
լրոցդ որ ընդդէմ քո : Վանի քանի զրոյցք յաշխարհի
անմեղութեամբ ելեալք միանգամ 'ի բերանոյ՝ խանգա-
րեցան և զգեցան զչարութիւն 'ի հնարիմացութենէ լե-
զուագարացն որ լուան զգրոյցնս Վանի մարդէլոյդ հաց-
կատակօք լի է աշխարհս, որ խնդրեն յաչս մտանել այ-
լոց փնասելով զայլս . չպակասին երբէք չարարուեստք,
որոց ամենայն գործ և զբաղումն յայն յանգաւորի՝ ե-
րևեցուցանել չար ուր չիք ինչ չար, և որոմնացան լինել
'ի մարդիկ : Վանիօն իցեն յաշխարհի և արք անխո-
հեմք և թեթևամիտք, որ ոչ ինչ ուշ պարագայիցն ե-
ղեալ, թունալից գործեն զայն ինչ իրս, որ զրուցեցան
անդատապարտ դիտաւորութեամբ : Վանիք և կուտա-
կաբանք, յորոց բերանի ուռնու ամենայն և աճէ քան
զձմարտութիւնն : Ս' ասն որոյ և 'ի քեզ ինքն բողբեմ
ես այժմ . երբէք դէպք ոչ ետուն քեզ, զի զրոյց մի քո
անմեղութեան բերանոյ 'ի բերանս յածեալ և այլայլեալ
այնպիսի իմն յաւելուածովք յունկն այլոց հեղեալ իցէ,
զոր և յերազեալ անգամ չիցէ քո . և ոչ քանքարտեցար
դու յայնժամ ընդ անիրաւութիւն և ընդ չարութիւն
գուշակացն : Եւ արդ չիցէ մարթի և քեզ ինքնին խաբիլ
յայլոց 'ի զրոյցս որ ընդդէմ քո :

ՄԵՂ ասիցես, եթէ զոր եսն լուայ, հաւաստիք են և
անյերկուանալիք : — Եղիցի այնպէս : ՄԵՂ աղէ ասա .
նաև քում եղբօր չիցեն թերևս պատճառք զնոյն կըշ-
տամբանս առնելոյ ընդդէմ քո : Երդեօք առ նորա պա-
կասութիւնսն եղեր դու ներողամիտ : Երդեօք իրաւա-
ցուցեր դու երբէք զբարեւաւութիւնս նորա առ բամ-
բասողսն : Երդեօք թոյլ ետող երբէք չարախօսացն
նորա դատաւիտեալ զնա յանդիման քո :

Եւ զայն ևս ասա ինձ . եղեր և դու առ այլ զգու-
շաւոր և ակնածու ըստ արժանւոյն . արդեօք զայլոց
տկարութիւնսն չտեսանելոյն կամ չսեւելոյն արարեր .
արդեօք չարեցեր երբէք զլեզուդ ընդդէմ եղբօրն, և
չաղարտեցեր հրապարակապէս զնորա համբաւն կամ
անխոհեմութեամբ կամ չարութեամբ : Եւ զի է քեզ

այր դու այնչափ գիրդ , այնչափ զգայուն լինել յորժամ վասն անձին քոյ իցեն բանք : Աւ եթէ քոյ այնչափ իցէ վասն անձին զրգուծիւնդ , սակայն և մեզ կարի քաջ պարտք են աստուածային սպասուորացս՝ հրահանգօք կրօնիս ձայն տալ քեզ և ազդել զիներեսցես դու եղբօրն զգրոյց զայն և զբան ընդդէմ քո կամ զքէն թուցեալ 'ի բերանոցն բազում անգամ անմտադրութեամբ և յեղակարծումն , կամ թէ առ իրաւացի ինչ զայրացութեան : Իսկ զքոյդ անսահմանափակ ազատութիւն զրուցելոյդ ընդդէմ այլոց չտեսանիցես երբէք . որ ոչ ըստ վայելչութեան վիճակիդ և ոչ ըստ քրիստոսական քաղաքավարութեանդ չիք քո չափ 'ի վեղուի , չափ որ և ըստ աշխարհի ինքնին պարտք են ամենայն բարեզգեաց և կիրթ մարդոյ :

Իայց տացուք քեզ և զայն , եթէ և 'ի չափաւորութեան կրից ընդդէմ եղբօրն չիցէ քո թերացեալ : Ասկայն ասա ինձ . յիմ իմիք յաջողեսցիս դու ատելովդ զնա : Հաջողեսցիս թերեւս սրբել ջնջել զձախողակ կարծիւն , զոր զրոյցք եղբօրն տալաւորեցին 'ի միտս այլոց վասն քո : Իս աւանիկ դու այլ վերս նոր բանաս 'ի սրբաւի քում ատելովդ զնա՝ մահաբեր հոգւոյդ :

Այլ աղէ եկ դու ուսիր զարբօնի ճանապարհ զբարիօք վրէժխնդրութեւ : Հոյց աշխարհի անմեղութեամբ վարուց քոց և անարատութեամբ զնացիցդ , եթէ սուտ և անիրաւ ուրեմն էին զրոյցք նորա ընդդէմ քո : Աղծ դու ջնջեա անստգիւտ քաղաքավարութեամբդ զտաւուրեալ և զարմատացեալ զայդ խէթ մտաց ընդդէմ քո : Բաքինութեամբք՝ որ դիմամարտքն իցեն յանցանացն զոր շիւեցին զքեւ վայրախօսքն , տուր դու անկանել 'ի վերայ նոցա զանարդութիւն զստութիւն և զգրպարտութիւն նոցա : Բասիկ քեզ օրինակ արդար և օրինաւոր վրէժխնդրութեան : Հաղթանակ կանգնեսցես 'ի վերայ չարութեան նոցա բարութեամբ վարուցդ և քոյին լուծեամբ . զայս արարեալ որպէս առաքեալ ասաց , կայծակունս հրոյ կուտեսցես 'ի գլուխս նոցա : Օ այս արարեալ 'ի քոյ կողմն կացցէ այնուհետեւ աշխարհ , և թընտնուոյն քում չմտացէ ինչ այլ , բայց նշաւակութիւն և ամօթ երեսաց : Իսկ եթէ սկսանիցիս դու ատել զնա , այդ վրէժխնդրութիւն տկարաց է . այդ սինլքոր և

չարաչար սիրտիանք յանցաւորաց են . և միանգամայն աւել, այդ զովացումն և դիւր սրտի այնոցիկ է՝ որ յոյժ են հիբացեալք և դեղ ինչ դարմանոյ չմարթին գտանել յառաքինութեան և յանմեղութեան :

Սակայն և զայս ամենայն փաստս 'ի մի կողմն եղեալ, եկեացուք մեք առ տիրական մասն : Պատուիրան է քեզ յ'ստուծոյ սիրել զայնոսիկ որ լիկն գեղ և հաւածեն և զրպարտեն . աղօթել վասն նոցա, աղաչել զ'ստուած վասն դարձին նոցա՝ շրջել զնոսա 'ի դառնութենէ սրտից նոցա . հաստել 'ի նոսա հոգի խաղաղութեան և զսիրոյ, և ընդ սուրբս ևս իւր դասել զնոսա : Եւս է ասելն, « Սիրեցէք զթշնամիս ձեր . բարի արարէք ատելեաց ձերոց . օրհնեցէք զանիծիչս ձեր . աղօթս արարէք 'ի վերայ այնոցիկ որ չարաբուն զձեզ » : Եւս և ըստ Կերադոյն հրահանաց կրօնիս համարել քեզ զչարաբանս որ 'ի նոցանէ, իբրու երախտիս . ընկալեալ զայնոսիկ իբրեւ պատիժ արժանահաս զաղանի յանցանաց . և հայել յայնոսիկ իբրեւ 'ի զին արքայութեանն ըստուծոյ որ խոստացեալ է այնոցիկ որ բարեպաշտութեամբ տարցին հաւածանաց և զրպարտութեանց :

Եւ եթէ ոչ այսպէս, ասա ինձ ո՛ր սիրելի . զինչ ապա անջրպետ կայցէ ընդ աստուածապաշտութիւն և ընդ անաստուածութիւն . զինչ և ընդ քրիստոնէութիւն և ընդ հեթանոսութիւն : Եւս ուրեմն իցեն ամենայնքն . « Օ ինչ վարձք իցեն, ասէ տէրն, որ չնորհք իցեն . զի և հեթանոսք, զի և մաքսաւորք, զի և մեղաւորք սիրեն զսիրելիս իւրեանց, և ողջոյն տան բարեկամաց իւրեանց » : Եւս եթէ դու առաւելուցուս, ասէ, քան զնոսա, յայնժամ նմանող լինիցիս ըստուծոյ, որ հաւասարապէս բարերարէ արդարոց և մեղաւորաց, որ զարեւակն իւր ծագէ 'ի վերայ չարաց և բարեաց, որ ածէ անձրեւ 'ի վերայ ամենեցուն առ հասարակ . նմանող լիցիս ըստուծոյ, ապա ուրեմն և ժառանգ արքայութեանն ըստուծոյ : Եւս նմանող լինիցիս ըստուծոյ, և ըստուած նմանող լինիցի քեզ . զի եթէ դու ներեացես ատելեաց քոց, և ըստուած ներեացէ քեզ . իսկ եթէ դու չթողուցուս նոցա, և ոչ հայրն քո երկնաւոր թողցէ քեզ զյանցանա քո : Եւս պատիւ անձինդ և փառք զինչ իցեն առ ըստուծոյն, (եւ ընդ հարցանելս անդամ զար-

հուրիմ, և դու ընդ լեւելի զերկիր միայն նշմարես) . համայն և այնպէս մեղուցեալ ինչ արդեօք իցէ՞ք երբէք ընդդէմ Մտուծոյ, և առ ոտն կոխեալ զփառս և զպատիւ նորա . և կամիցիս դու եթէ լուռ և անզգայ իցէ Մտուած առ նշաւակութիւն փառաց իւրոց . իսկ դու առ պատիւ անձինդ այնչափ ժրացեալ՝ զի և վրէժխնդիր ևս լինիցիս ընդդէմ եղբօրն : Արդ առ ընկալ կամակար զպատուհաս յանցանացդ՝ զոր յանցեալ ընդդէմ Մտուծոյ, և հատո զհատուցումն փառաց նորա . զքո անարգիլի նուիրեա փառացն Մտուծոյ, զոր անարգեցեր . համբերեա նշաւակութեանդ, տուր ներումն եղբօրն որ յանցեալ քեզ :

Այլ ասես : — Ո՛ր ապա թողցուք մեք զպատիւ անձինն, զուրք վիճակին : () րինաց աւետարանին այդ մեծապէս շքով ակն ածեմ, ասես . այլ սակայն և օրինաց պատուոյն չիցէ՞ արժան երեսս առնել վրէժխնդիր լինելով :

Օ՛րինչ իցեն, աղէ ասա, որ իցեն այդ օրէնք պատուոյ . և զինչ այն պատիւ անձին իցէ, զոր չիցէ հնար զրգել, բայց վնասելով զհոգին, և վտանգելով զյաւիտենական փրկութիւնն . այն որ միայն զճշմարիտն պատիւ և զփառս գիտէ տալ հոգւոյն : Այլ յաշխարհի, զինչ կարծես, քան զատեն և զօխակալ լինեն և քան զվրէժ խնդրեն, ոչ առաւելութիւն պատուոյ իցէ անուխակալութիւնն, անյիշաչարութիւնն, և ընդ չարին բարւոյ փոխարինութիւնն . ոչ մեծ արդասիք իցեն այս վնեմական ոգւոյն : Առաքինութիւն և իմաստութիւն և չափաւորութիւն, չիցեն բաւական զճշմարիտն պատիւ և զփառս սաղրել բանաւոր արարածոյն, և որ ինչ միանգամ զմարդկութիւնն անպատուէ՝ երբէք զոք ՚ի մարդկանէ պատուել ունիցի . և աւետարանին որ զներեւն հրամայէ ոչ ահա բազմութիւք կացին դիւցազունք ճշմարիտք ՚ի խրախոյս իմաստնոց և առաքինեաց :

Արդ ուրեմն, քաջ է, ասես . և ես աւագիկ անյիշաչար եմ այսուհետեւ առ եղբայրն . և հաշտութիւն մեր ընդ միմեանս վախճան արար ամենայն դժտութեան և ատելութեան : Քաջ է : Սակայն և զայն վայր մի ՚ի քնին առցուք, եթէ ճշմարիտ արդեօք իցէ հաշտութիւնն :

ՄԱՍՆ Բ .

Չիք պատուիրան առաւել բացայայտ և անյերկուա-
նալի քան զպատուիրան սիրոյն առ եղբարս . սակայն և
պատուիրան այլ չիք յորում չսպրդիցին 'ի պահպանու-
թեանն խաբանք և սկզբունք պատիրք առաւել քան 'ի
սմա : Ըմենայն որ դամ մի փնտտեալ յընկերէն , ասէ
եթէ ներեալ եմ'նամ 'ի սրտէ և անդորրացեալ է 'ի խիղճ'
մտացն : Եւ սակայն չիք ինչ յաշխարհի առաւել դժուա-
րագիւտ քան զճմարտապէս ներումն . և դուն ուրեք
հաշտութիւնն փոխեսցէ ճմարտապէս զսիրտ , և հազիւ
երբէք ճմարտիս բարեկամութիւն հաստեսցէ միւսման
գամ : Եւ արդ 'ի քնին առցուք մեք զհաշտութիւնն եթէ
'ի ծագման իւրում , եթէ յընթացս իւր , և եթէ 'ի հե-
տեանն , և յայնժամ 'ի վերայ հասցուք ճմարտութեան
նորա : Բստ ծագմանն , քաջ միտ դիք աղաչեմ սիրելիք ,
ըստ ծագմանն առ 'ի լինել անկեղծ և ճմարտ , հարկ
է հաշտութեանն զսկիզբն իւր ունել յաստուածային
պատուիրանէ անտի սիրոյն , և 'ի քրիստոնէական սիրե-
լութենէն առ եղբարս . « Պատուիրան նոր տամ ձեզ ,
զի սիրեսցիք զմիմեանս » : Եւ արդ մեք տեսանեմք , զի
հասարակ կարգաւ 'ի մարդկայնոց աստի զգածմանց շարժ-
առիթք և պատճառք գրաւեն ողջոյն զտեղին 'ի գործ մի
որ է միայն գործ շնորհաց , այն է հաշտութիւնն ճմա-
րտ : Բանդի տեսանեմք զի թշնամիք կամ խռովեալք
հաշտին ընդ միմեանս 'ի թախանձանաց անտի միայն
բարեկամացն իւրեանց , զի մի չարն աճեսցէ և ևս և
ամբոխեսցի ամենայնն , և զայրացի ատելութիւնն , և
յորդեսցեն աղէտք : Հաշտին ընդ միմեանս , զի մի իբրեւ
զնզովեալս 'ի բաց կացցեն նոքա վտարանդիք յայն ինչ
ակմբից և 'ի կենակցութեանց , այնպէս անհաշտելիք
մնալով ընդ եղբօրն : Հաշտին ընդ միմեանս , սակայն
'ի պատճառս ակնածութեան և բարեմարդկութեան
զոր ունին առ աւագս և առ իշխանաւորս . որ զայս
ներողամտութիւն և զհաշտութիւն պատուիրեն և պա-
հանջեն 'ի նոցանէ : Հաշտին ընդ միմեանս , սակայն 'ի

պատճառս վարկին և համբաւոյն իւրեանց . զի իբրեւ այր բարեկիրթ և մեծանձն ծանիցեն մարդիկ զնոսա . և զի մի առակ նշաւակի լիցին աշխարհի 'ի տոյժ պատուոյն և շահուն իւրեանց : Հաշտին ընդ միմեանս, ոչ 'ի սէր պատուիրանին , այլ 'ի սէր անձանց . որպէս զի հաշտութեամբ իւրեանց կարճեսցեն զեզուս չարախօսաց իւրեանց և բամբասողացն : Օ՛ ինչ ևս այլ : Հաշտութիւնք նոցա նմանատիպք իցեն թերևս հաշտութեանն Սաուղայ . քանզի և հաշտին այնպէս վեր 'ի վերոյ և գաղտապէս , զի ապա անքոյթք և առաւել յաջողաձեռինք մարթասցին վնասել թշնամոյն իւրեանց . իբրու նինջ և նիրհ արկանելով 'ի վերայ տքնութեանց և պահակերութեանց նոցա :

Եւ յսորիկ են բազում անգամ շարժառիթք հաշտութեանցն զոր տեսանեմք յաշխարհի . և զոր ասեմս անշուշտ է . քանզի և բազումք 'ի հրապարակագոյժ մեղաւորաց թէպէտ և ոչ նշան մի յանձինս բերիցեն զբարեպաշտութեան , սակայն և զոր ամենայն հաշտին նոքա ընդ եղբարս . նաև նոքա որ թուացեալք են 'ի վարս և բուռն երբէք չառնեն անձանց 'ի լրումն առաւել հեշտ ընկալ պարտուց քրիստոնէութեան , տեսանեա զի իբրեւ նահատակք հանդիսացեալք են նոքա 'ի կատարումն մեծի պատուիրանիս այսորիկ , որ առաւել դժուարին է քան զամենայն : Բայէ , զինչ իցէ պատահումս : Եւ ուրեմն նոքա նահատակք անձնացոյց կրից , և ոչ աստուածային սիրոյն , և 'ի քրիստոսական պատուիրանէ անտի հաշտութեան ընդ եղբօրն՝ զատեալ որոշեն զգիւցազնականն որ 'ի նմա և զմեծն առաջի Եստուծոյ և զդժուարին , այն է զանյիշաչարութիւնն և զսրտին փոփոխութիւն առ եղբայրն , և 'ի բաց թողեալ զայս՝ առնուն միայն յանձինս որ փառաւորն է յաչս մարդկան , այս է զարտաքնայարդար կերպարանս զբարեկիրթութեան , զբաղաւարութեան , զգովանին յաշխարհի : Եւ արդ եթէ 'ի մարդկայնոց աստի է ծագումն հաշտութեանն , և այսպիսի ինչ են շարժառիթք սկզբան սիրոյն , որպիսի ինչ այնուհետեւ իցեն արդեօք ընթացք ճանապարհի նորա :

Եւ հաւաստի ձեզ սիրելիք : Եւ 'ի հաստել հաստատել զհաշտութիւն մի , նստին նախ ուշով 'ի քնին առնուլ

ղբանն. ո՛վ, պատրաստուածիւնք քանի՞օն յառաջէն յայն ժամ քան զհաշտուածիւնն, քանի՛ հնարադիտուածիւնք, քանի՛ յեղանակք, քանի՛ ծուփք մտաց և խորհրդածուածիւնք, քանի՛ զգուշաւորուածիւնք՝ ի հաստատելն, քանի՛ շահախնդրուածիւնք՝ ի պահպանելն, և քանի՛ քայլք դանդաղաքայլք ի յորոշելն :

Ա՛յ, ձեր հաշտուածիւնքդ չեն ուրեմն գործ սիրոյ, այլ գործ հնարադիտուածեան և զգուշուածեան և յաջողաձեռնուածեան բարեկամաց ձերոց. ձեռնարկ աշխարհի է ուրեմն սէրդ այդ, և ոչ պիտառնուածիւն կրօնի. դաշնադրուածիւն իմն քաղաքական այնչափ զգուշուածամբ կռեալ, և ոչ պարտք հաւատոյն լրացեալ. համբուն ասել՝ գործ մարդոյ և ոչ գործ Մատուծոյ. խաղաղուածիւն՝ որ յերկրէ աստի, և ոչ խաղաղուածիւն որ ի յերկնից իջեալ. “Ոչ է իմաստուածիւնս այս իջեալ ի վերուստ, այլ երկրաւոր և շնչաւոր” :

Եւ արդ պարզ ասել. աղէ յորժամ բարեկամք ձեր ի մէջ մտեալ այնպէս բազմադէմ հնարիմացուածեամբք իրեանց հաշտեցուցին զձեզ ընդ եղբօրն, արդեօք մարթացան նորա նաև զսէրն շիջեալ ի ձեզ միւսանդամ արծարծել ի ձեզ, և զկորուսեալն ձեր զանձ անդրէն տալ ժառանգել ձեզ :

Եւ յո, յաջողեցան զառ ի մարդիկ զգայթակղուածիւնն բառնալ ի միջոյ և զարտաքնայարդար զպարտս ընկերուածեանն նորոգել ի ձեզ. այլ արդեօք փոխեցին զսիրտ ձեր, զոր ի ձեռին իւրում ունի միայն Մատուած : Եւ իջուցին արդեօք և զատելուածիւնն, զոր շնորհաց միայն է հնար շիջուցանել :

Հաշտեցար ուրեմն դու ընդ եղբօրն, այլ տակաւին չսիրես զեղբայրն. և եթէ արդարև անկեղծուածեամբ սիրեցեր դու զնա, զինչ պէտք էին քեզ այնչափ միջնորդաց ի հաշտիլ ընդ նմա : Սիրոյ շատ է ինքն միայն. ինքն ինքեան է միանգամայն և առաջնորդ և միջնորդ և թարգման : Սիրոյ չեն պէտք այնչափ խորհրդոց և հնարիմացուածեանց և դաշնադրուածեանց. “Այր չինդրէ զիւրն. սէր ոչ գրգռի, ոչ խորհի զչար. սէր ամենայնի հաւատայ, ամենևին յուսայ, ամենայնի համբերէ” : Եւն պէտք սիրոյ այնչափ կանոնաց. ունի մի միայն զիւր կանոն. այս է մոռանալ զանիրաւուածիւն, անյիշատար լինել, սիրել զեղբայրն իբրև զանձն :

Բայց սակայն գիտեմք և ես և հաւանեալ եմք թէ ես արդարեւ և կանոնք խոհեմութեան յամենայնի, զոր պարտ է իմաստութեամբ պահել. զի մի յանկարծ՝ որ պէս պատահէ բազում անդամ՝ գնացք ինչ շուտափոյթք և խամք, և խորհուրդք ինչ թերակատարք և յանդգունք և արտաքոյ ժամանակին, ձախողակ գտցեն ելս. և թերեւ առաւել ևս զայրացուցեն զեղբայրն՝ ի կամել քում հաշտել ընդ նմա և հաստատել զսէրն։ Ասկայն և ասեմք, եթէ սիրոյ և շնորհաց պէտք են առաջին կանոն և ուղեցոյց լինել քեզ յամենայն ի գնացս յայտոսիկ. և ոչ մարդկայնոց ինչ և աշխարհայնոց և թերադրութեան մարմնոյ և արեան։ Վանզի և յորժամ ինքնին տներն պատուիրեաց զհաշտելն, պարզապէս ասաց. «Եթ զու և հաշտեաց ընդ եղբօր քում»։ Այլն միայն, ասէ, լինիցի քեզ առաջին միջնորդ և կարապետ հաշտութեան քում. «Եթ զու և հաշտեաց»։ Իսկ ի սիրել զեղբայրն չիցեն քեզ պէտք այլոց միջնորդաց. շատ իցէ քեզ սիրտ քո։ Այլ թէ ոչ, յայն պիտի սկզբանց հաշտութեան որ գլխովին մարդկայինքն իցեն, և յայնպիսի ընթացից հաշտութեանն որ արտաւորքն իցեն, զինչպիսի և հետեանքն և պտուղք հաշտութեանն իցեն. բայց թէ վայրասպար ինչ և խամբեալ. որպիսի մեք տեսանեմք զօրհանապազ ի հաշտութիւնս յաշխարհի։

Անկն դիք աղաչեմք։ Ասեա զու ինձ, եթէ հաշտեցայ ես աւագիկ ընդ եղբօր իմում. ներումն ետու նմա ի սրտէ։ Բայց սակայն հաստատեալ է քո ի մտի ոչ ևս այլ կամիլ տեսանել զնա, ոչ ևս այլ ինչ մի տուրեալ յապալս ունել ընդ նմա։ Այլ այսպէս ասա անդորրացեալ քո ի խղճի, և կարծես եթէ ոչ ինչ այլ ի վերայ այնուհետեւ պատուիրէ քեզ աւետարանն ի բանիս յայս միկ. և թէ հայրն խոստովանութեան քո ջմարթի այլ ինչ առաւել պահանջել ի քէն։ Բայց ես ասեմք քեզ. անշուշտ չես զու տակաւին ներեալ եղբօր քում. ոչ սիրես զնա, որպէս պատուիրէ Վրիստոս. դեռ տաժես զատելութիւնն առ նա. տակաւին մեռեալ է քո, և ի մեղս ես տակաւին։ Այլ թէ ոչ, աղէ զու ասա ինձ վայր մի։ Վուցէ երբէք ինչ քեզ երկիւղ և խէթ ի տեսանել քո զոք զօր սիրես. և եթէ երբէք այր ոք քո

Թշնամի ճշմարտապէս փոխեալ և լեալ իցէ իբրև զմի 'ի սիրելի եղբարց քոց, տեսութիւն նորա զոր խէթ, զոր ատելութիւն, զոր տաղտկութիւն երբէք մարթասցի ճաննել 'ի քեզ:

Եւսես դու ինձ, եթէ ներեցեր նմա և սիրես զնա. սակայն 'ի զգուշութիւն ընդդէմ նորոյ ինչ զրգուութեան ընդ նմա 'ի տեսութենէ նորա, լաւ ևս թուի քեզ միշտ 'ի բաց կալ 'ի նմանէ: Բայց աղէ, որ ազգ սիրոյ իցէ այն երբէք, զի և տեսութիւն և եթ սիրեցելոյն զրգուեսցէ զքեզ և յատելութիւն և 'ի ցատումն զրգեսցէ միւսանդամ: Սիրես դու զնա. այս է, ոչ ինչ կամիս մնասել և չար առնել նմա. այլ այս է շատ: Բէզ կրօնն և աւետարանն ինչ մի ևս այլ 'ի վերայ պատուիրէ՝ սիրել զնա: Բանգի առ 'ի ոչ կամիլ միայն մնասել Թշնամոյն շատ է արդեօք պատիւ անձին, կամ թէ անցաւութիւն ինչ, կամ չափաւորութիւն ինչ կրից, կամ ահ և երկիւղ, կամ պակասութիւն սարադայիցն: Սակայն առ 'ի սիրել զԹշնամին, պարտ է լինել քրիստոնեայ, պարտ է լինել աշակերտ աւետարանին: Եւ ահա այս է զի ոչ կամիս լինել ճշմարտապէս այնպիսի:

Եւ արդ զինչ ասես, արդեօք կամէիր դու զի և Եստուած սիրեսցէ զքեզ, այլ երբէք չկամեսցի տեսնել զքեզ. չկամեսցի առնել քեզ չար, սակայն միշտ և հանապաղ մերժեալ և արտասահման պահեսցէ զքեզ յատուածային երեսաց իւրոց: Բանգի և զիտես իսկ դու քաջ, եթէ հաւասարակշիռ դատեսցէ զքեզ Եստուած, որպէս և դու վարեցար ընդ եղբօրն. «Որով դատաստանաւ, ասէ, դատիք, դատելոց էք. և որով չափով չափէք, չափեսցի ձեզ»:

Եւ արդ քո որ նշան իցէ, որով և ծանկցուք մեք եթէ սիրես դու զեղբայրն: Եսես դու սիրել զնա, այլ ոչ տեսանել: Իցէ ինչ այլ առաւելագոյն նշան ռիսութեան քան զայս. յորժամ նորա և ոչ տեսութեանն անդամ հանդուրժեսցես դու: Եյս վերջին ծայր է դառնութեան և ատելութեան: Իցեն արդեօք յաշխարհի ատելութիւնք առաւել չափաւորք, որք և զիմակս զիւրեամբք առնուցուն զբաղաբականութեան, զմարդաւրութեան, զպատշաճողութեան, և այնպէս քողարկեն զինքեանս: Եւ քոյդ յայն չափ հասեալ է, զի

և քողարկել չիք հնար . ոչ ականաժուլ թեան երես առնէ , ոչ պատշաճողութեան ինչ միտ դնէ . և 'ի վերայ այսր՝ կամիցին դու հաւատացուցանել մեզ եթէ քո չիք ինչ խէթ և ատելութիւն առ եղբայրն : Եւ իցէ քո նշան անկասկածելի եղբայրական անկեղծաւոր սիրոյն , զոր Վրիստոն աւանդեաց : Իսկ յորժամ Վրիստոս յիշեմք , զբրիստոնեայ անունն պանծացուցանեմք : Եւ զբրիստոնեայք վասն այնորիկ ինչ անուանեցան և եղեն , զիսչ տեսցեն զմիմեանս և ոչ երեսասցին միմեանց . և առ մենայն ազգ տրոյ և առ ի առ հասարակ խափանեալ կայցէ 'ի նոսա : Վրիստոնեայք . միոյ մարմնոյն անդամք . միոյ հօր որդիք . նորուն վարդապետի աշակերտք . նորուն արքայութեան ժառանգք . նորուն շինուածոյն քարինք : Վրիստոնեայք . նոյն և մի հողոյն հաղորդք . նոյն և մի փրկութեան բաժանորդք . նոյն և մի արդարութեան մասնակիցք : Վրիստոնեայք . 'ի նմին արգանդէ աւազանին երևեալք . 'ի նմին ջրոյ վերածնեալք . 'ի մի եկեղեցի խմբեալք . նոյլին գնոյլ փրկանաւորեալք : Եւ ապա այսպիսիք գոլով , տաղտկասցին 'ի տեսանել զմիմեանս , թաքթաքուր փախիցէն յիրերաց , չկամիցին և չկարասցեն բռն բռնալ զմիմեանց : Եւ ահա և ողջոյն պաշտամունք կրօնին կապեն զմեզ ընդ միմեանս . հաղորդութիւն սրբոց զոր դաւանիմք , նոյն խորհուրդք , նոյն աղօթք , նոյն հացն սրբութեան , նոյն պատարագ . որոց առ հասարակ միաբան հաղորդիմք , իբրև մի գերդաստան , իբրև մի ընկերութիւն , իբրև մի մարմին , իբրև մի հոգի , իբրև մի սիրտ : Եւ դու կարծիցես յետ այսր ամենայնի սիրել զեղբայրն քո և զաստուածային զյօդակապսն կրօնին պահել ընդ նմա , յորժամ նաև զմարդկային ընկերութեանն խցեալ է քո զկապ . և ոչ տեսութեան անդամ եղբօրն կարես հանդուրժել :

Իսկ , և զիմորդ այնուհետև զնոյն յոյս ականալութեան կարասցես ունել ընդ նմա , երանակից ընդ նմա լինել յաւիտեան յարքայութեանն Եստուծոյ . իբրու այն որ քոյ երանութիւնդ լինիցի նորայն , և նորայն քո գլխովին , առ հասարակ միացեալք Եստուած : Եւ դու այժմէն ուրեմն հրաժարեաց յաւետեացն խոստմանց , և յանխաբ յուսոյ հաւատոյն . մեկնեաց իբրև նզովեալ , իբրև զհեթանոս և զմաքսաւոր 'ի հաղորդու-

Թենէ հաւատացելոց . տեղի տուր 'ի սեղանոյն սրբաթեան , որոշեալ զքեզ յահագին խորհրդոյն , 'ի հասարակաց աղօթիցն , 'ի միաբանութենէ սրբոցն . և մի ևս ուխտաւոր , և մի ևս պաշտօնաւոր , մի ևս ընծայաբեր եկեղեցի դու 'ի սուրբ եկեղեցի Մատուծոյ : Վրանդի 'ի չհաշտելոյ ճշմարտապէս ընդ եղբօրն , չես հաշտեալ ընդ Մատուծոյ , չես հաշտեալ ընդ եկեղեցւոյ :

Եւ թերեւ զարհուրեալ քո յահագին ճշմարտութեանցս , հաստատեցես այսուհետեւ 'ի միտս խաղաղութեամբ տեսանել զեղբայրն . և 'ի պատշաճողութեանց մասին և 'ի մարդկային բարեվայելչութենէն ոչ թերանալ երբէք : Իսկ արդ կարծիցես դու այդուիկ , եթէ հաշտեցար ճշմարտապէս ընդ եղբօրն , և ներեցեր նմա 'ի սրտէ , և սիրես զնա իբրեւ զանձն քո :

Սակայն ուշիմ լեր . սէրն զոր աւետարանն պատուիրէ հաստատեալ կայ 'ի սրտի . չէ նա պատշաճողութիւն լոկ , չէ նա բարեվայելչութիւն արտաքինայարդար , և չէ արարողութիւն աշխարհի վայրապար : Օգաժումն է նա սրտի անպատիր . սիրելութիւն է անկեղծաւոր կազմ և պատրաստ 'ի ցուցանել զնոյն և յարդեանց : Իսկ բարեմարդկութիւնդ այդ և քաղաքավարութիւն կամօր զինչ և անուանեսցես , հրէական է և փարիսական . չէ սէր քրիստոնէի , չէ հանդէս աշակերտի աւետարանին : Եւ եթէ զայն միայն կալեալ է քո 'ի կանոն սիրոյն , չես դու առաջնորդեալ 'ի պատուիրանէն Վրիստոսի , “ Սիրեսցես , ասէ , զընկերն . ոչ լոկ , այլ իբրեւ զանձն քո ” : Եւ դիտես , զի սէր անխաբ է . չէ վայրապար ինչ , չէ 'ի կեղծ :

“ Եւ սիրեսցես , ասէ , զթշնամին քո ” : Օխորդ արդեօք : Եւրդեամբք . . . : “ Բարի , ասէ , արա ատելւոյն քում . օրհնեալ զանիծիչն քո ” : Զէ շատ : Եւ “ Եւ աղօթս արա 'ի վերայ նորա ” : Տեսանէս 'ի քանի ինչ իրաց հաստատէ զճշմարտութիւն և զանկեղծութիւն սիրոյն : Եւ ապա այս ամենայն էր աղագաւ : Եւ հաքեզ միակ վախճան և միակ ուշ նպատակիդ 'ի սիրելն , ոչ յերկրաւորաց աստի ակնածութեանց և 'ի շնչաւոր ինչ իմաստից , այլ առեալ տանի զբանն մինչև յաթոռն Մատուծոյ . “ Օ , ի եղիջիք , ասէ , որդիք հօր

ձերոյ որ յերկինս է , և Բայ է սէր աւետարանին , և այս է պատուէր Վրիստոսին :

Վանգի , քաջ միտ դիք աղաչեմ , ոչ արտաքին ինչ կապանօք ըստ աշխարհի միանան քրիստոնեայք ընդ միմեանս , այլ որ աստուածային յօդակապք են և ներքինք . այս է՝ հաւատ , յոյս , և սէր , և կրօն : Ինկեւ թուծիւն հաստեմք մեք յաշխարհի ողջ ներքին , ողջ սուրբ . յոր սէրն միայն է նորա աներևոյթ կապանք : Եթէ զաշխարհին միայն կալցիս դու , և զայս չունիցիս , քաղաքացի ես բարի , այլ ոչ քաղաքացի երկնից . մարդ ես աշխարհիս այսորիկ , այլ ոչ հանդերձելոյ աշխարհին : Բաշխարհ գոհ է զքէն , և արձակէ ազատ և չպահանջէ 'ի քէն այլ . սակայն չիք քո արարեալ ինչ մի արժանի յաչս Բստուծոյ զի բաժանորդ լինիցիս Բստուծոյ . քանզի ոչ կաս 'ի սէրն , և առանց սիրոյ չիք փրկութիւն :

Ի հաւաստիկ ձեզ , սիրելիք , հաշտութիւնք կեղծք , հաշտութիւնք մարդկայինք . ոչ անկեղծք , և ոչ աստուածայինք . և զինչ օգուտ 'ի հաշտութեանց աստի , զոր հանապազօր տեսանեմք 'ի քրիստոնեայս , կենակցին միաբան , այլ չեն հոգիքն միացեալք ընդ միմեանս . խոստանան բարեկամութիւն փոխադարձ , այլ արդիւնք չեն 'ի միջի . մերձեալ են մարմնովք , սիրտք նոցա հեռացեալ մեկուսի են 'ի միմեանց : Իրաւապէս ուրեմն ասացի , եթէ շիջեալ չէ ատելութիւնն , անկեղծաւորք չեն հաշտութիւնքն . ներեն վնասուն , այլ չսիրեն զվնասողն . չվարին ընդ եղբօրն իբրեւ ընդ թշնամւոյն , սակայն և հային երբէք 'ի նա իբրեւ յեղբայր : Եւ 'ի վերայ այսր ամենայնի , աւանդ , այնպէս 'ի նմին վիճակի յաճախեմք 'ի խորհուրդս եկեղեցւոյ , ցանկորդիմք 'ի հաղորդութեան աստուածայնոց , անդորրամիտք մերձենամք առ սեղանն սրբութեան , յատեան խոստովանութեան , խիղճ համարիմք 'ի խոստովանել զներգոյացեալն 'ի մեզ զճաճուկ ատելութիւնն . չապաշաւեմք ընդ զայթակղութիւնն՝ տուեալ թերեւ աշխարհի : Եւ զիարդապա ոչ միացեալքս սիրովն Վրիստոսի ընդ միմեանս կարասցուք մերձենալ առ ինքնաբուն սէրն Բստուած :

+ Դու աղբիւր սիրոյ հոգի սուրբ Բստուած , մինչև ոչ հեղեւս 'ի սիրտ մեր զանմահարար վտակս աստուա-

ծային սիրոյդ, (քանզի չեն մեզ բաւական բանք բերա-
նոյ 'ի շարժել զսիրտ), երբեք արժանի չմար[թասցուք
լինել տաճար և բնակարան աստուածութեան քո 'ի սէր
եղբօր, 'ի սէր [թշնամոյ:] Աղ[թեմք սրտեռանդն,
զհուր սիրոյ քոյ բորբոքեա 'ի մեզ, տէր. որով և սէր-
տիւ սիրեալ զեղբարս, և 'ի սէր քո միայն սիրեալ ճշ-
մարտապէս զ[թշնամիս, արժանասցուք զմայլիլ յանբա-
պառ աղբիւր սիրոյ քոյ 'ի հանդերձեալն:

21-4

Ք Ա Ր Ո Ջ Ի

ՓՈՐՁՈՒԹԻՒՆՔ

“ Յայնժամ վարեցաւ Յիսուս յանապատ 'ի հոգոյն փորձիլ 'ի սուտանայէ, և պահեալ զքառասուն տիւ և զքառասուն գիշեր, սպա քաղցեաւ ”: 4-12

Օ խորդ ոչ զարմացի որ թերևս, եթէ որ “ Լս 'ի լուծանել զգործս սատանայի, ըստ առաքելոյն, էջ յերկնից ”, նոյն ինքն հպատակեաց զանձն փորձիլ 'ի սատանայէ: Լս քանզի ամենայն տնօրինականքն վասն մեր կարգեցան և կատարեցան, նոյն և այս շնորհ առ 'ի նմանէ պարգևեցաւ փորձանաւորացս 'ի մեծ զօրավիգն: Քանզի զկիրս մարդոյ 'ի փորձութիւնս քառակի նկատեցին հարբ. մի զի ապիկարք յոյժ եմք 'ի փորձութիւնս, հաճեցաւ զօրացուցանել զմեզ: Եւ միւս ևս զի վատասիրտք յոյժ եմք 'ի փորձութիւնս, հաճեցաւ քաջալերութիւն զգեցուցանել մեզ: Երրորդ անգամ զի և յանդգունք եմք և անխորհուրդք 'ի փորձութիւնս, հրահանգեաց զմեզ 'ի զգուշութիւն: Եւ չորրորդ անգամ զի յարուեստ կռուելոյ ընդ անմարմին թշնամոյն անտեղեակք յոյժ եմք, ինքնին ուսոյց զմեզ:

Քանզի նախ իւրովք փորձութեամբքն՝ մերոցն յաղթեաց և հզօրացոյց զմեզ: Եւ երկրորդ ինքն զփորձ առեալ ապենիազն, օրինական քաջալերեաց: Եւ երրորդ սուրբ սրբոց ինքն գոլով և 'ի փորձութենէն ոչ ազատանալով, աչալուրջս յարդարեաց զմեզ. մի երբէք

յապահոյի համարել զանձն : Եւ չորրորդ անգամ՝ նաեւ զարուեստ հոգեւոր զինուորութեանն ուսոյց և զէնս ևս պատկանաւորս ՚ի յաղթել առաջի ընծայեաց : Արպէս այր թաղաւոր , որ ոչ միայն զգորականն ՚ի ճակատ հանցէ , այլ և ինքնին միջամուխ ՚ի վտանգն շահատակեացէ , և օրինակաւն ուսուցցէ նշան յաղթութեան կանգնել :

Սպաէս և Վրխատոս միջամուխ ՚ի մարան . սակայն և օրինակաւն ուսոյց մի դիմադրաւ ինքնին լինել ՚ի մարտ փորձութեան : Վանգի ոչ ինքնին կամաւ , այլ “ ՚ի հոգւոյն վարեցաւ Յիսուս , ասէ , յանապատ փորձիլ ՚ի սատանայէ , : Վարձեալ և ոչ վայրապար , այլ յառաջագոյն պատրաստութեամբ զինուցն եմուտ ՚ի հանդէսն , այս է ճնշմամբ և մեռելութեամբ մարմնոյն . քանզի աւսէ , նախ “ պահեալ զքառասուն տիւ և զքառասուն գիշեր , , ապա թոյլ ետ փորձողին մատչիլ առ ինքն :

Ո՞րք ՚ի մէնջ պատրաստութիւն զինուց պոսպիսի կալաւ յառաջ քան զհանդէս փորձութեանն : Վանգի և օրինակ զայս սիրելիք , և ոչ այլազգ , պատրաստին մեզ շնորհքն Մատուծոյ ՚ի փորձութիւնս մեր նիզակակիցք ՚ի յաղթել . և ոչ ՚ի յաղթել միայն , այլ և ՚ի հաւատալ ևս աներկբայ եթէ չիք փորձութիւն երբեք անյաղթելի ՚ի շնորհաց՝ յորս հաւատով ապաւինեսցի մարդ : Օխարդ ճգրտիւ յայտնաբանեաց մեզ զայս երանելին Յովհաննէս , “ Մես է , ասէ , յաղթութիւն , որ յաղթէ աշխարհի , հաւատքն մեր , : Մար և զիրաւաբանութիւնն և զքաջաւերն մերձ եդ . “ Վուք , ասէ , որդեակք՝ յաղթեցէք նմա . զի մեծ է որ ՚ի ձեզն է , քան զայն որ յաշխարհին է , :

Աւտի և զբան զայն զոր ստէպ լսեմք պատճառել եթէ “ Սկարեմ ես հանդուրժել փորձութեանս այսմիկ , ընդդէմ կալ կրիցս այսոցիկ , կռուել և յաղթել ցանկութեանս այսմիկ , , զայս բան ասեմ , քան ձայն տկարութեան՝ առաւել ևս ձայն անհաւատութեան կռիցին հարքն սուրբք : Վանգի և ՚ի հաւատոց է , եթէ յօգնութենէ շնորհացն Մատուծոյ մարթիւք մեք զամենայն . “ Յամենայնի կարող եմ , ասէ , այնու որ զօրացոյցն զիս , : Եւ արդ մեք ունիցիմք հանաւորազ զօգնութիւն զայս Մատուծոյ ՚ի փորձութիւնս : Մատանօր է

կնձիուն զոր պարզել արժան է . և որ հիմն է սերկեան քարոզին մերոյ :

Ճմարտութեամբ գիտեմք 'ի հաւատոց , զի երբէք թոյլ չտայ Մտուած փորձիլ մեզ առաւել քան զբաւականն մեր . “ հաւատարիմ է , ասէ , Մտուած , որ ոչ արկանէ զմեզ 'ի փորձութիւն , առաւել քան զկարմեր ” . որպէս զի ոչ միայն չընկճեսցուք 'ի փորձութեանէն , այլ զի և պտղաբերեսցուք համբերութեամբ 'ի շնորհայն նորա . վասն այնորիկ զնովիմք ածէ , “ ՄԼ արասցէ ընդ փորձութեանն և զելս (այսինքն զշնորհս) զի համբերել կարասցուք ” :

Վաջայայտ է այս ամենայն : ՄԼ սակայն և մոլորութիւն մի տեսանեմք մեք ճարակեալ առ բազումս 'ի մարդկանէ . զի այնպէս իմն համարին եթէ այս շնորհք 'ի փորձութիւնս բաշխին մեզ ըստ չափուն զոր մեքս կամիմք , և յայնժամ՝ յորժամ և կամիմք : Սոլորութիւն վտանգաբեր յոյժ , և ծնող բազում չարեաց : Մտք 'ի վանել և 'ի հեբբել զայս մոլորութիւն , 'ի կրկին ազգ բաժանեմք զփորձութիւնսն : Մաջին փորձութիւնք կամաւորք . երկրորդ փորձութիւնք ակամայացեալք :

Մաջինն է յորժամ մեք ինքնին դիմագրաւ զանձինս արկանեմք 'ի նոյն ընդդէմ կամացն Մտուծոյ : Արկրորդն է յորժամ 'ի հարկէ իմեմնէ պաշտաման մերոյ և վիճակին պաշարիմք 'ի նոյն : Յառաջումս մի երբէք ակնկալցուք օգնականութեանն Մտուծոյ 'ի փորձութեան՝ կալով մեր յառթի մեղացն : ՄԵ է առաջին մասն : Յերկրորդումն ընդ վայր ակնկալցուք մեք օգնականութեանն 'ի մարտին , յորժամ չիք մեր ճմարիտ կամք և առաջադրութիւն բռնն առնել անձին , և զրահել զանձն ըստ օրինակին : Յիսուսի նախապատրաստ զինուք մեռելութեան մարմնոյ : Առ այս է երկրորդն : Անկնդնել աղաչեմ , լուսաւորութիւն մաղթելով առ 'ի Մտուծոյ :

ՄԱՍՆ Ա.

Պարտք անհրաժեշտ են հաստատեալ յառաջին օրինաց սիրոյն , պահպանել մարդոյ զանձն իւր , և թոյլ երբեք չէ 'ի վտանգ արկանել զփրկութիւն մեր : Եւ արդ չիք տարակոյս , եթէ վտանգեմք մեք զմեզ ինքեանս , և մեղանչեմք այնչափ անգամ , որչափ յանդիմանեալք ինքնին արկանեմք զմեզ 'ի փորձութիւն : Վասն զի չիք որ ամենեւին ոյր ճարակ և լուցկիք չգուցեն փորձութեանց եթէ 'ի ներքս իւր և եթէ արտաքոյ իւր : Վանդի են 'ի ներքս կիրք և ունակութիւնք անբարիք՝ զոր սանձել պարտ է . և են արտաքոյ իւր առարկայք և առիթք յորոց փախչել պարտ է , զի են աղբիւրք և պատճառք մեղաց :

Եւ զոր աստուածայինն Պաւղոս նշանակեաց յաղագս զանազանութեան շնորհացն , որովք զարմանազան տնօրինէ Եւստուած զգարձ և զփրկութիւն իւրաքանչիւր . սա պէս և պէսպիսութիւն է փորձութեանցն զորս անմարմին թշնամին զանազանաբար զարթուցանէ և զրգռէ 'ի մեզ ապականել և կորուսանել զհոգիս :

Օ իւրդ գեղեցիկս զայս զանազանութիւն արտայայտեաց աստուածիմաստ Սկեբերան , յասել անդ իւրում . “ Եւ ինչ որ փորձութիւն է վասն միոյն , չէ փորձութիւն վասն միւսոյն . և որ ինչ վասն սորա պատճառք է գլորման , վասն նորա չիք և ոչ մի ինչ վտանգ : Բա՛րէ , և որ 'ի մեծամեծ դայթափութեանցն աշխարհի ոչ գլեցաւ , տեսանես զի 'ի դուզնաբէից ինչ կործանեցաւ ” :

Եւրդ գիտել զվտանգն և ոչ փախչել 'ի նմանէ , այն է զոր ասացի զիմագրաւել 'ի փորձութիւն ընդդէմ կամացն Եւստուծոյ . և ասեմ և հաստատեմ եթէ մի երբեք ազնկալցի յայնժամ քրիստոնէայն օգնականութեանն Եւստուծոյ 'ի կռուել ընդ փորձութեանն և յաղթել : Եւ աս մի ամենեւին ժտեսցի ինչորեւ զայն յԵւստուծոյ . քանզի անշուշտ ըստ հասարակ կարգի նախախնամութեան զլացի նմա Եւստուած :

Եւ արդ աղէ ասա, յի՛նչ իրաւունս յեցեալ խնդրեալ է . թերեւ ըստ արդարութեան, այլ յայնժամ չնորհչն ոչ ևս չնորհք լինիցին, այլ պարտք 'ի հատուցանել : Ի՞նչ ըստ հաւատարմութեան . այլ չիք ուրեք խոստացեալ Վստուծոյ զօգնութիւն իւր յայն առիթս : Իսկ թերեւ ըստ ողորմութեանն, այլ մարդ ինքնին յայնժամ խոչարկանէ այնմ յանդգնութեամբն, անարժան եղեալ ողորմութեանն Վստուծոյ . և այնպէս ապա անպատրաստ պար իրաւապէս կործանի 'ի փորձութեանցն զոր ինքնին հետամուտ խնդրեաց : Վանգի և անսուտ է պատգամն աստուածային յահագին սպառնալիսն, եթէ « Որ սիրէ զվտանգ, 'ի նմին և կորիցէ » :

Եւ անշուշտ յի՛նչ ապա իրաւունս յեցեալ ո՛վ մարդ կամ որո՞վք դիմօք ժտեսցիս սպասել օգնականութեանն Վստուծոյ և պահպանութեան 'ի չարէն, յորժամ դու կամաւոր դիմադրաւես զանձն 'ի նոյն, յորժամ դու մտադիւր ունիս և պահես առ քեզ զպատճառն և զսկիզբն փորձութեան քո : Օ՛ ի թէ արդեօք վասն փառաց ինչ Վստուծոյ էր բանն, եթէ արդեօք պարտք ինչ էին հարկին, կամ թէ պատճառք ինչ սիրոյ եղբայրութեանն, կամ թէ դէպք ինչ յանկարծահաս, կամ թէ դարանակալութիւն ինչ յայն վտանգաւոր փորձութիւն պաշարեաց զքեզ, երբէք նախախնամութեանն Վստուծոյ չնորհք ոչ պակասեսցին 'ի քէն . նա հրաշագործեսցէ ևս յայնժամ 'ի պահել զքեզ . որպէս և գիտես իսկ 'ի ստուգադիր պատմութեանց, եթէ քանիք 'ի պարկեշտ կանանց և յողջախոհ երիտասարդաց բռնադատեալք 'ի փորձութիւն պահեցան ամբողջ 'ի չնորհացն Վստուծոյ : Ամ թէ նոքին իսկ անապատաստուն ներանձնացեալքն ազդեալք 'ի վերուստ և ելեալք յանապատիցն 'ի քաղաքս քաղաքս խառնակեցիկ որերոյն անարատ քաղաքաւարութեամբ քարոզէին զապաշխարութիւն : Եւ այսօր իսկ հանապաղ պաշտօնեայք եկեղեցւոյ ըստ հարկի պաշտաւմանն միջամուխք 'ի պէսպէս փորձութիւնս վասն բանին Վստուծոյ, ողջ անարատ պահին յօգնականութեանն Վստուծոյ : Վանգի չնորհչն Վստուծոյ է ընդ այնպիսիսն, և մարտ եղեալ ընդ նոցա կռուի ընդ փորձութիւնսն, և նշան յաղթութեան կանգնէ :

Իսկ դու բնաւ իսկ ընդ հակառակն ինքնին անբռնաւ

դատ արկանես զբեզ յանդգնութեամբ յայն ամենայն որ ինչ յաշխարհի վտանգաբեր է և մոլորեցուցիչ . ոչ յայլ ինչ պատճառ բանաւոր , քան թէ 'ի լրումն տալ վայրապար հետաքրքրութեանդ , լրումն տալ զժպատեհ ըղձիցն , լրումն տալ յանցաւոր կրիցդ , 'ի մէջ սանձարձակ ընկերութեանց , 'ի մէջ կասկածաւոր բարեկամութեանց լի գայթաղութեամբ , 'ի մէջ զովողացն չարութեան , 'ի մէջ հոգեկործան զրուցաց և բարբառնանաց չրթանց լի ամենայն հրապուրանօք , յանդգնիմասել եթէ և հրեշտակային մաքրութեան աղարտիչ : Այս հանդերձ այսու ամենայնիւ անձնատուր 'ի զբօսանս անշախաւորս , դիմագրաւեալ 'ի տեսութիւնս լիտիս , 'ի պրջրանս , 'ի յայրատ հայեցուածս , հետաքրքիր ընդվայրաւսէր , և հեշտալուր 'ի նուագս պագշոտս , աներկիւղ յանդուգն 'ի վերծանութիւն հրապուրիչ վիպից առասպելաց , և ամբարշտութեան և անկրօնութեան մատենից :

Այս ապա յայս ամենայն որ փորձութեամբ լի է և վտանգօք , ժտեսցիս դու երբէք , ով քրիստոնեայ , ակնունել օգնականութեան շնորհացն Աստուծոյ անկործան մնալ քեզ 'ի վտանգսն և 'ի փորձութիւնսն . իբրու եթէ 'ի միջոյ հրոյ աղաղակել քեզ եթէ պահեա զիս , Աստուած , 'ի տոչորմանէ հրոյս այսորիկ յոր ես ինքն զիս կամաւորապէս արկի : Վանիօն իցէ անմտութիւնս . . . : Այս եթէ յայսր ամենայնի վերայ տակաւին մտախաբ կարծեօք պնդեսցիս հասանել օգնականութեանս 'ի վերուստ , գոնեա դու վայր մի զմտաւ ածեալ և խելամուտ լիցիս ճշմարտութեանս . եթէ ընդ վայր ուրեմն 'ի սկըգբանէ աշխարհի ցայսօր երկիւղածքն և առաքինիք խոյս տուեալ փախեան և փախչին 'ի գայթաղութեանց աշխարհի և 'ի վտանգաց և յառթից մեղաց . ընդ վայր ուրեմն ճգնին նոքա անձնապահք լինել , և ընդ վայր ուրեմն արկանեն զանձինս ընդ լծով երկիւղին Աստուծոյ . և անմտացան անշուշտ և անմտանան այսպիսիք առ հասարակ 'ի խորհուրդս իւրեանց , թէպէտ և ոչ երկիւղածք միայն իցեն նոքա այլ և իմաստունք և հանձարեղք 'ի զիր և 'ի բան : Վանդի անմտանան անշուշտ առ հասարակ , եթէ արդեօք նոյն իցէ օգնականութիւն շնորհացն Աստուծոյ վասն կամաւոր և վասն ակամայացեալ փորձութեանցն :

Վարձեալ և առ ինչ ապա այնչափ զգուշագոյնս առաքեալքն սուրբք և հարք սուրբք գիրս տային առ հեռաւոր աշակերտեալն ամենայն երկիւղածութեան փոյթ ունել 'ի գնացս իւրեանց • խոյս տալ 'ի գայթակղութեանց, մեկնել յայն ինչ վայրաց, յայն ինչ կենսակցութեանց: Բն ինչ և քարոզք բանին, և որ առաւել 'ի նոսա աստուածայինն Սկեբերան այնչափ խնամով արգելոյր հաւատացեւոց զտեսարանն գայթակղութեան, և զայլն ևս, 'ի ներքս բերեալ նոցա զաւազանին երգումն, « Հրաժարել 'ի սատանայէ և յամենայն գայթակղութեանց աշխարհի »:

Բն այս դարձեալ, եթէ օգնականութիւն չնորհացն Բստուծոյ հաւասարապէս բաշխէր և 'ի մէջ կամաւոր փորձութեանցն և 'ի մէջ ակամայիցն, որ պտուղ որ արգասիք էր յայնժամ չնորհացն Բստուծոյ, յորժամ զմեզ վասն այնորիկ արթունս և երկիւղածս և խոնարհս գործելոյ, անզգոյս և քնէածս յարդարէր զմեզ և յանդգունս և ամբարտաւանս: Վանդի որպէս գեղեցիկս յոյժ ասաց մեծն Վիպրիանոս. « Բնպէս իմն մեզ հեռորականն իջանէ յերկնից զօրութիւն, զի զգոյս և արթունս գործեսցէ զմեզ և երկիւղածս, ոչ զի յանդգունս զմեզ սովորեցուցէ և յանձնապատասանս »:

Վաբէ, քանիօն իցէ յանդգնութիւնն, վայր մի զմիտաւ ած, ով մարդ, և գտցես զայն 'ի ծայրն հասեալ յանդգնութեան. ընդէր. քանզի կամաւորապէս դիմադրաւեալն 'ի վտանգ, ոչ յայլ որ յանդգնի՝ բայց յԲստուած առ 'ի փորձել զԲստուած. իսկ զառանցանք անհնարինք արարածոյն ընդդէմ արարչին է փորձել զարարին. քանզի որպէս հարքն ասացին որ փորձէ զԲստուած, և այնպիսին կշռակի ընդդէմ կքրի առաջին պարտուց հաւատոցն և կրօնից. « Սի, ասէ, փորձեսցես զտէր Բստուած քո »: Իսկ առաջին պատուհաս այնպիսւոյն է լքանիլ 'ի ձեռացն Բստուծոյ:

Եւ արդ միտ դիք, քանիպատիկ իցէ փորձել զԲստուած, զոր 'ի դրոց սրբոց ժողովէն աստուածաբանք յերիս տեսակս: Բնալին յորժամ հրաշս խնդրեմք յԲստուծոյ առանց հարկի: Օ այս գործեցին Փարիսեցիք առ տէրն, « Բնք, ասէ, փորձէին զնա. և նշան յերկնից խնդրէին 'ի նմանէ »: հրաշագործութիւն մի օ.

դերևոյթ ընդ երկինս փայլատակեալ խնդրէին 'ի Վրիս
տոսէ . այլ էր աղազաւ . միայն 'ի փորձել զնա : Ար և
մեծասաստ ձայնիւ զմեծութիւն մեղացն յայտնեաց ,
“Ազգ չար և շնացող նշան խնդրէ , մի տացինմա ,” : Եւ
որք առ 'ի յերկնից նշանաւ փորձէին , առ 'ի խորոց եր-
կրի նշանաւ յամօթ առնէր զնոսա :

Երկրորդ անգամ յորժամ կամիմք սահմանափակ առ-
նել զամենակարողութիւնն Աստուծոյ : Եւ յայտ իմաստ
սաստի կշտամբէր Յուդիթ զբնակիչսն Ռեաիդուայ ,
յորժամ 'ի տազնապ պաշարմանն Հողովեռնեայ՝ յու-
սահատք յերկնաւոր օգնութեանն , աւուրս ինչ միայն
սահմանեցին օգնութեանն զի յետ այնորիկ անձնա-
տուրք մատն լինիցին քաղաքին . “Այլ էք դուք , ասէր ,
որ փորձէք զԱստուած . և կարգեցէք սահման ողորմու-
թեանն Աստուծոյ ,” : Երրորդ անգամ , յորժամ երկմը-
տիմք առ Աստուած , և ոչ ուղղութեամբ և անկեղծու-
թեամբ գնամք ընդ նմա : Օայսօրինակ վարեցան
Հրեայք առ Վրիստոս . յորժամ ստիպաւ հարցանէին
զնա , ասել եթէ արժան իցէ նոցա հարկել կայսեր .
զորս և նշաւակեալ Տէրն , ասէր . “Օ ի փորձէք զիս
կեղծաւորք ,” . և պատկերաւ դահեկանի հարկին պա-
պանձեցուցանէր զփորձիչսն :

Եւ արդ քրիստոնեայ , որ յանձնապաստան յանդգնի
տալ զանձն 'ի փորձութիւն , անմտութեամբ վստահ ե-
ղեալ 'ի շնորհսն Աստուծոյ , երից տեսակաց մեղացն
միանգամայն պարտաւոր կացուցանէ զանձն : Վանդի
առաջինն հրաշս խնդրէ առանց հարկի : Ինքն բնաւին
անգործ 'ի պաշտպանել անձին , կամի զի Աստուած միայն
պահեսցէ զնա . ինքն զշնորհս փախստեան 'ի վտանգէն
զոր ունի , ոչ 'ի բան տանի . և վստահք ընդունել յԱս-
տուծոյ զշնորհս յաղթութեան մարտին զոր ոչն ունի :

Յորժամ 'ի հրացան բարկութեան պատուհասին Սո-
դոմայ հաճեցաւ Աստուած փրկել զՂովտ և զտուն նո-
րա . և յորժամ հրամայեաց նմա ելանել 'ի նղովեալ քա-
ղաքէն զի ապրեսցի , եթէ արդեօք հրամանին ստունդա-
նեալ Ղովտայ , խնդրէր յԱստուծոյ հրաշագործել , և
կալ անդէն և անկեղ 'ի հրոյն մնալ , զի՛նչ ասէք . առ-
նոյր արդեօք զխնդիրն . . . : Եւ սակայն զնոյն մեք գոր-
ծեմք զօրհանապաղ : Կամիմք յայն ինչ վայրս ուր առ հա-

տարակ բոցակիղեն դայթաղղութիւնք, կալ մնալ. և ՚ի մասնաւոր շնորհացն Մատուծոյ ամբողջ ՚ի բոցոյն ելանել, Կամիմք հետեւել ընդ ամենայն, իմանալ զամենայն, տեսանել զամենայն, լսել զամենայն, լինել յամենայնի. և կամիմք զի Մատուած միայն ՚ի վերուստ հովանի կացցէ մեզ, և անխոց յամենայն հարուածոցն պահեսցէ զմեզ... Գուցէ ինչ յանդգնութիւն մեծ ևս քան զայս :

Եւ զինչ յայնժամ Մատուած. յայտ է եթէ որպէս առ Ղ ուլտ, զնոյն հրամայէ մեզ. ել ՚ի քաղաքէդ զի ապրեսցիս. մի դարձցիս յետս, մի կացցես յամենայն սահմանս նորա. ել ՚ի Սողոմայ, մեկնեաց ՚ի չար ընկերութենէդ. յայդմանէ, մի կար, հրաժեշտ տուր ՚ի վտանգաւոր բարեկամութենէդ այտի. թող անդր ՚ի բաց զդայթակղեցուցիչդ, հատ կտրեա ՚ի քէն, թէպէտ աջոյ ակն իցէ քո, թէպէտ ձեռն աջոյ, կարճեա զանչափութիւն զբօսանացդ, կարճեա զանչափութիւն խաղուցդ. խաղ որ ընդ գոյից տանդ և ընդ կենաց մարմնոյդ նաև զհոգիդ կորուսանէ : Եւ ՚ի Սողոմայ, մի կացցես ՚ի սահմանս նորա :

Ոչ և օգնական փորձանաւորացս մերն զօրագլուխ ՚ի փորձութեան իւրում ետ զօրինակն. “ Երկ, ասէր փորձիչն, արկ զքեզ աստի վայր. ” : Սարթէր ինքնին արկանել զանձն և ամբողջ պահել. այլ կարկեաց զբերանն. “ Գրեալ է, ասէ, մի փորձեսցես զտէր Մատուած քո. ” : Սարթէր հրաշագործել. այլ որպէս իմաստնաբանեաց Մզոտտինոս, “ (Ի)շնամին փրկութեան մերոյ չարտի յաղթիլ յամենակարողութենէն Մատուծոյ, քան թէ յարթնութենէ և յարդարութենէ մարդոյն. ” : Սատչի և առ քեզ փորձիչն, և հրապուրէ դաւաճանն, եթէ արկ զքեզ ՚ի վայր. մի զանդիտեր, վստահ լեր, հայեաց համարձակ ընդ ամենայն. զի այնչափ սանձ զգայարանացն, խօսեաց համարձակ, լուր զամենայն. զի էքեզ քակել զբարեկամութիւնդ զայդ, առ իմէ իցէ երկիւղդ, “ Հրեշտակաց պատուիրեալ է ՚ի պահել զքեզ. ” : Եւ զու մի լքցես զյաղթողական զէնսդ, մի դադարեսցիս ՚ի բանէն. “ Գրեալ է, մի փորձեսցես զտէր Մատուած քո. ” :

Եւ թէ ոչ ընդ առաջին յանցաւորութեանդ փոր-

ձեւոյ զամենակարողութիւնն Մատուծոյ, երկրորդ անգամ յանցանիցես փորձելով և զողորմութիւնն Մատուծոյ, ոչ ըստ յանդիմանութեանն Յուդթայ չափ և սահման զնելով ողորմութեանն Մատուծոյ, այլ բնաւ իսկ ներհակաբար անդրքան զամենայն չափ և սահման ընդ արձակելով զնա ընդդէմ կամացն Մատուծոյ: Վանդի որպէս հարբն ասացին, ողորմութեանն Մատուծոյ դուռն բաց է վասն այնոցիկ՝ որ երբէք առանց հետամուտ լինելոյ փորձութեանն՝ պաշարեսցին ՚ի փորձութիւն: Իսկ դու անբռնադատ միջամուխ ՚ի փորձութիւն արկանելով զանձն, անհանձար վստահութեամբ ակն ունիս ողորմութեանն. միթէ տէր և իշխան իցես դու շնորհացն Մատուծոյ, և ՚ի քո ձեռս իցէ ունել զայն ՚ի ժամու և ՚ի տարաժամու. “ Եւ էք դուք, որ փորձէք զՄատուծոյ ”:

Իսկ և երրորդ անգամ մարդ յանձնապատան ՚ի փորձութիւնս, փորձէ զՄատուծ և կեղծաւորութեամբն. յորժամ հայցէ զօգնականութիւն շնորհացն ՚ի փորձութեան զոր ինքնին սիրեաց և յորմէ չկամի հրաժեշտ տալ. և սպասասխանի յայնժամ լուիցէ առ Մատուծոյ. “ Օ ի փորձէք զիս կեղծաւորք ”: Հայցէք դուք ինչ մի, այլ բերանով չափ միայն, իսկ սրտիւ անբակ յարեալ էք ընդ փորձութեանն: Հայցէք դու ինձ ածել տկարութեան ձերում և փրկել ՚ի բռնութենէ և ՚ի հաղբից փորձողին, և դուք ինքնին էք փորձիւք անձանց ձերոց: Ի ձեզ դուք և ընդդէմ ձեր հարկանէք զհրապուրիչ և զվտանգաբեր սպասաւորութիւնդ. “ Օ ի փորձէք զիս կեղծաւորք: — Կորուստ քո աւաղիկ ՚ի քէն է Խորայէլ ”:

Ի յսպէս անհնարին յանցանէ մարդ կամաւորապէս զինազրաւեալն ՚ի փորձութիւն. և բնաւ իսկ անպատասխանի եղեալ առ Մատուծոյ և անմասն յօգնականութենէ շնորհացն կործանի ՚ի փորձութեանն: Ի յս ՚ի կամաւորսն. իսկ և յակամայացեալ փորձութիւնսն ընդ վայր ակնկալցի մարդ շնորհացն Մատուծոյ ՚ի կռուել և ՚ի յաղթել, եթէ ջան ճշմարտապէս չդիցէ բուռն ինչ առնել անձին, և մանաւանդ մեռելութեամբ ինչ մարմնոյ ըստ օրինակին Վրիստոսի, որպէս տեսցուք վաղվա զակի:

ՄԱՍՆ. Բ.

Քանզի ամենայն ինչ մեր 'ի բարեաց մասին, 'ի շնորհացն Մատուցոյ է • ուստի և յաղթութիւն մեր 'ի պատերազմի փորձութեանն 'ի կեանս յայս՝ զոր ողջոյն փորձութիւն և պատերազմ կոչեցին զիրք 'ի վերայ երկրի: Ասան որոյ աղաչեմ, քաջիկ միտ դնել զխորհրդսն քործեսցեն 'ի մարդ շնորհքն Մատուցոյ: Աջգրտագոյնս զայս հետազօտեալ մեծն Ախարիանոս հրահանգեաց այսպէս • «Օ օրութիւն Հոգւոյն սրբոյ, ասէ, ոչ ըստ մերում ինչ ընտրութեան սպասաւորէ, այլ ըստ իւրում կարգի և սահմանին», : Օ օրութիւն Հոգւոյն, այն ինքն են շնորհք, բաշխի 'ի մեզ, ասէ, սահմանաւոր ինչ կարգաւ՝ զոր ինքնին Մատուած կարգեաց եդ. և անբաժ յայնմանն են անօգուտ են շնորհք և անպտուղ:

Մատու է առածս 'ի քրիստոնէական բարոյականին • յորմէ և հետեանք երբակի կարեւորք յոյժ քաղին 'ի հրահանգ Հոգւոյն • որով ամենայն պարտուց միանգամայն լրումն տամք 'ի գործել 'ի մեզ զմեծ գործն զայն զյաւիտենական փրկութեան մերոյ զոր կամի Մատուած: Մշակին, եթէ 'ի փորձութիւնս ակամայացեալս՝ որովք շուրջանակի լի են մեր այս կեանք, միշտ հաւատարիմ է Մատուած տալ զպարգև շնորհացն օժանդակ 'ի կռուել և 'ի յաղթել սակայն և կամի զի այր այր իւրաքանչիւր ըստ վիճակի և ըստ գեղեցիկ վախճանի շնորհացն տուեցելոց 'ի գործ վարեսցէ զպարգևն: Մյս է զոր ասաց Ախարիանոս, «Օ օրութիւն Հոգւոյն ոչ ըստ մերում ընտրութեանն, այլ ըստ իւրում սահմանին բաշխի», :

Եւ արդ զուք ինքնին զիտէք, սիրելիք, եթէ առ հասարակ մեք քրիստոնէայք աստուածապարգև զինուորութեան վիճակեալ եմք • մարտիկք եմք Քրիստոսի • և չիք որ զնշանադգեստ զինուորութեանն յանձին բարձեալ չբերիցէ անդստին յաւազանէ մկրտութեան: Ասան այնորիկ և կոչեցին զիրք զկեանս՝ հանսպաղօրեայ մարտ և փորձութիւն • քանզի մարտ անդուկ կայ 'ի մեզ Հոգւոյն ընդդէմ մարմնոյ, և մարմնոյն ընդդէմ

հողւոյն. բանին ընդդէմ կրիցն, և կրիցն ընդդէմ բանին. հաւատոյն ընդդէմ զգայութեանց, և զգայութեանց ընդդէմ հաւատոյն. ներքին մարդոյն ընդդէմ արտաքինոյն, և սորա ընդդէմ նորա. և համբուն մարտ անդուլ է անձին մարդոյ ընդդէմ անձին իւրոյ :

Արդ եթէ յաղթութեան փառացն իղձ լինիմք, աւասիկ մեծ վարդապետն, արի զօրաւարն աստուածայինն Պաղոս ուսոյց և զինուորեաց զմեզ. վահան և ասպար ետ մեզ 'ի ձեռս զհաւատս, և զրահ և պատեան զարդարութիւնն, և սաղաւարտ զյոյսն, և զէն և սուսեր՝ զբանն Աստուծոյ, և վառեաց իբրեւ անպարտելի զօրականս : Օգեցարուք, ասէ, այսուհետեւ, յորմէ հետէ 'ի քրիստոնէութիւն կոչեցարուք, զոչեցարուք զզինուորութիւնն Աստուծոյ, առէք զվահանն հաւատոյ, և զսուսեր հողւոյն, այլովքն հանդերձ : Աւասիկ որ 'ի մերն կողմանէ :

Իսկ զինչ և որ յաստուածակողմանէն : Անդի ուրովհետեւ 'ի մարտ դժուարին պատրաստեալ տեսանէ զմեզ Աստուած, պատրաստի և ինքն տալ մեզ շնորհան, ոչ զխաղաղութեան պատերազմին, այլ շնորհս զմարտն չելոյն, զպաշտպանելոյն, զյարձակմանն, զընդդիմահալութեանն : Փորձութիւնքն են՝ անմարմին թշնամոյն զրոհք և յարձակմունք 'ի վանել զմեզ և 'ի յաղթահարել. անդուստ և շնորհքն թիկունս տուեալ պատրաստելոցս՝ 'ի դիմի հարկանին 'ի վանել զնա և 'ի յաղթահարել. ուստի և առանց յօժարակամ պարտութեան 'ի մարտն, վստահ միայն 'ի շնորհան լինել՝ խաբանք են. քանզի հակառակ է վախճանի շնորհացն և կամացն Աստուծոյ :

Այլ կամիմք զի շնորհքն միայն մարտիցեն, իսկ մեզ քիրտն և աշխատութիւն հասցէ և ոչ մի : Աստուած կամի, զի 'ի հանապազօրդեան շարժման կալցին զմեզ շնորհքն. քանզի « ըստ սահմանին իւրում միայն և կարգի՝ սպասաւորէ զօրութիւն հողւոյն » : Անդ անդործ կենաց չիք իմ մասն և բաժին, ասէ Վրիստոս. և իմ աշակերտ չճանաչեմ զյոյն և զանկուիւն. « Արքայութիւն իմ բռնաբարի, և բռունք յաւիտակէն զնա » : Եւ յառաջընթաց 'ի մարտին մտի հանդէս. և փոխանակ խաղաղութեան՝ սուր առեալ բերի աշխարհի. « Ոչ

եկի խաղաղութիւն արկանել յերկիր, այլ սուր . Բայ
մեր առաջին զինուորութեան հանդէս՝ ընդ դրօշակաւն
Քրիստոսի զինուորելոցս :

Իսկ ապա երկրորդ անգամ՝ ի հանդիսին առաջին ճիգն
և հանճար զօրականին է վատել և տկարացուցանել
զթշնամին . քանզի միանգամ խնայելն ՚ի նա կորուստ է
անձին և կործանումն : Եւ արդ մեր թշնամին քան զա-
մենայն ահագին՝ է մարմին մեր այս , մարմին մեղաց .
որ այլ ինչ չխորհի , այլ ինչ չճանաչէ , բայց իղձս ան-
պատեհս . մարմին դերեալ ՚ի ցանկութենէ . մարմին
ապստամբ միշտ յօրինացն Բսուծոյ . մարմին թշնամի՝
յորմէ հանապսղ փորձիմք . “ Իւրաքանչիւր ոք , ասէ ,
փորձի՝ առ յիւրոց ցանկութեանցն ձգեալ և ոլատ-
րեալ . : (Թշնամի որչափ առաւել դրացի և ընտանի ,
այնչափ առաւել վտանգօք լի . որչափ առաւել սիրելի ,
այնչափ առաւել դժուարապարտելի . “ Օ թշնամի զայս
հզօր , ասէր Բերանն ոսկի , ճիգն մեծապէս թափեա-
ցուք ՚ի վատել և ՚ի պարտել : Բայ զիմրդ . քրիստո-
նէական մեռելութեամբք . և յետ այնորիկ , ասէ , յաղ-
թանակեսցեն ՚ի մեզ շնորհք ՚ի վերայ փորձութեանն . :

Եւ արդ ասա ինձ վայր մի , զիմրդ երբեք դու ո՞վ
քրիստոնէայ , անմասն ՚ի մեռելութենէ աստի , և ՚ի
դրգանս միշտ պաշտեալ զմարմին , և զհաճոյսն նորա
հանապաղ կատարեալ , զիմրդ երբեք վստահ ՚ի շնորհ-
սըն մարթացիս լինել՝ զայն միայն բաւական քեզ ՚ի
փրկութիւն համարեալ , որ և ոչ խուն մի գիտութիւն
զշնորհացն ունիցիս , և ոչ զառաջին տարերսն ուսեալ ի-
ցես զհաւատոյն զոր ունիս :

Քանզի առաջին ներգործութիւն շնորհացն ՚ի վե-
րայ քրիստոնէին ՚ի փրկութիւն , է շիջուցանել նորա
զցանկութիւնն մեռելութեամբ մարմնոյ . իսկ դու ներ-
հակաբար փոխանակ վատելոյ և զնա , ստուարագոյն
և հաստահարուստ դործես զնա . փոխանակ դործակից
շնորհացն լինելոյ ընդդէմ փորձութեանն , ոյժ տաս
փորձութեանն ընդդէմ շնորհացն : Ս՝ արտս երկուս մի-
մեանց հակառակս խնդրես ՚ի քեզ . զիմրդ շնորհք և
ցանկութիւն միանգամայն տիրացին ՚ի քեզ : Եւ գի-
տես իսկ դու անշուշտ , զիմրդ որ յամենայն վիճակէ ,
որ յամենայն հասակէ առաքինիք և իմաստունք , զիմրդ

օրինակս մարտ եղեալ հռուեցան ընդ փորձութիւնս ,
զոր հնարս կալան նոքա 'ի հռութիւն . չգտին այլ , բայց
զմարմնոյն մեռելութիւնն : Թէպէտ և յարքայական
վիճակին 'Խաւթ , Թէպէտ և մարգարէ և սուրբ . Թէ-
պէտ և այր ըստ սրտին 'Բտուծոյ , սակայն և երկիւ-
ղած և խոնարհ այնչափ՝ զի և 'ի փորձութեան իւրում
մեռելութեամբ մարմնոյ զինուորէր առ 'ի յաղթանա-
կել . " Եւ , ասէ , 'ի նեղել նոցա քուրձ զգէնուի . ,
Թէպէտ և առաքեալ մեծ , և երրորդ երկնից տեսող՝
Պաւղոս խաչակիր անձն . " Եւ , ասէ , ճշման զմար-
մին իմ և հնազանդեցուցանեմ , , :

Եւ զիտորդ , Թերեւս այլաբո՞ւն ինչ և հզօրագոյն ի-
ցեն շնորհքն 'ի մեր ձեռս , քան 'ի 'Խաւթին և 'ի Պաւ-
ղոսին , կամ Թէ հոգի առաւել եռանդուն իցէ մեր , կամ
Թէ մարմին առաւել կիրթ և համբոյր իցէ մեր քան
'Խաւթին և Պաւղոսին : Թերեւս և հասարակաց
թշնամին տկարագոյնս յարձակեսցի 'ի մեզ , քան 'ի նո-
սա և 'ի նմանիս նոցա . կամ Թէ մեր կորով հարուստ ևս
իցէ քան զառաջնոց դիւցազանցն քրիստոնէութեան ,
որ 'ի հալածանս , որ յանապատս , որ յօտարութեան ,
որ 'ի կուսութեան նահատակեցան . և որ 'ի բարեկրօն
կեանս աշխարհի միայն առաքինացան : Ի՞նչ որ 'ի նոցա-
նէն վստահ երբէք եղև 'ի շնորհսն առանց մեռելու-
թեան ինչ մարմնոյ : Իսկ մեք անմասն 'ի մեռելութե-
նէ . և զի՞նչ ասեմ մեռելութիւն . նա միշտ 'ի բերկրու-
թեան կեանս և 'ի փափկութեան և 'ի մեղկութիւնս ,
չասեմ և 'ի հեշտախտութեան , բնաւ իսկ Ժողիցիմբ վրս-
տահ և ապաստան միայն յօգնականութիւն շնորհացն
լինել : Երբա այլ ճանապարհ ոչ գտին՝ զհուր ցանկու-
թեանն շիջուցանելոյ , բայց ճշմամբ մարմնոյ և սան-
ձահարութեամբ զգայարանացն . իսկ մեք ճարակ միշտ
տուեալ հրոյն՝ անկէզ պահիցիմբ 'ի բոցոյն :

Ար անդստին յարգանդէն սրբեցաւ մարմնաւոր հրեշ-
տակն Զովհաննէս , և էր իսկ նմա ասել , եթէ
" Շնորհքն ընդ իս յղացան և ընդ իս ծնան , , , հա-
մայն և այնպէս ոչ յանձնապատաստան ինչ 'ի շնորհսն միայն՝
բազմամեայ մեռելութեամբ 'ի խաչ զմարմինն հանէր
յանապատ յամայի . իսկ մեք աւասիկ 'ի մեղս յղա-
ցեալք , և 'ի մեղս կեցեալք , վստահութեամբ խոստա-

նայցեմք անձանց 'ի շնորհաց անտի յաղթութիւն առանց մարտի, մարտ առանց բռնութեան, բռնութիւն առանց սրբութեան, սրբութիւն առանց ապաշխարութեան, ապաշխարութիւն առանց ինչ մեռելութեան և առանց ինչ խստամբերութեան : Այլ եթէ այս այսպէս, անշուշտ ուրեմն՝ որպէս Հերոնիմոս ասաց խաչազգեաց անձն, անշուշտ ուրեմն « Աեանք Յուհաննու ծիծաղելի էր, քան զարմանալի » :

Այլ մեք և զայն տեսցուք երկրորդ անգամ. զինչ մեռելութիւնն իցէ, և զինչ կարծեսցէ զնմանէ աշխարհ... : Բա՛ւէ, ամաչեմ, քրիստոնեայք, ասել եթէ և հազիւ ծանօթ անգամ իցէ աշխարհի այս առաքինութիւն, եթէ չիցէ արդեօք և յընչաց քերելի, եթէ չիցէ և զխոսկին ատելի : Սակայն և որ զինչ և իցէ ի մաստ աշխարհի երկրաւոր և շնչաւոր, առաքելական պատգամն կայ և ունի անդրժելի զկնիքն, եթէ՝ որ Վրիստոսի հոգւոյն է, որ զնշանազգեստ հաւատոցն նորա յանձին բարձեալ բերէ՝ պարտի այնպիսին մեռանելով մեղացն՝ խաչել զմարմինն, մեռանել կրիցն, մեռանել ամենայն դժպատեհ ցանկութեանցն, որ 'ի մարմնոյ, որ 'ի փառասիրութենէն, որ յարժաթսիրութենէն, և որ յայլ ամենայն կարեաց և ախտից աշխարհի. « Որ քրիստոսեանքն են, ասէ, զմարմինս իւրեանց 'ի խաչ հանին կարեօք և ցանկութեամբք հանդերձ » : Բանգի և չիք վիճակ կենաց, որ ազատ 'ի փորձութեանց իցէ. և եթէ գոյ փորձութիւն, գոյ և մարտ. և եթէ գոյ մարտ, կամ նկուն լինել պարտ է, կամ յաղթել : Յաղթես խաչելութեամբ և մեռելութեամբ կարեացն, և յաղթիս հետևելով կարեացն :

Այս մեռելութիւն հոգւոր ներքին մարդոյն՝ հարկ անհրաժեշտ է ամենայն քրիստոնէին : Սակ երկրորդ ըստ նմանէն է մեռելութիւն մարմնաւոր արտաքին մարդոյն, տանձահարութեամբ զգայարանացն, և ինչ ինչ ճշմամբ մարմնոյ ըստ ժամանակի, ըստ պիտոյից, և ըստ կարի իւրաքանչիւր. և արտաքինս այս զօրավիզն մեծապէս և պահապան կացցէ ներքին մեռելութեան կրիցն և ցանկութեան : Ասան որոյ և զայս մեռելութիւն մարմնաւոր, անդատին յառաքելոցն սրբոց ժամանակէ 'ի պահս սրբութեան քառասնորդացն ժողովեաց եկեղեցի

սուրբ յընդհանուրս քրիստոնէից պատուիրանաւ՝ ի փրկեալս օրինակէ քառասնօրեայ պահոց տեառն մերոյ :
 () ի “ Եթէ յայլ ժամանակս տարւոյն , ասէր մեծն Բագատինոս , պահս պահել խորհուրդ է , այլ քառասնօրեայն պահք պատուիրան է , : Եւ եթէ պահպանութիւն պատուիրանիս արդ նուազեալ է ի բազմադէմ պատճառաց , սակայն հոգի քրիստոնէական մեռելութեան ըստ ներքին մարդոյն միշտ աննուազելի է յեկեղեցւոյ :

Վանդի անմարթ է , սիրելիք , առանց ինչ մեռելութեան և ճշման՝ աստ միանգամայն և անդ հանգիստ ունել . զի “ Երբայութիւնն երկնից , ասէ , բռնաբարի և բռունք յափշտակեն զնա , . և նեղ և անձուկ է ճանապարհն առ յաւիտենական հանգիստ : Բնդու ունիմք թշնամի , ոչ մի , այլ երեք , մարմին և աշխարհ և սատանայ . և մարտ անդու ընդ սոսա նաւ փորձութիւն անդու է մեզ մանաւանդ ի հզօրագունից անտի երկց , այն է փառասիրութիւն , արծաթսիրութիւն և որկրամոլութիւն : Եւ մեր զօրագլուխն հաւատոց միանգամայն և յերկոյն յաղթութիւն քաջալերեաց զմեզ օրինակիւն : Եւ արձեաց զորկորստութիւնն բանին , “ Աջ հացիւ միայն կեցցէ մարդ , : Երգել զփառասիրութիւնն առ ի ցոյցս անվնասելի վայրանկմանն , բանին , “ Սի փորձեսցես զտէր Բստուած քո , : Բնդոտեաց և զամենայն մեծութիւն աշխարհի միայն Բստուծոյ պաշտօն հարկանելով , բանին , “ Օտէր Բստուած քո միայն պաշտեսցես , :

Եթէ երկց այսոցիկ փորձութեանց՝ որ հզօրացեալք են ի մեզ՝ ճգնեսցուք յաղթանակել ըստ աստուածային նախատպին , ապա և այլոցն ամենայնի դիւրեաւ յաղթեսցուք ի շնորհաց նորա . և ի մեզ ինքեանս արդիւնացուցուք զերանաւէտ բանն , եթէ “ Եր յաղթէ , տաց նմա զպսակն կենաց , :

ՔԱՐՈՋ ԽԱՆ

ԽՈՍՏՈՎԱՆՈՒԹԻՒՆ

“Եւ ՚ի Պրորատիկէ առաջանին անկեալ զնէր բազմաբիւն յոյժ
հիշանդաց, կոշրաց, կաղաց, զօսացելոց, որ ակն
ունեին ջրոցն յազկոյ” : յ. 91. Գ.

Եւ թէ ամենայն գիրք աստուածաշունչք ՚ի վարդապետութիւն գրեցան մեզ և ՚ի խրատ, հաւատամք եւ թէ և ՚ի բազմախորհուրդ բնաբանիս գանձ բազում իմաստից ծածկեալ կայ մեզ, սիրելիք, ՚ի շնորհաց աւետարանին : Օհնչ առաջանն իցէ Պրորատիկէն սքանչելագործն . զինչ հրեշտակին իջանել և յուզել ջրոցն . ոյք բազմահոյլ հիւանդքն, կուրաց, կաղաց, զօսացելոց զորս տեսանեմ անկեալ շուրջ զառաջանաւն . առ հասարակ ակն կալեալ են բժշկութեան, այլ ոչ առ հասարակ հասանեն խնդրոցն : Եւ առ ինչ միայն երեսուն և ութամեայ անտակրեայն բժշկութիւն գտանէ անվթար . և զնա միայն ՚ի բազմութեանն տեսանէ և ընտրէ զառաւել յուսաբեկն, զանց զայլովքն արարեալ :

Եւ արդ զառաջանին Պրորատիկեայ զօրինակ գիտեմք ՚ի խորհուրդ սքանչելագործ առաջանին ապաշխարութեան, որ զմեզն լուանայ, զխիղճն սրբէ, զախտացեալ հոգին բուժէ . որպէս վայելուչս երգէ եկեղեցի . “Բապաշխարութեան արտասուս առաջան լինի, և լուանայ զբազմութիւն մեղաց” : Եւ առաջանաւս այսուիկ անկեալ կան առադիկ բազմութիւն հիւանդաց հաւա-

տացելոց կուրաց, կաղաց, գօսացելոց. առ հասարակ ակն ունին բժշկութեան. աւաղ, զի ոչ առ հասարակ հասանեն ըզձին : Սին միայն բազմամեայ ակտացեալն, այս է բազմաժամանակեայ մեղաւորն գթով ակնարկեալ 'ի Վրիստոսէ, « Կամիս ողջ լինել », անդէն թօթափէ զանկողին յանցանացն. նորափետուր զարդարի 'ի հնութենէն :

Բաճէ. մի միայն . . . : Եւ ընդէր աստուածայինս այս դեղ դարմանոյ ապաշխարութեան սքանչելագործն, կենդանարարն, իբրեւ անգործ, անպիտան, ոչ ինչ ազդեսցէ առ բազմահոյլ մեղաւորսն որ մերձենանն առնա : Եւրդեօք շնորհք աստուածային խորհրդոյս հոլով մամբ ժամանակին և դարուցն բազմաց կարգառութեամբ վատեցաւ ինչ 'ի նորոգատուր ուժոյն և յազդեցութենէն : Եւ արդեօք երախայրիք կենագործ արեանն Վրիստոսի այն ինչ հեղոյ յառաջին դարուն կորովիք առաւել գտան 'ի դարձ մեղաւորաց 'ի սկզբան հաւատոյս քան 'ի վերջնումն : Եւ չեն, եղբարք, աստուածայինքն իբրեւ զմարդկան. աստուածայինն միշտ անվատելի է զօրութեամբ, միշտ նոյն, միշտ գործօն : Եւ առ ինչ ապա 'ի դարուն մերում, յորում այնչափ ախտք մեր և հիւանդութիւնք հոգւոյ այնչափ իմն կարեւոր յարգարեցին մեզ զգեղն ապաքինիչ. և յորում ներողամիտ գութ հարց խոռտովանութեան, և չափաւորութիւն տուելոց ապաշխարանացն, այնչափ իմն հեշտին գործեցին մեզ զայն և ընտանի. և 'ի վերայ այսր գոգցես վայրապար ամենեւին և անազգակ իցէ մեզ դեղն :

Եւ ընդէր 'ի նախնին յայն երջանիկ ժամանակին, յորում 'ի սրահս և 'ի դաւիթս մերոց տաճարաց անկեալ դնէին ապաշխարողքն երկայն ժամանակաւ սպասեալք ընդ Եստուծոյ հաշտութեանն, և գոգցես յայնժամ ոչ որ իջանէր յաւազան անդր, և ոչ անդէն բժշկէր ոչ ունելով նշան հիւանդութեան : Իսկ այսօր յորժամ ոչ որ շատ ինչ սպասէ առ նուիրական աւազանաւս մերով, յորժամ և հրեշտակքն եկեղեցւոյ, հրեշտակք տեառն ամենակալի քահանայք, չդանդաղէն իջանել յաւազանն 'ի բուժել և մերձին առ ակտացեալն դարման տանել ախտին, և ընդէր ապա դեղ դարմանոյն փոխանակ ապաքինելոյ, թուի իմն յերկարաձգել զախտն և զայրացուցանել :

Օ՛րնչ պատճառքն իցեն . . . : Պատճառս աւագիկ գտանեմ ես երբեակ տպաւորեալ յերկա ազգս հիւանդաց աւետարանին . կուրաց , ասէ , կաղաց , գօսացելոց , Վոյրքն են մեղաւորքն , որ գնացեալ 'ի խոստովանութիւն յայտնել զխիղճ մտացն , ոչ որպէս արժանն է տեսանեն և ճանաչեն զանձինս զի կոյրքն են : Վաղքն են մեղաւորքն , որոց պակասէ ուղղութիւն և անկեղծութիւն 'ի խոստովանել զյանցանս իւրեանց : Իսկ երրորդ անգամ , գօսացեալքն են մեղաւորքն անշարժք և անզգայք , որ գնան 'ի խոստովանել և բնաւ իսկ անբաժք են 'ի ճշմարիտ ցաւոցն և 'ի զղջմանէն : Բնաւասիկ երբակի խակութիւնք , որ անգործ և անպիտան յարգարեն զխոստովանութիւնս , չասացից եթէ և սեղանակապուտըս : Պակասութիւն լուսոյ 'ի քննութեան մեղացն , Պակասութիւն անկեղծութեան 'ի խոստովանութեան մեղացն : Պակասութիւն ցաւոց 'ի զղջմանն : Բնաւեմ սիրելիք , լուսաւորութիւն մասնաւոր ինդրել այսօր յԱստուծոյ առ 'ի քաջիկ միտ դնել կարեւորագունի յոյժ քարոզիս , և քաղեսլիք դուք յայնժամ ձեզ հրահանգս մեծամեծս յոյժ 'ի փրկութիւն հոգւոց ձերոց : Տացուք սկիզբն՝ առաջին վասն մտացն կուրութեան :

ՄԱՍՆ Ա .

Յամենայն պատուհասս աստուածասաստոս որ առաւել սարսափելին է , է կուրութիւն մտաց : Զիք որ որ յամենայնի լուսաւորեալ իցէ , և չիք որ որ դողցես յամենայնի մտախաբ ոչ իցէ : Սարդ գրեալ եթէ հանապազ իբրեւ խորհուրդ ծածկեալ է նաեւ անձին իսկ իւրում . ընդ լոյս բանին և ընդ սիրտն միշտ 'ի մէջն առկայացեալ կայ անձնասիրութիւն , ուստի և զոր ինչ միանգամ տեսանեմք զանձանց մերոց , ընդ ստուերաձիգս ընդ այս իբրեւ ընդ աղօտ տեսանեմք : Սիայն հաւատոցն աչք բաւական են փարատել զստուերն , և 'ի մութ յայն մատեան մտաց ընթեռնուլ յստակ զճշմարտութիւնն . որպէս առաքեալ ասաց . « Հաւատովք իմանամք զաներևոյթսն » : Բայց քանզի դժուարագիւտ է 'ի մարդիկ

այնչափ լոյս հաւատոյն , դժուարագիւտ է և ճանաչումն անձին :

Եւս պակասութիւն ճանաչման անձին 'ի մտացն կուրու թենէ , որ մեզ անպտուղ գործէ զմեր խոստովանութիւնս՝ յերկոյ ինչ ունի զծագումն : Եւս զի ոչ քաջիկ և ուշով քննեմք զանձինս : Երկրորդ զի ըստ թելադրութեան միայն կանխակալ կարծեացն քննեմք զանձինս : Եւ երրորդ անգամ զի ոչ ըստ ամենայն պարտուց մերոց քննեմք զանձինս : Եւ արդ միտ դիք . մեք 'ի քննութեան մերում չտամք մեզ ոչ բաւական ժամանակ և ոչ բաւական յուշ : Եւմենայն կեանք քրիստոնէի պարտի լինել հանապազօրեայ քննութիւն գործոցն , քննութիւն ցանկութեանցն , քննութիւն խորհրդոցն . քանզի սիրտ մեր զաղփաղփուռն է և յեղեղուկ , միշտ նորս իմն տպաւորութիւնս ծնանի 'ի մեզ . պարտ է ուրեմն և մեզ միշտ քննութեամբ ճանաչել զանձինս : Եւ ներքս 'ի մեզ է վտանգն անդու և արագահաս , վտանգ ցանկութեանցն , վտանգ մահաւանցն , վտանգ երկիւղի , յուսոյ , վտանգ տրտմութեան , խնձղանաց . վտանգ դառնութեան , ատելութեան , վտանգ սիրոյ : Եւ եթէ և մեք անդու չլրտեսիցեմք զմեր կիրսն , երբէք չտեսանիցեմք ոչ զըսկիզբն նոցա , ոչ զմէջն , և ոչ զկատարածն : Եւքա յօրացեալք և խռնեալք իբրեւ վիհ խորին խաւարին , անմատոյց գործեսցեն մեզ զսիրտն մեր . զորոյ միայն զվերին երեսս բաւական իցեմք նշմարել :

Եւ 'ի ուրեմն պատրեսցուք սիրելիք զանձինս , ասել եւ թէ բարիօք յաջողեսցի մեզ կենագործ խոստովանութիւնս . ասել եւ թէ վայրկեանք քանի մի բաւական իցեն մեզ 'ի քննութիւն խղճի մտաց յետ այնչափ ունայնասիրութեամբ և այնչափ զբաղանօք անցուցանելոյ զաւուրս և զամիսս բազումն : Տքնութեան մեզ պէտք են , եղբարք , 'ի վերայ ամենայն գործոց մերոց զօր ամենայն . և որպէս իմաստութեամբ խրատաբանէր աստուածայինն Սսկեբերան , Պատկառ կացցուք , ասէ , մերոյ վախճանին . և հանապազօր զհաշիւ զգործոց և զբանից և զխորհրդոց որովք միանգամ յանցեաք 'ի տունջեան , ընդ երեկս աւուրն անդբաղք 'ի գիշերի պահանջեսցուք յանձանց : Եւ սովին ապա հանձարեսցուք մեզ զգիւրութիւն քննութեան խղճի մտացն , և քաջ

այնուհետև պատրաստեք զտանիցիմք մեք ըստ ժամանակին 'ի խոստովանութիւն , և այնպէս զկենաց պտուղն քաղեսցուք զնորա 'ի սրբութիւն հոգւոց մերոց և 'ի փրկութիւն : Վանգի բազմօրինակ զբաղանք տունջենայինք բնաւորեցան միշտ գրաւել և գողանալ զսիրտ մեր . ուստի և 'ի ժողովել զնա 'ի մեզ միւտանգամ չիք այլ ժամ բարեպատեհ քան զանդորրաւետ ժամ գիշերոյն . որպէս ստէպ և աստուածային մարդարէն ջերմեռանգն աղղէ , եթէ “ Յիշեցի 'ի գիշերի զանուն քո տեր և պահեցի զօրէնս քո ” , և [Թէ “] ‘ գիշերաց կանխէ հոգի իմ առ քեզ [Ստուած “ , և [Թէ “] ‘ մէջ գիշերի յառնէի խոստովան լինել առ քեզ [Ստուած “ :

Այլ արդ եթէ զայսօրինակ քննութեան պէտք իցեն 'ի բարիոք խոստովանութիւն , աղէ դու ասա ինձ , ո՞վ հաւատացեալդ : Արբէք դու մատենար առ հայր խոստովանութեան քո այսօրինակ պատրաստութեամբ : Վա՛րէ . քոյ ամենայն կեանք զլիսովին անձանաչողութիւն է անձինդ , [Թող [Թէ քննութիւն և գիտութիւն . կեանք լի հոգովք աշխարհականօք և զբաղանք , լի բերկրութեամբք կենցաղականօք , լի յուզմամբ և շփոթիւք : Այրբէք դու խնդրեցէր քեզ վայրկեան մի անդորրութեան կեալ մենաւոր ընդ անձին քում , քննել վայր մի անաչառ զգնացս քո և ուղղել զնա , և [Թէ երբէք կամեցար առնել զայդ , ո՞վ [Թէ քանի՞օն անձկացար 'ի հոգի , քանի տաղտկացար 'ի սրտի , տագնապ 'ի միտս , տագնապ 'ի յիշողութեան : Այլ զիմորդ իցէ քեզ կամել , զի սուղ ինչ պարապ ժամանակի յառաջ քան զխոստովանութիւնդ բաւական իցէ բազմազբաղ ընկղմելոյդ յաշխարհայինս աւուրս բազումս և ամիսս և տարիս , միջամուխ լինել քեզ 'ի խորս խորինս և 'ի խաւարին ալուցս սրտի քո . 'ի վեր բերել զգաղտնիս խղճի մտացդ և ձանաչել զանձն և յայտնել հօր խոստովանութեան քո : Օ իմորդ իցէ քեզ կամել զի այնչափ մեղանչական ցանկութիւնք յուզեալք 'ի քեզ 'ի ծածուկ , այնչափ հեշտութիւնք դժպատեհք տեղի գտեալք 'ի մարմնիդ , այդչափ կեղակարծ դիտաւորութիւնք անքնին [Թողեալք 'ի քէն , այնչափ զրգանք քո յանցաւորք , այդչափ կիրք նորոգածինք 'ի քեզ որ վերսեղին 'ի հոգի , և ասպա տեղի տուեալք 'ի սրտեդ 'ի մուսացոնս դարձան քեզ . զիմորդ ասեմ հնար իցէ եթէ վիհդ

այդ խորին 'ի վայրկեան մի ժամանակի յանդիման բացցի քեզ ակներև, և մարթացիս դու մաքրել զխիղճ մտաց քոց :

Բաբէ, և զինչ այլ տեսանեմք մեք զօր ամենայն յատենին խոստովանութեան, բայց զկոյրսդ զայդոսիկ, որ ոչն տեսանեն և ոչն ճանաչեն զանձինս : « Եւ էր անդ, ասէ, անկեալ բազմութիւն յոյժ հիւանդաց, կուրաց : » Բաբէ, և զինչ այլ լեմք մեք անդանօր 'ի խոստովանեցուցանել զկոյրսդ զայդոսիկ, բայց թէ նկարս իմն անտպաւորս, և 'ի վերին երեսս ստուերագրեալս, պատմութիւն զհրապարակագոյժն և զարտաքինն զմեղաւորաց, զկեղեանս զանկարգութեանցն նոցա, կամ թէ և անկմունս ևս բայց զմեծամեծսն միայն և զերեւելիս անկմունք որ ծնունդք էին առ 'ի ներքս աներեւոյթ բիւրուց անկմանց, զոր չտեսանեն աչք կուրացդ այդոցիկ : Կան և ասեն մեզ նոքա զթիւ ամացն իբրև զերեսուն և ութ ամեայ անդամալուծին, յորս անկեալ տուայաւեցան 'ի հիւանդութեանց : Կան և պատմեն մեզ զպատմութիւն կենաց իւրեանց . բայց չգիտեն պատմել մեզ զպատմութիւն սրտից իւրեանց :

Բնաւորիկ առաջին թերութիւն 'ի քննութեան խղճի . զի քննեն միայն վայրկեան մի միայն յառաջ քան զխոստովանութիւնն . յորժամ զօր ամենայն փոքու իմն քննութեան պէտք էին նոցա 'ի պատրաստութիւն խոստովանութեան ըստ ժամանակին :

Իսկ երկրորդ թերութիւնն այն է, զի ոչ քննեմք զմեզ անաչառ : Օ ինչ իցէ անաչառ քննելն . ահաւասիկ քեզ : Դիւր 'ի մի կողմն զպատուիրանս Վրիստոսի, և 'ի միւսում զվարս քո . բաղդատեա զգործսդ ընդ այնմ զոր պատուիրէ աւետարան, կամ զոր թոյլ տայ, կամ զոր արգելու : Եւ 'ի բաղդատութենէ աստի դու այժմէն դատեա զանձն քո, մինչ չե դատեալ քո յերկնաւոր դատաւորէն յառուրն ահեղի : Եւ սակայն պատուիրանաց աւետարանին և աստուածային կանոնացն անձնասիրութիւն մեր ընդդէմ կարգէ զկանխակալ դատմունս իւր 'ի քննութեան խղճի, և ասականէ զնա : Կատմունք կանխակալք պատիրք, բազմադիմակք, եթէ որ ըստ ազնուականութեան տոհմին, եթէ որ ըստ աւագութեան բարձին, եթէ որ ըստ առաջնորդութեան,

կամ որ ըստ գահախնդրութեան, եթէ որ ըստ ընչաւէ տութեան կամ որ ըստ սովորութիցն աշխարհի: Որ ըստ ազնուականութեան տոհմին է, չիք 'ի Վարխտոս և յաւետարանի խտիր ընդ ազնուազգին և ընդ հողագործ մշակն. զնոյն պատուիրանս հաւասարապէս քարոզէ աւետարանն և մեծամեծաց և ռամկին: Ազնուականութիւն տոհմին ոչ միայն ազատ չառնէ 'ի պարտուցն, այլ և խռընդոտն ևս լինի 'ի փրկութիւն անձանց. քանզի առաւել դժուարին գործէ զլրումն պարտուց քրիստոնէութեանն:

Օ ինչ ասէ անձնասիրութիւն: Որչափ ազնուազգիք ծնեալ եմք, ասէ, այնչափ և առանձնաշնորհութիւն պարգեւեալ է մեզ 'ի պահպանութեան ինչ ինչ դժուարին օրինաց աւետարանին. չեմք մեք այնչափ պարտականք ատել զաշխարհ, բառնալ զխաչն, այնչափ պնդապահ լինել 'ի պահս զոր օրինադրէ եկեղեցի: Թոյլ է մեզ, ասէ, դողողանալ 'ի հրամանատարութիւնս մեր, սրտնել քինահան լինել յանարգանս մեր. Թոյլ է մեզ և 'ի դէպս դէպս մերթ կեղծաւորել, մերթ խորամանկել. նաև հեշտութիւնք չեն մեզ այնչափ արգելեալք: Եւ ապա ըստ այսոցիկ սկզբանց առնեն և զքննութիւն խղճին:

Իսկ որ ըստ առաջնորդութեանն է և գահախնդրութեան, հրահանգէ աւետարանն, եթէ “Ոչ գիտէք, զի որ յանուան իշխանքն են ազգաց տիրեն նոցա և մեծամեծք իշխանն նոցա: Ոչ այնպէս իցէ և 'ի ձերում միջի, այլ որ կամիցի 'ի ձէնջ առաջին լինել, եղիցի ամենեցուն ծառայ. և որ կամիցի 'ի ձէնջ մեծ լինել եղիցի ձեր պաշտօնեայ: ”: Ո'ի ցանկալ գահու, բայց առ 'ի պաշտպան կալ հնազանդելոցն, սպաս հարկանել օգտաւ կար առաջնորդելոցն. մի ամբարտաւանել յառաջնորդութեանն, այլ մանաւանդ յաւելլու 'ի խոնարհութիւն սրտի: Եւս է աւետարանն: Եւ զինչ ասէ անձնասիրութիւնն. և չիցէ երբէք մեզ Թոյլ յօրանալ գրգել 'ի բարձի առաջնորդութեան մերոյ, յոր ամբարձ զմեզ Եստուած. ապա թէ ոչ, զինչ պէտք իցեն մեզ այնպիսի առաջնորդութեան, յորժամ ամենեցուն ծառայ և պաշտօնեայ հասանիցէ լինել մեզ առաջնորդաց: Ոչ ահա զպարտս վիճակին մերոյ և զբարձին պարտ է չափել 'ի

սովորութենէն, և ոչ 'ի հրահանգաց ինչ. յոր ինչ սովորեցան մեր նախորդք, 'ի նոյն ընթացութեամբ և մեք: Օ այս ասեմք և չաժեն զմտաւ եթէ զինչ պարտ էր առնել նախորդաց նոցա ըստ աւետարանին, և չարարին. և զնոցայն անձանց իւրեանց իբրեւ նոցուն յաջորդաց օրէնս կարգեն, իբրեւ զաւանդութիւնսն կալեալ զծերոց և զփարիսեցւոց ընդդէմ աւետարանին: Այլ ապա ըստ սկզբանց այսոցիկ մատչին և նոքա 'ի քննութիւն իւրդձին իւրեանց:

Իսկ որ ըստ ընչաւետութեանն է, հրահանգ այս է մեզ յաւետարանէն, եթէ չեմք մեք տեարք տիրապէս ընչից մերոց և ամենայն ստացուածոց, և որ ետն զնոյն կարող է և 'ի վայրկենի 'ի բաց առնուլ. և թէ մեր յաւելուածն 'ի զոյից՝ մասն և բաժին է աղքատաց. և մեր ընչաւետութիւնս զոր ետ մեզ Մատուած, չէ 'ի շուայլութեան սակս և փափկութեան կամ թէ ազահուութեան, այլ սատար և առիթ պարտի լինել փրկութեան մերոյ ջամբելոյ 'ի պէտս կարօտելոց, և սերմանելոյ առատութեամբ, զի և առատս հնձեսցուք. և թէ միայն աւետարանն և ոչ աշխարհ պարտի զմեզ հրահանգել 'ի բարեվայելութիւն վիճակի կենաց մերոց և 'ի չափաւորութիւն վայելից:

Իսկ անձնասիրութիւնն զայս ասէ: Այլ զինչ բնաւ մեզ այնուհետեւ աւելի իցէ յընչաւետութենէս, յորժամ և անինչքն և աղքատք մեզ բաժանորդք կայցեն, և մեք չվայելեսցուք առատապէս, հանգիցուք, կերիցուք, արբցուք և ուրախ լիցուք հանապազօր: Իայց սակայն և տացուք մեք ինչ մի և աղքատին, այնչափ զի մի սովամահ լինիցի. և ընդէր համարեսցին մեզ մեզք շուայլութիւն յորժամ ըստ չափու եկամտիցն առատութեան զոր առաքէ մեզ Մատուած, գրգասցուք մեք յամենայն վայելս ըստ սովորութեան յաւիտենիս այսորիկ. զինչ խիղճ կայցէ 'ի բանիդ: Օ այս խորհին, և ապա ըստ թելադրութեանցս այսոցիկ առնեն նոքա զքննութիւն խղձին, և այնպէս գնան 'ի խոստովանութիւն: Իսկ որ ըստ սովորութիցն աշխարհի է, զայս քարողէ աւետարանն, եթէ հանդերձեալ է մեզ դատիլ 'ի Քրիստոսէ ոչ ըստ սովորութիցն կարգելոց յաւիտենիս այսորիկ, այլ ըստ պատուիրանացն աւանդելոց 'ի Քրիստոսէ:

Եւ թէ օրինակ քաղաքավարութեան մարդկան թէպէտ
 և համախոսարհական, ոչ արդարացուցանէ զյանցաւո-
 րութիւնն զոր օրէնք Մտուծոյ դատապարտեն : Եւ զի
 ընդ հակառակն ճանապարհ բազմութեանն լայն է որ
 տանի 'ի կորուստ, որպէս վճռեաց տէրն : Եւ տարանն
 զայս ասէ : Եւ անձնասիրութիւնն զիարդ, ասէ, մեղք
 երբեք համարեսցի այն ինչ, զոր հասարակ հաւանու-
 թիւնն, զոր հասարակաց օրինակք վաւերական գործեն :
 Եւ զոր ամենեքին կամ բազմագոյնք առնեն, ես ընդէր
 յետնեալ գտայց քան զնոսա : Եւ հաւաստիկ իմոյ վիճա-
 կիս վիճակակիցք, իմոյ հասակիս համատիք այսպէս
 զգենուն, այսպէս զարդարին, և զնոյն զարդ և զնորհս
 յաւելուն 'ի վերայ բնաւորական գեղոյն զոր ետ արա-
 ըին. և որ խիղճ կայցէ ինձ նմանող լինել նոցա : Եւ հա-
 վաստիկ իմոյ աստիճանին հաւասարողք հետամուտք և
 հնարադիւտք են աւագութեան հասանել եկեղեցական
 բարձի. առ ինչ և ես զնոյն չկալայց ճանապարհ : Եւ հա-
 վաստիկ առ հասարակ օրինակ զայս վարեն վաճառականք 'ի
 վաճառաշահս իւրեանց 'ի յարգել զարծաթն իւրեանց .
 առ իմէ և ինձ չիցէ օրէն զնոյն օրինակ գործել. հասարա-
 կաց օրինակք՝ կանոնք են զնացից մերոց. կարդ մեր և սո-
 վորոյթ մեր՝ է աւետարանն մեր : Եւ այստիկ սկզբունս
 հաստատեալ զանձինս, այնպէս անխիղճք առնեն վեր 'ի
 վերոյ զքննութիւնն. զայն ամենայն արհամարհեալ ի-
 բրև անտիականս իմն և խղճահարականս, և այնպէս գնան
 'ի խոստովանել. և անպտուղս գործեն և սոքա զխոստու-
 վանութիւնս իւրեանց : Եւ որ քննիցէ զվարս և
 զխիղճն ըստ լուսոյ հաւատոյն և ըստ հրահանգաց աւե-
 տարանին, և այնպէս յայտնեսցէ զմեղսն. ուստի և յե-
 ղանակէ անտի խոստովանութեանն որով մեղաւորս դա-
 ւանին զանձինս, յայտ առնեն եթէ և ոչ զմեղս իւրեանց
 զճանունս ճանաչեն նոքա :

Եւ երրորդ թերութիւնն 'ի քննութեան խղճի, զի
 ոչ քննեմք զանձինս 'ի վերայ ամենայն պարտուց մերոց :
 Ո՞ր իցէ վիճակ կենացդ. արդեօք մարդ առանձին մե-
 նակեաց, եթէ անդամ կենակից հասարակութեան որ
 զինչ և իցէ. արդեօք այր տանուտէր և հայր զաւակաց,
 եթէ արդեօք պաշտօնատար քաղաքի և առաջնորդ :

Եւ որ մի միայն զանձնական մեղոյ քննեսցես, այլ

Համօրէն 'ի վերայ կաց անձին քում, Հաւատացեալդ դու : Աթէ երբէք տանուտէր Հանդիպեցար դու, արդեօք զտուն քո քոյին աստուածապաշտութեամբդ զոր ծեցեր իբրեւ առտնին եկեղեցի Աստուծոյ իբրու զճըշմարիտ Հաւատացեալ : Ի գլուխ կացեալ որդւոց քոց և ընտանեաց, կրթեցեր յաղօթս առ Աստուած առաւօտին և երեկոյրին, դաստիարակեցեր որպէս արժանն է՝ խրատութդ և զեղեցիկ օրինակաւ զորդիս քո, 'ի Հաւատս ճշմարիտ, 'ի բարեպաշտութեան և յառաքինութեան և 'ի գործս քրիստոնէական պարտուց : Հարբունս Հասեալ որդիքն քո, յընտրութեան վիճակի նոցա առաւել զՀան Հոգւոց նոցա խնդրեցեր, եթէ զառժամանակեայ օգուտ քո կամ զգերդաստանիդ : Աղէր դու արդեօք իբրեւ Հովիւ խնամակալու՝ որոց միանգամ 'ի տան քում՝ ծառայից և ընտանեաց, այլովքն Հանդերձ : Ուր գտցուք մեք որ 'ի քննութեան խղձի մանրամասին Համար պահանջեսցէ յանձնէն ըստ թերադրութեան Հաւատոց :

Ապա եթէ առաջնորդ քաղաքի կամ պաշտօնատար կարգեալ է քո, քննեա զանձն քանի՞ն թերացեալ է քո 'ի պաշտամանդ 'ի վնաս ընդ քեւ Հպատակելոցն, որ ըստ յուլութեանդ իցէ կամ որ ըստ անմտադրութեան, որ ըստ տկարութեանդ իցէ կամ որ ըստ տարապայման զիջողութեանդ, որ ըստ անխոհեմութեանդ իցէ կամ որ ըստ սաստկապահանջ խստութեան. որ ըստ աչառութեանդ իցէ կամ որ ըստ շահախնդրութեան անձինդ, և որ այլ ևս : Հորոց որչափ ինչ մեղք ծնանիցին կամ տոյժք Հոգւոց և մարմնոց հնազանդելոցն, արդարադատն Աստուած զամենայն քեզ Համարեսցի 'ի մեղս : Իսկ եթէ անդամ ես դու կենակից ինչ Հասարակութեան, քննեսցես զանձն եթէ արդեօք 'ի շինութիւն 'ի բարի օրինակ գտա՞ր դու ընկերացդ բարեզգեաց բարութդ և անմեղանչական քաղաքավարութեամբդ ըստ քրիստոնէական կարգի : Արդեօք զայլ ազդեցուցեր զոք սանձարձակ գնացիւքդ 'ի ցոխութիւնս, 'ի սպառնալիցութիւնս, կամ ապերստան լեզուաւդ 'ի շուքմոգութիւն, 'ի չարախօսութիւն, 'ի ստութիւն, 'ի բամբասանս, 'ի խեղկատակութիւն, 'ի յիշոցատուութիւն, յընդունայն երդմունս, 'ի թերահաւատութեան կամ յանհաւատու-

Թեան զրոյցս , այլովքն հանդերձ : Բարէ , քանի՞օն ի-
ցեն խորք սրտի , և ո՞րք միջամուխ լիցի 'ի նոսա :

Սոքա են աւաղիկ բազմութիւն կուրաց աւետարա-
նին . անկեալ կան առ ամիս աւազանիս մերոյ և անբուժք
լքեալք 'ի Վրիստոսէ : Այլ զինչ այնուհետեւ զարմանք
իցեն , եթէ քաղաքավարեալքն ըստ ունայնութեան
կենցաղոյս , թէպէտ և հանապազօր դեղերին 'ի դա-
տարկասուն կենակցութիւնս , թէպէտ և անկեալք 'ի
վտանգս դժպատեհ բարեկամութեանց , թէպէտ և
միշտ 'ի զուարճութիւնս թարթափեալք անչափաւոր
խաղուց , թէպէտ և մոլեալք յունայնասիրութիւն
զարդուց պահութեանց , թէպէտ և 'ի կիրս գե-
րեալք փառասիրութեան և հպարտութեան , թէպէտ
և անժուժկալութեամբ անմաքուրք , և 'ի զեղխութիւնս
շուայտեալք հանապազ իննձոյից և խրախճանաց , 'ի վե-
րայ այսր յորժամ դան նոքա առ մեզ 'ի խոստովանու-
թիւն 'ի բանալ զվերս հոգւոց իւրեանց , որովհետեւ կոյրք
են , գոգցեն գտանեն և ոչ ինչ 'ի խոստովանել , կամ թէ
հազիւ գտանեն ինչ մի ասել մեզ և ամբաստանել զան-
ձանց , և զայն մի կամ երկու բառիւք . և ողջոյն զմիոյ
տարւոյ զպատմութիւնն զաշխարհասէր կենացն՝ այն-
չափ իմն 'ի համառօտ ժամանակի վճարեն , որ հազիւ
բաւական իցէ 'ի պատմել զյանցաւորութիւնս զմիոյ
միայն զաւուրն : Բայ պակասութիւն է լուսոյ արտա-
սուելի ճանաչել զանձն 'ի քննութեան խղճի . որով
առաջին՝ յոչ ինչ պիտանացու է խոստովանութիւն նոցա .
“ Բազմութիւն , ասէ , կուրաց , , : Բայց է և երկրորդն՝
պակասութիւն անկեղծութեան 'ի խոստովանութեան
մեղացն , զի կաղան 'ի գնացս . որպէս ասէ , “ Բազմու-
թիւն կաղաց , , :

ՄԱՍՆ Բ .

Ընթ ինչ առաւել անբմբերելի մարդոյ , որպէս խոս-
տովանել զանձն յանցաւոր : Հպարտութիւն տիրացեալ
'ի բնութեանս ոչ թողու գիտակցութեան մերում առա-
կել զմեզ այնպիսի՝ որպիսի եմքս . զի մի յանկարծ բնաւ

խի անարգք և արհամարհք երևիցիմք մեք։ Այս ան որոյ և բնաւորապէս բերիմք վեր 'ի վերոյ անցանել զներքին գիտակցութեամբն, և մեր կեանքս ողջոյն գողցես է հանապազօրեայ իմն կեղծաւորութիւն . յամենայն գործս մեր միշտ իբրու յայլ մարդ կերպարանիմք մեք . և որ մերն երևի կենդանագիր չէ մեր։ Այս վիճակ է մարդոյ . ծնեալ նա միանգամ աղքատ հպարտ, չմարթի յերևանի հանել զանձն պանծանօք, բայց թէ ցուցանելով զանձն այլազգ քան զոր էն։

Այլ որ առաւել արտասուելին է, զի և մինչև 'ի սրբազան և 'ի խորհրդական խոնարհութիւնս մեր միջամուխ 'ի ներքս մտանէ հպարտութիւնս մեր։ Այլ է իսկ բազում անգամ խոստովանութիւն մեղացն մանաւանդ արուեստ և հնարագիտութիւն նշովելի առ 'ի քօղարկել զնոսա, քան եթէ խոստովանութիւն։ Վրանգի և մինչև առ դուքս ատենին Վրիստոսի ուր գնամք 'ի յայտնել զխիղճ մտաց առաջի երեսիոխանին Աստուծոյ քահանայի, նաև անդանօր ևս կեղծաւորիմք։ Այս բազմութիւն է կաղաց մեղաւորաց անկելոց առ Պրօքատիկեայ աւագանին . կաղք զի ուղիղ չգնան 'ի ճանապարհս տեառն, և ոչ ուղղութեամբ և պարզութեամբ սրտի մերձին 'ի լոգարանն սրբութեան առ 'ի մաքրիլ։ Վրանգի կիսով չափ միայն բանան զխիղճ մտացն, և կարծեն զայն շատ 'ի յայտնութիւն . բանին մեղք, զի այսպէս ասացից, բանին մեղք և ծածկի մեղաւորն։ Արդ զայս պակասութիւն անկեղծութեան 'ի խոստովանութիւնս այսչափ սովորական, գտանեմք մեք առաջին 'ի բացայայտութիւնսն որ կիսամանկայք են և շիտթ։ Արկրորդ յառիժսն և 'ի պատճառս գործոցն զոր ծածկեմք։ Արբորդ 'ի տարակուսականն ինչ, որ բազմադիմիք գոլով մեք զհասաւորն մեզ ընտրեմք զդէմն։

Այլ արդ առաջին պակասիմք 'ի բացայայտութիւնս մեր, յորժամ 'ի պատրաստել զմեզ 'ի խոստովանութիւն, քան զքննութիւն մեղաց առաւել նստիմք 'ի խորհել եթէ որով հնարագիւտ և քօղաձիգ եղանակաւ ասացուք մեք քահանային զմեղս։ Օգտութալի վիրօք մերովք յոյժ հարեանցի անցանեմք՝ երկօրումք միայն բառիւք հազիւ տալով քահանային ժամանակ 'ի խելամուտ լինել այնմ։ Առեմք ասել զպարագայս ինչ, որք

կամ ծանրացուցանեն զնոյն մեղսն կամ որք փոխեն զտե-
տակ մեղացն և ՚ի մեծ եղեւն դարձուցանեն զնոյն մեղսն .
իսկ և զայն ամենայն հանդամանսն որ առաւել առակեն
զմեր սիրտն և զապականութիւն վարուց մերոց , ջանամք
ծածկել . կամ պատ ՚ի պատ բացատրութեամբք վարեմք
զայնպիսի բառս , որ թէպէտև զմեր գործն յայտնեն ,
այլ ոչ և զմեր սիրտն : Այլ կարեմք մեզ տերևս թղենուոյ
իբրու զնախահայրն մեր՝ ծածկել զմերկութիւն մեր ա-
ռաջի այնմ որում պարտ էր տեսանել զմեզ այնպիսի որ
պիսի եմքս : Այլ կամ թէ զառաւելութիւն ինչ զմեր
իբրու զազնուատոհմութիւն , զբարձ աւագութեան ,
զփառաւորութիւն համբաւոյն և զայն ևս , որպէս թե-
թեւացուցիչս մեղաց մերոց առաջի արկանեմք ՚ի խոս-
տովանութեան մերում . զընդունայնութիւնս կենցա-
ղոյս մեծ համարելով , որ բարձր առնեն առաջի մարդկան
և պիղծս առաջի Աստուծոյ , և զորս ենն ՚ի մեզ առանց
մեր՝ արդոյ դասելով քան զաճթ և զցաւ մեղաց որ մեր
բունքն են :

Վերջէ ուրեմն առ ՚ի քողարկել ողջոյն զմեծ անար-
գանան վանս բազմաժամանակեայ չար ունակութեանցն
ստեպ ստեպ փոխեմք զխոստովանահարս . որպէս զի
միշտ նորոգալուր վկայս ունիցիմք մերոց վատթարու-
թեանց և մի առակեսցի հնութիւն ապականութեան
մերոյ : Այլ դու , ոչ ՚ի բժշկութիւն վիրաց քոց երթաս
առ ոտս հողեւոր բժշկին , և զիմրդ ոչ անմտութիւն իցէ
բանդ . զփորձն ՚ի վարս քո և զծանօթն սրտին քո զբաղ-
մամեայ բժիշկդ թողուլ և յանփորձն և յանծանօթն
դիմել : Այս ինձ , անմտանաս զնոյն անմտութիւնն առ
մարմնոյ բժիշկս : Այս ուրեմն չերթաս դու յապաքինու-
թիւն վիրաւոր հողոյդ : Այլ եթէ զվկայսդ փոխես ,
փոխեցէր արդեօք և զՔրիստոս . միշտ անգանօր կայ
Քրիստոս . միշտ երեսփոխան Քրիստոսի նստի անդ
քահանայն ո՞րք և իցէ , եթէ հինն և եթէ նորն . Քրիս-
տոս ճանաչէ զքեզ որչափ ոչ դու ինքն զքեզ . նա միշտ
վկայ աներևոյթ կայ անգանօր ծածուկ պատմութեան
կենաց քոց , զոր ՚ի սրտի քում ընթեռնու իբրու ՚ի մա-
տենի մերկապարանոց առաջի նորա . և յորժամ դու
պատ ՚ի պատ զրուցիւքդ կարծես ծածկել զքեզ յանձա-
նօթս ՚ի նմանէ , նա ծիծաղի զծիծաղելի ճգամք քո :

Նշգրիտ քեզ օրինակ ան զպատմութիւնն աստուածային . յորժամ կինն Յերոբոամու երբեմն ծպտեալ և այլակերպեալ մտանէր առ մարդարէն Լաբիա , կարծէր խաբել զայրն Լստուծոյ , անդուստ Լաբիա վաղ ընդ փոյթ խայտառակէր զհաղբն . “ Սուտ , մուտ ասէ կին Յերոբոամայ , ընդէր իցէ այդ , զի յանծանօթս լինիս , ” Վհոգի անարժան խնյս տեսութեան , ասէ Լստուած , ցոյց զքեզ այնպիսի որպիսի ետդ , և որպիսի ես զքեզ ճանաչեմ : Լսմիտ , կարես խաբել զմարդ , այլ ոչ և զսրբտապէտն քո : Լա առաւել ևս անմիտ յորժամ զբունեալն 'ի քեզ զբազմամեայ ապականութիւն վարուցդ խնդրես ծածկել 'ի մարդոյ , յորմէ միայն մարթասցիս դու առնուլ զբժշկութիւն քո և զփրկութիւն . “ Ինդէր իցէ այդ , զի յանծանօթս լինիս , ” :

Իսկ պակասիմք երկրորդ 'ի խոստովանութեան մերում , զի չասեմք զսկիզբն և զպատճառ գործոյն : Սիրտ մեր է սկիզբն և պատճառ , յորմէ գործք մեր ամենայն առնուն զբարութիւն կամ զչարութիւն : “ Սարդ բարի , կնքեաց տէրն , 'ի բարի գանձուց սրտի իւրոյ բղխէ զբարի . և մարդ չար 'ի չարէ բղխէ զչար , ” : Որպիսի են 'ի ներքս 'ի մեզ գործք , այնպիսի երեւին առաջի Լստուծոյ . 'ի ներքս 'ի սրտին է յարգ ամենայն գործոց մերոց : Սուրբ և անարատ է զշխոյն Լսթեր , թէպէտ և ամենայն զարդուք փառաց արքայութեանն պըճնայարդար է նա յաւուրս հանդիսից յարքունիս հեթանոսաց . քանզի ամենայն շուք աշխարհական պիղծ է յաչս նորա , և սիրտ նորա ազատ է և մաքուր : Յանցաւոր է և պիղծ լինեալն Յեզբէլ . կարկառեալն ընդ պատուհանն 'ի զարդս լկտիս և 'ի պչրանս : Ինդ Սուղոմն յերեւանի կացեալ յանդիման տիկնոջն Սաբայ ամենայն փառօք արքայութեանն և հոյակապ հանդերձանօք տաճարին , ոչ ինչ սրտնի Լստուած . քանզի յամենայնի յայնոսիկ ուշ նպատակի ունի զփառս Լստուծոյ Իսրայէլի , և չնորհապարտ զանձն ընծայէ բազմապատիկ երախտեաց նորա : Սրտմտի Լստուած ընդ Լզեկիա ճօխացեալ անձնացոյցն առաջի հրեշտակացն Բաբելոնի ընդ բազմահարուստ գանձս տաճարին իւրոյ : Սիրտն է դատաւոր և սահմանիչ ամենայն գործոց մարդոյ . և սակայն զայս սիրտ գող-

ցես երբէք ոչ յայտնեմք մեք 'ի խոստովանութեան մերում :

Եւ զի խոստովան լինիս , եթէ քնասեցեր բամբասանօք համբաւոյ եղբօր քո . այլ չասես եթէ և ընդ ամենայն բարիս և փառս նորա դժկամակ են միտքքո և սիրտքո . և ամենայն դառնութիւնդ և ամենայն չարախօսութիւն լեզուիդ 'ի գձձել զնա , ծնունդք են անձնասիրութեանդ և փառասիրութեանդ և յաշաղանաց մահացող սրտի քո :

Եւ է դարձեալ զի խոստովան լինիս զսրտնութիւնքո և զանսիրելութիւնքո երբէք ընդ ամուսնոյդ . այլ չասես մեզ զպատճառն , եթէ որովհետև սիրտքո զհետ զակատեալ է օտարին բերկրութեանց և աշխարհին հրապուրից և դժպատեհ կրից , վասն այնորիկ տաղտկանան և դառնանան քեզ առտնինքն :

Եւ զի դարձեալ խոստովան լինիս ունել քեզ ցանկութիւն անպատեհ և ապստամբութիւն ևս զգաս մարմնոյդ . այսչափ միայն խոստովան լինիս և զկայ առնուս : Եւ առ իմէ չասես մեզ զայն , եթէ ողջոյն քո սիրտ զակատեալ է զհետ անձինն՝ յորոյ 'ի սէրն հարեալ է քո , և ամենայն ջանք քո և խորհուրդք և ամենայն զնացք քո 'ի նա ուղղեալ են և նովաւ վարակեալ : Եւ եթէ 'ի մէջ առթից կեաս , որ զնոյն տածեն , և ամենայն վատթարութիւն կենացդ յայնց կրից առեալ է ծագումն : Եւ եթէ զայս չյայտնես , և զիմորդ այնուհետև հայր խոստովանութեան քո և բժիշկ հոգւոյ քոյ մարթասցի ճանաչել զվիճակ սրտի քո , և ըստ նմանէն զգեղեցիկ դարման բժշկութեան 'իլերայ ածել :

Ինչպէս , ստեպ յոյժ պէտք են քահանային ճգնել և ինքնին գուշակել զվիճակ հոգւոյդ և յինչ ինչ արտաշայտութեանց որ ելանեն 'ի բերանոյդ՝ ճանաչել զխորս սրտիդ : Պէտք են զի միայն տեսանելով զքեզ 'ի ծանօթս գայցէ բազմամեայ ախտաւորութեանդ . ըստ որում փրկիչն զերեսունութամեան զանդամալոյծն : “Օհա իբրև ետես Յիսուս , ասէ ցնա , կամիս ողջ լինել” : Եւ զինչ օգուտ . նա գուշակէ , դու չասես . քեզ ինքնին պարտ էր յայտնել . ուստի և հարկ իցէ այնուհետև քահանային ճշգրտիւ զննել զերակունս քո իբրև ճարտար բժիշկ , զի մի խարդաւանեսցի ինչ 'ի քէն

ի պահուն, յորում պարտք նորա և դործ միակ այն է յառողջութիւն վերածել զախտացեալ հոգիդ :

Պակասիմք երրորդ անգամ ՚ի խոստովանելն. զի չեմք անաչառք և ՚ի տարակուսականս միշտ զմերն խնդրեմք շահ. և առ ՚ի հանդարտել զխիղճ մեր, գամս և հնարագիտութիւնս նիւթեմք ՚ի հանդարտել և զխիղճ խոստովանահօրն : () Երկնակ իմն. յորժամ հեռանալ չկամիմք յայն ինչ առթից մեղաց, չլուծանել զայն ինչ գայթակղական բարեկամութիւն, յորժամ չկամիմք միւսանգամ յօդել սիրով զայն ինչ գայթակղեցուցիչ բաժանումն զամուսնաց ՚ի միմեանց յորժամ չկամիմք դադարել յայն ինչ անիրաւ շահուց վախառութեանց : () Ես ամենայն թէպէտ և տանջիմք ևս ՚ի խղճէ, սակայն բիւրս իմն հնարիմք ՚ի խոստովանութեան ՚ի հանդարտել զխիղճն. առ իւրաքանչիւր դէպսն յառաջ բերեալ կամ զանկարութիւն, կամ զանպատշաճութիւնս, կամ զագգակցութիւն, կամ զպէտս գերդաստանին, կամ զթեթևութիւն վտանգին, կամ զհովութիւն կրիցն, կամ զշուք պատուոյն մերոյ, կամ զկորուստ համբաւոյն, կամ զառժամայն հանդարտութիւն խղճին, կամ զնուազութիւն գայթակղութեան, կամ զթոյլտուութիւն օրինացն, կամ զհեղինակութիւն օրինակացն, և զայլն ևս : Եւ այնչափ ինչ հնարիմք, և այնչափ ինչ ասեմք, մինչև և զխոստովանահայրն պատրել և հաւատարմացուցանել, և տալ նմա մի ևս այլ այնչափ պնդիլ ՚ի վերայ պատուիրանին Վերիտոսի, եթէ հանն ՚ի քէն խլեան զակն գայթակղեցուցիչ, և հատ ՚ի քէն ընկեան զձեռն գայթակղեցուցիչ : Եւ այնպէս իբրու հանդարտեալ խղճիւ ելանես յատենէ խոստովանութեանն, իբրև ըզխաբուսիկն Սեղբող պաճուճապատանս եղեալ ՚ի վերայ մահճացն և լեարդ այծեաց և կծիկ մաղոյ ՚ի սնարան, ծածկեալ հանդերձիւ, ոչ ցուցանես խոստովանահօրքում զձմարիտն Վաւիթ, զքեզ ինքնդ :

Եւ զինչ շահ օգտի, ասա ինձ անաչառք բրիտոնեայդ, զինչ շահ օգտի հոգւոյ քում յերբեակ խակութեանց աստի ՚ի խոստովանութեանդ. միթէ հանդարտեցան խիղճք, միթէ վկորուսեալ խաղաղութիւնն եզիտ միւսանգամ հոգին, առ ինչ տակաւին քո ամբօխեալ ալեկոծեալ կայ սիրտ. առ ինչ տակաւին քո այնպէս

դառնացեալ են կեանք . արդեօք երբէք երբէք քո ոչ ձայն տայ գիտակցութիւն և կտտէ զքեզ վասն այնչափ կեղծաւորութեանցդ՝ ի խոստովանութեան , վասն այն պիտի լուութեանցն ի կարեւորսն : Ո՞չ անմտութիւն է բանն , պահել ի ծածուկ , տածել ի ծոցիդ զորդունսն որ զքեզն կտտիցեն , և ոչ թօթափել միանգամ զնոսա արտաքս յերևան լուսոյն՝ զի սատակեսցին : Ո՞չ անմտութիւն իցէ բանն , վայրիկ մի բուռն չառնել անձին քաջութեամբ և յաղթել անբանաւոր ամօթոյն , և զրկել միշտ զսիրտ քո ի հանապազօրեայ խաղաղաւէտ անդորրութենէ անկեղծաւոր խոստովանութեան :

Օ ինչ երկիւղ իցէ , կամ որ խէթ , այր դու , զի ոչ պարզ և անկեղծ ասես մեզ զսպտմութիւն թշուառութեան հոգւոյդ : (1) Երևս զի զյարգ բարեւաւութեան անձինդ կորուսցես առաջի մեր պատմութեամբդ ի խոստովանութեան : Բայտեան խոստովանութեանն՝ աւտեան է միայն Բստուծոյ . անդանօր առ ոտս քահանայիդ յարգ անձինդ չմարթի ոչ նուազիլ և ոչ առաւելու . որ ինչ ետդ , այն ես առաջի Բստուծոյ : Ո՞չ գիտես , եթէ անդանօր մեք նստիմք երեսփոխանք Վրիստոսի . անդ մեք ոչ տանիմք ընդ մեզ զմարդոյ ոչ զլսելիս , ոչ զզգայութիւնս , ոչ զխնդութիւնս . ուստի և դու չմարթիս ասել մեզ անդանօր ինչ մի որ ընդոստուցանիցէ և խռովեցուցէ զմեզ :

Բաբէ , մեք ինքնին բժիշկքս ի մեր փորձոյ քաջ իսկ գիտակք եմք ապականութեան սրտի մարդոյ . և մեք ինքնին տանիմք ի մեզ զաղբիւրս զնոցուն տկարութեանցն , ոյց աղաքաւ զամօթի հարեալ է քո առաջի մեր : Բայտակիցք եմք , կարեկիցք եմք , գթամք և դորովիմք , նաև արտասուեմք ևս , որչափ առաւել դու զթշուառութիւն հոգւոյդ բանաս առաջի մեր անկեղծութեամբ : Ո՞րք առաւել ճգնիմք վասն այնորիկ ի նախանձ փրկութեան հոգւոյ քոյ . մեք առաւել ևս մաղթեմք առ Բստուած վասն քո , տալ քեզ շնորհս առաւտութեամբ այնչափ՝ որչափ առատացան մեղք : Որ զփորձ առեալ եմք , կարող եմք և փորձանաւորացն օգնական լինել : Եմք անփորձք , չլինիմք ոտնհար , զտեղի ունիմք Վրիստոսի պաշտօնեայքս . նա բազում քաղցրութեամբ ընդունէր զմաքսաւորս , ժողովէր ըզ-

մեղաւորս : Բնաւասիկ քեզ գործ սպասաւորութեան մերոյ :

Բայց և անկեղծութիւն 'ի խոստովանութեան միայնակ է բաւական սիրելիք 'ի թողութիւն մեղաց . պէտք են անհրաժեշտ և 'ի սրտէ ատել զմեղս , որով վըտացուցաք զԽոստուած , և զղջալ և ցաւել :

ՄԱՍՆ Գ .

Օր ցայս վայր լուայք վասն խոստովանութեան , ամենայն հանդերձանք են արտաքինք խորհրդոյ ապաշխարութեան . այլ զիղջ և ցաւ է հոգի նորա և ճշմարտութիւն նորա : Օրութիւն խորհրդոյս բաւական է ընդ զթերին զարտաքին խոստովանութեանն , արգելեալ յանկամաւոր խոչնդակէ . բայց ոչ զներքնոյն որով ատեալք զմեղս , յորում հաստատեալ է խորհուրդ ապաշխարութեան : Օ ամենայնին զթերին ընդ զիղջն և ցաւն . բայց թերին ցաւոյն երբէք ոչ ընանի՝ բայց 'ի ցաւոյն :

Եւ սակայն չիք ինչ առաւել դժուարագիւտ 'ի մեղաւորս եկեալս 'ի խոստովանութիւն՝ քան զցաւ ապաշաւանացն , որում միայն խոստացեալ է թողութիւն մեղաց : Եւ աւասիկ քեզ երրորդ ազգ հիւանդաց պրոբատիկեան աւազանին , առ որով անկեալ դնի բազմութիւն դօսացելոց , յորոց և ոչ մի ոք եղիտ բժշկութիւն 'ի Քրիստոսէ : Գօսացեալք են , քանզի զան առ մեզ յատեան խոստովանութեան , այլ սիրտ նոցա է ամենեւին չորացեալ , և ցամաքեալ , և հոգի բոլորովին անզգայ , անշարժ յապաշաւանս , անշարժ 'ի զիղջ և 'ի ցաւ :

Եւ քանզի կարի վտանգաւոր են խաբանքն 'ի մասին յայսմիկ , յորժամ մարդ մեղաւոր 'ի խոստովանել իւրում համարի 'ի միտս ունել զցաւն՝ որ բաւական իցէ յարդարութիւն մեղաւորի . վասն որոյ և կարեւոր յոյժ է գիտել քաջ , յինչ հաստատեալ իցէ այս ցաւ մեղաց՝ սրբարարն և կենագործն :

Եւս ցաւ , քաջ միտ դիք սիրելիք , այս ցաւ շարժումն է աստուածային շնորհացն , և ոչ բնութեան : Եւս շար-

ժուռն յուզեալ 'ի խորհուրդս մեր'ի գարշութենէ մեղաց
մերոց, է անշուշտ գործ աներևոյթ հոգւոյն Մատուծոյ,
որպէս սահմանեցին հարբն սուրբք, որով ատեալք զմե-
ղքս: Ալոյս հաւատոյ՝ որ ակներև ցուցանէ մեզ զթշնա-
մանսն առ Մատուած՝ որ 'ի մեղաց, և զթշուառութիւն
հոգւոց մերոց: Ա և սկիզբն նորոյ սիրոյն առ Մատուած,
որ աղբիւրն է ամենայն արդարութեան: Ո՛վ զիարդ
գեղեցիկս 'ի պրոբատիկեանն տալաորեցաւ այս յուզու-
մին և շարժումն խորհրդոց 'ի մեղաւորն. «Հրեշտակ
տեառն, ասէ, ըստ ժամանակին իջանէր յաւաղանն, և
յուզէր զՅուրսն. և որ նախ 'ի շարժումն ջուրցն իջա-
նէր, բժշկէր», : Օնոյն օրինակ հոգւոյն Մատուծոյ՝
աղբեր սիրոյն՝ պէտք են իջանել 'ի սիրտս մեր: Մանց
սիրոյ չիք ցաւ, սիրելիք, և առանց ցաւոց չիք թողու-
թիւն մեղաց: Օ այս շարժումն սքանչելագործ, զայս
յուզումն կենարար պարտ է հոգւոյն ներգործել 'ի մեզ
և դարձուցեալ զսիրտ մեր առ Մատուած. այլ ամենայն
շարժումն՝ որ յուզումն է մարդկային՝ բնաւ իսկ անպի-
տան է 'ի բժշկութիւն հոգւոյ: Օ շարժումն ուրեմն
զայս զհոգւոյն Մատուծոյ 'ի սիրտս մեր՝ մի երբէք սի-
րելիք, մի երբէք զանց արասցուք մաղթել սրտեռանդն,
յորժամ պատրաստիմք 'ի խոստովանել. «Դարձն զմեզ
տէր, և դարձցուք առ քեզ», : Հոգին Մատուծոյ է աղ-
բիւր սիրոյ, առ նա դիմեսցուք՝ արտասուօք առնուլ ըզ-
սէրն Մատուծոյ. «Քանզի սէրն Մատուծոյ, ասէ,
սիրեալ է 'ի սիրտս մեր՝ 'ի ձեռն հոգւոյն սրբոյ՝ որ
տուաւ մեզ», : Մպա թէ ոչ այլն ամենայն որպէս ա-
սացի՝ 'ի մարդկայնոց աստի շարժմանց ոչ բացցէ մեզ
զդուռն ողորմութեանն Մատուծոյ, և ընդ նմին զդուռն
արքայութեան:

Քանզի և տեսանեմք զբազմազոյնս յապաշխարողաց
եկեալս առ մեզ՝ իբրև միջաբեկս և սրտաբեկեալս:
Այլ այս սրտաբեկութիւն ծնունդ է անձնասիրու-
թեան, և չիք նորա մասն և բաժին ընդ հոգւոյն Մա-
տուծոյ: Են և այլք՝ որ իբրու ցաւ ապաշխարութեան
համարին զծածուկն զայն իւրեանց զշարժել և զվրդռ-
վել, որ ծնունդ է հպարտութեան, որ տագնապէ՛ զնոսա
և դիմամարտի առ 'ի վեր հանել զմեզս առ նղովելի ա-
մօթոյն իւրեանց: Շիթեան սորա զհպարտութիւն

իւրեանց ընդ ապաշաւանաց իւրեանց . զատելու թիւն և զգիմամարտութիւն խոստովանութեան՝ ընդ ցաւոց մեղաց իւրեանց, հպարտք են և վարանամիտք, և կարծեն լինել զղջացեալս և ապաշաւեալս, և չեն։ Բայ յուզմունք ներքինք և վարանմունք ամօթալիք առ ի հպարտութենէն՝ չեն չեն կենադործ յուզմունք ապաշխարութեան։

Եւ և այլք ի մեղաւորաց, որ ցաւ ապաշխարութեան կարծեն զամբոխութիւն իւրեանց և զյուզումն, որ այն ինքն է ծնունդ միակ յահէ տանջանացն յաւիտենից։ Սոքա առաջի իւրեանց տեսանելով բացեալ զհապին գեհեան դժոխոցն հանդերձ ամենայն տանջանարանօքն, ատելի և գարշելի երեւցուցանեն անձանց զմեղս, ըստ որում միայն են արժանիք յաւիտենական պատուհասին, տագնապին միայն վասն երկիւղին . իսկ սէրն Բստուծոյ՝ զոր դառնացուցին մեղօք՝ մոռացօնք են նոցա։ Վրեա եթէ տագնապել դոցա ի մեղսն, ոչ այլ ինչ է՝ բայց ցանկալ նոցա, իցէ թէ անպատուհաս մնային մեղք։

Բայ տագնապել նոցա, որպէս իմաստութեամբ կրնքեաց աստուածայինն Բզոստինոս, նհանջէ զնոսա ի մեղանչելոյ, այլ ոչ փոխէ զկամսն . երկչոտս և ահաբեկս գործէ զնոսա, այլ ոչ ապաշխարողս յարդարէ . տայ երկնչել ի պատուհասէն, այլ ոչ տայ ատել զյանցանս . և գոգցես առ ոչինչ գրէին յանցանելն և զդառնացուցանելն զԲստուած, եթէ ամենայն պատուհասայն միայն էր նոցա՝ կորուսանել զսէրն Բստուծոյ։

Բայ սակայն և զայն գիտեմք առ հասարակ, եթէ սկիզբն իմաստութեան երկիւղ տեսաւն . և զի յոյժ պիտանացու է աչօք հաւատոյն տեսանել զգեհեան հրոյն և զիսաւարն արտաքին, ուր լալ աչացն է և կրճտել ատամանց, և զի բարի է կենդանւոյն իջանել ի դժոխս առ ի սանձ դնել ապերասան կրիցն կենադործ յիշատական։ Սուրբ այս երկիւղ պարգև է հոգւոյն Բստուծոյ . իմ չեն միտք ի բաց առնուլ ի մեղաւորէն զմիջնորդ զայս փրկութեան . աւանդեալ է ի Վրիստոսէ, քարոզեալ է յեկեղեցւոյ, անդուլ ի գործ առեալ է ի սրբոցն Բստուծոյ . զոր և մեք յաճախ քարոզեմք ձեզ ի բեմէ աստի ի զգաստութիւն մեղաւորաց։ Վանդի

դուզնաբեայ է թիւ հոգւոցն այնոցիկ ազնուականաց
և վեհագունիցն, որ 'ի սիրոյն միայն Մտուծոյ ցաւ-
եալք՝ դարձցին 'ի զգաստութիւն : Մյս կատարելոյն
է վիճակ . առ տկարսն ներողութեան պէտք են . թող՝
գէթ երկիւղիւ գեհէնոյն դարձցին առ Մտուած :

Մյլ սակայն սէրն հոգի ճշմարիտ ապաշխարութեան
և հիմն է նորա ողջոյն . քանզի միայն սէրն՝ որ գործեաց
զմեզ մեղաւոր, նոյն բաւական է գործել զմեզ ապաշ-
խարոզս . սէրն՝ որ զսիրտ մեր ուծացոյց Մտուծոյ, նա
մարթի դարձուցանել զնա առ Մտուած : Ոչ կարես, ի՞նչ
մարդ, միւսանգամ հաշտ լինել ընդ Մտուծոյ, թէ ոչ
սկսանիցիս սիրել զՄտուած, գոնեա առաւել քան զայն
արարածսն՝ որ միանգամօտարացուցին զքեզ Մտուծոյ :

Վաւ չառնում 'ի բաց 'ի սրտէ ապաշխարողացն զեր-
կիւղ տանջանացն . այլ զյանցաւորն զայն և զմեղանչա-
կանն յօժարութիւն հոգւոյ դատապարտ առնեմ, յորում
կան վարակեալք բիւրք ոմանք 'ի մեղաւորաց և դան առ
մեզ 'ի խոստովանել . և յօժարեալք են նոքա, զի եթէ
գեհեան չեր և չէին տանջանք յաւիտենականք, յօժա-
րեալք են անշուշտ իբրեւ զանաստուածս քաղաքավարել
յաշխարհի առանց հաւատոյ, առանց խղճի, առանց
խորհրդոյ . որք և զկրօնից հաւատոյն ճանաչեն նոքա
ոչինչ այլ՝ բաց զսպառնալիս նորա և զահն, և 'ի ծա-
ծուկս սրտից իւրեանց դժկամակեալ սրտնին . ընդէր,
ասեն, այնչափ արդարութիւն կայցէ Մտուծոյ, իսկ
ընդէր բնաւ ընդ փոքու հեշտութեանն, ընդ անհանգէպ
ինչ բերկրութեան, գեհեան սպառնացեալ է Մտուած
և հուր յաւիտենական :

Ոչ նուագունք են՝ որ զայս ասեն, մի կարծէք սիրե-
լիք, և ոչ մտացածին ինչ է . նա ճշմարիտ է, և յաճա-
խեալ ևս է : Մա հի յաւիտենական տանջանացն դան
կուտին և խռնին առ մեզ յատեան խոստովանութեան .
և վայրիկ մի աստանօր դարչին տեղի տան 'ի կրիցն, և հե-
ռացեալ մեկնին աստի՝ որպէս որ թողեալ էքցէ զգոյս
ինչ իւր՝ որ տակաւին սիրելիք իցեն իւր, թէպէտ և մա-
հաբերք : Մանութիւն բերեալ ճշգրիտ զինոջն՝ Վ ուլ-
տայ, չատեն զՈղոմ, միայն 'ի բոցակիզմանէ նորա
երկնչին և 'ի ծծմբոյն . այլ սիրտ նոցա տակաւին կա-
պեալ է ընդ Սողոմայ :

Հոգի ճշմարիտ աստուածաբանութեան մեծապէս է յոյժ սիրելիք, և առաւել դժուարագիւտ, քան զոր կարծեմք. ամենայն հանդերձանք զողջես արտաքնա- յարդարք մերոյ պաշտամանն՝ բազում անդամ գնացեալ յանկէին յառաքինութիւնս սուտս: Եւ որ ինչ միան- զամ պատուհասին արժանիք են անշիջական հրոյն, մեք զայնոսիկ միայն համարիմք յանցաւորութիւնս առ Մատուած. իսկ զայն ամենայն՝ որ միայն ընդդէմ կա- մաց են նորա, գրեմք առ ոչինչ: Եւ եթէ կամիցիմք մանր զննել զխորս սրտից մերոց, քաջ իսկ տեսանեմք՝ զի և ոչ սկիզբն մի սիրոյ և ոչ սկիզբն մի շնորհաց տայ մեզ գործել ինչ մի. և մեր աստուածն՝ զոր պաշտեմքս և յոր- մէ երկնչիմքս, գեհեանն է միայն:

Եւ արդեօք խնդրեսցէ որ աստանօր, յորոց ճշգրիտ նշանաց մարթիցէ զյուզումն աստուածային հոգւոյն՝ ի խոստովանութեան որոշել ի կրից ամօթոյն՝ որ ծնունդն է հպարտութեան, կամ ի կրից երկիւղին՝ որ բնաւ իսկ ծառայական իցէ և գերեաց սեպհական: Տաւա- սիկքեզ նշանն տպաւորեալ յանդամալոյծն պրոբատի- կեան. հարցանէ զնա՝ Բրիստոս, «Վամիս ողջ լինել», միթէ մարթ ինչ էր տարակուսել ընդ կամն ողջու- թեան բազմամեայ տանջելոյն: Սակայն զմեղաւորս հրա- հանդէ՝ Բրիստոս հարցմամբն. զի ինքնին նոքա անկեղ- ծութեամբ վկայեսցեն, եթէ ճշմարտապէս և ի սրտէ կամին ողջ լինել. մերկանալ զհին մարդն գործովք իւ- րովք և զգենուլ զնորն ուղղութեամբ վարուց բարե- պաշտութեան. քանզի եթէ անկեղծութեամբ կամին ողջ լինել, ապա ուրեմն և անկեղծութեամբ ցաւեալ է նոցա ի վերայ մեղացն:

Եւ արդ հարցանեմքեզ ո՞վ հաւատացեալդ դու. յորժամ առ ոտս քահանային Մատուծոյ դիմեալ է քո ի խոստովանութիւն, «Վամիս ողջ լինել»: Սարթիս անկեղծութեամբ վկայել զանձնէդ, եթէ ճշմարտու- թեամբ կամիս խղել զկապանսդ, որ տակաւին սնդեալ ունին գբեզ ընդ աշխարհի, ընդ մոլութիւնսդ, ընդ այս ինչ դժպատեհ կիրսդ, ընդ այն ինչ մեղանշական առիթս, և դառնալ սրտիւ առ Մատուած և նոր կապա- նօք սիրոյն յօդել գբեզ ընդ Մատուծոյ: Յուշ ածեալ քեզ զճշմարիտ ապաշխարողսն՝ որ ի հնումն և որ ի նո-

րումն . յուշ ածեալ զնոցուն բորբոքումն սիրոյն առ Մստուած , զհեծութիւնն , զարտասուան , զհառաչանսն , զվեր'ի վայր շնորհազարդեալ սրտին ամբոխել'ի դառնալն ողջոյն առ Մստուած և 'ի փոխակերպիլն յՄստուած . զի յայնժամ իբրև սաստիկ հողմով և որոտմամբ իջանէ հոգին աստուծոյ 'ի սիրտն , որպէս 'ի վերնատանն 'ի դասս առաքելոց :

“ Կամիս ողջ լինել , և հաստատուն առաջադրութեամբ ապաւինեալ է քո 'ի շնորհս Մստուծոյ , 'ի փոփոխութիւն վարուցդ , զարշիլ'ի մեղաց , հեռի կալ յառթիցն , և 'ի սրտէ ցաւել , արտասուել սիրովն Մստուծոյ ընդ առաջին յանցաւորութիւնսդ . և զճմարտութիւն ցաւոցդ և զհաստատութիւն առաջադրութեանդ ցուցանել և արդեամբք 'ի նորոգութիւն կենացդ , և 'ի կամաւոր մեռելութիւնս խաչակիրս վասն մեղացդ :

Հուսկ ուրեմն , եթէ ճմարտապէս ցաւեալ է քո և հաստատութեամբ առաջադրեալ փոխել զվարս , պէտք են քեզ հետամուտ 'ի ձեռս բերել և միջնորդս և սատարս զօրաւորս 'ի փրկութիւն անձինդ : Երաջին 'ի սատարս փրկութեան'է ընտրութիւն հաւատարիմ առաջնորդի հոգւոյ և փորձ և առաքինի հօր խոստովանութեան , որ գործակից 'ի բժշկութիւն հոգւոյդ եղիցի նա ընդ Վրիստոսի : Ետրութիւն արդարև դժուարին , սակայն և փութոյ պնդութեան պէտք են քեզ 'ի նոյն . քանզի վասն յաւիտենական փրկութեան են բանքն :

Հարցանէ Վրիստոս , “ Կամիս ողջ լինել , և իմաստուն պատասխանին անդամալուծին յայտնաբանեաց՝ զոր զարդիս ասացի . եթէ առաջնորդի պէտք են . ”
 “ Տէր , ասէ , ոչ զոք ունիմ , զի յորժամ ջուրքդ յուզիցին , արկցէ զիս յաւազանն . և մինչ էս դանդաղիմ , այլ ոք քան զիս յառաջագոյն իջանէ , ” . ապա ուրեմն՝ եթէ ունէր զոք , ոչ ինքն դանդաղէր , և ոչ 'ի բժշկութենէն անմասն ելանէր այնչափ ժամանակ :

Եւ արդ աղէ ասա . քանզի դժուարին է ընտրութիւնդ , ելնր դու երբէք 'ի խնդիր հաւատովքդ առ Մստուած՝ գտանել քեզ առաջնորդ հոգւոյդ զայր մի լցեալ հոգւովն Մստուծոյ , որ գիտասցէ ըստ ժամանակին արկանել զքեզ յաւազանն . այր մի փորձ , առաքինի ,

լուսաւորեալ յԱստուծոյ, որ բաւական իցէ որոշել զբո-
րոտութիւն 'ի բորոտութենէ, ճանաչել զվերս սրտի
քո, և ջամբել քեզ զպատկանաւոր դեղն : Այր մի ան-
շահասէր, որ ոչն խնդրեսցէ գիտել եթէ իցէն դու մեծ
լստ աշխարհի, այլ թէ իցէն դու մեղաւոր առաջի Աս-
տուծոյ, որում առաւել ազդեսցեն մոլութիւնք քո, քան
զփառաւոր անուանս շքոյ անձին քո. և որ 'ի գործ վա-
րեսցէ, զներողութիւն կամ զխստութիւն վճռոց իւրոց՝
պատշաճեալ ոչ վիճակի ճոխութեան կամ նուաստու-
թեան մեղաւորացն, այլ չափու և վիճակի մեղաց նոցա :

Այր մի նախանձախնդիր աստուծոյ. զոր ոչինչ բան
բաւական իցէ զրդուեցուցանել զնա 'ի շաւղաց ճշմար-
տութեան և 'ի սահմանէ Աստուածային սարսաւորու-
թեան իւրոյ. սակայն և ոչ խիստ և ոչ թոյլ : Հուսկ
ուրեմն, այր մի բարեգութ, որ զձէթ կակղութեան
խառնեսցէ ընդ գինին զօրաւոր. և որ ոչ հանապազ
իբրև զդատաւոր վարեսցի, այլ յուշ ածցէ և զհայ-
րական իւր պաշտօն : Վիտասցէ ըստ ժամանակին փո-
խել զձայնն. և ըստ հանձարաւոր առաքելոյն՝ ընդ ա-
մենայնի ամենայն լինել, և զամենեսեան շահել 'ի
Վրիստոս :

Այլ արդ հարցանեմ. իցէ այնպիսի առաջնորդ հոգ-
ւոյդ՝ զոր ընտրեցեր : Բաբէ, ոչ ահա որ առաւել ան-
ծանօթքն են քեզ, նոքա են միշտ քեզ առաւել յարմա-
րաւորք. որք առաւել ներողամիտքն են, նոքա են առա-
ւել ընդունակք 'ի խոստովանեցուցանել զքեզ : Վու որ
միանգամ առաջին ընդ առաջ պատահէ քեզ, նմա ան-
դէն անխորհրդաբար բանաս զվերս սրտիդ. ճշգրտիւ
նմանեալ ի իբրայի՝ ըստ աստուածային պատմութեանն.
որ առաջին ընդ առաջ ելելոյ ղևտացւոյն հրաւեր կար-
դայր. «Վիտ, ասէ, առ իս. և լեր ինձ 'ի հայր և 'ի քա-
հանայ» : Օնոյն օրինակ և դու ընտրես քեզ զնա 'ի
հայր և 'ի քահանայ խոստովանութեանդ. և իբրև
զիբա առեալ կարգես զնա պահապան և պաշտօնատար
թերախիցն քոյ և զրօշելոցն և ձուլածոյից, զոր արա-
րեր 'ի տան քում, և որոց նուիրեցեր զսիրտ քո : Ոչ
ահա դովին միայն ընտրութեամբդ յայտ արարեր, եթէ
չկամիս դու ուրեմն ողջ լինել :

Իհաւաստիկ ձեզ լիով սիրելի եղբարք իմ, պատճառք

ոյց աղագաւ չինի ինչ մեզ պիտանացու փրկաւէտ խոր .
 հուրդ ապաշխարութեան : Եւ աւասիկ ձեզ, եթէ էր ա-
 ղագաւ այնչափ դժուարադիւտք են յաւուրս մեր դարձք
 մեղաւորաց . և էր աղագաւ յայնչափ բազմութենէ կու-
 րացն , կաղացն , գօսացելոցն հազիւ զմին միայն գտանէ
 Վրիստոս 'ի բուժել . բազմահոյք նոցուն աւագիկ ան-
 կեալ կան առ մերովս աւագանաւ , և ոչ որ ելանէ ար-
 տաքս իբրեւ ճշմարիտ ապաշխարող . մերկանան մեզ ըզ-
 վէրս , բայց սրբարար ջուր աւագանիս , աւաղ , ոչ յաջո-
 ղի ապաքինել : Եւ որ . քանզի և 'ի ձերոց աղբերականց
 յաւելու պարտ է 'ի ջուրս աւագանին մերոյ : Վանզի
 և լուայք ապաքէն՝ որպէս յառաջագոյն եղի՝ զիսորդ ե-
 կեղեցի ընդ երգելն և խրատէ զորդիս իւր , եթէ
 " Եւրոասուս ապաշխարութեան աւագան լինի , և լուա-
 նայ զբազմութիւն մեղաց , :

Եւ արդ դու ապաշխարող հոգի , յուշ ածցես քեզ
 միանգամ , քանի՞օն խոստովանեալ է քո , և պակասեաց
 քեզ արդեօք լոյս քննութեան խղճին , իբրու կուրացե-
 լոցն մտօք . պակասեաց քեզ արդեօք անկեղծութիւն 'ի
 խոստովանութեանդ իբրեւ կաղացելոցն . պակասեաց
 քեզ արդեօք ցաւ և զիղջ սրտի՝ իբրու գօսացելոցն . և
 գոնեա յօրէ աստի դարձցիս առ Եստուած 'ի բոլոր
 սրտէ :

Եւ սակայն երկայնմտութիւն քաղցրութեան քո ,
 ո՞վ Եստուած իմ , բազում եղև յոյժ 'ի վերայ իմ , ապա-
 շնորհ և բազմամեղ ծառայիս . զի ոչ յափշտակեաց զիս
 մահ ցայսօր՝ իբրու զբազումս՝ յապականութեան կե-
 նաց իմոց : Եւ զի շնորհիս , զոր միայն մեծի ողորմու-
 թեան քոյ 'ի վերայ իմ գիտեմ զբաւական մեծ : Հա-
 ձեաց տէր բարեգթութեամբդ բնալ իմ առաջի ան-
 արժանիս զգանձ առատութեան շնորհաց քոց : Եւ յի-
 մէն այսօր , ո՞վ Եստուած իմ , այժմէն կամիմ ատել 'ի
 սրտէ զմեղս , սիրել 'ի սրտէ զքեզ միայն : Եւ ինձ ա-
 պիկար են կամքս , եթէ ոչ դու հզօրիչ իմ զօրա-
 ցուցես ողորմութեամբ քով , զի քեւ մենագինեալ մարտ
 եղեալ կուէցայց ընդ ապստամբութեան կրիցս , և
 յաղթական եղէց շնորհիւ քով : Տուր ինձ զխաղաղու-
 թիւն սրտիս՝ զոր կորուսի մեղօք՝ սիրոյն արտասուօք
 գտանել 'ի քեզ :

ՔԱՐՈՉ Ի Բ.



ՀԱՂՈՐԴՈՒԹԻՒՆ Ի ՏՕՆԻ ԾԱՂԿԱԶԱՐԴԻՆ



« Ասացեք դասեր Սիոնի: Անաասիկ քաղաքը շո գայ հեղ » .

Օ՛րհուտաբեր դալուստ փրկչին և զթագաւորին
անդատին՝ ի կանուխ ժամանակաց նախաձայնէին ուխ-
տադրութն Արուսաղէմի՝ պատգամք մարդարէից միան-
գամայն և երեւոնք նահապետաց, և նուէրք ողջակի
զայց, և փառաբանութիւնք օրինաց . նշանակքն ճշմար-
տութեան : Օ՛նոյն՝ ի վերջէ և հրեշտակն անապատին՝
յայտնաբարբառ մատնանիշ առնէր . զի և բնաւ իսկ
այնուհետեւ անպատասխանի մնայր Արուսաղէմ՝ ի կա-
մաւոր կուրութեանն, հիւրընկալութիւն անարժան ի
ներքս բերելով իւրում թագաւորին : Այլ բա՛ւ, այս
դալուստ հանդերձեալ, մեծահրաշ, բերկրալից, անձկա-
ցեալն, դաւանեալն՝ ի հարուստ դարուց, փոխանակ ցըն-
ծաւէտ հրճուանաց, աղմուկ առ հասարակ և շուկ և տա-
գնապ աւաղիկ ածէ անշնորհ քաղաքին, «Վարդեցաւ,
ասէ, քաղաքն ամենայն, և ասեն՝ ո՞վ իցէ սա» : Այսու
վութեամբ հարկանի Արուսաղէմ . էր աղաղաւ . . .
Օ՛ ի մտանէ անդր յաղթանակաւ այսօր աստուածորդին
թագաւոր : Վահանայք և դպիրք և փարիսեցիք վկայք
ականջալուրք և ականատեսք երգոցն ցնծութեան ռամիկ
մարդկանն և մանրիկ մանկուոյն, ի բիւրուց ծփանաց
կրից յուղեալ կոծին . ահ երկիւղի, տագնապ սրտի, նա-
խանձ ոգետանջ, տրտմութիւն հիւժիւ գրաւէ զնոսա :

(Թ)ուի իմն այնպէս՝ եթէ 'ի բռնաւորաց որ մտանէ աւար հարկանել զճրուսաղէմ՝ և ճապաղիս յորդել աւրեանց, և որպէս երբեմն՝ 'ի գերութիւն զքաղաքացիսն վարել, քան թէ թագաւոր հեզ և խաղաղարար փրկիչ ժողովրդեան և սրբարար նոցուն հեղմամբ արեանն իւրոյ : Իսկ նուազունք ոմանք յայնժամ յանմեղաց ընդառաջէն թագաւորին ընդունել սիրով զաստուածորդին :

Իհաւաստիկ ձեզ եղբարք իմ պատկեր ճգրիտ և որ առ մեզ պատահման կրիցն յաւուրս յայտոսիկ : Եւ աւաղիկ անդստին յառաջին աւուրց քառասնորդացս պահոց՝ երբէք ոչ դադարեցաւ եկեղեցի սուրբ աւետեօք նախաձայնել, եթէ մերձ կայ ահա թագաւորն փառաց, և զատիկ մեզ զենցի Վրիստոս : Երկարաձգեալ սաղմոսանուագ փառաբանութեանց եկեղեցւոյ և աղօթից զանազանութիւնք, ծնրադրութեամբք մաղթանքն, ապաշխարութեան շարականքն, և այլ ևս գեղեցիկ կրթանք, ձայնատուք մեզ լինէին գալստեան նորա, և միանգամայն յարդարիչք հոգւոց մերոց. առնուլ ընդունել զնա՝ 'ի մեզ խորհրդով սրբոյ հաղորդութեան՝ 'ի մեծահրաշ յարութեանն. քանզի և ութ աւուրքք յառաջ՝ 'ի գալստեան կիրակէին երդեցաք իսկ անձկով՝ 'ի սուրբ եկեղեցիս, եթէ “ Աւրախ լեր, ահա դայ առ քեզ խոնարհ և հեզ արքայ, . . . նստեալդ յաթոռ սերօբէից, նիստ դթութեամբ՝ 'ի մեր հոգիս ” :

Եւ արդ ահա մերձ առ դուրս անձկացեալն մեր կայ թագաւոր. զինչ արդեօք յուզմունք յորդեցան 'ի գեղեցիկ աւետեացս : Բա՛ւրէ. յոյզք խռովութեան, յոյզք միջաբեկութեան, յոյզք տրտմութեան : Եւ այր ահա տեսանէ, զի մերձ կան պարտք հատուցման քրիստոնէի՝ 'ի տիրահրաւեր պատեքին. և դառնայ հայի միանգամ՝ 'ի ներքինս խղճի մտայն. զիարդ ընդունել արժան իցէ՝ 'ի հոգիս զթագաւորն փառաց. քանզի զատիկ մեր զենաւ Վրիստոս. զիարդ սրատրաստեսցուք վերնատուն մի զարդարեալ ուտել զգատիկն :

Վանդի իւրաքանչիւր քննեալ զանձն գտանէ՝ 'ի նմա յանցաւորութիւնս բազումն բնաւորեալս, վերս և խղիւայթս բազումն հնացեալս, և տագնապի՝ 'ի խորհրդեան. զանգիտէ՝ եթէ գայ թերևս փրկիչն՝ 'ի սրտմըտութիւն բարկութեան դատել մանաւանդ և՛ 'ի պատու-

հասել, քան թէ զինքն հեզ և քաղցր տալ նմա՝ ի կերակուր : Սիայն նուազունք թուով հաւատարիմք հոգւով ընդառաջեն ժողովել զնա անձկանօք ի սիրտս իւրեանց :

Իսկ որ յոյժ արտասուելին է, զի թէպէտ և տազ նապ հոգւոյն ի վերայ կայցէ և միջաբեկութիւն ամբոխեալ խղճին, ի վերայ այսր ժտին բազումք մերձենալ առ Վրիստոս, և համարին ընդ զսարտս օրինաց եկեղեցւոյ ի զատկին հաղորդեալք նմին անմաքրապէս : Եւ միտք, որ ոչն խորհին, եթէ այնպէս առ Վրիստոս մերձենալ՝ չէ ուտել զզատիկն տեառն քան թէ ուտել և ըմպել զդատապարտութիւն անձինն . “ Դատաստան անձին իւրում, ասէ, ուտէ . զի ոչ խտրէ զմարմինն տեառն ” : Եւ արդ, սիրելիք իմ, քանի՞ն ուրեմն մեծ և կարեւոր իցէ առաջարկութիւնս՝ յանդիման առաջի զնել ձեզ այսօր հրահանգս իմն ազգոյս և պատրաստութիւնս ընդունել արժանապէս զանմահ և զաստուածային խորհուրդն . որպէս զի մի եկեցցէ Վրիստոս այց առնել ձեզ՝ որպէս երբեմն Երուսաղէմի՝ ի դատապարտութիւն ձեր և ի կործանումն, նախագոյժ լինելով եթէ “ (Թ) չնամիք քո պատեսցեն և յատակեսցեն զքեզ ” : Ո՞ր ուրեմն իցեն պատրաստութիւնք մեր յարժանապէս ընդունելութիւն անմահական սեղանոյն . երկու ինչ ի գլխաւորացն և ի յոյժ կարեւորացն առաջի եղից սիրելեացդ : Եւ ապա երրորդ զանհնարին յանցաւորութենէն քանս ճառեցից զանարժան զսեղանակապուտ հաղորդութեանցն : Եւ եղիցի մեզ այս ողջոյն ի նիւթ սերկեան քարոզիս : Ունկնդրութիւն ուշով և անձկանօք խնդրեմ ստղաբեր կարեւորագունի առաջարկութեանս :

ՄԱՍՆ Ա.

Սինչ չե սկիզբն տուեալ բանիս, զայն ինչ ի կարճոյ ազդեմ սիրելիք, եթէ ի յասել անդ իմում՝ զի բազումք անմաքրապէս մերձենան առ Վրիստոս՝ պարտապանք եղեալք մարմնոյ և արեան տեառն ըստ առաքելական

ահագնաձայնութեանն, չեն իմ բանք վասն ամբարը տելոցն այնոցիկ, որ լիրբք և անպատկառք՝ նզովելին իւրեանց անհաւատութեամբ գնան մերձեանան առ ոտն կոխել զարիւն նորոյ ուխտին անհնարին սեղանակապտութեամբ: Եւ իմ բանք և վասն ապականելոցն այնոցիկ, որ ոչ ՚ի մաքուր և յանկեղծաւոր հաւատոյ խորհրդոյն մերձին ՚ի սեղանն սրբութեան, իբրու քօղ արկեալ ահաւոր խորհրդոյն զանմաքուր հոգւոյն իւրեանց պղծութիւն. և խնդրեն մանաւանդ լինել ամբարիշտք՝ քան երևել անկրօնս: Ո՛վ, շանթից պէտք էին այնպիսեաց քան կշտամբանաց. և եթէ կշտամբել ևս պարտ էր, զմեծի առաքելապետին արժան էր ՚ի դէմն ածել նոցա, որ առ Մանիա և առ Սաիիրա: Եւ յսակայն յոյս իմ հաստատուն առ քեզ, ո՛վ տէր. եթէ և ոչ զոք յիմոց աստի ունկնդրաց այսօր տեսցեն աչքքո իբրու յայդպիսեաց այտի հրէշից սոսկալեաց՝ որդւոց անիծից. և ոչ դարձեալ ՚ի սոսա Քար որ ծածկեալ կայցէ աստանօր ՚ի խորանն Իսրայելի:

Եւ արդ իմ բանք առ նոսա են միայն, որ ՚ի լրումն ողջոյն տարւոյն՝ զոր անցուցին ՚ի բերկրութիւնս և ՚ի մեղկ կեանս, և գնան առ ոտս հօրն խոստովանութեան իւրեանց մինչև մերձեալ առ սուրբ խորհուրդն. որոց թէպէտ և խիղճ մտացն ոչինչ ստգտանիցէ զնոսա յազապս նենգութեան սրտի կամ կեղծաւորութեան ինչ. ՚ի վերայ այսր՝ յանցաւոր և պարտապան կացուցանեն զանձինս մարմնոյ և արեանն տեառն: Վանդի մերձին առ սեղանն սուրբ, տարեալ միանգամայն ընդ իւրեանս զգթսհի և զանկարգութեան զկիրսն, և խիղճ մըտաց այնպիսի, զոր յաւազանին ապաշխարութեան՝ փոխանակ մաքրելոյ աղտեղեալ իցեն: Եւ առ ՚ի խելամուտ լինել, եղբարք, եթէ և ձեզ արդեօք զանգիտել սպրտ իցէ կամ ոչ, մի թերևս և դուք ինքնին իցէք ՚ի պղծողաց անտի սրբութեանցն, շատ է գիտել, որ իցեն բուն և տիրական պատրաստութիւնք առ հաղորդութիւնն սուրբ. և զնոյն հրահանգսն ապա այր այր մերձեցուցեալ յինքն՝ դատեսցէ զանձն: Եւ ամենայն պատրաստութիւնք առ աստուածահրաշքործն՝ պարազրեալ կան յայն հրահանգ աստուածայնոյն՝ Պաղոսի, որ ասէ. «Փորձեսցէ մարդ զանձն իւր, և

ապա 'ի հացէ անտի կերիցէ և 'ի բաժակէն արբցէ , :
 Եւ արդ միտ դիք , զի հոգի մարդոյն 'ի փորձել զանձն՝
 ոչ միշտ ճանաչէ զներքինս իւր . և զի փորձել զանձն՝
 վեր 'ի վերոյ հասարակ կարգաւ ոչ այլ ինչ է , բայց հաւ-
 տատիլ մնալ 'ի խաբանս և 'ի կուրութեան իւրում :
 Սակայն և փորձն զոր աստէն խնդրէ առաքեալն , ոչ այն-
 չափ ինչ դժուարին է 'ի կատարումն . և նոքա միայն եր-
 կիցեն յանձնամասն խարդաւանաց 'ի խորհուրդս՝ որք մի-
 անգամ մտադիւրն կամիցին 'ի խաբանս լինել :

Վանդի խնդրէ աստ գիտելնախ , իցէք դուք յանկեղ-
 ծաւոր մտաց դարձեալք առ Մատուած . և 'ի կիրս ձեր
 հնացեալս ոչ միայն յօժարեալ չիցէք այսուհետեւ , այլ
 դէժ և սկիզբն տուեալ ուղղութեան նոցա ապաշխա-
 րութեան ինչ կրթանօք : Երկրորդ անգամ , եթէ այ-
 սուհետեւ նաեւ անձուկ մի վառեցաւ 'ի սիրտ ձեր միա-
 նալ ընդ Վրիստոսի , փորձ փորձելով ձեր զփոփոխու-
 թեան ինչ վարուց , փորձ զսիրոյ ապաշխարութեան ,
 փորձ զեռանդան բարեպաշտութեան . “ փորձեսցէ ,
 ասէ , մարդ զանձն իւր . և ապա 'ի հացէ անտի կերիցէ
 և 'ի բաժակէն արբցէ , : Եւ արդ՝ առաջին 'ի փորձ
 փոփոխութեան վարուց . . . եթէ արդեօք այդախի
 վեր 'ի վերոյ ապաշխաւանօքդ չգտեր դու միւսանգամ
 զկորուսեալ շնորհադ զարբութեան և զարդարութեան ,
 եթէ տակաւին 'ի մահու կաս և 'ի մեղս , գիտեա զի
 'ի սեղանոյն Վրիստոսի խափանեալ կաս : Ենդանեաց
 է սեղանս այս , կենդանի պարտ է լինել հոգւոյն յաջս
 Մատուծոյ՝ առ 'ի կերակրել 'ի սմանէ : Որդւոց հարազա-
 տաց է սեղանս այս , չէ օտարախորթիցն . թշնամիք
 անարժան են այնմ . ակն պատուական է սա և մարդաւ
 րիտ աւետարանին . ոչ արկանի առաջի անմաքուր կեն-
 դանեաց : Եւ արդ հայեաց 'ի քեզ , մերձիս դու առ
 սեղանն սուրբ և մաքուր խղձիւ . իցէ՞ քո սիրտ փոխեալ
 և յապաշխարութիւն յօժարեալ . իցէ՞ քո դարձն առ
 Մատուած ճշմարիտ և անկեղծ : Եւ այլ տուք ինձ 'ի ճիշ-
 դրրտութիւն բանիս , 'ի քնին մտանել վայր մի : Եւ արդ
 յարուցեալ երթաս դու խոստովան լինել զմեղս քո առ
 ոտս քահանային : Չքննեմ ես առ այժմ՝ զքոյ ընտրու-
 թիւնդ վասն հօր խոստովանութեան քո , եթէ ար-
 դեօք 'ի խնդիր ելեալ իցէ քո այնմ՝ որ ոչն իցէ առա-

ւել խիստ և անաչառ : Վրանգի և այդ խստութիւնդ՝ մերոյ պաշտամանս սիրոյ 'ի ճահ ոչ դայ . և որ առաւել խիստն է , չէ միշտ առաւել սուրբ և ոչ առաւել գիտնական : Բայ զայն քննեմես , եթէ արդեօք խնդրեցեր քեզ հայր խոստովանութեան քո զայն որ առաւել աստուածապաշտն իցէ և առաւել գիտնաւոր և առաւել փորձ 'ի դարձուցանել զմեղաւորս . որ զամենայն դեղ դարմանոյն հանդերձեսցէ քեզ՝ ուշ եղեալ քաջիկ քոյին պիտոյիցդ և կարեաց , որ ըստ վարուցդ , որ ըստ գնացիցդ յամենայնի , որ ըստ պաշտամանդ , որ ըստ կրօնիցդ . մինչ զի յետ խոստովանութեանդ մեկնեսցիս դու 'ի նմանէ աներկեւան ցնծութեամբ , և ոչ անստուգութեամբ ամբօխեալ խղձի և կիսակատար դարձի առ Բստուած որպէս յայլ խոստովանութիւնսդ : Չառնում դարձեալ և զայն 'ի քնին , եթէ զիարդ իցէ քո անաչառ քննութիւն խղձիդ 'ի մեղսդ , որ բանիւ , որ գործով , որ խորհրդով . արդեօք ըստ լուսոյ հաւատոցդ՝ եթէ ըստ նախադրաւ դատմանց աշխարհի և ըստ կանխակալ թելորութեան կրիցդ : Սակայն հարցանեմ . ասա՛ ինձ ո՛վ սիրելի . գնաս դու անդ առ ոտս քահանային թօթափել թողուլ զմեղս քո . այլ արդեօք թօթափեցեր և զկիրս քո : Եւանես յատենէն առեալ զարձակումն , այլ արդեօք ելանէն անտի և արդարացեալ : Վնաս դու արդեօք անդր ճմարիտ ցաւով մեղացդ գործեցելոց , և անկեղծ առաջադրութեան անձինդ յապագայս , նորոգել 'ի կեանս հողոյդ և սրտիւ մերձենալ առ Բստուած և սիրել զնա 'ի վեր քան զամենայն . ընդ զամենայն զպարտսդ այնուհետեւ որ առ Բստուած , որ առ բնկերն , որ առ անձն , որ առ ամենայն հպատակեալսդ : Ի մտի հաստատեալ է քո արդեօք ճմարտութեամբ 'ի բաց փախել այնուհետեւ յառթից այտի մեղաց , յայն ինչ բարեկամութենէդ , յայն ինչ մտերմութենէդ , որով յանցեար բազում անգամ յատելութենէ այտի , յոխաւ կալութենէդ , 'ի չար սովորութենէ անտի վատնողաւ կան խաղուցն որ զտուն քո քակեաց , յանչափ զբօսասիրութենէդ որ զուրք քո կապտեաց : Եւ համբուն աւել , իցե՛ս դու այժմիկ նորաստեղծեալ արարած , կամ թէ զանուն միայն կենդանւոյ տարցիս դու յաչս մարդկան , մեռեալ զոլով քո արդեամբք առաջի Բստուծոյ :

Եւ իցէ՞ արդեօք՝ ի տուն հողւոյ քոյ մտեալ՝ Քրիստոս անմահ հաղորդութեամբն՝ ասել որպէս երբեմն առ Օակքէոս, եթէ՞ « Եւսօր եղև փրկութիւն տանս այսմիկ » :

Եւ զիւրդ յաջողեսցի քեզ այս, ո՛վ սիրելի. որ յետ վեր ի վերոյ քննութեան խղճիդ խոստովանեալ քո և արձակեալ և հաղորդեալ, յանցանել առուր սրբութեան զատկին, դու այն ես՝ որ ինչ էիրն : Եւն ինչ ընդ օդս ասացեալ բանքս. քո ինքնին գողցես միշտ ըզփորձս առեալ է՝ ի կեանս քո յառուրս անցելոց զատկաց : Բա՛բէ. զինչ պարտ իցէ կոչել զայդչափ փութով դառնալն յառաջին դնացսն, և իցէ՞ այդ արժանապէս մաքրութեամբ ուտել և ըմպել ի մարմնոյ և յարենէ՝ որդւոյն Եստուծոյ, և ոչ մանաւանդ պարտապան լինել մարմնոյ և արեան տեառն : Եսեմ ես եթէ մինչդեռ եմք ի մարմնի աստ, ճաշակելով միանգամ յանմահական սեղանոյն, անմեղանչականք դարձցուք ի լինել. այս երկնաւորին պահեալ կայ հանդերձեալ կենացն. այլ թէ արժան էր յետ ընդունելութեան աստուածային դեղոյն, ոչ ևս այնուհետև ծանրանալ ի հիւանդութենէն իբրու զառաջինն, այլ յառողջութիւն անդր օր յօրէ վերադառնալ : Երժան էր, որպէս խրատաբանէր Ռերանն ոսկի, յետ ճաշակելոյ ի սեղանոյն սրբութեան, արժան էր, ասէ, քեզ ո՛վ մարդ, առաւել հզօրանալ ընդդէմ հրապուրից զգայութեանցդ, առաւել արթնանալ ի վտանգս, առաւել մեկուսի կալ ի տեսութեանցդ, որ գերեցին երբեմն զսիրտ քո, արժան էր քեզ առաւել վառիլ ի սէր առաքինութեան և ի լրումն պարտուցդ, արժան էր կնքեաց ի վերջէ Ռերանն օսկի, արժան էր՝ արեանն Վրիստոսի որում հաղորդեցար՝ զօգի իւր և զիղձս և զխորհուրդս ազգել շնչել ի սիրտ քո, և յինքն զլստալին փոխակերպել զքեզ. զոր օրինակ, ասէ, արիւն թագաւորաց և ինքնակալաց խաղայեալ յերակուսս որդւոյն արքայազարմից զբաջութիւն արութեան նախնեացն և զմեծանձնութիւնն հաղորդէ նոցա. ի նոյն և իմաստս վէհս արժանիս զարմին նոցա շնչէ ի նոսա. սապէս և քեզ հաղորդելով Վրիստոսի արժան էր սրտակեր կենդանի լինել Ռերանն Վանդի. Եւ ուտէ, ասէ, զմարմին իմ և ըմպէ զարիւն իմ, նա յիս բնակեսցի և ես ի

նմա „ . Ես 'ի սրտի նորա օթեւման ինձ հաստատուն հանդերձեցից, և միութեամբ անքակտելի միացայց ընդ նմա : Եւս 'ի վերայ բերեն հարքն սուրբք, եթէ որ ընդունի զՔրիստոս հաղորդութեամբ, և ոչ պահէ զնա յինքեան , 'ի խաչ հանելով այնուհետեւ զմարմին իւր կարեօք և ցանկութեամբք հանդերձ , և ոչ բնակէ 'ի նմա՝ սիրելով միշտ զնա 'ի վեր քան զամենայն , այնպիսին ուրեմն յայտ է՝ եթէ չընկալաւ երբեք զՔրիստոս հոգևորապէս 'ի հաղորդութեանն :

ՄԱՍՆ Բ .

“ Գործեսցէ մարդ զանձն , պատուիրեաց Եւաքեան , և սպա 'ի հացէ անտի կերիցէ „ : Եւ արդ փորձեալ ձեր առաջին զփորձ փոփոխութեան վարուցդ հանդերձ ապաշխարութեան կրթանօքն , փորձեցէք երկրորդ ան զամ զանձինս , տեսէք անաչառ , որ պատճառք որ եռանդ ըն ածէ ձգէ զձեզ 'ի հաղորդութիւն անմահ սեղանոյն : Երդեօք անձուկն ձեր և ցանկութիւն զղմամբ ընդունելոյ զՔրիստոս և միանալոյ ընդ նմա , եթէ և այլ ինչ : Եւս 'ի նա աւանիկ բաղումք 'ի հաւատացելոյ 'ի մերձենալ առուրց զատկին յընդունելութիւն Քրիստոսի , առուրք ցնծութեան հոգւոյ և բերկրապատար սոճախումբութեան , բաղումք ասեմ վարանին , դեղւին , միջաբեկին , փոխան ցնծութեան , տրտմազգեացք են . թախծեալ գնան արդարեւ իբրու զպատանին զաւետարանին զմերձեցեալն առ Քրիստոս . քանզի լուաւ 'ի տեառնէ զմերկանալն յամենայնէ և այնպէս զհետ զնալ և միանալ ընդ նմա : Եւս 'ի սակայն 'ի կարի մերձենալ առուրցն , քանզի և խղձեն յանձինս և անդատապարտ չմարթին կացուցանել զանձինս անսաստեալք եկեղեցւոյ օրինացն , գէթ միանգամ 'ի տարւոյն ընդունել զՔրիստոս , լրումն տալով սարտուց քրիստոնէութեանն , ապա իբրեւ բռնի ձգին բարձին 'ի հարսանիս հոգևոր սեղանոյն , արդարեւ իբրեւ զկաղան զայնոսիկ , զխեղճն , զկոյրսն զաւետարանին , ժողովեալս մուծեալս 'ի գոեհաց և 'ի փողոցաց . այս է 'ի հեշտալեաց աշխարհի և 'ի բազմադէմ կրից

նորա : Ո՛վ անմահ Մատուած , և պէտք ինչ իցեն քրիստոնէից մեծասաստ հրամանաց առ 'ի մերձեցուցանել զնոսա գէթ միանգամ յամին 'ի սեղան սրբութեան քո և անմահական սիրոյ քոյ : Ո՛վ , քանի՞օն իցէ խտիրն ընդ դարս յեանոցս և ընդ առաջնոցն , յորժամ անդ նախնիք մեր քրիստոնեայք զօրհանապաղ կազմ էին և սլատրաստք ասանջական Վրիստոսին լինել խորհրդոց : Ո՛րք ինչ էր արդեօք նախադուշակ լինել աւուրցս մերոց՝ յորս սպառնալիք եկեղեցւոյ սահմանեալ կայցեն , ոչ եթէ 'ի բաց քեցել վարել զթնամիս իւր կամ զանհաւատս 'ի սեղանոյն սրբութեան , այլ առ 'ի ձգել ածել զնոսին իսկ զհաւատացեալս , զորդիս իւր և զհարազատս , 'ի նոյն սեղան : Եւ այն զի՝ որ սեղան առաւել բերկրական կայցէ առ մեզ հաւատացեալս . որ քաջալեր մեզ առաւել քաղցր 'ի վշտալից կենցաղումն , որ մխիթար առաւել հզօրիչ 'ի պանդխտութեան մերում տառապանօք 'ի հովտիս տրտմութեան . որ դեղ դարմանոյ հանապազօրեայ բուժիչ ախտից և թշուառութեանց մերոց , և որ մեզ տիեզերական աղբիւր ամենայն բարեաց 'ի լրումն ամենայն պիտոյից մերոց :

Եւ ասէք ինձ դուք . “ Ղաւարիտ են բանքդ , և ամենաճշմարիտ , այլ սակայն որչափ մեծահրաշ է սեղանն , այնչափ և գերակատար պատրաստութեանց պէտք են ” : — Վաջէ : Եւ զպատրաստութիւն զայդ , սիրելիք ըստ կարի ձերում՝ որպէս կանխեցաք հրահանգեցաք նախ առ 'ի ձէնջ հողացեալ , ինքնին այնուհետեւ ընդունելութիւն խորհրդոյն մեծապէս արդասաւորութեամբ կատարեսցէ 'ի սիրտս ձեր : Վանգի ճաշակելով միանգամ զՎրիստոս , որպէս ինքն ասաց , այնուհետեւ կեայք 'ի Վրիստոս . “ Որ ուտէն զիս , ասէ , և նա կեցցէ վասն իմ ” : Ղաշակելով քո միանգամ ըդ Վրիստոս , 'ի բաց առաւել յայնժամ քեցեսցես յաշխարհէ զանձն , արհամարհեսցես զամենայն անցաւորս , առաքինութեանց օթեւլան յարդարեսցես զանձն : Եւ անշուշտ , ո՛վ սիրելի , ստէպ յայս սեղան մերձենալով քո , նորոգածին ճաշակ քաղցր կալցիս դու 'ի քեզ զազօթից միաբանութեան . ճաշակ քաղցր երբէք երբէք զմիայնութեան քո և զլուութեան . և ճաշակ քաղցր

զկատարման ամենայն պարտուց քրիստոնէութեան քո :
 Ղաշակեցէք, ասէ, և տեսէք, զի քաղցր է տէր : Եւ
 պատուանդանի սեղանոյս առեալ քո զերկնաւոր զհացն,
 զօրացիս զքանկելապէս ՚ի հոգիդ . դու ես այնուհետեւ
 մարդարէն, որ զօրութեամբ հրաշագործեալ կերակրոյն
 ընթացիս հասցես մինչև ՚ի լեւոն Եստուծոյ ՚ի Վա-
 րեք, ուր և տեսութեանն արժանացիս Եստուծոյ :
 Եւ լաւ զօրացեալ ՚ի դիմի հարցիս վտանգաց, ապրեա-
 ցիս յառթից մեղաց, յաղթեսցես և քումդ անձին : Եւ
 համբուն ասել միանգամ արժանապէս հաղորդութիւնն
 արժանի յարդարեացէ, զբեզ և այլոց ևս նուագայն հա-
 ղորդութեան : Որչափ առաւել հեռի կայցես ՚ի նմանէ,
 այնչափ առաւել հովասցիս ՚ի Վրիստոսէ . այնչափ առա-
 ւել անկեցեն կիրք, այնչափ առաւել յօրացի ՚ի բեզ
 մարդն մեղաց, և այնչափ առաւել փորրկասցի Վրիստոս
 ՚ի սրտի քում : Ուստի և պատեքականա այս հաղորդու-
 թիւնք անպիտանք եղիցին հոգւոց այնոցիկ աշխարհա-
 սիրացն, որ միայն յառաջ հանդիսիս մեծի մերձեսցին
 առ Վրիստոս բռնադատեալք ՚ի հրամանէ : Եւ իցե-
 թէ որպէս անպտղաբերք, նոյնպէս և անդատապարտք
 արձակեսցին : Յուշ ՚ի դէպ ժամուս ինչ մի կամիմ
 ածել սիրելիք : Վանի արք աւագը և իշխանք մեծա-
 մեծք, նաև զլուիք թագազարդք . քանի որեար և ՚ի
 հաւատացելոց բարեպարիչաք և խաչակրօնք, աս-
 տուածային նախանձու, կենդանի հաւատով յարու-
 ցեալ հատին զանդունդս ծովուն մեծապէս վշտակրու-
 թեամբ, տառապեցան և ՚ի ցտնարի, մինչև զնալ հա-
 սանել ՚ի վայրս սրբութեան տնօրինականաց փրկչին,
 անդանօր երկիրպաղանել համբուրել զհետս ոտից զԵս-
 տուծոյ մարմնացելոյ : Եւ ահա լսէին նոքա անդ, աստ
 երբեմն զերեսուն և եւթնամեայ անդամաւոյծն բժշ-
 կեաց տէրն . աստ նա յարոյց զՎազարոս . աստ նա չրջե-
 ցաւ . քայլեաց ՚ի վերայ ծովուն . աստ սաստեաց հոգմոցն
 և ալեաց, աստ ընկալաւ մկրտութիւն ՚ի ձեռաց կարա-
 պետին իւրոյ, և զՅորդանանու ջուրն սրբեաց . աստ
 այլակերպեալ երեւցաւ ՚ի սուրբ լերինն . աստ նա ըն-
 կալաւ քառեաց զմեղաւոր կին քաղաքին . աստ վարեաց
 եհան նա զսրժողոն տան հօր իւրոյ . աստ ՚ի վերնատանն
 բաշխեաց նա զմարմին իւր և զարիւն . և որ այլ ևս :

Եւ ապա յայս ամենայն պատմութիւնս ուխտաւորքն զերջանիկ երկիրն թանային արտասուօք սիրոյն և հաւատոյն իւրեանց, և ոչ հանդարտէին թողուլ մեկնիլ ՚ի վայրաց անտի. վայրք անմահ յիշատակարանք գործոց և խորհրդոց և հրաշից աստուածորդւոյն:

Եւ արդ բաժնէ եղբարք, որպէս աղաղակէր Քերանն ակի, չեն մեզ պէտք հատանել անցանել զծով, չեն պէտք չարչարիլ ՚ի ցամաքի. ոչ ահա երջանիկ կարգայր դուք զայնոսիկ որ հասեալք տեսին զվայրսն զայնոսիկ, և որք յաւուրս փրկին ՚ի քղանցս միայն հանդերձից նորա մերձենալ կարացին: Բայց դուք այժմ ոչ տեսա՞նէք զնա միայն, այլ և մերձիք, այլ և շօշափէք, այլ և ընդունիք ՚ի ներքս: Ի միջի ձերում կայ, զոր կամ չըճանաչէք կամ չկամիր ճանաչել. ահա հետք օտից աստուածութեան նորա. ահա սուրբ և աստուածային յիշատակարանքն, զոր ՚ի տեսանել յայնչափ հեռաստան վայրաց ընթանային և ընթանան:

Եւ կայք եղբարք մերձեցուք առ սեղանս սրբութեան. չեն այսոքիկ վայրք նուիրականք առ ՚ի կոխելոյ և եթ օտից աստուածորդւոյն. այլ կնքնին նա բովանդակ անձամբն միշտ կայ աստէն: Եւ ասացուք և մեք ձեզ. աստ աւագիկ Քրիստոս հաշտ առնէ զանառակ որդին և ՚ի սեղան իւր բազմեցուցանէ զնա, աստ նա բռնէ զհիւանդութիւն տեղատեսին՝ զապստամբն ՚ի հնարից դեղոց, աստ նա յանիրաւութենէն քաւէ զմարտաւորն, և խաղաղութիւն յորդէ ՚ի տուն հոգւոյ նորա, աստ նա զօր ամենայն յաղեցուցանէ զբազմութիւն քաղցելոցն հրաշագործեալ հային, զի մի նքթիցին ՚ի դժուարին ճանապարհին առաքինութեան: Եւ առհասարակ շուրջ զսեղանովս կան յիշատակարանք արձանագիրք միոյ միոյ ՚ի հրաշից աստի տերունւոյն:

Եւ ապա այս ամենայն բարեմասնութիւնք ոչ հզօրացին, եղբարք, վառել բորբոքել զսիրտս մեր, և անձկով տարփման հառաչել միշտ առ Քրիստոս, ընդունել զնա ամենայն սիրով ՚ի հոգիս, մարբեալ և յարգարեալ իբրեւ ՚ի վերնատունս սուրբ զարդարեալ ՚ի վայելչապէս ճաշակումս գառին Նստածոյ: Ո՛վ որչափ մեծապէս է պարզեն. և դուք զպատեքին զպարտս, իբրու սղատարկութիւն համարիք դժուարաբանալի: Սա

կոչուներ է ճշմարիտ սիրոյն և անձառ մտերմութեանն (Յիսուսի, և դուք իբրեւ պարտս իմն բարեմարդկութեան գրէք զսա : Սա սեղան է որդւոց հարազատաց, և դուք իբրեւ 'ի ծառայից ումանք և 'ի գերեաց այնպէս 'ի բացէ կայք 'ի սմանէ : Ս' ա՛շ, եթէ օրէնք եկեղեցւոյ թողեալ էր զձեզ յազատութեան ձերում, և ոչ պատուիրանաւ ստիպեալ զձեզ, և յորդորակ միայն 'ի ներքս բերեալ էր ձեզ առ յիշատակէ հանդիսի աւուրն ըստ հարկի պիտոյից հոգւոյ իւրաքսնիւր հաղորդել աստուածային խորհրդոյս, ամէն ասեմ ձեզ, սեղանն Վրիստոսի 'ի բարեզարդութեանն անշուշտ խրթնացեալ էր առ սակաւութեան բազմականացն . և մեք պաշտօնեայքս Վրիստոսի զխորանս սրբութեան տեսանէաք այսօր լրքեալ ամայի :

Իսկ արդ եթէ միայն 'ի բռնադատութենէ և առ ահի լցեալ է այսօր եկեղեցիս 'ի ճաշակումն գառին Ղստուծոյ, զի՛նչ այն շնորհք իցեն պատեքական մեծահրաշ խորհրդոյն . ո՛չ ահա . . . (սոսկումն գնայ ընդ ոսկերս) . . . ո՛չ ահա խեթք անհնարինք այնուհետեւ իցեն յազադս անարժան սեղանակապուտ հաղորդութեանց : Եւ եթէ աստուածային առաքեալն առ իւրովք ժամաւ նախօրն բողոք առեալ ողբայր և զախտից և զհիւանդութեանց կիրս և զյանկարծահաս մահունս ընծայէր անարժան հաղորդութեանցն, “ Ս' ասն այսորիկ, ասէ, են իսկ 'ի ձեզ բազում հիւանդք և ախտաժէտք . և շատք ևս այն են որք և ննջեցեալք իսկ իցեն ” : Եւրդ եթէ 'ի դարուն իւրում ողբայ առաքեալն, յորում ժամանակի աստուածային հաղորդութիւնն մարտիրոսս այնչափ յորդէր յեկեղեցի, քան սեղանակապուտս, և ընդ եկեղեցւոյն Սորնթոսի ողբայր՝ որ զարդարեալ էր մարգարէիւք և վարդապետօք և սքանչելագործ արարէք, և պատճառս արկածից և պատուհասի գրէր զանարժանութեամբ հաղորդելն յայնժամ, մեք զի՛նչ ասասցուք վասն պատճառի մերոց պատուհասիցն՝ որ 'ի դժուարին ախտից մարմնոյ, և որ յարկածից արտաքնոց, և որ 'ի յանկարծահաս մահունց . զի՛նչ ասասցուք վասն մերոյ ժամանակիս անարժանիցն որ յեկեղեցւոյ և որ յաշխարհիկ կարգէ : Եւր այր ապա յուշ անձին արասցէ, եղբարք իմ, անաչառ զկիրս ներքինս զհոգւոյն, քանզի և

“Այդ դիտել զմարդոյն, եթէ ոչ հողի մարդոյն որ 'ի նմա”։ “Ատիցէ այր ուրեմն 'ի խորութիւն սրտի իւրոյ և բարձր եղիցի Աստուած”։

ՄԱՍՆ Գ.

Այդ ուրեմն եկեալ հասար այժմ զվերջինն 'ի ներքս տալ սիրելեացդ զառաջարկութիւն քարոզիս, զանհնարին յանցաւորութիւն մեր ասեմ յանարժան հաղորդութենէն։ “Ատիցէ, ասեմ, այր 'ի խորութիւն սրտի իւրոյ”։ Քանզի եթէ դիտակ իցէ անարժան հաղորդութեանն իւրոյ, որպէս և է իսկ. զինչ այնուհետեւ չնորհչք, որպէս ասացի, զինչ շուք արժանաւայել իցէ մեծահրաշ հանդիսի պատեքին. մանաւանդ եթէ որ այն դատապարտութիւն մեծ ոչ իցէ այնպիսի հաղորդելոյն։ Անկն դիք վայր մի, աղաչեմ. զինչ Աստուած ինքնին սրտառուչ գանգատի 'ի բերանոյ մարդարէին. “Այն ինձ այլ, ասէ, մի ինձ յիշիցէք զաւուրս տօնիցն Ասրայելի”։ Այ հանդարտեմ, ասէ, տեսանել զժողովուրդն զայն, որ յաւուրս տօնից իւրեանց մերձին առ ոտս սեղանոյ իմոյ՝ նուիրել զնուէրս իւրեանց. ոչ մերձին նորա 'ի փառաւորել զանուն իմ. ոչ հաճիմ ես ընդ խունկս նոցա և ընդ զոհս նոցա. և ոչ այդ ամենայն մոռացուցէն ինձ զանօրէնութիւնս նոցա. քանզի “սրբութեան սեղանք իմ ամենայն լի են պղծութեամբք”։ “Եւ պղծեցան սրբութիւնք իմ, և զսուրբն 'ի պղծոյն ոչ ընտրէին. և զշաբաթս իմ պղծէին 'ի միջի նոցա”։ Եւ այս յայնժամ, յորժամ ստուերականք էին ամենայնս և օրինակք մերոյ սեղանոյս. քանի՞ն ուրեմն առաւել իցէ դատապարտութիւնն 'ի պղծել զձմարտութիւնն։ Ո՞ր ձայն ահաղին առաւել կայցէ, քան զոր աստուածայինն դուժեաց առաքեալ յաղաղս անարժանութեամբ հաղորդելոցն. “Պարտական, ասէ, եղիցի մարմնոյ և արեան տեառն”։ Քանզի զոր օրինակ ողջակէզ պատարադի խաչին Քրիստոսի որ 'ի Վողգոթա, զօրհանապաղ նորոգի 'ի վերայ սեղանոյ մերոյ, այսպէս և որ միանգամ անարժանութեամբ մերձին 'ի նա մեղաւորք, միւսանգամ

ի խաչ հանեն անձանց զորդին Մատուծոյ, որպէս կրն-
քեաց նոյն առաքեալ. և այն դժնդակագոյն ևս հան-
գամանօք քան զխաչելութիւն նորա յայնժամ ՚ի Վող-
գոթա :

Վանգի առաջին, եթէ գիտացեալ էր Հրէից ըզ-
տէրն փառաց, որպէս վկայեաց առաքեալն, ոչ արդեօք
ի խաչ հանէին զնա : Վանգի ոչ իբրեւ ընդ տէրն փա-
ռաց, քան թէ ընդ որդւոյն Սարիամու և Յովսէփայ մօլե-
զնեցան նորա. ոչ իբրու ընդ Մատուծոյ, քան թէ իբրեւ
ընդ մարդոյ մոլորեցուցչի և թշնամւոյն Սովսէսի և օրի-
նացն նորա : (Ի) Եպէտ և աննեբելիք էին յանցանքն և ան-
պատասխանիք յաստուածագործ հրաշիցանտի, ի գերաշ-
խարհիկ վարդապետութենէն, յամենամաքուր սրբու-
թենէ տեառն Յիսուսի, ՚ի լրմանէ ամենայն մարդարէ-
ութեանցն. ՚ի վերայ այսր՝ շրացեալք նախանձու ոչինչ
ընդհատ ցուցին զնա ՚ի սուտ մեսիայիցն որ վայր մի
յառաջ վեր ՚ի վայր արարին զՀրէաստան, զի և ՚ի խաչ
հանելով զնա կարծէին մանաւանդ փառս տալ Մատուծոյ,
պաշտպան կացեալ օրինացն Մատուծոյ և պաշտաման
նորա :

Բայց դու ինձ ո՛վ քրիստոնեայ, որ մերձիս ՚ի սեղանս
սրբութեան ընդունել զՔրիստոս, դու քաջ գիտես և
ճանաչես զտէրն փառաց, քանզի և քօղք նշանակաց
խորհրդոյն ՚ի ծածկոյթ նորա յաչաց հաւատոյն քո
ոչ ծածկեն զնա. գիտես զնա տէր փառաց անմահից,
որդի բարձրելոյն Մատուծոյ, թաղաւոր տիեզերաց,
փրկիչ ազգի մարդկան. և զայս ամենայն գիտելով չափ
գաս մօտիս առ նա առ ՚ի թշնամանել զնա, մահ նմա
առթել ՚ի մարմնի քում, մահ առաւել դառնաղէտ և
խաչ առաւել անարգ քան զՎողգոթային : Վո՞հա-
րուածքդ՝ զոր հարկանես՝ ուշ նպատակի ունին զՄա-
տուած. և չիք քեզ պատասխանի այլ ՚ի չքմեղս լինել,
բայց կոչելով զայդ քո յանցաւորութիւն՝ մորոսութիւն
անլուր, մօլեզնութիւն դիւաբախ, յանդգնութիւն աս-
տուածամարտ, քան զոր չիք ինչ այլ առաւել սարսափ-
մամբ զմտաւ ածել :

Երկրորդ անգամ, յորժամ Հրէայք ՚ի խաչ հանին
անարգանօք, Յիսուս չեւ էր փառաւորեալ, Իսկ այսօր
դու քրիստոնեայ ՚ի վիճակէ փառաց նորա իբրու մեր-

կեղ խնդրես զնա, տաս նմա իջանել յաջմէ փառաց հօրն
 Մատուծոյ 'ի միւսանդամ անարդանս, 'ի միւսանդամ
 նշաւակութիւն, անարժան հաղորդութեամբդ զորդին
 Մատուծոյ առ ռոն հարկանելով և զարին նորոյ ուխտին
 խառնակ համարելով: Տէր Հիսուս 'ի լրման ամենայն
 չարչարանացն աղաղակէր, « Մենայն ինչ կատարեալ
 է », և տակայն 'ի փառաւորութեան իւրում մնայր նմա
 տակաւին նորոգ թշնամանք. և քան զՎողգոթայ առա-
 լել նախատալից մնայր նմա տակաւին 'ի վերայ սեղանոց
 մերոց. և խաչ նորա որ յայնժամ զի այսպէս ասել,
 սկիզբն էր ցաւոց նորա և չարչարանաց ըստ ասացե-
 լումն՝ եթէ « Մյն ամենայն սկիզբն էր երկանց »:

Երբորդ անդամ, 'ի խաչ հանեալ յայնժամ դահճաց
 զտէրն, գոնեա լրումն կամաց երկնաւոր հօր տային
 նորա. և անդիտացեալ զնախկին դատակնիք մահուն
 հատեալ 'ի գէմն առաջին մեղաւորին, եթէ « Մահու
 մեռանիցիս », սպասարկու վճռոյն լինէին, որում և կա-
 մակատար հնազանդէր Որդին անդատին 'ի մարդեղու-
 թենէն. ուստի և խաչահանութն, դահճք, քահանայք,
 դպիրք, փարիսեցիք գործակից իմն լինէին արդարու-
 թեանն Մատուծոյ. քանզի և էր իսկ այն ժամանակ
 յորում ըստ գրեցելումն « Մենեցուն ձեռք պարտէին
 լինել 'ի նա », Վայց աստանօր դու թշնամանես զնա
 'ի ժամանակին, յորում լուծաւ դատակնիքն, և դք
 քեզ չէ գործակից. ոչ աստուածորդին այժմ կամաւորու-
 թեամբ զիմէ՝ որպէս երբեմն՝ ողջակիզիլ 'ի ձեռաց քոց.
 դու ինքնին մնացեր միայնակ շաղախել զձեռն քո յարին
 ողջակիզին, և անհնարին յանցաւորութեամբդ հեղեալ
 այդ արին կուտեսցի միայնակ 'ի գլուխ քո:

Երբորդ անդամ, յանցանք խաչահանուացն պտղա-
 բերք եղեն ամենայն մարդկան, հեղին զարին՝ որոյ
 հեղումն լուաց զմեր աղտն. զենին զգառն՝ որոյ ողջա-
 կէզն հաշտեցոյց զմեզ ընդ Մատուծոյ. 'ի մահ վարեցին
 զարդարն՝ որոյ թափուր եկաց գերեզմանն, քանզի 'ի նմա
 ընկաւ մահ 'ի յաղթութիւն. բացին զկողն յորմէ ել ե-
 կեղեցի աղգաց և աղանց, և ուստի 'ի դուքս երեւեցան
 ամենայն արդարք 'ի դարս իւրաքանչիւր. կանգնեցին
 խաչ յաղթանակ տիեզերաց: Ալ համբուն՝ յանցաւ-
 րութիւն բարեբախտիկ եղև նոցայն, զի գործ մեծ կա

տարեցաւ փրկութեան աշխարհի : Բայց դու այսօր քրիստոնեայ , որ դաս աստանօր 'ի խաչ հանել զնա 'ի վերայ սեղանոյս սրբութեան և պարտապան մնաս մարմնոյ և արեան տեառն անմաքրապէս մերձեցմամբ , զինչ շահօգտի եղիցի տիեզերաց , աղէ ասա , 'ի սեղանակապուտ լինելոյդ . նա մանաւանդ զոր աղէսք ոչ յորդեսցեն յայնմանէ 'ի վերայ աշխարհի , որպէս գուժեաց աստուածայինն Պաղոս , ախտաժէտութիւնք դժուարինք , հիւանդութիւնք բազմօրինակք , մահունք յանկարծադէպք : Երոց յայսպիսեաց աստի իմաստասիրեսցես դու ինձ և զզանազան արկածս գաւառաց և քաղաքաց , ըզդաշտաց , զանդաստանաց , զօդոց և զեղանակաց . արկածք հասարակաց՝ սեղանակապուտ անմաքուր հաղորդութեանց պատուհաս , որովք զօրհանապազ թշնամանի Վրիստոս : Օ , ի եթէ ընդ թշնամանն՝ որ յայնժամ 'ի Վողգոթայ՝ որով և փրկագործութիւն կատարէր աշխարհի , այնչափ զարհուրեցան երկինք , սասանեցաւ երկիր , դղրդեցան տարերք , և զընդդէմն բնութեան գործեցին՝ չհանդուրժեալ անարգանաց արարչին . զինչ ոչ գործեսցեն այժմ ընդ նախատինս նորա . նախատինք մերկք , անպատճառք , անպարտակիրք , նախատինք անպողբերք՝ անբաժ յամենայն ուշոյ նպատակի ինչ բարեաց , բաց 'ի նախատելոյ :

Հինգերորդ անգամ , դպիրք և փարիսեցիք և քահանայք 'ի խաչ հանին զէջիսուս . քանզի նախանձուպայթէին ընդ փառս նորա . քանզի դառնապէս կշտամբեալ էին 'ի նմանէ , և վայս ահագինս 'ի վերայ վայից առեալ էին 'ի նմանէ . և առաջի ժողովրդեանն՝ յորմէ ռաբբի ռաբբի երկայնաքղանց հանդերձիւք կուլի հեշտանային , նշաւակեալ խայտառակ լինէին : Բայց դու ի՞նչ քրիստոնեայ 'ի խաչ հանես զնա 'ի ժամանակին , յորում նա ինայօրէն գթայ 'ի քեզ . յորում զքոյ յանցանսդ չտեսանելոյն առնէ , 'ի ժամանակի՝ յորում մերձեալ քո տալ նմա ուխտանէնդութեամբ զհամբոյրն , լուկայ հեղութեամբ , ոչ շանթէ , ոչ առակէ աստուածասաստ պատուհասին յանդիման հաղորդակցացդ զքոյդ անօրէնութիւն : Բաւայսօրիւք , յիւշ ածցես միանգամ և քանի՞ն եղեն առ քեզ պարգեք Հնորհաց նորա բազմադէմք և անձառելիք յաւուրս կենաց քոց :

Հաւատացեալդ դու, զինք անապական արեանն Մշտուծոյ, աշակերտ աւետարանին, 'ի յոյս ակնկալութեան երանաւէտ աւետեացն հրաւիրեալ 'ի նմանէ. քրիստոնեայդ, մարմին 'ի մարմնոյ նորա և ոսկր յոսկերաց նորա՝ միջնորդաւ անձառելի միաւորութեանն, դաշնադիր ընդ նմա անդրժեշտի 'ի լուսածնունդ մկրտութեանն. և Ժողով 'ի վերայ այսր ամենայնի անմաքուր հաղորդութեամբ 'ի խաչ Հանել 'ի քեզ զփրկիչն, զբարեբարն, զկենսագործիչն, զպարգևատուն. քանի դժոխումբեր իցէ ասպանորհութիւնն. իբր անձառելի յանցանքն, զոր և սրտառուչ 'ի խորոց հոգւոյն դանդաթ. «Աթէթնամւոյն, ասէ, նախատեալ էր զիս, համբերէի արդեօք, կամ ատելւոյն մեծաբանեալ էր 'ի վերայ իմ, փախչէի արդեօք 'ի նմանէ. իսկ դու մարդ հաւատար իմ, առաջնորդ իմ, և ծանօթ իմ.», : Սարդ հաւատար իմ, քանզի իբրև մի մարմին և մի հոգի պարտ էր քեզ հաւատարել ընդ իս : Սարդ առաջնորդ իմ. քանզի զքեզ առանձինն ուշ նպատակի 'ի չարչարանս իմ զքեզ կալայ 'ի փրկութեան : Սարդ ծանօթ իմ. քանզի բիւրս իմն բարեաց և մտերմութեան առատաձեռնեալ է իմ քեզ : Այլ արդ գտանեմ ես այսօր փոխարէն, զինչ այլ. բայց թշնամանս և ոտնհարութիւնս. . . . : Չհանդուրժեմ եղբարք յառաջ ևս խաղալ 'ի սոսկալի ձառիս. . . :

Հայր, աղաղակէր տէր Հիսուս 'ի խաչին, հայր թող դոցա՝ իմոյ խաչահանուայն, զի ոչ գիտեն, զինչ գործեն : Այլ արդ 'ի վերայ սեղանոյս սրբութեան, աղէ ասա ով քրիստոնեայ, 'ի վերայ սեղանոյս այսօրիկ սրբութեան՝ յորում դու առ ոտն հարկանես զարիւն որդւոյն Մշտուծոյ, մարթասցի երբէք և վասն քո ներումն ինդրել 'ի հօրէն. յորժամ դու ինքնին քաջ գիտես զինչ գործես : Առ զիարդ աններելի ոչ իցէ այս խաչահանութիւն մեր եղբարք. յորժամ և եկեղեցի սուրբ մեծեղեռն առաւել ճանաչէ զայս յանցանս, իբրու որ դառաւ ի հաղինս 'ի վերայ ածէ սրտառահաս դատակրն. քան, եթէ «Որ ուտէ 'ի մարմնոյ տեառն և ըմպէ յաբենէ՝ նորա անարժանութեամբ, դատաստան և դատապարտութիւն անձին իւրոյ ուտէ և ըմպէ.», : Չասէ եթէ դատապարտեալ է. այլ թէ զդատապարտութիւն

X

անձին իւրոյ ուտէ և ըմպէ . այս ինքն է երկնաւոր կերպ
կուրն զոր նա պղծէ , [Թոյն դժնդակ է նմա այնուհետեւ ,
և մտեալ 'ի ներքս միասնանայ ընդ նմա և ողջոյն զմար-
մինն ճարակ և լուցկիք գործէ յաւիտենական հրոյն :
Վանգի այլ մեղք ոչ քակեն տապալեն զհիմն հաստա-
տութեան հոգւոյն , այլ խանգար գործեն միայն կարո-
ղութեանց ինչ նորա . իսկ այս մեղք [Թոյն մահաբեր է ,
որ եկեալ ընդ հոգւոյն խառնի , և ոչինչ [Թողու 'ի նմա
ողջ և բնաւ իսկ ապականէ . որպէս [Թէ ասել , ե[Թէ
խորհուրդք սրբութեան սեղանակապտեալք ոչ ևս յու-
սացուցանեն 'ի զգաստութիւն և 'ի դարձ : Ա՛յլ , քանի
ահագին իցէ դատաստանն . և քանի զողութեամբ ան-
ճնապահ պարտ իցէ լինել 'ի դատաստանէ աստի :
Վանգի և հաղիւ երբէք 'ի խորոյ աստի սեղանակապ-
տութեան ելցէ 'ի դուրս միանգամ անկեալն . ամբարը-
տութիւն , անհաւատութիւն , և խստութիւն սրտի
բոյսք դառնութեան են մահա[Թոյն արմատոյն : Վերայ
այսր՝ քաւ չասեմ ես , ե[Թէ արտասուք անբաւականք
իցեն 'ի լուանալ զանհնարին զմեղսն . այլ [Թէ ցամա-
քեալ կան արտասուք : Չասեմ ե[Թէ եկեղեցի անձեռն
հաս իցէ արձակել զայս մեղս . այլ [Թէ հաղիւ երբէք
գտանիցին մեղաւորք , որ ճնարտապէս ապաշխարես-
ցեն : Տեսէք ինձ միանգամ , քանի արտասուելի կիրք
իցեն 'ի յիշատակի սեղանակապուտ աշակերտին . մահ
նորա [Թշուառ և առաւել [Թշուառ և յոյս նորա յուսա-
հատ . զգաստանայ , այլ ոչ ապաշխարէ . արտասուեաց
[Թերեւս , այլ ոչ լուաց զմեղսն . սրտառուչ մեղայ՝ գոչ
մեղայ . ան[Թողի մնայ մեղքն : Վանգի այն ինչ առեալ
զսրբութեան հացն լրբութեամբ , և անդէն դիւաբաւ
խեալ մարմինն՝ տիրէ սատանայ որդւոյն կորստեան .
“[Ետ պատառոյն ասէ եմուտ 'ինա սատանայ” . եմուտ
և մահ առ[Թեաց նմա . մահ առաւել դառնաղէտ , մե-
ռանի ամայի լքեալ , մեռանի անսպաշխար անարգեալ :
Վա աւանիկ և ոչ կարծեաց [Եղա մատնել զտէր իւր և
զ՝ստուած , այլ զայր ոք արդար . և յընդունել զմարմին
նորա , համարեցաւ ընդունել միայն զյիշատակ և ըզ-
նչանակ սիրոյն նորա . 'ի վերայ այսր և սեղանակապու-
թեամբն դիւաբաւխեալ անարգեցաւ և անսպաշխար
և անդարձ անձին առնէր : Չարաշուք դահիճքն յաջո-

ղին 'ի դարձ, 'ի խաչահանուացն նորա գտան, որոյ արիւնն զոր ինքեանք հեղին՝ զսուրբաշխարութեանն արգասաւորեաց նոցա զչնորհն. բայց Յուդա որ 'ի վերնատանն զնա 'ի խաչ եհան, և զարիւն նորոյ ուխտին խառնակ համարեցաւ և առ ոտն եհար, մերժեցաւ իբրեւ նշովեալ. նմա ոչ առաքելութիւնն, ոչ հրաշագործութիւնքն, ոչ ընդ տեառն կենսակցութիւնն բաւական ինչ լինին 'ի փոխել զվճիռ դատապարտութեանն, կամ ժամանակ չնորհել նմա ապաշխարութեան:

Երկիցուք սիրելիք, զարհուրեսցուք զի մի և մեք զՅուդային զանձամբ առցուք զդատապարտութիւն. «Փորձեսցէ, ասէ, մարդ զանձն իւր, և ապա 'ի հացէ անտի կերիցէ և 'ի բաժակէն արբցէ. զի որ ուտէ և ըմպէ անարժանութեամբ, դատաստան անձին իւրում ուտէ և ըմպէ. զի ոչ խորէ զմարմինն տեառն: Ըհամար հեալ ուրուք զօրէնսն Սուլսեսի, առ երկուք և երիւք վիայիւք մեռանէր. իսկ արդ սրճափ սաստիկ պատժոց արժանի համարիցիք զայն, որ զորդին Եստուծոյ առ ոտն եհար, և զարիւն նորոյ ուխտին խառնակ համարեցաւ, որով և սրբեցաւն, և զհոգին չնորհաց թշնամանեաց. ահ մեծ է անկանել 'ի ձեռս Եստուծոյ կենդանոյ»:

Հաց կենաց է և հաց սրբութեան. մի մեռեալ հոգւով և մի շաղախեալ խղձիւ մատիցուք ճաշակել զնա: Օ իղջ 'ի սրտէ և խոստովանութիւն անկեղծ սրբեսցէ զխիղձ մտաց մերոց 'ի մեռելոտի գործոց, մատչել մաքրապէս առ Եստուած կենդանի. 'ի նորն նորոգեսցուք մարդ. մի վայրապար մտցէ Քրիստոս 'ի սիրտս մեր. պահեսցուք անդրժելի զգանձս զայս երկնաւոր. պաշտպանեսցուք ընդդէմ թշնամոյն, որ ճիգն անդուլ թափէ կողոպտել 'ի գանձէն: Յարդարեսցուք զհոգիս տաճար արժանի, օթեւլան մաքրեալ, պատրաստեսցուք վերնաւ տուն մեծ զարդարեալ, յորում արասցէ Յիսուս ըզգատիկն սրբովք իւրովք հանդերձ: Ըբիւր չնորհաց, աղբիւր անմահութեան է մարմինն Քրիստոսի. գրաւական յաւիտենական կենդանութեան մերոյ արիւնն Յիսուսի. պահ զգուշութեան ամենայնիւ կալցուք աղբերըն, մի թշնամին դաղտաբար մերձեալ պղտորեսցէ զյստակութիւնն. մի թոյն մահաւոր ընդ անմահ:

արար հացին խառնեսցէ : Խոստովանիմք եթէ յանցեալք
բազում անգամ : լացցուք սրտառուչ, անկցուք առաջի,
պաղատեսցուք արտասուօք : « Յաստուածային քո կայ-
ծակունսդ, ո՛վ տէր, ՚ի սրովբեիցն անհպելին, անմաքրա-
պէս մերձեցաք՝ զոչ պարտապան քում խորհրդոյ : Շը-
նորհեա՛ն, աղաչեմք զքեզ տէր, շնորհեա՛ն զնոյն մաքրու-
թեամբ ՚ի թողութիւն մեղաց մերոց », :



ՔԱՐՈՉ ԽԳ.

Ի ԶԱՐԶԱՐԱՆՍՆ ՔՐԻՍՏՈՍԻ

« Քրիստոսի չարչարիկն մարմնով, և դուք ՚ի նոյն միտս վառեցադուք » :

Օ ինչ իցէ նորասրբանչ պատահումնս . . . : Ս'վհրաշալի և տեսիլ ահաւոր . . . : Տեսանեմ, ասել ոչ բաւեմ. որչափ հայիմ, այնչափ առաւել լեզու իմ՝ի քիմն իմ կցի . . . : Այլ չիցէ ինչ երբեք հնար խօսելոյ զահեղահրաշ տեսարանէն . . . : Այո :

Ս'ինչեւ խօսեալ, նախ ես աղի արտասուօք յերեսս անկեալ, յողբ և ՚ի հեծութիւն հատեալ, խոստովանիմ առաջի երկնի՝ որ խաւարաւ պատեցաւ այսօր, խոստովանիմ յարեգակն՝ որ զդէմն քողարկեաց այսօր, խոստովանիմ յերկիր, որ սարսեալ դողացաւ այսօր, նաև յարարածս ամենայն որ ականատեսք եղեն հրաշիցն խոստովանիմ զի զդառնադէտն զայն և զանազորոյն տեսարան, զոր այսօր ունիմ հռչակ հարկանել, ես ինքնին՝ ես ինքն որ քարոզեմն՝ առթեցի ՚ի մահն Աստուծոյ. ես որ քարոզեմն, և առ հասարակ որ լսեմքս : Ս'եք միաբան ամբարշտեալք հասուցաք նմա զնոյն. « Այլ վիրաւորեցաւ վասն մեզաց մերոց, և պատժեցաւ վասն մերոց անիրաւութեանց » : Ողորմեցարուք երկինք . . . ողորմեաց մեզ ուլ Աստուած Հայր . . . : Վասնի աններելի են յանցանքն : Անպեա տէր, խնայեա՛ի Ժողովուրդքդ : Վա՛րէ, քանի նոր և օտար են իբրն . . . : Այն ինչ ձեռք թաթաւեալք՝ի ջերաջերմարիւն Որդւոյն, դիմել

խնդրել չնորհս 'ի հօրէն . . . : Սակայն առաւել նոր և չքնաղ՝ որ ոչ տեսաւ 'ի դարս , եթէ նոյն արիւն այն ինչ հեղեալ վասն մեր մեղաց , գոչէ և վասն մերոյ փրկութեան . “ Եւ զմեղս բազմաց վերացոյց . որ մտադիւրն ծառայեաց բազմաց , և վասն անօրէնութեանց նոցա մատնեցաւ , : Բարէ , ոչ ծառայել միայն և մատնիլ , այլ և մտադիւր : Բաջ միտ դիք , քանի խնդութեամբ , զիարդ ժրագոյնս 'ի հաշիւ զաւուրսն արկանէր Բրիստոս բոլորապտուղ կամաւորութեամբն , Եւս երկայնաձգեալ յոյժ թուէր ժամն , երբ գիրկս խաչին արկանիցէ , երբ զվերջին շունչն շնչեսցէ . “ Սկրտութիւն մի , ասէ , ունիմ մկրտիլ . և զիարդ փութամ , մինչև կատարեսցի , : Գոգցես իբրու զօրէ հարսանեաց ուրախութեամբ բարբառէր . զիարդ փութամ , մինչև կատարեսցի , : Ով , եթէ վեց աւուրբք յառաջ տեսանէիր դու զնա , յեւանել անդ իւրում Եւրուսաղէմ 'ի վայր պատուհասին իւրոյ . զիարդ մեծաքայս յառաջէր , զիարդ յառաջադէմ խաղայր և զկնի զուղեկիցսն թողոյր . “ Եւ երթայր , ասէ , Յիսուս 'ի ճանապարհին առաջի քան զնոսա . և զարմացեալ էին որ զհետն երթային և երկնչէին , : Յիսուս առաջի , նոքա զկնի : Երբէք այնպէս 'ի կեանս մեծաքայս չընթացաւ , որպէս յայնժամ 'ի ճանապարհին որ տանէր 'ի մահ :

Տեսեր զմտադիւրութիւն սիրոյն : Եւս նոյն սէր , որում պարտ էր մխիթարութիւն մեծապէս լինել նմա , նոյն եկաց մեծապէս ցաւ սրտին նորա . գիտելով չափ զկիրս տմարդութեան զապաշնորհ մարդկանն : Բանգի ոչ սիրելովն , և ոչ զմահ ճաշակելովն առ սէր նոցա , օգտեցոյց ինչ և յանկոյց զնոսա :

Եւս է աւադիկ դառնութիւն Գողգոթայ տեսարանին . այս է կնձիուն անլոյծ՝ ցաւագին ողբերգակ քերթութեամբ , այս է ցաւն սայրասուր , և այս դառնաղէտ չարչարանքն միաժին Որդւոյն Եստուծոյ : Օ իարդ մեք արդեօք վայր մի խելամուտ լիցուք ցաւոյն սաստկութեան , զիարդ խելամուտ և մերոյս տմարդութեան . . . : Օ իարդ . . . : Խնդրեսցուք ճանապարհ , մտցուք 'ի ներքս 'ի սիրտ Յիսուսի ընդ խոցս և ընդ փեռեկեալ վերսն : Եւս 'ի խորս անձկութեանց սրտին ,

անդ 'ի հնոցի անչափ վառեալ սիրոյն և աղեկէզ զթոյն , անդանօր միայն տեսանեմք , թէ քանիօն արժեաց նմա ապաշնորհ տմարդութիւնս . քանզի և անդ միայն տեսանեմք քանի սիրեաց նա զմարդկութիւնս :

Սակայն ո՛վ մեզ առաջնորդ և կարապետ 'ի ներքս անդ 'ի սիրտնորա , ո՛վ հորդեացէ զճանապարհն , ո՛ր մատնցոյց արասցէ զլաւիղն՝ որ տանի 'ի սիրտն Յիսուսի : Ո՛այլ , բայց դու . փայտ կենաց , որ փոխանակ մահացու պտղոյն զՔրիստոս պտղաբերեցեր , : Դու այն ինչ ջերմ , վառ և բորբոք , 'ի հուր սիրոյ խաչելոյն , որ 'ի քեզ հաճեցաւ զվերջինն փորձել զփորձ զսիրոյն : Դու այն ինչ թացեալ պատուական և սուրբ արեամբն , և դու տակաւին տալաւորեալ 'ի քեզ վերբերես զայնչափ զվերսն զանապական զաստուածացեալ մարմնոյն : Դու մեզ , փայտ կենաց , ուսոյ , դու զմեզ խելամուտ արա , քանիօն սիրեաց զմեզ նա՛ որ ոչ սիրեաց զքեզ բայց վասն մեր :

Ո՛վ քառաթև , լուսածին , գերապանծ նիշ կառուցող կենացն ամենից . ո՛վ որ միշտ բազկատարած առ քեզ զմիածին որդին ունիս . ո՛վ աստուածային բանին տեղի և զենարան , դու լսելի արա մեզ զգորովալի բարբառն Քրիստոսի , զոր բարբառեցաւ ընդ քեզ , յորժամ 'ի քառաթևս քո վերամբարձեալ գիրկ ընդ խառն տարածեաց զաստուածային զբազուկսն և զոտսն , յորժամ 'ի ծոց քո զփշապսակն հանգոյց զխոնջ զաստուածեղէն զգլուխն : Ո՛վ քառաթև սուրբ , մեք քեզ երկիրպագանեմք . զի 'ի վերայ քո զենաւ գառն անարատ 'ի հաշտութիւն և 'ի բառնալ զմեզս մեր : Քեզ երկիր պազանեմք , զի 'ի վերայ քո հեղեալ շիթք անապական արեանն , զաշխարհի լուաց զմեզս : Մեք քեզ երկիրպագանեմք , դու յօգնութիւն մեզ ժամանեալ յեղ և 'ի մուտս :

ՄԱՍՆ Ա .

Բաղմադոյնք 'ի բրիստոնէից յառեն զակն 'ի խաչելեալն Յիսուս , իբրու 'ի տեսարան առաւել կարեկից ցաւոյն , քան եթէ իբրեւ 'ի նապատակ անձառական սիրոյն : Եւր այր կայ և զննէ , հարուածս քանի ընկալաւ նա 'ի

Թիկունսն, վերս քանի վիրաւորեցաւ յանդամսն, շիթս քանիօն կայրակեաց յերակացն, և 'ի հաշուել անդ ըզցաւսն դառնուԹեան զնորա, համարի շատ ինչ բարեպաշտել առ նա :

Բաբէ, քրիստոնեայք, գոչէ աստուածայինն Բագուտինոս : Ս'իտ դիք, զի ոչ մեռաւ Բստուած վասն մարդոյ, զի կարեկցուԹիւն միայն ընկալցի 'ի մարդոյ, այլ զի և զգուԹ սիրոյն առցէ 'ի մարդկանէ : Սւտի և 'ի ձեր կարեկցուԹեան վշտին, յուզեցէք և զգուԹ սրտին ձերոյ առ նա : Յորժամ լսեմք, ասէ, եթէ չարչարեցաւ նա վասն մեր, աղէ մեք զոր արդեօք սիրեմք 'ի Քրիստոս . միԹէ զխաչակիր զանդամսն, զբացեալ զկողն, եթէ զսէրն : Սիրեաց նա զմեզ, զի և մեք դարձցուք 'ի սիրել զնա :

Հապա և մեք, եղբարք, ըստ գեղեցիկ հրահանգաց աստուածայնոյս այսորիկ, ոչ այլ արասցուք այսօր, բայց 'ի խնդիր ելեալ զմեքսցուք 'ի ձառ չարչարանացն տէրունւոյն զոր ինչ յերեւան կացոյց նա 'ի սէրն իւր առ մեզ, զի և մեք յորդեսցուք զսէրն մեր առ նա . “ Սիրեաց զմեզ, զի մեք դարձցուք 'ի սիրել զնա ” : Օննեցէք, և տեսցիք 'ի չարչարանսն ամենայն զանբաւուԹիւն գԹոյն, զանսահմանուԹիւն սրտին, զանչափուԹիւն սիրոյն առ մեզ . զի և մեք գողցես բռնի այնուհետեւ ձգեսցուք 'ի սիրել զնա : Սկիզբն արարէք խելամուտ լինել այնմ 'ի վերջին յայն բանիցն՝ զոր առ սիրելիս իւր բարբառէր նա մինչ չեղիմեալ 'ի մահն :

Իբրեւ աստուածայինն կատարեցան ընԹրիք, յորում իւրովք իսկ ձեռօքն 'ի դրաւական անլուր սիրոյն զմարմին իւր ջամբեաց 'ի կերակուր, և զարիւն իւր յրմայելի, յարուցեալ 'ի սեղանոյն՝ վայր մի զլուսալիր աչսն յաշակերտսն դարձուցեալ, Հապա, ասէ, “ Որդեակք իմ փոքր միւս ևս ժամանակ ընդ ձեզ եմ ” : Եւ մեկնիմ 'ի ձէնջ, այլ դուք միացեալ կացէք ընդ միմեանս փոխանակաւ սիրոյն : Եւ յ, սիրեցէք զմիմեանս . և զամենայն բարի խնդրեցէք վասն միմեանց, զոր միանգամ ես խնդրեցի վասն ձեր : “ Պատուիրան նոր տամ ձեզ, զի սիրեսցիք զմիմեանս ” : Եւ գնամ, այլ ոչ Թողում զձեզ . “ Ոչ Թողից զձեզ որքս, գամ առ ձեզ ”, միւսանգամ խնդազին տեսանել զձեզ : Եւ գնամ, այլ զաւանդ սիրոյն Թո-

զում առ ձեզ . և զնոյն սէր տամ ես ձեզ 'ի կնիք և 'ի նշանադրեստ . “ Յայսմ ծանիցեն զձեզ , եթէ իմ աշակերտք էք , եթէ սիրիցէք զմիմեանս , : Օ սիրոյ աղբիւրն զմիսիթարիչ զհոգին իմ առաքեմ առ ձեզ . նա ուսուցէ ձեզ եթէ որպէս բնութեամբս եմ 'ի հայր , սիրովս եմ 'ի ձեզ : Ս'նացէք ողջամբ , կացէք 'ի խաղաղութեան . “ Օ խաղաղութիւն թողում ձեզ , զխաղաղութիւն զիմ տամ ձեզ , : () ն արիք , տեսցէ աշխարհ , քանի քաղցր է ինձ մեռանել վասն աշխարհի : () ն արիք և դուք ընդ առաջ մահու . . . “ () ն արիք , զնասցուք աստի , : :

Օ այս ասաց , և յոտս կացեալ իբրու 'ի գնալ . այլ չթողոյր սէրն 'ի գնալ : Որդեակք իմ , ասէր , բաժանիմք մարմնով , այլ ոչ և սրտիւ . “ Կացէք յիս և ես 'ի ձեզ , : Սէր հօր զոր սիրէ զիս ' սիրէ և զձեզ : Որպէս ես սիրեցի զձեզ իբրեւ որդեակս , զնոյն և դուք սիրեցէք զմիմեանս իբրեւ զեղբարս : “ Եւս է պատուէր իմ , զի սիրիցէք զմիմեանս , : Ս'ի ակնկալ ընդ սիրոյն յաշխարհէ . իմէք դուք , և ձերոյ վարդապետին լիջիք վիճակակիցք : Ս'ի երկընչիք յաշխարհէ . “ Վաջալերեցարուք , զի ես յաղթեցի աշխարհի , : Վուք բարեկամք էք իմ . և փոխարէն խնդրեմ ես 'ի ձէնջ ոչ այլ , բայց զի սիրիցէք զմիմեանս : :

Օ քանն , որ առ նոսա , աւարտեաց . ապա յերկինս արդոյ կերպարանօքն վերաննեալ , “ Հայր , ասէ , հասեալ է ժամ . փառաւորեա զորդի քո , զի և որդի քո փառաւորեսցէ զքեզ , : Եւս մեռայց , դու փառաւորեսցիս , և աշխարհ փրկեսցի : Եւսաց , և զիմէր 'ի մահ 'ի ծաղկի հասակին , 'ի գեղեցիկ 'ի տիան , 'ի քաջառոյգ անդամն , յէլս սկզբան փառաւորեալ կենացն : Բաբէ , քրիստոնեայք , բաբէ մերում աւագելի բնաւորութեանս . սպասել մնալ տիոցն լիութեան և ամացն ծանրութեան , և զայն տալ նուիրել Եստուծոյ : Եթէ նա առ սէր մեր ոչ մեռանի այնչափ առոյգ , այնչափ ժիր յարբունան , ոչ մեռանի գոհ և խնդագին : :

Եւսաց . և ել հանդերձ աշակերտօքն յայնկոյս ձորոյն Կեղրոնի 'ի լեառն Չիթենեաց : Եւս ձոր է զոր էանց երբեմն Վաւիթ , և այս լեառն Չիթենեաց յոր փախըստեայ ապաւինեցաւ Վաւիթ : Սակայն զիմրդ տարօրի նակք և գէպքն և իղձքն : Եւստանօր Վաւիթ յերեսաց

ապստամբը որդւոյն խնդրեաց վայր անքոյթ . Վրիստոս աստ դիմէ երևել աշակերտին մատնչի : Բստանօր Վաւիթ յանդորրու կացոյց զկեանսն . աստ Վրիստոս դիմադրաւեաց մահու : Բստանօր Վաւիթ սրտառու չեղոյր արտասուս . աստ Վրիստոս խնդութեամբ եկն և հրճուանօք սիրոյն :

Գայ ապա ՚ի Վեթսեմանի՝ գիւղ փոքրիկ առ լերամբն Ձիթենեաց : Բնդ ՚ի պարտեզ մի մտանէ առեալ զերիս մտերիմսն , զՊետրոս և զՅակօբոս և զՅովհաննէս : Սուք գիշերն , խոր լուութիւնն , մեծի վարդապետին անձկութիւնն , ՚ի մեծ վարանս տարակուսի արկանէ զնոսա : Ի լոյս աղօտ լապտերին իւրեանց ակնարկէն ՚ի դէմն վարդապետին՝ յանսովոր հարեալ ՚ի դալուկն : Տեսանեն զնա յանկարծ ՚ի խռովութեան ոգւոյ , ՚ի հեծութիւն ձայնի , ՚ի նուաղումն սրտի :

Որդեակք իմ , ես ՚ի խոր տրտմութեան այժմիկ մահու սպասեալ մնամ . աղէ դուք արթուն կացէք ընդ իս . “ Տրտում է հոգի իմ մինչև ցմահ . կացէք աստ և հրակեցէք ընդիս , : Օ անձկութիւն ծածուկ զսրտին յայտնեալ և լուէ : Բպա քարընկէց մի մեկնեալ ՚ի նոցանէ , երեսն ՚ի գետին անկանի ողորաւոր ՚ի սաստիկ զրաւեալ յանձկութենէն . . . պաղատի . . . “ Հայր իմ , եթէ հնար ինչ իցէ , անցցէ բաժակս այս յինէն , : Երիցս յոգւոց հանեալ , և երիցս անգամ պաղատախառն զնոյն բարբառի :

Ո՛վ հրաշիցն . զինչ այս աղօթքն իցեն . . . : Եթէ երկինք չլսեն նմա , զինչ լինիցի նմա . և եթէ յանկարծ լսեն , զինչ լինիցի մեզ : Ամ սէր նորա դեդեւեալ դրդուեցաւ , կամ մեր փրկութիւնն ՚ի մէնջ հեռացաւ : Վաւ , մի քրիստոնեայք , մի վարանել , մի վհատիլ :

Բյս անցք անձնատուր եղեն դժոխքմբեր տէրունւոյն ՚ի չարչարազդեաց մարմնին , զոր անդուստ ՚ի վերուստ նախատեսեալ Յովբ , “ ()րն , ասէ , մթին զարհուրեցուցէ զնա , անձկութիւն և նեղութիւն հասցէ նմա , : Բյս աղօթք , թէպէտ և լի ահիւ և երկիւղիւ , թէպէտ և լի յոգւոց հանութեամբ և տաղնապաւ , այլ ոչ անբաժ յարիութենէ , չէ անմասն ՚ի քաջալերութենէ . և դառնայ զեղու միւսանգամ առ սէրն մեր : “ Բյլ ոչ իմ կամբ , ասէ , այլ քոյդ լիցին , : Դառնէ

այս մարմնոյս , և լի դառնութեամբ բաժակս , “ Այլ ոչ որպէս ես կամիմ , հայր , այլ որպէս դու կամիս . արբից զսա , եղիցին կամբքս ” : Այս մեռայց , դու փառաւորեսցիս , աշխարհ փրկեսցի :

Օ այս ասաց անձառելի մեծանձնութեամբն . և անդէն թոյլ ետ բովանդակ մարմնոյն ՚ի վերջինսն տապնապիլ . ելոյծ զանդամն , դղրդեաց զնեքքինսն , ճնշեաց զսիրտն այնչափ իմն սաստկութեամբ ցաւոյն , զի և երակունք չհանդուրժեալ ՚ի կային , կայլակս արեանց ընդ քրտանց ողջ ընդ մարմինն խաղացուցանէին . “ Աւ էր , ասէ , ՚ի տապնապի . և հոսէին ՚ի նմանէ քրտունք իբրեւ զկայլակս արեանց , ողորն ողորն հեղեալ յերկիր ” :

Իսբէ . նաև ՚ի վերջին տապնապին դտաւ անօգնական , և ոչ մի ոք ՚ի մտերմացն յայնցանէ առննթեր , սփոփելինչ զնա , ջնջել զքիրտն , սրբել զարիւնն : Օ ինչ ասեմ . . . : Ս իշտ վտանգին , տապնապ տարակուսին , մոլթ պատկառանացն , խաւար ամօթոյն . առննթերակացութիւն փոխան մտերմացն օտար և դժխեմ առ դուքս հասեալ կայր : Ննջեն մտերիմք , ոչ ննջէ Յուդա . ժամ եզիտ յանձկութեան սլահուն , ՚ի վերայ հասանէ ամբարիշտն :

Օ տապնապ մահուն ջերանի Յիսուս , տապաստ յերկիր ՚ի վերայ երեսացն անկեալ գողցես կիսակենդան . և ահա անդուստ շրջապատ զնովաւ խումբ բոլորեալ սիկարեանցն , դժոխերեսն ՚ի նոսա երես չարաշուք մատնը չին առաջնորդ անօրէն ջոկատին :

Օ ի ձեզ ով սիկարեանք , առ ինչ անօրէն ձեպդ . աղէ վայրիկ մի դուլ յանձկութեան սլահուն . . . : Ետ է աւագիկ Յիսուս նազովրեցի . նա որս է անպատսպար . չիք նմա ոչ վայր թաքստեան և ոչ դաշտ փախստեան , վայրիկ մի թոյլ ոգի առնուլ ՚ի մահացու տապնապէն . . . : Ս ՚ի դուք այնչափ անագորոյնք , մի դուք զմարմին կիսամեռ կենդանի քարչեսջիք ընդ Արուսաղէմ : Աւ դու վայր մի պատկառ կաց , Յուդա , երկնաւոր վարդապետին . . . : Օ ինչ բարբառդ իցէ ընդ օդս հնչեալ . . . : Դայ մերձի մօտ եղեռնաւորն . աչք ժպիրհք , երես լկնեալ , այնպէս մօտ դայ , զպիղծ շրթունսն հպեցուցանէ ՚ի սրբութիւնն :

Իսկ տէրն զինչ . նաև բարեկամութեան անուամբ բռն սլատուէ . “ Ողջ եկիր բարեկամ ” . և առ ինչ

եկիր : Ըսաց , և զաստուածային երեսն խոնարհէ 'ի համբոյր մատնութեանն : Ա խորշի , ոչ ատեայ , ոչ կշտամբէ . նաև զխաղաղութիւն տայնմա վասն համբուրին որ մարտ գրգռէ ընդ նմա : Որպէս մայր գորովագութ 'ի մահ մերձելոյ զաւակին՝ զամենայն հնարս հնարի գէթ վայր մի պահել զնա 'ի կեանս , սապէս Վրիստոս մօտալուտ 'ի կորուստ տեսեալ զարտասուելին աշակերտ , խոնարհի առ նա մինչև 'ի վերջին գութ հայրական սիրոյն , թոյլ տայ համբուրել զաստուածային երեսն , յոր հազիւ ուրեմն ամենամաքուր շուրթն կուսի մօրն շուք ածեալ համարձակէր մերձենալ :

Ըսլ մեք վայր մի , սիրելիք , զկայ առցուք աստանօր 'ի փարելի գրկախառնութեանն : Յիսուսի ընդ մատնչին . որպէս զի այն ինչ նորա զգիրին 'ի բաց հանեալ յամբարշտէն , մեք փոխանակ մտցուք 'ի հայրենի գրկախառնութիւնն , 'ի համբոյր սրտառուչ սիրոյն , աչք 'ի յորդահոսանս արտասուաց գիրկ ընդ խառն լինել նմա 'ի զիղջ հատեալ ճմարիտ ապաշխարութեան : Վանգի այն գիրկ որ բացաւ յայնժամ : Յուդային անգամ , կորոյս 'ի սպառ այնուհետև զիրաւունս փակելոյ երբէք առ մեղաւորս : Հապա , արիւք քրիստոնեայք , յայն գիրկ գորովալից զիմեալ հանգուցուք զմեզ : Շեպ տուք գրկախառնութեանն , մի դեգերիք մինչև անցեալ դէպ ժամանակին :

Վանգի խուժեցին աւադիկ ոխերիմք , պատեցան անօրէնք . չողան սուսերք , շկահեն զէնք , կոփեն բիրք , ամբոխ աղաղակին թանձրանայ , ձեռն արկանեն և ունին :

Օ ինչ իրք եցեն , Պետրէ , յոյր վերայ շողայ սուրն . ուր է Յակոբոս , ուր է Յովհաննէս : Սահ , ահա տէրն և վարդապետն 'ի մէջ զինուց և սուսերաց , 'ի մէջ զօրականաց , սրիկայից . . . :

Ըսլ զարհուրի և ոչինչ . յօտն յառնէ անվեհեր իբրև զառիւծ . “ զո՞ խնդրէք . ես ինքն եմ Յիսուս նազովրեցի , ” զիս կամիք , ահաւասիկ ես . կալարուք զվարդապետն , թողէք զաշակերտսն . “ Աթէ զիս խնդրէք , թոյլ տուք դոցա երթալ , ” Ո՛վ անվեհերութեան ողւոյն , ո՛վ և գորովոյ սրտին : Բարերար ունիմք զԱստուած , եղբարք , և գորավագութ , և տակաւին չճանաչեմք . ո՛վ

ու վստահացի 'ի նա այսուհետև, յորժամ և 'ի մէջ
այնչափ անձկութեանց, այնչափ տաղնատլին, չմոռանայ
զիւրան՝ չքանէ երբեք. նա փութաջան խնամակալու է
սիրելեացն. « Թող տուք զոցա երթալ » :

Ս'եք առ 'ի բէն յով երթիցուք, տէր. քաւ չմեկնիմք
'ի բէն, նա և ևս մերձեցուք առ քեզ սիրով. և եթէ
երբեք անկաք 'ի սիրոյն, մերձեցուք առ քեզ ապաշխա
րութեան արտասուօք : Սիրտ զորովապութ է քո,
տէր. և այնչափ, զի և որ թողեալ զքեզ 'ի վշտին փա
խըստական երթայ, դու զհոգն ունիս զնորա անպատմե
լի սիրով :

ՄԱՍՆ Բ.

Ըռալին հաւաստիք սիրոյն Վրիստոսի 'ի Գեթսե
մանի, ստուերագրութիւնք են այնոցիկ, որչափ ինչ
տակաւին մնայ նմա ցուցանել յատեանս դատաստանի
իւրոյ : Ըստանօր նորա անշուշտ անվեհերն այն և ան
սասանելի կերպարան, քաղցրահամբոյր հնչիւն ձայ
նին, հեզ և հանդարտ դէմքն, հանդէսք անպատումք
կացին անձառելի սիրոյն :

Ըրիք զննեցէք, զիմորդ հեզահամբոյրն տէր զայ արդ
'ի պարտիզէն ձգեալ պարանաւ ընդ պարանոցն 'ի մէջ
փայլատականց սուսերաց և աշտէից, 'ի մէջ շփոթից
խառնամբոխ սիկարեանց, 'ի շաչիւն զինուց զօրականին :
Ընցեալ ընդ Սեդրոն, մերձ կան աւաղիկ 'ի պատուարսն
Երուսաղէմի :

Ըստանօր 'ի ձայն փողոյն հռչակ ընդ ամենայն քա
ղաքն հարկանի, եթէ Յիսուս նազովրեցի 'ի վերջէ
ուրեմն անկաւ 'ի ձեռս արդարութեան դատաստանին :

Սեն զհռչակն, ընդոստուցեալք առհասարակ 'ի նո
րաձայն փողոյն զիշերայնոյ 'ի դուրս վազէն 'ի յարկացն,
եւանէն 'ի տանէն, խուժէն 'ի հանձիցն. կէսք 'ի տե
սանել զնա յանցանէն առ դրամբք, կէսք 'ի զննել զնա
'ի լոյս ջահիցն 'ի պատուհանաց :

Եւ քրթմնջիւն էր առհասարակ, և շշնջիւն էր առ
հասարակ, 'ի հծծել, 'ի խօսել, 'ի հարցանել, 'ի խելա

մուտ լինել. զինչ պատահարքն իցեն. իցէ՞ արդեօք Յիսուսի նազովրացոյ եղեռն այնպիսի, ոյր աղագաւ այնպէս հրապարակագոյժ քարչեն զնա յարդելան :

Արանին առ հասարակ. գղղի Արուստէմ : Իսկ 'ի դարման և 'ի խափան և 'ի զօրավիզն հանդարտութեան վարանաց խուժանին, ո՞ ինձ բաւական իցէ աստանօր 'ի պատմել. քանի յայնժամ չարարուեստ մենքե նայք, քանիօն խաբանք, քանի հնարիմացութիւնք ոչ խորամանկեցան վասն բանին. ո՞ր աղմուկ շփոթից ոչ յուզեցան, ո՞ր ձեպ ընդ ձեպ քննութիւնք դատաստանին ոչ կնքեցան, ո՞ր ամբօխմունք ատենից ոչ դաւաճանացեն յայնժամ :

Եթէ զփուրչիչ ամբաստանութեանն առաջի արկանեն, զլանան լսել զպատասխանին, կամ՝ եթէ լսեն ևս, առ 'ի նորոգածին փուրչիչ 'ի վերայ կապել նորա : Եթէ լուէ, դատակնքեն զնա, զի անպատասխանի մնաց. և եթէ պատասխանի առնէ, դատակնքեն զնա, զի ժպրհեցաւ և ոչ լուռ եկաց : Հարցումն առնեն դատաւորք քննողաբար համար տալ վասն վարդապետութեան իւրոյ. այլ եթէ ճշգրտէ նա զհամարատութիւնն, խնուն ըզբերանն ապտակելովն. « Եւ յպէս պատասխանի տաս քահանայապետիդ », : Երդմնեցուցանեն ասել պարզ և յստակ, իցէ՞ ինքն որդի Աստուծոյ : Եթէ նա ժխտէ, յանցաւոր է մեծեղեռն յափշտակութեան փառաց աստուածութեանն : Ապա եթէ խոստովան լինի, յանցաւոր է աններելի հայհոյութեանն. « Եւ անք զհայհոյութիւն դորա », : Եւ յպէս առանց ինչ հաւաստեաց իրաւանց դատաստանին՝ Վայիափա նախ դատակնքէ զնա իբրեւ մահապարտ. իսկ ապա 'ի դատակնք անդր խնդրէ ըզկարծիս զզպրացն և զատենին. « Եւ իմրդ թուի ձեզ », : Այլ զիմրդ յայնժամ 'ի հարստահարութիւն անմեղիս այսորիկ միաբան միաշունչ դաշնակցեցան առ հասարակ ատեանք, քաղաքականն, արքայականն, եկեղեցականն : Աս և որ չէրն նորա դատաւոր օրինաւոր, նա և որ չունէր իսկ բնաւ առ իւր ատեան դատողական : Օ ինչ պէտք, զինչ իբք էին Վրիստոսի ընդ Մնայի. այր՝ որ յաւուրան յայնոսիկ ամենեւին անբաժ էր յիշխանութենէ իրաւանց : Սակայն չէ փոյթ. զի իբրեւ աներ գոլով Վայիափայ քահանայապետին, արժանի է զի առաջին վայելեսցէ

յանդիման իւր տեսանել զգձձեալ Վաղովրեցին : Եւ իշխէ նա առ փեսայն իւր յապահոյել զկալանաւորն , պարասնդեալ զնա կրկին կապանօք , “ Եւ առաքեաց զնա Դննա կապեալ առ Ապիափայ ” :

Գարձեալ ո՞ր իրաւունք կային արքային Հերովդի 'ի վերայ Վրիստոսի , իշխել արհամարհել այսն առնել , առաքել զնա անդրէն առ Պիղատոս . ձորձ 'ի նախատինս զնովաւ արկեալ սպիտակ՝ նշանադրեստ առն յիմարի : Եւ լէ փոյթ . շատ է եթէ թշնամիք պատուեալք զմի մեանս , դարձցին բարեկամք . զի փոյթ է եթէ 'ի դատաստանի իւրում անարդեսցի անմեղն :

Գարձեալ զինչ իշխանութիւն էր դահճայն հանդիսանալ իբրեւ դատաւորս , եւ տանջանս եւ անարդութիւն ըստ կամի հասուցանել Վրիստոսի , կանուխ քան զսրիկայն , ձորձ զգլխով արկանելով ծածկելով զերեսն , փակելով զաչն , եւ այսպանօք կատակելով իբրեւ կեղծ մարդարէ : Կանուխ եւ քան զանագորոյնսն , որք զգառնաւ սայր փշալից պսակն՝ անդութ հնարիմայութեամբ պատրաստեալ էին վարսել 'ի գլուխն իբրեւ ծաղածանակ , իբրեւ սո՛ւտ թաղաւորի : Դաբէ , յոյց ձեռս անկար տէր , գոչէր ոմն 'ի սրբոցն . եւ ո՞ր համբերութիւն այլ երբէք՝ բաց 'ի բոյոյդ , բաւական էր այնչափ կրել եւ այնչափ լուել :

Եւ է աստանօր կնձիւն դժուարալուծանելի . ո՞ որ արդեօք յայրատագոյնս եւ վատթարագոյնս վարեցաւ առ Յիսուս : Եւրդեօք որ դատապարտ առնէր զանապարտակիրն իբրեւ մեղապարտ , եթէ նա որ տանջէր զնա իբրեւ անմեղ : Դատաւորն հռոմայեցի Պիղատոս քաջ խիզիտաց՝ եթէ մեղապարտն այն զոր առաջի կացուցին նորա դառնապէս զրպարաութեանցն նշաւակ եղեալ հարըստահարի . “ Վանգի զիտէր , եթէ առ նախանձու մատնեցին զնա ” : Եւ և ոչ միայն ճշգրտիւ զիտէր առանձինն , այլ եւ յայտնաբարբառ եւ հրատարակեալ զանմեղութիւն Վաղովրեցոյն , “ Օ ինչ չար , ասէ , արարեալ է դորա ” . նա եւ առաւել եւս հաստահիմն զբանն առնէ յաւտենական քննութենէն . “ Եւաջի ձեր դատեցայ , եւ ոչ ինչ փնաս մահու արժանի գտի յառնս յայսմիկ ” : Եւ ասպա զինչ . դանս եւ հարուածս դառնապէս տալ ըմպել նմա՝ 'ի ներքս բերէ 'ի բանից անտի . “ Եւրատեցից զդա եւ արձակեցից ” :

Եթէ անմեղ է, ո՞ր դատաւոր անիրաւութեան, եթէ նախանձու որս է դա, ընդէր դանից և հարուածոց պարտ եղիցի. եթէ չտուգեցան յանցանք, առ իմէ պատուհաս, առ իմէ անօրէն վճիռն: Ա՛յլ անիրաւութիւնք. քանի՞ խոնեցան յայնժամ՝ ի մին յայն անիրաւ վճիռ դատաւորին, և քանի՞ հեշտին էր տեսնու առակել զայնչափ անիրաւութիւն դատաստանին և զդատաւորին. այլ բնաւ իսկ լռէ համբերող փրկիչն. յայտ է զի ծարաւի է չարչարանացն և ամենայն անարդուութեանց: «Եղի, ասէ, պահապան բերանոյ իմոյ. խուլ եղէ և խոնարհեցայ. լռեցի ՚ի բարութենէ. զի եղէ ես որպէս խուլ որ ոչ լռէ, և որպէս համբ որ ոչ բանայ զբերան իւր, և ոչ գոն խօսք ՚ի բերան նորա»:

Հասկա ձեռն ՚ի գործ անօրէնքն. այլ մեղ զիարդ հանդուրժել ՚ի տեսիլ քստմնելի հարուածոցն մոլեաց՝ չասեմ ՚ի մարմին մարդոյ, այլ և ոչ գազանի ՚ի սպանդ վարելոյ: Այն ինչ ելեալ անօրէն վճռոյն, ահա մոլեգինս յայսկոյս յայնկոյս խուճապէն դահիճք ՚ի խնդիր գործարանաց՝ դանից և հնարից տանջանաց: Օ իարդ նոքա յապուրակի ունին առնուն որ ընդ առաջ ելանէ ՚ի ճահ հարուածոցն: Եւսք առատուկս ոլորեն, կէսք սարանս, կէսք առասանս երեքկնեն, կէսք ողորս հանգուցեն, կէսք մականս շարժեն, կիսոց սարիք, կիսոց շղթայք ՚ի ձեռին՝ ՚ի մի հարուած տալ զբազումն:

Բազմահոյք դահճաց յառաջ գան ըստ պիտոյից ժամուն. և անդուստ դու ունին դիր լսել զչարարուեստ զհօծին գաղտնի զգալացն և զփարիսեցւոյ ընդ ունին դահճացն: Բանգի լուան անգգաւք զվճիռ դատաւորին հռոմայեցւոյ, զի յետ հրասարակադոյժ գանին հաստա տեալ է յարձակուրդ թողուլ զՔրիստոս. լուան զայս, և զինչ մենքենայեն. խիթան անադորոյնքն եթէ ողջ արձակի, գան և հծծեն զրդեն զկալանաւորակապսն՝ գանել ձաղկել այնչափ զի և ընդ հարուածովք գանին չնչասպառ արկցի նա: Բրժամով անիրաւութեան կաշտեցին զբազուկսն, և պնդադոյն ևս կորովացուցին, և ելեւելս մի զմիով դահճացն յորդեցին, ո՞րք ՚ի նոցանէն նախ սպանցէ զնա:

Եւ անդ էր սպա տեսանել, զի սաստկադոյնս այնպէս ամեհացեալ չարաշուքն ՚ի տնկակից զաղանութենէն,

ձայն բարձեալ աղաղակի ընդդէմ ամենահէգն ողջակի-
զի, խուժեն առ հասարակ, ընդհարեալք 'ի վերայ քար-
շեն ձգեն զնա մինչև 'ի սին մի զաւթին. անդ մոլեգինա
կորզեալ 'ի թիկանց զհանդերձն, մերկ յոտից մինչև
ցզլուխ այնպէս առակեալ հոլանեն զՄատուած: Ա՛վ,
բաբէ, ողորմեցարուք ինձ աստանօր ո բարեկամք. ա-
ռէք զիս, տարայք զիս. մի տեսից, չհանդուրժեմ տե-
սարանին:

Ա՛վ երկին, ո՛վ երկիր, ո՛վ որ 'ի նոսա տարերաց բնու-
թիւն. ո՞ւմ արդ կայք, զի յապաղէք, ցերբ է անշար-
ժութիւնդ 'ի սրտմտել, ցերբ երկայնամտութիւնդ 'ի
զնին կալ: Այլ իցէ՞ ձեզ ժամ տրտմազգեաց առաւել քան
զայս, ո՛ւրարածք յորումոր զձեզ գոյացոյց արարիչն, որ
զձեզն զգեցոյց այնչափ զարդու, քօղ մի ծածկութի-
ւունի վասն իւր՝ բայց զշար կուսական կերպի շառագ-
նութեանն, որ ողջ զվարդադոյն արիւնն 'ի վեր 'ի գեղ
դիտակին հրաւիրեալ քօղազարդէ:

Այլ աւաղիկ նա կապեալ 'ի սին անարգութեան՝
սպասեալ մնայ ընդունել 'ի մարդկանէ զդարձ փոխարի-
նի զմեծապէս սիրոյն առ նոսա: Վոչեա Արեմիա,
“Յիմարեցան երկինք վասն այսորիկ, և սոսկացան յոյժ.”:
Ար զօրութեան իմոյ նուաղեաց, ո՞ տայր ինձ վայր մի ողի
և շունչ խօսել ինչ վասն գերաշխարան տեսարանին...:
Չխոստանամ սիրելիք յանգ զպատմութիւնս հանել-
սակայն ասացից, եթէ կարացից...: Ասացից եթէ յար-
տասուաց յորդէլոց ոչ հեկեկեսցի ձայն իմ, և 'ի ցաւոց
խուժելոց՝ ոչ մղձկեսցի սիրտ իմ...: Վանզի ձեր այժմիկ
'ի լսելիս հնչին աւաղիկ կոփիւնք և բոմբիւնք հարուա-
ծոց զանիցն, շաչիւն շառաչիւն գործարանաց տանջա-
նայն:

Ա՛վ անդամք գիրգք քան զբիւր ական փափկադոյն, ո՛վ
մարմինք անմեղութեան ծաղիկք՝ դրախտին Մատուոյ
հրաշակերտք յարգանդէ անախտ վերաբուսեալք կուսին
մօր...: Ա՛վ քանիօն էին խոցքն, քանի՞ պալարքն, քանի՞
խղիւսայթքն, քանիօն կապուտակք արեանն...: Յառաջ
նումանգ գանին ողջ 'ի դալուկն հատանի մարմինն, սարսի
դողայ յոտից մինչև ցզլուխ, այլ ոչ թառաչ և հառաչ և ոչ
վայրիկ մի հեծութեան ձայն: Տեսանեմ զնա, “Իբրեւ
այր մի 'ի հարուածս, և գիտէ համբերել ցաւոց,”:

Հաստատուն և անսասանելի իբրև զսիւնն՝ յորում կապեցաւ, և ընդ որով տեղատարաւիք իջանէն գանիցն ողջ ընդ զուարթածաղիկ իրանն, ընդ թիկունսն, ընդ կուրծսն, ընդ լանջսն, ընդ ծոցն, ընդ կողմն յաջմէ և յահեկէ անգութ և անխնայ : Տեսանեմ զի և ՚ի պալարացն պայթելոց յորդահոսանք այնուհետեւ վտակաց վարդագոյն արեան ողջ ընդ մարմինն իջեալ զերկիր ուռզէն : Կեղեցեացն մորթք, հալեցան մարմինք, երևեցան ոսկերք . . . : Ո՞ր բռնաբարութիւն ոչ գործեցաւ առ տեղեան . . . : Բռնաբարեցան և օրէնք ՚ի թիւ հարուածոցն . ոչ քառասուն միայն արբուցին, այլ և զհարիւրն, այլ և զհազարն . . . : “ () թիկունս իմ, ասէ, հարին մեղաւորք, ընդ երկար արարին զանօրէնութիւնս իւրեանց ” :

Եւ սակայն չգլան տակաւին . . . : Եւ նա արդէն այլակերպեալ ամենեւին, տեսիլ մարդոյ չէր ինչ ՚ի նմա . յոտից մինչև ցզլուխ երևէր նա ոչ այլ, բայց համակ վերք . “ () յոտից, ասէ, մինչև ցզլուխ չիք ՚ի նմա առողջութիւն . վերք, այտումն և հարուածք խղիւսայթեալք ” : Եւ սակայն տակաւին հարկանէն . . . : Ետարդք և ջիղք արդէն եղծեալք, և մանրաթելք մկանանցն ողջ խանգարեալք, թամբք խզեալք, կողք բացեալք, և ոսկերք ընդ թիւ մտանէն . “ () որացաւ, ասէ, որպէս խեցւոյ զօրութիւն իմ . և լեզու իմ ՚ի քիմն իմ կցեցաւ, և թուեցին զամենայն ոսկերս իմ ” : Եւ սակայն հարկանէն տակաւին : Հեղձամեղձուկ լինէին մոլեգիւնքն . զի քան ինքեանք ՚ի տանջել, նա առաւել նահատակէր ՚ի համբերել : Համայն և այնպէս ճիգն թափեն ընդ հարուածովք մահացուցանել : Իբրև առաջինքն ու ժաթափին, երկրորդ կարգին փոխանակեն դահիճք, ՚ի վէզ եկեալք առ հասարակ յաղթել անպարտելի արութեան փրկչին : Թէպէտ և ողջ յարին թաթաւեալ ձեռքնոցա, ձորձքնոցա, երեսքնոցա, ՚ի վերայ այսր ոչ դադարեն մոլիքն : Ո՞վ մոլեգնութիւն անլուր, ո՞վ կիրք անադորոյն . ո՞ր կաղաղք զգայութիւն զվազերսն, ո՞ր բայոցք . ո՞ր անձաւք զամեհի զազանսն . . . : “ Եւ այն էր ժամն և իշխանութիւն իսաւարին ” :

Իսկ զինչ համբերողն փրկիչ խորհի ՚ի ժամուն . . . : Եւ հաւաստիկ ես, ո՞վ հայր . “ Եւ ՚ի տանջանս պատրաստ

եմ, և ցաւք իմ առաջի իմ են, : Հար զորդին, այլ
 թող թնամեացն, թող զի ընդ բոլորիցն յանցանաց
 ես կրեցից պատուհաս. : Եւ համբերեմ, ես արա-
 րից, ես անսացից, ես ընկալայց և ապրեցուցից զձեզ, :
 Երաշխաւոր միանգամ մտի վասն մարդկան ազգի, ես
 յանդորրու կացուցից զնա : Եւ ինքն զբաւ վասն մեղա-
 ւորացդ, զուք խելամուտ ՚ի սրտի ծաներուք միայն
 զսէրն. : Եւ ընկալայց, ես ապրեցուցից զձեզ, :
 Եւ յսպէս համբերատար ողին, այսպէս լռիկ հեղաբա-
 նեալ խօսի ընդ երկնաւոր հօրն ՚ի նախատինսն, ՚ի կոտան-
 սին : Վանգի արգել կնքեաց յայնժամ զամենայն խոր-
 հուրդ ընդ մարդկան, և միայն ընդ միայն մխիթարի ՚ի
 սէրն իւր վասն մարդկան : Ո՛վ սէր, մեծ ևս քան զա-
 մենայն սէր :

Իսկ զանձառելի սիրոյս զճաշակ կանուխ յայնժամ
 պտղաբերեաց, և նոյն ինքն որ դրժեաց սիրոյն նորա Պե-
 տրոս ՚ի գաւթին Վայիափայ : Ուստի և աստանօր թոյլ
 արասցուք սիրելիք ձերոյ ցաւոյն և մերոյն, և ՚ի տրտմա-
 հաղորդ կարեկից տեսարանէն զոր ցայս վայր նկարեցաք՝
 ՚ի զնին գեղեցիկ յուսոյ մեղաւորացս վայր մի դարձու-
 ցուք զաչա :

Երբեք Պետրոս ոչ երբեք հանդարտեցար թու-
 դուլ զվարդապետն, և բացադոյնս զհետ երթայիր
 Եւ ի թուի թէ զկնի ընթանայր նորա ոչ յայլ ինչ,
 բայց յուրանալ զնա : Ուրանայ երեքկին, չէ՛ շատ, այլ և
 երգմնակուռ լինի ոչ գիտել, ոչ ճանաչել զնա. : Եւ
 ճանաչեմ զայրն, : :

Իսկ անձառելի սիրոյ վարդապետին. զամենայն իսկ
 զվնասն չլսելոյն չտեսանելոյն արարեալ, եցոյց քաջիկ
 եթէ սակայն ինքն քաջ գիտէ և ճանաչէ զնա : Հայե-
 ցուած մի ական հայեցաւ ՚ի նա, որ անջնջելի մնաց ՚ի միտս
 նորա : Հիջանել անդ ընդ սանդուղսն տեսանէ զՊետրոս
 ՚ի խոնարհ ՚ի գաւթին, և անբարբառ անքթիթ միայն
 հայի ՚ի նա, և անցանէ. : Վարձաւ տէր և հայե-
 ցաւ ՚ի Պետրոս, : Ո՛վ հայեցուած սքանչելագործ :
 Հայն ՚ի մին հայեցուած աստուածային ական, միանգա-
 մայն ամենայնին խելամուտ եղև Պետրոս : Եւ մին
 հայեցուած աստուածային եհար տապալեաց ողջոյն զբը-
 նութիւն, յողոց եհան դառնապէս ՚ի սաստիկ ցաւոյն,

արձակեաց զսանձն, պատառեաց զթումբն, [թոյլ արար յորդահոս ուղիսից արտասուեացն:] Եւ ապա յայն արտասուեաց զամենայն աւուրս կենաց իւրոց երբեք ոչ ցամաքեցոյց զաչն. “ Եւ ելեալ արտաքս Պետրոս, ելաց դառնապէս ”: Եւ [թէ և մատնիչն ինքնին գիտէր զգորութիւն արտասուեացն այնոցիկ, և վստահէր ՚ի վարդապետն. և ՚ի վիճակին վայելէր իբրեւ զուրացողն:

Եւ բա՛բէ, քանի՞ն տարբերեցան իղձք երկոցուն աշակերտացն մեղուցելոց: Յուդաս հարկանի միայն ՚ի սաստիկ ցաւոյն, այլ յուսակտուր. Պետրոս ՚ի զեղջ հատեալ անպայման անձնատուօր, և բոլորովին վստահ է: Յուդաս տխրամածեալ երկրապիշ ՚ի խորհուրդս ծփայ մահահոսոս. Պետրոս վերակնեալ յերկին ՚ի խորհուրդս զուարթութեան ոգւոյն: Յուդաս ՚ի պարանմտաբերէ, ՚ի խեղճան, ՚ի մահ դառնութեան. Պետրոս անգործաւէտ կեայ, խորհուրդք իւր ՚ի կեանս հոգւոյն: Սիրտ բարի, հոգի պարզ, ձգի յեղակարծումն ՚ի մեղանչել, ոչ կանուխ խորհրդածեալ քան եթէ յափշտակեալ խռովի, այլ ոչ լքանի. խոնարհի, այլ ոչ սրբտաբէկի. երկնչի, այլ ոչ յուսահատի: Եւ մեղայ. ., լացից ուրեմն: Յանցեայ ՚ի սէր վարդապետիս, հայցեցից ուրեմն ներումն, ուրացայ զնա յԱրուսաղէմ, դաւանեցից զնա ընդ ամենայն աշխարհ: Ո՛վ Յիսուս, իմ վարդապետ երկնաւոր. այո գբեզ յուրանալ իմում միայն լեզուաւ, սիրտ իմ գելոյր, սիրտ իմ յիս զգողանի հարեալ սասանէր:

Եւ ապա Պետրոս յայս զիղջ սրտին իբրեւ տօթով խարուկեալ, փութացաւ յարեաւ, որպէս գրեն վարդապետք, դէպ ուղիղ գիմէր ՚ի մի միայն ապաստանարան փրկութեան իւրոյ՝ ՚ի տուն ամենասուրբ մօր տեառն իւրոյ և վարդապետին: Եւ ոտս անկեալ մօրն և կուսի դառնապէս արտասուօք՝ ՚ի հզօր բարեխօսութիւն առ միածին որդին՝ զթողութիւն մեղացն պաղատի. յորմէ և ողջոյն քաջալերեալ աներկմիտ հաւատով հաստատէր միւսանգամ ՚ի սէր և ՚ի շնորհս Արդւոյն:

Եւ այս յայնժամ. իսկ և զարդիս մեզ մեղուցելոցս, սիրելիք, միակ ապաստանարան, միակ ապաւէն փրկութեան, Սարիամ: Վանդի և անշուշտ, որպէս երգէ

եկեղեցի, “Եւ է միշտ անդադարելի բարեխօս աշխարհի, նա է դուռն երկնից, նա ճանապարհ արքայութեան, նա մայր փրկութեան” :

Եւ մեք մեղուցեալքս ընդ Պետրոսի դառնապէս արտասուօք ելցուք ՚ի խնդիր Սարիամու . գտցուք անշուշտ զհօր բարեխօսութիւնն, քանզի և բոլորովին մայր է ողորմութեան : Եւսկցուք առ ոտս, և մանկութեցուք հաւատով ընդ երջանակին մեծի սրտեռանդն պաշտօնէին Սարիամու . “Սեք բեկեալք սրտիւ մատանց տատանմամբ յոյս առեալ դարձի, զգէմն ՚ի յերկիր եղեալ պաղատիմք մօրդ Յիսուսի . դու զօրաւոր փրկանակ կենաց խկուհի երկնի : Բարձրացի պատիւ քո մեօք, և ցուցի փրկութիւն մեր քե” :

ՄԱՍՆ Գ .

Բայց զարդիս վայր մի զմտաւ ածել աղաչեմ, սիրելիք, զի կենագործ չարչարանք և մահ տէրունւոյն ոչ իբրև համաշխարհական միայն շնորհ պարգեւեցաւ վասն բոլորից մարդկան, քան թէ իբրև անհատաբար առն առն ՚ի մէջ ցուցաւ անպատում երախտիք : Սի երբէք կարծիցէք քրիստոնեայք, եթէ իցէ որ յաշխարհի մարդ թէ պէտ և հիքացեալ և մուրիկ, թէպէտ և ՚ի յոյժ սննդբուրաց, որ ՚ի խաչելութեանն անյիշատակ թողեալ իցէ ՚ի Քրիստոսէ :

Այ գնեցաք մեք աստուածային արեամբն իբրու հօտք խաշանց դունդագունդ, այլ մէն մի յոշխարաց անտի նկատեալ ուրոյն առանձինն՝ սիրեցաւ ՚ի նմանէ նովին իսկ սիրովն, զոր սիրեաց նա զամենեսեան միահաղոյն : “Եւ քանզի զմի մի ՚ի մարդկանէ ճանաչէր Քրիստոս, որպէս նրբագոյնս կռեաց աստուածայինն Բզոստինոս, ճանաչէր և զիւրաքանչիւր զյանցանսն, ուստի և վասն միոյ միոյ ՚ի նոցանէն մատոյց զանձն պատարագ հօրն : Սասն որոյ և այր իւրաքանչիւր պարտապան է նմա, որպէս եթէ ինքն միայնակ փրկեալ էր” : Յայս իմաստ և յաստուածամերձից ոմն այլ յաւելու այսպէս . եթէ թէպէտ և չէր այլ որ ՚ի մարդկանէ յաշխարհի առ ՚ի փրկ-

կի՛ն՝ բաց 'ի քէն միայնոյ, սակայն և այնպէս չարչարէր նա այնչափ 'ի սէր քո միայն, որչափ ինչ կրեաց 'ի սէր ամենայն մարդկան: Եւ աւասիկ յայս իղձ երախտագէտ սրտի վառեալ աստուածայինն առաքեալ, այնպէս հայիմ, ասէ, 'ի խաչելեալն իմ տէր, որպէս եթէ վասն իմ միայնոյ 'ի խաչելեալէր. «Որ սիրեացն զիս, ասէ, և մատնեաց զանձն իւր վասն իմ»:

Եւ արդ քանզի հասաք աւագիկ 'ի վերջին պատկեր տեսարանի ցաւագին ողբերգութեանս, հապա արիք սիրելիք. սակայն եթէ սիրտ հանդուրժէ, զնասցուք 'ի Վողգոթայ, և յերթալն այր իւրաքանչիւր զայս ասաւ ցէ, զնամաւագիկ 'ի տեսանել զայն ինչ զոր Վրիստոս գործէ վասն իմ. «Որ սիրեացն զիս, և մատնեաց զանձն իւր վասն իմ»:

Մէք վայր մի յառաջ թողաք զՎրիստոս 'ի խոնարհ 'ի գաւթին. նա սպասեալ մնայր վճռոյ դատակնքոյն իւրոյ. իսկ անդուստ դատաւորն յետ բազմապատիկ ընդ երկար հարցափորձին զայ յերևան յատեան, և միանգամայն առ ոտն հարեալ զամենայն իրաւունս զաստուածայինն և զմարդկային, յետ այնչափ զձձանօք նշաւակելոյ զորդին Մտուծոյ 'ի զուգակշռութիւն յայն անարգաբար հաւասարութեան ընդ Վարաբբային, ընդ աւագակին, ընդ մարդասպանին, արձակէ զմահապարտն և դատապարտէ զարդարն: Եւ յետսամիտ զաչացու քաղաքականութեամբն՝ զի մի յաչաց ելցէ կայսերն, փոխանակէ զՄտուած ընդ մարդոյ տուեալ դատակնիք:

Եւ աւասիկ ձեզ բուն իսկ դատակնիք վճռոյն Պիղատոսի, որպիսի 'ի յոյժ վաղնջուց զիւանագրացն ժողովեաց մեզ Մարիկոմիոս:

«Օ Յիսուս» Նաղմոյնցի զհառովիւ թողմբեանն, զանար-

«Գոան հայսեր, եւ զսոս մեռիցն, որպէս 'ի վնայութեանն

«աւագաց ապիկն իւրոյ ցոացաւ, առեալ ամէն 'ի հասարա-

«հաց վայր մահոան, եւ անդ իբրեւ սոս արքայ յատակն նշա-

«անէ 'ի մէջ երկոց աւագակնց հանէ 'ի իսկ:

«Հանալ որոն հալան ստորագրել որդէն արքայոս արեւո-

«յ հալանն»:

Մեք աստանութիւն տարապարտ, ցուցակութիւն անպատճառ, դատաւոր անիրաւ, դատակնիք անիրաւագոյն. այլ զինչ շահ:

Ի հաւաստի խաչն . . . : Ո՛վ, որ քոյ 'ի խնդիր ելեալ խի էի մեծափափաք տենչմամբ, խաչ սուրբ, ահաւաստի գբեզ 'ի մօտոյ աչք իմականէն : Ողջոյն ընդ քեզ փայտ կենաց , դու բազմաժամանակեայ իմոյ սիրոյն նպատակ, դու իմոյ ուղոյս երջանիկ կատարած , դու կենաց իմոյ գին սրատուական , դու հանգստեան մահուն իմոյ աստիճական . “ Յայնժամ ասացի , թէ ահաւաստի դամ ես , , :

Օսոյն խաչափայտ , զգործի մահուն , հեծան մեծ և ծանր , չարատանջ մարմնովն յուս իւր բարձեալ , սիրոյ համբուրիւ զնա ընդգրկեալ , այնպէս քաջաքայլ ելանէ 'ի լեւոն . “ Ստանձնեալ իբր զպարտական զփայտն վրչտաց . որպէս զծաղիկ շուշանաց հովտաց . ուսով բարձեալ զգէնն կենաց , , , որպէս երգեաց աստուածամերձն հոգի . ելանել ելանէ և յոգւոց հանէ . . . Երուսաղէմ , թողում գբեզ . “ Քանզի բարձաւ 'ի դստերէն Սիոնի ամենայն վայելչութիւն նորա , , :

Ի՛յլ դու քաղաք ամբարիշտ , եկեսցէ օր , գիտասցես քաջ ո՛վ իցէ նա զոր դու այսօր 'ի մահ առաքես : Տեսցես 'ի մօտոյ , դարձցի նա 'ի պատուարս քո , հասցէ իբրև դատաւոր , որ ել այսօր արտաքս իբրև յանցաւոր : Ի՛նչէ աղէտիցն : Ի՛յն , հասցէ 'ի վերայ քո իբրև դատաւոր ահաւոր : Ի՛յլ զինչ . . . : Գարձեալ և նոյն աղէտք հանդերձեալք կանուխ այժմէն ցաւս յաւելուն գթած սրտին . “ Գտներք Երուսաղէմի , ասէ , մի լայք 'ի վերայ իմ . այլ լացէք 'ի վերայ անձանց և 'ի վերայ որդւոց ձերոց , , : Ս'ի 'ի վերայ իմ , կանայք գորովակէզք , իմոյ մահուն արտասուակցորդք . իմ մտադիւր է զուարթութիւն զիմելոյ 'ի մահ : Օ այդ արտասուս պահեցէք դուք 'ի վերայ որդւոց ձերոց . “ Օ ի եկեսցեն աւուրք , յորս ասիցէք , երանի՛ ամլոց բք ոչ ծնան , և ստեանց որ ոչ դիեցուցին , , :

Ո՛վ հրաշից սիրոյն . նա յայն վշտումբեր 'ի վերջին քայլսն կենաց , յայնչափ անարգութեան անձին , 'ի մէջ այնչափ խառնամբոխ խուժանին ամեհեաց , 'ի շաչիւն շառաչիւն զօրաց , 'ի զրնդիւն ձիոց ամբակաց , 'ի խուժել բազմահոյլ չարաշուք դահձաց , նա անալիհեր անսասան 'ի մի սէր սրտին՝ ոչ մերժէ զԵրուսաղէմ , ոչ սրտնի , ոչ ատեայ : Երուսաղէմ անիրաւի , նա ախտակից է նմա .

Լըրուսաղէմ դատապարտէ, նա արտասուէ վասն նորա .
 Լըրուսաղէմ խաչ պատրաստէ, նա 'ի զգաստութիւն
 հրաւիրէ զնա . “Վստերը Լըրուսաղէմի, լացէք դուք 'ի
 վերայ անձանց և 'ի վերայ որդւոց ձերոց .” : Ըհ հա-
 սարակ մովին ընդդէմ միոյն . մին սիրող է ամենեցուն :
 Ըհ բաբէ աստանօր նորոյ տեսարանին . . . : Ըհա-
 ւասիկ Սարիամ . . . ահաւասիկ մայր կենդանախարոյկ
 պատարագ մահակից ողջակիզեալ միածնին . . : Ս'վ
 ժամ . . յորում աչք աչաց պատահեցին մօրն և որդւոյն :
 Ս'վ ժամ յորում և ոչ մին և ոչ միւսն հանդուրժէր տես-
 լեանն իրերաց . . : Սարիամ փութապէս քողածածուկ
 'ի դէմն՝ յարտօսր հատեալ ցաւազին տեսանէ և ան-
 ցանէ . { Խուս խոնարհեալ զլուսալիւր բիբն՝ անքթիթ
 'ի խաչ անդր միայն ակնարկէ . . . :

Չայն տուք կանանց երամոյն . . . ո'վ . . . որչափ կեցին
 յաշխարհի, կամ որչափ ինչ կեցցեն . ահաւասիկ ձեզ
 կին լի անչափ ցաւով, և լի անչափ արութեամբ : Ս'ի
 որ ակնկալցի տեսանել երբէք 'ի մայր արութիւն այն-
 չափ, մինչև ոչ գտցէ 'ի նմա ցաւ այնչափ . . . : Ս'զգթէ,
 ոչ անկանի, ոչ նուաղի . “Այր, ասէ, առ խաչին .” : Ս'ի
 որ դարձեալ ակնկալցի տեսանել երբէք 'ի մայր ցաւ այն-
 չափ, մինչև ոչ գտցէ 'ի նմա սէր այնչափ : { Յաւ ընդ ան-
 չափ սիրոյն անդանօր, և սէր ընդ անչափ ցաւոյն յայն-
 ժամ 'ի վէգ զմիմեամբք ելանէին 'ի գերաշխարան տեսա-
 րանին : Ըհ թէպէտ տեսիլ յայնժամ այնպիսոյ մօր յոգի
 զորդին հարկանէր, սակայն և անհրաժեշտ կամեցաւ
 զայն { Խուս : Կամեցաւ հաստատուն միշտ առննթեր
 իւր ունել զնա մինչև 'ի վեր 'ի վայրն կառափման, մինչև
 'ի վերջին շունչն աւանդման : “Այր, ասէ, առ խաչին
 մայրն : Ըր աղագաւ . . . որպէս զի ոչինչ այլ
 ունելով նա թողուլ մեզ 'ի խաչէն, թողցէ մեզ 'ի մա-
 հուն զմայրն .” : Ըհ մայր քո . . . :

Ըհ արդ գայ հասանէ 'ի վայր Պողոթնային, զվեր-
 ջին քայլն երազեալ { Խուս ելանէ ընդ զառ 'ի վերն,
 հասանէ 'ի զլուխ լերինն . . . : Ս'վ լեառն խորհրդոյ,
 ո'վ լեառն Ըստուծոյ . “Լեառն պարարտ, լեառն մա-
 ծեալ, լեառն ընդ.որ հաճեցաւ բնակել Ըստուած :

Ըհաւասիկ լեառն, ահա օրն, ահա ժամանքնին խոր-
 հրդոյն : Ըստանօր ահաւասիկ, ուր քառաթեւն կան-

գնեսցի երկրորդին Միսանայ, աստանօր առաջնոյն անկեալ կան ոսկերք : Վանդի և էր իսկ անշուշտ այն խորհուրդ անձառելի նախախնամութեան, ասէր աստուածայինն Մեզոստինոս . « () ի անդանօր բարձրացեալ հովանի ի վերայ կանգնեսցի բժիշկն, ուրանօր անկեալ կայր հիւանդն » : Մաւասիկ լեառն, յորում մեծն այն հայր նահատակեցաւ ի հանդէս մեծի ողջակիզի որդւոյն . և այժմիկ աստանօր պատարագ բոլորանուէր մատչի Մստուծոյ որդւոյն : () ր վեցերորդ այսօր, յորում ամենայն զարդու ստեղծաւ աշխարհ . և օր է այս՝ յորում միւսանդամ վերաստեղծի հրաշափառապէս :

Միջ եկն եկաց ի վայր մահուն, և դահիճք մոլեգնաբար զհանդերձն յուսոյն կորցեալ . սակայն աստանօր ճահողակի լուել իմոյ ապիկար լեզուի, զի վայելուչ ևս լուելի արասցէ մեզ աստուածընկալ հոգին խաչաչարչարն՝ զձառ խաչին), զհանդերձն յուսոյն կորցեալ, « Հանին արտաքս իբրեւ ողջակեզ, կախեցին իբրեւ ըզխոյն Սաբեկայ ձգեալ զեղջերայն, տարածեցին ի սեղան խաչին իբր զպատարագ, բեւեռեցին որպէս չարագործ, պնդեցին իբր զապստամբ, զխաղաղութիւնն երկնաւոր իբր զաւազակ, զանկապուտ մեծութիւնն հօր իբր զտառապեալ, զառ ի բրովբէից պաշտեցեալն իբր զքամահեալ, զսահմանն կենաց՝ իբր զարժանաւոր ստակման մահու . զաւետարանին նկարիչ իբր զհայհոյիչ օրինին . զտէր և զկատարումն մարգարէից՝ իբր զհամառօտիչ գրեցելոցն . զօրհնեալն իսկապէս՝ իբր զտառագրեալ, զկապոյ օրինին լուծիչ իբր զայր ի նզովս զըրեալ, զահաւորն երկնի և երկրի՝ իբր զհաւաստի պատժաւոր : Սվ քաղցրութիւն և երկայնամիտ բարեբարութիւն ողորմածիդ գթութեան » :

Վանիօն էին յայնժամ ողբք, կոծք սրտառուչք ախտակից որերոյն . արտասուք քանի քամեցան սիրելեացն և բարեկամաց . . . : () իմարեցան և երկինք վասն այսորիկ . զարհուրեցան և զօրք երկնայինք ընդ անկարծելի տեսիլն . զարհուրեցան երկինք և քօղ առին զերեսօք . չը հանդուրժեաց տիւ և զիշերացաւ . անդունդք աղաղակեցին մեծապէս, և լոյս փայլման արեգականն արդելաւ . և որոտընդոստ ի վերուստ հայրն ամենակալ վեր ի վայր զտիեզերս դորդէր . . . :

Իսկ 'ի իսպէն զինչ յայնժամ ամենակալ Որդին : Ի՛րք աչացն մահահամբոյրք վերակնեալ ընդ երկինս կամի բարբառիլ . . զինչ . . . “ Հայր Թող դոցա , զի ոչ զիտեն զինչ գործեն , . . . Ո՛վ սէր անչափելի . ո՛վ ան ռիսակալութիւն անձառելի . . . : Ս՛կնչեւ մեռեալ ի ցեմ , ով Հայր իմ երկնաւոր , մինչեւ զվերջին իմ շունչ քեզ աւանդեալ , այս յինէն քեզ վերջին հայցուած սրբ տառուչ . Թող դոցա ամենեցուն՝ զոր ինչ այսօր ընդդէմ ինձ գործեցին Թողովուրդք և իշխանք , դատաւորք և քահանայք , հրէայք և հռովմայեցիք , ընտանիք և օտարք . Թող դոցա զի ոչ զիտեն զինչ գործեն :

Ս՛իայն լեզուն ազատ կայր 'ի համակ չարչարազգեսց 'ի մարմնին՝ որպէս ասաց ոմն յաստուածամերձիցն . և միայն զլեզուն յայնժամ 'ի գործ արկանէր 'ի սէր մարդ կան : Եւ 'ի դժարս եղեալ , սակայն խնդազին այնուհետեւ աղաղակէր մարդասէրն . “ Ե՛հ ամենայն ինչ կատարեալ է , , . կատարեցաւ սէրն , կատարեցաւ աւանդիկ վերջին փորձ սիրոյն , առ զլրումն ճշգրիտ տիպար անսահման ԳԹոյն , կատարեցաւ պատկեր քաջի հովուին՝ որ զանձն եղ 'ի վերայ հօտին : “ Ե՛մենայն ինչ կատարեալ է , , . կնքեցան այսօր մարդարէութիւնք . 'ի գլուխ ելին այսօր պատգամքն . տեղի ետուն այսօր օրինակքն և ստուերքն , երևեցաւ ճշմարտութիւնն :

“ Ե՛մենայն ինչ կատարեալ է , , , քամեցաւ բաժակն մինչեւ ցմբուրն դառնութեան յատակին , հեղաւ արիւնն մինչեւ ցվերջին շիթն , հատուցաւ աստուածային արդարութիւնն մինչեւ ցյետին բնիոնն . . : Ոչ այլ ինչ մնաց , բայց տալ զկեանս : Հապա դուք , որդեակք իմ , առէք ըզվերջին իմ շունչ , և մահուամբ իմով դուք առէք զկեանս :

“ Ե՛մենայն ինչ կատարեալ է . Հայր , 'ի ձեռս քո յանձն առնեմ զհոգի իմ , . . . Եւ ապա 'ի կիրս անչափ սիրոյն , խոնարհեցուցեալ զգլուխն 'ի նշան վերջին հնազանդութեան առ երկնաւոր հայրն խոնարհեցուցեալ զգլուխն լի աստուածային սիրովն աւանդէ զոգին :

Եւ արդ զտիպ կենդանի չարչարազգեսց տեսուն Յիսուսի ցայս վայր տեսեալ , որչափ ինչ առէր ինձ սիրտ իմասեղ ձեզ սիրելիք , ասացի . իսկ զարդիս քանդի անշնչացեալ մահացեալ 'ի մարմնի տեսանեմ զանմահն Եւ .

տուած, զինչ այլ մնայ ինձ ասել, բայց զոր տէրն իմինք
նին լուռ բարբառի առ ձեզ յանձնադրեալ բերանոյն .
եթէ “Ձեզ ասեմ, իմ հաւատացեալ որդեակք, ձեզ
ասեմ, դարձարուք, հայեցարուք յիս միանգամ և տե-
սէք հայեցարուք միանգամ, զննեցէք քաջ և շատ է, . . . :

Եւ անշուշտ սիրելիք, ո՞րք երբէք զակն իւր յառեալ
հայեսցի միանգամ յայս ամենագութ փրկիչ, այնպէս ան-
շնչացեալ ՚ի խաչին լի արեամբ, լի վիրօք, և ոչ ՚ի գթոյն
և ոչ յաղեկէզ յարտասուացն փեռեկեացի սիրտն, և դո-
ւեսցէ սրտառուչ. “Ո՛վ տէր, ո՞ մահացոյց, ո՞ր անաղորոյն
անշնչացոյց զբարերարդ, զփրկիչդ, զտէրդ . . . :
Եւ աղ, և բիւրիցս ինձ աւանդ . . . ես ինքն տէր, ես ինք-
նին զլիսովին . . . : Եւ լծող ինձ բազմագութ տէր,
լծող ինձ . զի ոչ զիտացի, զոր գործեցի, . . . :

Բանդի և նոյն դէպք ճշգրտիւ պատահեցին, սիրելիք,
՚ի վայրիս, որպէս յերբեմն ժամանակս դէպք ետուն
ցաւագինք, այն ինչ ՚ի նոյն մարտ պատերազմի հայր և
որդի նահատակեալ ՚ի խառնամուխ լինել բորբոքեալ
դուոյն ՚ի շաչիւն ՚ի շկահիւն զինուց լծնամեացն, որդին
յանդէտս ՚ի մահ վիրաւորեալ զիտապաստ զիւրական
հայրն արկանէ : Իսկ ՚ի վճար մարտին ՚ի խնդիր սիրե-
ցելոյ հօրն ելեալ, յանկարծ ՚ի մէջ դիականցն յակն ար-
կեալ տապաստ զհայրն և ծանուցեալ յիւրոց իսկ ՚ի
փրնացն խոցեալ զնա, այլ յայլմէ որդին ՚ի ծփել լսեալն
բարշեալ զսլաքն ՚ի կողից հօրն և ՚ի կող իւր գործեալ
կշիռ, բաբէ, ո՛վ հայր իմ, գոչէր սրտառուչ, ո՛վ հայր իմ
եթէ ես գբեզ սպանի, անշուշտ յանդէտս, սակայն և
և ոչ անցցէ անսպառուհաս . . . աւանդ իմ չար բախտին . .
դու ինձ կեանս ետուր, և ես զկեանսդ բարձի ՚ի քէն .
արժանի եմ մահուն, զոր քեզ սաղրեցի . . . : Օայս ա-
սաց, և լի հեծութեամբ մինչև ՚ի սիրտն մխեալ զսլա-
քն, ՚ի գիրկս դիակնացեալ հօրն անկանէր տապաստ :

Եւ յո, սիրելիք . եթէ ՚ի խնդիր այսօր ելանէք սիրե-
ցելոյ հօրն, զտանէք զնա ՚ի մէջ անկելոյն զիտապաստ,
արիւնաթաթաւ, վիրալից, և յողւոց հանեալ գոչեա-
լիք . ո՞ զբւեռն, ո՛վ հայր իմ, վարսեաց ՚ի քեզ . ո՞ զսայ-
րասուր փուշն մխեաց ՚ի քեզ . ո՞ այնչափ վիրօք ելից
զքեզ . . . : Եւ ապա այր այր մօտ զննեսցէ, և ծանիցէ
զգործ ձեռին իւրոյ . . . :

Ո՛վ տէր իմ և Մտուած իմ, ո՛վ Յիսուս փրկիչ իմ . . .
այդ աւագիկ վերքդ, զոր ես վիրաւորեցի զքեզ . . . տե-
սանեմ քաջիկ, տեսանեմ և ճանաչեմ . . . : Մյսչափ ու-
րեմն մեծամեծք են խոցուածք իմոցս մեղաց . . . : Մյս-
պէս ուրեմն վարեցայ ընդ քեզ անձկալի հայր իմ . . .
Մյսպէս ուրեմն ՚ի խոնել խուժել մոլեգին բնութեանս
կրիցն բորբոքելոց մարտ եղեալ կռուեցայ ընդ քեզ . . . :
Ես ինքն խոցեցի զձեռսդ . . . ես ինքն զաստուածային
կող կենարարիդ . . . ես ինքն բարձի զկեանս կենդանա-
տուիդ . . . : (Ժող ինձ հայր իմ, Թող ինձ զի ոչ գիտացի զոր
գործեցի . . . : Մըդ զի գիտեմ, պատրաստ եմ աւագիկ .
աստուածային արեանդ հատուցից զարիւն իմ . . . : Մը-
տասուեցից ցմահ ՚ի վերայ մեղաց իմոց . արտասուեցից ՚ի
սէրքո՛ր ՚ի վերքան զամենայն . . . : Վիտեմ, զի Թողուս
՚ի շնորհս կենարար արեանդ . . . : Ո՛վ արիւն Մտու-
ծոյ՝ փրկութիւն իմ . . . ո՛վ մահ կենարար, ո՛վ չարչա-
րանք փրկիւն իմոյ . . . : Մրտասուեցից ո՛վ Մտուած իմ,
ո՛վ բարութիւն անսահման, ո՛վ սէր անչափելի . . . : Մը-
տասուեցից, և դու օրհնեսցես զիս աստուածագութ
սիրովդ, որով մեռար վասն իմ :

Ք. Լ. Բ. Ո. Զ. Խ. Գ.

Ի ՅԱՐՈՒԹԻՒՆՆ ՎԵՐԻՍՏՈՍԻ

Եղի ևս որպէս մարտ առանց օգնականի և 'ի մեռնալս ազատ :

Օ՜ ինչ այս մեծահարալ սքանչելիք, որ առ հասարակ յապուշ կրթէ զքնութիւն և զմահ, զերկինս և զդժոխս. Յիսուս Վրիստոս յաղթողական փառօքն արտափայլէ 'ի գերեզմանէն, ոչ 'ի դափնիս և 'ի պսակս զարդարեալ՝ որ ծաղկընկէց մրցանակք են երկրաւոր նահատակաց, այլ ճոխացեալ աւարօք մեղաց և մահու, որ արժանի յաղթանակն է միայնոյն Լստուծոյ։ Սե եր տեսեալ երկնից և երկրի զայսօրինակ սքանչելիս, և ոչ դժոխոց զկարելիէն առեալ հարուած, և ոչ աջոյ Լարձրելոյն զայսօրինակ հրաշագործեալ անպատում սքանչելիս։ Տեսան ապաքէն մեռեալք որք 'ի ձայն մարգարէից թօթափեալք զքուն մահուն. ելոյծ Վ ազարոս զգիւղարդիկ երիզապինդան և 'ի ձայն Վրիստոսի յարուցեալ եկաց 'ի չորեքօրեայ թաղմանէն. այլ ոչ ուրեք լսելի եղև՝ զի մեռեալ որ առանց ուրուք ձեռն տալոյ՝ չէր թայս մահուն խզեսցէ և 'ի գերեզմանէն արտաքս դայցէ. “Լռանց օգնականի և 'ի մեռեալս ազատ”, գերեզման ոչ միայն մատանեալ 'ի ժողովարանէն Հրէից, այլ և շուրջ պարփակեալ 'ի զօրականաց և յանադորոյն թշնամեաց. և ահա ինքնազօր իշխանութեամբն խզէ զկապանսն, փեռեկէ զկափարիչն վիմարդեայ, և ահա

բեկեալ խռովէ զգօրականն . յայսմ է ահա մեծութիւնս
սքանչելեաց և անձառահրաշ հրաշագործութիւնս . սքանչելիք
'ի հինգհարիւրոցն բերանոյ վկայեալք ըստ գրոց՝
որք միանգամայն տեսին յարուցեալ զՎրիստոս . սքանչելիք
որք կարկեալ սանձահարեն զբերանս հակառակորդաց
քրիստոնէութեան, ոյր վասն խռովի և ժողովարանն
հրէական և վրդովեալ 'ի խորհուրդ մտանէ, և ոչ
այլով իւրք քօղարկել կարացեալ զամօթ և զկորանս
անձինն, ձեռն արկանէ յառաքեալն և արդելու
նոցա քարոզել զյարութիւն Փրկչին, և այնու լրումն
տայ փառաց կրօնիցս և իւրում ամօթահար նշաւակութեանն .
սքանչելիք այնչափ ևս անսասանք՝ որչափ զի
'ի նորին հաստատութիւն ետուն զանձինս և նորին իսկ
առաքեալք՝ և որք զհետ նոցա վկայք անհամարք :

Եւս արդարապէս յաւուր յայսմիկ ջնջէ եկեղեցի
զարտօսը յաչաց, 'ի բաց դնէ զհանդերձանս սղոյ, և 'ի
խնդութիւն զհեծութիւնսն փոխարկէ՝ և յերգս յաղթողականս
զլաւհառաչ պաղատանսն՝ որովք հնչէին տաճարք
վեհալայրք յառաջ քան զաւուրս զայսոսիկ : Եւ 'ի
խնդութեան աստ պահուս քանի տրտմութիւն 'ի դէմս
պաշտօնէից խորանին 'ի ծոցի աստ եկեղեցւոյ զհրէական
ժողովարանն նկատելով, և 'ի քրիստոնեայս՝ հերքեցիս
խաչահանութեան, որոցանհաւատ թուին յարութեանն սքանչելիք :
Եւ զինչ ինչ առնել իցէ ինձ այժմ . եթէ զնոցա
անհաւատութիւնս յերեսս հարեալ պատկառեցուցից՝
տակաւս օժանդակեսցէ բանս ձեզ հաւատացելոց : Եւ
եթէ ամենեւին իսկ լքեալ թողից զնոսանպատասխանի,
այլ նովին իսկ և ևս խրոխտապանձ փքասցին, և զմեր
լրութիւնս յաղթանակ անձանց համարեցին : Օ 'ի
եթէ Վրիստոս է յարուցեալ՝ ընդունայն է հաւատքն
մեր, ասէ առաքեալն : Օ մէ ապա հարցուք բոլուն .
բայց զի առաքելոյն ունկնդիր խրատու՝ պարտապան
զանձինս ընծայեցուցուք անմտից և իմաստնոց . բարեառեցայց
որոց հաւատանն և որոց ոչն հաւատան, և երկօրուն իսկ
ձահողակի զբանս յարմարեցից : Եւ եթէ յարուցեալ է
Վրիստոս՝ ապա աստուածահրաշ գործէ հաստատութիւն
քրիստոսական կրօնիցս, որով և 'ի վրիպանս և 'ի ցնորս
դանդաշէ անհաւատն : Եւ յարուցեալ է Վրիստոս,
ապա ուրեմն և մեք յաւուր միում յարկուք 'ի նորո

գտառուր կեանս, որով և հաւատացեալն որ 'ի սէր աշխարհ
հիս և աստի կենացս զակատեալն է'կոյր է և զաչացու. այ-
սորիկ իմաստք կրկին սերկեան ատենաբանութեանս.
Յարութիւնն Վրիստոսի խորհուրդ փառաց և յաղթու-
թեան հաւատոց յամօթապարտ կորանս անհաւատին.
Յարութիւնն Վրիստոսի խորհուրդ շնորհաց և փրկու-
թեան 'ի սփոփանս առն հաւատացելոյ: Արդ ա-
րասցուք սկիզբն բանիս ուստի արժան է սկսանել:

ՄԱՍՆ Ա.

Արդարեւ 'ի սմին իսկ առուր արժան է մեղ յնչս
դնել զթշնամիս կրօնիցս. քանզի և յառուր յայսմիկ ցու-
ցանեն նորա զվատութիւն մոլեգնութեան իւրեանց,
և զյետսամտութիւն զբանականին. հաւանին ընդ
մեզ ասել եթէ մեռաւ Վրիստոս 'ի վերայ խաչին.
դարձեալ ոչ ընդդիմաբանեն եթէ յետ երկից առուրց
թափուր և ունայն գտաւ գերեզման նորա. նա 'ի վերայ
ևս ածեն զի եթէ արդարեւ յարեաւ Վրիստոս, ապա և
կրօնք քրիստոսականք դործ է ձեռինն Աստուծոյ:
Օ ինչ ապա ածեն մեղ 'ի դէմս. զայն եթէ իցէ ար-
դեօք ճշմարտիւ յարուցեալ Վրիստոս. իցէն արժա-
նահաւատ առաքեալքն որ զնոյն մեղ վկայեցին. չիցէ
մարթ արդեօք եթէ խաբել իմն զմեզ հնարիցեն կամ
եթէ ինքեանք իսկ ըմբռնեալ իցեն 'ի պատրանս: Արդ
զինչ առ այստիկ իցէ պատասխանել, բայց 'ի քնին
առնուլ զանցս իրացն, և մանրախուզիւ զդէպս եկակո-
չել. և յայնժամ ապա տեսանիցէք դուք զի յան-
դրդնեալքդ այդորիկ 'ի կարծիս երկմտութեան զամե-
նայն ինչ հանելով, անձնադատ գտանիցեն և զաչա-
ցուս և անարդարս զանձինս յանդիմանեացեն:

Առաջին ընդդիմաբանութիւն զոր արտաձառեն ան-
հաւատք հակառակ խորհրդոյ յարութեանն այս է.
եթէ իցէ ստուղիւ յարուցեալ Վրիստոս 'ի մեռելոց,
և չէր մարթ առաքելոց 'ի պատիրս ինչ անկանել զի-
րացս. և զի արք տգէտք դոյով նոցա և թանձրամիտք
ոչ ապաքէն զիւրին իմն էր խաբել զնոսա. որոց մի-

անգամ ըմբռնեալ 'ի պատրանս՝ զայլ ևս 'ի նոյն ձգեցին, յորոց և լեզուադարեալ առասպելեացն յաղգաց յաղգս ձգեցան։ — 1) աչ իմաստութեանն, մէջ որ այն ինչ ճառագայթից արեգական յանդիմանեալ և փարատի. զի եթէ արդարեւ չե յարուցեալ Վրիստոսի՝ առաքեալքն համարելն զնա ելեալ 'ի գերեզմանէն, ո՞րք արդեօք 'ի նոյն ցնորս արկ զնոսա. քանզի 'ի հաստատել անդ խարդաւանս ինչ գործեալ վասն իրացն, հարկ է ոչ միայն հնարաւոր ցուցանել զնոյն, այլ յայտնի առնել թէ յումմէ և զիւրդ ծաւալեալ իցեն բարբաճըդ։ Արդ յոր ուրուք համարիցիք մեքենայեալ զիրսդ։ Թերևս նոյն ինքն Վրիստոս որ 'ի կենդանութեանն զամենայն ինչ յօրինեալ կազմեաց. այլ տուք ինձ պատասխանի, զիւրդ ապա Վրիստոս 'ի կենդանութեանն վեր 'ի վայր զիւրոյ յարութեանն զճառս յեղեղէր, և 'ի խնդրել փարիսեցւոց նշանս յերկնից ցուցանել նոցա, ոչ զայլ ինչ չնորհեաց նոցա՝ բայց զիւրոյ յարութեանն զքանչեւիս, չճգազոյնս ժամադրեալ նոցա յառնել 'ի գերեզմանէն յետ երեքօրեայ թաղմանէն։ Արդ զիւրդ որ ոչն էր յառնելոց, կանխագոյն ամօք զիւրոյ յարութեանէն ճառէր. և որ ոչն կարէր յառնել՝ կանխագուշակ լինի այնմ և աւետի, որոց ունկն էր 'ի լսել։ Ի հնարս մտանէր Վրիստոս պատրել զաշխարհս համօրէն, և յարուցեալ զինքն կարծեցուցանել անյարիրն 'ի մեռելոց. և սակայն գուշակէ զյարութիւնն ոչ առաքելոցն և եթ, այլ և դպրաց և քահանայից, և բովանդակ իսկ ժողովարանին, և իւրոց անագորոյն թնամեացն. և զայն յառաջագոյն ժամանակաւ՝ զի զարթուցէ զնոցա նախանձաւորութիւն և զմոլեգնութիւն, զի արթունս զնոսա և աչալուրջս գործեսցէ 'ի կարեւոր զգուշութիւնան, զի մի արդեօք 'ի պատրանս ինչ ըմբռնեսցին. որով և նմին իսկ զժուարին նա մանաւանդ և անհնարին իսկ իցէ խաբել զնոսա։ Արդարեւ ընդդիմախօսութիւն անհամբոյր, որովք հարկ է մեզ համարել զՎրիստոս խորախորհուրդ միանգամայն և պարզամիտ, նենդաւոր քան զամենայն դաւաճանս և խօթամիտ քան զամենայն խելացնորս. ճարտարիմաց զի հաւատարիմ եցոյց զյարութիւնն հաւառակ իստապարանոցութեանն հրէից, միանգամայն և յոյժ անմտացեալ զի ինքնին խոչս և խութս յարու-

յանէր իւրոց խորհրդոցն, և պառակեալս աիւնէր յաչս
այնոցիկ զորս կամէին թակարդել: Այս ընդդիմաբա-
նութիւն հակառակամարտ մտաց և պատերազմող ու-
ղիղ լսեւեաց, և ՚ի զուր է մեզ յեղծումն նորին ժա-
մալաճառ լինել:

Արդ եթէ ոչ ինքն փրկիչն, ո՞րքեօք ապա պատ-
րեաց զառաքեալսն: Արդ արժան է միւսանդամ ՚ի
նոյն կեղծիս վերադառնալ, ասելով. եթէ առ տղիտու-
թեան առաքելոցն և առ խօթամիտ ապշութեանն, հա-
ւատարիմ ցուցաւ նոցա յարութիւնն Վրիստոսի նորին
խկ բանիւք միայն. մինչ զի չէր այլ ևս կարեւոր մեքե-
նաւորութիւնս հնարել. զի պարզմտութիւն նոցին շատ
խկ էր պատրել զնստաւ Վերեալ ինձ յունկնդրացդ եթէ
զյառաջբերեալսն ՚ի բազմաց միւսանդամ յունկն ձեր
յեղուցում. քանզի իրաւունք ճշմարտութեան զսոյն
պահանջեն. կարի խկ դիւրամատոյցք էին առաքեալքն
՚ի պատրանս յարութեանն Վրիստոսի. այս խկ է առ-
արկուածն: Այլ ասելի է, զի եթէ և չէր աւետարանին
զհակառակն վկայեալ բանիցդ, այլ մեծութիւն ևս իրացն
՚ի ջատագովութիւն առաքելոցն մտանէր. ո՞րք անդէտ
իցէ եթէ յոր պայմանս կային նոքա յայնժամ, և քա-
նի զգուշութեան էր արժանի նոցին ակնկալիք. քան-
զի եթէ Վրիստոս ոչ յառնէր ՚ի մեռելոց, ՚ի զուր
էր նոցա զհետ նորին գնացեալ, ընդ վայր թողեալ
էին նոքա զամենայն վասն նորա. նա մանաւանդ զհետ
կրթեալ առն դաւաճանի, և արժանիք այսն կատակա-
նաց ազգին համօրէն: Իսկ եթէ յառնէր Վրիստոս,
հաւատք ՚ի նմանէ հաստատեալք զտիեզերս պարագրէր,
և առաքեալք քան զտիեզերասաստ աշխարհակալսն գե-
րադոյնք քան զՎլքեսանդր և քան զՎեսար, զհետ յաղ-
թողական կառաց իւրեանց ձգէին զազգս և զթա-
ղաւորս: Արդ յընդդիմամարտ յայս հանդէս փառաց և
անարգութեան, չբեղ յաղթանակի և արհամարհ այ-
պանաց, մարթ ինչ էր առաքելոց կալ անալրդով, և ոչ
ինչ փոյթ ունել տեղեկաւոյնս ՚ի վերայ հասանելոյ
ստութեան կամ ստուգութեան յարութեանն: Եթէ
և կարի խօթամիտք էին առաքեալք, այլ ոչ անձամբ
զանձինս պատրէին յայնպիսի դէպս՝ յոր ծանօթու-
թիւն ճշմարտին կարեւոր յոյժ էր վասն նոցա, և յին-

քեանց ձեռս էր անձնապահ լինել 'ի պատրանացն :
 Ը և առօրեայ փորձ զնոյն մեզ հաւատեալ , զի ուրանօր
 անձին շահու բանք իցեն , և խօթամիտքն անգամ իմառ
 տունք գտանին , նա մանաւանդ գերածայրեալքն հան-
 ձարեղք քան զուսիկն գտան զիւրախաբք : Ը ասն որոյ
 եթէ և չէր աւետարանին ասացեալ ինչ թէ զիւրդ
 առաքեալք հաւատս ընծայեցին յարութեանն Վրիս-
 տոսի , սակայն և այնպէս մտացն դատաստան զայր նո-
 ցին յօթանդակութիւն :

Ը Եւ յանդգնին ասել եթէ կարի զիւրահաւանք
 գտան յարութեանն Վրիստոսի : Եթէ արդարեւ այն-
 պէս զիւրամատոյց գտան առաքեալք ընծայել հաւատս
 յարուցելոյն , զիւրդ ասա յաւետել նոցա Ը արիամանց
 համարեցան զնոսա ցնորեալս և ըստ սրբոյն Սուրբ
 “ Երևեցան շարիսողիութիւն բանքն նոցա և հաւա-
 տային նոցա , զիւրդ և սուրբն Ստորոս անձամբ իսկ 'ի
 տես գերեզմանին զնացեալ առաւել ընդարմանայր քան
 եթէ հաւանէր հրաշիցն . “ Վնաց , ասէ , ընդ միտս
 զարմացեալ թէ զինչ եղև . զիւրդ և յուղոջն որ
 յամնառուս թէպէտ և տեսանել տեսանէին առննթեր
 զՎրիստոս , այլ տակաւին վիճէին զստուգութենէ յա-
 րութեանն , մինչ զի հարկ եղև ցուցանել նոցա որչափ
 ինչ մարգարէութիւնք 'ի Սոխիսէ և ցայն վայր նա-
 խաճառեալ էին զսքանչելեացն . և ոչ և այնու շատա-
 ցեալ ցուցանէր նոցա զվերան և զտեղիս բւեռաց և ըստ
 ասից աւետարանին “ Եւ տակաւին հաւատային , : Եւ
 իցէ այս զիւրահաւան մտաց ոչ օտարին հաւատալ բա-
 նից և ոչ անձին զխոսին . ոչ հաւատս ընծայել տեսու-
 զացն և ոչ աչաց իսկ իւրոց , և ոչ ձեռացն որ շօշափէինն
 զնա , և ոչ նմին իսկ Վրիստոսի որ հաւատարմացու-
 ցանէր նոցա , և համառօտ ասել մերթել միանգամայն
 զամենայն զգայութիւնսն՝ մինչև առնուլ Վրիստոսի
 ընդ նոսա զկերակուր , և մեկնել նոցա զբանս և զպատ-
 դամս մարգարէից : Եւ մանաւանդ ասելի է . այնչափ էր
 նոցա անձնապահ զգուշութիւն չմբռնելոյ 'ի պատրանս ,
 զի հրաշից պէտք եղեն 'ի հաւատարմացուցանել նոցա
 զիրան : Եւտ այսչափ երկմտութեանց և աչալուրջ
 հսկողութեան առաքելոց , եթէ տակաւին պարսաւա-
 դէտք դարովեսցեն զնոսա , ասացեն մեզ եթէ յոր իրս

նուազեալ գտան նոքա, 'ի կարի շրջահայեցութեանն եթէ յանդգոյշ անփութութեանն: Ապա չբերէ ինչ դէմն ճշմարտութեան ասել եթէ 'ի պատրանս ինչ սահեալ իցեն առաքեալքն, զի չէ մարթ ցուցանել զնոսա անհոգացեալ կամ տարութերեալ 'ի հաւատս. և զի չէ հնար դարձեալ հաստատել զի մենքենայեալ ինչ իցեն հնարք 'ի համոզակեր լինել նոցա եթէ յարուցեալ իցէ վարդապետն նոցա: Ապա համարձակելի իցէ մեզ 'ի վերայ բերել զի հաւատք առաքելոց ոչ դիւրահաւանութիւն իմն էր և ոչ տկարութիւն և ոչ խօթամտութիւն. և եթէ ընծայեցին հաւատս վասն այն և եթէ՝ զի չկարէին յուրաստ լինել 'ի նմանէ, և համոզակեր հաւանութիւն նոցին յառաջ դայր 'ի յայտնի ընծայութեանէ իրացն:

Օայսօրինակ վանեալ 'ի բաց զընդդիմաբանութիւնդ, և ցուցեալ, որպէս և խոստաբանեալ էի, զյարութիւնն Վրիստոսի 'ի քարընկէց կորանս անհաւատիցն, առ նոսա զբանս իմ դարձուցանեմ: Շնորհեալ ձեզ առ վայր մի յամառութիւնդ 'ի հաւատալ յարութեանն Վրիստոսի. նա և շնորհեցից ևս ում փափաքէք. իբրու զի ձերդ անհաւատութիւն ցոյց իցէ ձերումդ զերածայրեալ հանձարոյ և նրբազնին մտացդ. այլ այսու և եթէ դաշամք զի և դուք ցուցիք ինձ եթէ գուցէն և ձեր այնչափ ընծայութիւնք 'ի հաստատութիւն անհաւատութեանդ ձերում և անկրօնութեան և խառնակ դնացից, որչափ ինչ ընձեռեցան առաքելոց 'ի հաւատս յարութեանն Վրիստոսի. իցէ և ձեր զնոյն աչալուրջ զգուշութիւնսն յանձինս ձեր բերեալ 'ի ստուգութիւն իրացն որչափ ինչ նոքա. և նախ քան զյաւակնել մերժել զյարութեանն կարծիս գուցէ և ձեր 'ի խոյզ և 'ի ինդիր անկեալ իրացն՝ որչափ ինչ արարին նոքա յառաջ քան զհաւատալն եթէ արդարեւ իցէ յարուցեալ: Վանդի եթէ առաքեալք 'ի դիւրահաւանութեանն իւրեանց իմաստունք ցուցան քան զձեզ, և առաւել քան զձեզ ուղիղ բանին վարեցան, զիարդ իցէ ձեզ ապա արս խօթամիտս զնոսա համարել: Ապա յուղիղն եկեսցուք բան և զանկեղծս բարբառեսցուք. Ապաքեալք ընծայեցին հաւատս յետ տեսանելոյն և լսելոյն և ընդ փորձ իսկ իրացն անցանելոյ. իսկ դուք զինչ ինչ

'ի դրուժեանդ ձերում տեսէք, և զինչ և այժմդ տեսա-
 նէք: Այս ձեզէն իսկ ապաքանեալ խոստովանիք եթէ
 չուրջ պատեն զձեզ երկմտութիւնք և տարակոյսք, և
 չկարէք և ոչ զքայլ մի յառաջել՝ զի տեսանէք առաջի
 ձեր բացեալ զանդուռս խորոց: Առաքեալք հաւատա-
 ցին 'ի Վրիտոս, այս է յԱստուած մարդացեալ որ
 զամս երկս բազմապատիկ սքանչելեօք հաւատարիմ ցու-
 ցեալ էր զիւր աստուածութիւնն, մինչ զի չէր հնար
 նոցա երկմտել զյարութենէ նորին, առանց 'ի տարա-
 կոյս հատանելոյ և զայլոց հրաշից զորս սքանչելագոր-
 ծեալն էր առաջի նոցա. զի որպէս բազմադէմ նշանք
 նոյնպէս և մին միայն անհաս էր 'ի նորին զօրու-
 թենէն. արդ և դուք ցուցէք ինձ թէ ո՞ր վարդապե-
 տութեանդ ձերոյ եկաց սկիզբն և հրահանգիչ, և որք
 նմին վկայք երաշխաւորեսցեն. ասացէք ինձ աղէ զիմորդ
 հաւատարիմք ձեզ ընծայեցան վարժապետքդ ձեր յան-
 օրէնութիւնս. զիմորդ ցուցին ձեզ եթէ հոգին ընդ
 մարմնոյ վախճան առնուցու, եթէ Աստուած չհաճի ընդ
 պաշտամունս ինչ կրօնից, և թէ կրօնք հաւատոց ան-
 խտիրք են յաչս նորա. ո՞ր են սքանչելիքն 'ի հաստատու-
 թիւն անհեթեթ կարծեացս: Այն բազում տարա-
 կուսի և երկմտութեանց՝ ապա ուրեմն 'ի հաւատս եկին
 աշակերտք. իսկ դուք և ժամանակի ոչ ակն կալայք 'ի
 կշռել զիրանս. և շատ իսկ թուին ձեզ մտացածինդ ձեր
 դժուարութիւնք զինուորել ընդդէմ հաւատոց: Այս զի
 առաքեալք երկմտեցին ընդ յարութիւնն Վրիտոսի,
 թէ և շահաբեր էր նոցա հաւատալ այնմ, և 'ի մեկնու-
 թիւնս մարգարէութեանցն ամրասնդեցան 'ի հաւատս.
 իսկ դուք ընդ հակառակն յանհաւատութիւն հատա-
 րուք, զի հաճոյական ինչ էր ձեզ եթէ և քրիստոնէու-
 թիւն յառապելեացն էր համարի: Այլայք ապա արք
 դերահանձարք՝ լուսաւորք աշխարհի, ասացէք մեզ
 զպատճառսդ որ վասն անհաւանք գտանիք առաքելա-
 տիպ արանցն. և դուք որ զամենայն ինչ նկատէք, չտե-
 սանիցէք զի 'ի դատապարտութիւն ձեզ եղիցի նոցին
 արհամարհութիւն, և զի չմարթիք զվկայութիւն
 նոցին աղարտել, առանց վեր 'ի վայր տապալելոյ և
 զձերդ վարդապետութիւն. քանզի թէպէտ և դիւ-
 րահաւանք ևս լեալ իցեն աշակերտք, այլ հայ մնայ

ցուցանել եթէ և գահավէժ խորհրդով բերեալ իցեն իբրեւ զձեզ :

Եւ չէ շատ ասացեալս , և թէպէտ հզօրագոյնք իցեն ընծայութիւնքս , այլ ոչ կատարեալ է յաղթութիւնն : Վրանդի ասէ անհաւատն . խոստովան լինիմ եթէ առաքեալք չխաբեցին անձամբ զանձինս , և ոչ զարձեալ յայլոց պատրեցան . այլ չիցէ մարթ արդեօք ասել եթէ կամեցան նոքա պատրել զժամանակակից մարդիկն և զազգսն հանդերձեալս . և զկնչ զարմանք իցեն եթէ և 'ի գործ արկեալ իցէ նոցա զխորհուրդս մտացն , որովհետեւ հաւատ յարութեանն Վրխատոսի յաւելոյր զփառս նոցա , և շահ օգտի անձանց վառէր զնոսա հաւատարիմ առնել զանցսն հեթանոսաց :

Յառաջ քան զիշուութիւն պատասխանուոյս , աղաչեմ զձեզ տեալք նկատել միանգամ զկամակոր շաւիղս անհաւատիցն : Եւտի և յառաջ արս խօթամիտս ցուցանէին զառաքեալն , այնպէս զի և առանց իսկ պատճառաց հաւատս բերել յարութեանն Վրխատոսի . իսկ այժմ յանկարծոյն յարս գերահանձարս փոխեցան՝ մինչ զի մենքենայս հնարաւորել և զաշխարհ ամենայն որսալ 'ի հաւատս յարութեանն Վրխատոսի : Եւ զառաւմտանօր ամբարշտութիւն անձամբ զանձն նշաւակեաց , և ամբարիշտք անձնամարտք միշտ 'ի նոյն յընդդիմաբանութիւնս զանդաշէն :

Եւ զի ամենեւին իսկ անպատասխանի արասցուք զնոսա , նախ զայն առցուք 'ի քնին եթէ ունէին արդեօք առաքեալք 'ի մտի պատրել զազգս . յետ այսորիկ համարեալ թէ իցէ այնպէս , զիարդ 'ի նոյն յաջողեցին , և 'ի վերջէ զկնչ ինչ պատահեցին 'ի քարողէն նոցա յարուցեալ զՎրխատոս . այս երբեակ խնդիրք որ լրումն տան յաղթանակի հաւատոցն և ամօթահար կորանաց թշնամեացն իւրոց :

Եւ զհարցանեմ նախ՝ եթէ հնար ինչ էր առաքելոց զնել 'ի մտի պատրել զազգս մարդկան . կարծեմ զի չիք որ որ ոչ ներեցէ ասել զի առ 'ի ձեռնարկս այսօրինակ խորհրդոց հարկ էր 'ի մեծամեծ պատճառաց ձգիլ յայն , և 'ի յաջողութիւն իրայն կարեւոր էին ձեռնառուութիւնք : Հարցէք ցխաբեբայս և ցհերեսիովտապետս , և տեսանէք զի 'ի կրից ինչ վարեալք բռն հարին զմեծա

մեծաց : Եւ չէ իսկ հարկ առ հեռաւորս խոյզ և ինդիր առնել . ոչ ապաքէն և նոքա որ ամենայնի հաւատան բայց յաւետարանէն , իցէ թէ նոքա առանց ինչ պատճառանաց զփառս կրօնիցս աղարտել նկրտիցին : Եւ թէ ոչ վասն այսորիկ զի անհաւատութեամբն իւրեանց ըստ հաճոյից վարեալ աստիկենօքս՝ և ՚ի հանդերձելումն չունիցին ինչ երկիւղ կասկածանաց . զամենայն բերկրութիւնս և զհաճոյս աշխարհի վասն անձանց համարին , և խեղաթիւրեալ իմն աղատութեամբ յանդգնին ընդոտնել զբանն մտաց և զաւետարանն և յօշինչ համարին զերկինս և զդժոխս : Եւ թէ արդարեւ ձեռնարկս , բայց մեծագոյն ևս պատճառն , այս է ախտիցն ցանկութիւն :

Եւ յի պատճառք խրախուսեցին զառաքեալսն յայս ձեռնարկութիւն : Եւ ըրդեօք փառք թէ մեծութիւնք . այլ այսորիկ ժողովարանին են բաժին՝ որ թշնամին էր Վրիստոսի և նորին աշակերտաց : Եւ որ պատուոյ և հաճոյից . այլ ընդհակառակն կան մնան նոցա նախատինք և չարչարանք . զի այն ինչ հնչեալ աւետիս յարութեան փրկչին սպառնան ատեանք , կազմին տանջանարանք , Պաւղոս ՚ի շղթայս , Ստեփանոս քարկոծեալ , Պետրոս ՚ի խաչի բեւեռեալ : Եւ իմիք ակն ունին ապա առաքեալք , և զինչ անմտութիւն իցէ մատնել զանձինս տանջանաց և մահու՝ վասն հաճոյից և եթ պատրելոյ զաշխարհս : Եւ ասացէ որ թերեւս , զի առ ձեռնապատրաստ յաջողութիւն գործոյն յորդոր եղև նոցա մենքենայել զխաբեսպատիր ստութիւնն : Եւ եթ արդարեւ չէր յարուցեալ Վրիստոս , մարթ ինչ էր խարդաւանացն մնալ ՚ի ծածուկ և ոչ խայտառակել : Վանդի ՚ի չգտանել մարմնոյ փրկչին ՚ի գերեզմանին , ո՞րք արդեօք գերեզմանակրկիտ անօրէնութեանն գտանէր պարտաւոր : Եւ արեամբն արդեօք . բայց տկարք և երկչոտք և անոր անօգնական , անինչք և անղէնք , ոչ բաւէին զպահապանսն երկիւղիւ ահաբեկել , և առաւել ևս առատատուր կաշառովք զնոսա կուրացուցանել . և այս ճմարտութիւն այնպէս իմն աներկբայելի է՝ զի և նոքին իսկ հրէայք ոչ վասն այսորիկ լիկէին զառաքեալսն՝ որպէս զի ցուցեն նոցա զգողացեալ մարմինն Վրիստոսի , զորմէ և ոչ իսկ ամբաստան լինէին զնոցանէ , այլ առ

արդեւո՛ւլ նոցա եւեթ քարոզել զյարութիւնն : Բայա
հրէից միայն հնար էր դողանալ զմարմին փրկին . և
յունեին զնա առ իւրեանս ոչ ապաքէն յարութեանն
առասպելք անպատրուակ մերկանային , զի յայնժամ
չատ իսկ էր նոցա եկեղեցուցանել զժողովուրդն և ասել
նոցա . հաւատայք դուք յարուցեալ զՔրիստոս , զի
զնոյն բարբանջէն ապերասան աշակերտք նորա . այլ տե-
սէք միանդամ զի աստ իսկ է մարմին նորա մահացեալ .
ծանեայք ապաքէն զխաբէսպատիրն որ կարծէր պատրել
զմեզ . և զինչ առնել էր աւելի քան զայս 'ի կարկել
զբերանս առաքելոցն և նշաւակ ամօթոյ կացուցանել
զնոսա : Բոր՝ ձեզ մնայ տեսանել եթէ երբէք զանց
զայսուիկ առնէին հրէայք զչարեալք և մոլեգնեալք՝
եթէ հնարաւոր միայն էր նոցա : հարկ 'ի վերայ կայ
ասել՝ եթէ առաքեալքն անհանձարս և հակառակ իսկ
բանի 'ի սոյն մտառեցին , անհանձարս զի անհնար էր
յաջողելոյ ելից իրացն ակն ունել . և հակառակ մտաց
զի ամենուստեք երկիւղ և ոչ ուստեք ակնկալութիւն ,
ամենայն ինչ նոցա ընդդիմամարտ և չէր որ նոցին օ-
ժանդակ : Բոր եթէ չէր մարթ առաքելոց զայսպիսի
խորհրդօք զալ առանց մեծաց խոչընդակաց , ձեզ թո-
ղում տեսանել թէ զինչ կարծիս արժան իցէ ունել
զայնոցիկ որք առաջի առնեն մեզ զսոյն իբրու ընդդի-
մախօսութիւն անլուծանելի :

Բյլ սակայն համարեսցուք հակառակ ամենայն հա-
ւատեաց ասել , եթէ 'ի մտի եղեալ իցէ աշակերտաց
պատրել զմեզ . տեսցուք ապա թէ զիսրդ հնար էր նո-
ցա առնել զայս . և ածցուք զառաքեալն 'ի հանդէս՝
որպէս զպատմաբանս և որպէս զքարոզս յարութեանն
Քրիստոսի : Եւ նախ որպէս պատմաբանս յառաջ մատչի
սուրբն Պետրոս վկայ ականատես գործոց փրկին և նո-
րին չարակրութեանց . արդ յետ միանդամ ասելոյ եթէ
խաչեցին զնա հրէայք , յաւելու ասել զայսոսիկ բանս ար-
դարակշիռս . “ Բստուած յարոյց զնա 'ի մեռելոց յաւուրն
երրորդի , և երևեցաւ աւուրբք բազմօք այնոցիկ որք
ընտրեցան վկայք Եստուծոյ . ” 3 Ետ բազում ամաց զսոյն
կրկնաբանէ զողջես և սուրբն Սուրբ . զսոյն զբանսն
կամակորեալ անհաւատից ասեն , եթէ մահ Քրիստո-
սի ամենեցուն քաջածանօթ եկաց , այլ անյայտ եկաց յա-

բուժիչն նորա : Եւ զիմորդ ոչ մարթացան գուշակել զայս երկմտութիւն սուրբն : Սուկաս և այլ աւետարա նիւք և առաքեալք , զորմէ մարթ էր կասկածել և կարի պարզամտաց . զիմորդ ապա առաքեալքն ոչ առին զայս 'ի միտ և ոչ զելի աղագս գտին ընդդիմադրու թեանն : Օ ինչ արգելոյր նոցա ասել եթէ յեւ 'ի գե րեզմանէն երեւցաւ Որդին Մտուծոյ 'ի տօնի : Օ ատ կին 'ի տաճարի անդ յանդիման բազմութեան ժողովրդոց . և թէ որչափ վկայք կացին մահուն , նոյնչափ և առաւել ևս յարութեանն , զինչ արգելոյր զնոսա՝ եթէ ոչ անխառն նոցա ճմարտասիրութիւն :

Եւ այդ չէ պարզութիւն՝ ասէ հակառակորդն՝ նա մանաւանդ խոհականութիւն և երկիւղ արդարացի . քանզի կարի անպատկառ լինէր յայնժամ ստութիւնն , և ինքեանք որպէս վկայս ստերդմունս յանդիմանեալք պատուհասէին : Եւ տես եղբայր , զի ուրացութիւնդ այդ զյարութիւնն Վրիստոսի , հաստատէ զստուգութիւն յարութեանն : Աղարու , և այլոց բազմապատիկ սքանչելագործութեանցն Փրկին , որոց մերձ կան պահանջեալքն 'ի քէն նշանք յայտարարք , այս է զի 'ի Նրէաստանի և 'ի Վալիլեայ առաջի բազմութեանն գործեցան : Եւ նոյն երկիւղ որ անձնապահ արար զնոսա յասելոյ եթէ Վրիստոս յետ յարութեանն երեւցաւ բովանդակ քաղաքին երուսաղէմացոց , նոյն երկիւղ ապաքէն զգուշացուցանէր զնոսա քարոզել և զայլ նշանս արարեալս 'ի վարդապետէն իւրեանց . այլ զսոցանէ ինչ ոչ զանգիտեն հռչակ հարկանել եթէ առաջի անհամար վկայիցն հրաշագործեցան : Նաւասիկ տեարք , պատ ճառախնդրութիւնք անհաւատից ոչ այլ իմիք գոն պիտանացու , բայց 'ի խայտառակել զնոսա , յորժամ 'ի նեղ անկեալք այլ և այլ պատճառս կարկատեն զնոյնօրինակ գործոց , նա մանաւանդ հակառակս իրերաց և ընդդիմախօսս . զմի և զնոյն բան տալով երկչոտութեան և լպիրշ յանդգնութեան , շրջահայեցութեան և անխոհեմութեան , պարզութեան և նենդաւորութեան : Եւս 'ի սպառ անիրաւ և ընդունայն է ընդդիմաբանութիւնս այս անհաւատից :

Վարձեալ եթէ խոհականութիւն չներէ զինքնահընար կեղծիս և զյայտնի ստութիւնս ծաւալել 'ի բնիկ

աշխարհս և ՚ի ժամանակս մերձաւորս առ ահի ՚ի վեր
եւանելոյ պատրանացն, իցէ թէ նոյն երկիւղ առաջի
կայցէ և յայլ յաշխարհս հեռաւորս և ՚ի ժամանակս
տարանջատս, յորս ոչ ուրեք գտանիցին վկայք ճմար-
տութեանն՝ որք զպատրանսն խայտառակել մարթաս-
ցին։ Հաւանին ասել, զի եթէ ասացեալ էր նոցա վասն
Վրիստոսի յետ յարութեանն երևեալ փառօք՝ իբրու-
սուտ վկայս դատապարտէին առաքեալք յԱլլուսաղէմ և
՚ի Պաղեստինացւոց աշխարհին. այլ մի թէ գոյր ինչ
նոյն վտանգ վերահաս ՚ի Հռովմ և յԱլլադայ
և ՚ի Պարթեւս. ոչ ապաքէն անպատուհաս մարթ էր
նոցա յետ բազում ամաց և ՚ի մէջ այլազան ժողովրդոց
և հեռի ՚ի Հրէաստանէ կարկատել ըստ մտի զվէպսն։
Եւ չառնուն բնաւ յանձն զայն ոճիր և զվատութիւն.
և պարզութիւն աւետարանչացն և ճմարտասիրութիւն
յամենայն վէպս նոցա ակն յայտնի տեսանի։ Ի պատ-
մել նոցա զվէպս աստուածորդւոյն, և զանձանց զթե-
րութիւնս չպատկառեն ածել ՚ի մէջ. պատմեն զփա-
խուստ իւրեանց ՚ի մատնութեան գիշերին, և զքանել
թողուլ զվարդապետին, զամօթապարտ և զանսաստ
թերահաւատութիւն, զվատութիւն իւրեանց ՚ի կալա-
նաւորել Վրիստոսի և ՚ի մատնելն ՚ի ձեռս թշնամեաց.
ասեն զուրացութենէն Պետրոսի և զմատնութենէն
Հովհայի և չլեն ամենեւին որ ինչ մարթ էր ստուե-
րածս ածել զփառօք վարդապետին. նովին անկեղծու-
թեամբ կարգեն զփառս նորա և զանարդանս, զվիշտսն և
զքանչելիս, զարհամարհանս և զզօրութիւնն, զայլակեր-
պութիւն և զաւանդումն հոգւոյն, զչարչարանս և զյաղ-
թութիւնն, զմահ խաչին և զյարութիւնն ՚ի մեռելոց.
ոչ ուրեք անձանց չքմեղութիւն և ոչ գովութիւն վար-
դապետին, ոչ թշնամեացն անէծս և ոչ ատելեացն տրր-
տունջս։ Եւ զարեւ պատմիչք արժանահաւատք, և ոչ
ուրեք գտանին որ ընդ աւետարանչաց գայցեն ՚ի զու-
գակչիւս։ Եւ արդարեւ անմիտ է անհաւատն՝ որ ՚ի լուր
նոցին ոչ ամոքեսցի. որոց անկեղծութիւն հրաշացու-
ցանէ և զայնոսիկ որք ոչ ունին մատուցանեն վկայու-
թեանց նոցա։

Եւ զցուցցեն մեզ անհաւատք, եթէ որպիսի դաւովք
և նենգութեամբ հնար էր առաքելոցն քարոզչաց զյա-

բուծիւնն Վրիստոսի հաւատեւ, Լա նախ շնորհեալ
յուք նոցա ասել եթէ առաքեալք կարի պարզամիտք
ոմանք էին առ ՚ի զնրբին դաւադրութիւնս հնարելոյ,
բայց ոչ և այնքան զի անբաւականք իցեն կարկատել
ինչ պատրանս խաբէութեան. և արք այնպիսիք որ ՚ի
մտի եղեալ էին պատրել զաշխարհս համօրէն, անշուշտ
և զգուշութիւնս ինչ ՚ի ներքս բերէին: Այլ ընդէր իցէ
զի ոչ միայն որ ինչ ձեռնտու էր խորհրդոց իւրեանց
զանց առնեն զնորօք, այլ և ամենեին իսկ զհակառակացն
բուռն հարկանեն: Վրանզի ուր արդեօք քարոզեն
զյարութիւնն Վրիստոսի, բայց Այրուսաղէմ՝ յանդի
ման ժողովարանին, այս ինքն է ՚ի մէջ դժնէագոյն թնա
մեաց իւրեանց, ՚ի մէջ ամբօխին մոլեգնելոյ որ ՚ի պատ
րաստի էր մահու դատել զնոսա՝ կարի յոյժ նպաստաւո
րելով ինքեան պատրանացն յայտնութիւն: Լա էրբ
արդեօք քարոզեն յարուցեալ զՎրիստոս. բայց եթէ
յետ քանի ինչ աւուրց մահու նորա, մինչ տակաւին
անմոռաց էր անարդութիւն չարչարանացն և կենդանիք
էին խաչահանութն, առաջի կային տանջանարանքն և
Պողոթնի արինազանգ ծխէր և ջերաջերմ, և կա
մէին իմն ՚ի տեղիս անդ անարգութեան ամբառնալ
զյաղթանակս փառաց նորա: Արդ որչափ և անզոյշ
և անաջողաձեռն համարեսցին նենգաւորք, այլ չմարթէ
այսչափ խօթամիտս զնոսա կարծել: Անշուշտ կացեալ
մնացեալ էր նոցա փարատելոյ մերկին, և հանդարտելոյ
մոլեգնութեան ժողովրդեանն, և խաղաղելոյ մտացն
ամբօխելոց. և առ այսոսիկ զգուշութիւնս իցեն ինչ
կարևոր միտք խորազնինք: Արդ զիարդ համարձա
կեալ էր աշակերտաց Վրիստոսի զյարութենէ վար
դապետին ճառ արկանել, յորժամ բովանդակ հրէաս
տան ընդ մահ նորա վրդովեալ էր. մինչ դեռ առ զայ
րոյթ կատաղութեանն դեռ ևս մոնչէին և դատաւորք
որ զնա մահու պարտաւոր դատեալ էին, և դահիճք որ
խաչեալն էին և ժողովուրդն որ ամբաստան լեալ էր
զնմանէ: Հաղիւ ուրեմն առ ահին առաջի ժողո
վրդեանն համարձակէին երևել, և զիարդ մարթ էր
նոցա պատրանս հնարել ՚ի խաբել զնոսա:

Արդ իմ յանհաւատս անդ ապաստանեալ զգատոս
ասեմ. եթէ անցք յորոց վերայ հաստատեալ են կրօնք

քրիստոսականք առժամայնք ինչ էին, և կամ մեք մեր ձառորք ժամանակաւ Վրքիստոսի մինչև ականատես լի նել կենաց նորա և հրաշից, հնար ինչ էր մեզ այնքան լրբիլ յանդգնել, և զայսօրինակ ընդդիմադրութիւնս առաջի արկանել. և եթէ նոքա այսչափս յանդգնին յաւուրս մեր՝ ոչ վասն այնորիկ է՝ զի հաւատք ամ ըստ ամէ տկարանան, զի դէպք անցից այսչափ դարուք ՚ի մէնջ հեռաւորք սակաւ ազդեն ՚ի հոգիս, և զի ընդ մէջ մեր և Վրքիստոսի դարք քսան կան անջրպետ: Ետի է ահա նոցա վիտութիւն, աստի յանդգնութիւն ՚ի հնարս այսպիսեաց ընդդիմաբանութեանց: Իսկ արդ եթէ օժանդակութեամբ երկուց հազարից ամաց ՚ի սկզբանէ անտի կրօնիցս՝ չմարթացան անհաւատք ձգել յիւրեանց մոլորութեանն աշակերտութիւն բայց զսակաւս և եթ, ապա զիսորդ, աղէ ասա, առաքեալք յետ սակաւ ինչ աւուրց մահուն Վրքիստոսի խրախուսեն զյարութիւն նորա քարոզել, և հաւանեցուցանել իսկ զբովանդակ աշխարհս:

Եւ յայտնագոյն քան զամենայն ընծայութիւնս ՚ի հաստատութիւն յարութեանն Վրքիստոսի, այն անցք են որք ՚ի քարոզելոյ առաքելոցն պատահեցին. նշանք որք ՚ի ծաւալելն ցուցան և սքանչելիք որք ՚ի ձեռն առաքելոցն գործեցան ՚ի հաստատութիւն քարոզելեացն: Եւ աստանօր չեն մեզ պէտք զանհաւատիցն զընդդիմադրութիւնս հերքելոյ. ինքնին իսկ առաքեալք բաւականք են ՚ի հաւատարմացուցանել զվէպս իւրեանց: Եւ իայն յուշ ձեզ լիցին պայման եղկելի ձկնորսացս զկնի եղերական մահու վարդապետին. յառեցէք զաչա ձեր և ՚ի նա ինքն յԵստուածն մարդացեալ, որ հրաման տայր տարերաց և մահու, և որ սքանչելագործութեամբքն հիացուցեալ էր զբովանդակ հրէաստան. և ահա մատնեալ մոլեղնութեան հալածչաց իւրոց, դատապարտեալ մեռեալ և թաղեալ, և ՚ի նմին շիրմի ծածկեալ և անուռ նորա և փառք և իշխանութիւն. և ժողովարանն զուարթացեալ ընդ վրէժինդրութիւնն և ընդ յաղթութիւն անձինն:

Եւ ՚ի խաբուսիկ խաղաղութեան անդ և անդորրութեան, զինչ ձայնս ահեղ իբրեւ զշառաչ շանթից կայծականց: Եւ տ սակաւ պահուն Եիսուս որ մեռեալ և

անյիշատակն կարծէր, միւսանդամ՝ դայ 'ի տեսիլ. տեսեալ են զնա առաքեալք, և համարձակաձայն զնոյն վկայեն, և առամբոյն ժողովրդեանն որ առ նոսա ընթացեալ էր յաւուր Պենտեկոստէի զայսօրինակ բարբառին. Լուարուք ժողովուրդ, այն Յիսուս զոր սպանէքն յարուցեալ է և մեք վկայեմք: Եւ դուք ոչ ընծայէք հաւատս մերոցս բանից, և ասէք թէ և դաւ է և ստու թիւն առ 'ի զմեզ պատրելոյ: Եւ մեք հաստատեմք և ևս զի խօսակից իսկ և կենակիցք եղեաք ընդ նմա. իսկ դուք համարիք զսոյն առաջօք ինչ տեսիլ ցնորական: Հաւատարիմ առնեմք զի ողիք առաւել քան զհինգ հարիւր ականատեսք կացին նորա. այլ համարիք դուք զի և նոքա իբրև զմեզ խելայեղեալք իցեն և ցնորեալք: Եւ պա քան զբանս և վկայութիւնս այլ ընծայութիւնս խնդրիցէք. այլ ոչ ինչ և յայնց չբաւորեսցուք. հրաշս կամիցիք և սբանչելիս որք առաւել քան զայլ ամենայն փաստս երաշխաւորեսցեն ճմարտութեանն. ահաւասիկ եմք, եթէ իցեն ձեր ախտացեալք բժշկեսցուք, եթէ զիւահալք՝ հանցուք զնոսա, համերս և կոյրս և տացուք նոցա խօսել և տեսանել: Կամիցիք 'ի կեանս կոչել զմեռեալս, կենդանացուցուք և զնոսա. կամիցիք զի 'ի լեզուս խօսիցիմք, եկեսցեն ամենայն ազգք աշխարհի պարթևք և մարք և իլամացիք և յամենայն ծագաց երկրի, և բարբառեսցուք մեք նոցա և լիցեն. և զայլ զոր և է նշանս և կամիցիք, ասացէք, և լիցի ձեզ 'ի մէնջ շնորհեալ: Այլ ազգ 'ի լուսոյ բանին խաւարեալ՝ եթէ այսօրիք ոչ կամիցիս ճանաչել զճմարտութիւնն և զգօրութիւն յարուցելոյն Քրիստոսի և իւ արդեօք զնոյն ծանիցես: Եւ դուք որ տայն մեզ կարողութիւն 'ի կենդանութիւն կոչել զմեռեալս 'ի գերեզմանէ, չիցէ կարող անձամբ զանձն յարուցանել:

Լոստովան լիցուք ապա զի բարբառ զայսօրինակ զամենեցուն իսկ զմիտս գերէր 'ի հաւանութիւն. ցուցաւ կութիւնքս այսօրիկ ամենեւին իսկ անպատասխանի են, որք և զբովանդակ իսկ զաշխարհս հաւանեցուցին. և յետ այսորիկ անմարթ է ինձ բան մի ևս յաւելու առ 'ի զյաղթութիւն և զճմարտութիւն կրօնիցս հաստատելոյ: Յիսուս Քրիստոս յարուցեալ է 'ի մեռելոց, և անհաւատութիւն որ 'ի գիւական վարժոցս վարդապետեցաւ

չկարաց և չկարասցէ դրդուեցուցանել և կամ մթաղնել զայս ճմարտութիւն : Եւ ասն որոյ և ամենայն որ ինչ արարաւ և ասացաւ 'ի Վրիստոսէ, և զոր հրամայեացն և ուսոյց յաւետարանի անդ, և սքանչելիք նորա և վարդապետութիւնք, ամենայնքն ճմարիտք են և սրբանուէրք : Յարութիւն նորա սահմանեալ էր 'ի ցուցակութիւն առաքելութեանն իւրոյ . նա ինքն կանխադուշակ լեալ էր այնմ իբրու զգերագոյն հրաշից իւրոյ կարողութեանն, որ 'ի կնիք աւետարանական ճմարտութեանցն հաստատեալ էր և յապաքանութիւն իւրոյ թշնամեացն . և ըստ ասելոյ սրբոյն Լեզոստինոսի՝ « Յարուցեալ է Վրիստոս, ապա և ամենայն ինչ հաստատեալ » :

Յարեաւ Վրիստոս . ապա ուրեմն զօրութիւնն այն մտաց որով պարծի անհաւատն՝ տկարութիւն է ամենեւին . քանզի չկարէ հասու լինել այնմ զոր 'ի միտ էառաշխարհ ամենայն, և չկարէ հաւատալ այնմ ում հաւատացին բովանդակ տիեզերք : Յարեաւ Վրիստոս . ապա անպատասխանի է անհաւատն և ապաքան ամենեւին, չմարթի այլ ևս ցուցակութիւնս իննգրել յայտնագոյնս : Ի զուր է նմին ասել եթէ աշխարհածանօթ հարկ էր լինել յարութեանն Վրիստոսի, և Լստուած ամենիմաստ ամենեւին իսկ աներկբայս ցուցանելոց էր զայն 'ի հաւատալ : Լսէս ասեմ, եթէ և անաստուածն զնոյն 'ի դէմն ածէր հակառակ էութեանն Լստուծոյ . քանզի հնար էր Լստուծոյ այնպէս յայտնագոյնս տալ ծանօթս զիւրոյ գոյութենէն, զի ոչ որ յազգաց ընդ այն երկմտել կարասցէ . նա առաւել ևս վասն այսորիկ զի ամենայնի հիմն է, քան եթէ զյարութեանն բան . և սակայն են ոմանք որ ամենեւին անդէտք են գոյութեանն Լստուծոյ : Եւ չէ մարթ ասել եթէ վասն գոյութեանն Լստուծոյ շատ իսկ առաջի կան ընծայութիւնք 'ի հաւանեցուցանել զայր մտացի . քանզի այս պատասխանի հակառակ ելանէ այնոցիկ որ մերթէն զյարութիւնն Վրիստոսի : Վրանզի և զայսմանէ բազմապատիկ ցուցակութիւնք գնն՝ որք բարոյական և պատմական ստուգութեամբն բաւականք են 'ի դերել զմիտս ուղղադատից, և որք աներկբայելիք ևս են քան զայլ ամենայն աւանդս արտաբնոյն վիպաց :

Եւ, ասէ անհաւատն, հաւատալ հաւատայի յարուցեալ զՔրիստոս, եթէ երևեալ էր փառօք հրէիցն: Սոլիս եղբայր, և 'ի գլուխ քո ստես. զի ըստ քո բանիդ հաւատարիմ ընծայելոց էին քեզ որ ինչ աշխարհածանօթք դործեցան. ընդունելի իցեն քեզ ապա սքանչեւագործութիւնքն Քրիստոսի և առաքելոց արաւրեալ յանդիման ժողովարանին 'ի հրէաստանի և ընդ համօրէն աշխարհս: Պատկառեաց աղէ ընդ հակառակախօսութիւնդ և ապաշաւեա ընդ անձնամատն մեղմե խանսդ: Հաւատայի, ասես, յարուցելոյն եթէ երևեալ էր ամենեցուն, այս ինքն այնչափ արանց որչափ և քեզ հաճոյ և կամ կարեւորն թուէր. ապա ուրեմն այլ ամենայն ընծայութիւնք ոչ ինչ են և ոչ ինչ պիտանացու: Ապաքէն յիմար է որ ասէն, հարիւր պատճառաց դոն ինձ 'ի հաւատալ յայս ինչ կամ յայն, այլ քանզի կամիմ զայլ միւս ևս պատճառ և չգտանեմ, ապա ուրեմն զուր և սուտ են առաջինքն. իբրու զի բացասական պատճառք բաւականք իցեն զգրական ընծայութիւնսն աղարտելոյ, և այն որ չէն՝ զայն որ էն 'ի դերեւ հանելոյ, և կամ զի ծանօթութիւն աշխարհաբարոզ անմեկին իցէ 'ի ճմարտութենէ, և կամ զի չէր հնար Քրիստոսի յառնել՝ առանց և ամենեցուն իսկ երևելոյ:

Այլ ասես՝ թէ ոչ այլ ոք 'ի վիպասանից բաց յառաքելոց աւանդելին մեզ զայսպիսի ահեղաբանչ հրաշից: Սոր արդարեւ և միշտ բացասական երկմտութիւնք, որ պէս թէ վկայք անդոյք և մտացածինք աղարտել ինչ մարթիցին դբանս ճմարիտ վկայիցն, և կամիս զի որք չգոնն 'ի միջի՝ սուտ ցուցեն զականատես և զականջալուր վկայս իրացն: Ասես՝ եթէ վկայեալ էին սքանչելիքն 'ի ժամանակակից մարդկանէն, հաւատայիր և դու իրացն, այլ չիցեն վկայութիւնք յայտնաբարբառք այնչափ որերոյն դարձ 'ի լուր և 'ի տես սքանչելեացն, և այնչափ հաստատութիւն հաւատոց նոցա, մինչև արեամբ չափ վկայել ճմարտութեանն: Եթէ ածեալ էի քեզ և յարտաքնոցն վիպասանից ասել՝ թերեւս ասելիր եթէ ականջալուր և եթ բանք են, և կամ 'ի քրիստոնէից ոմանց յաւելեալք առ յապա, և երկմիտ լինէր քեզ վկայութիւնս: Սարթ է պատմադրաց պատրել և խաբել, այլ ո՞ մերժել կարասցէ զվկայսն որք վասն ակա

նատես եղելով եանն զխապարտ դատին . մարթ է 'ի զիրս սարգել ինչ յանդգաստից , այլ անհնար է զմահ յանձն առնուլ վասն իրաց ինչ առանց ճշգրտիւ 'ի վերայ հասանելոյ ստուգութեանն : Բայց արդարեւ չգտահիցին վկայք յարութեանն և յարտաբնոցն . թողեալ զՅովսէպոս և զյովս 'ի ըաբունեաց որք խօսեցան զնրմանէ , և զինչ ասասցուք վասն այլոցն որ գրեցին զհրաշալի հաստատութենէն այնոցիկ որք ետուն զանձինս 'ի վկայութիւն անցիցս . քանզի այս ինչ յայտնի է զի քրիստոնեայք ոչ վասն այլ իրիք 'ի մահ մատնէին , բայց զի խոստովանէին զաստուածութիւնն Վրիստոսի 'ի յարութիւնն նորին աշխարհեալք . վկայասանք , քերթողք և իմաստասէրք ամենեքեան վկայեն եթէ վասն այսորիկ միայն չարչարէին քրիստոնեայք . և թուի թէ ցարդ իսկ գոչիցեն , իսուս Վրիստոս յարուցեալ է , ապա և ամենայն ինչ հաստատեալ :

Բայլ աստանօր առ գերեզմանաւ փրկչին՝ որ տապա-
նակն է նորոյ ուխտին թոյլ տուք առ վայր մի դադա-
րել , առ 'ի զյետինս դայս հարցաբանել ձեզ ինդիր .
թէ զինչ արդեօք 'ի գերեզմանի անդ առնէր Վրիստոս :
Պատրաստէր ինդրել զվրէժ յիւրոց թշնամեաց . և
իբրու մարտադիր նահատակ յետ յաղթութեանս 'ի
քուն հանգստեանն կազդուրէր՝ զի նորագատուր զօրու-
թեամբն հօրադոյն ևս և փառաւոր յեւ 'ի գերեզ-
մանէն երևեսցի : Կա ինքն էր Սամիսոնն 'ի քուն 'ի
մէջ պահակերաց , առ 'ի պայծառագոյն ևս զյաղթու-
թիւնն գործելոյ 'ի զարթնուլն 'ի սպառսպուռ ջախջա-
խանս փղշտացւոցն : Վարձեալ զինչ ինչ առնէր Վրիս-
տոս 'ի գերեզմանի անդ . բայց որպէս Յովնան յափշտա-
կեալն 'ի կիտէն լէր շուրջ զիւրեւ զծիանս ակացն յո-
րոց զերծանելոցն էր 'ի մօտոյ , ոչ 'ի փրկութիւն միայ
ևեթ քաղաքի և թագաւորի , այլ համօրէն ազգաց և
թագաւորաց : Կա ինքն էր Վանիւնն որ պարտաւոր ի
ջանէր 'ի գուրն առիւծուց և յաղթանակաւ ելանէր
անտի . որպէս զի գերեզման մահուն նշանակ փառացն
համարեսցի որպէս կանխաձայնէր Լսայի : Բայա ուրեմն
յարութիւնն Վրիստոսի խորհուրդ իմն է փառաց 'ի
յաղթանակ կրօնից և յամօթ անհաւատից . արդ յա-
ւելից ասել զի նայն ինքն յարութիւնն խորհուրդ իմն է

շնորհաց և փրկութեան հաւատացելոց որ ամրապնդէ զհաւատս մեր 'ի յոյս հանդերձելոցն :

ՄԱՍՆ Բ .

Չիք ինչ այլ որ զհաւատս մեր թուլացուցանել մար թասցի և զեռանդն սիրոյ նուազեցուցէ՝ որպէս փափաք անցաւորիս և մոռացութիւն հանդերձելոցն կէնաց : Վրանդի շաղեալ 'ի հաճոյս աշխարհիս և պատրեալ 'ի խաբուսիկ խոստմանցն անկանի 'ի մտաց մերոց այս ճշմարտութիւն՝ եթէ երկիր յոր պանդխտիմք վայր է նժդեհութեան և հովիտ արտասուաց , և եթէ գոյ և այլ աշխարհ որում իբրեւ զհետ հայրենեաց պարտ է փափաքել :

Վստ յարութեանն խորհուրդ արհամարհ ցուցանէ մեզ զաշխարհս և զկեանս յաւիտենիս . և որպէս Պաղոսն ասէ , զի թէ յարուցեալ է Վրիստոս ապա և մեք ամենեքին յառնելոց եմք 'ի կեանս , և ապա զվերինն խորհել արժան է մեզ և մի զայս որ յաշխարհիս է . բանք արդարեւ պարզախօսք այլ և ձեռնարկ հզօրագոյն : Օ՛հ եթէ յարութիւնն Վրիստոսի երաշխաւոր է ի մումս յարութեան , ապա չէ ինձ մարթ ընդ կեանս աշխարհիս պատաղել , և 'ի զգալիս անդ և 'ի բերկրաւիս լինել անձնատուր . այլ մանաւանդ հարկ է ինձ առ ոսն հարկանել և զունայնութիւն և զամենայն ախտս ցանկութեանց : Վասն որոյ և յարութեանն վարդապետութիւն կերպարանափոխ արար զաշխարհս և մեծամեծ հրաշս ներգործեաց . և նախ յառաքեալն , որք յառաջն տկարք էին և երկչոտք , և 'ի մերձիլ թշնամեացն մատնտուք վարդապետին . այլ 'ի լսելն զյարութիւնն , ոչ ևս երկիւղ և ոչ երկմտութիւն , չիք ինչ որ նոցա զօրութեանն գիմակալեսցէ , և որք յառաջն երկրն չէին մեռանել ընդ նմա , այժմ երկնչին մի գուցէ յապաղեսցէ մահն իւրեանց վասն նորա . զիտեղով չափ զի ոչ առ այլ ինչ մեռանէին՝ բայց յառնել ընդ նմին և որպէս զնա փառօք . այս էր ահա որ 'ի զառանց յառիւծս զնոսա փոխակերպեաց , որով զմահ յաջ եղեալ ընդդէմ

Թշնամեացն ոգորեցան, և յամենայնէ մերկացին զան-
 ձինս: Այլ է և մեր առաքելոյն շաղաց զհետ զնա-
 ցեալ էր արհամարհեաք անշուշտ զհաճոյս և զվիշտս
 անցաւոր կենցաղոյս, և միանգամ զամենայն իսկ
 բարիս զոր խոստանայն մեզ աշխարհ պատրուական:
 Քանզի եթէ արդարեւ հասանէ ինձ յառնել յաւուր
 միում, և եթէ սերկեան յարութեանն Քրիստոսի
 հանդէս երաշխաւորէ իմումս յարութեան. հարկ է ինձ
 ՚ի վեր քան զամենայն ինչ համարել զայս իմանմահու-
 թիւն և զամենայն ինչ առ սոյն մերձեցուցանել, և ոչ
 ինչ իմիջ ցանկալ և փափաքել յաշխարհիս բայց որ ընդ
 իս անմահակիցն լինելոց է: Օայս եղեալ հիմն հա-
 ւատոցս՝ ապա ասեմ յանձն իմ. այս ճոխութիւնք ընչից,
 այսոքիկ փառք մեծութեանց և զգայական հաճոյք որք
 գերեն զմարդ յաստի կեանս, եկեսցէ՞ն արդեօք ընդ իս
 ՚ի հանդերձեալն: Այլ, պատասխանէ մարդարէն. ՚ի մե-
 ռանել մարդոյ ոչ ինչ ամենեւին յիւրոցն ընդ իւր տա-
 նիցի, և փառք նորա և մեծութիւն ընդ նմին ՚ի հոգ
 խոնարհեցին: Ի զուր և հոյակապ շիրմաց և մահար-
 ձանաց զանուանս նոցին յազդաց աղզս աւանդել. քան-
 զի ՚ի յարութեանն աւուր ՚ի դռել փողոյ հրեշտակա-
 պետին տապաստ անկցին զամբանքն և գերեզմանք՝ սնո-
 տի ապաւէնք զոր ամբարձ ունայնութիւն ամբարշտին
 ընդդէմ ոչեից՝ զորովք փարեցաւ ՚ի կեանս իւրում: Այլ
 յայնժամ զինչ ինչ մնացէ յայսքանեաց չբեղ հան-
 դերձանացն: Այս ելցեն յարիցեն և աշխարհասէրքն.
 այլ իբրեւ զօրավար ամօթահար ՚ի պարտութենէն որ առ
 անձանօթս ունելոյ զինքն թօթափէ յանձնէ զնշանակն
 պատուոյ և երթեալ խառնի ՚ի դաս սինքոր արանցն:
 Այլ անդանօր ոչ ևս սլատիւ ոչ ևս թագ և մեծութիւն
 աշխարհի, այլ յարիցեն ընդ մեզ գործք մեր միայն. և
 զինչ փոյթ է ինձ ապա զկենացս և զունայնութենէ
 աշխարհիս, եթէ ոչ ինչ յայնցանէ գտանելոց են ընդ իս
 ՚ի գերեզմանի և անդր ևս քան զչիրիմ տապանիս:

Յոյս յարութեան տայ մեզ արհամարհել զկեանս ևս
 և չարեօքն. քանզի և ուստ ուստեք իցէ մեզ զօրութիւն
 ՚ի տանել չարակրութեանց սակաւօրեայ կենացս, և
 ուստի էր խրախոյս քաջալերութեան նահատակացն
 քրիստոնէից. ահա ՚ի թատերս և ՚ի կրկեսս հնոց զհա-

ւատս յարութեան լսեմք քարոզեալ։ Յիսուս Վրիստոս յարեալ 'ի մեռելոց, ապա և մեք ընդ նմա յարիցուք. ապա մատերուք դահիձք, կտտեցէք զմեզ բռնաւորք ծարաւիք արեանս մերոյ. այո բառնայք 'ի մէնջ զմահւանացուս բայց ոչ և զանանցն զոր հուպ ընդ հուպ բերցուք 'ի ձեռս. ահա այս խորհուրդ վառէր բորբոքէր զնոսա 'ի վկայութիւն յարութեանն արեամբ չափ նա հատակել։ Վրանդի և զիմորդ մարթ էր անսասան կալ նոցա 'ի տեսիլ տանջանարանացն և գելոցաց. զիմորդ հնար էր ոչ միայն չիտովել այլ և զուարթ դիմօք 'ի հուր և 'ի սուր և յանիւս և 'ի մամուլս զանձինս մատնել. զիմորդ և որ 'ի կրկէսս ածէին ամեհի դազանացն պատրաստեալ կերակուր, ոչ միայն ոչ յետս նահանջէին, այլ և ինքնին իսկ դիմէին յարիւնազանդ ժանիս վազերց և առիւծուց. զիմորդ և որ 'ի կաթսայս եռացեալ և 'ի սանս ջեռուցեալս տապակէին՝ զքաղցրահոտադ զերգս վերառաքէին Վարձրելոյն. զիմորդ մարթ իցէ զանկանդ արիութիւն նոցին ընդ ընդաբոյս տկարութեան բնութեանս լծորդել։ Այլ այս ամենայն առ նոսա անցանէր, զի ամրապնդեալք էին 'ի հաւատս յարութեանն և անմահական կենդանութեան. զիտէին զի մարմինք նոցա թէպէտ և ցրուեալք և ցանեալք ցծազս աշխարհի, կամ յալս երկրի ծածկեալք և կամ յալիս ծովու խորասոյգք կամ թերևս յառիւծուց և յալոց զազանաց մարմինս ընդխառնեալք, և մոխիր նշխարացն ընդ օդս ցանեալք, այլ սակայն յաւուր միում 'ի մի վայր ժողովելոց էին, և զի Մտուած որ արարիչն էր մարմնոց ոչ միայն անթերի դարձուցանելոց էր զմարմինս նոցա առ նոսա, այլ և գերահրաշ փառօք պայծառացուցանել. որպէս ասէր և առաքեալն զի 'ի միւսանգամ զալտեան տեառն նորոգելոց էին մարմինք 'ի նմանութիւն մարմնոյ փառաց Որդւոյն Մտուածոյ։ Այլ զորօրի նաև Վրիստոս յետ յարութեանն պահէր զտեղիս բեւեռացն և զվէրս տիգախոց կողին, որք ոչ ևս յանարգութիւն այլ 'ի փառս և 'ի յաղթութիւն նմին համարէին, այսպէս և մարմնոյս մասունք որովք չարչարեցաքն լիցին մեզ 'ի փառս և 'ի շքեղութիւն, զի ցուցցեն մարտիրոսք զսսիս տանջանացն և շղթայից, խոստովանողք և անսպասականք զցոյցս խոտամբերութեանն և զա-

սրաշխարուծեան, և իւրաքանչիւր դաս սրբոց զիւրոց առաքինութեանցն զհանդէս: Ո՛վ գեղեցիկ և յուսադիր ճշմարտութեանս, որով միտիծարիմք 'ի հովտիս արտասուաց, որ ոչ միայն ուսուցանէ մեզ արհամարհել զառաջիկայ կեանս, այլ և մատամբ ցուցանէ մեզ զհանդերձեալսն:

Ըն ժամանակօք առաքելոց էին ոմանք արք խօթա միտք որ հարցեալ վասն յարութեան մարմնոց՝ կամէին իմն գիտել եթէ զիսորդ միւսանդամ 'ի կեանս վերադառնայցեն մեռեալք: Ընմիտք, ասէր նոցա վարդապետն հեթանոսաց, չտեսանէք զհատս զայս ցորենոց որ անկեալ 'ի հող թուի թէ մեռանի, այլ մեռանի նա 'ի նորոգատուր և յառոյգ կենդանութիւն, և որ յառաջն հատ մերկ, այժմ 'ի հասկս ատորցացեալ 'ի գեղ և 'ի զարդ պայծառացեալ. այս է ահա պատկեր կենաց մարդոց. այն ինչ ծնեալ, քանի առ ոտս նորա գերեզման, թաղի 'ի միւսանդամ կենդանութիւն. առուակ իմն է որ առ վայր մի խօխոջեալ և ծածկի, այլ միւսանդամ բղիւեսցէ անսպառելի. աստղ որ 'ի միջակէտ հասեալ երկնից անդրէն խոնարհի, այլ 'ի յառնէն միւսանդամ՝ անշիջանելի 'ի պայծառութեան իւրում միասցէ: Ըն յաւելու առաքեալն՝ զի թէ այսու կենօքս միայն յուսացեալ էաք 'ի Քրիստոս, ողորմելի էաք քան զամենայն մարդիկ. քանզի զինչ օգուտ էր ինձ թէ 'ի զազանա մարտի լեալ էի յԱրիստոս և արեամբ չափ նահատակեալ, և զինչ պէտք ուղեորութեանս ընդ ծով և ընդ ցամաք, զինչ և յաղթութիւնքս և մրցութիւնք եթէ չունէի յառնել 'ի նորափետուր կեանս. Ըն ինչ օգուտ իցէ եթէ մեռեալք ոչ յառնեն, : Ո՛չ ապաքէն երջան կազոյնք քան զմեզ էին դասք անասնոց անբանից. զի ոչ ինչ է որ նոցա հաճոյիցն զիմակալէ. ահա առիւծ զիւր կատաղութիւնն յազեցուցանէ յանտառս և յան ապատոս, արծուի 'ի թևս հողմոց հերձու զամպս վերինս, և մանրաճճիք 'ի մեղմիկ օդս թևածեն և 'ի հոյզ ծաղկանց կերակրին. արդ եթէ նոյն անգոյութիւն առաջի կայ մեզ, ընդէր նովին ազատութեամբ չվայելեմք: Ընթէ 'ի վախճանի մահ անյարիր առաջի կայցի, և քայլ մի ևեթ կենաց յորորանէն 'ի գերեզման, ոչ է բաւական ժամանակ 'ի ծանօթութիւն դալ օրինաց և

առաքինութեանց : Այնպէս որոյ ասէ սուրբն Մարգարէն, չդատու ուրեք ազգ նա և 'ի զիցսպաշտս անգամ որ ոչ ընկալցի կեանս իմն հանդերձեալս. և այնչափ ինչ է սէր մեր առ անձինս՝ զի չկարեմք հաւատալ եթէ յաւուր միում հասանիցէ 'ի սպառ և յաւիտեան մեռանել. և զգողանի հարկանիմք եթէ որ յանկարծ ասասցէ մեզ եթէ 'ի սպառ յանդոյութիւն դառնալոց եմք : Օ խորհ հաւատացից, ասէր իմաստասէր որ յելս իւր յաստեացս, եթէ հոգիս յետ ազատելոյ 'ի բանտէ մարմնոյս՝ կորն չիցի. միեթ գերի որ նուազագոյն յազատութեանն վայելիցէ 'ի խորտակել շղթայիցն կապանաց, և արեգակն նուազեալ 'ի պայծառութենէն 'ի թօթափել անդ զամսս մթադինս. և հոգի կաշկանդեալ 'ի նիւթական մարմնս, 'ի դտանել անդ զազատութիւն դադարեսցի յանմահն լինելոյ : Վիտեմք զի 'ի բնութեան ամենայն ինչ շարայարեալ կայ զօդիւք անլուծանելեօք. այլ 'ի բաց բարձեալ զանմահութիւն հոգոյն խզեսցի շղթայաշարն կապակցութիւն, դադարեսցէ դաշնակաւորն յարմարութիւն, չունիցին ինչէակք ընդ մարդոյ վերբերութիւն և ոչ մարդ ընդ Մատուծոյ, և յԱստուած ինքնին չերևի անձառ իմաստութիւն յառնելութեան անդ արարածոց, և առաքինութիւն անմահն 'ի վարձուց գտանի : Քանզի զինչ ինչ գուշակիցէ մերս հոգ և ինամք վասն հանդերձելոցն. զի ոչ շատանամք գովաբանութեամբք ժամանակակից մարդկանն, այլ կամիմք զի և ազգք հանդերձեալք զնոյն դրուատիս մեզ հնչեցուցեն. սրանայ հոգին 'ի դարս որ գալոց են, և կամիմք 'ի նոսին զանուանս մեր զըրոշմել և 'ի նոսին անմահանալ. կամիմք կեալ և գոլ յայնժամ մինչ դադարեալ է մերս գոյութիւն. ցնորք արդարև և ծփումն խելաց աւագելի, որ բնառ իսկ չանկանէր 'ի միտս մարդոյն՝ եթէ չէր յանմահութիւն ճակատագրեալ : Եւ զինչ այն պարզեւ զոր ետուն երկինք զմահկանացու կեանսդ 'ի փշաբեր և յանիծապարտ երկրիս, յորում քիրտն և վաստակ ելին քեզ 'ի բաժին ժառանգութեան, մինչդեռ այլք յարարածոց 'ի բերկրալիսն յօրանան. զինչ այս Մատուծոյ, զինչ վախճան մարդոյս : Յաւիտենականութիւն, յարութիւն և կեանք հանդերձեալք, դուք միայն զխորհուրդս զայս

կարէք պարզել և ցուցանել. և եթէ հաւատք անմահու
թեան հոգւոյ սուտ էր կամ կեղակարծ, ապաքէն չգտաւ
նէր այլ ճշմարտութիւն փարեկի մարդկութեանս քան
զայս ստութիւն: Գոյութիւն Մտածոյ, և անմահու
թիւն հոգւոյ գոչեն տիեզերք, այս հաւատք են և այս
բարբառ համօրէն արարածոց. արդի կեանս ոչ այլ ինչ
է՝ բայց ստուեր և պատկեր հանդերձելոյն որ մնան. այլ
զարթնունն ՚ի կեանս ապագայս սկիզբն է անսպառ
կենդանութեան. յայնժամ կեցցուք մեք յորժամ մահ
որպէս նոր ոմն Սամիսոն զսիւնս աշխարհիս [Թօթա-
փելով] ընդ փլատակաւ նորին թաղեալ մնասցէ:

Այլ աղէ ունկնդիրք իմ հաւատացեալք, սերկեան
տօնախմբութեանս խորհուրդ, տպաւորեսցէ ՚ի միտս
ձեր զյոյս հանդերձելոյն կենաց, և զմիտս ձեր և զսիրտ
՚ի վեր յերկինս ուղղեսցէ: Արդարն ՚ի կեանս յայսմ
լստ մարդարէին «Ազիցի որպէս ծառ որ տնկեալ է ՚ի
գնացս ջուրց», եթէ բանական մտօքն ճոխացեալ էր
ծառս, հարցաբանէ Աւանարդոս, զինչ առնէր նա ար-
դեօք. տեսանել տեսանէր զվտակս ջուրց՝ գետահետեալ
սրացեալ և լը ինքեանս վարեալ և զ[Թօթափեալ տերեւն
և զպտուղս. այլ ոչ թէ և ինքն զհետ հեղեղատար ուղ-
խիցն ընթանայր. այլ թողեալ զնոսին, որպէս և ենն,
ինքն ՚ի բարձունս անդ զոստոն արձակէր: Այս է ճիշ-
դրիտ պատկեր հաւատացելոյն. կայ նա առ եզերք աշ-
խարհի որ ուղիսօրէն ընթանայ, և տեսանէ զաւուրս և
զտարիս որք ընդ ալեացն հոսանաց վարեալ անհետանան,
այլ ինքն միշտ անսասան և ՚ի խնամն Մտածոյ տեսչու-
թեանն ապաստան, յերկինս զձեռս համբառնայ և ՚ի
յաւիտենականութիւն անդր զիղծս սրտին ուղերձէ:
Արանի մեղ եղբարք եթէ և մեր տենչք սրտից յայտ-
սիկ բերիցին ՚ի գերահրաշ տօնախմբութեան աւուրս.
և վկայք միանգամ որչափ ինչ չարչարեցաւ որդին
Մտածոյ առ ՚ի զանմահութեան պսակն մեզ շնորհե-
լոյ, և զմերսն ընդ նորա խառնել զվիշտս և զհեծու-
թիւնս, որպէս զի որք ընդ նմա մարտակից եղեաք և
պատերազմակից, ընդ նմին և փառաւոր յաղթու-
թեանն և սրակին լիցուք ժառանգորդք:

ՅՈՒՅԱԿ ՔԱՐՈՉԻՅ

Ա. Քարոզութիւն բանին Աստուծոյ	1
Բ. Խոկումն մահու. յառաջին առուր մեծի պահոցն	20
Գ. Փախուստ յառթից մեղաց	38
Դ. Բամբասանք	60
Ե. Գայթակղութիւն	84
Զ. Զբօսանք և խաղք	106
Է. Անժուժկալութիւն	117
Ը. Գիրք անբարիք և փնասակարք	134
Թ. Աւետարան և Քրիստոնեայ	150
Ժ. Ճշմարտութիւն կրօնի	164
ԺԱ. Հաւատք մեռեալ	194
ԺԲ. Հաւատք կենդանի	212
ԺԳ. Խոնարհութիւն հիմն Հաւատոյ	229
ԺԴ. Ողորմութիւն Աստուծոյ	251
ԺԵ. Փառք և պաշտօն Տիրամօրն. Ի տօնի Աւետեաց Կուսին	269
ԺԶ. Վիճակ աշխարհական, և սրբութիւն նորա	287
ԺԷ. Սէր ճոխութեան	306
ԺԸ. Կիրառութիւն ճոխութեան	321
ԺԹ. Ունայնութիւն առօրէիցս բարեաց	337
Ի. Դաստիարակութիւն որդւոց	359
ԻԱ. Ողորմածութիւն	378
ԻԲ. Իմաստութիւն քրիստոնէական	398
ԻԳ. Բարկութիւն	413
ԻԴ. Հեղութիւն	429
ԻԵ. Դատողութիւն	446
ԻԶ. Նախանձ	466
ԻԷ. Անմաքբութիւն	486
ԻԸ. Յարգութիւն սրբոց տաճարաց	507
ԻԹ. Մահ	525
Լ. Գոն հանդերձեալ կեանք	547
ԼԱ. Յարութիւն մեռելոց	573
ԼԲ. Ընդհանրական դատաստան	589
ԼԳ. Յաղագս սակաւութեան ընտրելոց	619

ԼԴ .	Յաւիտենականութիւն	643
ԼԵ .	Արքայութիւն	654
ԼԶ .	Սէր Աստուծոյ	672
ԼԷ .	Ճշմարիտ պաշտօն Աստուծոյ	691
ԼԸ .	Երկիւղ Աստուծոյ, և երկիւղ անձին	715
ԼԹ .	Սիրելի թշնամիս, և ներել	743
Խ .	Փորձութիւն	766
ԽԱ .	Խոստովանութիւն	782
ԽԲ .	Հաղորդութիւն . Ի տօնի Ծաղկազարդին	807
ԽԳ .	Ի չարչարանս Քրիստոսի . յԱւագ ուրբաթու	827
ԽԴ .	Զատիկ, Յարութիւն Տեառն	851



Վ Ր Ի Պ Ա Կ Ք



Լ.Ք	Տող	Վրիպակ	Ուղիղ
15	3	կենդանի	կենդանի
27	9	կերեալ	գերեալ
35	33	պատարազմեցայ	պատերազմեցայ
43	35	չղթայ_ շար	չղթայա_ շար
130	20	քաղաքավրութեամբ	քաղաքավարութեամբ
182	18	անձին ժուժկալութեան	սանձին ժուժկալութեան
207	33	դաւանեն	դաւանեն
224	13	առ 'ի բուժիլ և աճիլ	առ 'ի բուժիլ և աճիլ
225	36	զնոյն ունին	զնոյն ունին
265	10	զցնծութիւն դարձին	զցնծութեան դարձին
309	10	յօգտակարն. սէր բերկր. ... սէր մեծ" .	յօգտակարն : Սէր բերկր... Սէր մեծ" .
345	38	դատակնիք բամբասանս	դատակնիք , և բամբասանս
411	29	շատ ինս	շատ ինչ
433	22	անցաւորութեան	անցաւորութեան
440	31	որչափ	որ չափ
551	7	նախախնամութեամբ	նախախնամութեան
578	2	ընդ աւետարանչացն	ըստ աւետարանչացն
587	5	ընդ քրիստոնէականն	ըստ քրիստոնէականն
620	17	հաստատաւեալ	հաստատեալ
631	31	դատաւարտեսցէ	դատաւարտեսցէ
641	38	աշխարհէ աստի	յաշխարհէ աստի
652	9	'ի վերայ	'ի վերայ
659	10	ժամն բաղումն	ժամն բաղումն
662	8	հոգւոյն մարմնոյն	հոգւոյն և մարմնոյն
669	23	ճանապարհին , ոչ քա- րնդոսն	ճանապարհին , ոչ քար- նդոսն
671	19	'ի վիշտս մեր	'ի վիշտս ձեր
678	17	բնական ասպնջական	բաւական ասպնջական
716	34	հեպա միայն	հապա միայն
729	37	կշռել ճշգրտի	կշռել ճշգրտիւ
733	10	կեանք պատարազմի	կեանք պատերազմի
779	1	զիարդ օրինակս	զիարդ օրինակաւ
812	25	առաջադրութեան	առաջադրութեամբ
818	11	'ի բարեզարդութեանն	'ի բարեզարդութեանն

